


Yusugât Pat Âlep
Den



The New Testament in the Timbe Language of Papua New Guinea

Yusugât Pat Âlep Den
The New Testament in the Timbe Language of Papua New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

03f82704-6ad1-5094-a78e-e240d9f2d4f8

Contents

Yesugât Pat Âlep Den	1
Mataio	2
Mareko	53
Luka	83
Yohane	135
Aposolo	172
Roma	224
1 Korinti	245
2 Korinti	268
Galatia	284
Epeso	292
Pilipi	300
Kolosai	306
1 Tesalonike	312
2 Tesalonike	317
1 Timoteo	320
2 Timoteo	326
Tito	330
Pilemon	333
Hebraio	335
Yakobo	353
1 Petoro	360
2 Petoro	367
1 Yohane	371
2 Yohane	377
3 Yohane	378
Yuda	379
Den hulan agep	381
Bible reading	407

Yesugât Pat Âlep Den
The New Testament in the
Timbe language of Papua
New Guinea
Nupela Testamen long
tokples Timbe long Niugini

Yesugât Pat Âlep Den

The New Testament in the Timbe
 language of Papua New Guinea
 [tim]

Translation, © 1987, Wycliffe Bible
 Translators, Inc.

Print publication, 1987 by Bible League
 International

Web version
 © 2014, Wycliffe Bible Translators, Inc.
<http://www.Wycliffe.org>

<http://pngscriptures.org>

<http://www.ScriptureEarth.org>

This translation is made available to you
 under the terms of the Creative Commons
 license (Attribution-Noncommercial-No
 Derivative Works).

<http://creativecommons.org/licenses/by-nc-nd/3.0>

Your are free to share — to copy, dis-
 tribute and transmit the text under the
 following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats,

as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri.** Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating.** Na tu, **yu no ken senisim Tok.**

Ol piksa i kam wantim ol Baibel na narepela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.**

Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela.**

Esenje ire ekjet

esenje

Mataio

Yesugât hakulupne yâk yengât kot.

¹ Yuda luâk âmbâle areyengât hakuyeje kotje Abraham yâkgât bâgije siâ kotje Dawidi aregât bâgije siâ kotje Yesu Anutuje hungunanjo giep amâ yâkgât hakulupne are kotyene hin. ² Ulik ulik luâk kotje Abrahamje nanje kotje Isaka miep. Isakanje humo akmâ âmbâle mendo nanje kotje Yakobo miep. Yakobone humo akmâ âmbâle mendo nanje kotje Yuda miep. Akto nananlupne siânba meyegep. ³ Akto Yudanje humo akmâ âmbâle kotje Tama erânje mendo nanlogâtje lâuwâ meyelegep, ketyetje Perese akto Sera. Akto Pereseje humo akmâ âmbâle mendo nanje kotje Hesoronj miep. Hesoronje humo akmâ âmbâle mendo nanje kotje Ram miep. ⁴ Ramje humo akmâ âmbâle mendo nanje kotje Aminadaba miep. Aminadabanje humo akmâ âmbâle mendo nanje kotje Nasonj miep. Nasonje humo akmâ âmbâle mendo nanje kotje Salamonj miep. ⁵ Salamonje humo akmâ âmbâle kotje Rahaba mendo nanje kotje Boasi miep. Boasije humo akmâ âmbâle kotje Ruti mendo nanje kotje Obede miep. Obedeje humo akmâ âmbâle mendo nanje kotje Yese miep.

⁶ Yesene humo akmâ âmbâle mendo nanje kotje Dawidi miep. Dawidije luâk kotdâ akmâ malep. Sop ain Dawidije Urigât âmbâle kambut mendo nanje kotje Salomo miep. ⁷ Salomonje humo akmâ âmbâle mendo nanje kotje Rehabeam miep. Rehabeamje humo akmâ âmbâle mendo nanje kotje Abia miep. Abiane humo akmâ âmbâle mendo nanje kotje Asa miep. ⁸ Asanje humo akmâ âmbâle mendo nanje kotje Yosapata miep. Yosapatanje humo akmâ âmbâle mendo nanje kotje Yoram miep. Yoramje humo akmâ âmbâle mendo nanje kotje Usia miep. ⁹ Usianje humo akmâ âmbâle mendo nanje kotje Yotam miep. Yotamje humo akmâ âmbâle mendo nanje kotje Ahasi miep. Ahasine humo akmâ âmbâle mendo

nanje kotje Hisikia miep. ¹⁰ Hisikiane humo akmâ âmbâle mendo nanje kotje Manase miep. Manaseje humo akmâ âmbâle mendo nanje kotje Amonj miep. Amonje humo akmâ âmbâle mendo nanje kotje Yosia miep. ¹¹ Yosiane humo akmâ âmbâle mendo nanje kotje Yekonia miep. Akto emilupne meyegep. Akto sop ain kepia humo kotje Babilonj aregât ambolupnande togom Yuda luâk hikom meyegi. Akto luâk âmbâle meyekmâ purik katmâ kewuguyekbiâ Babilonj kepien arim honj bawa akyengim mali.

¹² Babilonj hânân mali aregât kakjân Yekoniane âmbâle mendo nanan kotje Salatje miep. Salatjeje humo akmâ âmbâle mendo nanje kotje Serubabe miep. ¹³ Serubabeje humo akmâ âmbâle mendo nanje kotje Abiudu miep. Abiuduje humo akmâ âmbâle mendo nanje kotje Eliakim miep. Eliakimje humo akmâ âmbâle mendo nanje kotje Aso miep. ¹⁴ Asonje humo akmâ âmbâle mendo nanje kotje Sadoko miep. Sadokone humo akmâ âmbâle mendo nanje kotje Akim miep. Akimje humo akmâ âmbâle mendo nanje kotje Eliudu miep. ¹⁵ Eliuduje humo akmâ âmbâle mendo nanje kotje Eleasa miep. Eleasane humo akmâ âmbâle mendo nanje kotje Matan miep. Matanje humo akmâ âmbâle mendo nanje kotje Yakobo miep. ¹⁶ Yakobone humo akmâ âmbâle mendo nanje kotje Yosepe miep. Are humo akmâ Mariagât dâtâje dâmbiâ malep. Akto Marianje Yesu miep yâk âmâ, “Anutuje hungun anjo giep.” hain dâmaen. ¹⁷ Akto hain miawakmâ gayi, are Abraham yâkgâlânba miawakmâ gam Dawidi miawagep are luâk kâmotje kâmotje miawakmâ gambiâ gambiâ luâk kâmotje 14 agep. Akto luâk kotje Dawidi ainba gam Babilonj hânân mali are âmâ luâk kâmotje kâmotje miawakmâ gambiâ gambiâ akai hainâk 14 agep. Akto ainba gam Anutuje nanje Kristo hungun anjo gem hânân miawagep are âmâ kâmotje kâmotje miawakmâ gambiâ gambiâ akai hainâk 14 agep.

Yesu miawagep.

¹⁸ Akto Anutuŋe Yesu Kristo huŋgunanjo gem Mariagât tepnân meawakto Mariane miap aregât keiŋe amâ hin tatâp. Memene Maria amâ Yosepegât dâtâŋe malep. Ikiŋeâk ikiŋeâk manbela amâ Anutugât Wâtŋande memene aganjo luâkŋe olop bo peniaŋgim maliat. Yân potalakmâ manbela amâ tepŋe agep. ¹⁹ Tepŋe agep aregât Yosepeŋe Anutugât den lokom malepgât biwiŋande hin nâŋgâep, “Nâŋgât dâtâŋe luâk siâŋe miap gârâmâ luâk unduwâk dewunyeŋân watere aŋun aŋgiwop dâm aregât yoŋâk watbe.” hain nâŋgâep. ²⁰ Hain akmâ benŋe aregât nâŋgâm mando asiŋân Humogât aŋelo siâŋe hin dâm maganep, “Yosepe gâ Dawidigât hakuŋe hin makŋiŋdere nâŋgâ. Anutugât Wâtŋande meme aganjo Maria tepŋe aktâp aregât memberâm hanâk han lâuwâ bo akben. Hanâk oloŋmâ emetgân katmâ siân memben. ²¹ Dâ hinŋe amâ bo mendâlân Anutugât Wâtŋande meme aganjo nanŋe membiap amâ yâkgât kotŋe Yesu dâm konben. Akto kot aregât keiŋe hin. Yâkgât kâmot bâleŋe akmai aregât dosa pulimbo aregât Anutuŋe yekto huraguwiap.” Aŋeloŋe hain dâm maganmâ hepulep. ²²⁻²⁵ Hain dâm maganmâ hepundo Yosepeŋe agatmâ den are lokom Maria gala aganmâ malep. Hain mando nanŋe mendo Yosepeŋe kotŋe Yesu dâm kolep. Akto ainba peniaŋgim maliat. Akto Anutuŋe aregât keiŋe miawagâk dâm ulikŋân makto Propete siâŋe hin kulemgoep, “Âmbâle sigan siâŋe nanŋe siâ membiap aregât kotŋe Imanue dâm konbai.” dâm kulemgoep. Kot aregât keiŋe amâ hin, Anutuŋe nen olop manmap.

2

Luâk nâŋgâ nâŋgârâŋe Yesu nanan togomegi.

¹ Luâk kotdâ siâ kotŋe Herote are malep sop ain Maria akto Yosepe Betelehem kepia Yudaia hânân talewân ain manbela Mariane Yesu miap. Mendo manbiâ luâk nâŋgâ nâŋgâyeŋe olop diâgât keiŋe nâŋgâyeŋe dewutâ gaganâŋenba togom Yerusalem kepia Yesu miawagep aregen togom ambolupŋe aiyenŋum hin dâyi, ² “Nanan siâ Yuda yeŋgât kembu

miawagep aregât diâ kâmŋe dewutâ gaganâŋen ain miawakto ekten. Ekmâ kotŋe mem agatne dâm diâ watmâ hân kâlewâŋenba togoen aregât emet yâten miawaktâp?” hain dâyi. ³ Hain dâmbiâ luâk kotdâ Herote arekŋe hamep akto kepia ambolupŋande nâŋgâm sân sân meyi. ⁴ Akto Heroteŋe sumbe kat kat luâk areyeŋgât humomolupyŋe akto Mosegât den kârikŋe makmâ kepiŋi are mem mendugu yekmâ hin dâm aiyenŋuep, “Yeŋe Anutuŋe huŋgunanjo gewiap arekŋe kepia wânâŋen miawakbiap dâmai?” hain dâm aiyenŋuep. ⁵⁻⁶ Hain dâm aiyenŋumbo hin dâyi,

“Anutuŋe makto propete siâŋe hin kulemgoep, “Luâk kembu siâ Betelehem kepia bâlensiâ Yudaia hânân talewân ain miawakbiap. Miawakmâ manmâ nâŋgât kâmot Israe luâk âmbâle yeŋgât kautyeŋe manmâ damunyeŋe akbiap aregât Betelehem kepia bâlensiâ aregât nâŋgâmbiâ agatbiap.” den hain kulemgoep aregât Anutuŋe huŋgunanjo gewiap yâkgât hin nâŋgâen Betelehem kepiân Yudaia hânân miawakbiap.” dâyi.

⁷ Den hain dâmbiâ Heroteŋe nanan are homban amon agep aregât nâŋgâwerâm luâk nâŋgâ nâŋgâyeŋe olop diâ keiŋe nâŋgâyi are yoŋâk mem oloŋyegep. Oloŋyekmâ diâ miawagep aregât sopgât aiyenŋuep. Aiyenŋumbo sop maganbiâ hin makyenŋiep, ⁸ “Betelehem kepia ain ariŋet. Ain arim yeŋe kârikŋe akmâ nanan are undâgâtmâ mem miawakmâ amâ togom kepia yâgâten miawagep are makniŋbiâ nâkâ hainâk arim amâ kotŋe mem agatbian.” dâm heyenŋiep.

⁹ Hain dâm heyenŋimbo ariyi. Dâwân arim dewutâ gaganâŋen hân yeŋâŋen diâ kâmŋe are miawakto egi are siâkâ miawakmâ pagaleŋe yeŋimbo watmâ arimbiâ nanan talep aregât emet kakŋân kârigem talep. ¹⁰ Tato ekmâ aregât kambiamyeŋe herone humo nâŋgâyi. ¹¹ Akto emelan âgâm Mariane nanŋe tambogo akmâ tato yelemekmâ nanŋe okot âlep aganmâ pâwutyŋe ligim kotŋe mem agali. Mem agatmâ ito lândem katmâ tâwât dewunŋe siâ me siâyeŋe mem togoyi

are akto goli akto lâwin hâkne âlepne are akto lâwin hâkne siâ siâ are wanj. ¹² Wanmâ tatmâ asinj yem hin egi. Anutuñe Herotegâlân bo purik katnet dâm asinjân miawakymbo agatmâ dâp siângenba purik katmâ kepiayenângen ariyi.

¹³ Purik katmâ arimbiâ Yosepeñe asinj yendo Kembangât anelo siâñe miawaganmâ hin dâm maganep, “Nângât. Heroteñe Mariagât nanñe moâk dâm komberâm aregât undâgâtmandâp aregât agatmâ nananj menâi meyelekmâ Aigita hânân arim nângât dengât lâmgom manben.” dâep. ¹⁴ Hain dâmbo Yosepeñe agatmâ nananj menâi meyelekto hândâkñânâk Aigita hânânngen agatmâ ariyi. ¹⁵ Akto ulikñân Humoñe den siâ propete siâgât biwiñân kato kulemgoep are hin, “Nâñe nanne konmâ olonñdere Aigita hân hepunmâ purik katmâ togowiap.” den are bunñe agep aregât Yosepeñe Herote mombiawân âmâ purikatbian dâm Aigita hânân lâmgom malep.

Heroteñe makto nananj gurukne yenñguyi.

¹⁶ Akto luâk diâgât keiñe nângâyine Herote are bo miawaganmâ arimbiâ nângâm biwiñe bâlimbo kuk agep. Akto luâk diâ keiñe nângâyine Kotdâ Nanñe miawagep aregât sop dâm miawakmâ maganji aregât nângâm tembe luâklupne are hunñun yenñgimbo Betelehem kepia ain ariyi. Arim are ewumâk ewumâk kepia bâleñ maleñ tali ain nananj miawagi are hombanj lâuwâ bo akyenñgiep are hârogâk yenñgumbiâ moyi. ¹⁷ Akto emelâk propete Yeremiañe den hin kulemgoep are bunñe agep,

¹⁸ “Siân âmbâle siâ kotñe Rahe yâkgât hakulupne Rama kepiân manbai are siânbanje nananj lupyene yenñgumbiâ mombai aregât nângâm inde humo indewai. Aregât luâk âmbâle bikñande kambiamyene sândugeâk dâm okot âlep akyenñgimbiâ kambiamyene bo sândugewiap.” hain dâm kulemgoep.

Den are bunñe akto Heroteñe makto nanlupyene yenñgumbiâ memelupyene Rama kepiân Betelehem ginñân talep ain indeyi.

Herote mondo purik katmâ togoyi.

¹⁹ Akto Herote mondo, Yosepe Aigita hânân manmâ giwet ekto Humogât anelo siâñe miawakmâ den hin maganep, ²⁰ “Emelâk gasa akyenñgim Mariagât nanñe kone dâm agi are hârok moyigât agatmâ nananj menâi meyelekmenâ Yudaia hânân purik katmâ arinjet.” dâep. ²¹ Hain dâm hepundo Yosepeñe nananj menâi are meyelekto Yudaia hânân purik katmâ togoyi. ²² Purik katmâ togombiâ den hin dâmbiâ Yosepeñe nângâep, “Herote are mondo nanñe kotñe Akelao are ewenjaet gewâkñân kinmâ Yudaia yenñgât luâk kotdâ mandâp.” dâmbiâ nângâep. Den are nângâm hamewakmâ Yudaia hân ain manberâm han lâuwâ agep. Hain akto giwelân Anutuñe miawaganmâ maganjo Yudaia hân hepunmâ Galilaia hânân ariyi. ²³ Galilaia hânân arim kepia siâ kotñe Nasarete ain arim mali. Ain arim manbiâ aregât umbunñân Anutugât propetelupñande den kulemgoyi aregât bikñe hin tatâp, “Yâk âmâ Nasarete kepia ain gâtñe.” hain tatâp. Den are bunñe akto Yesuñe Nasarete kepiân malep.

3

Yohanene âi keiñe katmâ den dâm makyenñgiep.

¹ Aregât hamiñân Yohane tu puli puli luâk yâkne âi keiñe katmâ Yudaia hân kamitñângen arim mando luâk âmbâle ekberâm arimbiâ hin dâm makyenñgiep, ² “Anutuñe damunyne akberâm aktâp aregât agak memeyene bâleñe makmâ miawakmâ panmâ han biwiyne purik katnet.” hain dâm makyenñgiep. ³ Akto ain manmâ den dâm makyenñgimbo aregât emelâk propete kotñe Yesaianje hin kulemgoep den are bunñe agep.

Hân kamitñângen luâk siâ hin dâm tatbiap, “Ye kotdâgât dâp are megatnet. Akto gimbanje ukulene me kundet kokone hâgâm kigilikmâ ârândân ketugumbiâ dâp huraguâk.”

Den magep are bunñe miawakto Yohane miawagep.

⁴ Akto Yohanene âmâ hâk pekeñe siâ sonjo kamele aregât dumutñande

mendugum paruli are mem luguakmâ malep. Akto himbân tâkne siâ lalep. Akto sotne âmâ mumak koaje akto duki kotne kendemuñ are nem malep. ⁵ Hân kamitjângen are mando Yudaia hân ambolupne akto Yerusalem aregât ambolupne akto Yodañ tu biken biken tatmâ ariyi aregât ambolupñande kepia ainba denne nângâne dâm yâkgâlân togom menduguyi. ⁶ Mendugu akmâ tatmâ yeñaet agak memeyene bâlene are makmâ miawakmâ panbiâ meyekmâ Yodañ tuân meyekmâ gem tu puliyekminep.

⁷ Akto Parisaio akto Sadukaio are yengât kâmolân gâtne luâk âmbâle dondâne tu pulinenegâk dâm yâkgâlân togombiâ yekmâ hin dâm makyengiep, “Ye âmâ niambigât kâmot. Bundâk biwiyene purikato togoâi me? ⁸ Agak memeyene bâlene are panbiâ âmâ han biwiyene Anutugâlânâk kindo aregât bunne hainare âlepneâk akmâ biwiyene irakneâk manñet. ⁹ Akto biwiyenande hin bo nângâñet, “Nen Abrahamgât kâmot manden.” hain bo nângâñet. Aregât maktere nângâñet. Anutune dâwiap, “Kât irekne Abrahamgât kâmot miawakñet.” dâambo âmâ âlepne miawakbai. ¹⁰ Akto hâune ye yengiwip, aregât den ginne siâ maktere nângâñet. Luâk siâne unam are emelâk dâtne hâwim lâwin keñân kalep are lâwin siâ bunne bo yendo kârâm pando gembo kâlâwân ombiâ ombiap.

¹¹ Akto agak memeyene bâlene makmâ miawakmâ hepunbiâ âmâ biwiyene Anutu ikinjaelân ari kindo aregât nâne tuân katyekberân. Hain katyekmâ mandân are âmâ luâk siâ haminângen togom mandâp aregât kârikne humo talañdâp. Yâk âmâ luâk Kotdâ. Dâ nâmâ luâk yânne aregât nâne yâkgât ito are mem gâunmâ goliangbeangât dopne bo. Yâkne âmâ Anutugât Heak akto kâlâp puliyekbiap. ¹² Yâk gagap urutbiapgât mem togom sot koko welamne ain gagap urutmâ heñgemgom âmâ sot bunneâk kepilâm emelan kato tatbiap. Dâ gagapne âmâ urutmâ ondo kâlâwân ombiap.” hain dâep.

Yohanene Yesu tu puliep.

¹³ Sop ain Yesune Galilaia hân hepunmâ arim Yodañ tuângen ariep. Arim Yohanene tu puli negâk dâm ariep. ¹⁴ Arim Yohane maganjo Yohanene nângâmbo umatne akto Yesugât den are mem ge katbe dâm hin dâep, “Gâne nâ tu pulinekberâm nângâlân togoât are ârândâñ bo aktâp. Gâne âmâ nâ tu pulinekmenâ dâine ârândâñ akbop.” ¹⁵ Hain dâambo dâep, “Uñak Anutune nângâp aregât nângâmenâ umatne bo agâk. Akto netne Anutugât den lokoetne aregât Anutune nângâmbo ârândâñ akberâp.” hain dâep. Hain dâambo Yohanene nângañep. ¹⁶ Nângañmâ tu pulimbo agatmâ âgâmbo ainâk himbim dâpne pâronj âgâmbo Anutugât Heak arekne lâut kotne kembâ hain are akmâ Yesugât kakñân gembo egep. ¹⁷ Gembo ainâk himbimânba Anutune den siâ hin dâep, “Ekñet. Imâ nângât nanne. Kambiamne are yâkgâlâk nângâm manman aregât ekmâ ukenne nângân.” dâep.

4

Hiangi Amboñande Yesu dop kombo âmâ Yesune kârikne agep.

¹ Akto sinduk baniara bâlene yengât humoyene Hiangi Amboñe arekne Yesu biwine dop kowerâm agep aregât Anutugât Heakne Yesu oloñdo hân kamitjângen ariep. ² Ain arim sot bâlâk mando hilâm hândâk 40 bo akto mopne dondâ aguep. ³ Mopne agumbo âmâ Hiangi Amboñe arekne yâkgâlân arim hin magañep, “Gâ bunne Anutugât nanne mandât akto mopge aguâpgât makmenâ kât irekne sot akto ne.” hain dâm magañep. ⁴ Maganjo Yesune hin dâep, “Bo. Anutune den hin makto kulemgoyi are yendâp, “Luâkne sotgâlâk dâm mando âmâ manmanne bo miawakbiap. Anutugât denne mem lokomâk mando manmanne ârândâñ akbiap.” hain kulemgoyi.” dâep. ⁵ Hain dâambo Yesu mem Yerusalem kepia humoân sumbe kat kat emetne talep aregât bokñân oloñdo âgâep. ⁶ Âgâ kato kindo hin dâm magañep, “Anutune makto siâ hin kulemgoyi tatâp, “Anutune kâlân gugum keige hârewopgât añelolupne huñgun yengimbo mengekbiâ bo guguwerâp.” den hain tatâp aregât gâ Anutugât nanne mandân dâmat

amâ inba sopanmenâ anelone mengeknet.”
 dâep. ⁷ Dâambo Yesune dâep, “Bâe. Hain
 bo. Anutune makto siâne hin kulengoep,
 “Anutu Humoge bo dopkowen.” Den
 hain tatâp aregât lauge bo lokowerân.”
 dâep. ⁸ Hain dâambo mem gimbâne kâlep
 siân oloŋdo âgâep. Âgâm kindo ain hânne
 hânne luâk kâmotne kâmotne kotdâlupyeŋe
 manmâ ariyi are yengât kotne egâlian
 siâ siâ keiŋe keiŋe are hekalanmâ hin
 dâep, ⁹ “Nâne ire hârok damunyeŋe akman.
 Aregât gâ ga okotnân kinmâ ulit niŋmâ
 nângât nângâmenâ agato damunyeŋe kat
 gektere damunyeŋe akbiat.” dâep. ¹⁰ Hain
 dâm maganŋo Yesune hin dâep, “Bâe. Hain
 bo. Anutune den siâ hin dâep are tatâp,
 Anutu Humoge konok gala aganmâ hoŋ
 aganmâ akto ikeŋe den lokoanmâ kotne
 mem agatben. Den hain tatâp aregât
 ya maktât are bo lokowerân. Hianŋi
 Amboŋe, gâmâ hepun nekmâ ari.” dâep.
¹¹ Dâambo hepunmâ ariep. Arimbo Yesu hân
 kamitnângen tato anelolupne togom hoŋ
 aganmâ tângoyi.

*Yesune Galilaia hânân ari manmâ Anu-
 tugât den dâm makyenŋim malep.*

¹² Akto aregât kaknân hân aregât luâk
 kotdâ Heroteŋe dâambo Yohane mem lope
 kâlegen katbiâ talep aregât pat Yesune
 nângâm Galilaia hânângen ariep. ¹³ Ain
 arim âmâ Nasarete kepia are hepunmâ
 Kapanaum kepia ain arim tatmâ malep.
 Akto Kapanaum kepia ain dengân humo
 siâ kotne Galilaia dengân aregât dâtŋân
 tatmap. Akto dengân are hân lâuwâ ko-
 tyetne Sebulon akto Naptali are yetgât
 ginŋân tatmandat. ¹⁴ Akto Yesune kepia
 ain ariep aregât emelâk Anutune dâambo
 propete Yesaianŋe den hin kulengoep are
 bunne agep,

¹⁵ “Sebulon akto Naptali hân are Galilaia
 luâk âmbâleŋe Anutu bo nânganmai
 yâk yengâlai dengân akto Yodaŋ
 tu biken tatmandat. ¹⁶ Areyetgât
 ambolupnande Anutugât bonângâm
 manmai. Hain manbiâ biwiyene gisap
 agum hândâgân yendo pagalenjande
 siliŋ siliŋ dâm ewuyekto biwiyene
 pâronŋ âgâwiap. Akto ain hilip aguwai

aregât pat katyengiep yâk yengâlân
 pagaleŋe humo miawakto biwiyene
 pâronŋ âgâwiap.”

den are hain tatâp. Den are bunne mi-
 awakto Yesune ain malep. ¹⁷ Ain manmâ
 keiŋe katmâ hin dâm makyenŋiep, “Anu-
 tune damunyeŋe akberâm aktâpât agak
 memeyeŋe bâleŋe makmâ miawakmâ hep-
 unnet.” hain dâm makyenŋiep.

¹⁸ Akto sop ain arim Galilaia bât gum
 ginŋân arim luâk lâuwâ emi teu inŋan
 oloŋmâ manbela yelegep. Siâ âmâ kotne
 Simon kotne siâ Petoro akto emiŋe âmâ
 Anderea yâkne wanŋan kinmâ ŋalu ŋalu
 are bât gumân inŋangât panmâ kiliat. ¹⁹ Akto
 Yesune yelemâ hin dâm makyetkiep,
 “Yetne nângâlân gambela arine. Hinne
 âmâ inŋangât âi mendat. Dâ nâne âmâ
 tânyetkure luâk nângât kâmot akbaigât
 âi membiandat.” dâep. ²⁰ Hain dâambo
 ainâk dowâk wan me wan hârok hepunmâ
 Yesu olop arimbela mali. ²¹ Akto arim
 âmâ emiteu lâuwâ mem miawakyelegep
 kotyetne Yakobo akto Yohane yâk Yebe-
 daiogât nanlogâtne. Eweyetne olowâk
 wanŋan tatmâ ŋalu ŋalu inŋangât are mem
 parutmâ heŋgemgom kili. ²² Kinbiâ Yesune
 yetkondo dowâk wanŋanba gem eweyetne
 hepunbela Yesu olop ariyi.

²³ Akto Yesu Galilaia hân are hâlân mâ
 kepia bâleŋ bâleŋ den emetne talewân
 ain âgâm Anutune damunyeŋe akberâm
 agep den pat âlepne aregât keiŋe dâm
 makyenŋiep. Akto luâk âmbâle kundat
 keiŋe keiŋe agi are hârok heŋgem yenguep.
²⁴ Hain akto den pat arekne Siria hânângen
 sambelem arimbo nângâm âmâ luâk
 kundat agi akto hâk hilâlâm olop mali
 are kâmotne kâmotne mem yâkgâlân oloŋ
 yekmâ togoyi. Akto sinduk banianŋe
 mem bâliyegi are akto dewun biri akmâ
 mali akto luâk kei bâtyeŋe bâli bâliŋe
 are meyekmâ yâkgâlân togombiâ hârok
 heŋgem yenguep. ²⁵ Akto Galilaia hân akto
 kepia bêt bip hârok ain tali kotyeŋe
 humo siâ Dekapoli dâm koli are akto
 Yerusalem akto Yudaia hân akto Yodaŋ
 tu biken ain luâk âmbâle kâmotne kâmotne
 mindugu akmâ Yesugâlân togoyi.

5

Yesuŋe gimbiŋân miti makyenŋiep.

¹ Akto Yesuŋe luâk âmbâle kâmot humo are yekmâ âmâ gimbiŋe siân âgâep. Âgâ tato âmâ âi luâklupŋe ginŋân gambiâ ² den hin dâm makyenŋiep, ³“Biwiyeŋande yeŋaet nâŋgâmbiâ gembo nen luâk yânŋe manden hain nâŋgâmai amâ Anutuŋe are yeŋgât nâŋgâm himbimŋât pat emelâk yeŋgiepŋât aregât biwiyeŋe herone agâk. ⁴ Akto bâleŋaet nâŋgâmbiâ biwiyeŋe bâlimbo indem manmai are Anutuŋe hâmbâi mem sândukŋân katyekbiap aregât kambiamyeŋe herone akto manbei. ⁵ Luâk lumbeŋe manmai yâk yeŋgât nâŋgâre âlepŋe akmap. Yâkŋe hân hârokgât ambo akbai aregât biwiyeŋe hinŋe herone agâk. ⁶ Akto bikŋande sotgât tugât umburuk akmâ âmâ tu sot aregâlâk nâŋgâmbiâ humo akmap dop hainâk âlepŋe aknegât nâŋgâmbiâ humo akmap yâk âmâ tepyeŋe pikto sândugewiap aregât biwiyeŋe hinŋe herone agâk. ⁷ Akto luâk âmbâleŋe yeŋgumbiâ hâuŋe bo memai amâ akbiâ âlepŋe akmap amâ Anutuŋe hainâk âlepŋe akyenŋewiap aregât biwiyeŋe herone agâk. ⁸ Akto biwiyeŋe Anutu gâlânâk kinmâ kau kau akto ikinŋe denŋe lokom biwi lâuwâ bo akmâ manmai are âmâ Anutu dewunyeŋande ekbai aregât biwiyeŋe herone agâk. ⁹ Akto biwiyeŋande gala konok manne dâmai are Anutuŋe meyekmâ, “Nune nanne baratne.” dâmap aregât biwiyeŋe herone agâk. ¹⁰ Akto Anutugât den lokom manbaen dâmbiâ gasalupyenŋande kuk akyenŋimai aregât hanâk denŋe lokom manmai are yeŋgât Anutuŋe damun nenŋe akmap aregât biwiyeŋe herone agâk. ¹¹ Akto nâŋgât akmâ manmai are hâk hilâlâm yeŋgim den bâleŋe makyenŋim hâkyeŋe tunmai. ¹² Hain akyenŋimbiâ âmâ ainâk hin nâŋgâwai, “Ulikŋân Anutugât propetelupŋe are siânbaŋe hanâk bâleŋe akyenŋiyi dop hainâk hinŋe hainâk bâleŋe aknengimai aregât siân hâuŋe âlepŋe manmâ himbimân membaen.” dâmai aregât biwiyeŋe herone agâk.

Kâtembe aregât dop.

¹³ Akto aregât den ginŋe makyenŋire nâŋgâŋet. Nen âmâ kâtembe mem sot kakŋân katenŋe ukenŋe akmap aregât dopŋe hainâk akmâ yeâmâ luâk âmbâle hut yeŋân manmai. Akto kâtembe are ukenŋe. Gârâmâ bo damunŋe akbiâ âmâ pâlâmŋe akto âmâ gain gain lâuwâŋe ketugumbiâ ukenŋe lâuwâŋe akbiap? Are bo agakŋe. Arekŋe hin me hain agakŋe bo tatâp amâ yân kâim panmâ keinenŋande tâlimaen.

Kemdâ pagaleŋe aregât dop.

¹⁴ Akto ye luâk âmbâle hânŋe hânŋe manmai are yeŋgât ululunŋe mandâi. Kepia humo siâ gimbiŋe tek tekŋân tatmap are heambukbiapŋât dop bo tatâp. ¹⁵ Akto kemdâ are gaunmâ katmâ âmâ bo mem heambukmaen are tek tekŋân katenŋe om pagalemba emet ambolupŋande pagaleŋe yeŋgimbo tatmâ manmai. ¹⁶ Aregât kemdâ pagaleŋe omap dop hainâk yeŋe Anutugât den lokom agak memeyeŋe âlepŋeâk akmâ manbiâ luâk âmbâle yânŋande yekbiâ ârândân akto Eweyeŋe himbimân manmap aregât kotŋe nâŋgâmbiâ humo akbiap.

Yesuŋe Mosegât akto propete yâk yeŋgât den bo komberâm giep.

¹⁷ Akto siâ makbe. Yeŋe âmâ nâŋgâ yâkgât hin dâmai me bo? “Moseŋe den kârikŋe kulemgoep are akto propete yâkŋe den kulemgoyi are komberâm aktâp.” Nâŋgât hain nâŋgâmai me? Nâŋe âmâ propete yeŋgât den are komberâm bo geân. Bo kârikŋe. Nâŋe are yeŋgât den lokore bunŋe agâkgât geân. ¹⁸ Nâ bundâk makyenŋiwe. Hân himbim yembiandat dopŋânâk den kârikŋe yem âgâwiap. Ulikŋe siâ yem tik panbiapŋât dopŋe bo. Are hârok bunŋe olowâk miawakmâ metewiap. ¹⁹ Aregât luâk siâŋe den kârikŋe konok pânŋe siâ are loŋgaim âmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimŋât kâmolân dewatim luâk gegeŋe manbiap dâwaen. Hain gârâmâ luâk siâŋe den kârikŋe are lokom manmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimŋât kâmolân dewatim âmâ luâk humo manbiap dâwaen. ²⁰ Aregât makyenŋire nâŋgâŋet. Yeŋe âmâ Anutugât

den lokom manmâ Mosegât den kârikje makmâ kepikmai are akto Parisaionje wan me wan âlepje akmai are bo ewangim âmâ himbingât kâmot bo akbai.

Kuk bo akbaen.

²¹ Bâgilupnenjande den hin dâm kali, “Gâje luâk siâ bo komenâ mombiap. Dâ hain akbiat âmâ Anutunje denân katgekto dosa membiat.” hain dâm kali. ²² Hain gârâmâ nâje âmâ maktere nângânet. Luâk me âmbâle siâje galaŋaet kuk nânganbiap are Anutunje denân katbiap. Akto luâk siâje galaŋaet nângâmbo gemap are humomolupyenande menduguyekmâ dâm makmâ hâreyenjiwai. Akto luâk me âmbâle siâje galaŋaet nângâmbo gembo biwi bâle akmâ hengân nânganmap are âmâ kâlâpgât pat akmâ dosa umatje membiap. ²³ Aregât hin dâre nângânet. Yengâlân gâtje siâ me siâje Anutugât sumbe omberâm akmâ âmâ biwiŋe kepik akto hin nângâwiap. Nâje galane umatje aganân aregât kuk akniŋdâp. ²⁴ Hain dâm sumbe are hepundo tato galaŋaelân ariwiap. Arim den yetje are makmâ ârândân ketugumbela bo akto ainâk purik katmâ arim sumbe are Anutugât pat ketugum onmenâ âlepje ombiap. ²⁵ Akto gasagande mengekâmâ kiapgâlân arim denân kat gekmâ dâm hâregiŋdo tembe lokolupjande mengekâmâ kala busiân katgekbâi aregât dâwân arim galage makmâ miawaganmenâ yetjeak nângâm gala aganjiwandat. ²⁶ Borâm hâre anjiwandat akto âmâ kala busiân katgekbâi tatmâ âmâ yân bo gewiat. Hâu hârok puligom kutigitbâlân âlepje ain gewiat.

Gala siâgât âmbâle ekmâ bo egâlianjaen.

²⁷ Akto siâ makbe. Moseje den kârikje kulemgoep are hin dâmbiâ nângâmai. Yengâlân gâtje siâje galaŋaet âmbenje ekmâ kakje kom bo membiap. Hain dâmai. ²⁸ Aregât nâje âmâ hin dâre nângânet. Yengâlân gâtje siâje âmbâle siâ ekmâ memberâm nângâm âmâ iŋje biwiŋande emelâk miep aregât dosa talaŋdâp. Aregât den memenje hin dâwe. ²⁹ Gâ hemengât pat akbâtgât dewunge bungenje bâleje membom dâm nângâm âmâ dewunge are ewum limbâpkowen. Hain akmâ dewunge bikje

siâ are âlepje akto manmenâ ârândân akbiap. ³⁰ Akto hemengât pat akbâtgât hainâk bâtege bungenje bâleje akberâm akto âmâ hârem panben. Hain akmenâ bâtege bikje are âlepje akto manmenâ ârândân akbiap.

Âmbenlupnenje hanâk hepun yekbaengât dop bo tatâp.

³¹ Bikjande amâ hin dâmai, “Luâk siâje âmbenjaet hâkân akmâ hepunbe dâm aregât kulem esenje siâ mem âmbâi hepun hepungât kulemgom wanmâ huŋgun anjo yân ariwiap.” hain dâmai. ³² Aregât nâje âmâ hin dâm makyenjiwe. Luâk siâje âmbenje kondarâ bo akbiap are yân hâkân akmâ hepundo âmâ âmbâle arekje luâk siâ mendo âmâ luâk âmbâle lâuwâ lâuwâ dosa membiandat. Akto luâk anjâje âmbâle hepun hepunje mem âmâ yâkâ hainâk dosa membiap.” hain dâep.

³³ Akto Yesuje den siâ hin dâm dewatiep, “Bâgi hakulupyenande hin dâm makyenjiyi, “Anutugât metenân hin me hain dâm makbai amâ hainâk akbei.” hain dâyi. ³⁴ Dâ nâmâ hin makyenjiye nângânet. Hinje âmâ Anutugât metenân dâm bo makbei. Akto areâk bo. Himbimân âmâ Anutunje ain tatmap aregât himbimân bo horatmâ makbei. ³⁵ Akto hângâlân horatmâ bo makbei. Amâ wangât? Hingât. Anutunje keiŋande tâlim tatmap aregât. Akto Yerusalemgât metenân bo makmâ horatbei. Amâ wangât? Hingât. Yerusalem amâ Anutu Humoyenje yâkgât kepia kautje aregât. ³⁶ Aregât ire maktere nângânet. Dumutyenje bândup are makbiâ helen bo akbiap. Akto helen are makbiâ bândup bo akbiap. Aregât kautyenân horatmâ bo makbei. ³⁷ Akto siân me siân bo ewum makbai. Are bo agakje. Aregât denyenje are bunje akto âmâ are dâmbiâ bunje akbiap. Akto bo dâmbiâ bo hainâk akbiap. Aregât kakjân makmâ dewatiwai amâ Hiangi Ambojande hâwâtyekto miawakbai.

³⁸ Akto den siâ hin kulemgoyi are makbiâ nângâmai, “Gasagande dewunge ewum hogombo bokto âmâ gâkâ hainâk dewunje ewum hogomenâ bokbiap. Akto gasagande dâtge kom bererek kombo âmâ gâkâ hainâk dâtje are kom bererek

kowen.” hain dâyi. ³⁹ Aregât âmâ hin dâre nângânet. Luâk bâleŋe gala aganben. Ondopge biken hogombo âmâ ondopge bikŋe wanben. ⁴⁰ Akto luâk siâŋe gâ olop ewangiak ewangiak bâleŋe dâm kiapgâlân mengekma ari denân katgekma gângât hâk pekege timonân oloŋmâ menŋinjo âmâ kakjân olowâk are hainâk mem wanmenâ lâuwâ lâuwâ membiap. ⁴¹ Akto luâk siâŋe, “Nângât wan me wan dewunŋe siâ siâ lokom kepia indâgen ari.” dâm makŋinjo âmâ gâŋe kepia magep ain lokom tângom ewangim indânân ari katben. ⁴² Akto luâk siâŋe wan me wan siâ siâgât ulit ŋinjo âmâ are wanben. Akto wan me wan are yân yogan mem manbe dâm makŋinjo âmâ âlepŋe nânganben. Ye hârok hain akmâ manbei.

Gasa me gala are gala konok aganŋiwaen.

⁴³ Akto ye bikŋande den siâ hin dâmbiâ are nângâmai, “Gâŋe galage âlepŋe biwi heronŋe aganben. Dâ gasage are âmâ gasa aganben.” Hain dâmai. ⁴⁴ Dâ nâmâ aregât hin dâre nângânet. Yeŋe gasalupyenŋe yekmâ âmâ gala akyenŋiwai. Akto ye yenŋum watyekmâ manmai yâk yenŋât tânyenŋum Anutu ulilanmâ heronŋe nângâ yenŋiwai. ⁴⁵ Hain akmâ himbim Eweyenjaet nanŋe baratŋe bunŋe akmâ manbai. Yâkŋe âmâ makto yanep pagalenjande luâk âlepŋe me bâleŋe hârok pagaleyekmap. Akto tânâkgât makto luâk âlepŋe me bâleŋe hanâk hologoyenŋimap. ⁴⁶ Akto luâk siâŋe ye olop gala konok manne dâm aregât akyenŋimai yâk konok yeŋe gala akyenŋimbiâ âmâ Anutuŋe wan hâuŋe yenŋiwai? Luâk bikŋande gawamangât puli meyenŋimaiŋe hain akmai aregât yeŋe luâk bikŋe gasa akyenŋim are gala bo akyenŋimbiâ âmâ aregât hâuŋe hâmbâi Anutuŋe ye yenŋiwai. ⁴⁷ Akto galalupyenŋe yâk konok yekmâ gala katyekmai arekŋe ârândân bo akmap. Luâk âmbâle Anutu bo nânganmaiŋe hain akmai. Aregât yâkâ hainâk akbai aregât hâuŋe âlepŋe Anutuŋe bo yenŋiwai. ⁴⁸ Aregât himbimân Eweyenjande wan me wan akmâ mendo huragumap yekâ hainâk akmâ manbei.” dâep.

6

Anutugât âiân manmâ kotnenŋe bo mem agatbaen.

¹ Akto Yesuŋe den siâ hin makyenŋiep, “Gâŋe Anutu heronŋe agandere ârândân akbiapgât mene dâm âmâ luâk âmbâleŋe nekbiâ huraguâkgât bo nângâm manben. Hâk mem agat agat akmenâ âmâ himbimân Ewegande gekmâ aregât ukenŋe bo nângâ ŋinmâ hâuŋe âlep bo ŋinbiap. ² Aregât gâŋe luâk umburuk manmai are han kalem akyenŋim âmâ luâk âmbâleŋe nekbiâ huraguâk dâm aregât bo nângâm manben. Wangât? Hingât. Luâk bikŋande nen bâleŋe bo akmaen dâmai arekŋeak dewunyenânâk den emetŋân akto kâmot kepien ain hâkyenŋe mem agatmai. Luâk hain arekŋe kâmot humoân kinmâ kalem akyenŋimai. Aregât maktere nângânet. Hain dâmat are Anutuŋe hâuŋe âlepŋe bo ŋinbiap. Emelâk hâuyeŋe yendâp. ³ Aregât luâk umburuk manmai yâk han kalem akyenŋiwe dâm bâtege bungenŋe wan akbiat aregât kanegenŋe bo nângâwip. ⁴ Yonâk akmenâ âmâ galalupgande bo gekmâ aregât keiŋe bo nângâmbiâ âmâ Ewege Anutuŋe yonâk yekmâ nângâmapŋe ikinjak gekmâ nângâmbo ârândân akbiap. Akto kalem akyenŋimatgât hâuŋe ŋinbiap.

Anutu ulilanbaengât keiŋe.

⁵ Gâŋe âmâ heambukmâ kinmâ Anutu âlepŋe dâm ulilanben. Dâ luâk bikŋe âmâ hianŋi luâk manmaiŋe hain bo akmai. Yâkŋe âmâ Yuda luâk mendugum tatmaiân me kâmolân ari kinmâ âmâ luâk âmbâleŋe nenekmâ egâlianŋet aregât nângâm hâkyenŋe mem agatmâ Anutu ulilanmai. Aregât âmâ hin dâre nângânet. Yeŋe hain akbiâ âmâ aregât hâuŋe emelâk membiâ bo aktâp. Anutuŋe hain dâm hâuŋe siâ bo dewatim yenŋiwai. ⁶ Gâ âmâ Anutu âlepŋe dâm ulilanberâm âmâ emetgân âgâm heambukmâ hânŋi gugum Ewege tikŋân manbiap yâk ulilanben. Akto Ewege tikŋân siâ me siâ ekmâ nângâmapŋe bunŋe mem penianmâ ŋinbiap.

Anutu hin ulilanmâ manbaen.

⁷ Akto aregât hin dâre nângânet. Luâk bikŋande Anutugât keiŋe bo nângâmaiŋe

âmâ hin nângâm hilipkomai, “Nengât den kâlep hanâk hanâk ulilanjenne dowâk nângâm bunje nengiwerâp.” hain dâm hilipkomai. Aregât gâje luâk hain are bo akmâ âmâ den kâlep bo makmâ ulilanben. ⁸ Akto gâ amâ Ewege Anutu irawot bo ulilanmenân yâkne soj nângâ giŋmap. Aregât hanâk hanâk bo makmâ ulilanben. ⁹ Aregât gâje hin dâm âlepne dâm ulilanben, “Himbimân Ewenenne gângât kotge âlepne akto kotge are kârikne tato nângâenne bunje akto manbaen. ¹⁰ Akto hân ârândân Kambu aknengi. Himbimân gâtjande lauge lokomai hainâgâk hânân gâtje nenne lauge lokoenne ârândân agâk. ¹¹ Akto unjak ire gâje sotnenne are dopnennânâk nengimenâ nene. ¹² Akto luâk âmbâle bikjande bâlene siâ siâ aknengimbiâ âmâ are yengât dosayene hanâk hepun yengim manmaen dop hainâk gâje dosanenne are hepun nengiuwen. ¹³ Nen bo dop nenguwen. Akto bâlenânba kotgâm menenekben. A bundâk.” Yeje hain dâm Anutu ulilanbei. ¹⁴ Aregât luâk âmbâle bikjande bâlene siâ siâ akyengimai are yengât dosa hepun yengimbiâ âmâ âlepne. Aregât himbimân Eweyende yengât dosa hainâk hepun yengiwiap. ¹⁵ Are âmâ luâk âmbâle bikjande bâlene siâ siâ akyengimai are yâk yengât nângâm âmâ benne himbimân Eweyende yengât dosa hainâk bo hepun yengiwiap. Dâ hepun yengimbiâ âmâ benne dosayene hepunyengiwiap.

¹⁶ Akto hiangi luâkne hin dâmai, “Luâk âmbâle bikjande nen hâk hilâlâm nângâm Anutu ulilanmaen are nângâm nen nenekmâ egâlianjet.” dâm aregât sot hepunmâ hâmeyeje oloŋbiâ gembo hewugewai are Anutune yekmâ hâuje âlepne bo yengiwiap. ¹⁷ Aregât ye hain bo akbei. Yeje âmâ sot hepunmâ âmâ tu puliakmâ dumutyene kelu ketugu akmâ manbei. ¹⁸ Hain akbiâ yekmâ âmâ sot hepunmâ mandâigât keiyene bo nângâwai. Eweyene Anutune bo egekne ekmapne keiyene yonâk memai are nângâm aregât hâuje âlepne yengiwiap.

Puli siâ siâ tat nengiâp aregâlâk bo nângâm manbaen.

¹⁹ Hângât tâwât dewunne siâ siâ tiŋe ne-mai akto dek saŋ saŋne hâreyengimai akto motmot akmap akto kâmbu meyengimai aregât yeje dondâ tat nengiâkgât bo undâgâtbei. ²⁰ Are âmâ himbimân tiŋe bo neyengimap akto dek saŋ saŋne bo igim hâreyengimap akto motmot bo akmap akto kâmbu bo meyengiwai aregât wan me wan bunje kârikne tat yengiwiap. Aregât Anutune pat katyengiep are himbimân tatâp ain dewatimbiâ bo gulip akyengiwiap. ²¹ Tâwât dewunne siâ siâyene katbiâ tat yengimap ainâk biwiyene kinmap aregât himbimgât nângâmbiâ âgâwiap.

Biwinenjande pâlâmje akbopgât biwi golâk manbaen.

²² Akto dewunyeje âmâ pagalene dop hainare aktâp. Dewunyeje âlepne tato ain âmâ âlepne ekmâ bam gutbai. ²³ Dâ dewunyeje bâlimbo âmâ biwiyene hândâk humo dâgâwiap aregât biwiyenân pagalene tatâp are bokbiap âmâ biwi nângâ nângâyene pâlâmje akbiap.

Anutu konok hon aganbaen.

²⁴ Nanan konokne luâk kotdâ lâuwâ yâk yetgât den lokom âmâ âlepne hon bo manyetkiwiap. Siâ gala aganmâ siâ âmâ hâkân aganbiap. Akto siâgâlângen dewatim siâ âmâ hamianbiap. Puli siâ siâgât ukenne nângâmai yâkne âmâ gain gain Anutugât den lokom manbai?

Anutune damun nenje akmapgât bo nelâm nengiwiap.

²⁵ Ye manman yejaet nângâmâk akmâ hin bo dâwei, “Wan arekjaet mem nem manbaen? Akto hâknennaet nângâm wan mem manmâ luguakbaen.” dâm nângâmâk bo akbei. Amâ hingât. Bân dânet. Manmanyenande bunje me sotje bunje? Akto hâkgande bunje me hâk pekegande bunje? ²⁶ Aregât siâ maktere nângânet. Lâut are eknet. Arekne âmâ âi bo ketugumai. Akto kalamjânba sot wan bo mem katmai. Akto sot hapatet bo ketugum âmâ alekne bo mem katmai. Hain bo akmai amâ himbimân Eweyende hanâk sot mem miawak yengimap. Ye lâut bo. Ye luâk aregât Anutune dowâk tânyengumap. ²⁷ Akto yengâlân gâtje siâne nângâm

hanoko akmâ âmâ manman sopnaet âlepne kâlep mem dewatim manbiapgât dopne bo tatâp. ²⁸ Akto sângum lâuwâ lâuwâ aregât nângâm han lâuwâ akbiâ bâliwiap. Aregât hin dâre nângânet. Lâwin bulune are eknet. Arekne âmâ sângum lâuwâ lâuwâgât âi bo ketugumap. ²⁹ Bulune are âlep âlep aregât luâk siâ kotne Salomo uliknân malep yâkne sângum lâuwâ lâuwâne kulem melem âlep âlep hain are mem malep arekne bulune are bo ewangiep. ³⁰ Pâlonângen siâ me siâ bulune unak miawakmap akto hole bererek âgâm gembo ombiâ bo akmap aregât Anutu ne dâmba hanâk kulemne âlepne miawakmap aregât Anutu bo nânganmâ ketelanmâ manmaine yâk yenaet gai hainâk dâmba wan me wan miawakyeŋgiwai. ³¹ Are nângâm hengemgowe. Are ekmâ nângâm âmâ bo hanokoakmâ âmâ hin bo dâwei, “Wan memberen me wan lalakberen?” ³² Are âmâ luâk bikne Anutu bo nânganmai arekne âmâ puli me sângum me siâ siâ aregât nângâmbiâ humo akmap. Hain akbiâ bâlimap aregât hain bo akmâ manbei. Are âmâ benje himbimân Eweyenda nângâ yeŋgimap aregât hâk peke bâlâk bo manmai. ³³ Yeŋe âmâ Anutu ne damun nenje akbiapgât akto yâkgât agak meme ârândân dâp ain han nângâ nângâyeŋe uliknân katbiâ yembiâp. Akto aregât kaknân Anutu ne siâ me siâ bikne are hârok yeŋgiwai. ³⁴ Aregât yeŋe agatmâ umatne gain hin arekne miawak nengiwiap hain dâm aregât nângâmbiâ humo bo akbiap. Agatmâ miawakbiap are âmâ agatmâgât pat. Unak iregât hain are miawak nengiâp are ârândân agâk dâm aregât kaknân han lâuwâ bo aknet.” Yesune hain dâep.

7

Gala siâgât den bo makmâ hâreanbaen.

¹ Yesune den siâ hin dewatim makyenŋiep, “Anutu ne den âiân katyekbopgât yeŋe luâk bikne den âiân bo katyekbei. ² Dâ yeŋe yâk yeŋgât den dâm hâre yeŋgiwai dop hainâk Anutu ne ye dâm hâre yeŋgiwai. Akto yeŋe siâ siâ akyenŋiwai dop hainâk Anutu ne mem purik katmâ akyenŋiwai aregât siâgât bo dâm hâreyenŋiwei. ³ Aregât den

dopne hin dâre nângânet. Gâne galagaet dewunân gagap bâlensiâ tatâp are ekmâ âmâ guge dewunân gagap humo dondâ tatâp are bo ektât are ârândân bo aktâp. ⁴ Gagap humo guge dewunân tatâp are bo ekmâ galagaet dewunân tatâp aregât hin dâmenâ ârândân bo akbiap, “Galane kin. Gagap mem pan ginbe.” dâwiat. ⁵ Hiangi luâk gâ. Guge dewunân gagap humo tatâp a son mem panakmâ âmâ ekmâ dewunge hulan akto âmâ ekmâ hengemgom âmâ galagaet dewunân gagap bâlensiâ tatâp are memenâ ârândân akbiap.

⁶ Yeŋe Anutugât sot are dua bo yeŋgiwai. Hain akbiâ âmâ yeŋguwai. Akto puli umatne are mem bau kâit bo yeŋgiwai. Hain yeŋgimbiâ âmâ igim hârem purik dâm âmâ yeŋgiwai.” Yesune hain dâep.

Anutu ulilanmâ âmâ bunje membaen.

⁷ Akto Yesune den siâ hin dâm makyenŋiep, “Yeŋe hin aregât undâgâtâm Anutu maganbiâ âmâ tân yeŋguwai. Akto emet ginân kinmâ woa dâmbiâ hâŋgi ambonande meyeŋgimap. ⁸ Aregât Anutu aikomapne den hâune nângâmap. Undâgâtmapne mem miawakmap. Woa dâmap are âmâ hâŋgi mem kalanmap. ⁹ Aregât hin dâwe. Yeŋgâlân gâtne siâne nannde sotgât ulilandu âmâ kât bo wanmap. ¹⁰ Akto inangât ulilandu âmâ gipman bo wanmap. Bo. ¹¹ Akto ye luâk bâlenande nanan lepatlupyene damun akyenŋim hin are yeŋgimai aregât dopne are ewangim Anutu himbimân manmapne luâk siânbae ulilanmai are yeŋgât okot nângâm dowâk wan ulilanmai are yeŋgimap. ¹² Akto den dâm makyenŋiân aregât keŋe hin. Yeŋe biknande âlepne aknenginetdâm hârok âlepne tân yeŋgum manmâ âgâwei. Aregât âmâ Moseŋe akto propete luâkne Anutugât den kârikne kulemgoyi aregât keŋe hainâk tatâp.

Himbimgât dâp aregât den.

¹³ Hilip agu hilip agugât kepia aregât dâp are humo akto pempemâk aregât dâp humo ain âlepne ari ari aregât luâk dondâne arimai. Yeŋe âmâ ain bo ariwei. Ye dâp gâwiknânba ariwei. ¹⁴ Are âmâ manman kârikne aregât dâp amâ gâwik gâwikne,

heambuk heambukne akto yonâk yemap. Dâp are watmâ luâk âmbâle undup akmâ bo arimai. Dâ konok konokne ain arimai. Ye âmâ dâp are watmâ ariwei.

Hiangi luâk yâk yengât keiyene.

¹⁵ Propete luâk hiangi arekne âmâ hâkyene lama hâk yeukne hainare dâ hanyene âmâ dua metne han hainare aregât yâk yengât damun agangim manbei. ¹⁶ Siâ siâ Bunne bo aregât nângâm kepilâyekbei. Giat ain kewu bunne memaen mon? Me kândenân ham bunne miawakto memaen mon? ¹⁷ Lâwin âlepñân bunne âlepne miawakmap. Lâwin bâleñân bunne bâleñeâk. ¹⁸ Aregât lâwin âlepñânba bunne bâleñe bo miawakmap akto lâwin bâleñânba bunne âlepne bo miawakmap. ¹⁹ Aregât ire maktere nângânjet. Lâwin siâ bunne âlepne bo kindo âmâ kârâm ondenne ombiap hain. ²⁰ Yene luâk keiyene ekmâ gain gain akmâ iare akmai aregât nângâwai.

²¹ Akto aregât hin makbe. Luâk âmbâle nogonmâ âmâ koldâ nenne koldâ nenne hain dâm nogonmai yâk hârokne himbim kepien bo ariwai. Himbimân Ewenaet denne lokom manmaiñe âmâ ariwai. ²² Luâk dondâne sop humoân hin dâm makniñbai, “Koldâ ire nângâ. Nenne gângât kotgaet akmâ denge makmâ miawakmâ makyengiyon. Akto gângât kolân konmâ sinduk baniara bâleñe watyengienne luâk hepun yekmâ ariyi. Akto gâ gogonmâ kulem keine keine are ketuguyion.” ²³ hain dâmbiâ âmâ nâne hin dâm makyengiwian, “Nâ ye bo nângâ yengian. Nângâlân bunne bo dewatigât hepun nekmâ arinet. Ye âmâ bâleñe meme luâk.” hain dâwian.

Luâk lâuwâ emetyetne ketuguyiat aregât den.

²⁴ Aregât den ginne ire maktere nângânjet. Luâk siâne denne ire nângâm lokomapne âmâ dop hinare aktâp. Luâk nângâ nângâne olop yâkne emet are gimbane kârikñân ketugumbo kilep. ²⁵ Emet kât kakñân mângiep aregât tu tânâk humo gembo âmâ ugurup humo gam lokowerambo âmâ kârikne akmâ nâñâk kilep. Dop hain. ²⁶ Dâ luâk siâne denne

ire nângâm laune bo lokomapne âmâ dop hin are aktâp. Luâk nângâ nângâne bo siâne emet nupiânâk ketuguep dop hain are. ²⁷ Ketugumbo kindo tu seru humo pando ugurup humone togombo emet are gagai akmâ kom bâliep.” Yesune hain dâm makyengiep.

²⁸⁻²⁹ Yesune Anutugât den keinjânbak nângâm makyengiep. Akto biwiyenân kalepgât denne nângâmbiâ dâtne akto hin dâyi, “Mosegât den kepikmâ maknengimai are hârok ewangi yektâp.” hain dâm yâkgât nângâmbiâ humo agep.

8

Luâk siâ diwi kârikne akmâ malep are Yesune mem howaimbo âlepne agep.

¹ Akto Yesune den makmâ metem gimbanânba gembo luâk âmbâle biwirâne watbiâ olop ariyi. ² Akto luâk siâ diwi kârikne akmâ malep arekne Yesu ekmâ enemñân togom pâwutne ligim hin dâm maganep, “Humo, kâriknege tatgindâpgât makmenâ diwine bo akniñâk mon?” dâep. ³ Hain dâambo Yesune hâkne mem howaim kinmâ hin dâep, “Âlepne, nângâ gindângât diwige are pandak ginâk.” dâambo ainâk diwi bo agando hâkne âlepne agep. ⁴ Âlepne akto ainâk Yesune maganmâ hin dâep, “Gâ iregât den pat luâk bo makyengim âmâ yânâk arim sumbe kat kat luâk damun yâkgâlân konok ari. Arimenâ keige gekmâ nângambo âmâ benne Mosenje wan me wan iregât den kârikne kulemgoep are lokom Anutugât sumbe omben. Sumbe omenâ are ekmâ nângâm hengemgowej.” dâm hungun anep.

Yesune hon bawa siâ mem hengemgoep.

⁵ Akto arewa arim kepia siâ kotne Kapanaum ain arim âgambo Roma yengât tembe loko are yengât humoyene siâne yâkgâlân arim den hin dâm ulilane, ⁶ “Humo, nângât hon bawane siâ kundat akmâ hâk hilâlâm bâleñe umatne miawagando kei bâteñe kâregembo yem tatâp.” dâambo ⁷ dâep, “Âlepne, arim mem hengemgowerân.” dâep. Hain dâm magando ⁸ hin dâep, “Humo, nâ luâk âlepne bo mandân aregât nângât emelan bo âgâwerât.

Inâk kinmâ denâk makmenâ âmâ nângât hoj bawane are âlepne agâk. ⁹ Akto nâ gai luâk kotdâ yâk yengât den lokom manman akto nâ luâk humonande nângâ niñmâ damunyenek dâm katnegep. Aregât nâje tembe lokolupne den makyengire lokomai akto yâk yengâlân siâgât, “Gâje siâ ari.” hain dâm magandere âmâ âlepne arimap. Akto siâgât, “Gâ ga.” dâre âlepne gamap. Akto hoj bawane siâ ekmâ, “Âi ire me.” dâre âmâ âi are hainâk memap. Aregât gâ Humo inâk kinmâ denâk makmenâ âlepne agâk.” hain dâep. ¹⁰ Hain dâmbo Yesuñe den are nângâmbo dâtne akto purik dâm haminân togom mali are hin dâm makyengiep, “Den bunne maktere nângâñet. Israe kâmot ire yengât hutyenân luâk siâje nângât keine nângâm hengemgoep hainare siâ bo ekman. Roma luâk irekne hârok ewangi yektâp. ¹¹ Hâmbâi hân tunjunângen biken biken ainba luâk biwirâje togom âmâ Abraham, Isaka, Yakopo yâk olop manmâ Anutugât kepiân âgâm menduguakmâ ain sot keñje keñje nem herone akbai. ¹² Dâ emelâk Anutune Yuda luâk damunyenek akminep are panyekto yâk âmâ kepia ginñângen hândâgân gem manmâ indem kambonmâ manbai.” ¹³ Hain dâm makyengim purik dâm tembe loko humoyene are ekmâ hin dâm magañep, “Gâje biwige nângâlân katmâ hain nângât aregât bunne mi-awakginđâp. Gârâmâ bam ari.” hain dâmbo bam arimbo sop ainâk hoj bawane are âlepne akto egep.

Yesuñe makto Petorogât hewonje âlepne agep.

¹⁴ Akto arewa arim Petorogât emelan âgâmbo Petorogât hewonje kundat akmâ hâk kâlâp akmâ yem tato egep. ¹⁵ Bam ekmâ bânñân mendo ainâk kundat are bo agañep. Bo agañdo agatmâ sot om wanep. ¹⁶ Wanjo nem tato emet dâgâwerâm akto âmâ sinduk baniara bâleñande luâk âmbâle bikne kautyenân meyegi are meyekmâ yâkgâlân togoyi. Meyekmâ togombiâ Yesuñe launande makmâ watyekto sinduk baniara bâleje arekne hepun yekmâ ariyi. Akto kundat agi arekâ hainâk lokoyekmâ togombiâ yekmâ mem hengem

yenguep. ¹⁷ Hain agep aregât emelâk propete Yesaianje den siâ hin kulemgoep are bunne agep amâ hin, “Nen kundat umatne miawak nengimbo me wan me wan pâpkom nângâm hilipkomaen aregât yâkne bâleje are mendo bo agep.” dâm kulemgoep den are bunne akto Yesuñe kundatdâ dondâ hengem yenguep.

Luâk hin arekne âmâ Yesugâlân dewatiwai.

¹⁸ Yesuñe hain akmâ tân yengumbo ainâk luâk âmbâle biwirâje yâkgâlân togom ândeanmâ kinbiâ Yesuñe are yekmâ, “Bâin, wanga mem indâgen bam arine.” dâm aposololupne makyengiep. Hain dâmbo wanga mem bânñân humo are hâtikom ariwerâm agi. ¹⁹ Ariwerâm akbiâ Mosegât den makmâ miawagi are yengâlân gâtne siâje bam hin dâm magañep, “Apo, gâ iregen me aregen ariwerâm âmâ makniñmenâ olop ariwaet.” dâep. ²⁰ Hain dâmbo Yesuñe hin dâm magañep, “Yo âmâ lâwin timopñân yemap. Dâ lâut âmâ lâwin bân bânñân kelom tatmai. Dâ nâmâ luâk akmâ geân aregât nângât emet âmâ bo tatniñdâp.” dâep. ²¹ Akto luâklupne yengâlân gâtne siâ arekne yâkgâlân togom hin dâm magañep, “Humo, nângâ niñmenâ arim ewene soñ hangom âmâ benje purik katmâ togore âmâ olowâk ariwaen.” dâep. ²² Hain dâmbo Yesuñe hin dâm magañep, “Hain bo. Luâk âmbâle momonandeak momonelupnye hangoyekñet, Dâ gâmâ hinje nâ wat nekmenâ olowâk arine.” dâep.

Yesuñe makto seru nâñâgâep.

²³ Hain dâm wangan âgâmbo aposololupne olop ariyi. ²⁴ Arim manbiâ seru humo sân sânak pando haru are bâliep. Akto haruñe wanga kâlegen gewerâm agep ain Yesu asin yiep. ²⁵ Akto aposololupñande goañmâ hin dâm magañi, “Humo, haruñe kawut nenekberâm aktâp aregât agatmâ tân nengu.” dâyi. ²⁶ Hain dâmbiâ hin dâm makyengiep, “Bo nângâniñmâ kepilânekmai. Ye wangât hamewaktâi?” dâm agatmâ seru pando haru bâliep are den makyetkimbo ainâk nâñâgâyat. ²⁷ Nâñâgâmbela ekbiâ dâtne akto hin dâyi, “Ae, yâkne seru akto

haru makyetkimbo yâkgât den lokom nângat aregât luâk ire gain hinare?” dâyi.

Yesuñe sinduk baniara bâleñe watyekto bau biwiñân geyi.

²⁸ Akto bätgum are hâtikom indânân bam Gadara hânângen ariyi. Arim manbiâ luâk lâuwâ siâ sumângenba togom manbela yelegi. Yâk yetgât keiyetñe hin. Sinduk baniara bâleñande kaut yetñân mendo metñe akmâ luâk âmbâle hârok mem bâli yekte dâm manminiat. Akto dâwân togombela âmâ luâk âmbâle hârokñe hamewakmâ ain bo arimini. Keiyetñe hain. ²⁹ Lâuwâ arekñe togom Yesu penianmâ den hin dâm magañjat, “Gâ Anutugât nanñe, gâ gain gain aknetkiwerâm togoât? Gângât sop bo tâlâgumbo hâk hilâlâm netkiwerâm togoât me?” dâyiat. ³⁰ Akto indâgen bau kâmot humo siâ tâmut nem mali. ³¹ Akto sinduk baniara bâleñe arekñe Yesu magañmâ hin dâyi, “Gâñe wat nenekberâm âmâ huñgun nengimenâ bau biwiñân gene.” dâyi. ³² Hain dâmbiâ Yesuñe, “Âlepñe geñet.” dâep. Hain dâmbiâ luâk lâuwâ are hepun yelekmâ bau hârok biwiñân geyi. Gembîâ bau arekñe pârigim arim indâgen bätgum siân sopanbiâ tuñe lauyenân pikto moyi. ³³ Mombîâ bau damunlupyeñande arim kepia yeñângen âgâm Yesuñe sinduk baniara bâleñe watyekto bau biwiñân gembîâ moyi aregât den pat are kepia ambolupñe makyengiyi. ³⁴ Makyengimbîâ ainâk luâk âmbâle hârokñe Yesu are ekne dâm kepiayenânba geyi. Gem kepia yeñe hepunmâ ariâkgât wârakmâ magañji.

9

Yesuñe luâk parâñe siâ mem âlepñe ketuguep.

¹ Magañbiâ Yesuñe hepun yekmâ ariwerâm wanñan âgâm bätgum biken hâtikom arim ikinje kepia ain ariep. ² Arim kindo luâk bikñande galayene siâ bätñe keñe mom kârikñe akminep are temân katmâ yâkgâlân lokom togombîâ Yesuñe are biwiyeñe ekmâ nângâm luâk kundatdâ are hin dâm magañep, “Bâleñe akmâ manmâ gaen aregât dosa puli giñdân.” dâep. ³ Hain dâmbiâ Mosegât den kârikñe makmâ kepikmâ makmini are yeñgâlân gâtñe

bikñande biwiyeñân hin nângâyi, “Anutu ikinjak âmâ dosayene puli yeñgimap ina luâk yânñe irekñe Anutu ewangiwerâm aktâp imâ bâliâp.” hain dâm nângâm biâ bâliap. ⁴ Biwiyeñânâk hain nângâm biâ Yesuñe biwiyeñe ekmâ nângâm hin dâm makyengiep, “Hanyenande wangât den bâleñaet nângâi? ⁵ Gain gain arekñe owâine luâk bätñe keñe mom kârikñe akmap ire hin dâm magañberân. Anutuñe dosage hepunginñdâp hain dâm magañberân me hin dâm magañberân. Agatmâ temge are lokoakmâ ari? ⁶ Aregât maktere nângâñet. Nâ luâk akmâ geângât dosayene hepun yeñgiwerâm gât Anutuñe makmâ niñep aregât keñe ekmâ nângâñet.” dâm makyengiep. Luâk kundatdâ are hin dâm magañep, “Agatmâ temge loko akmâ emetgângen bam ari.” dâep. ⁷ Hain dâmbiâ agatmâ temñe lokoakmâ emetñângen bam ariep. ⁸ Arimbo luâk âmbâleñe are ekmâ otneyene arimbo hin dâyi, “Yesuñe Anutugât kârikñân kinmâ agak meme bo agakñe aktâp.” dâm Anutu kotñe mem agatmâ kinmâ manñanli.

Yesuñe luâk kotñe Mataio gawamangât puli meme are miep.

⁹ Akto Yesu ainba arim gawamangât puli meme luâk kotñe Mataio puli emetñân tato ekmâ hin dâm magañep, “Nângâlân dewatimenâ nâ olop mande.” dâep. Hain dâmbiâ agato olop ariyiat.

¹⁰ Arim sot nemberâm âmâ hoñ bawa olop emetñân âgâm biâ Romagât puli meme akto bâleñe meme luâk biwirâñe yâk yeñgâlân arimbîâ Yesu akto luâklupñe olowâk sot neyi. ¹¹ Nem tatbiâ Parisaio luâk bikñande yekmâ Yesugât hoñ bawalupñe hin dâm aiyenguyi, “Wangât eweyenande Romagât puli meme akto bâleñe meme luâk olop tatmâ sot nendâp?” dâyi. ¹² Hain dâm aiyengumbîâ Yesuñe den are nângâm hin dâm makyengiep, “Hin nângâm heñgemgowe. Âlepñe mandâi yeñgâlân are doktane âi mene hain bo dâm arimai. Kundat aktâi are yeñgâlân âi mene hain dâm arimai. ¹³ Ulikñân Anutuñe makto luâk siâñe kulemgoep are hin, “Yeñe dosayenae akmâ âmâ soñgo wan gâim

om nângâlân katmai aregât bo nângâm egâlianman. Gala konok akmâ manjetgât nângâm egâlianman.” den hain tatâp aregât keiñe yeñe nângâmbiâ huraguâkgât mendugum den âi mem maganji goanji akmâ manjet. Aregât maktere nângâñet. Luâk bikñande, “Nen luâk âlepñe akmâ yân târârâgâk manmaen.” hain dâmai luâk hain are mem oloñyekbe dâm bo geân. Bo kârikñe. Nâmâ luâk bâleñe meme oloñ yekbiangât togoân.” dâep.

Yesu Anutugât pat sot hepunmâ maligât aikoyi.

¹⁴ Hain dâmbo Yohane tu puli keiñe kalep are olop mali arekñe Yesugâlân togom hin dâm aikoyi, “Nen Anutugâlân okot âlep agakgât akto Parisaio luâk nenñe âmâ sot hepunmâ manmaen. Dâ luâklupge âmâ wangât sot sapa bo akmai?” dâyi. ¹⁵ Hain dâmbiâ hin dâep, “Aregât den ginñe siâ makbe. Luâk kotdâñe âmbâle siâ mendo âmâ kâmotlupñe olop manmâ okot bâle akmâ sapa bo akmai. Hâmbâi bikñande menekbiâ bo aktere sop ain nângâm indem tاتمâ sot sapa akmâ manbai. ¹⁶ Niñande sângum tâmbânñan irakñande katmâ parutbop? Bo. Irakñande tâmbâñe are oloñdo dondâ torokbopgât hain bo akmaen. ¹⁷ Me niñande waiñ irakñande hâpu tâmbânñan kâimbo gewop? Bo. Waiñ irakñande hâpuñe tâmbâñe tâlim hogombo waiñ akto hâpu bâliwopgât hain bo akmaen. Waiñ irakñande hâpu irakñan gembo âlepñe akmap.” dâep.

Yesuñe makto Yairo baratñe momonânba agalep.

¹⁸ Yesuñe den hain dâm makyenjim kindo luâk damun siâñe togom kângom hânân gem âmâ hin dâm ulilañep, “Baratne hinñe mondâp aregât nâ olop arim momonânba goanmenâ agalâk.” dâep. ¹⁹ Hain dâmbo Yesuñe agatmâ arimbo luâklupñe olop ariyi. ²⁰ Arim âmbâle siâ hutyenân kilep aregât keiñe hin. Âmbâi are dewutâyeñe gam yeñgumap dop hain bo geminep. Sop kâlep gembo mando hombanj bât bip bip hârok keiân lâuwâ bo agep. ²¹ Yâkñe Yesugât hamiñân arim hin nângâep, “Nâ sângumñeâk howaim âlepñe

akberân.” nângâep. ²² Hain nângâm yoñak watmâ sângum kâlep are mem howaimbo Yesuñe purik dâm ekmâ hin dâep, “Woe, meñ, gâñe biwige nângâlân katâtgât Anutunje nângâ giñdo kundat are uñak bo akgiñdâp.” dâmbo ainâk âmbâle are âlepñe agep. ²³ Akto Yesuñe arim luâk damun yâkgât emetñân âgâm âmâ uruwaku waitbiâ nângâep. Uruwaku waitmâ den maganji goanji akbiâ ekmâ nângâm hin dâm makyenjiep, ²⁴ “Âmbâi sisik ire bo mondâp. Yân asiñ yendâp aregât gem ariñet.” dâep. Hain dâmbo nângâm giriñaji. ²⁵ Giriñajiñbiâ den makyenjimbo gem sopali. Gem arimbiâ âmâ baratñe yiep ain bam bâtñan mem agato âlepñe akmâ agatmâ kilep. ²⁶ Akto kulem miep aregât den pat maganji goanji akbiâ kepiñe kepiñe arimbo hân humo are ambolupñande nângâyi.

Yesuñe luâk lâuwâ dewunyetñe bokbokñe heñgemyetkuep.

²⁷ Akto Yesuñe kepiã are hepunmâ arimbo luâk lâuwâ dewunyetñe bokbokñe arekñe hamiñân arim den hin dâm maganjiat, “Woe Dawidigât kâmolân gâtñe gâ den makgiñdetñe netgât okot nângâ netki.” dâyi. ²⁸ Hain dâm watmâ arimbela emetñân âgâmba watmâ âgâm enemñan kinbela aiyetkum hin dâep, “Biwiyetñande gain gain nângat? Maktere âlepñe dewunyetñe hulañ akberâp me bo?” dâmbo dâyi. ²⁹ Hain dâmbela dewunyetñe mem howaim hin dâep, “Han biwiyetñe nângâlân katat aregât dopñan bunñe miawak yetkiâk.” dâep. ³⁰ Hain dâmbo dewunyetñe hulañ akto emet egiat. Akto Yesuñe hin dâm makmâ hâre yetkiep, “Yet bât kulem iregât den pat luâk siâ me siâ bo makyenjiwandat.” dâep. ³¹ Hain dâm makyetkimbo hepunmâ arim den koanmâ aregât den pat are makyenjimbela sambelem arimbo luâk âmbâle biwirâñe nângâyi.

Yesuñe luâk kopa siâgât sinduk baniara bâleñe walañep.

³² Akto arimbiâ ainâk luâk siâ Yesugâlân kewugum togoyi aregât keiñe hin. Are

sinduk baniara bâleŋande mângimbo kopa akmâ den bo makmâ yân manmâ gaep. ³³ Akto luâk are kewugum togombiâ sinduk baniara bâleŋe are wato hepunmâ arimbo nâŋgâ nâŋgâŋe miawakto den agep. Hain akto aregât kâmot humo ain kili arekŋe hin dâyi, “Israe nengât hutnenŋân kulem hinare ulikŋân siâ miawakto bo ekmâ malion.” hain dâm ekmâ nâŋgâm bâtyeŋe dâtyeŋân igim kili. ³⁴ Dâ Parisaio yâkŋe âmâ Yesugât nâŋgâm bâlianmâ hin dâyi, “Sinduk baniara bâleŋe are yengât humoyeŋande memene ageŋdo aregât sinduk baniara bâleŋe are watyekmap.” hain dâyi.

Yesuŋe luâk âmbâle damunlupyene bo mali are yekmâ okotŋe nâŋgâ yengiep.

³⁵ Akto Yesuŋe kepiene are hepunmâ arim den emetŋe ârândân âgâm Anutuŋe damunyeŋe akberâm agep aregât pat âlep den makyengim malep. Manmâ kundat keiŋe keiŋe agi are mem heŋgem yenguep. Hain akmâ malep. ³⁶ Akto lama damunlupyene siâ bo manmai dop hainâk akmâ luâk âmbâle arekŋe biwi gulip akmâ wâtyeŋe gembo mali Yesuŋe are yekmâ okot nâŋgâ yengiep. ³⁷ Okot nâŋgâ yengim aregât luâklupŋe den ginŋe siâ hin dâm makyengiep, “Kalamân sot bunŋe dondâ tatâp aregât âi luâk amon siâ manmai yâkgât âi kalam are mem metewaigât dop bo tatâp ³⁸ aregât kalamgât Amboŋe Humo are ulilanbiâ âmâ âi luâk siâkâ huŋgunyengîak.” dâm makyengiep.

10

Yesugât hoŋ bawalupŋe yâk yengât kotyeŋe.

¹ Akto Yesuŋe luâklupŋe keiân lâuwâ yengonmâ meyekto togoyi are hin dâm makyengiep, “Yeŋe sinduk baniara bâleŋe are luâk âmbâle mângiyekbiâ bâliyi are watyekŋet. Akto kundat keiŋe keiŋe aktâi are mem heŋgem yengueŋet.” dâep. Hain dâm aregât memene akyengiep. ² Akto Aposololupŋe yâk yengât kotyeŋe hin. Luâk siâ kotŋe Simonŋ kotŋe siâ Petoro akto emiŋe Anderea. Akto Yebedaioġât

nanlogâtŋe kotyetŋe Yakopo akto Yohane. ³ Akto siâ Pilipo, siâ Batolomaio, siâ Toma. Akto siâ kotŋe Mataio gawamangât puli meme luâk manminep akto Yakopo amâ Alipaiogât nanŋe are, akto Tadaio ⁴ akto Simonŋ siâ Roma damunlupyene yengât hâkân agi are yengâlân gâtŋe. Akto siâ âmâ Yudasi Karioto kepien gâtŋe yâkŋe halop hogom luâk oloŋ yekto Yesu meyi are.

⁵ Akto Yesuŋe aposololupŋe are hin dâm huŋgunyengiep, “Yeŋe âmâ Yuda luâk âmbâle bo yâk yengâlân me Samaria gâtŋe kepia siâ me siâ yâk yengâlân bo ariwei. ⁶ Dâ Lama are damunyeŋe bo manmâ ari hilip agumai dop hainâk Israe luâk âmbâle yâkŋe hilip agune dâm aktâigât yâk yengâlânâk tâŋ tâŋâk ariwei. ⁷ Israe yâk yengâlân areâk arim hin dâm makyengiep, “Anutu himbimân manmapŋe damunnenŋe akberâm aktâp.” ⁸ Hain dâm amâ kundat aktâi yâk mem heŋgem yenguep. Akto luâk âmbâle momoŋe areyengât dâmbiâ momoŋânba agatbai. Akto hâk bâle aktâi are mem heŋgem yenguep. Akto sinduk baniane meyegi are watyekbiâ ariwei. Nâmâ yân kârikŋe yengim huŋgunyengîan aregât ye gai hainâk wan me wan yân yengiep. ⁹ Akto hin akmâ ariwai. Tâwât dewunŋe âmâ bo mem ariwei. ¹⁰ Akto ito siâ siâyeŋe bo lugum goliakmâ ito bâlâk ariwei. Akto hâk pekeŋe konogâk lugu akmâ ariwei. Akto kei pekeŋe hainâk konogâk katmâ ariwei. Akto huwan hepunbiâ talâk. Yân arimbiâ âmâ kepia ambolupŋande yekmâ luâk âirâ dâm tânyengumbiâ ârândân akbiap. ¹¹ Akto huŋgun yengire arim ulik gulik kepia ambolupŋe yengât keiyenâet makmâ aikowei. Akto siâgât nâŋgâmbiâ ârândân akto yâkgât emetŋân âgâm ainâk tatmâ manbei. ¹² Emetŋân âgâm Anutuŋe damunyeŋe agâkgât makmâ herone akyengiwai. ¹³ Herone akyengimbiâ emet amboŋande ye gala akyengim denyene nâŋgâmbiâ ârândân akto aregât bunŋe miawakyengiwai. Gârâmâ denyene nâŋgâm hâkân akmâ gala bo akyengimbiâ âmâ hamiyengimbiâ aregât bunŋe bo miawak yengiwai. ¹⁴ Akto yeŋe kepia siân arim makyengimbiâ hâkân akbiâ aregât kepia

are hepunmâ Anutuŋe hâuŋe yeŋgiwiap aregât dop akmâ keiyenân hamaŋ siâ tatbiap are paŋ paŋgom tâlim pulimbiâ gewiap. ¹⁵ Aregât maktere nâŋgânet. Sop humoân Anutuŋe Sodom akto Gomora kepia ambolupŋande bâleŋe agi aregât hâuŋe yeŋgimbo meyi. Gârâmâ ye kepia yeŋân arimbiâ gala bo akyeŋgiwai âmâ dosa yeŋaet hâuŋe umatŋe membai.

Biwiyeŋande Anutugât nâŋgâm manbaiŋe Anutugât pat akbai.

¹⁶ Lama pâlâmŋe are pugaiya yeŋgât hutyeŋân arimbiâ hilip yeŋgune dâm kinmai dop hain are akmâ huŋgun yeŋgire luâk bâleŋe hutyeŋân ari manmâ aregât bo hamep akbei. Akto soŋgo kotŋe hewam are nâŋgâ nâŋgâŋe olop manmâ damun agaŋgimap dop hainâk ye biwi golâk manbei. Akto lâut kotŋe kembâ arekŋe bo kârâ nenekmap kopakom tatmap dop hainâk yeŋe arim yeukŋân manmâ bo mem bâli yekbai. ¹⁷ Ye luâk bikŋe yeŋgât nâŋgâmâk manbei. Yâkŋe yâk yeŋgât den emetŋân katyekmâ luâk kembulupyene yâk yeŋgât dewunyeŋân bugâŋe yeŋguwai. ¹⁸ Akto areâk bo. Ye nâŋgât akmâ mandâigât kiap me luâk kembu yâk yeŋgâlân meyekmâ arimbiâ den âi membai. Aregât ye yâk yeŋgât meteyeŋân akto Anutu bonâŋgaŋmai yâk yeŋgât meteyeŋân kârikŋeâk kinmâ den bunŋe makmâ hulanŋe. ¹⁹ Den âiân katyekbiâ âmâ den gain gain hinare maktenŋe ârândâŋ akbiap aregât nâŋgâm han lâuwâ bo akmâ hanoko bo akbei. Anutuŋe biwiyeŋân Heakŋe kato yâkŋe makmâ miawakyeŋgimbo areâk makbei. ²⁰ Sop ain âmâ den makbai are Eweyeŋaet Heakŋande biwiyeŋân den kato nâŋgât keine makyenŋiwai. Are âmâ yeŋeâk bo makbai. Amâ Heakŋande makmâ miawakyeŋgiwiap. ²¹ Akto sop ain teulupyene emilupyene moŋet dâm oloŋ yekmâ togo kiap maganŋbiâ yeŋgumbo mombai. Akto ewelupyene nanlupyene yeŋgum gasa akyenŋim kewugu yekmâ humomolupyeneaelân arimbiâ âmâ yeŋgumbiâ mombai. Akto nanaŋ lepatlupyene ewe memelupyene gasa akyenŋim kiapgâlân arimbiâ tembe lokolupyene togom meyekmâ arim yeŋguwai. ²² Akto ye kot

patnaet akmâ luâk hârok yâkŋe yeŋgât nâŋgâmbiâ bâliwiap. Aregât yeŋgâlân gâtŋe siâ me siâŋe nâŋgât akmâ bo hâkâŋ akbiap âmâ sop humoân himbim kepia membai. ²³ Akto ye meyekmâ den âi mem bugâŋe yeŋgune dâm akbiâ ain hepun yekmâ kepia siân arim manbei. Aregât siâ hin maktere nâŋgânet. Yeŋe âmâ Israe kepia ârândâŋ tatmâ ariâp ain bo purik katmâ arim âiyeŋe ketugum metembiâ âmâ nâ luâk akmâ geân aregât sopŋe ewumâk akbiap. ²⁴ Nanaŋŋe humoyeŋe ewangiwaigât dop bo tatâp. Akto hainâk luâk humomolupyene akto hoŋ bawalupyene yâk dop konogâk membai. ²⁵ Akto nâŋe âmâ yeŋgât kautŋe mandân. Akto yeŋe âmâ nâŋgât den lokom hoŋ akniŋmâ mandâi. Akto luâk bâleŋe arekŋe âmâ hin dâm nogondâi, “Sinduk baniara bâleŋe yâk yeŋgât amboyeŋe kotŋe Besebulu.” dâm nogondâi hainâk hâmbâi ye hoŋ bawalupne manmâ denne lokom manbiâ âmâ makmâ mem ge katyekmâ mem bâliyekbai.

²⁶ Aregât yâk yeŋgât bo hamewakbei. Amâ wan me wan siâ yoŋâk kinmâ akmai are hainâk bo yembiap. Are hâmbâi miawakto ekbai. Akto wan me wan siâ akmâ heambukmai are hainâk bo yembiap. Are hainâk hâmbâi tek tekŋân miawakto ekbaen. ²⁷ Aregât âmâ nâŋe ye olop yoŋâk yoŋâk tatmâ den makyenŋim mandân ire luâk âmbâle hârokŋe nâŋgânetgât makyenŋiwei. Akto nâŋe den hilop halowân makyenŋim mandân ire hâmbâi kâmot humoân kinmâ makyenŋiwei. ²⁸ Akto luâk bâleŋande yeŋgât wâtyeŋe bo akyenŋiâkgât dâm bugâŋe yeŋguwai. Gârâmâ yeŋgât otne biwiyeŋe hilipkowaigât dopŋe bo tatyenŋiâp are yeŋgât bo hamewakbei âmâ Anutu yâk konokŋe ye yeŋgum aregât kakŋân otne biwiyeŋe hilipkowiapgât kârikŋe talaŋdâp yâkgât konok hamewakbei. ²⁹ Lâut sâmbâlilik are gagap amâ bunŋe bo. Are amâ tâwât dewunŋande puligowaengât dopŋe bo tatâp. Hain gârâmâ sâmbâlilik siâ mombiap momo aregât himbimân Eweyeŋande bo ewum pâpkowiap. ³⁰ Yâkŋe dumutyene aregât yalaŋe nâŋgâm metemap. Aregât ye manbiâ bo nelâm yeŋgiwiap. ³¹ Dâ ye âmâ

sâmbâlilik bo. Ye luâk, aregât Anutuŋe damunyene akmap. Akto yâkŋe keiyene hârok nângâmap. Aregât luâk yengât bo hamewakbei. ³² Akto yengâlân gâtŋe siâŋe luâk âmbâle yengât bo hamewakmâ yâk yengât dewunyenân kinmâ, “Nâ biwine Yesugâlân katere kinbiap.” dâm makyenŋiwiap âmâ nâŋe hainâk hâmbâi himbimân Ewenaet dewunŋân kinmâ, “Luâk ire âmâ nângât kâmolân gâtŋe.” dâre Anutuŋe luâk hainare manman âlepŋân katbiap. ³³ Aregât luâk aŋgâŋe âmâ luâk âmbâle yengât hamewakmâ dewunyenân kinmâ, “Nâ Yesu are bo nânganman.” dâwiap âmâ nâkai hainâk Ewenaet dewunŋân kinmâ, “Bo nângâ giŋdân.” dâwian.

³⁴ Akto yeŋe nângâ yâkgât hin bo dâwei, “Yesu âmâ nen gala konok manbaengât giep.” hain bo dâwei. Aregât maktere nângâŋet. Nâŋe miawakmâ geân aregât bugâ miawakbiap. ³⁵ Nâŋe geân aregât eweŋe nanŋe potalakmâ gasa agaŋgiwiadat. Akto memene baratŋe potalakmâ gasa agaŋgiwiadat. Akto erânŋe erânŋe potalakmâ ikiyeâk ikiyeâk gasa agaŋgim manbiandat. ³⁶ Me yengât ginbailupyenande gasa agaŋgiwai. ³⁷ Akto siâ ewe meme han kalem humo akyetkim nâ bâlensiâ akniŋbiap âmâ yâk nângât pat bo akbiap. Akto siâ nanŋe baratŋe han kalem humo akyenŋim nâ bâlensiâ akniŋbiap âmâ yâk hain âgâk nângât pat bo akmâ manbiap. ³⁸ Akto luâk siâŋe gasalupnande mem hilip nuguwai dâm aregât hamep akmâ ikiye hâkŋaet hanokoak akmâ manbiap âmâ nângât pat bo akbiap. ³⁹ Me luâk siâŋe manmanŋe are ikiyeaelâk mem hanokoak akmâ manbiap arekŋe hâmbâi hilip aguwiap. Dâ luâk siâŋe nângât akmâ nângâ niŋmâ manmanŋaet bo hanokoak akmâ manmâ denne lokom manmâ manbiap arekŋe âmâ manman kârikŋân manmâ âgâwiap.

⁴⁰ Ye huŋgun yeŋgire arimbiâ gala konok akyenŋimai yâkŋe nâ gala konok akniŋmai aregât dop aktâp hainâk nâ gala konok akniŋmai yâkŋe âmâ Ewenaet huŋgun niŋep yâk gala konok agaŋmai aregât dopŋe aktâp. ⁴¹ Akto Anutugât propete

siâ mandâp aregât luâk siâŋe nângâm gala konok agaŋdo ain gâtŋande hâmbâi Anutuŋe ikiye propetegât hâuŋe wanbiap. Akto luâk siâ agak meme âlepŋe mem manmap aregât luâk siâŋe yâkgât keiŋe ekmâ nângâm heŋgemgoep aregât gala konok agaŋmap yâk Anutuŋe luâk âlepŋe yâkgât hâuŋe wanbiap. ⁴² Me luâk âmbâle siâŋe biwiyene nângât katbai yâk yengâlân gâtŋe gegeŋe are luâk siâŋe ekmâ nângâm âmâ tu hâgâm wanbiap yâkŋe aregât hâuŋe âlepŋe hâmbâi membiap.” dâep. Yesuŋe den hain dâm aposololupŋe makyenŋiep.

11

Yesuŋe Yohanegât magep.

¹ Yesuŋe hoŋ bawalupŋe keiân lâuwâ are hain dâm makyenŋiep. Hain makyenŋim metem kepiâ are hepunmâ kepiâne kepiâne arim Anutugât den akto ikiye keiŋe are makmâ miawakmâ makyenŋim malep.

² Sop ain âmâ Yohane are kala busi kâlegen katbiâ talep. Kala busi kâlegen katbiâ tatmâ Kristoŋe kulem keiŋe keiŋe mem malep aregât pat nângâep. Nângâm tatmâ galalogâtŋe lâuwâ huŋgun yetkimbo arim ³ hin dâm aikoyiat, “Damun netŋe Yohane are ulikŋân yâk togom damun nenŋe akbiapgât dâyi are gâ me niŋaet lâmgom manbaen? dâm maknetkimbo gutet.” dâyi. ⁴ Hain dâmbela Yesuŋe hin dâm makyetkiep, “Yet arim âmâ wan me wan ekmâ nângat iregât den pat are Yohane hin dâm maganbiandat. ⁵ Dewunyeŋe bok bokŋe yâk yengât makto dewunyeŋe hulan akto emet ektâi. Akto luâk kei bâtyene bâli bâliŋe yâk yengât makto âlepŋe akmâ bam gutâi. Akto diwi kârikŋe akmâ manmai yâk yengât makto pandak yeŋgiâp akto ondopyeŋe bok bokŋe yâk yengât makto ondopyeŋe kepik akto den nângâi akto makto momonâmba agatmâ golâk mandâi. Akto umburuk mamburuk mandâiŋe den pat âlepŋe makyenŋimbo nângâi. ⁶ Akto luâk siâŋe hâkâŋe bo akbiap âmâ yâkgât nângâre âlepŋe aktâp.” hain dâm huŋgun yetkimbo purik katmâ ariyat.

⁷ Huŋgun yetkimbo purik katmâ arimbela Yesuŋe Yohanegât hin dâm luâk

âmbâle kili are makyenġiep, “Ye Yohane hân kamitnġangen malep yâk wan ekne dâm yâkgâlân ariyi? Seruġe dakerâ waito bam gutmap are ekne dâm yâkgâlân ariyi me? ⁸ Me luâk siâne hâk peke kulem melem are mem luguagep. Luâk hainare ekne dâm yâkgâlân ariyi me? Luâk hain arekne hâk peke kulem melem luguakmâ heŋgemgom luâk kotdâ yengât emelan tatmâ manmai. ⁹ Ye wan ekne dâm hân kamitnġangen ariyi? Amâ propete siâ ekberâm ariyi mon? Ye Yohane Anutugât den makmâ miawagep are ekne dâm ariyi aregât Yohane egi arekne âmâ luâkne luâkne Anutugât den makmâ miawakmâ manmâ gayi yâk yengât dop bo. Yâk amâ siâ. Yâkne âmâ propete hârok ewangi yekmâ kautne mandâp. ¹⁰ Yâkgât âmâ uliknân Anutuġe den hin dâep are tatâp, “Nune hoġ bawane huġgun aġdere laune lokom gâġgât uliknân akġinmâ dâp heŋgemgo ġinbiap.” den are amâ bunne akto Yohane miawagep. ¹¹ Akto Yohane yâkgât den siâ maktere nâġġânet. Luâk yânġande âmâ Yohane bo ewangimap. Dâ Anutu himbimân manmapne damunyeġe akto yengâlân gâtne hârokne âmâ Yohane ewangimai. ¹² Akto Yohaneġe âi keiġe katmâ den makyenġim malep sop arewa luâk âmbâle biwirâne Anutuġe damunnenne akberâm aktâp aregât den pat âlepne nâġġâm biwiyenġe herone marone akto aregât bunne mene dâm aktâi. Akto luâk âmbâle kârikne akmai yâkne himbingât pat akbai. ¹³ Propete luâk akto Mosegât den kârikne yâk hârokne Anutugât keiġe kulemgom manmâ gayi. Akto Yohaneġe aregât den bânne makmâ miawagep. ¹⁴ Propete luâk siâ kotne Elia are malep luâk hainare hutnennân miawakbiap, den are nâġġâmbiâ ârândâġ agâkgât tatyenġiâp mon? ¹⁵ Ire nâġġâm biwiyenġe kepiġâkgât den ire mem biwiyenġân katmâ nâġġâmâk manbei.

¹⁶ Hinne mandâi yengât den gain gain maktere ârândâġ akberâp? Dop hinare. Nanaġ lepat hain are kâmot lâuwâ kepia sombeimân tatbai. Tatmâ kâmot siâne kâmot siâ are hin dâm makyenġiwei, ¹⁷ “Nenne han nenneâk kep konden hain

konġet dâen. Hain dâm makyenġienne ye bo kondâi. Umbi mem indiengât yekâ han mem indenġet dâen. Hain dâm makyenġienne yekâ hainâk bo indeâi.” dâwai. Akto hainâk nâġe bo indem okot bâle akmâ sot bâlâk manman aregât nâġġât hainâk hâkâġ aktâi. Akto aregât maktere nâġġânet. ¹⁸ Yohaneġe sot wain tu bo nem âmâ yân manmâ gambo aregât ye hin dâyi, “Âi luâk ire âmâ sinduk baniara bâleġande kautne mem gulip ketuguâp.” dâyi. ¹⁹ Akto nâ luâk akmâ gem sot sonġo nendere hin dâm maganġi niġmai, “Luâk irekne sot humo nem mandâp amâ Roma yengât pat akmâ puli meme akto luâk bâleġe yâk yengât gala.” dâm maganġi goanġi akmai. Gârâmâ Anutugât nâġġâ nâġġâne nâġġâm watmâ manbai âmâ siâ me siâ bunneâk akto keiġe yâk yengâlân bunne miawakbiap.” dâep.

Yesuġe kepiġe kepiġe hârok makmâ sârek yenguep.

²⁰ Akto emelâk Yesuġe kepiġe kepiġe manmâ kulem keiġe keiġe mendo ekmâ kinmâ agak memeyenġe bâleġe yeġe bo makmâ miawakmâ han purikali aregât nâġġâm bâli yengim sârek yenguep. ²¹ “Bâe, Korasiġ kepia ambolupne, bâe, Besaida kepia ambolupne yengâlân kulem hamepne olowâk mem manmâ gan hainare Tiro akto Sidon kepiġan ketugure dâine yâk emelâk agak memeyenġe bâleġe hepunmâ kâġgom kinmâ okot bâle nâġġâ anġim kinmâ Anutugât den nâġġâwâi. ²² Dâ ye âmâ hain bo agi aregât hâmbâi sop humoân Tiro akto Sidon kepia ambolupnande aregât umatne membai. Hain gârâmâ ye âmâ agak memeyenġe bâleġe bo hepuli aregât hâuġe umatne bâleġe membai. ²³ Akto Kapanaum kepia ambolupne ye âmâ Anutuġe meyekto himbimân âġâwai mon? Hain bo. Anutuġe âmâ ye hepun yekto hememân gewai. Yengâlân kulem keiġe keiġe ketuguân are Sodom kepiġan ketugure dâine kepia aregât ambolupne hanyenġe purik katbiâ Anutuġe bo yenguwop. ²⁴ Aregât hin makyenġiwei. Sop umbunân Sodom kepia ambolupnande bâleġe agi aregât umatne meyi. Dâ ye

âmâ sop humoân umatne bâlene membai.”
dâep.

Yesune biwi sânduk ketugu nenekto wâtnenŋe kârikne akmap.

²⁵ Sop ain Yesune Ewene manjanmâ hin dâep, “Apo, hân himbim amboŋe gângât okot âlep akŋindân. Ewene gâ luâk bikŋande gângât keige nângâne dâm nângâ nângâ emetŋân âgâyi yâk yeŋgât wan me wan ire nângâwâi dâm dâp tigi yeŋgimat. Are nângâre ârândân aktâp. Dâ nanan hinare yânŋande âmâ aregât nângâŋet dâm hekat yeŋgimenâ nângâmai aregât gâ mepaige mendân. ²⁶ Apo gâ hain miawakmâ ariâkgât nângâmenâ âlepŋe agep.” dâm maganep. ²⁷ Akto den siâ hin dâm makyenŋiep, “Ewene yâkŋe nâ memene akniŋdo aregât kotŋe siâ siâ akbiangât dopŋe aktâp. Akto Ewenaet keiŋe nângângât luâk âmbâle potat yekmâ biken biken makyenŋire arekŋe âmâ hainâk keiŋe nângâwai. ²⁸⁻³⁰ Akto nâŋe nunak yeukŋân manmâ damunyeŋe akberâm aktângât ye hâk hilâlâm kakŋân manmai me umatne miawak yeŋgimbo wâtyeŋe sândugewerâm aktâp ye hârok nângâlân togombiâ âmâ nâŋe welam yeukŋe âlepŋe are mem katyeŋgire âmâ nângât keine nângâm heŋgemgombiâ mem hâk sânduk ketugu yektere wâtyeŋe kârikne akbiap. Akto biwiyeŋe sândugembo sân sân bo membai.” hain dâm makyenŋiep.

12

Âi bo meme sopŋaet den.

¹ Âi bo meme sopŋe Sarere ain Yesu akto hoŋ bawalupŋe âi kalam kâlegenba bam ariyi. Arim hoŋ bawalupŋe mopyeŋe agumbo sot mem hâkŋe gagaim neyi. ² Akto Parisaio luâkŋe yekmâ Yesu hin maganŋi, “Hoŋ bawalupgande âi meme sopŋe bo ain ina sot hâkŋe gagaim nendâi are yektenŋe ârândân bo aktâp.” dâyi. ³ Hain dâmbiâ Yesune hin makyenŋiep, “Ye Dawidŋe agep aregât den pat oyanmai are bo oyanmâ nângâmai mon? Yâk akto tembe lokolupŋe mop humo miawak yeŋgimbo mali. ⁴ Hain akmâ Anutugât sumbe kat kat emetŋân âgâyi. Âgâm âmâ Anutugât sumbe dâm sot kâmbokŋe dâtŋe are om

kali are neyi. Are âmâ sumbe kat kat luâkŋeak ne. ⁵ Mosenŋe den kulemgoep are oyanmai dâ amâ bo nângâmai. Sumbe kat katgât âi luâkŋe âi mem Sarere âi bo meme sopŋân sumbegât âi memai amâ dosa bo akmai. ⁶ Nâŋe âmâ sumbe kat kat emetŋe are ewangiân. ⁷ Akto ye den ire Anutune makto kulemgoep, “Sumbe ologât âmâ hâkân aktân. Dâ okot âlep agakgât âmâ egâlân.” den are nângâmai dâine agak memeyeŋe bâlene bo akmai yâk yeŋân den âiân umatne bo katyekbâi. ⁸ Nâ luâk akmâ geân âmâ âi bo meme sopŋe Sarere aregât damunŋe akman.” dâep.

Yesune luâk siâ mem âlepŋe ketuguep.

⁹ Akto Yesune arewa arim yâk yeŋgât den emetŋân âgâep. ¹⁰ Âgâm ain luâk bânŋe bâlene siâ tato egep. Akto Parisaio luâk arekŋe, “Gain gain akmâ Yesu denân katbaen.” dâm aregât hin dâm maganŋi, “Sarere âi bo meme sopŋân âlepŋe luâk kundatdâ heŋgem yeŋguwerât me bo?” dâyi. ¹¹ Dâmbiâ hin makyenŋiep, “Hut yeŋân gâtŋe siâŋe lama siâ kinaŋbiap. Akto lama arekŋe Sarere âi bo meme sopŋân lâmân gewiap. Akto luâk arekŋe lâmânba bo hikom oloŋbiap me? ¹² Hanâk hikom oloŋbiap akto luâkŋe âmâ lama ewangimap. Aregât nen âlepŋe âi bo meme sopŋe Sarere ain luâk heŋgem yeŋguenŋe ârândân akmap.” dâep. ¹³ Hain dâm kinmâ luâk bânŋe bâlene are hin dâm maganŋep, “Bâtge panmenâ agalâk.” dâmbiâ bânŋe pando âlepŋe akmâ bânŋe biken aregât dopŋe agep. ¹⁴ Akto Parisaio luâkŋe agatmâ arim mendugum Yesu kombiâ mombiapgât maganŋi goanŋi agi.

Yesu miawakbiapgât magi a kârigiep.

¹⁵ Hain akbiâ Yesune den are nângâm kepia are hepunmâ agatmâ ariep. Akto luâk âmbâle dondâŋe olop arimbiâ luâk kundatdâ dondâ heŋgem yeŋguep. ¹⁶ Hain akmâ aregât den pat bo makyenŋiwei dâm den kârikŋe makyenŋiep. ¹⁷ Makyenŋiepgât Anutune ikinŋe hoŋ bawagât den siâ Yesaia maganŋo hin kulemgoep,

¹⁸ “Hâmbâi nângât hoŋ bawane nâŋe emelâk makmâ hâreaŋân. Nâ yâkgât ukenŋe humo nângân akto yâkgât

okot âlep nângân. Akto nâje nune Heakne are yâkgâlân katbian akto yâkne agak meme âlepne aregât den pat are hânje hânje manmai are makyengiwiap. ¹⁹ Akto yâkne kuk heŋgân denje bo makbiap. Akto dâp humo watmâ bo kambonjo nângâwai. ²⁰ Akto hâlâm pelâkne kokone are bo hârem kâlâwân panbiap. Akto kâlâp ululunje are bo limbâpkombo bokbiap. Nângât hoj bawa hain akmâ âi humo mem ârândân den mem hulaŋ golaŋ mângimbo nângâmbiâ âlepne miawakbiap. ²¹ Akto hânje hânje manmai arekne yâkgât kotje nângâmbiâ humo akto biwiyenje sândugembo yâkgât lâmgom tatmâ mâruje akmâ konmâ manbai.” Yesaianje hain kulemgoep.

Yesune sinduk baniara siâ walaŋep.

²² Akto sop ain luâk siâ yâkgâlân kewugum togoyi. Akto luâk are âmâ sinduk baniara bâleŋande kautnân miep. Dewunje akto lauje hârok gisap aguep. Akto Yesune luâk are mem âlepne ketugumbo denje bo arekne den hogom emet ekmâ agep. ²³ Akto luâk âmbâle kâmot humo arekne ekmâ otneyenje arimbo hin dâm maganji goanji agi, “Luâk ire Dawidigât hakune me anjâ?” dâm han lâuwâ agi. ²⁴ Akto Parisaio luâkne den are nângâm hin dâyi, “Yâkgât keiŋe hingât akmâ kinmâ sinduk baniara bâleŋe watyekmâ kindâp. Sinduk baniara bâleŋe yengât humoyenje kotje Besebulu yâkgât kâriknân kinmâ watyekmâ kindâp.” dâyi. ²⁵ Hain dâmbiâ Yesune biwiyenân ekmâ hin dâm makyengiŋep, “Luâk kâmot siâŋe potalakmâ yeneak agumbiâ dâine bo akbop. Me emet me kepia humo siâŋe potalakmâ agumbiâ dâine emet kepia are bo yembop. ²⁶ Dâ hainâk Hianji Amboŋande ikinjak walakto dâine kâmotlupne emelâk potalakmâ bo akbâi. ²⁷ Hianji Amboŋaet kâriknân kinmâ âi mem manman dâine bunje bo miawakbop. Dâ Anutugât kâriknân kinman aregât Hianji Amboŋaet âi luâk watyekman. Akto aregât lâuwâne makbe. Ye nângâ yâkgât Besebulugât kâriknân kinmâ Besebulugât kâmot watyekmap dâi aregât hin dâm makyengiwe. Yengât luâklupyenje hainâk

Besebulugât kâriknân kinmâ sinduk baniara bâleŋe watyekmai. Yâkne âmâ hâkyenje tunmâ keiyenje mem miawakmai. ²⁸ Akto nâ Anutugât Heaknande wâtne niŋdo sinduk baniara watyekman aregât Anutune wan me wan hârok damunyenje akbiapgât sopne tâlâwâk aktâp. ²⁹ Akto nângât keine aregât den dopne siâ makyengire nângânet. Luâk kârikne siâŋe mâron goliakmâ tembe bisârân mem âgâm emet kepiaŋe damungom heŋgemgowiap âmâ yâkgât ito me wan me wan âlepne talaŋbiap. Dâ gasa kârikne dondâŋe togom emet damunje akmap are tâkne hikombo yeukne akto âlepne ito me bau me wan me wan are meakbiap.

Heak bo hâkâŋje akbaen.

³⁰ Akto aregât siâ maktere nângânet. Luâk âmbâle siâŋe gala bo akniŋmapne âmâ gasa akniŋmap. Akto siâŋe âi mendere bo tân nugumapne nugum pan nekbiapgât dop aktâp. ³¹ Akto luâk âmbâle biknande nugum bâleŋe maleŋe hârok mânginekmai dosa are Anutune ikinjak kutigit yengiwiapgât dopne aktâp. Dâ luâk siâŋe Anutugât Heakne are pilâkom mem ge katmâ âmâ dosa membiap are Anutune hepunbiapgât dopne bo tatâp. ³² Akto nâ luâk akmâ geân nângât siâŋe makmâ bâleniŋbiap âmâ dosa are Anutune ikinjak kutigilaŋbiapgât dopne aktâp. Dâ Heak âlepne yâkgât makmâ bâlianbiap yâkgât dosa âmâ Anutune bo kutigilaŋbiap. Borondâ. Luâk are dosa olop manmâ âgâwiap.

³³ Lâwingât keiŋe bunjande mem miapanmap. Aregât ye lâwin siâgât nângâm kepilâm imâ âlepne dâm benje bunjeŋaet hainâgâk âlepne dâmai. Akto lâwin siâgât nângâm kepilâm imâ bâleŋe dâm âmâ benje bunjeŋaet hainâgâk bâleŋe dâmai. ³⁴ Wei, mulum nananlupne, ye bâleŋe akmai aregât gain gain den âlepne siâ makbai. Amâ hanyenân wan me wan siâ yendâp hain âgâk lauyenânba gamap. ³⁵ Luâk âlepnde han nângâ nângâŋe âlepânba siâ me siâ âlepne lândemap. Dâ luâk bâleŋande âmâ han nângâ nângâŋe bâleŋânba siâ me siâ bâleŋeâk lândemap. ³⁶ Aregât hin makyengire nângânet. Siân sop humoân

luâk âmbâle hârokne den keiņe bo makmai are makmâ miawakbiâ Anutuņe den âiân katyekbiap. ³⁷ Amâ hingât. Den makmat arekne keige âlepne mem miap pando Anutuņe hâuņe âlepne akgiņbiap. Me den makmat arekne keige bâleņe mem miap pando Anutuņe hâuņe umatņe giņdo umatņân manmâ âgâwiat.” dâep.

Yesuņe kulem mendo eknegât magañi.

³⁸ Yesuņe hain dâmbo sop ain Mosegât den kârikne makmâ kepigi akto Parisaio luâk arekne Yesu magañmâ hin dâyi, “Apo, gâņe kulem siâ memenâ ekne.” dâyi. ³⁹ Hain dâmbiâ hin makyengiep, “Hain bo. Luâk âmbâle bâleņe yeņe Anutugât kotņe mem bâlimai arekne kulem miawakto ekne dâmai. Dâ nâņe amâ kulem bo hekat yeņgiwian. Konok amâ hin. Yonagât kulem are nâņgâm heņgemgowei. ⁴⁰ Ulikņân propete kotņe Yona iņan humo siâgât tepņe kâlegen hilâm âlâwu yiep hainâk luâk akmâ geân nâ hilâm âlâwu hân kâlegen yembian. ⁴¹ Dâ Yona arekne kepia bâleņe dondâ kotņe Niniwe aregât ambolupņe den makyengimbo hanyeņe purik kali. Dâ nâ Yonagât Humoņe nâņe makyengire hanyeņe kârikne akmai aregât Niniwe ambolupņande yeņgât dosa mem miawakye kmâ makbiâ agak memeyeņe bâleņe are mem miawakbiap. ⁴² Aregât den siâkâ makbe. Ulikņân hakunenne Dawidi yâkgât nanņe Salomoņe den nâņgâ nâņgâņe makmâ miawagep. Den are sambelem arimbo âmbâle kembu siâ hân bâiņângen Salomogât den are nâņgâwerâm togombo magañdo nâņgâmbo dâtņe agep. Dâ nâņe amâ Salomogât Humoņe aregât yu kindâi ire makyengire nâņgâmbiâ dâtņe bo akto aregât âmbâle kembu arekne yeņgât dosa mem miawakmâ hâkyeņe tun akto agak memeyeņe bâleņe are miawakbiap.

Niambiņe luâk hepunmâ arim manmâ purikamâ gewâkņânâk togoep.

⁴³ Ye hain akmaigât hin makyengire nâņgâm heņgemgoņet. Sinduk baniara helenj bâleņe siâņe luâk siâ hepunmâ hân kamitņângen luâk memberâm undâgâto bo akbiap. ⁴⁴ Undâgâto bo akto hin dâwiap, “Emelâk nâņgât luâk are agañmâ

hepulân aregâlân purik katmâ arim manbian.” hain dâm purik katmâ arim luâk aregât biwiņân siâ siâ bo kindo ekmâ ârândâņ aktâpgât ⁴⁵ amâ arim galalupņe bāt biken lâuwâ bâleņe dondâ akmai are amâ mem miawakye kmâ kewuguyekto togom manbiâ umatņe bâleņe dondân manmâ âgâwiap. Akto agak meme hain arekne luâk âmbâle bâleņe hinņe mandâi are yeņgâlân miawakbiap.” dâep.

Yesugât memene emilupņe.

⁴⁶ Den hain dâm makyengimbo ainâk memene emilupņe togom betgen kinmâ, “Teunenņe gemenâ makgiņne.” dâm koli. ⁴⁷ Hain dâm konbiâ luâk siâņe hin dâm magañep, “Memege emilupge betgen kinmâ gogonmâ kindâigât gemenâ makgiņberâi.” dâep. ⁴⁸ Hain dâmbo Yesuņe luâklupņe are yekmâ hin dâm magañep, “Memene niņe? Akto emilupne niņema? ⁴⁹ Memene me emilupne amâ ire. ⁵⁰ Ewene himbimân manmap yâkgât lauņe lokomai yâkņe amâ nâņgât memene akto emilupne garilupne aktâi.” dâep.

13

Luâkne sot koaņe kâmelep.

¹ Akto sop ain Yesuņe emet are hepunmâ sopanmâ arim bāt gum giņņân talep. ² Ain tato luâk âmbâle dondâņe yâkgâlân togom gam ândeañi. Hain agi aregât waņga siân âgâep. Akto luâk âmbâle togoyi are bāt gum dâtņân kinbiâ makyengiep. ³ Waņga kâlegen kinmâ den giņņe dondâ makyengiep are hutņân den giņņe siâ ikiņaet pat hin dâm makyengiep, “Luâk siâņe seņgo alekņe mem âi pâiņângen ariep. ⁴ Hain akmâ arim mem biken biken pando giep. Dâ seņgo alekņe bikņe amâ dâwân ge yiep. Are lâutņe dowâk togo nem meteyi. ⁵ Dâ bikņe amâ hân kât kâlegen hân dondâ bo ain ge yiep aregât dowâk pāt kombo kâmņe dowâk gambo ⁶ dewutâ kârikņe pando kândârâņe tâlâwâk aregât dipkom moep. ⁷ Dâ bikņe amâ hele kândârâņe kâlegen ain ge yiep arekne sopņân pāt kom kâmņe gambo hewukņe âkâ hainâk gam kârikņe akmâ sot tigimbo bunņe bo agep. ⁸ Akto seņgo alekņe bikņe amâ hân kelurâ

ambojande mem bandikoep ain ge yiep are bikjande pâtkom agatmâ bunje âlepje agep. Dâ bikjande amâ pâtkom agatmâ bunje âlepje dondâ agep. ⁹ Gârâmâ ye den ire nângâm biwiyenân katmâ hejgemgom manbiâ bunje yengâlân miawakbiap.” dâep.

¹⁰ Hain dâambo luâk âmbâle dondâ arimbiâ luâklupjande Yesu hindâm aikoyi, “Amâ wangât den ginjeâk makyengiât?” dâmbiâ hin makyengiep, ¹¹ “Ye Anutuje damunyeje akmap aregât keije yonâk malep are miapjân makyengiman. Dâ luâk âmbâle bikje Anutuje bo damunyeje akmap are Anutugât den patgât keije miawâk bo makyengiman. ¹² Aregât luâk âmbâle bikjande siâ me siâ are damun akmâ mem manmai are siâ me siâ siâkâ yengire sambe miawaganbiap. Dâ bikjande amâ siâ me siâ bâlensiâ are mem manmai are mendere yân manbai. ¹³ Aregât den ginjeâk makyengiman. Amâ yâkne amâ ekmâ amâ bo ekmâ nângâwai. Akto nângâwerâm hâumgowai arekne keije bo nângâwai. ¹⁴ Aregât den siâ Yesiaje ulikjân kulemgoep bikje bunje aktâp. Amâ hin,

Anutuje hin dâep, “Luâk âmbâle yu mandâi amâ ondopyenande nângâwai. Dâ hanyenande amâ bo nângâm kotgâwai. Akto dewunyenande ekbai. Dâ ekmâ amâ bo hejgemgowai. ¹⁵ Luâk kâmot irekne hanyene kârikne akto ondopyene bokbokne akto dewunyeje amâ bogep. Amâ dewunyenande siâ me siâ ekmâ ondopyenande nângâm hejgemgom amâ han biwiyene purikatmâ hejgemgombiâ nâje mem hejgemgomyekbomgât wan me wan bo ekmâ nângâm hejgemgowai.” Anutuje hain dâep.

Yesiaje den yu kulemgoep are bunje aktâp.

¹⁶⁻¹⁷ Den bunje makyengiwe. Ulikjân Anutugât propete akto luâk âmbâle bikje Anutugât dewunjân agak meme âlepjeâk akmâ mali arekne wan me wan unak yeje ekmâ mandâi hainâk ekberâm ukenne humo nângâm mali. Dâ amâ bo egi. Akto den pat âlepje makyengire nângâi ire gai nângâwerâm ukenne humo nângâm mali.

Dâ amâ bo nângâyi. Aregât ye amâ wan me wan ekmai aregât nângâm herone humo akmai. Akto den pat âlepje makyengire nângâmai aregât herone humo nângâm manmai.

Sot kâmelep aregât keije.

¹⁸ Akto nâje luâk siâje senjo palepgât den ginje maktân aregât keije amâ hin. ¹⁹ Senjo palep amâ Anutuje damunyeje akbiapgât den dopje makyengiman. Akto dâwân mesokto ge yiep are amâ den maktere bo nângâmbiâ ainâk Bâleje Ambojande dowâk togom den âlepje biwiyenân gewop dâm den pat are kondo bo akmap. Hain are. ²⁰ Dâ senjo bikje hân kât kâlegen ge yiepgât maktân are amâ luâkne hin akmai. Den pat âlepje maktere âlepje nângâm manmai. Akto ire amâ âlepje dâm herone akmâ getek mem manmai. ²¹ Dâ den biwiyenân bo gem hejgemgoep aregât getek manmâ umatje siâje me nângât dengât Anutugât gasa togombiân hamep akmâ den are hepunbai. ²² Dâ koaje hele hewukne kândârân yiep ain palep hân aregât dopje amâ luâk âmbâle hin akmai. Luâk âmbâle den makyengire are nângâm kinmâ hin dâmai, “Den ire lokowaen.” dâmai amâ benje sikumgât me puligât me hâkgât ukenne aregât nângâm han lâuwâ akbiâ sikumje kambiamyeje olojdo den âlepje hepunmâ sikum aregâlâk nângâmai. Hain nângâm agak meme âlepje bo akmâ bunje bo akmai. ²³ Dâ hân âlepjân palep hân aregât dop amâ luâkne hin akmai. Yâk amâ den pat âlepje nângâm kotgâm hejgemgom mem manmâ agak meme âlepje bunje akmai. Dâ bikjande amâ hain akmâ agak meme âlepje dondâ akmai. Den dopje maktân aregât keije amâ hain.” dâep.

Sot âlepje aregât hutjân hele pâtkomap aregât den.

²⁴ Akto Yesu den dopje siâ hin makyengiep, “Himbimân manmap yâkne damunyeje akbiap aregât den dopje hin. Luâk siâje senjo alekne mem âiângen arim kâmelep. ²⁵ Hain kâmeto bo akto emetjân âgâambo emet dâgâep. Emet dâgâambo ainâk hârok asinj yembiâ amâ gasaje togom

senjo kâit aregât alekne mem togom senjo hutnân kâmelep. ²⁶ Hain akmâ arimbo hilâm siân amâ senjo kâmne gambo bunne miawakto senjo kâit bunne bo are âkâ pâtkoop. ²⁷ Pâtkombo luâk aregât honj bawalupne arekne humoyene hin maganji, “Apo, senjo alekne kâmelan aregât gain gain senjo kâit dondâ hutnân pâtkoop?” dâyi. ²⁸ Hain dâmbiâ kalam amboje arekne hin makyengiep, “Maktâi amâ nângât gasa siâne togom senjo kâit kalep.” dâep. Hain dâmbo âi luâklupnande hin maganji, “Akto gain gain nângât? Nenje ari senjo kâit are hindâne me?” dâyi. ²⁹ Hain dâmbiâ hin makyengiep, “Hain bo. Hepunjet. Ageine mesokmâ koaje âlepne hindâ yekbâi. ³⁰ Gârâmâ hepunbiâ hain yendo titnan bunne miawakto âlepne ainâk ire senjo, ire bo dâm nângâm kepilâwai. Aregât hâre hâre luâklupne hin makyengiwan, Arim hele wan bunne bo are hindâm dâgâm mendugum kâlâwânâk panbiâ oâk. Dâ senjo bunne olop are orem nângât sot emetnân menduguwei. Hain dâwian.” dâm makyengiep.”

Lâwin koaje akto kâtembe aregât den.

³¹ Yesune den dopne siâ hin dâm makyengiep, “Himbimân manmap yâkne damunyeje akbiap aregât den dopne hin. Lâwin koaje siâ kotne wesem are âi luâk siâne koaje are mem arim ikinje kalamnân kâmelep. ³² Koaje amâ bâlensiâ dondâ. Dâ pâtkom amâ humo akmâ lâwin siânba are hârok ewangiyekmap. Hain akmâ lâwin humo akto lâtutne togom bêt bêtjân panmai.” dâep.

³³ Hain makyengim benje den dopne siâ hin dâm makyengiep, “Anutune damunyeje akberâm aktâp amâ kâtembe dop hinare. Âmbâle siâne kâtembe bâlensiâ mem hamân golangoep. Akto kâtembe bâlensiâ arekne ham hârok mângimbo ukenje agep.” dâep.

Yesune den dopneâk magep.

³⁴ Yesune hain dâm den dopnânâk luâk âmbâle togoyi are makyengiep. Dâ den miapnân amâ bo makyengiep. ³⁵ Akto den dopne siâ makyengiep amâ uliknân

propete siâne kulemgoep are bunne miawagep hin kulemgoep,

“Nâne den ginneâk hârok makyengiwan.

Akto wan me wan Anutune uliknânâk heambukto yem âgâep den are makmâ miawakyejire nângâwai.”

Hain kulemgoep den are bunne akto Yesune den ginneâk makyengim malep.

³⁶ Akto Yesune luâk âmbâle kâmot humo are hepun yekmâ emelan âgâep. Akto honj bawalupnande âgâm maganmâ hin dâyi, “Senjo kâitne kalam kâlegen pâtkoopgât maktât are nenâkâ keije maknengimenâ nângâne.” dâyi. ³⁷ Hain dâmbiâ Yesune den ginne aregât keije hin makyengiep, “Luâk senjo alekne kâmelep amâ luâk akmâ geân nâ. ³⁸ Dâ kalam amâ kepia hârok. Dâ senjo koaje âlepne amâ luâk âmbâle Anutune damunyeje akberâm aktâp are. Dâ hele bâleje amâ Bâleje Ambojaet luâk âmbâle. ³⁹ Dâ gasane togom kalam kâlegen hele bâleje koaje kâmelepgât maktân amâ Hiangi Amboje yâk. Dâ kalamân sot bunne memegât maktân amâ hâmbâi sop humoân miawakbiap aregât maktân. Dâ are amâ anelone mendugum kâlâwân ombaigât maktân amâ hâmbâi dop hainâk hân himbim bo akbiandat sop ain miawakbiap. ⁴⁰ Dâ hele bâleje hindâm kâlâwân ombaigât maktân amâ dop hainâk hâmbâi miawakbiap. ⁴¹ Amâ luâk akmâ geân nâne anelolupne hungun yengire wan me wanne luâk biwiyene mem bâlimap are akto luâk agak meme bâleje akmai are olonyekmâ kâlâwân panyekbiâ gewai. ⁴² Gem indem hâk hilâlâm humo nângâm elewetyene igim kinmâ manbai. ⁴³ Akto sop ain luâk âmbâle agak meme âlepneâk akmâ manmai are amâ Eweyetaet dewunjan dewutâ dewunne hinare akmâ pagalem kinbai. Gârâmâ ye den ire biwiyenân katmâ nângâm manbei.

⁴⁴ Akto Anutune damunyeje akberâm aktâp are amâ luâk siâne tâwât dewunne kalam kâlegen heambukto yiep hinare. Akto luâk siâne tâwât dewunne are ekmâ benje yâkâ hainâk lâuwâje heambugep. Hain akmâ aregât mârune dondâ akmâ wan me wan mem arimbo luâk biknande puligoyekbiâ puli are mem arim tâwât

dewunje egep are memberâm kalam are puligoep.

⁴⁵ Anutuje damunyeje akberâm aktâp are âmâ sikum luâk siâne kune âlep âlepgât undâgâtmap hainare. ⁴⁶ Luâk arekne kune siâ âlep âlepne dondâ ekmâ âmâ ikinjandeân siâ siâ mem arim yengimbo puli wanbiâ puli arekne kune delem are puligoep.

⁴⁷ Akto siâ gai hainâk Anutuje damunyeje akberâm aktâp amâ hin. Âi luâk bikjande njalu njalu panbiâ haru kâlegen gembo injan bâlene âlepne hârok olojyegi.

⁴⁸ Olojyekbiâ pikbiâ ginjângen olojbiâ giep. Hain akmâ injan âlepne âmâ kepilâmbiâ kondo siân giep. Dâ injan bâlene amâ pali. ⁴⁹ Hainâgâk hâmbâi himbim hân ire bo akbiap sop ain âkâ hainâk akbai. Anelone gem luâk bâlene luâk âlepne yengât hutyeje tete manmai are mem kepilâ yekbai. ⁵⁰ Hain akmâ kâlâp humo om yemap ain panyekbai. Akto sop ain âmâ hâk hilâlâm nângâm elewetyeje igim indem kambonmâ yembai.” dâep. ⁵¹ Akto Yesuje aiyengum hin dâep, “Den keije hârok makyengiân are âlepne nângâi me bo?” dâambo, “Âlepne nângâen.” dâyi. ⁵² Akto hin makyengiep, “Mosegât den tâmbâje makmâ hulanmai areyengâlân gâtne siâ himbimân manmap yâkne damunyeje akbiapgât keije makyengire nângâmap âmâ hin akmap. Itoânba sikum tâwât irakne akto wan tâmbâje lândem katmap.”

Nasarete kepijan gâtjande Yesu hâkâje agi.

⁵³ Yesuje den ginje are hârok makmâ metem hân are hepulep. ⁵⁴ Hepunmâ ikinje kepijan arim den emetne âgâm den pat âlepne makyengiep. Hain akto luâk âmbâle arekne otneyeje arimbo sân sân mem hin dâyi, “Luâk ire amâ ninjande hekalando nângâ nângâje miawaganmap akto kulem keije keije mendo miawakmap? ⁵⁵ Imâ nengâlân gâtne, eweje Yosepe emet ketugu ketugu âi meminep akto memene amâ ingâtne Maria are akto emilupne amâ Yakobo siâ akto Yosepe akto Simon siâ akto Yudasi ⁵⁶ akto garilupne amâ in mandâi aregât yâk siâ me siâ hârok are yâgâtenba mem miap palep?” ⁵⁷ dâm nângâmbiâ

bâliep. Hain akbiâ Yesuje hin makyengiep, “Anutugât Propete siâne hân siân siân arim makyengimbo denje nângâm hejngemgomai. Dâ ikinje kepijan âgâm makyengimbo âmâ hâkâj akmâ hamianmai.” dâep. ⁵⁸ Hain dâm kepia ambolupjande biwiyene yâkgâlân bo katmâ âmâ hâkâj agi aregât yâk yengâlân gâtne konok konok mem hejngem yenguep.

14

Heroteje Yohane kondo moep.

¹ Akto sop ain luâk kumbu kotne Herote arekne Yesuje âi mem kotne siâ siâ akmâ malep aregât den nângâep. ² Nângâm hon bawalupne makyengim hin dâep, “Luâk kotne Yohane tu puli keije kalep are emelâk moep arekne sumânba agatmâ mandâp. Aregât kulem keije keije siâ siâ memap.” dâep. ³ Dâ Heroteje Yohane kondo moep aregât keije hin. Ulikjân Herote are akto luâk siâ kotne Pilipo emi teu tatminiat. Akto Pilipo arekne âbenne kotne Herodia miep. Mendo âmbâle arekne luâkne Pilipo are hepunmâ Herote miep. ⁴ Hain manbela Yohane tu puli keije kalep arekne Herote hin maganep, “Den kârikne kom kandâge memenâ bâliâp.” dâep. ⁵ Hain dâambo kondere moâk dâm kala busi kâlegen kato talep. Hain akto âmâ luâk âmbâleje Yohane âmâ Anutugât Propete dâmini aregât Heroteje hamewakmâ hepulep. ⁶ Akto tatmâ hilâm siân Herote miawagepgât hombanj sopne akto galalupne mendugu yekmâ sot om yengiep. Sot om yengimbo mendugum nem tatbiâ âbenjaet baratne âmbâi sigan arekne hutyejân kinmâ kenju kom ândiep. Hain akto âmâ kambiamyeje âlepne akto ⁷ Heroteje hin dâep, “Anutugât dewunjan makbe. Wan me wan ekmâ ulit ninmenâ âmâ are âmâ âlepne ginjian.” dâep. ⁸ Hain dâambo arim memene aikombo memeneje Yohane kombiâ moâk dâm magando baratjande bam Herote hin maganep, “Yohane tu puli keije kalep aregât kautne hârem kondoân katmâ ninj.” dâep. ⁹ Hain dâambo Heroteje nângâambo umatne agep. Gârâmâ magep aregât den koko bo agep. Akto luâk tali are yengât

dewun yenjân denje gewopgât magep. ¹⁰ Akto honj bawanje siâ tâwât amboje are hunjun anjo tâwât mem arim kala busi kâlegen âgâep. ¹¹ Âgâm Yohanegât hanje hârem kautje kondoân katmâ mem gutmâ âmbâi sigan are wanjep. Wanjo memenaelân lokom ariep. Lokom arim memenje wanjep. ¹² Akto Yohanegât honj bawalupjande pat are nângâm ari hâkne mem hangoyi. Hangom âmâ aregât arim Yesu maganji.

Yesuje luâk 5,000 sot yengimbo neyi.

¹³ Yesuje den are nângâm kepia are hepunmâ luâk âmbâle dondâ are hepun yekmâ wanja mem hân pumângen ariep. Arimbo luâk âmbâleje nângâm kepia humo hepunmâ kei hân watmâ togoyi. ¹⁴ Akto wanjanba sopanbiâ Yesuje luâk âmbâle dondâ yekmâ okot nângâyengim kundatdâ mem hejgem yenguep. ¹⁵ Hain akmâ mando honj bawalupjande togom hin maganji, “Emet engainje aktâp. Akto hân iren kepia me emet bo tatâi aregât luâk âmbâle ire hunjun yengimenâ mopyeje aguwojgât kepia enemânâk ain arim sot puligom nenjet.” dâyi. ¹⁶ Hain dâmbiâ hin makyengiep, “Wangât arinetgât maktâi? Ye sot om yenginet.” dâep. ¹⁷ Hain dâmbiâ hin dâyi, “Nen âmâ sot bo menden. Sot koaje momerâk akto injan lâuwâ kindâp.” dâmbiâ hin dâep, ¹⁸ “Sot are nijnet.” dâmbiâ mem ga wanbiâ ¹⁹ luâk âmbâle makyengimbo umilij kakne tete tatmâ ariyi. Hain tatbiâ sot are mem kinmâ himbimân ekmâ Anutu mepainje miep. Mepainje mem sot yengimbo luâk âmbâle are yengiyi. ²⁰ Yengimbiâ nem tepyeje pikto sot pipiye ge yiep are pitim mendugum haka bêt bip bip hârok keiân lâuwâ lugumbiâ pigep. ²¹ Akto luâk sot neyi are yengât yalayene âmâ 5,000. Dâ âmbâle nanan âmâ bo oyanjeyi.

Yesuje bêtgum kakjân ariep.

²² Ainâk Yesuje honj bawalupje hunjun yengim hin dâep, “Yene sonj wanjan âgâm haru biken arimbiâ âmâ nâmâ titnan luâk âmbâle ire hunjun yengire arimbiâ âmâ togowerân.” dâep. ²³ Hain dâmbiâ arimbiâ yâk luâk âmbâle are hunjun yengimbo hârok arim metembiâ ikinjeâk Anutu ulilanberâm

gimbâje siân âgâep. Âgâ ewene ulilanmâ kindo emet engainje agep. ²⁴ Engainje akto luâklupje wanja mem arim emelâk haru tânâmjângen ariyi. Arimbiâ wanja hâmenjângenba seru gambo wanja are âgâm gem malep. ²⁵ Gem mando emet haunberâm akto hândâk pipiye tatoâk Yesuje haru kakjân tâlim tâlim yâk yengât enemyenân togoep. ²⁶ Togombo ekmâ sân sân mem ongâyeje hogombo hin dâyi, “Niambi siâ togoâp.” dâm hamewakmâ kamboji. ²⁷ Kambojiâ âmâ dowâk makyengim hin dâep, “Bo hamewaknet. Biwiyene sândugeâk. Nâje togoân.” dâep. ²⁸ Hain dâmbiâ Petoroje hin maganjep, “Gâje togoât aregât nogonmenâ nâkâ haru kakjân tâlim tâlim gângâlân gutbe.” ²⁹ Hain dâmbiâ Yesuje, “Âlepje gut.” dâmbiâ Petoroje wanja hepunmâ gem haru kakne tâlim tâlim Yesugâlân baep. ³⁰ Bam haru are ekto seruje waito agatmâ gem agatmâ gem akto ekmâ hamewagep. Hamewakmâ haruân gewerâm agep. Hain akmâ konmâ hin dâep, “Humo tân nugu.” dâmbiâ ³¹ Yesuje dowâk bêtje panmâ Petoro mem hin maganjep, “Gâ nângât biwige bo katmâ hejgemgomat. Gâ wangât han lâuwâ aktât?” dâep. ³² Hain maganjo wanjan bam âgâmbela ainâk seru nângâgâep. ³³ Akto luâk wanjan tali yâkne enemjân kângom hin dâyi, “Gâ Anutugât Nanje bunje.” dâyi.

³⁴ Haru are hâtikom kepia siâ kotje Gensaret ain ariyi. ³⁵ Arimbiâ patje nângâm togom ekmâ nânganji. Akto luâk arekne den katbiâ kepia ewumâk ewumâk ariep. Akto luâk âmbâleje kundatdâ meyekmâ yâkgâlân togoyi. ³⁶ Togom Yesu konmâ maganmâ hin dâyi, “Apo nengâlân gâtje kundatdâ irekne sângunge howaim âmâ âlepje aknet.” dâmbiâ âlepje dâmbiâ bikjande howaimbiâ Yesuje hejgem yenguep.

15

Sotje biwinenje bo hilipkomap.

¹ Sop ainâk Parisaio luâk akto Yuda luâk yâk hârokne bâgilupyene yengât den lokom sot nemberâm akmâ bêtje pulimâk sot nemini. Luâk arekne Yerusalem kepijanba togom Yesugâlân mendugum hin dâm

aikoyi, ² “Hon bawalupgande wangât bâgilupnenne yengât den bo lokom bâtyeje tuân bo pulim yân sot mem nendâi?” dâyi. ³ Aregât hin makyengiep, “Dâ ye amâ wangât yenjaet agak memeyeje bâliwopgât Anutugât den kârikne kalep are longaimai? ⁴ Aregât keije hin. Anutuje den kârikne makto Moseje kulemgoep bikne hin tatâp, “Gâ ewege memege amukyetnân manben.” akto bikne hin tatâp, “Luâk âmbâle siâje eweje memene den bâleje makyengiwiap amâ humomolupnande kombiâ mombiap.” hain tatâp. ⁵ Aregât ye den hamianmai. Hamianmâ hin dâmai, “Luâk âmbâle siâje eweje memene hin dâm makyetkiwiap, “Mej, apo, sot me puli me wan me wan yetkiwiangât are Anutugât sumbe emetnân katere tatbiap.” ⁶ dâm puli me wan me wan are ain kato tato ârândân akbiap.” dâmai. Aregât eweje memene tânyenguwiapgât nângâmbiâ gemap. Akto nengât den bunje agâk dâm Anutugât den kombiâ gemap. ⁷ Ye hiangi luâk. Uliknân propete Yesaiaje ye dop yengum hin kulemgoep, ⁸ Anutuje hin dâep, “Luâk âmbâle kâmot irekne lauyenjandeak nângât kotne mem agatmai. Dâ han biwi olowâk amâ bo. ⁹ Akto luâk yengât den are nângâmbiâ bunje akmap. Hain akmâ hâkneak nângât kotne mem agatmai.” hain kulemgoep are bunje akto ye Anutugât den kombiâ nângâre dondâ bâliâp.” dâep.

¹⁰ Akto Yesuje luâk âmbâle yengondo togombiâ hin makyengiep, “Ye den ire nângâm hengemgom mem biwiyenân katnet. ¹¹ Wan me wan luâkne lauyenân nemiâ gemap arekne amâ luâk mem helen bo ketugu yekmap. Dâ wan me wan luâk biwiyene kâlegen yem lauyenânba gamap arekne amâ luâk mem helen ketugu yekmap.” dâep. ¹² Hain dâambo hon bawalupnande togom maganmâ aikom hin dâyi, “Parisaio luâk makyengimenâ nângâm bâligindâi are nângât me bo?” dâyi. ¹³ Hain dâmbiâ hin dâm makyengiep, “Ewenande bo kâmetyegep are hâmbâi hârok hindâm panyekbiap. ¹⁴ Aregât yeje hepun yekbei. Luâk dewunyetje bok bokne arekne olonakmâ gain gain dâp hekalangiwiadat? Gârâmâ Parisaio luâk

amâ dewunyeje bok bokne hainâk luâk âmbâle Anutugât dâp hekat yengiweren dâm dâp bâlenângen olonyekmâ arimai.” dâep. ¹⁵ Hain dâambo Petoroje maganmâ hin dâep, “Apo, den dopje maktât aregât keije maknengimenâ nângâne.” dâep. ¹⁶ Hain dâambo hin dâep, “Woe, yekai hainâk nângâ nângâyeje bo me? ¹⁷ Ye den iregât keije nângânet. Ye sot nemiâ lauyenânba gem tepyenân tatmap. Akto tepyenânba amâ gem lâmân arimap. ¹⁸ Dâ luâk âmbâle bâleje yengât biwiyenân wan me wan yemap are makbiâ den arekne luâk âmbâle mem helen ketugu yekmap. ¹⁹ Aregât keije hin. Luâk âmbâle bâleje are yengât biwiyenân hin yemap. Nângâ nângâ bâleje siâ yengumbiâ monetgât, luâkdâ âmbendâ mem hepunak hepunak, egâlian bâleje, kâmbu, hiangi den akto den hembalik galagât hogo hogo bâleje olowâk. ²⁰ Arekne luâk âmbâle biwiyenân gemap. Hain gem miawakto bâleje akmai. Dâ luâk âmbâle bâtyeje bo pulim sot mem nemai are amâ bâleje bo akmap.” dâep.

Âmbâle siâje Yesu ulilanep.

²¹ Yesu kepia are hepunmâ kepia lâuwâ kotyetje Tiro akto Sidon aregen ariep. ²² Ain arimbo âmbâle siâ Kanan gâtje Yuda gâtje bo arekne togom Yesu hin ulilanep, “Humo, Dawidigât hakuje nângât akmâ han kalem akni. Sinduk baniara bâleje siâje baratne mem bâlimbo umatnânâk manmap.” dâep. ²³ Hain dâambo Yesuje den hâuje bo maganep. Hain akto âmbâle arekne hon bawalupne hâwât yekto Yesu hin maganji, “Apo, âmbâle irekne hâwât nenekto hâkân akten aregât watmenâ ariâk.” dâyi. ²⁴ Hain dâmbiâ Yesuje aregât hin magep, “Israegât kâmotje gulip manmai are hengem yenguwen dâm Anutuje hungun niño geân. Dâ kâmot siâ siâ are yengât bo geân.” dâep. ²⁵ Hain dâambo âmbâle are gutmâ enemnân kângom kinmâ hin dâep, “Humo, gâje nâ tân nugu.” dâep. ²⁶ Hain dâambo hin dâep, “Nanan yengât sot are mem dua yengiennen bo ârândân akmap.” dâep. ²⁷ Hain dâambo hin maganep, “Kembu, bundâk maktât are nângâre ârândân aktâp gârâmâ nananje son sot

nem tathiâ pipiņe gembo âmâ duaje hanâk nemai.” dâep. ²⁸ Hain dâmbo hin maganeņ, “Meņ, den hain maktât aregât han biwigande nângâ niņmâ kepilâm kinmâ maktât aregât nângâ giņdân.” dâep. Hain dâmbo emetņân arim sinduk baniara arekņe Yesuņe mageņ sop ainâk baratņe are hepuleņ.

Yesuņe luâk biwirâ mem âlepņe ketuguyegeņ.

²⁹ Akto Yesu kepia are hepunmâ Galilaia bāt gum ginņân ariep. Arim gimbaņe siân âgâ taleņ. ³⁰ Akto luâk âmbâle dondâņe yâkgâlân mendugum luâk âmbâle keiyeņe bâleņe me dewunyeņe bok bokņe akto hagityeņe goņ goņ agu aguņe me den bo makmâ mali akto kundat keiņe keiņande meyegeņ are loko yekmâ togo Yesugât keiņân menduguyegi. Hain akbiâ Yesuņe mem heņgem yeņgueņ. ³¹ Heņgem yeņgumbo denyeņe bo arekņe den hogoyi akto hagityeņe kâm kâmņe are ârândâņ akyeņgieņ akto keiyeņe bâleņe arekņe bam guli akto dewunyeņe bok bokņe arekņe emet egi. Hain akbiâ luâk âmbâle ain kili arekņe are yekmâ nângâmbiâ dâtņe ageņ. Hain akmâ Israegât Humoyeņe Anutu aregât kotņe mem agali.

Yesuņe luâk 4,000 sot yeņgimbo neyi.

³² Yesuņe hoņ bawalupņe yeņgondo togoyi. Togombiâ hin makyeņgieņ, “Nâ luâk âmbâle ire yekmâ okotne nângân. Nâ olop tatmâ manbiâ hilâm âlâwu bo akto sot bâlâk tatmâ mandâi. Gârâmâ sot bâlâk âmâ bo huņgun yeņgire ariwerâi. Ageine yân huņgun yeņgire arim dâwân sotgât dewun biri yeņguwop.” dâep. ³³ Akto hoņ bawalupņande hin dâyi, “Hân iren âmâ aņgim nene bo tatâp aregât yâgâtenba sot unduwâk mem luâk âmbâle kâmot humo ire yeņgiweren?” dâyi. ³⁴ Dâmbiâ Yesuņe hin makyeņgieņ, “Yeņgâlân sot wan kindâp?” dâmbo hin dâyi, “Sot koaņe nâmbulân lâuwâ akto iņan bâleņ maleņ konok konok kinnengiâp.” dâyi. ³⁵ Hain dâmbiâ Yesuņe luâk âmbâle are makyeņgimbo hân tete tatmâ ariyi. ³⁶ Akto Yesuņe sot koaņe nâmbulân lâuwâ are akto iņan amon siâ are mem Anutu mepaiņe mem munditmâ yeņgieņ. Yeņgimbo potatmâ luâk âmbâle

are yeņgiyi. ³⁷ Yeņgimbiâ nem tepyeņe pikto hoņ bawalupņande sot pipiņe are pitim mendugum haka nâmbulân lâuwâ lugumbiâ pigeņ. ³⁸ Akto luâk sot neyi are âmâ 4,000. Dâ âmbâle nanaņ âmâ bo oyaņyegi. ³⁹ Akto Yesuņe luâk âmbâle are huņgun yeņgimbo arim meteyi. Arim metembiâ âmâ luâklupņe olop waņgan âgâm kepia siâ kotņe Magadaņ aregen ariyi.

16

Yesuņe kulem mendo ekneġât makbiâ bo dâep.

¹ Akto Parisaio luâk bikņe akto Sadukaio luâk bikņe arekņe Yesu dop kom hianberâm togom hin magani, “Himbimgât kulem siâ memenâ ekne.” dâyi. ² Hain dâmbiâ hin dâep, “Ye amâ hin akmai. Eņgaine akto himbim gilâm aktâp are ekmâ hin dâmai, “Woe, hamandat gilâm aktâp aregât emet huraguwerâp.” dâmai. ³ Dâ hândâgân hamandatņe tigimbo hin dâmai, “Woe, hamandat hândâk aktâpgât uņak amâ tânâk seru akberâp.” hain dâmai. Aregât emet kulem keiņe ekmâ nângâm heņgemgomai. Dâ sop humo aregât keiņe amâ bo nângâmai. ⁴ Aregât siâkâ makbe. Luâk âmbâle bâleņe akmâ dâp gulip manmai arekņe kulem miawakto ekne dâmai. Uliķņân luâk kotņe Yona wan miep aregât kulem konok areâk miawakto ekbai.” dâep. Hain dâm Yesuņe hepun yekmâ luâklupņe olop waņgan âgâm ariyi.

Parisaio akto Sadukaio luâk minao makyeņgieņ.

⁵ Waņga mem bāt gum hâtikowerâm akbiâ luâklupņe nelâm yeņgimbo sot bo mem bāt gum hâtikoyi. ⁶ Akto Yesuņe makyeņgim hin dâep, “Parisaio akto Sadukaio yeņgât kâtembe aregât biwiyeņaet damunņe golâk manbei.” dâep. ⁷ Hain dâmbo magangi goangi akmâ hin dâyi, “Sot bo mem togoen aregât maktâp.” dâmbiâ ⁸ nângâm hin makyeņgieņ, “Ye sotgât nângâmbiâ humo aktâp aregât nângâlân biwiyeņe getek katmai. ⁹ Nâ siâ me siâ agân aregât nelâmyeņgieņ mon? Luâk 5 tausen akmâ sot koaņe momerâk nembiâ pipiņe gembo haka dondâ lugumbiâ pigeņ. ¹⁰ Akto luâk

4 tausen akmâ sot nâmbulân lâuwâ nemiâ tepyeņe pigeņ. Pikto pipiņe gombo haka dondâ lugumbiâ pigeņ. ¹¹ Aregât sotgât bo nâņgâmbiâ humo akbiap akto kâtembe gât maktân are âmâ sotgât bo maktân. Maktân are lâuwâņe maktere nâņgâņet. Parisaio akto Sadukaio yengât kâtembe hâkņe hâkņe arekņe yengâlân hâtikombo bâliwâi.” dâep. ¹² Hain dâm makyenġimbo hin maganġi goanġi agi, “Sotgât hanokoak bo akņet dâm maknengîap. Parisaio akto Sadukaio yâk yengât den nâņgâwâi dâm maknengîap.” dâyi.

Petoroņe Yesugât keiņe makmâ hulanġep.

¹³ Akto ainba arim hân kotņe Kaisarea kotņe siâ Pilipi aregen ariyi. Ain arimbiâ Yesuņe hin aiyenġuep, “Luâk âmbâleņe nâ luâk akmâ geân nâņgât gain gain dâmai?” dâmbo ¹⁴ hin dâyi, “Bikņande âmâ Yohane tu puli luâk arekņe mandât dâmai. Dâ bikņande âmâ Eliane gem mandât dâmai. Dâ bikņande âmâ propete siâ kotņe Yeremia me propete siâ me siâņe mandât dâmai.” dâyi. ¹⁵ Hain dâmbiâ hin aiyenġuep, “Dâ yeņe âmâ nâņgât gain gain dâm nâņgâ niņmai?” dâmbo Petoro kotņe siâ Simon arekņe hin maganġep, ¹⁶ “Anutuņe huņgunanġo miawakbiapgât dâtâņe Anutu manman kârikņe yâkgât nanņe gem mandât.” dâep. ¹⁷ Hain dâmbo hin dâep, “Simon Yonagât nanņe luâk âmbâle siâņe den ire makġiņdo bo maktât. Ewene himbimân mandâp arekņe den ire makġiņdâp aregât heroņe ak. ¹⁸ Gâņgât kotge Petoro den aregât keiņe âmâ kât aregât dopņe hainâk yu maktât den arekņe nune emet ketuguwian ain Hememgât ambolupņande nâņgât kâmot are mem ge katyekberâm âi humo mem kinmâ pâpkowai. ¹⁹ Akto nâ himbim kâleņaet hâņgigât tâkņe ġiņbian aregât gâ hânân wan hikowiatgât âi memenâ himbimân gai hikowiapgât miawakbiat. Dâ hânân hulanġiatgât âi memenâ himbimân gai hulanġiapgât miawakbiap.” dâm maganġep. ²⁰ Akto Yesuņe hoņ bawalupņe makyenġim hin dâep, “Nâ Anutuņe huņgun niņdo geân iregât den siâ me siâ bo makyenġiwei.” dâep.

Yesuņe mom agatbiapgât makyenġiep.

²¹ Akto sop ain Yesuņe keiņe katmâ Yerusalem kepian âgâambo Israe yengât humomolupyene akto Mosegât den kârikņe makmâ kepigi akto sumbe kat kat luâk arekņe mem siâ siâ mâņgim hâk hilâlâm wanmâ kombiâ mom benņe hilâm âlâwu bo akto momoņânba agatbiap aregât den hoņ bawalupņe makyenġiep. ²² Akto Petoroņe Yesu kewugum ġiņņangen bam den kugâk kugâk mâņgim hin maganġep, “Humo, gâ hain bo akbiat. Wan me wan akġiņbaigât maktât are gâņgâlân bo miawakbiap.” dâep. ²³ Hain dâmbo Yesuņe purik dâm Petoro maganmâ hin dâep, “Gâ Hianġi Amboņe aregât hepunnek. Gâmâ nâ peņ panmâ nuguâkgât dâp tigiņidât. Gâ Anutugât nâņgâ nâņgâ are bo nâņgât. Gâ luâk yengât nâņgâ nâņgâ are nâņgâm maktât aregât heniņdât.” dâep.

Yesu olop manbaengât den.

²⁴ Hain dâm hârok hin dâm makyenġiep, “Luâk âmbâle bikņande biwiyene nâņgâlân katmâ nâ olop ariwerâm âmâ wan me wanņe hilipyenġuwiap aregât bo hamewâkmâ hanâk watnekmâ manbei. ²⁵ Dâ siâņe ikiņe hâkņe gangerâwiap are âmâ yâk manman âlepņe bo penianġiap. Akto siâņe nâņgât den âi aregâlâk nâņgâm mando kombiâ âmâ momoņân ba agatbiap. ²⁶ Luâk siâ hâņgât wan me wan hârok mem mando manmanņe gulip akto gain gain manmanņe miawaganġiap? Akto manmanġaet den dâtâņe are gain mendo ârândâņ akbiap? ²⁷ Aregât keiņe hin. Sop humoân Ewenaet pagaleņe olop akto aņelolupņe âkâ olowâk Ewenaendele luâk akmâ geân nâ lâuwâņe huņgun niņdo gewian, sop ain âmâ luâk âmbâle agak meme akmai aregât hâuņe hainâk yenġiwian. ²⁸ Akto aregât makyenġire nâņgâņet. Luâk bikņe yu kindâi ire hâmbâi boâk mombiân nâ emelâk luâk akmâ geâņgât togom damunyeņe aktere nekbai.” dâep.

17

Yesuņe ġimbânân himbim towat agep.

¹ Akto hilâm nâmbulân konok bo akto Yesuņe Petoro Yakobo akto emiņe Yohane

kewugu yekto gimbâne siâ ain âgâyi. Âgâm ain yenjeâk kili. ² Ekmâ kinbiâ Yesugât hâkne purik âgâambo anjâ agep. Hain akto enem dewunne arekne dewutâ dewunne hinare akmâ pakpak dâep. Pakpak dâambo sângumne wan arekne kau kau dondâ agep. ³ Akto ainâk Mose akto Elia miawakbela Yesu olop den maganji goanji akbiâ yegi. ⁴ Akto Petoroje yekmâ Yesu maganmâ hin dâep, “Humo wan siâ hekat nengimenâ ekten aregât ukenne nângâen. Gârâmâ gâne âlepne dâmenâ âmâ nâne uligi âlâwu in ketuguwerân. Gângât siâ akto Mosegât siâ akto Eliagât siâ.” ⁵ Hain dâm makmâ kindo are olowâk hamandat kau kau arekne tigiyegep. Akto hamandat are kâlegenbak den siâ hin miawagep, “Ire âmâ nângât nanne akto biwinande mem hengemgoman. Akto yâkgât agak meme aregât ukenne akman gârâmâ ye yâkgât den nângâwei.” dâep. ⁶ Akto hoj bawalupnande den are nângâm hamewakmâ enem dewunne hânângen gembo kângom tali. ⁷ Akto Yesune enemyenân gutmâ mem goan yekmâ hin makyengiep, “Agatnet. Ye hamep bo aknet.” dâambo ⁸ agatmâ luâk lâuwâ are bo yelegi. Yesune konok ikinjak kindo egi.

⁹ Akto gimbâne are hepunmâ pelepne gem gem Yesune den kârikne makyengim hin dâep, “Wan me wan âuren ye ektâi aregât den luâk siâ me siâ bo maganbei. Titnan luâk akmâ geân nâ momonânba agatbian ain âmâ âlepne makyengiwei.” dâep. ¹⁰ Akto hoj bawalupne olop kili arekne aikom hin dâyi, “Mosegât den kârikne makmâ kepikmai arekne hin dâmai, “Eliane lâuwâne togombo âmâ haminân Anutugât hoj bawa togowiap.” dâmai. Amâ gain gain?” dâyi. ¹¹ Hain dâmbiâ hin makyengiep, “Amâ bundâk, Eliane âmâ togom wan me wan are hârok hengemgowiap. ¹² Gârâmâ aregât hin makyengiwe. Elia âmâ lâuwâne emelâk togoep gârâmâ luâk biknande bo ekmâ nângâm hengemgom ukenyene watmâ agak meme keine keine aganbiâ moep. Aregât hainâk akmâ luâk akmâ geân nâ hâk hilâlâm ninbiâ mombian.” dâep. ¹³ Yesune hain dâambo hoj bawalupnande hin nângâyi, “Eliagât maktâp amâ Yohane

tu puli keine kalep aregât maktâp.” dâyi.

Aposolone nanan siâ hengemgone dâm hâumgoyi.

¹⁴ Akto arewa gembiâ luâk âmbâle dondâ yâkgâlân togoyi. Akto luâk siâne Yesugât enemnân togom pâwutne ligim hânân tatmâ kângom hin maganep, ¹⁵ “Humo, gâ hanâk nannaet okotge nângâ. Nâ nune nanne biwi gulip akmâ manmap. Akto kâlâwân me tuân gembo sop unduwâk aktâp. ¹⁶ Akto gângât hoj bawalupgande mem hengemgojet dâm mem togore hengemgowerâm âsimbiâ bo agep.” dâep. ¹⁷ Hain dâambo Yesune hin dâep, “Ye wangât nângâlân biwiyene bo katmâ âmâ yengaelâk nângâm kautyene oremai. Nâ ye olop sop kâlep bo manbaen aregât arire âmâ ye gain gain akmâ manbai? Akto sokom katyektere sop kâlep akbiap mon? Bâin, nanan are kewugum nângâlân ganjet.” dâep. ¹⁸ Hain dâambo kewugum yâkgâlân âgâmbiâ sinduk baniara bâlene are den kugâk kugâk mângimbo luâk sigan are hepunmâ ariep. Akto ainâk kundat are bo aganep. ¹⁹ Akto hoj bawalupnande ikinjeâk yonjak tatoân Yesugâlân togom maganmâ hin dâyi, “Keine gain gaingât nenne sinduk baniara bâlene are watberâm mem âsienne bo aktâp?” dâyi. ²⁰⁻²¹ Hain dâmbiâ yâkne hin makyengiep, “Ye nângâlân biwiyene kârikne bo katmâ hengemgomai aregât walanberâm âsiâi. Dâ yene biwiyene nângâlân getek katmâ âmâ âlepne borâne ire maganmâ hin dâwai, “Gâ agatmâ indâgen ari.” dâmbiâ ariwerâp. Akto wan me wan miawagâk dâmbiâ âlepne miawakbiap.” dâep.

Yesune mom agatbiapgât makyengimbo sop lâuwâ agep.

²² Akto Yesu Aposololupne olop Galilaia hânân ariyi. Arim Yesune hin makyengiep, “Nâ luâk akmâ geân nâ luâk biknande nugumbiâ mombian. ²³ Akto nugumbiâ mom benne hilâm âlâwuân momonânba agatbian.” Hain dâambo biwiyene umatne agep.

Petoroje injan launânba puli miep.

²⁴ Akto arewa Kapanaum kepiyan ariyi. Akto sumbe kat kat emetnaet puli dâtâne memini arekne Petorogâlân togom aikom

hin dâyi, “Yengât tiksayenande sumbe kat kat emetnaet puli siâ katmap me bo?” dâm maganji. ²⁵ Hain dâmbiâ Petoroŋe, “Âo.” dâep. Hain dâm ikinjak emet kâlegen âgâmbô Yesuŋe soŋ maganmâ hin dâep, “Simonj gâ gain gain nângât? Hângât luâk kembuŋe yeŋe nanlupyenye yeŋgâlânba puli dâtâŋe memai me luâk anjâ yeŋgâlânba memai?” dâep. ²⁶ Hain dâmbô Petoroŋe maganmâ dâep, “Luâk anjâ yeŋgâlânba memai.” dâmbô Yesuŋe hin maganep, “Bundâk maktât. Gârâmâ nanlupyenande puli dâtâŋe kat katgât âi bo memai. ²⁷ Gârâmâ bo katenŋe nângâmbiâ bâliwopgât hanâk netgât puli dâtâŋe kat. Gâŋe haruâŋen arim tâk panmâ injan ulik gulik oloŋberât are tepŋe gâimenâ puli koaŋe siâ miawakto mem netgât katberât.” dâep.

18

Nananj gurukŋe yeŋgât towat manbaen.

¹ Akto sop ain hoŋ bawalupŋande Yesugâlân togom hin maganji, “Anutuŋe damun nenŋe akmap nengâlân gâtŋe niŋande bikŋe ewangi nenekmâ damun nenŋe akbiap?” dâyi. ² Hain dâmbiâ nananj siâ kondo gambo hutyeŋân kato kindo ³ hin dâm makyenŋiep, “Den ai nuguâi aregât makyenŋire nângâŋet. Nananj lupyenande akmai are yeŋe hain akbiâ âmâ Anutuŋe meyekbiap. Dâ hain bo akbai amâ Anutugât kâmolân bo dewati nenekbai. ⁴ Akto nananj ire hainare akmâ amâ ikinjaet nângâmbô gewiap aregât yeŋgâlân gâtŋe siâŋe hainâk akmâ ikinjaet nângâmbô gembo amâ Anutugât kâmot damunyeŋe akbiap. ⁵ Akto luâk âmbâle siâŋe amâ nananj ire hinare tângomap arekŋe amâ nâ tân nugumap aregât dop akmap. ⁶ Dâ luâk siâŋe nananj biwiyenye nângâlân katmai are yeŋgâlânba konok bâliwerâm hâkŋe hâkŋe hain akto amâ gâuk, siâŋe kât humo dondâ hanjân imbogoanmâ haru bâtgumân hâkokombo dâine arekŋe amâ siâ me siâ owâiŋe miawaganjâp akbop.

⁷ Akto dop yeŋgumapŋe ye hârok dop yeŋguwerâm biwiyenân gewiapgât dop tatâp aregât hân hârokgât okotne nângân. Gârâmâ luâk âmbâle siâŋe bikŋe bâleŋe akŋet dâm hilip yeŋgumbo Anutuŋe hâuŋe

humo wanbiap. ⁸ Akto hememgât pat akbâigât bâtyeŋe me keiyenye bikŋande bâleŋe akbâigât hârem panbei. Hain akmâ keiyenye me bâtyeŋe bikŋe are âlepŋe akto manbiâ ârândân akbiâp. Dâ bâtyeŋe keiyenye biken biken âlepŋe tatbiap amâ arekŋe oloŋyekto kâlâwânâk manmâ âgâwâi. ⁹ Akto dewunyeŋande bâleŋe akŋet dâm oloŋ yekto dosa akbâen dâm dewunyeŋe are kâwutmâ panbei. Akto dewunyeŋe konogâk tatyenŋewiap amâ âlepŋeâk manbai. Dâ dewunyeŋe lâuwâ lâuwâ tatbiap amâ arekŋe oloŋ yekto hememgât kâlâp humo yemap ain gewâi.

¹⁰ Akto himbimân aneloŋe nananj damunyeŋe akmai arekŋe amâ hokboâk hokboâk Ewene ekmai. Aregât nananj sisik ire hut nenjân hinare yeŋgât nângâmbiâ gewop. ¹¹ Akto luâk âmbâle hilip aguwâigât nâ luâk akmâ geân nâ hengemgo yekbian aregât hin makbe. ¹² Luâk siâ lama 100 kinanbiap. Akto hutyeŋânba konokŋe heambukto ambonande lama bikŋe are gimbanjân hepun yekmâ siâ heambugep aregât undâgâtbiap. ¹³ Undâgâtâmâ mem miawakmâ okot âlep akbiap. Dâ lama bo heambukmâ âlepŋeâk kinbai aregât amâ heronŋe hain bo akbiap. ¹⁴ Hainâk Ewene himbimân mandâp arekŋe nananj itik matik bâliwâi dâm damunyeŋe akmap.

Galagaet dosa hepunben.

¹⁵ Akto den siâ hin makbe. Galage siâŋe gâŋgâlân dosa akto amâ bâleŋe aregât keiŋe pumân maganben. Hain akmenâ yâkŋe gâŋgât den nângâmbô amâ gala konok manbiandat. ¹⁶ Dâ yâkŋe gâŋgât den bo nângâmbô amâ luâk âmbâle amon siâ yeŋgonmenâ gutmâ den yetŋe ârândân ketugune dâwai. ¹⁷ Dâ yâk yeŋgât den are bo nângâmbô nângât kâmolân gâtŋe arim makyenŋiwen. Akto are âkâ hainâk yâk yeŋgât den are bo nângâmbô amâ gâŋe yâk hin maganben, “Gâmâ luâk bâleŋe akmai are yeŋgât dop aktât.” dâwen. ¹⁸ Akto aregât bunŋe maktere nângâŋet. Ye hânân wan hikowaigât âi membiâ himbimân gai hikowiapgât miawakbiap. Dâ hânân hulanjâigât âi membiâ himbimân gai hulanjâiapgât miawakbiap. ¹⁹⁻²⁰ Gârâmâ siân nângât kâmolân gâtŋe lâuwâ me âlâwu

Anutu ulilanberâm mendugum kinbiâ ainâk nâ hutyenân manbian aregât wan me wan ulilanberâm han konok katmâ Anutu ulilanbai amâ ainâk Ewene himbimân manmap arekne wan me wan âlepne yenjiwiap.” dâep.

Horj luâk hâkne hâkjaet den.

²¹ Akto sop ain Petoroje Yesugâlân togom maganmâ hin dâep, “Humo, galanande sop amon nângâlân dosa akto amâ nâje dosa are hepun anbian? Nâmbulân lâuwâ akto hepun anbian me kakjân siâkâ aktoân hepun anbian?” dâep. ²² Hain dâambo Yesuje maganmâ hin dâep, “Hain bo. Hanâk luâk are dosaje hepunanmâ âgâwiat. ²³ Aregât den dopne siâ hin makbe. Anutuje damunyeje akbiap amâ luâk kembu hinare yâkne ikinje luâklupne hâuyenjaet akmâ hengem yenguerâm agep. ²⁴ Yâkne hâu are hengemgowerâm âi miép. Akto yâkne luâk siâ yâkgâlân mem ari âi luâk aregât hâu amâ 13 milion kina hainare. ²⁵ Akto luâk arekne hâu are kutigitbiapgât puli dop hainare bo talanep. Aregât akmâ luâk kembu arekne makyengimbo luâk are ikinje akto âmbenje nananjupne meyekmâ yengâlân kotne siâ siâne are hârok puligom benje puli are mem luâk aregât hâu kutigitberâm agi. ²⁶ Hain akto âi luâk arekne luâk kembu aregât enemjân kângom hin maganep, “Gâmâ hanâk nângât okot nângâm lâmnugu. Hâmbâi âlepne hâu are gângâlân kutigitbian.” dâep. ²⁷ Akto âi luâk aregât humonande luâk aregât okotne akmâ dosaje hepunanep. ²⁸ Akto âi luâk arekne hâknângen gem benje ikinje âi luâk siâ hannân mem metawolep. Amâ luâk aregât hâu amâ 100 kina. Akto âi luâk are mem hin maganep, “Gâne hâu are hârok kutigitmâ meteniñ.” dâep. ²⁹ Hain dâambo ikinje âi luâk arekne enemjân kângom ulilanmâ hin dâep, “Gâ nângât okotge nângâm lâmnugu. Hâu are âlepne gângâlân kutigitbian.” dâep. ³⁰ Hain dâambo yâkne yâkgât den are bo nângâm lope kâlegen katmâ hin dâm maganep, “Inâk tatmenâ hâu are ârândâj akto âlepne ariwiat.” dâep. ³¹ Akto horj bawa aregât galalupjande den are nângâm bâliani. Hain akmâ arim den

are humoyeje maganji. ³² Akto humoyeje arekne damun are kondo guto hin maganep, “Gâ luâk bâlene. Gâne ulit niñmenâ aregât hâuge yiep ina hanâk yân hepun gektân. ³³ Nâje gângât okot nângâ giñdân ina gâkâ âi luâkge aregât okot bo nângandât are nângâre umatne dondâ aktâp.” dâep. ³⁴ Humone hain dâm biwine kâlâp akto tembe loko yengâlân kato membiâ hin makyengiep, “Âi luâk bâlene ire hâk hilâlâm aganjâi hâu are ârândâj akbiap.” dâm makyengiep. ³⁵ Aregât keine hin. Yene galalupyene yengât dosa are biwiyenân makmâ manbiâ amâ Ewene himbimân mandâp yâkne yengât dosa bo kutigitbiap.” dâep.

19

Âmbâle mem bo hepunyekbaengât den.

¹ Yesuje den are hârok makmâ metem Galilaia kepia are hepunmâ hân humo kotne Yudaia tu kotne Yodañ biken ain ariep. ² Arimbo luâk âmbâle dondâje olop ariyi. Akto ain luâk âmbâle kundatdâ dondâ mem hengem yenguep.

³ Akto Parisaio luâkne yâkgâlân togom dop komberâm hianjim hin dâyi, “Gain gain luâkne âmbenlupyene watyekbaigât dâp tatâp me bo?” dâmbiâ ⁴ yâkne hin makyengiep, “Ye den ire oyanmâ nângâmai, “Anutuje hân himbim ketuguyelejep sop ain amâ luâk âmbâle ketugu yelegep. ⁵ Ketugu yelekmâ hin dâep, “Luâkne ewene memene hepun yelektu âmbenje olop dewati akbiandat. Hain akmâ yâk hâkyetne konok hainare akto manbiandat.” dâep.” den hain tatâp. ⁶ Hain gârâmâ yâk siâkâ ikinjeâk ikinjeâk bo akbiandat. Yâk hâkyetne konok hainare akbiandat. Hain gârâmâ Anutuje mem mendugu yelegep are luâk siâne luâk âmbâi lâuwâ are potatyelekbipgât dop bo tatâp.” dâep. ⁷ Yesuje hain dâambo Parisaio luâkne maganmâ hin dâyi, “Maktât are gain gain maktât? Wangât Moseje den kârikne katnengim hin dâep, “Luâk siâne âmbenje watberâm amâ âmbâle hepun hepongât kulem esenne kulemgom âmbenje wanmâ wato ârândâj akbiap.” dâep?” dâyi. ⁸ Akto Yesuje hin makyengiep, “Moseje amâ yenaet agak meme bâlene

akbiâ biwiyenje kâriknje akmap aregât akmâ kulemgoep amâ yeje agat agatnje akbiâ dâp katyengiep. Dâ ulikjân amâ agak meme ire hain bo yiep. ⁹ Aregât ye hin makyengiwe. Luâk siâgât âmbenjande dâp gulip bo mando amâ yân luâk arekne watmâ âmbâle siâ membiap amâ luâk arekne luâkdâ âmbendâ yengât dâp are mem bâlimbo dosa miawaganbiap.” dâep.

¹⁰ Yesuje hain dâambo honj bawalupjande hin maganji, “Luâk yengât agak meme hain tato amâ luâkne hanâk âmbâle bo membiâ ârândân aktâp.” dâyi. ¹¹ Hain dâmbiâ hin makyengiep, “Luâk hârokne den ire membaigât dop bo. Anutuje luâk bikneâk kârikne yengiep. Luâk arekneak amâ den ire âlepne membai. ¹² Hin. Luâk bikne memelupyenande meyegiân âmbâle bo meyekbaigât dop tatâp. Dâ luâk bikne amâ gasalupyenande gâiyengimbiâ âmbâle meyekbaigât dâp bo tatâp. Hainâk luâk bikjande amâ himbingât akmâ âi humo mem manmai yâk âmbâle bo menegât nângâmai are ârândân akbiap. Gârâmâ den ire amâ Anutuje memene akyengimbo aregât kârikne manmai.” dâep.

Yesuje nananj yengât Anutu ulilanjep.

¹³ Akto sop ain luâk âmbâle bikjande Yesuje nananj lupyene bânjande kautyenân mem Anutu ulilanjâkgât yâkgâlân meyekmâ togoyi. Hain akbiâ honj bawalupjande den kugâk kugâk akyengi. ¹⁴ Hain akyengimbiâ Yesuje hin makyengiep, “Ye hepunbiâ nananj are nângâlân togojnet. Ye bo mem ganyene dâjnet. Anutuje damunyeje akbiap amâ nananj hainare yengât.” dâep. ¹⁵ Hain dâm bânjande kautyenân kalep. Katmâ amâ kepia are hepunmâ ariep.

Luâk sikumdâje Yesu aikoep.

¹⁶ Akto luâk siâne Yesugâlân togom hin maganep, “Tiksa. Nâ agak meme gain hinare akmâ âlepne akmâ amâ manman kârikneâk manmâ âgâwian?” dâambo ¹⁷ hin maganep, “Gâ wan me wan âlepneâk maknijdât keine amâ âlepne Anutu konok. Gârâmâ gâ manman âlepne manberâm amâ Mosegât den kârikne kat katje are hârok watben.” dâambo ¹⁸ luâk arekne

hin dâep, “Wan den kârikne?” dâambo hin maganep, “Den kârikne amâ hin. Gâ luâk bo yengumenâ mombai. Gâ luâkdâ âmbendâ yengât dâp are bo mem hilipkowen. Kâmbu bo akben. Gâ luâk siâgât den bo hiangiwen. ¹⁹ Gâ ewege memege yetgât amukyetjân manben. Akto gugaet akmat hainâk galalupge are akyengiwen.” dâm maganep. ²⁰ Hain magando hin maganep, “Den kârikne kat katje ire hârok emelâk akmâ meteân. Gârâmâ wan bânje mendere amâ manman kârikne miawaknijbap?” dâambo ²¹ Yesuje hin maganep, “Gâ âlepne dondâ akberâm nângâm amâ ari kotje siâ siâne are hârok yengimenâ puligombiâ puli are mem ari luâk umburuk yengiwen. Hain akmenâ amâ Anutuje gângât wan me wan âlepne are himbimân kat ginbiap. Gârâmâ gâ nâ watnekmâ gamenâ arire.” dâep. ²² Hain dâambo luâk sigan arekne nângâm kotje siâ siâ dondâ talanjep aregât nângâmbo humo akto aregât Yesuje tâwât dewunge panben dâm maganep aregât biwine umatje akto gem yân ariep.

Luâk pulirâ sikumdâje Anutugât kâmolân dewatiwerâm amâ âi humo membai.

²³ Akto Yesuje honj bawalupje hin makyengiep, “Makyengire nângâjnet. Luâk pulirâ sikumdâje Anutugât kâmolân dewatiwerâm amâ âi humo membai. ²⁴ Songo pike dâpnânba gawerâm amâ âi humo membiap. Dop hainâk luâk pulirâ sikumdâje Anutuje damunyeje akbiap ain ariwerâm âi humo membai.” dâep. ²⁵ Hain dâambo den are nângâm sân sân mem hin magi, “Bâe, niñande manman âlepjân ariwiap?” dâyi. ²⁶ Dâmbiâ Yesuje tâj tâjâk yekmâ kinmâ hin makyengiep, “Anutugât manman âlepjân ariwaigât nângâ nângâyeje watbiâ bo akmap. Dâ Anutuje konok amâ wan me wan miawakbiapgât bo pâpkomap.” dâep. ²⁷ Hain dâambo Petoroje maganmâ hin dâep, “Woe, nen amâ kotje siâ siâ hârok hepunmâ gâ olop malion aregât hâuje nen wan membaen?” dâep. ²⁸ Akto Yesuje hin makyengiep, “Hâmbâi kotje siâ siâ ire hârok irakne akmâ metewiap. Sop ain amâ luâk akmâ geân nâ lâuwâne gem amâ luâk kembu yengât tat talân tatbian. Akto nâ watnekmâ

manmai yekâ hainâk tat tat keiân lâuwâ ain tatbai. Tatmâ Israe luâk âmbâle kâmot keiân lâuwâ are mem potat yekbai. ²⁹ Akto luâk âmbâle nângât nângâm emetyeje me emi teulupyene me meme ewelupyene me nanaj me ai kalam me wan me wan nângât akmâ hepunmai amâ hâmbâi aregât hâuje kotje siâ siâ dondâ membai. Hain akmâ manman kârikjân manmâ âgâwai. ³⁰ Aregât siâkâ makbe. Luâk âmbâle bikje hinje hâkyeje mem agatbai are amâ hâmbâi Anutuje haminângen katyekbiap. Dâ bikje amâ hinje hâkyeje mem gewai are amâ Anutuje hâmbâi tânyengumbo ulik gulik akbai.” dâep.

20

Waij ai meyi yengât den ginje.

¹ Akto Yesuje hin dâm makyengiep, “Anutuje damunyeje akbiap amâ luâk siâgât hân humo yeanmap dop hainare akto hândâktâk dondâ agatmâ aiângen ai meanjetgât ai luâk bikje meyekberâm ariep. ² Akto ai luâk bikje olop den akmâ hilâm konokgât hâu dâtâje aregât pulije membaigât makyengimbo âlepje dâmbiâ hungun yengimbo ai memberâm ariyi. ³ Arimbiâ amâ 9 kilok wan hainare kepian arim luâk bikje yekto kepia tete yân tali. ⁴ Yân taligât luâk arekne makyengim hin dâep, “Ye arim nângât waij aiângen ai membiâ aregât pulije ai aregât dopjânâk yengiwerân.” dâep. ⁵ Hain dâmbo arimbiâ benje 12 kilok akto 3 kilok ain âkâ hainâk agep. ⁶ Hain akmâ amâ engaine 5 kilok wan hainare arim yekto luâk bikje yân tatmâ manbiâ yekmâ hin makyengiep, “Ye gain gain akmâ hilâm humo ire yân tatmâ mandâi?” dâmbo ⁷ yâkne hin magaji, “Luâk siâ me siâje ai siâ bo nengimbo aregât yân tatmâ manden.” dâmbiâ yâkne hin makyengiep, “Ye arim nângât waij aiângen ai mejet.” dâep. ⁸ Akto emet dâgâmbô amâ luâk arekne ai luâklupje yengât damun are magajmâ hin dâep, “Ai luâk yengonmenâ togombiâ hilâm konokgât hâu dâtâje yengi. Akto ai luâk hami togoai are yengâlânba keije katmâ yengim maleine ai luâk ulik gulik togoai are amâ baine yengiwen.” dâep. ⁹ Hain dâmbo ai luâk 5 kilok ai meyi are amâ

hilâm konokgât hâu dâtâje konok yengiep. ¹⁰ Akto luâk ulik gulik togom ai keije katmâ meyi are togom, “Nenje amâ hilâm konokgât puli aregât kakjân memberen.” dâm nângâyi. Dâ ina yâkâ hainâk hilâm konokgât hâu dâtâje yengiep. ¹¹ Yengimbo mem kalam amboje aregât dondâ nângâm bâliani. ¹² Hain akmâ magajmâ hin dâyi, “Luâk ire amâ hinjeak togom ai getegâk mendâi ina gâje hilâm konokgât yengiât. Akto nenje amâ dewutâ kârikjân ai humo menden akto dewutâje dondâ nenektâp ina hainâk nengiât are ârândâj bo aktâp.” dâyi. ¹³ Hain dâmbiâ yâkne luâk hutyenân kilep siâ magajmâ hin dâep, “Gala, nâ bajeje bo akginjân. Naje hilâm konokgât hâu dâtâje memberât dâm makginjere gâje âlepje dâm nângâmenâ ârândâj aktâp aregât ¹⁴ gâ pulige are meakmâ ari. Puli ya ginjân hainâk luâk hami dondâ togom ai getek mendâi are nunaet ukennaet akmâ yengiân. ¹⁵ Naje nune puli ire mem siâ me siâ akbiangât amâ nunaet pat. Gâje damunne akmat me? Naje agak meme âlepje akginjere aregât gâje wangât nângâm bâli niñdât? Nângâm bâli niñmenâ ârândâj bo aktâp.” ¹⁶ Luâk âmbâle bikjande hinje hâkyeje mem agatbai are amâ hâmbâi Anutuje haminângen katyekbiap. Dâ bikje hâkyeje mem gewai are amâ Anutuje hâmbâi mem ulik gulik katyekbiap.” dâep.

Yesuje mom agatbiapgât sop âlâwu makyengiep.

¹⁷ Yesuje Yerusalem kepia âgâwerâm akmâ hoj bawalupje keiân lâuwâ are meyekto ariyi. Arim manmâ Yesuje dâwân makyengim hin dâep, ¹⁸ “Ye nângâjet. Bâin. Nen Yerusalem kepian âgâne. Akto ain sumbe kat kat luâk akto Mosegât den kârikne makmâ kepikmai ain tatmai yâk yengâlân gâtjande luâk akmâ geân nâ bajeje akniñmâ sumbe kat kat luâk akto Mosegât den kârikne makmai yâk yengâlân makyengimbiâ menekbai. Akto den aiân katnekmâ nugumbiâ mombian aregât den magaji goaji akbai. ¹⁹ Akto den hembalik mângi nekmâ lâwinân nugumbiâ mombiangât Roma luâk are yengâlân oloj nekbiâ bajeje mângi nekmâ lâwinân

nugumbiâ mombian. Mondere han nugumbiâ hilâm âlâwu akto momonjâmba agatbian.” dâep.

Yakobo akto Yohane yâkne galalupyetne damunyaene akbiandatgât aikoyiat.

²⁰ Akto sop ain Yebedaioğât âmbenjande nanlogâtne Yakobo akto Yohane are kewugu yelekmâ Yesugâlân togom kângom ulilanep. ²¹ Ulilando hin maganep, “Gâ wangât nângât?” dâmba hin dâep, “Sop siân gâne togom luâk âmbâle hârok damunyaene akbiâlân sop ain nanlogâtnande gasomge bikne bikne tatmâ kembu akbiandat.” dâep. ²² Hain dâm ulilando Yakobo akto Yohane hin dâm makyetkiep, “Yet aregât keine pâpkom maktat. Nâ wan me wan umatne miawak ninbiap are hârok yet âlepne miawakyetkiwiap me?” dâep. Hain dâmba hin dâyat, “Maktât are miawak netkiwiap aregât nângâetne ârândân akbiap.” dâyat. ²³ Hain dâmbela hin dâep, “Wan me wan umatne miawak ninbiap arekne âlepne hainâgâk miawak yetkiwiap. Dâ Anutu Ewene yâkne konok nângât amuknân manmâ damunyaene akbai aregât emelâk kotyene dâm hâriep. Amâ nângât âi bo.” dâep. ²⁴ Hain dâm makyetkimbo hon bawañe bêt bip bip hârok yâkne den are nângâmbiâ umatne akto Yohane akto Yakobo peyielegi. ²⁵ Peyielekbiâ Yesune yengondo bambiâ hin dâm makyengiep, “Hângât luâk kembuñe luâk damunyaene akmâ âmâ hon bawalupyene meyekbiâ manmai are âmâ nângâmai. ²⁶ Dâ yeñe âmâ hângât luâk kembu are yengât agak meme are hain bo akbei. Yengâlânba siâne Anutune nekto ârândân agâk dâwiap âmâ benne galalupne yâk yengât hon bawa akmâ manbiâp. ²⁷ Akto yengâlânba siâne Anutune nekmâ, “Woe, damunyaene akbiapgât dop tatâp dâwiap.” dâm aregât galalupne yengât âi luâk manbiâp. ²⁸ Nâ hainâk hon bawalupnande tân nugunet dâm aregât bo geân. Âi humo mem hâk hilâlâm nângâm luâk âmbâle dondâ are yengât dosa bo akyengiwiapgât mombian aregât luâk akmâ geân.” dâep.

Yesune dewunyetne bokbokne lâuwâ mem hengemyetkuep.

²⁹ Yesu akto hon bawalupne Yeriko kepia hepunmâ ariyi. Arimbiâ hami yeñân luâk âmbâle dondâ ariyi. ³⁰ Akto dâp ginjân luâk dewunyetne bok bokne lâuwâ taliat. Yesu togoep aregât den nângâm kârikneâk konmâ hin dâyat, “Humo, gâ Dawidigât hakune gâ hanâk netgât okotge nângâ.” ³¹ Hain dâm konbela luâk âmbâle ain kili arekne nângâm hin dâyi, “Woe, den hepulet.” dâyi. Hain dâmbiâ denyene bo nângâm âmâ lâuwâne koliat, “Humo, gâ Dawidigât hakune gâ hanâk netgât okotge nângâ.” ³² konbela nângâm dâwân kinmâ yetkondo gutbela hin aiyetkuep, “Gain gain akyetkiwegât nângat?” dâmba hin dâyat, ³³ “Humo âlepne eget dâmenâ dewunnetne hulanagâkgât ulit ginjet.” dâyat. ³⁴ Hain dâmbela okotne nângâm dewunyetne howaimbo hulan akto Yesu olop ariyi.

21

Yesune dongi kakjân Yerusalem âgâep.

¹ Akto arewa arim Yerusalem kepia ewumâk Betepage kepia akto gimbâne kotne Oliwa ain togoyi. Togo Yesune hon bawalogâtne lâuwâ hungun yetkiep. ² Hungun yetkim hin makyetkiep, “Yet kepia bâlensiâ tato ektat âuren âgâet. Âgâm âmâ dongi siâ hikombiâ kindâp nanne olowâk are dowâk mem miawak yelet. Meyelekmâ mem âmâ nângâlân togoet. ³ Dâ luâk siâ me siâne den wan siâ makyetkimbo âmâ hin maganberat, “Iregât âi miawakto Humonetjande maknetkiâp gârâmâ mem arietne âi bo akto âmâ dowâk mem purik katberâp.” dâm maganberat.” dâep. ⁴ Wan me wan ya miawagep are amâ Propete siâne den kulengoep aregât bikne bunne miawagep den are hin tatâp, ⁵ “Sion gimbâne ambolupne nângânet. Yengât kembuñe amâ hâkne mem gemap. Hain akmâ yonâk ariwerâm âmâ donjigât kakjân tatmâ togowiap. Donji aregât nanne are olop togowiap.” ⁶ Yesune hain dâm hungunyetkimbo arim hain agiat. ⁷ Donji akto nanne lâuwâ mem

olonyelekmâ togombela sângum kakrân luguakmini are olojmâ donji kakrân katbiâ yâkne âgâ talep. ⁸ Âgâ tato luâk âmbâle dondâne Humonenne togoâp aregât dâp hejngemgone dâm sângum kakrân luguakmini are olojmâ dâwân leŋgaim ariyi. Dâ biknande âmâ esenne siâ siâ ligim dâwân katmâ ariyi. ⁹ Akto luâk âmbâle dondâ enemjân akto hamiñân olop ariyi arekne âmâ hin koli, “Woe, hakunenŋe Dawidi yâkgât kâmolân gâtne gâne damun nenŋe ak. Anutu Humoŋe wâtne giñmâ huŋgun giñdo togoât aregât heroŋe akgiñne. Akto kembunenŋe yu togoât iregât Anutu himbimân manmap yâk nânŋanŋenŋe kotne humo agâk.” dâyi. ¹⁰ Akto Yesuŋe Yerusalem kepiân âgâambo kepia humo ain luâk âmbâle tali arekne sân sân mem hin dâyi, “Luâk ire niŋe?” dâyi. ¹¹ Hain dâmbiâ luâk âmbâle yâk olop ariyi arekne makyenŋiyi, “Imâ Anutugât Propete siâ kotne Yesu, Galilaia hân aregât kepia Nasarete ain gâtne.” dâyi.

Yesuŋe sumbe opmânânba watyegep.

¹² Hain dâmbiâ Yesu Yerusalem kepiân âgâm sumbe kat kat opmânñân âgâm luâk âmbâleŋe siâ me siâ katmâ anŋim kili are wat yekmâ siâ me siâ yeŋe me kembâ welamŋe me puli tat tat welamŋe mem kâwulep. ¹³ Kâwutmâ watyekmâ hin makyenŋiep, “Anutuŋe makto kulemgoyi bikne hin tatâp, “Nânŋât emet âmâ luâk âmbâle hârokne ulitniñbaigât emet kindâp.” Den kulem hainâk yendâp are hâkân akmâ mânŋimbiâ luâk kâmburâ yeŋgât emet hainare aktâp.” dâep.

¹⁴ Hain dâm sumbe kat kat opmânñân luâk dewunyeŋe bok bokne akto keiyeŋe pâwutyenŋe bâleŋe are togombiâ mem hejngem yeŋguep. ¹⁵ Akto nanan lepat ain âgâm Yesugât hin dâyi, “Dawidigât hakuŋe kotne mem agatne.” dâyi. Hain dâmbiâ sumbe kat kat luâk akto Mosegât den kârikne makmâ kepigi arekne Yesuŋe kulem keiŋe keiŋe miŋep are ekmâ akto nanan lepat are yeŋgât den nânŋâmbiâ bâlimbo kuk bâleŋe agi. ¹⁶ Hain akmâ Yesu hin maganji, “Nanan lepat irekne kotge konmâ mem agatbiâ nânŋât mon?” dâm

maganji. Hain dâmbiâ hin makyenŋiep, “O nânŋân gârâmâ aregât Anutuŋe makto kulemgoyi bikne aregât hin tatâp, “Anutuŋe nanan lepat memeŋe akyenŋimbo kotne mem agatbai.” den are oyanmâ nânŋâm meteyi mon?” dâep. ¹⁷ Akto ainba hepun yekmâ kepia humo are ginjânŋen gem hândâk ain Betania kepiân yeŋep.

Yesuŋe makto lâwin siâ ululun dâep.

¹⁸ Yem kindo haunŋo hândâktâk purik katmâ kepia humoân âgâm sotgât mopne aguep. ¹⁹ Akto dâwân lowot hainare siâ kindo ekmâ bunŋe yendâp dâm keiñân baep. Bam ekto bunŋe siâ bo yendo esenŋandeâk kilep. Akto lowot are maganmâ hin dâep, “Lâwin iregât koaŋe siâkâ bo yembiâp. Boâk tiŋ.” dâambo ainâk lowot arekne ululun kârâep. ²⁰ Hain akto hoŋ bawalupnande are ekmâ otneyenŋe arimbo sân sân mem hin dâyi, “Gain gain akmâ lowot ire dowâk ululun kârâp?” dâyi. ²¹ Hain dâmbiâ Yesuŋe makyenŋim hin dâep, “Nâ iregât keiŋe makyenŋire nânŋânet. Ye nânŋâlân biwiyenŋe katmâ hejngemgom han lâuwâ âlâwu bo akbai âmâ nânŋe lowotgâlân aktere ektâi hainâk âlepŋe akbai. Akto are konok bo akbai. Gimbâne ire maganmâ hin dâwai, “Gâ kâwulakmâ haruân umbure ge.” dâmbiâ âlepŋe hain akbiap. ²² Akto yeŋe nânŋâlân biwiyenŋe katmâ hejngemgom kinmâ wan me wan memberâm ulilanbai amâ wan me wan are âlepŋe membai.” dâep.

Yesugât keiŋe nânŋânegât aikoyi.

²³ Akto Yesuŋe sumbe kat katgât opmânñân âgâm luâk âmbâle den pat âlepŋe are makyenŋiep. Akto sumbe kat kat luâk akto Israe yeŋgât kembu yâkgâlân togom maganmâ hin dâyi, “Gâ wan me wan akmat are niŋaet lau lokom akmat? Akto niŋande memeŋe akgiñdo memaŋ?” dâyi. ²⁴ Hain dâmbiâ Yesuŋe hin makyenŋiep, “Nâkai hainâk wan siâgât ai yeŋguwerân. Gârâmâ yeŋe den hâuŋe makniñbiâ âmâ benŋe nâkâ wan kârikne tatniñdo âi meman iregât keiŋe makyenŋiwerân. ²⁵ Yohanenŋe tu puli keiŋe kalep are niŋande meme aganŋo âi are meminep? Anutuŋe me luâk yânŋande?” dâep. Hain dâambo den

are nângâm are yeñeâk maganji goanji akmâ hin dâyi, “Nenñe Anutuñe meme agañep dâweren âmâ yâkñe hin maknengiwewerâp, “Ye wangât yâkgât den bo nângâm heñgemgoyi?” dâwerâp. ²⁶ Dâ nenñe are luâk yânñande memene agañmini dâweren âmâ luâk âmbâle yu kindâi irekñe Yohane âmâ Propete dâm kuk aknengiwâi aregât gain gain magañberen?” dâyi. ²⁷ Hain dâm kinmâ Yesu hin magañji, “Yohane niñande memene agañdo akminep are bo nângâen.” dâyi. Hain dâmbiâ Yesuñe hin makyenji, “Nâkai hainâk niñae laugât kinmâ âi meman aregât bo makyenjiwerân.

Nananj lâuwâ yetgât den ginñe.

²⁸ Aregât den ginñe makyenjiwe. Luâk siâgât nanlogâtñe lâuwâ maliat. Akto teñe aregâlân arim hin magañep, “Nan, gâ uñak arim wainj âiângen âi me.” dâep. ²⁹ Hain dâmbiâ nanñe arekñe magañmâ dâep, “Nâ borân.” dâep. Hain dâm tatmâ benñe beirâñangen hanñe siâ akto arim âi miap. ³⁰ Akto eweyetñande emiñe aregâlân arim arekâ hainâk magañep. Akto nanñe arekñe magañmâ dâep, “Apo, âlepñe ariwerân.” dâm hianjim bo ariep. ³¹ Gârâmâ nanlogâtñe lâuwâ arekñe niñande âmâ ewenjaet den lokeop?” dâmbiâ dâyi, “Teñe arekñe.” dâyi. Hain dâmbiâ Yesuñe makyenjim hin dâep, “Aregât den bunñe hin makyenji nângâñet. Puli dâtâñe meme luâk akto âmbâle dâp gulip manmai yâkñe ye ewangiyekmâ Anutugât kâmolân dewatiyi. ³² Amâ yeñe Yohanene agak meme âlepñe hekat yengimbo hâkânñe akmâ denñe bo lokoyi. Dâ gawamangât puli meme luâk akto âmbâle dâp gulip manmaiñe âmâ denñe nângâm hanyenande nângañji. Dâ ye âmâ are ekmâ hanyenbo purik kato denñe bo nângâyi.

Wainj damunñe bâleñjaet den.

³³ Akto den dopñe siâkâ makyenji nângâñet. Luâk siâñe hân siân tâk kotñe wainj are kâmetmâ metem lope dâgâep. Akto wainj tuñe pipikowaengât dâm kondo ketugum heñgemgom damun yeñae emet mem âi kalam hârok ketugum metem hoñ bawalupñe hin makyenji, “Kalam ire damunñe akmâ sot bunñe akto mem

niñbai.” dâm hân siângen ariep. ³⁴ Arim manmâ manmâ mando sot bunñe akto âi luâk siâ sot bunñe bikñe meyekñet dâm hunñun yengimbo ariyi. ³⁵ Arimbiâ damun luâklupñe arekñe hoñ luâk are kât mem pitim panmâ yengumbiâ bikñe arimbiâ bikñe moyi. ³⁶ Hain akto amboñe arekñe âi luâk dondâ hunñun yengimbo arimbiâ a hainâk kalam damunlupñe arekñe hoñ luâk are hainâk yengum watyegi. ³⁷ Amboñande pat are nângâm hin dâep, “Nune nanne hunñun anñdere arimbo yâkgât amukñân manbai.” dâep. ³⁸ Hain dâm hunñun anñdo arimbo âi damunlupñande nananj are ekmâ magañji goanji akmâ hin dâyi, “Woe, humonennjaet nanñe togoâp. Eweñe mondo yâkñe hârok membopgât kondenñe moâk. Hain aktenñe bât bânñe hârok nengât akbiap.” dâyi. ³⁹ Hain dâm mem oloñmâ hâkñangen kombiâ moep. ⁴⁰ Hain akbiâ âi amboñe are gain gain akbiap?” dâep. ⁴¹ Hain dâmbiâ hin dâyi, “Âi amboñe arekñe togom hoñ bawa are yengumbo mombiâ âmâ benñe dumyênân hoñ bawa siânbanñe sot yendoân niñbai dâm katyekbiap.” dâyi. ⁴² Hain dâmbiâ Yesuñe hin dâep, “Anutuñe makto luâk siâñe hin kulemgoep,

“Emetñe ketuguwerân âmâ luâkñe kât siâ ekmâ hâkñe hâkñe dâm panbiâ yendo Anutuñe kât are mendo emetgât kun kun kârikñe agep. Are ekmâ, “Imâ Humoñe mem miawaktâp.” dâm ektenñe humo aktâp.” Siâñe ulikñân hain kulemgoep.

Aregât ye âmâ nananyenânbak oyanmâ nângâyi amâ wangât hilipkoyi? ⁴³ Aregât makyenji nângâñet. Anutuñe damunyeñe akberâm aktâp yâkñe yekto ârândân bo akto luâk âmbâle anñgâ damunyeñe akbiap are yâk Anutuñe damunyeñe akbiap aregât bunñe membai. ⁴⁴ Dâ luâk siâñe kât tetembeñe kârikñe are ekto ârândân bo akto âmâ hâkñe hilipkowiap. Akto kât arekñe amâ luâk siâ kakñân ge kom hambumbo hogoakbiap.” ⁴⁵ Hain dâmbiâ Parisaio luâk akto sumbe kat kat luâk areyengât humomolupyeñande den are nângâm hin dâyi, “Imâ nengât dop maktâp.” dâm nângâmbiâ bâliep. ⁴⁶ Hain akto aregât Yesu mem kala

busi kâlegen katberâm agi. Hain akmâ memberâmbiâ luâk âmbâle dondâne ain kili arekne Yesu amâ Propete luâk dâm nângâyi aregât, “Mendenne nenguwâi.” dâm hame-wakmâ yânâk hepuli.

22

Luâk hâk katip bâlâk yâkgât den ginje.

¹ Akto Yesune den ginje siâ hin makyengiep, ² “Anutuŋe damunyeŋe akbiap amâ hângât luâk kembu siâgât agak meme hainare. Luâk kembu aregât nanŋande âmbâle memberâm akto luâk kembu arekne sot soŋgo dondâ om hâwuruep. ³ Akto ulikŋân luâk bikne nanŋande âmbâle mendoân togombiâ sot om yeŋgiwiapgât makyengiep. Akto nanŋande âmbâle memberâm akto ain âi luâklupne bikne huŋgun yeŋgim, “Ari luâk are kewugu yekmâ togoŋet.” dâep. Akto âi luâklupnande ari makyengimbiâ yâkne borâm bo togoyi. ⁴ Akto lâuwâne âi luâklupne bikne huŋgun yeŋgim hin makyengiep, “Ye arim nâŋe ulikŋân luâk makyengiân are hin makyengiwei. Ye nângâŋet. Sot akto bau akto soŋgo humomo emelâk kom om katân akto kotne siâ siâ hârok emelâk mem ârândân ketuguân. Gârâmâ ye togom nannande âmbâle memberâp iregât sot neŋet.” dâm âi luâklupne are makyengim huŋgun yeŋgiep. ⁵ Akto âi luâklupnande arim den are luâk âmbâle makyengiŋi. Makyengimbiâ den a bonâŋgâm hansumbu akmâ ariŋi. Siânbaŋe gem kalam yeŋâŋen ariŋi. Dâ biknande âmâ puli âi memberâm gem ariŋi. ⁶ Dâ biknande âmâ luâk kembangât âi luâk are hilip yeŋgumbiâ mom meteyi. ⁷ Hain akbiâ luâk kembu are biwiŋe kâlâp akto tembe lokolupne huŋgun yeŋgimbo arim luâk koko yeŋgumbiâ mom meteyi. Mom metembiâ kepiayeŋe arekâ ombiâ om bo akyegep. ⁸ Akto luâk kembu arekne âi luâklupne makyengim hin dâep, “Nannande âmbâle mendâp iregât sot soŋgo emelâk mem ârândân ketugure yendâp. Dâ nâŋe luâk togoweigât makyengiân are yeŋgât agak memeyeŋe ârândân bo. ⁹ Gârâmâ ye arim dâp kautne ârândân kinmâ âmâ luâk âmbâle arim togombiâ yekmâ âmâ makyengimbiâ

togom sot ire neŋet.” dâep. ¹⁰ Hain dâm huŋgun yeŋgimbo âi luâklupne arekne dâp kautne ârândân kinmâ arimbiâ luâk âmbâle âlepne me bâleŋe togombiâ hârok mendugu yegi. Akto luâk âmbâle arekne togom luâk âmbâi lâuwâ meagiat are yetgât emet are pikmâ teŋ teŋ dâm tali.

¹¹ Akto luâk kembu arekne luâk âmbâle are yekberâm emet are kâlegen bam âgâep. Âgâm luâk siâ hombaŋ tat tatgât sâŋgum are bo lalakmâ togoep. ¹² Togom ekmâ luâk kembu arekne maganmâ hin dâep, “Gala, gâ gain gain akmâ luâk âmbâle meak meak aregât sâŋgum bo latmâ in togoât?” dâep. Luâk kembu arekne hain dâmbo yâkne denne nâŋâk kinmâ aŋun aŋgiep. ¹³ Aŋun aŋgimbo luâk kembu arekne âi luâklupne makyengim hin dâep, “Ye luâk are mem keiŋe bâtne mem mendugum dâgâm ge hândâkŋâŋen ain panbiâ yeâk. Yem âmâ hâk hilâlâm dondâne nâŋgâm indem kamboŋmâ yem âgâwiâp.” dâm makyengiep. ¹⁴ Aregât den ginje purikne hin makbe. Anutuŋe luâk âmbâle dondâ makmâ yeŋgonmap. Dâ luâk âmbâle konok konok potatmâ yeŋgondo Anutugât kâmolân dewatimai.” dâep.

Yesu puligât aikoyi.

¹⁵ Akto Parisaio luâk arim hin dâyi, “Hianŋenne Yesune den siâ makmâ hilip-kombo mene.” dâm maganŋi goanŋi agi. ¹⁶ Hain akmâ hoŋ bawalupyene akto Herotegât âi luâklupne huŋgun yeŋgimbiâ Yesugâlân togom lau tu aganmâ hin dâyi, “Humo, gâŋgât keige nâŋgâen. Gâ hianŋi den bo makmat. Bunneâk makmat. Gâ luâk hârok Anutugât dâp âlepne makmâ makyengimat. Akto luâk yeŋgât nâŋgâ nâŋgâyeŋaet bo watmat. Akto luâk âgâ âgâŋe me gegeŋe areyeŋgât hamep bâlâk akmâ ârândânâk makmâ hekatnengimat aregât ire makmenâ nâŋgâne. ¹⁷ Nen Roma luâk siâ damun nenŋe kotne Sisa are gawamangât puli waŋmaen are âlepne me bo? Aregât gain nâŋgâmat? Puli waŋbaen me bo?” dâyi. ¹⁸ Hain dâmbiâ biwiyeŋaet keiŋe ekmâ nâŋgâm hin makyengiep, “Ye hianŋinŋdâi. Denne hami kom katniŋdâi. ¹⁹ Romagât puli koaŋe siâ mem niŋbiâ

ekbe.” dâep. Hain dâambo mem wanþiâ mem agatmâ hekat yeŋim hin dâep, ²⁰ “Puli ire ekŋet. Iregât otneþe akto kot ire niþaet?” dâep. ²¹ Hain dâambo hin dâyi, “Damun nenþe Roma luâk kotþe Sisa yâkgât otneþe.” dâyi. Hain dâmbiâ hin dâep, “Wan me wan Roma luâk humogât dâtâþe amâ yâk wanþei. Dâ wan me wan Anutugât dâtâþe are amâ Anutu wanþei.” dâep. ²² Hain dâambo nâŋgâmbiâ humo akto yân hepunmâ ariyi.

Momonânba agatbaengât aikoyi.

²³ Akto hilâm ainâk Sadukaio luâk are togoyi. Luâk arekþe momonânba luâk bo agatbai dâmini. Yâkâ hainâk togom lau tu aganmâ hin dâyi, ²⁴ “Tiksa, Moseþe ulikþân hin dâm kulemgœp, “Luâk siâþe âmbâle mendo nanaþ bo miawakto mondo emiþande kambut mem teuþaet kâmot bo akbopgât membiap.” Moseþe hain kulemgœp aregât hin makþiþe. ²⁵ Emi teu nâmbulân lâuwâ nen hutnenþân mali. Hain manmâ ulikþân teuyeþande âmbâle mem nanaþ bâlâk manmâ moep. ²⁶ Mondo emiþande kambut are mem hainâk nanaþ bâlâk manmâ mondo emiþe siâþe âmbâle kambut are miep. Hain akmâ mondo emi teu nâmbulân lâuwâ arekþe âmbâle konok are mem nanaþ bâlâk manmâ mom meteyi. ²⁷ Bâiþe kambutyene are hainâk moep. ²⁸ Akto luâk nâmbulân lâuwâ are hârogâk âmbâle konok areâk mem mom meteyi. Aregât sop bâiþân agatmâ metembiâ amâ âmbâle are niþaet âbenþe akbiap?” dâm hianþiyi. ²⁹ Hain dâmbiâ Yesuþe hin makyenþieþ, “Ye Anutuþe makto kulemgoyi are akto Anutugât kârikþeþe bonâŋgâmai are nâŋgâm hilipkom hain dâm maktâi. ³⁰ Luâk me âmbâle momonânba agatmai yâk himbimân aþelo mandâi hainare akmâ luâk âmbâle meak meak are hepunmâ yân manbai. ³¹ Dâ momonânba agat agatgât keiþe hin maktere nâŋgâþet. Anutugât den aregât keiþe makyenþire nâŋgâm heŋgemþet. ³² Anutuþe hin mageþ, “Nâ Abraham akto Isaka akto Yakobo yâk yeŋgât damunyeþe akman.” dâep aregât yâk amâ momoþe yâk yeŋgât Anutu bo. Golâ manmanþe yâk yeŋgât Anutu akmap.” dâep. ³³ Hain

dâm Sadukaio gâtþe makyenþimbo luâk âmbâle yânþe ain kili arekþe den are nâŋgâmbiâ umatþe ageþ. ³⁴ Akto Yesuþe den mageþ are Sadukaio gâtþande nâŋgâm den hâuþe gain gain maganþe dâm pâþkoyi aregât anþun anþim hepuli, paraioþe aregât nâŋgâm amâ Yesugâlân menduguyi. ³⁵ Mendugumbiâ hutyeþân Moseþe den kârikþe makmâ kepigi ain gâtþe konok Yesu hianþerâm aikom hin dop koep, ³⁶ “Tiksa, Anutuþe den kârikþe kalep ain gâtþe wan soþ lokowaen.” dâambo ³⁷ hin dâep, “Anutuþe makto Moseþe kulemgœp are bikþe hin tatâþ, “Gâþe Humoge Anutu yâkgâlân biwi kambiamge me nâŋgâ nâŋgâþe katmâ manben. Yâkgât âi akto den lau aregâlâk nâŋgâm kârikþe akmâ hange konogâk manben.” ³⁸ Den are soþ lokombiâ huraguwiâþ. ³⁹ Akto hamiþân den ire lokombiâ huraguwiâþ, “Gâ gugaet agakmat hainâk luâk siâ aganþen.” ⁴⁰ Anutugât den kârikþe lâuwâ irekþe amâ den kârikþe are hârokgât keiþe aktâþ. Akto Anutugât Propete luâk den ire nâŋgâm aregât keiþe kulemgoyi.” dâep.

Yesuþe ikiþaet keiþaet aiyenþueþ.

⁴¹ Hain dâm Parisaio luâk menduguyi aregât Yesuþe aiyenþum hin dâep, ⁴² “Ye Anutuþe huŋgun anþo gewiþ aregât gain gain nâŋgâi? Yâk amâ niþaet nanþe nâŋgâi?” dâambo Parisaio luâk bikþe arekþe hin dâyi, “Dawidigât hakuþe.” dâyi. ⁴³ Hain dâmbiâ hin dâep, “Bâin, Anutugât Heakþande Dawidigât biwiþe mem agato hin dâep,

⁴⁴ Anutu Humoþe nâŋgât Humone hin maganþeþ, “Gâ enemnân togom bâtne bungen tatmenâ gasalupge keigaet amukþân kâmot katere tâliyekbiat.”

⁴⁵ Aregât keiþe hin. Dawidieþ Anutuþe huŋgun anþo gewiþ are amâ nâŋgât Humone dâm konmineþ. Aregât gain gain yâk amâ Dawidigât nanþe dâmai?” dâep. ⁴⁶ Hain dâambo luâk ain kili arekþe Yesuþe den mageþ are hâuþe bo maganþi. Hain akmâ are hamiþanþen den siâ me siâgât lâuwâþe bo aikoyi.

23

Yesuŋe Parisaio minao makyenŋiep.

¹ Yesuŋe luâk âmbâle dondâ akto ikinje honj bawalupne hin makyenŋiep, ² “Luâk Mosegât den kârikne makmâ kepikmai akto Parisaio luâk yâk âmâ Mosegât welamjân tatmai. ³ Aregât den makmâ hekatyenŋimbiâ nâŋgâm lokowei. Dâ yâkne yâk yengât den bo lokomai aregât agak memeyene bo watbei. ⁴ Yâk yengât agak meme are hin. Luâk âmbâle den kârikne wârakmâ hin makyenŋimai, “Âi humo mem hâk hilâlâm nâŋgâm manmâ âgâŋet.” dâm makyenŋimai âmâ bo tân yengumai. Denâk akmai. ⁵ Akto wan me wan hârok akmai are âmâ luâkne neneknet dâm aregât akmai. Akto neneknet dâm manmâ âmâ mitigât siâ me siâ wan me wan mem manmâ kâlewâk mâŋgim manmai. ⁶ Akto luâk âmbâle mendugum kinmaiân me den opmânjân âgâmaiân âmâ yâkne nenje soj dâm tat tatne egon tatmai. ⁷ Akto yâkne luâk âmbâle kepiân tiksa humonenje dâm nengonnet dâm aregât ukenje nâŋgâmai. ⁸ Dâ ye amâ tiksayene konok akto ye hârok gala konogâk akmai aregât tiksa humonenje dâm nengonnet aregât bo nâŋgâwei. ⁹ Akto Eweyene konok mandâp amâ Anutu himbimân manmap yâk aregât iren hânân gâtne siâgât ewenenje bo dâwei. ¹⁰ Akto humoyene konok mandâp amâ Anutune huŋgun niŋdo geân aregât humonenje dâm nengonnetgât ukenje bo nâŋgâwei. ¹¹ Akto yengâlân gâtne bikne tân yengum âi yengât mem manmap are âmâ Anutune ekto huragumap. ¹² Aregât yengâlân gâtne siâne ikinje kotne mem agato âmâ Anutune mem gewiap. Dâ kotne mem gembo âmâ Anutune mem agatbiap.

¹³ Gâuk Mosegât den makmâ kepikmai akto Parisaio ye hârok hianŋi luâk. Luâk âmbâle himbimgât kâmolân ariwerân akbiâ âmâ yene dâp gisapko yengimai. Yene âmâ ain bo ariwaen dâm âmâ ariwaen dâmai yâk yengât dâp gisapko yengimai. ¹⁴ Gâuk Mosegât den makmâ kepikmai akto Parisaio hianŋi luâk yene mându kambut yengât emet me wan me wan kâmbu memai. Dâ nenekbiâ huraguâk dâm Anutu sop kâlep ulilanmai. Aregât Anutune hâune umatne

bâleŋe akyenŋiwiap. ¹⁵ Gâuk Mosegât den makmâ kepikmai akto Parisaio ye luâk konok yengât pat agâkgât âi humo mem haru akto hân hâtikom arimai. Arim hâwâtyekbiâ dewatiyekmâ âmâ benje hemem kâlâpgât pat akmâ ewangiyekbiap. ¹⁶ Gâuk Mosegât den makmâ kepikmai akto Parisaio yene luâk âmbâle manman âlepjân kewuguyektenje ariwai dâmai gârâmâ ye âmâ dewunylene bokbokne. Aregât hin dâmai, “Luâk âmbâle siâne sumbe aregât metenân dâm makbiâ âmâ yânne akbiap. Dâ sumbe kat kat opmângât goli aregât metenân dâm makbiâ âmâ âlepne akbiap.” dâmai. ¹⁷ Hain dâmai amâ dewunylene nâŋgâ nâŋgâ yene hândâk akmap. Anutune wan ekto humo akmap? Goli me sumbe emetne? Sumbe kat katjaet emetjande goli are ewangimap. Sumbe emetne bo tatâp dâine puli are yânne akbop. ¹⁸ Akto ye hin dâmai, “Luâk âmbâle siâne sumbe kat katgât alata kotne konmâ den kârikne makbiâ yânne akbiap. Dâ yâkne sumbe om alata kakjân katmai are konmâ den kârikne makbiâ amâ kârikne akto areâk membei.” dâmai. ¹⁹ Hain dâmaigât âmâ dewunylene hândâkne akmap. Wan me wan Anutu wanmai arekne alata bo ewangimap. Alata bo tatâp dâine sumbe yânne akbop. ²⁰ Aregât luâk âmbâle alata aregât kotne konmâ den kârikne makbai arekne alatagât kotne areâk bo konbai. Alata akto sumbe me wan kakjân katmai are olop konmâ makbai. ²¹ Akto luâk âmbâle sumbe kat kat opmân aregât kotne konmâ den kârikne makbai arekne opmân aregât kotne areâk bo konbai. Opmân akto aregât Amboŋe Anutu yâkgât kotne konbai. ²² Akto himbim kotne konmâ den kârikne makbai arekne Anutu tat tat akto tat tat Amboŋe lâuwâ lâuwâ yetkonbai.

²³ Gâuk Mosegât den makmâ kepikmai akto Parisaio ye hianŋi luâk. Ye metâ akto lombo akto sot siâ siâ are dopjân potatmâ Kembugât pat dâm bikne katmai. Dâ Mosenje kulengoep den bikne umatne are hepunbiâ bâlimap. Aregât den amâ hin. Wan me wan âlepne membiâ ârândâŋâk akto okot nâŋgâ nengim gala akmai akto Humogâlân biwi kat kat aregât agak meme

are âkâ hamianmai aregât siân hâuñe humo bunewâk yenjiwiap. Ye Mosegât den owâine akto umatne are lâuwâ lâuwâ lokomai dâine ârândân akbop. ²⁴ Ye, “Nen kewuguyekmaen.” dâm âmâ luâk dewunyeñe bok bokne are yengât dop hainâk akmai. Wan me wan bâlensiâ aregâlâk nângâmai. Dâ wan me wan umatne Anutuñe egâlianmap are amâ yânne dâm hepunmai.

²⁵ Gâuk Mosegât den makmâ kepikmai akto Parisaio ye hiangi luâk. Ye hâk akto hângât aregâlâk nângâmai. Âmbâle siâne kondo akto umbâ hâkneâk pulim kâlegen bo pulim akmap aregât dop hainâk yâk hâkyeñe âlepne akmai. Dâ biwiyenân âmâ kâmbugât akto hâkgâlâk egâlian aregâlâk nângâmai. ²⁶ Woe, Parisaio luâk, ye âmâ dewunyeñe bokbokne hainare akmai. Kâlegen biwiyene soñ hengemgombiâ âmâ huraguwiap benne hâkyeñe gai hainâk salek salek akbiap.

²⁷ Gâuk Mosegât den makmâ kepikmai akto Parisaio ye hiangi luâk. Lâmân luâk âmâle han yengumai are bulune me wan me wan âlepne agâk dâm kâmetmai. Dâ kâlegen âmâ hagitne akto hâkne hambune are yemap aregât dop hainâk ²⁸ luâk âmâle bikñande hâkyeñe yekbiâ ârândân akmap. Dâ biwiyenân âmâ den hianjim agak meme bâleñe akto Anutugât den kârikne hamianmâ nângâmai.

²⁹ Gâuk Mosegât den makmâ kepikmai akto Parisaio ye hiangi luâk. Ye hin nângâm hilipkomai. Hokboâk hokboâk propete luâk akto luâk agak meme âlepne akmâ manmini are yengât sum are bulunande hâk meanmâ kotyene lauyenande mem agatmai. Are nângâre bâliâp. ³⁰ Bulunande meanmâ hin dâmai, “Woe, nen ulikñân bâgilupnenne mali dop hainâk malion dâine yâk tân yenguenne Propete luâk bo yenguwâen.” dâm lauyenande makmai.

³¹ Hain akmâ keiyene mem miawakmai. Ulikñân akmini areyengât dop ye hainâk akmai. Aregât ye ain manmini dâine Propete luâk are yengumbiâ mombâi.

³² Akto humomolupyeñe dosa kakñân manmâ gayi, ye gai hainâk dosa kakñân manbiâ dosayene pikmâ yembiap. ³³ Ye

niambigât kâmot, ye Anutuñe dosa yenjaet hâuñe yengimboân âmâ gain gain akmâ âlepñân ariwai? ³⁴ Aregât hoñ bawalupne propete luâk akto nângâ nângâ luâk akto den makmâ kepikmai luâk are hungun yengire yengâlân togom makyengimbiâ bikne yengum siâ siâ ketugu yekbiâ bikne mombai. Dâ bikne amâ lâwinân yengumbiâ mombai. Dâ bikne amâ yeñe den opmânân bugâne yengumbiâ hâk hilâlâm akbai. Hain akmâ bikne kepia siânba watyekbiâ kepia siân ariwai. ³⁵ Aregât ulikñân Anutuñe keñe katmâ luâk âmâle ketuguyekto mali sop ain Anutugât hoñ bawalupne hilip yengum gayi are yengât nângâmbiâ âlepne akmap aregât yeñe hainâk akmâ dosa hainâk mombai. Akto hakulupnenñande bugâne Abe kom ainba keñe katmâ yengum gam gam baine Berekia nanne Sakaria sumbe emetjaet hânge akto alatagât keñe aregât hutñân gam ariwerâm akto ain kombiâ moep. Akto hakulupnenñande Anutugât Propete hârok yengumbiâ moyi. ³⁶ Aregât hin makyengire nângâñet. Yu mandâi irekne Anutugât luâk âi membiâ ârândân agep are hilipyengumbiâ moyi aregât hâuñe amâ yengâlân miawakbiap.

Yesuñe Yerusalem ambolupne yengât okotne nângâep.

³⁷ Bâe, Yerusalem kepia ambolupne areyengât keiyene hin. Yâkne Anutuñe honlupne akto propetelupne hungun yengimbo yengâlân togombiâ kâtne mem panbiâ yengumbo momai. Puiñe nananjupne damunyeñe akmâ mem mendugu yekmâ korat yengumap aregât dop hainâk mendugu yekmâ okotnân katyekmâ damunyeñe akberâre hâkânne akmâ arimai. ³⁸ Aregât Anutuñe damunyeñe bo akmap kepiayene hepundo bugâ miawak yengiwiap. ³⁹ Aregât nâ bo nekmâ âgâmbiâ hilâm siân miawaktere nekmâ hin dâm makniñbai, “Wei, Gâne Anutugât laugât togonengiât aregât âlepne akgiñe.” hain dâwai.” Yesuñe hain dâep.

24

Yesuñe lâuwâne togowiapgât magep.

1 Yesuŋe sumbe kat kat emetŋânba sopando luâklupŋe emet are ekbiâ humo akto hin dâyi, “Humo, sumbe kat kat emetŋe ire ek.” dâmbiâ 2 hin makyenŋiep, “Emet humo ire ektâi are hâmbâi gasalupyenande kârikŋe akmâ kât me wan me wan ire gagaim itinj gulam mem patakowai.” dâep.

3 Hain dâm makyenŋimbo gimbâŋe kotŋe Oliwa ain âgâyi. Ain tatmâ luâklupŋe yâkŋeak yoŋâk Yesu hin aikoyi, “Gâ mak-nenŋiât are amuten miawakbiap? Akto sop humo miawakbiap akto gâŋe purik katmâ lâuwâŋe in manmenâ hân hârok bo akbiap aregât dâp gain gain nâŋgâwaen?” dâyi. 4-5 Hain dâmbiâ hin makyenŋiep, “Luâk dondâ miawakmâ nâŋgât kolân hâk tunanŋim hin dâwai, “Nâmâ Anutuŋe hunŋun niŋdo geân.” hain dâmbiâ luâk âmbâle dondâŋe han gulip akbai. Gârâmâ ye han gulip akbâigât den yu maktân ire nâŋgâm biwiyenŋe damunŋe kârikŋe aŋanŋim manbei. 6 Akto bugâgât warapŋe me bugâgât denŋe nâŋgâm ainâk hin nâŋgâwei, “Anutuŋe are miawakbiapgât nâŋgâmbo miawaktâp.” dâm aregât bo hamep akbei. Dâ sop bâiŋe âmâ irawot miawakbiap. 7 Bugâ akto kuk me wan me wan umatŋe are miawakbiap dâm Anutuŋe den makmâ kalep. Are miawakto hân bikŋande gasa aŋanŋim ariwai. Akto mop humo miawakbiap. Akto wâriŋ humo mem wan me wan hârok mendo duwuŋ humo akbiap. 8 Hinŋe maktere nâŋgâi are amâ umatŋe. Aregât keiŋeâk miawakto haminŋân umatŋe dondâ miawakbiap.

Tembe bugâ miawakbiapgât magep.

9 Yenŋât gasalupyenande den âiân katyekmâ den opmânŋân bugâŋe yenŋuwai. Akto yenŋâlân gâtŋe bikŋande mombai. Dâ bikŋe âmâ nâŋgât den lokowai aregât hân hârok aregât ambolupŋande kuk bâleŋe akyenŋiwai. 10 Aregât, “Nen Yesugâlân gâtŋe.” dâmai are yenŋâlân gâtŋe dondâŋe hepun nekmâ ikiŋeâk ikiŋeâk akmâ gasa aŋanŋiwai. Akto yenŋâlân gâtŋe bikŋande bikŋe kewugu yekmâ kiapgâlân arim makyenŋimbiâ yenŋuwai. 11 Akto sop ain luâk dondâ agatmâ, “Nen Anutugât Propetelupŋe.” dâm heyenŋimbiâ luâk

âmbâle dondâ han undup akbai. 12 Akto agak meme bâleŋe are miawakmâ humo akbiap aregât luâk âmbâle dondâŋe nâŋgât akto galagât okot nâŋgâ nâŋgâ aregât agak meme are âmâ hepunbai. 13 Dâ bikŋande âmâ kârikŋe akmâ tatmâ âgâmbiâ sop humoân âmâ Anutuŋe meyekbiap. 14 Akto Anutuŋe damunŋe akbiap aregât den pat are luâk âmbâle hânŋe hânŋe hârok nâŋgâmbiâ Anutugât keiŋe humo agâk dâm hân hârok manmâ makyenŋim manbai. Hain akbiâ haminŋân sop humo miawakbiap.

Siâ me siâ hâkŋe hâkŋe dondâ miawagep.

15 Aregât propete Daniel arekŋe kulemgoep are yaiwâk oyanmâ nâŋgâm heŋgemgowej. Den are kârigembo siâ me siâ bâleŋe hilip agu aguŋe olowâk âgâm kinmâ sumbe kat katŋân ain bo kin kinŋân kinbiap amâ ye nâŋgâm heŋgemgowej. 16 Hain akmâ nenguwâi dâm Yudaia hânângenba pârigim gimbâŋe siân âgâwai. 17 Akto kepia ewumâk manbiap arekŋe emetŋe kâlegen purik katmâ âgâ ito sikumŋe bo membiap. 18 Akto âiânŋenba manbiapŋe kepiân âgâm sâŋgum dâgâmŋe bo membiap. 19 Akto sop ain âmbâi tepdâŋe me namân gâtŋe olowâkŋe âmâ gain gain akbai? Umatŋe olowâk akbai sop ain âmâ umatŋe humo dondâ miawakbiap. 20-21 Amâ Anutuŋe luâk mem miawak yegewânbak hainâk bo miawagep. Akto hân himbim liunyelegewânbak umatŋe hainâk bo miawagep. Akto haminŋân umatŋe hainâk bo miawakbiap aregât Anutu hin ulilanŋei, “Humonenŋe umatŋe are tânâk kâlegen me âi bo meme sopŋân bo miawak neniŋiwai.” dâwei. 22 Aregât Kembuŋe sop are bo dâm hârembo dâine luâk me âmbâle siâ me siâ bo manmâ kârikŋe manbop. Dâ Anutuŋe ikiŋe kâmotlupŋe yâk yenŋât akmâ âmâ sop aregât makto tâlâwâk akbiap.

Miti luâk hianŋi miawakbai.

23 Akto Anutuŋe hunŋunaŋdo iregen miawaktâp akto Anutuŋe hunŋunaŋdo indâgen miawaktâp den hain makmâ bam gamâk akbiâ bo nâŋgâyenŋiwai. 24 Amâ hingât. Sop ain hianŋi luâk

akto Propete yânje togom nângât kâmot potatmâ kepilâyegân are han biwiyenje mem gâlikowaigât kulem siâ siâ akto tirip keiŋe keiŋe mem âi humo mem-bai. Gârâmâ hanyenje mem gâlikowaigât dâp bo tatâp aregât ewum hâumgowai. ²⁵ Akto ye gulip akbâi dâm irawotŋân yu makyenŋiân. ²⁶ Akto ain hianŋi luâkŋe hin makyenŋiwai, “Wei, Anutuŋe huŋgunanŋo gewiap dâmai âmâ hân kamitŋanŋen ain miawaktâp.” dâmbiâ yâk yengât den bo nângâm ekberâm ariwei. Akto hianŋi luâkŋe hin makyenŋiwai, “Woe, hoŋ bawa arekŋe purik katmâ gem emet kâlegen miawaktâp.” dâmbiâ arekâ hainâk bo nângâwei. ²⁷ Aregât lâuwâŋe makbe. Himbim belek akmâ dowâk sop konok miawakmap dop are hainâk luâk akmâ geân nâ hân siânŋen miawakbianân âmâ hân hârok mem belekŋe memap dop hainâk nâŋe hânân gem miawakbian. ²⁸ Siâ siâ mom yembiâ liplipŋe nemberâm mendugumai.

Luâk akmâ gewiap aregât keiŋe.

²⁹ Akto areâk bo. Umatŋe humo are bo akto sop ain âmâ dewutâ lâuwâ lâuwâk pagaleŋe bo akbiandat. Akto diâ himbimânba bererek kârâm hânân gewai. Akto wan me wan himbimân yendâp are hârok duwuŋ akbai. ³⁰ Akto sop ain luâk akmâ geân nângât kulem are himbimân miawakbiap, aregât luâk âmbâle hânŋe hânŋe manmai are hârok indem tâgâiak akbai. Ainâk nâ hamandat kakŋân tatmâ pagaleŋe humo olop agat agatne akmâ gere ekbai. ³¹ Gârâmâ lâmun kârikŋe kondere munŋe humo miawakto aŋelolupne mendugumbiâ huŋgun yengire nângât kâmot nune dâtâŋe dâman are hân hârok ainba mem kewuguyekmâ ariwai.

Sop humogât den.

³² Akto den ginŋe siâkâ makbe. Ye lâwin kotŋe solom are esenŋe bererek dâmbi hin dâmai, “Wei, emelâk sot kâmetberengât sopŋe aktâp.” dâmai. ³³ Aregât dop hainâk hâmbâi wan me wan maktân are hârok miawakto ye hin nângâwai, “Emelâk togowiapgât sop ewumâk aktâp.” dâwai. ³⁴ Luâk âmbâle yu mandâi arekŋe ire hârok

miawakto ekbai. ³⁵ Aregât hin makbe. Wan me wan yu maktân ire âmâ bunewâk miawakbiap. Hân akto himbim âmâ bo akbiandat. Dâ nângât den âmâ bo boakbiap. Amâ yem âgâwiap.

³⁶ Akto sop aregât hin makbe. Luâk me âmbâle aregât sop bo nângâmai. Dâ aŋelo himbimân manmai arekŋe âkâ bo nângâmai. Akto nâkâ hainâk bo nângân. Dâ Ewene konokŋe aregât sopŋe nângâmap. ³⁷⁻³⁹ Amâ hin akbiap. Ulikŋân Noa malep ain ugurup miawagewân sop ain luâk âmbâle hanâk hanâk manmâ, “Nen âlepŋe manbaen.” dâm sot tu nem luâk âmbâle meagi. Hain akmâ manmâ âgâmbiâ Noaŋe waŋga kâlegen âgâep. Âgâambo âlepŋe manden dâmbiâ umatŋe miawak yengiep. Are bo nângâm hanâk hanâk manbiâ tânâk humo momoŋe gembo ugurupŋe humo togom luâk âmbâle hârok mem kawut yekto mom meteyi. Aregât dop hainâk siân âmâ luâk âmbâle aregât sop bonângâmbiâ luâk akmâ geân nâ gere umatŋe humo miawak yengiwai. ⁴⁰ Sop ain âmâ luâk lâuwâ âiânŋen manbela ainâk Anutuŋe luâk konok mem konok âmâ hepunbiap. ⁴¹ Akto sop ain âmbâle lâuwâ âi membela ainâk Anutuŋe âmbâle konok mem konok hepunbiap. ⁴² Akto Humoyeŋe nâ togowiangât sop bo nângâmai aregât ye damun kârikŋe akmâ manbei. ⁴³ Aregât den ginŋe siâ makbe. Kepia amboŋande gasa hândâgân togowiap aregât sop nângâm âmâ ain biwi golâk tatmâ emet kepiânŋe damungombo âmâ bo bâlianbiap. ⁴⁴ Dop hainâk luâk akmâ geân nâ lâuwâŋe gewian aregât sopŋe bo nângâmai aregât yeâmâ biwi pâlâmŋe akmâ bo nângâ niŋbâigât nângâmâk biwi golâk damun nugum manbei.

Biwi asin bâlâk manbaen.

⁴⁵ Aregât den ginŋe siâkâ maktere nângâŋet. Luâk koldâ siânŋe hoŋ bawalupŋe yengât damun siâ katmâ hin dâm maganbiap, “Arim mandere gâŋe damunyeŋe akmâ sopŋânâk sot me soŋgo are dop yenânâk yengim manben.” ⁴⁶ Hain dâm hepun yekmâ arimbo damunyeŋe arekŋe âi aregât biwiŋande mem heŋgemgom humoŋande purik katmâ togom ekmâ okot âlep nângâ aŋbiap. ⁴⁷ Hain akbiap

aregât hângât sikum siâ siâ are hârok damungoâk dâm maganbiap. ⁴⁸ Dâ humoyenande damunyeŋe akmâ manben dâm arimbo âmâ damunyeŋande biwiŋande hin nâŋgâwiap, “Kotdânande hepun nekmâ arim sop kâlep mandâp imâ dowâk bo togowiap.” ⁴⁹ Hain nâŋgâm âmâ luâklupŋe are bugâ yeŋgum âmâ tu kârikŋe nem biwi gulip akmai yâk olop hain akmâ manbiap. ⁵⁰ Hain akmâ hilipkom biwi pâlâmŋe akmâ mando humonande ainâk togowiap. Are bo nâŋgâm mando humonande dowâk sân sânâk togom ⁵¹ ekmâ yeŋgum bâlêŋe akyeŋgiep aregât mem kom gâimbo itik matik akto hiangi luâk âmbâle yâk olowâk hemem kâlâpgât pat akbai. Akmâ indem kambonmâ hâk hilâlâm nâŋgâwai.” dâep.

25

Âmbâle bât biken hârok yeŋgât den ginŋe.

¹ Akto Yesuŋe den ginŋe siâ hin magep, “Sop humoân Anutuŋe damunyeŋe akbiap amâ âmbâi kâmŋe bât bip bip hârok yâkŋe agi dop hain akbai. Amâ luâk siâŋe âmbâle siâ miep arekŋe yâk yeŋgâlân togowerâm agep. ²⁻⁴ Akto âmbâle momerâk âmâ biwi golâk damun aganŋim manmini aregât manmâ pagaleŋe akto pagaleŋe tuŋe kâlegen kâim âmâ tu bikŋe hâpuŋân kâimbiâ gembo mem ariyi. Akto âmbâle bikŋe momerâk are âmâ hanâk hanâk manmini aregât pagaleŋe akto pagaleŋe tuŋe kâlegen mem âmâ tu hâpuŋân bo kâimbiâ gembo mem ariyi. ⁵ Hain manmâ tatbiâ luâk âmbâle miep arekŋe titnan togombo etemŋe tatmâ asiŋ yem mali. ⁶ Hain akbiâ hândâk timonân luâk siâŋe hin dâep, “Luâk âmbâle mendâp ina togoâp gârâmâ ari dâwân peniaŋmâ kewugumbiâ togoŋet.” dâep. ⁷ Akto âmbâi kâmŋe arekŋe agatmâ pagaleŋeyeŋe are membiâ ululunŋe humo oep. ⁸ Hain akto âmbâle hanâk hanâk manmai arekŋe âmbâle nâŋgâ nâŋgâyeŋe âlepŋe are hin makyeŋgiyi, “Pagaleŋenenŋe bokberâm aktâp gârâmâ yeŋe tu siâ potatmâ kâim nengiŋet.” dâyi. ⁹ Hain dâmbiâ âmbâle nâŋgâ nâŋgâyeŋe âlepŋe arekŋe hin makyeŋgiyi, “Bo. Tu irekŋe nengât dop bo. Gârâmâ bo akbopgât ye arim anŋim nene emetŋângen arim yeŋeak puligoŋet.”

dâyi. ¹⁰ Hain dâmbiâ yâk tu are puligowerâm anŋim nene emetŋângen arim manbiâ luâk âmbâle miep are togoep. Akto âmbâle wan me wan mem dunŋân ketugum tali yâk luâk are olop sot soŋgo nemberâm emet kâlegen âgâm hânŋi gisapkom tali. ¹¹ Akto âmbâle bikŋe are hami togom hin magi, “Humonenŋe gâ hânŋi mem katnengi.” dâyi. ¹² Hain dâmbiâ luâk arekŋe hin makyeŋgiep, “Nâ ye bo nâŋgâyeŋgiân.” dâep. ¹³ Aregât keiŋe hin. Nâ sop humoân togowian aregât bo nâŋgâi aregât biwiyeŋaet damun kârikŋe akmâ manbei.

Luâk puli geârâk yeŋgât den.

¹⁴ Akto aregât den ginŋe siâkâ makbe. Luâk siâŋe kâlêwângen ariwerâm hin agep. Luâk arekŋe âi luâklupŋe yeŋgondo togombiâ hin makyeŋgiep, “Wan me wan tatniŋdâp iregât damun kârikŋe akbei.” dâep. ¹⁵ Akto âi luâklupŋe are yeŋgât agak memeyeŋe akto âi memeyeŋe aregât keiŋe nâŋgâm kinmâ âi luâk siâ ikiyeâk ikiyeâk âi dopyeŋân puli hin yeŋgiep. Siâ ito momerâk akto siâ ito lâuwâ akto siâ ito konok puli lugumbo giep. Hain yeŋgim ikiye gem ariep. ¹⁶ Akto luâk ito momerâk miep arekŋe anŋi goanŋi âi mendo puli arekŋe puli oloŋdo ito momerâk siâkâ miawakto 10 agep. ¹⁷ Akto luâk ito lâuwâ miep arekâ hainâk anŋi goanŋi âi mem ito lâuwâkâ oloŋdo ito imbât miawagep. ¹⁸ Dâ luâk puli ito konok miep arekŋe âmâ humonaeŋ puli are mem ari lâm kendâm ain heambukto yiŋep.

¹⁹ Akto manmâ manmâ sop kâlêwâk akto âi luâk yeŋgât humoyeŋe are purik katmâ togoep. Togom âi luâklupŋe puli meyi are olop den heŋgemgowerâm agi. ²⁰ Akto luâk ito momerâk miep arekŋe puli siâkâ mem togo humoŋe are hin maganŋep, “Luâk humo ulikŋân gâŋe ito momerâk niŋen arekŋe âiŋe mem ito momerâk siâkâ yu meân.” dâep. ²¹ Hain dâambo humoŋe arekŋe hin maganŋep, “Gâ âi luâk âlepŋe. Gâŋe âlepŋe dondâ agen. Gâŋe âi mem heŋgemgom wan me wan bâlensiâ ire damunŋe akmâ heŋgemgoen aregât nâŋe wan me wan ire hârokgât damunŋe kat gektere kambiamne âlepŋe aktâp aregât herone ak.” dâep. ²² Akto luâk ito lâuwâ

miep arekne togom humone are hin maganep, “Uliknân gâne puli niñen arekne âine mem ito lâuwâ siâkâ meân.” dâep. ²³ Hain dâambo humone arekne hin maganep, “Gâ âi luâk âlepne. Gâne âlepne dondâ agen. Gâne âi mem hengemgom wan me wan bâlensiâ ire damunne akmâ hengemgoen. Aregât nâne gâ wan me wan dondâ iregât damunne kat gektere kambiamne âlepne aktâp aregât gâ hainâk kambiamge herone agâk.” dâep. ²⁴ Akto luâk ito konok miep arekne togom humone hin maganep, “Luâk humo nâ gângât keige nângân. Gâ luâk kârikne. Luâk siâne âi kâmetmap are gâne hindâm om nemat. Akto hân siâ luâk siâne sot koane panmap ain gâne senjo orem om nemat. ²⁵ Hain akmat aregât gângât hamewakmâ puli niñen ire mem arim lâm kendâm ain heambuktere yemap. Wan me wan ire gângât aregât meak.” dâep. ²⁶ Hain dâambo humone arekne hin maganep, “Gâ âi luâk bâleje. Gâ luâk konam. Akto luâk siâne kalam kâmelep ainba sot mem om nemat dât. Akto luâk siâne sot koane panmap ainba senjo orem om nemat dât. ²⁷ Aregât puli ire siâ wanmenâ âi mendo puli siâkâ mendât dâine togomân âmâ are mendere ârândân akbop.” dâep. ²⁸⁻²⁹ Akto damunyenande tembe lokolupne hin makyengiep, “Luâk bikñande wan me wan dondâ memai amâ nâne dondâ siâkâ yenjiwian. Dâ luâk siâne wan me wan getek memai amâ wan me wan bâlensiâ kinanbiap are meman aregât ito konok are mem luâk ito momerâk miep are wanjet. ³⁰ Akto âi luâk konam are amâ watbiâ ginñângen hândâknân are geâk. Ain gembo luâk âmbâle bâleje indem kamboñmâ manbai are olop manbai.” Luâk kembu arekne hain dâep.

Yesuje mem potat nenekbiap.

³¹ Aregât lâuwâne makbe. Luâk akmâ geân nâ purik katbian sop ain pagalenân anjelolupne olop togom luâk âmbâle damunyeje akbian. ³² Akto lama damunñande lama potatmâ biken katyekmâ nâniñ biken katyekmâ akmap. Hain akmâ luâk âmbâle hârok enemnân mendugumbiâ mem potatmâ kâmot lâuwâ katyekbian. ³³ Lama are amâ bâte biken bungen

katyekbian. Dâ nâniñ are amâ kanegen katyekbian. ³⁴ Hain akmâ damunyeje nâne luâk âmbâle bâte bungen kinbai are hin dâm makyenjiwian, “Ewene damun akmap arekne uliknân hân himbim liunyelegewân bâte bâte manman âlepne katyenjiep are yenjimbo mem manmâ âgâm herone akbai. ³⁵ Nâne sotgât mop agu mandere yeje sot om niñi. Akto tugât nângâm mandere yeje tu niñbiâ neân. Akto nâ kepia siân gâtne ina yeje kewugu nekmâ emetyenân katnegi. ³⁶ Akto sângum bâlâk mandere yeje sângum niñi. Akto kundat akmâ mandere togom nekmâ tân nuguyi. Akto humomolupnande kala busi kâlegen katnekbiâ taterere togom okotyene nângâm tân nuguyi.” ³⁷ Hain dâre luâk âmbâle agak meme âlepneâk akmâ manmai arekne den hâne hin makniñbai, “Humo, gâ maktât amâ bo nângâen. Amuten gâne sotgât me tugât nângâmenâ ginñion? ³⁸ Akto amuten gâ luâk kepia siân gâtne me sângum bâlâk manmenâ ³⁹ me kala busi kâlegen tatmenâ me kundat akmâ manmenâ tân guguyion? Nen amâ hain siâ bo akginñion.” dâwai. ⁴⁰ Hain dâmbiâ damunyeje nâne hin makyenjiwian, “Nângât kâmolân gâtne siâ yâkgât kotne bo tatâp are yeje tângoyi are amâ nâ tân nuguyi dop aktâp.” dâwian. ⁴¹ Hain dâm makyenjim benje luâk âmbâle bâte kanegen tatbai are amâ hin makyenjiwian, “Ye luâk bâleje. Ekenjet. Anutune Niambi akto yâkgât anjelolupne kâlâwân katyekbian dâm kâlâp kalep ain manjet. ⁴² Nâne sotgât mop agu mandere yeje siâ bo om niñi. Akto tugât nângâm mandere tu siâ bo hâgâm gutmâ niñi. ⁴³ Akto nâ kepia siân gâtne ina yeje kewugu nekmâ emetyenân bo âgâ katnegi. Akto sângum bâlâk mandere yeje sângum siâ bo niñi. Akto nâ kundat agân me kala busi kâlegen katnekbiâ talân sop ain bo togom negi.” ⁴⁴ Hain dâre hin makniñbai, “Woe, amuten gâne sotgât me tugât nângâen me luâk kepia siân gâtne me sângum bâlâk manmenâ me kala busi kâlegen tatmenâ me kundat akmâ manmenâ amâ bo tân guguyion?” dâwai. ⁴⁵ Hain dâmbiâ hin dâwian, “Yeje nângât kâmolân gâtne gegene are bo tânyenjiwian

âmâ yeñe nâ hainâk bo tân nuguyi dop aktâp.” dâwian. ⁴⁶ Hain dâm watyektere kâlâwân arim hâk hilâlâm dondâñe nâñgâm âgâwai. Dâ luâk âmbâle âlepñe amâ kewugu yektere manman âlepñân manmâ âgâwai.” dâep.

26

Yesuñe mombiapgât makyengiep.

¹ Yesuñe den are hârok makmâ metem sop ain hoñ bawalupñe hin makyengiep, ² “Nâñgâi. Hombañ kotñe Pasowa aregât sop amâ hilâm lâuwâ akto miawakbiap. Ain luâk akmâ geân nâ lâwinân nuguwaigât mem miawak nekbai.” dâep.

³ Akto sop ain sumbe kat kat luâk akto Israe yengât humomolupyene arekñe sumbe kat kat yengât humoyene siâ kotñe Kaipa aregât emelan mendugum ⁴ Yesu hiangim mem kondene moâk dâm aregât yoñak magañgi goañgi agi. ⁵ Hain akmâ benñe hin magañgiyi, “Hombañ kâmbokñân ire hain bo akberen. Ageine luâk âmbâle dondâ kuk akbiâ bugâ humo miawakbopgât.” dâyi.

Âmbâi siâñe Yesu tu higenñe âlepñe pulianep.

⁶ Yesuñe Betania kepiân luâk siâ diwi bâleñe agep kotñe Simoñ aregât emelan talep. ⁷ Emelan tato âmbâle siâñe tu higenñe ukenñe hâpurâ puliñe âgâ âgâñe are mem yâkgâlân togoep. Togom tu higenñe ukenñe are Yesu sot nem tato ain yâkgât kautñân kâiep. ⁸ Akto Yesugât hoñ bawalupñande are ekmâ nâñgâmbiâ ârândân bo akto hin magañgi goañgi agi, “Wangât tu higenñe ukenñe ire yân kâiâp? ⁹ Neneñe ire mem arim yengienne dâine luâk bikñande puli humoñe puligombiâ puli are mem arim luâk umburuk yengiwâen ina.” dâyi. ¹⁰ Hain dâmbiâ Yesuñe den are nâñgâm hin makyengiep, “Wangât ye âmbâle iregât kakñân umatñe katâi? Hepunñet. Agak meme âlepñe dondâ akniñdâp are nâñgandere âlepñe aktâp. ¹¹ Luâk umburuk amâ ye olop sop kâlep manbai. Dâ nâmâ ye olop sop kâlep bo manbian. ¹² Âmbâle irekñe tu higenñe hâknân kâiâp ire amâ sumân katnekbai aregât dopñe aktâp. ¹³ Nâ den bunñe makyengire

nâñgâñet. Hânñe hânñe amâ den pat âlepñe ire makyengiwai akto âmbâle irekñe wan me wan akniñdâp irekñe âkâ olowâk makbiâ yâkgât nâñgâwai.” dâep.

Yudasine Yesu hâkñe tunmâ puli miep.

¹⁴ Akto sop ain hoñ bawalupñe keiân lâuwâ are yengât hut yeñân gâtñe siâ kotñe Yudasi Karioto gâtñe yâkñe sumbe kat kat luâk yengât humomolupñe yengâlân ariep. ¹⁵ Arim hin makyengiep, “Yeñe wan niñbiâ amâ nâñe Yesu yâgâten tatberâp ain kewugu yekmâ arim ire dâm hekat yengire membai?” dâep. Hain dâambo puli koañe 30 wañi. ¹⁶ Akto sop ain amâ yâkñe keiñe katmâ gain gain aktere Yesu meñet dâm aregât ai mem malep.

Yesuñe luâklupñe olop sot neyi.

¹⁷ Akto Pasowa hombañ aregât sop are miawakto hoñ bawalupñande Yesu hin magañgi, “Emet wanân sot om katenñe nemberen?” dâyi. ¹⁸ Hain dâmbiâ yâkñe hin makyengiep, “Ye Yerusalem âgâm amâ ain luâk siâ ekmâ amâ hin magañbei, “Tiksañe hin maktâp, “Emelâk nâñgât sop ewumâk aktâp gârâmâ nâ hoñ bawalupne olop gângât emelan sot nemberen.” tiksa hain dâp.” dâwei.” Yesuñe hain dâm makyengim hungunyengimbo ariyi. ¹⁹ Arim Yesuñe magep hain akmâ sot soñgo are mem dumñân dumñân ketuguyi.

²⁰ Akto emet engaiñe akto Yesu akto hoñ bawalupñe keiân lâuwâ olop sot nem tatmâ ²¹ yâkñe hin makyengiep, “Nâ makyengire nâñgâñet. Yengât hutyeñân gâtñe siâñe nâñgât gasa kewugu yekto menekberâi.” dâep. ²² Hain dâambo nâñgâm biwiyene umatñe akto siâkâ ikiñeâk ikiñeâk hin magañgi, “Amâ nâ mon?” dâyi. ²³ Dâmbiâ hin makyengiep, “Luâk yu kondo konogân sot olop nemberet irekñe nâ mem miawak nekberâp. ²⁴ Anutuñe makto kulemgoyi aregât den bunñe akberâp gât âlepñe luâk akmâ geân nâ momberân. Gârâmâ luâk nâ mem miawak nekberâp are memañande bo miep dâine owâiñe agañbop. Amâ umatñe humo miawaganbiap.” dâep. ²⁵ Hain dâambo luâk kotñe Yudasi Yesu mem miawagep arekñe hin magañep, “Apo, nâmâ bo me?”

dâmbô Yesuŋe hin maganep, “Amâ ya gugak maktât are.” dâep.

²⁶ Akto sot nem tatmâ Yesuŋe sot siâ mem Anutu mepaiŋe mem âmâ munditmâ hoŋ bawalupŋe yeŋgim hin makyenŋiep, “Ire mem neŋet. Ire âmâ nâŋgât sunumne aregât dop.” dâep. ²⁷ Akto waiŋ hâpurâ siâ mem Anutu mepaiŋe mem âlepŋe dâm maganmâ kâim yeŋgim hin makyenŋiep, “Ye hârok tu ire mem neŋet. ²⁸ Ire âmâ Anutu olop irakŋe dewatiakbaigât hepne amâ luâk âmbâle dondâ yâk yeŋgât dosa bo agâkgât kâiwerân. ²⁹ Nâ hinŋe waiŋ koaŋe bunŋe bo nemberân gârâmâ yân manmâ hâmbâi Anutuŋe lâuwâŋe damunyeŋe akberâm keiŋe kato ain ye olop nem agak meme irakŋe akmâ heronŋe akbian.” dâep.

Yesuma Gesemane kalamân ariyi.

³⁰ Hain dâm makyenŋimbo Anutugât kot mem agatmâ kep siâ membiâ bo akto arewa sopanmâ Oliwa gimbânân âgâyi. ³¹ Âgâm ain hoŋ bawalupŋe hin makyenŋiep, “Anutuŋe makyenŋimbo kulemgoyi bikŋe hin tatâp.

Anutuŋe hin dâep, “Nâŋe lama damunyeŋe kondere mondo lama are awam akmâ kâit akmâ metewai.”

Den pat bunŋe miawakto menekberâm togombiâ ye hamep akmâ hârok gem awam akmâ hanâk hanâk ariwerâi. ³² Akto nugumbiâ mondere han nugumbiâ momonânba agatmâ arim Galilaia hânân lâmyeŋgure Galilaia hânângen menduguwai.” dâep. ³³ Hain dâmbô Petoroŋe hin maganep, “Gâŋgât gasa togombiâ hamewakmâ ariwerâi me bo. Bo nâŋgân. Dâ nâmâ bo hepun gekberân.” dâep. ³⁴ Hain dâmbô Yesuŋe hin maganep, “Makŋindere nâŋgâ. Hândâk uŋak gâŋe nâŋgâ yâkgât kotŋe bo nâŋgâman dâm makyenŋimenâ âlâwu akto ainâk gokorok indewerâp.” dâep. ³⁵ Hain dâmbô Petoroŋe kârikŋe akmâ hin dâep, “Bo. Nâ gâ olowâk mombaet aregât hamep bo aktân. Akto nâ gâŋgât kotge bo mem heambukberân.” dâep. Akto luâklupŋe hârok hain dâyi.

³⁶ Akto arewa arim kalam siâ kotŋe Gesemane ain ariyi. Ain arim Yesuŋe hin makyenŋiep, “Ye in tatbiâ indâgen kinmâ Apo olop den maganŋiweret.” dâmbô ain

tali. ³⁷ Hain tatbiâ hutyeŋânba Petoro akto Sebedaiogât nanlogâtŋe meyekto bayi. Ba kinmâ biwiŋe umatŋe akto hin dâm makyenŋiep, ³⁸ “Ye âmâ iren damun tatŋet. Biwine umatŋe dondâ akto gain gain akberân aregât tân nugum tatŋet.” dâm makyenŋiep. ³⁹ Makyenŋim hepun yekmâ getek indânânba hânân ge tatmâ Anutu hin maganep, “Ewene uŋak umatŋe miawak niŋberâm aktâp aregât bo niŋ dâm ulit giŋdân. Gârâmâ gâŋe âmâ nâŋgât han nâŋgâ nâŋgâne bo watben. Guge hange nâŋgâ nâŋgâge watben.” dâm maganep. ⁴⁰ Hain dâm gutmâ yem tatbiâ yekmâ Petoro goanmâ hin maganep, “Ye wangât asiŋ yendâi? Hinŋe hepun yektân ina pâlâmŋe yendâi. ⁴¹ Biwiyeŋande âmâ laune lokowerâm aktâp. Dâ hâkyeŋe âmâ konam aktâp aregât agak meme bâleŋe arekŋe togom dop yeŋguwerâm akbopgât damun kinmâ Anutu ulilaŋŋet.” dâep. ⁴² Hain dâm makyenŋim purik katmâ bam lâuwâŋe hainâk Anutu maganep, “Ewene, gain gain nâŋgât? Uŋak âi niŋen aregât makmenâ umatŋe miawak niŋâkgât nâŋgât me? Hain nâŋgâmenâ âlepŋe agâk.” dâm maganep. ⁴³ Maganmâ purik katmâ hoŋ bawa âlâwu asiŋgât dondâ nâŋgâyi aregât asiŋ yembiâ yegep. ⁴⁴ Akto hepun yekmâ bam âlâwuŋe Anutu hainâk maganep. ⁴⁵ Maganmâ metem purik katmâ yâk yeŋgâlân gutmâ hin makyenŋiep, “Woe, wangât asiŋ yendâi? Bâin. Emelâk Anutuŋe ire miawak niŋbiapgât huŋgun niŋdo luâk akmâ geân aregât galanande heniŋmâ gasalupne kewuguyekmâ togombo menekberâigât sop ewumâk aktâp. ⁴⁶ Gârâmâ bâin agatmâ indâre yekŋet. Nâŋgât halop hogoâi ina togoâi. Agatbiâ arim penâyeŋgine.” dâep.

Gasane Yesu meyi.

⁴⁷ Hain dâmbô kinbiâ ainâk indâgenba Yudasine luâk dondâ sumbe kat kat luâk are yeŋgât humomolupyeŋe yeŋgât kâmiti arekŋe huŋgun yeŋgimbiâ bugâ soŋ soŋ membiâ Yudasine kewugu yekto togoyi. ⁴⁸ Akto luâk gasa kewugu yekto togoyi are âmâ Yudasine Karioto gâtŋe luâk arekŋe gasa tirip katyeŋgim hin makyenŋiep, “Yesu are âmâ lokom maŋgandere ekmâ âmâ hikom mem ariŋet.” dâm makyenŋim

kewugu yekto tâwât bugâ me soj soj mem togoyi. ⁴⁹ Togom gasa are ingon kinbiâ Yudasine Yesugât enemjan âgâm Humone dâm lokom manjanlep. ⁵⁰ Manjando Yesune hin maganep, “Gala, gâ wan me wan akniñberâm togoât are akniñmenâ miawagâk.” dâmbo gasa Yudasi olowâk togoyi arekne âgâ Yesu mem hikoyi. ⁵¹ Mem hikombiâ luâklupne yengâlân gâtne siâne tâwât mem olojmâ sumbe kat kat yengât humoyenæet hoj bawane siâ ondopneâk kârâm hârembo giep. ⁵² Hain akto Yesune hin maganep, “Luâk siâne tâwâtne kuk akberâm mandâp amâ siâne tâwâtneak kârâmbo mombiap. ⁵³ Gâ bo nângât. Nâne âlepne Ewene magandere dâine âlepne yâkne anelolupne dondâ niñdo tân nuguwâi. ⁵⁴ Gârâmâ nâne hain aktân dâine Anutune nune mombian dâm makyengimbo kulemgoyi denne are bunne bo akbop.” dâep. ⁵⁵ Akto sop ainâk Yesune luâk kâmot togoyi are hin makyengiep, “Ye tâwât bugâ lokom togoâi ire nâ me luâk kâmburâ siâ agañberâm togoâi? Nâ hilâmne hilâmne sumbe kat kat emetjan kinmâ den pat makyengiman. Sop ain menekbâi gâten. ⁵⁶ Anutune hârok nângâm makyengimbo kulemgoyi are yendâp are bunne miawagâkgât hinne meneknet.” dâmbo hoj bawalupñande hamep akmâ hepunmâ gem awam agi.

Yesu den âiân kali.

⁵⁷ Akto Yesu mem sumbe kat kat are yengât humoyene kotne Kaipa yâkgâlân ariyi. Ain arimbiâ Mosegât den kepikmâ hekatyengimini are akto Yuda yengât kâmiti hainâk ain mendugum kili. ⁵⁸ Luâklupne hamewakmâ arimbiâ Petoroñe konok purik katmâ yoñâk hamiñângen yoñâk watyekmâ togom emet kili aregât ginñânba ba sombeimân kilep. Bam amâ luâk humo aregât tembe lokolupne yengât hutyeñân tatmâ wan me wan agañberâi are ekberâm talep. ⁵⁹ Tato sumbe kat kat luâk yâk yengât humoyene akto Yudagât humomolupnye arekne luâk niñande Yesugât agak meme are nângâp are makto kone dâm lâmgom kili. ⁶⁰ Hain akmâ luâk dondâne hianjim den anğâ hogom togo hâknân hâknân agi. Akto denyene aregât keñe nângâmbiâ

Yesu kombiâ mombiapgât dop bo agep. ⁶¹ Akto bâne luâk lâuwâ siâ togom hin dâm hianjat, “Luâk irekne hin makto nângâyiot, “Nâne Anutugât sumbe kat kat emetne ire gagaim patakore awam akmâ yendo hilâm âlâwu kâlegen nunak mem metewom.” dâep.” dâyiat. ⁶² Akto sumbe kat katyengât kautñande hutyeñânba agatmâ kinmâ Yesu hin maganep, “Gâ wangât den hâune siâ bo maknengiât? Den anğâ anğâ hogom togo hâkgân hâkgân aktâi iregât nângâmenâ ârândâñ aktâp me bo? Gain gain maknengimenâ nângâne?” dâep. ⁶³ Hain dâm magando Yesune den hâune bo maganmâ denne nâñâk kilep. Akto humoyene arekne totokomâk hin maganep, “Bâin, Anutu manman kârikne amboñe yâkgât metenân kinden aregât makñndere maknengi. Gâ Anutune nanne hungun anđo gewiap dâmaen are me siâ?” dâep. ⁶⁴ Hain dâmbo Yesune hin dâep, “Amâ gâne ya maktât are. Aregât ye hârok hin makyengiwe. Ewenaet enemjan manman aregât luâk akmâ geân nâ himbimânba hamandat kakñân gem amâ hârok damunyeñe akbian. Ain amâ nekbai.” dâep. ⁶⁵ Hain dâmbo humoyene arekne den are nângâm biwiñe kâlâp akto aregât ikiye sângumne mem duwatmâ galalupne hin makyengiep, “Bâin, siâne siâ siârâm akbiâ den âi humo membâen. ⁶⁶ Luâk ire amâ Anutugât kotne mem bâlimbo nângâen aregât ye gain gain nângâi?” dâep. Hain dâmbo luâk ânbâle mendugum kili arekne Yesugât hin dâyi, “Emelâk bugâgât pat aktâp aregât moâk.” dâyi. ⁶⁷ Hain dâm enemjan tâwutkoyi. Akto bikñande ondopne kom hogom hin magani, ⁶⁸ “Anutune hungun niñdo geân dâmat aregât bunne akto amâ aregât kârikñân konmâ ondopge hogoâp aregât kotne kon.” dâyi.

Petoroñe Yesugât munep agep.

⁶⁹ Akto Petoro ingon emet aregât ginñân tato ainâk hoj ânbâle siâne ekmâ hin dâm maganep, “Gâ Yesu olop Galilaia hânân maliat are me?” dâep. ⁷⁰ Hain dâmbo luâk hârok dewunyeñân are bo nângân dâm hin magep, “Nâ luâk kondât are bo nângandân. Akto den maktât aregât keñe bo nângân.” dâep. ⁷¹ Hain dâm arim amâ

sombeim ginjân kindo âmbâle siâne ekmâ luâk âmbâle ain kili are hin makyengiep, “Woe, luâk ire amâ Yesu Nasarete gâtne yâk olop manmandat are.” dâep. ⁷² Hain dâambo hin magep, “Nâ Anutugât metenân den bunne makginjere nângâ. Nâ luâk are bo nângân.” dâep. ⁷³ Hain dâm getek ba kindo luâk enemjân kili arekne Petoro hin maganji, “Yesu âmâ Galilaia hânân gâtne. Gâ den maktât are âmâ Galilaiane makmai han hainângen maktât aregât gâmâ Yesu olop mali areyengâlân gâtne.” dâm maganji. ⁷⁴ Hain dâmbiâ Petoro kârikne akmâ hin dâep, “Woe, hinne heyengiwerân âmâ benne Anutuje nugumbo momberân aregât makyengire nângânet. Nâ yeje luâk kotne kondâi are bo ekman.” dâep. Hain dâambo arekneak gokorok indiep. ⁷⁵ Indembo nângâm Yesu den hin maganep are hanjân ga miawagep, “Gâ gokorok bo indemboâk nângâ yâk bo nângâ anman dâmenâ âlâwu akbiap.” dâep are hanjân ga togombo nângâm dondâ indiep.

27

Yudasije hip meagep.

¹ Akto emet haujdo sumbe kat kat yengât humoyene akto Israe yengât kâmiti arekne Yesu kombiâ mombiapgât den maganji goanji agi. ² Hain akmâ tâkne hikom mem kiap kotne Pilatogâlân ariyi. Ain arim wanjiâ tembe lokolupjande kala busi kâlegen kali.

³ Akto luâk kotne Yudasije Yesugât gasa kewugu yekto meyi arekne Yesu kondenne moâk dâm kili are yekmâ hanne purik kato puli koane 30 waji are mem purik katmâ arim sumbe kat kat yengât humomo akto kâmiti hin makyengiep, ⁴ “Nâne Yesu dosane bo ina bâlene agandere mem kombiâ momberâp aregât dosa humo aktân.” dâambo hin maganji, “Maktât are amâ gângât dosa aregât guge hengem guguwiap.” dâyi. ⁵ Hain dâmbiâ biwine bâlimbo puli koane are sumbe kat kat emetjân ain pando hânân gembo sopanmâ ari ikiye hikoagep. ⁶ Akto sumbe kat kat luâk yengât humomolupyende puli koane are pitim mem hin dâyi, ⁷ “Puli ire amâ luâk moâkgât

puli kat katne ina emet iregât katenne bo ârândân akberâp. Aregât gain gain akberen?” dâm maganji goanji akmâ puli arekne luâk siâ umbâ ketugumap yâkgât kalam siâ puligoyi. Hân are puligom hin dâyi, “Hân ire amâ hin akbiap. Luâk kâlewângenba togom manmâ mombai are in hanyenguaen.” dâmbiâ hain arekne bunne agep. ⁸ Hain akmâ hân aregât kotne Hepgât hân koli. Akto kot are hinne hainâk yendâp. ⁹ Hain aregât benne Anutuje ulikjân makto Propete siâ kotne Yeremiane hin kulengoep, “Israe luâk siâ moâkgât puli koane 30 gasane wanbai. ¹⁰ Hain katbiâ puli are purik kato mem luâk siâ umbâ ketugumap yâkgât kalam puligowai. Are âmâ Humone maknijep.” dâm kulengoep. Den are bunne miawakto sumbe kat kat luâk akto kâmiti arekne kalam are puligoyi.

Kiapne Yesu moâkgât makmâ hâriep.

¹¹ Akto sop ain Yesu kiap kotne Pilato yâkgât enemjân kindo hin aikoep, “Yuda yengât luâk humoyene are gâ me?” dâambo hin dâep, “Amâ gâne ya maktât are.” dâep. ¹² Akto luâkne Yesu meyi arekne den anjâ anjâ hogom hâknân hâknân agi. Hain akbiâ den hâne siâ bo makmâ yânâk kilep. ¹³ Hain akto Pilatoje Yesu hin maganep, “Nângâ. Den anjâ anjâ hogom togo hâkgân hâkgân aktâi aregât gâ den hâne siâ wangât bo makmâ kindât?” dâep. ¹⁴ Hain dâambo Yesu den hâne bo makmâ yânâk kilep. Kindo Pilatoje den hâne bo magep aregât nângâmbo bimbiâk agep.

¹⁵ Akto sop ain Pasowa homban aregât kala busi kâlegen gâtne aregât ukenyenjaet akmâ kotne konbiâ are watmâ akminep. ¹⁶ Aregât Pilatoje nângâm Yesu me bâlene luâk siâ kotne Baraba are watere yânjângen ariâk dâm malep. ¹⁷⁻¹⁸ Akto Pilatoje hingât nângâm, “Sumbe kat kat are yengât humomolupyende, “Luâk âmbâle hârokne Yesugât kotne mem agatbiâ nengât kotnenne gewop.” dâm nângâmbiâ bâlimbo aregât mem nângâlân togoâi.” dâm nângâm aregât hin makyengiep, “Niye Baraba me Yesu Anutuje hungun anjo giep dâmai are watere yengâlân geâkgât nângâi?” dâep. ¹⁹ Akto Pilatoje ainâk

tatmâ den siâ siâ nângâm hêngemgom kilep ainâk âmbenñande yâkgât den katmâ hin magep, “Nâ asiñân giwet siâ Yesu ekmâ hêngemgom hanoko aktân aregât Yesu dosañe bo are bâlene bo agañben.” dâep.
²⁰ A hârok nângâm hêngemgom tato âmâ sumbe kat kat are yengât humomolupyene kâmiti luâk âmbâle are hanyenân gem wârâgi. Akto hin makyengiyi, “Konmâ wârakbiâkâ Pilatoñe Baraba hepundo gembo âkâ tembe lokolupñande Yesu kombiâ moâk.” dâyi.
²¹ Hain dâmbiâ Pilatoñe lâuwâne hin makyengiep, “Ye luâk lâuwâ ire yâk hutyetñân niñe hepundere geâkgât nângâi?” dâmbiâ hin dâyi, “Baraba.” dâmbiâ hin makyengiep,
²² “Dâ Yesu Anutune huñgun añdo giep dâmai ire amâ gain agañberângât nângâi?” dâmbiâ hin dâyi, “Lâwinân kombiâ moâk.” dâyi.
²³ Hain dâmbiâ hin makyengiep, “Woe, keiñe wangât akto bâlene wan agep aregât kombiâ moâk dâi.” dâep. Hain dâmbiâ hin dâyi, “Hanâk lâwinân kombiâ moâk.” dâmbiâ wârâgi.
²⁴ Pilatoñe mem mulunyekto den gulip milip dondâ akbiâ ekmâ nângâm dâmbiâ tu hâgâm wanbiâ yâk yengât dewunyenân bânñe pulim hin magep, “Luâk dosa bâlâk manmap iregât dosañe nângâlân bo hâtikowiap. Yeñeak hêngemgoñet.”
²⁵ Hain dâmbiâ hin dâyi, “Kombiâ momberâp aregât dosa amâ nengâlân akto nengât nan baratlupnenñe yengâlân miawakmâ âgâwiap.” dâyi.
²⁶ Hain dâmbiâ Pilatoñe Baraba hepundo yâk yengâlân giep. Dâ tembe loko makyengimbo Yesu âmâ bugâne kombiâ hâk hilâlâm nângâmbo lâwinân kondenñe moâk dâmbiâ mem ariyi.

Tembe lokoñe Yesu kom hâk hilâlâm wani.

²⁷ Akto tembe lokoñe Yesu mem kiap humogât kala busi kâlegen mem âgâyi. Mem âgâm tembe loko hârogâk yengonbiâ togoyi.
²⁸ Togombiâ den hembalik mângim hin dâyi, “Woe, luâk humo.” dâmbiâ hin dâyi, “Woe, luâk humo.” dâmbiâ girinamâ sângum gilâm siâ luâk kembuñe lalakmai hain are lalanmâ
²⁹ tâk dâtâ dâtâ siâne irimut ketugum kautñân kañañi. Akto kâro siâ bânñe bungen katbiâ miep. Hain mendo togo enemñân pâwutyene ligim katmâ hin dâyi, “Woe, Yuda yengât

luâk kembuñe.” dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁰ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³¹ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³² Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³³ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁴ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁵ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁶ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁷ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁸ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
³⁹ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴⁰ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴¹ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴² Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴³ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴⁴ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴⁵ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.
⁴⁶ Hain dâmbiâ hin dâyi, “Woe, luâk kembuñe.” dâmbiâ hianñim girinamâ.

Yesu lâwin parâñân koyi.

³² Mem arim dâwân luâk siâ egi are kotñe Simon Kirene hânân gâtñe wârakmâ tatbiâ Yesugât lâwin are lokombo ariyi.
³³ Arim hân siâ kotñe Goligata aregât den purikñe âmâ kaut hagitñe ain ariyi.
³⁴ Arim âmâ wain akto biwi gulip tu kâim mendugum wanbiâ getek nem nângâm borâep.
³⁵ Akto lâwinân kom mem anuñbiâ kindo sângumñe memberâm kotyene kulemgom kotyene umbân panbiâ gembo bâtyene panbiâ gembo kot siâ mem oloñbiâ luâk kotñe miawagep arekñe Yesugât sângum are meyi.
³⁶ Akto ain tatmâ Yesugât damun kili.
³⁷ Akto kom kautñân lâwin ulikñân kulem kulemgoyi aregât keiñe hin, “Ire âmâ Yuda yengât luâk kembu.”
³⁸ Akto bugâ koko kâmburâ lâuwâ siâ Yesugât gasomñe biken biken lâwinân yetkuyi.
³⁹ Akto luâk âmbâle gam ariyi arekñe Yesugât den hilit balit agañmâ hin dâyi,
⁴⁰ “Woe, gâne hin dâmat, “Sumbe emetñe gagaim hilâm âlâwu kâlegen lâuwâne ketuguwian.” dâmat aregât kârikñe akmâ lâwinânba ge. Gemenâ benñe gâ bunñe Anutugât nanñe dâweren.” dâyi.
⁴¹ Akto sumbe kat kat are yengât humomolupyene akto Mosegât den kârikñe makyengimini arekñe hainâk den hilit balit agañmâ hin dâyi,
⁴² “Luâk angâ âmâ tân yengumap. Dâ ikinje âmâ wangât bo tânaguâp? Akto Israe nengât kembu dâmap inarekñe lâwinânba gembo ekmâ amâ den are bunñe dâmbiâ nângâweren.
⁴³ Akto, “Nâmâ Anutugât nanñe aregât tân nuguwiap nângân.” dâmap aregât Anutune tângombo lâwinânba gembo bunñe dâweren.” dâyi.
⁴⁴ Hain dâmbiâ luâk bâlene lâuwâ biken biken lâwinân yetkum hikoyelegi areâkâ hainâk den bâlene magañjat.

Yesu moep.

⁴⁵ Akto hilâm tânâmñân ainâk hândâk humo dâgâm yendo engaiñe agep.
⁴⁶ Engaiñe akto Yesuñe ikinjaet denân kot hin kolep, “Eli Eli lama sabaktani?”

dâep. Aregât purikne amâ, Humone wangât hepun nektât? ⁴⁷ Akto luâk kili bikñande den are nângâm hilip koyi aregât hin dâyi, “Âure nângânet. Elia kondâp.” dâyi. ⁴⁸ Hain dâmbiâ siâne pârigim arim sângum papañe siâ kâroân bigeim bigeim waiñ ñasukñân panmâ mem neâk dâm Yesugât launân katmâ kilep. ⁴⁹ Hain akto galalupñande hin magañi, “Hepun. Eliañe bunje himbimânba gem tângombo lâwinânba gewerâp me bo aregât ekmâ kinne.” dâyi. ⁵⁰ Hain dâmbiâ Yesune lâuwâñe kârikñeâk kamboñmâ ainâk moep.

⁵¹ Mondo ainâk sângum sumbe kat kat emetñân kinminep ina tânâmñânba duwalakmâ hâreagep. Hain akto wâriñ humo mendo kât humomo hogo agep. ⁵² Akto sum bikñe kepik akto Anutugât luâk âmbâle ulikñân moyi are yengâlânba dondâñe agatmâ bam guli. ⁵³ Sum hepunmâ agatmâ amâ benje Yesu agalep sop ain Yerusalem kepiñ arimbâ luâk âmbâle dondâñe yegi. ⁵⁴ Akto Yesu moep sop ain tembe loko humoyeñe siâ akto Yesu damunñe akmâ kili arekñe wâriñ humo are nângâm akto wan me wan miawagep are ekmâ hamep keirâk akmâ hin magi, “Woe, luâk ire amâ Anutugât nanñe bundâk.” dâyi.

⁵⁵ Akto âmbâle bikñe ain kili arekñe getek kâlewânâk kinmâ egi arekñe Galilaia hânânba Yesugât hoñ bawa akbiâ olop mali. ⁵⁶ Areyengât hutyeñân gâtñe amâ kotyene hin, Maria Madala kepiñ gâtñe akto Maria siâ amâ Yakobo siâ akto Yose yâk yetgât memeyetñe akto âmbâle siâ Sebedaiogât nanlogâtñe yetgât memeyetñe.

Yesu hangoyi.

⁵⁷ Akto emet dâgâwerâm akto puli sikumdâ luâk siâ Yesu nângañmai yengâlân gâtñe Arimataia kepiñ gâtñe kotñe Yosepe are togoep. ⁵⁸ Arekñe togom Pilato hin aikoepp, “Gain nângât? Yesugât hâkñe mem arim hangowerân. Âlepñe me?” dâmbo Pilatoñe âlepñe dâm tembe loko makyengimbo bam Yesugât hâkñe lâwinân ba mem gutmâ Yosepe wañi. ⁵⁹ Wañbiâ mem bam sângumñe kau kau siâ mem Yesugât hâkñe are katipkoep. ⁶⁰ Hain akmâ

mem ari kât dâpñe parâ parâ siân Yosepeñe mondere in han nuguwai dâm kendâep ain katmâ kât humo siâñe hâkokombo tigiepp. Hain hâkokombo tigimbo Yosepe Arimataia gâtñe ariep. ⁶¹ Akto Maria Madala gâtñe akto Maria siâ are olop Yosepeñe Yesu kât dâpñân kato talep ain taliat.

⁶² Akto emet haunjo Sarere akto sumbe kat kat are yengât humomolupyene akto Parisaio luâk arekñe Pilatogâlân ariyi. ⁶³ Arim hin magañi, “Humonenne, Yesugât ulit giñdenñe gain nângât? Yesu hiangi luâk arekñe malep sop ain den siâ hin magepp, “Nugumbiâ mondere han nugumbiâ hilâm âlâwu akto ain amâ momoñânba golâ akmâ agatbian.” dâep. ⁶⁴ Hain gârâmâ gâñe tembe lokolupge bikñe makyengimenâ sum dâpñe are gisapkom hengemgombiâ kindo hilâm âlâwu bo akbiap. Ageine hoñ bawalupñande togo hâkñe are lokom ari siângen hangom luâk âmbâle makyengim, “Emelâk sumânba agalep.” dâmbiâ sum pum are ekmâ bunje dâmbiâ hiangi den arekñe sambelem arim amâ ulik gulik ewangiwoop.” dâyi. ⁶⁵ Hain dâmbiâ Pilatoñe hin makyengiepp, “Yeñe nângât tembe lokolupne bikñe meyekbiâ arim yeñeak maktâi hain akmâ sum dâpñe are tigim golâk tatmâ damunñe akmâ kinbei.” dâep. ⁶⁶ Akto arim sum dâpñe are tigim hengemgombiâ tembe loko bikñe kât aregât damun kili.

28

Yesu agalep.

¹ Akto Sarere bo akto emet haunjo Sonda hândâktâk Maria Madala gâtñe akto Maria siâ arekñe sumângen ariyiat. ² Akto ainâk wâriñ humo miepp. Akto Humogât añelo siâñe himbimânba gem kât humo are hâkokombo arimbo âgâ kakñân talep. ³ Akto añelo aregât enem dewunñe pagalene akto sângumñe kau kau hainare agep. ⁴ Hain akto tembe loko ain kili arekñe yâkgât hamewakmâ ongâyeñe hogombo sân sân mem ge hân tete luâk momoñande yemai hain yeyi. ⁵ Akto añelo arekñe âmbâle lâuwâ are hin makyetkiepp, “Yet amâ bo hamep aget. Yet Yesu lâwinân koyi are ekberâm togoatgât nângân. ⁶ Yâk in bo

yendâp. Yâk uliknân magep hain akmâ emelâk agatâp. Yet gutmâ gewâkne ire eget. ⁷ Ire ekmâ nângâm hengemgom âmâ benje dowâk arim honj bawalupne iregât makyengiet. Akto siâ hin makyetkire nângâet. Yâk emelâk Galilaia hânân yâkne sonj ariwerâm ariâp gârâmâ ye aregen arim ekbei.” dâep. ⁸ Hain dâambo âmbâle lâuwâ arekne hamep agiat. Dâ biwiyetjande herone humo agiat. Hain akmâ sum are hepunmâ honj bawalupne makyengiwerâm pârigim kepiangen ariyiat. ⁹ Akto Yesu je dâwân yelekmâ hin makyetkiep, “Âmbâi lâuwâ.” dâep. Akto âmbâi lâuwâ arekne enemnân bam ge hânân tatmâ keijnân mem herone agiat. ¹⁰ Hain akbela Yesu je hin makyetkiep, “Yet bo hamewakmâ âmâ arim nângât galalupne are makyengimbela Galilaia hânân ariwei. Arimbiâ nâmâ ain arire nekbai.” dâep.

¹¹ Akto âmbâi lâuwâ are dâwân arim manbela tembe loko sum damunne kili arekne kepia humoân ariyi. Arim wan me wan miawagep aregât den pat are sumbe kat kat luâk yengât humomolupyene are makyengi. ¹² Akto sumbe kat kat yengât luâk humomolupyene akto kâmiti luâk arekne yejeâk mendugum den maganji goanji akmâ tembe loko are puli dondâ yengi. ¹³ Hain akmâ hin makyengi, “Ye âmâ hin makbei, “Nen asin pâlâmne yem mandenne Yesugât honj bawalupjande hândâgân togom hâkne are petâm lokom ari siângen hangoyi.” dâwei. ¹⁴ Dâ kiap Pilato arekne den ire nângâmbo âmâ nenne den siâ magandenne ye hin me hain bo akyengiwiap.” dâyi. ¹⁵ Hain dâmbiâ tembe loko arekne puli mem yâkne den makyengi are watmâ hain agi. Akto den pat hianji arekne Yuda luâk yengâlân sambelem metiep. Aregât Yuda luâkne den are hinne hainâk makmâ manmai.

Yesu je aposolo miti âi yengiep.

¹⁶ Akto honj bawalupne keiân konok yejeâk Galilaia hânân ariyi. Arim gimbâne siâ ain togowei dâm Yesu je tirip katyengiep gimbâne ain togoyi. ¹⁷ Togom Yesu ekmâ herone agi. Bikjande nânganmâ âmâ kotne konmâ nângâmbiâ humo agep. Dâ yâk yengât bikjande âmâ nângâ nângâyeje

lâuwâ âlâwu agep. ¹⁸ Akto Yesu enem yenjân gutmâ kinmâ hin makyengiep, “Anutu Ewenande meme akniŋdo hân himbim me wan me wan hârok damunyeje akmâ manmâ âgâwian. ¹⁹ Aregât ye arim luâk âmbâle hârok hânne hânne manbai are makyengimbiâ bikjande biwiyene nângâlân katbai are mem tuân katyekbei. Ewene akto nâ akto Heak nen konokgât akten aregât kotnenne konok are konmâ tuân katyekbei. ²⁰ Hain akmâ benne wan me wan den kârikne makyengiân are hârok makmâ miawakmâ metewei. Dâ âi ire âlepne agâkgât nâne hokboâk hokboâk tânyenguwian. Hain akmâ tân yengum manmâ âgâre sop bo akbiap.” dâep.

Yesugât den pat Marekoje kulemgoep

Yohanenje âi keiŋe kalep.

¹ Yesu Kristo Anutugât nanŋe yâkgât den pat âlepŋe aregât keiŋe amâ hin. ² Propete siâ kotŋe Yesaia, yâkŋe den hinâk kulemgoep,

Nune hoŋ bawane maganmâ hunŋun anđere laune lokom gângât uliknân akŋimâ dâp heŋgemgo giŋbiap.

³ Hân pumângen manmâ luâk hin makyenŋim manbiap, “Kembu Humo togowiapgât dâp megatbei. Gimbâŋe ukuleŋe me kundet kokonje hâgâm kigilikmâ ârândâŋ ketugumbiâ dâp huraguâk.”

Yesaianje hain kulemgoep aregât bunŋe akto Yohane togoep. ⁴ Togom tuân katyekberâm keiŋe katmâ hân pumângen arimbo luâk âmbâle togombiâ hin makyenŋiep, “Bâleŋeyenje makmâ miawakbiâ amâ Humonje are ekmâ dosayenje bo akyenŋiâk dâambo bo akyenŋimbo tu puli yenŋiwe.” dâep. ⁵ Hain dâambo hân humo siâ kotŋe Yudaia aregât ambolupŋe dondâ akto kepia siâ kotŋe Yerusalem are ambolupŋe dondâ arekŋe yâkgâlân togom bâleŋeyenje makmâ miawakbiâ Yohanenje Yodaŋ tuân katyegep. ⁶ Yohane hâk pekeŋe yo hâkŋe akto tâkŋe pânân lalagep akto sotŋe kendemuŋ akto mumak koaŋe neminep. ⁷ Hain akmâ hin dâminep, “Hâmbâi luâk siâ togom penâniŋdo nâ yânŋe akmâ yâkgât ito goliaŋdere ârândâŋ bo akbop. ⁸ Akto nâŋe amâ tu yânŋe puli yektân. Dâ yâkŋe amâ Heakŋe maganđo kaut yenân meyekbiap.” Yohanenje Humogât hain dâep.

⁹ Sop ainâk Yesu Nasarete kepiamba Galilaia hânân togombo Yohanenje Yodaŋ tuân mem puliep. ¹⁰ Hain akto Yesuŋe tu hepunmâ gambo amâ ainâk himbim dâpŋe pâroŋ âgâambo Anutugât Heakŋe arekŋe kembâ akmâ gem gem Yesugât kautnân mendo egep. ¹¹ Akto himbimâmba Anutuŋe hin maganŋep, “Gâ nâŋgât nanne, nâŋe gekmâ ukenŋe aktân. Akto biwine

heronje aktâp.” dâep. ¹² Himbimâmba den hain dâambo ainâk Anutugât Heakŋande Yesu kewugumbo hân kamitnângen arieŋep. ¹³ Arimbo ain hândâk hilâm 40 mando sinduk baniara bâleŋe areyenŋât humo yenje arekŋe bâliâk dâm maganmâ biwine dop kom hianŋiep. Hianŋim mando Yesuŋe kârikŋe akmâ malep. Kârikŋe akmâ halângen yo yenŋât hânân mando anjelo arekŋe tângoyi.

Yesuŋe luâklupŋe imbât yenŋonlep.

¹⁴ Akto Yohane kala busi katbiâ mando amâ Yesuŋe Galilaia hânân togom Anutugât den pat âlepŋe are makyenŋiep, ¹⁵ “Anutuŋe damunyenje akbiapgât sop tâlâguâp aregât bâleŋeyenje makmâ miawakmâ hamianmâ den pat âlepŋe ire nâŋgâŋet.” hain dâm makyenŋiep.

¹⁶ Den heronje are makmâ bam arim Galilaia bâtgum ginŋân arim luâk emi teu lâuwâ Anderea akto Simonje yelegep. Yâk inŋan âi meme luâk aregât bâtgumân ŋalu ŋalu yetŋe panmâ kiliat. ¹⁷ Ai are mem kinbela Yesuŋe hin dâm makyetkiep, “Gaet. Gambela nâ olop manne. Inŋangât âi mem mandat are hepunbela nâŋe luâk yenŋâlân âi membiandatgât âi hekat yetkiwe.” dâambo ¹⁸ ainâk âi are hepunbela Yesu olop ariyi. ¹⁹ Akto Yesuŋe baine luâk kotŋe Yeweri aregât nanlogâtŋe Yakobo akto Yohane kinbela yelegep. Yelekto yâk wanŋan tatmâ inŋangât ito yetŋe hâreagep are parutmâ heŋgemgom tatbela yelekmâ yetkolep. ²⁰ Yetkondo nâŋgâm eweyetŋe Sebedaio are akto âi luâklupŋe wanŋan tatbiâ hepun yekmâ Yesu olop manbaet dâmbela Yesu olop ariyi.

Yesuŋe Niambi walep.

²¹ Akto yâkŋe Kapanaum kepiamba arimbiâ hilâm âi bo meme sopŋe Sarere akto Yesuŋe kepia aregât den opmânŋân âgâambo hoŋ bawalupŋe akto kepia ambolupŋe âgâmbiâ den pat âlepŋe are makyenŋiep. ²² Makyenŋimbo luâk âmbâle arekŋe nâŋgâm bâtyenje dâtyenân igim kinmâ hin dâyi, “Nengâlân gâtŋe den kârikŋe hekat nengi nengi luâkŋe maknengimbiâ amâ nâŋgâenŋe porap porap akmap. Dâ den ambonje irekŋe amâ maknengimbo

nângâenje ârândân aktâp.” dâyi. ²³ Hain dâm kinbiâ den opmânân are luâk siâ sinduk baniara bâlenande mângiepi siâne kambojmâ hin dâep, ²⁴ “Yesu Nasarete kepien gâtje gângât patge nângân. Gâ Anutugât luâk âlepje manmat. Anutuje hungun ginjo togoen gârâmâ hilip nenguwerâm togoen mon?” dâep. ²⁵ Hain dâmbo Yesuje sinduk baniara bâlene are hin maganep, “Den bo ak. Luâk ire hepunmâ ari.” dâmbo ²⁶ sinduk baniara arekne kambojmâ luâk are hâkne humoâk mem duwuj ketugum panmâ hepunmâ ariep. ²⁷ Arimbo luâk âmbâle den opmânân tali arekne ongâyeje hogombo maganji goanji akmâ hin dâyi, “Yei, imâ wan areknaet siâ? Imâ pat âlep den keije anjâ. Luâk irekne kârikneje olop sinduk baniara bâlene makyengimbo arekne gai lauje lokomai.” dâyi. ²⁸ Hain dâm aregât luâk âmbâle hârokne maganjim arimbiâ Yesugât pat arekne sambelem Galilaia hân hârok ârândân agep.

Yesuje dâmbo Petoro hewonje âlepje agep.

²⁹ Akto den opmânânba gem Yakobo akto Yohane olop arim âmâ ainâk Simon akto Anderea yetgât emelan âgâyi. ³⁰ Akto Simon gât hewonje hâkne kâlâp akto kundat humo akmâ yiepi. Hain akmâ yendo ainâk Yesu aregât maganji. ³¹ Maganbiâ Yesuje ba bânân mem agalep. Hain akto ainâk hâkne sândugembo kundat hepundo sot om yenje.

Yesuje dâmbo luâk âmbâle dondâ âlepje agi.

³² Emet dâgâmba kepia ambolupjande kundatdâ me sinduk baniara bâlenande meyegi are meyemâ arim ³³ Yesuje emet talep aregât hângi ginjân mendugu yekmâ kili. ³⁴ Akto Yesuje kundatdâ keije keije mem âlepje ketuguyegep. Akto luâk sinduk baniara bâlenande meyekmai are sinduk yeje watyekto ariyi. Sinduk banianane yâkgât keije nângâyigât makbâi aregât makmâ hâreyenje.

Yesuje Galilaia hân humo aregât kepia hârok manmâ makyengim malep.

³⁵ Akto emet boâk haunjo hândâknân Yesu agatmâ kepia are hepunmâ hân pumângen arim Anutu maganep. ³⁶ Maganjo Simon galarâne agatmâ ekbiâ bo akto yâgâten ariâp dâm undâgâlanmâ ariyi. ³⁷ Arim ekmâ, “Luâk âmbâle biwirâne undâgât ginjâi.” dâyi. ³⁸ Hain dâmbiâ hin makyenje, “Nâne den âlepje makyengiwerâm aktere kepia siâ siâ ewumâk ewumâk ariwaen. Nâ âi ire memberâm togoân aregât kepia ewumâk ewumâk ariwaen.” dâep. ³⁹ Akto Galilaia hân humo aregât kepia hârok manmâ den opmânje ârândân âgâm den pat âlepje are mem makyengim malep. Hain manmâ sinduk baniara bâlene watyekmâ malep.

Yesuje dâmbo hâk bâle bo agep.

⁴⁰ Luâk diwi kârikne miawaganjo malep siâne Yesugâlân arim pâwutje ligim katmâ ulilanmâ hin dâep, “Yesu gâne kundatdâ yekmâ âlepje akjet dâmenâ âlepje akmai. Aregât nângât gain gain nângât?” dâep. ⁴¹ Hain dâmbo Yesuje han kalem bângumjaet akmâ okotje nângâm bânje hâknân katmâ hin maganep, “Nângâ ginjân aregât diwige pandagâk.” dâmbo ⁴² ainâk diwine pandakto hâkne âlepje agep. ⁴³ Akto ainâk luâk are hungunanmâ hin maganep, “Nângât? Gâne iregât pat bo makyengiwen. ⁴⁴ Dâ Moseje hin dâep, “Gângât kundat bo akto sumbe kat kat luâk gâlân arimenâ gekmâ diwige emelâk pandak ginjâp aregât sumbe o dâm makginjo sonjo wajmenâ ombiap. Akto ainba luâk âmbâle hârok sumbe kat kat luâk arekne makyengimbo nângâmbiâ âmâ hutyenân âlepje manben.” Moseje hain dâep aregât den are lokowen. Akto diwi bo akginjâp aregât pat bo makyengiwen.” dâep. ⁴⁵ Hain dâep are bonângâm arim makyengim malep. Makyengimbo den arekne sambelem ariep. Ariepgât Yesuje kepia humoân arimbo luâk âmbâle dondâ gam turuj anjâ, “Gain gain akbian.” dâm aregât kepia tunjunângen malep. Akto ain luâk âmbâle bikenba bikenba Yesugâlân togoyi.

2

Yesuje luâk bânje keije kârigem malep are

henngemgoep.

¹ Yesuñe hilâm siân purik katmâ Kapanaum kepiar arim emetñân âgâep. Akto yâkgât den pat arekñe sambelem arimbo kepia aregât ambolupñande nângâm yâkgâlân togoyi. ² Togom luâk âmbâle dondâñe emet kâlegen tatmâ hânji gisapkoyi. Hain akbiâ den pat âlepñe are makyenñep. ³ Akto luâk imbât akmâ luâk siâ kei bânñe kârigem agep are lokom luâk bikñe olop togoyi. ⁴ Lokom togo luâk âmbâle dondâñe enemñân kinbiâ yekmâ lokom tirekñânba emet bokñân gam âgâyi. Âgâm Yesuñe emet talep are bokñe gagaimbiâ dâpñe miawakto arewa temdâk katbiâ giep. ⁵ Enemñân gembo biwiyenñe yâkgâlân kali aregât nângâm hin magañep, “Gala gângât dosa bo aktâp.” dâep. ⁶ Hain dâambo luâk Mosegât den kârikñe makmâ kepigi arekñe magañgi goañgi akmâ hin dâyi, ⁷ “Luâk ire wangât hain maktâp? Anutuñe konok âmâ dosa pulimap. Anutugât kot bâliwopgât den are hepulâk.” dâyi. ⁸ Hain dâmbiâ den are nângâm âmâ hin makyenñep, “Wangât biwiyenñân hain nângâi? ⁹ Gain gain arekñe owâiñe? Luâk bâleñe hin dâm magañberân, “Dosage puliginñdere Anutuñe hâuñe bo ginñbiap.” hain dâm me hin dâm magañberân, “Agatmâ tem tâkge are hulanmâ loko akmâ ari.” ¹⁰ Aregât maktere nângâñet. Nâ luâk akmâ geângât dosayenñe hepunyañgiwangât Anutuñe dâm niñep aregât keiñe ekmâ nângâñet.” dâep. Hain dâm benñe luâk miwindik akmâ yiep are hin magañep, ¹¹ “Nâ makginñdere nângâ. Gâ agatmâ tem tâkge are hulanmâ loko akmâ emetgân ari.” dâep. ¹² Hain dâambo tem tâk are lokoakmâ emetñân ariep. Akto luâk âmbâle ain kili arekñe ekmâ bânñe dâtyenñân igim hin dâyi, “Wei, Anutu konok âlep âlepñe dondâ akmap. Nen ire bo ekmaen ina unak konok pup pup ekten.” dâyi.

Yesuñe Lewi âigât konlep

¹³ Yesuñe bânñgum humo ginñân giep. Gembo luâk âmbâle hârok Yesu ekberâm gembiâ Anutugât den pat âlepñe are makyenñep. ¹⁴ Benñe ainba arim luâk

siâ kotñe Lewi Alipaioñe nanñe arekñe gawaman yengât puli emetñân tato Yesuñe magañmâ hin dâep, “Nâ olop manbaetgât gamenâ arire.” dâep. Akto Lewiñe puligât âi hepunmâ puli emetñânba gembo Yesu olop ariyat. ¹⁵ Yesuñe kewuguyekto arim Lewigât emelan tatmâ Yesu akto hoñ bawalupñe sot neyi. Akto sop ain puli meme luâk bikñe akto luâk bâleñe meme siâ hainâk olop Yesu olop tatmâ sot neyi. Amâ luâk âmbâle biwirâ watmâ maligât. ¹⁶ Akto Anutugât den hekat yengi yengi luâk bikñe kotyene Parisaio bikñande Yesuñe puli meme luâk akto luâk bâleñe hutyenñân tatmâ sot nendo ekmâ Yesugât hoñ bawalupñe hin dâm makyenñeyi, “Wangât humoyenñande dosa luâk akto puli meme luâk are yengât hutyenñân tatmâ sot nendâp?” dâyi. ¹⁷ Hain dâmbiâ Yesuñe den are nângâm Parisaio luâk are hin makyenñep, “Luâk âlepñande dokta yengâlân bo arimai. Luâk kundatdâñe amâ dokta yengâlân arimbiâ henngem yengumbiâ âlepñe akmai. Akto nâ hainâk luâk nen dosanenñe bo dâm mandâi are âmâ hepunyañekman. Dâ luâk bâleñe meme akto dosayenñe olop are âmâ henngem yenguwernâm geân.” dâep.

Sotgât hanoko agi aregât den.

¹⁸ Akto sop ain Yohanegât hoñ bawalupñe akto Parisaio luâk yâkñe Anutu manñanminigât sot bâlâk yân mali. Akto luâk bikñande Yesugâlân togom hin dâm magañi, “Yohanegât hoñ bawalupñe akto Parisaio luâk yâkñe Anutu kambiamñe âlepñe agâkgât sot bâlâk manmai. Dâ gângât hoñ bawalupñe amâ hilâm ârândâñak sot nemâk manmai.” dâyi. ¹⁹ Hain dâmbiâ Yesuñe hin makyenñep, “Luâk siâ âmbâle membiapñe galalupñe olop hero âlepñe manmai aregât galalupñe okot âlep akyenñim sot ondo nemai. ²⁰ Sot om nem heronñe akmâ manbiâ gasalupñande galayenñe are membiâ kulâgâlânñiâ bo akto âmâ galalupñe biwi bâle akmâ sot bâlâk manmai. ²¹ Nen sângum tâmbâñe tokto dâpñe humo akbop dâm sângum irakñe bo puli puliñe are katmâ bo parutmaen. Hain akmâ dâine tuân pulienñe irakñande gâwigem tâmbâñe

are oloŋdo tokto dâpne humo dondâ miawakbop. ²² Akto nen âmâ wain tu irakne yo hâkne tâmbânân bo kâienne gemap. Hain akmaen dâine wain tune arekne yo hâkne tâmbâne are mendo bim âgâm hogoakbop. Akto wain akto soŋgo hâkne lâuwâ lâuwâ bâliwat. Aregât wain iraknande yo hâkne iraknân gembo âlepne akmap.” dâep.

Sarere âi bo meme sop aregât den.

²³ Âi bo meme sopne Sarere siân Yesu akto hoŋ bawalupne âi kalam hutnânba ariyi. Arim hoŋ bawalupnande seŋgo konok konok mem nem arim manbiâ ²⁴ Parisaio luâkne yekmâ Yesu hin maganji, “Ek, hoŋ bawalupgande âi bo meme sopnân siâ me siâ bo agakgât âi are akbiâ ârândâŋ bo aktâp.” dâyi. ²⁵ Hain dâm hâwâtbiâ Yesune hin makyengiep, “Anutune makto kulemgoyi yendâp are siâ oyanmâ nânghâmai me bo? Uliknân sumbe kat kat luâk areyengât humoyene kotne Ambiata malep, ²⁶ sop ain Dawidine Anutugât sumbe kat kat emetnân âgâm sotgât momberâm akto Abiatane sot kâmbokne wanjo niep. Akto bikne hoŋ bawalupne yengimbo neyi. Akto sot are âmâ sumbe kat kat luâk arekneak nemini. Dâ luâk yânne me Anutugât opmânân bo âgâmini arekne âmâ sot are bo nemini. ²⁷ Aregât hin nânghâŋet. Anutune hilâm iregât luâk ketugum hilâm ire tângoŋet bo dâep. Anutune luâk herone aknet dâm aregât hilâm ire makmâ kalep. ²⁸ Akto luâk akmâ geân nâne Sarere âi bo meme sopne aregât kautne akmâ mandân.” dâep.

3

Sarere siân Yesune luâk siâ hengemgoep.

¹ Yesune Sarereân den opmânân âgâm luâk bâte bâne siâ ain tato egep. ² Âgâmbo luâk kotyene Parisaio arekne ekmâ maganji goanji akmâ hin dâyi, “Yesu denân katbaengât gain gain akmâ keine ekne. Dâ luâk bâte bâne indâre maganjo âlepne akto ekmâ âmâ Sarereân âi mendâpgât dâm denân katbaen.” dâyi. ³ Dâmbiâ âmâ Yesune luâk bâte bâne are hin dâm maganep, “Agatmâ

dewunyenân kin.” dâmbo agatmâ kindo ⁴ Parisaio are hin makyengiep, “Moseŋe den kulengoep are gain gain tatâp? Homban sopnân âlepne akbei dâep me bâne akbei dâep? Me luâk mem hengem yenguwaen dâep me hilip yenguwaen dâep?” dâm makyengimbo denyene nânâk kili. ⁵ Kinbiâ hanyene kârikne agep aregât biwine umatne akto purik gurik akmâ luâk are yekmâ peyekmâ luâk bâte bâne are hin maganep, “Bâtge panmenâ agalâk.” dâmbo pando âlepne akmâ agalep. ⁶ Agato Parisaio luâkne arim humoyene kotne Herote yâkgât tembe lokolupne olop mendugum hin maganjiyi, “Nen gain gain akmâ Yesu kondenne mombiap.” dâyi.

Yesune luâk âmbâle dondâ makyengiep.

⁷ Yesune hoŋ bawalupne meyekto Galilaia bâtegum dâtnângen ariyi. Arimbiâ Galilaia hânângenba luâk dondâ Yesugât den nânghâyigât eknerâm togoyi. ⁸ Togom luâk dondâ siâ siâ Yudaia hânângenba akto Yerusalem kepienba akto Idumaia hânângenba akto Yodaŋ tu bikenba akto kepia lâuwâ kotyetne Tiro akto Sidon aregenba luâk âmbâle dondâ yâkgâlân togoyi. ⁹⁻¹⁰ Hârok togom mendugum kinbiâ Yesune emelâk luâk âmbâle dondâ hengem yenguep aregât luâk âmbâle dondâne howaim âlepne akberâm togoyi. Togom papalakmâ kombâigât wanja are membiâ gutmâ enemnânâk kilâkgât hoŋ bawalupne makyengiep. ¹¹ Makyengimbo sop ain sinduk baniara arekne togo ekmâ hânân gem kârikneâk konmâ hin dâyi, “Gâ Anutugât nanne.” dâmbiâ ¹² ainâk kârikneâk konmâ den yenguep. Den yengum hin makyengiep, “Ya maktâi are lâuwâne bo makbei. Patnande sambelewopgât bo makyengiwei.” dâep.

Yesune aposololupne meyegep.

¹³ Akto Yesune gimbanân âgâwerâm akto luâk âmbâle dondâ olop âgâyi. Akto Yesune hoŋ bawalupne bikne nunaet dâtâne dâm yengonlep. Yengondo enemnân ba tali. ¹⁴ Ba tatbiâ âmâ ikinne olop manbaigât akto hungunyengimbo den patne makyengimbiâ nânghâwaigât yengonlep. ¹⁵ Akto sinduk baniara bâne watyengiwerâm manbaigât

luâk keiân lâuwâ meyegep. ¹⁶ Amâ kotyeje hin. Simonj kotge irakje gogonbe dâm Petoro dâm kolep. ¹⁷ Akto Sebedαιο nanlogâtje kotyetje Yakobo akto Yohane, kârikje akmandatgât kotyetje Boanerges yetkolep aregât purikje amâ himbim kururundâp. ¹⁸ Anderea, Pilipo, Batolomaio, Mataio, Toma, akto Alipaigât nanje kotje Yakobo, Tandio, akto luâk siâ Roma yengât hâkâj agi areyengâlân gâtje siâ kotje Simonj ¹⁹ akto kepia siâ kotje Karioto ain gâtje siâ aregât kotje amâ Yudasi arekje manmâ beirâjângen Yesu gasa agañep.

Yesuje Anutugât wâtjân kinmâ sinduk baniara bâleje watyegep.

²⁰ Gimbâjânba gem Yesu olop emelan âgâmbiâ luâk âmbâle dondâ arekje togo turuñyekbiâ Yesugât hoj bawalupñande hin dâyi, “Luâk âmbâle dondâ irekje emet pikbiâ amâ gain gain sot nemberen?” dâyi. ²¹ Hain dâmbiâ Yesugât ginbailupñande den are nângâm hin dâyi, “Yesu nângâ nângâje gulip akto aregât arim mene.” dâyi. ²² Akto Mosegât den kepikmâ makyenjimini are Yerusalem kepianba togoyi arekje hin dâyi, “Sinduk baniara bâleje yengât humoyeje kotje Besebulu arekje Yesu kautjân mendo yâkgât kârikjân kinmâ sinduk baniara bâleje watyekmap. Akto sinduk humoyenande tângombo sinduk baniara bâleje watyekmap.” dâmbiâ nângâep. ²³ Aregât yengondo togombiâ den ginje ginje siâ siâ makyenjiep, “Sinduk baniara humoyeje Niambi arekje ikinje kâmotlupje watyekmap dâine yâk akto ikinje kâmotlupje bo akbâi. ²⁴ Akto luâk kepia konokje potalakmâ hanâk hanâk agumbiâ kepia are pum yembop. ²⁵ Me kâmot siâ aregât luâkje potalakmâ gasa hanâk aganjimbiâ amâ kâmot are bo akbiap. ²⁶ Me Niambigât sinduk banialupñande potalakmâ agumbiâ dâine Niambi kârikje bo miawaganbop. Akto Niambi akto kâmotlupje bo akbâi. ²⁷ Me luâk siâje luâk kârikje siâgât emelan âgâm wan me wan kâmbu meanberâm akbiap. Hain akmâ gain gain memberâm yonâk âgâmbiâ amboje asinj yendo tâkje keije bânje hikom pando yendo amâ âlepje wan me wan ekmâ pitiwiap.

²⁸ Aregât den bunje hin makyenjire nângânet. Luâk siâ bâleje mem manmai bâleje me Anutugât kot mem bâlianjmâ sârek konmai aregât dosa Anutuje kutigitbiapgât dop tatâp. ²⁹ Gârâmâ luâk siâje Anutugât Heakje amâ bâleje dâm makmâ bâlianjmâ sârek konbiap amâ luâk aregât dosa Anutuje pulianbiapgât dop bo yendâp. Anutugât Heakje amâ bâleje dondâ dâmbiâ amâ dosa are ekmâ hainâk yeanâk.” dâep. ³⁰ Yesuje Anutugât Heakje aregât kârikjân kinmâ âi mendo ekmâ yâkje nângâm hilip koyi aregât den hain makyenjiep.

Yesugât memene emilupje.

³¹ Den hain dâm makyenjimbo memene emilupje togom betgen kinmâ, “Teunenje ge.” dâm siâ hunjunañi. ³² Hunjunañbiâ gambo luâk âmbâle Yesu ketokmâ emelan tali arekje Yesu hin magañi, “Memege emilupje betgen kinmâ kulâgât ginjâi.” dâyi. ³³ Hain dâmbiâ Yesuje hin makyenjiep, “Ninjema memene me emilupne aktâi?” ³⁴ Hain dâm turunañmâ tali are yekmâ hin dâep, “Nângât memene akto emilupne garilupne amâ ire. ³⁵ Akto Anutugât lau lokomai yeje amâ nângât memene akto emilupne akto garilupne aktâi.” dâm makyenjiep.

4

Anutugât den aregât dâp.

¹ Yesuje hilâm siân bângum ginjân gem den pat âlepje makyenjiep. Makyenjim amâ luâk âmbâle dondâ togo mendugumbiâ amâ wanjan âgâep. Luâk âmbâle togoyi are bângum dâtnân kinbiâ makyengiwerâm wanja siân âgâm getek baep. ² Bam bângum ginjân kinmâ den ginje dondâ makyenjiep. Are hutjân den ginje siâ hin makyenjiep, ³ “Luâk siâje senjo alekje are hânân urutmâ âiângen ariep. ⁴ Hain akmâ arim uruto alekje bikje amâ dâwân ge yiep are amâ lâutje dowâk togo nem meteyi. ⁵ Dâ bikje amâ hân bawalawân ain ge yiep arekje pâtkombo kâmpje dowâk gambo ⁶ dewutâ kârikje pando kândârâje tâlâwâkgât dipkom moep. ⁷ Dâ bikje amâ hele hewukje

humo yiep are hutjân ge yiep arekne sopjân pâtkom kâmne gambo hewukne âkâ hainâk gam kârikne akmâ sot tigimbo bunne bo agep. ⁸ Akto senjo alekne bikne âmâ hân kelurâ ain ge yiep are bikjande pâtkom agatmâ bunne âlepne agep. Dâ bikjande âmâ pâtkom agatmâ bunne âlepne dondâ agep. Akto bikjande âmâ pâtkom agatmâ bunne humomo âlepne dondâ akmâ bikne hârok ewangiyegep. ⁹ Gârâmâ ye den ire nângâm biwiyenân katmâ hejngemgom manbei.” dâep.

Sot kâmelep aregât keine.

¹⁰ Akto luâk âmbâle hârok arim metembiâ bikne konok konok kili are akto hoj bawalupne keiân lâuwâ arekne Yesu hin aikoyi, “Den ginne maknengiât are keine gain gain?” dâyi. Hain dâmbiâ hin makyenjiep, ¹¹ “Anutune damunyeje akmap aregât keine makyengiân. Gârâmâ luâk bikne Anutune damunyeje akmap aregât keine bo nângâm hejngemgomai aregât den ginne ire makyengiân. ¹² Anutune makto siâne kulemgop are bikne hin tatâp,

“Luâk bikne ondopyeje mem gisapkom âmâ bo nângâmai. Akto dewunyeje mem tigim âmâ bo ekmai. Amâ hingât. Biwiyene nângâlân katbiâ dosayeje puliyenjiwomgât den bo hejngemgomai.” Anutune hain dâep are bunne agâk dâm luâk hainare yâk den ginneâk makyenjiman. ¹³ Akto yeje âmâ den ginne nângâm hejngemgomai dâre bo nângâm hejngemgomai aregât gain gain maktere âmâ âlepne nângâwai? Den ginne maktân aregât keine hin makyenjiere nângânet. ¹⁴ Luâk sot koaje urutmâ manmap arekne âmâ Anutugât den pat are makyenjimap. ¹⁵ Dâ koaje dâwân giep are âmâ wan? Hân are âmâ luâk manmai ire. Gârâmâ luâk siâ den âlepne aregât nângâmbo amâ ainâk sinduk baniara yengât humoyeje kotje Niambi arekne dowâk togo den âlepne biwinân kinmap are kondo momap hainare. Akto hanyeje purik katbop dâm den âlepne are mem heambukmâ gem arimap. ¹⁶ Dâ koaje kât kakjân palepgât maktân are âmâ luâkne hin akmai. Luâk are âmâ hân aregât dop

hainare yâkne âmâ Anutugât den âlepne nângâm manmâ herone akmai. ¹⁷ Akto hanyenân kândârâje bo yeyenjimapgât sop pân konok mem manbai gârâmâ Anutugât dengât gasa akto bugâ miawakto ainâk hamep akmâ den are hepunmai. ¹⁸ Dâ koaje hele hewukne yiep are hutjân palep. Hân aregât dopne âmâ luâkne akmai. Luâkne den nângâm kinmâ manmâ âmâ ¹⁹ benne manman iregât hanokoakmâ âmâ hângât siâ me siâ aregât egâlian gogâleaj akma puli sikumgât ukenne akma aregât egâlianmai. Arekne gem biwiyenân den aregât hanyenân tigimbo bunne bo miawakmap. ²⁰ Dâ hân âlepjân urulep hân aregât dop âmâ luâkne aktâi. Yâk âmâ luâk âmbâleje Anutugât den pat âlepne mem manmâ agak meme âlepne akma manbiâ Anutune yekto ârândâj akmap. Dâ bikjande nângât den lokomai are âmâ agak meme âlepne akmai. Dâ bikjande hain akma agak meme âlepne dondâ akmai. Dâ bikjande âmâ agak meme âlepne hârok penâyenjimap.” Yesune hain dâep.

Pagalenjaet dop.

²¹ Yesune luâklupne den ginne siâ hin makyenjiep, “Kâlâp ululunne emet kâlegen mem âgâm kau kakjân katmaen. Amâ emet kâleje pagaleâk dâm âmâ kau kakjân katmaen. Akto hândâk akbop dâm âmâ umbâ kâlegen bo katmaen. Me dâgâmne bo tigimaen. ²² Siâ me siâ tiwâk yemap are yem bo yembiap. Are Anutune mem miap panbiap. Dâ siâ me siâ akma totokom heambukmai are gai hainâk yem bo yembiap. Are mem hulanmâ metewiap. ²³ Gârâmâ ye den ire nângâm biwiyenân katmâ hejngemgom manbei. ²⁴ Amâ den siâ me siâ hokboâk hokboâk nângâm potatmâ manbei. Yejeak siâ me siâ akma mem yenjiwai âmâ dop hainâk Anutune gai hainagâk purikatyenjiwiap. Akto areâk bo. Umatdâk yenjiwiap. ²⁵ Akto luâk siâ wan me wan lokomap me nângâmap are damun akma mando âmâ hâmbâi Anutune humoâk wanbiap. Dâ luâk siâne wan me wan bâlensiâ mem manmap are Anutune bâtnânba kenjonmâ membiap.” dâep.

Sot pâtkom aregât den ginne.

²⁶ Hain dâm kinmâ siâ hin makyenġiep, “Anutuġe damunyeġe akberâm akmap areġât dopġe hin. Luâk siâġe arim wan me wan koaġe kâmetmap. ²⁷ Akto golâ manmâ me yem mando koaġe arekġe hogoakmâ kâmġe gamap. Akto luâkġe areġât keiġe bo ekmap. ²⁸ Hân arekġeak tângombo hogoakmâ ulik gulik kâmġe gamap. Hamiġân esenġe katmap. Hamiġân bunġe miawakmap. Akto bâiġe âmâ bunġe humo miawakmâ âlim yemap. ²⁹ Âlim yendo âmâ ainâk luâk arekġe, “Emelâk bunġe akmâ âlim yendâp.” dâm âmâ tâwât mem arim oremap.” dâep.

Lâwin koaġe areġât den.

³⁰ Hain dâm siâ hin makyenġiep, “Anutuġe damunyeġe akmapġât dâpġe gain gain makyenġire nânġâwerâi? Anutuġe damunyeġe akmap areġât keiġe âmâ hin. ³¹ Lâwin koaġe bâlensiâ lâwin bikġe koaġeġe areġât bikġân geġeġe akmap. ³² Gârâmâ koaġe ire âmâ kâmetenġe humo akmâ siânba ewangiyekmâ lâwin humomo akmap. Akto areġât bât bâtġân lâutġe togo tatmai.” dâep. ³³ Yâkġe den keiġe keiġe hârok makmâ den âlepġe are luâk âmbâle hârok togombiâ den ginġân makyenġim malep. Akto luâk âmbâle bikġe nânġâ nânġâyeġe dopġân makyenġim malep. ³⁴ Dâ den miawâk âmâ bo makyenġiep. Gârâmâ hoġ bawalupġe olop yeġeâk manmâ âmâ Anutuġât den areġât keiġe are makmâ miawak yeġiep.

Yesuġe seru maganġo sândugiep.

³⁵ Sop ainâk emet dâġâmbo hoġ bawalupġe hin makyenġiep, “Nen bâtgum biken arine.” dâmbo ³⁶ luâk âmbâle dondâ are hepun yekmâ waġan âġâm ariyi. Waġan arimbiâ waġa siânba watyekbiâ olop ariyi. ³⁷ Bâtgum biken ariwerâm akbiâ âmâ seru humo togombo bâtgumġe kaulem waġa kâlegen gembo pikberâm agep. ³⁸ Akto Yesu âmâ waġa hamiġânġen dâġâmġe kautġe korânġe katmâ asiġ yem tato hoġ bawalupġande goaġbiâ agato hin dâyi, “Haruân ġewerâm akten areġât nengât okotġe nânġât me bo?” dâyi. ³⁹ Hain dâmbiâ agatmâ kinmâ seru hin maganġep, “Nânġâġâ.” dâmbo nânġâġep,

“Seru nânġâġâ.” dâmbo nânġâġâmbo haruġât magep, “Bâin nânġâġâm yeâk.” dâmbo haru nânġâġâm yiep. ⁴⁰ Seru akto haru nânġâġâm yembela hoġ bawalupġe hin makyenġiep, “Wanġât hamep aktâi? Bo nânġâniġmâ kepilâm manmâ ġayi mon?” hain dâm makyenġiep. ⁴¹ Hain dâmbo hamep dondâ akmâ onġâyeġe hogombo maganġi goaġi akmâ hin dâyi, “Ire luâk me wano? Seru akto bâtgum yetġât makto launġe lokoat ire gain gain aktâp?” dâyi.

5

Yesuġe sinduk baniara watyekto bau yenġât biwi yeġân ġeyi.

¹ Yesu akto hoġ bawalupġe waġan arim bâtgum hâtikom kepia siâ kotġe Gerasene ain togoyi. ² Togom waġanba sopanmâ âġâmbiâ luâk siâ sinduk baniara bâleġande kautġân miep arekġe Yesu eġep. ³ Luâk are sum kâlegen manminep. Akto hân dâpġân manminep. Hain akmâ manmâ metġe akto kepia areġât ambolupġande tâkġe keiġe bâtġe hikom mendugumini. Hain akbiâ bo akminep. ⁴ Luâkġe hilâmġe hilâmġe keiġe bâtġe dâġâm mendugumbiâ tâk hâreminep. Akto tâk kârikġe kotġe sein arekġe dâġâmbiâ oloġ akmâ âi humo mem hâreminep. Akto siânbaġe gala katberâm togombiâ kârikġe akto hepunmini. ⁵ Luâk sinduk baniara bâleġande kautġân miep arekġe hilâm hândâk ârândânġ sumân me tâumġân yem agatmâ kamboġmâ manminep. Akto kât pitim iġiġe aguminep. ⁶ Akto Yesu togombo luâk arekġe Yesu kâlewânġen togom mando ekmâ yâġġâlân pârigim togom enemġân kânġoep. ⁷⁻⁸ Kânġom kindo Yesuġe sinduk baniara bâleġe areġât hin dâep, “ġâ luâk ireġât biwiġânba hepunmâ ari.” dâmbo luâk arekġe kamboġmâ indem hin dâep, “Yesu, ġâmâ Anutu Humoġât nanġe. Anutuġe nânġâmbo ârândânġ agâġġât nânġât den loko. ġâ hâk hilâlâm âi bo niġ.” dâep. ⁹ Hain dâmbo hin maganġep, “Kotġe niġe.” dâm aikombo, “Nâ kotne dondâ. Nen dondâ manden areġât kotne dondâ.” dâep. Hain dâm kârikġe akmâ hin ulilaġep, ¹⁰ “Sinduk baniara bâleġe are watyekmenâ kâlewânġen bo ariwerâi.” dâep. ¹¹ Akto

hân are pelepnân bau dondâ siâ hemem kautnje tete tâmut nem mali. ¹² Akto sinduk baniara dondâ arekne hin maganji, “Mak-nengimenâ nen bau yengât biwiyenân gene.” dâyi. ¹³ Hain dâmbiâ nângâ yengim, “Hepunjet.” dâmbiâ luâk aregât kautjânba hepunmâ âgâm bau yengât biwiyenân geyi. Gemiâ bau arekne sân sân mem hemem kautjânba tu bângum humoân gem tu nem metem moyi. Akto bau are getek bo. Dondâ 2,000 hain are geyi. ¹⁴ Gemiâ yekmâ damunlupyejande arim kepia ewumâk ewumâk talep aregât ambolupje makyenjiyi. Makyenjimbiâ ekberâm togoyi. ¹⁵ Yesugâlân togo ekberâmbiâ luâk sinduk baniara bâleje dondâje kautjân memini are nângâ nângâje hulanj akto hâk peke lalakmâ âlepje tato togom egi. Hain akmâ tato luâk âmbâle togoyi arekne ekmâ hamep akmâ bâtyeje dâtyenân igim kili. ¹⁶ Ulik gulik egi arekne Yesuje luâk are wan aganej akto baugât pat are makyenjimbiâ nângâm Yesu hin maganji, ¹⁷ “Arimân in nengât hânân ire bo manben.” dâm wârakmâ hâwâtbiâ ariep. ¹⁸ Arim wanjan âgâmbo luâk sinduk banianje mem hepuli arekne hin dâep, “Nâ gâ olop arire.” dâep. ¹⁹ Hain dâm maganjo Yesuje hin maganej, “Bo. Kepiagângen arim ginbailupje olop manmâ Anutuje okot nângâ ginjâp iregât makyenjiwen. Akto Anutuje gângâlân kulem humo mem hengem guguâp iregât pat luâklupje makyenjiwen.” dâm dengeop. ²⁰ Hain dâmbiâ purik katmâ arim Yesuje wan aganej aregât denje kepia bân biken hârok ain makyenjim malep. Makyenjimbo nângâmbiâ dâtnje akto bâtyeje dâtyenân igim kili.

Yesuje dâmbiâ den emetjaet damun luâk siâ yâkgât baratje siâ momonânba agalep.

²¹ Yesu akto honj bawalupje purik katmâ togom wanjanba sopanmâ gem nupiân kinbiâ luâk âmbâle dondâje ekberâm togo menduguyi. ²² Hain akmâ kinbiâ den opmânjaet damun siâ kotje Yairo, arekne togom ekmâ enemjân tatmâ kângoep. ²³ Hain akmâ kârikne akmâ hin maganej, “Baratne momberâm aktâp. Gâje gutmâ bân gande howaimenâ âlepje agâk.” dâep.

²⁴ Hain dâm maganjo nângâm olop ariyat. Arimbela luâk âmbâle biwirâ Yesu ekberâm togo ewumâk kinmâ olop ariyi. ²⁵ Yesu watmâ arimbâ are yengât hutyenân âmbâle siâ ariep. Yâkgât keije hin. Âmbâle yengât dewutâ gambo kundat akmai dop hain bo akminep. Hilâm ârândânj gembo mando hombanj keiân lâuwâ bo agep. ²⁶ Hain akmâ manmâ dokta yengâlân arimbo kundatje bo agâkgât âi membiâ bo akto kundat humo akto malep. Akto kundatje bo agâkgât puli are dokta yengimbo puli bo akto kundat hainâgâk yendo hombanj keiân lâuwâ akto humo akmâ hainâk yiep. ²⁷ Hainâk manmâ Yesugât patje nângâm luâk âmbâle arimbâ are hutyenân arim Yesu howaiwerâm agep. ²⁸ Arim hin nângâep, “Nâ sângumjeâk howaim âlepje akberân.” dâep. ²⁹ Hain nângâm howaim ainâk âlepje akto nângâep. ³⁰ Âlepje akto Yesuje hin nângâep, “Siâje togom nângât kârikjene mem âlepje aktâp.” dâm nângâm purik katmâ hin aiyenguep, “Nângât sângum niñande howaiâp?” dâep. ³¹ Hain dâmbiâ honj bawalupjande hin maganji, “Luâk âmbâle dondâ howai gekbiâ nângât are konokje bo howai gektâp. Wangât hain maktât?” dâyi. ³² Hain dâm maganjiâ yâkne purikatmâ âmbâle are ekberâm wâragep. ³³ Akto âmbâle kundat bo aganej arekne nângâm hamewakmâ hâkne sân sân mendo togom enemjân kângom ikiye keije hârok maganej. ³⁴ Hain akmâ maganjo nângâm hin maganej, “Men, nângâniñdâtgât nâ hin makginje. Kambiamge sândugembo arim hâk hilâlâm bo nângâm manben.” dâep. ³⁵ Hain dâm maganmâ kindo luâk bikjande Yairo aregât emelanba togom hin dâyi, “Baratge mondâp aregât Humonenje bo hâwâtmenâ inâk talâk.” ³⁶ Hain dâmbiâ nângâm Yesuje den opmânjaet damun are hin maganej, “Biwige nângâlân katmâ âmâ bo hamewak.” dâep. ³⁷ Hain dâm siânba hepun yekmâ Petoro, Yakobo, akto Jakobogât emiñje Yohane, areâk meyekto ariyi. ³⁸ Arim den opmânjaet damun aregât emelan penianji. Emelan togombiâ luâk âmbâi gulip tatmâ umbi mem âgâ indem tali. ³⁹ Hain akmâ tatbiâ emet

kâlegen âgâm yekmâ hin makyenjiep, “Ye wangât togo indem tatâi? Âmbâi sitnan ire bo mondâp âmâ yân asin yendâp.”
⁴⁰ Hain dâambo nângâm girinjanj. Girinbiâ âmâ Yesuje, “Ekenjet.” dâm watyekto betgen ge kili. Kinbiâ âmâi sitnan aregât memene ewene akto honj bawalupne âlâwu olonyekto âmâi sitnan aregât ginnân guli.
⁴¹ Gutmâ âmâi sitnan aregât enemnân kinbiâ bâtnân mem ikinje denân hin dâep, “Talita kumi.” dâep. Amâ den purikne hin, “Âmbâi sitnan makginjere agat.” dâep.
⁴² Hain dâambo ainâk agatmâ bam gulep. Âmbâi sisik are âmâ hombanje keiân lâuwâ. Akto luâk âmbâle arekne ekmâ bâtyene dâtyenân igiyi. Akto âmâi sisik arekne âlepne akmâ bam guto aregât hin dâep,
⁴³ “Iregât bo makyengiwei.” dâm kârikne makmâ hâreyenje. Hain akmâ âmâi sitnan aregât hin dâep, “Sot om wanjbiâ neâk.” dâm makyenjiep.

6

Nasarete kepijan gâtjande Yesu hâkânje agi.

¹ Ainba Yesuje ikinjaet kepijan ariwerâmbo honj bawalupne olop ariyi. ²⁻³ Arim manbiâ âmâ ai bo mem sopne miawakto den opmânjân âgâm den makyenjiep. Makyengimbo âmâ luâk âmbâle dondâne nângâmbiâ dâtne akto hin dâyi, “Luâk ire amâ in gâtne. Ulikjân emet ketugum manminep akto memene âmâ Maria, akto emilupne âmâ kotyene Yakobo, Yose, Yudasi, akto Simonj, akto garilupne nen olop in manmaen aregât yâkgât keine nângâmaen ina ninjande kulem keine ire hekalane. Nângâ nângâne humo akmap ire yâgâtenba mem togoep. Kulem mendo nen ekmâ kambiamnenne agatâp.” dâm bâtyene igim kili. Hain dâm nângâmbiâ kambiamyene bâliep. Hain akmâ Yesu ingâtne dâmbiâ ⁴ aregât hin makyenjiep, “Luâk siâne kepia biken biken arim Anutugât keine makyengimbo nângâmbiâ humo akmap. Dâ ikinjaet kepia me emetjân arim ginbailupne makyengimbo nângâmbiâ gemap.” dâep. ⁵ Hain dâm âmâ kundatdâ konok konok meyekto âlepne agi. ⁶ Akto

Yesugât nângâmbiâ giep aregât Yesuje nângâmbo dâtne agep. Hain akmâ ikinjaet kepia hepunmâ kepia siân siân arim kepia are ambolupne den pat âlepne makyenjiep.

Yesuje aposololupne hungunyengimbo ai keine kali.

⁷ Kepia siân siân arim honj bawalupne keiân lâuwâ are lâuwâk lâuwâk hungunyengim hin makyenjiep, “Makyengire nângânet. Kepia siân siân arim nâne meme akyengire nângât kâriknân kinbai. Aregât hungunyengire lâuwâk lâuwâk akmâ kepia siân siân arim âmâ sinduk baniara bâlene watyenginet. ⁸ Akto ariwaiân âmâ sot me ito me puli sângum dondâ bo mem ariwei. ⁹ Akto kei peke luguakbai are akto sângum luguakbai arekne konok hâkyenân tatbiap akto tânagum ariwaigât huwan konokneâk panmâ tânagum sângum konogâk lugu akmâ ariwei. ¹⁰ Akto ariwaiân kepijan arim âmâ emet konogân asin yembei. Akto emet hanâk hanâgân bo âgâm manbei. ¹¹ Dâ kepia siân arimbiâ wan me wan denne makyengimbiâ âmâ nângâmâk bo akmâ gasa akyengimbiâ âmâ ariwerâmân Anutune hâune yengiwiap aregât dop akmâ keiyenân hamanj siâ tatbiap are tâlim pulimbiâ gewiap.” dâm lâuwâk lâuwâk hungunyengiep. ¹² Hain dâm hungunyengimbo lâuwâk lâuwâk akmâ arim luâk âmbâle hin makyengi, “Bâleyene makmâ miawakmâ âmâ hepunjet.” dâm makyengi. ¹³ Akto sinduk baniara bâlene watyengim mali. Arim hain akmâ manmâ makyengimbiâ luâk kundatdâ togombiâ lâwin hânemne puliyekmâ âlepne aknet dâmbiâ âlepne agi.

Herotene makto Yohane kombiâ moep.

¹⁴ Yesugât honj bawalupjande hain akbiâ pat arekne sambelembo luâk dondâne nângâyi. Nângâm âmâ bikjande Yesugât hin dâyi, “Yohane tu puli yengiep are luâk kembu nenje Herote, yâkne kondo moep arekne sumânba agatmâ mandâp. Luâk ire Yohane moep arekne golâ akmâ agatmâ yu mandâp ire.” dâyi. ¹⁵ Hain dâmbiâ bikjande Yesugât patne nângâm hin dâyi, “Propete luâk kotne Elia arekne purik katmâ gem mandâp.” dâyi. Dâ bikjande âmâ hin dâyi,

“Propete luâk uliknân moyi are yengâlân gâtñande mandâp.” dâyi. ¹⁶ Akto Heroteñe hin dâep, “Yohane hanñe hâreân arekñe momonânba agatmâ mandâp.” dâep.

¹⁷⁻¹⁸ Aregât keñe hin. Herote are akto luâk siâ Pilipo, emiteu are tatminiat. Akto uliknân Pilipo arekñe âmbenñe kotñe Herodia miep. Mendo âmâ âmbâle arekñe luâkñe Pilipo hepundo kandâñe Herote, are olop meakbela aregât Yohanene nângâm hin dâep, “Den kârikñe kom kandâge memenâ bâliâp.” dâep. ¹⁹ Hain dâmbô aregât âmbâle Herodia arekñe âmâ Yohanegât nângâm bâlim gain gain akmâ kombe dâm âsim manminep. Komberâm nângâm kinmâ luâkñe hâwâto kala busi kâlegen kato talep. ²⁰ Dâ luâkñe Herote arekñe âmâ Yohanegât den are nângâm han lâuwâ akmâ hin nângâep, “Luâk ire âmâ Anutugât laune lokom agak meme âlepñeâk mem manmap.” dâm denñe nângâm heronje akmâ benñe han lâuwâ agep. Hain akmâ luâk âlepñe dâm damunñe agep. ²¹ Hain akmâ Herote miawagepgât sopñe akto luâk kembu akto tembe lokolupñe yengât humomolupyeñe akto luâk kautñe kautñe me Galilaia yengât humoyeñe mendugu yekmâ sot om yengiep. ²² Sot om yengimbo mendugum nem tatbiâ âmbenjaet baratñe âmbâi sigan arekñe hutyeñân kinmâ kep kenju koep. Hain akto âmâ kambiam yeñe âlepñe akto aregât Heroteñe hin dâep, “Barat, wan me wangât nângâm makniñmenâ nâ âlepñe giñbian. ²³ Anutugât dewunñân makgiñdere nângâ. Wan me wan ekmâ ulitniñmenâ are âlepñe giñbian. Amâ nângâ yâkñe hân niñâk dâm ulit niñmenâ are âkâ bikñe potatmâ giñbian.” ²⁴ Hain dâm maganjo âmbâle arekñe arim memeñe hin maganep, “Luâkgande wan me wan hârok niñberâm aktâp aregât wangât ulilanbe?” dâmbô memeñande hin dâep, “Luâk tu puli keñe kalep kotñe Yohane, aregât kautñe hârem niñ dâmenâ hârem giñâk.” dâep. ²⁵ Hain dâm maganjo âmbâle sigan arekñe pârigim luâk kembangâlae arim ulilanmâ hin dâep, “Gâ Yohane hanñe hârem kautñe kondoân katmâ niñ.” dâep. ²⁶ Dâmbô âmâ luâk kembu are biwiñe dondâ bâliep.

Dâ magep are Anutune nângâep aregât nângâm den koko bo agep. Akto luâk tali are yengât dewunyeñân denñe gewopgât magep hain agep. ²⁷ Hoñ bawanje siâ tâwât ambonje are hungunanjo tâwât mem arim kala busi kâlegen âgâep. ²⁸ Âgâm Yohanegât hanñe hârembo mondo kautñe kondoân katmâ mem gutmâ âmbâi sigan are wanep. Wanjo mem memeñalae lokom ariep. Lokom arim memeñe wanjo miep. ²⁹ Mendo âmâ Yohanegât hoñ bawalupñande pat are nângâm ari hâkñe mem hangoyi.

Yesune luâk 5,000 sot yengimbo neyi.

³⁰ Yesugât hoñ bawalupñe kepiane kepiane arim den pat âlepñe are makyengim manmâ purik katmâ Yesugâlân togoyi. Yâkgâlân mendugum kinmâ wan me wan agi me den makyengiye aregât pat hârok mem maganji. ³¹ Akto sop ain luâk âmbâle dondâñe Yesu ekberâm togom ekmâ purik katmâ ariyi. Hain akbiâ aregât hoñ bawalupñande hin maganji goanji agi, “Gulip nengumbiâ gain gain sot nemberen.” dâyi. Hain dâmbiâ Yesune hin dâep, “Bâin pumângen arine. Luâk dondâñe togombiâ aregât pumângen nenñeâk ari manmâ hâk mem biwiyene sândugeâk.” dâep. ³² Hain dâmbô yeñeâk wangân âgâm pumângen ariwerâm akmâ ariyi. ³³ Arimbiâ luâk âmbâle kepia siânba siânba togoyi arekñe yekmâ nângâm yâkñe soñ dowâk pârigim bâtgum ginñân togoyi. ³⁴ Togom kinbiâ wanganba sopanmâ gem yekmâ hin dâep, “Luâk âmbâi dondâ ire yengât damun bo mandâi.” dâm okotñe nângâep. Hain akmâ den pat âlepñe are makyengiep. ³⁵ Makyengim kindo emet dâgâwerâm akto hoñ bawalupñande hin dâm maganji, “Ire âmâ pumângen mandenñe dewutâ gewerâm aktâp ³⁶ aregât hungun yengimenâ arinet. Hân iren anjim nene emetñe bo kindâp aregât hungun yengimenâ kepia siân siân arim ain sot puligom neñet.” dâyi. ³⁷ Hain dâmbiâ Yesune hin makyengiep, “Yeñeak sot yenginet.” dâmbô hin dâyi, “Nen gain gain lauge lokoweren? Luâk âmbâle kâmot

ire yengât sot âmâ 2,000 kina hainje puligoenne ârândân bo akyenjiwerâp aregât gain gain lauge lokoweren?” dâyi. ³⁸ Hain dâmbiâ hin makyenji, “Yengât sot amon tatyenjiâp? Ba ekmâ gutmâ makniñjet.” dâmbiâ bam oyanmâ ekmâ gutmâ hin maganji, “Nengât sot momerâk akto injan lâuwâ tatâp.” dâyi. ³⁹ Hain dâmbiâ, “Hârok kâmot ikinjeâk ikinjeâk umiliñ kakñân ain ge tatñet.” dâep. ⁴⁰ Hain dâmbiâ hainâk kâmot 50 âk hârok ain ain tatmâ ariyi. ⁴¹ Hain akbiâ sot are mem himbimân dewunje panmâ Anutu mepaije miep. Hain makmâ sot are munditmâ hoñ bawalupje yengimbo potatmâ lokom bam luâk âmbâle tali are yengi. Akto injan hainâk yengiep. ⁴² Yengimbo nem tepyeje pigep. ⁴³ Nem tepyeje pikto hoñ bawalupñande pipiñe haka keiân lâuwâ lugumbiâ pigep. ⁴⁴ Akto luâk 5,000 hain arekñe sot neyi.

Yesuje bâtgum kakñân ariep.

⁴⁵ Akto Yesuje hoñ bawalupje hin makyenji, “Yeje soñ wañan âgâm Besaida kepiân arimbiâ âkâ nâje luâk âmbâle ire huñgun yengire arinet.” dâep. Hain dâmbiâ hoñ bawalupje wañan âgâm bâtgum biken kepia kotñe Besaida ain ariwerâm akbiâ Yesuje luâk âmbâle ain kili are hin makyenji, ⁴⁶ “Bâin arinet.” dâmbiâ arimbiâ gimbanñân âgâm ikinjak Anutu maganmâ talep. ⁴⁷ Hain akmâ tato emet dâgâmbo hoñ bawalupje emelâk haru tânâmñangen arim manbiâ Yesu ikinjak gimbanñânba gem bâtgum ginñân kinmâ yegep. ⁴⁸ Yekto seru humoñe meyekto gain gain akmâ arine dâm âi humo mem tatbiâ emet hauñberâm agep. Hain akto hândâk pipiñe tatoâk bâtgum kakñân tâlim tâlim ari ewangiyekberâm agep. ⁴⁹ Hain akto hoñ bawalupñande ekmâ, “Hat sinduk togoâp.” dâm hamewakmâ dâtyeje igim ongâyeje hogombo kamboñi. ⁵⁰ Hain akbiâ nângâm ainâk hin dâep, “Nâje togoân. Bo hamewakñet. Kambiamyeje sândugeâk.” dâep. ⁵¹ Hain dâm wañan âgâmbo ainâk seru nângâmbo ekbiâ bimbiâk agep. ⁵² Akto sot munditmâ yengiep aregât keiñe nângâm hengemgoyi dâine wan me wan aregât nângâmbiâ dâtnje bo akbop.

⁵³ Bâtgum hâtikom metem Genesaret hânân togom wañga hikombiâ kilep. ⁵⁴ Kindo luâk âmbâle togom ainâk Yesu ekmâ nângâyi. ⁵⁵ Ekmâ nângâyi aregât kepia ewumâk ewumâk ain purik katmâ pârigim arim kundatdâ temân katmâ lokoyekmâ togoyi. Hain akmâ kundatdâ yâgâten tatâi dâm undâgât yengim arewa temân katmâ lokoyekmâ Yesugâlân togoyi. ⁵⁶ Togom âmâ Yesuje kepia humo me bâlensiâ me pâlonângen ain togom kilep aregen kundatdâ kâmotdâk katbiâ yembiâ Yesu ulilañmâ hin dâyi, “Gângât sângumge howaim âmâ âlepñe akñet.” dâmbiâ, “Âlepñe.” dâep. Hain dâm kindo bikñande howaimbiâ hengem yenguep.

7

Sotñe biwinenje bo hilip komap.

¹ Akto Parisaio akto Mosegât den kârikñe makmâ miawagi are bikñe Yerusalem kepiânba togo Yesugâlân menduguyi. ² Mendugum tatbiâ Yesugât hoñ bawalupñande bâtyeje bo pulim sot nembiâ yekbiâ ârândân bo agep. ³ Amâ Parisaio luâk akto Yuda luâk yâk hârokñe bâgilupyene yengât den lokom sot nemberâm akmâ bâtyeje pulimâk sot nemini. ⁴ Akto anjim nene emetñânba purik katmâ togom hainâk tu puliak puliak bâlâk sot bo nem manmini. Akto areâk bo. Bâgilupyene yengât den lokom umbâ akto kondo me sot kat katgât are tu pulimini. ⁵ Akto Yesugât hoñ bawalupje yekbiâ ârândân bo agepgât Parisaio akto Mosegât den kârikñe makmâ miawagi arekñe Yesu hin maganji, “Wei, hoñ bawalupgande wangât bâgilupnenje yengât den bo lokom bâtyeje tuân bo pulim yân sot mem nendâi?” dâm maganji. ⁶ Hain maganbiâ Yesuje hin makyenji, “Ulikñân Yesaia arekñe yengât keiyeje nângâm hin kulempoep are tatâp.

Anutuñe hin dâep, “Luâk kâmot irekñe lauyenandeak gangerânekma manjannekmai. Dâ han biwiyenande âmâ hepun nekmâ sârekonekmai. ⁷ Nângât den kârikñe panmâ aregât dumñân luâkgât den yânje are bunñerâm makmâ kepikmai are

nângâm hâkneak nângât kotne mem agatbiâ ektere yânne akmap.” dâep.

8 Yesaianje hiangi luâk yengât hain kulemgoep aregât dopne akmâ ye Anutugât den are panmâ luâk yengât den are lokom manmai. 9 Yeje yengât dengât nângâmbiâ humo aktâp. Dâ Anutugât den nângâmbiâ geâp. 10 Aregât Moseje hin dâep, “Gâ memege ewege amukyetnân manmâ den bâlene makyetkimenâ âmâ humomolupgande gugumbiâ mombiat.” dâep. 11 Gârâmâ yeje âmâ aregât den panmâ hin makmai, “Luâk siâne eweje memene amukyetnân tatmâ manmâ eweje memene hin makyetkiwiap, Emelâk tânyetkuân gârâmâ hepun yelekma wan me wan yu yetkiwerân ire âmâ Anutugât pat katberân. 12 dâambo nengât denje are mem kârikne ketugumbo memene eweje bo tânyetkumbo ârândân akbiap.” ye hain dâmai. 13 Ye hain dâm Anutugât den kombiâ gembo yejaet den makyengimbiâ sambelem arimap are ârândân bo akmap. Akto areâk bo. Siâ siâgât hainâk Anutugât den kom âmâ yeje den mem manmai.” Yesuje Parisaio akto Mosegât den kârikne makmâ miawakmini are hain makyengiep.

Wan me wan bâlejaet nângâm makmaen arekne âmâ helenj bâlenej aknengimap.

14 Yesuje hain dâm luâk âmbâle yekmâ siâkâ togojet dâambo togombiâ hinâk makyengiep, “Nâ makyengire luâk âmbâle ye hârok nângânet. 15 Wan me wan tepyenân gemap are âmâ kâmbokne bo akto bâlene bo akmap. Dâ den bâlene makmai arekne âmâ luâk mem bâliyekmap. 16 Gârâmâ ye den ire nângâm biwiyenân katmâ hengemgom manbei.” Yesuje hain dâep. 17 Hain dâm luâk âmbâle hepunyekmâ emelan âgâambo hoj bawalupnande den ginje magep aregât aikoyi, “Hinje maktât are keje gain gaingât maktât?” dâyi. Hain dâmbiâ hin makyengiep, 18 “Woe, ye nângâ nângâyeje bâlâk mandâi hainare me? Wan me wan nemiâ tepyenân gemap arekne bâlene bo akmap. A bonângâi mon? 19 Akto wan me wan nemiâ arekne nângâ nângâyeje bo tângomap, are yân tepyenân gem potalakto panmai.” dâep.

Akto magep aregât keje âmâ hin. Sot hârok âlepne akto nendenje bâlene bo akmap. 20 Akto Yesuje lâuwâne hin dâep, “Wan me wan bâlejaet nângâm makmai arekne âmâ helenj bâlene akyengimap. 21 Luâkgât kambiamnânba me hanjânba hinâk gamap. Nângâ nângâ bâlene me egâlian keje keje me âiân kâmbu, me kuk hengân me âmbâle mem hepun hepun akmai. 22 Akto ukenne kotne siâ siâ bâlene hiangi, âgâ âgâne bâlene me galagât hogo hogo me hâk mem agat agat me kopa agak meme. 23 Are hârok yu maktân irekne âmâ nângâ nângâyejânba helenj bâlene akmâ luâk âmbâle hilip yengumap.” dâep.

Âmbâle siâne Yesu ulilanjep.

24 Hain dâm kepia are hepunmâ Tiro akto Sidonj ginjân are yengât hânân togoep. Togom siânbaje nângât pat nângâwâi dâm yonâk emet siân âgâep. Âgâambo patnande sambelem ariep. 25-26 Akto ainâk âmbâle siâ Girik âmbâle Siria hân aregât ambone arekne patne nângâm togoep. Âmbâle aregât baratne sinduk baniara bâlene siâne kautjân mendo tato aregât togoep. Âmbâle kepia siân gâtne arekne togom enemjân kângom ulilanmâ hin dâep, “Sinduk baniara bâlene watmenâ baratnaet kautjânba hepunmâ ariâk.” dâep. 27 Hain dâambo hin maganep, “Nenne âmâ nananj soj sot om yengimaen. Nananj sot bâlâk tatbâi dâm dua soj bo yengimaen.” dâep. 28 Hain dâambo âmbâle arekne hin magep, “Kembu, bundâk maktât are nângân amâ nananj lupnenjande soj sot nem tatbiâ sot pipine gembo âmâ duane hanâk nemai.” 29 dâambo Yesuje hin maganep, “Den hain maktât aregât nângâ ginjân. Gârâmâ gâ emetgân ari. Sinduk baniara bâlene arekne baratge emelâk hepundâp.” dâep. 30 Hain dâambo emetjân arim sinduk baniara arekne baratne emelâk hepundo welamjân yendo egep.

Yesuje makto luâk kopa den bo makminep siâ den magep.

31 Yesuje Tiro kepijanba purik katmâ Sidonj kepia ewangim togo Galilaia bângum hâlânjâmâ kepia bân bip bip hârok tali

are yengâlân togoep. ³² Ain togombo luâk ondopne bokbokne kopa den bo makminep siâ tatminep are mem yâkgâlân kewugum arim bâtgande mem howai dâm ulilanji. ³³ Hain dâm ulilanbiâ nângâm kâmot humo hepun yekmâ kewugumbo ariyat. Arimbela bâtnande ondopnân katmâ benje bâtnân tâwutkom elewetnân miep. ³⁴ Hain akmâ âmâ himbimân ekmâ herâm, “Epata.” dâep amâ den purikne ondopge pâronj âgâk hain dâep. ³⁵ Hain dâmbô ondopne pâronj âgâm elewetne purik âgâmbô den agep. ³⁶ Den akto biknande nângâyi aregât, “Iregât pat bo makyengiwei.” dâep. Hain dâm makyengimbo yâkne kârikne akmâ makbiâ sambelembo luâk âmbâle hârokne nângâyi. ³⁷ Akto ekbiâ dâtne akto maganji goanji akmâ hin dâyi, “Wan me wan mendo ârândânjâk hârok akmap. Ondopyene bok bokne pâronj âgâk dâmbô pâronj âgâmap. Akto luâk denyene bo yengât makto den âlepne akmai. Akto kotne siâ siâ hârokgât makto âlepneâk hârok akmai.” dâyi.

8

Yesune luâk 4,000 sot yengimbo neyi.

¹ Sop ain luâk kâmot humo arekne lâuwâne Yesugâlân mendugum sot bâlâk tatbiâ honj bawalupne hin makyengiep, ² “Gutnet. Nâ luâk âmbâle ire yekmâ okot nângân. Yâkne nâ olop mandenne hilâm âlâwu akto sot bâlâk mandâi. ³ Siânbanje hân kâlewângenba togoyi aregât hungun yengire arim sotgât dâwân dewun biri yenguwop.” dâep. ⁴ Hain dâmbô honj bawalupnande hin maganji, “Hân pumân ire anjim nene emetne bo tatâp aregât sot humo wanânba mem miawakmâ yengiweren?” dâyi. ⁵ Hain dâmbiâ Yesune hin makyengiep, “Yengâlân sot koane amon kindâp?” dâmbô, “Nâmbulân lâuwâ.” dâyi. ⁶ Akto “Luâk âmbâle hârok hânân tatnet.” dâmbô tatbiâ sot nâmbulân lâuwâ are mem Anutu mepaine miep. Mepaine mem sot are munditmâ honj bawalupne yengimbo kalem katmâ luâk âmbâle yengiyi. ⁷ Akto injan amonsiâ talep arekâ mem hainâk Anutu maganmâ gâim potatmâ honj bawalupne hin makyengiep, “Ire yengijet.”

dâmbô hain agi. ⁸ Luâk âmbâle arekne nem tepyene pikto sot pipine hânân giep are pitim haka nâmbulân lâuwâ lugumbiâ pigep. ⁹ Luâk 4,000 hain are sot are neyi. Akto hungun yengimbo purik kali.

Yesune kulem mendo eknegât makbiâ bo dâep.

¹⁰ Luâk âmbâle arekne arimbiâ ainâk honj bawalupne olop wanjan âgâm arim Dalimanuta kepijan togoyi. ¹¹ Ain togom wanjanba sopanmâ gembiâ Parisaio luâkne togom hin dâyi, “Makmenâ himbimânba kulem siâ miawakto ekne.” dâm maganmâ dop koyi. ¹² Hain dâm hianbiâ biwi umatne akto nângâm herâm hin makyengiep, “Kulem miawagâkgât egâlianmai amâ nângâre ârândânj bo aktâp. Luâk âmbâle hârokne kulem gâlâk nângâmai gârâmâ kulem siâ bo hekat yengiwan.” dâep. ¹³ Hain dâm hepun yekto wanjan âgâm bâtgum biken arim mali.

¹⁴ Wanjan âgâm arim sotgât nelâm yengimbo sot koane konok wanjan yiep. ¹⁵ Yendo hin makyengiep, “Ye Parisaio akto Herote yâkne yengât matuk pipikom nemai are nângâm hanokoak akbei.” dâep. ¹⁶ Hain dâmbô yâkne den aregât keinjaet pâpkom maganji goanji akmâ hin dâyi, “Ire âmâ sotgât nelâm nengimbo togoen aregât maknengiâp me gain?” dâyi. ¹⁷ Hain dâmbiâ nângâm hin makyengiep, “Ye wangât hain dâi? Ye iregât keine bo nângâm hengemgoâi me? Hanyene kârikne aktâp mon? ¹⁸ Ye âmâ ekmai amâ bo ekmâ nângâmai. Akto nângâmai amâ bo nângâm hengemgomai. Ye wan me wan ekmâ nângâm âmâ benje wangât dowâk nelâm yengimbo manmai? ¹⁹ Nâne sot momerâk potatmâ luâk 5,000 yengire nembia pipine yendo membiâ haka amon ge pigep?” dâep. Hain dâm aiyengumbo, “Keiân lâuwâ.” dâyi. ²⁰ “Dâ sot nâmbulân lâuwâ kalem katmâ luâk 4,000 yengire nembia pipine yendo membiâ haka amon ge pigep?” dâmbô, “Nâmbulân lâuwâ.” dâyi. ²¹ Hain dâmbiâ hin makyengiep, “Aregât keine boâk nângâm hengemgoâi mon?” dâep. ²² Hain dâmbô Besaida kepijan togoyi.

Yesuŋe dâmbô luâk dewunŋe bokbokŋe siâŋe hârok ekmâ metiep.

Togombiâ kepia ambolupŋande luâk dewunŋe bokbokŋe siâ mem Yesugâlân togom bâtnande howaiâkgât ulilanŋi. ²³ Ulilanbiâ luâk dewunŋe bokbokŋe are bâtnân mem kepia ginŋângen ge kinmâ dewunŋân tâwutkom pulianmâ bânŋe katmâ hin aikoep, “Wan me wan siâ ektât me bo?” dâep. ²⁴ Hain dâmbô dewunŋe panmâ ekmâ hin dâep, “Nâ luâk yektere lâwin hinare akmâ arim togom tatâi.” dâep. ²⁵ Hain dâmbô bâtnande dewunŋân lâuwânŋe howaimbo luâk arekŋe âlepŋe akmâ dewunŋe pagalembo tâlâwâgân me kâlêwân siâ siâ hârok ekmâ metiep. Hain akto Yesuŋe hin maganŋep, ²⁶ “Gâ arim âmâ kepia humoân bo âgâm yonâk emetgân ariwen.” dâm maganmâ huŋgun anŋo ariep.

Petoroŋe Yesugât keiŋe makmâ miawagep.

²⁷ Arimbo yâk hoŋ bawalupŋe olop Kaisarea Pilipo hân aregât kepia siâ siâ ewangiyekmâ ariyi. Arim manmâ hoŋ bawalupŋe aiyenŋum hin dâep, “Luâkŋe nânŋât keiŋe gain gain dâm maganŋi goanŋi akbiâ nânŋâmai?” dâmbô hin dâyi, ²⁸ “Siânbaŋe âmâ Yohane tu puli luâk are dâmai. Dâ siânbaŋe âmâ Elia dâmai. Dâ bikŋande âmâ propete siâ dâmai.” dâyi. Hain dâmbiâ hin dâm makyenŋiep, ²⁹ “Dâ yeŋeak âmâ nânŋât niŋe dâmai?” dâmbô Petoroŋe hin maganŋep, “Anutuŋe hoŋ bawânŋe huŋgun anŋo gewiap dâmai are amâ gâ.” dâep. ³⁰ Hain dâmbô den kârikŋe hin makyenŋiep, “Luâk bikŋe ire bo makmâ miawak yenŋiwai.” dâep.

Yesuŋe mom agatbiapgât makyenŋiep.

³¹ Akto hilâm ain keiŋe katmâ den hinâk makyenŋiep, “Luâk humomolupyenŋe akto sumbe kat kat luâk akto Mosegât den makmâ kepigi yâkŋe mendugum luâk akmâ geân nâ haminiŋmâ mem hâk hilâlâm niŋbiâ mondere hilâm âlâwu akto momonânba agatbian.” dâep. ³² Den are makmâ miawak yenŋimbo nânŋâm Petoroŋe kuk akmâ Yesu ginŋângen kewugum gem den kârikŋe kugâk kugâk

maganŋep. ³³ Hain maganŋo purik katmâ hoŋ bawalupŋe yenŋâlân dewunŋe panmâ Petoro den kârikŋe aganmâ hin dâep, “Gâ Niambi aregât eke. Akto maktât are âmâ luâk nânŋâ nânŋâ hainare aktâp. Anutugât den bo.” dâep.

³⁴ Hain maganmâ Yesuŋe luâk dondâ mali are akto hoŋ bawalupŋe yekmâ, yenŋondo togom mendugumbiâ hin makyenŋiep, “Luâk siâŋe nâ watnekberâm âmâ han hâkŋaet siâ me siâ are hamianmâ lâwin parâŋe lokom watnekbiâp. ³⁵ Luâk siâŋe manmanŋe gangerâmbo âmâ gulip aganbiap. Dâ luâk siâŋe nânŋât akmâ pat âlep dengât hâk biwiŋe kondo âmâ miawaganbiap. ³⁶ Dâ luâk siâŋe hânŋât egâlânŋe delem me ito mem manmâ âmâ manmanŋe mesokto gulip koanbiap. Amâ wan âlepŋe miawaganbiap? ³⁷ Akto luâk siâ Anutu hamianmâ manmap aregât hâmbâi Anutu manmawân ariwiapgât dop bo tatâp. ³⁸ Akto kâmot agak meme bâleŋe akmai are yenŋât hutyenân siâŋe manmâ hin dâwiap, “Yesu akto ikiŋe dengât hâkânŋe akmâ mandân.” dâm haminiŋdo âmâ benŋe hainâk luâk akmâ geân nâ lâuwânŋe gem ewenaet himbim pagaleŋe olop anelo olop togom luâk aregât hin dâwian, “Nâkâ hainâk bo nânŋâ ginŋân.” dâm hamianbian.” dâep.

9

Mose akto Elia Yesu olop den maganŋi goanŋi agi.

¹ Yesuŋe hin makyenŋiep, “Makyenŋire nânŋâŋet. Anutuŋe damunyeŋe akbiap aregât sop tâlâguâp gârâmâ yu kindâi ire yenŋât hutyenân gâtŋe bikŋande bo mom âmâ golâ manbaiân kulem pagaleŋe are olop miawakto ekbai.” dâep.

² Akto arewa hilâm nâmbulân konok bo akto ain Yesuŋe Petoro Yakobo akto Yohane areâk kewuguyekto gimbânŋe siân âgâyi. Âgâm Yesuŋe hâk siâ mendo egi. ³ Yâkgât sâŋgumŋânba pagalem kau kau akto egi. ⁴ Hain akto Mose akto Elia ulikŋân maliat are ainâk miawakmâ kinbela yelekbiâ Yesu olop den maganŋi goanŋi agi.

5-6 Hain akbiâ hoj bawalupjande hamewakmâ aregât Petoro nângâ nângâne guliwakto gain dâm hin maganep, “Humonnenje wan siâ hekat nengimenâ ekten aregât ukenne nângâen. Gârâmâ iren uligi âlâwu meyenjine. Gângât siâ Mosegât siâ akto Eliagât siâ.” dâep. 7 Hain dâmbo ainâk hamandat humo siâne gem tigiyegep. Tigiyeke to amâ are kâlegenba den siâ hin miawagep, “Yâk amâ nângât nanne âlepne yâkgât okot âlep nângân. Yene amâ yâkgât denne nângâwei.” dâep. 8 Hain dâmbo den are nângâm ainâk purik gurik akmâ ekbiâ Yesune konok kindo egi.

9 Akto ainba gimbâne hepunmâ gem gem Yesune hin makyenjiep, “Âuren kulem ektâi aregât luâk bo makyenjim manbei. Nâmâ luâk akmâ geân nâ momonânba agatbian ain amâ âlepne makyenjiwei.” dâep. 10 Hain dâmbo den are nângâm kinmâ maganji goanji akmâ hin dâyi, “Wangât golâ akmâ momonânba agatbian dâp.” dâm 11 Yesu hin aikoyi, “Mosegât den kârikne makmâ miawakmai arekne hin dâmai, “Elia togowiap.” dâmai are wangât hainâk dâmai?” dâmbiâ 12 hin makyenjiep, “Elia bundâk togom siâ me siâ mem hulan gulan akbiap. Aregât Anutune makto kulemgoep hin tatâp, nâ luâk akmâ geân nângât akmâ bikjande hâkân nekbiâ hâk hilâlâm manbian kulemgoep. 13 Ulikjân Anutune propete makyenjimbo kulem kulemgoyi tatâp are den bunje. Elia emelâk lâuwâne togoep gârâmâ luâk in manmai irekne ukenyenjaet akmâ bâleje aganji. Anutune makto kulemgoyi are hain aganji.” dâep.

Yesune sinduk baniara bâleje walep.

14 Gimbânânba gem metem hoj bawalupje bikne yengâlân togom yegi. Akto luâk âmbâle dondâne turunyekmâ kinbiâ Mosegât den kârikne makmâ miawagi arekne Yesugât hoj bawalupje olop den bao guto maganjim peiyekmâ kinbiâ Yesu akto hoj bawalupje bikne yâkne gem yegi. 15 Gem yekbiâ luâk âmbâle dondâ turunyekmâ kili arekne Yesu ge kindo ekmâ sân sân mem pârigim togom Yesu manjanli. 16 Manjanbiâ Yesune hin dâep, “Ye wan den maganji goanji aktâi?”

dâep. 17 Hain dâmbo yâk yengâlânba siâne hin dâep, “Kembu, nângât nanne sinduk baniara bâleje lauje mem gisapkombo tatmap. 18 Hain akmâ tatmâ hilâm ârândân sinduk baniara bâleje arekne mem kârikne ketugumbo yendo laujanba tâwut gambo nekamne kândin akmâ keje bâteje kârikne akto yemap. Nângât nanan hain akmap aregât kewugum togom hoj bawalupje ulityenjiân, “Sinduk baniara bâleje ire walanjet.” dâre walanberâm âsimbiâ bo aktâp.” dâep. 19 Hain dâmbo Yesune hin makyenjiep, “Ye wangât hanyenande bo nângânijmâ kepilâmai? Nâ ye olop sopje sopje manmâ sokom katyebian mon? Bâin. Nanan are mem nângâlân ga.” dâep. 20 Hain dâmbo luâk sigan are Yesugâlân mem âgâmbiâ sinduk baniara bâleje arekne Yesu ekmâ dowâk luâk sigan are mem hâkokombo hânân ge purik gurik akmâ yendo laujanba tâwut gem yiep. 21 Hain akmâ yendo Yesune ewene hin aikoe, “Sop amuten miawaganep.” dâmbo hin dâep, “Nananânbak miawaganjo hinâk akmâ gaep. 22 Akto sinduk baniara bâleje irekne nanne hilip aguâk dâm kâlâwân me tuân hâkokombo gewerâm akmap aregât Yesu gâ kârikge tatginjâp me bo? Tatginjâp akto netgât okot nângâm tânnetku.” dâep. 23 Hain dâmbo hin maganep, “Wangât kârikne tatginjâp me bo dâm han lâuwâ akmâ ainuguât? Aregât makginjere nângâ. Luâk siâ nângânijmâ kepilâmap are tângore bunje miawaganjap.” dâep. 24 Hain dâmbo ainâk luâk sigan aregât ewenande humoâk konmâ hin dâep, “Biwine getek gângâlân katân gârâmâ tânnugumenâ gângâlân bunewâk kârikne katberân.” dâep. 25 Hain dâmbo luâk âmbâle dondâ togom mendugumbiâ yekmâ aregât dowâk sinduk baniara bâleje walanberâm hin maganep, “Sinduk baniara bâleje gâje luâk ondopyene akto elewetyene mem bâlimat aregât makginjere nângâ. Agatmâ ari. Siâkâ purik katmâ lâuwâne luâk iregât kautje bo mem gulipkowen.” dâep. 26 Hain dâmbo sinduk baniara bâleje arekne kârikneâk kambojmâ luâk sigan are tâlim pando mom hin pâlâmje yendo ariep. Hain akmâ arimbo luâk

âmbâleje are ekmâ hin dâyi, “Bunje mondâp.” dâmbiâ ²⁷ Yesuje luâk sigan are bâtnân mem olojdo agatmâ kilep. ²⁸ Nanañ are agatmâ kindo arewa emelan âgâambo hoñ bawalupñande pumân aikom hin dâyi, “Nen wangât watberâm âsienje bo aktâp?” dâyi. ²⁹ Hain dâmbiâ hin makyengiep, “Walañberâm âmâ kinmâ ain Anutu ulilañmâ âmâ âlepñe walañbai.” dâep.

Mombiap aregât makmâ miawagep.

³⁰ Akto arewa arim Galilaia hân ewangim ain âmâ hoñ bawalupñe ikinjaet pat makyengiwerâambo aregât yonjak ariyi. ³¹ Arim manmâ dâwân makyengim hin dâep, “Siân âmâ luâk siâje gasalupne kewuguyekto luâk akmâ geân nâ mem nugumbiâ mombian. Akto hilâm âi meme âlâwu akto ain momoñânba agatbian.” dâep. ³² Hain dâambo den keinjaet pâpkom aikowerâm hamewagi.

Luâk gain hin arekñe humo akmâ ewangiyekbiap.

³³⁻³⁴ Hain akmâ Kapanaum arim arim hutñe siân hoñ bawalupñande yejeâk maganji goanji akmâ hin dâyi, “Nengât humonenje âmâ niñande akbiap?” hain dâm yejeâk papalagi. Hain akbiâ âmâ emetñân tatmâ hin aiyenguep, “Dâwân wangât dâm maganjiâi?” dâambo anun anjim yân kamilem tali. ³⁵ Hain akmâ tatbiâ ge tatmâ hoñ bawalupñe mendugu yekmâ hin makyengiep, “Siâje Anutugât dewunñan luâk kautñe manberân dâm âmâ hârok yengât amukyenñan manmâ hâkñe mendo gembo hoñ bawayeje akto Anutune ekto ârândân akbiap.” dâep. ³⁶ Hain dâm nanañ bâlensiâ siâ hutyenñan katmâ bâtnande mem kinmâ hin makyengiep, ³⁷ “Luâk siâje nanañ ire hinare ekmâ tângowiap âmâ nâ tânnuguwiap aktâp. Dâ areâk bo. Yâkñe nâ akto hungun niñep net tân netkumap.” dâep.

³⁸ Akto Yohanene Yesu hin maganep, “Humo, nen luâk siâje gângât kotge konmâ sinduk baniara bâleje watyekto ekmâ nen olop bo manmapgât makmâ hâreyion.” dâep. ³⁹ Hain dâambo Yesuje hin dâep, “Hain bo akbei. Siâje nângât kotne konmâ kulem

membiap hain arekñe gain gain akmâ nângât owâineâk makmâ bâliwiap? ⁴⁰ Akto âinenje bo mem bâliwiap arekñe gala tân nenguwiap. ⁴¹ Amâ luâk siâje Anutune hungun niñep nângât hoñ bawa mandâi ye tân yenguwern dâm tu hâgâm yengiwip amâ lau loko loko ya akbiap aregât Anutune hâune wanbiap.

Hemem kâlâp aregât den.

⁴² Akto luâk siâje nanañ biwiyene nângâlân katmai are yengâlânba konokñe bâliwerâm hâkñe hâkñe hain akto gâuk, siâje kât humo dondâ hanñan imbo-goanmâ haru bâtgumân hâkokombo dâine arekñe âmâ siâ me siâ owâine miawaganbop. ⁴³ Dâ bâtge arekñe kambiamge olojdo bâleje akbiat âmâ bâtge hârem panben. Dâ wan âlepñe? Bâtge konok umatñan manmâ manman âlepñan ariwai me bâtge lâuwâ âlepñeâk manmâ mom âmâ kâlâwân manbiat? ⁴⁴ Amâ hemem kâlâp bo bokmâ âgâwiap ain naneyene bo mombiap. Dâ kâlâp bo bokbiap. ⁴⁵ Akto keigande kambiamge olojdo bâleje akbian dâwiat gârâmâ aregât keige hârem panben. Wan âlepñe? Keige konogâk manmâ manman âlepñan ariwai me keige lâuwâ lâuwâ âlepñe manmâ mom âmâ kâlâwân manbiat? ⁴⁶ Amâ hemem kâlâwân naneyene bo mombiap. Dâ kâlâp amâ bo bokbiap. ⁴⁷ Dâ dewungande bâlejaet panjonñan kat gekberâambo âmâ mem hârem panben. Gâ dewunge konok manbiat âmâ Anutugât amukñan ariwen amâ âlepñe. Dâ dewunge lâuwâ lâuwâ âlepñe manmâ mom âmâ kâlâwân manbiat amâ bâleje. ⁴⁸ Amâ hemem kâlâwân naneyene bo mombiap. Dâ kâlâp bo bokbiap. ⁴⁹ Luâk hârok kâlâp kâtembe olowâk miawakyengiwip. ⁵⁰ Akto kâtembe are ukenje gârâmâ bâlimbo âmâ gain gain aktenje kârikñeje lâuwâje miawakbiap? Amâ bo. Aregât ye kâtembe ukenje hinare akmâ manmâ galagât aganji goanji akbiâ biwiyene sândugewiap.” dâep.

10

Âmbâle mem bo hepunyekbaengât den.

¹ Yesu arewa togom Yudaia hânân Yodañ tu biken togoep. Togom ain mando luâk

âmbâle dondâ yâkgâlân togombiâ akmâ malep hainâgâk den totokom makyengiep.

² Hain akto Parisaio luâkne dop koanberâm aregât hin magañi, “Luâk siâne âmbenhe hepundo nengât den bâliwiap me bo?” dâyi. ³ Hain dâmbiâ den hâuñe hin makyengiep, “Moseñe ulikñân aregât den gain gain makmâ miawak yengiep?” dâmbi ⁴ hin dâyi, “Siâne âmbenhe hep-unberâm âmâ kulem esenhe kulemgom wanmâ watbiap. Moseñe aregât nângâ nengiep.” dâyi. ⁵ Hain dâmbiâ Yesuñe hin dâep, “Moseñe ye hanyenhe kârikñaet akmâ den kârikñe ire kulemgoep. ⁶ Dâ Anutuñe ulikñân hân me himbim me wan me wan kotñe hârok ketugum luâk âmbâle katyelelep ⁷ aregât luâk siâne memene ewenhe hepun yelekmâ âmbenhe olop manbiandat. ⁸ Hain akmâ hâk me biwiyetñe konogâk akmâ manbiandat. Den hain yendâpgât yâk lâuwâ bo konogâk akmâ mandat. ⁹ Anutuñe mem mendugu yelegepgât luâkne bo mem potat yelekbai.” dâep.

¹⁰ Hain dâmbi arim metembiâ purik katmâ togom emelan âgâmbi hoñ bawalupñande hin magañi, “Hinñe makyengiât are den keñe gain gaingât?” dâmbiâ hin dâep, ¹¹ “Luâk siâne âmbenhe hepunmâ siâ membiap âmâ yâk âmbâle aregât hâkân agañmâ mem bâlim dosa humo akbiap. ¹² Dâ âmbâle siâne luâkne hepunmâ siâ membiap âmâ yâkñe dewati dewatiyetñe hârewiap aregât dosa humo membiap.” dâep.

Yesuñe nananjupyenhe Anutugât pat makyengiep.

¹³ Akto luâk âmbâle bikñande Yesugâlân nananjupyenhe meyekmâ arimbâi bâñande mem howaiyegâk gât lokoyekmâ ariyi. Hain akbiâ hoñ bawalupñande watyekberâm akbiâ Yesuñe nângâmbo bâlimbo hin dâep, ¹⁴ “Ye hepunbiâ nananj are nângâlân togoñet. Ye bo gangerâ yekñet dâñet. Nananj hain arekñe âmâ Anutugât amukñân manmai. ¹⁵ Aregât makyengire nângâñet. Nananj hin arekñe akmai âmâ luâk siâne areyengât dop hainare akmâ

Anutugât welam bo gangerâwiap âmâ Anutuñe damunñe bo akbiap.” dâep. ¹⁶ Hain dâm nananj are mem menduguyekmâ yâk yengât Anutu ulilaneñe.

Luâk kotdâ siâne sikumñe mem gangerâm biwiñe Yesugâlân bo kalep aregât den pat.

¹⁷ Akto arewa arim mando dâwân luâk siâne pârigim togom kângom tatmâ hin aikoeñe, “Humone, gâmâ âlepñe amboñe. Nâ agak meme gain hinare akmâ âlepñe aktere Anutuñe makto âmâ kârikñe manmâ âgâwian?” dâmbi ¹⁸ hin magañeñe, “Âlepñe amboñe âmâ Anutu konok. Gârâmâ gâñe âlepñe amboñe dâm makniñdât aregât den makmakgaet damun akben. ¹⁹ Akto gâñe den ainuguât aregât hâuñe hin makñidere nângâ. Gâ Anutuñe den kârikñe kalep are nângâmat me bo? Gâ kuk bo akben. Âmbenge bo hepunben. Kâmbu bo akben. Gâ siâgât hiangi den bo makben. Siâne wan me wan giñdo dop hainâk wanmenâ ârândân akbiap. Akto memege ewege yetgât lau lokowen.” dâep. ²⁰ Hain dâmbi luâk arekñe hin dâep, “Humo, nâ are nananjânbak akmâ gaman.” dâep. ²¹ Hain dâmbi Yesuñe ekmâ yâkgât okotñe nângâ anmâ hin magañeñe, “Konok tatâp are akben. Amâ hin. Gâ arim âmâ ito sikum tatgiñdâp are potatmâ luâk umburuk yengimenâ nâ olop ariwaet. Gârâmâ aregât hâuñe hâmbâi Anutuñe giñbiap.” dâep. ²² Hain dâmbi den are nângâm siâ siâ dondâ yeañe aregât nângâm biwiñe umatñe akto gem ariep.

²³ Arimbo purik katmâ hoñ bawalupñe yekmâ hin makyengiep, “Luâk sikumdâñe Anutugâlân arienñe damun nenñe agâk dâm ariwerâm âi humo membai.” dâep. ²⁴ Hain dâmbi nângâm sâñ sâñ membiâ totokom hin makyengiep, “Luâklupne makyengire nângâñet. Luâk siâne Anutuñe damunne agâk dâm âmâ biwiñe Anutugâlân katberâm akmâ âi humo membiap. ²⁵ Bau siâne piñgi dâpñanba gewopgât âmâ dâp bo yendâp. Hainâk luâk ito sikumyene humo olopñe Anutugât pat nângâwerâm akbai amâ dâp bo miawakyengiwiap.” dâep. ²⁶ Hain dâmbi nângâm sâñ sâñ mem hin magañeñe goañgi

akmâ dâyi, “Ya maktâp aregât niñande âmâ âlepñe Anutugât manman âlepñân ariwiap?” dâyi. ²⁷ Hain dâmbiâ yekmâ hin makyengiep, “Anutugât manman âlepñân ariwaigât luâk nângâ nângâyeñe watbiâ bo meawakmap. Anutu konokñe wan me wan mem miawakbiapgât bo pâpkomap.” dâep. ²⁸ Hain dâmbiâ Petoroñe den are nângâm hin dâep, “Nângât? Nen âmâ siâ siâ nenñe hârok hepunmâ metem âmâ gâ olop manmaen.” ²⁹ Hain dâmbiâ hin magañep, “Nâ bundâk makbe. Siâñe emet me emiteu me mama gari me meme ewe nanan me âi kalam me wan me wan are nângât dennaet aregât akmâ hepun yekbiap aregât hâuñe hâmbâi Anutuñe wanbiap. ³⁰ Wan do sambe humo dondâñe membiap. In hânân emet opmân emi teu akto mama gari meme ewe nan barat me âi kalam siâ me siâ are hâk hilâlâm kakñân miawaganbiap. Dâ beirâ maleine âmâ manman kârikñe mem manbiap. ³¹ Dâ siâñe hinñe hâkñe mem agatbiap are âmâ hâmbâi Anutuñe mem hamiñângen katbiap. Dâ siâñe hinñe hâkñe mem gewiap are âmâ Anutuñe hâmbâi tângombo ulik gulik akbiap.” dâep.

Kombiâ mombiap aregât den.

³² Yesuñe Yerusalem kepiân âgâwerâm akmâ yâkñe soñ akmâ arimbo hoñ bawalupñande are ekbiâ dâtñe agep. Dâ hamiñângenba luâk âmbâle watmâ togoyi arekñe âkâ hamewagi. Hain akmâ arimbiâ Yesuñe hoñ bawalupñe keiân lâuwâ are yoñâk mendugu yekmâ wan me wan miawak anbiap aregât den hekat yengim hin dâep, ³³ “Nen Yerusalem kepiân âgâenñe ain mandenñe âmâ luâk akmâ geân nâ siâñe sumbe kat kat luâk areyengât humomolupyene akto Mosegât den kârikñe makmâ miawakmai are kewuguyekto arekñe togom menekmâ kondenñe moâk dâm Roma yengâlân katnekbai. ³⁴ Hain akmâ den hembalik akniñmâ tâwut nugum lâwinân nugumbiâ hâk hilâlâm nângâm mombian. Hain akniñbiâ mondere han-nugumbiâ hilâm âlâwu akto golâ akmâ agatbian.” dâep.

Yakopo akto Yohane yâkñe Yesu ulilanjat.

³⁵ Akto sop ain Sebedaiio nanlogâtñe Yakopo akto Yohane, yâkñe Yesugâlân arim hin dâyiat, “Humonetñe, net wan siâgât ulit ginberâm aktet are netkiwerât me bo?” dâmbela hin makyetkiep, ³⁶ “Aregât keñe makniñbela nângâwe.” dâmbiâ hin dâm magañiat, ³⁷ “Sop siân pagalenñe olop togom luâk âmbâle hârok damunyeñe akbiâlân net menelekmenâ netñe luâk âmbâle hârok damunyeñe aktetñe gâñe âmâ nen hârok damun nenñe akbiat.” dâyiat. ³⁸ Hain dâm ulilanbela hin makyetkiep, “Yet aregât keñe pâpkom hain maktat. Nâ tu nembian are yet âlepñe nembian dat mon? Me tu utunñande puliakbian are yet âlepñe puliakbiand dat mon?” dâmbiâ ³⁹ hin magañiat, “Âlepñe aktetñe miawaknetkiwiap.” dâmbela hin makyetkiep, “Nâ tu nembian are yet bundâk nembian dat. Akto tu puli puli are miawakniñbiap arekñe yet gai miawaknetkiwiap. ⁴⁰ Gârâmâ biken biken ginnân tatbiand datgât amâ nângât pat bo. Anutuñe nângâm kepilâm yetkiep. Irawot Humoñe damunyeñe akbiap sop ain Anutuñe luâk lâuwâ nângâm kârikñe yetkimbo nângât amuknân kinmâ wan me wangât damun akbiand dat.” dâep. ⁴¹ Hain dâm makyetkimbo hoñ bawalupñe bikñande yâk yetgât den are nângâmbiâ ârândân bo agep. ⁴² Akto Yesuñe hoñ bawalupñe mendugu yekmâ hin makyengiep, “Hângât luâk kembuñe luâk damunyeñe akmâ âmâ hoñ bawalupñe meyekbiâ manmai are âmâ nângâmai. ⁴³ Dâ yengâlân âmâ hain bo miawakbiâp. Yengâlânba siâñe luâk kotdâ akberân dâm galalupñe yâk yengât hoñ bawa manbiâp. ⁴⁴ Gârâmâ yengâlânba siâñe Anutuñe nekto ârândân agâk dâwiap âmâ galalupñe yengât hoñ bawa akmâ manbiâp. ⁴⁵ Hoñ bawalupñande tân nugunet dâm aregât bo geân. Hoñ bawa âi mem luâk âmbâle dondâ are yengât dosa bo akyengiwipgât mombian aregât Ewenande hungun niñdo geân.” dâep.

Yesuñe dâmbiâ luâk siâ dewunñe hulân akto emet egep.

⁴⁶ Yesu akto hoñ bawalupñe Yeriko kepiân âgâyi. Âgâm arewa arimbiâ hami

yeñângenba luâk âmbâle dondâ ariyi. Arimbiâ dâp ginñân luâk dewunne bokbokne puligât ulityengim talep. Luâk are kotne Batimaio yâkgât eweñe kotne Timaio, yâkne dâp ginñân tatmâ ulityengiep. ⁴⁷ Akto Yesu Nasarete gâtne arekne togoepgât den are nângâm konmâ hin dâep, “Yesu, gâ Dawidigât hakune nângât okotge agâk.” dâep. ⁴⁸ Hain dâm kondo luâk âmbâle togoyi arekne nângâm hâkâñ akmâ den yoñâk dâyi. Hain dâmbiâ yâkne denyene bo nângâm hainâk kolep, “Dawidigât hakune nângât okotge agâk.” ⁴⁹ dâmbô nângâm dâwân kinmâ hin dâep, “Maganbiâ gulâk.” dâmbô dewunne bokbokne are konmâ hin dâyi, “Gogondâp gârâmâ kambiamge sândugembo agatmâ ari.” ⁵⁰ Hain dâmbiâ nângâm ainâk sângum kakñân gâtne are hulañmâ katmâ agatmâ yâkgâlân gulep. ⁵¹ Guto hin dâm aikoep, “Gain gain akñibegât nângât?” dâmbô dewunne bok bokne arekne hin dâep, “Humo, âlepne ek dâmenâ dewunne hulañ akñindo âlepne ekbe dâm aregât ulitgingân.” dâep. ⁵² Hain dâmbô hin maganep, “Gâñe biwige nângâlân katât aregât heñgem guguwerân.” dâep. Hain dâmbô ainâk dewunne hulañ akto Yesu olop ariyi.

11

Yesuñe Yerusalem kepiã âgâm ariep.

¹ Arim kepiã kotne Betepage akto Betania ewangi yelekmâ arewa arim Yerusalem ewumâk akto Oliwa gimbânân togoyi. Ain togom Yesuñe hoñ bawalogâtne lâuwâ huñgun yetkim hin dâep, ² “Kepiã ewumâk tatâp âuren âgâm arim ain donji nanñe hikombiã kindâp are ekberat. Amâ donji nanñe are luâkne kakñân bo tatmai irakne are ekmâ hulañmâ mem togoet. ³ Hulañbela amâ luâk siâñe, “Wangât hulañdat?” dâmbô hin dâm maganet, “Humonetñande iregât dâm huñgun netkiâp. Gârâmâ mem arietne âi bo akto benñe mem purikatbaet.” yet hain dâwerat.” ⁴ Yesuñe hain dâm huñgun yetkimbo hoñ bawalogâtne lâuwâ arekne arim donji nanñe emet siâgât hângiân hikombiã kindo ekmâ hulañjat. ⁵ Tâk hulañbela amâ luâk kili arekne yelekmâ hin dâyi,

“Woe, niñande dâmbô hulañdat?” dâmbiã ⁶ Yesuñe den makyetkiep a makbela nângâm âlepne mem ariet dâmbiã mem ariyat. ⁷ Hain akto Yesugâlân mem arim sângum kakñân luguakmini are kakñân katbiã yâkne âgâ talep. ⁸ Âgâ tato luâk dondâne sângum kakñân luguakmini are dâwân leñgaim ariyi. Dâ bikñande amâ kalamânba siã siã esenñe ligim katmâ ariyi. ⁹ Luâk âmbâle dondâ olop ariyi arekne amâ hin koli, “Woe, heñgemnengumapne kembugât laugât togonengiât aregât dâm âlepne akñiñe. ¹⁰ Hakunenñe Dawidi yâkne amâ hân humo akto luâk âmbâle dondâ damunyeñe agep are hainâk gâñe damunnenñe akbiat. Gâñe damunnenñe akbiatgât mârune akten. Anutu kotne mem agatne.” dâyi.

¹¹ Hain agañbiã Yerusalem kepiã togom sumbe kat kat emetñân âgâep. Âgâm siã siã hârok yekmâ metem emet enñe akto gem hoñ bawalupne keiân lâuwâ meyekto Betania kepiã âgâyi.

Yesuñe makto lâwin siã ululun âgâep.

¹² Betania kepiã âgâm yem kinbiã hañdo yâk olop gem Yesuñe sotgât mopne agumbo ¹³ lâwin siã lowot hainare esenñe olop kâlêwângen ekmâ koañe yendâp me bo dâm ari ekto bo agep. Bunñe sopne boâk akto esenñeâk kilep. ¹⁴ Hain ekmâ lâwin aregât hin dâep, “Lâwin iregât koañe lâuwâñe bo yembiap.” dâmbô hoñ bawalupñande nângâyi.

Yesuñe sumbe opmânâba watyegep.

¹⁵ Akto Yesu olop Yerusalem kepiã âgâyi. Âgâmbiã Yesuñe sumbe kat kat opmânñân âgâm luâk âmbâleñe kotne siã siã katmâ añgim kili are watyekmâ siã siâyene me kembâ welamñe me puli kat kat welamñe mem kâwulep. ¹⁶ Opmânân siã me siã agañgiyi are watyekmâ hin makyengiep, “Sumbe kat kat opmânân inba wan me wan bo mem añgi goañgi akmâ bam gutñet. Ye ariñet.” dâep. ¹⁷ Hain dâm amâ wan me wan hekat yeñgiwerâm hin dâep, “Anutunje makyengimbo kulemgoyi are hin tatâp, “Nângât emet amâ wangât kindâp? Luâk âmbâle hân hârok nâ olop tatmâ magañgi goañgi akbaengât kindâp.”

Miti kulem hainâk yendâp are hâkân akmâ hepunbiâ bâleŋe akmai are yengât emet hainare aktâp.” dâep. ¹⁸ Hain dâmbo sumbe kat kat luâk akto Mosegât den makmâ miawagi luâk arekŋe ekmâ, “Gain gain akmâ kondene mombiap.” dâm maganġiyi. Luâk âmbâle hârok Yesugât den âlepŋe aregât nângâmbiâ dâtŋe akto aregât sumbe kat kat luâk me Mosegât den kârikŋe makmini are luâk âmbâle dondâ Yesugât den âlepŋe nângâm hamewakmai. Aregât, “Gain gain akmâ kondene mombiap.” dâyi. ¹⁹ Emet dâgâambo Yesu kepia humo hepunmâ ariep.

Lâwin ululun dâep aregât keiŋe.

²⁰ Yem kinbiâ hauŋdo âmâ dâwân ariyi. Akto arim arim lâwin magep are momberâm kândârânân bak âgâm ululun kârân kindo egi. ²¹ Hain kindo ekmâ Petoroŋe Yesuŋe magep are nângâm Yesu hin maganġep, “Wei, Apo ek. Lâwin den umatŋe kakŋân kalen ina ululun dâm kindâp.” dâmbo ²² hoŋ bawalupŋe hin makyenġiep, “Ye den bunŋe hin makyenġire nângâŋet. Ye biwiyenġe Anutugâlân katŋet. ²³ Luâk siâŋe hân gimbâŋe ekmâ hin dâwiap, “Gimbâŋe are hogoakmâ haruân geâk.” dâm âmâ biwiŋe Anutugâlân katmâ han lâuwâ bo akmâ nângâm heŋgemgom makto âmâ are bunŋe miawakto gimbâŋe are hogoakmâ gewiap. ²⁴ Aregât hin makyenġiwe. Yeŋe siâ me siâgât nângâm Anutu ulilanġmâ are emelâk miawaknengiâp dâm han lâuwâ bo akbiâ âmâ are âmâ Anutuŋe yenġiwiap. ²⁵ Dâ yeŋe ulilanġberâm kinmâ, luâk siâŋe bâleŋe akŋiŋep aregât dosa kutigitân dâmbiâ âmâ Eweyenġande hainâk yengât dosa hepunbiap. ²⁶ Dâ yeŋe luâk yengât dosa mem gangerâwai âmâ hainâk yengât dosa mem gangerâwiap.” dâep.

Parisaioŋe aikombiâ Yesuŋe ikiŋe keiŋe bo makyenġiep.

²⁷ Hain dâm arewa Yesu akto hoŋ bawalupŋe arim Yerusalem kepiân togom sumbe opmânġân âgâmbiâ sumbe kat kat luâk areyengât humomolupyeŋe akto Mosegât den kârikŋe magi luâk are akto Yuda yengât damun yâkŋe yâkgâlân togom

hin dâyi, ²⁸ “Gâ wan me wan akmat are niŋaet lau lokom kinmâ akmat? Niŋande hain akdâm makŋiŋdo akmat?” dâmbiâ ²⁹ hin dâm makyenġiep, “Nâ den konok aiyenġure makniŋbiâ âmâ nâkâ hainâk niŋaet laugât wan me wan akman aregât hâuŋe makyenġiwêrân. ³⁰ Yohaneŋe tu puli âi miep a niŋaet laugât hain akminep. Anutugât laugât me luâk yengât laugât akminep aregât makbiâ nângâwe.” dâep. ³¹ Hain makyenġimbo yâkŋe hin dâm maganġi goanġi agi, “Nen Anutugât lau lokominep dâenŋe âmâ yâkŋe hin maknengiwerâp, “Woe, aregât wangât denŋe bo nângâm lokoyi.” dâmbo anun anġiwâen. ³² Dâ, “Luâk yengât lau lokominep.” dâenŋe luâk yu kindâi irekŋe Yohane propete dâm kuk nengiwiâi. Aregât gain gain maganġeren?” dâyi. ³³ Hain nângâm kinmâ Yesu hin maganġi, “Yohane niŋaet laugât hain akminep nen bo nângâen.” dâmbiâ yâkâ hainâk dâep, “Nâkâ hainâk niŋaet laugât iren wan me wan agân aregât hâuŋe bo makyenġiwêrân.” dâep.

12

Luâk bâleŋande kalam damunŋe akmâ tali aregât den umatŋe.

¹ Yesuŋe den ginŋe siâ hin makyenġiep, “Luâk siâŋe hân siân tâk kotŋe waiŋ are kâmetmâ metem lope dâgâep. Akto waiŋ tuŋe pipikowaengât dâm kondo ketugum heŋgemgom damun yengât emet mem âi kalam hârok ketugum metem hoŋ bawalupŋe hin makyenġiep, “Kalam ire damunŋe akŋet.” dâm hân siâŋen ariep. ² Arim manmâ sop kâlep mando sot bunŋe akto âi luâk siâ sot bunŋe bikŋe meâkgât huŋgun anġo ariep. ³ Arimbo damun luâkŋe mem kom watbiâ yân purik kalep. ⁴ Purik kato benŋe amboŋande âi luâk siâ huŋgun anġo arimbo kautŋe kom hionġmâ mem bâliyi. ⁵ Benŋe amboŋande totokom hoŋ bawa siâ huŋgun anġo yâk yengâlân arimbo kombiâ moep. Kombiâ mondo amboŋande luâk dondâ huŋgun yenġimbo arimbiâ âi damunġande kuk akmâ bikŋe sâwâ yengum bikŋe momoŋe yenġuyi. ⁶ Akto kalam amboŋe aregât nanŋe konok malep. Akto amboŋande

hin dâep, “Nune nanne okotne nânğanman aregât hunğun aņberân. Hunğun aņdere arimbo yâkgât amukņân manbai.” dâep. ⁷ Hain dâm amboņande nanņe hunğun aņdo arimbo âi damunņe nanņe are ekmâ maganņi goanņi akmâ dâyi, “Humo nenņaet nanņe togoâp. Eweņe mondo âi hân ire yâkņe membopgât kondenne moâk. Hain aktenņe âi ire nengât akbiap.” dâyi. ⁸ Hain dâm mem kombiâ mondo kalam ginņângen panbiâ yiep. ⁹ Hain akbiâ âi amboņe are gain gain akbiap? Yâk togom damun are momoņe yeņgum damun âlepņe siânba katyekbiap. Aregât keiņe makyenņire nânğâņet. ¹⁰ Anutuņe propete makyenņimbo kulemgoyi yendâp are oyaņmâ nânğâmai me bo? Den are hin tatâp.

Emet ketugu ketuguân luâkņe lâwin siâ ekmâ hâkņe hâkņe dâm panbiâ yendo Anutuņe lâwin are mendo emetgât kunkun kârikņe agep. ¹¹ Are dewunnenņande ekmâ ire âmâ Humoņe mem miawaktâp dâm kambiamnenņe agatmap.”

¹² Yesuņe Anutugât den tâmbâņe dâmbo Yuda yeņgât humomolupyenņande maganņi goanņi akmâ hin dâyi, “Den ire nen dop nenguwerâm maktâp.” dâm kambiamyeņe bâlimbo aregât mem kala busi kâlegen ain katberâm agi. Hain agi arekņe luâk âmbâle dondâ yeņgât hamewakmâ hâumgom yân hepunmâ ariyi.

Yesu puligât aikoyi.

¹³ Hepunmâ arim Parisaio luâk bikņe akto Herotegât hoņ bawalupņe bikņe Yesugât denņe hami kom mânņi agaņņetgât hunğun yeņgiyi. ¹⁴ Hunğun yeņgimbiâ togom hin maganņi, “Humo, gânğât keige nânğâen. Gâ hianņi den bo makmat. Bunņeâk makmat. Akto horat gorat bo akmat. Gâ luâk hârok Anutugât dâp âlepņe makmâ hekat yeņgimat aregât makmenâ nânğâne. Nen Roma luâk siâ damun nenņe kotņe Sisa are puli waņmaen are âlepņe me bo? ¹⁵ Puli waņbaen me bo?” dâyi. Hain dop kombiâ biwiyenņe keiņe ekmâ nânğâm hin makyenņiep, “Ye nâ denne hami kom katmâ dop nuguâi me? Puli koaņe siâ mem niņbiâ ekbe.” dâep. ¹⁶ Hain

dâmbo waņbiâ mem agatmâ hekatyeņgim hin dâep, “Puli ire ekņet. Iregât otnenņe akto kot ire niņaet?” dâmbo yâkņe dâyi, “Romagât damun nenņe kotņe Sisa yâkgât otnenņe.” dâmbiâ ¹⁷ hin makyenņiep, “Wan me wan Sisagât are âmâ humo purik katmâ Sisa waņbei. Dâ wan me wan Anutugât are âmâ purik katmâ Anutu waņbei.” dâep. Hain dâm makyenņimbo den are nânğâmbiâ dâtņe akto bâtyenņe dâtyenņan igim kinbiâ hanyenņe undup agep.

Momoņân agatbaengât aikoyi.

¹⁸ Akto den makmak luâk siânba kotyeņe Sadukaio luâk are togoyi. Luâk arekņe momoņânba luâk bo agatmai dâmini. Yâkņe togom hin dâyi, ¹⁹ “Humo, Moseņe ulikņân hin dâm kulemgoepe are oyaņmaen, “Luâk siânņe âmbâle mendo nanaņ bo miawakto mondo emiņande kambut mem teuņaet pat nanaņ mem miawakbiap.” Moseņe hain kulemgoepe aregât hin dâne. ²⁰ Emi teu nâmbulân lâuwâ mali. Hain manmâ ulikņân teuyeņande âmbâle mem nanaņ bâlâk manmâ moep. ²¹ Mondo emiņande kambut are mem hainâgâk nanaņ bâlâk manmâ manmâ mondo emiņe siânņe âmbâle kambut areâk miep. ²² Emiteu nâmbulân lâuwâ arekņe âmbâle konok are mem nanaņ bâlâk manmâ mom meteyi. Bâiņe kambutyenņe are hainâgâk moep. Akto luâk nâmbulân lâuwâ are hârogâk âmbâle konok areâk mem mom meteyi. ²³ Gârâmâ sop bânņan agatbaiân âmbâle are niņaet âmbenņe akbiap?” dâyi. ²⁴ Hain aikombiâ yâkņe hin makyenņiep, “Ye Anutuņe makyenņimbo kulemgoyi are akto Anutugât kârikņeņaet pâpkomai aregât nânğâm hilipkom hain dâmai. ²⁵ Luâk me âmbâle momoņânba agatmâ yâk himbimân aņelo mandâi hainare akmâ luâk âmbâle meak meak are hepunmâ yân manbai. ²⁶ Gârâmâ Anutugât denân momoņânba agat agat aregât keiņe makyenņire nânğâm heņgemgoņet. Den ire Moseņe hin kulemgoepe. Mose yâk lâwinân kâlâp ululunņe miawakto ekmâ arimbo Anutuņe hin maganņep, “Nâ Abraham akto Isaka akto Yakopo yâk yeņgât damunyeņe akman.” dâep. ²⁷ Anutuņe hain dâep aregât ye wangât, “Luâk mom âmâ hâkņe

akto otneje hârok momo yânje akmap.” dâmai? A bo. Luâk âmbâle ulikjân manmâ biwiyenje Anutugâlân katmâ manmâ moyi. Dâ otneyeje âmâ golâk mandâi.” dâm makyengiep.

Anutuje den kârikje kalep ain gâtje wan soj lokowaengât aikoep.

²⁸ Akto den nângâ nângâ luâk siâje togom yekmâ kindo Sadukaio luâkne aikombiâ Yesuje den hâuje âlepje makyengimbo ekmâ Yesu hin aikoep, “Anutuje den kârikje kalep ain gâtje wan soj lokowaen.” dâmbo ²⁹ hin dâep, “Anutuje makto kulemgoyi are bikje hin tatâp. Israe yengât hakulupyene ye makyengire nângânet. Kembu Anutunenje kembu bunje yâk konok mandâp. ³⁰ Yeje yâkgâlân biwi kambiamyene me nângâ nângâyeje katbei. Yâkgât âi akto den me lau aregâlâk nângâm kârikje akmâ hanyene konogâk manbei. ³¹ Akto den siâ hin yendâp. Ye yejaet aganjimai hainâk luâk siâ aganbei. Anutugât den kârikje ire kakjân siâ bo tatâp.” dâep. ³² Hain dâmbo Mosegât den kârikje makyengimini areyengâlân gâtjande hin dâep, “Humo, gâje den dâmenâ nângâre ârândân aktâp. Anutu yâk bundâk kembu bunje. Yâk konok. Yâk hainare siâ bo mandâp. ³³ Gârâmâ nâ han nângâ nângâ kârikje yâkgâlân katbian. Akto nenje aganjimaen are hainâk siânba akyengienne ârândân akbiap. Akto Anutugât sumbe me wan me wan siâ agandenje den lâuwâ are bo ewangimap.” dâep. ³⁴ Hain dâmbo Yesuje nângâmbo ârândân akto hin maganep, “Gâ Anutugât amukjân manberâm ewumâk aktât.” dâep. Sop ain luâkne Yesu aikowerâm akmâ Yesuje den hâuje âlepje makyengiep are nângâmbiâ umatje akto hamewakmâ hepuli.

Yesuje ikinjaet keinjaet aiyenguep.

³⁵ Yesuje sumbe opmânjân kinmâ hin dâm aikoep, “Mosegât den kârikje makmai are wangât hin dâmai, “Anutuje hunjun anjo gewiap are âmâ Dawidigât kâmot are yengât hutyenân miawakbiap.” dâmai? Amâ hianjimai. ³⁶ Akto ulikjân Anutugât

Heakjande Dawidi kautjân mendo hin dâep,

Anutu Humoje nângât Humone hin maganep, “Gâ enemnân togom bâte bungen tatmenâ gasalupge keigaet amukjân kâmot katere tâliyekbiat.” dâep.

³⁷ Aregât den keije hin. Dawidije ikinje Humo dâm kolep. Aregât âmâ gain gain akmâ yâk âmâ Dawidigât kâmolân gâtje miawakbiap dâwai?” dâep. Hain dâmbo kâmot humo arekne denje nângâmbiâ dâtje akto herone agi. ³⁸ Sop ain Yesuje den dewatim hin makyengiep, “Ye Mosegât den kârikje maknengimai are hepun yekbei. Yâkne hâkyene mem agat agat akmai. Hain akmâ luâkne dâwân nenekmâ, “Woe nângâ nângâ luâk yengât agak meme âlepje akmai.” dânet dâm aregât sângum kâlep lalakmai. ³⁹ Akto areâk bo. Hâkyene mem agatmâ hin akmai. Den opmânjân me mendugu mendugu opmânjân luâk âmbâle arekne tatmâ nenekmâ egâliar neneknet dâm aregât enemyenân tatmâ yejaet nângâmbiâ âgâmap. ⁴⁰ Hain akmâ âmbâi kambut yengât emet akto kotje siâ siâ kâmbu memai. Hain akmâ luâk âmbâle bikje yengât dewunyenân kinmâ den kâkâlep Anutugâlân makmai aregât Anutuje hâuje bâleje yengimbo dowâk hamep akbai.” dâep.

Âmbâle kambut umburuk siâje Anutugât pat dâm puli kalep.

⁴¹ Yesuje sumbe emetjân âgâambo luâk âmbâle dondâ togom puli kat kat kondôan puli katbiâ gembo yegep. ⁴² Hain akbiâ yekmâ tato sikum luâkne puli katbiâ giep. Hain akbiâ âmâ âmbâi kambut siâje âmâ togom puli gutje gilâmje lâuwâk kalep. ⁴³ Akto Yesuje are ekmâ hoj bawalupje yengondo gutbiâ hin makyengiep, “Îmâ bunje makbe. Âmbâi kambut umburuk irekne âmâ yeandâp are hârogâk katmâ meteâp aregât bikje yengât dop ewangiâp. ⁴⁴ Bikjande âmâ humo yeyengimbo bikjeâk katâi. Dâ âmbâi kambut umburuk ire âmâ talañdâp dopjân hârok katmâ meteâp. Siâ bo talañdâp.” dâep.

13

Sumbe emetnje patakom hilipkowi aregât magep.

¹ Hain dâm sumbe emetņânba gem ariwerâmbo hoņ bawanje siâņe hin dâep, “Humo ek. Sumbe emetnje âlepņe dondâ kât hamepņe olowâkņe ketugum heņgemgoyi.” dâmbo ² hin maganep, “Sumbe emetnje yu ektâi ire hâmbâi gasalupyenande togom hârem gagaim itiņ gulam ketuguwai.” dâep.

³ Yesu akto hoņ bawalupņe gimbâņe kotņe Oliwa ain âgâyi. Âgâm âmâ sumbe emetņe humo are gimbâņe biken tato egi. Ain tatmâ Petoro, Yakopo, Yohane akto Anderea yâkņe Yesu ikiņaet aikom hin dâyi, ⁴ “Maktât are amuten miawakbiap? Akto den are bunņe miawakberâm akto ain kulem gain gain hinare miawakbiap?” dâyi. ⁵ Hain dâmbiâ hin makyenģiep, “Siâņe nâņgâ nâņgâyeņe hilip kowopgât nâņgâm manbei. ⁶ Luâk dondâ miawakmâ nâņgât kolân hâk tunanģim hin dâwai, “Nâmâ Anutuņe huņgun niņdo geân.” hain dâmbiâ luâk dondâņe han gulip akbai. ⁷ Akto den o hilo kot kambon miawakto kugât pat nâņgâm hanyeņe bo bâlim yeugewiap. Hain are miawagâkġât mak makņe miawakto sop humo dowâk bo miawakbiap. ⁸ Akto hânņe hânņe kâmot humo bâleņe akmâ arekņe gasa akmâ agum walakmâ ariwai. Akto hainâk wâriņ mendo duwuņ humo akbiap. Hain akmâ mop humo miawakmâ yembiap amâ hâk hilâlâm nâņgâwai. Hinņe maktere nâņgâi are âmâ umatņe aregât keiņeâk miawakto hamiņân umatņe dondâ miawakbiap. ⁹ Ye heņgem agum manbei. Yeņgât gasalupyenande denân katyekmâ den opmânņân bugâņe yeņguwai. Akto areâk bo. Nâņgât akmâ luâk humomo yâk yeņgâlân meyekmâ arimbiâ yâk yeņgât dewunyeņân kinmâ nâņgât den makyenģiwai. ¹⁰ Akto denne hânņe hânņe sambelem arim metembo hârok nâņgâwaiân âmâ sop humo miawakbiap. ¹¹ Akto gasalupyenande hâkyeņe tunmâ damunlupyene yâk yeņgâlân me kiap yeņgâlân meyekmâ ariwaiân âmâ luâk yeņaet den gain gain den hâuņe dâwaen

dâm nâņgâmâk bo akbei. Sop ain âmâ den makbai are Anutugât Heakņande dâm miawakmâ makyenģimbo âlepņe dâwai. ¹² Sop ain âmâ luâk âmbâleņe hin akbai. Teuņande emiņe kiapgâlân katmâ hianđo kombiâ mombiap. Akto eweņande nanņe kiapgâlân katmâ hianđo kombiâ mombiap. Luâk âmbâi sisikņe ewe memelupyene kiapgâlân katmâ hianđiâ nâņgâmbo yeņgumbiâ mombai. ¹³ Akto patne lokom manmai aregât luâk hârokņe yekmâ nâņgâmbiâ âmâ kukņe olowâk umatņe olop manbai. Gârâmâ bikņande nâņgât pat mem manbai âmâ Anutuņe tânyenģumbo biwiyeņe agato ârândânġak manmâ âgâwai are âmâ Anutuņe meyekbiap.

Siâ me siâ hâkņe hâkņe dondâ miawakbiap.

¹⁴ Ye kulem ire oyanmâ nâņgâm heņgemgowe. Ye manmâ hâkņe hâkņe kautņe bâli bâliņe olop are bo kin kinņân kinbiap âmâ ye den ire nâņgâmbiâ hain miawakto ekmâ nenguwâirâm Yudaia hânângenba pârigim gimbâņe siân âgâwai. ¹⁵ Akto kepia ginņân manbiapņe emetņe kâlegen purik katmâ âgâm ito sikumņe bo membiap. ¹⁶ Akto âiângenba manbiapņe kepiân arim sâņgum dâgâmņe bo membiap. Nuguwâirâm pârigim dowâk gimbâņe siân ariwiap. ¹⁷ Akto sop ain âmbâi tepdâņe me namân gâtņe olowâkņe âmâ gain gain akbai? Umatņe olowâk akbai. ¹⁸ Aregât Anutu hin ulilanbei, “Humo umatņe are tânâk kâlegen bo miawakbiap.” dâwai. ¹⁹ Akto sop ain siâ me siâ hârok wilâgem poyagem metewiap, dop hainare Anutuņe luâk liunmâ mânģiewân bak bo miawagep. Dâ manmâ gai bo miawakbiap. ²⁰ Aregât kembuņe sop are bo dâm hârembo dâine luâk me âmbâle siâ me siâ bo manmâ kârikņe kinbop. Dâ Anutuņe ikiņe kâmotlupņe yâk yeņgât akmâ âmâ sop aregât makto tâlâwâk akbiap. ²¹ Anutuņe hain dâwiap aregât nâņgâm siâņe Anutugât hoņ bawa gewiap are, “Iren nengâlân miawaktâp me yâk indâgen yeņgâlân miawaktâp.” dâmbiâ âmâ bo nâņgâwei. ²² Sop ain hianģi propete siâ me luâk siâ miawakmâ âmâ, “Anutuņe huņgun nengimbo damunyeņe akberâm gejon.”

dâm nângât kâmotlupne heyenġim yenġâlân dewatiwaigât âi humo membai. Akto siâne miawakmâ nângât kolân hâk tunanġim nângât kâmotlupne hilipyenġuwaigât kulem humo memberâm aregât âi humo membai gârâmâ Anutuġe ye yekmâ nângât dâtânġe dâm tânyenġumbo aregât hanyenġe hilipyenġuwaigât dop bo tatbiap. ²³ Are boâk miawakto hinġe makyenġiân are nângâm henġemgom manbei.

Yesuġe lâuwânġe togowiapgât magep.

²⁴ Umatġe humo are bo akto sop ain âmâ hândâk humo arekġe dewutâ hilâm gâtġe dâgâm yembiap. Akto dewutâ hândâknân gâtġe bo pagalewiap. ²⁵ Akto diâ hânân pekmâ gewai. Wan me wan kârikġe himbimân yendâi are duwuġ akbai. ²⁶ Sop ain nâ luâk akmâ geân aregât lâuwânġe hamandat kakġân gem pagaleġe olop kârikġe akmâ gere nekbai. ²⁷ Nânġe aġelolupne huġgunyenġim hin dâwian, “Hân himbim bâinânġen arim luâk âmbâlelupne nune dâtânġe dâman are meyekġet.” dâm huġgunyenġire ariwai. ²⁸ Ye lâut kotġe kâli kak kak are nângâi. Indembo âmâ, “Woe, dewutâ âlepġe komberâm aktâp.” dâmai. ²⁹ Hainâk hâmbâi wan siâ miawakbiap are ekmâ nângâwai, are emelâk ewumâk akmâ Kristo togowerâm aktâp dâwai. ³⁰ Nâ makyenġire nângânġet. Luâk âmbâle yu mandâi ire manbiâk den maktân ire bikġande ekbai. ³¹ Akto hân himbim âmâ bo akbiandat. Dâ denne irekġe âmâ yem âgâwiap. ³² Akto maktân iregât sopġe luâk siânġe bo nângâp. Akto aġelo himbimân mandâi arekġe bo nângâi. Akto Anutugât nanġe nâ bo nângân. Ewene konok yâkġe nângâp. ³³ Sop amuten wan me wan siâ miawakbiap dâm aregât nângâm henġemgom manbei. Ye purik katbian sopġe bo nângâi. ³⁴ Luâk siânġe emetġe hepunmâ kâlewânġen ariwerâm akbiap. Hain akmâ âi luâklupġe hin makyenġiwiap, “Siâ siâ ire lâmġoġet.” dâm âi are potatmâ ikinġeâk ikinġeâk yenġiwiap. Yenġim âi luâk siâ maganmâ hin dâwiap, “Gâ hânġiân ire damun kinben.” dâm ariwiap. ³⁵ Aregât biwi golâk manbei. Gârâmâ emet damunġande âi are mem âmâ purik

katbiap aregât sopġe bo nângâmai aregât damun kârikġe kinmâ manbei. “Enġainġe me hândâktâk, me gokorok indemboân me emet haunġo me ³⁶ asinġ yendere togom nekmâ watnekbop.” dâm hilâm ârândânġ damun kârikġe kinbei. ³⁷ Den ire yeâk bo makyenġiân. Luâk âmbâle hârok yenġât maktân. Amâ biwi golâk manbei.” dâep.

14

Yesu konegât maganġi goanġi agi.

¹ Akto hombanġ siâ aregât kotġe Pasowa are âi meme sopġe lâuwâ bo akto miawakbiapgât ain sumbe kat kat luâk aregât humomolupyeġe akto Mosegât den kârikġe makmâ kepigi arekġe âmâ hin dâyi, “Gain gain akmâ Yesu hianġenne den bâleġe makto aregât kondenne moâk. ² Akto hinġe Yesu mendenne luâk âmbâle dondâ hombanġât togoyi irekġe nângâmbiâ kuk miawakbopġât hinġe bo memberen.” dâyi.

Âmbâi siânġe Yesu tu higenġe âlepġe pulianġep.

³ Akto Yesu Betania kepiân âgâep. Âgâm luâk hâk bâle siâ agep kotġe Simon aregât emelan âgâ tatmâ sot niep. Akto ain âmbâle siâ togoep. Arekġe tu higenġe ukenġe siâ umbâ bâlensiân mem togoep. Tu are akto umbâ are puliġe âgâ âgânġe dondâ are hogom Yesugât kautġân kâiep. ⁴ Kâimbo luâk bikġe ain kili are biwiyeġe bâlimbo hin dâyi, “Wangât tu ire yân kâiâp? ⁵ Nenġe ire luâk yenġâlân mem arim dâine âlepġe puli dondâ mem âmâ luâk umburuk yenġiwâen.” dâyi. Hain dâm âmbâle are peiyi. ⁶ Peimbiâ Yesuġe hin dâm makyenġiep, “Ye âmbâle ire bo peinġet. Wangât umatġe wanġdâi? Âmbâle irekġe okot âlep akniġdâp. ⁷ Sop kâlep luâk umburuk ye olop tatmâ manbai are tânyenġuwerâm aregât aktâi. A âlepġe hain akġet. Dâ nâmâ ye olop sop kâlep bo manbaen. ⁸ Dâ âmbâle irekġe aktâp ire âmâ âlepġe akniġdâp. Tu hâknân kâiâp ire âmâ mombian aregât nângâm akniġdâp. ⁹ Gârâmâ bunġe makyenġire nângânġet. Hânġe hânġe nângât pat ire makyenġim manbai ain âmbâle ire aktâp yâkġât

pat nelâmyenjiwopgât gai makyenjimbiâ nângâwai.” dâep.

Yudasi Yesu hâkne tunmâ puli miep.

¹⁰ Yesugât aposololupne keiân lâuwâ mali are yengât hutyenân gâtne siâ kotne Yudasi arekne sumbe kat kat luâk areyengât humomolupyene are yengâlân arim hin makyengiep, “Nâne Yesu yâgâten me yâgâten mando ain hekatyengire meanbai.” dâm makyenjimbo ¹¹ nângâm biwiyene herone akto puli wanbaigât maganji. Akto aregât den dâpne gain gain makyengire Yesu mem miawaknet dâm dâpgât undâgâlep.

Yesune luâklupne olop sot neyi.

¹² Akto homban kotne Pasowa are keine katmâ sot bo kauliep are nemini. Akto sop ain lama gâim om nemini. Aregât hoj bawalupnande Yesu maganmâ hin dâyi, “Sot songo emet wanân ondenne nemberen?” dâmbiâ ¹³ Yesune aposolologâtne lâuwâ hungun yetkim hin dâep, “Yet âmâ Yerusalem kepiariet. Arim luâk siâ ain umbâ helen helenân tu hâgâm lokom manmâ yelektu aikombela kewugu yelekmâ emet are hekat yetkiwerâp. ¹⁴ Hekatyetkimbo emet amboje hin dâm maganberat, “Humo netnande hin dâp, “Nângât emet kom hâre hârene are yâgâten hoj bawalupne olop sot nemberen?” hain dâp.” dâmbela ¹⁵ kom hâre hârene humoâk egon kaknângen are hekatyetkiwerâp. Emet kâlegen are âmâ dâgâm me kondo bunewâk hejgemgoyi, ain arim sot wan kalet.” Hain dâm hungunyetkimbo ariyat. ¹⁶ Arim Yesune makyetkiep are mem miawakmâ sot are mem hombangât wan me wan hejgemgoyiat.

¹⁷ Hain akbela engaine akto Yesu togom aposololupne keiân lâuwâ olop sot songo are neyi. ¹⁸ Nem tatmâ hin dâep, “Makyengire nângânet. Yu tatâi yengât hutyenânba siâne nângât gasa akmai are yengâlân arim nâ mem nuguwerâi aregât keine hekatyengiwerâp are nâ olop tatmâ sot nenden ire.” dâep. ¹⁹ Hain dâmbo aposololupnande biwiyene umatne akto siâkâ ikiyeâk ikiyeâk hin maganji, “Maktât amâ nâ mon?” dâyi. ²⁰ Hain dâmbiâ Yesune

hin makyengiep, “Amâ luâk keiân lâuwâ tatâi yengâlân gâtne konok luâk are âmâ yu nâ olop sot nemberen kondo kâlegen bânnetne pandetne geâp yâkgât den umatne makyengire nângânet. ²¹ Anutugât den bunne miawakto luâk akmâ geân nâ mombian gârâmâ nângât gasa yengâlân katnekerâp arekne umatne humo mem manbiap. Luâk are memenande bo miep dâine owâine aganbop.” dâep.

²² Akto aposololupne sot nem tali akto Yesune sot siâ mem munditmâ Anutu mepaine mem hin makyengiep, “Ire âmâ nângât sunumne aregât dop.” hain dâm yengimbo neyi. ²³ Akto wain hâpu siâ mem kinmâ âkâ hainâk Anutu mepaine mem yengimbo neyi. ²⁴ Nembiâ den hin makyengiep, “Tu ire âmâ nângât gilâmne aregât dop. Tu yu kâim yengire nendâi gârâmâ hâmbâi Anutune den pat kârikne kalep are miawakto nugumbiâ gilâmne gembo luâk âmbâle dondâ areyengât dosa bo akbiap. ²⁵ Nâ hinne wain koane tune bo nembian arekne maleine bunewâk Anutune damunyen akberâm keine kato ain tu irakne nembian.” hain dâm makyengiep.

²⁶ Hain dâm makyenjimbo Anutugât kotne mem agatmâ kep siâ membiâ bo akto arewa sopanmâ Oliwa gimbânân âgâyi.

Yesune Petoro maganep.

²⁷ Âgâm ain aposololupne hin makyengiep, “Anutune makyenjimbo kulemgoyi aregât bikne hin tatâp,

“Nâne bau damunyen kondere mondo bau are awam akmâ kâit akmâ metewai.”

Den pat are bunne miawakto menekberâm togombiâ ye hârok gem awam akmâ hanâk hanâk ariwerâi. ²⁸ Gârâmâ nugumbiâ mondere han nugumbiâ momonânba agatmâ arim Galilaia hânân lâm yenguwian.” dâep. ²⁹ Hain dâmbo Petorne hin maganep, “Gângât gasa togombiâ hamewakmâ ariwerâi me bo. Bo nângân. Dâ nâmâ bo hepun gekberân. Gâ olop tatmâ tân gugum âgâwian.” dâep. ³⁰ Hain dâmbo Yesune hin maganep, “Makgindere nângâ. Hândâk unak gâne nângâ yâkgât kotne bo nângâman dâm makyengimenâ sop âlâwu akto ainâk gokorok lâuwâne

indewerâp.” dâmbô ³¹ kârikne akmâ hin dâep, “Bo. Nâ gê olowâk mombaet aregât hamep bo aktân. Akto nâ gânġât kotge bo mem heambukberân.” hain dâep. Dâmbô galalupne hârok hainâk dâyi.

Yesune Ewene ulilanep.

³² Arewa ari kalam siâ kotne Gesemane ain ariyi. Ain arim Yesune aposololupne makyenġim hin dâep, “Ye ge tatbiâ indâġen ba kinmâ Apo maġanmâ ulilanberân.” dâmbô ge tali. ³³ Hain akmâ arewa Petoro, Yakopo akto Yohane meyekto bayi. Ba kinmâ biwine umatne akto hin dâm makyenġiep, ³⁴ “Ye âmâ iren damun tatnet. Biwine umatne dondâ akto gain gain manberân aregât tân nugum iren damun tatnet.” dâm makyenġiep. ³⁵ Makyenġim hepun yekmâ getek indânġân ba hânân ge tatmâ Anutuġe umatne ire hepunniġâk dâm hin ulilanep, ³⁶ “O Apo, gugak âmâ siâ me siâ hârok miawakbiapġât bo pâpkomat aregât uġak umatne miawak niġberâm aktâp ireġât bo niġ dâm ulit ġiġdân. Gârâmâ ġâne âmâ nânġât nânġâ nânġâne bo watben. Guge nânġâ nânġâġe watben.” dâm ulilanep. ³⁷ Hain akmâ purik katmâ bam yekto aposololupne âlâwu are asiġ yeyi. Yembiâ yekmâ Petoro goaġmâ hin maganep, “Simonġ ġâ asiġ yendât me? Hinne hepun yektân ina pâlâmne yendât.” dâm ³⁸ aposololupne âlâwu are hin dâm makyenġiep, “Biwiyeġande âmâ laune lokowerâm aktâp. Dâ hâkyeġe âmâ konam aktâp areġât hâkne hâkne arekne togom dop yeġuwerâm akbopġât damun kinmâ Anutu ulilanep.” dâep. ³⁹ Hain dâm makyenġim purik katmâ bam lâuwâne hainâk Anutu ulilanep. ⁴⁰ Ulilanmâ metem purik katmâ ġutmâ yekto asiġġât dondâ nânġâyigât asiġâk yem tali. Hain akbiâ hainâk aiyenġumbo dengât pâpkom aġun aġim tali. ⁴¹ Hain akmâ kinbiâ hepunyekmâ bam hainâk âlâwune akmâ guto asiġ yembiâ hin dâm makyenġiep, “Ye asiġ yem mandâi mon? Bâin. Uġak âmâ nâ luâk akmâ ġeân areġât dosa luâk yeġġâlân katneko menekmâ hilip nuguwerâigât sop ewumâk aktâp. ⁴² Gârâmâ bâin agatmâ indâre yeknet. Nânġât halop hogoâp ina togoâp. Ye agatbiâ arim penianne.” dâep.

Yesu meyi.

⁴³ Den are hain dâm makyenġimbo kinbiâ ainâk indâġenba Yudasine luâk dondâ sumbe kat kat luâk areyengât humomolupyeġe akto Moseġât den kârikne makyenġimini akto Yuda yeġġât damunlupyeġande huġun yeġġimbiâ Yudasine kewugu yekto togoyi. ⁴⁴ Akto luâk gasa kewugu yekto togoyi are âmâ Yudasî Karioto ġâtne luâk are Yesu iġine hoġ bawa inarekne ari gasa tirip katyeġim hin makyenġiep, “Yesu are âmâ lokom maġandere ekmâ âmâ hikom mem ariwei.” dâm makyenġim kewugu yekto tâwât bugâ me soġ soġ lokom togoyi. ⁴⁵ Togom gasa are inġon kinbiâ Yudasine Yesuġât enemġân âġâm, “Humone.” dâm lokom maġando ⁴⁶ olowâk togoyi arekne âġâ Yesu mem hikoyi. ⁴⁷ Akto luâk kili are hutyeġânba siâne tâwât mem oloġmâ sumbe kat kat humo yeġaet hoġ bawa siâ kârâmbo oloġ akto ondopneâk kârâm hâriep. ⁴⁸ Hain akto Yesune hin makyenġiep, “Ye nânġât nânġâm âmâ bugâ luâk dondâ hanyenân ge mandere teġġâ soġ soġ lokoakbiâ bugâ humo miawakbopġât togoâi mon? ⁴⁹ Nâ hilâmne hilâmne sumbe emetġân Anutuġât den pat makyenġiman sop ain menekbâi ġâten. Anutuġe hârok nânġâm makyenġimbo kulemgoyi are yendâp are bunne miawagâġġât hinne meneknet.” dâmbô ⁵⁰ aposololupneġande hepunmâ gem awam agi.

⁵¹ Akto Yesu hamiġân togombiâ yâġġât kâmolân ġâtne luâk sigan siâ sânġum kau kau konok lalakmâ togoep. ⁵² Togombo memberâm akbiâ pâriġimbo sânġum kau kau areâk mem hulanġiâ sânġum bâlâk pâriġim ariep.

Yesu den âiân kali.

⁵³ Akto Yesu mem sumbe kat kat areyengât humoġâlân ariyi. Yâġġât emelan âġâmbiâ sumbe kat kat luâk areyengât humomolupyeġe akto Moseġât den kârikne makyenġiyi are akto Yuda luâk areyengât humomolupyeġe arekne âġâmbiâ mendugum kili. ⁵⁴ Akto Petoro purik katmâ yoġâk hamiyenâġen yoġâk watyekmâ togom emet kili areġât ġiġġân ba sombeimân

kilep. Bam ain luâk humo aregât tembe lokolupne yengât hutuyenân tatmâ kâlâp nângâm talep. ⁵⁵ Tato emet ain âgâyi arekne luâk niñande Yesugât agak meme are nângâp are makto kone dâm ai aguyi. Ai pei agum keñe undâgâli. ⁵⁶ Hain akmâ luâk dondâne den anğâ anğâ hogom togo hâkgân hâkgân agi. Akto den are dopne konogâk bo magi. ⁵⁷ Siânbañe siâ dâmbiâ dâmbiâ agi. Akto luâk siânbañe Yesugât hianği den hin magi, ⁵⁸ “Den siâ hin makto nângâyion, “Sumbe emetne humo meyi ire gagaim patakore awam akmâ yendo hilâm âlâwu kâlegen nunak bâtnandeak mem metewian.” dâep.” dâyi. ⁵⁹ Hain dâmbiâ den yu dâyi ire gai den ulik gulik magi are olop dop konok bo agep. ⁶⁰ Akto sumbe kat kat yengât kautñande hutuyenânba agatmâ kinmâ Yesu hin magañep, “Gâ wangât den hâuñe siâ bo maknengiât. Den anğâ anğâ hogom togo hâkgân hâkgân aktâi iregât nângâmenâ ârândân aktâp me bo? Gain gain maknengimenâ nângâne.” dâep. ⁶¹ Hain dâm magañdo Yesuñe den hâuñe bo magañmâ denñe nâñâk kilep. Akto sumbe emetñaet luâk humo arekne totokomâk hin magañep, “Gâ Anutuñe huñgun giñdo gien are me siâ? Humo kotne mem agatmaen aregât nanñe gâ me?” dâep. ⁶² Hain dâm magañdo Yesuñe hin dâep, “Gâñe ya maktât are amâ nâ. Nâ luâk akmâ geân aregât nâmâ kârikne amboñe Anutugât enemñân manman aregât Anutuñe kârikne niñmâ huñgun niñdo himbimânba hamandat olop gem amâ hârok damunyañe akbian ain amâ nekbai.” dâep. ⁶³ Hain dâmbo sumbe kat kat luâk humo arekne den are nângâm biwiñe kâlâp akto aregât ikiñe sângumne mem duwatmâ galalupne hin makyengiep, “Siâne siârâm siârâm akbiâ amâ den âi humo membâen. ⁶⁴ Luâk ire amâ Anutugât kotne mem bâlimbo nângâen aregât ye gain gain nângâi?” dâmbo luâk âmbâle mendugum kili arekne Yesugât hin dâyi, “Moâkgât dâp miawaktâp.” dâyi. ⁶⁵ Hain dâm arewa keñe katmâ tâwutkoyi. Akto bikñande sângumne dewunne dâgâm tigim koyi. Kom kinmâ hin dâm magañi, “Ondopge hogoâp aregât kotne kon.” dâmbiâ tembe lokeñe ondopne hogoyi.

Petoro hamewakmâ, “Nâ Yesugât kâmolân gâtne bo.” dâep.

⁶⁶ Akto Petoro inğon emet aregât ginñân tatmâ kâlâp nângâm talep. Tato ainâk emet aregât amboñe luâk humo aregât sumbe kat kat yengât kautne yâkgât hoñ bawa âmbâle siâ togoep. ⁶⁷ Togom ekto Petoro kâlâp nângâm tato âmbâle arekne ekmâ totokomâk totokomâk egep. Ekmâ hin magañep, “Gâ Yesu Nasarete kepiân gâtne are olop manmandat.” dâep. ⁶⁸ Hain magañdo Petoroñe muney akmâ magañep, “Nâ luâk are bo nângañdân akto den maktât aregât keñe bo nângân.” dâep. Dâm amâ dâwângen ariwerâm gembo gokorok indiep. ⁶⁹ Gokorok indembo âmbâle arekne Petoro yonâk egep. Ekmâ kinmâ arekneâk hin dâep, “Luâk ire amâ Yesugâlân gâtne.” dâm makyengiep. ⁷⁰ Makyengimbo Petoroñe lâuwâne hainâk magep, “Bunñe dondâ nâ luâk are bo nângañdân.” dâep. Akto getek kinmâ luâk enemñân kili arekne Petoro hin magañi, “Gâ maktât aregât den amâ Galilaiane makmai han hainângen maktât aregât gâmâ Galilaia areyengâlân gâtne.” dâm magañi. ⁷¹ Hain magañbiâ makmâ bâleñeâk magep, “Anutugât metenân makmâ kârigem makberân. Nâ yeñe luâk kotne kondâi are bo ekmâ heñgemgoman.” dâep. ⁷² Hain dâmbo ainâk gokorok lâuwâne indiep. Indembo nângâm Yesuñe den hin magañep are hannân ga togoep, “Gâ gokorok lâuwâne bo indemboâk nângâ yâkgât bo nângâ anman dâmenâ âlâwu akbiap.” dâep are hannân ga togombo nângâm okotne akto indiep.

15

Pilatoñe Yesu aikoep.

¹ Akto emet hañdo ain sumbe kat kat areyengât humomolupnye akto Mosegât den kârikne makyengimini akto damun hârok menduguyi. Mendugum Yesu hikom mem kiap kotne Pilato gâlân arine dâm den âi meyi. ² Hain akmâ mem Pilato gâlân arimbiâ hin magañep, “Yuda yengât luâk humoyeñe are gâ me?” dâmbo Yesuñe hin dâep, “Amâ gâñe ya maktât are.”

dâep. ³ Akto sumbe kat kat yengât humomolupyene arekne den angâ angâ hogom togo hâknân hâknân agi. ⁴ Hain akbiâ Pilatoje Yesu hin maganep, “Gâ den hâune siâ wangât bo makmâ kindât? Nângâ. Den angâ angâ hogom togo hâkgân hâkgân aktâi.” dâm maganep. ⁵ Hain dâmba Yesune den hâune bo makberâm aregât yânâk kilep. Kindo Pilatoje nângâm han lâuwâ agep.

⁶ Akto Pasowa hombañ sop ain âmâ kala busiânba luâk ikinak siâ bo watyekminep. Luâk âmbâleje togo luâk siâ konbiâ watmâ watmâ akminep aregât nângâep. ⁷ Sop ain âmâ luâk siâ kala busiân talep kotne Baraba arekne uliknân kugât dâtnje mendo agum luâk siâ kombiâ moep aregât akmâ kala busiân katbiâ talep. ⁸ Akto luâk âmbâle mendugum kili arekne uliknân akminen hainâk ak dâm Pilato konmâ tali. ⁹⁻¹⁰ Akto Pilatoje hingât nângâm, “Sumbe kat kat areyengât humomolupyenande, “Luâk âmbâle hârokne Yesugât kotne mem agatbiâ nengât gewop.” dâm nângâmbiâ bâlimbo aregât Yesu mem nângâlân togoâi.” dâm nângâm hin makyengiep, “Ye Yuda yengât luâk kembuyeje ire hepundere yengâlân gulâkgât nângâi me wan?” dâm makyengiep. ¹¹ Hain dâm makyengimbo sumbe kat kat luâk arekne luâk âmbâle hin makyengi, “Ye konmâ wârakbiâkâ Baraba konok hepundo geâk.” dâm makyengi. ¹² Hain dâm makyengimbiâ hainâk konmâ wârakbiâ Pilatoje lâuwâne hin makyengiep, “Ye nângâi. Yuda yengât luâk kembuyeje dâmai ire gain mângiwegât nângâi?” dâep. ¹³ Hain dâm makyengimbo luâk âmbâle arekne konmâ hin dâyi, “Lâwinân kombiâ moâk.” dâyi. ¹⁴ Hain dâmbiâ Pilatoje hin makyengiep, “Wan akmâ hilipkoâp?” dâmba luâk âmbâle arekne konmâ wârakmâ, “Lâwinân kombiâ moâk.” dâm wâragi. ¹⁵ Akto Pilatoje luâk âmbâle dondâ wâragi aregât okotyene âlepne agâk dâm tembe lokolupne hin dâm makyengiep, “Baraba kala busiânba huñgun añbiâ ariâk.” dâmba arim huñgun añbiâ ariep. Akto tembe lokolupnande Yesu handomne orem lâwinân kondenne moâkgât mem ariyi.

¹⁶ Akto tembe lokoje Yesu mem kiap humogât emetne ain mem âgâyi. Mem âgâm tembe loko hârogâk yengonbiâ togoyi. ¹⁷ Togom âmâ sângum gilâm siâ lalanmâ tâk dâtâ dâtâ siâne irimut ketugum kautnân kaunaji. ¹⁸ Hain akmâ siânbañe lau elek aganmâ hin magaji, “Wei, Yuda yengât luâk kembuyeje.” dâyi. ¹⁹ Hain dâm kâroje mem kom tâwutkom togo enemnân pâwutyene ligianmâ girinaji. ²⁰ Hain akmâ sângum gilâm are higoimâ ikinje sângum lalanmâ lâwinân komberâm mem ariyi.

Yesu lâwin parâñân koyi.

²¹ Mem arim dâwân luâk siâ egi are kotne Simon Kirene hânân gâtne Alesande akto Rupu eweyetne are halângenba togom mando dâwân egi. Ekmâ wârakmâ tatbiâ Yesugât lâwin are lokombo ariyi. ²² Arim hân siâ kotne Goligata den purikne amâ kaut hagitne ain ariyi. ²³ Akto hâk hilâlâm humo nângâwop dâm waiñ akto biwi gulip tu kâim mendugum wanbiâ borâep. ²⁴⁻²⁵ Akto dewutâ gambo lâwinân koyi. Kom mem anunbiâ kindo sângum memberâm kotyene kulemgom are umbâ kâlegen panbiâ gembo luâk kotyene miawakto arekne sângum are meyi. ²⁶ Akto kom kautnân lâwin uliknân kulem kulemgoyi aregât keine hin, “Ire Yuda yengât luâk kumbu.” ²⁷ Akto bugâ koko kâmburâ lâuwâ siâ Yesugât gasomne biken biken lâwinân yetkuyi. ²⁸ Akto Anutune makyengimbo kulemgoyi âmâ hin yendâp are bunne miawagep, “Nângât hoñ bawane yâk luâk bâleje hâkne hâkne yengât hutyenân katbai.” dâep. Are bunne miawakto aregât luâk kâmburâ lâuwâ olop yetkuyi. ²⁹ Akto luâk âmbâle gam ariyi arekne Yesu den hembalik mângim hin dâyi, “Sumbe kat kat emetne gagaim hilâm âlâwu kâlegen ketuguwian dâmat aregât ³⁰ bân kârikne akmâ lâwinânba ge.” dâyi. ³¹ Akto sumbe kat kat luâk areyengât humomolupyene akto Mosegât den kârikne makyengimini arekne hainâk den hembalik mângim maganji goanji akmâ hin dâyi, “Luâk angâ âmâ tân yengumap. Dâ ikinje âmâ wangât bo tânaguâp? ³² Anutune huñgun ando togom Yuda luâk nengât luâk kumbu

mandâp dâmai inarekne lâwinânba gembo ekmâ âmâ den are bunne dâm nângâweren.” dâyi. Hain dâmbiâ Yesugât enemne bip bip yetkuyi lâuwâ arekâ hainâk den bâlene maganjat.

Yesu moep.

³³ Akto hilâm tânâmñân ain hândâk humo dâgâm yendo engaine agep. ³⁴ Engaine akto ain are Yesune kot hin kolep, “Eli Eli lama sabaktani?” dâep. Den purikne âmâ, “Anutune, Anutune wangât hepun nektât.” dâep. ³⁵ Akto luâk ain kili ainba siânbañe nângâm hin dâyi, “Âure nângâñet, Elia kondâp.” dâyi. ³⁶ Akto luâk siâne pârigim arim sângum papañe siâ kâroân bigeim wain ñasukñân panmâ mem agatmâ Yesugât launân katmâ kinmâ galalupne hin makyengiep, “Eliane bunne gem tângombo lâwinânba gewerâp me bo aregât ekmâ kinne.” dâep. ³⁷ Hain akto Yesu kârikneâk kamboñmân ainâk panagep. ³⁸ Akto sângum humo sumbe emetñân kilep are tânâmñânba duwalakmâ giep. ³⁹ Akto tembe loko humoyene siâ Yesugât enemñân kilepgât ekmâ kindo mondo hin dâep, “Ire amâ Anutugât nanñe bunne.” dâep.

⁴⁰ Akto âmâbâle bikne ain kili arekâ getek kâlêwânâk kinmâ ekmâ kili are hutyeñân kilep siâ kotne Maria Madala kepiân gâtne akto Maria siâ Yakopo bâlensiâ akto Yose areyetgât memeyetne, akto Solome. ⁴¹ Are âmâ Galilaia hânân Yesugât hoñ bawa akbiâ olop mali. Akto yâk konok bo. Âmâbâle bikne Yesu olop Yerusalem kepiangenba togoyi are olowâk kili.

Yesu hangoyi.

⁴² Âi bo meme sopne irawot akto emet dâgâwerâm akto ain Arimataia kepiân gâtne luâk siâ kotne Yosepe are togoep. ⁴³ Luâk are âmâ damun akto kaunsoli yengât hutyeñân mando ekmâ luâk âlepne dâmini. Are Anutune hoñ bawañe huñgun añdo gem damun agâk dâm ulilañep. Hain akmâ yâkne hamep bo akmâ Pilatogât emet kâlegen âgâm ba enemñân kilep. Kinmâ, “Yesugât hâkne mem arim hangowerân.” dâep. ⁴⁴ Dâmbo Pilatone hanñe undup akto tembe lokoñe siâ hin maganjep,

“Emelâk mondâp me? Bam ek.” dâmbo bam ekmâ gutmâ emelâk mondâp dâep. ⁴⁵ Hain dâmbo Pilatone Yosepe maganmâ, “Âlepne Yesugât hâkne mem ari hango.” dâep. ⁴⁶ Akto Yosepeñe bam sângum kau kau siâ puligom mem ari Yesugât hâkne are mem ge sângumân are katmâ katipkoep. Hain akmâ mem ari kât dâpne siân ulikñân parâ parâ kendâyi ain katmâ kât humo siâ hâkokombo tigiep. ⁴⁷ Akto Maria Madala gâtne akto Yose memene are Yosepeñe Yesu kât dâpñân kalep sum are ekmâ kiliat.

16

Yesu momoñânba agalep.

¹ Âi bo meme sopne are bo akto hândâk pipine tatoâk Maria Madala gâtne akto Maria siâ Yakopo memene akto Solome Yesugât hâkne hambuwopgât dâm tu higenne ukenne puligom mem togoyi. ² Sonda hândâktâk dewutâ gambo ain sumângen arim dâwân yeneâk maganñim hin dâyi, ³ “Niñande tân nengumbo kât humo are hâkokoweren.” dâyi. ⁴ Hain dâm togom kinmâ ekbiâ kât humo sum dâpne tigiep are bo yiep. ⁵ Are ekmâ kât kâlegen âgâyi. Âgâm ekbiâ luâk sigan siâ sângum kau kau humo luguakmâ bâteñe bungen kindo ekmâ sân sân mem hamewagi. ⁶ Akto luâk arekne hin dâm makyengiep, “Bo hamewakñet. Ye Yesu Nasarete gâtne lâwinân koyi are ekberâm togoâi amâ emelâk agatmâ ariâp. In bo yendâp. Gutmâ in kali aregât gewâkne ekñet. ⁷ Yeâmâ arim Petoro akto hoñ bawalupne aposololupne bikne are makyenginet amâ Yesu âmâ ulikñân makyengiep hain aktâp. Emelâk Galilaia hânân ariâp. Gârâmâ ye ari makyengimbiâ Galilaiagen ari ekñet.” dâep. ⁸ Akto âmâbâle are kât kâlegenba gam hamewakmâ biwiyene gulip agepgât luâk siâ aregât den pat bo makyengiyi.

⁹ Akto Sondan emet haunjo hândâktâk Yesu momoñânba agatmâ arim Maria Madala kepiân gâtne ulikñân ikinjak sinduk baniara bâlene nâmbulân lâuwâ watyengiep yâkgâlân arim miawaganep. ¹⁰ Miawaganjo arim Yesu haminângen olop manmâ indeañmâ mali are arim

makyenjiep. ¹¹ Makyenjim hin dêep, “Yesu âmâ togo miawakniᅇdo ekmâ yu togoân.” dâmbô den are bo nânᅇgaᅇi. ¹² Akto arewa luâk lâuwâ siâ kepia are hepunmâ arim manbela dâwân Yesuᅇ enem dewunᅇe siâ akto miawak yetkiep. ¹³ Akto luâk lâuwâ arekᅇe Yesu egiat aregât purik katmâ arim galalupyetᅇe makyenjiyat. Akto yâkᅇe, “Den are hianᅇiat.” dâm nânᅇgâyi. ¹⁴ Akto sop siân aposololupᅇe keiân konok arekᅇe sot nem tatbiâ Yesuᅇ hutyeᅇân togo kilep. Kinmâ hin makyenjiep, “Wangât biwiyenᅇe nânᅇgâlân bo kali? Akto momoᅇânba agatere âmbâleᅇe nekmâ togom makyenjimbiâ, “Hianᅇiâi.” dâyi are wangât hain agi.” dâm kugâk kugâk akyenjiep. ¹⁵ Akto hin dâm makyenjiep, “Yeâmâ arim hânᅇe hânᅇe nânᅇgât den pat âlepᅇe ire makyenjiwei. ¹⁶ Luâk siâ bunᅇe maktâi dâm biwiyenᅇe nânᅇgâlân kato tu puli anbai are âmâ sop humoân dosa bâlâk kinbiap. Dâ siâ nânᅇgâm hianᅇiâi dâm nânᅇgâlân biwiyenᅇe bo katbiap akto bo nânᅇgâniᅇmâ kepilâniᅇbiap are âmâ dosa mem manmâ kâlâpᅇât pat akbiap. ¹⁷ Nânᅇgâlân biwiyenᅇe katmâ manbai arekᅇe âmâ kulem keiᅇe keiᅇe membiâ yekmâ, “Ire Yesugât kârikᅇân kindâi.” dâwai. Kulem are âmâ hin. Nânᅇgât kolân sinduk baniara bâleᅇe watyekbai. Akto denyenᅇe irakᅇe membai. ¹⁸ Akto hâme hewuk niambi sâmbâ bo ekmâ tâlimbiâ yeᅇgimbo bo mombai. Akto wan me wan sait kâmbokᅇe nem âmâ bo mombai. Akto luâk kundatdâ areyeᅇgât hâkyenᅇân bâtyenᅇe katbiâ âlepᅇe akbai.” Yesuᅇ hain makyenjiep. ¹⁹ Makyenjimbo Anutᅇe oloᅇdo hepunyekmâ himbimân purik katmâ âgâep. Âgâm Anutugât bânᅇe bungen ain talep. ²⁰ Akto aposololupᅇe arim kepienᅇe kepienᅇe Yesugât den pat makyenjim mali. Manbiâ ain ikinjak kârikᅇe yeᅇgimbo kulem keiᅇe keiᅇe membiâ luâk hârokᅇe are ekmâ, “Luâk ire âmâ den bunᅇe makmâ manmai.” dâyi.

Luka Kulemgoep

Lukanje Yesugât den pat âlepne kulemgoep.

¹ Apo Teopilo, Luâk âmbâle bikñande Yesu olowâk maliñe wan me wan bunñe nengât tânâmnennân miawagep are ekmâ keiñânbak dâm luâk hârok maknengiyi.

² Dâm maknengimbiâ luâk unduwâkñe den pat are heñgemgowerâm kulemgoyi.

³⁻⁴ Akto gâñe keiñânbak den pat are nâñgâen gârâmâ kulem esenñe ire oyanmâ keiñe nâñgâm heñgemgowiatgât den pat are hârogâk heñgemgom tâñ tâñâk kulemgom katgiñdân. Den pat are hin.

Añelone Sakaria miawagep.

⁵ Uñgunân Herotene Yudaia yengât luâk humo malep. Mando âmâ yâk yengât sumbe kat kat luâk siâ malep kotñe Sakaria, yâk Abia yâkgât kâmolân gâtñe akto yâkñe âmbâle siâ kotñe Elisabete are âmâ Aron yâkgât kâmolân gâtñe are miep.

⁶ Akto Anutugât dewunñân manmâ bâlene bo akminiat. Âlepne manmâ Anutugât den are lokom manmâ gayiat. ⁷ Akto luâk âmbâi lâuwâ are gupin akmâ manmâ gam sâmbâ agiat.

⁸ Akto sumbe kat kat luâk yâkñe amboñân amboñân akmâ Anutugât sumbe omini. ⁹ Akto omini aregât sop tâlâgumbo âmâ humomolupñande hin dâyi, “Sakaria Anutugât biwiñe geâkgât wan me wan omenâ higenñe agalâk.” dâmbiâ, sumbe kat kat emetñe ain âgâep. Âgâm sumbe ondo âmâ ¹⁰ luâk âmbâle bikñande sumbe kat kat emetñe aregât kâlegen gam Anutu ulilañmâ kili. ¹¹ Ulilañmâ kinbiâ âmâ Anutugât añelo siâne Sakaria miawaganmâ ombiâ higenñe agep aregât alata bungen kilep. ¹² Miawaganmâ kindo luâk sâmbâ arekñe ekmâ sân sân mem hamep akmâ kilep. ¹³ Hamewakmâ kindo añelone hin dâm magañep, “Sakaria bo hamewak. Âmbengande nanañ luâk membiapgât Anutu ulilañmâ gamat aregât bunñe Anutuñe nâñgâ añdo âmbengande nanañ siâ membiap aregât kotñe Yohane

dâm konbiat. ¹⁴ Akto miawakbiawân kambiamge herone akbiap. Akto miawakto ainâk luâk unduwâkñe aregât herone nâñgâwai. ¹⁵ Akto nanañânbak Anutugât Heakñande memene agañbiap. Akto yâk âmâ Anutugât dewunñân luâk humo akmâ manbiap. Akto tu kârikñe bo nem manbiap. ¹⁶ Akto miawakmâ manmâ âgâm Israe luâk mem hâwât yekto âmâ biwiyeñe Kotdâ Anutugâlân katmâ manbai. ¹⁷ Akto emelâk Eliane Anutugât bâtnân manmâ kârikñe mem malep hainâk nangande manmâ âgâm Anutuñe hoñ bawane huñgun añdo gewiap yâkgâlân luâk âmbâlene biwiyeñe katñetdâm aregât arim den pat makyenñiwiap. Akto hain dâm arim nanañ akto ewelupyeñande kuk akyenñiwai are makyenñimbo gala akyenñiwai. Dâ den koko yâk makyenñimbo ârândân manmai yâk yengât nâñgâ nâñgâgât dâp watbai. Akto Kembune ikinje kâmot olonyegep yâk yengât biwiyeñe agalâkgât nangande makyenñim âgâwiap.” dâep. ¹⁸ Anutugât añelone hain dâmbo Sakariane hin aikoe, “Net luâk âmbâi sâmbâ agiotgât gâñe nanañgât dâmenâ nâñgâre bunñe bo aktâp hain dâm aktân. Gain gain nâñgâre bunñe akbiap?” dâep. ¹⁹ Hain dâmbo añelone hin dâm magañep, “Agon aktere nâñgâ. Nâ Gabirie, nâ Anutugât hoñ bawa manman. Ire nek. Huñgun niñdo gem den bunñe makgiñdân. ²⁰ Gârâmâ heniñdât dât aregât dosa amâ hin akbiat. Gâñe kopa akmâ den bâlâk manmâ âgâmenâ den yu makgiñdân ire bunñe akbiap sop ain âmâ âlepne akbiat.” Hain dâm ainâk heambukto Sakaria ikinjeâk kilep. ²¹ Sakariane sumbe emetñân âgâm sop kâlep mando luâk âmbâlene gain gain akmâ sop kâlep mandâp dâm aregât han lâuwâ agi. ²² Hain akbiâ emelâk yâk yengâlân gem âmâ den makyenñiwêrâm akto âmâ laune tigiakto kopa agep. Kopa akto aregât hin dâyi, “Yâk âmâ sumbe emetñân âgâmbi biwiñe purik kato kulem siâ miawaktâp are ektâp.” Hain dâmbiâ yâkñe bâtnandeak kulem akmâ den makberâm hâumgoep. ²³ Hain akmâ tato âmâ âi sopñe bo agep. Âi sopñe bo akto kepien purik katmâ ariep. ²⁴ Purik katmâ arimbo manbela emelâk

âmbenjande tepne agep. ²⁵ Tepne akmâ âmâ hin dâep, “Anutu Kotdâne nângâ niŋdo tepne aktân aregât luâk âmbâle dewunyeŋân anjun hulaŋ akniŋdâp.” dâep. Hain dâm emetjânâk tato dewutâ momerâk bo agep.

Anelone Mariagâlân miawagep.

²⁶ Dewutâ momerâk bo akto âmâ Anutune anjelo kotne Gabirie are lâuwâne huŋgun anep. Huŋgun anjo Nasarete kepia are Galilaia hânân talep ain âmbâle sigan siâ malep yâkgâlân giep. ²⁷ Akto âmbâle sigan are kotne Maria are Dawidigât kâmolân gâtne luâk siâ kotne Yosepe yâkgât dâtâne malep. ²⁸ Akto anjelo arekne maganmâ kinmâ hin dâep, “Anutune gekmâ âmbâle âlepne aktât nângâm memene akniŋdâp aregât herone ak.” dâep. ²⁹ Anelone hain dâmbo nângâmbo biwiŋe umatne akto biwiŋande hin nângâep, “Den makniŋdât aregât keiŋe gain gain?” dâep. ³⁰ Hain dâmbo anelone hin maganep, “Maria, gâ bo hamewak. Anutune gekmâ âlepne manmat nângâp. ³¹ Aregât gâne nanaŋ mem kotne Yesu dâm konbiat. ³² Yâkne âmâ luâk humo tâmbâ mando âmâ Anutu Humo dondâ yâkgât nanne dâwai. Akto Humo Anutune bâginenŋe Dawidi yâkgât gewâkŋân kato ³³ Yakobogât kâmot nengât luâk kotdâ manbiap. Akto luâk damunyeŋe akmâ âi mem kârikne manmâ âgâwiap.” dâep. ³⁴ Hain dâmbo Mariana hin dâm maganep, “Nâ luâk bâlâk mandângât den are âmâ gain gain akmâ kârikne akbiap?” dâmbo ³⁵ anelone hin maganep, “Anutugât Heakjande tigi gekto Anutu Humo yâkgât bâtjân kinmenâ meme akniŋdo ain gâtne nanaŋ membiat aregât kotne siâ kau salek salek are Anutugât nanne konbai. ³⁶⁻³⁷ Akto den siâ makniŋdere nângâ. Anutune hain akberâm aregât bo ewum pâpkomap. Lâuge Elisabete are gupinâk manmâ âmbâi sâmbâ aktâp yâk Anutune meme agaŋdo tepne akmâ nanaŋ luâk membiap. Akto dewutâ nâmbulân konok bo akto aregât kakjân âmbâi gupin dâmai are hain miawaganbiap.” ³⁸ Anelone hain dâmbo Mariana hin dâm maganep, “Nâ Humogât hoŋ bawa âmbâle aregât den maktât are hanâgâk akniŋbiap. Hanâgâk

akniŋdo âmâ âlepne dâwian.” dâmbo anjelo are purik katmâ ariep.

Mariana Elisabetegâlân ariep.

³⁹ Akto Maria manmâ âgâmbo kâlep bo akto âgâm arim Yudaia hân gimbanjân kepia siâ talep ain ariep. ⁴⁰ Ain arim Sakariagât emelan âgâm Elisabete ekmâ maganmâ herone agaŋep. ⁴¹ Herone agaŋdo nângâmbo ainâk tepne kâlegen nanaŋ arekne piriŋ piriŋ kalep. Hain akto Anutugât Heakne Elisabete kautjân mendo hin dâm maganep, ⁴² “Lâune Anutune meme akniŋdo gângât herone marone arekne âmbâle hârok yeŋgât ewangiyekbiap. Akto Anutune nanaŋ membiat aregât tângowiapgât herone akbiap. ⁴³ Gâne Kembunenŋe membiat are nângâm hin nângân. Nâmâ âmbâle yâne mandân aregât nângâlân togomenâ ârândân bo aktâp. ⁴⁴ Togom nogonmenâ ainâk nanaŋ tepnân herone akmâ bam guto nângân. ⁴⁵ Akto den siâ makbe. Emelâk Anutune makniŋep are bunne akbiap aregât biwige herone aktâp.” dâep.

Mariana Anutu maganmâ herone agep.

⁴⁶ Hain dâmbo Mariana hin magep, “Nâne Anutugât kotne mem agatmâ hin dâwe. ⁴⁷⁻⁴⁸ Nâ Anutugât hoŋ bawa manmâ âmbâle yâne mandân. Aregât Anutu Humone nângât okot nângâ niŋmâ mem agat nektâp. Mem agat nekto luâk kâmotne kâmotne nângât nângâm Anutune tângombo herone akmap dâmai. ⁴⁹ Anutu Humo dondâ arekne damunne akmap arekne wan me wan âlepne akniŋep aregât kotne mem agatmâ âmâ Anutugât biwine herone aktâp. ⁵⁰ Akto luâk âmbâle bikne nenŋe Anutugât hamewakmâ denŋe lokoŋne nengât biwinenŋe nângâm yaiwâk aknengim âmâ bâgilupnenŋe miawakbai are hainâk hainâk akyenŋiwiap. ⁵¹ Anutune wan me wan mem miawak yeŋgiwerâm akto aregât niŋande luâk âmbâle hâkyeŋe mem bâliwiap? Akto agatmâ, “Nenŋeak humo akten.” dâmbiâ are mem biwiyene gulip yeŋgumbo awam akmai. ⁵² Akto bikjande luâk humo akmâ mem damunyeŋe akberâmbiâ hain are mem gulip yeŋgumap. Hain akbiâ âmâ luâk

yânje me luâk gegeje are mem agat yekmap. ⁵³ Akto mop yengimap yâk yengât damunyeje akmâ sot yengimap. Akto luâk sikum olop manbiâ yâk mem gulip akyengimbo yân manmai. ⁵⁴ Akto uliknân âmâ den dâm bâgilupnenje yengât pat dâtâje makyengiep aregâlâk nângâm manmap, aregât Israe luâk âmbâle nengât han kalem akmâ damun akmap. ⁵⁵ Akto bâgilupnenje Abrahamgât kâmot okotje nângâ nengimbo nen Abrahamgât kâmot akmâ manmâ âgâwaen nengât dâtâje aregât bunje miawaktâp. Aregât kotje mem agatbe.” dâep. ⁵⁶ Mariane hain dâm Elisabete olop malep. Akto yâk olop manmâ dewutâ âlâwu bo akto kepiânân purik katmâ ariep.

Yohane miawagep.

⁵⁷ Purik katmâ arimbo Elisabete sopje miawakto manmâ nanaj miep. ⁵⁸ Mendo âmâ lâulupje kepia ambolupnande Anutu Humone Elisabete okotje nângâepgât nângâm yâk olowâk kambiamyeje herone agep. ⁵⁹ Hain akbiâ hilâm nâmbulân âlâwu bo akto âmâ mendugum nanaj aregât hâkne gâiwerâm âmâ ewejaet kot nambe Sakaria are konberâm agi. ⁶⁰ Hain akbiâ memenjande hin makyengiep, “Bo. Kotje Yohane konberen.” dâep. ⁶¹ Hain dâmbo hin maganji, “Are âmâ tâulupge yâk yengâlân gâtje siâ kot nambe hain are siâ bo tatâp.” dâm maganji goanji akmâ hin dâyi, ⁶² “Eweje luâk kopa are gain gain nângâp?” dâm bâtyenandeak kulem akbiâ ⁶³ tapegât ulityengimbo tape papañe siâ mem wanji. Wanjiâ gâwu mem hin kulemgoep, “Kotje Yohane konberen.” hain kulemgoep. ⁶⁴ Kulemgombo oyanmâ nângâmbiâ ainâk den miawaganjep aregât Anutugât kotje mem agalep. Kulem are miawakto ⁶⁵ kepia ambolupnande nângâmbiâ dâtje akto kulem aregât hanyene lâuwâ akto den arekne herone akmâ sambelem kepia ewumâk ewumâk hârok ariep. ⁶⁶ Luâk âmbâle Yuda gimbâje tete kepianje kepianje malije den are nângâm hin dâyi, “Nanaj hain arekne humo akmâ gain gain akbiap?” hain dâm hanyeneâk akmâ nângâyi. Akto Humone tângombo malep.

Sakariane Yesugât keije dâm miawagep.

⁶⁷ Akto Anutugât Wâtgât memenjande nanaj aregât eweje Sakaria kautjân mendo den kârikje hin dâep, ⁶⁸ “Israe luâk nen Kembunenje Anutu mepaije mene. Yâkne âmâ luâklupje mete katnengim gan-nenje dâmap. ⁶⁹ Hain akmâ âmâ Dawidi yâkgât tepjân gâtje konok miawaganmâ hengemgo nengiwiapgât hambo kunkun akbiapgât anujep. ⁷⁰ Âmâ tâmbâje dondâ hân miawagewânba ain propetelupje makyengimbo den makmâ mali dopjân hainâgâk miawaktâp. ⁷¹ Akto siâje gasa aknengiwiap. Aknengim âmâ hilipnenguwerâm akbiâ âmâ tân nengumbo âlepje manbaen. ⁷² Akto uliknân Anutuje bâgilupnenje yengât okotje nângâm den kârikje katyengiep are kambiamyenân kato tato bo nelâm añep. ⁷³ Akto tân nengumbo ainâk gasalupnenjande bo hilip nenguwai aregât pat Abraham are makmâ hâreañep. ⁷⁴ Aregât Israe nen hârogâkne Humonenje Anutugât âlepje dâm ikinje den lokom bo hamep akmâ ⁷⁵ wan me wan bâleje bo akmâ gala konok akmâ biwi irakneâk manbaen. ⁷⁶ Nanne gâ irekne sigan akmâ Humonenje ulik gulik agañbiat. Gâje soñ akmâ aregât hin dâm makyengiwiat, “Humonenje irawot togom hengem nenguwiap aregât nângâ nângâyeje bâleje hepunbiâ biwiyene Anutugâlân ari kindo Anutuje kambiamje nângâm dosayeje hepun yengiwiâp.” dâm makyengimenâ nângâwai. ⁷⁷ Gâ hain akmâ kembu luâklupje âlepjaet den potatmâ yengimenâ nângâm hengemgombiâ dosayeje bo akbiâp. ⁷⁸ Anutunenje han kalemje humo yendâpgât dâmbo egonba hândâktâk pagalem arekne ⁷⁹ hândâknân akto momo bâlâpnân talion nen mem hauñ nenekmap. Akto oloñnenekmâ dâp sânduknân katnenekmap.” Sakaria hain dâep.

⁸⁰ Akto nanaj are hagitje tinj tinj dâmbo hâk biwi olowâk humo agep. Humo akmâ manmâ eweje memenje hepun yelekmâ hân kamitjângen luâk bo manmaiângen arim malep. Manmâ manmâ makyengiwiapgât sop tâlâgumbo âmâ purik katmâ Israe luâk âmbâle hutyenân arim

miawakmâ malep.

2

Yesu nanan miawagep.

1-2 Akto uliknân kiap humo siâ kotnje Kuirinio yâk Siria yengât kiap humo malep sop ain âmâ Roma luâk kotdâ siâ malep kotnje Augusto yâkne den kârikne hin dâep, “Luâk hânne hânne areyengât kotyene oyanjekbiâ yekbian.” dâep. Are âmâ agak meme hain are umbunân bo agi. Irakne keiñe katmâ kulemgoyi. 3 Keiñe katmâ hârogâk oyanjekberâm akto aregât kepia yengângenba hârogâk purik katmâ arim meteyi. 4 Arimbiâ Nasarete kepia are Galilaia hânân talep ain gâtne luâk siâ kotnje Yosepe, are Dawidigât kâlegen gâtne are hainâk Yudaia hânân Dawidigât kepia kotnje Betelehem ain ariwerâm âmbâle ikinje dâtâne are kewugumbo olop ariyiat. 5 Yosepe akto âmbâi patne dâtâne kotnje Maria tepdâk malep are kewugumbo kotyetne kulemgowerâm ariyiat. 6 Arim luâk yâkne menduguak menduguak emetne are pikbiâ aregât makao emetnân âgâ taliat. 7 Tatbela Marianje nanan memberâm hâk hilâlâm nângâmbo nanan ulik gulikne miawagep. Miawakto sângumne mem katipkom makaone sot nemai ain kondoân katbela ge talep.

8 Akto kepia ewumâk ain luâk bikñande hândâgân umilinân lamalupyene damunyeñe akmâ kili. 9 Kinbiâ âmâ Anutugât anjelo siâne yâk yengâlân miawakto Anutugât pagalenande erâmbo ekmâ ongâyeñe hogoep. 10 Akto anjelo arekne hin dâm makyengiep, “Bo hamep akñet. Nângâi. Nâne den pat âlepne siâ mem togoân ire makyengire nângâñet. 11 Uñak ire âmâ hengemgo yekbiapgât luâk arekne âmâ Dawidigât kepia kautnân ain miawaktâp. Yâkne âmâ damunyeñe akbiap. Aregât den ire sambelem arimbo luâk âmbâle hârokne nângâm herone akbai. 12 Akto nanan are sângumneak katipkom makaone sot nemai kondo are kâlegen katbela tatâp gârâmâ arim âmâ mem miawakbi. Akto nângât den bunne nângâñetgât arim mem miawakmâ nângâm hengemgoñet.” dâep. 13 Anjeloñe den hain dâm makyengimbo

ainâk anjelo kâmot humo togom galayene penianbiâ menduguakmâ kinmâ Anutugât kotnje mem agatmâ hin dâyi, 14 “Anutune luâk âmbâle bikne nângât dâtâne dâm potatyegep are yengât herone akyengimbo yengâlân gala konok miawak yengâp. Aregât nen hârogâk herone akmâ himbimân egon Anutugât kotnje mem agaten.” dâyi.

15 Hain dâm himbimân purik katmâ âgâmbiâ lama damunyeñe yâkne hin dâm maganji goanji agi, “Nen Betelehem kepien arim Anutune anjeloñe hungun anjo gem den maknengâp are bunne mem miawakne.” dâyi. 16 Hain dâm dowâk pârigim arim Maria akto Yosepe yâk yetgâlân arim mem miawakyelekmâ âmâ nanan makaogât kondoân katbela ge talep are egi. 17 Ekmâ nanan aregât den pat are luâk âmbâle makyengim mali. 18 Makmâ miawakbiâ nângâm hin dâyi, “Yae, nanan arekne hâmbâi gain gain akbiap?” dâmbiâ biwiyene agalep. 19 Akto Marianje den are biwinân kato kindo malep. 20 Akto lama damunyeñe are purik katmâ arim wan me wan egi aregât den pat are nângâm anjeloñe makyengiep are miawagepgât Anutu mepainje mem kotnje mem agatmâ kinmâ herone agi.

Simeon akto Hana yetgât den pat.

21 Akto ainba hilâm nâmbulân âlâwu bo akto hâkne gâim kotnje Yesu koli. Nanan are bo miawaktoân anjeloñe Mariagâlân miawakmâ, “Kotnje Yesu konbiat.” dâepgât aregât laune lokom kotnje Yesu dâm koli.

22 Akto uliknân Moseñe hin kulemgoep are tatâp, “Âmbenlupyenande nanan membiâ âlepne akto âmâ Anutugât den pat lokombiâ yekto ârândân akbiâp.” dâm den kârikne kulemgoep den are lokom kinmâ âmâ Maria akto Yosepeñe Yesu mem Yerusalem kepien mem âgâyiat. 23 Âgâm âmâ uliknân Anutune den hin dâep are lokoyiat, “Nanan luâk ulik gulik miawakto are âmâ Humogât pat konbai.” Den are lokom kinmâ agiat. 24 Akto Humogât den kârikne siâ talep are hin, “Eweñe memene kembâ lâuwâ me gâmut lâuwâ mem huit

oyelekmâ Anutu wanbiandat.” Den are lokom kinmâ ariyiat.

²⁵ Akto sop ain Yerusalem kepiam luâk siâ malep kotne Simeon, yâkne âmâ Anutugât den lokom luâk âlepne manmâ Anutuhe hengemgo nenekbiapgât hungun anjo miawakbiap aregât lâmgom malep. Akto Anutugât Heaknande biwinân hutgombo malep. ²⁶ Akto emelâk Anutugât Heaknande den siâ hin maganep, “Gâ boâk mombialân Anutu Humoyenande damunyehe agâkgât hungun anjo gewiap are miawakto ekbiat.” dâep. ²⁷ Akto Anutugât Heaknande memenehe aganjo owâine akmâ Israe yengât sumbe kat kat emetjân âgâep. Âgâambo âmâ Maria akto Yosepe Anutugât den lokowerâm nanyetne mem âgâmbela ²⁸ Simeonhe nanan are lokom hin dâm Anutu maganep, ²⁹ “O Humo dondâ, hinne Israe damunnenne akbiap yâk miawakto ektângât biwine herone aktâp. Den are emelâk magen ina are bunne aktâp. Hain gârâmâ mombiangât sop miawaktâp. ³⁰ Akto nanan ire guge hungunanmenâ humo akmâ luâk âmbâle hengem nenguwiap ina ektân. ³¹ Amâ gâ hân ârândâh luâk âmbâle hârokne eknetgât mem miawaktât. ³² Arekne Anutu bo nânganmai yâk yengât han ewum pagalewiap. Akto luâklupge Israe nengât egâlian pagalehe aknengiwiap.” ³³ Nanan aregât hain dâmbo ewene memenande nângâmbela biwiyetne agatmâ hogoep. ³⁴ Akto Simeonhe Anutuhe tân yetkuâk dâm Anutu ulilanmâ nanan aregât memenehe are hin dâm maganep, “Nângât. Israe potalakmâ bikne biwinenne yâkgâlân katenne kindo manbaen. Dâ bikne âmâ yâkgât hâkâh akbiâ biwiyene pâlâmne akto bâliwai. ³⁵ Akto siân kambiamge dondâ bâliwiap. Hain are miawakto ain luâk dondâhe agak memenenne ekmâ keinenne mem miawakbai.” dâep.

³⁶ Akto âmbâle siâ Anutugât den makmâ miawakmâ malep are kotne Hana are Panuegât baratne Asa kâmolân gâtne akto âmbâle arekne ulikjân luâk mendo manbela homban nâmbulân lâuwâ bo akto luâkne moep. ³⁷ Mondo aregât kakjân ikinjak kambut manmâ âgâambo

homban 84 are bo akto âmbâi kambut akmâ malep. Akto âmbâle arekne hilâmne ârândâh sumbe kat kat emetjân âgâm Anutu ulilanminep. Akto sopne sopne sot bâlâk manmâ ulilanep. ³⁸ Akto yâkne sop ain sumbe kat kat emetjân âgâm nanan are egep. Ekmâ âmâ Anutu herone aganmâ maganep. Maganmâ Yerusalem kepiam ambolupnande Anutuhe damunyehe are hungun anbiap aregât lâmgom mali yâk Yesugât keine makyengiep.

³⁹ Akto Maria akto Yosepe den kârikne lokowerâm nanyetnaet sot dâtâne are Anutu wanmâ metem kepiam yetjângen Nasarete are Galilaia hânân talewân ain purik katmâ ariyiat. ⁴⁰ Arim manbela nanyetnaet hagitne kârigembo nângâ nângâhe humo akto Anutuhe memenehe aganep are nângâm kinmâ agak memenehe âlepneâk akminep.

Maria akto Yosepehe Yesu kewugum Yerusalem kepiam âgâyiat.

⁴¹ Akto ulikjân anelo siâhe Israe luâk damunyehe akmâ Aigita are yengât nanan ulik gulik miawagi are yenguep aregât nângâm homban kotne Pasowa ain serâ omini. Serâ omberâmbiâ sop miawakto aregât Yosepe akto Mariane kepiayetne hepunmâ Yerusalem kepiam âgâyiat. ⁴² Akto Yesu nanan are hombanne 12 akto luâk sisik akto serâ are omberâm kewugumbela olowâk âgâyi. ⁴³ Âgâm manbiâ homban are bo akto luâk âmbâle awam akbiâ âmâ Maria akto Yosepe yâkne nanyetne bo ekbela tato Yerusalem kepiam are hepunmâ yetneâk purik kaliat. ⁴⁴ Purik katmâ arim hin nângâyiat, “Nannetne kâmot humo yâk olop emelâk ariâp mon?” dâyiat. Hain dâm dâwân arim galalupyetne yengât hutyenân undâgâtbela bo akto manbela hândâk agep. ⁴⁵ Akto galalupyetne aiyengum undâgâtbela bo akto purik dâm Yerusalem kepiam purik katmâ arim undâgâlanjat. ⁴⁶ Undâgâlanbela hilâm âlâwu bo akto âmâ sumbe emetne ain âgâyiat. Âgâmbela âmâ Yuda luâk den makyengimini are yengât hutyenân tatmâ amâ denyehe nângâm aregât keinaet aiyengumbo tali. ⁴⁷ Hain tatmâ yâk hârogâkne nângâ nângânaet akto

denjaet nângâm ekbiâ biwiyenje agatmâ hogoep. ⁴⁸ Akto yâk yengât hutuyenân tato mem miawakmâ âmâ han undup akmâ kiliat. Akto memenande hin dâm maganep, “Ewege olop net gângât undâgât ginjetne bo akto kuknetkimbo togoet. Aregât gâ wangât hain aktât?” ⁴⁹ Hain dâmbo hin makyetkiep, “Gain gain akmâ kulâgâtneimâ mandat? Nâ Ewenaet âiân memberâm akman are bo nângât me?” dâep. ⁵⁰ Hain dâmbo denje are nângâmbela hâumgoep. ⁵¹ Are âmâ memenande denje are biwinân katmâ nângâm gaep. Hain akto yâk olop Nasarete kepijan purik katmâ arim yâk yetgât den lokom malep. ⁵² Akto nângâ nângâne humo akto manmâ gambo Anutu akto luâk âmbâle hârokne ekbiâ ârândân agep.

3

Yohanenje âi keiñe kalep.

¹ Roma luâk siâ kotne Tiberio Sisa are Roma yengât luâk humo manmâ gambo homban 15 bo agep. Bo akto âmâ Yohanenje âi keiñe katmâ miep. Sop ain luâk siâ kotne Pontio Pilato yâk Yudaia yengât kiap humo malep. Akto luâk siâ kotne Herote yâk âmâ Galilaia luâk âmbâle yengât damunyenje akmâ malep. Akto emiñe kotne Pilipo yâkne âmâ Ituraia akto Trakoniti yâk yengât luâk humo malep. Akto luâk siâ kotne Lisania, yâkne Abilene yengât luâk humo malep. ² Akto sumbe kat kat luâk are yengât kautne lâuwâ maliat kotyetne Anasi akto Kaipa luâk lâuwâ are luâk humo akmâ manmâ gayiat. Sop ain Sakariagât nanje kotne Yohane are hân kamitnângen mando âmâ Anutunje den dâm wanjep. ³ Den dâm wanjo Yodan tu biken biken manmâ hin dâm makyengiep, “Agak memeyenje bâleñe are makmâ miawakmâ biwiyenje Anutugâlân katbiâ kindo togombiâ tuân katyektere dosayenje bo agâk.” dâep. ⁴ Akto uliknân Anutunje dâmbo propetenje Yesaia yâkne den hin kulemgoep aregât bikne hin tatâp,

“Luâk siâñe hân kamitnângen manmâ hin dâm tatâp, Humogât dâp megatnet.

⁵ Mem gimbanje mambâñe are kârâmbiâ dâp konogâk agâk. Akto

hân hutaguâk akto hurun dâmbo âmâ totokombiâ dâp ârândânâk agâk. Akto dâp gonjon menjon are tân tânâk hengemgowai. Akto dâp bâleñe are mem âlepne ketugunet. ⁶ Akto luâk âmbâle hârok Anutunje hengem nenguwerâm aktâp aregât keiñe nângâwai.”

Yesaianje hain kulemgoep are bunje akto Yohane miawagep.

Yohanenje den ginñe makyengiep.

⁷ Akto luâk dondâ yâkne Yohanegâlân togom tuân kat nenegâk dâmbiâ aregât hin dâm makyengiep, “Niambigât kâmot ye bâleñe hâñe togowerâm aktâp are hamewakmâ awam akmâ arinetgât niñande makyengiep? ⁸ Ye hanyenje purikatmâ manbaigât dopne bunje penianmâ ariwai. Dâ hin bo maknet, “Nen Abrahamgât kâmot manden.” Nâ makyengire nângâñet. Anutunje kât ire makto luâk akmâ Abrahamgât kâmotlupne irakne yengât dumyenân miawakbai. ⁹ Akto den ginñe siâ makyengiwe. Unam are emelâk dâtne hâwim lâwin keiñan kato tatâp. Arekne lâwin siâ bunje bo kindâp are kârâm kâlâwân ombiap.” dâep. ¹⁰ Hain dâm makyengimbo âmâ hin dâm aikoyi, “Wei, aregât gain gain akbaen?” dâmbiâ hin makyengiep, ¹¹ “Luâk siâñe hâk pekenje lâuwâ talaño galañe umburuk mandâp are ekmâ âmâ âlepne wanbiâp. Akto sot potatmâ wanbiâp.” dâep.

¹² Akto gawaman puli meme luâk yâkne hainâk tuân katnenegâk dâm togoyi. Togom aikom hin dâyi, “Ewenenñe, nen gain gain akbaengât nângât?” dâyi. ¹³ Hain dâmbiâ hin makyengiep, “Damunlupyenande gawaman puli dop hainâk menjet dâm makyengimbiâ aregât yene siâ bo dewatim membai.” dâep. ¹⁴ Akto tembe loko yâkne hainâk yâkgâlân togom dâyi, “Nenñe âmâ gain gain akbaengât nângât?” dâmbiâ hin dâm makyengiep, “Siâgât wan me wan ekmâ kuyengimbiâ yeukne akbiâ are bo membai. Akto wan me wan memberâm akmâ âmâ bo hianjim ire nengât dâwai are borondâ membai. Agak meme ire akbai âmâ âigât puliñe yengimai are ârândân akto areâk membai.” dâep.

Yohanenye Yesugât keiye makmâ miawakyeŋgiep.

¹⁵ Akto luâk arekne Yohanegât nângâm biwiyene hikom hin dâyi, “Anutuŋe huŋgun aŋdo togom damun nenŋe akbiap aregât biwinenŋân katmâ manmaen are ire me aŋgâ?” dâm nângâyi. ¹⁶ Nângâm aikombiâ hin dâm makyenŋiep, “Nâ tu yân puliyektân. Dâ siâ haminângen togom mandâp yâk âmâ kârikneŋe dop siâ yeandâp. Yâk nâ hin arekne sikungât ito goliandere ârândâŋ bo akbop. Yâkne âmâ Heakgât kâlâp are puliyekbiap. ¹⁷ Akto yâkgât den ginŋe siâ makyenŋiwe. Sot pipiŋe urutmâ kâlâwân panmaen dop hainâk yâkne gagap mem urutmâ kâlâwân katbiap. Dâ sot neneŋe kitalân katmaen dop hainâk sot âlepne potatmâ katbiap.” ¹⁸ Yohanenye hainâk dâm pat âlepne are kârikneâk makyenŋiep.

Heroteŋe akmâ hilipkoep.

¹⁹ Akto sop ain luâk humo Herote yâkne âmâ kandâŋe kotŋe Herodia are emiŋaet âmbâle are kâmbu miep. Mem âmâ aregât kakŋân agak meme bâleŋe dondâ mendo dosaŋe humo miawagep. Hain akto Yohanenye, “Bo agakne aktât.” dâm den kârikne maganep. ²⁰ Maganŋdo nângâmbo bâlimbo aregât Yohane mem lope kâlegen kato talep, aregât Heroteŋe dosa siâ miep.

Yohanenye Yesu tu puliep.

²¹ Ulikŋân luâk dondâŋe Yohanegâlân arim tuân katyegâkgât magani. Maganbiâ tuân katyegep. Katyekto âmâ Yesu yâkâ hainâk arim maganep. Maganŋdo tuân kato sopanmâ Anutu ulilaŋdo ainâk himbim pâroŋ âgâmbo ²² Anutugât Wâtgât memene Heakŋande himbimânba lâut kotŋe kembâ hainare akmâ Yesugât kakŋân giep. Gembo himbimânba Anutuŋe den siâ hin dâm Yesu maganep, “Gâ nanne kambiamnân gâtne aregât gekmâ ukenne nângân.” Anutuŋe den hain dâep.

Yesugât bâgilupŋaet kotyene.

²³⁻³⁸ Yesu bâgilupŋaet kotyene âmâ hin. Keiŋe katmâ Anutuŋe Adam akto Ewa kat yelegep. Akto Adamne Ewa mendo Sete miep. Setene humo akmâ âmbâle mendo nanŋe kotŋe Enosi miep. Enosiŋe humo

akmâ âmbâle mendo nanŋe kotŋe Kenan miep. Kenanŋe humo akmâ âmbâle mendo nanŋe kotŋe Mahalale miep. Mahalaleŋe humo akmâ âmbâle mendo nanŋe kotŋe Yarede miep. Yaredeŋe humo akmâ âmbâle mendo Enoko miep. Enokoŋe humo akmâ âmbâle mendo Metusala miep. Metusalaŋe humo akmâ âmbâle mendo Lamek miep. Lamekŋe humo akmâ âmbâle mendo Noa miep. Noaŋe humo akmâ âmbâle mendo Sem miep. Semŋe humo akmâ âmbâle mendo Arpasada miep. Arpasadaŋe humo akmâ âmbâle mendo Kenan miep. Kenanŋe humo akmâ âmbâle mendo Sela miep. Selaŋe humo akmâ âmbâle mendo Ebe miep. Ebeŋe humo akmâ âmbâle mendo Pelege miep. Pelegeŋe humo akmâ âmbâle mendo Ragau miep. Ragaŋe humo akmâ âmbâle mendo Serugu miep. Seruguŋe humo akmâ âmbâle mendo Naho miep. Nahoŋe humo akmâ âmbâle mendo Tara miep. Taraŋe humo akmâ âmbâle mendo Abraham miep. Abrahamŋe humo akmâ âmbâle mendo Isaka miep. Isakaŋe humo akmâ âmbâle mendo Yakobo miep. Yakoboŋe humo akmâ âmbâle mendo Yuda miep. Yudaŋe humo akmâ âmbâle mendo Perese miep. Pereseŋe humo akmâ âmbâle mendo Hesoroŋ miep. Hesoroŋŋe humo akmâ âmbâle mendo Arani miep. Araniŋe humo akmâ âmbâle mendo Adamin miep. Adaminŋe humo akmâ âmbâle mendo Aminadaba miep. Aminadabaŋe humo akmâ âmbâle mendo Nasoŋ miep. Nasoŋŋe humo akmâ âmbâle mendo Sala miep. Salaŋe humo akmâ âmbâle mendo Boasi miep. Boasiŋe humo akmâ âmbâle mendo Obede miep. Obedeŋe humo akmâ âmbâle mendo Isai miep. Isaiŋe humo akmâ âmbâle mendo Dawidi miep. Dawidiŋe humo akmâ âmbâle mendo Nataŋ miep. Nataŋŋe humo akmâ âmbâle mendo Matata miep. Matataŋe humo akmâ âmbâle mendo Mena miep. Menaŋe humo akmâ âmbâle mendo Melea miep. Meleaŋe humo akmâ âmbâle mendo Eliakim miep. Eliakimŋe humo akmâ âmbâle mendo Yonam miep. Yonamŋe humo akmâ âmbâle mendo Yosepe miep. Yosepeŋe humo akmâ âmbâle mendo Yuda miep. Yudaŋe

humo akmâ âmbâle mendo Simeonj miep. Simeonje humo akmâ âmbâle mendo Lewi miep. Lewi je humo akmâ âmbâle mendo Matata miep. Matata je humo akmâ âmbâle mendo Yorim miep. Yorim je humo akmâ âmbâle mendo Eliese miep. Eliese je humo akmâ âmbâle mendo Yosua miep. Yosua je humo akmâ âmbâle mendo Ere miep. Ere je humo akmâ âmbâle mendo Elimadam miep. Elimadam je humo akmâ âmbâle mendo Kosam miep. Kosam je humo akmâ âmbâle mendo Adi miep. Adi je humo akmâ âmbâle mendo Meliki miep. Meliki je humo akmâ âmbâle mendo Neri miep. Neri je humo akmâ âmbâle mendo Sealitie miep. Sealitie je humo akmâ âmbâle mendo Serubabe miep. Serubabe je humo akmâ âmbâle mendo Resa miep. Resa je humo akmâ âmbâle mendo Yoanan miep. Yoanan je humo akmâ âmbâle mendo Yoda miep. Yoda je humo akmâ âmbâle mendo Yosek miep. Yosek je humo akmâ âmbâle mendo Semein miep. Semein je humo akmâ âmbâle mendo Matatia miep. Matatia je humo akmâ âmbâle mendo Mata miep. Mata je humo akmâ âmbâle mendo Nagai miep. Nagai je humo akmâ âmbâle mendo Esili miep. Esili je humo akmâ âmbâle mendo Nahum miep. Nahum je humo akmâ âmbâle mendo Amosi miep. Amosi je humo akmâ âmbâle mendo Matatia miep. Matatia je humo akmâ âmbâle mendo Yosepe miep. Yosepe je humo akmâ âmbâle mendo Yanai miep. Yanai je humo akmâ âmbâle mendo Meliki miep. Meliki je humo akmâ âmbâle mendo Lewi miep. Lewi je humo akmâ âmbâle mendo Matata miep. Matata je humo akmâ âmbâle mendo Eli miep. Eli je humo akmâ âmbâle mendo Yosepe miep. Akto Yosepegât hin nângâm hilipkoyi, “Yosepe je amâ Yesugât ewe je.” hain dâyi. Dâ Yesu amâ Anutugât nan je are himbimân gât je. Akto Yesu je mando hombanj 30 are bo akto amâ ai kei je kalep.

4

Niambi je Yesu dop koep.

¹ Anutugât Heakjande Yesu hunjun anjo Yoda je tu are hepunmâ hân kamit je siân arie p. ² Arim amâ sot bâlâk manmâ gambo hândâk hilâm 40 bo agep. Sop ain mop je dondâ aguep. Hain akto Niambi je yâk dop komberâm hin dâm maganep, ³ “Mopge aguâpgât gâ Anutugât nan je akto amâ kât ire makmenâ sot akto ne.” dâep. ⁴ Dâmbo hin maganep, “Bo, Anutu je den hin dâmbo kulemgoyi are hin tatâp, Anutu je damun nen je akmap aregât nen je sotgâlâk nângâm manden je ârândâj bo akbiap.” dâep. ⁵ Hain dâmbo Niambi je hân gimbâ je siân olojmâ âgâm amâ luâk hân je hân je manmâ ariyi are yengât sikum me ito siâ siâ hekala je p. ⁶ Hekalanj mâ hin maganep, “Nâ je ire hârok damun je aktân. Akto ire hârok ni jande damun je agâk dâm nunagâk damun je akman. Akto ni jande nângât okotnân malâk dâm nunak hain akman. ⁷ Aregât kotne mem agatmenâ amâ sikum me wan me wan ire hârok damun je katgekmâ ginbian.” dâep. ⁸ Hain dâmbo den hân je hin maganep, “Anutu je den hin dâmbo kulemgoyi are tatâp. Kembu Anutu konok hoj bawa aganj mâ kot je mem agatben.” dâep. ⁹⁻¹¹ Hain dâmbo amâ Niambi je Yesu mem sumbe kat kat emet je Yerusalem ke pian talep aregât bokjân olojmâ âgâm katmâ hin dâm maganep, “Anutu je den siâ hin dâmbo kulemgoyi are tatâp,

“Nâ je anelolupne hunjun yengire mengek mâ tân gugum damunge aknet. Kâlân gugum keige hârewopgât anelolupnande bâtgân mengeknet.”

aregât gâ Anutugât nan je mandât aregât gâ inba sopanmenâ anelo je damunge akbiâ kâlân me wan me wanân bo guguwêp âlep je sopanberât.” dâep. ¹² Hain dâmbo hin maganep, “Anutugât den siâ hin tatâp, Anutu je damunge aktâpgât kei je ekberâm dop komenâ ârândâj bo aktâp.” dâep. ¹³ Hain dâmbo Niambi je hepunmâ sop siângât lâmgom malep.

Yesu je Nasarete ke pian arim den kepik mâ makyengim malep.

¹⁴ Anutugât Heakjande Yesu memene aganj do Galilaia hânân purik katmâ arie p. Purik kato aregât den pat je sambelem

arimbo kepia ambolupne hârogâk nângâyî.
¹⁵ Akto ain den emetne ârândân arim den potatmâ yengimbo kângoanmâ kotne makmâ egâlianji.

¹⁶ Hain akmâ arim nananjânbak manmâ gaep ikinjaet kepia Nasarete ain arim âi bo meme sopnân Sarere ârândânâk den emetnân âgâminep. Hainâk âgâm malep. Âgâm manmâ Anutugât den emelâk kulemgoyi are oyanberâm âgâambo
¹⁷ propete luâk Yesaiaņe kulem kulemgoep are waņi. Waņbiâ mem kelalakom ekmâ den hin kulemgoep talep are oyanmâ makyengiep,

¹⁸ “Humogât Heakņande meme akniņdo kinmâ den hin dâm makniņep, “Luâk biwiyeņe umat bâleņân mandâi are yengâlân arim den pat âlepņe makyengiwen. Akto hikoyekto mandâi amâ hulanyekben. Akto luâk dewunyeņe bok bokņe yâk yengâlân arim makyengimenâ dewunyeņe hulanyekto âlepņe ekbai. ¹⁹ Akto Anutune tân yenguiapgât sop tâlâguâp aregât den pat makyengiwen.” hain dâm makniņep.” dâep.

²⁰ Den hain dâm oyanmâ kulem esenņe are mem bigeim hoņ bawa siâ waņmâ âmâ ge talep. Ge tato den emetnân tali yâkņe hârogâk hewugem ekmâ tali. ²¹ Ekbiâ den hin dâm makyengiep, “Den ya oyanđere nângâi are uņak yu dewunyeņân bunņe miawaktâp.” ²² Hain dâmbo nângâmbiâ den are ukenņe akto hin dâyi, “O, ire Yosepegât nanņe arekņe gain gain uņak den bunņe akto âlepņe miawaktâp dâp.” ²³ Hain dâmbiâ aregât hin dâm makyengiep, “Yeņe hin dâm makniņmai, “Gâņe siâ hengemgoen aregât hinņe guge hengemgoak. Akto Kapanaum kepian âi ketugumenâ den patge nângâmaen hainâk kepia iren ketugumenâ ekne.” hain dâm makniņmai. ²⁴ Aregât den bunņe makyengire nângâņet. Anutune propetelupņe makyengimbo are makmâ miawakbiâ areyengât ginbailupyeņande denyeņe bo nângâmai. ²⁵ Uliknân Israe luâk siâ kotņe Elia malep sop ain dewutâ kârikņe kondo hombaņ âlâwu dewutâ nâmbulân konok hain bo akto âmâ mop humo miawakto luâk âmâle hârok sot

bâlâk mali. ²⁶ Akto sop ain Israe yengât âmâle kambut dondâ manmâ gambiâ âmâ Anutune Elia hungun anđo ikinņe kepia hepunmâ Yuda luâk bo manmaiân Sareta kepia are Sidon hânân talep, ain âmâle kambut siâ yâkgâlân arimbo Anutune tângombo sot waņdo niep. ²⁷ Israe luâk siâ kotņe Elisa malep sop ain Israe kepia ambolupņe dondâņe hâk bâle agi. Akto yâk yengâlân gâtņe siâ bo âlepņe akbiâ luâk siâ kotņe Naemaņ are Yuda luâk bo manmaiân Siria hânân gâtņe konokņe âlepņe agep.” dâep. ²⁸ Hain dâm makyengimbo den emetnân taliņe den are nângâmbiâ bâliepgât kuk dondâ akmâ ²⁹ agatmâ kepia hamiņangen mem bam borâņe siân âgâm katmâ ainba hemem dâtnân mem, “Pandenņe geâk.” ³⁰ dâmbiâ bo menekņet dâm hut yeņânba hepun yekmâ gem ariep.

³¹ Akto arim kepia siâ kotņe Kapanaum are Galilaia hânân talewân ain arimbo âi bo meme sopnân Sarere akto den makyengiep. ³² Makyengimbo are nângâm hin dâyi, “Oe, luâk irekņe den maknengim tatâp are nângâenņe dâtnê kârikņe aktâp.” hain dâyi. ³³ Hain dâmbiâ den emetnân ain luâk siâ kinmâ sinduk baniara bâleņande kautnân mendo den humo akmâ hin dâep, ³⁴ “Woe, Yesu Nasarete kepia amboņe gâ wangât nengâlân togoât? Keige nângân. Gâ Anutugât nanņe bunņe mandâtgât hilip nenguwerâm togoât.” dâmbo ³⁵ Yesuņe maganmâ hin dâep, “Den bo ak. Luâk ire hepunmâ ari.” dâep. Hain dâmbo sinduk baniane hepunmâ pando ge hutyeņân yem âlepņe akto ariep. ³⁶ Hain manmâ arimbo ekbiâ hanyeņe undup akto hin maganņi goanņi agi, “Wâe, ire âmâ gain gain? Sinduk baniara bâleņe maganđo hepunmâ ariâp.” dâyi. ³⁷ Hain dâmbiâ aregât den pat sambelem arim kepia biken biken ârândân akmâ arimbo yâkgât maganņi goanņi agi.

Yesuņe dâmbo Petorogât hewonņe âlepņe agep.

³⁸ Akto Yesuņe agatmâ den emetnânba gem ariep. Arim luâk siâ malep kotņe Simon Petoro yâkgât emelan âgâep. Âgâambo âmâ Simonġât hewonņe kundat akmâ hâkņe kâlâp akto yem kilep. Aregât

ginbailupņande Yesu ulilāņi. ³⁹ Ulilāņbiā yākgāt enemņān ba kinmā kundatgāt makto ālepņe agep. Ālepņe akmā agatmā sot om yeņgimbo neyi.

⁴⁰ Akto dewutā kulukberāambo āmā galalupyenānde kundat agi are meyekmā Yesugālān togombiā bātņandeak meyekto kundat aināk bo akyeņgiep. ⁴¹ Akto sinduk baniara bāleņe are watyeņgimbo āmā hepunyekmā bam arim hin dāyi, “Gā Anutugāt nanņe huņgun giņdo togoen.” dāmbiā Yesuņe mem iratyeņgum hin dām makyeņgiep, “Den bo ak.” dām makyeņgiep.

⁴² Akto yem kinbiā haunđo emelanba gem hān siā luāk bo manmaiāngen ariep. Pumāngen arim mando luāk donđā undāgātmā manmā mem miawakmā hin dām magāņi, “Gā nen olop in manbaengāt nāngāen.” dāmbiā hin dām makyeņgiep, ⁴³ “Bo, kepia ārāndāņ arim Anutugāt den ālepņe makyeņgire lokom manbai aregāt huņgun niņdo geān.” ⁴⁴ Hain dām Yuda yeņgāt den emetņe ārāndāņ arim manmā den makyeņgim malep.

5

Yesuņe dāambo iņan donđā meyi.

¹ Hilām siān Yesuņe Genesaret bātġum dātņān kindo Anutugāt den are nāngāwerām gam āndeāņmā kinbiā ² waņga lāuwā yelegep. Aregāt ambolupņande waņganba sopanmā iņan ito pulim kili. Akto iņangāt ito pulim kinbiā ³ Yesuņe Simoņgāt waņgan āgām hin magāņep, “Den makyeņgiwerān aregāt waņga ire memenā getek bam indāņān kilāk.” dāambo mendo indāņāngen ariyi. Arim tatbiā Yesuņe kāmot nupiān kili are den makyeņgim malep. ⁴ Makyeņgimbo bo akto Simoņ hin dām magāņep, “Bātġum tāmāņān arim āmā iņan ito panmā iņan oloņ.” dāep. ⁵ Hain dāambo Simoņņe hin dām magāņep, “Apo, hāndākņān sop kālep manmā iņan itoņe are pandenņe gembo iņan siā bo menden. Bo donđā. Gārāmā gāņgāt den are lokom arim iņan ito panmā ekberen.” dāep. ⁶ Hain dāambo āmā iņan ito are panbiā gembo iņan donđā kālegen kulukbiā aregāt umatņān tāk hāre akberām agep. ⁷ Hain akto hāk hilālām nāņgām

āmā galalupyenē waņga siān mali are yeņgonbiā gam tām yeņguyi. Tām yeņgum iņan are bikņe membiā waņga lāuwā lāuwā pikto āmā kumbuņe kawut yekberām agep. ⁸⁻¹⁰ Hain akto Petorogāt galalupņe akto emi teulogātņe lāuwā kotyetņe Yakobo akto Yohane are Sebedaio nanlogātņe yākņe iņan donđā are ekmā sām sām meyi. Sām sām membiā Simoņ Petoroņe Yesugāt keiņān kāņgom gem hin dāep, “Woe, Humo, dosane humo mem luāk bāleņe manman aregāt hepun nekmā ari.” dāep. Hain dāambo Yesuņe hin dāep, “Gā bo hamewak. Iņangāt āi memmat dop haināk hāmbāi luāk mem oloņ yekmenā nāņgāt kāmot akbai.” dāep. ¹¹ Hain dāambo waņga are membiā nupiān āgāambo āmā wan me wan are hepunmā Yesu olop arim mali.

Yesuņe dāambo hāk bāle bo agep.

¹² Yesuņe manmā kepia are hepunmā siāngen ariep. Arimbo luāk siā hāk bāle kārīkņe malep arekņe Yesu ekmā āmā enemņān gam hin dām ulilāņep, “Kotdā, gāņe diwi bāle aktām ire mem howai nekmenā ālepņe akberān aregāt kārīkņe tatgiņdāp aregāt gugak mem howai nekmenā ālepņe akberān me bo?” dāep. ¹³ Hain dāambo Yesuņe hākņe mem howaiep. Howaim hin dām magāņep, “Nāņgā giņdāngāt pandagāk.” dāambo aināk hāk bāle are pandakto ārāndāņ agep. ¹⁴ Akto Yesuņe den hin magāņep, “Gāņe iregāt pat luāk bo makyeņgim yānāk arim āmā sumbe kat kat luāk are yeņgālān arimenā gekbi. Akto diwi pandak giņdāp iregāt Mosene den kulemgoep are lokom Anutugāt pat soņgo huit omenā are ekmā hin dāwai, “Āo, luāk iregāt diwi bāle emelāk pandakto ārāndāņ aktāp.” dāwai.” dāep. Yesuņe hain dām magāņdo ariep. ¹⁵ Hain magāņdo luāk ālepņe agep aregāt den pat arekņe sambelem kepia ārāndāņ arimbo hin dām magāņgi goaņgi akmini, “Yesuņe den makto nāņgāenņe bunņe akbiap, are āmā kundatnenņe bo aknengiwiapgāt yākgālān arine.” Hain dām hārogākņe yākgālān arimini. ¹⁶ Arim mendugum kinbiā hepun yekmā hān pumāngen arimbo Anutu olop den akminiat.

Yesu je luak batje keije kârigem malep siâ hejgemgoep.

¹⁷ Akto hilâm siân Yesu je den makmâ hulaŋmâ potatmâ yeŋim malep. Mando âmâ Parisaio luak akto Mosegât den kârikje oyaŋmâ makyenġiyi are Galilaia hânân gâtje akto Yudaia hânân gâtje akto Yerusalem ke pian gâtje arekje togom tali. Tatbiâ Anutu je Yesu meme je aganġo âmâ luak hejgem yeŋgwep. ¹⁸ Hejgem yeŋgumbo ainâk luak batje keije kârigiep siâ galalupjande temân katmâ lokom togoyi. Togom âmâ emelan mem âgâm Yesugât enemjân katberâm ¹⁹ âmâ luak gam turuŋ panmâ kili. Aregât gain gain akmâ katne dâm tirekjanba âgâm emet bokjan kinmâ ainba bok gagaimbiâ dâpje miawakto ainba luak are temdâk tâgân panbiâ gem gem luak âmbâle hutyejân Yesugât enemjân giep. ²⁰ Gembo Yesu je biwiyenje ekmâ nâŋgâm âmâ luak kundatdâ are hin dâm maganep, “Dosage puliġndâŋgât Anutu je hâu je bo ġinbiap.” ²¹ Hain dâmbo Mosegât den makyenġiyi akto Parisaio luak yâk je den are nâŋgâm âmâ biwiyenân hin nâŋgâyi, “Anutu je ikinjak âmâ dosayen je hepun yeŋim ap ina luak irek je yâkgât dop akberâmbo bâliâp.” dâyi. ²² Hain nâŋgâm kinbiâ Yesu je yekmâ nâŋgâm âmâ hin dâm makyenġiep, “Biwiyenân hain nâŋgâi are âmâ ârândân bo aktâp. ²³ Gain gain arek je owâi je luak bâle je ire hin dâm maganberân, “Anutu je dosage hepundâp.” hain dâm maganberân me hin dâm maganberân, “Agatmâ ari.” ²⁴ Aregât maktere nâŋgâjet. Nâ Anutu je dosayen je puliwiangât huŋgun niŋdo geân aregât Anutu je nâ kârik je niŋep aregât keije ekmâ nâŋgâjet.” dâep. Hain dâm makyenġim aregât luak batje keije kârigiep are hin dâm maganep, “Agatmâ tem tâk je meakmâ emetgân ari.” dâep. ²⁵ Hain dâm maganġo ainâk tem tâk je meakmâ Anutu kot je mem agatmâ ke pianâŋgen ariep. ²⁶ Arimbo ekmâ nâŋgâm bâtyen je dâtyenân igim kinmâ Anutu kot je mem agatmâ hin dâyi, “Uŋak iren agak meme irak je pup pup ekten.” dâyi.

Yesu je Lewi kolep.

²⁷ Akto Yesu je emelanba gem ariep. Arimbo puli meme luak siâ kot je Lewi yâk je gawamangât puli emetjân tato ekmâ hin dâm maganep, “Gâ nâ penâniŋmenâ olowâk manbaet.” dâmbo ²⁸ Lewi je wan me wan are hârok hepunmâ agato Yesu olop ariyat.

²⁹ Akto Lewi je Yesu ikin je emelan talâk dâm kewugum âgâm Yesugât heron je nâŋgâm sot oep. Om puli meme luak akto luak bik je meyekto gambiâ olop sot neyi. ³⁰ Nem tatbiâ Parisaio luak akto Mosegât den makyenġiyi yâk je yekmâ nâŋgâmbiâ bâlimbo Yesu olop mali are hin dâm makyenġiyi, “Ye je Roma yeŋgât gawaman puli meme luak akto luak bâle je yâk olop tatmâ sot nembiâ ârândân bo aktâp.” ³¹ Hain dâm biâ Yesu je nâŋgâm hin dâm makyenġiep, “Âlep je manmai are yeŋgâlân doktane âi bo ketugumai. Kundatdâ are yeŋgâlân âi ketugumai. ³² Aregât keije hin. Nâ je luak âlep je âk bo meyekman. Luak bâle je olowâk mem oloŋ yektere aregât bâle je ye je makmâ miawakbiâ biwiyen je Anutugâlân ari kilâkgât dâm yeŋgât geân.” dâep.

Sotgât hanoko agi aregât den.

³³ Yesu je hain dâmbo Parisaio akto Mosegât den makyenġiyi are yeŋgâlân gât je bikjande hin dâm maganġi, “Yohane olop manmai arek je âmâ hilâm ârândân sot hepunmâ manmâ Anutu ulilaŋmai. Akto nengâlân gât je hainâk akmâ manmai. Gârâmâ gâ olop mandâi je sot hanâk nem manmai are nâŋgâen je ârândân bo aktâp.” dâyi. ³⁴ Hain dâm biâ Yesu je hin makyenġiep, “Luak humo siâ je âmbâle mendo âmâ sot ombiâ kâmotlup je yâk olop heron je akmai sop ain âmâ bikjande sot bo nem yân tatberen dâm biâ aregât ârândân bo akmap. ³⁵ Bo kârik je. Hâmbâi luak humo nâ menekmâ kewugunekbiâ bo aktere âmâ undâgât niŋmâ okotyen je nâŋgâm sop ain âmâ sot bâlâk manbai.” Yesu je hain dâep. ³⁶ Hain dâm âmâ ikin aet den ġin je siâ hin dâm makyenġiep, “Luak siâ je sâŋgum irak je hârem arek je mem hâk katip je duwalak duwalak je tâmbâ je are bo parutmap. Sâŋgum irak je tâmbâ je

hut bit parutmap dâine sângum irakne are bâliwop akto sângum lâuwâ are dopne konok bo akbop. ³⁷ Akto nen âmâ wain tu irakne yo hâkne tâmbânân bo kâienne gemap. Hain akmaen dâine wain tune arekne yo hâkne are mendo âmâ bim âgâm hogoakbop. Akto wain akto yo hâkne lâuwâ lâuwâ bâlewat. ³⁸ Aregât wain iraknande yo hâkne iraknân gembo âlepne akmap. ³⁹ Dâ siâ wain tâmbâne nem hanne agepne wain irakne aregât hâkân akmâ hin dâwiap, “Tâmbâne are nendere ukenne aktâp.” dâwiap.” dâep.

6

Sarere âi bo meme sop aregât den.

¹ Akto Sarere âi bo meme sop siân Yesu olop mali ne kalam ginjângen ariyi. Arim olop mali yâkne kalamânba sot bâikne konok konok are mem hâkne digim neyi. ² Hain akbiâ Parisaio luâk arekne yekmâ hin dâyi, “Ye wangât hain aktâi? Unjak âi meme sopne bo aregât âi membiâ ârândân bo aktâp.” ³ Hain dâmbiâ Yesune hin dâm makyengiep, “Ye bo nângâi me? Dawidi akto luâklupne mop miawak yengimbo agi are nângâi me bo? ⁴ Yâkne hin agi. Dawidi ne Anutugât sumbe kat kat emetjân âgâm sot Anutugât pat dâm kali are mem nem bikne luâklupne yengimbo olowâk neyi. Sot are luâk anjâ yengât pat borâm sumbe kat kat luâk are yengâlâk dâm magi. Ainba yâkne hanâk mem neyi. ⁵ Aregât keine makmâ miawaktere nângânet. Nâ Anutune hunjun niņdo luâk akmâ geân Sarereân âi bo meme aregât kautne akmâ mandân.” dâep.

Sarere siân Yesune luâk siâ hengemgoep.

⁶ Akto Sarere siân den emetjân âgâm den makyengiep. Makyengimbo luâk siâ talep aregât bânne bungen âmâ kamunne agep. ⁷ Hain akto Mosegât den kârikne makyengimini akto Parisaio luâk arekne, “Yesune luâk ire mem hengemgowerâp me bo?” dâm aregât ekmâ âmâ denân katbaen dâm aregât damungom tali. ⁸ Akto Yesune yekmâ nângâm âmâ luâk bânne kamunne are hin maganep, “Agatmâ kin.” dâmbo agatmâ kilep. ⁹ Kindo damungom

kili are hin makyengiep, “Sarere âi bo meme sopnân wan me wan âlepne me bânne akbaen are luâk hengem yengumaen me hilip yengumaen aregât makniņbiâ nângâwe.” dâep. ¹⁰ Hain dâm tânjâk yekto den hâunne bo maganji. Yân kinbiâ bânne kamunne are ekmâ hin maganep, “Bâtge mem agat.” dâmbo bânne mem agato âlepne agep. ¹¹ Akto are ekmâ hin maganji goanji agi, “Sarere âi meme sopne boân ina âi ire mendo ârândân bo aktâp. Aregât gain gain akne.” dâm Yesugât kuk bânne akmâ kili.

Yesune Aposololupne meyegep.

¹² Akto sop siân emet dâgâwerâm akto Yesune gimbâne siân Anutu maganberâm âgâep. Âgâmbo Anutu olop den akbela emet hauņdo ¹³ luâk olop mali hutyenjânba keiân lâuwâ are mem oloņ yegep. Oloņyekmâ âmâ Aposolo yengonlep. ¹⁴ Dâ kotyene ikinjâk ikinjâk âmâ hin. Simon kotne siâ Petoro emine Anderea, Yakobo, Yohane, Pilipo, Batolomaio, ¹⁵ Mataio, Toma, Yakobo siâ are Alipaogât nanne akto Simon siâ Roma yengât hâkân agi are yengâlân gâtne akto ¹⁶ Yudasi are Jakobogât nanne akto Yudasi siâ Karioto kepien gâtne arekne âmâ beirâ Yesugât gasalupne makyengimbo kombiâ moep.

¹⁷ Yâk meyekmâ gimbâne kautjângenba gem hân ukulenjân arim luâk âmbâle dondâ penâyenjiyi. Penâyenjimbiâ luâk dondâ yâk yengâlân togom menduguyi. Akto Yudaia hânângenba akto Yerusalem kepiangenba akto Tiro akto Sidon kepia are haru dâtnân talewângenba togom mendugu akbiâ den potatmâ yengiep. Akto kundat agi are yengât makto âlepne agi. ¹⁸ Akto sinduk baniara bânne kautyenân miep are watyekto arimbiâ âlepne agi. ¹⁹ Hain akmâ Yesugât kârikne nandande hengemngumbo howaim âlepne akne dâm kili.

Yesune den dâtnje makyengiep.

²⁰ Akto Yesune ikinjâk haminân gâtne yekmâ hin dâep, “Ye puligât umburuk akmâ manmai aregât Anutune damunye akberâm aktâp. Aregât yengât nângâre âlepne aktâp. ²¹ Sop hinneâk iregât âmâ mop mandâi. Dâ hâmbâi âmâ

Anutuŋe wan me wangât egâlian akmai are yeŋgimbo ârândâŋ akbiap. Aregât yeŋgât nâŋgâre âlepŋe aktâp. Sop hinŋe âmâ okotyene nâŋgâm indem mandâi yeŋe âmâ hâmbâi biwiyene herone akbiap aregât yeŋgât nâŋgâre âlepŋe aktâp. ²² Luâk âmbâle bikŋande luâk akmâ geân nâŋgât hâkâŋ akmai aregât ye yekbiâ gembâi hogom nâŋgâyeŋgim watyekmai ²³ aregât yeŋgât hâu âlepŋe hâmbâi Humone himbimân wan katyeŋgiep are tatâp aregât biwiyene herone humo nâŋgâm manbi. Âmâ bâgilupyeŋande yeŋe aktâi dop hainâk akmâ Anutuŋe hoŋ bawa agaŋmâ mali.

²⁴ Woe, niŋemaŋe puli siâ siâ tat yeŋgiâp aregât emelâk âlepŋe yeŋaet hâu meyi. Ye hâmbâi âmâ bâleŋân arim âi girâp akbai. ²⁵ Woe, uŋak âmâ sot humo nem unsambe manmâ herone aktâi. Dâ hâmbâi âmâ bâleŋân arim mop manmâ âi girâp akbai. Akto uŋak âmâ giriŋmâ herone marone kakŋân mandâi. Dâ hâmbâi âmâ indem umatŋân manbai. ²⁶ Woe, ulikŋân luâk bikŋande agatmâ den mem hin hiaŋgim dâyi, “Nen Anutuŋe den dâm maknengiâp are makmâ miawaktenŋe nâŋgâm lokoŋet.” dâmbiâ âmâ bâgilupyeŋande herone akyeŋgiyi. Herone akyeŋgimbiâ Anutuŋe bo huŋgun yeŋgiep, yânâk agatmâ hiaŋgi den dâyi aregât dosayeŋe yeŋgiep. Aregât uŋak iregât âmâ luâk âmbâle kâmot humo arekŋe yeŋgât nâŋgâm herone akyeŋgimbiâ âmâ hanoko akbi.

Gasa are gala akyeŋgiwei.

²⁷ Gârâmâ nâ hin maktere nâŋgâŋet. Yeŋe gasalupyeŋe yeŋgât nâŋgâm gala akyeŋgiwi. Akto yeŋgât hâkâŋ akmai are mem gala katyekbi. ²⁸ Akto ye bâleŋe akyeŋgimai are herone akyeŋgiwi. Akto makmâ hâkâŋ yekmai yâk yeŋgât akmâ Anutu ulilanbi. ²⁹ Luâk siâŋe ondopge hogombo are ondopge bikŋe waŋben. Luâk siâŋe gâŋgât ito meŋŋinberâm kârikŋe akto âmâ iripâŋge biken are waŋben. ³⁰ Luâk siâŋe puli siâ siâgât ulit giŋdo are waŋbiat. Akto luâk siâŋe puli siâ siâ are meŋŋinjo aregât purik katmâ niŋ bo dâwiat. ³¹ Yeŋe wan me wan siâ siâ aknengiŋet dâm aregât ukenŋe akmai dop hainâk akyeŋgiwai.

³² Luâk âmbâle bikŋande ye han kalem akyeŋgimai yâk han kalem purikatmâ akyeŋgiwai âmâ hâu gain gain miawakyeŋgiwai? Âmâ luâk bâleŋande galalupyeŋe han kalem akyeŋgimai gai. ³³ Akto bikŋande gala akyeŋgimai yâk gala akyeŋgiwai âmâ hâu gain gain miawakyeŋgiwai? Âmâ luâk bâleŋande hain akmai aten. ³⁴ Akto hâuŋe purikatmâ nengiŋetdâm wan me wan yeŋgiwai âmâ Anutuŋe hâu wan hinan purikatmâ yeŋgiwai? Âmâ Anutuŋe den bâlâk manmai yâkŋe galalupŋe hin dâm siâ me siâ yeŋgimai, “Maleine yekâ hainâgâk hâuŋe nengiwi.” dâmai. ³⁵ Bo. Ye hain bo akbi. Ye gasalupyeŋe gala akyeŋgiwi. Hâuŋe bo yeŋgiwai yâk hanâk heŋgemyeŋgum siâ me siâ yeŋgiwi. Hain akmâ maleine hâuŋe umatŋe membai. Hain akmâ Humo yâkgât nan barat akmâ manbai. Yâkŋe âmâ luâk gulip akto metŋe yâk hanâk han kalem akyeŋgimap. ³⁶ Eweyeŋande han kalem manmapgât yeŋe hainâk han kalem olop manbi.

³⁷ Akto yeŋe yâk yeŋgât den borâm hâre yeŋgimbiâ âmâ hainâk Anutuŋe dosayeŋe bo kat yeŋgiwai. Dâ dosayeŋe hepun yeŋgimbiâ âmâ hainâk Anutuŋe dosayeŋe hepun yeŋgiwai. ³⁸ Puli me wan me wan akyeŋgimbiâ âmâ Anutuŋe hainâk akyeŋgiwai. Gârâmâ Anutuŋe lugum totokombo humo akto yeŋgiwai. Are âmâ yeŋe yeŋgimai dop hainâk Anutuŋe yeŋgiwai.” dâep.

Yesuŋe den umatŋe dâm makyeŋgiep.

³⁹ Yesuŋe den hain dâm makyeŋgim den ginŋe hin dâm makyeŋgiep, “Dewunyeŋe bok bokŋe lâuwâ siâŋe yetŋeâk oloŋ akmâ dâp mesokmâ siâŋen arim hememân hâkoko akbiandat. ⁴⁰ Akto den siâ makbe. Nanaŋ âmâ tiksane bo ewangimap. Nanaŋ are wan me wan nâŋgâm heŋgemgom âmâ tiksane aregât dop akmap. ⁴¹ Akto den siâ makbe. Gâŋe galagaet dewunŋân lâwin uneŋe tatâp are ekmâ guge dewunŋân lâwin papane tatâp aregât bo nâŋgâŋgim galagaet dewunŋân tatâp aregâlâk hin dâmenâ ârândâŋ bo akbiap, ⁴² “Gala, dewunŋân gagap tatâp are meŋŋinbe.” Gâ hiaŋgi luâk. Guge dewunŋân lâwin papane

tatâp are soŋ meakmenâ âlepŋe akto âmâ galagaet dewunŋân lâwin uneŋe tatâp are memenâ ârândân akbiâp.

Lâwin keiŋe keiŋe.

⁴³ Akto den siâ makbe. Lâwin keiŋe keiŋe aregât koaŋe ikiŋeâk ikiŋeâk kinmap. Lâwin koaŋe âlepŋande lâwin bâleŋân bo kinmap. Akto hainâk lâwin koaŋe bâleŋande lâwin âlepŋân bo kinmap. ⁴⁴ Giat bunŋande kewu bo akmap. Akto kânden bunŋande ham bo akmap. Bunŋaet keiŋe ya ekmâ nâŋgâmai are. ⁴⁵ Luâk siâgât biwiŋân wan me wan bâleŋe me âlepŋe pikmâ yendâp aregât launŋânba âlepŋe me bâleŋe miawakmap. Aregât luâk âlepŋe siâ biwi irakŋe manmapgât bunŋe biwiŋânba agak meme âlepŋeâk miawakmap. Dâ luâk bâleŋe siâ biwi helenj manmapgât bunŋe biwiŋânba agak meme bâleŋeâk makmap.

Emet kârikŋe akto yeukŋe aregât keiŋe.

⁴⁶ Yeŋe lau yeŋandeâk, “Humonenŋe, Humonenŋe.” dâm nogonmâ âmâ nâŋe den makyenŋiman are bo lokomai are amâ ârândân bo akmap. ⁴⁷ Siâŋe nâŋgât denne nâŋgâm lokom manmap are âmâ dop hin dâre nâŋgâŋet. ⁴⁸ Luâk siâŋe emetŋe ketugum tetembeŋe kâlep anuŋdo gembo to-tokombo kârikŋe agep. Kârikŋe akto âmâ emetŋe are ketugumbo ârândân akmâ tato âmâ wârîŋ humo mendo tu seru kârikŋe akto emet are kârikŋe akmâ bo kâwulakmâ kilep. Luâk hain arekŋe dop hain aktâp. ⁴⁹ Dâ siâŋe denne ire nâŋgâm âmâ hepulep aregât dop âmâ luâk siâ emet ketugum âmâ tetembeŋe yân hanâk yogan yogan kakŋân anuŋdo kilep. Ain âmâ tu seru humo pando âmâ yogan yogan akmâ kâwulakmap.” dâep.

7

Yesuŋe dâambo hoŋ bawa siâ âlepŋe agep.

¹ Yesuŋe den bunŋe are makyenŋim metem âmâ Kapanaum kepian ariep. ² Arimbo Roma tembe loko yeŋgât kautŋe siâŋe ikiŋe hoŋ bawa nâŋgâ aŋdo humo agep are momberâm agep. ³ Hain akto luâk kotdâ arekŋe Yesugât pat nâŋgâm âmâ Yuda damunyeŋe mali are arim Yesu kewugumbiâ togom hoŋ bawa magaŋdo kundat hepulâkgât makyenŋiep. ⁴ Makmâ

hunŋunyeŋgimbo arim hin dâm ulilaŋi, “Roma tembe loko yeŋgât kautŋe siâ hut-nenŋân mando luâk âlepŋe dâmaen. ⁵ Akto nengât den emetŋaet puli kato ketugu nengiŋi aregât denŋe nâŋgâmenâ ârândân agâk.” dâm magaŋi. ⁶ Hain magaŋbiâ nâŋgâm yâk olop ariŋi. Arim emetŋe are ewumâk akbiâ galalupŋe den hin dâm makyenŋim hunŋun yeŋgimbo Yesugâlân arim magaŋi, “O Humo, damun nenŋande hin dâp, “Nâ luâk yânŋe mandân aregât nâŋgâlân bo togowen. Akto nunaet nâŋgâre ârândân bo aktâp. ⁷ Akto nâ gâŋgâlân bo togoman. Aregât gâ yân denâk makmenâ hoŋ bawane ire âlepŋe agâk. ⁸ Akto nâ luâk humomo yeŋgât den lokoman. Dâ tembe lokolupnande âmâ nâŋgât den lokomai. Hain akbiâ hutyeŋân gâtŋe siâ magaŋmâ, “Gâ ari” dâre âlepŋe arimap. Akto siâgât, “Gâ ga” dâre âlepŋe gamap. Akto siâgât, “Âi me” dâre âi memap.” hain dâp.” dâyi. ⁹ Hain dâmbiâ Yesuŋe tembe loko yeŋgât den are nâŋgâambo dâtŋe akto aregât purik katmâ hamiŋân dondâ kili are hin dâm makyenŋiep, “Makyenŋire nâŋgâŋet. Israe luâk yeŋgât hut yeŋânba luâk siâŋe nâŋgâniŋmap âlepŋe hinare bo mem miawagân.” dâep. ¹⁰ Hain dâambo tembe loko galalupŋande purik katmâ arim emelan âgâm hoŋ bawa âlepŋe agep are egi.

Yesuŋe dâambo luâk momoŋe siâ agatmâ âlepŋe agep.

¹¹ Akto Yesu Aposololupŋe olowâk kepia siâ kotŋe Naiŋ ain arimbiâ luâk kâmot humoŋe hamiyeŋân kinbiâ olowâk ariŋi. ¹² Akto kepia are tâlâgumbo luâk âmbâle kâmot humo siâŋe âmbâle kambut siâgât nanŋe konok moep are lokom hangowerâm togoyi. ¹³ Togombiâ Humoŋe âmbâi kambut are ekmâ okot nâŋgâm hin dâep, “Bo inde.” dâep. ¹⁴ Hain dâm temân dâgâm lokom togoyi are mendo yân kinbiâ hin dâep, “Luâk sigan agat.” ¹⁵ dâm magaŋdo luâk momoŋe are agatmâ den agep. Den akto Yesuŋe magaŋmâ, “Memege olop malet.” dâep. ¹⁶ Hain dâambo luâk âmbâle arekŋe ekmâ ongâyeŋe hogombo bâtyeŋe dâtyeŋân igim kinmâ Anutu magaŋmâ hin dâyi, “Anutu gâŋe hoŋ bawage humo siâ

hunḡunaḡen are hutnenḡân mandâp.” dâyi. Dâm âmâ hin dewatim dâyi, “Anutunḡe luâk âmâle damun nenḡe akberâm hunḡun aḡdo togoep.” dâyi. ¹⁷ Akto Yesunḡe agep aregât pat are sambelem arim Yudaia hân akto hân biken biken arimbo hârokḡe nânḡâyi.

Yesunḡe Yohanegât dâep.

¹⁸ Yohane tu puliyenḡiep yâkgât galalupḡande Yesunḡe wan me wan miep aregât den pat maganḡi. ¹⁹ Maganḡbiâ galalogâtḡe lâuwâ siâ yetkondo togombela den hin makyetkim hunḡun yetkiep, “Humogâlân arim den hin dâm maganḡlet, Luâk togowiapgât dâyi are gâ me? Nen niḡande togoâk dâm lâmgom manden?” hain dâm maganḡlet.” ²⁰ Hain dâm hunḡun yetkimbo Yesugâlân togom hin dâm maganḡiat, “Yohane tuân katyegep arekḡe hin dâm hunḡun netkiâp. Luâk togowiapgât dâyi are gâ me? Me siâgât lâmgom manbaen?” dâyiat. ²¹ Akto sop ain Yesunḡe luâk kundatyenḡe olop are makyenḡimbo bo akyenḡiep. Akto sinduk baniara bâlenḡande kautyenḡân meyegi are watyegep. Akto dewunyeḡe bok bokḡe makyenḡimbo dewunyeḡe hâreakto egi. ²² Aregât Yesunḡe Yohanegât galalogâtḡe hin dâm makyetkiep, “Yet arim âmâ wan me wan yetḡe dewunyetḡande ektat akto ondopyetḡande nânḡat nânḡâ yâkgât den pat Yohane hin dâm maganḡlet, “Dewunyeḡe bok bokḡe yâk yenḡât dâmbo dewunyeḡe hâreakto ektâi. Keiyenḡe goḡgoḡe yâk yenḡât dâmbo âlepḡe akmâ bam gutâi. Hâk bâle miawak yenḡimbo manmai yâk yenḡât dâmbo âlepḡe aktâi. Ondopyenḡe bok bokḡe yâk yenḡât dâmbo ondopyenḡe pâronḡ âgâmba den âlepḡe nânḡâi. Momonḡe yenḡât makto golâ akmâ mandâi. Akto umburuk mandâi are den pat âlepḡe makyenḡimbo nânḡâi.” ²³ Akto luâk siâ nânḡât akmâ bo bâleniḡmâ hâkânḡ akniḡbiap amâ yâkgât nânḡâre âlepḡe humo akbiap.” Hain dâm hunḡun yetkiep.

²⁴ Hunḡun yetkimbo purik katmâ arimbela Yesunḡe luâk âmâle kili are Yohanegât hin makyenḡiep, “Ye hân kamitḡânḡen wan ekberâm ariyi? Serunḡe kâro waito duwunḡ akto are ekberâm ariyi me? ²⁵ Yohane âmâ haingât dopḡe bo. Me luâk siâḡe hâk

pekeḡe kulem melem agakḡe luguakmâ kei pekeḡe âlepḡe dondâ kalep are ekberâm ariyi me? Amâ bo. Luâk hain arekḡande luâk humomo yenḡât emelan tatmâ sot âlepḡe nembiâ tepyenḡe pikto gemai. ²⁶ Yohane âmâ hainare yenḡât dopḡe bo. Aregât ye wan ekberâm ariyi? Ye Anutugât den dâm miawagep siâ ekberâm ariyi. Aregât makyenḡire nânḡânet. Yohane egi are âmâ Anutugât den makmâ miawakmâ gayi yâk hainare bo. ²⁷ Yâk âmâ siâ. Yâkḡe âmâ hârok ewangiyektâp. Hain gârâmâ Anutunḡe yâkgât den hin dâep are tatâp,

“Nune hoḡ bawane maganḡmâ hunḡunaḡdere laune lokom gânḡât ulikḡân akḡiḡmâ dâp henḡemgo ḡiḡbiap.”

Akto den kulemgoep are bunḡe akto Yohane togoep. ²⁸ Akto luâk siâḡe Yohane ewangiwiapgât dop bo tatâp. Are âmâ Yohaneḡe ulik gulik akmâ âinaet keiḡe bo ekmâ nânḡâwiap aregât luâk yânḡe biwiyenḡe Anutugâlân katbiâ arim kinbiap yâk hârokḡe Yohane ewangiwai.” ²⁹ Hain dâm makyenḡimbo luâk âmâle dondâḡe gawamangât puli meme luâk olowâk yâkḡe emelâk Anutugât den lokom manbiâ Yohaneḡe tuân mem katyegep yâkḡe Anutugât den are tângombiâ bunḡe agep. ³⁰ Dâ Parisaio luâk akto Mosegât den makyenḡimini yâkḡe âmâ Anutugât dâp are hâkânḡ akmâ Yohaneḡe tuân bo kat nenegâk dâm manmâ gayi. Hain agigât yâkḡe âmâ nânḡâmbiâ bunḡe bo agep.

³¹ Akto den siâ hin dâm lâuwânḡe makyenḡiep, “Luâk kâmot ire yâk yenḡât wanân dop katmâ makbe? Yâk wan hinare? ³² Nananḡ kâmot lâuwâ kepia sombeimân tatbai. Akto kâmot siâḡe kâmot siâ are hin dâm makyenḡiwai, “Nenḡe heronḡe akmâ bâtâ kondenḡe yenḡe kep bo kondâi. Akto nenḡe âi girâp akmâ indien hain indenḡet dâm makyenḡienḡe bo indeâi.” dâwai. ³³ Akto aregât maktere nânḡânet. Yohaneḡe tuân katyegep yâkḡe âi keiḡe katmâ tu sot bo nem manmâ âmâ yân âi mem manmâ gambo hin dâyi, “O, luâk ire sinduk baniara bâlenḡande meme aganḡdâp.” ³⁴ Akto nâ luâk akmâ geân nânḡe sot sonḡo nendere nekmâ hin dâmai,

“Luâk ire âmâ sot humo nem mandâp are gawamangât puli meme luâk akto luâk bâleje yengât gala.” dâmai. ³⁵ Anutugât nângâ nângâ kâmot are âmâ ginbailupje yâkne yâkgât keije mem golâ katbiâ bunje kârikne agep.” dâep.

Âmbâle siâne Yesugât keije puliep.

³⁶ Parisaio luâk siâne Yesu kewugumbo emetjân âgâambo mendugu akmâ sot neyi. ³⁷ Sot nem tatbiâ ain gâtje âmbâle dâp gulip malep siâne Yesu Parisaio luâk yâkgât emetjân âgâm talep are nângâm tu higenje are mem âgâep. ³⁸ Mem âgâm hamiñân kinmâ indembo dewunje tuje târân dâm keijnân giep. Gembo dumutje yeukje arekne keije pulim metiep. Pulim metem âmâ keije mem manjanmâ tu higenje are keijnân kâim puliep. ³⁹ Hain akto Parisaio Yesu kewugumbo âgâyat arekne ekmâ biwiñânâk hin nângâep, “Dâp gulip manmap irekne aktâp ire bo agakne. Gârâmâ bundâk Yesu Anutugât hoj bawa manmap dâine âmbâle iregât keije nângâwop.” dâm nângâep. ⁴⁰ Hain nângâambo Yesuje ekmâ nângâm âmâ hin maganep, “Simon, den siâ maktere nângâ.” dâambo hin maganep, “Tiksa, makniñmenâ nângâwe.” dâambo ⁴¹ hin maganep, “Luâk siâne luâk lâuwâ puli yetkiep siâ 50 kina siâ 5 kina. ⁴² Akto siân aregât hâunje niñlet dâambo puli are panbela bo agep. Bo akto bo mem miawagiat aregât yâkgâlân arim kinmâ hin dâyat, “Puli bo tat netkiâp.” dâmbela hin makyetkiep, “Hanâk, misiget, âlepje ariet.” dâambo ariyat. Hain akto âmâ niñande dosa hepunañep aregât nângâambo huraguep? 50 kina miep arekne me 5 kina miep? Aregât makniñmenâ nângâwe.” dâep. ⁴³ Hain dâambo hin dâep, “Puli dondâ miep arekne ukenne nângâep.” dâep. Hain dâambo Yesuje hin dâm maganep, “Gâ âlepje maktât.” ⁴⁴ Hain dâm âmbâle are ekmâ hin dâm Simon maganep, “Âmbâle ire ek. Nâ gângât emelan gare tu bo kâim niñmenâ puliaktân. Akto âmbâle irekne âmâ indembo dewunje tuje keinân gembo dumutjande puli nektâp. ⁴⁵ Gâne âmâ bo manjan nektât. Dâ âmbâle irekne âmâ keine mem manjan nekmâ heronje akniñdâp. ⁴⁶ Akto gare gâne âmâ tu higen

suk suk siâ kautnân bo kâiât aregât âmbâle irekne âmâ tu higenje olop kâimbo keinân gembo puli nektâp. ⁴⁷ Âmbâle irekne âmâ gala konok akniñdâpgât nâ yâkgât patje hin maktere nângâ. Luâk siâne galañet dosa umatje puliañdo aregât heronje humo nângâ anbiap. Dâ luâk siâne galañet dosa bikneâk puliañdo aregât heronje kakneâk nângâ anbiap. Aregât keije hin dâre nângâ. Anutuñe âmbâle iregât dosane umatje are emelâk hepun añdo heronje humo nângâ niñdâp hain.” ⁴⁸ Hain dâm âmbâle are hin dâm maganep, “Dosage emelâk hepun giñdân.” dâep. ⁴⁹ Hain dâambo olowâk tatmâ sot neyi arekne biwi yenân hin nângâyi, “Luâk iregât keije gain gain hinare? Gain gain akmâ dosage emelâk hepun giñdân dâp?” ⁵⁰ Biwiyeñande hain nângâmbiâ Yesuje âmbâle are hin dâm maganep, “Biwige Anutugâlân arim kindâp aregât kambiamge sândugembo manbiat.” dâm maganep.

8

Yesu olop ariyi yengât keiyeje.

¹ Sop aregât kakjân Yesuje kepia hârogâk ândeanmâ arim Anutuñe damunyeje akberâm aktâp aregât den pat âlepje makyengim malep. Akto Aposololupje keiân lâuwâ are oloñ yekto olowâk ariyi. ² Akto âmbâle bikne olop ariyi are yengât keiyeje hin. Bikne âmâ sinduk baniara bâleñande meyekbiâ are watyengimbo âlepje agi are. Akto bikne âmâ hengem yenguep yâk olop ariyi. Akto yâk yengâlân gâtje siâ kotje Maria Madala kepiñ gâtje, yâkgât âmâ sinduk baniara bâleñe nâmbulân lâuwâ walañep. ³ Akto siâ kotje Yohana are Herotegât hoj bawa luâk kotje Kusa yâkgât âmbenje. Akto siâ kotje Susana. Akto âmbâle bikne puli oyanmâ Yesu akto aposololupje yengiyi are olowâk ariyi.

Anutugât den aregât dâp.

⁴ Luâk âmbâle dondâne kepiayene hepunmâ Yesugâlân togom mendugumbiâ yekmâ âmâ den ginje hin dâm makyengiep, ⁵ “Luâk siâne senjo alekne are panberâm âiângen mem ariep. Akto alekne bikne

dâwân gembo luâkne tâlim hogombiâ lâutne togom nem meteyi. ⁶ Dâ senjo alekne bikne âmâ hân yam yamân gembo kâmne gam âmâ tu bogât ainâk moep. ⁷ Akto alekne bikne hele kâlegen giep. Gem kâmne gambo are âmâ hele humone gam âgâm lokom gunduñando moep. ⁸ Akto alekne bikne âmâ hân kelune olowân gembo miawakmâ kâmne bususuk dâm gam bunne dondâ miawagep.” Hain are makmâ âmâ benne kârikneâk makmâ hin magep, “Luâk ondopdâne den ire nângâwi.” dâep.

⁹ Akto hon bawalupñande den memene aregât keine gain gaingât maktât dâm aikoyi. ¹⁰ Aikombiâ hin dâm makyengiep, “Anutune ye emelâk nângâ nângâyeñe mem pâron kalep. Kato Anutune damunyeñe akmapgât keine nângâi. Dâ bikne amâ ekmâ âmâ bo ekmâ nângâm heñgemgomai. Amâ Anutune makto dewunyeñande âmâ ekmai. Dâ biwiyenân bo gemap. Akto ondop yeñande nângâmai. Dâ nângâ nângâ yeñân bo gemap. Aregât den dopñân maktere keine bo nângâmai. ¹¹ Hain. Akto den ginne makyengiân aregât keine hin. Anutugât denne senjo alekne aktâp. ¹² Senjo alekñande dâwân giep. Hân dop are âmâ hinare manbai arekne Anutugât den nângâmbiâ biwiyenân ewuwiap. Ewumbo Niambiñe ekmâ den are nângâm biwiyene nângâlân katbiâ Anutune damunyeñe akbopgât hâreyengim ariwiap. ¹³ Dâ senjo koane kât heregân giep dop hainare manbai yâkne den pat âlepne nângâm arekneak ukenne akbai. Dâ hanyenân kândârâne bo giepgât sop pân konok dondâ mem âmâ dopko dopko miawakto den pat âlepne hamianmai. ¹⁴ Akto senjo alekne bikne hele kâlegen giep dop hinare manbaine amâ Anutugât den nângâwai. Nângâm âmâ hâkgât siâ me siâgât nângâm heñgemgom puli me sângum lâuwâ lâuwâ me ito sikum aregât ukenne nângâm hanokoakmâ âmâ den are hepunbiâ âmâ bunne bo akmap. ¹⁵ Dâ koane hân kelurâ ain giep dop hainare manbai yâkne den pat âlepne nângâm han yeñe heñgemgom yeukñân mem manmai. Hain akmâ kârikne akmâ bunne penianmai.

Pagalenegât dop.

¹⁶ Luâk siâne pagalene sagom âmâ umbâ kâlegen me yeye amukñân kato bo tatmap. Tek tekñân kato emet kâlene pagalembo ekmâ gem âgâmai. ¹⁷ Aregât keine âmâ hin. Wan me wan tip yemap are mem miapanbai. Dâ siâ me siâ ekbiâ bo akto are pagalenân miawakto hârokne ekbai. ¹⁸ Siâ siâ me siâ talañdo âmâ Anutune siâ wañdo sambeleanbiap. Dâ siâ siâ me siâ bo talañmap are bânân tatniñdâp dâm nângâm hilipkombo are Anutune bânñânba oloñmâ pando yân tathiap. Aregât den makmâ tatân ire nângâm gangerâm manbi.” hain dâep.

Yesugât memene emilupne.

¹⁹ Sop ain luâk kâmot humone Yesu ândeanmâ kinbiâ memene emilupne togom imbianmâ ekberâm ewum hâumgom kâlewânâk kili. ²⁰ Kâlewânâk kinbiâ luâk siâne hin dâm magañep, “Memege emilupgande gekberâm togo ingon betgen kinmâ gemenâ gekne dâm gogondâi.” dâep. ²¹ Hain dâmbo Yesune hin dâm magañep, “Anutugât den nângâm lokomai ire âmâ nângât memene emilupne are yengât dop aktâi.” dâep.

Yesune seru magañdo sândugiep.

²² Hilâm siân Yesune hin dâm makyengiep, “Bât gum ire hâtikom biken arine.” dâmbo olop wañgan âgâm ariyi. ²³ Arimbiâ Yesu asiñ yiep. Yem tato seru humo pando âmâ haru are bâliep. Bâlimbo âmâ wañga are kâi akberâm agep. ²⁴ Kâi akberâm akto Humo are goañmâ hin dâyi, “Wâe, luâk Humo, nen ire haruân bâliweren.” dâmbiâ agatmâ makto seru akto haru nângâm nângâgiat. ²⁵ Nângâmbela hin dâm makyengiep, “Nângâm kepilâniñmai are yâgâte?” dâmbo yâkne âmâ wan me wan akmâ miep are ekmâ otneyene ariep. Arimbo kinmâ hin dâm magañgi goañgi agi, “Ae, luâk irekne âmâ seru akto haru ina den makto nângañdat aregât keine gain gain?” dâyi.

Yesune sinduk baniara watyekto bauyengât biwiyenân geyi.

²⁶ Akto bân gum are hâtikom Galilaia hân bikñangen Gerasene are yengâlân

ariyi. ²⁷ Ain arim wanjanje haru dâtnân kindo sopanmâ ge kindo âmâ luâk siâ kepiangenba togom penianjep. Aregât keiñe hin. Sinduk baniara bâleñe kugâkñe memeñe agañbiâ malep. Agañbiâ hâk pekeñe bâlâk manmâ anjun bo anjim sop kâlep hainâk malep. Manmâ emetñân bo manmâ âmâ sumângen hilâm ârândâñ arim togominep. ²⁸⁻²⁹ Hain akto tembe lokoñe bânñe bikñe bikñe dâgâmbiâ âmâ piriñ piriñ kato hâreakto sinduk baniara arekñe hâwâlanjo hân kamitñângen ariminep. Keiñe hain. Akto luâk are togom Yesu ekto sinduk baniara bâleñe are wat yekberâm akto aregât enemñân ge yiep. Yem âmâ hin magañjep, “Yesu gâ Anutu Humo dondâ yâkgât nanñe wangât nângâlân togoât? Nâ hâk hilâlâm bo niñ.” dâambo ³⁰ ekmâ magañjep, “Kotge niñe?” dâm aikombo sinduk baniara dondâñe memeñe agañbiâ malep aregât agonakmâ hin dâep, “Kotne kâmot humo.” dâep. ³¹ Hain dâambo sinduk baniara dondâ arekñe Yesu hin dâm ulilani, “Âlepñe hungun nengimenâ hememân bo giennje nenguwerâp.” dâm ulilani. ³² Akto hân ain bau dondâ tâmut nem mali aregât sinduk baniara bâleñe arekñe magañji, “Nâñgâ nengimenâ luâk ire hepunmâ bau yengât biwiyenân gene.” ³³ dâmbiâ, “Âlepñe.” dâambo arekñeak luâk are hepunmâ bauyengât biwiyenân geyi. Gemiâ bañe gem tu dengânân gemiâ lauyenân pikto moyi.

³⁴ Akto bau damunyeñe arekñe are ekmâ pârigim arim luâk âmbâle dondâñe kalam yenângen me kepia yenângen ari den pat are makyenjiyi. ³⁵ Makyenjimbiâ luâk âmbâle hamepñe olowâk wan me wan agep are ekberâm Yesugâlân togoyi. Togombiâ sinduk banianje memeñe agañji yâkñe âmâ nâñgâ nâñgâñe hulanjo akto hâk pekeñe lugu akmâ Yesugât keiñân talep. Are ekmâ hamep akmâ kili. ³⁶ Kinbiâ âmâ wan me wan are ekmâ nâñgâñe sinduk baniara watyekto âlepñe agep yâkgât den pat makyenjiyi. ³⁷ Makyenjimbiâ Gerasene hân ambolupñande hamep akmâ Yesuñe hân are hepunmâ siângen ariâk dâm aregât magañji. Magañbiâ ariwerâm wanjan âgâambo ³⁸ luâk sinduk baniara walañep

arekñe olop arire dâm magañjep. Magañdo Yesuñe hin magañjep, “Gâ tat. ³⁹ Anutuñe hengem guguâp aregât den pat ewege memege akto ginbailupge makyenjiwen.” dâm magañjep. Hain dâambo purik katmâ arim Yesuñe hengemgoep aregât den pat hârogâk makyenjiiep.

Yesuñe dâambo den emetñe damun luâk aregât baratñe siâ momonânba agalep.

⁴⁰ Akto Yesuñe kepia are hepunmâ bânñe biken ariep. Arimbo lâmgom tali arekñe dondâñe heronje agi. ⁴¹ Heronje agañbiâ den emetñe damunñe siâ kotñe Yairo arekñe keiñân kângom âmâ togom hin dâm magañjep, ⁴² “Baratne konok dondâ hombanñe 12 are momberâm aktâpgât gâ kewugu gekmâ emetnân ariwerâm aktân.” Hain dâm magañdo olowâk ariyat. Arimbela luâk âmbâle dondâñe watmâ arim ândeanjo gondeañ agi.

⁴³ Akto hutyenân âmbâle siâ kilep yâkgât keiñe hin. Âmbâle yengât dewutâ gambo akmai dop hain bo akminep. Hokboâk hokboâk gambo mando hombanjo 12 bo agep. Hain akmâ manmâ gambo doktane tângowerâm ewum hâumgom hepunmini. ⁴⁴ Akto âmbâle arekñe Yesugât haminân arim luguak luguakñe mem walip koañep. Walip kom arekñeak âlepñe agep. ⁴⁵ Âlepñe akto ainâk Yesuñe hin dâm aiyenjuiep, “Niñande mem walip nuguâp?” dâep. Hain dâambo hârogâkñe ândeanjo gondeañ agi arekñe nen bonângâen dâmbiâ aregât Petoronje hin dâep, “Apo, luâk dondâ ândeanjo gondeañ ketugu gektâi.” dâambo ⁴⁶ hin dâep, “Wâtne gembo aregât maktân. Siâñe walip nuguâpgât nâñgân.” dâambo ⁴⁷ âmbâle arekñe bundâk howaire nâñgâp dâm ongâñe hogombo Yesugât enemñân bam âmâ walip kom âlepñe agep aregât keiñe hârogâk ain kili yengât dewunyenân makmâ miawakmâ magañjep. ⁴⁸ Magañdo nâñgâm hin magañjep, “Meñ, biwige nâñgâlân katât aregât Anutuñe nâñgâ giñdo âlepñe aktât. Yeukñân bam ari.” dâep.

⁴⁹ Hain dâm kindo ainâk Yairogât honjo bawa siâñe emelanba gam hin dâm magañjep, “Baratge emelâk mondâp aregât luâk Humo ire inâk talâk. Umatñe

siâkâ bo agañ. Bo hâwâlan.” dâmbô
⁵⁰ Yesuñe nânġâm Yairo hin dâm magañep,
 “Nânġâmâk bo ak. Biwige nânġâlân
 katmenâ baratge âlepñe akberâp.” dâep.
⁵¹ Hain dâm oloñmâ arim Yairogât emet
 ewumâk kinmâ bikñe yeñġât dâmbô kili.
 Kinbiâ Petoro, Yohane, Yakobo akto âmbâi
 sisik areġât eweñe memene meyekto
 emelan olowâk âġâyi. ⁵² Akto luâk âmbâleñe
 indem kambiam bâle aġi are hin dâm
 makyenġiep, “Baratyetñe ire bo mondâp.
 Yân asiñ yendâp areġât ye bo indenjet.”
 dâmbô nânġâm giriñ añi. ⁵³ Giriñ añmâ
 hin dâyi, “Wangât hain dât? Are bunñe
 mondâp.” ⁵⁴ dâmbiâ baratyetñe mem
 magañep, “Barat agatmâ kin.” ⁵⁵ dâmbô
 tepñân tuk tuk dâmbô ainâk agalep. Agato
 sot om wanñiâ neâk dâm makyenġiep.
⁵⁶ Hain akto areġât eweñe memenande
 ekbela dâtñe agep. Akto Yesuñe hin
 dâm makyetkiep, “Iregât den pat bo
 makyenġiwiandat.” dâm makmâ hâre
 yetkiep.

9

*Yesuñe Aposololupñe hunġunyeñġimbo âi
 keiñe kali.*

¹ Yesuñe Aposolo 12 mem oloñyekto
 togombiâ sinduk baniara bâleñande meme
 akyenġimini are watyenġiwaigât akto kun-
 datdâ mem âlepñe ketugu yekbaigât areġât
 makmâ kârikñe yeñġiep. ² Akto Anutuñe
 damunyeñe akto den pat makyenġim kun-
 datdâ mem âlepñe ketugu yekbai areġât
 hunġun yeñġim hin dâm makyenġiep,
³ “Ariwerâm âmâ huwan, ito, sot, puli
 akto hâk pekeñe dondâ bo mem ariwai.
⁴ Kepia siân arimbiâ emelan oloñ yekmâ
 âġâmbiâ ainâk tatmâ gem ariwai. ⁵ Akto
 siân arimbiâ âmâ gala bo akyenġimbiâ
 âmâ kepia are hepunmâ keiyenân nukum
 tatbiap are pañ pañgom panmâ den kârikñe
 makyenġim arimbiâ âmâ yeñġât keiyene
 nânġâwai.” dâep. ⁶ Hain dâm makyenġim
 hunġun yeñġimbo kepiane kepiane arim
 manmâ Anutu damunyeñe akbiap areġât
 den pat makyenġiyi. Akto kundatdâ mem
 âlepñe ketugu yeġi.

Heroteñe Yesuġât den pat nânġâep.

⁷⁻⁹ Akto Yesuñe ya agep areġât bikñande
 hin magañgi goañgi aġi, “Yohaneñe mo-
 monânba agatmâ mandâp mon?” dâyi. Dâ
 bikñande âmâ hin dâyi, “Eliane lâuwâñe mi-
 awakmâ mandâp mon?” dâyi. Dâ bikñande
 âmâ hin dâyi, “Anutugât hoñ bawa emelâk
 ġâtñe siâne momonânba agatmâ mandâp
 mon?” hain dâyi. Hain dâmbiâ Heroteñe
 nânġâmbo ârândân bo akto han lâuwâ akmâ
 hin dâep, “Emelâk maktere Yohane hanñe
 hâreyi. Dâ ire âmâ niñande hainare akmâ
 mandâp areġât den pat ire nânġân?” hain
 dâm Yesu ekberâm agep.

Yesuñe luâk 5,000 sot yeñġimbo neyi.

¹⁰ Akto aposololupñande âi ketugum
 mali. Manmâ purik katmâ areġât den
 pat Yesu magañi. Den pat dâm magañbiâ
 Yesuñe meyekmâ, “Nenñeak ari manmâ
 biwiyeñe sândugeâk.” dâmbô Besaida
 kepiangen ariyi. ¹¹ Arimbiâ luâk bikñande
 yekmâ âmâ hamiyenân ariyi. Akto
 Yesuġâlân togombiâ gala akyenġimbo mali.
 Manmâ Anutuñe damunyeñe akberâm
 agep areġât den pat makyenġiep. Akto
 kundat aġi are mem heñgem yeñġuep.
¹² Hain akmâ kindo emet dâġâ yeñġiwop
 dâm aposololupñe bât biken lâuwâ arekñe
 togom hin magañi, “Iren hân kamitñangen
 manden areġât luâk âmbâle hunġun
 yeñġimenâ kepiayenñangen arim sot mem
 neñet.” dâm magañi. ¹³ Hain dâmbiâ hin
 dâm makyenġiep, “Yeñe sot siâ yeñġinet.”
 dâmbô hin dâm magañi, “Nen sot momerâk
 akto iñan lâuwâ areâk tat nengiâp. Areġât
 gain gain akberen? Kepingen arim luâk
 kâmot humo ire yeñġât sot puligoneġât
 maktât me?” dâyi. ¹⁴ Amâ luâk 5,000
 maligât. Dâ Yesuñe hin dâm makyenġiep,
 “Makyenġimbiâ kâmot 50 âk hârok ain
 ain tatmâ ariñet.” dâep. ¹⁵ Hain dâmbô
 makyenġimbiâ hainâk tatbiâ ¹⁶ sot akto
 iñan are mem himbimân dewunñe panmâ
 Anutugât mepaiñe mem agatmâ iñan
 are munditmâ ligiep. Ligim sot are
 mem munditmâ hoñ bawalupñe ârândân
 yeñġimbo luâk âmbâle kâmot tali are oyañ
 yekmâ yeñġimbiâ neyi. ¹⁷ Nembiâ tepyeñe
 pikto bikñe talep are âmâ hakan lugumbiâ
 haka 12 pipap.

Petoroŋe Yesugât keiŋe makmâ miawagep.

¹⁸ Akto hilâm siân Yesu ikiyeâk manmâ Anutu olop den maganġiyiat. Hain akbela Aposoloŋe yâkgâlân arimbiâ aiyenġum hin dâep, “Luâk âmbâleŋe nânġât niŋe dâmai?” dâep. ¹⁹ Hain dâmbo yâkŋe hin dâm maganġi, “Bikŋande âmâ Yohane tuân katyegep are hain dâmai. Dâ bikŋande âmâ Elia hain dâmai. Akto bikŋande âmâ Anutugât hoŋ bawa propete siâ emelâk moep arekŋe momoŋânba agatmâ mandâp hain dâmai.” dâyi. ²⁰ Hain dâmbiâ hin aiyenġuep, “Dâ yeŋe âmâ nânġât niŋe dâmai?” dâmbo Petoroŋe hin maganġep, “Gâmâ Anutuŋe huŋgun ġiŋdo damun nenŋe akberâm ġien are bunŋe.” dâep. ²¹ Hain dâmbo areġât bo makmâ miawakmâ makyenġiwi dâm makmâ hâreyenġiep. ²² Akto lâuwâŋe hin dâm makyenġiep, “Nâ luâk akmâ geânġât nâ wan me wan akniŋbiâ nâ hâk hilâlâm nânġâwian. Ain âmâ sumbe kat kat luâk akto Moseġât den kârikŋe makmâ miawakmai akto kepia ambolupŋe yeŋġât damunlupyeŋande gasa akniŋmâ nugumbiâ mondere hilâm âlâwu bo akto momoŋânba agatmâ manbian.” dâep.

Yesugât den lokom manmai areġât keiŋe.

²³ Yesuŋe luâk âmbâle hin dâm makyenġiep, “Luâk bikŋande biwiyeŋe nânġâlân katmâ nâ olop ariwerâm âmâ wan me wan akmâ hilipkowai areġât bo hamep akmâ manbai. Akto yeŋe hâkyeŋaet bo nânġâm hilâmŋe hilâmŋe nânġât den lokom manbai. ²⁴ Dâ siâŋe ikiye manmanŋe gangerâwiap are âmâ hilip aguwiap. Akto siâŋe nânġât den âi areġâlâk nânġâm mando kombiâ âmâ momoŋânba agatbiap. ²⁵ Dâ siâŋe manmâ siâ siâ mem lokom areġât ukenŋe âlepŋe akbiapŋe mombiap sop ain wan me wangât ya ukenŋe akbiap arekŋe bo tângombo momo kârikŋânba bo agatbiap. ²⁶ Akto siâŋe nânġât hâkân akmâ nânġât den bo lokom manbiap areġât keiŋe hin. Nâ luâk akmâ geân akto ewene netġât pagaleŋe netŋande panmâ ŋirik ŋirik dâmbo âmâ himbimân aŋelolupnetŋande nâ olop ġienŋe luâk ya akmai are nâkâ hainâk hami yeŋġiwian. ²⁷ Maktere nânġânġet. Yu kindâi

ire bikŋe bo mom golâ manbaiân Anutuŋe damunyene akbiapġât are ekbai.” Hain dâm makyenġiep.

Mose akto Elia Yesu olop den maganġi goanġi agi.

²⁸ Yesuŋe den hain dâm makyenġimbo hilâm 8 mon bo akto Anutu olop den akberâm Petoro, Yohane, Yakobo, meyekto ġimbâŋe siân âġâyi. ²⁹ Âġâmbiâ Anutu olop den akbela Petoro akto galalogâtŋe yâk asinġât akmâ tali. Hain akbiâ Yesugât enem dewunŋe siâ akto hâk pekeŋe lugu agep are kau timan timan agep. ³⁰ Hain akto himbim pagaleŋe belek belek dâm yendo luâk lâuwâ Mose akto Elia ainâk miawagiap. ³¹ Yâk miawakmâ Yesu Yerusalem kepian arim Anutuŋe yâkgât makmâ hâreaŋep are watmâ mombiap areġât yâk olop den maganġi goanġi agi. ³² Den areġât maganġim kâlâkom agatbiâ Petoro akto galalogâtŋe asinġât dondâ akyetkimbo dewunyene panmâ Yesu pagaleŋe kulemŋe akto luâk lâuwâ yâk olop kinbela yelegi. ³³ Akto Mose akto Elia ariwerâm akbela Petoroŋe tirip areġât keiŋe bo nânġâm Yesu hin dâm maganġep, “Luâk Humo, âlepŋe dondâ nen in manden areġât ġâ nânġâmenâ uligi ġânġât siâ Moseġât siâ Eliagât siâ hain ketugune.” dâep. ³⁴ Hain dâmbo ainâk hamandat akmâ dâġâm bup panmâ tigi yekto Petoro, Yohane akto Yakobo yâkŋe ongâyeŋe hogombo kili. ³⁵ Hain akbiâ hamandat kâlegenba Anutuŋe hin dâm makyenġiep, “Are ekŋet. Luâk ire nânġât nanne okotne nânġâ aŋdere nânġât lau lokom manmap yâkgât denŋe nânġâm lokom manbai.” ³⁶ Anutuŋe den hain dâm kondo Yesuŋe ikiyeâk kindo egi. Akto wan me wan egi are sop ain luâk siânba bo makyenġim yân biwiyeŋânâk katmâ nânġâm mali.

Yesuŋe sinduk baniara bâleŋe walep.

³⁷ Emet haunġo ġimbânânba ġembiâ luâk kâmot humoŋe togom Yesu penianġi. ³⁸ Togom penianġi yâk yeŋġât hutyeŋânba siâŋe Yesu hin dâm maganġep, “Luâk Humo, ireġât yu ulitġiŋbe. Nanne konok

ire gam ek. ³⁹ Keiŋe hin. Sinduk baniara bâlene siâne hilâm ârândân kautŋân mendo dewunŋe gâwân gâwân dâmbo ge yendo launân barak pâtkombo den kârikŋe makmap. Akto sinduk baniara bâlene arekŋe hilâm ârândân hainâk hilipkom hâk hilâlâm waŋmap. ⁴⁰ Haingât aposololupgande watŋet dâm ulit yeŋgire ewum hâumgom hepuli.” dâep. ⁴¹ Hain dâmbo Yesuŋe hin dâm maganŋep, “Yei, luâk kâmot bo nânŋâniŋmai ye hanyeŋe kârikŋe. Nâ ye olop sopŋe sopŋe manmâ sokom katyekbian mon? Nange are mem ga.” dâep. ⁴² Hain dâmbo Yesugâlân mem âgâambo sinduk banianŋe bâlene agaŋdo dewunŋe gâwân gâwân dâmbo ge yiep. Hain akto Yesuŋe sinduk baniara bâlene are watmâ pando arimbo âlepŋe akmâ ewenaelân ariep. ⁴³ Arimbo luâk âmbâlene Anutuŋe memene agaŋdo kulem miep are ekmâ nânŋâm bâtyeŋe dâtyeŋân igim kinmâ han lâuwâ agi.

Mombiap aregât makmâ miawagep.

⁴⁴ Hain akmâ dât yeŋân igim kinbiâ Yesuŋe hoŋ bawalupŋe oloŋ yekmâ makyenŋim hin dâep, “Den ire makyenŋire nânŋâm mem biwiyeŋân katmâ manbi. Nâ luâk akmâ geân nâ hilip nuguwerâm luâkŋe menekbai aregât sop tâlâguâp.” dâep. ⁴⁵ Hain dâm makyenŋimbo nânŋâmbiâ den keiŋe yeŋaelân Anutuŋe bo kalep aregât akmâ aikowerâm agi are nânŋâm hamep akmâ hepuli.

Luâk gain hin arekŋe humo akmâ ewangiyekbiap.

⁴⁶ Akto hoŋ bawalupŋe, “Nengâlân gâtŋe niŋande humonenŋe akmâ manbiap?” dâm maganŋi goanŋi akmâ papalagi. ⁴⁷ Hain akbiâ Yesuŋe biwiyeŋaet keiŋe ekmâ nânŋâm âmâ nanaŋ bâlensiâ siâ mem hutyeŋân kato kindo hin dâm makyenŋiep, ⁴⁸ “Siâne nanaŋ bâlensiâ ire hinare tângomap are âmâ nâ tân nugumap aregât dop akmap. Akto siâne nâ tân nuguâp aregât dop akmap arekŋe Anutuŋe huŋgun niŋep nâ tân nugumap. Akto yeŋgâlân gâtŋe siâne, “Nâ luâk yânŋe mandân.” dâm biwiŋande ikinŋaet nânŋâambo gemapŋe emelâk ewangi yektâp.” dâep.

⁴⁹ Hain dâmbo Yohanene Yesu hin dâm maganŋep, “Luâk humo anŋâ yeŋgâlân gâtŋe siâne gâ gogonmâ sinduk baniara bâlene watyekto are ekmâ, “Gâ nengâlân gâtŋe bo. Hain bo ak.” dâm koanŋion.” dâep. ⁵⁰ Hain dâmbo Yesuŋe hin dâm maganŋep, “Luâk siâne gasa bo akyenŋimapeŋe amâ ye tân yeŋgum gala akyenŋiwiap. Gârâmâ siâne hain akto âmâ bo koanŋi.” dâm maganŋep.

Samaria kepia ambolupŋande Yesugât hamep agi.

⁵¹ Yesuŋe himbimân purik katmâ âgâwiap aregât sop tâlâgumbo Yerusalem kepien ariwerâm aregât biwiŋe humo kalep. ⁵² Hain akmâ hoŋ bawalupŋe huŋgun yeŋgimbo den mem ariyi. Arim Samaria yeŋgât kepia siân arim Yesu ain ariwiap aregât, “Emet siâ yogan nengimbiâ heŋgemgone.” dâm aregât kepia ambolupŋe makyenŋiyi. ⁵³ Makyenŋimbiâ Yesu Yerusalem kepien ariwiap aregât kautŋe oriepgât nânŋâm bo dâyi. ⁵⁴ Hain dâm emet gangerâmbiâ Aposolo lâuwâ Yohane akto Yakobo yâkŋe nânŋâmbela ârândân bo akto peiyekmâ Yesu aikom hin dâyi, “Humo gâ nânŋâmenâ netŋe dâetŋe himbimânba kâlâp siâ gem oyegâk.” dâyi. ⁵⁵ Hain dâmbela purik dâm yelekmâ, “Hepulet.” dâm den are koyetkiep. ⁵⁶ Koyetkimbo kepia siângen ariyi.

Luâk hain arekŋe Yesugât haminân ariyi.

⁵⁷ Arimbiâ luâk siâne mem miawakymâ Yesu hin dâm maganŋep, “Gâ iregen me aregen ariwerâm akmenâ nâ watgekmâ manbian.” dâep. ⁵⁸ Hain dâmbo Yesuŋe hin dâm maganŋep, “Soŋgo âmâ emetyeŋe âlepŋân yemai akto lâut âmâ kelomyeŋe âlepŋân tatmai. Dâ nâmâ luâk akmâ geân nâmâ emetne bo tatniŋdâp.” dâep.

⁵⁹ Akto sop siân Yesuŋe luâk siâ mem miawakymâ hin dâm maganŋep, “Gâ nâ wat nekmenâ olop mande.” dâmbo hin dâep, “Humo, nânŋâmenâ nâŋe soŋ arim apone hangom âkâ purik katmâ togore gâ olop ariwaet.” dâep. ⁶⁰ Hain dâmbo hin dâep, “Momoŋe manmai arekŋe momolupyene hangoyekŋet. Dâ gâmâ arim Anutuŋe luâk âmbâle damunyeŋe

akbiap aregât den pat makyenjiwen.”
dâep. ⁶¹ Hain dâmbo luâk siâne Yesu hin
dâm maganep, “Humo gâ olop ariwaetgât
nângân. Gârâmâ nângâmenâ nâ purik
katmâ arim ginbailupne yekmâ indem
katyekmâ purikatmâ togore âmâ gâ olop
ariwaet.” dâep. ⁶² Hain dâmbo Yesu
hin dâep, “Maktât aregât hin maktere
nângâ. Luâk siâne âiân ariwerâm âmâ
pânân hepunbiapne amâ Anutugât kepiân
ariwiap gât dop bo talanbiap.” dâep.

10

*Yesu Anutugât den makyenjiwet dâm
luâk 70 hungun yengiep.*

¹ Manmâ Yesu luâk 70 siâ mem oloj
yekmâ âi den dâm yengiep. Akto ikinjak
kepiâne kepiâne ariwerâm nângâep ain
âmâ luâk lâuwâk lâuwâk mem katyekmâ,
“Yeje soj arinet.” dâm hungun yengiep.
² Hungun yengiwerâm kinmâ den hin dâm
makyenjiwet, “Kalamân sot bunje dondâ
miawaktâp aregât âi amâ humo. Dâ âi
luâk amâ amon siâ. Aregât sotgât Amboje
maganbiâ Ambojande ikinje kalamângen
luâk siâkâ lâuwâne katyegâk. ³ Akto siâ
makbe. Lama pâlâmne are dua metje hut
yenân arimbiâ hilip yengumai dop hainare
akmâ luâk metje tânâmyenân hungun
yengire arim manbai. ⁴ Hungun yengire
ariwerâm âmâ delem me puli me kei
pekeje himbân lâuwâ bo meakmâ ariwai.
Akto kepiangen ariwerâm dâwângen luâk
olop den kâlep bo akbai. ⁵ Yânâk tâj
tânâk kepiân ariwai. Akto emet siân
âgâwerâm âmâ emet aregât ambolupne
herone akyenjiwai. ⁶ Herone akyenjiwibiâ
emet ambolupne bikjande herone akmâ,
“Gambiâ biwi konok akne.” dâmbiâ âmâ
gala akyenjiwai. Dâ emet ambolupjande
gala bo akyenjiwibiâ âmâ hepun yekmâ
ariwi. ⁷ Âi luâk âi meyenjiwai are âlepne
puli yengimbiâ ârândân akmap. Aregât
nângât âi ketuguwai aregât ⁸ kepiâ siâ me
siân âgâmbiâ sot om yengimbiâ âmâ nem
ain tatbi. Tatmâ emet ain ba bam emet
anğân hanâk hanâk bo âgâwi. ⁹ Gala hain
akyenjiwibiâ ainâk tatmâ kundat akbai are
henjem yenguwai. Henjem yengum âmâ hin
dâm makyenjiwi, “Anutune damunyeje

akberâm aktâp aregât ire akyenjiwen.”
¹⁰ Hain dâm makyenjiwet arewa kepiâ siân
arimbiâ hâkânyene akbai âmâ sombeimân
kinmâ hin dâm makyenjiwi, ¹¹ “Kepia
in gâtne gagap pipine siâ bo membaen
aregât keinenjân nukum me gagap tatâp
ire pañ pañgom pandenne amâ hin ekmâ
nângânet. Anutune damunyeje akberâm
aktâp aregât miawakbiapgât sop tâlâguâk.”
Hain dâm makyenjiwet hepun yekmâ ariwi.
¹² Akto aregât keine maktere nângânet. Sop
humoân Sodom kepiâ ambolupne agak
meme bâlene agi aregât hâu membai. Dâ
kepiâ ambolupjande yengât hâkâj akbai
aregât hâu bâlene humo membai.” dâep.

¹³ Yesu hain dâm kepiâ bikne yengâlân
katmâ hin magep, “Woe, Korasin kepiâ am-
bolupne, woe, Besaida kepiâ ambolupne,
nâne yengâlân kulem hamepne olowâk
ketugum manmâ gan hain are Tiro Sidon
kepiân ketuguân dâine yâkne emelâk agak
memeyeje bâlene are hepunmâ kângom
kinmâ yenjaet okot bâle nângâ anjim
manmâ Anutugât den nângâwâi. ¹⁴ Ye
hain akbai aregât siân sop humoân Tiro
Sidon kepiâ ambolupjande dosa membai.
Hain membiâ yeâmâ dosa umatne bâlene
membai. ¹⁵ Akto Kapanaum ambolupne
ye hilâm ârândân kotyeje mem agatmâ hin
dâmai, “Nen emelâk himbimgât pat akmâ
manden.” Hain dâm mandâi. Aregât ye
âmâ hememân gewai.

¹⁶ Yeje den ire luâk âmbâle bikne makmâ
miawakyenjiwibiâ âmâ Anutugât den tâjâk
nângâwâi. Akto den ire makyenjiwet mi-
awakyenjiwibiâ hâkâj akmâ bo lokowai
are âmâ ye bo hâkânyenjiwai. Are âmâ nâ
hâkâjniñmâ akbai. Akto hungun niñep yâk
gai hâkâj aganbai.” dâep. Hain dâm hungun
yengimbo ariyi.

Luâk 70 purik kali.

¹⁷ Luâk 70 arekne manmâ purik katmâ
togom biwiyene herone humo akto aregât
Yesu maganmâ hin dâyi, “Humo gâ
gogonmâ kepiâ ain ain sinduk baniara
watyenjiwetne dennenne lokoyi.” dâmbiâ
¹⁸ yâkne hin dâep, “Ye arim sinduk baniara
bâlene watyekbiâ âmâ Niambiñe âmâ mem
belek katmap dop hainâk akmâ himbimân
ba ge kondo egân. ¹⁹ Nângâi. Niambi

sâmbâ metne me dek kaknân tâlimbiâ hilip yenguwop akto sinduk bâlenande mem siâ me siâ yenjiwop dâm aregât kârikne yenjiân. Gârâmâ wâtnân kinbiâ memene akyengire manbai. ²⁰ Gârâmâ sinduk baniara bâlenande denyene lokombiâ aregât herone bo aknet. Himbimân manbaigât Anutune kotyene kulemgoep aregât nângâm herone aknet.” dâep.

Yesune biwi herone nângâep.

²¹ Akto sop ain Anutugât Heaknande memene agando Yesune biwine herone humo nângâm Anutu hin dâm maganep, “Apone, himbim haru hân ambone gânje luâk bikne nângâ nângâyenâet nângâmbiâ humo akmap are âmâ gânngât denge are mem heambukyengimat. Dâ nanañ âmâ makmâ miawakyengimat. Aregât nâ mepaige mendân. Gâ hain miawagâkgât makmâ kârigien. ²² Ewene yâkne nâ meme akniñdo aregât kotne siâ siâ akman. Akto Ewenaet keine nângângât luâk âmbâle potatyekmâ biken biken makyengire arekne âmâ hainâk keine nângâwai.

²³⁻²⁴ Hain dâm honj bawalupne yonâk hin dâm makyengiep, “Den bunje makyengiwe. Uliknân Anutugât propete akto luâk kotdâ dondâne wan me wan unak yene ekmâ mandâi hainâk ekberâm ukenje humo nângâm mali. Dâ âmâ bo egi. Akto den pat âlepne makyengire nângâi ire gai nângâwerâm ukenje humo nângâm mali. Dâ âmâ bo nângâyi. Aregât ye âmâ wan me wan ekmai aregât nângâm herone humo akmai. Akto den pat âlepne makyengire nângâmai aregât herone humo nângâm manmai.” dâep.

Luâk siâne gasane ekmâ benje gala aganep.

²⁵ Akto Mosegât den makmâ kepigi siâne Yesu dop komberâm den hin dâm aikoep, “Luâk humo, gain gain akmâ âmâ manman kâriknaet pat aktere ârândân akbiap?” dâep. ²⁶ Hain dâambo hin dâep, “Moseñe den gain gain kulemgoep? Akto wan oyanmat?” dâambo ²⁷ hin magep, “Den kulemgoep are hin tatâp, “Anutugâlâk nângâm denje lokom biwige yâkgâlân katmâ yâkgât wâtnân kinmâ manben.”

Akto siâ hin tatâp, “Gâ gugaet akmat hainâk galagaet aganben.” hain tatâp.” dâep. ²⁸ Dâambo hin dâm maganep, “Âlepne den are lokom kinmâ manman kâriknaet pat akbiat.” dâep. ²⁹ Hain dâambo luâk arekne ikinje agak memene are mem agatberâm akmâ kâriknaet kulâgâtmâ hin dâm maganep, “Gâ niñâet nângâmenâ gala aktâp?” dâambo ³⁰ Yesune den ginne siâ hin dâm maganep, “Yuda luâk siâne Yerusalem kepia hepunmâ Yeriko kepiangen arimbo gasalupnande tengâ kinmâ kombiâ gilâmne gem yiep. Ge yendo hâk pekenje me puli me wan me wan meanmâ ariyi. Arimbiâ âmâ momberâm akmâ yiep. ³¹ Hain akmâ yendo Yuda gâtne sumbe kat kat luâk siâne dâp hainâk togom yendo egep. Dâ egep amâ hâkân akmâ yân hanâk ewangiep. ³² Akto sumbe emetne aregât honj bawa siâ Lewigât kâmolân gâtne siâne âkâ hainâk togom yendo ekmâ enemñânâk bam tâñâk egep arekne benje biwine pâlamne akto yânâk ewangim ariep. ³³ Hain akto benje gasane siâ Samaria hânân gâtne arekne togom âmâ egep. ³⁴ Ekmâ okotne nângâm enemñânâk bam ekmâ âmâ gilâmne pulianmâ keluje mem pulim diwine are katip koanep. Hain akmâ donjine kaknân mem kato âgâambo mem kepia siân arim luâk lombo togo yemai are yengât emet yenân kato tato gala aganmâ damunje agep. ³⁵ Hain akto emet haunjo ariwerâm âmâ emet aregât ambone puli wanmâ hin maganep, “Damunje akmâ manmenâ puli ginñân ire bo akto âmâ siân lâuwâne ginñian.” dâm ariep. ³⁶ Hain agep aregât aigugure makniñ. Gânje nângâmenâ luâk âlâwu are yengâlân gâtne niñâet âmâ nângâmenâ âlepne aktâp?” dâep. ³⁷ Hain aikombo hin dâep, “Han kalem aganep luâk arekne keine nângâm damunje agep are.” dâep. Aregât Yesune hin maganep, “Gânje dop hainâk akyengiwien.” dâm maganep.

Mata akto Maria.

³⁸ Akto Yesu Aposololupne kepia siângen arimbiâ âmbâle siâ kotne Mata yâkne Yesu kewugumbo emetñân âgâyat. ³⁹ Âgâmbela garine kotne Maria, yâkne âmâ Humogât enemñân bam tato maganjo nângâm talep.

⁴⁰ Den nângâm tato Mataņe ikinjak sot om âi miep aregât, “Garinande siâ bo tân nuguâp.” dâm nângâm bâlianmâ hin dâep, “Humo, garinande yân tato nunagâk sot om tatân aregât nângâre bâliâp. Magañmenâ tân nuguâk.” dâmbo ⁴¹ Yesuņe hin dâm magañep, “Mata, gâ wan me wan yânņe aregât hanoko akmâ hâk hilâlâm kakñân kindât. ⁴² Garige âmâ nângât den nângâwerâm akto ârândâņ aktâp aregât siâņe bo gulipkowiap.” dâep.

11

Anutu olop den akbaen aregât keiņe hin tatâp.

¹ Yesuņe siângen arimbo Anutu olop den agiat. Akmâ metembela âmâ hoņ bawa siâņe hin dâep, “Humo, Yohanene galalupņe Anutu olop den agi aregât keiņe makyengiep aregât hainâk maknengimenâ nângâne.” dâyi. ² Hain dâmbiâ hin dâm makyengiep, “Anutu magañberâm âmâ hin dâm magañbi. Ewenenņe kotge agat agatņe are hainâk âlepņe tatmâ âgâwiâp. Damun nenņe akmenâ wâtgân kinmâ mandenņe hânân humo aknengiwen. ³ Akto hilâmņe hilâmņe sot dop nennânâk ârândâņ nengiwen. ⁴ Akto luâk siânbaņe bâleņe aknengim aregât dosa memai are hepun yengim malion dop hainâk dosanenņe kutigit nengiwen. Akto gâņe bo dop nenguwen.”

⁵ Yesuņe hain dâm den ginņe siâ hin dâm makyengiep, “Yengâlân gâtņe siâņe hândâk tânâmñân arim galaņe siâ hin dâm magañbiap, ⁶ “O galane, makginđere nângâ. Galane siâ dâp manmâ nângâlân togombo sot bo akto wan waņberâm aregât sot siâ niņmenâ waņdere neâk dâm aregât gângâlân togoân.” dâmbo ⁷ galaņe arekņe emelanâk tatmâ hin dâwiap, “Galane, gain akmâ hândâk timoņân togom nongondât? Emelâk emet hânģiņe gugure nan baratlupne asiņ yendâi aregât agatmâ ginberângât dop âlepņe bo.” ⁸ Aregât hin makyengire nângâņet. Galaņande hain dâm emelanâk tatmâ gala bo agañbiap. Dâ kârikņe akmâ hâwâtmâ ulilaņdo aregât hanâk waņbiap. ⁹ Aregât maktere nângâņet. Yeņe hain are aregât undâgâtmâ manmaen dâm Anutu magañbiâ tân yengumap. Akto

kulâgâtmâ manmaiņe mem miawakbai. Akto emet hânģiân “Woa” dâmbiâ wan me wan magañmai dop hainâk Anutuņe wan me wangât makbiâ hainâk yengimap. ¹⁰ Aregât Anutu aikomapņe den hâuņe nângâmâp. Akto undâgâtmâpņe mem miawakmap. Emet hânģiân konmai yâkņe wan me wan ulilaņbiâ hainâk miawak yengimap. ¹¹ Akto yengâlân gâtņe siâgât nanņande sotgât ulilaņdo kât waņbiap mon? Akto yengâlân gâtņe siâgât nanņande iņangât ulilaņdo niambi sâmbâ bo waņbiap. ¹² Akto pui koaņaet ulilaņdo kendemuņ are bo waņbiap. ¹³ Akto ye luâk bâleņande nan baratlupyeņe damunyeņe akmâ wan me wan âlepņeâk akyengimai hainâgâk Eweyeņe Anutu himbimân mandâp arekņe dopņe are ewangim luâk siâņe aikombo yâkgât nângâm ikinģe Heakņe dowâk huņgun aņdo gewiap.” dâep.

Yesuņe Anutugât wâtñân kinmâ sinduk baniara bâleņe watyegep.

¹⁴ Akto sop siân sinduk baniara bâleņande luâk siâ oloņmâ hanņe dâpņe tigimbo den bo makmâ malep. Den bo makmâ mando Yesuņe sinduk baniara are wato arimbo hanņe pâroņ âgâambo den agep. Den makto luâk âmbâleņe ekmâ bâtyeņe dâtyeņân igim kili. ¹⁵ Akto Parisaio luâk bikņande hin dâyi, “Niambi kotņe Besebulu sinduk baniara bâleņe are yengât humoyeņe arekņe meme agaņdo sinduk baniara watâp.” dâyi. ¹⁶ Dâ luâk bikņande âmâ hianmâ hin dâm ulilaņi, “Makmenâ kulem siâ himbimânba miawakto ekmâ keige nângâwaengât dopņe agâk.” dâyi. ¹⁷ Hain dâmbiâ yekmâ nângâm den ginņe hin dâm makyengiep, “Hân siâgât ambolupņande potalakmâ agumbiâ âmâ kotyeņe humo bo akbiap. Bo kârikņe. Are hilip aguwai. Akto hainâk luâk âmbâleņe hain akmâ nanaņ lepatlupyeņe hilip yengumbiâ dâine kâmot are gulip akbop. ¹⁸ Dop hainâk Niambigât kâmotņe potalakmâ galalupyeņe watyekmai dâine Niambi âi kârikņe bo ketuguwop. Aregât yeņe âmâ nângât hin dâi, “Besebuluņe memene aģaņdo sinduk baniara are watâp.” dâmbiâ ârândâņ bo aktâp. ¹⁹ Hain dâmbiâ aregât yengât hoņ bawalupyeņande

sinduk baniara bâleŋe watyektâiân niŋaet wâtŋân kinmâ watyektâi? Yâkŋe âmâ keiyene makmâ miawakbiâ âmâ yengât den are nâŋgâm heŋgemgowi. ²⁰ Nâŋe âmâ Anutugât wâtŋân kinmâ sinduk baniara bâleŋe are watyektângât Anutune damunyeŋe akmap aregât keiŋe uŋak yu ektâi. ²¹ Aregât den ginŋe siâ maktere nâŋgâŋet. Luâk kârikŋe siâŋe mâron goliakmâ tembe bisârâŋ me nandup me kândâm meakmâ ikiŋe kârikŋeŋaet nâŋgâmbo humo agep are mem âgâm emet kepiaŋe damungom heŋgemgowiap âmâ yâkgât ito me wan me wan âlepŋe talaŋbiap. ²² Hain akto gasa kârikŋe dondâŋe togom bugâ mâron aregâlâk nâŋgâwiap are kom watmâ gulip kom aregât tembe bugâ kemun puli me wan me wan dua baulupŋe are meanmâ arim galalupŋe oyaŋmâ yengiwiap. ²³ Aregât luâk siâŋe gala bo akniŋmapŋe âmâ gasa akniŋmap. Akto siâŋe âine ekmâ bo tân nugumapŋe nugum pan nekbiapgât dop aktâp.

Sinduk baniara bâleŋande galalupŋe mem kewuguyekto lâuwâŋe purik katmai.

²⁴ Sinduk baniara siâ walaŋdo âmâ hân pumâŋgen are luâk niŋaet undâgâtmâ manbiap. Undâgâtmâ mando bo akto hin dâwiap, “Emelâk nâŋgât luâk are agaŋmâ hepulân aregâlân purik katmâ arim manbian.” ²⁵ Hain dâm purik katmâ arim emetnenŋe pulim mem âlepŋe ketugumaen dop hainâk luâk arekŋe ekmâ hin dâwiap, ²⁶ “Sinduk baniara galalupne dondâ bâleŋe are meyekmâ togom luâk are mem manmâ nâŋgâwian.” dâm arim galalupŋe nâmbulân lâuwâ bâleŋe dondâ akmai are mem miawakyekto togom membiâ emelâk bâleŋe agaŋep are ewangim umatŋe agaŋbai.”

²⁷ Yesuŋe hain dâm makyenŋimbo kinbiâ hutyenânba âmbâle siâŋe hin dâm maganep, “Memegande meŋgekâm nam giŋep yâkgât nâŋgâre âlepŋe aktâp.” dâep. ²⁸ Hain dâmbo Yesuŋe nâŋgâm hin dâep, “Âlepŋe maktât gârâmâ nâŋe Anutugât den nâŋgâm lokom manmai are yengât nâŋgâre âlepŋe humo aktâp.” dâep.

Kulem siâ miawakto ekberâm nâŋgâyi aregât makyenŋiep.

²⁹ Luâk dondâŋe Yesugâlân togom mem ândeap gondeap ketugum kinbiâ hin dâm makyenŋiep, “Kâmotyene bâleŋe, yeŋe kulem siâ miawakto ekberâm makniŋmâ manmâ gai are ektere bâliâp. Hain aktâi aregât hinŋeâk âmâ kulem siâ bo mem miawaktere ekbai. Aregât ulikŋân âmâ Anutune luâk kotŋe Yona aregâlân kulemgoep are uŋak kulem dop hainâk mendere ekmâ nâŋgâwai. ³⁰ Ulikŋân âmâ Yonaŋe kulem siâ agep are Niniwe kepia ambolupŋande egi kulem hain are hâmbâi luâk akmâ gewiap dâmai are nâ yu ge mandân hâmbâi siâ bo nekbai. ³¹ Akto âmbâle kotdâ siâŋe ulikŋân Salomo yâkgât nâŋgâ nâŋgâŋe ekberâm kepia kâlêwâŋenba togoep. Nâŋgât nâŋgâ nâŋgâŋe irekŋe Salomogât nâŋgâ nâŋgâŋe are ewangiâp ina yeŋe nâŋgât den bo lokomai aregât sop humoân keiyene makmâ miawakbiâ ekbianân âmbâle kotdâ arekŋe hutyenân agatmâ kinmâ biwiyenŋaet den dopyenân dâm keiyene makmâ miawakto dosa membai. ³² Akto Yonaŋe Niniwe kepia arim kepia ambolupŋe den kârikŋe makyenŋimbo hamep akmâ agak memeyene bâleŋe makmâ miawakmâ mali. Aregât hin maktere nâŋgâŋet. Nâŋe âmâ Yona ewangiân ina yeŋe nâŋgât den bo nâŋgâm lokomai. Aregât sop humoân Niniwe kepia ambolupŋande agatmâ kinmâ yeŋe nekamyenân tângom kinbiâ hârokŋe hâuŋe membai.” hain dâep.

Pagalenŋaet dop.

³³ Akto Yesuŋe den ginŋe siâ hin dâm makyenŋiep, “Luâk siâŋe pagaleŋe sagom gaunmâ umbâ kâlegen katmap dâine pagaleŋe bo miawakbop. Gârâmâ tek tekŋân kato âmâ emet kâlegen ululunŋe arekŋe pagalembo ekmâ gem âgâmai. ³⁴ Hâkgaet pagaleŋe amâ dewunge. Dewunge âlepŋe tato âmâ hâkge mem pagalewiap. Dâ dewunge bâlimbo hâkgande hândâk akbiap. ³⁵ Akto biwiyenân pagaleŋe tatâp are bo akbopgât nâŋgâm kinmâ biwi golâ manmâ âgâwi. ³⁶ Akto biwiyenande agak memeyene irakŋeâk akmâ pagaleŋe olowâk tatbiawân hainâk wan me wan

âlepne are tek tekñan ekbai. Pagalenje mem tek tekñan katmai aregât dop hain tatâp.” dâep.

Hiangi bo akmâ manbi.

³⁷ Den are makyengim mando Parisaio luâk siâne Yesu sot neâk dâm mem oloņep. Mem oloņdo emetjân âgâm bânje bo pulim yânâk sot mem nemângen ge talep. ³⁸ Hain akto bânje puliâkgât soņ bo maganepgât Parisaioņe nângâmbo bo ârândân agep. ³⁹ Hain akto Humoņe hin dâm maganep, “Bâe, Parisaio ye hin aktâi. Yeņe âmâ kondo, umbâ tuân pulim hâkgâlâk nângâm manmai aregât biwiyeņe âmâ helenj akmâ űasukņe agep aregât bo nângâmai. ⁴⁰ Ye âmâ luâk ulikñân Anutuņe Adam ketugum hâk biwi nângâ nângâņe olop kalep aregât Anutuņe hâkgât akto biwigât lâuwâ lâuwâ nângâm manmap. Gârâmâ ye âmâ hâkgâlâk nângâm manmai. ⁴¹ Akto aregât hin makyengiwe. Biwiyeņe damunņe akmâ Anutugât den nângâm heņgemgom lokowai âmâ ârândân akto Anutuņe yekmâ âlepne dâwiap.

⁴² Bâe, Parisaio ye wan me wan usak lombo me hemi me kârik hainare amâ Humogât pat dâm katmai. Hain akmâ siâ me siâ Anutuņe ekto ârândân akmap me Anutugât han kalemņe are bo lokomai. Gârâmâ wan me wan umatņe me owâiņe lâuwâ lâuwâ akmâ manbiâ âmâ ârândân akbiap. Hain akmâ manmai dâine ârândân akbop. ⁴³ Bâe, Parisaio yeâmâ den emetjân âgâm luâk kembu yeņgât tat talân tatberâm aregâlâk nângâmai. Akto dâwân luâk âmbâleņe yekmâ nângâ yeņgimbiâ humo agâkgât bam gane dâm aregâlâk biwiyeņe humo yemap. ⁴⁴ Bâe, Parisaio yeņgât dop siâ hin. Luâk siâ mondo yoņâk lokom hangombiâ hambuep dop hain. Akto luâk âmbâleņe kakñân bam gutmâ aregât bo nângâmai. Ye dop hain akmâ manmai.” dâep.

Yesuņe den hain makmâ Mosegât den kârikņe makmâ kepigep siâ sârekoep.

⁴⁵ Yesuņe hain dâmbo Mosegât den kârikņe makmâ kepigi areyeņgât hutyeņân gâtņe siâne hin dâm maganep, “Luâk humo, hain dâm makyengim nen olowâk hâkâņ

nenekmenâ nângâenņe bâliâp.” dâmbo ⁴⁶ hin dâm maganep, “Bâe, Mosegât den kârikņe makmâ makyengimai yeņe den siâ siâ umatņe are luâk kakyeņân katbiâ lokombiâ yeņe âmâ bo tânyeņgum âmâ owâiņân manmai aregât aņun bo aņgimai. ⁴⁷ Bâe, ulikñân bâgilupnenņande Anutugât den makmâ miawagi are yeņgum mem siâ siâ ketugu yekbiâ mombiâ are yeņgât sum kakñân siâ siâ buluņe mem togom katmâ mem âlepne ketugu yekbiâ kepia sombeim hain are miawagep. ⁴⁸ Hain akmâ âmâ bâgilupnenņande yeņgâlân lâuwâņe bugâ yeņaet nângâmbiâ âlepne agep. ⁴⁹ Aregât Anutugât nângâ nângâņe humo arekņe den hin dâep, “Hoņ bawalupne propetelupne akto aposololupne âi makmâ yeņgim huņgun yeņgire yeņgâlân togom makmâ miawakbiâ yeņgum hâk hilâlâm siâ siâ ketugu yekbiâ bikņe mombai.” Anutuņe hain dâep. ⁵⁰ Akto aregât ulikñân Anutuņe keiņe katmâ luâk âmbâle ketugu yekto mali sop ain Anutugât hoņ bawalupne hilip yeņgum gayi are yeņgât nângâmbiâ âlepne akmap aregât yeņe hainâk akmâ dosa hainâk membiâ Anutuņe yekâ hainâk akyengiep. ⁵¹ Ulikñân hakulupnenņande bugâņe luâk kotņe Abe kom ainba keiņe katmâ yeņgum gam gam bânje Sakaria sumbe emetjaet hânģi akto alatagât keiņe aregât hutjânba gam ariwerâm akto ain kombiâ moep. Aregât hin makyengire nângâņet. Yu mandâi irekņe Anutugât luâk âi membiâ ârândân agep are hilipyengumbiâ moyi aregât hâuņe amâ yeņgâlân miawakbiap. ⁵² Bâe, Mosegât den kârikņe makyengimai yeņe luâk âmbâle arekņe Anutugât keiņe nângâm denņe lokoyi aregât dâp tigi yeņgim gamai. Tigi yeņgimbiâ bikņande ariwerâmbiâ dâp katyeņgim âmâ yeņeak âmâ hâkâņ akmâ dâp ainba bo arimai.” Hain dâm makyengiep.

⁵³ Akto kepia are hepunmâ siângen ariwerâmbo Mosegât den kârikņe makmâ kepigi arekņe akto Parisaio yeņgât biwiyeņe kâlâp akto den kakñân hogo aņberâm agi. ⁵⁴ Hain akmâ Yesuņe den hilipkom dosa meâk aregât lâmgom kinmâ mali.

Tik tikjân tatâp siân tek tekjân miawakbiap.

¹ Akto luâk âmbâle dondâne togom pikmâ kondan agum kinmâ keiyenande tâliagi. Hain akmâ kinbiâ hoj bawalupne are hin dâm makyengiep, “Ye Parisaio yengât kalak arekne yengâlân hâtikowopgât ekmâk manbi. Nâ Parisaioje biwi hiangi akmâ manmâ keiyene bo nângâmai aregât maktân. ² Wan me wan muney akmai are hainâk bo tatbiap are siân tek tekjân miawakbiap. Akto wan me wan siâ tik tikjân tatmap are hainâk bo tatbiap, are siân mem miawakbai. ³ Ye hândâknân heambukmâ kinmâ den dâmai are siân dewutâ humoân âmâ ekmâ nângâm hârogâk ekmâ mem miawakbai. Akto den yonjâk makmai are siân sombeimân kinmâ makmâ miawakbiâ nângâm metewai.” dâep.

Anutuje oyan nenektâp.

⁴ Akto Yesuje den siâ hin dâm makyengiep, “Galalupne ire maktere nângânet. Luâk siâne hâkyene yengum benje aregât kakjân lâuwâne bâleje siâ akyengiwaigât kârikne bo tatyengiâp aregât hamep bo akbi. ⁵ Akto hamep aknetgât makyengire nângânet. Yengum metem âmâ haminân kâlâp kârikjân panyekto manbai yâkgât hamep aknet. Gârâmâ yâkgât konok âmâ nângâm hamep aknet dâm aregât makyengiân. ⁶ Lâut siâ kotne sâmbâlilik are âmâ lâut yânne dâm aregât puli gegenande puligomaen. Hain gârâmâ Anutuje sâmbâlilik are yengât hârogâk nângâmbo tatâp. ⁷ Dâ Anutuje yengât kautyene dumutne oyanmâ metemap. Aregât hamep bâlâk manbi. Ye sâmbâlilik bo. Ye luâk.

Yesugât nângâm anjun anjiwaengât dop bo tatâp.

⁸ Akto siâ maktere nângânet. Luâk siâne biwine nângâlân katmâ luâk âmbâle hutyenân agatmâ, “Biwine Yesugâlân katere kindâp.” hain dâm makyengiwiap yâkgât akmâ luâk akmâ geân nâ hainâk Anutuje hungun niñdo gewianân âmâ Anutugât anelolupne makyengire bunje membai. ⁹ Dâ luâk siâne, “Yesu are bo

nângandân.” dâm makyengiwiap yâk hainâk nâ Anutuje hungun niñdo geân aregât Anutugât anelolupne yengât dewunyenân kinmâ, “Luâk are bo nângandân.” dâwian. ¹⁰ Akto luâk siâne nâ luâk akmâ geân bâleje akniñmâ mem ge katnekmâ âmâ dosa membiap are Anutuje dosa hepun anbiapgât dopne tatâp. Dâ luâk siâne Anutugât Heakne are mem ge katmâ âmâ dosa membiap are Anutuje hepun anbiapgât dopne bo tatâp. Borondâ. ¹¹ Akto siâ maktere nângânet. Denân kat yekberâm meyekmâ den emetjaet damunne yengâlân me kiap yengâlân meyekmâ ariwaiân âmâ, “Den hâune gain gain dâwaen.” dâm nângâmâk bo akbi. ¹² Sop ain den akbai are Anutugât Heaknande den dâpne meyengim makyengimbo âlepne dâwai.” hain dâep.

Hângât wan me wan aregât egâlian bo akbaen.

¹³ Akto kinbiâ hutyenânba luâk siâne agatmâ hin dâm Yesu maganep, “Luâk Humo, maktere nângâ. Ewenetne mondo teunande ito sikum ikiyeâk mem mandâp. Mem mandâp aregât maganmenâ bikne potatmâ niñâk.” dâambo ¹⁴ hin dâm maganep, “Luâk koldâ siâne nâ yengât damunne dâm bo kat negep aregât gâ wangât nângâlân aregât maktât?” dâep. ¹⁵ Hain maganmâ purik katmâ kâmot kili are yekmâ hin dâm makyengiep, “Sikum me kalam humo are biwiyenâet bo. Are âmâ hâk yenaelâk. Haingât galalupyenande hainare mem manmai are yekmâ aregât ukenne nângâmbiâ biwiyene bâlimap are bo agakne.” ¹⁶ Hain dâm den ginne hin dâm makyengiep, “Luâk koldâ siâne sot kâmeto bunne dondâ miawakmâ unsambe agep. ¹⁷ Akto biwiñande hin nângâep, “Gain gain akbe? Sot dondâ ire mem emet gain hinan katbe? ¹⁸ Nâ hin akbe. Nâne sot emetne bâlensiâ are patakome humoâk ketugum âmâ katere tatbiâp. ¹⁹ Tato unsambe humo yeniñdâpgât tatmâ nângâm sop kâlep aregât sot tu nem ukenne nângâm herone marone manmâ âgâwian.” hain nângâmbo ²⁰ Anutuje hin dâm maganep, “Gâ kopa. Emet dâgâmbo momberât. Momenâ âmâ wan me wan siâ siâ are

katmâ mem konok ketuguen are luâk niñande membiap?” dâep. ²¹ Den ginje are keiñe hin dâm makyengire nângâñet. Siâ yâk Anutugâlân han unsambe bo yeañdo âmâ ikinjaet pat dâtâñe sot sikum mem oloñmâ mem manbiap dopñe hainâk hâmbâi miawaganbiap.” dâep.

Anutuñe damun nenñe akmap aregât ongânennñe bo hogowiap.

²² Akto Yesuñe aposololupñe hin dâm makyengiep, “Aregât maktere nângâñet. Manmanyenjaet hanokoak bo akbi. Akto hin bo dâwi, “Wan nem manbaen?” Akto hâkyenjaet nângâmâk bo akmâ hin bo dâwi, “Wan mem luguakmâ manbaen?” ²³ Sotñe amâ bunñe bo. Manmanyenjaende amâ bunñe. Akto sâñgumñe amâ bunñe bo. Hâkyenjaende amâ bunñe. ²⁴ Ye lâut are yekñet. Are âmâ âi bo ketugumai, akto kalam yenânba sot wan bo mem mendugumai. Akto kâmbum bo ketugum alekñe katmai. Hain bo akmai aregât Anutuñe irawotñân sot mem miawak yengiep. Ye lâut hainare bo. Lâut amâ gegeñe. Dâ ye amâ âgâ âgâñe aregât nângâm hengemgom âmâ bo hanokoakmâ manbi. ²⁵ Akto yengâlân gâtñe siâñe ikinje nângâ nângâ watmâ manman kâlep manbiapgât dop bo tatâp. ²⁶ Arekñe wan me wan yânñe hain are akmâ ewum pâpkomai aregât wan me wan umatñe aregât nângâm hanokoakbiâ ârândânñ bo akmap. ²⁷ Akto aregât siâ makbe. Dem dem surandem are ekñet. Sâñgum lâuwâ lâuwâ yenjaet âi bo ketugumai. Akto Salomo yâkñe sâñgum kulem melem âlepñe dondâ mem malep arekñe tâk buluñe are bo ewangiâp. ²⁸ Akto pâloñângen siâ me siâ buluñe yeukñe unak hainare miawaktâp dâ hole hainare bererek âgâm gembo ombiâ omap amâ Anutuñe hanâk makto kulemñe âlepñe miawakmap. Aregât yengât sâñgum wan me wan mem miawakmâ yengiwai aregât nângâ nângâ yeukñe bo nângâm hengemgowi. ²⁹ Akto wan me wan nembraen me tugât gain gain membaen dâm aregât bo hanokoakbi. ³⁰ Are âmâ luâk âmbâle hânñe hânñe manmâ Anutu bo nânganmai yâkñe hanoko akmâ kulâgâtmâ manmai. Dâ ye siâ me siâ are bâlâk âlepñe bo manbai

are Eweyenjaende nângâmap. ³¹ Dâ ye âmâ, “Anutuñe damun nenñe akberâm aktâp.” hain nângâm denñe lokombiâ âmâ damunyeñe akmâ wan me wan are yengiwai. ³² Aregât nângâm biwiyenân katmâ hamep bo akmâ manbi. Eweyenjae Anutuñe yengât nângâmbo heronje akto, “Nângâlân gambiâ olowâk manbaen.” dâm makyengiwai. ³³ Aregât kotñe siâ siâ tat yengîap are mem arim yengimbiâ yâkñe puli yengimbiâ mem arim luâk umburuk manmai are yengiwai. Hain akbiâ himbimân katyengiep are bo gulip akyengiwai. Akto himbimân are luâk kâmburâñe bo meyenjiwai me sañ sañ siâñe bo nem hilipko yengiwai. Hain akbiâ are kârikñeak tat yengiwai. ³⁴ Egâlîañ yene yembiap hainâgâk hanyene yembiap.

Biwi golâk manbaen.

³⁵⁻³⁶ Hoñ bawalupyenjaende luâk huyenyeñe siâñe âmbâi mendo aregât sot om taliânba purik katmâ togom emet kâlegen gambo, “Woa” dâm den hogo anberâm hânjiân lângom tatmai dop hainare akmâ biwi golâk tatmâ manbi. Tatmâ manmâ, “Humonenñe amuten purik katmâ togowiap.” dâm biwiyenjaet damun kârikñe akbi. ³⁷ Luâk kotdâñe hoñ bawalupñe biwiyeñe golâ akto tatbiâ âmâ purik katmâ togom mem miawak yekmâ âmâ nângâ yengimbo âlepñe akbiap. Hain akmâ biwi hero nângâm itonje lândem katmâ sot om oyanmâ yengim neñet dâm yengiwai. ³⁸ Akto hândâk timonân yendo hoñ bawalupñe biwi golâ tatmâ damungombiâ purik katmâ gam mem miawakye kmâ biwi hero humo nângâ yengiwai. Hain nângâm heronje akñet dâm nângâ yengiwai. ³⁹ Akto siâ maktere nângâñet. Kepia ambolupñande gasalupyeñe hândâknân togowai sop are nângâm dâine âmâ biwi golâ tatmâ kepiayeñe damungombiâ âmâ bo bâliyengiwop. ⁴⁰ Aregât nâ luâk akmâ geân nâmâ hâmbâi lâuwâñe purik katmâ gewian aregât sopñe bonângâmai. Aregât yeâmâ biwi golâk damun nugum manbi.” dâep.

Hoñ bawa âlepñe bâleñe yengât keiyene.

⁴¹ Yesuñe den ginje hain dâmbo Petoronje aikom hin magañep, “Humo, den ginje are

Aposolo nengâlâk maktât me luâk hârok nengât maktât?” dâmbô ⁴² hin makyengiep, “Den umatje siâ maktere nângânet. Luâk kotdâ siâne hoj bawalupje yengât damun siâ katmâ hin dâm maganbiap, “Arim mandere gâje damunyeje akmâ sowânâk sot me songo are dop yenjânâk yengim manben.” ⁴³ Hain dâm hepnyekmâ arimbo damunyeje arekne âi aregât biwiñande mem heñgemgom mando humonande purik katmâ togom ekmâ okot âlep nângâ anbiap. ⁴⁴ Aregât den bunje hin makyengiwe. Hângât sikum siâ siâ are hârok damungowen dâm maganbiap. ⁴⁵ Dâ humoyenande damunyeje akmâ manben dâm arimbo âmâ damunyenande biwiñande hin nângâwiap, “Kotdânande hepun nekmâ arim sop kâlep mandâp imâ dowâk bo togowiap.” nângâm âmâ damunyeje akmâ âmâ gala bo akyengim tu kârikne nem biwi gulip akto ⁴⁶ humonande dowâk sâsân sâsân bo nângâwiap ain togom ekmâ aregât hâuñe wañmâ mem kom gâimbo itik matik akto den bo lokomai ain hâkokombo hemengât pat akbiap. ⁴⁷ Akto aregât siâ makbe. Hoj bawa arekne den are nângâm heñgemgom âmâ bo lokomaine aregât hâuñe umatje membai. ⁴⁸ Dâ hoj bawa siâne âmâ humonâet den pâpkom âmâ âi mem hilipkomap amâ bugâje owâine igiwiap. Hain aregât den dâtje âmâ hin. Luâk siâne umatje are wañdere memapje âi ketugum manmâ bunje umatjeâk mem miawakto âmâ ârândân akbiap. Dâ luâk siâ âi humo makmâ wañdere memapje aregât hâuñe bunje umatje dondâ bo mem miawakto âmâ are ârândân bo akbiap.

Yesuje gembo potalakmâ manden aregât den.

⁴⁹ Kâlâp punduñ panmâ longaim siângen arim om metemap dop hainâk agak meme bâleñe akbiâ aregât hâuñe yengiwan aregâlâk nângân. Are emelâk miawakto dâine herone akbom. ⁵⁰ Akto hâk hilâlâm nângâre aregât kakñân nângât den pat âlepñande miawakmâ ariwiap. Aregât hâk hilâlâm are miawakto bo akbiap aregât biwine umatje aktâp. ⁵¹ Akto maktere nângânet. Nângât âmâ hin bo dâwi, “Gala konok manñet dâm aregât maktâp.” Hain

bo. Nâ geân aregât hionakmâ me potalakmâ kâmot lâuwâ akmâ mandâi. Akto hainâk akmâ manbai. ⁵² Emet siâ aregât kâlegen luâk âmbâle nan baratlupyetje momerâk manmaine potalakmâ kâmot lâuwâ akbai. Biken lâuwâ biken âlâwu hain potalakbai. ⁵³ Akto eweñe nanñai arekne potalakmâ yetje gasa aganjiwiandat. Akto memene baratñai âkâ hainâk potalakmâ yetje gasa aganjiwiandat. Akto erânñe erânñe arekâ hainâk potalakmâ gasa aganjiwiandat. Amâ hainâk nâ geân aregât gasa aganjiwai.” dâep.

Sop humoân Yesu gewiap aregât keñe.

⁵⁴ Yesuje luâk âmbâle kâmot humo are hin dâm makyengiep, “Hamandat dâgâmbô âmâ ye hin dâmai, “Woe, tânâk hologowerâm aktâp.” hain dâmbiâ hainâk akmap. ⁵⁵ Akto hamandat tokberâmbo âmâ ye hin dâmai, “Emelâk dewutâ komberâp.” dâmbiâ hainâk akmap. ⁵⁶ Ye hiangi luâk. Yeñe hamandat kulewoñwoñ aregât keñe nângâmai. Dâ sop iregât keñe wangât bo nângâm heñgemgomai? ⁵⁷ Aregât gain gaingât âmâ hanyeneâk akmâ dâp âlepñe bâleñe are bo ekmâ nângâmai? ⁵⁸ Gasagande mengekma kiapgâlân arim denân kat gekmâ dâm hâre giñdo tembe lokolupñande mengekma kala busiân kat gekbâi aregât dâwân arim galage makmâ miawaganmenâ yetjeâk dâm gala aganjiwiandat. ⁵⁹ Borâm hâre anjiwiandat akto âmâ kala busiân kat gekbiâ tatmâ âmâ yân bo gewiat. Hâu hârok puligom kutigitbialân âlepñe ain gewiat.” dâep.

13

Agak memenenñe bâleñe are hepunmâ Anutugât den lokom mandenñe damunnenñe akbiap.

¹ Sop ain luâk bikñande Yesugâlân togom den pat hin maganji, “Pilatoñe dâmbô tembe lokolupñande Galilaia hânân gâtñande lama akto makao kom gâim Anutugât sumbe higenñe oyi yâk yengumbiâ gilâmyene gembo makao gilâmyene olop mendugum katmâ oyi.” dâyi. ² Hain dâm maganbiâ hin dâm makyengiep, “Pilatoñe dâmbô yenguyi areyengât gain dâmai? Moyi yengât dosa bâleñe arekne âmâ Galilaia

siânba yengât dosa are ewangiâp dâmai me? ³ Hain bo. Akto yengât dosa keiye aregât agak memeyene bâlene dondâ bo hepunmâ âmâ Anutugât den bo nângâ anmai are hâune yengiwiap ain hainâk ye yengiwiap. Akto aregâlâk siâ makbe. ⁴ Yerusalem luâk 18 kinbiâ Siloam kepiagât emet kâkâlep arekne kâwulakmâ tigiyegep are yengât hin bo dâwi, “Dosayene bâlene âmâ Yerusalem kepia ambolupñande anğâ yengât dosa ewangiâp aregât moyi.” ⁵ Hain bo dâwi. Aregât maktere nângâñet. Yengât dosa tatâp aregât agak memeyene bâlene are bo hepunmai, biwiyene Anutugâlân bo katmai akto âmâ yekâ hainâk hilip aguwai.” dâep.

⁶ Den aregât dop siâ makyengiwerâm aregât hin makyengiep, “Luâk siâne lowot siâ kâmeto humo agep. Akto ambonjande koaje hârewerâm akmâ arim ekto koaje siâ bo yiep. ⁷ Hain akto aregât kalam damunne hin maganep, “Nâ lâwin iregât bunjaet kulâgâtâmâ lâmgom mandere hombanğâlâwu aktâp lâwin ire wangât yân kinbiap? Kârâmenâ geâk.” dâep. ⁸ Hain dâmbô yâkne hin dâep, “Luâk humo, hanâk hepunmenâ hombanğ irekâ kilâk. Hâmbâi nâne keinjân ire une lokom togo katere hambumbo âmâ bunne siâ yembiap me bo are ekbaet. ⁹ Sop siân bunne miawakbiap amâ âlepne. Dâ arekâ hainâk bo akto âmâ makmenâ kârâm panbaen.” hain dâep.”

Sarereân Yesune dâmbô âmbâle hamiñe hagitñe gonğonğ aguep arekne tâñâk kilep.

¹⁰ Yesu Sarere âi bo meme sopñe siân den emetñân âgâm den potatmâ makyengiep. ¹¹ Den makyengimbo âmbâle siâ ain talep. Are âmâ sinduk baniara bâlenjande memene aganjmâ hamiñe hagitñe mem gonğ gonğombo kângomâk manmâ gambo hombanğ 18 bo agep. ¹² Akto Yesune âmbâle are ekmâ hin dâm maganep, “Meñ, hinñe âmâ kundat bo akğido âlepne ak.” dâep. ¹³ Hain dâm bânñande mendo hamiñe miwindik akto tâñâk kinmâ Anutune okot âlep akniñdâp dâm herone agep. ¹⁴ Hain akto Yesune âi meme sopñe boân heñgemgoep aregât den emetñaet damunne nângâmbo bâlimbo luâk âmbâle hin dâm

makyengiep, “Âi ketugu ketugu sopñe tatâp ain togombiâ âmâ heñgem yenguiwiap. Dâ unğak Sarereân heñgem yenguiwâp ire amâ bo agakne.” dâep. ¹⁵ Hain dâmbô Yesune aregât den hâune hin magep, “Bâe, hianği luâk. Ye Sarere âi meme sopñe boân yene donği me bulimakao pekeyene hindâm meyekmâ arim tu yengimaigât dâp tatâp. ¹⁶ Dâ âmbâle hamiñe tâñâk bo ire âmâ Abrahamğât hakune siâ Niambi arekne memene aganğdo kopa akmâ manmâ gambo hombanğ 18 bo agep. Haingât Sarereân mem heñgemgore ârândânğ aktâp.” dâep. ¹⁷ Hain dâmbô gasa agañi arekne anun anğiyi. Akto luâk âmbâle kâmot humo arekne kulem âlepne miep are egi aregât herone agi.

Anutugât den lokomaen nengât keinenñe.

¹⁸ Yesune den siâ lâuwâñe hin dâep, “Anutugât kâmot manmai are yengât dop wanân katmâ maktere ârândânğ akberâp? ¹⁹ Aregât hin dâwe. Kapok koaje âmâ bâlenğ siâ gârâmâ luâk siâne mem arim âi kâlegen kâmeto kâmpne gam miawakmâ lâwin humo akmâ kinmap. Akto lâutñe togom aregât bân bânñân panmâ tatmai.

²⁰ Akto siâ makbe. Anutugât kâmot manmai areyengât wanân dop katbe? ²¹ Are âmâ matuk kelune hain are âmbâle siâne matuk kelune are mem pipikom ondo sot hârok ukenne akmap dop hain are.” dâep.

Himbimğât dâp are gâwikñe.

²² Akto Yesune Yerusalem kepian purik katberâm arim kepiane kepiane den potatmâ yengim malep. ²³ Hain akto luâk siâne aikoepp, “Anutune luâk amon bâlenğânba mem olonyekto âlepñân gamai? Amon siâ mon?” dâep. ²⁴ Hain dâmbô hin dâep, “Himbimân âgâwerâm âmâ dâp gâwikñân hâk hilâlâm nângâm ariwai. Akto luâk âmbâle dondâ ain ariwerâm âmâ hâk hilâlâm humo nângâm ewum hâumgowai. ²⁵ Emet ambonje akmâ manmâ dawalaune tigimbo luâk âmbâle dondâne âgâwerâm ewum hâumgom betgen kinmâ hin dâwai, “Humo, hianği mem katnengî.” dâmbiâ hin dâwiap, “Ye wânân gâtñe?” ²⁶ Hain dâm aiyengumbo aregât hin dâm maganğbai,

“Nen âmâ gâ olop kondo konogân sot neyion. Akto kepia nenñân manmâ den potatmâ nengimenâ nângâyion aregât hângei mem katnengi.”²⁷ Hain dâmbiâ hin dâm makyengiwiap, “Ye wânân gâtje? Nâ bo nângâ yenjiân. Ye bâleje meme aregât ariñet.” hain dâm wat yekbiap.²⁸ Hâmbâi ye Anutuñe wat yekto purik katberâm kinmâ hamiyenñangen Abraham akto Isaka akto Yakobo akto Anutugât den makmâ miawakmâ gayi are hârogâk Anutugât kâmolân purik katmâ mandâi are yekmâ biwiyenje bâlimbo kuk nângâm han kalak akmâ manbai hain.²⁹ Sop ain dewutâ gaganñangenba akto gegenñangenba akto bikenba bikenba areâk gam menduguakmâ sot nem herone akbiâ Anutuñe damunyeñe akbiap.³⁰ Nângâi. Yenğâlân gâtje siñe, “Nâ luâk humo.” dâm ikinje kotje mem agatbiap are âmâ hami togowiap. Dâ siñe, “Nâ luâk gegenje.” dâm manbiap are âmâ Anutuñe mem âgâm ulik gulik katbiap.” dâep.

Herotegât den.

³¹ Sop ainâk Parisaio luâk bikñande togom hin dâm magañi, “Heroteñe guguw-erâm aktâp aregât hân ire hepunmâ siñgen ari.” dâmbiâ³² hin dâep, “Nângâi. Sinduk baniara bâleje watyekmâ mandân. Akto luâk kundatdâ areyenğât maktere bo akyengiâp. Âine ketugum mandere hilâm âlâwu bo akto ârândân akbiap. Aregât ye arim dua metje Herote are nâje wan me wan aktân mendân iregât den pat magañbi.³³ Akto ire maktere nângâñet. Yerusalem kepia ambolupñande Anutugât den makmâ miawagi are Yerusalem kepian yenğumbiâ moyi aregât nâkâ kepia siñ mombomgât Yerusalem kepian arire hilâm âlâwu akto ewangiwan.³⁴ Yerusalem kepia ambolupñe, yeñe Anutugât den makmâ miawagi are bugâñe yenğumai. Akto Anutuñe hoñ bawalupñe hunğun yenğimbo yenğâlân togombiâ kâtje mem yenğumai. Puiñe nanañlupñe damunyeñe akmâ mem mendugu yekmâ korat yenğumap dop hainâk mendugu yekmâ okotnân katyekmâ damunyeñe akberâre hâkâñe akmâ arimai.³⁵ Aregât Anutuñe

damunyeñe bo akmap aregât kepiayenje hepundo bugâ yembiap. Hain gârâmâ siâ hin maktere nângâñet. Hâmene bo nekmâ âgâwai aregât hilâm siñ miawaktere nekmâ âmâ hin dâwai, “Anutu Humone wâtje giñmâ hunğun giñdo togoât aregât herone akgiñne” hain dâwai.” dâep.

14

Sarereân Yesuñe dâmbi luâk keñe diwirâ siâ âlepñe agep.

¹ Sarere siñ Parisaio are yenğât damun kautñande sot nemberâm Yesu kewugumbo emetñân âgâyat. Âgâmbela luâk bikñande yelekmâ Yesuñe akmâ hilipkombo eknerâm aregât damun kili.² Damun kinbiâ luâk siñe hâkñânba diwi metje humo miawaganep arekñe Yesu ekberâm âgâep.³ Âgâmbi Yesuñe ekmâ Mosegât den kârikñe makmâ kepigi are akto Parisaio hin dâm makyengiñep, “Mosegât den kârikñe are gain gain tatâp? Âi bo meme sopñân luâk âmbâle henğem yenğuwianğât dopñe tatâp me bo? Makniñbiâ nângâwe.” dâep.⁴ Hain dâmbi den hâuñe bo magañi. Hain akmâ anjun anğim kinbiâ makto diwi metje are bo agañdo hunğunañdo ariep.⁵ Arimbo emelan tali are hin makyengiñep, “Lamayenje me bulimakao yeñe siâ âi bo meme sopñân lâmbân gembo âmâ aregât undâgât mâm miawakmâ hikom oloñmâ gamai me bo?” dâep.⁶ Hain dâm makyengiñimbo hâuñe bo magañmâ hanyenjeâk anjun anğim tali.

Hâknenñe bo mem agatbaen.

⁷ Akto sop ain luâk bikñe togom emet ain gam âgâyi arekñe yeñe hanyenñân âgâ kau dewunñân tatberâm akbiâ yekmâ aregât hin dâm makyengiñep,⁸ “Luâk siñe âmbâle membiapğât sot humo omberâm oloñ gekto arim âmâ gâñe hangeâk âgâ kau dewunñân bo tatben.⁹ Dâ gâñe hain akbiat âmâ luâk oloñ gekbiap arekñe hin dâm makgiñbiap, “Ire gâñgât welam bo. Ekemenâ âkâ luâk irekñe talâk.” Hain dâm makgiñdo anjun anğim hami hami gem arim tunğunñangen tatbiat.¹⁰ Hain gârâmâ gâ hin akben. Luâk tatbiâ ain âmâ gugaet nângâmenâ gembo tatmenâ emet

ambojande gekmâ hin dâm makginbiap, “Galane tunjunângen tatât unjure gam âgâ dakegen tat.” dâm makginjo âmâ ain tatbai arekne gekmâ okot âlep akbai. ¹¹ Aregât keiñe hin. Luâk siâñe ikiñe kotñe mem agatbiap are âmâ hâmbâi Anutuñe mem ge katbiap. Dâ luâk siâñe ikiñe kotñe bo mem agatbiap are âmâ hâmbâi Anutuñe mem agatbiap.” dâep.

¹² Hain dâm makyengim benñe luâk oloñep are hin dâm magañep, “Sot omberâm âmâ emi teulupge me nan baratlupge me ginbailupge me luâk puli me ito sikumyene olowâk mandâi are bo oloñ yekben. Dâ hain akbiat âmâ hâmbâi yâkâ aregât hainâk hâuñe mem oloñ gekbiâ aregât dosa bo akbiap. ¹³ Aregât hain bo akben. Sot omberâm âmâ kopa me umburuk me dewunyeñe bok bokñe me keiñe bâleñe hain are oloñ yekben. ¹⁴ Hain are oloñ yekmâ hâu bo ginbaigât herone marone kakñan sot om yengimenâ nembai. Gârâmâ hâmbâi sop humoân agatbaiân Anutu ikiñak hâuñe ginbiap aregât nângâm biwige herone agâk.” dâep.

Sot humo oyi aregât den umatñe.

¹⁵ Hain dâmbo sot nem tali are hut yenâmba siâñe den are nângâm hin dâep, “Anutugât kâmot manden aregât sop humoân Anutu olowâk sot nembaen aregât nângâre herone aktâp.” dâep. ¹⁶ Hain dâmbo Yesuñe den ginñe siâ hin dâm magañep, “Luâk humo siâñe sot ombian dâmbo aregât sot mem mendugumbiâ kindo luâk dondâ yengât sop kalep. ¹⁷ Akto arim arim emelâk sop are miawakto sot om katbiâ ekto ârândâñ akto hoñ bawa siâ hungun anjo arim âmâ hin dâm makyengiep, “Sot hârok om katmâ lâm yengugât togoñet.” dâm makyengimbo hâkân agi. ¹⁸ Hâkân akmâ luâkñe luâkñe hârok hin dâyi, “Hân puligoân arekne oloñ nektâpgât are ekberâm ariwerân aregât luâk humoge are magañmenâ nângâmbo bo bâliwiâp.” ¹⁹ Akto siâñe hin dâep, “Bulimakaolupne 10 puligoân are meyekmâ togowerângât luâk humoge are magañmenâ nângât nângâmbo bo bâliwiâp.” ²⁰ Siâñe hin dâep, “Hinñeâk âmbâle meângât bo togowerân. Gain gain akmâ togowerân?” hain dâep. ²¹ Akto

hoñ bawa arekne purik katmâ arim luâk humone den dâyi are maganjo nângâmbo bâliep. Nângâmbo bâlimbo hoñ bawa are hin dâm magañep, “Gâñe dowâk arim emetñe emetñe luâk umburuk mandâi are akto luâk kopa akto ondopyeñe bok bokñe me dewunyeñe bok bokñe luâk hainare meyekmenâ togoñet” dâmbo hin dâm magañep, ²² “Luâk humo. Den maktât are akmâ meteân. Gârâmâ emetge ire boâk piktâi.” dâep. ²³ Hain dâmbo hin magañep, “Hanâk siâkâ arim kepia ginjângen akto halângen yoñak yoñak mandâi are undâgât yengim mem miawak yekmenâ togoñet. Togom emetne pikñet. ²⁴ Dâ emelâk mem oloñyekberâm aktere bo dâyi are âmâ yânâk tatbai.” dâep.” Yesuñe den ginñe hain dâep.

Yesu olop manbaiñe hâkyeñe bo mem agatbai.

²⁵ Akto luâk dondâñe Yesu haminjângen watmâ arimbiâ purik dâm hin makyengiep, ²⁶ “Luâk siâñe nângâlân dewatiwerâm akmâ âmâ ewe memelupñe me âmben nananjupñe me emiñe garine hepun yekbiâp. Akto ikiñe manman aregât ukenñe bo nângâm gangerâwiâp. Dâ luâk siâñe hain akbiap are âmâ nângât hoñ bawa akmâ manbiap. ²⁷ Luâk siâ gasalupñande wan me wan siâ akmâ hilipkowai aregât hamep akmâ ikiñe hâkñe gangerâm manbiap arekne nângâlân bo dewatiwiap. ²⁸ Yengâlân gâtñe siâñe emet ketuguwerâm âmâ ulik gulik puli soñ oyanmâ ekto ârândâñ akto âmâ emet are ketugumap. ²⁹ Dâ hain bo akmâ yân emetñe are ketugumbo puli bo akto pânân hepundo emet are yân kindo ekmâ aregât den pat magañgi goañgi akmâ dewunnân gem girin anmâ hin dâwai, ³⁰ “Luâk irekñe luâk hanñeâk nângâm tetembeñe anunjo giep ina gain gain akmâ benñe yân hepundo kindâp.” hain dâmai. ³¹ Akto siâ hin. Luâk humo siâñe luâk humo siâgât gasa agañmâ ligim ainâk agatmâ bo arimap. Tatmâ nângâ nângâ hin soñ nângâwiap, “Nen ire amâ amon siâ manden dâ indâgen âmâ yâk biwirâ hain mandâi. Aregât nenñe âlepñe yenguaengât dop bo.” ³² Hain dâm ikiñet nângâmbo gembo gasalupñe kâlêwângen manbai ainâk hoñ bawa siâ

hunġun aŋdo arim hin dâm makyenġiwiap, “Ye olop gala konok manberâm hunġun niŋdâp” hain dâwiap. ³³ Akto areġât keiŋe hin. Yeŋġâlân gâtŋe siâŋe hainâk kotŋe siâ siâ mem gangerâm hârogâk bo hepunmâ nânġâlân dewatiwiap are âmâ maktere nâ olop âlepŋe bo manbaet. ³⁴ Kâtembe siâ ukenŋe bo heŋgemgom kotŋe gulip katbiat âmâ dowâk pâlâmŋe akbiap. Hain akbiap areġât siân gain gain akmâ âmâ lâuwâŋe ukenŋe akbiap? Are bo agakŋe. ³⁵ Hain akmap areġât yân kâienŋe gemap. Gârâmâ ye den ire nânġâm biwiyeŋân katmâ heŋgemgom manbi.” dâep.

15

Lama siâ gulip aġaŋdo bo hepunbiap.

¹ Akto luâk bikŋande gawaman yeŋġât puli meme luâk akto luâk agak meme bâleŋe akmini arekŋe sop siân Yesuġâlân den nânġâwerâm togoyi. ² Togombiâ Moseġât den kârikŋe makmâ kepigi akto Parisaio luâk arekŋe nânġâmbiâ bâlimbo Yesuġât hin dâyi, “Yesuŋe puli meme luâk akto luâk agak meme bâleŋe akmai are meyekto yâk olop sot nendâi imâ bâliâp.” ³ Hain dâmbiâ areġât Yesuŋe den ginŋe hin dâm makyenġiep, ⁴ “Yeŋġâlân gâtŋe siâġât lama 100 kinaŋbiap. Akto hutyeŋânba konokŋe heambukto ambonjande hepunbiap me bo hepunbiap? Amâ bo hepunbiap. Bikŋe are hân haŋaŋân katyekto kinbiâ siâ heambukbiap areġât undâġâtbiap. ⁵ Undâġât mêm miawakmâ okot âlep akmâ oloŋmâ kepien togowiap. ⁶ Kepian togom galalupŋe yeŋgonmâ hin makyenġiwiap, “Lama siâ heambugep ina mem miawaktân areġât heronje akne.” dâwiap. ⁷ Areġât maktere nânġâŋet. Luâk 99 yâkŋe âmâ dosa nenŋe bo dâmai are yeŋġât Anutuŋe okot âlep humo bo akyenġimap. Gârâmâ bâleŋe meme luâk konokŋe agak memenje akto dosanje are nânġâmbo bâlimbo hanŋe purikato Anutuŋe ekto ârândânj akto dosanje hepun aŋbiap. Hain akmâ hulaŋdo himbimân manmai arekŋe heronje humo akbai.

⁸ Akto den siâ hin. Âmbâle siâŋe puli koaŋe 10 membiap. Akto puli koaŋe siâ

heambukto hepunbiap me undâġâtbiap? Bo hepunbiap. Are kemdâ sagom gauŋmâ gagap urutmâ undâġât mêm manbiap. ⁹ Undâġât mêm manmâ mem miawakmâ areġât emi tâulupŋe akto ginbailupŋe yeŋgonmâ hin makyenġiwiap, “Puli koaŋe heambugep are ina mem miawaktân areġât heronje akne.” dâwiap. ¹⁰ Areġât maktere nânġâŋet. Himbimân Anutuġât aŋelolupŋande hainâk bâleŋe meme luâk siâŋe agak meme bâleŋe makmâ miawakmâ, “Anutu dosane hepun niŋ.” dâwiap areġât okot âlep nânġâ aŋbai.” dâep.

Nanŋe bâiŋande sikum mem arim gulip-koep.

¹¹ Akto Yesuŋe den ginŋe siâ hin dâm makyenġiep, “Luâk siâġât nanlogâtŋe lâuwâ maliat. ¹² Manmâ nanŋe bâiŋande eweŋe hin dâm maganep, “Tâk puli are teune olop potatmâ netki.” dâep. Hain dâmbo tâk puli are ewe yetŋande potatmâ teuŋe olop yetkiep. ¹³ Akto emiŋe are âi ketugum getek manmâ tâk puliŋe are meakmâ dâp kâlewâŋen ariep. Arim manmâ sot soŋgoân puligom kotŋe gulip gulip akmâ puli are hârok panmâ metiep. ¹⁴ Panmâ metembo hân ain mop humo miawagep. Miawakto nanaŋ are tâwât dewunŋe siâ siâġât umburuk akmâ ¹⁵ hân ambonje siâġâlân arim mando yâkŋe yâkġât bau damunŋe akmâ manben dâm hunġunaŋep. Hunġunaŋdo arim bau damungom mando mopŋe dondâ agumbo siâ me siâ sot bo waŋdo âmâ ¹⁶ bau yeŋġât goka hâkŋe nemberâm agep. ¹⁷ Hain akmâ nânġâ nânġâŋe miawakto hin dâep, “Apogât âi luâklupŋande âmâ sot dondâ nemai. Dâ nâ âmâ sotġât akmâ hilip aguwerâm aktân. ¹⁸ Areġât agatmâ kepien purik katmâ apogâlân arim hin dâm maganbian. Apo, bâleŋe aktere dosanande Anutuġâlân akto gâŋġâlân umatŋe agep. ¹⁹ Akmâ hilipkoân areġât nange bo nogonben. Yân hoŋ bawage akbiangât menekmenâ manbe.” ²⁰ Hain nânġâm agatmâ arim aŋġâŋen togombo eweŋande dewunŋe panmâ egep. Ekmâ okotŋe nânġâm pârigin arim nanŋe lokom manġanlep. ²¹ Akto nanŋande hin dâm maganep, “Apo, bâleŋe aktere

dosanande gângâlân akto Anutugâlân umatne miawagep aregât nekmâ nanne bo dâwen.” dâep. ²² Hain dâmbu ewenande âmâ âi luâklupne hin dâm makyenjiep, “Dowâk sângum kêlep are mem ga luguanbiâ geâk. Akto donet siâ baraganjân katjet. Akto kei pekenje luguanjet. ²³ Akto bulimakao nanje kelune olowâk are gâim ombiâ ondo nem herone akne. ²⁴ Nanne emelâk moep dân ina togoâp. Emelâk gulip aguep dân ina miawakmâ togoâp.” dâmbu herone agi.

²⁵ Hain akmâ tatbiâ nanje ulik gulik arekne âiângen malepgât purik katmâ togom kepia ginjân kinmâ herone marone girin gegek kep kenju akbiâ nângâm ²⁶ âi luâk siâ kondo gembo hin dâm aikoepe, “Herone marone âure wangât akmâ tatâi?” ²⁷ dâm aikombo hin dâep, “Emige gulip aguep dâyon ina togombo aregât eweyetjande dâmbu bulimakao nanje kelurâk are kom ondenje om kindo herone aktâi.” dâep. ²⁸ Hain dâm maganjo nanje ulik gulik arekne kuk akmâ kepia ain âgâwerâm hâkân agep. Akto ewenande kepia ginjângen gem, “Gâ ga.” dâm maganjep. ²⁹ Maganjo nângâm hansumbu akmâ hin magep, “Nâje âi luâkgande hin hombanj dondâ âi ketugu ginmâ den bo konginjâ gan. Akto nâniñ nanje siâ bo niñmenâ galalupne olop nem herone agion. ³⁰ Akto nangande gângât tâk puli aregât ukenje nângâm mem arim âmbâle kondarâ olop manmâ panmâ metiep ina togoâp yâkgât makmenâ makao nanje kelurâ are kom gâim ombiâ nângâre bâliâp.” dâep. ³¹ Hain dâmbu ewenande hin dâm maganjep, “Nanne, gâmâ nâ olop sop kêlep manmâ gamat aregât nâjeân kotne siâ siâ tatâp are hârok gângât pat aktâp. ³² Dâ emige emelâk moep dâman ina togoâp. Akto emelâk gulip aguep dâman ina togoâp. Aregât herone akmâ okot âlep agandenje ârândânj aktâp.” dâep.”

16

Damunje puli siâ siâ mem hanâk hanâk ketuguep aregât den umatne.

¹ Yesune Aposololupne den ginje siâ hin dâm makyenjiep, “Luâk humo sikumdâ siâ malep yâkgât tâwât dewunje akto sângum

me kotne siâ siâ aregât damunje malep. Aregât den hâkne tunmâ hin dâm maganji, “Gângât honj bawa âige damunje akmap arekne tâwât dewunje siâ siâ mem hanâk hanâk ketugumap.” ² Hain dâmbiâ mem olojmâ dâep, “Gângât hâkge tunbiâ nângân. Hainâk damun lâuwâje bo menjektere hepunbiat aregât puligo puligo kulem esenje are mem gamenâ tâwât dewunje siâ siâ yengât keje mem miawakbe.” dâep. ³ Hain dâmbu arim damunje biwinjân hin nângâep, “O luâk humonande wat nekbiap aregât gain akbe? Âi ketugum kâmetbiangât hâkânj aktân. Akto hokboâk hokboâk ulilanjdere nekbiâ anjun anjiman. ⁴ Hinje nângân. Galalupne mem gala katyekmâ mem herone marone katyektere luâk humonande watnekto âmâ emetyenân olojnekiâ olowâk manbaen.” dâep. ⁵ Hain nângâm luâk humonâet tâwât dewunje siâ siâ dosa aganjmâ mem mali aregât ikinjâk ikinjâk mem olojyegep. Hain akto togombiâ aiyengum dâep, ⁶ “Gângât dosa humogâlân amon tatâp?” dâmbu lâwin kelujâet dop 100 dâep. Hain dâmbu hin dâep, “Âlepne 50 âk niñben.” dâep. ⁷ Hain dâm siâkâ aikoepe, “Luâk humogâlân dosa amon tatâp?” dâmbu, “Sanj sanj koaje are ito 100.” dâmbu dâep, “Âlepne 80 âk niñben.” dâep. ⁸ Hain dâmbu luâk humonande nângâm damunje are hin maganjep, “Gângât nângâ nângâje humo aregât nângâre biwine âlepne aktâp.” humone hain dâep. Wangât? Hingât. Anutugât den bo lokomai bikjande tâk puliyene damungom galalupyene heyengimai aregât nângâ nângâje humo tatâp yene âmâ Anutugât den lokomai ewangi yektâi. ⁹ Haingât ire maktere nângâjet. Yene hainâk tâk puli me wan me wan mem manmâ are gala akyengim âmâ hâmbâi umatne miawak yengiwiap sop ain yâk yengâlân arim kepia tatmâ âgâwiap ain manbai.

Wan umatne me owâine aregât den.

¹⁰ Luâk siâne wan me wan owâine damungom biwinjande lokom manmapne âmâ tâwât dewunje wan me wan bunje are hainâk biwinjande lokom

damungomap. Gârâmâ luâk siâne wan me wan hanâk damungom hilipkomapne âmâ tâwât dewunne wan me wan bunne are hainâk hanâk damungom hilipkowiap. ¹¹ Haingât yeñe tâwât dewunne me wan me wan hângât egâlian are biwiyenande bo lokom manbiâ âmâ wan me wan bunne hâmbâi bo yeñgiwiap. ¹² Akto humo yeñaet puli me wan me wan bo damun akmâ heñgemgombiâ aregât âigât hâuñe bo yeñgim heñgemgowiap. ¹³ Akto aregât siâ makbe. Nanañ konokne luâk kembu lâuwâ yetgât hoñ âlepne bo akyetkiwiap. Wangât? Hingât. Siâgât lau lokoanmâ benne siâgât lau bo lokoanbiap. Akto siâgâlân purik katmâ siâgâlân hâkân akmâ hamianbiap. Aregât Anutugât lau lokowerâm âmâ puligât nângâmbiâ humo bo akbiap.” dâep.

Yesuñe Parisaio den kârikne dâm makyenñiep.

¹⁴ Yesuñe hain dâmbo Parisaioñe tâwât dewunne aregât ukenne nângâmbiâ âgâep aregât Yesuñe den magep are nângâm âmâ hâkân akmâ dewunñan geyi. ¹⁵ Dewunñan gembâi makyenñiep, “Yeñe âmâ tek tekñan manmâ luâk âmbâleñe nenekmâ egâlianñet dâmai. Dâ Anutuñe âmâ biwiyenaeñe keñe nângâp. Wan me wan siâ siâ ekbiâ âlepne akmap are âmâ Anutuñe ekto bâlimap. ¹⁶ Akto siâ maktere nângâñet. Mosegât den kârikne akto Anutugât den kulemgom gayi den are kârikne tatmâ gam gam Yohanegâlân bunne miawagep. Miawakto aregât kakñan Anutuñe damun nenñe akberâm aktâp aregât den pat âlepne hauñmâ arimbo nângâmbiâ biwiyene pagalembo aregât bunne memberâm akmâ âi humo mem wârakmâ âgâwai. ¹⁷ Himbim hân haru are âmâ gulip akbiandatgât dopne tatâp. Gârâmâ Mosegât den kârikne are dowâk gulip akbiapgât dopne bo tatâp. ¹⁸ Akto siâ maktere nângâñet. Luâk siâne âmbenñe hepunmâ anğâ membiapne âmâ dosa umatne membiap. Akto luâk siâne âmbenñe wato bam mando siâne mem âmâ dosa olowâk manbiap.” dâep.

Luâk sikumyene olop akto luâk umburuk are yengât den umatne.

¹⁹ Akto Yesuñe den siâ hin makyenñiep, “Luâk humo siâ malepne tâwât dewunne humo mem hâk pekeñe âlep âlep puligom mem malep. Manmâ hilâmne hilâmne sot keñe keñe om nem unsambe malep. ²⁰ Hain manmâ luâk siâ umburuk malep kotne Lasaro mando diwi kârikne miawaganđo hâkne diwiâk hârok agep. Hain akmâ betgen yem manminep. ²¹ Hain akmâ luâk humone emelanba manmâ sot nendo gagapne gembo are nemberâm akminep. Hain akto duane togom diwine elewelanmâ mali. ²² Akto manmâ umburuk are mondo aneloñe oloñmâ âgâm Abrahamgât okotñan katbiâ malep. Akto kakñan luâk kotdâ are mondo hangoyi. ²³ Hangombiâ mom kâlâwân gem âmâ hâk hilâlâm humo nângâm manmâ hâkñangen Abraham akto Lasaro yelegep. ²⁴ Yelekmâ hin dâm Abraham maganep, “Apo, kâlâp bâleñan tatmâ hâk hilâlâm bâleñe nângâm mandân aregât okot nângâm Lasaro maganmenâ bânñe pikñan tu katmâ gutmâ elewetnân howaimbo getek sândugeâk.” Hain dâmbo ²⁵ Abrahamne dâep, “Gala, gâ nângât. Hânân ukenne akto herone humo kakñan malen aregât sop bo agep. Lasaro yâgâmâ okot bâle kakñan malep are hainâk bo aganep. Aregât biwine herone mandâp. Dâ gâmâ hâk hilâlâm humo nângâmâk mandât. ²⁶ Akto hut nenñan hemem humo kindâp aregât in gâtñande yengâlân gewaigât dopne bo. Akto yengâlân gâtñande nengâlân gawerâm hainâk ewum pâpkowiap.” ²⁷ Hain dâmbo luâk kâlâwân talep arekne hin dâep, “Apo, siâ maktere nângâ. ²⁸ Lasaro huñgunanmenâ ewenaet emelan ariâk. Kepianân emilupne momerâk mandâine hâk hilâlâm iren togowâigât Lasaro huñgunanmenâ aregât den kârikne makyenñimbo nângâ nângâyene pâroñ dâk.” dâep. ²⁹ Hain dâm makto Abrahamne hin maganep, “Bo, Moseñe den kârikne kulemgop are tatâp. Akto Anutuñe den makyenñimbo propetelupñande kulemgoyi are tatâp are oyanmâ nângâñet.” ³⁰ dâmbo dâep, “Apo, hain bo. Moyi yâk yengâlân gâtne siâne arim makyenñimbo âmâ agak memeyene bâleñe Anutugâlân makmâ âmâ han bi-

wiyenje purik katmâ manbai.” dâep.
³¹ Hain dâambo hin dâep, “Mosegât akto propete yengât den are oyanmâ nângâm hâkân akmai aregât moyi yâk yengâlân gâtñande arim makyengimbo hainâk den are hâkân akbai.” dâep.” Yesuñe hain dâep.

17

Dosa aregât keñje.

¹ Yesuñe hoñ bawalupñe den siâ hin dâm makyengiep, “Niambiñe ye hârok dop yenguwerâm biwiyenân gemap aregât dop tatâp. Gârâmâ luâk siâñe Niambi gala agañmâ luâk siâ ekmâ bâleñe ak dâmap are Anutuñe hâuñe humo wañbiap. ² Gârâmâ luâk siâñe nanan siâ ekmâ bâleñe ak dâambo are siâñe kât humo dondâ hanñân imbo-goañmâ haru bätgumân hâkokombo dâine arekñe âmâ siâ me siâ owâñe miawaganbop. ³ Aregât biwiyenñe pâlâmñe bo agâk. Akto siâ makbe. Galage siâñe bâleñe akto âmâ sami magañbiat, “Bâleñe akniñdât aregât dâm makniñmenâ dosage are bo akberâp.” dâmenâ hain akto gala konok akbiandat. ⁴ Akto hilâm konok aregât kâlegen bâleñe akñimâ dosa are makmâ miawakmâ arim nâmbulân lâuwâñe hain dâm miawakmâ âmâ hin dâm makñibiat, “Gala hain akñidângât biwine bâliâp.” Hain makñido gâkâ hainâk, “Âlepñe, are bo aktâp.” dâm gala agañbiat.” dâep. ⁵ Hain dâambo aposololupñande hin dâm ulilañi, “Humo, gâ nângâ nângânennje mem sambelem nengiwen.” dâyi. ⁶ Hain dâmbiâ Kembuñe hin dâm makyengiep, “Nângâ nângâyeñe bunje bâlensiâ dondâ dâwok koañe hinare yeyengimbo dâine âmâ lâwin indâre petakmâ haruân gem kilâkgât magañbiâ âmâ lauyenje lokom hain akbop.

⁷ Yengâlân gâtñe siâñe hoñ bawa âi ketugum bulimakao damunñe mando emet dâgâmbo guto âmâ ain hin dâm magañbiat me? “Emetgân âgâ tatmenâ sot om giñbe.”

⁸ Hain bo dâwiat. Hin dâm magañbiat, “Letge konok areâk latmâ tatmâ sot om niñmenâ nendere hâmbâi âmâ guge om nembiat.” dâwiat. ⁹ Haingât keñje hin. Gâñe hoñ bawa âi dâm wañen are ketugumbo gâñe bo mepainje membiat. Yân nângañmenâ ârândân akbiap. Akto aregât

hin maktere nângâñet. ¹⁰ Yengât keiyenje âkâ hainâk tatâp. Âi makmâ yengire are ketugum metem âmâ hin dâwi, “Nen hoñ bawa yânñe akmâ manden. Âi makmâ nengiep are konok mem metien.” dâmbiâ ârândân akbiâp.” dâep.

Luâk 10 hâk bâle miawak yengiep.

¹¹ Yesuñe Yerusalem kipian ariwerâm âmâ Galilaia hân ewangim Samaria hân hâlânñmâ kipia bânñangenba ariep. ¹² Arim kipia ginñân âgâmbo luâk 10 hâk bâle miawak yengiep arekñe ekmâ âmâ kâlewângen kinmâ hin dâm konmâ magañi, ¹³ “Woa, luâk humo Yesu, gâ nengât okot nângâ.” ¹⁴ dâm konmâ magañbiâ yekmâ âmâ hin makyengiep, “Sumbe kat kat luâk are yengât damunñande yekbaigât yâk yengâlân ariñet.” dâm makyengimbo arim manbiâ hâkyenje are dâwân âlepñe akmâ metiep. ¹⁵ Hain akto yâk yengâlân gâtñe konokñe egakto hâkñe âlepñe akto aregât purik katmâ togoep. Togom kârikñe akmâ Anutu manganlep. ¹⁶ Manğanmâ Yesugât enemñân togo keññan ge yem âmâ heronje akmâ manganlep. ¹⁷ Akto luâk are Samaria hânân gâtñe aregât Yesuñe hin dâep, “Luâk 10 âlepñe aktâi are 9 âmâ yâgâten? ¹⁸ Yâkñe âmâ arim nângâm ondop kârik akmâ yân manbiâ luâk lombo konokñe togom Anutugât mepainje mendâp.” ¹⁹ Hain dâm luâk are hin dâm magañep, “Biwige nângâlân katâp aregât Anutuñe nângâ giñdo âlepñe aktât aregât arim biwige sândugeâk.” dâep.

Anutuñe damun nenñe akbiapgât sop.

²⁰ Sop hain Parisaio luâk bikñande Yesu aikom hin dâyi, “Sop amuten Anutuñe miawakmâ damun nenñe akbiap?” dâyi. Hain dâmbiâ hin makyengiep, “Anutuñe damunyeñe akbiap ain kulem keñje keñje bo miawakto ekbai. ²¹ Aregât hin bo dâñet, “In miawaktâp, me indâgen miawaktâp.” hain bo dâñet. Nângâi. Anutuñe damunyeñe emelâk akberâm aktâpñe pat âmâ hutyenñan mandâp ire.” dâep.

²² Hain dâm kinmâ Aposololupñe hin dâm makyengiep, “Hâmbâi sop siân umatñe miawak yengimbo ain ye hin dâwai, “Wei, luâk akmâ giep yâkgât sop siâ ekne.” dâm nângâmñe humo akbiap. Ain bo miawakto

ekbai. ²³ Akto sop ain luâk bikñande nângâ yâkgât hin dâm makyenjiwai, “Aregen miawaktâp me iregen nengâlân miawaktâp.” dâmbiâ aregen bo ariwi. Akto are nângâmbiâ bunje bo akbiâp. ²⁴⁻²⁵ Akto hâk hilâlâm humo nângâre âmâ luâk dondâje haminiñmâ hâk hilâlâm niñbai. Hain akbiâ aregât hamiñân mem belek akmâ himbim bikñe belek dâmbo âmâ bikñe bikñe arimap, aregât dop akmâ luâk akmâ geân lâuwâje gem miawaktere luâk âmbâle hârokñe nekbai. ²⁶ Akto ire maktere nângâñet. Ulikñân luâk siâ kotñe Noa, yâk malep sop ain âmâ hin areâk akmâ mali hainâk nângât sop humo tâlâgumbo ain hainâk akbai. ²⁷ Emelâk âmâ sot sonjo neyi. Akto âmbâle mem luâk mem agi. Hain akmâ manbiâ aregât purikñe Noaje yekmâ wanjan âgâambo tânâk humo giep. Tânâk humo gembo ugurupñe humo togom âmâ luâk âmbâle hânân mali are hârok kawut yekmâ metiep. ²⁸ Akto aregât hamiñân luâk siâ kotñe Loti, yâk malep sop ain âkâ hainâk agi. Sot sonjo akto tu neyi. Akto kotñe siâ siâ are mem anji goanji agi. Akto âi kalam kâmetmâ siâ siâ agi. Akto emet opmân ketuguyi. ²⁹ Hain akmâ manbiâ sop ain Lotiñe Sodom kipia hepundo himbimânba kâlâp humo gem kipia ambolupñe hârogâk om meteyegep. ³⁰ Gârâmâ nâ luâk akmâ geân purik katbian sop ain âkâ dop hainâk miawakbiap. ³¹ Akto sop humoân luâk siâ kipia sombeimân kinbiap arekñe emetñân âgâm kotñe siâ siâ bo meakbiap. Akto siâ âiângen manbiap arekñe kipian bo purik katbiap. Hain bo akbi. Dowâk pârigim ariwi. ³² Lotigât âmbenjaet pat nângâm hengemgowi. ³³ Aregât keñje hin. Luâk siâje manmanñe gangerâwip arekñe âmâ hilip aguwiap. Dâ siâ manmanñe hepunbiap arekñe âmâ âlepñe tatbiap. ³⁴ Maktere nângâñet. Sop ain luâk lâuwâ akmâ opmân konogân yembiandat. Yembela are siâ mem siâ âmâ hepunbiap. ³⁵ Akto âmbâle lâuwâje sot gâim tatbiandat. Tatbela siâ mem siâ âmâ bo membiap. ³⁶ Akto luâk lâuwâ âiân kinbela âmâ siâ mem siâ âmâ hepunbiap.” Yesuñe den hain dâmbo aposololupñande aikom hin dâyi,

³⁷ “Humo, yâgâten miawakbiap?” dâmbiâ hin makyenjiwai, “Siâ siâ momoñe yembiâ ain liplipñe neyekberâm togomai.” dâep.

18

Âmbâle kambut siâje kiap ulilanmâ malep.

¹ Yesuñe konam bo akmâ âmâ hilâm ârândân Anutu olop den akmâ manñet dâm aregât den ginje siâ hin dâm makyenjiwai, ² “Kiap siâje den âiân katyekmâ malep. Hain akmâ manmâ Anutugât den bo lokom âmâ bo hamewagep arekñe luâk âmbâle yekmâ yâk yengât nângâmbo gegene akto malep. ³ Hain akmâ mando kipia ain âmbâle kambut siâ malep. Manmâ hilâmñe hilâmñe kiap aregâlân arim hin dâm maganmâ malep, “Gasanande hilip nuguwerâm aktâp aregât gala akniñmâ tân nugu.” dâep. ⁴ Hain dâmbo kiap arekñe âmbâle kambut aregât den are hâkân akmâ nângâm pâlâmñe akmâ malep. Mando sop kâlep akto biwinande hin nângâep, “Nâje Anutugât den bo lokom bo hamewaktân luâk âmbâle are yengât nângâre gemap are bunje. ⁵ Gârâmâ âmbâle kambut arekñe hilâm ârândân den makniñmap aregât biwinande hâkân akmap. Dâ unjak âmâ hanâk tângowe.” dâep.” ⁶ Aregât Yesu Humoñe den dewatim hin dâep, “Kiap den kokone hain dâepgât nângâm hengemgowi. ⁷ Gârâmâ Anutuñe âmâ luâk bikñe oloñyekto hilâm ârândân ulilanbiâ dowâk tân yengum gasalupyene den âiân katyekbiap. Hâkân akmâ bo tân yenguwipgât dopñe bo tatâp. Bo kârikñe. ⁸ Manmâ kâlep bo akto dowâk tân yengum gasalupyene den âiân katyekbiap. Hain gârâmâ Anutuñe hunjun niñdo geân nâje hâmbâi lâuwâje gem luâk âmbâle siâje biwiyene nângâlân katmâ manmai are mem miawakkyebian mon?” dâep.

Parisaio akto Roma gawaman yengât puli meme luâk.

⁹ Luâk bikñande yeñet nângâmbiâ âlepñe akto galalupyene yengât nângâmbiâ gemap are yengât nângâm Yesuñe den ginje siâ hin makyenjiwai, ¹⁰ “Luâk lâuwâ siâ sumbe emetñân âgâm Anutu den dâm maganjat siâ

âmâ Parisaio, dâ siâ âmâ puli meme luâk.
 11 Akto Parisaio luâk arekne âmâ ikinjaet nângâmbo agato bin binâk kinmâ hin dâep, “O Anutu, âlepñân kat nekmenâ ârândân agep. Akto luâk bikñande kâmbu akmâ bâleñe siâ siâ akmai. Dâ nâmâ hainare bo. Akto nâ puli meme luâk ingon yu kindâp arekne bâleñe akmap hainare bo akman. Nâ mandere nekmenâ ârândân akmap aregât gâñe âlepñe akniñdât dâm mepaige mendân. 12 Akto hilâm lâuwâ kâlegen gâñgât kambiamge âlepñe agâk dâm sot bâlâk manman. Akto tâk puli kotñe siâ siâ are hutñânba konok âmâ gâñgât pat dâm katman.” dâep. 13 Hain dâmbo puli meme luâk are ingon añgângen kinmâ añun añgim kâñgom hin dâep, “O Anutu, nâ luâk bâleñe mandân gârâmâ hanâk bo hepun nekben.” hain dâep. 14 Aregât keñje hin makyenjiñe nâñgâñet. Anutuñe puli meme aregât âmâ dosañe puliañdo purik katmâ ariep. Dâ Parisaio are âmâ dosañe hainâk talañep. Akto aregât hin nâñgâñet. Luâk siâñe ikinje kotñe mem agato Anutuñe mem ge katbiap. Dâ luâk siâñe ikinje kotñe mem gembo âmâ Anutuñe mem agatbiap.” dâep.

Yesuñe nanañlupyenjaet nâñgâm Anutugât pat makyenjiñe.

15 Luâk âmbâle bikñande nanañlupyenje kewuguyekmâ Yesugâlân togom meyegâk dâmbiâ hoñ bawalupñande sârek yenjuyi. 16 Sârek yenjumbiâ Yesuñe mem oloñyekmâ hin dâep, “Hepunbiâ nanañlupyenje are nâñgâlân ganjet. Hain arekne Anutugât kâmolân gâtñe aregât bo mem gangerâ yekñet. 17 Aregât bunñe maktere nâñgâñet. Nanañlupyenñande dowâk Anutugât den lokom biwiyeñe yâkgâlân katmai. Gârâmâ siâñe hain bo akbiap âmâ Anutuñe bo meyekbiap.” dâep.

Luâk kotdâ siâñe sikumñe mem gangerâm biwiñe Yesugâlân bo kalep aregât den pat.

18 Akto damun siâñe Yesu aikom hin dâep, “Luâk humo âlepñe amboñe aktât. Aregât maktere nâñgâ. Kârikñe manmâ âgâwiangât gain gain akbian nâñgât?” dâmbo 19 hin magañep, “Âlepñe amboñe

âmâ Anutu konok. Gârâmâ âlepñe amboñe dâm makniñdât aregât nâñgâm mak makgaet damun akmâ manben. 20 Akto ainuguât aregât keñje makginje. Den kârikñe nâñgâmat amâ hin. Âmbâle siâ ekmâ egâlân bo akben. Akto luâk siâ moâk dâm bo komben. Kâmbu bo memben. Den bo hiangiwen. Ewege memegande den makbela loko yetkiwen.” 21 Hain dâmbo hin magañep, “Ya maktât are âmâ nanañânba den kârikñe âlepñeâk lokom gam yu mandân.” dâmbo 22 Yesuñe den are nâñgâepgât hin magañep, “Konok tatâp are âmâ hin akben. Arim âmâ puli me ito sikum me wan me wan are oyañmâ luâk umburuk mandâi are yenjiwen. Hain akmâ âmâ nâñgâlân lâuwâñe togomenâ nâ olop âi ketugum manbaet. Hain akbiat âmâ himbimân aregât hâuñe miawak ginbiap.” dâep. 23 Hain dâmbo puli me ito sikum siâ siâñe dondâ talañep aregât den are dâmbo nâñgâmbo umatñe agep. 24 Hain akmâ kambiamñe bâlimbo Yesuñe ekmâ hin dâm magep, “Luâk âmbâle puli me ito sikum me wan me wan olowâkñe Anutugât den lokom manberâm akbiâ âmâ umatñe miawak yenjiwiap. 25 Akto aregât hin makbe. Songo piki dâpñânba ariwiapgât dop bo tatâp. Are âmâ luâk kotñe siâ siâ talañdâp arekne Anutuñe damunñe akbiawân ain ariwerâm akmâ hainâk hâungowiap.” dâep. 26 Hain dâmbo âmâ nâñgâm kilinje hin dâyi, “Niñe himbimân âgâwiap?” dâyi. 27 Hain dâmbiâ hin makyenjiñe, “Are âmâ han yenjeâk âgâwerâm aregât ewum hâungomai. Anutuñe âmâ dâp hainare mem miawakberâm aregât bo pâpkomap.” dâep. 28 Hain dâmbo Petoroñe agatmâ hin magañep, “Nâñgât, kotñe siâ siâ hârok hepunmâ metem nen gâñgâlân purik katmâ malion akto manmâ gaen.” dâep. 29 Hain dâmbo Yesuñe hin makyenjiñe, “Luâk siâñe Anutugât âi ketuguwerâm akmâ âmâ emetñe me âmbenñe me emiñe garinje me ewenje memenje, me ginbailupñe hanâk hepun yekbiap 30 are âmâ sop unjak ire gala agañmâ tângowerân. Tângore âmâ hinñe wan me wan dondâ miawakberâp. Akto titnan sop humoân âmâ tângore dondâ sambelem âgâwiap akto manman kârikñân

manmâ âgâwîap.” dâep.

Kombiâ mombiap aregât den makyengiep.

³¹ Yesu je Aposololupne mem olonyekmâ hin dâm makyengiep, “Maktere nângânet. Yerusalem kipian âgâwerâm akten. Gârâmâ âgâenne âmâ luâk akmâ geân nângât den makmâ miawakto kulemgoyi are bunne akberâp. ³² Roma luâkne menekmâ nugum mem ge katnekmâ siâ siâ akniñmâ âmâ tâwut nuguwai. ³³ Akto tâk metje arekne mem orenekmâ nugumbiâ mombian. Mondere hilâm âlâwu bo akto âmâ momonânba agatbian.” dâep. ³⁴ Hain dâmbô nângâmbiâ ârândân bo akto keije nângâwerâm akbiâ dâp bo akto âmâ bo nângâm henngemgoyi.

Yesu je dâmbô luâk siâ dewunne hâreakto emet egep.

³⁵ Yesu arimbo Yeriko kipia are tâlâguep. Hain akmâ dâp ginñân luâk siâ dewunne bokbokne siâ puligât ulit yengim talep. ³⁶ Hain akmâ tato luâk kâmot humone dâp hainâk arimbiâ keiyene munne nângâm aregât aiyengumbo hin dâyi, ³⁷ “Yesu Nasarete kipian gâtne togoâp.” ³⁸ dâmbiâ nângâm kârikneâk konmâ hin dâep, “Woa, Yesu, gâ Dawidigât kâmolân gâtne, aregât okot nângâ niñ.” dâep. ³⁹ Hain dâmbô luâk ulik gulik ariyi arekne den are nângâm den hepun dâm maganji. Hain maganjiâ den are koyengim kârikneâk dondâ konmâ hin dâep, “Dawidigât kâmolân gâtne, aregât okot nângâ niñ.” dâm kolep. ⁴⁰ Hain dâmbô Yesu je nângâm âmâ dâwân kinmâ hin dâep, “Kewugum nângâlân ganjet.” dâep. Hain dâmbô dewunne bok bokne arekne yâkgâlân gambo ⁴¹ aikom hin dâep, “Gain gain akginbegât nângâm aregât nogondât?” dâmbô hin dâep, “O humo, dewunne hulan akto emet ekbegât nângân.” dâep. ⁴² Hain dâmbô Yesu je hin maganep, “Biwige nângâlân katât aregât âlepne ek.” dâmbô ⁴³ ainâk dewunne hulan akto emet egep. Ekmâ âmâ Yesugât haminân arim Anutu manganlep. Akto luâk bikne are egi aregât hainâk Anutugât kotne mem agali.

19

Sakaione agep aregât den pat.

¹ Yesu Yeriko kipian arim ewangiwerâm agep. ² Hain akto kipia ain luâk tâlâwâk siâ malep kotne Sakaio. Arekne puli meme yengât luâk humo agep aregât yâkgât puli me ito sikum dondâ talanep. ³ Akto Sakaione Yesu ekberâm agep. Ekberâm akmâ âmâ luâk tâlâwâkgât luâk hutyenân kinmâ gain gain akmâ ekbe dâm kâleleim agato bo agep. ⁴ Hain akmâ pârigim ewangiyekmâ arim lâwin siâ lokom lokom âgâm kinmâ hin nângâep, “Yesu in gutmâ arimbo ekberân.” ⁵ Hain nângâm kindo Yesu je ain togom dewunne panmâ egon ekmâ hin dâm maganep, “Sakaio, nâ gângât emelan âgâ tatberâm nângân aregât dowâk sopanmâ ge.” dâep. ⁶ Hain dâmbô ainâk sopanmâ gem biwine herone agep. Hain akmâ emetjân olonmâ âgâep. ⁷ Olonmâ âgâmbô luâk hârokne ekmâ nângâmbiâ bâlimbo hin dâyi, “Gain gaingât luâk bâlejaet emelan âgâp?” dâyi. ⁸ Akto Sakaione Yesugât enemñân ba kinmâ hin dâep, “Humo, nângât puli me kotne siâ siâ are dopne konogâk mem potatmâ luâk umburuk mandâi are yengiwan. Akto luâk âmbâle yengât puli are heyengim meyenjiân hainâk mem agatmâ emelâk konok yengiân aregât hâune imbât yengim metewian.” dâep. ⁹ Hain dâmbô Yesu je hin maganep, “Gâ Abrahamgât kâmolân gâtne bunne. Anutune gala akginmâ damunge aktâp are nângâm ektân. ¹⁰ Akto nâ luâk akmâ gem miawakmâ luâk bâlejannde hilip yenguwâigât meyekmâ himbingât pat katyekberâm aregât geân.” dâep.

Luâk kotdâne puli geârâk konok konok yengim ariep aregât den ginje.

¹¹ Yesu olowâk arimbiâ Yerusalem kipia are tâlâgumbo âmâ denne nângâyiñe hin dâyi, “Anutune damun nenne akbiap aregât sopne tâlâguâp.” dâyi. ¹² Hain dâmbiâ aregât Yesu je den ginne siâ hin dâm makyengiep, “Luâk kotdâ siâne luâk kotdâ siâgâlân ariwerâm âmâ ikinjaet hin nângâep, “Damunyeje katnekbiap aregât arim benne togowian.” hain nângâep. ¹³ Akto ariwerâm âmâ hon bawalupne bât bip bip hârok yengondo togombiâ puli koane humo konok konok yengim hin dâm

makyengiep, “Puli irekne ai ketugum puli mem sambe ketugumbiâ hambâi purik katmâ togom ekbian.” dâep. ¹⁴ Hain dâm kâlewângen arimbo luâk âmbâle bikjande hâkâj akmâ âmâ luâk hoj bawa siâ hungun anjbiâ luâk kotdâ aregâlân arim hin maganep, “Gâne damun nenje bo manbiat dâmbiâ aregât togoân.” ¹⁵ Hain dâmbo yâkgât luâk kotdâ arekne hân damunje malâkgât kato purik katmâ togoep. Togom âmâ hoj bawalupne puli yengiep are yengondo gembîa hin dâm makyengiep, “Puli yengian arekne ai ketugumbiâ amon miawagep?” dâep. ¹⁶ Hain dâmbo hoj bawa siâne hin dâep, “Luâk kotdâ, gâne puli konok nijen arekne ai ketugure puli koaje 10 hain miawagep.” ¹⁷ dâmbo hin dâep, “Âlepne hoj bawane kotne siâ siâ âine âlepneâk ketuguengât nâne kipia bêt bip bip hârok are yengât damun kat gektere manbiat.” ¹⁸ Hain dâmbo benje hoj bawa siâne gam hin dâep, “Luâk kotdâ, gâne puli koaje konok nijen arekne ai ketugure koaje momerâk miawagep.” dâmbo ¹⁹ hin dâep, “Âlepne arim âmâ kipia momerâk are yengât damun manben.” ²⁰ Hain dâmbo benje hoj bawa siâne âmâ gam hin dâep, “Gâne puli koaje konok ire nijen a ainâk sângumnande katipkom katere tatmap. ²¹ Gâ luâk hengân gugak kotne siâ siâ bo mem olojmenâ âmâ bikjande mem miawakmai are yengât memberâm aregât ukenje akmat. Akto gugak ai bo kâmetmat. Bikjande ai kalam ketugumbiâ bunje miawakto nemberâm aregâlâk mârur tatmat. Hain akmat aregât puli nijen ire heambukbop dâm sângumnande katipkom katere tatmap.” dâep. ²² Hain dâmbo hin dâep, “Gâmâ hoj bawa bâleje dondâ. Gugak den maktât aregât keige mem miawakbe. Nunak kotne siâ siâ bo mem olojdere âmâ bikjande mem miawakbiâ are membe dâman. Akto nunak are bo kâmetmâ bikjande kâmetbiâ bunje miawakto âmâ nembe dâman a nângât. ²³ Keine hain nângâm puli giân are luâk yengâlân kalen dâine ai ketugumbiâ sambelembom membom ina gâne are bo agen.” dâep. ²⁴ Hain dâm maganmâ luâk âmbâle kili are hin makyengiep, “Puli

wanjân are bêtjânba mem âgâ luâk 10 mendâp are wanjet.” dâmbo ²⁵ hin dâyi, “Hain bo. Yâk emelâk 10 mendâp aten.” dâyi. ²⁶ Aregât hin makyengire nângânet. Luâk siâ kotne siâ siâ talañdâp are mem humo ketugumbo are âmâ purik katmâ wanbian. Akto luâk siâ kotne siâ siâ talañbiap are biwinjande bo lokom manbiap are âmâ kenjomâ membian. Mendere yân manbiap. ²⁷ Akto gasalupnande nângâ yâkgât luâk kotdânenne bo malâk dâm magi yâk meyekmâ nângâlân gambiâ yektere yengumbiâ mojet.” dâep.

Yesuje Yerusalem kipian âgâm ariep.

²⁸ Yesuje den are makmâ metem luâk âmbâle kâmot humo are hepun yekmâ Yerusalem kipian âgâwerâm ariep. ²⁹ Arim Oliwa gimbanân âgâm âmâ Betepage akto Betania kipia lâuwâ are talewân ariep. Arim Aposolo lâuwâ hin dâm hungun yetkiep, ³⁰ “Kipia indâre tatâp ain ariet. Arim âmâ donji kâmpne siâ luâkne kakjân bo tatmai are tâkne hikombiâ kindâp are mem miawakberat. Mem miawakmâ hulanmâ mem olojmâ togoet. ³¹ Hulanbela âmâ luâk siâne, “Wangât hulanjat?” dâm aiyetkumbo âmâ hin dâm maganberat, Humone iregât maktâp. dâwerat.” dâm hungun yetkiep. ³² Hain dâm makmâ metembo Aposologâtne lâuwâ arekne arim gain dâm makyetkiep hainâk mem miawagiat. ³³ Mem miawakmâ donji kâmpne are hulanbela ambonjande dâyi, “Niñande makto hulanjat.” dâmbiâ ³⁴ hin dâyat, “Humone iregât dâmbo togoet.” dâyat. ³⁵ Hain dâm Yesugâlân mem togombela bâlâpnaet hâk pekenje kâlep are olojmâ donji kakjân kali. Katbiâ Yesuje âgâ talep. ³⁶ Katbiâ âgâmbo luâk âmbâle dondâne hâk pekeyenje olojmâ dâwân mem melalakom dâp watmâ lengaim arimbiâ hamiyenân donji kakjân watyekmâ ariep. ³⁷ Arim Oliwa gimbanje ewangim gembo âmâ luâk âmbâle kâmot humo Yesu olop manmini arekne Yesuje kulem siâ siâ ketugumbo ekmâ gayi aregât nângâm âmâ herone akmâ Anutugât kotne mem agatmâ âmâ Yesugât hin dâyi, ³⁸ “Luâk kembunenje Kembugât laugât togoâp yâk mepaije mene. Egon himbimân biwi

sânduk humo miawaktâp. Dâ egon egâlian gogâlean miawaktâp.” dâyi. ³⁹ Hain dâmbiâ Parisaio konok konok hutyenân kili arekne hin dâm magañi, “Tiksa, gângât maktâi are sami den makyengimenâ den yonâk kinmâ den hepunjet.” dâyi. ⁴⁰ Hain dâmbiâ hin makyengiep, “Makyengire nângânet. Den hepunbiâ âmâ kât irekne yâk yengât dumyenân kinmâ heronje maronje akbai.” dâep.

Yesuje Yerusalem kipia ekmâ okotne nângâm indiep.

⁴¹ Akto Yesuje Yerusalem kipia ginjân arim tatmâ âmâ ekmâ biwiñe umatne akto indem hin dâep, ⁴² “Yae, kipia ambolupne, âlepñân manberâm aregât dâpne emelâk miawagep are egi. Are hinje miawaktâp ina dewunyeñe boktâpgât bo ekmâ nângâi. ⁴³ Sop siân ain gasalupyeñande kipiayene awam mewam ketugum dâp tigi yengiwai. Tigi yengim âmâ watyekbiâ bo akbai. ⁴⁴ Bo akbiâ âmâ âmben nananjupyeñe akto âiângen me kipiângen hârogâk hilip yengum itiñ gulam ketugu yekmâ yengum om metyekbiâ kawum yeñeak kinbiap. Amâ Anutuñe togom meyekbiap aregât sopne hâkâñ agigât.” hain dâep.

⁴⁵ Den are makmâ metem sumbe emetjân âgâep. Âgâm âmâ kotne siâ siâ anji goanji akmâ tatbiâ yekmâ kuk akmâ watyekmâ hin dâm makyengiep, ⁴⁶ “Anutugât denñande hin dâep, “Anutugât emet amâ Anutu olop den makbaigât opmân.” Den hain tatâp ina yeñe akbiâ âmâ luâk kâmburâ yengât emet hainare aktâp.” dâep.

⁴⁷ Akto hilâmñe hilâmñe sumbe emetjân âgâm den potatmâ yengim malep. Hain akmâ mando sumbe kat kat luâk aregât damun akto Mosegât den kârikne makmâ kepigi akto humomolupyeñe hârokne Yesu kondenne bo agâk dâm aregât den magañi goanji agi. ⁴⁸ Hain akbiâ luâk âmbâle yânñe bikñande âmâ denñe nângâmbiâ âlepñe dondâ akmap aregât nângâmbi umatne akto hepuli.

20

Parisaioñe aikombiâ Yesuje ikinjaet keiñe bo makyengiep.

¹ Hilâm siân Yesuje sumbe emetjân kinmâ ikinje den pat âlepñe dâm potatmâ yengimbo âmâ sumbe kat kat luâk kautne Mosegât den kârikne makmâ kepigi akto humomolupyeñande yâkgâlân togom hin dâm aikoyi, ² “Makmenâ nângâne. Kulem hinare akmat are niñjet kârikñân kinmâ akmat? Niñande hain akben dâm kârikne giñepgât akmat?” dâmbiâ ³ hin makyengiep, “Akto nâkâ aiyenguwe. ⁴ Yohanene meyekmâ tuân katyegep aregât keiñe gain gain? Anutuñe dâmbo agep me luâk yânñande makbiâ agep aregât makbiâ nângâwe.” dâep. ⁵ Hain dâmbo yeñeak hin dâm magañi goanji agi, “Anutuñe dâep hain dâenne âmâ dâwerâp, “Dâ wangât denñe bo nângâm lokoyi?” ⁶ Gârâmâ nenñe, “Luâk yânñande tângoyi.” dâenne luâk âmbâle Yohanene Anutugât den maknengiminep dâm aregât kâtnje mem nenguwâi.” ⁷ Hain dâm magañi goanji akmâ benñe Yesu hin dâm magañi, “O Yohanegât keiñe bo nângâen.” dâyi. ⁸ Hain dâmbiâ hin makyengiep, “Akto nâkai hainâk niñjet kârikñân kinmâ kulem hin are akman aregât keiñe bo makyengiwerân.” dâep.

Luâk bâleñande kalam damunñe akmâ tali aregât den umatne.

⁹ Yesuje den ginñe siâ hin makyengiep, “Luâk siâne tâk wain aregât âi kâmelep. Kâmetmâ damun katyekmâ hân siângen arim sop kâlep malep. ¹⁰ Akto bunñe miawaktâp me bo aregât sop tâlâgumbo hon bawañe siâ bunñe bikñe meâk dâm aregât hunñun anño damun yengâlân togombo kom watbiâ yânâk purik kalep. ¹¹ Purik kato ambonñande kârikne akmâ hon bawañe siâ hunñun anño hainâk arim damun yengâlân togombo kom watbiâ âmâ yânâk purik kalep. ¹² Purik kato ambonñande hon bawa âlâwunje are hunñun anño yâk yengâlân togombo hâk hilâlâm wañmâ kom watbiâ purik kalep. ¹³ Purik kato ambonñande, “Gain gain akbe?” dâm hin nângâm dâep, “Nune nanne okotne

nânğanman are hunḡun anḡdere arimbo yâkgât den lokom sot âlem yendâp are bikḡe waḡbiâ mem togowiap mon?" dâep. ¹⁴ Hain dâm hunḡun anḡo yâk yengâlân togombo âmâ damunlupḡande maganḡi goanḡi akmâ hin dâyi, "O, yâkḡe âmâ âi ire ambonḡe akbiap haingât kondenḡe âi ire nengât akbiap." dâyi. ¹⁵ Hain dâm watmâ hewukḡânḡen panbiâ gembo aregen kombiâ moep. Mondo arekḡeak âi ambonḡande gain gain akyenḡiwiap? ¹⁶ Aregât maktere nânḡânḡet. Ambonḡande togom âi damunlupḡe hainâk yengum damun anḡâ katyekbiap." dâmbo hin dâyi, "Bo. Hain akto ârândânḡ bo aktâp." dâyi. ¹⁷ Hain dâmbiâ Yesuḡe tâḡâk yekmâ hin dâep, "Ye pâpkoiâ. Anutuḡe hain akmap aregât makyenḡimbo kulemgoyi are hin, "Emet ketuguwerâm âmâ tetembenḡe ekmâ bâleḡe dâm hepuli are tetembenḡe kârikḡe aregât dopḡe aktâp." ¹⁸ Den are bunḡe akto luâk siânḡe tetembenḡe are kâwutmâ hilipkowiap. Akto tetembenḡe arekḡe kâwulakmâ ge kondo mombiap." dâep.

¹⁹ Akto Yesuḡe Mosegât den kârikḡe makmâ kepigi akto yâk yengât keiyenḡe nânḡâm den ginḡe are dop yengum makyenḡimbo nânḡâm biwiyenḡe bâlimbo ainâk kala busiân katne dâm agi. Hain akberâm agi arekḡe luâk âmbâle kâmot humo are yengât hamep akmâ hepuli. ²⁰ Hepunmâ hin dâyi, "Hâmbâi Yesuḡe den makmâ hilip kombo âmâ kiapgâlân mem ariwaen." dâm aregât damun aganḡi. Hain akmâ luâk konok konok meyekmâ hin dâm makyenḡiyi, "Yesu yoḡâk hiangim aikombiâ den makmâ hilip kombo aregât kiapgâlân mem arim kombâen." hain dâm hunḡun yengiyi. ²¹ Hunḡun yengimbiâ Yesugâlân togom lau tu hin dâm maganḡi, "Luâk humo, keige nânḡânḡen. Den makmat are bunḡe âlepḡe. Akto luâk kotdâ are yengât bo hamep akmâ kinmâ Anutugât dâp bunḡânâk maknengimat. ²² Aregât makmenâ nânḡânḡe. Roma luâk kotdâ yengât puli katenḡe ârândânḡ akmap me bo?" dâyi. ²³ Hain dâmbiâ hiangigât keiḡe biwiyenḡân ekmâ nânḡâm hin dâep, ²⁴ "Puli koanḡe mem hekat ninḡbiâ ekbe." dâmbo mem hekalanḡbiâ hin dâep, "Ire ekḡet.

Ninḡet otnenḡe katbiâ tatâp?" ²⁵ dâmbo dâyi, "Roma luâk kotdâgât otnenḡe tatâp." dâmbiâ hin makyenḡieḡ, "Roma luâk kotdâ yengât pat are âmâ luâk kotdâ waḡbi. Dâ Anutugât pat are âmâ Anutu waḡbi." dâep. ²⁶ Hain dâmbo denḡe are nânḡâmbiâ humo akto luâk âmbâle dondâ kiligât gain gain aknerâm ewum pâpkoyi.

Momonânba agatmâ âmâ anḡelo yengât dop akbaen.

²⁷ Akto Sadukaio luâk bikḡande Yesugâlân togoyi. Sadukaio yâkḡe âmâ momonânba agatbaengât dopḡe bo tatâp dâm mali. Bo kârikḡe hain nânḡâm mali. Akto Yesugâlân togom hin dâm maganḡi, ²⁸ "Luâk humo, Moseḡe den kârikḡe siâ hin dâm kulemgoeḡ are tatâp. Luâk siânḡe âmbâle siâ mendo manmâ luâk are mondo âmâ emiḡande kambut mendo nananḡ membiap are âmâ teuḡaet pat akbiap. Den kârikḡe hain tatâp aregât den pat siâ maktenḡe nânḡâ. ²⁹ Emelâk emi teu nâmbulân lâuwâ manmâ teuyenḡande âmbâle mem nananḡ bâlâk manmâ moep. ³⁰ Mondo emiḡande kambut areâk mem yâkâ hainâk nananḡ bâlâk manmâ moep. ³¹ Mondo benḡe emiḡe siânḡe kambut areâk mem yâkâ hainâk nananḡ bâlâk manmâ moep. Hainâk akmâ manmâ gam âmâ emi teu nâmbulân lâuwâ arekḡe âmbâle konok areâk mem nananḡ bâlâk manmâ mom meteyi. ³² Hain akmâ mom metembiâ âmbâle kambut are bâinḡânḡen moep. ³³ Akto luâk nâmbulân lâuwâ arekḡe âmbâle konok areâk meyi aregât hâmbâi momonânba agatbaiân âmbâle are ninḡaet pat akbiap?" dâyi. ³⁴ Hain dâmbiâ Yesuḡe hin dâep, "Uḡak âmâ âmbâle anḡi goanḡi akmâ mandâi. ³⁵⁻³⁶ Dâ titnan sop humoân âmâ Anutuḡe nânḡâmbo âmâ dop konogâk manmâ âḡâwai. Anutuḡe makyenḡimbo momonânba agatbai. Agatmâ anḡelo yengât dop hainare akbai. Haingât luâk âmbâle anḡi goanḡi akbaigât dopḡe bo tatâp. Bo kârikḡe. Akto ain âmâ Anutuḡe dâmbo lâuwânḡe bo mombai. ³⁷ Akto momonânba agatbai aregât Moseḡe den kulemgoeḡ are hin tatâp. Lâwin keiḡân kâlâp punduḡ katmâ oep aregât kulem âmâ luâk âmbâle hârokḡe moyi aregât Anutuḡe den siâ

hin kalep, “Nâmâ Abraham Isaka akto Yakobo yâk yengât damun.” Den hain dâm kulengoep tatâp aregât keiņe hin. ³⁸ Anutu hâk heambuk are damunyeņe akmap, akto luâk golâ manmai are yengât damunyeņe akmap aregât Abraham, Isaka, akto Yakobo, âmâ golâ mandâi.” ³⁹ Yesuņe hain dâm makyenġimbo Mosegât den kârikņe makmâ kepigi bikņande hin dâyi, “Luâk humo âlepņe maktât.” dâyi. ⁴⁰ Hain dâm siâkâ aikowerâm akmâ nâņgâmbiâ umatņe akto hepuli.

⁴¹⁻⁴³ Hain gârâmâ Yesuņe den hin dâm makyenġiep, “Dawidiņe kep keņgugât kulem hin kulengoep,

Anutuņe nâņgât Humone are hin ma-
gaņep, “Gâ bâte bungen tatmenâ
gasalupge keigaet amukņân kâmot
katere tâliyekbiat.” dâep.

Hain gârâmâ Anutuņe huņgun aņdo
gem damun nenņe akbiap are Dawidigât
hakuņe dâmai hain bo. ⁴⁴ Dawidiņe
humoņe nâņgâm nâņgât Humone, hain
dâm kolep aregât yeņe âmâ gain gain akmâ
Dawidigât tepņân gâtņe dâmai?” dâep.

⁴⁵ Den are makmâ metem purik dâm
luâklupņe makyenġimbo luâk âmâle kili
arekņe hin nâņgâyi, ⁴⁶ “Mosegât den
kârikņe makmâ kepikmâ manmai dop hain
bo manbi. Yâkņe âmâ hâk pekeņe kâlep
are kulem melem are luguakmâ dâp arim
luâk âmâle yekmâ heroņe aknengijet dâm
aregâlâk nâņgâmai. Akto den emetņân
âgâm luâk hutyeņân tatmâ âmâ luâk
humomo yengât welam pat dâm yeņgiyi
ainâk nenņe soņ tatne dâm aregât akmai.
⁴⁷ Akto âmâle kambut yâk yengât kotņe
siâ siâ meyeņgimai. Akto luâk âmâleņe
nenekbiâ humo agâk dâm aregât miapņân
kinmâ Anutu magaņberâm kinmai. Luâk
hain arekņe aregât dosa dondâ memai.
Aregât ye yâk yengât dop bo akmâ manbi.”
dâep.

21

*Âmbâle kambut umburuk siâņe Anutugât
pat dâm puli kalep.*

¹ Hain dâm sumbe kat kat emetņân tatmâ
Yesuņe dewunņe panmâ yekto puli siâ siâ
humo tatyenġiep arekņe Anutugât pat dâm

puli katbiâ gembo yegep. ² Katmâ arimbiâ
âmâle kambut siâņe ikeņe puli gilâm
lâuwâk kato giep. ³ Kato gembo Yesuņe
ekmâ Aposololupņe hin dâm makyenġiep,
“Bundâk makyenġiwe. Âmbâle kambut
ire umburuk mamburuk manmap irekņe
puli gilâmņe lâuwâk katâp irekņe âmâ
puli humo katâi are hârok ewangi yektâp.
⁴ Puli humo tatyenġiâp arekņe âmâ oyaņmâ
bikņeâk mem ga katâi. Dâ âmâle kambut
ire âmâ hain bo. Yâk âmâ puli gilâmņe
lâuwâk talaņdâp are hârok katmâ âmâ yân
manberâp.” dâep.

*Sumbe emetņe patakom hilipkowi
aregât magep.*

⁵ Hain dâmbo Yesugât kâmot bikņande
sumbe emetņe hain dâyi, “Emet iregât
ambolupņande Anutugât opmân aregât
dâm kotņe siâ siâ katbiâ humomoņe are
mem sumbe emetņe ketuguyi.” dâyi.

⁶ Hain dâmbiâ Yesuņe hin dâm makyenġiep,
“Opmân yu ektâi ire hâmbâi togom hârem
gagaim itij gulam ketuguwai.” dâmbo

⁷ hin dâyi, “Luâk Humo, den yu maktât
ire âmâ sop amuten miawakbiap? Akto
sop are tâlâgumbo âmâ kulem gain gain
hinare miawakbiap?” dâyi. ⁸ Hain dâmbiâ
hin magep, “Bikņande oloņyekbiâ han
gulip akbâigât keiņe makmâ miawaktere
biwiyeņân katmâ manbi. Keiņe hin. Luâk
dondâņe togom nâņgât kolân agonakmâ,
“Nâ Anutuņe huņgun niņdo geân.” hain
dâwai. Akto bikņande âmâ, “Sop tâlâguâp.”
hain dâwai. Gârâmâ ye luâk hainare
yengâlân bo dewatiwi. ⁹ Akto bugâ hanâk
hanâk miawakto aguwai aregât den pat
akbai are âmâ nâņgâm ain bo hamewakbi.
Are soņ miawakbiapgât Anutuņe magep.
Dâ dowâk bo miawakbiap.” dâep. ¹⁰ Hain
dâm den dewatim hin dâep, “Hângât luâk
kotdâņe makbiâ tembe lokolupyeņande
hân siâgât amboņe yeņguwai. ¹¹ Akto mop
humo miawakbiap. Akto wan me wan
bâleņe miawak yeņgiwiap. Akto wâriņ
humo ain membiap. Akto wan me wan
hamepņe olowâkņe miawakyenġiwiap.
Akto sop ain kulem bâleņe aregât emelâk
bo egion dâwai, hain arekņe himbimân
miawakto ekbai.

Biwiyeṅande Yesugâlân hokatmâ manbai arekṅe âmâ Anutugât pat akbai.

¹² Hainare bo miawakto âmâ âi keiṅe katmâ meyekmâ yeṅgum wat yekmâ mem siâ siâ ketugu yekbai. Akto ye nâṅgât kotne mem manmai aregât yâkṅe denân kat yekmâ kala busi kâlegen kat yekbai. Luâk humo akto kiap are yeṅgâlân meyekmâ ariwai. ¹³ Hain akyeṅgimbiâ âmâ nâṅgât den pat âlepṅe aregât keiṅe makmâ miawakbiâ nâṅgâwai. ¹⁴ Akto are yeṅgâlân kinmâ âmâ den gain gain maktere ârândân akbiap aregât nâṅgâm bo hanokoakmâ umale akbi. ¹⁵ Nâṅe nunak memene akyeṅgire lauyeṅe owâiṅe akto den makbai amâ gasalupyenande denyeṅe are mem ge katberâm ewum hâumgowai. ¹⁶ Akto sop ain ewe memelupyenye me emi teulupyenye tâulupyenye akto galalupyenye yâkṅeak gasa akyeṅgim meyekmâ yeṅgumbiâ yeṅgâlân gâtṅe bikṅande mombai. ¹⁷ Akto sop ain âmâ ye nâṅgât kotnaet akmâ manmai aregât yeṅgât nâṅgâm bâli yeṅgim luâk kâmot humoṅe gasa akyeṅgim manmâ âgâwai. ¹⁸ Siâ me siâ hain akyeṅgimbiâ nâṅe tânyenṅure kautyeṅe dumutṅe siâ bo gulip akbiap. ¹⁹ Aregât kârikṅe kinmâ âmâ bo hâkâṅ akbiâ manmanyenye bunṅe miawakyeṅgiwiâp.

Yerusalem kipia mem bâliwai aregât Yesuṅe magep.

²⁰ Akto gasalupyenye yeṅgât tembe loko kâmotṅe kâmotṅe togom Yerusalem kipia ire awam ketugumbiâ âmâ yekmâ hin dâwai, “Hilip nengumbiâ kipia kawum akberâm aktâp.” hain dâwai. ²¹ Akto sop ain âmâ Yudaia hân ambolupṅe kipiayeṅe hepunmâ hewukṅâṅgen pârīgim heambukmâ ariwai. Akto Yerusalem kipia kâlegen manbai yâkâ hainâk pârīgim ariwai. Akto kipia ginṅâṅgen manbai arekṅe wan me wan memberâm purik katmâ kipian bo gawai. ²² Sop ain dosa membai aregât emelâk kulemgoyi are Anutuṅe bunṅe agâk dâm dosa aregât hâuṅe yeṅgiwiap. ²³ Yai, âmbâle tepdâ me nanaṅ nam yeṅgim tatbai arekṅe gain gain akbai? Yâk ariwerâm hâk hilâlâm nâṅgâm umatṅe akmâ ewum hâumgowai. Hain akbai aregât hâuṅe âmâ Anutuṅe purikṅe yeṅgimbo hân ambolupṅande yae

dâm agatmâ sopanmâ hâk hilâlâm nâṅgâm manbai. ²⁴ Are tembe lokone bikṅe oloṅ yekmâ hânṅe hânṅe meyekmâ arimbiâ hoṅ bawalupyenye akmâ manbai. Ain âmâ Anutu bo nâṅgaṅmai arekṅe gasa akyeṅgim Yerusalem kipia itinṅ gulam ketuguwai. Ketugumbiâ kawum akto âmâ manmâ âgâmbiâ âmâ Anutuṅe hin dâwiap, “Nâṅgât bo nâṅgâ niṅmai are yeṅgât sop bo aktâp.” dâwiawân ain hilip aguwai.

²⁵ Akto siân âmâ dewutâ hilâmṅât akto hândâkṅât me pituṅ me hân akto haru bâliwiapṅât kulem keiṅe keiṅe miawakto ekbai. Ekmâ âmâ luâk âmbâle hârokṅe biwiyeṅe agatbiap. ²⁶ Akto dewutâ me pituṅ arekṅe duwuṅ akmâ kotṅe hanâk hanâk bam gutbai. Hain akbiâ kulem are ekmâ hamewakmâ hin dâwai, “Gain gain akne? Yâgâten arim heambukne?” dâmbiâ okotyenân tuk tuk erâmbo âmâ biwiyeṅe gulip akbiap. ²⁷ Hain akbiâ pagaleṅe pakpak dâmbo âmâ luâk akmâ geân nâ kârikṅe akmâ hamandat kulewoṅwoṅ kakṅânba gere âmâ nekbai. ²⁸ Kulem hain miawakto ekmâ dewunyeṅe egon panmâ ekmâ hin dâwai, “O nen bâlenânba mem oloṅ nenekberâm geâp.” dâwai.” dâep.

²⁹ Yesuṅe hain dâm den ginṅe siâ hin dâm makyenṅiep, “Ye hâpugât keiṅe ya nâṅgâmai are. ³⁰ Hâpu tatangaiṅe gagai akto aregât hin dâmai, “O imâ dewutâ komberâm aktâp.” dâmai. ³¹ Hainâk kulem hainare miawakto ekmâ âmâ hin dâwi, “Emelâk humo miawakmâ nen olop mando Anutuṅe damun nenṅe akbiap aregât sop tâlâguâp.” hain dâwi. ³² Den ire maktere nâṅgâm biwiyeṅân katṅet. Luâk kâmot yu tatâi irekṅe bo mom golâ manbiâk hainare miawakto ekbai. ³³ Himbim hân haru kârikṅe yembiap dâmai are hârok gulip aguwiap. Dâ nâṅgât den yu maktân ire âmâ kârikṅe akmâ yem âgâwiap. Gulip akbiapṅât dop bo tatâp.” dâep.

Yesuṅe Aposololupṅe makyenṅim, “Biwi golâ manbi.” dâep.

³⁴⁻³⁵ Akto Yesuṅe hin dâm makyenṅiep, “Iren hânân kotṅe siâ siâ keiṅe keiṅe mem aregâlâk nâṅgâwâigât biwi golâ manṅet. Akto tu kârikṅe nembiâ wâtyenye bo akto nâṅgât nelâm yeṅgiwopṅât aregât

âkâ hainâk biwi golâ manñet. Wangât? Hingât. Nâñe dowâk miawakmâ togowian ain âmâ luâk hârokñe dosayenâet hâuñe membai. Bo nâñgâm pâlâmñe manbiâ hami komñe sân sânâk meyekmap dop hainâk togowian. ³⁶ Anutugât den konok lokom manmâ biwiyenñe yâkgâlân kârikñe tatbiâp aregât nâñgâm hokboâk hokboâk Anutu ulilanmâ biwi golâ manmâ âgâmbiâ kulem hainare miawakbiap. Hain akmâ manbiâ nâ miawakmâ kinbian ain bo anñun anñiwai.” Yesuñe hain dâm makyenñiep.

³⁷ Akto hilâm ârândânñe sumbe emetñan âgâm kinmâ den potatmâ makyenñim malep. Hain akmâ manmâ âmâ emet dâgâmbiâ âmâ Oliwa gimbânñan âgâm ain tatminep. ³⁸ Hain akminepñe emet hauñdo luâk âmbâle hamepñe olowâkñe denñe nâñgâwerâm sumbe emetñan âgâm mendugum lâmgoyi.

22

Yudasine Yesu membian dâm makyenñiep.

¹ Akto hombanñe siâ aregât kotñe Pasowa dâmini ain sot bo kaulemap omini are tâlâgüep. ² Akto sop ain sumbe kat kat luâk akto Mosegât den kârikñe makmâ kepigi yâkñe luâk âmbâle dondâ are yengât nâñgâm hamep akmâ aregât Yesu gain gain agañdenñe moâk dâm maganñi goanñi agi. Hain akmâ dâpñe undâgâtmâ mali.

³ Hain akmâ manbiâ Niambiñe Aposolo siâ Karioto kipian gâtñe kotñe Yudasine are kautñan mendo ⁴ sumbe kat kat luâk are yengât damunlupñe akto tembe loko kautñe arekñe maganñi goanñi akmâ, “Yesu gain gain aktenñe koñet.” dâmbiâ Yudasine arim aregât keñe makyenñiep. ⁵ Den makyenñimbo biwiyenñe âlepñe akto puli wanñberâm agi. ⁶ Hain akbiâ denyenñe are lokom luâk âmbâleñe aregât keñe nâñgâwâi dâm aregât yonâgângen mem miawakmâ âmâ kombai aregât ekmâ watmâ malep.

⁷ Akto hombanñe are miawakto hilâm siân lama gâim om nemberâm agi ain ⁸ âmâ Yesuñe Petoro akto Yohane hin dâm makyetkim hunñun yetkiep, “Yet arim âmâ hombanñe Pasowa aregât lama gâim âmâ om lâm nengum tatbela togoenñe nemberen.” dâep. ⁹ Hain dâmbo hin

dâm aikoyiat, “Emet wanân gâim om lâm yengüweret?” dâmbela ¹⁰ hin dâep, “Kipian âgâm âmâ luâk siânñe asap lokoakmâ arimbo ekmâ âmâ are hamiñan watmâ arimbela emelan kewugu yelekmâ âgâmbiâ âgâwerat. ¹¹ Âgâm emet amboñe mem miawakmâ hin dâm maganñberat, “Luâk humonetñande gâñgât hin dâm maktâp. Emet kâlñe gain hinan luâklupñe olop Pasowagât pat om nemberen? ¹² Hain dâm maknetkiâp.” dâm maganñbela emet kâlñe humo siâ mem âlepñe dondâ ketuguyi are hekat yetkimbo âmâ âgâm sot wan om lâm nengüwerat.” dâep. ¹³ Hain dâm hunñun yetkimbo ariyat. Arim magep hainâk mem miawakmâ maganñbela emet are hekat yetkimbo siâ siâgât magep hainâk hainâk mem henñgemgoyiat.

Yesuñe Aposololupñe olop sot neyi.

¹⁴ Mem henñgemgombela kindo sop akto âmâ aposololupñe olop penâyetkimbiâ sot neyi. ¹⁵ Nem tatbiâ âmâ hin dâm makyenñiep, “Nugumbiâ hâk hilâlâm nâñgâwerânñe sot tâlâgüâpñe ye olop sot ire nemberengât ukenñe nâñgân. ¹⁶ Akto maktere nâñgâñet. Nâ hinñe ye olop sot yu nenden hainâk lâuwânñe bo nemberian arekñe maleine bunewâk Anutñe damunñe akberâm keñe katbiap âmâ lâuwânñe nemberian.” dâep. ¹⁷ Hain dâm wain are nemberâm hâpurâ mem Anutu manñanmâ mepainñe mem hin makyenñiep, “Ire mem potatmâ neñet. ¹⁸ Akto ire maktere nâñgâñet. Nâ hinñe wain tu ire bo nem mandere Anutñe bâin dâm damunñe akberâm keñe kato âmâ tu irakñe nemberian.” dâep. ¹⁹ Hain dâm sot siâ mem Anutu manñanmâ mepainñe mem munditmâ Aposololupñe yengñiep. Yengñim hin dâm makyenñiep, “Imâ nâñgât sunumnaet dop. Nâñgât pat nelâm yengñiwopñe sot ire nem manmâ âgâwi.” dâep. ²⁰ Hain dâmbo nemberian bo akto wain hâpurâ siâ mem hin makyenñiep, “Wain irekñe Anutugât dâp irakñe miawakto dosayenñe hepun yengñiwap aregât nugumbiâ gilâmñe gewiap aregât dopñe aktâp. Are yengât pat dâm makmâ hâreân aregât mem neñet. ²¹ Akto den siâ ire maktere nâñgâñet.

Yengâlân gâtne siâne nângât nângâm bâli niñmâ moâk dâm gasalupne makyengimbo menekmâ nuguwai. ²² Aregât Anutuñe hin dâm makniñep, “Dâp hainâk arim manbiat.” hain dâm huñgun niñdo aregât dâp hainâk arim mombian. Are âmâ nugumbiâ mombiangât luâk siâne heniñmâ dâp hainâk oloñnekmâ ariwiap aregât dosa umatne bâleñe membiap.” dâep. ²³ Hain dâmbo hin dâyi, “Nengâlân gâtne niñande akbiap?” dâm maganñi goanñi agi.

Aposololupñande papalakmâ den maganñi.

²⁴ Akto Aposololupñande maganñi goanñi akmâ papalakmâ hin dâyi, “Nengâlân gâtne niñande humonenñe mandâp?” dâmbiâ ²⁵ hin dâm makyengiep, “Hân siâ siâ yâk yengât luâk humo yâkñe âmâ hoñ bawalupñe meyekto hoñ bawa aganñmai akto hoñ bawa arekñe luâk anğâñe luâk humo yengonmâ kotyeneñe mem agatmai. ²⁶ Dâ yeñe âmâ hângât luâk kembu are yengât agak meme hain bo akbi. Gârâmâ yengâlân gâtne siâne humo akbian dâm âmâ gegeñe manbiâp. Akto Anutuñe nekmâ luâk humo dâwiap dâm manmâ âmâ ye hârok yengât hoñ bawa akyengiwîap. ²⁷ Akto luâk siâne sot om katyengim tân yengumap are âmâ luâk yânñe dâmai. Dâ luâk siâ âi bo mem yân tato hoñ bawañande sot om kalañdo nemap aregât âmâ luâk humo dâmai. Gârâmâ ye hain bo akbi. Aregât nâkai hain nângâm hoñ bawa akyengim tân yengum malân. ²⁸ Akto nâ hâk hilâlâm kakñân manmâ gan amâ yeñe bo hepun nekbiâ biwiyeneñe nângâlânâk kindo olowâk manmâ gayion. ²⁹ Hain akbiâ aregât Ewenande damunyeñe kat negep hainâk nâñe âmâ damunyeñe dâm katyekbian. ³⁰ Hâmbâi lâuwâñe miawakmâ gere âmâ olowâk manmâ nembaen aregât pat kat yengîân. Akto ain âmâ luâk kotdâ yengât tat talân tatmâ Israe luâk kâmot keiân lâuwâ tatbai are yengât den makmâ hâre yengiwai aregât pat katyengîân.” hain dâep.

Yesuñe Petoro maganñep.

³¹ Yesuñe hain dâm Petoro hin dâm maganñep, “Simon, Simon, matuk helekñe

are mem pipikoenñe tuñe ingoen gembo helekñe are mem pandenñe arimap dop hainâk Niambiñe keige ekberâm aregât aktâp. ³² Niambiñe hain dâmbo nâñe âmâ biwige bâliwop dâm gângât Ewene ulilañdân. Ulilañdere aregât ulik gulik nângât hâkân akmâ hamiñân biwigande nângâ niñmâ âmâ galalupge are tân yenguwiat.” dâep. ³³ Hain dâmbo Petoroñe hin dâep, “Humo, gâ kala busi kâlegen kat gekbiâ tatbiat me bugâ mem mombiat âmâ nâ gâ bo hepun gekbian. Nâkâ hainâk akbian.” dâmbo ³⁴ hin dâm maganñep, “Petoro maktere nângâ. Gokorok bo indemboân gâñe nângâ yâkgât bo nânganñman dâm munen akmenâ sop âlâwu akbiap.” dâep.

³⁵ Hain dâm benñe luâklupñe hinâk makyengiep, “Emelâk puli bo ito bo kei pekeñe bo, hain huñgun yengire arim umburuk akmâ mali me bo?” dâmbo hin dâyi, “Nen umburuk bo malion.” dâmbiâ ³⁶⁻³⁷ hin makyengiep, “Nângât den kulemgoyi are hârogâk bunñe akbiapgât sopñe tâlâguâp. Akto Anutuñe nângât den siâ dâmbo kulemgoyi are hin, “Bâleñe meme yâk yengât kâmolân katbai.” den are nângâlân bunñe akberâp aregât ito me iripân me wan me wan tatyengîap are mem ariwerâi. Dâ yengâlân gâtne bikñande puli me wan me wan bo tat yengîap yeñe âmâ yeñandeân hâk pekeñe mem yâk yengimbiâ puli yengimbiâ puli are mem arim bugâ puligowai.” dâep. ³⁸ Hain dâmbo hin dâm maganñi, “Humo ire ek. Nengâlân tâwât lâuwâ tatâp.” dâmbiâ hin dâep, “Bâin. Hain talâk.” dâep.

Oliwa gimbânân âgâm Anutu ulilañep

³⁹ Hain dâm Yesuñe hândâk ârândânâk kipia are hepunmâ Oliwa gimbânân âgâm manminep hainâk kipia hepunmâ Oliwa gimbânân âgâwerâm hoñ bawalupñe kewugu yekto âgâyi. ⁴⁰ Âgâm malewân arim hin dâm makyengiep, “Bâleñande mem katyekbopgât in tatmâ Anutu ulilañnet.” ⁴¹ Hain dâm kat yekmâ getek bam ge tatmâ hin dâm ulilañep, ⁴² “Apo, gâ nângâmenâ ârândân akto makmenâ âmâ hâk hilâlâm irekñe gam ewanginegâk gârâmâ nângât den bo. Gângât den kârikñe

agâk.” dâm ulilaņep. ⁴³ Hain dâmbo aņelo siâņe himbimânba gem memene aganeņep. ⁴⁴ Hain akto biwiņe umatņe akto nânġâm kârikņe akmâ lâuwâņe hainâk dâm ulilaņep. Ulilaņdo âmâ ogowak biririk dâm gem gilâm tirin târâņ gemap dop hainâk akmâ tirin târâņ dâm hânân giep. ⁴⁵ Hain akto ulilaņmâ metem Aposololupņe bam yegep. Akto okot yeņe nânġâm wâtyeņe hutuk âġâmbo asiņ yeyi. ⁴⁶ Asiņ yembiâ yekmâ hin dâep, “Gain akmâ asiņ yendâi? Agatmâ kinņet. Hâwâtyekto bâleņe akbâigât Anutu ulilaņet.” dâep.

Yesu meyi.

⁴⁷ Hain dâm kindo ainâk dondâ togoyi. Togombiâ âmâ Aposolo siâ kotņe Yudasi yâkņe sumbe kat kat luâk are yeņġât humomolupyene akto areyeņġât tembe loko akto Yuda yeņġât kaunsoli are olop halop hogoanmâ den hikoyi are watmâ gasa makyenġim kewugu yekmâ togo katyekto kinbiâ ba Yesu lokom maņganlep. ⁴⁸ Maņgando Yesuņe hin dâep, “Yudasi, luâk akmâ gewiap dâmai are âmâ nâ menekņetġât wangât maņgan nektât?” hain dâep. ⁴⁹ Hain dâmbo Aposololupņande siâ siâ akyenġiwai areġât nânġâm hin dâyi, “O humo nânġâmenâ tâwâtņe kârâ yekne.” dâyi. ⁵⁰ Dâmbiâ are hutyenân ġâtņe siâņe tâwât mem sumbe kat kat luâk humoyeņe siâ yâġġât hoņ bawa siâġât ondopņe bikņe tâwâtņe kârâm hâriep. ⁵¹ Kârâm hârembo Yesuņe ekmâ hin dâep, “Hepunņet.” dâm luâk areġât ondopņe are mendo âlepņe agep. ⁵² Hain akmâ sumbe kat kat humomolupyene akto yâk yeņġât tembe lokolupyene hin dâm makyenġiep, “Yeņe âmâ nânġât nânġâmbiâ bugâ koko luâk akman areġât bugâyeņe loko akmâ menekberâm togoâi mon? ⁵³ Nâ sop ârândâņ sumbe kat kat emetņân ye olop manmâ gayion sop ain wangât bo menegi? Dâ uņak ire âmâ Hândâk Amboņe arekņe memene akyenġiâp areġât togoâi.” hain dâep.

Petoro hamewakmâ, “Nâ Yesuġât kâmolân ġâtņe bo.” dâep.

⁵⁴ Hain dâmbo mem arim sumbe kat kat luâk yeņġât humoyeņe areġât emelanġen mem ariyi. Mem arimbiâ Aposolo awam akmâ arim meteyi. Akto Petoroņe purik katmâ yoņâk yoņâk hamiyenânġen watyekmâ togoep. ⁵⁵ Akto emelan mem âġâmbiâ tembe loko bikņe âmâ sombeimân kâlâp om nânġâm tatbiâ Petoro âkâ hainâk kâlâp nânġâwerâm yâk yeņġât hut yeņân ge talep. ⁵⁶ Hain tatbiâ hoņ bawa âmbâle siâņe ekmâ nânġâm hin dâep, “O luâk ire âmâ Yesuġât kâmolân ġâtņe.” dâmbo ⁵⁷ muneņ akmâ hin dâep, “Nâ luâk are bo nânġân. Akto bo ekman.” dâep. ⁵⁸ Hain dâmbo sop kâlêwâk bo aktoâk luâk siâņe ekmâ hainâk dâep, “Âo ġâ yâk yeņġâlân ġâtņe.” dâmbo hin dâep, “Nâ yâk yeņġât kâmolân ġâtņe bo.” dâep. ⁵⁹ Hain dâm getek sop kâlêwâk hin tato luâk siâņe ekmâ wârakmâ hin dâep, “Bundâk ġâ yâk olop manmai. Akto ġâ Galilaia denân makmenâ nânġân.” dâep. ⁶⁰ Hain dâmbo hin dâep, “Nâ ġânġât den are pâpkoân.” dâmbo ainâk gokorok indiep. ⁶¹ Indembo âmâ Yesu Humoņe purik dâm Petoro tâņâk egep. Ekto âmâ Humoņe den hin dâm maganeņep are nânġâep, “Gokorok bo indemboâk ġâņe nânġât keine tigimenâ sop âlâwu akbiap.” dâep. ⁶² Den are nânġâm biwiņe umatņe akto arim indiep.

Yesu mem keiņe hârok mânġiyi.

⁶³ Akto Yesu damungom kili arekņe dewunņân gem den maganmâ sânġumņe dewunņe hikom tigim ondopņe hogoyi. ⁶⁴ Ondopņe hogom hin dâyi, “Ondopge hogoâp areġât kotņe kon.” dâyi. ⁶⁵ Hain dâm den are maganmâ den bâleņe maganmâ kili.

⁶⁶ Hain akmâ kinbiâ emet haunġo sumbe kat kat luâk akto Moseġât den kârikņe makmâ kepigi, akto Israe yeņġât damunlupyene dondâ mendugu akmâ Yesu kâmot yeņân mem âġâ katmâ hin dâm maganġi, ⁶⁷ “ġâņe Anutuņe huņġunniņdo ġeân maktât areġât âmâ keige makmâ miawak.” dâmbiâ hin dâep, “Den ire hâkâņ akberâigât nânġân areġât hepunbe. ⁶⁸ Akto den siâ aiyenġure bo makniņberâi. ⁶⁹ ġârâmâ sop ireġât luâk akmâ ġeân nâ Anutu kârikņe amboņe yâġġât bânņe

bungen tatere nekbai.” dâep. ⁷⁰ Hain dâmbô hârokne nângâm hin dâm maganji, “Gâne hin dâmat, “Nâ Anutugât nanje mandân.” dâmat are bunje me bo?” dâmbiâ, “Âo, ya maktâi are.” dâmbô hin dâyi, ⁷¹ “Siâne siârâm siârâm akbiâ âmâ den âi humo membâen. Emelâk maktâp areâk bugâ neâk.” dâyi.

23

Yesu mem Pilato akto Herote yetgâlân arim denje dâm hâreyi.

¹ Akto Yesu meyi arekne hârogâk agatmâ Yesu mem Pilatogâlân ariyi. ² Yâkgâlân arim kinmâ hin dâm yâkgât den dâm hiangiyi, “Luâk iregât keiñe hin. Luâk hârok yengât biwiyeñân nângâ nângâ bâleñe lugumap are hin. Roma luâk kotdâgât puli bo katñet dâm aregât makmâ nâ Anutune hunguniñdo geângât damunyeñe akman dâmap.” dâyi. ³ Hain dâmbiâ Pilatoñe aikom hin dâep, “Gâ Yuda yengât luâk humo me?” dâmbô hin dâep, “Gâne maktât are bunje.” dâep. ⁴ Hain dâmbô Pilatoñe sumbe kat kat luâk are yengât humomolupyene akto luâk dondâ ain kili are hin dâm makyengiep, “Luâk iregât dosa siâ bo tatâp nângân.” dâep. ⁵ Hain dâmbô kârikneâk konmâ hin dâyi, “Bunje luâk mem hanâk hanâk ketugu yekmâ biwiyeñân gem denne hânje hânje ariâk dâm aregât makmap. Akto Galilaia hânân bam keiñe makmâ ainba Yudaia hânân togom hainâk akmap.” dâyi. ⁶ Hain dâmbiâ Pilatoñe hin aiyenguep, “Luâk ire Galilaia hânân gâtñe me?” dâmbô ⁷ hin dâyi, “Âo ain gâtñe.” dâmbiâ Pilatoñe hin nângâep, “Galilaia hân are Heroteñe damunje akmap ain gâtñe.” are nângâm yâkgâlân mem arinjet dâm hungun yengiep. Akto sop ain Heroteñe Galilaia hân hepunmâ Yerusalem kipian malep aregât hungun yengimbo Herotegâlân mem ariyi.

⁸ Yâkgâlân mem arimbiâ Heroteñe Yesugât den pat are nângâm ekbeâk nângâm malepgât Yesu ekmâ âmâ biwiñe herone agep. Hain akmâ kulem siâ ketugumbo ekberâm aregât ukenje nângâm malep. ⁹ Akto Heroteñe den keiñe keiñe

aregât aikombo hâuñe bo maganjep. ¹⁰ Hain akto sumbe kat kat luâk akto Mosegât den kârikne makmâ kepigi arekne hâkne tunmâ den umatñe siâ siâ magi. ¹¹ Hain akbiâ Herote akto tembe lokolupne yâkne Yesu dewunñân gem betorok panañi. Betorok panañmâ den hembalik mângiyi. Hain akmâ Heroteñe dâmbô hâk pekeñe kulemñe âlepñe dondâ siâ mem lugu anjiâ gembo Pilatogâlân mem purik katmâ ariyi. ¹² Dâ ulikñân Pilato akto Herote gasane gasane maliat. Akto mem arimbiân âmâ ainâk gala giat.

¹³ Akto Pilatoñe sumbe kat kat luâk akto Israe yengât damunlupyene akto luâk âmbâle yânje are yengondo togom menduguyi. ¹⁴ Mendugumbiâ hin dâep, “Yeñe luâk ire nângâlân mem togom yâkgât hin dâm makniñdâi, “Luâk irekne luâk mem kotñe hanâk hanâk ketuguyekmâ biwiyeñân gemap.” dâi aregât nâñe yengât dewunyeñân keiñe mem miawaktere dosane bo aktâp. ¹⁵ Emelâk Heroteñe makmâ hâreañâk dâm hungun yengire bo akto nângâlân lâuwâñe mem togoâi. Nângâi. Luâk ire mombiapgât dosane siâ bo ektân aregât hin aktere ârândân akberâp. ¹⁶ Tembe lokolupne makyengire tâkneak orem hâk hilâlâm wañmâ hungun anjiâ yân gem ariâk.” dâep. ¹⁷ Hain dâm kinmâ sop ain Pasowa hombanj ârândân nângâ yengim kala busi kâlegen kat yekbiâ tatmini are yengâlân gâtñe konok wato ariminep. ¹⁸ Hain akminep aregât luâk âmbâle arekne moâkgât konmâ kârikne akmâ hin maganji, “Are âmâ moâk. Dâ yâkgât dumñân Baraba are watmenâ geâk.” dâyi. ¹⁹ Akto Barabagât keiñe hin. Yâkne luâk dondâ mem mendugu yekmâ hin dâm makyengiep, “Kiap tembe loko hârok yengum wat yektenje arinjet.” dâm bugâ mem luâk siâ kondo mondo aregât kala busi kâlegen katbiâ talep. Keiñe hain. ²⁰ Akto Pilatoñe lâuwâñe hin dâep, “Nâmâ Yesu watere gewerâpgât nângân.” dâep. ²¹ Hain dâmbô den kârikne konmâ maganji, “Yesu lâwinân kombiâ moâk. Lâwinân kombiâ moâk.” dâyi. ²² Hain dâmbiâ Pilatoñe den koyengim âlâwuñe hin makyengiep, “Bâleñe bo agepgât nângâre dosane bo tatâp

aregât maktere bugâje yânâk kom mem hulanbiâ yân arim manbiâp.” dâep. ²³ Hain dâmbô kautyeje orem kârikje akmâ den dâyi hainâk dâyi, “Lâwinân kombiâ moâk” dâmbiâ arim denyenande gewe âgâwe akmâ yendo âmâ Pilatogât den are mem ge kali. ²⁴ Mem ge katbiâ Pilatoje den dâyi aregât bunje miawagâkgât dâm aregât makmâ hâre yengiep. ²⁵ Hain akmâ denyenje lokom Baraba luâk koko akto den koko luâk are hulanmâ yâkgât dumñân Yesu moâk dâm makmâ hâreañep.

Yesu lâwinân kombiâ moep.

²⁶ Hain dâmbô arim luâk siâ dâwân gembo egi kotje Simon, Kirene kipian gâtje yâk âiângenba togombo lâwin ire loko dâm magañi. Magañmâ Yesugât lâwin are kamberân katbiâ lokom hamiñân arimbo luâk kâmot humo hamiyenân ariyi. ²⁷ Arimbiâ hutyenân âmbâle bikñande okot dondâ nângâ anmâ indem ariyi. ²⁸ Akto Yesuje purik katmâ yekmâ hin dâep, “Yerusalem âmbâle nângât bo indenjet. Yenjaet akto nanañlupyenje yengât indenjet. Maktere nângâñet. ²⁹ Hâmbâi yeje hin dâwai, “Bâe, âmbâle gupin, âmbâle sigan yânâk nanañ bo meygât nângâenne âlepje aktâp.” ³⁰ Hain dâm ain gimbâje iregât hin dâwai, “Hogoakmâ gem tigi nenegâk.” dâwai. Akto hemem keiñân kinmâ, “Gem nenguâk.” dâwai. ³¹ Aregât hin dâre nângâñet. Lâwin golâ ombiâ âmâ bo omap. Dâ lâwin momoje âmâ ombiâ dondâ omap. Aregât gain gain akbai.” dâm makyengiep.

³² Akto bâleje meme luâk lâuwâ biken biken yâk olowâk yenguerâm meyelekmâ ariyi. ³³ Arim hân siâ kotje kaut hagit ain arim lâwinân koyi. Kom âmâ bâleje meme luâk lâuwâ are biken biken kat yelekmâ yetkuyi. ³⁴ Olowâk yengumbiâ Yesuje hin dâm Anutu magañep, “Apo yu akniñdâi ire âmâ keine bo nângâm kinmâ akniñdâi aregât dosayeje hepun yengiwên.” dâep. Hain dâmbô tembe loko arekñe Yesugât hâk pekeje memberâm aregât kulem esenje bâleñ maleñ oyañmâ puli memai dop hain akmâ aņgiyi. ³⁵ Akto luâk âmbâle kâmot humo kinmâ tâñâk ekbiâ Israe yengât damunlupyenje arekñe dewunñân gem den hin dâm magañi, “Emelâk luâk

dondâ tân yengumbo âlepje agi. Akto ikiñæet hin dâmap, “Nâ Anutugât nanñande ewenande hungunniñdo gem damunyeje akmâ mandân.” dâmap aregât lâwinânba sopanmâ geâk.” dâyi. ³⁶ Hain dâmbiâ tembe loko yâkñe hainâk dewunñân gem wain tu ñasukñe bâleje are mem wañmâ hin dâyi, ³⁷ “Gâ Yuda yengât luâk humo mandât akto âmâ pekmâ sopanmâ ge.” dâyi. ³⁸ Hain dâm Yesugât lâwin ulikñân hin dâm kulemgom kali, “Ire Yuda yengât luâk kembu.”

³⁹ Akto bâleje meme siâ Yesugât enemje biken lâwinân kombiâ kilep arekñe hainâk Yesu dewunñân gem hin dâep, “Bundâk, gâ Anutuje hungun giñdo damun nenje akberâm gien akto âmâ tân netkumenâ nen hârok sopanmâ gene.” dâep. ⁴⁰ Hain dâmbô galañe siâ Yesugât enemje biken kombiâ kilep arekñe hin dâm galañe are magañep, “Gâ bugâgât pat aktât arekñe gain gain akmâ Anutugât hamep bo akmâ hain dât? Amâ bo agakñe aktât. ⁴¹ Net âmâ dosanetje tat netkiâp aregât wan me wan aknetkimbiâ âmâ ârândâñ aktâp. Dâ luâk ire âmâ dosaje bo ina hanâk agañdâi.” dâep. ⁴² Hain dâm magañmâ benje Yesu hin magañep, “Yesu, lâuwâje damun nenje akberâm miawakmâ gewiat sop ain nângât nângâ niñben.” dâep. ⁴³ Hain dâmbô Yesuje hin magañep, “Bunje makgiñdere nângâ. Hinje emet boâk dâgâmbô mom Anutuje tatmawân arim tatberet.” dâep.

Yesu moep.

⁴⁴ Hain dâmbô hilâm tânâmje akto ain dewutâ are heambukto hândâk agep. Hândâk akmâ yendo engaije agep. ⁴⁵ Akto hândâk agep ain sumbe kat kat emetjaet dawalañe aregât sâñgum kâlep humo tigiyi arekñe tânâmñânba hionakmâ bikñe bikñe agep. ⁴⁶ Hain akto Yesuje hin dâep, “Apo, otnene gâñgâlân purik kalâkgât nângân.” hain bâin dâm manmanje palep. ⁴⁷ Panakto tembe loko yengât humoje ekmâ nângâm âmâ Anutu manñanmâ hin dâep, “Bundâk, luâk iregât dosaje bo.” dâep. ⁴⁸ Hain dâmbô luâk kâmot humo are ekberâm togo kili arekñe kulem miawagep are ekmâ biwiyenje bâlimbo nângâm bâlim ariyi. ⁴⁹ Akto Yesugât nângâm âmbâle

bikɲande Galilaia hân hepunmâ Yesu watmâ togoyi yâk olowâk kâlewângen kinmâ kulem miawagep are ekmâ nângâyi.

⁵⁰ Akto luâk siâ malep kotɲe Yosepe, are Arimataia kipia Yudaia hânân talep ain gâtɲe. Akto yâk Yuda yengât kaunsoli mali yâk yengâlân gâtɲe. Akto luâk are âmâ âlepɲe gala konok malep. ⁵¹ Hain gârâmâ galalupɲande Yesugât den makmâ hâreaɲmâ kombiâ moâk dâmbiâ âmâ biwiɲande nângâmbo ârândâɲ bo agep. Hain akmâ Anutuɲe damun nenɲe akbiap aregât ukenɲe nângâm lâmgom malep. ⁵² Luâk arekɲe Pilatogâlân arim Yesugât hâkɲe mem arim hangowerâm aregât maganɲep. ⁵³ Maganɲo âlepɲe dâmbi arim lâwinânba mem gem sâɲgum kau kau siâɲe katipkom lokom arim kât dâpɲe siâ sumgât dâm kepikmâ hepunbiâ yân kilep ain kalep. ⁵⁴ Ain âmâ hole amâ âi meme sopɲe bo dâm aregât Yesugât hâkɲe ain kalep. ⁵⁵ Akto emet dâgâmbo âmâ âmbâle bikɲe Galilaia hân hepunmâ Yesu watmâ togoyi arekɲe Yosepe olop arim Yesu sumân kalep are egi. ⁵⁶ Ekmâ tu higenɲe âlepɲe are puligowerâm aregât kipiangen purik katmâ ariyi. Akto Moseɲe den kârikɲe siâ kulemgoep are hin, “Sarere akto ain âi bo ketugum yân tatmâ nângâwi.” den are lokom kipian yân tatmâ nângâyi.

24

Yesu momoɲânba agalep.

¹ Akto sonda hândâk pipiɲe tatoâk âmbâle arekɲe tu higenɲe pindindiɲ dâm yendo are mem sumângen ariyi. ² Arim ekbiâ kât humo siâɲe lâm dâpɲe tigiyi are hindakmâ siângen arimbo launɲe miawâk kilep. ³ Hain akmâ kindo gem Yesugât undâgâli. ⁴ Undâgâtbiâ bo akto kinbiâ ainâk aɲelo lâuwâ hâk pekeyetɲe kau kau dondâ arekɲe miawakmâ kiliat. ⁵ Kinbela yelemâ hamep akmâ kâɲgom kinbiâ hin dâm makyengiyiat, “Ye wangât golâ mandâp aregât undâgâtmâ sumân togo kindâi? ⁶ Yâk iren bo yendâp. Emelâk agatmâ ariâp. Akto ulikɲân Galilaia hânân manmâ den makyengiep are nelâm yengiep mon? Emelâk hin dâm makyengiep, ⁷ “Luâk akmâ geân nâ menekmâ makbiâ luâk

bâleɲande nugumbiâ mombian. Mondere hilâm âlâwu bo akto sumânba agatbian.” ⁸ hain dâm makyengiminep.” dâyiati. Hain dâm makyengimbela biwiyeɲe pâronɲ dâmbi den are nângâm hengemgoyi. ⁹ Nângâm hengemgom sum are hepunmâ purik katmâ arim Aposololupɲe bêt bip bip hârok keiân konok are akto olowâk mali yâk den pat are makyengiyi. ¹⁰ Akto âmbâle are kotyene âmâ hin. Maria Madala kipian gâtɲe akto siâ Yohana, akto siâ Maria Yakobogât memene. ¹¹ Yâkɲe âmâ lâulupyene bikɲe olop arim Aposolo den pat are makyengiyi. Makyengimbâ nângâmbiâ bunɲe bo agep. ¹² Hain akmâ Petoroɲe agatmâ sumângen pârigim arim sâɲgum lâuwâ arekɲe konok talep are ekmâ nângâ nângâɲe gulip akto emetɲân purik kalep.

Yesuɲe galalogâtɲe olop ariep.

¹³ Akto hilâm ainâk Yesugât kâmot are yengâlân gâtɲe lâuwâ siâɲe Emausi kipia Yerusalem kipia okotɲângen talep ain ariwerâm ariyiati. ¹⁴ Arim dâwân wan me wan miawagep aregât maganɲi goanɲi akmâ ariyiati. ¹⁵ Arim maganɲim ai agum bao guto manbela dâwân Yesuɲe penâyetkimbo olowâk ariyi. ¹⁶ Arimbiâ Anutuɲe nângâ nângâyetɲe mem gisapkombo yâk bo ekmâ nângâyiati. ¹⁷ Hain akbela aiyetkum hin dâep, “Gain gain? Niɲaet maganɲi goanɲi aktat?” dâmbi hâme yetɲe bâlimbo kiliat. ¹⁸ Hain akmâ kinmâ luâk siâ kotɲe Keleopa arekɲe aikom hin dâep, “Yerusalem kipiangenba Sarereân togoyi arekɲe den pat ire makbiâ luâk âmbâle hârokɲe nângâm mandâi. Dâ gâmâ gain gain akmâ bo nângâm mandât?” dâep. ¹⁹ Hain dâmbela aiyetkum hin dâep, “Wan denɲe?” dâmbi dâyiati, “Yesu Nasarete kipian gâtɲande hin agep aregât den pat. Yâkɲe âmâ Anutugât hoɲ bawa humo malep. Manmâ Anutugât dewunɲân akto luâk âmbâle yengât dewunɲân den âlepɲe magep akto âi kârikɲe ketugum malep. ²⁰ Hain akmâ mando sumbe kat kat luâk humomolupyene akto humomolupnenɲande moâk dâm makmâ hâreaɲmâ kiapgâlân katbiâ makto lâwinân kombiâ moep aregât den pat maganɲi goanɲi akmâ mandet. ²¹ Akto nengât

gasalupnenne yengum watyekto ariwai hain nângâyion ina kombiâ mondo mandenne emelâk hilâm âlâwu bo aktâp. ²² Akto unak nengâlân gâtne âmbâle bikñande den siâ maknetkimbiâ nângâm han lâuwâ aktet. Amâ hândâktâk âmbâle arekne Yesu hâkne ekberâm sumângen arim ²³ undâgâtbiâ bo akto purik katmâ togom hin dâi, “Anelo lâuwâ siâne miawak nengim Yesu momonânba agatâp.” dâm maknengiâi. Hain maknengimbiâ nângâenne dâtne aktâp. ²⁴ Aregât nengâlân gâtñande den maktâi hainâk arim mem miawaktâi. Akto ikinje âmâ bo ektâi.” dâyat. ²⁵ Hain dâm maganbela hin dâep, “Han biwiyetne pâlâmne akto nângâ nângâyetne umatne. Emelâk Anutuñe den dâmbo kulemgoyi are nângâm ewum hâumgombela ârândân bo aktâp. Haingât hin maktere nângâet. ²⁶ Bundâk Anutuñe hungun anjo giep are hâk hilâlâm kakñân manmâ mom agatmâ himbimân âgâwiap.” dâep. ²⁷ Hain dâm ulik gulik Mose akto propete bikñande Anutuñe hungun anjo gewiap aregât den kulemgoyi aregât keñe makyetkim ikinjaet pat makmâ miawakmâ metiep.

²⁸ Hain akto arimbiâ Emausi kipia are tâlâguep. Tâlâgumbo hepun yelekmâ ariwerâm agep. ²⁹ Hain akto âmâ hin dâyat, “Emet dâgâwerâm aktâp aregât olowâk tatne.” dâmbela emelan olowâk âgâyi. ³⁰ Âgâm sot nemberâm akmâ ge tatmâ sot ogoñe siâ mem munditmâ Anutu mepainje mem sot yetkiep. ³¹ Yetkimbo ainâk biwiyetne pâronj âgâmbo ekmâ nângâyat. Ekmâ nângâmbela benje ainâk heambugep. ³² Heambukto makmâ maganji goanji akmâ hin dâyat, “Âo, dâwân togoetne Anutuñe makto kulemgoyi aregât keñe siâ siâ dâm maknetkimbo biwinetne agatâp.” dâyat. ³³ Hain dâm dowâk agatmâ kipia are hepunmâ Yerusalem kipian ariyat. Arimbela honj bawa bât biken konok are akto luâk âmbâle bikne olop mali arekne yelekmâ hin dâm makyetkiyi, ³⁴ “Humo are bunje agatmâ Simonj miawaganep.” dâmbiâ ³⁵ Humoñe dâwân penâyetkim sot ogoñe siâ mem munditmâ yetkimbo âmâ ekmâ nângâyat aregât den pat are makyengiyat.

Aposololupñande Yesu egi.

³⁶ Den hain makyengimbela tatbiâ Yesu ikinjak hutyenân miawakmâ kilep. ³⁷ Miawakmâ kindo ekmâ sân sân mem hamep akmâ hin dâyi, “Otné siâ togoâp.” dâyi. ³⁸ Hain dâmbiâ hin makyengiep, “Wangât biwiyene agatmâ hogoâp? Nâ nunak togoân. ³⁹ Keine bâte ire ekñet. Howai nekmâ nângâm heñgemgoñet. Nâ otné bo.” dâep. ⁴⁰ Den hain makyengim bâteñe keñe koyi are hekat yengimbo ⁴¹ benje biwiyene herone nângâm han lâuwâ agi. Hain akmâ, “Ire bo agakne” dâyi. Hain dâmbiâ aregât hin dâep, “Sot siâ tatâp me bo?” dâmbo ⁴² injan siâ oyi are wanj. ⁴³ Wanjiâ nendo egi. ⁴⁴ Nem metem hin makyengiep, “Emelâk ye olowâk manmâ âmâ den makyengiân Mose akto propete luâk bikne akto Dawidi yâkne nângât nângâm den kulemgoyi are hârogâk bunje akberâm aktâp.” dâm makyengiep. ⁴⁵ Hain dâm makyengim Anutugât den ulikñân kulemgoyi aregât nângâñet dâm nângâ nângâyetne mem hulânjo den are nângâm heñgemgoyi. ⁴⁶ Akto hin dâm makyengiep, “Propeteñe nângât hin kulemgoyi, “Anutuñe hungunanjo gewiap are hâk hilâlâm nângâm mondo hilâm âlâwu bo akto ain momonânba agatbiap.” ⁴⁷ Akto aregât den pat âlepne arekne sambelem hân hârok arimbo âmâ agak meme bâlene yâkgâlânâk panbiâ arim kindo bâleyene makmâ miawakbiâ dosayene hepun yengiwip. Akto maktere nângâñet. Ulikñân nângât den pat arekne Yerusalem kipia ainba ⁴⁸ arim hânñe hânñe ariwiap. Akto âi mendere miawakto egi are makyengiwi. ⁴⁹ Akto Ewenande ikinje Heakne âlepne are yengât hungun anbiap aregât pat kat yengiep are hungun andere gewiap. Aregât kipia ire bo hepunmâ yân lâmgom manbiâ indâgen miawakmâ gem memene akyengimbo wâtñân kinbai.” dâep. ⁵⁰ Hain dâm oloñ yekmâ Betania kipia ewumâk arim âmâ bâteñe panmâ mem kârikne ketugu yegep. ⁵¹ Mem kârikne ketugu yekmâ hepunyekmâ himbimân âgâep. ⁵² Âgâmbo biwiyene herone humo akto nângâm purik katmâ Yerusalem kipian ariyi. ⁵³ Purik katmâ arim sumbe

emetnân âgâm Anutugât kotrje mem agali.

Yohane ketuguep

Yesu amâ Anutugât den.

¹ Anutugât den amâ hân himbim bo yiewân Anutu olop manmâ gaep. Akto Anutugât den amâ Anutu dâp hainare manmâ gaep. ²⁻³ Akto Anutugât den arekne hân himbim kârikne mângiep. Akto siâ siâ miawagep are amâ denne olowâk miawagep. Dâ den arekne wan me wan bo mângiep dâine hân himbim bo miawakbop. Akto luâk nen bo miawakbâen. ⁴ Akto yâk amâ manman ambonaet akmâ kârikne manmâ gaep, aregât yâkne luâk âmbâle manman are kârikne yengimbo amâ manmâ gambiân gam gam nen yu manden. ⁵ Akto den arekne pagalem hândâgân kinmâ hândâk kondo pagaleje miawagep. Dâ hândâkne arekne pagaleje mem bokberâmbo pagaleje arekne kârikne akto hândâkne bo agep.

Luâkne Yesu gala bo aganji.

⁶ Akto Anutuje hungun anjo gewiapgât pagalenjaet keije nângânetgât luâk siâ kotne Yohane, tu puli keije kalep, yâkne miawakmâ Anutugât den makyengiep. ⁷ Akto Anutu pagaleje amboje luâk hârokne nânganmâ hengemgojetgât Yohane yâkne âi keije katmâ makyengiep. ⁸ Yohane ikiye amâ Pagaleje Amboje bo. Yâkne amâ Pagaleje Ambonaet pat magep.

⁹ Pagaleje Amboje yâkne hânne hânne pagaleje yengiwerâm hânân miawakmâ malep. ¹⁰ Akto yâkne hân mem miawagep. Dâ hânân miawakmâ mando luâk âmbâle hânân manmai arekne hanyenande bo nânganji. ¹¹ Akto yâkne ikiye kepijanân togombo kâmotlupnande gala bo aganji. ¹² Dâ luâk âmbâle bikne nânganmâ han biwiyenje yâkgâlân kali amâ yâkne Anutugât nan baratlupne aknetgât memene akyengimbo hain manmâ gayi. ¹³ Akto ire amâ Anutugât kâriknaet nen âlepne agion. Dâ memelupnennde menenegiân ainâk amâ nen amâ Anutugât nan baratlupne miawakbaengât kârikne bo miawaknengimap. Are gam gam kaulem âgâenne

hainâk bo miawaknengimap. Akto uken nenjaet akmâ agak meme âlepne mem âi humo mendenne hainâk bo miawaknengimap. Akto luâkgât kârikne bo. Bo dondâ. Amâ emelâk Anutuje ikiye hanjaet akmâ potat nenekto yâkgât nan baratlupne akmâ manden.

¹⁴ Akto areâk bo. Den arekne gem luâk akmâ kinmâ hutnenjân miawagep. Miawakmâ mando ekmâ nângâm hengemgoyion. Akto yâkne bâleje agion aregât bo oyanmâ luâk lumbe akmâ damun nenje akmâ okot âlep aknengiep. Akto den bunje kato nângâyion. Akto keije ekmâ hin nângâyion, “Kulem ire amâ Anutujeâk mângimap aregât yâk amâ Anutugât nanje konok.” hain nângâyion. ¹⁵ Akto Yohane hainâk yâkgât keije makmâ miawakmâ hin dâep, “Haminân togowiap arekne amâ nâ boâk miawagân ainbak manmâ gaep aregât ewanginekmâ.” dâep. ¹⁶ Yohanene yâkgât dâep yâkne lumbe akmap aregât tân nengum damun nenje akmap. Hain akmâ gam gam bo hepun nenekmap. ¹⁷ Akto ulikjân Moseje den kârikne kulemgombo miawagep. Dâ Yesu Kristone amâ kârikne nengim damun nenje akmâ okot âlep aknengim tân nengumap. Akto Anutugât keije bunje maknengimbo mem nângâm manden. ¹⁸ Akto Anutu amâ luâk hârokne bo egion. Anutu konok Ewenjaet okotjân tatmapne konok Ewenjaet keije nângâm makmâ hekat nengiep.

Yohanene Yesugât keije makyengiep.

¹⁹ Akto ire amâ Yohane tu puli keije kalep yâkgât den pat. Yerusalem ambolupnande sumbe kat kat luâk akto sumbe emetgât hoj bawa hungun yengimbiâ Yohane Yodañ biken Betania kepijan kinmâ tuân katyegep ain arim hin aikoyi, “Niñande makginjo âi ire mendât?” dâm aikoyi. ²⁰ Aikombiâ ikiye keije bo heambukmâ makmâ miawakmâ hin makyengiep, “Anutuje hungun anjo giep are nâ bo.” dâep. ²¹ Hain dâmbo hin aikoyi, “Agonak. Gâ Elia me?” dâmbiâ hin makyengiep, “Nâ Elia bo.” dâmbo hin maganji, “Hain aregât Anutuje propete siâ hungun anjo gewiap aregât arekne amâ

enem nennân gutmâ maknengiwiap. Gâ yâk me anğâ?” dâmbiâ, “Nâ yâk bo.” dâep.
 22 Hain dâmbiâ hin dâyi, “Humomolup-nenñande hunğun nengimbiâ togoen. Dâ keige bo maknengimenâ âmâ arim gain gain dâm makyenğiweren? Aregât gâ gugaet keige niñe are maknengi.” dâyi.
 23 Hain dâm aikombiâ hin dâep, “Propete Yesaiñe ulikñân hin kulemgoep, “Luâk siâ hân kamitñângen manmâ hin dâwiap, “Humonenñe togowiap aregât dâp megatñet dâwiap.” hain dâm kulemgoep.” den are bunñe miawakto nâ yu miawaktân.” dâep.
 24 Parisaionñe hunğunyenğiyigât hin aikoyi,
 25 “Woe, gâmâ Kristo bo, akto Elia bo, akto propete siâ bo. Aregât wangât tuân kat yekmat?” dâyi. 26 Hain dâmbiâ hin dâep, “Nâñe amâ luâk tu yânñe puliyekman. Dâ haminân siâ titnan togom mandâp are amâ bo nânğai. 27 Are amâ haminânngen togom mandâp yâk humo hainare nâ hin arekñande hoñ bawa agandere bo huraguwiap.” dâm makyenğimbo hepunmâ ariyi. 28 Imâ Yodañ tu biken Betania kepiñ kinmâ tu puli yekmâ kilep ain togom aikoyi.

29 Akto emet haunđo Yesuñe Yohanegâlân togombo Yohanenñe akñângen ekmâ hin makyenğiep, “Ekñet. Indâre hân luâk âmbâle nengât dosanenñe bo agâkgât Anutugât lama togoâp. 30 Akto nâ emelâk hin makyenğiân, haminân togowiap amâ nâ boâk miawaktere ulikñân manmâ gaep. Aregât nâ ewangi nekmap ulikñân hain makyenğiân. 31 Akto Israe luâk âmbâle arekñe yâkgât keiñe nânğâñetgât tuân katyekman. Nunak yâk bo ekmâ nânğâm gare Anutuñe nâ tuân kat yekbiangât hunğun niñep arekñe hin makniñep, 32-33 “Gâ luâk âmbâle tuân katyekmenâ are yengât hutyenñan gâtñe siâ Heaknande gem kautñân tatmâ membiap yâkñe amâ luâk âmbâle bikñe nânğât Heakne yenğiwip.” dâm makniñep. Hain dâm makniñđo launñe lokom luâk âmbâle tuân katyektere luâk iregât kautñân Anutugât Heakñande himbimânba gem kembâ hainare akmâ tâliep. Tâlimbo ya miawagep. 34 Nâ are egângât keiñe hin makmâ gan. Yâk Anutugât nanñe dâm makman.” dâep.

Yohanenñe Yesu togombo ekmâ hain dâep.

Luâk bikñande Yesu ekmâ watbiâ olop mali.

35 Akto emet haunđo Yohane hoñ bawalogâtñe olop kili. 36 Kinbiâ ainâk Yesuñe togombo ekmâ Yohanenñe hin makyetkiep, “Eget, Anutugât lama togoâp.” dâep. 37 Hain dâmbiâ den are nânğâm âmâ Yesu waliat. Watbela yâk olop ariyi. 38 Yesuñe purik katmâ yelekmâ hin makyetkiep, “Yet wangât watnektat?” dâmbiâ hin magañiat, “Tiksa, yâgâten ariwerât?” dâmbela 39 hin dâm makyetkiep, “Gambela olowâk arine.” dâmbiâ agâmbela ariyi. Arim emet dewunñe ge kulukberâm akto yâk olop tali. 40 Akto gala bikñe Yohanegât den nânğâm tali amâ Anderea Simonğât emiñe. 41 Yâkñe dowâk arim teunñe Simonñe mem miawakmâ hin magañep, “Netñe Mesaia ektet.” dâep. Akto Mesaia kot aregât purikñe amâ Anutuñe hunğunañđo giep. 42 Hain dâm Yesugâlân kewugum arimbo Yesuñe Simonñe ekmâ hin magañep, “Gâ Yohane siâ yâkgât nanñe hinñe kotge siâ Petoro gogondân.” dâep. Kot aregât purikñe amâ kât.

43 Akto agatmânñan Yesuñe Galilaia hânân ariwerâm kinmâ Pilipo miawaganmâ kinmâ hin magañep, “Gâ gutmenâ nâ olop mande.” dâep. 44 Pilipo akto Anderea akto teunñe Petoro akto yâk hârok kepiñe konok kotñe Besaida ain manmini. 45 Akto Piliponñe hepun yekmâ Natanae miawaganmâ hin magañep, “Mosenñe den kârikñe kulemgoep akto Propete gai kulemgoyi. Luâk are emelâk miawakto ekten. Yâk amâ Yosepegât nanñe dâmaen Nasarete kepiñe gâtñe.” dâep. 46 Hain dâmbiâ hin dâep, “Nasarete kepiñe kembu humo âlepñe siâ miawakbiap me?” dâep. Hain dâmbiâ Piliponñe hin magañep, “Maktât are bâin togom ek.” dâep. 47 Hain dâmbiâ Natanaenñe Yesugâlân togombo Yesuñe yâkgât hin makyenğiep, “Imâ Israe luâk bunñe biwinñan den hianği siâ bo tatâp.” dâep. 48 Hain dâm makto Natanaenñe aikom hin dâep, “Gâ wânânngen mandere nektâtgât maktât?” dâmbiâ Yesuñe hin magañep, “Piliponñe bo gogondoân lâwin keiñan tatmenâ gektân.” 49 dâmbiâ Natanaenñe hin

maganjep, “Apo, gâ bundâk Anutugât nanje Israe nengât luâk Humo.” dâep. ⁵⁰ Hain dâambo Yesune hin maganjep, “Lâwin keinjân tatâtgât makmâ miawak giñdân are amâ ekmâ nângât imâ keineâk. Dâ bunjaet keine hambâi ekmâ nângâm manbiat. ⁵¹ Nâ den bunje makyengire nângânet. Yeje himbim pâronj âgâambo Anutugât anelolupjande nâ luâk akmâ mandân nângât kautnân âgâm gembia yekbai.” dâep.

2

Yesune makto tunje wainj agep.

¹ Akto âi meme lâuwâ bo akto Kana kepijan Galilaia hânân luâk siâ âmbenjaî bâtyetje mem menduguwerâm aregât sot om nemberâm agi. ² Akto sot ambonjande makto Yesu memene akto ikinje honj bawalupje olojyekto ariyi. ³ Akto mendugum wainj nembiâ bo akto Yesu memenande maganmâ hin dâep. ⁴ “Wainj bo aknengiâp.” dâambo hin maganjep, “Mej, nâmâ âi keine katmâ membiangât sop irawot miawakbiap. Aregât wangât hain maktât?” dâambo ⁵ memenande emet ambonjaet honj bawa are hin makyengiep, “Nannande wan me wangât makyengimbo amâ hain akjet.” dâep. Akto emet ain umbâ bân biken konok tali. ⁶ Yuda luâk âmbâle bâtyene me hâkyene hokboâk pulim maligât emet ain umbâ ⁶ hainâk tatyengiep. Umbâ amâ bâlensiâ bo. Humomo tatyengiep. ⁷ Akto Yesune emet aregât honj luâk hin makyengiep, “Ye tu hâgâm kâimbiâ umbâ pigâk.” dâm makyengimbo hâgâm kâimbiâ pigep. ⁸ Hain akbiâ hin makyengiep, “Ye tu bikje hâgâm sot damunje yâkgâlae mem arim wanjet.” dâep. Hain dâambo hâgâm mem ariyi. ⁹ Akto sot ambonjande nem ekmâ pâpkoep. Dâ honj luâk hâgâm kâimbiâ giep arekne amâ wainjât keine nângâyi. Akto sot ambonje arekne amâ luâkne âmbâle memberâm agep are olojmâ hin maganjep, ¹⁰ “Nen hin akmaen. Ulik gulik wainj ukenje yengienje nem tepyene pikto haminân wainj pâlâmne yengimaen. Dâp nenje hain yendâp. Dâ gâne amâ mem purikmâ ukenje are heambukmenâ tato tu yânje bo akto wainj âlepje dondâ mem miawaktât.” dâep. ¹¹ Imâ

Yesu Kana kepijan Galilaia hânân kulem memene are keine katmâ ikinjaet kulem mem miawagep. Akto honj bawalupjande are ekmâ Yesu nângaji.

¹² Akto Yesu Kana kepijanba Kapanaum kepijan ariep. Ain emilupje akto honjupje olop ariyi. Akto ain hilâm amon siâ mali.

Yesune sumbe emetje samut dâep.

¹³ Akto sop ain Yuda luâk âmbâle hârok hombanj kotje Pasowa are tâlâgumbo amâ Yesu Yerusalem kepijan âgâm ariep. ¹⁴ Akto sumbe kat kat emetje ain sumbegât lama bulimakao akto lâut mem kinmâ anjimini. Akto puli mem anji goanji akmâ tali. ¹⁵ Hain akmâ kinbiâ Yesune tâk kârikje siâ mem bigeim arekne luâk me lama me bulimakao are hârok orem watyekto ariyi. Akto puli kat katgât are mem agatmâ pando kâwulagep. ¹⁶ Akto lâut kembâ mem kili are hin makyengiep, “Ye Ewenaet emelan kotje hârok siâ siâ akbiâ anjim nene emetje aktâp. Ye hain bo akbei.” ¹⁷ Yesune hain akto amâ Anutugât denjande magepgât hin nângâyi, “O Anutu luâk âmbâle bikjande gângât emelan akbiâ bâlimbo kambiamne kâlâp dondâ aktâp. Akto hilâlâm niñmap.” ¹⁸ Akto Yuda humomolupyenande Yesune den magep are nângâm aikom dâyi, “Gâ wan me wan ire memmat aregât kulem memene wan memenâ keige ekne?” dâmbiâ ¹⁹ hin dâep, “Yeje sumbe kat kat emetje ire patakombiâ nâje âlepje hilâm âlâwu kâlegen ketuguwom.” dâep. ²⁰ Hain dâm makyengimbo hin dâyi, “Bâe, humomolupnenjande sumbe emetje ire hombanj ⁴⁶ kâlegen mem meteyi. Dâ gâne amâ hilâm âlâwu kâlegen metewâtgât maktât amâ nângâenne bâliâp.” dâyi. ²¹ Yesune amâ ikinje hâkjaet magep. ²² Manmâ siân kombiâ mom golâ akmâ agatbiap aregât magep. Aregât sop ain honj bawalupjande den magep aregât nângâyi. Akto areâk bo. Anutune makto kulemgoyi a hainâkgât hârok nângâmbiâ bunje agep.

²³ Akto Yesu hombanj kotje Pasowa tatalân Yerusalem kepijan manmâ kulem keine keine memene siâ mendo luâk âmbâle undupje ekmâ kotje makmâ nângâyi.

24 Dâ Yesu ikinjak âmâ luâk biwiyenje ekmâ nângâm metiepgât yâk yengât den bo nângâep. 25 Akto luâk hain biwiyenje yekmâ nângânlep aregât akmâ âmâ luâk siâgât keiñe nângâwerâm gât bo makmâ aiyenguep.

3

Nikodemo yâkgât den.

1 Akto Parisaio yâk yengâlân gâtñe siâ malep kotñe Nikodemo yâk Yuda yengât luâk kembuyenje yengât humo malep. 2 Luâk arekñe Yesugâlân hândâgân togom hin magañep, “Apo, nen gângât keige nângâen. Gâñe âi memmat are luâk siâñe Anutuñe bo tângombo âmâ âi hainare bo memap. Aregât gâ Anutuñe kârikñe giñdo âi memâk kindât nângâen.” dâep. 3 Hain dâambo hin magañep, “Nâ hin makgiñdere nângâ. Nanan gurukñe akmai dop hainâk lâuwâñe bo miawakbai âmâ Anutuñe bo damunyene akbiap.” dâep. 4 Hain dâambo hin dâep, “Yae, nen emelâk kaulem meteyion aregât gain gain nanan hinare akmâ lâuwâñe miawakbaen? Gain gain akmâ memelupnenjaet tepyenân lâuwâñe yendenñe menenekbai?” dâep. 5 Hain dâambo hin dâm magañep, “Hin makgiñdere nângâ. Memelupyenande meyekbiâ manmanyene miawagep. Dâ Anutugât Heakñande meyekto âmâ irakñe akmâ nanñe baratñe irakñe miawakbiâ Anutuñe damunyene akbiap. Dâ benñe siâñe hain bo nângâwiap âmâ bo miawaganbiap. 6 Aregât hin makbe. Memelupyenande luâk hâgâk meyekmai. Dâ Anutugât Heakñande memene akyengimbo âmâ Anutugât pat akbai. 7 Luâk âmbâle irakñe miawakñetgât makgiñdere nângâmenâ bo hâumgoâk. 8 Akto seru amâ hanâk hanâk waitmap. Akto gâ munñeâk amâ nângâmat. Dâ keiñe wanânba miawakmâ togomap me wanân ari bo akmap amâ bo nângâmat. Dop hainâk Anutugât Heakñande han kalem akmâ luâk âmbâle bikñe potat yekmâ kaut yenân mendo Anutugât pat akbai. Aregât keiñe hainâk bo nângâmat.” dâep. 9 Hain dâambo hin magañep, “Woe, hain maktât are amâ gain gain hain akbiap?” dâep. 10 Hain dâm aikombo

hin dâm magañep, “Gâñe amâ Israe luâk âmbâle Anutugât keiñe makyengimat. Akto maktân aregât keiñe bo nângât aregât âmâ gain gain den makyengiwiat? 11 Aregât hin makgiñdere nângâ. Nenñe wan me wan nângâm ekmaen areâk makmâ makgiñden gârâmâ dengât hâkân akbai. 12 Akto nâ hângât wan me wan owâñe aregât makgiñdere are hanâk bo nângâm hejgemgoât. Aregât wan me wan umatñe himbimânba miawakmap aregât makgiñdere âmâ nângâmenâ umatñe humo akto gain gain nângâm hejgemgowerât? 13 Anutuñe huñgun niñdo himbimânba hânân gem luâk akmâ manmâ gan nune konok himbimân âgân. 14 Akto Moseñe ulikñân hân yânñangen niambi sâmbâ otneñe lâwinân hikom mem agalep. Dop hainâk âmâ luâk akmâ mandân nâ lâwinân hikonekmâ mem agat nekbai. 15 Aregât niñemañe nâ nângâ niñmâ biwiyenje nângâlân katbiâ manman kârikñân manmâ âgâwai.” dâep. 16 Anutuñe luâk âmbâle hânân manmai okot dondâ nângâ yengimap. Aregât nanñe konok are bo gangerâm hanâk luâk âmbâle bikñe are nânganbai arekñe siâ bo hilip agum âmâ manman kârikñe penianmâ manbai aregât huñgun anñdo hânân ge manmâ dumyenân kilep. 17 Anutuñe nanñe huñgun anep amâ luâk âmbâle den âiân bo kat yekbiapgât huñgun anep. Amâ luâk âmbâle dosayene bo akto hejgem yengûâkgât huñgunanñdo giep. 18 Akto yene yâkgât nânganmâ hanyenande hikom biwiyenje yâkgâlân katbiâ amâ sop bânñan den âiân bo katyekmâ den sami bo makyengiwiap. Dâ bikñande Anutugât nanñe konok aregât kotñe nângâm biwiyenân bo katmai aregât emelâk den âiân manmâ gambiâ dosayenjaet hâñe miawakbiap aregât pat aktâp. 19 Akto hâñenjaet keiñe hin yendâp. Yesuñe Anutugât pagalene yâkñe hânân miawakto luâk âmbâle bikñe, “Agak memenenñe ekbâi.” dâm hândâk kâlegen nângâmbiâ humo agep aregât heambukmâ pagalenjaet hâkân akmai. 20 Aregât bâlene memapñe pagalene hamianmap. Akto bikñande agak memenenñe ekbâi dâm pagalenân bo kinmai. 21 Dâ den bunñe lokomapñe

âmâ Anutuŋe ikiye âi keiŋe hutyeŋân ketugumap are luâk âmbâle ekŋet dâm pagalenân manmap.

Yohaneŋe Yesugât keiŋe makmâ miawagep.

²² Yesu akto hoŋ bawalupŋe Yerusalem kepia hepunmâ Yudaia hânân arim mali. Ain manbiâ Yesuŋe makto luâk âmbâle bikŋe tuân mem katyegi. ²³⁻²⁴ Akto sop ain amâ Heroteŋe bo makto âmâ Yohane kala busi kâlegen boâk katbiâ malep. Aregât Yohaneŋe hân kotŋe Ainoŋ ain ariep. Ainoŋ amâ Salim ginŋân. Akto tu dondâ ain yiepgât ain arim luâk âmbâle yâkgâlân arimbiâ tu puliyegep.

²⁵ Akto Yohane tu puli luâk hoŋ bawalupŋande Yuda luâk siâ Anutugât dewunŋân dosayeŋe bo miawakbiapgât aikoyi. Aikombiâ maganŋi goanŋi agi. ²⁶ Hain akmâ aregât Yohane gâlân togom Yesugât magi, “Apo, gâ Yodaŋ tu biken manmenâ luâk siâ gâŋgâlân togombo keiŋe makmâ miawak nengien yâkŋe hinŋe luâk âmbâle dondâ tu puliyektâp.” dâyi. ²⁷ Hain dâmbiâ hin dâm makyenŋiep, “Anutuŋe bo hekat nengimbo dâine amâ gain gain akmâ nâŋgâwâen? Bo. ²⁸ Akto nâ Anutuŋe huŋgun aŋdo gewiap dâmai are bo. Dâ yâkgât enemŋân âmâ emelâk togoân dâre emelâk nâŋgâyi. ²⁹ Aregât den ginŋe hin makyenŋire nâŋgâŋet. Âmbâle yâkgât dâtâŋe arekŋe âmbâle mendo galaŋande galagât den are nâŋgâm heronŋe humo nâŋgâmap. Dop hainâk Anutuŋe nanŋe huŋgun aŋdo giep yâkgât pat nâŋgâm heronŋe humo nâŋgân. ³⁰ Yâkŋe miawakmâ humo akmâ âgâwiap. Dâ nâŋe âmâ yâkgât amukŋân manbian.

³¹ Luâk âmbâle hânân manmai arekŋe hâŋgât pat areâk makmai. Dâ yâk âmâ himbingât patŋe aregât hârok ewangi nenekmap. ³² Yâkŋe siâ siâ ekmâ nâŋgâep aregât den patŋe makmap. Dâ luâk âmbâle hârokŋe yâkgât denŋe bo nâŋgâmai. ³³ Luâk siâ Anutugât nanŋaet den nâŋgâmbo dâtŋe akto hin dâmap, “Anutu bunŋe amboŋe.” dâmap. ³⁴ Aregât keiŋe hin. Anutuŋe nanŋe huŋgun aŋdo giep arekŋe amâ Anutugât denâk makmap are Anutuŋe ikiye Heakŋe

bo gangerâm âmâ hârok waŋmap. Dâ getek bo. ³⁵ Akto areâk bo. Anutuŋe ikiye nanŋe ekmâ heŋgemgom okot âlep aganmâ wan me wan hârok waŋep. ³⁶ Aregât Anutugât nâŋgâ aŋbiâ âgâwiap. Dâ luâk âmbâle bikŋe Yesugât den bo nâŋgâm manmainŋe manman kârikŋe âlepŋe bo membai. Akto Anutugât kambiam bâle arekŋe yâk yeŋgâlân emelâk miawaktâp. Akto miawakmâ âgâwiap.”

4

Yesuŋe Samaria âmbâle olop den agiat.

¹ Akto sop ain parisaio luâk âmâ hin nâŋgâyi, “Yesuŋe luâk âmbâle dondâ mem tuân katyegep. Haingât Yesugât kâmotŋande amâ Yohane tu puli luâk yâkgât kâmot ewangiyegep.” nâŋgâyi. ² Den are yân magi. Yesu ikinak âmâ tu bo puliyegep, hoŋ bawalupŋe yâk yeŋgât makto yâkŋe puliyegi. Yesuŋe Parisaioŋe magi are nâŋgâm âmâ ³ hân kotŋe Yudaia hepunmâ Galilaia hân ain ariwerâm agep. ⁴ Ain ariwerâm akmâ benŋe Samaria hânân hâtikowerâm kârikŋe akmâ ariep. ⁵ Arim arim hilâm siân kepia siâ kotŋe Sika ain togoep. Akto ulikŋân dondâ Yuda yeŋgât hakuyeŋe Yakobo arekŋe nanŋe Yosepe hân are waŋep. ⁶ Akto ain amâ Yakoboŋe tu lâmŋe kendâep ain togombiâ Yesu hilâm tânâmŋân hâkŋe kâlâp akto dâp togoyigât ongâ aŋdo tu lâmŋe aregât ginŋân talep. ⁷⁻⁸ Ain tato luâklupŋe hepunmâ sot puligowerâm kepiangen âgâyi.

Âgâmbiâ Samaria gâtŋe âmbâle siâ tu hâgâwerâm togoep. Togombo Yesuŋe hin maganŋep, “Tu siâ hâgâm niŋmenâ nembe.” dâep. ⁹ Akto Yuda luâk âmbâle arekŋe Samaria gâtŋe hâkân yekmâ hami yeŋgimai aregât âmbâle arekŋe hin dâep, “Yae, gâ Yuda luâk arekŋe wangât nâ Samaria âmbâle tugât makniŋdât?” dâep. ¹⁰ Hain dâmbo hin maganŋep, “Nâmâ tugât makniŋdân. Nâŋgât keine bo nâŋgât. Nâmâ Anutu wan me wan yeŋgiwiapgât keiŋe amâ nâ aregât bo nâŋgâniŋdât. Nâŋgâniŋdât dâine ulit niŋmenâ manmangât tu bunŋe giŋbom.” dâep. ¹¹ Hain dâmbo âmbâle arekŋe hin maganŋep, “Apo, tu lâmŋe ire amâ kâlep akto gâ tu hâgâ

hâgâge bo mendât aregât tu bunje wanânba hâgâwerât? ¹² Akto bâginenje Yakobo yâkne lâm ire kendâm ikinje akto nanlupne akto lama bulimakao akto sonjo baulupne ireâk nem manmini. Akto hakulupnenje tu iren hâgâm nem gambiâ gambiâ lâm ire hainâk kindo hâgâmaen. Aregât gâne Jakobogât dâp gain gain ewangiawât?” dâep. ¹³ Hain dâambo Yesuje hin dâep, “Tu iren nembai âmâ tugât lâuwânje nângâwai aregât hokboâk hokboâk nem nem manbai. ¹⁴ Dâ tu yengire are nembiâ âmâ biwiyenân tu dewunje hainare miawakmâ manman kârikne aregât dâp miawakbiap. Aregât tugât lâuwânje bo nângâwai.” dâep. ¹⁵ Hain dâambo hin dâep, “Apo, hokboâk hokboâk togo hâgâm kinbomgât gâne tu are niñmenâ tugât lâuwânje bo nângâwian.” dâep. ¹⁶ Hain dâambo Yesuje hin maganep, “Bâin, arim luâkge oloñmenâ togoet.” dâambo ¹⁷ âmbâle are hin dâep, “Nâ luâkne bo.” dâambo maganep, “Gâ luâkne bo maktât amâ bundâk maktât. ¹⁸ Gâ luâk momerâk mem hepun yekmâ gaen. Dâ hinje mem mandât amâ gângât luâkge bo aregât gâ den bunje maktât.” dâep. ¹⁹ Hain dâambo hin maganep, “Yae, apo, gâmâ propete are yengâlân gâtne nângân. ²⁰ Humomolupnenjande borânje iren Anutugât kotne mem agali. Dâ Yuda luâk yeje amâ Yerusalem kepien Anutugât kotne mem agatne dâmai.” dâm maganep. ²¹ Hain dâambo hin maganep, “Barat, nâ makñidere nângâ. Sop siâ tâlâguâp are miawakto yeje Apogât kotne mem agatbai amâ borânje iren bo. Akto Yerusalem kepien hainâk bo akbai. ²² Dâ hinje ye Samaria gâtne âmâ Anutugât kotne pâpkomai. Gârâmâ Yuda nengâlânba heñgemgo heñgemgogât dâp miawakbiap dâmaen aregât nen âmâ Anutugât kotne mem agatbaengât dâp nângâm heñgemgomaen. ²³ Hinje Aponje kotne mem agatnetgât dâm egâlân yekmap yâkne han biwiyenân den bunjaet makmâ kotne mem agatnet dâwiapgât sop emelâk miawaktâp. ²⁴ Anutu amâ luâk hinare bo. Yâk amâ Heakne hainâk miawakmap. Aregât Heakne hunjunañdo owânje ketuguyekto Anutugât den nângâmbiâ humo akto âlepne kotne mem agatbai.” dâep.

²⁵ Hain dâambo hin maganep, “Hain gârâmâ Anutuñe hunjunañdo gewiap Kristo arekne miawakmâ wan me wan akmaen are âlepne makmâ miawak nengiwiap.” dâep. ²⁶ Hain dâambo Yesuje hin dâep, “Hain dâm maktât amâ nâ iregâten, yu makñidân.” dâep.

²⁷ Akto luâklupne sot hâukom togom Yesuje âmbâle den maganep aregât ekbiâ hâumgoep. Aregât Yesu, “Gâ wan aktât.” hain dâm bo aikom maganji. Akto, “Wangât den magañdât?” hain dâm maganberâm nângâmbiâ umatne akto bo aikom maganji. ²⁸ Akto âmbâle are tu asap are hepunmâ kepiangen pârigim ariep. Arim kepia ambolupne yengondo togombiâ hin dâm makyengiep, ²⁹ “Yae, luâk siâ nâne ulikñân wan me wan akmâ manmâ gan aregât keñe hârok nângâm makñidâp. Yâk amâ Anutuñe hunjun añdo gewiap dâmai are me añgâ aregât pârigim ari hekat yengire ekñet.” dâep. ³⁰ Hain dâm makyengimbo ekberâm togoyi.

³¹ Dâwân togom manbiâ ain luâklupñande Yesu hin maganji, “Apo, sot ne.” dâmbiâ ³² hin dâep, “Nâ bo nemberân. Sot siâñaet yeniñdâp are yeje bo nângâmai.” dâep. ³³ Hain dâambo aregât yâkne maganji goanji akmâ hin dâyi, “Siânbarje sot mem togo wandâi me?” hain nângâyi. ³⁴ Hain dâmbiâ, Yesuje hin dâep, “Apo hunjun niñep yâkgât launje lokom âñe mem metewian aregât ukenje nângân. Launje lokom âi emelâk mendân aregât tepne pâlâmne aktâp. ³⁵ Akto dewutâ imbât akto sot bunje miawaktâp are dâmai. Ye âmâ miwindik akmâ dewunyeje panmâ âiyeje ekñet. Manman kârikñân ariwaigât âiyeje emelâk bunje aktâp. ³⁶ Luâk sot bunje akto orem mem mendugum katmapne âmâ âigât hâu memap. Akto bunñande âmâ manman kârikñaet pat akbiap. Hain akmâ âmâ luâk siâñe alekne kâmelep are olop herone marone akbiandatgât. ³⁷ Aregât keñe den ire bunje miawakmâ kârigemap, “Siâñe alekne kâmetmap. Dâ siâñe sot bunje memap.” ³⁸ Akto nâne ye alekne bo kâmeligât sot bunje orem mem mendugum katnet dâm hunjunyengân. Aregât âi amâ yeje luâk bikñande âi mem

maligât bunje miawakto membai.” dâep.

³⁹ Akto Samaria âmbâle arekne kepia aregât ambolupne hin makyengiep, “Wan me wan meân amâ hârok makmâ metem makniŋdâp.” dâep. Amâ luâk âmbâle dondâne den are magepgât Yesu nânğanj. ⁴⁰ Bâin, togom amâ Yesu hin wârakmâ maganji, “Gâ nen olop man.” dâm maganji. Maganbiâ Yesune den nânğa yengim yâk yengâlai âi meme hilâm lâuwâ malep. ⁴¹ Akto Yesune ikinje keinje makyengimbo dondâne nânğâm biwiyene Yesugâlân katmâ nânğanji. ⁴² Aregât âmbâle are hin maganji, “Ulik gulik gângât dengât akmâ Yesu nânğa anjon. Dâ hinne amâ nenneak launânba den nânğâm hin nânğâen. Luâk imâ bundâk hân hârok nen hengemgo nenekbiapgât kârikne talaŋdâp.” dâm maganji.

Yesune nananj siâ kundatdâ mem âlepne ketuguep.

⁴³ Akto Yesune âi meme hilâm lâuwâ bo akto Samaria hân hepunmâ Galilaia hân ariep. ⁴⁴ Akto Yesune ikinjaet ulik gulik hin magep, “Propete siâ ikinjaet kepi-anân mando kepia ambolupnande denne bo nânğâ anbai.” hain dâep. Aregât ain ariep. ⁴⁵ Akto Galilaia luâkne homban tatalân Yerusalem kepiam manbiâ Yesune kulem siâ siâ miep are egigât Yesune togombo gala aganji.

⁴⁶ Akto Kana Galilaia hânân emelâk tu makto wain agep ain lâuwâne ariep. Ain arim Kapanaum ain kiap siâ talep aregât nanne kundat humo dondâ agep. ⁴⁷ Aregât Yesune Yudaia hân hepunmâ Galilaia hân togoep dâmbiâ nânğâm kiap are Kapanaum kepia hepunmâ gem togoep. Togom Yesu hin maganep, “Nanne momberâm aktâp aregât nâ olop arim hengemgowen.” dâm wâragep. ⁴⁸ Akto Yesune hin maganep, “Woe, yeje kulem me wan me wan ekbiâ dâtne akmap aregât ukenne nânğâmai. Dâ ekmâ amâ biwiyene nânğâlân bo katmai.” dâep. ⁴⁹ Hain dâambo hin dâep, “Apo, nanne mombopgât dowâk arim hengemgowen.” dâep. ⁵⁰ Hain dâambo hin maganep, “Bâin, ari. Nange âlepne aktâp.” dâambo Yesugât den are biwiŋân katmâ yânâk pârigin ariep. ⁵¹ Dâwân arimbo hon bawalupnande

togom penianmâ hin dâm maganji, “Nange âlepne agep.” dâyi. ⁵² Hain dâmbiâ hin aiyenguep, “Amuten âlepne agep?” dâambo, “Uran hilâm tânâmne akto kundatne hepulep.” dâyi. ⁵³ Hain dâmbiâ kiap arekne hin nânğâep, “Woe, Yesune sop magep ainâk nanne âlepne agep.” are nânğâep. Aregât biwije Yesugâlân kalep. Akto ikinje kâmotlupne ainâk biwiyene Yesugâlân kali. ⁵⁴ Akto Yesu emelâk Yuda hânânba Galilaia hânân togom tatmâ kulem keinje mendo lâuwâne are agep.

5

Yesune luâk siâ mem âlepne ketuguep.

¹ Aregât haminân Yuda yengât homban humo miawakto Yesu Yerusalem kepiam âgâep. Sop ain amâ âi meme sopne bo. ² Akto Yerusalem kepia aregât hânği siâ kotne amâ Lama hânği aregât ginân amâ tu bâtgum siâ talep kotne Betesida. Akto bâtgum aregât dâtne amâ momerâk talep. ³ Akto dâp ain amâ luâk kundatdâ akto dewunyeje bok bokne akto keiyene bâlene hainare dondâ yem tali. ⁴ Akto Humogât anelo siâne tu bâtgumân aren sopanmâ lawagumbo munne akminep. Akto tu munne nânğâm kundatdâ siâne soj geminep arekne soj âlepne akminep aregât kundatdâ dondâ are tu duwun agâk dâm lâmgom kinmini. ⁵ Akto kundatdâ are yengât hutyeŋân gâtne siâ amâ tato homban 38 bo agep. ⁶ Yâk amâ tu bâtgum aregât ginân tatmâ tu duwun agâk dâm lâmgoep. Akto Yesune luâk sop kâlep yeminep are ekmâ hin dâm aikoe, “Gâ âlepne akberâtgât nânğât me?” dâep. ⁷ Hain dâambo hin dâep, “Apo, âlepne akberâm nânğân amâ siâne bo tân nugumbo tu duwun akto bâtgumân kat nekto âlepne akbom. Aregât nunak gewerâre amâ siâne soj ulikŋân akmâ gemap arekne soj âlepne akmap.” dâep. ⁸ Hain dâambo hin maganep, “Gâ agatmâ âkâ tem tâkge lokoakmâ ari.” dâep. ⁹ Hain dâambo ainâk hâkne âlepne akto agatmâ tem tâkne are lokoakmâ ariep. Akto Yesu amâ luâk âmbâle dondâ kili are yengât hut yeŋân ainâk tik palep.

Akto sop ain amâ âi meme sopne bo. ¹⁰ Aregât Yuda humomolupyende luâk

âlepne agep are ekmâ hin dâyi, “Uņak amâ âi meme sopne boân tem tâkge lokom amâ den kârikne tatmap are wangât ewangiât? Âi memenâ gektenne bo ârândân aktâp.” dâyi. ¹¹ Hain dâmbiâ hin makyengiep, “Nâ sop kâlep kundat akmâ yem gan. Ina uņak amâ luâk siâne makto yu âlepne aktân. Akto metip nuguâp arekne hin dâm makniņdâp, “Tem tâkge lokoakmâ ari.” dâm makniņdâp. Aregât âlepne aktân.” dâep. ¹² Hain dâmbo hin dâyi, “Wei, luâk are kotne konmenâ nângâne.” dâyi. ¹³ Hain dâmbiâ luâk âlepne agep arekne Yesu luâk âmbâle dondâ kili are yengât hutyenân dowâk tik palep aregât Yesugât kotne bo nângâepgât. Akto kotne bo konmâ makyengiep.

¹⁴ Manmâ Yesune luâk aregât âsim kinmâ sumbe emetņân ekmâ hin maganep, “Gâ emelâk âlepne aktât. Gârâmâ benne wansiâ umatne miawak giņbopgât bâleņe lâuwâne bo akben.” dâep. ¹⁵ Hain dâmbo luâk arekne Yesu ekmâ nângâep. Ekmâ nângâm amâ arim Yuda humomolupyene hin makyengiep, “Luâk metip nuguâp amâ kotne Yesu.” dâm makyengiep. ¹⁶ Yesune âi sopne boân âi are miepgât Yuda luâk humomolupyenande Yesu gasa aganĳi. ¹⁷ Hain akbiâ Yesune togom hin makyengiep, “Ewene amâ âi hilâmne hilâmne memap aregât nâkai hainâk meman.” dâep. ¹⁸ Yesune âi meme sopne boân âi miep aregât gasa aganĳi. Dâ hamiņân Anutu Ewene dâm amâ Anutu olop dop konok agep aregât nângâmbiâ umatne dondâ akto gasa humo nânganĳi.

Anutugât Nanne amâ âi hârokgât kârikne talanĳdâp.

¹⁹ Hain akbiâ Yesune hin makyengiep, “Nâ bunne dondâne makyengire nângâņet. Nanņande ikinne hanne watmâ âlepne âi bo memap. Ewenande âi memap are ekmâ hainâk memap. Yâkne memap hainâgâk Nanņande gai akmap. ²⁰ Akto areâk bo. Ewenande okot dondâ nângâ niņmap aregât âi memap are hârok hekat niņmâ metiep. Akto âi emelâk mendere ektâi are konok bo. Anutuņe ye âi humo tâmbâ ekbiâ dâtne humo akto han undup akņetgât âi siâ

humo tâmbâ hekat niņdo membian. ²¹ Amâ âi humo tâmbâ aregât keiņe hin. Ewenande amâ momoņe yengonmâ goanĳ yekmap hainâk nâkai nângâ nângânaet watmâ luâk âmbâle bikne potatmâ manman âlepne yengiman. ²² Akto Ewene ikinne konok amâ luâk âmbâle bâleņe akbai aregât hâuņe den bo makmâ mete yengiwip âi are amâ nâ niņdo dosayene miawagâkgât den âiân katyebian. ²³ Akto hinne luâk âmbâle bikņande Ewene konmâ nânganĳmai hainâk nâ nogonmâ nângâ niņbaigât âi are amâ niņdo luâk âmbâle den âiân kat yektere nekmâ nângâ niņbai. Aregât luâk âmbâle siâne bo nogonmâ kotne mem agatmâ amâ Ewene huņgun niņep are hainâk bo nânganĳmai. ²⁴ Aregât hin makyengire nângâņet. Luâk bikņande nângât den nângâm biwiyenân katmâ Anutuņe huņgun niņep aregât den bunne dâmai are amâ manman kârikne yengiwian. Akto momogât dâp hepunmâ manmangât dâwân manbai aregât den âiân hâk tun aktere momogât dâp lâuwâne bo ekbai.

²⁵ Akto siâkâ makyengire nângâm hengemgombiâ amâ humo akberâp. Sop siâ miawakbiap akto hinne miawaktâp amâ luâk âmbâle momoņe sumân yemai arekne Anutugât nanne nâne yengondere den are nângâm agatmâ manbai. ²⁶ Aregât keiņe hin. Ewene amâ Manmangât Amboņe dâm makniņmâ memene akniņdo ²⁷ gem luâk akmâ manmâ gan aregât kembu akmâ luâk âmbâle hâuvenâet makmâ miawakyengiwian. ²⁸ Maktere nângâmbiâ hâungoâp me? Woe, siâ hin maktere nângâmbiâ humo hâumgowerâp amâ hin. Sop siâ miawakto luâk âmbâle mom sumân yemai are yengondere nângât den nângâm agatbai. ²⁹ Akto âlepne mali amâ manman kârikgât agatbai. Dâ manman bâleņe akmâ mali hârok agatmâ dosa yeņâet hâuņe membai.

Anutuņe Nanņâet keiņe mem miawakmap.

³⁰ Nune nângâ nângânaet âi memegât bo yeniņdâp. Akto Anutuņe wan me wan makniņmap den are lokom luâk âmbâle den âiân kat yebian aregât nune nângâ nângâne bo watman. Ewene huņgun

niņep yâkgât nângâ nângâne watmâ gan aregât den âiân katyekbiangât kârikne tatniņdâp. ³¹ Nâ nune keine makman dâine bunne bo dâwâi. ³² Siâne bunne mandâp aregât keine makmâ miawakto ârândân akmap. ³³ Dâ ye âgâlân Yohane tu puli luâk are makmâ aikombiâ den bunne dondâ makyengiep. ³⁴ Amâ luâk nângât keine makyengimap yâkgât den nângâre yânne aktâp. Gârâmâ yeñe nângât keine nângâm heñgemgombiâ heñgem yeñgure manman kârikgât pat miawak yeñgiâkgât maktân. ³⁵ Yohanegât keñe makyengire nângânet. Yohane amâ bundâk pagaleñe humo akmâ pagaleñe yeñgiep aregât ye amâ yâkgât den nângâm herone agi. ³⁶ Dâ Yohanene nângât keine makmâ miawagep den are amâ agak memenande ewangimap. Ewende âi makmâ niņep are hârok yu mendere nekbiâ Ewende huñgun niņdo geân aregât keñe miawaktâp aregât den patñe arekne Yohanene magep are ewangiâp. ³⁷ Dâ areâk bo. Ewende huñgun niņep arekne keine makmâ miawagep. Dâ yeñe amâ yâkgât launânba den bo nângâyi akto hâkne bo egi. ³⁸ Akto yâkgât den biwiyeñân bo katbiâ tatâp. Denñe biwiyeñân katbiâ tatâp dâine Ewende huñgun niņdo geân nângât den nângâm biwiyeñe nângâlân katbiâ âlepne akbop. ³⁹ Ye hin nângâmai, “Anutuñe makto kulemgoyi are oyañmâ manman kârikne aregât keñe nângâne.” dâmai aregât sopñe sopñe oyañmâ manmai. Dâ Anutuñe makto kulemgoyi arekne nângât keñe mem miawakmap. ⁴⁰ Gârâmâ nângâlân bo togom nângâ niñbiâ amâ manman kârikne bo yeñgiwian. ⁴¹ Akto luâkne kotne mem agatñetgât bo maktân. ⁴² Gârâmâ yeñgât keiyene amâ nâ bundâk nângân. Han biwiyeñande ain Anutugât han kalamñaet bo kinmap. ⁴³ Nâ Ewenaet laugât yeñgâlân geân. Akto ye hanâk gala bo akniñmai. Dâ luâk siâ ikinje hanñe watmâ togombo amâ gala agañbai. ⁴⁴ Akto areâk bo. Keiyene amâ hin nângân. Yeñaelâk herone agañgimai. Akto yeñaelâk kotyene mem agalañgimai. Dâ Anutuñe yekto huraguâkgât dâp bo heñgemgomai. Aregât Anutu bo nângâ añmai. ⁴⁵⁻⁴⁷ Akto yeñe, “Mosenje den kârikne kulemgoep

are lokoene huraguâk.” dâm nângâmai amâ benne pâpkomai. Mosenje nângât keine ulikñân ekmâ nângâm heñgemgom kulemgoep are lokomai dâine biwiyeñe nângâlân katbâi. Dâ Mosenje kulemgoep aregât hâkân akmai aregât nângât den bo nângâm heñgemgomai. Aregât keñe hin. Mosenje kulemgoep arekne agak memeyene mem miawakmâ den âiân kat yekbiap aregât nâmâ Ewenaelân makmâ den âiân katyekbiangât âi bo tatniņdâp. Emelâk Mosenje makyengiep aregât wangât lâuwâne nâne makyengiwan?” dâep. Amâ Yesuñe Yuda luâk humomolupyene ande kuk agañbiâ den hâuñe hain dâm makyengiep.

6

Yesuñe luâk 5,000 sot yeñgimbo neyi.

¹⁻⁴ Akto aregât hamiñân Yuda luâk âmbâle yeñgât hombañ kotñe Pasowa tâlâgumbo ain Yesuñe Galilaia bâtgum kotñe siâ Tiweria bâtgum are biken hâtikom ariep. Arimbiâ luâk âmbâle diwirâ kundatdâ dondâ heñgem yeñgumbo egigât hamiyeñân togoyi. Akto Yesuñe luâklupñe kewuguyekto borânân âgâ tali. ⁵ Akto Yesuñe luâk âmbâle dondâ togombiâ yekmâ Pilipo biwiñe dop komberâm hin magañep, “Pilipo wanânba sot mem puligom ire yeñgienne nemiâ tepyene pikberâp?” dâep. ⁶ Dâ yâk amâ wan me wan akberâp aregât nângâep. Amâ biwiñe dop koep. ⁷ Akto Pilipone hin dâm magañep, “Woe, puli dondâ panmâ sot puligom mem yeñgienne amâ bikñandeâk sot mem nemiâ bikñande yân tatberâi aten.” dâep. ⁸ Hain dâmbo yeñgâlân gâtñe siâ Petorogât emiñe Anderea yâkne hin magañep, ⁹ “Nanañ bâlensiâ yu kindâp yâkne sot momerâk akto iñan lâuwâ mem kindâp. Dâ luâk kâmot dondâgât sot ire mem yeñgienne bo ârândân akyeñgiwerâp.” dâep. ¹⁰ Hain dâmbo Yesuñe makyengiep, “Ye luâk âmbâle makyengimbiâ mendugum ge tatñet.” dâep. Akto hân ain umiliñ yiep ain luâk 5,000 are hârok ge tali. ¹¹ Akto Yesuñe sot mem Anutu mepaim añmâ luâk tatmâ ariyi yâk dopyeñânâk yeñgiep. Akto soñgo hainâgâk makmâ dopyeñân yeñgiep. ¹² Yeñgimbo nem tepyene pikto

hoj bawalupne hin makyengiep, “Sot pipine yem bâliwopgât are pitim mendugunet.” dâep. ¹³ Hain dâmbo arim sot bikne bo neyi are mem haka kâlegen pitim lugumbiâ haka 12 pigep. ¹⁴ Akto luâk âmbâle arekne kulem keine are ekmâ nângâm hin maganji goanji agi, “Propete humo hânân miawakbiap yâk lâmgomaen amâ ire emelâk miawaktâp.” dâyi. ¹⁵ Hain akmâ, “Hâwâtenne damun nenne akbiapgât akne.” dâm maganji goanji akbiâ yekmâ hepun yekmâ ikinêak gimbânje siân âgâep.

Yesu bâtgum kakjân ariep.

¹⁶⁻¹⁷ Akto emet dâgâmbo Yesu boâk togo penâyengiepgât Kapanaum kepiangen purik katberâm bâtgum ginjângen geyi. Ge kinmâ wanjan âgâyi. ¹⁸ Wanjan âgâm hâtikombiâ seru kârikne panmâ kondo ariyi. ¹⁹ Yâkne dopne 4 me 5 kilomita aregât dopne bâtgum tânâmjân arimbiâ Yesu haru kakjân togom ewumâk akto ekmâ hamep akmâ sâsâ meyi. ²⁰ Hain akbiâ yekmâ hin makyengiep, “Nuneâk togoân aregât bo hamep akjet.” dâep. ²¹ Hain dâm wanjan gawerâmbo âlepne dâmbiâ âgâep. Âgâmbo herone akbiâ ainâk kepia ariwerâm agi are ewumâk akto ainâk wanja are hânân hikoep. Hikombo hânân sopanmâ tali.

Luâk âmbâle Yesu ekberâm togoyi.

²² Tatmâ yem kinbiâ emet haundo luâk âmbâle bâtgum biken tali are Yesugât undâgâtmâ hin dâyi, “Uran wanja konok kindo egion ain hoj bawalupne yejeak Yesu hepunmâ âgâm ariyi.” hain nângâyi. ²³ Hain nângâm tatbiâ Tiweria kepiamba wanja siâ Humone sot mem Anutu mepainje miep ain togo kilep.

Yesu himbingât sot.

²⁴ Akto kâmot humo arekne Yesu akto luâklupne kulâgât yengim wanjan âgâm Kapanaum kepiang purik katmâ arim Yesugât kulâgât anj. ²⁵ Hain manmâ bâtgum iregen kulâgâtmâ ekmâ hin dâyi, “Apo, amuten togoen?” dâyi. ²⁶ Hain dâmbiâ hin makyengiep, “Nâ bundâk makyengire nângâjet. Nâ kulem keine keine mendere nekmâ agi aregât bo

kulâgât ninjâi. Akto keine ekmâ bo hengemgoâi. Sot yengire nem tepyene pigep aregât kulâgât ninjâi. ²⁷ Aregât hin makbe. Sot yoganne mem nembai aregât bo kulâgâtmâ âi mem manbei. Manman kârikne are miawak yengîâkgât âi kârikne mem manbei. Akto Anutu Ewene arekne meme akniŋdo âi mendere negi aregât luâk akmâ geân nâ ulit ninjâi manman kâriknaet sot âlepne yengiwian.” dâep. ²⁸ Hain dâmbo hin maganji, “Anutugât âi mem kulâgâtbei dât ina gain gain akmâ mem manbaen?” dâyi. ²⁹ Hain dâmbiâ hin dâep, “Anutune hunŋun niŋdo geân aregât biwiyene nângâlân katmâ âi are membiâ Anutune yekto ârândân akbiâp.” dâep. ³⁰ Hain dâmbo hin maganji, “Hain aregât benne kulem keine keine siâ memenâ âmâ ekmâ nângâ giŋne. Akto gain gain memenâ ekmâ hengemgogiŋne?” ³¹ Akto Anutune makto kulemgoyi aregât bikne hin yendâp, “Anutune himbimânba sot yengimbo nem mali.” hain yendâp aregât bâgilupnenjande hân pumân manbiâ Moseŋe sot yengimbo nemini.” dâyi. ³² Hain dâmbiâ hin dâep, “Anutune sot bunne yengiep aregât keine makyengire nângâjet. Moseŋe himbimânba sot bo mem miawakmâ yengiep. Bo. Himbingât sot bunne amâ hinne Ewenande ye yengimap. ³³ Sot bunne are Anutune himbimânba hânân pando gem luâk âmbâle hânân manmai manman kârikne mem miawak yengimap.” dâep. ³⁴ Hain dâmbo hin dâyi, “Woe, apo, gâ sotgât maktât are hokboâk nengiwen.” dâyi. ³⁵ Hain dâmbiâ hin makyengiep, “Manmangât sot nâ ire yu miawaktân aregât ye nângâlân gutmâ nângâ niŋmâ biwiyene nângâlân katbiâ âmâ meme wâtne akyengire himbingât sot me tu aregât lâuwâne bo mopyene aguwiap. ³⁶ Nâ emelâk makyengiân. Yeŋe nâ nekmâ hengemgom amâ hanâk bo nângâniŋdâi. ³⁷ Aponje niŋep yâkne hârok nângâlân togom metewai. Akto nângâlân togowiap yâk bo watmâ hâkokowian. ³⁸ Himbimânba geân amâ nâ nune ukenne watberâm bo geân. Hunŋun niŋep yâkgât ukennaet akmâ metewiangât geân. ³⁹ Ewenande luâk âmbâle bikne nângâlân katyekmap luâk are

hilip aguwaigât yekmâ menduguyekmâ sop humoân ârândâñ goanyektere agatbai. Are âmâ hunğun niñepgât han. Lau hain tatâp. ⁴⁰ Luâk âmbâleñe nanñe nâ nekmâ nâñgâm kârigeniñmâ nâñgâniñbai dopñân manman kâríkñe ambo akbai. Are âmâ Ewenaet den lau hainare tatâp. Akto nâñe sop humoân golâ katyekbian.” ⁴¹ Hain dâmbô Yuda luâk âmbâle ain kili arekñe Yesu himbingât sot nâ ire dâepgât nâñgâm bâliañmâ den agi. ⁴² Akto hin magañgi goañgi agi, “Yâk, “Nâ himbimânba geân.” dâp are nâñgâenñe bâliâp. Yâk âmâ Yesu mon? Nenñe âmâ eweñe Yosepe akto memene yelekmaen aregât himbimânba bo giep nâñgâmaen aregât himbimânba geân dâmbô bo ârândâñ aktâp.” dâyi. ⁴³ Hain dâmbiâ Yesuñe are nâñgâm hin makyenñiep, “Ye bo nâñgâmbiâ bâliâk. ⁴⁴ Ewene hunğun niñep arekñe luâk âmbâle siâ oloñdo hanñeâk nâñgâlân togowiap. Togombo âmâ sop humoân goañdere agatmâ manmâ âgâwai. ⁴⁵ Akto Propete luâk den kulemgoyi are yengâlân gâtñe siâñe hin kulengoep, “Anutunje luâk âmbâle bikñe ikinjaet pat hekat yengiwaiap.” dâm kulengoep aregât luâk âmbâle bikñe Ewenaet makyenñimbo âmâ benñe nâñgâm nâñgâlân togowai. ⁴⁶ Dâ luâk âmbâle hânân manmai yeñe Ewene bo egi. Akto bo ekmai gârâmâ nâ konok Anutugât enem dewunñânba geân nâñe egân. ⁴⁷⁻⁴⁸ Aregât bunñe makyenñiwe. Luâk âmbâle bikñande nâñgâ niñbai âmâ nâ âmâ manman kâríkñe sot aregât manman kâríkñe yengire manmâ âgâwai. ⁴⁹ Manmangât sot aregât lâuwâñe makbe. Bâgilupyeñande hân pumân manbiâ Anutunje himbimânba sot pando gembo mem neyi. Akto manmâ âmâ mom meteyi. ⁵⁰ Dâ sot himbimânba gemap âmâ nâ ire. Aregât sot ire luâk âmbâleñe nem âmâ bo mom metewai. ⁵¹ Aregât nâ manmangât sot himbimânba geângât luâk âmbâle bikñe nâñgâlânba sot nembai âmâ dondâñe manmâ âgâwai. Akto luâk âmbâle hânñe hânñe manmai are manman mem miawakñetgât sunumnande sot aktâp.” dâep.

⁵² Hain dâmbô Yuda luâk âmbâle ain kili arekñe magañgi goañgi akmâ hin dâyi,

“Yâk gain gain akmâ sunumñe nengimbo nembangât maktâp?” dâyi. ⁵³ Hain dâmbiâ Yesuñe hin makyenñiep, “Aregât hin makyenñire nâñgâñet. Nâñgât gilâm akto sunumne bo nembai âmâ biwiyenân manman bo miawak yengiwaiap. ⁵⁴⁻⁵⁵ Dâ yengâlân gâtñe bikñande sunumne akto gilâmne nembai âmâ nâñgât sunumne arekñe sot bunñe akto nâñgât gilâmne are tu bunñe akmap aregât manman kâríkñe yengire manbai. Manmâ âgâmbiâ sop humoân goañ yektere manmâ âgâwai. ⁵⁶ Akto gilâmne sunumne nembaiñe âmâ nâñgâ niñmâ nâ olop manbai. Akto nâkai yâkgâlân manbian. ⁵⁷ Akto Ewene manman ambonñande hunğun niñdo geângât Apogât akmâ manman. Aregât yengâlân gâtñe sunumne akto gilâmne nembai âmâ hainâk nâñgât pat akmâ manbai. ⁵⁸ Akto bâgilupyeñande sot nem manmâ âmâ moyi. Dâ nâñgât sot ire himbimân gâtñe sot bunñe nembai âmâ dondâñe manmâ âgâwai.” dâep. ⁵⁹ Yesuñe Kapanaum kepiñan manmâ den emetñân kinmâ den ire makmâ ligim yengiep.

Luâk bikñande Yesu hamianji.

⁶⁰ Akto Yesuñe hain makto hon bawalupñe bikñande magañgi goañgi akmâ hin dâyi, “Wei, imâ nâñgâenñe hâumgoâp aregât niñande nâñgâm metewerâp?” dâyi. ⁶¹ Hain makmâ hâkâñ agi are Yesuñe biwiyenân ekmâ hin dâep, “Den are nâñgâmbiâ bâliâp me? ⁶² Gârâmâ ina benñe nâ luâk akmâ geân ainâk purik katmâ âgâre nekbai âmâ gain gain akbai? ⁶³ Akto nâñgâ nâñgâyeñe akto han biwiyenande den nâñgâm lokowaigât kâríkñe bo tatyenñimap. Akto Anutugât Heak yâkñe konok manman mem miawakñenñimap aregât yâk den makyenñimap ina denne biwiyenân totokombo manman âlepñe miawakñengiwaiap. Dennande tânyenñumbo Heakñe akto manman kâríkñe miawakñengiwaiandâ. ⁶⁴ Dâ yengâlân bikñe âmâ nâñgâm biwiyenân bo katâi.” dâep. Amâ Yesuñe yâkgât hâkâñ agañmai are emelâk yekmâ nâñgâep. Akto gasalupñe kewugu yekbiap are gai emelâk nâñgâep. ⁶⁵ Akto den siâ hin dewatim makyenñiep,

“Nâ aregât hin makyengiân. Ewenande bo oloŋ yekto amâ nângâlân bo togowai.” dâep.

Petoroŋe Yesugât keiŋe makmâ miawagep.

⁶⁶ Yâkŋe hain dâep aregât luâklupŋe bikŋande den are nângâm âmâ hâkâŋ akmâ hepunmâ ariyi. ⁶⁷ Arimbiâ Yesuŋe hoŋ bawalupŋe ulikŋân oloŋ yegep 12 are hin aiyenguep, “Ye hainâk hepun nekberâi me?” dâmbô ⁶⁸ Petoroŋe hin dâm maganep, “Humo, gâ hepun gekmâ âmâ niŋaelân arim manman âlepŋe me den kârikŋe nângâwaen? Gâ guge konok manmangât den bunŋe maknengimat. ⁶⁹ Siâgâlânba bo aregât nen gângâlân hokatmâ gâ Anutugât nanŋe bunŋe aregât nângâ giŋmaen.” dâep. ⁷⁰ Hain dâmbô hin dâm makyengiep, “Aregât hin makbe. Nâŋe konok oloŋ yegân. Dâ yengâlân gâtŋe konok amâ Hianŋi Amboŋande biwiŋân gemap.” dâep. ⁷¹ Amâ Yesuŋe ikiŋe luâklupŋe 12 are yengâlân gâtŋe Yudasi Simonŋ siâgât nanŋe Karioto kepiân gâtŋe yâkŋe gasalupŋe hekat yengimbo membai aregât nângâm magep.

7

Yesuŋe Yerusalem âgâep.

¹ Akto Yuda gâtŋe bikŋande Yesu komberâm akbiâ aregât Yerusalem kepia hepunmâ Galilaia hânân togo malep. ² Ain mando Yuda mâron emetŋaet hombanŋ ewumâk agep. ³ Ewumâk akto emilupŋande Yesu bo nânganmâ hin maganŋi, “Luâk siâŋe keine mem miawakbian dâm yoŋâk bo manmâ âi memap. ⁴ Amâ tekteŋân âi memap. Aregât kâmot bikŋande gâ kulem memap are ekbaigât gâ purik katmâ Yudaia hânân arim kulem memben. Akto âi in memap gârâmâ gâ ari luâk kâmot humoân miawakmâ tek tekŋân kinmâ âi memenâ gekmâ keige nângâm heŋgemgowe.” dâyi. ⁵ Emilupŋande amâ bo nânganmâ hain dâyi. ⁶ Hain dâmbiâ Yesuŋe hin makyengiep, “Ye hanâk wan me wan akberâm âmâ âlepŋe akbei. Dâ nâmâ hain bo akman. Sopŋânâk wan me wan meman. Miawakmâ tek tekŋân kinbiangât sop boâk miawaktâp. ⁷ Haingât luâk âmbâle

ye dopyeŋe konok. Akto gala katyekmai aregât kuk bo akyengiwai. Dâ nâmâ luâk âmbâle agak memeyeŋe bâleŋe are makmâ miawakmâ yengire nângâmai aregât kuk bâleŋe akniŋmai. ⁸ Akto nâ tek tekŋân miawakbiangât sop boâk miawaktâp aregât nâ hinŋeâk bo ariwerân. Dâ yeŋe amâ hombangât ariŋet.” dâep. ⁹⁻¹⁰ Hain dâmbô emilupŋande ulik gulik yâkŋe soŋ arimbiâ Galilaia hânân malep. Akto hilâm siân heambukmâ yoŋâk ariep.

¹¹ Akto hombanŋ miawakto Yuda luâk humomolupyeŋande Yesugât kulâgâtâmâ aikom magi, “Yâk yâgâten mandâp?” dâyi. ¹² Dâ luâk dondâ arekŋe amâ yoŋâk yâkgât den dondâ maganŋi goanŋi agi. Akto bikŋande hin dâyi, “Yâk âmâ luâk âlepŋe.” dâyi. Dâ bikŋande âmâ den kom hin dâyi, “Bo, yâkŋe âmâ nen biwi gulip akŋet dâm den maknengimap.” dâyi. ¹³ Akto Yuda luâk kembu are yengât hamep akmâ den yoŋâk maganŋi goanŋi agi.

Yesuŋe Anutu gâlânba giep aregât magep.

¹⁴ Akto hombanŋ hutŋân Yesuŋe Sumbe emetŋân âgâm den makyengiep. ¹⁵ Makto Yuda luâk humomolupyeŋe arekŋe Yesu ekmâ hin dâyi, “Yâk âmâ nengât nângâ nângâ emetŋân bo malep. Ina ire gain gain akmâ nângâmap?” dâyi. ¹⁶ Hain dâmbiâ Yesuŋe hin makyengiep, “Nâ makyengiân imâ nunaet den bo. Hungun niŋep arekŋe makniŋdo makyengiân. ¹⁷ Akto luâk âmbâle Anutugât lau lokowerâm âmâ nângât akto Anutugât den makmangât nângâm heŋgemgomei. Dâ luâk âmbâle Anutugât lau bo lokomaine âmâ nângâ yâkgât hin nângâmai, “Ikiŋaelânba den maknengimap.” dâmai. Amâ nângâm hilip komai. ¹⁸ Siâ ikiŋaelânba nângâm makmap amâ ikiŋaet nângâmbo humo akmap akto hâkŋe mem agatberâm akmap. Dâ nâmâ hain bo akman. Anutuŋe hungun niŋep yâkgât kotŋe mem agatman. Aregât âmâ kotne bo mem agatman. Akto bo hianŋiman. ¹⁹ Akto Anutuŋe makto Moseŋe den kârikŋe kulemgoep. Ye den are bo lokomai aregât nuguwerâm aktâi.” dâep. ²⁰ Hain dâmbô, “Woe, nen âmâ bo guguwerâm akten. Gâŋe are maktât amâ

sinduk bâlenjande mem gulip guguâp.”
 21 Hain dâmbiâ hin makyengiep, “Nâmâ âi mendere luâk âlepne agep are nângâmbiâ humo aktâp. 22 Aregât hin makyengire nângâm hejgemgojet. Moseje nanlupyene hâkyenân kulem menjetgât makyengiep. Dâ are amâ Mose ikinjak keije bo kalep. Hakulupyene yâkne keije kali. Akto âi are menegât âi bo meme sopnân gai memai. 23 Yeje amâ Mosegât den bâliwop dâm nananlupyene âi bo meme sopnân hâkyene gâimai aregât âi meme sopne boân âi memai. Dâ nâmâ luâk kundatdâ âi bo meme sopnân hejgemgoân aregât nângâm bâli niñi. Ye amâ hianji luâk. 24 Ye amâ den hanâk hâkne tunmâ makmai. Hain bo akbei. Den bunje nângâm makbei.” dâep.

25 Hain dâambo Yerusalem ambolupne arekne hin dâyi, “Luâk kombaen dâyi amâ ire. 26 Dâ amâ wangât den miawagân makto humomolupnenjande den bo koanmâ amâ bo mem kondâi? Yâkne keije nângâm hejgemgom hin dâi me? “Yâk Anutuje hungun anjo giep.” hain dâi aregât bo mem kondâi me gain? 27 Akto luâk ire amâ miawagep aregât kepiane nângâen. Dâ Anutuje hungun anjo gewiap aregât keije amâ pâpkom metewaen.” dâyi. 28 Hain dâmbiâ Yesuje sumbe emetnân kinmâ den hin dâm makyengiep, “Ye amâ hin dâi, “Yesugât kepiane miawagep aregât keije nângâen.” dâi. Dâ bunje amboje konok mandâp yâkne hungun niñdo yâkgât enemnânba geân. Dâ ye amâ yâkgât keije bo nângâmai. 29 Nâmâ ikinjaelânba hungun niñdo geân gârâmâ nângâm hejgemgoân.” dâep. 30 Aregât mem kala busi kâlegen katberâm agi. Dâ amâ sop boâk miawakto aregât akmâ hepuli. 31 Akto luâk âmbâle bikjande hin dâyi, “Anutuje hungun anjo gewiap arekne kulem keije keije membiap nângâmaen ina togom kulem keije keije mem miawaktâp, aregât amâ Yesu amâ yâk me?” dâm nânganji.

Tembe lokoje Yesu memberâm togoyi.

32 Akto luâk âmbâle bikjande yâkgât hain maganji goanji akbiâ Parisaione a nângâmbiâ bâlimbo amâ aregât sumbe kat kat humomolupyene olop tembe lokolupyene Yesu kala busi kâlegen

katnetgât hungun yengimbiâ togoyi. 33 Togombiâ Yesuje hin makyengiep, “Nâ ye olop bâlensiâ manmâ hungun niñep yâkgâlae purik katbian. 34 Purik katere yeje nângât kulâgât niñmâ bo nekbai. Amâ nâ arim manbian ain bo ariwai. Akto ariwaigât dâp bo tatyengiâp.” dâep. 35 Hain dâambo hin dâm maganji goanji agi, “Yâk yâgâten ari mando kulâgâlanbaengât maktâp? Nen bikjande hepun nenekmâ Girik yâk yengâlân ari manmai ain arim makyengiwiapgât maktâp me? 36 Yâk hin maktâp. Kulâgât niñmâ bo nekbai. Akto nâ arim manbian ain bo ariwai, dâm maktâp amâ gain gain maktâp?” dâyi.

Yesuje Heakgât keije magep.

37-38 Akto manmâ hombanj are bo akberâm akto Yesuje agatmâ kinmâ kâmot humo kili are den hin kârikneâk kambonmâ makyengiep, “Siâ tugât nângâm amâ âlepne nângâlân togom nembia. Nângâlân togom amâ nângâ niñmâ biwiñânba tu dewunje hainare gam togomâk yembiap. Are amâ Anutugât denjande hain magep.” dâep. 39 Yesuje amâ tugât bo magep. Amâ Anutugât Heakne aregât magep. Akto Yesu amâ himbimân boâk purik katmâ âgâepgât Anutugâlânba Heak kârikne boâk giep. Aregât biwiyene Yesugâlân kali amâ sop ain Heakjande boâk meyegep aregât magep.

40 Akto yâkne hain dâambo aregât kâmot ain kili arekne potalakmâ bikjande hin dâyi, “Imâ Propete togowiap dâmaen in amâ ire.” dâyi. 41 Dâ bikjande hin dâyi, “Imâ Anutuje hungunanjo gewiap yâk.” dâyi. Dâ bikjande hârem hin dâyi, “Woe, bo. Kristo amâ Galilaia hânân bo miawakbiap me? 42 Dâ Anutuje makto kulemgoyi keije hin yendâp, “Anutuje hungun anjo gewiap amâ Dawidigât kâmolân gâtne miawakbiap. Akto Dawidigât kepia kautne Betelehem ain gâtne miawakbiap.” Aregât Yesu Galilaia hânân miawakbiapgât amâ Anutuje hungun anjo gewiapgât bo.” dâyi. 43 Akto kâmot arekne Yesugât hain makmâ potalagi. 44 Akto bikjande kala busi kâlegen katne dâmbiâ dâp bo miawakto hepuli.

Yesu memegât dâp bo akto hepuli.

⁴⁵ Akto tembe loko arekne sumbe kat kat humomolupyene akto Parisaio yengâlân purik katbiâ ai yengum hin dâyi, “Ye wangât Yesu bo mem togoâi?” dâmbiâ ⁴⁶ hin dâyi, “Yâkne makmap amâ luâk biknande hain are bo makbâi.” dâmbiâ ⁴⁷ Parisaio luâkne hin dâyi, “Woe, yâkne hâwâtyekmâ biwi gulip akyengiâp mon? ⁴⁸ Damun humomolupyene me Parisaio nengâlân gâtne biknande bo nânğanmaen. ⁴⁹ Amâ luâk âmbâle yânne den kârikne bo nânğâmaine nânğâ anbiâ Anutune hememângen panyekto hememângen gem manbai.” dâyi. ⁵⁰ Akto galayene siâ kotne Nikodemo emelâk hândâknân Yesu togom egep yâkne hin dâep, ⁵¹ “Nengât den kârikne hin bo yendâp, “Luâk siâ ikinje keine bo makto nânğâwai me dosane bo ekmâ yân hâunjaet den âiân katbai.” hain bo yendâp. Akto yâk hanâk konbaen aregât dopne bo tatâp.” dâep. ⁵² Hain dâmbiâ galalupnande kuk aganmâ hin dâm maganji, “Woe, gâne amâ biwige Galilaia gâtne yâkgâlân kalen me? Gâ ari Anutune makto kulemgoyi are hârok oyanmâ nânğâm hin nânğâwiat. Propete siâ amâ Galilaia hânân bo miawakbiap.” dâyi. ⁵³ Hain dâm awam akmâ gem emetyenân ariyi.

8

Âmbâle bâlene meme siâ Yesugâlân mem togoyi.

¹ Akto Yesu Oliwa gimbânân âgâep. ² Emet haunjo arewa Sumbe kat kat emetnân âgâambo luâk âmbâle dondâne ain togombiâ tatmâ den makyengiep. ³ Makyengimbo Parisaio akto Mosegât den makmâ kepikmai aren gâtnde âmbâle siâ dâp gulip akmâ mando egi are kewugum Yesugâlân togom hutyenân katbiâ kilep. ⁴ Katbiâ kindo hin dâyi, “Apo, âmbâle ire amâ dâp gulip akmâ mando ekten. ⁵ Akto Mose amâ den kârikne hin kulemgoep, “Âmbâle bâlene akmâ manbiâ amâ kâtne yengumbiâ mombai.” dâm den kârikne kulemgoep. Dâ gugak amâ gain gain nânğâmat?” dâyi. ⁶ Amâ yân hianbiâ den hin me hain makto ekmâ âkâ den âiân katnerâm hianjim dop koyi. Hain makbiâ Yesune kânğom hânân bânnde

kulemgoep. ⁷ Kulemgombo aikom aikom akbiâ bin bin kinmâ hin makyengiep, “Yengâlân gâtne siâ dosa bâlâk manmap arekne soj keine katmâ kâtne kondo amâ kombei.” dâep. ⁸ Hain dâm lâuwâne hânân kânğom kulemgoep. ⁹ Akto ain kili arekne den are nânğâm uliknân gâtnde hami kinmâ ainba ainba gem arim meteyi. Akto âmbâle are Yesugât enemân ikinjeâk kilep. ¹⁰ Kindo Yesune agatmâ kinmâ âmbâle are nânğâm ekmâ aikom hin maganep, “Barat, den amâ yân hâkge tunberâm aktâi. Siâ me siâne den hâune bo makginđâi me?” dâmbiâ, ¹¹ “Humone, siâne bo makniđâp.” dâmbiâ hin maganep, “Nâne hainâk hâunjaet den bo makginberân. Gâ yân arim bâlene lâuwâne bo akben.” dâep.

Yesu hânğât pagalene.

¹² Akto Yesu sumbe emetne kom hâre hârene siân ain kinmâ hin makyengiep, “Nâ hân hârok yengât pagalene. Aregât siâne nâ wat nekbiap amâ hândâknân bo arim manbiap. Bo. Yâk amâ manmangât pagalenân manbiap.” dâep. ¹³ Hain dâmbiâ Parisaio luâkne hin maganji, “Gâ ire gugaet keige maktât amâ nânğâenne bunne bo aktâp.” dâyi. ¹⁴ Hain dâmbiâ hin dâep, “Nâmâ yâgâtenba togoân akto yâgâten ariwian aregât hârok nânğâman aregât nune keine maktere bunne akmap. Dâ ye amâ wânânba togoân akto wânân ariwiangât bo nânğâmai aregât maktere bunne bo dâmai. ¹⁵ Ye hânğât nânğâ nânğâ watmai. Dâ nâmâ hinne den âiân bo katyektân. ¹⁶ Akto siân dosane miawagâkgât âi membian amâ Ewenande hungun ninjep arekne tân nugumbo olop âi mombaetgât âine bunne mendere miawakbiap. ¹⁷ Akto den kârikne bikne hin yendâp, “Luâk konokgât den bo nânğâwei. Luâk lâuwâ akmâ siâgât keine bâlene makbela bunne dâwei.” ¹⁸ Aregât nâ nune konok keine bo makmâ miawakman. Ewene hungun ninjep arekne hainâk makmâ miawakmap amâ net lâuwâ. Aregât imâ den bunne dâm nânğânet.” dâep. ¹⁹ Hain dâmbiâ hin dâm maganji, “Ewege yâgâten? Hekat nengimenâ ekne.” dâmbiâ hin makyengiep, “Ye Ewene bo nânğâ anmai. Akto hainâk nâ bo nânğâ ninđâi. Nâ nânğâ ninmâ dâine

Ewene hainâk nânğanbâi.” dâep. ²⁰ Yesu je sumbe kat kat puli katmini aregât kom hâre hâreje ain den ire magep. Hain dâambo mem kombaigât sopne boâk miawagepgât kala busi kêlegen katbaigât dâp bo miawakyeŋgiep.

Yesu amâ himbimân gâtne.

²¹ Akto Yesu je lâuwâne hin makyenŋgiep, “Nâ hepun yekmâ arire kulâgât niŋmâ bo nekbai. Manmâ mom amâ dosayenjaet hâu bâlâk bo âgâwai. Akto nâ ari manbian ain ariwaigât dâp bo tatyenŋgiwiap.” dâep. ²² Hain dâambo hin maganŋi goanŋi agi, “Nâ arim manbian ain bo ariwai dâp amâ gain gaingât maktâp. Ikiŋe hanŋe hâreakmâ mombiapgât me gain gain maktâp?” dâyi. ²³ Dâmbiâ hin dâep, “Ye amâ inŋon gâtne. Dâ nâmâ egon gâtne. Ye amâ hân iren gâtne. Dâ nâmâ hânân gâtne bo. ²⁴ Aregât emelâk hin makyenŋgiân. Ye manmâ mom amâ dosa akmai aregât hâuŋe bâlâk bo âgâwai. Akto aregât keiŋe hin. Nâ mandân ire keine hain dâre nânŋâmai amâ bâleneyeŋe yeyenŋimbo mombai aten.” dâep. ²⁵ Hain dâambo hin dâyi, “Keige maknengimenâ nânŋâne.” dâmbiâ hin makyenŋgiep, “Uliknânbak makyenŋim gan are. ²⁶ Nâ yengât keiyeŋe makmâ miawakmâ den âiân kat yekbiangât âi humo tatniŋdâp. Dâ hinŋe amâ Bunŋe Ambone arekŋe huŋgun niŋdo yâkgât den ire hânân makyenŋiman.” dâep. ²⁷ Ewenjaet hain makyenŋimbo yâkŋe bo nânŋâm kotgâyi. ²⁸ Aregât Yesu je den siâ hin makyenŋgiep, “Yeŋe nâ mem agat nekbai ain nâ manmâ gan aregât nânŋâwai. Akto nunaet nânŋâ nânŋânaet wan me wan bo akman. Ewenande den makniŋep areâk makyenŋiman. ²⁹ Huŋgun niŋep yâkgât launŋe lokom âiŋe hokboâk hokboâk mendere nekto huragumap aregât yâk nâ olop mandâp. Akto bo hepun nekmap.” dâep. ³⁰ Hain dâambo luâk âmbâle dondâŋe nânŋanŋi.

Anutuŋe Ambonenŋe akmap aregât den.

³¹ Akto Yesu nânŋanŋi Yuda luâk are hin makyenŋgiep, “Ye nânŋât denân manmâ amâ nanlupne bunŋe tiŋtiŋ akbai. ³² Akto nânŋât den bunŋe nânŋâm kotgâmbiâ arekŋe mem kotgâ yekto tâk bâlâk

âlepneâk manbai.” dâep. ³³ Hain dâambo den hin purikalani, “Nen amâ Abrahamgât hakulupne aregât luâk siâ bo hoŋ aganmaen. Dâ nen tâk bâlâk âlepne manbaengât maktât amâ gain gain?” dâyi. ³⁴ Hain dâmbiâ hin makyenŋgiep, “Nâ keiyeŋe hin makyenŋgire nânŋânŋet. Luâk me âmbâle siâŋe bâlene akbiap amâ bâlene arekŋe damunŋe akto hoŋ bawa aganŋo ari arigât dop bo tatbiap. ³⁵ Hoŋ bawaŋe humonjaet emelan hokboâk hokboâk bo manmâ âgâwiap. Dâ Nanŋande Eweŋe olop hokboâk hokboâk manmâ âgâwiap. ³⁶ Dâ aregât nanŋande oloŋ yekbiap amâ siâgât hoŋ bawa bo manbai. ³⁷ Akto ye amâ Abrahamgât bâgilupne amâ bunŋe. Dâ den laune bo lokomai aregât nugumbiâ mombiangât nânŋâmai. ³⁸ Nâ ewenaelân wan me wan ekmâ malân areâk makman. Dâ yeŋe amâ ambo yeŋaelân wan me wan egi areâk memai.” dâep. ³⁹ Hain dâambo hin maganŋi, “Nen ambonenŋe amâ Abraham.” dâmbiâ Yesu je hin makyenŋgiep, “Ye Abrahamgât bâgilupne manmai dâine amâ yâkgât dop akbâi. ⁴⁰ Anutugâlânba den bunŋe nânŋân are makyenŋgiân aregât ye amâ nuguwerâm maktâi siâ siâ hainare Abrahamŋe bo agep. ⁴¹ Ye amâ amboyeŋjaet lau lokom manmai.” dâep. Hain dâambo hin maganŋi, “Nengât memelupnenŋande dâp gulip bo manbiâ miawagion. Ambonenŋe amâ Anutu konok.” dâmbiâ ⁴² hin makyenŋgiep, “Anutuŋe amboyeŋe akmap dâine nâ gala akniŋbâi. Nâ Anutugâlânba geân. Nune ukennaet bo geân. Yâkŋe huŋgun niŋdo geân ⁴³ aregât gain akmâ manbiâ nânŋât denne biwiyeŋân bo yendâp? Nâ den makyenŋgire ondopyeŋe katmâ bo nânŋâi aregât denne hâkân akmai. ⁴⁴ Ye eweyeŋe Hianŋi Ambone akto yâkgât nânŋâ nânŋâne akto egâlian bâlenande makto siâ me siâ akmai. Akto Bâlene Ambonande amâ hânŋeŋe luâk hilip yeŋgum gaep akto hinŋe hainâk manmâ gap. Yâk den bunŋe hepulepgât nânŋâ nânŋân den bunŋe siâ bo yendâp. Yâk amâ Hianŋi Ambone akmapgât heyenŋimap. ⁴⁵ Yâkŋe amboyeŋe akmap aregât nâmâ den bunŋe makyenŋgire bo nânŋâ niŋdâi. ⁴⁶ Yengâlânba siâŋe

âlepne nângât dosa siâ makbop. Akto nâ dop hain arekne den bunne makyengire wangât bo nângâm hejngemgoma? ⁴⁷ Siâ Anutugât pat manmapne denne nângâmap. Ye amâ Anutugât pat bo manmaigât denne hâkâj akmai.” dâep. ⁴⁸ Hain dâambo hin maganji, “Woe, gâmâ Samaria luâk. Sinduk baniara bâleñande hut gugumbo aregât wan me wan akmâ mema mon?” dâyi. ⁴⁹ Hain dâmbiâ hin makyengiep, “Sinduk baniara bâleñande bo hut nuguep. Nâmâ Ewenaet lau lokoman. Dâ yeje amâ nângât hâkâj akmâ denne mem ge katmai. ⁵⁰ Nâ kotne bo mem agatân. Humoñe konok kotne mem agatmap. Yâkne amâ dosayeje miawagâkgât âi membiap. ⁵¹ Bunne makyengire nângâm hejngemgowe. Niñemañe nângât den mem manbai amâ momo kârikne bo mem âgâwai.” hain dâep. ⁵² Hain dâambo hin dâm maganji, “Woe, sinduk aktât. Abraham hângeiñe moep. Akto Propete hârok mom meteyi. Dâ gâñe amâ hin dât, “Nângât den mem manbai amâ manman kârikne manmâ âgâwai.” dât amâ gâ sinduk aktât nângâen. ⁵³ Akto gâ Abraham moep yâkgât dop ewangim maktât mon? Akto propete hainâk moyi are ewangi yekmâ hâkge mem agatmenâ bo ârândâñ aktâp aregât gâ gain gain nângâ anjiât.” dâyi. ⁵⁴ Hain dâmbiâ Yesune hin makyengiep, “Nunak konok hâkne mem akman dâine bo ârândâñ akbop. Dâ Ewene are amâ ye damun nenñe dâmai yâkne amâ denne nângâm hâkne mem agatmap. ⁵⁵ Dâ yeje Anutu amâ damun nenñe dâmai amâ hianjimmai. Ye amâ yâk bo nânganmâ metemai. Dâ nâñe amâ nânganmâ meteân aregât nâ bo nânganman dân dâine hianjim ye hainare akbom. Dâ nâmâ nânganmâ metem denne lokom manman. ⁵⁶ Ye bâginenñe Abraham ulikñân moep dâi aregât hin makbe. Abrahamne nângât âi miawakto ekberâm ukenñe humo nângâm malep. Akto manmâ nângât âi miawakto ekmâ herone humo agep.” dâep. ⁵⁷ Hain dâambo hin dâm maganji, “Woe, Abraham amâ ulikñân malep. Dâ gâmâ sigan aregât gâñe gain gain Abraham egen?” dâyi. ⁵⁸ Hain dâmbiâ hin makyengiep, “Nâ den bunne

hin makbe. Abraham boâk miawakto nâ ulikñân bak malânñeak manmâ gan.” dâep. ⁵⁹ Hain dâambo Yesugât nângâmbiâ bâliep aregât kât mem komberâmbiâ yonâk sumbe emetñânba sopanmâ gem ariep.

9

Yesune makto luâk dewunñe bokbokne siâ âlepne agep.

¹ Akto âi bo meme sopne siân Yesu dâwân ari luâk siâ dewunñe bok bokne memenñe hainâk miep are egep. ² Akto hon bawalupñande aikom hin dâyi, “Humo, niñaeñe dosagât dewunñe bok bokne miawagep ikinñe me memene ewene yetgât?” ³ hain makbiâ hin dâm makyengiep, “Amâ ikinñe dosagât bo, akto memene ewene yetgât dosagât bo. Anutugât kârikne ain miawagâkgât hainâk miawagep. ⁴ Nâ huñgun niñep yâkgât âi dewutân mem manbian. Akto hâmbâi hândâk miawakto ain mendenñe bo akbop. ⁵ Nâ hânân manbian amâ pagalenñe dewutâ hainare aktere pagalenñe erâm pagale yekbiap.” ⁶ Hain dâm hânân tâwutkom hân olop golangom luâk aregât dewunñân puliep. ⁷ Pulim hin dâm huñgun anep, “Gâ ari Siloam bâtgumân dewunge puli.” dâep. Siloam amâ den purikne amâ huñgun anep. Akto luâk are arim dewunñe pulim emet egep. Emet ekmâ amâ emetñân ariep. ⁸ Hain akmâ purik katmâ emetñân âgâambo galalupñe sotgât ulit yeñjim malep are ekmâ luâk arekne hin maganji goanji akmâ hin dâyi, “Uliti nengim tatmâ manmap amâ ire me gain?” dâyi. ⁹ Hain dâmbiâ bikñande hin dâyi, “Amâ ire.” dâyi. Dâ bikñande amâ, “Bo hinare siâ.” dâyi. Hain dâmbiâ ikinñak magep, “Maktâi amâ nâ ire.” dâep. ¹⁰ Hain dâambo hin aikom dâyi, “Gâ gain gain akmâ dewunge hulan aktâp?” dâyi. ¹¹ Hain dâmbiâ makyengiep, “Luâk siâ kotne Yesu arekne hân golangom dewunne pulim hin dâm makniñdâp, “Gâ arim Siloam bâtgumân hâkge puli.” dâp. Akto nâ arim hâkne pulim arekneak emet ektân.” dâm makyengiep. ¹² Hain makyengimbo aikom hin dâyi, “Luâk are yâgâten mandâp?” dâmbiâ, “Bo nângân.” dâep.

Parisaionje luâk âlepne agep are hâkokoyi.

13 Akto luâk dewunne bok bokne are âlepne agep are Parisaio yengâlân olojmâ ariyi. 14 Akto Yesune luâk dewunne bok bokne hân golangom arekne hengemgoep amâ âi bo meme sopnân agep. 15 Akto Parisaio luâkne hinâk aikom dâyi, “Gâ gain gain akmâ dewunge miawaktâp?” dâmbiâ hin makyengiep, “Yesune hân golangom dewunne pulimbo nâ arim Siloam bätgumân hâkne pulim dewunne hulanektâp.” dâep. 16 Akto Parisaio yengâlân gâtne biknande magi, “Luâk are amâ Anutugâlân gâtne bo. Yâk âi meme sopne boân âi mem hilipkoâp.” dâyi. Dâ biknande amâ hin dâyi, “Yâk bâleje luâk manmâ dâine âi hainare gain gain membop?” hain dâm potalagi. 17 Akto luâk dewunne bok bokne agep are lâuwâje maganmâ, “Dewunge mem hulanâp aregât amâ gugak gain gain nânğanâdât?” dâm maganbiâ dâep, “Yâk amâ propete siâ.” dâep.

18 Akto Yuda luâkne bundâk luâk are amâ dewunne bok bokne manmâ dewunne hulanagep hain dâm aregât han lâuwâ akmâ memene ewene oloj yelekbiâ togombela 19 hin ai yetkuyi, “Nan yetne ire dewunne bok bokne miawagep dâyat are amâ gain gain akmâ dewunne âlepne miawaktâp?” dâyi. 20-23 Hain dâmbiâ humomolupyene emelâk hin dâyi, “Siâje me siâje Yesu amâ Anutune hungun anđo giep dâwai amâ den emetnânba akto kâmolânba watyektenje yânngangen manbai.” dâyi aregât yân manbâet dâm hin dâyat, “Imâ nan netne. Akto dewunne bok bokne miawagep are nânğâet. Dâ gain gain akmâ dewunne hulan aktâp akto niñande dewunne hulanâp amâ bo nânğâet. Dâ emelâk handâ agep aregât ikinje aikombiâ keine makyengiâk.” dâyat. Ewene memene hamewakmâ hain dâyat. 24 Akto luâk dewunne bok bokne âlepne agep are lâuwâje olojmâ hin aikoyi, “Nen luâk aregât amâ luâk bâleje dâmaen aregât yâkgât kotne amâ bo mem agat. Anutu konok yâkgât kotne mem agat.” dâyi. 25 Hain dâmbiâ hin dâep, “Woe, luâk bâleje dâi amâ bo nânğan. Hingât nânğan. Uliknânbak dewunne

bok bokne manmâ gan. Dâ unak wan me wan ektân are amâ nânğan.” dâep. 26 Hain dâmbiâ hân dâyi, “Gain gain akginđo dewunge hulan akto ektât?” dâyi. 27 Hain dâmbiâ hin makyengiep, “Nâmâ emelâk makyengiân are bo nânğâi. Wangât hân hân hân makniñdâi? Ye hoj bawa aganberâm maktâi me?” dâep. 28 Hain dâmbiâ nânğâm bâlim hin dâyi, “Gâmâ yâkgât hoj bawa aganmat. Dâ nen amâ Mosegât hoj bawa aganmaen. 29 Anutune Mose maganep a nânğâen. Dâ luâk are niñâet wâtñân kinmâ kulem memap amâ bo nânğâen.” dâyi. 30 Hain dâmbiâ nânğâmbo umatne akto hin dâep, “Woe, luâk dewunne hulanâp aregât kârikne wanânba memapgât pâpkom bo nânğâen dâi? Imâ nânğâm hanokoak akyengiân. 31 Nen hârok amâ hin nânğâmaen. Anutune amâ luâk bâleje memai yâk yengât den bo nânğâmap. Dâ luâk âmbâle laune lokom kotne mem agatmai amâ Anutune nânğâyengimap. 32 Dâ luâk siâ dewunne bok bokne mem hulanep pat hainare hân miawagewânba siâ bo nânğâm gambiâ gambiâ unak yu miawaktâp. 33 Aregât luâk ire amâ Anutugât wâtñân kinmâ kulem memap. Dâ Anutune bo hungun anđo giep dâine hinare bo membop.” dâep. 34 Hain dâmbiâ hin maganep, “Woe, gâmâ bâleje higenje miawakmâ gaen amâ gain gain maknengiwerât amâ bo.” dâm hâkokombiâ giep.

Yesu bonânğanmai amâ dewunneje bok bokne.

35 Akto Yesune luâk hâkokom panbiâ giep aregât pat nânğâm mem miawakmâ hin maganep, “Gâ luâk akmâ gewiap dâyi yâk nânğanâdât me?” dâep. 36 Hain dâmbiâ hin dâep, “Apo, gâ maktât amâ niñe? Hekat niñmenâ ekmâ nânğâm hengemgoanbe.” dâep. 37 Hain dâmbiâ hin maganep, “Makginđere nektât nâ amâ ire.” dâmbiâ 38 hin maganep, “Humone, nâ nânğâ ginđân.” dâm keiñân kângom kotne mem agalep. 39 Akto Yesune hin maganep, “Nâ luâk âmbâle dosayene mem miawakbiangât keiyene mem makyengiwerâm hânân geân aregât dewunneje bok bokne

hinare hengem yengure ekbai. Dâ dewunyeŋe âlepŋe are hainare amâ makyenŋire dewunyeŋe bokbiap.” dâep. ⁴⁰ Akto Parisaio luâk olowâk kili arekŋe nângâm hin aikoyi, “Maktât amâ nen dewun nenŋe bok bokŋe hainare me?” dâyi. ⁴¹ Hain dâmbiâ hin dâep, “Ye dewunyeŋe bok bokŋe hainare manmai dâine dosayeŋe bo tatyenŋiwop. Dâ ye, “Nen âlepŋe ekmaen.” dâi aregât dosayeŋe tatyenŋiâp.” dâep.

10

Yesu amâ lama yengât lope.

¹ Yesuŋe Yuda luâk âmbâle kili are hin makyenŋieŋe, “Nâ den bunŋe yu makyenŋiwe. Luâk siâ lama yengât hânŋiân bo âgâm amâ lope lonŋaim anŋânba âgâmai are amâ luâk kâmburâ dâmai. ² Dâ luâk siâŋe hânŋiânba âgâmap are amâ lama amboyeŋe dâmai. ³ Yâkŋe togombo amâ hânŋi damunŋe arekŋe ekmâ hânŋi mem kalaŋdo âgâm lama yengondo denŋe nângâm agatbiâ kewugu yekmâ arimap. ⁴ Akto lama damunyeŋaet den nângâm agatmai aregât luâk are ikinŋaet lama yengondo sopanmai. Sopanmâ amboyeŋe watmâ arimai. ⁵ Dâ luâk anŋânŋe âgâm yengondo bo nânŋanmâ amâ bo watmai. Den anŋân nângâm hamep akmâ bo watmâ siângen arimai.” dâep. ⁶ Yesuŋe den dopŋe are makto amâ bo nânŋâyî.

Yesu lama yengât hânŋi.

⁷ Akto Yesuŋe den ginŋe siâ hin dâep, “Nâ bundâk makyenŋiwe. Nâmâ lama yengât hânŋi damunŋe hainare. ⁸ Nâ ulikŋân hânân boâk geân amâ luâk bikŋe Anutugât keiŋe makyenŋine dâm makmâ hianŋiyi. Luâk hain arekŋe amâ luâk kâmburâ hainare agi. Aregât nânŋât lama arekŋe denyenŋe bo nânŋâyî. ⁹ Nâmâ hânŋi hinare. Siâ nânŋâlân togombo amâ Anutunŋe hengemgowiap. Amâ âlepŋe gam gem gem akmâ sot me wan me wan sambe mem manbiap. ¹⁰ Dâ kâmburâ amâ lama hilip yengum kâmbu mem ariwerâm togomai. Dâ nâmâ lamalupne heronŋe maronŋe manbaigât hânân geân. Heronŋe maronŋe getek bo. Heronŋe maronŋe humo nânŋâm manbaigât geân.

Yesu damun âlepŋe.

¹¹ Nâmâ lama damunyeŋe âlepŋe aregât lamalupne dâm nugunŋet dâm kindere nugumbiâ mombian aregât hamep bo akman. ¹² Dâ damun yânŋe âigât hâugâlâk nânŋâm amâ lama amboyeŋe bo manmapŋe dua metŋe togombo ekmâ hamewakmâ lama hepunyekmâ arimap. Arimbo amâ dua metŋe arekŋe lama yinŋim itinŋ gulam akyenŋimbo awam akmâ arimai. ¹³ Amâ damun yânŋe puligâlâkgât âi memap aregât lama damunyeŋe bo manmap aregât lama hepuyekmâ pirâm arimap. ¹⁴⁻¹⁵ Akto Anutunŋe nânŋa niŋdo nâkâ nânŋa anŋman dop hainâk lamalupne nânŋa yengire nânŋa niŋmâ metemai. Aregât lamalupne âlepŋân manbai dâm nugunŋet dâm kindere nugumbiâ mombian. Hain akbiangât nânŋe konok lama damunyeŋe mandân. ¹⁶ Akto nânŋât lamalupne amâ kâmot siâ mandâi akto siân manbai are gai nâ kewuguyekmâ nune konokŋe damunyeŋe akbiangât nânŋân. Aregât yengondere denne nânŋâm togom kâmot konok akbai. ¹⁷ Akto nâ lamalupne yengât akmâ manmanne hepunmâ mom amâ lâuwânŋe manbian. Aregât Apone konok nânŋa niŋmap. ¹⁸ Ewenande mombiangât nânŋa niŋmâ lamagât âi niŋep aregât siâŋe ikinŋaet ukenŋe watmâ nuguwiapgât dâp bo talaŋmap. Bo dondâ. Siân nugumbiâ mombian amâ nunaet hanne watmâ maktere hain akbai. Akto lâuwânŋe membiangât hainâk nunaet hanne watmâ membiangât kârikŋe yeninŋdâp. Hain akbiangât Ewenande nânŋa niŋep.” dâep.

¹⁹ Yesuŋe den hain dâambo ain kili arekŋe lâuwânŋe makmâ potalagi. ²⁰ Potalakmâ bikŋe hin dâyi, “Sinduk baniara bâlenŋande hutgombo biwi gulip akmap aregât bo nânŋanŋe.” dâyi. ²¹ Dâ bikŋande amâ hin dâm makyenŋiyi, “Sinduk baniara bâlenŋe arekŋe luâk dewunyeŋe bok bokŋe hengem yenguwiapgât kârikŋe bo tatyenŋiâp. Aregât Yesu amâ sinduk baniara bâlenŋande bo tângombo kulem keiŋe keiŋe mem amâ den âlepŋe maknengimap.” dâyi.

Yuda luâkŋe Yesugât hâkân agi.

²² Akto haminân âmâ Yuda yengât sumbe emetne meyi aregât homban miawagep. ²³ Akto bâlâpne sopne miawagep ain Yesu Sumbe emetne aregât hângi siâ kotne Salomo ain âgâep. ²⁴ Ain âgâambo Yuda yengât humomolupyene arekne ândeanmâ kinmâ hin aikoyi, “Gâ wangât keige heambukmenâ han lâuwâ akten? Gâmâ Anutune hungun anjo gewiap dâmaen amâ gâ me? Keige maknengimenâ nângâm hejgemgone.” dâyi. ²⁵ Dâmbiâ hin dâm makyengiep, “Nâ emelâk dondâ makyengire bo nângâm hejgemgomai. Apogât laugât âi meman arekne makmâ miawak nekmap. ²⁶ Dâ ye amâ lamalupne bo akmâ manmaigât denne bo nângâm hejgemgomai. ²⁷ Akto nâne lamalupne nângâm meteyekman are yengondere denne nângâm watnekmai. ²⁸ Watnekmai are âmâ wâtne akyengire manman kepian manmâ âgâwai. Akto bo hilip agum dondâne manmâ âgâwai. Akto siâne nângât kâriknenâba mem hâre yekbiapgât kârikne bo talañdâp. ²⁹ Akto Ewenande lamalupne are niñdo meyekmâ mandân. Ewene âmâ siâ me siâ hârok ewangiyekmap aregât siâne Ewenaet kâriknenâba mem bâli yekbiapgât dop bo tatâp. ³⁰ Akto nâ Ewene net amâ dop konok.” dâep. ³¹ Yesune hain dâambo Yuda luâk kili arekne nângâmbiâ bâliep aregât kât pitim komberâm agi. ³² Hain akbiâ Yesune hin dâm makyengiep, “Apone âigât kârikne niñdo âi âlepne keine keine mendere egi aregât wan bâlene aktere ekbiâ bâliepgât kâtne nuguwerâm aktâi?” dâep. ³³ Hain dâambo hin dâyi, “Âi âlepne memaet aregât bo guguwere. Dâ gâ luâk manmatne Anutu ewangiwerâm sârekomat are nângâm Anutugât kotne bâliwopgât guguwere.” dâyi. ³⁴ Hain maganbiâ hin dâep, “Woe, Anutune makto Dawidine luâk kembu yengât hin kulemgoep, “Ye amâ hângât kembulupyene.” dâm kulemgoep. ³⁵ Anutugât den kulemne amâ hilip agu agugât dop bo. Aregât Anutune den makmâ miawakyengim malep yâk âmâ kembulupyene dâep. ³⁶ Aregât nâ Ewenande den dâtânerâm makmâ hungun niñdo geân nâne nâ Anutugât nanne mandân dâre yene wangât gâne

Anutu ewangiwerâm sârekom maktât dâm makniñdâi? Amâ makbiâ bâliâp. ³⁷ Âi meman are ekbiâ Ewenaet dop bo manman dâine denne hâkân akbiâ ârândân akbop. ³⁸ Gârâmâ âi meman are ekmâ imâ Anutugât âi hainare dâmai âmâ âlepne nângâniñbei. Nângâniñbiâ âmâ benne Anutune biwinân kat nekmap akto nâne biwinân katman are gai nângâm metewai.” dâep. ³⁹ Hain dâambo nângâmbiâ bâlimbo hikowerâm akmâ mem mesokbiâ hut yenânba yonâk gem ariep.

⁴⁰ Akto arewa Yesune Yodañ tu hâtikoep. Hâtikom hângeine Yohanene keine katmâ tu puli yekmâ malewân ain ari malep. ⁴¹ Ain mando luâk âmbâle dondâne yâkgâlân togom hin maganji goanji agi, “Yohanene âmâ kulem meme imâ bo miep. Dâ Yohanene Yesugât den magep amâ bunne akmâ metiep.” dâyi. ⁴² Hain dâm are yengâlân gâtne dondâne Yesu nânganmâ biwiyene Yesugâlân kali.

11

Lasaro moep.

¹ Betania kepian luâk siâ kotne Lasaro are kundat dondâ yiep. Akto Mata garinâi Maria lâuwâ amâ kepia ain gâtneâk. ² Maria arekne Yesu tu higenne âlepne pulianmâ dumutñande keine pulianjo kamiliep yâkgât emine Lasaro are kundat dondâ yiep. ³ Akto mamañai Yesugât den makmâ katbela ariep, “Humo gâ nângâ. Galage kundat dondâ akmâ yendâp.” dâmbela ⁴ Yesune pat are nângâm hin dâep, “Lasaro âmâ kundat akmâ yem âmâ momo kârikne bo mombiap. Nâ Anutugât nanne nâ kulem mendere kotne akto Anutugât kotne mem agatbaigât kundat are miawaktâp.” dâep.

⁵ Akto Yesune Mata akto garine Maria akto Lasaro are yengât okotne dondâ nângâep. ⁶ Yesune kundat aregât pat nângâm hilâm lâuwâ bo akto ⁷ hon bawalupne hin makyengiep, “Gambiâ Yudaia hânân purik katmâ arine.” dâambo ⁸ hon bawalupne hin dâm maganji, “Humo, nengât humomolupnende âgâlânâk kâtne guguwere agi aregât wangât ariwerât?” dâmbiâ ⁹ hin makyengiep, “Âi

meme sop amâ 12 awa yendâp aregât âi meme sopnân siâ yâk hân iregât pagalenjân arimbo wanje me wanje bo ewuwiap. ¹⁰ Dâ hândâknân siâ pagaleje kulâgâtmâ arimbo amâ wan me wan arekne ewum hionbiap.” dâep ¹¹ Hain dâm amâ den hin dâm dewatiep, “Dâ galanenje Lasaro asiñ yendâp. Nâ arim goañberân.” dâep. ¹²⁻¹³ Hain dâm Yesuñe Lasaro moepgât den ginñeak makyenjimbo amâ yân asiñgât maktâp dâm bo nângâm heñgemgoyi aregât hin dâm magañi, “Humonenje, asiñ yem amâ âlepñe akbiap.” dâyi. ¹⁴ Hain dâmbiâ Yesuñe makmâ miawakmâ hin makyenjiep, “Lasaro moep. ¹⁵ Nâ ain manmâ galane heñgemgoân dâine gain gain kulem humo ekmâ biwiyenje nângâlânâk katmâ manbâi? Dâ yeñe kulem humo ekmâ keine nângâm heñgemgowaigât bo ari heñgemgoân aregât kambiamne heronje aktâp. Gârâmâ moepgât arine.” dâep. ¹⁶ Hain dâmbo Toma kotñe siâ Didimo yâkñe hin dâm makyenjiep, “Nen mombaengât bo hamep akmaen aregât nen yâk olop arine.” dâep.

Yesu yâk amâ kârikñe akto manmangât Amboñe.

¹⁷ Lasaro sumân hilâm imbât yendo Yesuñe arim miawagep. ¹⁸ Betania amâ Yerusalem kepia ginñân ewumâk talep. ¹⁹ Arewa Yuda luâk dondâñe arim Maria akto Mata emiyetñe moepgât âi girâp akberâm ariyi. ²⁰ Akto Mata Yesu dâwân togom mandâp dâmbiâ nângâm garinje emelan tato are hepunmâ dâwân arim penianep. ²¹ Penianmâ hin magañep, “Humo gâ in malen dâine emine bo mombop. ²² Akto hinñeak gângât gai nângâm wan me wangât Anutu ulilañmenâ dowâk nângâ giñberâp.” dâep. ²³ Akto Yesuñe hin magañep, “Emige golâ akmâ agatberâp.” dâmbo ²⁴ Matañe hin magañep, “Manmâ hâmbâi sop humoân golâ akmâ agatbiap amâ nângân.” dâep. ²⁵ Hain dâmbo hin magañep, “Golâ akmâ manbaigât Amboñe amâ nâ. Aregât niñemañe nâ nângâ niñbai amâ manmâ mom amâ âlepñe lâuwâñe golâ akmâ manmâ âgâwai. ²⁶ Dâ luâk siâ golâ manmâ nângâniñbiapñe amâ momo bâlâk

manmâ kârikñe manmâ âgâwai. Gâ den are nângâm heñgemgoât me?” dâm aikoep. ²⁷ Aikombo hin magañep, “Humone maktât are amâ nângâm heñgemgoân. Akto areâk bo. Anutuñe nanñe hungunañdo gewiap dâm lâmgom gamaen amâ gâ.” dâep. ²⁸ Hain dâm amâ pârigim ari garinje Maria are konmâ yonâk hin magañep, “Ewenenñe dâwân togom gâ gogondâp.” dâep. ²⁹ Akto Marianje nângâm areâk agatmâ Yesugâlai ariep. ³⁰ Ariwerâmbo amâ Yesu indâgen kepia ginñân Mata den magañep ainâk kilep. ³¹ Gârâmâ Maria dowâk agatmâ arimbo Yuda luâk âmbâle Maria biwiñe sândugeâkgât âi mem emelan tali arekne sumângen indewerâm ariâp dâm hamiñân ariyi. ³² Dâ Marianje arim penianmâ ekmâ Yesugât keiñân kângom yem hin magañep, “Humo, gâ in malen dâine amâ emine bo mombop.” dâep. ³³ Hain dâm indembo Yuda luâk âmbâle olop togoyi are olowâk indeyi. Indembiâ yekmâ Yesu kambiamñe bâliep. ³⁴ Hain akmâ aiyenuep, “Yâgâten hangoyi.” dâmbo hin dâyi, “Humo, togom ek.” dâyi. ³⁵ Hain dâmbiâ Yesuñe indiep. ³⁶ Akto kili arekne ekmâ hin dâyi, “Ekñet. Nângâ nângâñe amâ yâkgât dondâ nângâmap.” dâyi. ³⁷ Dâ bikñande hin dâyi, “Dewunñe bok bokñe siâ makto dewunñe hulañ agep aregât âlepñe Lasaro heñgemgombo dâine golâ akbop.” dâyi.

Yesuñe Lasaro kondo golâ agep.

³⁸ Akto Yesuñe kambiamñe bâlimbo sumângen ariep. Lasaro hâkñe amâ kât dâpñângen yiep. Dâ hânji amâ kât humo siâñe hâkokombiâ ge tigiep. ³⁹ Aregât Yesuñe hin dâep, “Kât hâkokoñet.” dâmbo Lasarogât mamañe Matañe hin dâep, “Humo, hilâm imbât yiepgât higenñe aktâp.” dâep. ⁴⁰ Hain dâmbo hin magañep, “Den makgiñdere a bo nângât. Hin. Gâ nângâniñmenâ Anutu kârikñaet kulem miawakto ekberât.” dâep. ⁴¹ Akto kât hâkokombiâ Yesuñe dewunñe egon panmâ hin ulilañep, “Apo, gâ ulit giñdere nângât aregât mepaige akgiñdân. ⁴² Akto ulit giñdere ainâk dowâk nângâmat aregât nângâre âlepñe aktâp. Dâ nâ luâk âmbâle

yân yu kinmâ ariâi irekne gâne hungun ninmenâ geân aregât biwiyejande nângâm hejngemgojêtgât hain makgindân.” dâep. ⁴³ Hain dâm kârikneâk konmâ, “Lasaro agatmâ gut.” dâambo ⁴⁴ momone arekne agatmâ gulep. Keine bâte sângum duwatmâ dâgâm menduguyi akto enem dewunne sângumne katipkoyi aregât Yesune hin makyengiep, “Sângum gagaim panbiâ ariâk.” dâep.

Yesu kone dâm den hikoyi.

⁴⁵ Akto Yuda luâk dondâ Mariagâlân togoyi are yengâlân gâtne dondâne Yesune kulem mendo keine ekmâ nângâyi. ⁴⁶ Dâ bikjande âmâ Yesune kulem mendo egi aregât Parisaio yengâlân arim wan me wan agep aregât den pat makyengiyi. ⁴⁷ Akto sumbe kat kat yengât luâk humomolupyene akto Parisaio luâk arekne nângâm humomo oloj yekmâ hin makyengiyi, “Luâk are kulem dondâ memapgât wanân gain gain aganjbaen? ⁴⁸ Nen ekmâ hansumbu akmâ mandenne âmâ luâk âmbâle dondâne yâkgâlân dewati metembiâ âmâ Roma luâkne gasa aknengim hân me sumbe emetne me wan me wan hârok hilipkom nengim watnenekbâi.” dâyi. ⁴⁹ Akto yâk yengât galayene siâ kotne Kaipa hombanj ain sumbe kat kat yengât humo malep arekne hin dâep, “Ye han nângâ nângâyeje bâlâk mandâi. ⁵⁰ Aregât hin makyengire nângâm akberâi. Nen hârok bâlim metewâengât luâk konok arekne dumnennân kinmâ moâkgât nângâm hejngemgone.” dâep. ⁵¹ Den are ikinje nângâ nângâjaet bo magep. Yâk âmâ hombanj sop ain sumbe kat katgât humo malep aregât den are bunje miawakbiapgât magep. Yesu âmâ bunje dondâ luâk yengât akmâ moâkgât makmâ hâreañi. Dâ keine âmâ bo nângâep hain. ⁵² Hain akto Yuda luâk âmbâle yâkgâlâk bo. Anutune ikinje dâtâne hânne hânne hârok manmâ arimai hârok mendugu yekmâ kâmot konok akmâ manjet dâm agando sumbe kat kat luâk Kaipa are hain makmâ hâreañep. ⁵³ Akto Kaipane hain dâep ainba Yesu komberâm den âi keine kali. ⁵⁴ Aregât Yesune Yuda luâk yengâlân lâuwâne bo

miawakmâ malep. Gârâmâ kepia siâ hân kamitne aregât ginjân talep kotne Epraim ain hoj bawalupne meyekto ari mali.

⁵⁵ Akto aregât haminân hombanj kotne Pasowa are tâlâgumbo kepia ginje ginje ainba luâk âmbâle dondâne Yerusalem kepia ain hombanj miawakbiapgât aregât Anutugât emetjân kinbiâ huraguâkgât âgâyi. ⁵⁶ Âgâm sumbe emetjân kinmâ Yesugât kulâgâtmâ hin dâm maganji goanji agi, “Ye gain gain nângâi? Yesu hombanjgât in togowerâp me bo?” dâyi. ⁵⁷ Akto Sumbe kat kat humomolupyene akto Parisaio luâkne âmâ den kârikne hin dâyi, “Yesu togom mando âmâ siâne ekmâ togom maknengimbo kala busi kâlegen katbaen.” dâyi.

12

Marijane Yesu keine puliep.

¹ Akto hombanj kotne Pasowa akto hilâm 6 irawot akberâambo ainâk Yesune Betania kepijan togoep. Akto Betania kepia amâ Lasaro moep ain Yesune magando agatmâ golâ malep yâkgât kepia. ² Yesune ain togombo ainâk Lasaroma Yesu togoâp aregât herone marone aknerâm sot oyi. Yesu akto Lasaro olop tatbiâ Mata Lasarogât manane yâkne sot mem gutmâ yengimbo neyi. ³ Nembiâ ainâk Maria Lasarogât mamane siâne umbâ konok tu higenne siâ âlepne puline humo arekne Yesugât keinân kâiep. Akto dumutjande pulimbo kamiliep akto higenne arekne emet kâlêne ârândâj akto hârok nângâyi. ⁴ Akto yâkgâlân gâtne siâ Yudasi Karioto kepijan gâtne luâk arekne hâmbâi Yesugât gasa kewugu yekto Yesu meyi yâkne hin magep, ⁵ “Woe, âmbâle ire wangât hain aktâp nângâre bo huraguâp. Dâ tu higenne ire luâk yengienne hâukombiâ dâine nenne puli dondâ mem luâk âmbâle umburuk yengiwâen ina.” dâep. ⁶ Akto yâk amâ luâk umburuk yengât nângâm bo magep. Yâk âmâ puli damunne akmâ puli bikne kâmbu meminep aregât puligât dondâ nângâm magep. ⁷⁻⁸ Hain dâambo Yesune hin dâm maganep, “Âmbâle iregât nângâmbiâ bo bâliâk. Luâk âmbâle umburuk ire âmâ ye olop sop kâlep tatmâ âgâwai are tân yenguerâm akbai amâ âlepne tân

yenjuwaigât sop tatbiap. Dâ nâmâ ye olop sop kâlep bo manbian aregât luâk âmbâle bikñande tân nuguwerâm akberâi are âmâ sop bo akbopgât hinñe dowâk tân nuguâkgât nângân. Aregât âmbâle ire han nuguwaigât tu ire puli niñdâp.” dâep.

⁹ Akto Yuda kâmolân gâtñe dondâ Yesu ain talep are nângâm ekberâm yâkgâlân togoyi. Akto emelâk Yesuñe makto Lasaro moep arekñe sumânba agatmâ golâ malep akai ekberâm togoyi. ¹⁰⁻¹¹ Lasaro golâk agep are togom ekmâ nângâmbiâ humo akto biwiyene Yesugâlân kali. Hain akbâigât sumbe kat kat humo-molupyenñande luâk âmbâle hârok hepun nenektâi dâm aregât Yesu akto Lasaro lâuwâ lâuwâ bugâne yetkuenñe moet dâm aregât den âi meyi.

Yesuñe Yerusalem kepia âgâm ariep.

¹² Akto agatmânñân luâk âmbâle dondâ homban aregât Yerusalem kepiñan togoyi arekñe Yesu Yerusalem togom âgâwerâm agep pat are nângâyi. ¹³ Akto Yesu dâwân penianberâm matuk esenñe mem dâwân arim hin dâm koli, “Luâk ire Humonenñande hunñun anño giep. Akto nen Israe gâtñe damun nenñe togoâpgât aregât heronje akne.” dâm koli. ¹⁴ Akto Yesuñe donji nanñe siâ mem miawakmâ kakñân tatmâ mem mângimbo Yerusalem dâwân togoep. Amâ Anutugât Propete siâne hin kulempoep,

¹⁵ “Sion ambolupñe hin makyengire nângâñet. Yengât Humoyene togowiap yâkñe donji nanñe kakñân togombo ekbai aregât hamep bo akñet.” dâm kulempoep.

Den are bunñe akto Yesuñe donji nanñe siâ kakñân tato Yerusalem âgâep. ¹⁶ Akto sop ain honñ bawalupñe âmâ Yesuñe siâ siâ miép aregât keñe bo nângâm hengemgoyi. Dâ hamiñân Yesu himbimân âgâmba ainâk nângâ nângâyene hulanñ akto kulem esenñe tâmbânñan Yesuñe wan me wan akbiapgât kulempoyi are hârok nângâm meteyi. Akto ainâk luâk âmbâleñe wan agañbaigât kulem esenñân tatâp are bunñe akto sop ain âmâ aregât keñe boâk nângâm hengemgoyi. ¹⁷ Akto luâk âmbâle undup Yesu olop togoyi

arekñe Yesuñe Lasaro konmâ goanño monânba agalep are egi aregât pat ain kili are makyengiyi. ¹⁸ Hain dâm makyengimbiâ ainâk kâmot humo arekñe Yesuñe kulem miép are dâwân penianñe dâm ariyi. ¹⁹ Ari penianbiâ aregât Parisaio ain kili arekñe hin magañgi goanñgi akmâ dâyi, “Woe, luâk âmbâle dondâ Yesugâlân dewatiwerâm aktâi aregât gain gain aktenñe Yesu hepunñet aregât dâp bo tatâp.” dâyi.

Girik luâkñe Yesu ekberâm togoyi.

²⁰ Akto sop ain luâk âmbâle dondâ homban kotñe Pasowa are tatmâ Anutugât kotñe mem agatne dâm aregât Yerusalem togom mali. Are yengâlân gâtñe bikñe amâ Girik luâk âmbâle. ²¹ Akto Girik luâk irekñe âmâ Pilipo Besaida kepia Galilaia hânân talep aregen gâtñe yâkgâlân togom aikom hin dâm magañji, “Gala, nen Yesu ekberâm togoen.” dâyi. ²² Akto Pilipone gain gain aknerâm galane Anderea magañep. Magañño nângâmba lâuwâ lâuwâ Yesugâlân arim magañjat. ²³ Magañbela nângâm den hâuñe hin magep, “Bâin. Luâk akmâ geân nâ luâk âmbâle dondâne nekmâ kotne mem agatbai aregât sopñe ewumâk aktâp. ²⁴ Den umatñe ire makyengire nângâñet. Senjo koane hânân bo gem âmâ yân yembiap. Dâ hânân gewiap amâ hambum pâtkom bunñe dondâ yembiap. ²⁵ Akto luâk âmbâle bikñe are manmanyene aregâlâk nângâwai âmâ wan me wan arekñe bâliyengiwip. Dâ luâk âmbâle bikñe hâkyene me wan me wan yenjaet bo nângâmai arekñe âmâ hâmbâi manman kârikñân manmâ âgâwai. ²⁶ Yengâlân gâtñande nâ tân nuguwerâm akmâ âmâ âlepñe nângâlân togombiâ nâ olop manbaen. Akto nâñe manbian ain honñ bawalupne arekai ain manbai. Akto niñemañe tân nuguwai amâ Ewene Anutu arekñe memene akyengimbo manman âlepñân manbai.” dâep.

²⁷ Akto Yesuñe Anutu hin dâm magañep, “Woe, kambiamne umatñe dondâ akto aregât gain gain akbe? Apo, unjak siâ siâ nângâlân togowerâp aregât makmenâ bo agâk gârâmâ hain bo ak. Nâ iregât sop miawagâk dâm togom manmâ gan. ²⁸ Aregât Apo gâ makmenâ kot patgaet kulem agat gâtñe miawakto luâk âmbâle dondâ ekmâ

kotge mem agatbai.” dâep. Hain dâmbô ainâk den siâ himbimânba hin giep, “Nâ emelâk kot patnaet maktere miawaktâp. Akmâ kulem agat agatne areâk maktere miawakmâ âgâwiap.” dâep. ²⁹ Akto kâmot kili arekne nângâm bikñande hin dâyi, “Himbim kururundâp.” dâyi. Dâ bikñande âmâ hin dâyi, “Anjelo siâne den magandâp.” dâyi. ³⁰ Hain dâmbiâ Yesuñe hin dâep, “Den amâ nâ nune tân nuguwerâpgât bo miawaktâp. Yengât akmâ miawaktâp. ³¹ Uñak âmâ Anutuñe hân iregât luâk âmbâle potat yekberâp. Akto Anutuñe hân iregât Amboñe hâkokombo yeukne akbiapgât sop irawot akbiap. ³² Luâk bikñande nâ lâwinân hokat nekmâ mem agatbiâ âmâ ainâk luâk âmbâle hânñe hânñe manmai are bikne olonyektere nângâlân togowai.” dâep. ³³ Yesuñe hain magep amâ ikinje mombiapgât dopne katmâ makmâ makyengiep. ³⁴ Hain makto aregât luâk âmbâle ain kili arekne den are nângâmbiâ bâlimbo hin dâm magañi, “Woe, hain bo. Nen Mosegât denân oyanmâ hin nângâmaen. Anutuñe huñgun anjo gewiap yâkne âmâ bo mombiap. Akto manman kârikñân manmâ âgâwiap. Akto gâ hin dâmat, “Luâk akmâ geân.” dâmat aregât gain gain, “Lâwinân hokat nekbiâ mombian.” dât? Aregât niñande luâk akmâ giep?” dâyi. ³⁵ Hain dâmbiâ Yesuñe hin dâm makyengiep, “Sop tâlâwâk Anutugât pagalene erâm âgâwerâp. Hâmbâi yâk hân iregât pagalene hinare yengâlânba agatmâ ariwiap aregât hândâkne katip yenguwopgât ye pagalenânâk bam gutñet. Akto siâne hândâkñân bam gutmap arekne yâgâten ariwiap amâ bo nângâp. ³⁶ Aregât uñak âmâ ye pagalenânâk tatâianâk hainâgâk pagalenaet nângañbei. Yâk pagalene hinare aregât pagalenân manberâmbiâ âmâ âlepne manman kârikñân kat yekto pagalenân manmâ âgâwai.” dâep. Yesuñe den ire makmâ metem âmâ hepun yekmâ gem heambugep.

Yuda luâkne Yesugât nângâmbiâ giep.

³⁷ Akto emelâk Yesuñe kulem hârok mendo egi amâ yâkgât keñe bo nângañi. ³⁸ Haingât Propete Yesaianje hin kulemgoep,

“Humo, Propetelupge nenñe âmâ arim gângât den pat are arim makyengienñe luâk hârokne nângâm hiangim dâm bo nângânengimai. Akto Kembangât bât are niñaelân miawakmap?” dâm kulemgoep.

³⁹ Den are bunne akto luâk âmbâle dondâñe Yesugât hâkânñ akmâ yâkgât keñe bo nângâm heñgemgoyi. Akto Yesaianje den siâ hin kulemgoep,

⁴⁰ “Anutuñe dewunyeñe mem bukom hanyene gisapkoep. Amâ luâk âmbâle dewunyenñe siâ me siâ ekmâ nângâwâigât, akto hanyenân nângâm kotgâwâigât, akto hanyene purikatbiâ heñgemyenguwomgât Anutuñe hain dâm akyengiep.”

⁴¹ Akto Yesaianje Yesugât keñe pagalene hârok nângâm metem âmâ aregât hain kulemgoep. ⁴² Dâ luâk âmbâle kotdâ bikne akto luâk âmbâle yânñe bikne Yesugât keñe nângâyi. Amâ Parisaio luâkne hin dâyi, “Luâk âmbâle bikñande Yesu amâ Humonenñe dâwai are den emetñânba akto kepia yenñânba wat yektenñe hâkñângen manbai.” dâyi. Aregât Parisaioñe wat nenekbâi dâm aregât Yesugât keñe bo makmâ miawagi. ⁴³ Akto luâk âmbâle arekne Anutuñe kotnenñe mem agalâk dâm aregât ukenne bo nângâmai. Dâ luâkñeak kotnenñe mem agatñet dâm aregât ukenne nângâmai. Hain akmâ Yesugât keñe bo makmâ miawagi.

Yesugât denñande luâk âmbâle potatyekmap.

⁴⁴ Akto Yesuñe konmâ hin dâep, “Luâk âmbâle bikne nângât nângâi amâ nângâlâk bo nângâmai amâ Ewene huñgun niñdo togoân yâk hainâk nângañdâi. ⁴⁵ Akto nâ nekmappne huñgunñep yâk olowâk ekbiap. ⁴⁶ Nâmâ hân iren pagalene hinare togoân amâ luâk âmbâle biwiyeñe nângâlân katbai âmâ hândâkñân bo manbai. ⁴⁷ Dâ luâk âmbâle bikne nângât den nângâm bo lokowai âmâ nâ hinñe den âiân bo katyekberân. Nâmâ hânân luâk âmbâle ire potatyekbiangât bo togoân. Bo. Nâ luâk âmbâle heñgem yengum meyekberâm geân. ⁴⁸ Akto luâk âmbâleñe haminiñmâ nângât den bo nângâwai are amâ nângât den arekne sop bâiñân potatyekbiap. ⁴⁹ Nâmâ den ire âmâ nune nângâ nângânân

bo makmâ gan. Apo hunḡun niṅdo geân arekne nâ wan makman aregât âmâ makmâ hekat niṅep. ⁵⁰ Aregât keiṅe amâ hin. Ewenande manman kârikṅaet keiṅe hekat yeṅgiwen dâm makniṅep areâk lokom Aponande makniṅewâk makman.” Yesuṅe hain dâep.

13

Yesuṅe hoṅ bawalupṅe yeṅgât keiyeṅe puliep.

¹ Akto hombaṅ kotṅe Pasowa are boâk miawakto Yesu hân ire hepunmâ Eweṅalae ariwiapḡât sop miawakto nâṅgâep. Hain nâṅgâm âmâ iṅiṅaet kâmot yeṅgât okotṅe dondâ nâṅgâep. Akto hainâk hainâk okotṅe dondâ nâṅgâm âḡâwiap. ² Akto eṅgaiṅe sot nem tatbiâ emelâk Hiangi Amboṅande Yudasi Karioto gâtṅe luâk siâ Simoṅgât nanṅe yâk Yesugât gasa hekat yeṅgiâkḡât hâwâlep. ³ Hâwâto launḡe lokowerâmba ainâk Yesuṅe Eweṅande siâ me siâ emelâk waṅep are nâṅgâep. Akto Anutuṅe hunḡun aṅdo gem manmâ benṅe purik katmâ Anutugâlai âḡâwiap are gai nâṅgâep. ⁴ Haingât sot hepunmâ agatmâ sâṅgum kakṅân luguagep are oloṅmâ pando gembo puliak puliak pânân dâḡâep. ⁵ Hain akmâ kondo humoân tu kâim keiṅe katmâ Aposololupṅe yeṅgât keiyeṅe tu pulim âmâ pânân dâḡâep arekṅe keiyeṅe pulimbo kamiliḡep. ⁶ Hain akmâ bam bam Petoro gâlân togoep. Akto Petoroṅe Yesuṅe wan akyeṅgiḡep aregât nâṅgâmbo umatṅe akto hin maganḡep, “Humo, nâṅgât keiṅe bo puli. Hepun.” dâep. ⁷ Akto Yesuṅe hin dâep, “Siâ siâ nâṅe uṅak aktân amâ gâṅe bo nâṅgât. Gârâmâ hâmbâi âmâ aregât keiṅe nâṅgâwiat.” dâep. ⁸ Dâmba maganḡep, “Gâ keiṅe bo puliwerât. Bo dondâ.” dâmba hin maganḡep, “Dâ nâṅe bo puli gekberân âmâ gâ nâṅgâlân gâtṅe bo akberât.” dâep. ⁹ Dâmba maganḡep, “Humo, aregât nâṅgât hâkne hârok kautne bâtnḡe me wan me wan puliniṅ.” dâep. ¹⁰ Dâmba dâep, “Luâk siâṅe hâkṅe hârok puliep yâk âmâ lâuwâṅe bo puliakbiap yâk âmâ keiṅeâk puliwiap aregât ye emelâk ye puliyektere biwiyḡe salek aktâp. Dâ ye hârok bo.” dâep. ¹¹ Amâ

Yesuṅe Yudasine gasalupne makyḡeṅimbo menekberâi nâṅgâm ye hârok bo dâep.

¹² Emelâk keiyeṅe pulim metem âmâ benṅe sâṅgum kâlep are lâuwâṅe mem luguakmâ tatmâ hin makyḡeṅgiḡep, “Nâ siâ siâ yu akyeṅgiân aregât keiṅe a nâṅgâi mon? ¹³ Yeṅe hin nogonmai, “Humonenṅe akto Tiksa.” dâmai amâ âlepṅe makmai. Nâmâ Humoyḡe akto tiksayeṅe akman. ¹⁴ Akto nâ Humoyḡe akto tiksayeṅe nâṅe keiyeṅe puliân aregât hainâk galalupyḡe keiyeṅe puliwei. ¹⁵ Nâṅe agak meme âlepṅe hekat yeṅgiân gârâmâ yekâ hainâk agak meme âlepṅe hekat yeṅgim hainâk akbei. ¹⁶ Nâ den bundâk makyḡeṅgiḡe nâṅgâṅet. Âi luâk amâ damunṅe bo ewangimap. Akto luâk siâṅe luâk hunḡun aṅmap are bo ewangimap. ¹⁷ Akto ye aregât nâṅgâi amâ siâ me siâ ire akbei. Akto hain akbai âmâ Anutuṅe meme akyeṅgiḡimbo herone humo akbai. ¹⁸ Nâmâ ye hârok yeṅgât bo maktân. Nâṅe nâṅgât kâmot hârok oloṅ yektere nâṅgâlân togoyi ye nâṅgâyekman. Dâ yeṅgâlân gâtṅe konok âmâ herone bo akbiap. Amâ Anutuṅe makto siâṅe hin kuleṅgoep, “Nâṅgât gala nâ olop sot nendâp ire âmâ gasane akmâ bâleṅe akniṅbiap.” kuleṅgoep den are bunṅe akto yeṅgâlân gâtṅe siâ nâṅgât kâmolân gâtṅe bo akbiap. ¹⁹ Nâ ya maktân amâ boâk miawaktâp. Haingât hâmbâi ire miawakberâp âmâ âlepṅe yeṅe nâṅgât hin nâṅgâwai, nâmâ yâk, hain nâṅgâwai. ²⁰ Den bunṅe hin makyḡeṅgiḡe nâṅgâṅet. Luâk siâ nâṅgât âi meâkḡât hunḡun aṅdere arimbo âmâ benṅe siâṅe tâṅgowiap nâkai dop hainâk tân nuguwiap. Akto tân nuguwiapṅe Ewene hunḡun niṅep are dop hainâk tâṅgowiap.” dâep.

Yesuṅe gasa yeṅgât keiṅe magep.

²¹ Akto Yesuṅe hain dâm biwiṅe umatṅe agep aregât den hin dâep, “Woe, yeṅgât hutyeṅân gâtṅe siâṅe nâṅgât gasalupne hekat yeṅgimbo menekberâi.” dâep. ²² Hain dâmba yeṅeak âmâ konok konok niṅe me niṅe dâm luâk yeṅeâk ai aguyi. Niṅaet magep amâ bo nâṅgâyi. ²³ Akto Yesuṅe okotṅe dondâ nâṅgaṅmap are Yesugât ginṅânâk talep. ²⁴ Haingât

Petoroŋe yoŋâk bâŋjandeak konmâ hin dâm maganep, “Gâŋe aikomenâ nâŋgâne.” dâep. ²⁵ Hain dâm maganep Yesugât ginjânâk talepgât are hin maganep, “Humo niŋaet maktât.” dâep. ²⁶ Akto Yesuŋe den hâuŋe hin maganep, “Sot bikŋe ire tuân panmâ waŋdere ekberâi amâ luâk are konok.” dâep. Hain dâm sot tuân pando gembo mem oloŋmâ Simoŋ Karioto kepian gâtŋe malep yâkgât nanŋe kotŋe Yudasi are waŋep. ²⁷ Yudasine sot are mem nendo ainâk Hianŋi Amboŋande biwiŋân giep. Hain akto Yesuŋe maganep, “Wan me wan akberâm dowâk akben.” dâep. ²⁸ Hain dâm maganep aregât keiŋe ain tali arekŋe bo nâŋgâyi. ²⁹ Siânbaŋe amâ hin nâŋgâyi. Amâ Yudasine puli itoŋe memap aregât Yesuŋe hombaŋ iregât siâ siâ hâukoâkgât maganep me siâ siâ luâk umburuk yeŋgiwiapgât maganep hain nâŋgâyi.

Yesuŋe den kârikŋe aŋgâ makyenŋiep.

³⁰ Akto Yudasine sot are mem nem amâ dowâk gem hâkŋâŋen sopando emelâk emet dâgâep. ³¹ Yudasi arimbo amâ ainâk Yesuŋe hin makyenŋiep, “Hinŋe Anutuŋe huŋgun niŋdo geân aregât keiŋe luâk âmbâle dondâŋe nâŋgâm kotne mem agatbai aregât dâp miawaktâp. Akto wan membian aregât akai Anutuŋe kotŋe mem agatbai. ³² Akto nâ wan akberân aregât Anutuŋe keiŋe miawakto ekmâ kotŋe mem agatbai amâ benŋe uŋak Anutu nâŋgât keiŋe mem miawagân katberâp. ³³ Hoŋ bawalupne, nâ ye olop sop pân konok tatberen. Hâmbâi arire undâgât nekbiâ bo akberâp. Akto nâ ulikŋân Yuda humomolupyŋe akto sumbe kat kat luâk akto Parisaio luâk hin makyenŋiân. Nâ ariwian ain yeŋe bo ariwai. Akto benŋe hainâk hinŋe ye makyenŋiân yâgâten ariwerân aregen ye bo ariwerâi. ³⁴ Akto nâ den kârikŋe aŋgâ makyenŋiân hin. Ye hanâk gala okot akmâ tân aguwei. Nâŋe ye okot âlep akmâ gala akyenŋiân hainâk gala aganŋiwei. ³⁵ Hain aganŋiwei amâ luâk âmbâleŋe yekmâ hin dâwai, “Âo imâ Yesugât hoŋ bawalupŋe.” dâwai.” dâep. ³⁶ Yesuŋe hain dâmbo Petoroŋe

aikoep, “Humo gâ yâgâten ariwerât?” dâmbo Yesuŋe den hâuŋe hin maganep, “Nâŋe kepia uŋak ariwerân aregen amâ watnekmâ bo ariwerât. Dâ hâmbâi amâ watnekmâ togom nekbiat.” dâep. ³⁷ Hain dâmbo hin aikoep, “Humo, wangât gâ olop bo ariweretgât maktât. Amâ nâŋgâre bo huraguâp. Gasalupgande gugumbiâ amâ tân gugure nugumbiâ mombian aregât ukenŋe nâŋgân.” dâep. ³⁸ Hain dâmbo hin dâep, “Hain akberât me? Galane aregât den bunŋe hin makŋiŋdere nâŋgâ. Gâŋe nâŋgâ yâk bo nâŋgâ aŋman dâm munep akmenâ amâ sop âlâwu akto gokorok ainâk indewerâp.” dâep.

14

Yesu amâ dâp bunŋaet akto den bunŋaet keiŋe akto manmangât keiŋe.

¹ Yesuŋe hin dâm makyenŋiep, “Kambiamyeŋe bo umatŋe agâk. Ye Anutuŋe nâŋganmai aregât hainâk nâŋgât nâŋgâ niŋbei. ² Ewenaet emet kepia amâ kom hâre hâreŋe dondâ. Dâ hain bo dâine aregât emelâk makyenŋiwom. Nâ ariwerân imâ yeŋgât gewâk heŋgemgowian. ³ Akto gewâkyeŋe heŋgemgom metem amâ benŋe purik katmâ togom kewugu yektere arim nâ olop ain manbaen. ⁴ Akto nâŋe kepia ain ariwerân aregât ye nâŋgâi. Akto ye ariwaigât dâp nâŋgâi.” dâep. ⁵ Hain dâmbo Tomaŋe hin aikoep, “Humo, gâ yâgâten ariwerât? Nen bo nâŋgâen aregât nen gain gain akmâ dâp aregât keiŋe nâŋgâwren?” dâmbo ⁶ Yesuŋe hin maganep, “Nâ nunak konok dâp bunŋe akto nâ nunak konok den bunŋaet keiŋe akto nâŋeak manmangât keiŋe. Aregât luâk âmbâle bikŋande Anutu nâŋganberâm amâ nâ nâŋgâ niŋmâ amâ âlepŋe Anutu nâŋganbai. Dâ haminiŋmâ amâ Anutu bo nâŋganbai. ⁷ Akto yeŋe ulikŋân nâ nekmâ nâŋgâniŋmai dâine Ewene hainâk ekmâ nâŋganbâi. Uŋak nâ wan memberân aregât akmâ amâ Anutuŋe keiŋe ekmâ nâŋgâm heŋgemgoâi.” dâep.

⁸ Hain dâmbo Pilipoŋe hin maganep, “Humo, Ewege are hekatnengimenâ ekmâ biwinenŋe sândugeâk.” dâep. ⁹ Dâmbo hin maganep, “Pilipo, nâ ye olop tatmâ

mandenne sop kâlep bo agep aregât wangât boâk nângât? Nângâ niŋmat maine Apogât nângâwât. Luâk siâ nâ nekmap amâ Apo ekmap aregât gain gain akmâ, “Ewege hekatnengi.” dât?
¹⁰ Akto nâmâ Apogâlân tatân akto Apo yâkŋe nângâlân tatâp aregât net dop konok aktet aregât keiŋe bo nângâm amâ hain maktât. Akto den makyenŋiman amâ nune nângâ nângânân gâtŋe bo. Apo nângâlân tatmap arekŋe âiŋe ketugumbo yâkgât den makyenŋiman. ¹¹ Ye den ire nângâm heŋgemgoweï. Nâŋe Apogâlân tatân akto Apo yâkŋe nângâlân tatâp. Dâ den are nângâmbiâ umatŋe akto amâ âlepŋe nâŋe âi meman are ekmâ nângât akto Apogât keinetŋe nângâm heŋgemgoweï.

¹² Galalupne, bunŋe makyenŋire nângâŋet. Luâk âmbâle bikŋe nângât nângâniŋbai amâ nâŋe âi meman hainâk yekâ âi membai. Akto nâ Apogâlân ariwerângât wan me wan meman are ewanŋim membai. ¹³ Akto siâ siâ hârokgât yeŋe kotne mem manmâ ulilanŋbiâ amâ dowâk Ewene kotŋe mem agatbaigât maktere miawakyeŋgiwiap. Miawakyeŋgimbo nângât akto Apogât kotŋe agatbiap. ¹⁴ Dâ yeŋe wan me wangât nângât kotne konmâ Apo ulilanŋbai amâ nâŋe âlepŋe yeŋgiwian.

Tângo tângo siâ gewiapgât magep.

¹⁵ Dâ yeŋe biwiyeŋân menekmâ amâ âlepŋe nângât den kârikŋe denyenŋuân are mem manbai. ¹⁶ Akto nâŋe Apogâlân ulilanŋdere tângo tângo siâ nâ hinare yeŋgiwiap. Yeŋgimbo gem ye olop dondâŋe tatmâ tân yeŋgum âgâwiap. ¹⁷ Amâ hingât maktân. Anutugât den bunŋe kautŋaet Heakŋe âlepŋe aregât maktân. Akto hângât luâk âmbâle arekŋe yâk bo membai. Akto bo ekmâ nângâwai aregât bo nânganŋbai. Dâ Anutugât Wâtŋe âlepŋe are emelâk ye olop tatâp gârâmâ hâmbâi kautyeŋân membiap.

¹⁸ Akto nâŋe hinŋe ye hepun yektere amâ nanan mându hinare tatbâigât nâ yeŋgâlân purikatmâ togowian. ¹⁹ Akto sop bâlensiâ amâ hân luâk âmbâleŋe lâuwâŋe bo nekbai. Dâ yeŋe amâ hâmbâi nekbai. Nâ mandân aregât yekâ hainâk manbai. ²⁰ Akto sop ain amâ ye olop mandere ye hin

nângâwai. Nâ Ewenaelân tatân akto yeŋe amâ nângâlân tatâi. Akto nâkâ yeŋgâlân tatmâ âgâwian are nângâwai. ²¹ Luâk âmbâle bikŋande nângât lau lokomai amâ âlepŋe okot âlep nângâ niŋbei. Akto okot âlep nângâ niŋbai amâ Ewenaŋde okot nângâ yeŋgiwiap akto nâkâ hainâk okot nângâ yeŋgim âgâwian. Akto yeŋgâlân miawaktere nekbai.” dâep. ²² Hain dâmbo Yudasi siâ amâ Karioto gâtŋe bo arekŋe hin maganŋep, “Humo, gain gain dewun nenŋân miawakbiat amâ hân luâk âmbâle yeŋgât dewun yeŋân gain gain bo miawakbiat?” dâep. ²³ Dâmbo maganŋep, “Dâ luâk âmbâle bikŋe biwiyeŋe nângâlân katbiâ amâ âlepŋe nângât laune lokowai. Hain lokombiâ amâ âlepŋe Ewenaŋde amâ are yeŋgât okotŋe akmâ nângâ yeŋgim meme akyenŋimbo heronŋe akbai. Akto nâ Ewene netŋe amâ hilâmŋe hilâmŋe hokboâk togoetŋe olop tatmâ âgâwaen. ²⁴ Dâ luâk âmbâle bikŋe amâ biwiyeŋe nângâlân bo katbai amâ yâk nângât laune bo lokowai. Akto den ire maktere nângâi amâ nunandeân bo. Amâ Apogât den emelâk yâkŋe huŋgun niŋdo geân yâkgât den.

Yesuŋe kambiamnenŋe sândugeâk dâm meme aknengimap.

²⁵ Nâ hinŋe ye olowâk tatân aregât nâŋe wan me wan iregât hârokgâk makyenŋiân. ²⁶ Dâ Apone ikinŋandeân Heak âlepŋe arekŋe yeŋgim tân yeŋguwiapgât nângât kotnaet akmâ huŋgun anŋdo gewiap arekŋe amâ siâ siâgât âlepŋe hârok hekat yeŋgiwiap. Akto arekŋe amâ nângâ nângâyeŋe goanŋbiap. Hain akto amâ nâŋe ulikŋân den makyenŋiân are hârok nângâwai. ²⁷ Akto nâŋe kambiamyeŋe sândugeâkgât meme akyenŋiwian. Akto hângât wan me wan yeŋgimai hain are bo yeŋgiman. Aregât nunak wâtne yeŋgire kambiamyeŋe bo sâŋ sâŋ mendo bo hamep akbai. ²⁸ Akto den imâ ye emelâk nângâi, nâ hepun yekmâ ariwerân. Akto purik katmâ togowian. Aregât emelâk yeŋe kambiam âlep akniŋmai dâine nâŋe âlepŋe Apogâlân ariwian dâre nângâmbiâ âlepŋe akbop. Akto Apo amâ Humo nâ ewanŋi nektâp yâkgâlân ariwian dâre nângâmbiâ âlepŋe akbop. ²⁹ Ire boâk

miawaktoân nâñe aregât makyenjiân. Haingât hâmbâi wan me wan maktân ire miawakto amâ âlepñe ye are ekmâ nâñgâm nâñgât keine nâñgâm heñgemgom kambiam âlep akbai. ³⁰ Akto hân iregât damunñe uñak togowerâp aregât nâ amâ den dondâ siâ amâ bo makyenjiwerân. Dâ yâkñe togom bâleñe siâ siâ akniñbiapgât kârikñe bo talañmap. ³¹ Gârâmâ Apogât okot âlep agañman aregât pat hârokñe nâñgâñetgât Aponñe wan makmâ hâre niñep den are lokowerân. Bâin sopanmâ arine.” dâep.

15

Waiñgât den ginñe.

¹ Akto Yesunñe hoñ bawalupñe hin dâm makyenjiñep, “Nâmâ waiñ tâk dopñe hainare. Dâ Ewene amâ waiñ kalam ambonñe hainare. ² Nâñgât bât bâtne bikñe amâ bunñe bo memai amâ Ewenande lingâtmâ panyekbiap. Dâ nâñgât bât bâtne bikñe bunñe membai are amâ bunñe dondâ yeâkgât Ewenande hârem heñgemgowiap. ³ Akto ye amâ nâñgât den makyenjiñman are nâñgâmbiâ biwiyeñân gembo biwiyeñe salek salek agep aregât nâñgâlân tatbei. ⁴ Ye nâñgâlân tatbei. Akto nâ gai yeñgâlân tatbian. Akto waiñ bât bâtñe arekñe konñân bo dewatimbo amâ bunñe bo yembiap. Dop hainâk ye nâñgâlân bo dewatim amâ agak meme âlepñe bo memai. ⁵ Nâmâ waiñ tâkñe dâ ye amâ bât bâtne. Ye nâñgâlân tatbiâ nâ yeñgâlân tatbian amâ bunñe dondâ yembiap. Aregât ye nâ bâlâk manbai amâ yeñe wan me wan siâ âlepñe bo akbai. ⁶ Akto waiñ bât bâtñe siâ bunñe bo yendo amâ hârem panbiâ mondo ombai dop hainâk luâk âmbâle siâñe nâñgâlân tatmâ agak meme âlepñe bo membai amâ Ewenande hârem pan yekto momo kâlâwân ariwai. ⁷ Dâ yeñe nâñgâlân tatmâ nâñgât den lokom manmâ âgâwai amâ âlepñe yeñe ukenyeñe ulit niñbiâ are hainâk yeñgiwan. ⁸ Yeñe bunñe dondâ mem manbiâ amâ nâñgât hoñ bawa bunñe dâm yeñgonbian. Hain yeñgondere Ewenaet kotñe humo sambelem ariwiap. Akto ye hain akbiâ amâ luâk âmbâleñe yekmâ, “Ire amâ Yesugât kâmot.” dâwai. ⁹ Akto Ewenande nâ okot âlep akniñmap dop hainâk

nâkâ ye emelâk okot âlep akyenjiñman aregât hilâmñe hilâmñe amâ nâñe okot nâñgâ yeñgiñman aregâlâk nâñgâm manmâ âgâwei. ¹⁰ Akto nâñe Ewenaet launñe lokom yâkñe han kalemñaet okot nâñgâ niñmap aregât nâñgâm gan. Ye dop hainâk nâñgât laune lokom manbei. Hain manbiâ amâ okot nâñgâ yeñgiñman are nâñgâñet dâm meme akyenjiñe aregâlâk nâñgâm manbai. ¹¹ Akto nâmâ yeñgât heronñe humo akman aregât nâñgâm yekâ hainâk heronñe humo akñetgât akto biwiyeñe sândugewiapgât yu makyenjiñan.

¹² Nâñgât den kârikñe hin. Nâñe okot âlep akyenjiñan dop hainâk yekâ gala okot âlep agañgi goañgi akyenjiñe. ¹³ Dâ luâk siâñe galañe tângowerâm ai humo mem mombiap amâ okot âlep tângo tângo irekñe agak meme siânba hârok ewangiyekmap. ¹⁴ Aregât hin makbe. Ye amâ nâñgât den lokowai amâ âlepñe nâñgât galalupne akbai. ¹⁵ Akto luâk humo amâ ikinñe hoñ bawalupñe are ikinñe nâñgâ nâñgâñe bo hekat yeñgiñman. Yân ai yeñgiñman memai. Haingât nâ ai luâk lâuwâñe bo yeñgonberân. Den hârok Apo gâlânba nâñgâman amâ emelâk ye makyenjiñiniân. Haingât galalupne dâm yeñgonberân. ¹⁶ Dâ yeñe hanyeñe akmâ nâ bo nâñgâ niñi. Bo. Nâñe ye bo nâñgâ niñiân han kalemñaet akmâ olonyektere nâñgât kâmot agi. Akto nâñe ai yeñgiñan amâ yeñe arim bunñe mem lokoñet dâm akto yeñgât bunñe are âlepñe tatbiapgât olonyegân. Haingât amâ yeñe nâñgât kolân Apogât ulit akbiâ âlepñe yâkñe wan me wan siâ yeñgiwiap. ¹⁷ Akto nâñe den umatñe are lâuwâñe yu makberân. Ye gala okot âlep agañgiwei.

Hân luâkñe Yesugât kâmotlupñe gasa akyenjiñaiñgât magep.

¹⁸ Dâ hân luâk âmbâleñe gasa akyenjiñmbiâ amâ hin nâñgâwei. Yâkñe ulik gulik nâñgât gasa akniñi. ¹⁹ Dâ ye hân iregât kâmolân gâtñe dâine hân luâk âmbâleñe, “Woe, ire amâ nengât kâmolân gâtñe.” dâm tân yeñguwâi. Dâ ye amâ hân iregât kâmolân gâtñe bo. Emelâk nâñe han kalemñaet akmâ hân iregât agak meme hepunñet dâm olonñe yeñgân aregât pat hekat yeñgiñan amâ haingât hân luâk âmbâleñe ye gasa

akyenjiwai. ²⁰ Nâne hin makyenjiân are bo nelâm yenjiâk. Âi luâk amâ humone bo ewangimap aregât hin nângâwei. Hân iregât ambolupnande kuk akniñmai amâ benje hainâk kuk akyenjiwai. Dâ gala akniñmâ denne lokoyi dâine gala akyengim den yeje lokowâi. ²¹ Dâ amâ Ewenande hungun niñdo geân yâk hân iren gâtñande bo nângâ anmai. Haingât yekmâ ire amâ Yesugât kâmolân gâtñe dâm yekmâ kuk bâlene akyenjiwai. ²² Akto nâne bo gem hân iregât ambolupne makyenjiân dâine dosayene bo miawakbop. Dâ amâ gem makyenjiân gârâmâ dosayene akto bâleneye heambukbaigât dop bo tatyenjiâp. ²³ Akto areâk bo. Luâk âmbâle hain arekne nângât gasa akniñbai amâ Ewene gai hainâk gasa aganbai. ²⁴ Are lâuwâne makbe. Nâne gem âi keñe keñe ulikñân luâk siânbañe hain bo meyi are yengât hut yenân bo meman dâine dosayene bo miawakbop. Dâ emelâk kulem hârok mendere ekmâ amâ nâ akto Ewene gasa aknetkimai. ²⁵ Akto Anutuñe makto siâne hin kulengoep are kârikñe aktâp, “Luâk dondâne yân gasa akniñdâi.” are bunje miawakto nângât gasa undup miawakmâ gasa akniñdâi. ²⁶ Akto hâmbâi Ewene ulilandere ikinje Heak kârikñe tân yengumap are hungun anđo wan me wan bunje hekat yengim nângât keine hekat yenjiwiap. ²⁷ Hain hekat yengimbo nâne âi keñe kalân ainba nâ olop manmâ nekmâ gayigât nângât keine makmâ miawakbiâ sambelem ariwiâp.” dâep.

16

Heakgât keñe.

¹ Yesuñe hin dâm makyenjiap, “Nâmâ yeñe wan me wan miawak yengimbo nângâm gulip akbâi dâm yu makyenjiân. ² Nângât gasalupnande amâ den emetñânba watyekbiâ yânñangen manbai. Akto areâk bo. Hâmbâi amâ yâkñe hin dâwai, “Yesugâlân gâtñe yenguenñe mombai amâ Anutuñe nenekto âlepñe akbiap.” hain nângâm yengumbiâ mombai amâ akmâ hilipkowi. ³ Yâkñe amâ Apo akto nâ bo nângâ netkimai. Haingât yenguiwaigât ukenñe nângâwai. ⁴ Dâ hâmbâi siâ siâ

ire miawakbiap arekñe yengumbo nângâ nângâyene hulân akbiapgât den siâ siâ ire emelâk makyenjiân. Dâ ulikñân bak amâ nâ ye olop talân aregât ire bo makyenjiân. ⁵ Dâ unak amâ hungun niñdo geân aregâlân ariwerân. Akto yengât hutyenânba siâne bo ainuguwerâp, “Gâ yâgâten ariwerât?” ⁶ Nâ yu makyenjiângât nângâmbiâ biwiyene umatñe dondâ aktâp. ⁷ Galalupne, nâ bundâk makyengire nângâñet. Nâ hepun yekmâ ariwerân amâ ye tânyenguiwangât. Dâ bo arire maine Anutuñe Heak âlepñe bo hungunanđo amâ bo gem tânyenguiwop. Dâ ariwian amâ nâne âlepñe hungun anđere togowiap. ⁸ Gem luâk âmbâle hârok areyengât keiyene mem miawakbiap. Mem miawakmâ hengemgombo hin nângâwai. Yengât agak meme bâlene akbai aregât keñe nângâmbiâ dosayene miawakbiap. Akto Ewene agak meme ârândân akmapñe dosayenâet hâu membiap aregât amâ hâmbâi den âiân kat yekbiap are hârok nângâiwei. ⁹ Aregât keñe lâuwâne makbe. Bâlenâet keñe amâ hin hekat yenjiwiap. Yâk nângât hâkân akmâ biwiyene nângâlân bo katbai. ¹⁰ Akto Ewenaet agak meme ârândân are hekat yenjiwiap amâ hin. Apogâlân ariwian. Arire ye hinñe yu kindâine hinñe nâ bo nekberâi. ¹¹ Dâ Anutuñe luâk âmbâle ire den âigât keñe hin hekat yenjiwiap. Hân iregât Ambone amâ emelâk Anutuñe den âiân kato yâkgât bâleneñe keñe miawaktâp.

¹² Nâne den siâ siâ dondâ makyengiwerâm aktân. Dâ yeñe amâ unak memberâigât dopñe bo. ¹³ Gârâmâ hâmbâi Anutuñe ikinje Heak âlepñe hungunanđo gem den bunñaelâk hârok biwiyenân totokowiap. Arekñe amâ ikinâet hanñâet den bo makyenjiwiap. Anutuñe wan me wan miawakbiap aregât keñe hekalânñe hungun anđo makyenjiwiap. ¹⁴ Akto nângât keine nângâmap aregât makyengimbo nângâmbiâ nângât kot humo miawakbiap. ¹⁵ Akto Aponje ikinâet nângâ nângâne are niñdo aregât hin maktân. Anutugât Heakñe arekñe nângât keine hekat yenjiwiap.

Yesu purikatbiapgât den.

16 Akto sop bâlensiâ aktoân amâ heambuktere bo nekberâi. Akto hâmbâi sop bâlensiâ siâ aktoân amâ miawaktere nekbai.” dâep. 17 Yesu hain dâambo hon bawalupne bikñande den are nângâm pâpkoyi aregât nângâm hin ai aguyi, “Amâ wangât maktâp? Apogâlân ariwerân aregât sop bâlensiâ heambuktere bo nekberâi akto hâmbâi nekbai dâm maktâp. 18 Akto hin maktâp. Sop bâlensiâ ain nekbai dâm maktâp den are keiñe gain gaingât maktâp?” dâyi. 19 Hain dâm amâ bo aikoyi. Akto Yesu aikowerâm agi aregât nângâm hin makyengiep, “Yeñe nâ sogât maktân aregât ainuguwerâi me? Sop bâlensiâ bo nekberâi. Dâ hâmbâi nekbai dâm maktân aregât keiñe ainuguwerâm aktâi aregât hin makyengire nângâñet. 20 Den bunñe makyengiwe. Hâmbâi inde humo indem okot nângâ niñbai. Akto sop ainâk hân iregât ambolupne herone humo nângâwai. Akto ye kambiamyeñe umatñe akbiap amâ benñe siân purik âgâm okot âlep humo nângâwai. 21 Aregât den dopñe siâ hin makbe. Âmbâle siâñe nanañ meakberâm hâk hilâlâm humo nângâmap. Gârâmâ benñe nanañ miawakto sop ain amâ benñe hâk hilâlâm lâuwâñe bo nângâmap. Bo. Amâ emelâk nanañ gurukñe miawakto aregât okot âlep humo nângâambo hâk hilâlâm are emelâk nelâm añmap. 22 Dop hainâk amâ ye nâ ariwerân aregât okot bâle nângâi. Gârâmâ nâñe lâuwâñe yektere nekmâ kambiamyeñe herone akbiap. Hain akbiâ luâk siâñe kambiamyeñe umatñe agâkgât heyengimbo dâp bo miawakbiap. 23 Akto hâmbâi amâ benñe ai nuguwai aregât ai bo tatbiap. Akto den bunñe hin makyengire nângâñet. Yeñe Apo siâ me siâgât ulilañbiâ kotnaet akmâ yeñgiwiap aten. 24 Akto keiñân bak amâ siâ siâ memberâm nângâm amâ nângât kolân bo ulilañi. Akto hinñe nângât kolân Apo ulilañbiâ amâ yeñgât kambiamyeñe herone agâkgât dowâk Aponñe yeñgiwiap. Aregât kotne konmâ ulilañbei. 25 Akto nâñe wan me wan emelâk makyengiân amâ den dopñânâk makyengiân. Hâmbâi amâ Apogât keiñe miapñânâk makyengiwan. Dâ den ginñe amâ bo. 26 Sop ain amâ yeñe

nângât kolân konmâ ulilañbai. Gârâmâ nângât Ewenande okot âlep akyengimap aregât kambiamñe purik âgâkgât bo ulilañbian. 27 Bo. Ewene ikinak emelâk yeñgât okot âlep akyengimap. Akto yeñe nângât okot nângâ niñmâ Anutuñe nanñe hunñun añdo luâk akmâ giep amâ Yesu dâm nângâ niñbai aregât Ewenande ikinak yeñgât okot âlep akyengimap. 28 Akto nâ keiñânbak Apo olop tatminiân. Akto sop akto hepunmâ hânân geân. Akto uñak amâ hân hepunmâ Apogâlân ariwerân.” dâep. 29 Yesu hain dâambo hin magañi, “Woe, âlepñe maknengiât. Den ginñe bo maknengiâtgât dowâk âlepñe nângâen. 30 Akto luâk bikñande ai pei bo akginbiâ hinñe wan me wangât keiñe hârok nângâmat aregât nângâen. Akto Anutugâlânba gien are gai nângâen.” dâyi. 31 Hain dâmbiâ hin makyengiep, “Âlepñe nângât keiñe hârok nângâi me? Gârâmâ bunewâk bo nângâniñmai. 32 Aregât sop tâlâgumbo hepun nekmâ siâkâ emetñân emetñân arimbiâ amâ nuneak tatberân. Dâ amâ nuneak bo tatberân. Amâ Apo olop tatberet. 33 Nâmâ nângâ nângâyeñe nângâlân tato biwiyeñe sândugeâkgât nângân haingât nâñe den hain makyengiân. Hânân ire amâ umatñe siâ siâ tatyengim âgâwiap. Dâ nâñe hângât dâtñe metñe ligiân aregât keiñe nângâm herone akbai.” dâep.

17

Yesuñe Eweñe ulilañep.

1 Yesu hain makyengim metem amâ dewunñe egon panmâ Eweñe hin magañep, “Apo, emelâk sop tâlâguâp aregât tek tekñân katnekmâ nângât kotne mem agat. Akto nâ lauge lokom ai ire mendere kotge humo akmâ sambelem ariwiap. 2 Akto aregât hin makbe. Gâñe emelâk hânân manbai areyengât damunyeñe akbiangât kârikñe niñen. Akto nângât kâmot niñen are manman kârikñe yeñgiwangât makmâ hâreniñen. 3 Akto manman kârikñe aregât keiñe hin. Gâ konok amâ Anutu Humoyeñe bunñe amboñe gâ. Akto gâñe hunñun niñmenâ geân Yesu Kristo nâ akto gâ net lâuwâ nângâ netkimbiâ amâ tânyenguetñe manman kârikñe miawak yeñgiwiap. 4 Nâñe

gângât kotge sambelem ariâkgât âi niñen are emelâk mem metere hânân kotge humo akmâ sambelem ariep. ⁵ O Apo, hân bo miawagewân gê olop himbim pagaleñe olop malân. Areâk ire gaetñe manmâ purikatmâ niñmenâ mem manbiâm.

⁶ Apo, ulikñân nângât kâmot yengât kotyeñe katmâ nângâm nângât dâtâñe dâen. Akto hân miawakto nângât kâmot kinbiâ luâk âmbâle bâleñe akmai are yengâlânba oloñyekmâ nâ niñmenâ nângât dâtâñe agi. Hain akmâ lauge hârok lokom meteyi. ⁷⁻⁸ Gâñe den makniñen amâ hârok makyengîân. Hain makyengire nângâm ire amâ Anutugât den bunñe dâm nângâmai. Akto areâk bo. Gâñe huñgun niñmenâ geân a hainâk nângâm heñgemgom amâ nângâniñmai. Aregât hinñe wâtgân kinmâ manman are hainâk nângâm hârokgât keiñe siâ siâ akai hainâk nângâmai. ⁹ Nâ tân yenguwêrâm ulit giñdân. Dâ luâk âmbâle hânân manmai areyengât hârok bo ulit giñdân. Gâ guge dâtâñe are niñen areyengât ulit giñdân. Dâ luâk âmbâle bikñe bo. ¹⁰ Akto gângât patge amâ nângât patne. Dop konok akmâ kotne mem agatmai. ¹¹ Dâ uñak amâ hân ire hepunmâ gângâlân togowerân. Akto nângât kâmot amâ hânân tatbai aregât gâñe damunyeñe akben. Akto Apo Humo, guge kotge wâtge emelâk niñen arekñe kârikñe tân yengumbo hânân manbaiân amâ gulip bo akbai. Akto net han netñe konok akmaet dop hainâk nângât kâmot amâ hanyeñe konok akñetgât wâtge akyengiwên. Akyengimenâ hanyeñe konok akbai. ¹² Akto nângât kâmot ire olop gaen aregât gângât kotge wâtgân kinmâ damunyeñe aktere siâ me siâñe bo hilip yenguep. Gârâmâ gâñe makmenâ kulemgoyi are bunñe agâkgât hinñe makmenâ luâk bâleñaet amboñe are konok bâliâp. ¹³ Bâin. Nâ gângâlai togowerâm aktân aregât nângât kâmot yu kindâi ire nângât okot âlep arekñe yâk yengâlân kilâkgât yu maktân. ¹⁴ Denge emelâk makyengîân. Akto hângât agak meme bo watman aregât ye hainâk hângât agak meme bo watmai. Hain akmai aregât hângât luâk âmbâleñe gasa akyengiwai. ¹⁵ Haingât hin ulit giñbe. Gâñe damunyeñe

akmenâ Bâleñe Amboñe arekñe bo hilip yenguwîap. Nâmâ hânânba ire meyekmenâ himbimânâk hinñe âgâwerâi aregât bo ulit giñdân. Bo. Hânân manbaiân sop ain damunyeñe akmenâ bo hilip aguwai aregât ulitgiñdân. ¹⁶ Akto nâ hân iregât agak meme bo watman aregât ye amâ hainâk hân iregât ambolupñe bo. ¹⁷ Gâñe den bunñande hanyeñe mendugumenâ agak meme âlepñe aregâlâk nângâm watbai. Gângât pat âlep den arekñe amâ den bunñe. ¹⁸ Gâñe ulikñân huñgun niñmenâ hânân luâk âmbâle hut yeñân talân. Hainâk amâ nâñe huñgun yengire arim hân luâk âmbâle hut yeñân manbai. ¹⁹ Akto nângât kâmot ire den bunñande hanyeñe mem mendugumbo agak meme âlepñe mem manñetgât nâ gai yâk yengât akmâ han hâkñe mem mendugum amâ den lauge lokom mandân.

Yesune ikiñe den nângâm heñgemgowai yâk yengât Eweñe ulilañep.

²⁰ Apo, nâmâ gâñe ire konok tân yenguwengât konok bo ulit giñdân. Hâmbâi luâk âmbâle dondâ hânñe hânñe manbai arekñe nângât kâmot ire yengât den nângâm biwiyeñe nângâlân katbai are yengât ulit giñdân. ²¹ Yâk hârok han biwi konok tatbaigât nângân. Apo, gâñe nângâlân tatât akto nâñe gângâlân tatân aregât han netñe konok dop hainâk yâk netgâlân tatmâ manbiâ luâk âmbâle hârok tatmâ manbai arekñe gâñe huñgun niñmenâ geân aregât keiñe nângâwai. Are miawakbiapgât ulit giñdân. ²² Akto gâñe keige hârok hekatniñmenâ nângân aregât emelâk hekatyengim meteân. Akto netñe gala konok tatmaet dop hainâk akñet dâm hekatyengîân. ²³ Akto areâk bo. Gâñe nângâlân tatmâ keige hekatniñen are akto nâñe yâk yengâlân tatmâ keiñe hekatyengîân a hârok nângâm yâk gala konok dondâ akbaigât nângân. Hain gârâmâ luâk âmbâle hânñe hânñe manmaiñe gâñe huñgun niñen are akto okot nângâ niñmat hainâk nângât kâmot okot nângâ yengimat are nângâwaigât ulit giñdân. ²⁴ Apo, gâñe luâk âmbâle emelâk niñen are nâ olop tatbaengât nângân. Nâ olop tatmâ amâ gâñe hân bo talewân okot nângâ

niñmâ pagalenje niñen are ekmâ nângâwai aregât nângân. ²⁵ O Apo, wan me wan memenâ ârândânâk akmap gâ hân luâk âmbâle arekne gângât keige bo nângâgindâi. Dâ nâje amâ nângân. Akto nângât kâmot yu kindâi irekne gâje huñgun niñen aregât keine nângâi. ²⁶ Nâje gângât kotge denge hekat yeñgiân. Akto nâ hambâi kotge hârok dondâ hekat yeñgiwian. Amâ gâje han kalem okot âlep dondâ akniñmâ tân nugumat han kalem arekne biwi yeñân gembo nângât keine nângâwai, aregât ulit giñdân.” dâep.

18

Yesu meyi.

¹ Yesuñe den are makmâ metem amâ hoñ bawalupñe olop kepiamba tu kotñe Kindoron hâtikoyi. Hâtikom kalam siâ lâwin oliwa kinbiâ ain ariyi. ² Akto Yudasasi Yesugât gasa arekne Yesu akto hoñ bawalupñe ain âgâmini aregât kalam are nângâep. ³ Haingât Yudasine Parisaio akto sumbe kat kat luâk are yeñgât tembe lokolupyene kewugu yekto aregen togom kemdâ akto tembe akto bugâ mem togoyi. ⁴ Kalam ain togom penâyengimbiâ Yesu amâ wan me wan ikiñaelân miawakberâp aregât amâ bunewâk nângâep aregât bam enem yeñân kinmâ hin makyengiep, “Ye niñæet kulâgâtâi?” dâep. ⁵ Hain dâambo hin dâyi, “Nen amâ Yesu Nasarete gâtñe yâkgât kulâgâten.” dâyi. Hain dâmbiâ hin makyengiep, “Amâ nâ ire.” dâep. Akto Yudasasi halop hogogo luâk hutyeñân kilep. ⁶ Yesuñe “Amâ nâ ire.” dâambo ainâk kuñ kârur ge hânân ge yeyi. ⁷ Hânân ge yembiâ lâuwâñe ai yeñguep, “Ye niñæet kulâgâtâi?” dâambo, “Yesu Nasarete gâtñe.” dâmbiâ ⁸ hin makyengiep, “Nâ emelâk makyengian. Nâ amâ ire. Akto ye nângât kulâgât niñdâi aregât âlepñe luâk ire hepun yekbiâ arinet.” dâep. ⁹ Hain dâep amâ den emelâk Yesuñe Anutu hin magañep, “Luâk ire hârok imâ gâje emelâk niñen amâ damunyeñe akmâ gan aregât siâ bo hilip aguyi.” dâep. Den are bunje agâkgât, “Luâk ire hepun yekbiâ arinet.” dâep. ¹⁰ Akto Petoro amâ tâwât kâlep meagep arekne Sumbe kat katyeñgât humoyeñe

yâkgât hoñ bawa siâ kotñe Maiko orem ondopñe bungen hâriep. ¹¹ Petoroñe hain akto amâ Yesuñe hin dâm magañep, “Tâwât are katmenâ itoñânâk geâk. Aponje hâk hilâlâmgât makmâ hâreniñep are miawak niñâkgât nângân are bo miawakniñâkgât aktât mon?” dâep.

¹² Yesuñe hain dâambo damunyeñande makto Yuda luâk yeñgât tembe lokolupyeneñande Yesu mem hikoyi. ¹³ Hain akmâ Anasigât emelan soñ mem ariyi. Akto Anasi amâ luâk siâ kotñe Kaipa yâkgât laumatñe. Akto Kaipa amâ hombañ aregât Sumbe kat kat luâk are yeñgât humoyeñe. ¹⁴ Akto Kaipasiñe amâ emelâk Yuda luâk humomolupyene hin makyengiep, “Nen hârok bo akbâengât âlepñe luâk konok kondene moâk.” dâep. ¹⁵ Akto bugâ luâkñe Yesu mem Anasigât emelan arimbiâ Petoro akto Yesugât galañe siâ yâk yetñeâk watyegiat. Akto Anasiñe Yesugât gala nângañmap aregât Yesu ain âgâambo hainâk Yesu olop arim Anasigât hetagân âgâep. ¹⁶ Âgâambo Petoro amâ ingon hâkñângen kilep. Hain akto luâk are Anasigât nângâep aregât sopanmâ hoñ bawa âmbâle hâñgi damunje are magañdo hâñgi mem kato Petoro hetagân âgâep. ¹⁷ Âgâambo hoñ bawa âmbâle arekne Petoro hin aikoep, “Dâ gâ amâ Yesugât hoñ bawa siâ me gain?” dâambo hin dâep, “Nâmâ bo.” dâep. ¹⁸ Akto sop ain seru agep aregât bugâ luâk akto hoñ bawa luâk kâlâp oyi. Kâlâp om nângâm kinbiâ Petoro gai yâk olop kâlâp nângâm kilep.

Sumbe kat kat humoyeñe Anasiñe Yesu aikoep.

¹⁹ Akto Sumbe kat kat humoyeñe Anasi arekne Yesu ikiñæet den akto hoñ bawalupñe yeñgât keiyene nângâwerâm aikoep. ²⁰ Aikombo hin magañep, “Wangât ainuguât? Nâmâ emelâk luâk âmbâle tek tekñân den makyengiman. Akto sumbe kat kat emetñân me den emetñân âgâm tek tekñân makyengiman. Me yâgâten me yâgâten Yuda luâk mendugum kinmai ain âgâm makyengiman. ²¹ Nâmâ den yoñâk siâ bo makyengiman aregât wangât ainuguât? Luâk âmbâle den are nângâmai are aiyenju.” dâep. ²² Hain dâm magañdo bugâ

luâk siâ ain kilep arekne Yesu ondopne hogom maganep, “Gâne amâ Sumbe kat kat luâk humoyene hain bo magan.” dâep. ²³ Dâambo hin maganep, “Gâ nâne den bâlene maktân aregât keine mak. Akto nâne den âlepne maktân aregât wangât nuguât?” dâep. ²⁴ Hain dâambo Anasiñe makto tâkne bâtne dâgâm mendugum sumbe kat kat humoyene siâ kotne Kaipa yâkgâlân kewugum ariyi.

Petoro hamewakmâ munep agep.

²⁵ Akto Petoro amâ ain kinmâ kâlâp nângâmâk kilep. Ain kindo olowâk kili arekne hin magani, “Gâ gai yâkgât hoñ bawa me gain?” dâmbiâ munep akmâ hin magep, “Nâ bo.” dâep. ²⁶ Hain dâambo amâ Sumbe kat katgât hoñ bawa siâ emelâk Petoroñe ondopne kom hâriep aregât kâmolân gâtne arekne Petoro hin maganep, “Bundâk, gâ yâk olop kalamân kinbiâ yektân mon?” dâep. ²⁷ Akto Petoroñe hainâk munep akmâ, “Nâ bo.” dâambo amâ ainâk gokorok indiep.

Pilatoñe Yesu aikoep.

²⁸ Akto emet hauñ haungât tembe loko arekne Kaipagât emelanba kewugum Roma gawaman humo aregât emelan âgâyi. Âgâm amâ hin nângâyi, “Nen hâmbâi hombanj Pasowa aregât sot nemberen. Aregât Anutuñe nenekto huraguâkgât Yuda luâk bo manmai areyengât emelan bo âgâweren.” nângâyi. ²⁹ Haingât hâknângen kili. Kinbiâ Pilato Roma gâtne arekne yâk yengâlân gem makyengiep, “Luâk ire keine wangât den âiân katberâm aktâi?” dâep. ³⁰ Hain dâambo hin dâm magani, “Dâ luâk ire agak meme bâlene bo akmap dâine amâ gângâlân bo mem togowâen.” dâyi. ³¹ Dâmbiâ hin makyengiep, “Yeñe agak meme dop yengân aganjnet.” dâep. Hain dâambo Yuda humomolupyene hain dâm magani, “Roma luâk yeñe luâk siâ kondene moâkgât hain bo aknet dâm makmâ hâre nengimai. ³² Yuda luâk hain akbiâ amâ Yesu ikinje mombiapgât den magep dâp are miawagep. ³³ Haingât Pilato gawaman emelan âgâ tâtma Yesu kondo âgâep. Âgâambo aikom maganep, “Gâ Yuda yengât

humo me?” dâep. ³⁴ Hain dâambo hin dâep, “Gugak den are nângâmat me gaingât maktât me luâk siâne nângât hain dâm makne me?” dâep. ³⁵ Dâambo hin maganep, “Nâmâ Yuda gâtne bo aregât yengât keiyene bo nângâ yengiman. Guge kâmot akto bugâ lokolupgande mengekma nângâlân togoâi ire gain gain agengât?” dâep. ³⁶ Dâambo hin maganep, “Nâmâ hân iregât luâk kembu bo. Dâ nâ hângât luâk kembu dâine âlepne âi luâklupnande bugâ mem kuk akbâi. Akto hoñ bawalupnande Yuda gâtne menekbâigât bugâ mem kuk akyengiwâi. Gârâmâ nâmâ hângât luâk kembu bo.” dâep. ³⁷ Hain dâambo hin maganep, “Hain gârâmâ gâ luâk kembu me?” dâambo hin maganep, “Gugak ya maktât are. Nâmâ den bunne mak makgât keine miawagâkgât himbimânba luâk akmâ hânân geân. Aregât luâk âmbâle bikne den bunne aregât ukene nângâne dâmbiâ makyengire den bunne dondâ nângâmai.” dâep. ³⁸ Hain dâambo hin maganep, “Den bunne amâ wan?” dâep.

Hain dâm hâknângen Yuda luâk yengâlân gem hin makyengiep, “Yâkgâlân bâlene siâ bo ektân. ³⁹ Dâ amâ yengât agak meme are watmâ hombanj iregât nâne luâk siâ hepundere yengâlâi geâk. Nâne Yuda yengât kembu ire hepundere geâk me luâk siâgât nângâi?” dâep. ⁴⁰ Dâambo yâkne kârikne konmâ hin dâyi, “Amâ bo. Gâmâ Baraba kala busi kâlegenba hepunmenâ betgen geâk.” dâyi. Amâ Barabane amâ luâk yengum siâ siâ kâmbu meyengiminep aregât.

19

Sumbe kat kat humomolupyene Yesu moâkgât dâyi.

¹ Akto Pilatoñe makto tembe lokolupnande Yesu mem tâk metnande orem metem amâ ² benne tâk dâtâ dâtâne irimut ketugum kauñani. Hain akmâ sângum luguak luguak gilâm are luguani. ³ Akto enemân togom kângom hianjim hin dâyi, “Woe, Yuda yengât kembu.” dâm enem dewunñan bâtyene hogoyi. ⁴ Akto Pilatoñe hâknângen gem Yuda luâk humomolupyene hain dâm makyengiep, “Woe, luâk ire kewugum geân. Amâ yâkgâlân

bâleŋe siâ bo ektân aregât hepundere ariâkgât nângân.” dâep. ⁵ Hain dâmbô Yesu tembe lokone irimut dâtâ dâtâ akto sângum gilâm luguani akto kautnân kauŋani are olop ge kindo Pilatoŋe hin makyenŋiep, “Luâk ire ekŋet.” dâmbô ⁶ sumbe kat kat humoyeŋe akto bugâ luâk humomolupyenande konmâ hin dâyi, “Lâwinân koŋet. Lâwinân koŋet.” dâmbiâ makyenŋiep, “Nâmâ yâkgâlân bâleŋe siâ bo ektân aregât yeŋeak mem ari lâwinân koŋet.” dâep. ⁷ Hain dâmbô hin dâyi, “Nengât den kârikŋe siâ hin tatâp. Luâk irekŋe, “Nâ Anutugât nanŋe.” dâep aregât kombiâ moâkgât nângâen.” dâyi. ⁸ Dâmbiâ Pilatoŋe den are nângâm hamep dondâ agep. ⁹ Nângâm hamep dondâ akmâ amâ purik katmâ Yesu kewugum Gawaman emelan âgâep. Âgâm Yesu maganep, “Gâ wânân gâtŋe?” dâmbô den hâuŋe bo maganep. ¹⁰ Bo maganŋo Pilatoŋe hin maganep, “Gain gain? Gâ nângâlân den bo maktât. Nâŋe maktere âlepŋe hepun gekbai akto maktere guguwai aregât kârikŋe tatniŋdâp. Dâ iregât keŋe bo nângât me gain?” dâep. ¹¹ Hain dâmbô hin maganep, “Gâ Anutu Humo âurekŋe kârikŋe bo giŋdo dâine gâŋe mem ge katnekbâtgât dopŋe bo. Hain gârâmâ emelâk luâkŋe gasalupne kewugu yekto menektâi yâkgât dosa arekŋe gângât dosa ewangiâp.” dâep. ¹² Hain dâmbô Pilatoŋe hepundo âlepŋe ariâkgât nângâm den dâpŋaet kulâgâlep. Dâ benŋe Yuda luâk âmbâlŋe konmâ hin dâyi, “Dâ gâŋe Yesu hepunmenâ ariwerâp amâ gâ Sisa humonenŋe aregât galanŋe bo. Siâŋe nâmâ luâk kembu dâm amâ Sisa dumŋân kinbiap aregât gâŋe guge nângâ nângâge watberâm luâk ire yân hepunmenâ gewerâp amâ Sisanŋe nângâm amâ gâ gasa akŋiŋbiapgât nângâwiap.” dâyi. ¹³ Pilatoŋe den are nângâm Yesu mem hâknângen giep. Mem gembo kindo Pilato purik katmâ âgâm kembu tat talân talep. Akto tat tat ain hin konmini “Kât dâpŋe.” Aregât kotŋe Yuda yengât denân amâ Gabata dâm konmini. ¹⁴ Sop ain amâ Pasowagât henŋemgo henŋemgo hilâmŋe. Akto Pilato ain tato hilâm tânâmŋe akto Yuda luâk hin makyenŋiep, “Ekŋet. Luâk

ire amâ yengât kembuyenŋe.” dâmbô konmâ hin dâyi, ¹⁵ “Moâkgât nângâen aregât lâwinân ko.” dâyi. Hain dâmbiâ makyenŋiep, “Nâŋe kembuyenŋe ire lâwinân kombegât nângâi me?” dâmbô sumbe kat kat humomoŋe hin dâyi, “Nengât kembu siâ bo tatâp. Sisa a konok.” dâyi. ¹⁶ Hain dâmbiâ Pilatoŋe Yesu lâwinân koŋet dâm wato yâk yengâlân giep.

Yesu lâwinân koyi.

¹⁷ Haingât Yesu ikinŋe membiâ ikinjak lâwinŋe lokoagep. Akto kepia humo hepunmâ hân siâ hin konmai, “Hân hagitŋaet kautŋe.” Amâ Yuda denân Goligata ain mem ariyi. ¹⁸ Hân aregen Yesu akto luâk lâuwâ olop lâwinân yenguyi. Akto luâk lâuwâ are biken biken yetkuyi. ¹⁹ Yetkumbiâ Pilatoŋe den siâ hin kulemgoep, “Yesu Nasarete gâtŋe amâ Yuda yengât luâk kembu.” hain kulemgom lâwinân kondo talep. ²⁰ Akto kulem are amâ Yuda yengât denân akto Roma yengât denân akto Girik yengât denân hain kulemgoep are akto Yesu lâwinân koyi amâ kepia humo Yerusalem giŋŋân aregât Yuda luâk âmbâlŋe dondâŋe den are oyaŋmini. ²¹ Oyaŋmâ amâ Yuda yengât Sumbe kat kat humomolupyenande Pilato hin maganŋi, “Yuda yengât kembu hain bo kulemgo. Bo. Gâ hanâk den hin kulemgo. Luâk irekŋe hin dâmap, “Nâ Yuda yengât kembu.” dâmap hain kulemgo.” dâm hâwâli. ²² Hain dâm hâwâtbiâ hin makyenŋiep, “Den kulemgoân amâ emelâk kulemgoân are hainâk talâk.” dâep.

²³ Akto tembe lokone emelâk Yesu lâwinân kombiâ kindo himbân siâ siâŋe meanŋi. Akto kâmot katmâ potatbiâ kâmot imbât agep. Akto sângum luguak luguak gai meyi. Dâ amâ sângum are bo parut parutŋe hin ketuguyi. Egonba inŋon amâ bunewâk paruli. ²⁴ Haingât tembe lokone maganŋi goanŋi akmâ hin dâyi, “Ire amâ bo duwatberen. Sângum iregât kotnenŋe esenŋân ikinŋeâk ikinŋeâk kulemgom umbân pandenŋe gembo are mendenŋe ikinŋe kotŋe miawakberâp luâk arekŋe meakberâp.” dâyi. Hain akbiâ amâ benŋe Anutuŋe magep arekŋe bunŋe miawagep amâ hin,

“Yâkņe sâņgum siâ siâņe potatmâ mem-
bai akto kotyene katbiâ kotņe konok
miawakto yâkņe nâņgât sâņgum mem-
biap.”

Den are bunņe akto tembe lokonņe hain
agi.

²⁵ Akto Yesugât lâwin ginņân amâ Yesu
memeņe akto Yesu memeņaet gariņe are
akto Maria siâ Kelopa âmbenņe akto Maria
Madala gâtņe are hârok kili. ²⁶ Akto âmbâle
are hârok Yesugât lâwin ginņân kili. Yesu
memeņe akto okotņe dondâ nâņgâ aņep
are olop enemņân kinbela Yesuņe memeņe
magaņep, “Meņ, imâ gâņgât nange hinare
akmâ damunge akbiap.” dâep. ²⁷ Akto
luâk are hin magañep, “Gala, imâ memege
akmâ mando damunņe akben.” dâep. Akto
sop ain luâk arekņe Maria are emetņân ari
katmâ damunņe akmâ talep.

Yesu moep.

²⁸ Are bo akto Yesu hin nâņgâep, “Âi siâ
siâ unak bo aktâp. Bâin. Anutugât kulem
esenņe are âlepņe bunņe miawagâk.” dâm
kârikņe hin kolep, “Nâ tugât nâņgân.” dâep.
²⁹ Hain dâmbo umbâ siâ talep ain waiņ
ņasukņe pikmâ yiep. Akto ain kili arekņe
sâņgum siâ mem umbân waiņ higenņe
pikmâ yiep ain katbiâ giep. Gembo are
mem oloņmâ kâro kâlewân katmâ dâgâm
Yesugât launân kali. ³⁰ Katbiâ Yesuņe are
nem hin dâep, “Nâņgât âi hârok bo aktâp.”
dâm makmâ kâņgom moep.

³¹ Akto sop ain amâ hombanņ agatmânân
miawakbiap aregât siâ siâ heņgemgoyi.
Akto Yuda gâtņe are nâņgâm hombanņ
bâliwop dâm aregât hâkyeņe lâwinân sop
kâlep tatbâi dâm Pilato hin magañi, “Luâk
bâleņe are yengât keiyene ligimbiâ dowâk
mombiâ hâkyeņe pandenņe agatmâ hom-
banņ are âlepņe akbiap. Hombanņ bâliwopgât
makmenâ tembe lokolupgande keiyene
kom liginet.” dâyi. ³² Hain dâmbiâ âlepņe
dâmbo tembe lokolupņande gutmâ luâk
lâuwâ Yesu olop yetkuyi are yetgât keiyetņe
kom ligimbiâ dowâk moyiat. ³³ Akto Yesu
amâ ekbiâ emelâk moep aregât keiņe bo
kom ligiyi. ³⁴ Dâ tembe loko siâņe soņ
soņņe gasomņân ewumbo dowâk arewa
gilâm akto tu sopalep. ³⁵ Siâ me siâ are

dewunņe bunņande egep yâkņe makmâ
miawakto bundâk miawaktâp. Akto ye
den ire oyanbai amâ den amâ bunņe
dâm biwiyene Yesugâlân katbaigât magep.
³⁶ Amâ Anutunņe makto luâk siâ kulemgoep
amâ hin, “Nâņgât hoņ bawa aregât hagitņe
siâ bo kom ligiwai.” dâm kulemgoep den
are bunņe akto keiņe bo kom ligiyi. ³⁷ Amâ
Anutunņe makto luâk siâņe hin kulemgoep,
“Nâņgât hoņ bawa ewumbiâ mombiap
yâkgât hâkņe tâņâk ekbai.” are kulemgoep.

Yesu hangoyi.

³⁸ Are bo akto Yosepe Arimataia gâtņe
Yesugât hoņ bawa are yengât hutyenân
gâtņe arekņe yonâk togoep. Amâ Yuda
luâk yengât hamep akmâ han biwiyene
Yesugâlân kalep aregât keiņe heambugep
yâkņe Yesugât hâkņe memberâm Pilato
magaņdo, “Âlepņe mem lokom ari.” dâep.
³⁹ Dâmbo Nikodemo ulikņân hândâgân
Yesugâlân togoep arekņe Yesugât hâkņe
hambuwopgât dâm siâ siâ mem togoep
amâ umatņe dondâ amâ luâk lâuwâ
lokowatgât dopņe hainare mem togoep.
⁴⁰ Akto lâuwâ arekņe Yesugât hâkņe mem
sâņgumân katmâ siâ siâ hambuwopgât
are olop dâgâyat. Imâ Yuda luâk âmbâle
areyengât pat meyiat.

⁴¹ Yesu lâwinân koyi aregât ginņân amâ
kalam siâ tatâp. Akto kalam are amâ
kât dâpņe irakņe ain hâņgeiņe luâk siâ bo
hangoyi. ⁴² Amâ agatmâ hombanņ sopņe
tâlâguâk akto sum ewumâkgât sum are
ginņân tatmap ain kaliat.

20

Yesuņe momoņânba agalep.

¹ Akto Sonda ulik gulikgât sowân ain
Maria Madala gâtņe arekņe sumângen
hândâktâk dondâ togoep. Akto hândâk
dâgâmâk yendo kât are sum dâtņân bo
talep are egep. ² Ekmâ benņe purik
katmâ Petoro akto luâk Yesuņe nâņgaņmap
yâk yetgâlân togom miawak yetkim hin
makyetkiep, “Humogât hâkņe sumânba
mem ariâi. Mem arim amâ yâgâten katâi
nâ bo nâņgân.” dâep. ³ Hain dâmbo
kepia hepunmâ sumângen pârigim ariyat.
⁴ Dâ amâ galane Petoro ewangim yâkņe

son ariep. ⁵ Sum dâpñân gutmâ kinmâ katmâ kângom sângumñeâk yendo egep. Dâ kâlegen âmâ bo âgâep. ⁶ Akto Petoro âmâ haminân togoep yâkñe ewangim kât kâlegen âgâep. Âgâm sângumñandeak konok yiep are egep. ⁷ Akto sângum siâ egep arekñe amâ Yesugât kautñe katipkoep sângum are amâ sângum bikñe are olop bo talep. Sângum are ligim siângen kato talep arekñe siângen talep. ⁸ Bâin, galañe ulik gulik pârigim sumân togoep areâkâ hainâk kâlegen âgâep. Akto are ekmâ âmâ Yesu nângañep. ⁹ Dâ ulikñân amâ Anutune makto kulemgoyi are âmâ bo nângâm heñgemgoyiat. Amâ Yesu amâ momoñânba agatbiap bo nângâm ¹⁰ yâk purik katmâ kepiangen ariyat.

Yesune Maria Madala kepian gâtñe miawaganep.

¹¹ Akto Mariane togom sum are hâkñângen kinmâ indem kilep. Indemâk kinmâ kângom kât kâlegen egep. ¹² Egeine añelo lâuwâ tatbela yelegep amâ sângum kau kau luguagiat arekñe ulikñân Yesugât hâkñe yiep haingen taliat. Siâñe âmâ kautñângen dâ siâñe amâ keiñaet gewâkñângen taliat. ¹³ Tatbela yelekto Maria magañiat, “Barat, wangât indeât?” dâmbela hin dâep, “Siânbañe nângât Humonaet hâkñe mem lokom ariâi. Are yâgâten katâi are bo nângân.” dâep. ¹⁴ Hain dâm makmâ purik kaleine Yesu kindo egep. Dâ âmâ bo ekmâ nângañep. ¹⁵ Yesune magañmâ, “Barat, wangât indeât? Gâ niñaet kulâgâtât?” dâmba âmâ Mariane luâk ire âmâ kalam amboñe dâm hin magañep, “Apo, gâñe Yesugât hâkñe mem arim siângen katât aregât makniñmenâ ain arim hâkñe are lokom ariwerân.” dâep. ¹⁶ Hain dâm purik katmâ kindo Yesune, “Maria.” dâmba purik katmâ ekmâ hin magañep, “Raboni.” dâep amâ den purikñe amâ Tiksa. ¹⁷ Dâmba magañep, “Gâ pañâk bo menek. Nâ egon boâk âgân. Apogâlae boâk ariân. Gârâmâ gâ arim galalupne hin makyenjiwen, “Yesune hin makniñdâp, Nâ egon âgâm nâ Ewene akto ye eweyene yâkgâlae âgâwian. Akto yengât damun akto nângât damun yâkgâlae âgâwian.” hain dâp

dâm makyenjiwen.” dâep. ¹⁸ Hain dâmba ariep. Arim Aposolo makyenjim hin dâep, “Nâñe emelâk Humo ektân.” dâm Yesune den magañep are makyenjiep.

Aposololupñande Yesu egi.

¹⁹ Sonda ulik gulik aregât hilâm are dewutâ ge kulukberâm agep. Ain hon bawalupñe Yuda yengât hamep agi aregât emet kâlegenâk hâñgi tigim tali. Ainâk Yesune togom hutyeñân kilep. Kinmâ hin makyenjiep, “Bo hamep akñet. Kambiamyene yeukñe talâk.” dâep. ²⁰ Hain dâm bânñe akto gasomñe hekatyenjiep. Hekatyengimbo ekmâ kambiamyene herone agep. ²¹ Akto Yesune lâuwâñe hin makyenjiep, “Kambiamyene yeukñe talâk. Apone emelâk hungun niñdo geân. Hain akmâ nâkâ ye hainâk hungunyengire ariwai.” dâm he dâmba ²² heakñe biwiyenân gembo hin dâm makyenjiep, “Ye Anutugât Heak âlepñande gem kautyeñân mendo wâtñân kinmâ ²³ luâk bikñe yengât dosa makmâ pulimbiâ âmâ bo akyenjiwiâp. Dâ bo makmâ pulimbiâ âmâ tatyenjiwiap.” dâep. ²⁴ Yesune Aposolo yâk yengâlai togoep sop ain âmâ Aposolo siâ kotñe amâ Toma kotñe siâ Didimo yâkñe konok bo talep. ²⁵ Gârâmâ galalupñe Aposolo bikñande magañi, “Nen Humo emelâk ekten.” hain dâm magañbiâ Tomane hin makyenjiep, “Bo. Nunak koyi gewâkñe are bânñân ekberân me bânñande ire gewâkñân howaiwerân me bânñe ire ewuyiângen ain howaim âmâ nângañberân.” dâep.

²⁶ Haminân hilâm 8 are bo akto Yesugât Aposololupñe emet are kâlegen lâuwâñe tali. Akto Toma âmâ olop tali. Akto hâñgi âmâ hârok tigim tatbiâ ainâk Yesune togom hutyeñân kilep. Kinmâ hin dâep, “Kambiamyene yeukñe talâk.” dâep. ²⁷ Hain dâm makyenjim purik katmâ Toma magañmâ hin dâep, “Gut. Bâtge bânñân in katmenâ gulâk. Akto bânñe ek. Akto bânñe are gasomne ewunegi ire kâlegen katmenâ geâk. Gembo âmâ aregât han lâuwâ gaetñe bo akmâ biwige nângâlân katben.” dâep.

²⁸ Hain dâmba hin magañep, “Gâ Humone akto gâ Anutune.” dâmba ²⁹ magañep, “Gâ nekmânâk nâ nângâ niñdât

me? Luâk âmbâleŋe bo nekmâ yân nângâ niŋbai arekŋe amâ kambiamyene herone humo akbai.” dâep.

³⁰ Yesuŋe kulem keiŋe aŋgâ aŋgâ hârok dewun nennân dondâ miep. Akto are hârok iren bo kulemgoân. Bikŋeâk kulemgoân. ³¹ Dâ ire amâ emelâk kulemgoân. Imâ Yesu amâ Anutugât nanŋe huŋgun aŋdo giep aregât keiŋe nângâŋetgât kulemgoân. Dâ yeŋe ire oyaŋmâ Yesugât keiŋe nângâm heŋgemgom nâŋgaŋmâ amâ âlepŋe biwiyene yâkgâlân katbiâ manman âlepŋe miawak yeŋgiâkgât akto dosayene bo agâkgât yu kulemgoân.

21

Yesuŋe aposolo haruâŋgen miawak yeŋgiep.

¹ Benŋe are hamiŋân Yesuŋe Aposolo bikŋe are Galilaia bâtgum ginŋân manbiâ miawak yeŋgiep. Amâ luâk ire, ² Simon akto Toma kotŋe siâ Didimo akto Natanae amâ Galilaia hânân talep Kana kepia ain gâtŋe. Akto luâk lâuwâ Sebedaiogât nanlogâtŋe akto Yesugât Aposolo lâuwâ siâ olop tali. ³ Akto Petoroŋe hin makyenŋiep, “Nâ gem iŋan oloŋberân.” dâambo âkâ, “Nen olowâk arine.” dâm arim waŋgan âgâyi. Dâ amâ hândâk ain iŋangât âi humo mem amâ iŋan bo meyi. ⁴ Akto dewutâ gawerâm akto ain Yesu haru dâtŋân togo kilep. Dâ amâ Aposolo Yesuŋe kilep amâ bo ekmâ nâŋgaŋi. ⁵ Yesuŋe hin makyenŋiep, “Galama, ye iŋan bikŋe siâ mendâi me?” dâambo hin maganŋi, “Bo.” dâmbiâ ⁶ hin makyenŋiep, “Bâin, ŋalu ŋaluyene are waŋga aregât gasomŋe bâtŋe bungen hin panbiâ gembo iŋan bikŋe ain meyekŋet.” dâambo ŋalu ŋalu panbiâ giep. Gembo ŋalu ŋalu kâlegen iŋan unduwâk pigi aregât oloŋbiâ umatŋe agep. ⁷ Akto Yesuŋe okotŋe dondâ nâŋgaŋmap arekŋe Petoro maganŋmâ hin dâep, “Imâ Humo nenŋe.” dâambo Petoroŋe nângâm amâ emelâk mâronŋe âi ketuguepgât oloŋmâ kalep are mem luguakmâ gem peniaŋberâm iŋgon tu kâlegen sopalep. ⁸ Akto Aposolo bikŋande waŋga siâ mem togoyi. Togom ŋalu ŋaluân iŋan pikmâ yiep are tân yeŋgum oloŋmâ amâ waŋga are haru ginŋâŋgenâk talep

aregât ŋalu ŋalu tu kâlegen talâk dâm oloŋmâ tu ginŋân âgâm kili.

⁹ Hain âgâm kâlâp siâ om yendo egi. Akto kâlâwân are iŋan siâ akto sot siâ kindo egi. ¹⁰ Ekbiâ amâ Yesuŋe hin makyenŋiep, “Iŋan uŋak mendâi are bikŋe mem gaŋet.” ¹¹ Hain dâambo Petoroŋe bam iŋan ŋalu ŋaluân are mem oloŋmâ ginŋâŋgen gulep. Akto ŋalu ŋalu are kâlegen iŋan humomo yeyi are yeŋgât oyaŋyegi amâ 153 hain are egi. Dâ ŋalu ŋalu are amâ bo hâre agep. ¹² Ain kinbiâ Yesuŋe hin makyenŋiep, “Yekâ gutmâ sot ire mem nenŋet.” dâep. Dâ amâ Humoyene aregât nângâm bo aikoyi, “Gâ niŋe?” ¹³ bo aikombiâ gârâmâ Yesuŋe sot mem yeŋgiep. Akto iŋan gai olowâk mem yeŋgimbo neyi. ¹⁴ Amâ Yesuŋe sumânba agatmâ miawakyeŋgimbo âlâwuŋe are akto Aposoloŋe egi.

Yesuŋe Petoro sop âlâwu aikoeŋe.

¹⁵ Sot nem metem tatmâ Petoro hin maganŋep, “Simon Yohanegât nanŋe. Gâŋe amâ luâk ire ewangiyekmâ nângât okot âlep akmat me gain?” dâep. Hain dâambo hin dâep, “Âo, Humo, gâ nângât are nâmâ gala akŋiŋman.” dâep. Hain dâambo hin dâep, “Gâ nângât kâmot damunyene akben.” dâep. ¹⁶ Hain dâm lâuwâŋe aikoeŋe, “Simon, Yohanegât nanŋe, gâ nângât okot âlep akmat me bo?” dâambo, “Âo. Humo, gâ nângât. Nâ gâŋgât gala akman.” dâambo hin dâep, “Gâ nângât kâmot damunyene akben.” dâep. ¹⁷ Hain dâm âlâwuŋe hin aikoeŋe, “Simon, Yohanegât nanŋe, gâmâ nângât gala me gain?” dâambo âlâwuŋe aikoeŋgât nângâmbo umatŋe akto maganŋmâ hin dâep, “Humo, gâŋe amâ siâ siâ hârok nângât. Nâmâ gâŋgât galage.” dâambo maganŋep, “Gâ nângât kâmot damunyene akben. ¹⁸ Akto wan miawak giŋbiap aregât makŋiŋbe. Ulikŋân sigan talen sop ain egâliŋgaet ariwerâm amâ sâŋgum luguakmâ ain ariminen. Dâ hâmbâi sâmbâ akbialân sop ain amâ yân kinmenâ gasalupgande keige dâgâm mendugum menŋekmâ ain bo ariwian dâm makbiat ain menŋekmâ ariwai.” dâep. ¹⁹ Amâ Yesuŋe hin aregât maganŋep. Hâmbâi luâk siâŋe Petoro mem oloŋmâ kondo mombiap

sop ain Anutugât kotje humo sambelem ariwiap. Haingât Yesu je dopkom den ire maganej. Hain akmâ Petoro maganej, “Gâ gam haminângen watnek.” dâep. ²⁰ Petoro je purik dâm Yesu je okotje nângâ anmap arekne watyelekmâ togombo egep. Akto yâk uliknân Yesugât Aposololupje olop konogân tatmâ sot neyi sop ain Yesugât enemjânâk tatmâ hin maganej, “Humo, niñande hâmbâi gasalupge kewugu yekberâp?” dâep. ²¹ Akto Petoro je yâk ekmâ Yesu hin maganej, “Humo, luâk ire amâ gain gain?” dâmbo ²² Yesu je maganej, “Yâk mandoân nâ purikatbian aregât yâkgât wangât maktât? Gâ yân gam watnek.” dâep. ²³ Hain dâmbo den are Kembangât kâmot yengâlân hanâk ariep, “Yohane amâ bo mombiap.” dâep. Dâ Yesu je, “Yohane bo mombiap.” bo magep. Amâ, “Yânâk tatoâk nâ purik katmâ togowian me bo amâ gângât pat bo aregât wangât maktât?” dâep.

²⁴ Akto yu kulengoân ire hârok egân amâ den bunje akto nen amâ hainâk, “Den kulengoân ire amâ bunjeâk hârok.” dâyion. ²⁵ Akto siâ siâ ire hârok Yesu je agewâk. Dâ luâkne Yesu je wan ketuguep are kulemgowerâm amâ ai humo membiâ dâp bo tatyengiwoj. Akto nâje hin nângân. Kulemgombiâ dâine hân ire hârok amâ kulem esenne iregât dopje bo tatbop. Hain.

Aposolo Yengât Den Pat

Yesuŋe Aposololupŋe den makyengim himbimân âgâep.

¹ O galane Teopilo, nâ emelâk den kulengo giŋân are âmâ Yesuŋe hin dâm luâk âmbâle makyengim makmâ malep aregât den pat hârogâk makgiŋmâ meteân. ² Aregât keiŋe âmâ hin. Anutugât Heakŋande Yesu tângombo âi keiŋe katmâ arim Aposolo luâk are mem oloŋyekmâ lauŋe bâiŋe makyengim himbimân âgâwerâm agep. Aregât den pat kulemgom meteân. ³ Akto aregât nengât akmâ hâk hilâlâm nâŋgâm mondo sumân katbiâ golâ akmâ momoŋânba agatmâ mando hilâm 40 akto ain miawak yengim Anutuŋe damuŋeŋe akbiap aregât keiŋe makyengim mando ekmâ nâŋgâyi. ⁴ Akto mendugum yâk olop tatmâ manbiâ den hin dâm makyengiep, “Yerusalem kepia hinŋe dowâk bo hepunbi. Ulikŋân hin makyengiân. Ewende ikeŋe Heakŋe are huŋgunanŋo gewiapgât manbiâ gem tân yengumbo ariwi. ⁵ Luâk kotŋe Yohane yâkŋe tu mem puliyegep. Hain akto sop kâlep bo akto Anutuŋe ikeŋe Heakŋe are huŋgun anŋo gem meme akyengiwiap.” Yesuŋe hain dâep.

⁶ Akto hilâm siân Aposololupŋe mendugum mali ain hin dâm aikoyi, “Humonenŋe, ulikŋân bâgilupnenŋande kepiane kepiane damun akyengimini hainâk gâŋe hain akŋet dâm hinŋe maknengimenâ miawakbiap me siân dâmenâ miawakbiap?” dâyi. ⁷ Hain dâmbiâ hin makyengiep, “Are miawakbiapgât sopŋe ye bo nâŋgâi. Ewende nâŋgâm miawagâk dâmba ain miawakbiap. ⁸ Hin konok makyengire nâŋgâŋet. Anutugât Heakŋande gem kârikŋe akyengimbo âmâ nâŋgât den âlepŋe makyengiwaigât dop akbiap. Akto Yerusalem kepia ain manmâ keiŋe katmâ nâŋgât pat sambelem biken biken arimbo nâŋgâm metembiâ Yudaia hânângen me Samaria hânângen makmâ arimbiâ nâŋgâmbiâ hân bâiŋângen ârândân akmâ ariwiâp.” ⁹ Hain dâm

makyengimbo ekmâ kinbiâ dewunyenân owâiŋe akmâ âgâep. Âgâmba hamandatŋe mem tigimbo undâgâli. ¹⁰ Undâgâtmâ himbimân tâŋâk ekmâ kinbiâ ainâk luâk lâuwâ mâronyetŋe kau golâ golâ arekŋe yâk yengâlân dowâk miawagiat. ¹¹ Miawakmâ hin dâm makyengiŋiat, “Galilaia hânân gâtŋe, ye wangât dewunyeŋe egon panmâ tâŋâk ekmâ kindâi? Yesuŋe hepunyekmâ himbimân âgâmba ektâi ina benŋe hainâk himbimângenba purik katmâ gewiap.” dâyi.

Aposolo purik katmâ ariyi areyengât kotyeŋe.

¹² Hain dâm hepunyekmâ arimbela Aposololupŋe Oliwa gimbanânba geyi. Akto Oliwa gimbanŋe amâ Yerusalem kepia ewumâk tatâp arewa purik katmâ ariyi. ¹³ Arim Yerusalem kepian âgâm emet tali ain âgâyi. Akto Aposolo mali are âmâ kotyeŋe hin, Petoro, Yohane, Yakobo, Anderea, Pilipo, Toma, Batolomaio, Yakobo siâ Alipaiogât nanŋe, Roma yengât hâkânŋe agi are yengâlân gâtŋe siâ kotŋe Simoŋ akto Mataio. Akto Yudas siâ Jakobogât nanŋe.

Ulikŋân Yudas bâlombo yâkgât gewâkŋân siâŋe kilâkgât Anutu ulilaŋi.

¹⁴ Aposololupŋe, Yesugât memene, emilupŋe akto âmbâle bikŋe menduguyekbiâ olop tatmâ biwi konok akmâ tatmâ Anutu den maganji. ¹⁵ Sop ain biwiyene Yesugâlân katmini are yengât galalupyene 120 arekŋe mendugum kinbiâ Petoroŋe tânâmyenân agatmâ kinmâ hin makyengiep, ¹⁶⁻¹⁷ “Galalupne, Yudasigât makyengire nâŋgâŋet. Yesugât hoŋ bawa kotŋe Yudas yâkŋe nen olop manmâ âi miep ina gasa ulik gulik akmâ hekat yengimbo Yesu meyi. Amâ Anutugât Heakŋe Dawidi den maganŋo den dâm kulemgop are bunŋe agep. ¹⁸ Akto Yudasine Yesu bâlene aganbiap aregât puli wanbiâ mem hamewakmâ palep. Hain akto kautŋande purik dâmba tepŋe okotŋe hârogâk hindakmâ hânân giep. ¹⁹ Hain akto Yerusalem kepia ambolupŋande puli are mem yâkgât pat are nâŋgâm metem âmâ hân aregât kotŋe Akedama dâm koli. Kot aregât purikŋe amâ, “Heŋaet hân”

are puligoyi. ²⁰ Akto Anutugât kepne siâ hin yendâp, “Luâk iregât emet hewukne akbiap. Akto luâk siâne togom yâkgât dumnân âi membiap.” akto Anutugât kepne siâ hin, “Luâk siâne yâkgât dumnân miawakmâ welamjân kinmâ yâkgât âi damunne akbiap.” ²¹ Aregât Yesu hut-nennân olowâk malion nengâlân gâtne siâ mem miawakberen. ²² Akto ulik gulik Yohanene âi keine katmâ tu puli yengiep are egion. Sop ainba Yesune maknengim manmâ himbimân âgâep are egion. Nengât hut nennânba luâk siâ mem miawakberen.” dâep.

²³ Petoroje hain dâm makyengimbo luâk lâuwâ mem miawakyelegi. Luâk siâ kotne Matia, akto siâ kotne Yosepe. Yosepegât kotne irakne Yusito akto kotne siâ Basaba dâm koli. ²⁴ Hain mem miawakyelekmâ hin dâm Anutu maganji, “O Kambu nenne, gâ luâk hârok yâk yengât biwiyene ekmâ nen hârok keinenne nângâmat aregât luâk lâuwâ yu kindat ire siâ me siâ gugak mem miawakmâ maknengimenâ ekberen. ²⁵ Yudasine Yesugât Aposolo malep ina âi are hepunmâ âmâ manman bâlenân ariep aregât yâkgât welamjân kinmâ âgâwiap yâkgât kotne maknengimenâ nângâne.” dâm ulilaji. ²⁶ Hain ulilanjâbiâ kulem esenne mem kotyetne lâuwâ lâuwâ kulemgoep. Kulem esenne lâuwâ kulemgom umbâ kâlegen kato giep. Gembo mem olonjo Matiagât kotne kulemgoep are miawagep. Mem miawakto benne Aposolo keiân konok yâk yengâlân dewatimbo keiân lâuwâ agi.

2

Anutugât Heakne arekne gem memeyene akyengiep.

¹ Hilâm kotne Pendekosi hombanj dâm koli sop are ewumâk akto luâk âmbâle biwiyene Yesugâlân kali yâk hârogâk emet siân âgâm menduguakmâ tali. ² Tatbiâ himbimânba mun humo siâ seru munne panmap mun hainâk dowâk sâsânâk giep. Gembo emelan tali luâk âmbâle are hârogâk nângâyi. ³ Akto yâk yengâlân wan siâ kâlâp ululunne hain arekne miawakmâ hogoakmâ kautyenân ârândân giep. ⁴ Hain

akto Anutugât Heaknande humo akmâ tânyengumbo denyene siâ siâ magi.

⁵ Hain agi sop ain Yuda luâk Anutugât den lokom bikenba bikenba mendugum mali are togom Yerusalem kepiân âgâm mali. ⁶ Ain manbiâ siâkâ denyenân denyenân makmâ manbiâ nângâyi. Are nângâm togom mendugum sân sân mem bâtyene dâtyenân igim kili. Hain akbiâ luâk âmbâle Yesugâlân biwiyene kali arekne siâkâ denyenân denyenân makmâ mali. ⁷ Akto are nângâm aregât biwiyene agato bâtyene dâtyenân igim hin dâyi, “Luâk den aktâi ire Galilaia hânân manmai ⁸ arekne gain gain akmâ nengât den hain are makbiâ nângâen? ⁹ Nen togom yu mendugum kinden ire nengât keinenne hin. Nen Pata hânân gâtne, Mede hânân gâtne, Elam hânân gâtne, Mesopotamia hânân gâtne, Yudaia hânân gâtne, Kapadokia hânân gâtne, Ponto hânân gâtne, Asia hânân gâtne, ¹⁰ Prigia hânân gâtne, Pampilia hânân gâtne, Aigita hânân gâtne, Afrika hânân gâtne, Kirene hânân gâtne, akto Roma kepiân gâtne. Nen kepia ya yengonden ain gâtne. ¹¹ Akto bikne Kreta ain gâtne akto Arabia hânân gâtne. Akto nen kepia ya yengonden are bikne kâlewângen akto bikne ewumâk nen ain gâtne. Nen âmâ bikne Anutugât den nanan nennânbak nângâyion akto bikne Yuda yengâlân dewatiyion hain arekne manden. Akto Anutu kulem siâ siâ âlepne akmap aregât nengât dennennân dennennân dâm maktâi are nângâen.” dâyi. ¹² Hain dâm nângâmbiâ dâtne akto kautyene gulip akto hin maganji goanji agi, “Iregât keine gain gain?” dâyi. ¹³ Hain dâmbiâ biknande Aposolo yekbiâ yânne akto girinyengim hin dâyi, “Luâk ire wain tu are nemiâ biwiyene gulip akto hain aktâi.” dâyi.

Petoroje agatmâ kulem agi aregât keine makyengiep.

¹⁴ Hain dâmbiâ Petoroje Aposololupne keiân konok are hutyenânba kinmâ den humo hin dâm makyengiep, “Galalupne, akto Yerusalem kepiân togom mandâi ye kulem iregât keine makyengire nângânet. ¹⁵ Yu nenektâi nen âmâ wain tu are bo nenden akto biwi bo gulip akten. Hinne

âmâ hândâktâgâk waij tu are bo nenden.
¹⁶ Nen yu aktenje nenektâi ire propete kotje Yoelenje kulem ire miawakbiapgât den ire kulemgoep are kârikje aktâp.

¹⁷ Anutuje hin dâep, “Hâmbâi humogât sop are tâlâgumbo âmâ nâje nunaet Heakne are hungun andere gem luâk hârok ârândân akyenjiwai. Hungun andere gembo âmâ luâk âmbâle biwiyenje nângâlân katmâ manbai arekne nângât den dâm makyenjiwai. Akto luâk wan siganlupyeje yengât biwiyenje purik âgâambo giwelân siâ me siâ ekbai. Akto luâk âmbâle sâmbâje asiñ yem âmâ giwet ekmâ nângâwai.

¹⁸ Akto sop ain nângât Heakjande nângât honj akto âi âmbâle ârândân meme akyenjimbo nângât den dâm maganjiwai. ¹⁹⁻²⁰ Akto Kembu togowiap aregât hamep hâwâlije humo sopje tâlâguwiap ain maktere âuren himbimânba kulem siâ siâ miawakbiap. Dewutâ golañe hândâk akbiap. Akto hândâkgât dewutâ arekne gilâm miawakbiap. Akto hânân hin miawakbiap. Kâlâp dâwokjande gilâm akmâ emet me hân hârok tigim om derewiap. ²¹ Sop ain luâk bikje Kotdâgât kotje konmai are âmâ Anutuje bo hilip yenguiwai.”

Petoroje Yesugât den ulikjân kulemgoyi aregât keije makyenjiep.

²² Israe luâk, den siâ makyengire nângâjet. Anutuje Yesu Nasarete kepian gâtje are ekto ârândân agepgât humo agaño hut yenân manmâ kulem keije keije mendo ekmâ nângâyi. Yesugât keije hain agâkgât Anutuje makmâ hâriep. ²³ Hain dâm hârembo wan me wan are agañi. Agañmâ luâk Anutu kotje bo konmai are yengimbiâ mem hâk hilâlâm wanmâ lâwinân kombiâ moep. ²⁴ Hâk hilâlâm nângâm mondo sumân kali. Dâ sumânâk tatbiapgât dopje bo agep aregât Anutuje nângaño golâ akmâ sumânba agalep. ²⁵ Akto aregât keije Dawidiñe kulemgoep are kârikje aktâp amâ hin,

“Nâje kotdâ bâte bungen tatmap yâk dewunnande ekmâ tatmâ mandân aregât bo hepun nekmap. Wan me

wan nângâre umatje akbopgât yâkne tân nugumap. Tân nugumbo kârikje akman. ²⁶ Aregât biwine âlepje akto gângât herone aktân. Akto kep kenju mendân. Akto siân agatbiangât biwine owâiâp. ²⁷ Dâ mombian âmâ momone yengât manmanân tatbomgât bo hepun nekbiat. Akto nâmâ gângât akmâ huragumangât aregât hâkne hagitne sumân tatmâ hambuwomgât menekmenâ agatbian aregât momogât bo hamep akman. ²⁸ Gârâmâ gâje manmangât dâp katniñen. Akto gâ olop manmâ kambiamne âlepje akto manmâ âgâman.” Den are Dawidiñe kulemgoep. ²⁹ Galalupne hakunenje kotje Dawidi miawagep yâkgât keije makyengire nângâjet. Yâk mondo hangoyi yâkgât sumje are ekmaen. Are ekmâ hin nângâmaen. Dawidi hambuep dâmaen aregât Dawidiñe ikinjet bo magep. Dawidi âmâ Propete luâk siâ mando Anutuje den kârikje maganjep aregât ³⁰ yâkne âmâ hin dâep, “Anutuje hakulupne yâk yengâlân gâtje siâ mem kato luâk kotdâ akmâ manmâ nângât dumnân kinbiapgât makmâ hâreniñep.” ³¹ Are nângâm kinmâ Anutuje hungunaño gewiap are momonânba agatbiap aregât hin dâm magep, “Nâ mondereân otnene sumânâk tato hâkne higenje akbopgât dâm menekto agatbian.” dâep. Dawidi hain magep. ³² Haingât Anutuje Yesu are mem agatmâ kindo Aposolo nenje egion. ³³ Anutuje Yesu mem agato ikinje bâte bungen âgâ kindo ewenande ikinje Heakje katmâ yâkgât nângâm den kârikje magep are miep. Hain akmâ benje hungun anjo gem tân nengumap aregât kulemje yu ektâi. ³⁴ Dawidi âmâ ikinje himbimân bo âgâep aregât hin dâep,

Anutu kotdâne nângât kotdâ hin dâm maganjep, “Gâ togo bâte bungen tatmenâ ³⁵ gasalupge mem ge katyektere tâliyekbiat.”

³⁶ Israe luâk âmbâle hârokje hain nângâmbiâ biwiyenje kau akbiap. Yene Yesu moâk dâm lâwinân kombiâ moep are

Anutuņe nanņe are mem agatmâ, “Kotdâ yeņe ak.” dâm damun nenņe kalep.” dâep.

Luâk âmbâle dondâņe biwiyenę Yesugât kali.

³⁷ Petoroņe den hain dâm makyenęimbo den arekņe biwiyenân ewumbo Aposolo bikņe hin aiyenęuyi, “Galalupnenņe wan aktenņe ârândâņ agâkgât maknenginjet.” dâyi. ³⁸ Hain dâmbiâ Petoroņe hin dâep, “Ye hanyenęe purikatmâ biwiyenę Yesugâlân katbiâ tu puliyektenņe bâleņeyenę bo akbiap. Bo akto Anutuņe wâtğât memenęe yenęimbo manbai. ³⁹ Akto Anutu Humonenņe arekņe ye akto nanlupyenęe akto hânņe hânņe manmâ ariâi are oloņyekbiap areyenęât den makmâ kalep.” ⁴⁰ Petoroņe hain makyenęim benņe dewatim hin makyenęiep, “Luâk yu mandâi imâ pâit pâitņe aregât yenęât hâu âmâ Anutuņe makto bâleņân manbai. Ye hain akyenęiwopğât hepunyekmâ biwiyenęe Yesugâlân katbiâ Anutuņe meyekbiap.” ⁴¹ Hain dâmbo sop ain luâk âmbâle 3,000 yâkņe Petorogât den are nânğâmbiâ humo akto are tu puli yenęimbiâ Yesugât kâmot are yenęâlân dewatiyi.

Biwiyenęe Yesugâlân kali arekņe mendugum biwi konok akmâ mali.

⁴² Hain akbiâ aregât Aposoloņe Yesugât keiņe makyenęim potatmâ yenęimbiâ nânğâm kârikņe akmâ mali. Hain akmâ biwi konok manmâ Anutugât kotņe konmâ sot mendugum katmâ Yesugât pat nelâm nengiwop dâm nem heronęe akmini. Heronęe akmâ Anutu ulilanęmini. ⁴³ Hain akbiâ Aposoloņe kulem keiņe keiņe kenuņmâ mali are luâk âmbâle hârokņe ekmâ hamep akmâ sân sân meyi. ⁴⁴ Akto biwiyenęe Yesugâlân kaliņe biwi konok akmâ manmâ yeņæt puli me wan me wan hârok mem mendugum kâmot konogân katmâ mali. ⁴⁵ Akto bikņande wan me wan hârogâk are bo gangerâmbiâ siâņe puligombiâ puli are potatmâ galalupyenęe yân manmâ puligât umburuk agi are bikņe potatmâ yenęiyi. ⁴⁶ Hilâm ain sumbe emetņân âgâm biwi konogâk akmâ mendugum den maganęi goanęi akmâ mali. Akto sot bikņe emetyenân âgâm âmâ menduguakmâ nem

mali. Akto ain kambiamyenęe heronęe akto Anutu âlepņe dâm kotņe konmâ mali. ⁴⁷ Hain akbiâ luâk hârokņe yekmâ heronęe agi. Akto Humonęe hilâmņe hilâmņe luâk âmbâle bikņe memenęe akyenęimbo biwiyenęe Yesugâlân katmâ manmâ Yesugât kâmolân dewatiyi.

3

Petoroņe luâk keiņe bâliep siâ ekmâ mem henęemgoep.

¹ Hilâm siân enęainęe akto Anutugât kotņe konminigât sopņe ain Petoro akto Yohaneņe sumbe emetņân âgâwerâm agiat. ² Hain akbela âmâ luâk siâ memenęæt tepņânbak keiņe bâleņe miawagep luâk are galalupņande sumbe emetņæt hânęi siâ kotņe âlep âlepņe dâmini ain katbiâ talep. Katbiâ tatmâ hilâmņe hilâmņe luâk sumbe emetņân âgâm gemini are puli siâ siâ ekmâ egâlianęmâ aregât ulityenęim tatminep. ³ Hain akmâ mando Petoro akto Yohane yâkņe sumbe emetņân are âgâmbela yelemekmâ âmâ wan me wan siâ niņlet dâm aregât ulityetkiep. ⁴ Ulityetkimbo ekmâ âmâ Petoroņe hin dâep, “Gâ net nelek.” dâmbo ⁵ luâk keiņe bâliep arekņe puli siâ siâ niņberâm aktat dâm biwiņe heronęe akto enem dewunyetņân yelegep. ⁶ Yelekto Petoroņe hin dâm maganęep, “Sikum siâ siâ me puli me ito are bo tatniņdâp gârâmâ konok tatniņmap are giņberângât maktere nânğâ. Yesu Anutuņe huņgun aņdo giep Nasarete kepijan gâtņe, yâkgât kârikņân makgiņbe. Agatmâ bam ari.” dâep. ⁷ Hain dâm bânņe bungen mem agalep. Mem agato ainâk keiņe âlepņe akto bin bin kinmâ agatmâ sopanmâ agatmâ sopanmâ agep. Hain akmâ Anutu nânęanęep. ⁸ Hain akmâ agatmâ kindo yâk olowâk sumbe emetņân âgâyi. Âgâm luâk arekņe heronęe akmâ agatmâ sopanmâ agatmâ sopanmâ bam gutmâ Anutugât kotņe mem agalep. ⁹ Hain akto luâk âmbâle hârokņe yâk bam gutmâ Anutu mepainęe miiep are egi. ¹⁰ Ekmâ hin dâyi, “Sumbe emetņân luâk keiņe bâle bâleņe tatmap ina bin bin kindâp. Luâk are ulikņân bo arim togominep. Sumbe emetņæt hânęiân kotņe âlep âlep dâmini ain tatmâ puli me

sikumgât ulitnengim tato ekminion are ina hinne âlepne akmâ bin bin kindâp.” dâm nângâmbiâ bimbiâk agep. Bimbiâk akto gain gain aktâp dâm âmâ nângâm bâtyene dâtyenân igiyi. ¹¹ Akto luâk arekne Petoro akto Yohane yetgâlân dewatim meyelektto hetakne siâ kotne Salomo ain kinbiâ hârogâk ekmâ biwiyene agato aregât maganji goanji akmâ kili.

Petoroŋe Yesugât keiŋe makyenŋiep.

¹² Hain akbiâ Petoroŋe yekmâ hin dâm makyenŋiep, “Israe luâk, ye wangât luâk ire ekmâ bâtyene dâtyenân igim kindâi? Yu miawaktâp ire netŋaet kârikŋân bo mem âlepne ketuguet. Akto netŋaet nângâ nângân bo. Bo kârikne aregât wangât net tâŋâk nelektâi? ¹³ Keiŋe hin tatâp. Abraham, Isaka, Yakobo yâk yengât Anutu akto nengât hakulupnenne yengât Anutu, yâkne hoŋ bawaŋe Yesu ekmâ yâkgât kotne mem agatŋet dâm yâkgât kulem are luâk iregâlân mem miawakto kindo ektâi. Yeŋe Yesu are hâkâŋe akmâ Anutugât kotne bo konmai yengâlân kali. Katbiâ Pilatoŋe, “Yesu huŋgun aŋdere yânŋâŋen geâk.” dâmbo âmâ yeŋe kârikne akmâ, “Borâen. Luâk aregât hâkâŋ akten.” hain dâyi. ¹⁴ Akto Yesuŋe bâleŋe siâ bo akminep are ina hâkâŋe akmâ kuk aŋaŋi. Akto luâk koko kotne Baraba yâkgât ukenne nângâmbiâ Pilatoŋe wato hâkŋâŋen gembo yâkgât dumŋân Yesu are koyi. ¹⁵ Hain akmâ luâk âmbâle yeŋe manman kârikne aregât amboŋe ina koyi. Kombiâ mondo hangombiâ âmâ Anutuŋe momoŋânba mem agato kinmâ mando egion. ¹⁶ Luâk irekne âlepne aktâp aregât keiŋe makyenŋire nângâŋet. Yesu yâkgât kolân dâetne Yesuŋe meme aŋaŋdo biwiŋe yâkgâlân hikom âlepne aktâp. Âlepne akto ektâi.

¹⁷ Akto galalupne nâ hin nângân. Ye akto humomolupyenande Yesugât keiŋe pâpkom aregât hain aŋaŋi. ¹⁸ Akto emelâk Anutuŋe Yesugât den hin dâm Propetelupne yengât biwiyenân kato kulemgoyi are kârikne agep. Den are âmâ hin. Anutuŋe huŋgunanŋdo gewiap arekne hâk hilâlâm nângâm mombiap. ¹⁹ Hain akto benne Anutuŋe dosayeŋe puli

yeŋgimbo bo agâkgât biwiyene hulaŋ akmâ Anutugâlâŋen arimbo agak memeyene bâleŋe are hepunmâ manbai. ²⁰ Hain akbiâ Kambu Yesu yâk olowâk manmâ Anutugât kârikŋân kinbiâ âmâ Humoŋe memeŋe akyenŋimbo biwiyenân ârândâŋ akbiap. Akto hâmbâi Yesuŋe damunyene akbiap aregât huŋgun aŋdo gewiap. ²¹ Uŋak âmâ Kambu Yesu yâk himbimân mandâp. Anutuŋe propetelupne den biwiyenân kato kulemgoyi are bunne agâk dâm wan me wan are heŋgemgom mem hulaŋ nenekbiap. Aregât sop tâlâguwiap ain Yesu purik katmâ lâuwâŋe gewiap. ²² Aregât Moseŋe Israegât kâmot den hin dâm makyenŋiep, “Kambu Anutuŋe galalupyene yengât hutyenân propete luâk siâ nâ hinare mem miawakto arekne den makyenŋimbo are bo hepunmâ âmâ nângâmâk manbi. ²³ Gârâmâ siâŋe yâkgât denne are hâkâŋ akbiap are âmâ yeŋe mem siâŋen katmâ watbiâ hâkŋâŋen gem manbiap.”

²⁴ Are Mose ikinak akbiapgât bo magep. Propete luâk hârok Samue malep sop ainba kulemgom gayi benne hinne âkâ den areâk makmâ kulemgoyi. ²⁵ Akto Anutuŋe propete mali yâk yengât makmâ katyenŋiep. Are nengât pat agep. Akto Anutu yâk olop den akbiâ biwiyene kepik agep. Aregât bunne hainâk nengât agep. Haingât Anutuŋe Abraham hin maganep, “Siân gâŋgât kâmot sambelem ariwai areyengâlân gâtne konok arekne luâk âmbâle hân biken biken manbai are hârok tân yeŋgumbo herone akbai.” dâep. ²⁶ Den aregât bunne miawak nengimbo Anutuŋe Yesu Anutu ikinne hoŋ bawa manmâ bâleŋaet dâp are hepunŋetgât huŋgunanŋdo Israe luâk âmbâle nen soŋ mem oloŋnenekberâm giep.” dâep. Petoroŋe hain dâep.

4

Petoro akto Yohane kala busi kâlegen katyelegi.

¹ Petoro akto Yohane yâkne den hain dâm makyenŋim kinbela sumbe kat kat luâk akto tembe loko yengât humomolupyene akto luâk kâmot siâ kotyene Sadukaio arekne yâk yetgâlân togoyi. ² Togombiâ den

makyenjim kinmâ Yesu are momonânba agalep hainâk nenâkâ agatbaen dâm aregât den âlepne makyenjim bela are nângâm hin dâyi, “Are bo agakne” dâm nângâmbiâ bâlimbo ³ aregât emet engaine agepgât hole aknerâm meyelekmâ arim kala busi kâlegen katyelekbiâ yeyiat. ⁴ Akto Petoro den potatmâ yengimbo nângâyi are yengâlân gâtne oyanje 5,000 arekne nângâm agatmâ Kembangât kâmot yâk yengâlân dewatim mali.

Petoro Israe yengât humomolupyene makyengiep.

⁵ Emet haundo Israe yengât humomolupyene akto sumbe emetnaet damun akto Mosegât den kârikne makmâ kepigi yâkne Yerusalem kepien âgâm ⁶ sumbe kat kat yengât luâk kautne kotne Anasi akto laumatne kotne Kaipa akto galalogâtne Yohane siâ akto Alesande akto kâmotlupyene olowâk den emetnân âgâm menduguyi. ⁷ Mendugum tatmâ Aposolo lâuwâ are yetgât dâmbiâ meyelekmâ gambiâ den âiân katyelegi. Hain akmâ aiyetkum hin dâyi, “Niñande kârikne yetkimbo uran kulem are membela egion? Akto niñaet kotne konmâ kinmâ hain agiat?” dâyi. ⁸ Hain dâmbiâ Anutugât Heakñande Petoro kârikne wando kinmâ hin dâm makyengiep, “Israe, nengât humomolupnenne hin dâre nângânet. ⁹ Netne luâk keine bâliep are magandetne âlepne agep aregât yene hin dâm ainetkuâi, “Niñande kârikne yetkimbo mem kinmâ luâk are hengemgoyiat.” dâi, ¹⁰ aregât keine hin dâm makyengire yene nângâm Israe luâk hârok ari makyengiwi. Akto aregât keine hin. Anutuñe hungun añep Nasarete kepien gâtne kotne Yesu are lâwinân kombiâ moep. Mondo Anutuñe momonânba mem agalep are golâk mandâp yâkgât kârikñân kinmâ dâetne luâk keine bâliep arekne âlepne agep are dewunnennân yu kindâp ire. ¹¹ Akto Dawidiñe Yesugât nângâm den siâ hin dâm kulemgoep are kârikne agep,

“Emet kenunmai arekne kun kun ire bâleñe dâm hepuli arekne agatmâ kun kun kârikne akmâ kindâp.”

dop hainâk yene âmâ emet kenunmai hainâk akmâ Yesu ina bâleñe dâm hepuli. ¹² Ire nângânet. Luâk siâne kârikne nengimbo himbimân âgâwaengât dopne bo tatâp. Bo kârikne. Anutuñe Yesu nengât dâm hungunando giep yâkne ikinje wâtne nengimbo bâli bâligât pat boân manmaen.” dâep.

Israe yengât humomolupyene Aposolo makmâ hâreyetkiyi.

¹³ Hain dâmbiâ ain kili arekne Petoro akto Yohane yâk luâk yânne nângâ nângâgât emetnân bo maliat aregât bo hamep akmâ den kârikne magiat are nângâmbiâ dâtne akto hin dâyi, “O luâk ire âmâ Yesu olop mali.” hain dâyi. ¹⁴ Akto luâk âlepne agep are yâk yetgât hutyetnân kindo ekmâ hin dâyi, “Den hâuñe gain gain makne?” dâm yân kili. ¹⁵ Hain akmâ aregât hungun yetkimbiâ emet kâlegenba betgen ge kinbela yâk yetgât hin dâm maganji goanji agi, ¹⁶ “Nen luâk lâuwâ ire gain gain akyetkine? Yâkne makbela kulem humo miawakto luâk ire âlepne agep. Akto aregât den pat Yerusalem kepia ambolupñande emelâk nângâm meteâi aregât gain gain akne? Denne bo agâkgât dop bo tatnengiâp? ¹⁷ Akto den arekne sambelembo kepiene kepiene nângâm metewâigât Yesugât kotne lâuwâne bo konbiandatgât kârikne makyetkiwren.” dâyi. ¹⁸ Hain dâm kinmâ gaet dâm yetkonbiâ âgâmbela hin dâm makyetkiyi, “Yetne Yesugât kotne bo konmâ yâkgât keine lâuwâne bo makyengiwiadat.” ¹⁹ Hain dâmbiâ Petoro akto Yohane yâkne hin dâm makyengiñiat, “Yeneak nângânet. Netne Anutugât den are hepunmâ yengât den lokom kindetne Anutuñe nângâmbo bo ârândâñ akbiap. Aregât yengât den bo lokoweret. ²⁰ Net Yesuñe âi mem hekat netkimbo ekmâ nângâiyot are yene makmâ hâre netkiwaigât dop bo tatâp.” dâyi. ²¹ Hain dâmbela yâkne wârakmâ den kârikne lâuwâne makyetkim benne yenaet hin dâm maganjiyi, “Luâk âmbâle kâmot humo arekne ²² luâk âlepne agep are kopa akmâ manmâ gambo hombañ 40 agep aregât nângâmbiâ humo agep aregât nenñe

gain gain akmâ hâre yetkiweren?" dâm nângâmbiâ umatnje akto hepuli.

Biwiyeje Yesugâlân kali arekne hamep akbâen dâm Anutu ulilaŋi.

²³ Petoro akto Yohane yâkne arewa gam galalupyetne yengâlân arim sumbe kat kat luâk yengât humomolupyene akto Israe yengât humomolupyene yâkne den makyetkiyi aregât den pat are hârok makyengiyat. ²⁴ Makyengimbela nângâm biwiyeje herone akto nângâ nângâ mendugum Anutugât kotne mem agatmâ hin dâyi, "Kembu Humo, himbim hân haru akto hângât wan me wan keiŋe keiŋe kalen aregât amboŋe gâ. ²⁵ Gângât Heakgande hakunenŋe Dawidi gângât den lokom malep yâkgât biwiŋân kato Dawidiŋe Anutugât hin dâep,

"Anutugâlân biwiyeje bo katmaine Anutu ewangim kinmâ yâk mem ge katbaigât dop bo tatâp aregât wangât gasa aganđâi? ²⁶ Akto hânân luâk kembu akto humomolupyene yâkne menduguakmâ hin dâmai, "Anutu kembu yâkne damunyeŋe ak dâm huŋganaŋdo giep are gasa aganđâm siângen katne." hain dâmai."

²⁷ Dawidiŋe den hain dâep aregât bunne miawakto Herote akto Pilato kotne siâ Ponto yâkne galalupne akto Israe luâk bikne yâk olop kepia ain mendugum maganŋi goanŋi agi aregât âmâ damun nenŋe akberâm aregât nange hoŋ bawage âlepne are huŋganaŋmenâ giep yâkgât hâkân akmâ wan me wan bâleŋe aganberâm menduguyi. ²⁸ Are âmâ yeŋe hanyenâet bo agi. Gâŋe emelâk nângâm kalen are miawakbiap dâmenâ miawagep. ²⁹ Kepia iregât ambolupnande den kârikne maknengimbiâ hamep akbâengât den are nângâm nen hoŋ bawalupge kârikne aknengimenâ denge makberâm hamep bo akbaen. ³⁰ Akto nange Yesu hoŋ bawage âlepne yâkgât wâtŋân kinmâ luâk kundatdâ âlepne akbiâ kulem keiŋe keiŋe miawagâkgât tân nenguwen." ³¹ Hain dâm ulilaŋbiâ emet mendugum tali are duwuŋ agep. Hain akto Anutugât Heakne arekne kârikne akyenŋimbo hamep hepunmâ arim

Anutugât den are owâiŋeâk makyenŋim mali.

Yesugâlân biwiyeje kali yâk han biwi konok akmâ mali.

³² Hain akmâ sop ain sikum me puli me wan me wan tatyengiep aregât, "Ire nângât are gângât." hain bo dâm konogâk mendugum katbiâ tânyenguep. Biwiyeje Yesugâlân katmini arekne biwiyeje konogâk akto nângâ nângâyeŋe konok akto agak memeyeŋe konogâk akmini. ³³ Akto Aposolo yâkne Yesu Humo momoŋânba agalep aregât den pat âlepne are makyengimbiâ kârikne akto hamep bâlâk makyenŋim mali. Hain akmâ manbiâ Anutune damunyeŋe akto luâk âmbâle hârokne herone akyenŋiyi. ³⁴ Akto hutyeŋân siâŋe umburuk me mop bo mali. Akto hân me kalamân gâtne me emet me kotne siâ siâ are luâk bikne togombiâ are yeŋiyi. Yeŋgimbiâ aregât hâuŋe puliyenŋimbiâ puli are kâmot humo yâk yengât pat Aposolo yengâlân katbiâ talep. ³⁵ Akto luâk bikne puli me kotne siâ siâ umburuk manbiâ arewa mem potatmâ yâk yeŋiyi. ³⁶ Hain akmâ manbiâ hutyeŋân luâk siâ kotne Yosepe are malep. Akto Aposoloŋe yâkgât kotne irakne Banaba dâm koli. Kot aregât purikne amâ hin, "Luâk siâ wan me wanŋe hâknân âgâmbo dowâk tângomap." Akto yâk âmâ Lewigât kâmolân gâtne kepia siâ haru tânâmŋân talep kotne Kipiro ain gâtne. ³⁷ Akto luâk arekne ikeŋe hân are luâk siâ wanđo puligombo puli are mem aposolo yengâlân togom ârândânâk katmâ metiep.

5

Anania akto Sapira yâkne Anutu hianŋiat.

¹ Akto luâk siâ malep kotne Anania akto âmbenŋe kotne Sapira yâkne maganŋi goanŋi akmâ hân yetne are puligât yeŋgimbela hângât puli me sikum donđâ yetkimbiâ kalakbela tatyetkiep. ² Akto bikne âmâ mem netne dâtâŋe dâm katbela tato luâknande bikneâk mem arim Aposolo yengâlân katmâ, "Hârok mem togoân." dâm heyengiep. ³ Hain dâmbo Petoroŋe hin maganŋep, "Anania gain gain akmâ Niambiŋe biwige mem gulip ketugumbo Anutugât Heakne hianŋmâ hân gaet puliŋe are bikne

mem heambuktât? ⁴ Akto hânyetne bo yengiyat sop ain âmâ yetjaet tatyetkiep. Gârâmâ yengimbela puli yetkimbiâ puli are hanyetjaet ukenne waliat amâ ârândânâk yiep. Akto puli ire netneâk hârok dâm togombela umatne aktâp. Aregât gâne luâk henengiât are bâliâp amâ Anutu hianjât amâ dondâ bâliâp.” dâep. ⁵⁻⁶ Hain dâmbo Ananiae den are nângâm ainâk kuŋ kârur ge yiep. Ge mom yendo luâk sigan ain mali arekne sângumne katipkom lokom arim hangoyi. Akto Anania moep aregât den pat nângâyi arekne hamep agi.

⁷ Akto sop ainâk âmbenjande luâkjaet pat bo nângâm pâlâmne togoep. ⁸ Togombo Petoroŋe hin dâm aikoep, “Hânyetjaet puline luâkge hârogâk mem togoâp me?” dâmbo hin dâep, “Âo, are hârogâk mem togoâp.” dâep. ⁹ Hain dâmbo Petoroŋe hin aikoep, “Wangât yet biwi konok akmâ Humogât Heakne are hianjat aregât luâkge mondo lokom arim hangoaigât togom betgen ya kindâi. Arekneak gâ betgen kat gekberâi.” dâep. ¹⁰ Hain dâmbo ainâk keine pindiŋ âgâmbu ge mom yiep. Akto luâk siganne luâkne lokom arim hangoyi arekne emet kâlegen âgâm momoŋe are lokom arim luâkjaet sum ginŋânâk hangoyi. ¹¹ Akto luâk bikne Yesugâlân dewatiyi arekne patyetne are nângâm hamep humo agi.

Aposoloŋe kulem keine keine ketugumbiâ egi.

¹² Akto sop ain Aposoloŋe luâk âmbâle hutyenân manmâ kulem keine keine membiâ egi. Akto Yesugât kâmot yâkne sumbe emetjaet sombeim humo siâ kotne Salomo ain âgâm biwi konok akmâ hilâmne hilâmne mendugum Anutu manjanmâ den agi. ¹³ Menduguakbiâ luâk bikjande nângâm aregât hamep akmâ are yengâlân bo togoyi. ¹⁴ Dâ luâk âmbâle bikjande biwiyene Yesugâlân katmâ Yesugât kâmolân dewatiyi. ¹⁵ Akto Aposoloŋe kulem keine keine akbiâ aregât galalupyene kundatdâ are tem dâgâm katmâ lokoakmâ arim dâwân katyegi. Katyekmâ hin dâyi, “Petoroŋe togombo âmâ otneŋande galalupnenne yendâi ire lonŋaiyekto âlepne

akberâi.” dâyi. ¹⁶ Hain dâm Yerusalem kepia ewumâk ewumâk ainba galalupyene kundat agi me sinduk baniara bâlenjande meme akyengimini are kewuguyekmâ Aposolo yengâlân togombiâ kundatdâ akto sinduk baniara bâlenjande meme akyengimini are watyekbiâ âlepne agi.

Anutugât aneloŋe kala busi kâlegenba Aposolo kewuguyekto hâkŋânŋen gem ariyi.

¹⁷ Akto Aposoloŋe kulem keine keine meyi are nângâm Anutugât sumbe kat kat luâk areyengât humoyene akto galalupne Sadukaio kâmolân gâtne arekne nângâm Aposolo yengât kot agato nengât kotnenne gewop dâm aregât biwiyene bâlimbo humoyenande kinmâ hin dâep, ¹⁸ “Aposolo are meyekmâ kala busi kâlegen katyeknet.” dâmbo mem kala busi kâlegen katyegi. ¹⁹ Katyekbiâ hândâk akto âmâ yembiâ hândâgân Humogât anelo siâne hânŋi hindâm kâlegen âgâm kewugu yekmâ ge betgen katyekmâ hin makyengiep, ²⁰ “Ye sumbe emetnân âgâm luâk hârokne manman âlepne aregât den pat makyengim kinbi.” ²¹ Hain dâmbo emet haunŋo sumbe emetnân âgâm Yesugât den makyengim kili.

Akto Anutugât sumbe kat kat areyengât humo arekne galalupne olonyekto den emetnân âgâyi. Âgâmbiâ tembe loko hin makyengiep, “Kala busi kâlegen uran katyegi are olon yekbiâ ganet.” dâep. ²² Hain dâmbo sopanmâ gem kala busi kâlegen âgâm undâgât yengimbâ bo akto purik katmâ gam hin dâyi, ²³ “Nen arim kala busi emetne kâlegen are âgâm ektenne hânŋi tigiŋi are hainâk hârok kârikneâk kindâp akto hânŋi ârândân tembe lokone ariwârâm kinbiâ yekten. Akto Aposolo meyekberâm arim hânŋi hindâm âgâm undâgât yengienne bo aktâp.” dâyi. ²⁴ Den hain dâmbiâ Anutugât sumbe kat kat areyengât humomolupyene akto tembe loko yengât kautne arekne nângâm hin dâyi, “Are bo agakne, aregât wan miawakberâp.” hain dâyi. ²⁵ Hain dâmbiâ ainâk luâk siâne togom hin makyengiep “Nângâi. Luâk kala busi kâlegen katyegi ina arim sumbe emetnân âgâm den makyengim

kindâi.”²⁶ dâmbô sumbe emetjaet tembe loko arekne arim luâk âmbâle kâmot humo arekne nenguwâirâm aregât hamep akmâ yeuknân Aposolo are hin me hain bo akyengim yeuknân meyekmâ purik katmâ den emetjân âgâyi.

Aposoloje luâk humomoje menduguyiân âgâm hamep bâlâk kinmâ den makyengiwi.

²⁷ Âgâm dewunyenân katyekbiâ kinbiâ âmâ sumbe kat kat luâk are yengât den emetjaet humo arekne hin makyengiep,²⁸ “Uran Yesugât keiye bo makyengiwi dâm den kârikne makyengiwi ion ina yeje yâkgât den are makyengimbiâ Yerusalem kepiân mandâi hârokne nângâyi. Akto yeje nengât Yesu kombiâ moep aregât dosa nengâlân katnengiwerâm aktâi.” dâyi.²⁹ Hain dâmbiâ Peto ro akto Aposolo bikne yâkne den kaknân hin makyengiwi, “Nenje luâkgât den lokom âmâ Anutugât den hâkân akmâ manbaengât amâ bo ârândân akbiap.³⁰ Yeje dâmbiâ Yesu lâwinân kombiâ mondo hangombiâ hakulupnennaet damunyeje Anutu arekne momonânba mem agato mandâp.³¹ Akto yâkne Israe luâk nenje biwinenye yâkgâlân katenne dosanenye hepun nengiwiapgât Anutu je mem agato himbimân âgâm Anutugât bâtne bungen mandâp.³² Akto luâk âmbâleje biwiyenye Yesugâlân katmâ Anutugât den lokomâi yâk yengât dâm Anutu je Heakne are hungunan do nengâlân dewatim Yesugât keiye maknengim tân nengumbo olowâk manmâ Yesu je wan me wan akmâ miep are ekmâ nângâyion aregât keiye makyengim manden.” dâyi.³³ Hain dâm makyengimbiâ nângâm biwiyenye bâlimbo Aposolo are yenguwerâm agi.

Parisaio luâk siâne agatmâ kinmâ galalupne hanyenye mem giep.

³⁴ Yenguwerân akbiâ Parisaio yengâlân gâtne luâk siâ luâk âmbâle hârokne ekmâ luâk âlepne dâmini are kotne Gamalie yâkne hutyenânba agatmâ kilep. Agatmâ kinmâ, “Aposolo are yogan betgen ge kinjet.” dâep.³⁵ Hain dâmbô meyekmâ betgen gembiâ galalupne are hin makyengiep, “Israe gâtne, ye luâk ire gain gain yengiwerâi?

Ye siâ me siâ akyengiwerâm âmâ nângâm hengemgom kinmâ akyengimbiâ ârândân akbiâp.³⁶ Uliknân luâk siâ kotne Teuda yâkne, “Nâne luâk kembu aktân.” dâmbô luâk 400 akmâ yâkgâlân dewatiyi. Hain akbiâ tembe loko je humo akbop dâm kombiâ mondo galalupne are awam akmâ ariyi. Akto yâkgât âi are yân gem bo agep.³⁷ Akto aregât haminân kiapne luâk âmbâle oyanenye nângâwerâm oyan ye kto sop ain luâk siâ Galilaia hânân gâtne kotne Yudasi yâkne iki je kotne mem agato luâk biknande yâkgâlân dewatiyi. Akto areâkâ hainâk kombiâ mondo luâklupne are hârok yengum watyekbiâ hanâk hanâk awam akmâ ariyi.³⁸ Aregât den hin makyengire nângânet. Yeje aposolo are hepunyekbiâ arim manjet. Manmâ yejeak nângâm âmâ siâ me siâ akbiâ âmâ bo akbiâp.³⁹ Dâ Anutu je tânyengumbo âi are memai akto âmâ yeje gain gain akmâ hilip yenguwai? Dâ hilip yenguwai âmâ Anutu gasa aganbai.” dâep.

⁴⁰ Hain dâm makyengimbo nângâmbiâ ârândân akto Aposolo ganjet dâmbiâ meyekmâ hutyenân âgâmbiâ tâk dâtâ dâtâne ore yegi. Ore yekmâ pat âlepne are bo makyengiwi dâm makmâ hâreyengim watyegi.⁴¹ Watyekbiâ arim Yesugât pat âlepne are makyengimbiâ aregât hâune tâk dâtâ dâtâne arekne ore yegi aregât Anutu je ekto ârândân akto nângâm biwiyenye âlepne agep.⁴² Hain akto hilâmne hilâmne sumbe emetjân akto luâk âmbâle yengât emelan âgâm Anutu je Yesu hungun an do giep aregât pat âlepne den makyengim mali.

6

Luâk nâmbulân lâuwâ meyekmâ Aposolo âi tânyengunjet dâm yengiwi.

¹ Sop aregât kaknân luâk âmbâle dondâne biwiyenye Yesugâlân katmâ yâkgât kâmolân dewatimbiâ dondâ agi. Dondâ akmâ yâk yengât sikum siâ siâyene mem konogân katbiâ tatyengiep ainba mem potatmâ yengim mali. Hain akmâ manbiâ Girik den nângâmai areyengât hutyenân umatne siâ miawagep. Amâ hin. Puli damunjan de Yuda yâk yengât kambut yengim âmâ Girik yâk yengât bo yengimbiâ Girik luâkne

ekbiâ ârândân bo akto nângâm bâliani. ² Hain dâmbiâ aregât Aposolo keiân lâuwâ arekne Yesugât kâmolân dewatiyi are hârok mem menduguyekmâ hin makyengi, “Nenne sot me kotne siâ siâ ire mem potatmâ yengim manmâ aregât Anutugât den ire hepundenne ârândân bo akbiap. ³ Aregât Anutugât Heaknande tân yengumbo kâmot arewa luâk bân biken lâuwâ nângâ nângâye olop are mem katyekbiâ nenne âi yengienne sot me kotne siâ siâ are yâkne potatmâ yengiwai. ⁴ Yâkne hain akbiâ benne nenneak âmâ Yesugât keine makyengim Anutu olop maganji goanji akmâ manbaen.” dâyi. ⁵ Den hain dâmbiâ dondâ kili arekne nângâmbiâ ârândân agep. Akto luâk mem miawakyegi are yengât kotyene hin. Stepano, yâk biwine hanne hârok Yesugâlân katmâ malep. Hain akmâ mando Anutugât Heaknande tângombo malep. Akto Pilipo, Porokoro, Nikano, Timon, Pamena, akto Nikolao. Nikolao âmâ Antiokia kepiân gâtne uliknân Yuda luâk yengâlân dewatim Anutu nângâ anmâ malep. ⁶ Luâk are mem miawakyekbiâ Aposolo olop mendugum tatbiâ kautyenân mem âmâ Anutu maganmâ mem kârikne ketuguyegi.

⁷ Akto Yerusalem kepiân Anutugât den pat are makyengim arimbiâ luâk âmbâle dondâne sambelem biwiye Yesugât katmâ yâk yengâlân dewatim ariyi. Akto sumbe kat kat luâk yengât humomo mali are yengâlân gâtne dondâne denyene are nângâm hainâk biwiye Yesugât kali.

Stepano meyi.

⁸ Stepanone luâk âmbâle gala akyengim mando Anutune ekto ârândân akto tângombo kulem keine keine ketugumbo egi. ⁹ Akto ainâk Yuda gâtne biknande Stepanogât den mem ge katberâm Stepano olop den maganji goanji agi. Are âmâ nângâmbiâ âgâep yâk yengât den emetnân mendugum mali yâk yengâlân biken biken gâtne amâ hin, bikne Kirene hânân gâtne akto bikne Alesandria kepiân gâtne arekne mendugum tali, aregât biknande kot konmâ hin dâmini, “Wan siâne bo dâgâ nenekmap.” dâmini. Luâk hainare akto Yuda luâk Kilikia kepiân gâtne bikne akto

bikne Asia hânân gâtne arekne mendugum kinmâ Stepanogât den mem ge katberâm âi humo meyi. ¹⁰ Hain akmâ maganji goanji akmâ tatbiâ Anutugât Heaknande Stepano tângoep aregât gain gain akmâ den hâune maganne dâm umaleyi. ¹¹ Hain akmâ âmâ den halowân luâk bikne makyengimbiâ luâk arekne miawakmâ kinmâ hianjim hin dâyi, “Stepanone Mosegât den kârikne akto Anutugât kot pat are makmâ hilip-kombo nângâyion.” dâyi. ¹² Hain dâm hanân gege akbiâ Israe yengât humomolupyene akto Mosegât den kârikne kepikmâ makyengi are akto kepia ambolupne yengât humomolupyene yengât hanyenân gembâ biwiye kâlâp akto kuk agi. Hain akmâ gam Stepano are mem den emetnân âgâm luâk dondâ kili areyengât hutyenân katbiâ kilep. ¹³ Ain katbiâ kindo uliknân galalupyene hanyenân gege agi are yengonbiâ Stepanogât hianjim hin dâyi, “Luâk irekne nengât sumbe emetne aregât bane dâm Mosegât den kârikne are hepunmâ manmap. ¹⁴ Akto hin dâmbo nângâyion, “Yesu Nasarete kepiân gâtne arekne nengât sumbe emetne are mem patakomo Moseje den kârikne makmâ nengiep are akto agak memenenne are mem bâliwiap.” dâmbo nângâyion.” dâm hianjim hain dâyi. ¹⁵ Den hianjim hain dâmbiâ luâk âmbâle ain mendugum kili arekne Stepanogât enem dewunnân ekbiâ anjelo yengât pagalene hainare agep.

7

Stepanone Israe yengât bâgilupyenjet keiyene makyengiep.

¹ Akto Anutugât sumbe kat kat luâk areyengât humoyene arekne Stepano hin aikoe, “Den maktâi are bundâk me hianjiâi?” dâmbo ² Stepanone agatmâ kinmâ hin dâep, “Humomolupne akto galalupne makyengire nângâjet. Hakunenne kotne Abrahamne Haran kepiân bo arim âmâ Mesopotamia hânân mando Anutu pagalene olop manmapne miawaganmâ hin dâm maganep, ³ “Gâne hânge tâmbâne akto ginbailupge me galalupge hepunyekmâ nâne hân siâ hekat ginbian ainâk arim manben.” ⁴ Hain

dâmbo den are nângâm Kairia hânje are hepunmâ Harañ kepien arim malep. Ain mando eweje mondo âmâ Anutuñe hin magañep, “Hân ire hepunmâ siân arim manbiat.” dâmbo hân nenje yu taten iren togo malep. ⁵ Iren togo malep amâ Anutuñe sop ain bo wañdo âmâ bunewâk bo miep. Yogan mendo Anutuñe siân Abrahamgât kâmot in manbai dâm makmâ hâriep. Amâ Abraham gupin mandoân Anutuñe hain magañep. ⁶ Akto Anutuñe den siâ hin magañep, “Kâmotlupge hân siângen arim ain manmâ hoñ bawa akmâ yân manbiâ hân aregât ambolupñande umatñe keñe keñe akyengim manbiâ hombañ 400 hain bo akbiap. ⁷ Hoñ bawa akyengim manbiâ hâk hilâlâm yengiwai aregât dosa yengire hân ambolupñande bâgilupge watyekbiâ âmâ hân in togom manmâ nângât den lokom kotne mem agatmâ manbai.” Anutuñe hain dâep. ⁸ Anutuñe Abraham ikinjaet kâmotlupñe hâkyeñe gâi gâi akmâ mem manbaigât magañep. Akto manmâ âgâm âgâm Abraham nanñe Isaka miawakto hilâm bât biken âlâwu bo akto eweñande hâkñe gâianep. Akto Isaka manmâ humo akmâ nanñe kotñe Yakobo miep. Akto haminân Yakoboñe hakulupnenñe keiân lâuwâ meyegep.

⁹ Akto teulupñande Yosepe yâkgât hâkân akmâ mem siâ siâ mângim puligât yengimbiâ puli yengim emiyene are mem Aigita hânângen ariyi. Akto Aigita hânân mando Anutuñe ain tângom heñgemgoep. ¹⁰ Tângombo wan me wan umatñe miawagañdo âmâ Anutuñe tângombo Yosepeñe herone kakñân malep. Hain mando Anutuñe kârikñe wañdo nângâ nângâñe humo akto aregât Aigita yengât luâk humo kotñe Parao yâkñe ekmâ luâk âlepñe dâm âi wañep. Âi wañmâ ikinje emetñe me Aigita hân ambolupñe are damunyeñe agâkgât magep. Hain dâm âi wañmâ hutyeñân kato damunyeñe akmâ malep. ¹¹ Mando Aigita akto Kanañ hân ain mop humo miawakto sot bo agep. Hain akto sot bo akto mombêrâm agi. ¹² Hain akmâ manbiâ Aigita hânân sot yendâp dâmbiâ Yakoboñe nângâm nanlupñe huñgunyengimbo aregen

ariyi. ¹³ Arim puligom togom nem manbiâ bo akto benñe lâuwâñe huñgunyengimbo arimbiâ Yosepeñe teulupñe yekmâ ikinjaet pat makmâ miawakyengiep. Makyengimbo Paraogâlân arimbiâ keiyene hârok nângâep. ¹⁴ Akto Yosepeñe den kato arimbo eweñe Yakoboñe ginbailupñe luâk âmbâle 75 meyekto Aigita hânân ariyi. ¹⁵ Arimbiâ âmâ manmâ manmâ Yakobo moep. Mondo ainba nanlupñe âkâ hainâk manmâ mom meteyi. ¹⁶ Hain akbiâ hanyengumbiâ hakulupyene hagityene are mem hakuyene Abrahamñe Sikem kepien gâtñe luâk siâ kotñe Hemo yâkgât nanlupñe yengâlân hân puligoep ain hagityene are mem arim hanyenguyi.

¹⁷ Akto bâgilupnenñe Aigita hânân sambelem manmâ dondâ akmâ mali. Hain akmâ manbiâ Anutuñe Abraham den magañep are kârikñe agâkgât sop are tâlâguep. ¹⁸ Akto Aigita yengât luâk humo siâ miawagep arekñe Yosepegât pat bo nângâep. ¹⁹ Akto luâk humo arekñe bâgilupnenñe mem ge katyekberâm aregât hâk hilâlâm yengiep. Hâk hilâlâm yengim hin dâep, “Sambelewâi dâm nanlupyene miawakbiâ mem ge hâkñângen panyekñet.” dâmbo mem yengumbiâ moyi. ²⁰ Sop ain âmbâle siâñe nanañ kotñe Mose are miep. Mezdo Anutuñe Mose ekmâ nanañ âlepñe dâep. Mose hain miawakto eweñande emetñân yonâk mem tato dewutâ âlâwu bo akto mem ge hâkñângen kato yiep. ²¹ Akto Parao baratñande nanañ are ekmâ mem nângât nanne dâm damunñe akmâ malep. ²² Mando getek kaulem Paraogât luâklupñe nângâ nângâñe olop are yengât hutyeñân kulem emetñân âgâmbo nângâ nângâ potatmâ wañbiâ nângâ nângâñe humo akto agak memene me den makmakñe me nângâ nângâñe humo agep. ²³ Hain akmâ manmâ hombañe 40 bo akto âmâ hin nângâep, “Galalupne Israe luâk are gain gain akmâ mandâi aregât arim yekbe.” dâep. Hain nângâm kambiamñe owâine akto ariep. ²⁴ Arimbo Aigita gâtñe luâk siâñe Israe luâk siâ kondo ekmâ galañe are tângom Aigita luâk are kondo moep. ²⁵ Kondo mondo hin nângâep, “Galalupñande iregât pat nângâm Anutuñe

tânnugumbo hâmbâi gasalupnenne hilip yenguwiangât nângâwai.” dâm nângâep. Dâ galalupnande âmâ hain bo nângâyî. ²⁶ Luâk are kondo mondo emet haundo lâuwâne arimbo Israe luâk lâuwâ akmâ agum tabela mem potatyelekmâ hin makyetkiep, “Yet âmâ gala konokne wangât akmâ gasa kalaktat?” ²⁷ Hain dâmbo bugâ keije katmâ galane koep arekne Mose hâkokom âmâ hin maganep, “Gâ netgât kiap me? Niñande damunnenne akben dâm kat gegep? ²⁸ Uran Aigita luâk siâ koen hainâk nâ nuguwerâm aktât me?” ²⁹ Hain dâmbo Mose den are nângâm hamep akmâ heambukmâ Midian hânângen arim lombo tatmâ malep. Manmâ âmbâle mendo nanan luâk lâuwâ meyelegep.

³⁰ Manmâ gambo homban 40 siâkâ bo akto arewa hân are hepunmâ hân tunje boângen Sinai gimbâne aregât keijnân arimbo Anutugât anjelo siâne lâwin keije siân kâlâp ululunne om kilep ain miawakmâ kindo egep. ³¹ Ekmâ Mose sân sân mem âmâ ekmâ hengemgowerâm ginjân âgâ kindo Humone den hin maganep, ³² “Nâ hakulupge Abraham akto Isaka akto Yakobo yâk yengât Anutu.” dâep. Hain dâmbo Mose den are nângâm sân sân mem ongâne hogombo hamep akmâ ekbom dâm dewunne hânângen panmâ kângom kilep. ³³ Hain akmâ kindo Humone hin dâm maganep, “Nâne yu kindân iregât hân tâliât ire amâ kâmbokne. Gârâmâ gâne kei pekege are olojmâ pan. ³⁴ Akto ire nângâ. Kâmotlupge Aigita hânân manbiâ kepia ambolupnande bugâ yengum mem siâ siâ akyengim hâk hilâlâm yengim manmâ gambiâ yekman. Yekmâ indem tâgâiakyene nângâm bâin dâm geân gârâmâ gasalupyene hilip yenguwian. Akto gasalupyene yenguwian aregât gâ Aigita hânângen hungun ginjere ariwiat.” Anutune hain maganmâ hungunando ariep. ³⁵ Arim mando Israe luâk arekne Mosegât hâkân akmâ hin magani, “Niñande gâ kiap dâm kârikne ginjep.” dâyi. Dâ Anutune âmâ Mose Israe luâk damunyenne akmâ gasalupyene watyegâk dâm aregât anjelo hungun ando kâlâp ululunne kâlegen ge kinmâ âi are wanjep.

³⁶ Akto Anutune Mose hungun ando Aigita hânângen arim kulem keije keije ketugumbo egi. Akto arewa togom haru gilâm ain hâtikom arewa hân kamitjângen togom kulem keije keije kenunmâ gam manmâ kewuguyekto homban 40 agep. ³⁷ Akto Mose Israe luâk hin makyengiep, “Yengât hutyenânba Anutune propete luâk siâ nâ hinare mem miawakbiap.” ³⁸ Mose hain dâm bâgilupne olop hân kamitjângen tatmâ Sinai gimbânân âgâm anjelo arekne Anutugât manmangât den magando gem makyengiep. Amâ yâk yengâlâk bo. Gam gam yu manden nen maknengiwiapgât makyengiep. ³⁹ Mose bâgilupnenne makyengimbo denne are hâkân akmâ Mosegât den are hâkokom Aigita hânângen purik katberâm aregât ukenne humo agi. ⁴⁰ Hain akmâ Aron hin magani, “Gâ lâpio ketugum katmenâ arekne ulikjân akmâ kewugu nenekto ariwaen. Mose Aigita hânângenba kewugu nenekmâ togoep ina yâk gulip agep me gain gain agep nen bo nângâen.” dâyi. ⁴¹ Hain dâmbiâ bulimakao otnene siâ mângim kato tato wan me wan otnene aregât nângâmbiâ humo akminep aregât sumbe omberâm herone agi. ⁴² Hain akbiâ aregât Anutune hepun yekto biwiyene gulip akto dewutâ akto diâ are ekmâ hin dâyi, “Dewutâ diâ ire âmâ nengât Humonenne.” dâm ulityengiyi. Hain akbai aregât Anutune dâmbo propetene kulemgoyi aregât bikne hin tatâp,

Anutune hin dâep, Israe ambolupne ye hân kamitjângen manmâ sonjo bau gâim nângât bo, siâgât sumbe higenne om manbiâ homban 40 agep. ⁴³ Akto diâ aregât nângâm ulikjân lâpiologâtyene kotyetne Molok akto Rapan are yetgât emet kenunmâ katyelekmâ ain âgâm kot yetne mem agali. Hain akmâ aregât dosa akbiâ nângâm hân kotne Babilon ain katyekbian.

Israegât bâgilupnenjande Anutugât sumbe emetne mâronne ketugum hikoyi.

⁴⁴ Akto bâgilupnenjande Aigita hân are hepunmâ hân kamitjângen arim manbiâ Anutu yâkgât sumbe emetne mâronne

ketuguyi are tatmâ ariep aregât keiņe Mose magañep. Hain dâm magañdo ainâk mâron are mem gagaim lâuwâne kenunmâ kenunmâ âgâyi. ⁴⁵ Akto bâgilupnennande sumbe emetņe mâronņe ketugum âgâmbiâ Yosuaņe ulik gulik akmâ kewugu yekto Anutu bo nâņgâyi are yengât hânân togoyi. Togombiâ Anutuņe luâk gasalupņe are yengum watyekto âmâ bâgilupnennande hân are mem gangerâm âmâ Anutugât sumbe emetņe mâronņe kenunbiâ kinmâ âgâep sop ain Dawidi miawaganep. ⁴⁶ Miawaganđo âlepņe mando Anutuņe ekto ârândâņ akto âmâ Dawidiņe Anutugât sumbe emetņe humo kenunberâm akmâ aregât Anutu ulilaņep. ⁴⁷ Ulilađdo ikiņe nanņe siâ kotņe Salomo yâkņe Anutugât sumbe emetņe are kenunņuep. ⁴⁸ Hain gârâmâ Anutu Humo âlepņe dondâne luâk nenņe emet me opmân kenunmaen ain bo tatmâ manmap. Aregât Anutuņe dâmbo propete siâne hin kulengoep are tatâp,

⁴⁹ Kembuņe hin maktâp, “Himbim amâ tat tatne dâ hânņe amâ tâli tâline. Aregât emet gain hinare siâ mânginiņbiâ ârândâņ akbop? Me welam yeyene âlepņe yâten tatniņđo ârândâņ akbop? ⁵⁰ Nâ bânnde siâ me siâ hârok are bo mem mângiân mon?”

Anutuņe hain magañdo propete siâne kulengoep are tatâp.

Stepanonņe makyengim malep.

⁵¹ Ye hanyeņe kârikņe bâleņe. Biwi nâņgâ nâņgâyeņe bo kepigagep. Bâgilupnennande Anutugât Heakņe are hâkâņ akmâ mem hami pali. Hainâk akmâ yekâ are yengât agak meme are bo hepunmai.

⁵² Bâgilupnennande propete luâk hârogâk bâleņe akyengim hâk hilâlâm yengiyi. Akto Anutugât hoņ bawaņe miawakmâ luâk ârândâņ akyengim togom manbiap aregât propete luâkņe makmâ kulemgoyi yâk hârogâk yengum meteyi. Akto yâkgâlân Yesu miawagep ain hianņim den bâleņe makmâ kuk agañmâ lâwinân kombiâ moep.

⁵³ Akto Anutugât anjelolupņande yâkgât den kârikņe makyengimbiâ kulemgoyi are bo mem mandâi.” dâep.

⁵⁴ Stepanonņe den hain dâm makyengimbo Yuda luâk humomolupyeņande biwiyeņe

kâlâp akto kuk humo nâņgâm nekamyene kândiņ egep. ⁵⁵ Hain akbiâ Anutugât Heakņande tângombo himbimân dewunņe panmâ ekto Yesu Anutugât bânņe bungen ain kindo ekmâ Anutugât pagaleņe ekmâ hin dâep, ⁵⁶ “Nâņgâi. Himbim hâreakto luâk akmâ giep are Anutugât bânņe bungen kindo ektân.” ⁵⁷ Hain dâmbo den are nâņgâm bân dâm hârokņe watmâ mem kom hâkokom ariyi. ⁵⁸ Mem kepia ginņangen gem kâtņe koyi. Kâtņe komberâm akbiâ luâk sigan siâ kotņe Saulo yâkņe nâņgâ yengimbo âlepņe akto mâronyeņe kâkâlep are oloņmâ Saugogât enemņân katbiâ tato kâtņe Stepano kombiâ ⁵⁹ Yesu magañmâ hin dâep, “Kembu Yesu, otnene me.” ⁶⁰ Hain dâm pâwutņe ligim hânân ge tatmâ hin dâep, “Kembu, yu akniņđâi iregât hâuņe gâņe bo yengiwen.” dâep. Hain dâm ainâk moep.

8

Saulonņe Yesugât kâmot gasa akyengiep.

¹⁻³ Akto Anutugât den lokom mali arekņe Stepanogât hâkņe mem lokom indem biwi bâle nâņgâm sumângen lokom arim hangoyi. Akto sop ain Yerusalem kepia ambolupņe luâk âmbâle biwiyene Yesugâlân katmâ mali are yengât gasalupyeņande keiņe katmâ bâleņe keiņe keiņe yengim gasa akyengiyi. Hain akyengimbiâ âmâ Saulo yâkņe âmâ Yesugât kâmot are hilip yenguwêrâm undâgât yengim emetņe emetņe âgâm mem miawakye kmâ tembe loko makyengimbo mem oloņyekmâ arim kala busi emet kâlegen katyekbiâ tali. Hain akyengim hâk hilâlâm yengimbiâ aregât luâk âmbâle bikņe hamep akmâ gem heambukmâ Yudaia akto Samaria hânângen ariyi. Arim manbiâ aposolonņe konok Yerusalem kepien mali.

Piliponņe Samaria ambolupņe den pat âlepņe makyengiep.

⁴ Akto biwiyene Yesugâlân kali arekņe Yerusalem kepia hepunmâ awam akmâ kepiane kepiane manmâ Yesugât keiņe makyengim ariyi. ⁵ Hain akbiâ yâk yengâlân gâtņe luâk siâ kotņe Pilipo yâkņe Samaria luâk are yengât kepia

humo ain arim Anutuŋe Yesu huŋgun aŋdo giep aregât keiŋe makyenŋiep. ⁶ Makyenŋim kulem keiŋe keiŋe kenunŋdo luâk âmbâle dondâ ekmâ denŋe nâŋgâm mali. ⁷ Akto sinduk baniara bâleŋande kautyenŋân meyegi are watyekto kambonmâ hepun yekmâ arim meteyi. Hain akbiâ keiyenŋe kârigiep are mem heŋgem yenŋuep. ⁸ Heŋgem yenŋumbo kepia ambolupŋande Piliponŋe kulem keiŋe keiŋe miep are ekmâ biwiyenŋe âlepŋe agep.

⁹ Akto kepia ain luâk kâmbokŋe siâ malep kotŋe Simon arekŋe ikiŋe hâkŋe mem agatmâ bâleŋe sait keiŋe keiŋe mendo ekmâ ongâyeŋe hogom nâŋganŋbiâ humo akto mali. ¹⁰⁻¹¹ Akto luâk âmbâle gegeŋe âgâ âgâŋe hârokŋe yâkgât hin dâm mali, “Nâŋgâ nâŋgâŋe kârikŋe talaŋdâpŋât den nâŋgâwerâm kârikŋe aktâp.” dâyi. Hain dâmbiâ sait keiŋe keiŋe mem manmâ gaep aregât bâtyenŋe dâtyenŋân igim kinmâ biwiyenŋe yâkgâlân katmâ mali. Biwiyenŋe yâkgâlân katmâ, “Simon konok yâkŋe Anutugât kârikŋe mem miawakmap.” dâyi. ¹² Hain akmâ manbiâ âmâ Piliponŋe Anutuŋe damunyeŋe akberâm agep aregât akto Yesu huŋgun aŋdo gem malep aregât kot pat âlepŋe dâm makyenŋimbo are nâŋgâm mem manmâ biwiyenŋe Yesugâlân katmâ manbiâ tu puli yenŋiep. ¹³ Hain akbiâ Simon yâkŋe hainâk biwiŋe Yesugâlân katmâ mando tu puli aŋi. Hain akbiâ Simonŋe Pilipo peniaŋdo olowâk maliat. Manmâ Piliponŋe kulem keiŋe keiŋe ketugumbo Simonŋe sân sân mem ekto dâtŋe agep.

Petoro akto Yohanenŋe Samaria hânân ariyiat.

¹⁴ Akto Samaria kepia ambolupŋande Anutugât den are nâŋgâm lokom mali. Aregât pat are maganŋi goanŋi akbiâ Yerusalem kepien arimbo Aposolonŋe nâŋgâyi. Nâŋgâm Petoro akto Yohane huŋgun yetkimbiâ ariyiat. ¹⁵⁻¹⁷ Arimbela yâkŋe keiyenŋe hin makyetkiyi, “Emelâk biwinenŋe Yesugâlân katenŋe Piliponŋe Yesugât kolân tu puli nengiep.” dâyi. Hain dâmbiâ Petoro akto Yohanenŋe Anutugât Heakŋe yâk yenŋâlân bo giep aregât nâŋgâm kautyenŋân meyekmâ

Anutu ulilanŋiat. Kautyenŋân mem kinmâ ulilanŋela gem tân yenŋuep. ¹⁸ Akto Petoro akto Yohanenŋe kautyenŋân meyekbela Anutugât Heakŋande gem kârikŋe akyenŋimbo Simon are egep. ¹⁹ Ekmâ ukenŋe nâŋgâm aregât puli mem togom hin dâm makyenŋiep, “Nâŋe kautyenŋân hainâk mendere âmâ Anutugât Heakŋande gem kârikŋe akyenŋiwiapŋât puli ire yetkiwerân. Yetkire mem aregât hâuŋe nâŋgâ nâŋgâ niŋbela yetgât kârikŋe tatyetkimap are mendere kârikŋe niŋâk.” dâep. ²⁰ Hain dâmbo Petoronŋe hin maganŋep, “Anutuŋe ikiŋe Heakŋe huŋgun aŋdo gemap are gâŋe puligande puligowerâm aktât are bâliâp akto arekŋe hememgât pat miawakŋinŋâp. ²¹ Hain akmenâ bâlimbo Anutuŋe biwige ekto ârândânŋ bo aktâp aregât net bo penânetkiwiat. ²²⁻²³ Akto siâ makŋinŋdere nâŋgâ. Biwigaet keiŋe hin ekmâ nâŋgân. Netŋe kulem mendetŋe ulitnetkimenâ biwige bâliâp. Akto hainâk biwi bâle manmâ hain aregât ukenŋe nâŋgâm manmenâ biwige hândâk akmapŋât Anutuŋe dâmbo akmâ hilipkoât aregât dosa bo akŋinâkgât nâŋgâ nâŋgâ bâleŋe hepunmâ biwige Yesugâlân katmâ ulilanŋ.” ²⁴ Hain dâm maganŋdo Simonŋe hin dâm makyetkiep, “Hainare miawak niŋbopŋât Anutu ulilanŋlet.” dâep. ²⁵ Hain dâmbo âmâ Petoro akto Yohanenŋe purik katmâ arim âmâ kepienŋe kepienŋe Samaria hânân tatmâ ariep ain arim Yesugât den pat âlepŋe are makyenŋim ariyiat. Arim manmâ dâp ginŋe tete kepienŋe kepienŋe âgâm Yesugât den pat âlepŋe are makyenŋim makyenŋim Yerusalem kepien purik katmâ ariyiat.

Piliponŋe hân kamitŋânŋen ariep.

²⁶ Petoro akto Yohane Yerusalem kepien purik katmâ arim manbela sop ain Anutugât aŋelo siâŋe miawakmâ Pilipo hin dâm maganŋep, “Gâ ire hepunmâ dâp siâ ewangim gem dâp tu tânâk bo gemawân Yerusalem Gaya arimai dâp are watmâ ariwen.” ²⁷ Hain dâm maganŋdo Piliponŋe hân kamitŋânŋen ariep. Akto Aitiopia hânân âmbâle humo siâ malep kotŋe Kandake yâkgât puliŋaet damun akto âmbâle damun akminep yâkŋe Yerusalem kepien arim sumbe emetŋân âgâm Anutu

kotņe mem agalep. Mem agato bo akto hân tâmbânângen²⁸ purik katmâ ariwerâm akmâ âmâ ikinje bau luâk soko arekne hân waņgaņe siâ oloņep ain âgâm tatmâ kepia aregen purik katmâ ariep. Dâwân arim emelâk Anutuņe den dâmbo propete luâk siâ kotņe Yesaia yâkne kulengoep are oyaņep. Oyaņmâ arimbo Pilipoņe egep.²⁹ Ekto âmâ Anutugât Heakņande Pilipo hin magañep, “Woe, gâņe hân waņgaņe indâgenba togoâp ain arimenâ peniginâk.”³⁰ Hain dâmbo Pilipoņe dowâk arimbo luâk arekne emelâk Yesaiaņe Anutugât den are kulengoep are oyaņdo nâņgâm hin dâm aikoep, “Den ya oyaņdât aregât keiņe nâņgât me bo?” dâep.³¹ Hain dâmbo âmâ bau luâk soko are siâ siâ waņdo yeukne akmâ kindo hin magañep, “Luâk siâņe bo makniņdâpgât nâ nunak oyaņmâ keiņe nâņgâwerâņgât dâp bo tatâp, aregât gâņe hân waņgan âgâmenâ olowâk tatmâ âmâ keiņe makniņ.”³²⁻³³ Hain dâmbo hân waņgan âgâambo olowâk tatmâ ariyat. Akto emelâk Anutuņe den makto Yesaiaņe kulengoep are hin,

“Lama are kom gâiwerâmbiâ yân tatmap. Akto lama dumutņe hârembiâ âmâ pâlâmņe kinmap dop hainâk nâņgât hoņ bawa pâlâmņe yekmâ kindo den âiân katmâ ikinjaet pat âlepņe makyenģiwopgât dâp gisapkom kombiâ moep. Akto kombiâ mondo ainba kâmotlupņe biwiyenje yâkgâlân katmâ manbai yâk yenģât oyaņ yekbaigât dâp bo tatâp.”

³⁴ Akto luâk kotdâņe den are oyaņmâ aregât Pilipo hin aikoep, “Propete luâk arekne ikinjaet me siâgât kulengoep?” dâep.³⁵ Hain dâmbo Pilipoņe Yesaiaņe den kulengoep are oyaņmâ arewa Yesugât den pat âlepņe are magañdo tatmâ ariyat.³⁶ Arim tu siâ hâlânâmâ arimbela luâk kotdâ arekne hin dâm magañep, “Indâre ek. Tu tatâp. Nâ tu puli niņberâtģât nâņgân aregât gain aktere ârândâņ akberâp?” dâep.³⁷ Hain dâmbo hin dâm magañep, “Gâņe biwige Yesugâlân katmenâ âmâ âlepņe mem tu puli giņberân.” dâm magañdo hin dâep, “Yesu are âmâ Anutugât nanņe aregât biwine yâkgât emelâk katân.” dâep.

³⁸ Hain dâmbo âlepņe dâmbo aregât bau luâk soko are mem yeukne ketugumbo kindo Pilipo akto luâk kotdâ arekne hân waņganânba gem tuân geyiat. Gem âmâ Pilipoņe tu puli aņep.³⁹ Puli aņdo tuânba gambela âmâ Anutugât Heakņande Pilipo mem oloņdo arimbo luâk kotdâņe Pilipo undâgâto bo akto biwi heronje nâņgâm hân waņgan âgâm mem ariep.⁴⁰ Akto Anutugât Heakņande Pilipo mem Asido kepiā kato kindo egi. Ekbiā kepiāņe kepiāņe arim Yesugât den pat âlepņe makyenģim arim Kaisarea kepiā ariep.

9

Humoņe Saulo miawagaņep.

¹ Akto sop ain Sauloņe Kembugât kâmot gasa akyenģim hilip yenģuwerâm akto biwiņe kâlâp agep. Biwiņe kâlâp akto Sauloņe Anutugât sumbe kat kat areyenģât humoyenģaelân arim kulem esenņe niņņetģât ariep.² Amâ den emetņe Damasko ain tatâp aregât humomolupņe hekatyenģim dâp irakņân manmai luâk me âmbâle mem miawakyekmâ bâtyenģân hikom Yerusalem kepiā meyekmâ togoâkgât kulem esenģaet ulityenģiep. Ulityenģimbo waņbiā mem ariep.³ Akto kulem esenņe are mem Yerusalem kepiā hepunmâ Damasko kepiā ewumâk akto âmâ himbimânba dewutâ pagalenje humo gem belek belek akmâ miawagep. Belek belek dâm miawakto hânân ge yiep.⁴ Ge yendo ainâk den siâ hin dâmbo nâņgâep, “Saulo, Saulo, gâ wangât nugum watnekmâ mandât?” dâep.⁵ Hain dâmbo Sauloņe hin dâep, “Kembu gâ niņe.” dâmbo hin dâep, “Nâ nugum watnekmâ manmat ire. Nâ Yesu.”⁶ Agatmâ gâņe kepiā arimenâ âmâ siâņe gain gain akbiatģât miawâk makģiņbiap.” dâep.⁷ Hain dâmbo olop mali arekne den are nâņgâm kinmâ etem metem agi.⁸ Hain akmâ kinbiā Saulo âkâ agatmâ ekberâm akto ainâk dewunņe hândâk agep. Hain akto aregât galalupņande mem oloņmâ Damasko kepiā ariyi.⁹ Mem oloņmâ arim manbiā dewunņe hândâk akto sot me tu me wan me wan bo nem mando hilâm âlâwu bo agep.

Ananiaņe Saulo mem tu puli aņep.

¹⁰ Akto Damasko kepia ain gâtne luâk siâ Yesu kâmolân gâtne kotne Anania. Manmâ biwiñe purik dâmbô giwelân Humone miawaganmâ kolep. Kondo hin dâep, “Humone, wan den makniñberâm aktât?” dâmbô ¹¹ Humone hin dâm magañep, “Agatmâ ari. Dâp siâ aregât kotne dâp tâñâk dâm konmai ain Yudasî siâgât emet tatâp ain arim âgâm luâk siâ kotne Saulo are Taso kepiân gâtne are mem miawakben. Nâñgât. Yâkne nâ ulitniñmâk mandâp. ¹² Uran ulitniñmâ âmâ giwelân hin egep. Luâk siâñe kotne Anania yâkgâlân arim âmâ dewunñe hulañ akbi-apgât kautñân membiap are egep.” dâep. ¹³ Humone hain dâm magañdo Ananiañe hin dâep, “Humo, Saulogât hin dâmbiâ nâñgân. Yâkne âmâ Yerusalem kepia ambolupñe gâñgât kâmolân mandâi are hilip yengum hâk hilâlâm yengim mandâp. ¹⁴ Akto yâkne kotge konmâ manmaen nen mem oloñnenekto Yerusalem kepiân purik katmâ arinjetgât Anutugât sumbe kat kat areyengât humomolupyeñande magañim kinmâ hunñunabiâ togoâp.” ¹⁵ Ananiañe hain dâmbô hin dâep, “Gâ hanâk yâkgâlân ari. Luâk âmbâle hârokne nâñgât keñe nâñgâñetgât Saulo oloñdere hoñ akniñmâ luâk âmbâle bikne Anutu bo nâñganmai are akto luâk humomolupyeñe akto Yuda luâk bikne areyengâlân arim keine makmâ miawakmâ makyengiwip. ¹⁶ Makyengimbo bikñande âmâ nâñgâmbiâ bâlimbo aregât siâ siâ agañbiâ hâk hilâlâm kakñân manbiap aregât keine magañbian. Aregât agatmâ ari.” ¹⁷ Hain dâmbô Ananiañe âmâ emet tirip kalañep ain arim âgâm Saulogât kautñân mem hin dâep, “Galane Saulo, makñidere nâñgâ. Yesu Humone dâwân miawakñido egen yâkne dewunñe âlepñe akberâpgât akto Anutugât Heakñande kârikne akñiñâkgât hunñuninño gutân.” ¹⁸ Hain dâm magañdo hainâk dewunñe henepñe gagai akmâ gembo emelâk hârok ektân dâmbô tu puli añep. ¹⁹ Hain akto sot om wañbiâ nendo hagitne kârikne agep. Akto tatmâ Yesugât kâmot Damasko kepiân mali yâk olowâk mali.

Sauloñe Damasko kepiân manmâ Yesugât keñe makyengiep.

²⁰ Manmâ âmâ ainâk keñe katmâ Sauloñe Yuda yengât den emetñân âgâm Yesugât keñe hin makyengiep, “Yesu are amâ Anutugât nanñe mandâp.” ²¹ Hain makyengimbo nâñgâmbiâ dâtne akto den hin dâm magañgi goañgi agi, “Amâ yâkne âgâlân Yerusalem kepiân manmâ luâk âmbâle Yesu kotne konmâ manmai are hilip yenguwêrâm akmâ hâk hilâlâm yengiep. Akto Yesugât kâmot in mandâi yâk mem oloñ yekmâ purik katmâ sumbe kat kat luâk arekne hilip yengunjet dâm Yerusalem kepiânba iren togoep.” Hain dâm magañgi goañgi agi. ²² Akto Sauloñe ain manmâ nâñgâ nâñgâñe kârikne akto Yesu amâ Anutuñe hunñunado giep aregât keñe dâm miawakmâ makyengimbo nâñgâmbiâ han lâuwâ agep.

²³ Yuda gâtñande Damasko kepiân manmini arekne nâñgâm manmâ biwiyeñe kâlâp akto Saulo komberâm agi. ²⁴ Den akmâ Saulo komberâm kepia ginñânâk kinmâ hin dâyi, “Saulo in gembo âmâ kondenñe momberâp.” dâyi. ²⁵ Hain dâmbiâ Sauloñe nâñgâm galalupñe makyengimbo hândâgânâk haka humo kâlegen lugum tâkne hikom giâkom kâtne haot humo ketugumini are dâtñânba panbiâ gem hânân kinmâ haka kâlegenba yoñâk agatmâ ariep.

Saulo Damasko kepia hepunmâ Yerusalem kepiân ariep.

²⁶ Akto Saulo Damasko kepia hepunmâ Yerusalem kepiân ariep. Ain arim Yesugât kâmolân gâtne penâyengiwêrâm agep. Penâyengiwêrâm akto imâ Yesu gâlân gâtne bo dâm hamep akmâ gala bo agañi. ²⁷ Gala bo agañbiâ aregât Aposolo siâ kotne Banaba yâkne Saulogât denñe makberâm akmâ Aposolo yengâlân oloñmâ arim hin dâm makyengiep, “Humonenñande Saulo dâwân mem miawakmâ âmâ den magañep. Magañdo Damasko kepiân arim ain Yesugât kot den hamep bâlâk makyengiep.” dâep. ²⁸ Banabañe hain dâm makyengimbo gala agañbiâ olop manmâ Yerusalem kepia are gam ândeanmâ arim Humogât kotne dâm miawakmâ makyengiep. ²⁹ Hain dâm makyengim Yuda luâk ulikñân Girik hânân ariyi arekne purik katmâ togoyi

yâk yengâlân gâtne bikne makyengimbo denyene gembo âgâambo akmâ kondenne moâk dâm maganji goanji agi. ³⁰ Akto Yesugât kâmotlupne yâkne yâkgât den pat nângâm Saulo mem olojmâ Yerusalem kepia are hepunmâ gem Kaisarea kepia arim katbiâ wanjan âgâambo mem ikinje kepia kotne Taso ain are kato ariep. ³¹ Akto Anutugât Heakjande Yuda ambolupne akto Galilaia ambolupne akto Samaria ambolupne biwiyene Yesugâlân kali are memene akyengimbo aregât luâk dondâ yâk yengâlân mendugum dewatyeabiâ dondâ agi aregât biwiyene sândugiep.

Petoroje Yesugât wâtjân kinmâ luâk keine bâtnje kârigiep siâ kotne Ainea are mem henngemgoep.

³² Petoro hân ain arim togom hâtikom âmâ Yesugât kâmot Lida kepien mali are yengâlân ariep. ³³ Arim luâk siâ kotne Ainea egep. Yâk âmâ kei bâtnje kârigem yiep. Hain mando hombanj nâmbulân âlâwu bo agep. Are Petoroje hin dâm maganep, ³⁴ “Ainea Yesu Kristo yâkne henngem guguâpgât agatmâ gugak tem tâkge loko.” dâambo ainâk agalep. ³⁵ Âlepne akmâ agato Lida akto Sadoj ambolupjande ekbiâ dâtne akto biwiyene Yesugâlân kali.

Petoroje Tabita mem agalep.

³⁶ Akto Yope kepien âmbâle siâ Yesugât kâmolân dewatiep are kotne Tabita den purikne amâ hânângen. Yâkne luâk âmbâle umburuk mali are gala akyengim tânyenguep. Hain akmâ manmâ kundat miawaganjo moep. ³⁷ Mondo lokom âgâm emet kâleje siân tu pulim katbiâ yiep. ³⁸ Yope kepia are akto Lida kepia are olop kereregâk taliatgât Yesugât kâmolân mendugu ageine Petoro togoâp nângâm luâk lâuwâ hungun yetkiyi. Hungun yetkimbiâ arim hin dâm maganjat, “Kewugu gektetne olowâk hinne arine.” dâmbela âlepne dâambo kewugumbela ariyi. ³⁹ Arimbiâ âmbâle momoje talewân are kewugumbela âgâyi. Âgâmbiâ âmbâle kambutne ândeanmâ tatmâ okot nângâ anmâ indem tatmâ Tabitanje golâ malewân ain sângum parutmâ yengiep are hârok hekalanj. ⁴⁰ Hekalanjbiâ Petoroje, “Sopanjet.” dâambo

hârok sopanmâ ge betgen kinbiâ enemjân bam kângom Anutu ulilanep. Ulilanmâ âmbâle momoje yiep are ekmâ hin dâm maganep, “Tabita agatmâ kin.” dâambo ainâk dewunne hulanj akto Petoro egep. ⁴¹ Ekto Petoroje bâtnân mendo agatmâ kilep. Kindo Petoroje yengondo âmbâle kambut akto luâk âmbâle bikne Yesugât kâmolân dewatiji are hârok âgâm Tabita momoanba mem agalep are egi. ⁴² Ekmâ Tabita momoanba agalep aregât den pat are maganji goanji akbiâ Yope kepien gâtne biwirâne Yesugâlân biwiyene kali. ⁴³ Akto Yope kepien malep luâk siâ kotne Simoj yâk makao hâkne gagaim kau hekom parutmâ kato puligomini yâkgât emelan ain Petoroje sop kâlep tatmâ malep.

10

Anjelo siâne Konelio miawaganep.

¹ Kaisarea kepien luâk siâ malep kotne Konelio Italiagât tembe loko yengât damun kautne malep. ² Yâk akto kâmotlupne arekne Anutugât den lokom ulilanmâ mali. Hain manbiâ damunene arekne Yuda luâk âmbâle umburuk mali are yengât okotne nângâm kotne siâ siâ yengim malep. Akto yâkne Anutu yâkgât herone nângâm hilâm ârândâj mepaije miep. ³ Hain akmâ manmâ hilâm siân engaije biwiye mem purik kato Anutugât anjelo siâne kolep. ⁴ Kondo tânjâk ekmâ sân sân mem hin dâep, “Kotdâ gain gain?” dâambo hin dâep, “Gâne Anutu maganmâ denne lokom manmâ luâk umburuk manmai are gala akyengimat are Anutune nângâambo âlepne akmap. ⁵ Gârâmâ gâ unjak hoj bawalupge hungunyengimenâ Yope kepien arim luâk siâ kotne Simoj, Petoro are kewugum togowi. ⁶ Yâk nambene Simoj makao hâkne gagaim kau hekom parutmâ kato puligomai aregât emelan tatâp. Akto emet are amâ haru ginjân tatâp.” dâep. ⁷ Anjeloje hain dâm arimbo Konelione dâambo hoj bawa lâuwâ akto tembe loko yâk yengâlân gâtne siâne Anutugât denne lokominep yâk gambiâ ⁸ anjeloje den maganep are makyengim hungun yengimbo Yope kepien ariyi.

Anutuŋe Petoro biwiŋe mem purik katmâ wan siâ hekalaneŋe.

⁹ Arim dâwân yem kinbiâ haunċo âgâm arimbiâ kepia are tâlâgumbo âmâ dewutâ kârikŋe akto Petoroŋe Anutu den maganberâm emet kakŋân âgâep. ¹⁰ Âgâm Anutu maganmâ kinmâ mopŋe agumbo sot nemberâm aregât, “Sot onjet.” dâambo sot om tatbiâ ain biwiŋe purik âgâmbo hin egep. ¹¹ Himbim hâreakto aneloŋe wan siâ mâron humo tunċuŋe biken biken hikom mem giâkom katbiâ hânân giep. ¹² Akto aregât kâlegen songo lâut tonċa keiŋe keiŋe Yuda luâkŋe bo nemini arekŋeak ain yiep. ¹³ Are gembo âmâ himbimânba den hin maganep, “O Petoro, are gâim om ne.” dâambo ¹⁴ Petoroŋe hin dâep, “Kotdâ, nâ hain bo akman. Songo kâmbokŋe bo nene dâmaen hinare bo neman.” dâep. ¹⁵ Hain dâambo lâuwâŋe hainâk dâep, “Are gâim ne, Anutuŋe makto âlepŋe aktâp are bo neneŋe hain bo dâm hepunbiat.” dâep. ¹⁶ Lâuwâŋe âlâwuŋe hainâk dâambo mem oloŋbiâ himbimân âgâep.

¹⁷ Himbimân âgâmbo Petoroŋe are ekto biwiŋân kulem mendo nânċâmbo ârândân bo akto âmâ Konelioŋe hoŋ bawalupŋe huŋgunyengieŋe arekŋe togom Simonċat emetŋe mem miawakmâ betgen kinmâ den hin dâm koli, ¹⁸ “Simonċ kotŋe siâ Petoro gâ ain tatât me?” dâm koli. ¹⁹ Hain konbiâ Petoroŋe wan siâ egep aregât nânċâm heŋgemgom kindo Anutuċat Heakŋande hin maganep, “Nânċat. Luâk âlâwu akmâ yâkŋe undâċat ċinċâi ²⁰ aregât yâk olop gem ariwerâm âmâ nânċâmâk bo ak. Luâk are nâŋe makyengire toċoâi.” dâep. ²¹ Hain dâambo Petoroŋe yâk yengâlân gem hin aiyenguep, “Kulâċatâi amâ nâ ire. Wangât togom nogondâi?” dâep. ²² Hain makyengimbo hin dâyi, “Tembe loko yengât humoyeŋe kotŋe Konelio yâkŋe Anutuċat hamep akmâ gala aganmâ yâkċat dewunŋân âlepŋe manmap yâkċat Yuda kepia ambolupŋande nânċâmbiâ ârândân akmâp. Akto Anutuċat anelo siâ huŋgunanċo Konelio miawaganmâ ċaŋe arim emetŋân maganbiatċat magep.” dâyi. ²³ Hain dâmbiâ gala akyengimbo emetŋân âgâm yeyi.

Yem kinbiâ haunċo agatmâ Yope kepiân bikŋe biwiyeŋe Yesugâlân katmâ mali yâk olop ariyi. ²⁴ Arim dâwân yeyi. Yem kinbiâ haunċo agatmâ Kaisarea kepiân ariyi. Arimbiâ Konelioŋe galalupŋe akto ċinbailupŋe oloŋyekto mendugum lâmyengum tatbiâ togoyi. ²⁵ Togom Petoroŋe emetŋân âgâwerâm akto Konelioŋe kambiamŋe âlepŋe akto gem enemŋân kânċom kotŋe mem agalep. ²⁶ Hain akto Petoroŋe mem agatmâ hin maganep, “Hepun. Nâmâ ċa hinare luâċak.” dâep. ²⁷ Hain dâambo Konelioŋe kewugu yekmâ emelan âgâmbo Petoroŋe mendugum tali are yekmâ hin makyengieŋe, ²⁸ “Ye Yuda luâk nengât agak meme nânċâmai. Nenŋe Yuda luâk bo are gala akyengim yâk olop tatbaengât dâp bo tatmap. Nâmâ luâk den siân ċatŋe luâk ire âmâ bâleŋerâm nânċâre gemap. Hain akmâ gala bo akyengiwerâm aktere Anutuŋe hain bo akben dâm aregât keiŋe makniŋep. ²⁹ Areċat kewugu nekberâm togombiâ âmâ den bo koyengîân. ċârâmâ wangât nâ kewugu nekberâm undâċat niŋi areċat keiŋe makniŋbiâ nânċâwe.” dâep.

³⁰ Hain dâambo Konelioŋe hin maganep. “Nâŋe kulem siâ ekmâ manmâ gare sop unċak hilâm imbâtŋe bo aktâp areċat den pat makċiŋbe. Nâ emet engaiŋe Anutu maganberâm aktere âmâ luâk siâ pagaleŋe olop arekŋe nânċâlân togom nogonmâ hin makniŋep, ³¹ “Konelio, Anutu maganmenâ nânċâmbo âlepŋe agep. Akto siâ siâ kalem akmenâ gekmâ nânċâ ċinċo âlepŋe akmâp. ³² Areċat ċaŋe hoŋ bawalupge huŋgunyengimenâ Yope kepiân arim ain luâk siâ kotŋe Simonċ kotŋe siâ Petoro are kewugum togowai. Yâk iċiŋe nambene Simonċ makao hâkŋe kau hekom parutmâ kato puligomai areċat emet haru ċinŋân tatâp ain yâk olop mandat.” dâep. ³³ Aneloŋe hain makniŋdo ainâk hoŋ bawalupne ċânċâlân huŋgunyengire den mem togombiâ toċoât areċat kambiamne âlepŋe aktâp. Akto togom Anutuċat dewunŋân yu taten imâ Humoŋe den potatmâ ċiŋep are maknengimenâ nânċâne. ċa areċat toċoât ċârâmâ maknengi.” dâep. ³⁴ Hain dâambo Petoroŋe hin makyengieŋe, “Anutuŋe luâk nengât

agak meme nenjaet nângâm hin dâmap, “Luâk hârok dopyeje konogâk akmai.” dâmap are hinje nângâm hengemgoân. ³⁵ Luâk kâmotje kâmotje yâk yengâlân gâtje bikjande Anutu gala aganjmâ agak meme âlepjeâk akyengimai aregât meyekbiapgât dopje tatâp. ³⁶ Akto Anutuje propete luâklupje hungunyejimbo Israe nengât hutnenjân togom Anutuje honj bawaje hungunaŋdo gem damunyeje akbiap dâmini are Israe luâk nengâlâk bo. Luâk kâmotje kâmotje nen hârok damun nenje akbiap aregât den pat âlepje are biwiyenje sândugeâkgât makyengim gayi are âmâ Yesu yâkgât keje ye nângâmai. ³⁷ Akto Yohanene biwiyenje Anutugât katbiâ tu puli yengiwe dâambo ain gâtjande Galilaia akto Yudaia hân tânâmjân kulem keje keje miawakto ekbiâ dâtje agep aregât patje nângâyi. ³⁸ Akto Anutuje ikiye Heakje hungunaŋdo Yesu Nasarete kejian gâtje are memene aganjdo aregât wâtjân manmâ hân biken biken arim togom gala akyengim malep. Akto Niambi bâlenjande luâk mem hilip yenguep are mem hengemyengum metiep. Akto Anutuje tângombo âi hain miep aregât ye nângâi. ³⁹ Akto Yerusalem kejian akto Yuda luâk nen manmaenân ain nen olop manmâ kulem keje keje mendo are ekmâ meteyion. Akto lâwinân kombiâ moep. ⁴⁰ Mondo hilâm âlâwuje bo akto Anutuje memene aganjdo momonânba agato egion. ⁴¹ Agatmâ luâk hanâk hanâk yengâlân bo miawagep. Nengâlânâk miawakto egion. Anutuje nune pat dâm menenekto malion nengâlânâk miawagâk dâambo hainâk miawagep. Momonânba agato yâk olop sot nem anji goanji akmâ den maganji goanji agion. ⁴² Akto Anutuje golâ manden me emelâk moyi nen hârogâk Yesuje den dâm hârenengiwiap aregât luâk kautje kalep. Akto Anutuje Yesugât den pat âlepje ire luâk kâmotje kâmotje makyenginet dâm aregât makmâ nengiep. ⁴³ Akto ulikjân propete luâklupjande Yesugât den hin dâyi, siâje biwine Anutuje hungunaŋdo gewiap yâkgâlân kato Anutuje nanjaet kotjaet akmâ luâk aregât dosa hepunanbiap.” dâep.

Anutugât Heakjande Yuda luâk bo are kautyenjân mem tânyenguep.

⁴⁴ Petoroje den hain dâm makyengimbo nângâm tali are yengâlân Anutugât Heakje giep. ⁴⁵⁻⁴⁶ Gem kautyenjân mendo eleweyeje purik âgâambo den siâ siâ makmâ Anutu maganjmâ kotje mem agatbiâ aregât Yope kejian gâtje Yuda luâk Petoro olop togoyi arekje yekbiâ dâtje akto han undup agi. ⁴⁷ Hain akbiâ Petoroje hin dâep, “Ulikjân Anutuje Heakje hungunaŋdo nengât kaknenjân giep. Akto hainâk unak kepia ambolupje yengât kakyenân geâp, aregât ninjande tu puli yengiwerengât makmâ hârewiap?” ⁴⁸ hain dâm luâk âmbâle bikje tu puli yengim Yesu kotje konjet dâm makyengimbo hain agi. Hain akmâ Petoro mem gangerâmbiâ âmâ yâk olowâk manbiâ hilâm amon siâ bo akto ariep.

11

Yerusalem kejian gâtje Yesugât kâmot Petoro olop maganji goanji agi.

¹ Aposolo akto Yuda luâk âmbâle bikje Yudaia hânân manmâ biwiyenje Yesugâlân katmâ mali arekje Yuda luâk bo manmai are Anutugât den nângâm lokoyi are yengât pat nângâyi. ² Nângâmbiâ Petoroje Yerusalem kejian purik katmâ arim âgâambo Yuda luâkje Petoroje hain agepgât nângâmbiâ ârândâŋ bo akto hin maganji, ³ “Gâje âgâlân hâkyenje bo gâi yengiye are yengât hutyenân arim bâtyenânba sot mem nien are nângâenne bâliep.” ⁴ Hain dâmbiâ aregât Petoroje wan me wan miawagep aregât keijnânbak den pat makyengiep. ⁵ Makyengim hin dâep, “Nâje âgâlân Yope kejian manmâ Anutu maganjmâ âmâ biwine purik kato humoje biwinân den kato hin egân. Mâron humo hainare himbimânba gem gem keinân giep. ⁶ Gembo âmâ are ekmâ hengemgoân. Katip are kâlegen songo lâut tonja keje keje Yuda nen bo nemaen hain arekjeâk yiep. ⁷ Yendo ektere âmâ himbimânba den siâ hin dâambo nângân, “Petoro are gâim om ne.” dâambo nâje hin dân, ⁸ “Humo, nâ bo. Hainare kâmbokje bo neman.” ⁹ Hain dâre himbimânba den lâuwâje hainâk

dâm makniņep, “Anutuņe imâ neneņe dâmap are amâ bâleņe bo dâwen.” hain dâm makniņep. ¹⁰ Hain akto lâuwâne âlâwuņe hainâk dâambo himbimân âgâep. ¹¹ Âgâambo ainâk Kaisarea kepijan gâtņe luâk âlâwu akmâ Konelionę huņgun yeņgimbo togoyi. ¹² Togom mem miawaknekbîâ Anutuġât Heakņande hin makniņep, “Gâ yâk olop ari. Nâņġâmâk bo akben.” hain dâambo arienęe Yesuġât kâmolân gâtņe luâk nâmbulân konok ire olowâk ariyion. Arim tembe loko yeņġât humoyeņe siâġât emelan âgâeņe den hin dâm makneņgiep, ¹³ “Nâ emelan âgâre aņelo siâņe miawak niņmâ hoņ bawalupne huņgun yeņgire Yope kepijan arim luâk siâ kotņe Simonę Petro are kewugum togowi. ¹⁴ Togombîâ den makto âmâ nâ akto nâņġât ġinbailupne âlepņe akmâ manbaigât aņeloņe hain dâm makniņep.” dâep. ¹⁵ Konelionę hain dâambo nâņe den hâuņe makyeņġim kindere sop ainâk Anutuġât Heakņande kakyeņân ġiep. Ulikņân nengâlân Anutuġât Heakņande kaknenņân ġiep hainâk sop ain kakyeņân ġiep. ¹⁶ Gembo ekmâ âmâ ulikņân Yesuņe den makneņgiep are nâņġâm heņgemgoân, “Yohanene tu puli yeņġiep ġârâmâ nune Heakņe are huņgunandere kakyeņân ġewiap.” Yesuņe den hain dâep are nâņġâm heņgemgoân. ¹⁷ Akto nenęe biwinenęe Yesu humo Anutuņe huņgunanġo ġiep areġâlân katmâ mandenęe âmâ Anutuņe ikinęe Heakņe nengât huņgunanęep hainâk yeņġâlân huņgunanęep. Areġât nâņe Anutu hamianġiangât dopņe bo tatâp.” ¹⁸ Petoroņe hain dâm makyeņġimbo nâņġâm biwiyeņe herone akto hin dâyi, “Anutuņe ulikņân nengât biwinenęe kârikņe agep are goaņnengiep. Goaņnengimbo biwinenęe Yesuġâlân katenęe hilip nenguwiapgât dop bo agep. Dâ uņak âmâ Anutuņe Yuda luâk bo manmai are oloņ yekto Yesuġâlân biwiyeņe kali areġât bâleņande hilip yeņġu yeņġuġât dop bo agep.” dâyi. Dâm nâņġâm Anutuġât kotņe mem agatmâ kambiamyeņe âlepņe agep.

Banabaņe Antiokia kepijan arim Yesuġât keiņe makyeņġiep.

¹⁹ Akto emelâk luâk kotņe Stepano kombiâ moep ainâk Yesuġât kâmotlupņe bikņe yeņġum watyekbiâ potalakmâ bikņande Poinike hânân ariyi. Akto bikņande Antiokia akto Kipiro ariyi. Arim manmâ Yesuġât den pat âlepņe are Yuda luâk makyeņġiyi. ²⁰ Hain akbiâ hutyeņân gâtņe luâk bikņe Kipiro kepijan gâtņe akto Kirene hânân gâtņe luâk arekņe Antiokia kepijan arim Yesu Humoġât den âlepņe are kepia ambolupņe ġirik gâtņe are makyeņġiyi. ²¹ Makyeņġimbiâ Anutuņe meme akyeņġiep areġât luâk âmbâle dondâņe Yesuġât kâmolân dewatiyi. ²² Hain akbiâ areġât den pat arekņe sambelem Yerusalem kepijan Yesuġât kâmot mali are yeņġâlân arimbo nâņġâm Banaba huņgun anġbiâ Antiokia kepijan ariep. ²³ Arim Anutuņe ukenęe nâņġayeņġim damunyeņe agep are ekmâ kambiamņe âlepņe agep. Akto luâk âmbâleņe biwiyeņe Humoġâlân katmâ mali hainâk akņet dâm areġât den kârikņe makyeņġiep. ²⁴ Banabaņe biwiņe Yesuġâlânâk katmâ mando areġât Anutuġât Heakņande meme agaņdo âlepņeâk malep. Akto den pat makyeņġimbo nâņġâm luâk âmbâle dondâņe Yesuġâlân biwiyeņe katmâ mali. ²⁵ Akto Banabaņe Saulo ekberâm Taso kepijan ariep. ²⁶ Arim mem miawakmâ kewugumbo Antiokia kepijan togoyiat. Togombela Yesuġât kâmot olop mali. Manmâ Yesuġât den pat âlepņe are makyeņġim manbela hombaņ konok bo agep. Akto Antiokia kepijan Yesuġât kâmot are yekmâ okot âlep akmâ kotyeņe Kristoġât kâmot yeņġonli.

²⁷ Sop ain Anutuġât den makmâ miawagi areyeņġât hutyeņânba bikņande Yerusalem kepijanba gem Antiokia kepijan ariyi. ²⁸ Akto areyeņġâlân gâtņe siâ kotņe Agabo are Anutuġât Heakņande hân ain mop humo miawakbiapgât maġanġo areġât den kârikņe siâ makyeņġiep. Makyeņġimbo luâk kotdâ siâ kotņe Klaudio Roma kepijan malep sop ain mop humo are miawagep. ²⁹ Akto biwiyeņe Yesuġâlân kaliņe den are nâņġâm puli me wan me wan tatyeņġiep are mendugum katbiâ galalupyene Yuda hânân mali are yeņġâlân ariâk dâm kali. ³⁰ Hain akmâ puli

mem menduguyi are Banaba akto Saulo yâk yetkimbiâ mem arim Yesugât kâmot Yuda hânân mali are yengât galalupyenye yengiyiat.

12

Heroteŋe dâmbô Yakobo kombiâ mondo Petoro mem lope kâlegen katbiâ talep.

¹ Sop ain luâk kotdâ siâ kotŋe Herote yâkŋe, “Yesugât kâmotlupŋe yenguwe.” dâep. Dâmbô Herotegât kâmotlupŋande Yesugât kâmotlupŋe luâk âmbâle yengum hâk hilâlâm yengim mem kala busi emet kâlegen katyekbiâ tali. ² Hain akbiâ Yohanegât teuŋe Yakobo yâkgât dâmbô tâwâtŋe ewumbiâ moep. ³ Hain akto Yuda luâkŋe yâkgât ukenŋe akbiâ yekmâ tembe loko hin makyenŋiep, “Petoro yâkâ hainâk aganŋet.” dâmbô mem kala busi emet kâlegen katbiâ talep. Akto sot bo kaulemap aregât sopŋe miawakto sumbe omberâmbiâ âmâ ainâk kala busi kâlegen katbiâ talep. ⁴ Katbiâ tato sumbe om nemiâ bo akto Heroteŋe Petoro den âiân katberâm aregât hoŋ bawalupŋe makyenŋimbo lâuwâŋe mem kala busi kâlegen katbiâ tato tembe loko 16 tatmâ Petoro ariwop dâm damunŋe kârikŋe agi. ⁵ Ariwop dâm tembe loko humoyenande âi hârem yengimbo kâmot imbât siâkâ lâmgombiâ lâmgombiâ akmini. Akto Yesugât kâmotlupŋande den are nâŋgâm Petorogât hilâm ârândâŋ Anutu ulilaŋi.

Anelo siâŋe Petoro mem oloŋdo lope kâlegenba gem ariep.

⁶ Akto Heroteŋe Petoro mem den âiân katberâm agep aregât sopŋe tâlâguep. Akto emet bo haunŋo hândâkŋân tembe loko damun lâuwâŋe Petoro mem tâk kârikŋe kotŋe sein arekŋe hikom katbela hutyetŋân asiŋ yiep. Akto tembe loko bikŋande betgen kinmâ damungoyi. ⁷ Damungom kinbiâ Humogât anelo siâŋe yâkgâlân pagalenŋe olowâk miawakmâ kindo âmâ pagalenŋe arekŋe emet kâlegen pagalembo anelone Petoro goanmâ hin dâep, “Agatmâ kin.” dâmbô tâk kârikŋe are hulaŋ akto Petoroŋe agalep. ⁸ Agato anelone hin maganep, “Hâk pekenjege lalakmâ kei pekenjege mem lugu akmenâ

nâ olop arire.” dâep. Hain dâmbô launŋe lokoep. ⁹ Launŋe lokom âmâ lope kâlegenba gem Petoroŋe han lâuwâ akmâ anelone wan agep are giwelân ekmâ bunŋe bo dâm nâŋgâep. ¹⁰ Hain nâŋgâm kindo betgen tembe loko kili are ewangi yekmâ arewa arim tembe loko kili arekâ hainâk ewangi yekmâ arim haot bâinâŋen arim hânŋi kârikŋe pali ain arimbela ikinak lewulakto arewa gem ariyat. Akto gem dâwân anelo are ainâk heambugep. ¹¹ Heambukto Petoro ainâk biwiŋe hulaŋ akto hin dâep, “Hinŋeâk âmâ bunŋe nâŋgâm heŋgemgoân. Humoŋe anelo hunŋunaŋdo gem Herotegât tâk kârikŋânba akto Yuda luâk bikŋe yengâlânba mem oloŋnektâp.” dâep.

¹² Hain dâm arim Yohane kotŋe siâ Mareko memene kotŋe Maria yâkgât emelan ariep. Arimbo âmâ luâk âmbâle dondâ mendugum tatmâ Anutu ulilaŋmâ tali emet ain âgâep. ¹³ Ulilaŋmâ tatbiâ Petoroŋe âgâm emet dawalaunân kinmâ, “Woa” dâep. Hain dâmbô hoŋ bawa âmbâle siâ kotŋe Rode togom hânŋiân talep. ¹⁴ Ain tatmâ nâŋgâm hin dâep, “Mâ, Petorogât den hin.” dâm mârur biwiŋe herone akmâ hânŋi bo mem katmâ âmâ emet kâlegen âgâm hin makyenŋiep, “Petoro ina togo hânŋiân kindâp.” dâep. ¹⁵ Hain dâm makyenŋimbo nâŋgâm, “Biwige gulip aktâp.” dâyi. Hain dâm maganbiâ kârikŋe akmâ dâep, “Bo. Bundâk togo yu hânŋiân kindâp.” dâep. Hain dâmbô hin dâyi, “Otenenande mon togo kindâp?” dâyi. ¹⁶ Hain dâm maganŋi goanŋi akbiâ Petoroŋe hainâk kârikŋeâk, “Woe” dâmbô hânŋi mem katmâ Petoro ekmâ sân sân membiâ dâtŋe agep. ¹⁷ Dâtŋe akto bâtnande koratyengum, “Den yoŋâk” dâmbô den yoŋâk tatbiâ Humoŋe kala busi emet kâlegenba mem hulaŋep aregât den pat makyenŋiep. Hain makyenŋimbo nâŋgâm herone akbiâ hin dâm makyenŋiep, “Den pat ire Yakobo akto galalupŋe makyenŋinet.” dâm hepun yekmâ gem siâŋen ariep.

Heroteŋe bâlenŋe akmâ aregât hâunŋe miep.

¹⁸ Emet haunŋo tembe loko arekŋe Petoro undâgâtmâ gain gain aktâp dâm han lâuwâ agi. ¹⁹ Hain akbiâ Heroteŋe

hâwât yekmâ, “Mem miawakñet.” dâm makyengimbo undâgâtmâ arim tembe loko bikñande Petorogât makyengimbiâ pâpkom kinbiâ aregât tembe loko moñetgât dâep. Akto Herote Yuda hân hepunmâ Kaisarea kepien ge malep.

²⁰ Akto sop ain Heroteñe Tiro akto Sidon kepia ambolupñe are gasa akyengiep. Gasa akyengimbo aregât kepia ambolupñande mendugum den are makmâ hejgemgowerâm akmâ luâk kotdâ siâ kotñe Bilasto Herotegât hoñ bawalupñe yengât humoyeñe malep yâkgât dâmbiâ tân yenguep. Tâñ yengumbo benne wan me wangât magañgi goañgi akmâ Herotegât hân arewa sot meygât gala agañberâm Heroteñe den are purik katyengiwipgât den kalep, ²¹ are tâlâgumbo aregât luâk kotdâgât sângum mendo âgâmbô dewun yeñân kinmâ luâk kotdâ yengât tatalân tatmâ den makyengiep. ²² Makyengimbo luâk hârokñe den humo akmâ hin magi, “Den ire luâk denñe bo. Den ire âmâ Anutugât denñe hinare.” dâyi. ²³ Hain dâmbiâ Heroteñe den are nângâm Anutugât nângâmbo giep aregât Anutuñe añelo siâ huñgunanço gem kondo nane bâleñande tepñe igim hârembo moep. ²⁴ Gârâmâ luâk âmbâle dondâñe Anutugât den nângâm biwiyenñe Yesugâlân katmâ mali.

²⁵ Akto Banaba akto Saulo yâk âi yetkiyi are mem metem Yerusalem kepia hepunmâ Antiokia kepien purik katmâ ariwerâm Yohane kotñe siâ Mareko kewugumbela olowâk ariyi.

13

Banaba akto Saulo âigât ariyiat.

¹ Yesugât kâmotlupñe Antiokia kepien gâtñe Anutugât den makmâ miawagi akto den makyengimini are yengât kotyene hin. Banaba akto hâk helenñ siâ kotñe Simeon akto Lukio Kirene hânân gâtñe akto Manaen are luâk kotdâ Herote olop nanañânbak manmâ gala konok akmâ maliat. Akto siâ kotñe Saulo. ² Yâkñe Anutu magañberâm aregât sot bâlâk manmâ âmâ hilâm siân tatbiâ âmâ Anutugât Heakñande den hin makyengiep, “Banaba akto Saulo âi dâm hârem yetkiân are

membiantatgât katyelekbi.” ³ Hain dâmbô aregât den lokom Anutu ulilañmâ sot bâlâk manmâ âmâ kautyetñân mem âiân ariet dâm huñgun yetkimbiâ Yohane kotñe siâ Mareko are kewugumbela olop ariyiat.

Elimagât keñe.

⁴ Arimbiâ Anutugât Heakñande huñgun yengimbo Seleukia kepien ariyi. Ain arimbiâ wañga siâñe meyekmâ Kipiro hân haru tânâmñân talep ain ariep. ⁵ Ain arim katyekto wañganba sopanmâ gem Salami kepien ain ariyi. Ain arim Yuda yengât den emetñân âgâm Anutugât den pat âlepñe are makyengiyiat. Makyengimbela Yohane kotñe siâ Mareko arekñe tânyetkuep. ⁶ Arewa hân biken ariwerâm akmâ kepia kotñe Papo ain tali. Ain tatmâ Yuda yengât luâk kâmbokñe siâ kotñe Barayesu akto kotñe siâ Elima are egiat. Yâkñe âmâ galalupñe heyengim hin dâep, “Nâ Anutugât den bunñe makyengiman. Akto nâ Anutugât hoñ bawa mandân.” dâep. ⁷ Hain dâm âmâ kiap siâ Seregio kotñe siâ Paulosi yâkgât gala malep. Seregio yâk âmâ nângâ nângâñe olop malep. Akto Anutugât den are nângâwerâm akmâ Banaba akto Saulo mem oloñyelelep. ⁸ Mem oloñyeleko ainâk luâk kâmbokñe Elima arekñe, “Galane Seregionje biwiñe Yesugâlân katbop.” dâm denyetñe kakñân makmâ koyetkiep. ⁹ Den koyetkimbo aregât Saulo kotñe siâ Paulo yâkñe Anutugât Heakñande meme agañepgât owâiñeâk Elima tâñâk ekmâ kinmâ hin magañep, ¹⁰ “Gâ Hiangi ambone yâkgât nanñe aregât luâk agak meme bâleñe mem manmai yâk yengât gala aktât. Akto wan me wan âlepñe aregât gasa aktât. Akto hiangi luâk manmat. Aregât Humogât den bunñe are bo nângâñet dâm aregât heyengimat. Gâ biwige bâleñe. ¹¹ Aregât hâñe Humone giñberâpgât dewunge hândâk akto yânâk man.” dâep. Hain dâmbô ainâk dewunge hândâk akto luâkñe bâtnân menekbiâ ariwerâm luâk yengât undâgâtmâ gem ariep. ¹² Gem arimbo Seregionje are ekto dâtñe akto Anutugât den are nângâmbo âlepñe akto biwiñe Yesugâlân katmâ den lokom malep.

Pauloŋe Antiokia kepia Pisidia hân tânâmñân talep ain arim Yesugât keiŋe makyenġiep.

¹³ Paulo galalogâtŋe olowâk Papo kepia are hepunmâ wangân âgâmbiâ meyekmâ arim Pampilia hân are ginñân Perege kepia haru ginñân talep ain arim katyegep. Katyekto arewa Yohane kotŋe siâ Mareko yâk hepunyelekmâ Yerusalem kepiân purik katmâ ariep. ¹⁴ Arimbo yâk yetŋeâk âmâ Perege kepia are hepunmâ arim Pisidia hân tânâmñân Antiokia kepia ain ariyat. Ain arim Sarereân Yuda luâk yengât den emetñân âgâm mendugum taliân ain âgâmbela olop tali. ¹⁵ Akto yâk yengât damun siâŋe agatmâ Mosegât den kârikŋe are akto Anutuŋe makto kulemgoyi are oyaŋdo nâŋgâmbiâ âmâ damunñande Paulo akto Banaba hin dâm makyetkiep, “Galalogâtne, luâk âmbâle nen biwinenŋe mem kârikŋe ketuguâkgât den siâ âlepŋe maknengimbela nâŋgâweren me bo?” dâep. ¹⁶ Hain dâmbo Pauloŋe agatmâ bâtnande koratyenġum hin makyenġiep, “Israe luâk galalupnetŋe akto Israe luâk bo yengâlân gâtŋe biwiyenŋe Anutugât hamewakmâ mandâi. Akto ye hârok makyenġire nâŋgâŋet. ¹⁷ Israe luâk nengât Anutu yâkŋe bâgilupnenŋe mem katyekto Aigita hânân manbiâ âmâ tânyenġumbo miawakmâ dondâ agi. Akto Anutugât kârikñân kinbiâ ainba kewuguyekmâ togoyi. ¹⁸ Togom hân kamitñân katyekto manbiâ gala akyenġimbo manbiâ âmâ hombaŋ 40 agep. ¹⁹ Akto Kanaŋ hânân luâk kâmot 7 are Anutuŋe hilipyenġumbo bâgilupnenñande hân are mem amboŋe akmâ manmâ gayi. ²⁰ Manmâ gambiâ gambiâ hombaŋ 450 bo agep. Akto sop ain damunlupyenŋe katyekto siâkâ sopñân sopñân damunyeŋe agi. Damunyeŋe akmâ gambiâ Propete luâk siâ kotŋe Samue are miawagep. ²¹ Miawakto âmâ luâk humogât dâmbiâ Anutuŋe Bensamingât kâmolân gâtŋe kotŋe Saulo miép. Saulo amâ Kisigât nanŋe yâkŋe damunyeŋe akto hombaŋ 40 bo agep. ²² Bo akto are watmâ yâkgât gewâkñân Dawidi are katmâ Anutuŋe hin dâep, “Nâŋe Yesegât nanŋe Dawidi yâkgât nâŋgâre ârândân

aktâp. Wan me wangât dâre are lokom manbiap.” dâep. Hain dâm damunyeŋe ak dâm kalep. ²³ Aregât bunŋe Dawidigât kâmolân gâtŋe Yesu Israe luâk nengâlân miawagep. Nengâlân miawakmâ damun nenŋe agâk dâm yâkgât pat maknengiep are bunŋe agâk dâm ²⁴ Anutuŋe Yohane soŋ huŋgun aŋdo miawagep. Miawakmâ Israe luâk hârok hanyenŋe purik kato Anutugâlân arinŋet dâm tu puli yenġiwerâm den kârikŋe makyenġiep. ²⁵ Akto Yohane âi miép are bo akberâm akto âmâ luâk hin dâm makyenġiep, “Nâŋgât niŋe dâmai? Togom damun nenŋe akbiap are nâ hinare bo. Ikiŋak hâmbâi togowiap. Yâkgât ito goliaŋdere bo ârândân akbiap.” dâep.

²⁶ Galalupne Abrahamgât kâmot ye akto Yuda gâtŋe bo manmai yengâlân gâtŋe Anutugât hamewakmâ manmai, ye makyenġire nâŋgâŋet. Anutuŋe nen hememgât dop akmâ hilip aguwâengât nenekmâ Yesu huŋgun aŋdo giep. ²⁷ Yerusalem kepia ambolupŋe akto damunlupyenñande Yesugât keiŋe akto propeteŋe kulemgoyi aregât keiŋe bo nâŋgâm heŋgemgom bugâ neâk dâm aregât makmâ hâreanġi. Makmâ hâreanġiâ mondo ainâk Propete luâk are yengât den kârikŋe are Sarere ârândân oyaŋmâ manmaen are bunŋe agep. ²⁸ Akto Yesuŋe dosa siâ bo agepgât yâkgât dosanġet undâgâtbiâ bo akto hanâk kârikŋe akmâ kautyenŋe orem lâwinân moâk dâm Pilato maganmâ hâwâtbiâ denyenŋe nâŋgâmbiâ kombiâ moep. ²⁹ Anutuŋe huŋgunanċdo gewiapgât den kulemgoyi are amâ miawakto lâwinân kombiâ mondo lokom arim sumân katbiâ yiep. ³⁰ Yendo arewa Anutuŋe momoŋânba mem agalep. ³¹ Mem agato emelâk Galilaia hân hepunmâ Yerusalem kepiân olowâk ariyi yâk yengâlân hilâmŋe hilâmŋe miawak yenġimbo den maganġi goanġi agi. ³² Miawak yenġimbo âmâ Anutuŋe bâgilupnenŋe yengât makmâ hâriep are bunŋe agâk dâm Yesu goanċdo momoŋânba agalep, aregât pat âlepŋe dâm makyenġimaen. ³³ Akto Yuda yengât kep kenġu lâuwânŋe agi aregât den kulemgoyi are tatâp.

Anutuŋe nanġaet hin dâep, “Gâmâ nâŋgât

nanne gârâmâ nâne unjak menjektân.”

³⁴ Akto Yesuñe momonânba agalep are âmâ hâmbâi lâuwânje bo mombiap, aregât Anutuñe nanjaet den hin dâep,

“Ulikñân nâne Dawidi agañân aregât nângâm herone akmâ agak meme ârândân agep. Akto hainâk gângât dâm akginbian.”

³⁵ Akto Yuda yengât kep kenju siâ Dawidiñe hin kulemgoep are tatâp,

“Anutu humo gâñe hoñ bawage âlepñe nâ hepun nekmenâ mom âmâ bo hambuwian.” dâep.

³⁶ Dawidiñe den kulemgoep amâ ikinjaet bo kulemgoep are nângâmaen are Anutuñe âi makmâ hârem wanep. Are luâklupñe yengâlân âi mem metem âmâ moep. Mondo bâgilupñaet sumân hangombiâ hambuep. ³⁷ Akto Anutuñe Yesu mem agalep are âmâ bo hambuep. ³⁸ Galalupne nâñe makyengire nângâñet. Dosa bâleñe hepun yengiwiaep aregât âmâ Yesu miawagepgât denñe dâm makyengiwerâm aktân. ³⁹ Mosegât den kârikñe arekñe dosanenne hepun nengiâk dâm aregât ewum hâumgoyi. Yeñe Yesugâlân biwiyene katbiâ yâkñe âmâ âlepñe dosayene hepunbiap. ⁴⁰⁻⁴¹ Akto ulikñân Propete siâne den siâ kulemgoep are tatâp. Anutuñe den hin dâep,

“Wangât den hâkân akmâ mandâi? Yeñe ire nângâmbiâ dâtñe akto ain mombai. Haingât yengâlân wan me wan irakñe siâ unjak ketuguwerân aregât pat makyengimbiâ yeñe hiangiâi dâmbiâ biwiyene kârikñe akbiap.” Anutuñe hain dâep.

Ye aregât dopñe akbâigât den are heñgemgom nângâwi.” Pauloñe hain dâm makyengiep.

⁴² Hain dâm dewunyenânba gembo Banaba olop sopanberâm akbela ain kili arekñe togom hin makyetkiyi, “Sarere siân iren âgâenne purik katmâ iregâlâk togom maknengimbela nângâm heñgemgowaen.” dâyi. ⁴³ Hain dâm gembâi kâmot kili are yengâlân gâtñe bikñe akto Yuda luâk bikñe akto Yuda luâk bo manmai arekñe Yuda yengâlân dewatiyi yâkñe âmâ Paulo akto

Banaba hamiyetñân arim mem watyelekbâi hin dâm makyengiyyiat, “Anutuñe ikinje hanjaet akmâ yengât okotñe nângâep aregât pat hâkânje bo akñet. Biwiyene yâkgâlânâk katñet.” dâm makyengiyyiat.

⁴⁴ Akto Sarere siân Anutugât den nângâwerâm ukenñe agi arekñe hamepñe olowâk togoyi. ⁴⁵ Togombiâ Yuda luâkñe yekmâ hin dâyi, “Hepun nenekbiâ kottenne gewop.” dâm nângâm aregât Paulogât denñe are hâkân akmâ yâkgât den are mem geyi. ⁴⁶ Hain akbiâ aregât Paulo akto Banaba yâkñe kârikñe akmâ hin dâm makyengiyyiat, “Yuda luâk ye makyengietñe nângâñet. Anutugât den yengâlân soñ togoâk Anutuñe hain dâm kalep. Den aregât hâkân akmâ manman kârikñaet den pat are hâkân akberâm borâi aregât ye hepun yekmâ Yuda luâk bo manmai yâk yengâlân ariweret. ⁴⁷ Haingât Anutuñe hin dâep,

“Nâñe gâ pagaleñe aregât dop hainare kat gektere Yuda luâk bo manmai yengâlân arim nângât den makmâ miawakyengiwen. Akto luâk âmbâle hârokñe biwiyene nângâlân katbiâ meyekbiangât kat gektere hân bâinângen arim makben.” dâep.

Anutuñe hain dâmbo propete siâne kulemgombo oyanmâ den ire netgât kulemgoep dâetñe huñgun netkimbo ariweret.” dâiyiat.

⁴⁸ Hain dâmbela Yuda luâk âmbâle bo manmai den are nângâm hin dâyi, “Amâ Humogât den.” dâmbiâ aregât biwiyene herone agep. Akto Anutuñe ikinje ukennaet akmâ luâk âmbâle tân yengumbo biwiyene Yesugâlân kali. ⁴⁹ Akto Humogât den are makmâ maganji goanji akbiâ den arekñe sambelem arimbo luâk âmbâle ain mali are hârokñe nângâyi.

Paulo akto Banaba watyelekbâi ariyyiat.

⁵⁰ Haingât Yuda luâk arekñe âmâ kepia aregât luâk humo akto âmbâle humo Anutugât den lokonerâm Yuda yengât kâmolân dewatim mali, are hanyenân gembâi biwiyene kâlâp akto Paulo akto Banaba hanâk gasa akyetkiyi. Hain akmâ watyelekbâi ariyyiat. ⁵¹ Ariwerâm kinmâ Yuda luâk dewunyenân yençaet agak meme

bâleŋe are dop kom keiyetnân gagap talep are paŋ paŋgom panmâ hepunyekmâ gem Ikonioŋ kepiã ariyiat. ⁵² Arimbela Antiokia kepiã ambolupŋe biwiyenŋe Yesugâlân kalî arekŋe heronŋe akbiã Anutugât Heakŋande dondâ tânyenŋuep.

14

Paulo akto Banaba yâkŋe Ikonioŋ kepiã arim Yesugât keiŋe makyenŋiyiat.

¹ Akto hainâk Ikonioŋ kepiã arim âmâ Yuda luâk yengât den emetnân âgâm Yesugât keiŋe makyenŋimbela nâŋgâyi. Nâŋgâm Yuda luâk âmbâle akto Yuda luâk âmbâle bo manmai dondâŋe biwiyenŋe Yesugâlân kali. ² Akto Yuda luâk bikŋande Yesugât den are hâkân akmâ mem ge katberâm agi arekŋe Yuda bo manmaiân gâtŋe areyengât hanyenân gembiã biwiyenŋe kâlâp akto aregât Paulo akto Banaba gasa akyetkiyi. ³ Gasa akyetkimbiã kepiã ainâk manmâ Humogât den are makyenŋim manbela sop kâlêp agep. Akto Anutuŋe luâk âmbâle gala akyenŋim damunyenŋe akberâm agep aregât keiŋe makyenŋimbela are bunŋe agâk dâm Anutuŋe meme akyetkimbo kulem keiŋe keiŋe mem hamep bâlâk maliat. ⁴ Hain akbela yelekmâ Yuda bo manmaiân gâtŋande potalakmâ bikŋande yâk yetgâlân dewatiyi. Akto bikŋande Yuda luâk yengâlân dewatiyi. ⁵ Hain akbiã haminâŋen kepiã ambolupŋe akto Yuda luâk bikŋande damunyenŋe olowâk agatmâ Paulo akto Banaba bâleŋe akyenŋim kâtŋe yetkuwerâm agi. ⁶ Aregât kepiã are hepunmâ Likionia hân ain Listera akto Derebe kepiã lâuwâ are talialân ain arim ândeanmâ âi mem maliat. ⁷ Kepiã ain arim Yesugât den pat âlepŋe are makyenŋim maliat.

Listera kepiã ambolupŋande Paulo akto Banaba yelekmâ hewukŋe luâk togoat dâyi.

⁸ Akto Listera kepiã luâk siã malep aregât keiŋe bâliep. Are memenjaet tepnânbak hainâk miawakmâ yân tatmâ gaep. ⁹ Hain tatmâ gaminep are Paulonŋe ekmâ Yesugât dâmbo nâŋgâm tato âmâ Paulonŋe luâk aregât biwiŋaet keiŋe ekmâ nâŋgâep. Ekmâ hin nâŋgâep, “Luâk

irekŋe biwiŋe Yesugâlân katâpgât Anutuŋe heŋgemgowerâp.” dâep. ¹⁰ Hain dâm konmâ hin dâm maganep, “Agatmâ kin.” dâmbo ainâk luâk arekŋe agatmâ sopanmâ bam gulep. ¹¹ Hain akto luâk kâmot humo kili arekŋe Paulonŋe kulem ketuguep are ekmâ yenŋe denyenân hin dâyi, “Hat sinduk siãŋe luâk akmâ hutnennân miawakmâ mandat.” hain dâyi. ¹² Dâ Banabagât âmâ, “Hat sinduk humoyenŋe siã kotŋe Dia aregât nambenŋe.” konmâ dâyi. Dâ Paulonŋe âmâ den makmâ malepgât, “Hat sinduk siã kotŋe Hemesi are âmâ Paulogât nambenŋe yâkŋe den maknengiminep.” dâm âmâ Hemesi konmâ dâyi. ¹³ Paulo akto Banaba yâkŋe âi are mem manbela yelekmâ aregât hat sinduk kotŋe Dia yâkgât luâk kâmbokŋe siãŋe ikiŋe sumbe emetŋe kepiã ginŋâŋen talep ain makto bulunŋe pitim bulimakao hikom oloŋmâ arim opmân kâmbokŋe siã kepiã ginŋân talep ain arim Paulo akto Banaba yetgât sumbe omberrâm ariyi. ¹⁴ Arimbâ Paulo akto Banaba yâkŋe den are nâŋgâmbela bo ârândân akto aregât pârigim arim hutyenân kinmâ bâleŋe akberâm agi aregât makyenŋim hepunŋet dâm sâŋgum yetŋe mem duwalagiat. ¹⁵ Mem duwalakmâ kamboŋmâ hin dâyi, “Wei luâkma, wangât ire akberâm aktâi? Net gai luâk, yengât dop aregât net amâ hat sinduk bo. Net luâk bunŋe gârâmâ netgât sumbe bo onet. Yenŋe âmâ hat sinduk wan me wan membiã bunŋe bo miawakmap aregât hepunmâ biwiyenŋe Anutugâlân katŋet dâm den pat âlepŋe are makyenŋiwerâm togoyiot. Amâ Anutu Humonŋe hân haru himbim akto aregât kâlêgen wan me wan hârok kalep yâkgât akmâ togoyiot. ¹⁶ Akto ulikŋân bâgilupnenŋe yâk yengât agak meme nâŋgâm miawakbiã hanâk dâm denân bo katyegep. ¹⁷ Akto hain dâm bo hepun yegep. Anutuŋe nâŋgât keine nâŋgâŋet dâm gala akyenŋim makto tânâk gembo âi kalam yenân unsambe miawakmâ yendo nem heronŋe akmâ mali.” dâyi. ¹⁸ Den hain dâm makyenŋim, “Netgât sumbe are bo onet.” dâm luâk âmbâle are mulunyekmâ âi humo meyiãt.

Paulo kâtŋe koyi.

19 Akto sop ain Yuda luâk bikñande Antiokia akto Ikonion kepiannya togom kepia ambolupne hanyenân gembia biwiyene kâlâp akto Paulo mem kâtnje kom âmâ, “O kondenne mondâp.” dâm kepia ginñangen mem oloñmâ gem panbiâ yiep. 20 Ain yendo Yesugât kâmotnje gem ândeanmâ kinbiâ agatmâ kepiannya âgâep. Âgâm yem kindo emet haunjo Banaba olowâk kepia are hepunmâ Derebe kepiannya ariyiat. 21 Arim âmâ Yesugât den pat âlepne are makyengimbela luâk dondâne den are nângâmbiâ bunne akto biwiyene Yesugâlân katmâ mali. Akto dâp areâk purik katmâ arim Listera Ikonion akto Antiokia kepiannya togoyiat. 22 Kepia ârândân togom biwiyene Yesugâlânâk kaligât mem kâriknje ketugu yekmâ hin dâm makyengiyyiat, “Nen bugâ akto hâk hilâlâm kakñân manmâ Anutugât manman kârikñân ariwaengât dopne tatâp.” dâiyiat. 23 Akto biwiyene Yesugât kali kâmotnje kâmotnje yâk yengât damun katyekmâ ainâk manmâ den kâriknje are makmâ makyengim Anutu maganberâm aregât sot bâlâk manmâ Anutu ulilanjat. Akto damunlupyene emelâk biwiyene Humogâlân kaligât Humone meme akyengim damunyenje agâkgât ulilanjat.

24 Akto Pisidia hân are ewangim biken arim Pampilia hânân ariyiat. 25 Arim Perege kepiannya âgâm Yesugât keñe makyengim kepia are hepunmâ gem Atalia kepiannya ariyiat. 26 Arewa arimbela wanjanje meyelekmâ arim Antiokia kepiannya arim ain katyelelep. Antiokia ain âmâ ulikñân âi keñe katbela Yesugât kâmot arekne Humone tânyetkuâkgât ulilanjmâ hunjunyetkimbiâ keñe katmâ mem ariyiat ain purik katmâ âi bo aktâp dâm togoyiat. 27 Ain togom kâmot are mendugu yegiat. Mendugu yekmâ Anutunje Yuda luâk âmbâle bo areyengât biwiyene mem owâimbo biwiyene Yesugâlân kali aregât keñe makyengiyyiat. 28 Akto Yesugât kâmot olop sop kâllep mali.

15

Paulo akto Banaba Yerusalem kepiannya ariyiat.

1 Luâk bikñande Yudaia hânângenba togom Yesugât kâmot Antiokia kepiannya mali yengâlân arim hin dâm makyengiyyi, “Mosenje den kâriknje hin kulempoep are tatâp, “Ye âmâ hâkyene gâiwai.” Dâ den are bo lokom manbiâ âmâ aregât Anutunje bo meyekbiap.” dâyi. 2 Hain dâmbiâ Paulo akto Banaba yâkne den are koyengim mem ge katyengiwerâm akbela âmâ papalakmâ den humo agi. Hain akbiâ humomolupyene den aregât hin dâm makyetkiyyi, “Paulo akto Banaba yetne irewa Yesugât kâmot luâk bikne olop arim Aposolo akto Yesugât kâmotnje kâmotnje Yerusalem kepiannya mandâi are yengâlân arim damunlupyene olop den iregât keñjaet makyengiwwai.” dâyi. 3 Hain dâm hunjun yengimbiâ Paulo akto luâk bikne olop ariyyi. Arim Poinike akto Samaria hân are ewangim arim Yesugât kâmot siâ mali are hin dâm makyengiyyi, “Yuda bo manmaiân gâtne kugâkne biwiyene Anutugât kali.” hain dâm makyengimbiâ yâkne nângâmbiâ biwiyene herone humo agep. 4 Akto Yerusalem kepiannya arimbâ Yesugât kâmot akto Aposolo akto yâk yengât humomolupyene yâk olop egakmâ herone agi. Herone akbiâ Anutunje meme akyengimbo âmâ Yesugât keñe makyengiwerâm hamep bâlâk kinmâ makyengimbiâ âmâ bunne agep, aregât den pat are makyengiyyi. 5 Makyengimbiâ Parisaio luâk yâkne biwiyene Yesugâlân kali yâk yengâlân gâtne bikñande den siâ hin dâyi, “Mosenje hin dâep, “Hâkyene gâiyengim Anutugât pat kat yeknet.” dâep, den are lokom kinmâ hâkyene gâiyenginet dâm makten. Hain maktenje Yuda luâk bo manmai are âmâ Mosegât den are watbiâ ârândân akbiâp.” dâyi.

6 Hain dâmbiâ aregât Aposolo akto damunlupyene yâkne yeneâk ire nângâm hengemgone dâm menduguyi. 7 Mendugum den are makyengiwerâm akmâ manbiâ den bambo guto akmâ âmâ Petorone agatmâ kinmâ hin dâm makyengiep, “Galalupne emelâk Anutunje mem kepilâ nenekmâ âi makmâ hârem niñep. Akto Yuda luâk bo manmai are yengâlân arim Yesugât keñe makyengire nângâm biwiyene Yesugâlân

katbai aregât âi Anutuŋe makmâ hârem niŋep are nâŋgâi. ⁸ Akto Anutuŋe luâk nen hârok biwinennân ekmap arekŋe ikinje Heakŋe huŋgun aŋdo Yuda luâk nengâlân giep. Hainâk Yuda luâk bo manmai are yeŋgâlân giep aregât Anutuŋe gala akyeŋgimbo ârândân aktâp. ⁹ Yuda luâk bo manmai arekŋe biwiyene Yesugâlân katbiâ ârândân akto nen aknengiep dop hainâk yâk akyeŋgim biwiyene pulimbo salek salek agep. ¹⁰ Yeŋe are nâŋgâm Anutugât dop are ewangim kinmâ wan me wan umatŋe are hakulupnennande akto nenŋe hainâk lokowerâm ewum hâumgom gain gain akmâ malion. Aregât dop hainâk Yuda luâk bo arekŋe biwiyene Yesugât katmâ mandâi are yeŋgât kautyeŋân umatŋe siâ bo katberâm akten. ¹¹ Nenŋe hin nâŋgâen. Yesu Humoŋe Yuda luâk bo manmai are yeŋgâlân gâtŋe bikŋe ikinje hanŋaet akmâ okot nâŋgâ yeŋgim oloŋyekto dosayeŋaet hâuŋe ârândân agep. Aregât dop akmâ nen hainâk oloŋnenekto dosanenŋaet hâuŋe ârândân akbiap. Nenŋe hain nâŋgâm biwinenŋe aregâlâk katmaen.” dâep.

¹² Hain dâambo nâŋgâmâk tali. Tatbiâ Paulo akto Banaba Anutuŋe meme akyetkimbo Yuda luâk bo manmai are yeŋgâlân arim kulem keiŋe keiŋe meyiŋe aregât den pat makyeŋgiyat. Makyeŋgimbela hâligâk nâŋgâm tali.

Yakoboŋe kâmolân kinmâ den makyeŋgiep.

¹³ Makmâ metembela nâŋgâm tatbiâ Yakoboŋe agatmâ kinmâ den hin makyeŋgiep, “Galalupne, makyeŋgire nâŋgâet. ¹⁴ Anutuŋe ulikŋân Yuda luâk bo are damunyeŋe akberâm aregât nâŋgât kotne mem agatŋet dâm Yuda luâk bo manmai are bikŋe oloŋyekto biwiyene ikinjaelân kali, den pat are Petoroŋe dâambo nâŋgâen. ¹⁵ Akto ulikŋân Anutuŋe makto propete luâkŋe kulemgoyi arekŋe âmâ den pat are olop dopŋe konok aktâp are hin tatâp,

“Humoŋe keiŋânbak hin dâambo miawagep, ¹⁶ “Nâŋe hâmbâi purik katbianân Dawidigât kâmotŋe awam akmâ arimbiâ kepia kawum akbiap are heŋgemgowian dâre purik katmâ

togom kinbiâ kepia kautŋe miawakbiap. ¹⁷ Akto aregât luâk kâmot bikŋe bo nâŋgâ niŋmai are mem potatyekmâ oloŋyektere nâŋgâlân togom kinbai.” Anutuŋe hain dâep. ¹⁸ Akto den ire uŋagâk bo miawaktâp. Keiŋânbak Anutuŋe hain dâm makmâ gambo bunŋe akto miawaktâp.” den hain tatâp.

¹⁹⁻²¹ Aregât biwinande nen hin akbaengât nâŋgân. Bâgilupnennande keiŋe katmâ manmâ gayi amâ kepia ârândân Mosegât den kârikŋe ire akmâ manmâ gayi. Akto uŋak ire Sarere ârândân den emetŋe ârândân âgâm den are oyaŋmâ nâŋgâm manmaen. Akto Yuda luâk bo manmai arekŋe hainâk âgâm are oyaŋmâ nâŋgâm manmai. Aregât Yuda luâk bo manmai are yeŋgâlân den kârikŋaet âi humo bo yeŋgiweren. Akto bikŋande biwiyene Yesugâlân katmâ Anutugât den lokowerâm akbiâ kulem esenŋe bo katyeŋgim hainâk makmâ hâreyeŋgiwaen. Lâpio yeŋgât sumbe ombiâ ain gâtŋe sot bo nembî. Akto soŋgo mem hanŋe hâremai are akto soŋgo gilâmŋe hainâk bo nembî. Akto âmbâle mem hepun hepun bo akbi. Hainâk makmâ hâreyeŋgim kulem esenŋe kulemgom yeŋgiwaen.” dâep.

Yuda luâk bo manmai arekŋe biwiyene Yesugâlân kali are yeŋgât kulem esenŋe kulemgom katyeŋgiyi.

²² Hain dâambo Aposolo akto tiksalupyeŋande luâk kâmot humo menduguyekmâ, “Luâk nengâlân gâtŋe lâuwâ meyelekbaen.” dâm makyeŋgimbiâ Yesugât kâmot bikŋande nâŋgâmbiâ ârândân agep. Akto luâk siâ kotŋe Yudasî kotŋe siâ Basaba akto luâk siâ aregât kotŋe Sila are meyelekmâ okot âlep nâŋgâ yetkiyi. Luâk lâuwâ arekŋe Paulo akto Banaba olop Antiokia kepiŋe arinŋet dâm kulem esenŋe kulemgowerâm agi. ²³ Akto kulem esenŋe siâ are hin dâm kulemgom yetkiyi, “O galalupnenŋe, Aposolo akto Yesugât kâmotlupŋe yâk yeŋgât tiksalupyeŋande Antiokia, Siria akto Kilikia Yuda bo manmai yeŋe biwiyene Yesugâlân katmâ mandâi aregât okot âlep akmâ kulem esenŋe ire kulemgom

katyengien. ²⁴ Nenje bo nângâenne aregât nengâlânba bikñande yengâlân togom den makyengimbiâ nângâm hanyene lâuwâ agep. Are âmâ luâk are yeje hanyenân agi. Nenje bo hungun yengiyion. ²⁵ Aregât âmâ nenje hannenne konok akmâ mendugum kinmâ galalogâtnenne Banaba akto Paulo yâk olop ariet dâm hungun yetkien. ²⁶ Paulo akto Banaba yâkne Yesu Humo Anutuñe hungun añdo giep yâkgât hoñ bawa manmâ hâk hilâlâm kakñân arimbela yetkumbiâ bâsok moyiat. ²⁷ Akto luâk meyelektan ire yetgât kotyetje âmâ Yudasi akto Sila yâk olop togowerâm aregât yâkne kulem esenne ire keñe makmâ miawakbela nângâwai. ²⁸ Akto Anutugât Heakñaet nângâ nângâñe akto nengât nângâ nângâñenne dop konogâk yendâp aregât umatñe siâ me siâ aregât bo maktenñe miawakbiap. Hin akbiâ ârândân akbiâp. ²⁹ Lâpio yengât sumbe omberâm sot wan katbiâ are bo nembî. Akto sonjo hanñe hâremai are akto sonjo gilâmñe hainâk bo nembî. Akto âmbâle mem hepun hepun bo akbi. Are bo akmâ âlepñeâk manbiâ âmâ ârândân akbiâp. Âlepñeâk manbi. Den pat areâk.” Hain dâm kulemgom yengim Antiokia kepien hekat yengñet dâm hungun yengimbiâ ariyi.

Yudasi akto Sila purik katmâ togoyiat.

³⁰ Ainba hungun yengimbiâ kulem esenne are mem ariyi. Arim Antiokia kepien arim Yesugât kâmot mendugu yekmâ kulem esenne are yengiyi. ³¹ Yengimbiâ biwiyene agalâk dâm den kulemgoyi are oyañmâ nângâm herone agi. ³² Yudasi akto Sila yâkne Anutugât keñe makmâ miawakminiat arekñe biwiyene Yesugâlânâk kilâk dâm den kârikñe makyengimbela biwiyene herone akmâ owâimbo yâk olop sop kâlep mali. ³³ Akto Yerusalem kepia arewa hungun yetkim yâk yengâlân purik katmâ ariet dâm okot âlep kakñân kinmâ hungun yetkiyi. ³⁴ Hungun yetkimbiâ arim Silane âmâ lâuwâñe bo manberân dâm Antiokia kepien talep akto Yudasi ikinak ariep.

Paulone Sila kewugumbo ariyat.

³⁵ Paulo akto Banaba yâkne Antiokia yengâlân âi hokboâk mem maliat. Manbela

galalupyetje olowâk Humogât den are makmâ makyengim mali. ³⁶ Manmâ hilâm siân Paulone Banaba hin dâm magañep, “Net ulikñân arim kepiane kepiane manmâ Humogât den makyengietje biwiyene Yesugâlân kali are gain gain mandâi, are keiyene ekmâ manbaet.” dâep. ³⁷ Hain dâmbo Banabañe “Mareko olop arine.” dâep. ³⁸ Are âmâ ulikñân Mareko kotñe siâ Yohane are emelâk yâk olowâk arim Pampilia hânân hepunyelekmâ purik kato yâk yetñeâk Yesugât keñe makyengim maliat. Aregât Paulone Banabagât den are nângâmbo ârândân bo agep. ³⁹ Ârândân bo akto Paulo akto Banaba hanyetñe konogâk bo agep aregât papalakmâ hepun agiat. Hepun akmâ Banabañe Yohane kotñe siâ Mareko mendo ariyat. Arimbela wangane meyelekmâ Kipiro gimbâñe haru tânâmñân talep ain ariep. ⁴⁰ Dâ Paulone âmâ Sila mendo Yesugât kâmotlupñande Humo ulilanmâ damunyetñe agâk dâm hungun yetkimbiâ ariyat. ⁴¹ Arim Siria akto Kilikia hânân manmâ Yesugât kâmot luâk âmbâle mali are yengât biwiyene mem kârikñe ketugum han biwiyene Yesugâlân katñet dâm makyengim maliat.

16

Paulone Timoteo kewugumbo olowâk ariyat.

¹ Paulo akto Sila yâkne Derebe akto Listera kepien ariyat. Arim Listera kepien luâk siâ biwñe Yesugât katmâ malep, are mem miawagiat luâk aregât kotñe Timoteo. Yâkgât memene âmâ Yuda yengâlân gâtñe akto yâkâ hainâk biwñe Yesugâlân katmâ malep. Dâ ewene âmâ Girik luâk. ² Listera akto Ikonion kepia ambolupñe bikñe biwiyene Yesugâlân kali arekñe Timoteogât keñe Paulo magañmâ herone marone agi. ³ Paulo magañbiâ luâk are kewugumbo olop ariwerâm okot âlep agep. Akto Yuda luâk hân ain manmâ ariyi arekñe Timoteogât ewene Girik luâk are nângâm meteyi. Aregât Paulone Timoteogât hâkñe bo gâiyi aregât nângâm Yuda luâk biwiyene bâliwopdâm Timoteogât hâkñe gâiep. ⁴ Akto kepia ârândân manmâ Aposolo akto Yesugât kâmot Yerusalem

kepian mali areyengât tiksalupyenande den kârikne magi are lokojet dâm Yesugât kâmot are makyengim ariyi. ⁵ Hain akbiâ Yesugât kâmotne biwiyene Yesugâlânâk kindo Anutugât den nângâmâk mali. Hain akbiâ hilâmne hilâmne Yuda luâk bo manmai are yengâlân gâtne bikne âkâ hainâk biwiyene Yesugât katmâ yâk yengâlân dewatimbiâ sambeleyi.

Paulo biwiñe owâñe akto Makedonia luâk siâñe miawakto egep.

⁶ Akto Asia hânân Yesugât keñe makyengim ariwerâm akbiâ Anutugât Heakñande dâp tigiyeñgimbo Prigia akto Galatia hânân bam ariyi. ⁷ Arim Misia hân ginñânâk hâlânâk ariyi. Arewa Bitinia hânân ariwerâm akbiâ Yesugât Heakñande hanyene mem pâlâmne ketugumbo hân aregen bo ariyi. ⁸ Hanyene mem pâlâmne ketugumbo Misia hân are hepunmâ haru ginñân kepia siâ talep are kotne Troa ain ariyi. ⁹ Aregen arim manbiâ nâ Luka nâñe penâyengire emet dâgâambo hândâknân Paulo biwiñe owâimbo hin miawagañdo egep. Amâ Makedonia luâk siâñe togo kinmâ ulilañmâ hin dâep, “Gâ Makedonia hânângen togo nen tân nenguwen.” dâep. ¹⁰ Hain dâm makmâ metem arimbo emet hañdo Paulo luâk arekne miawagañep aregât hin dâyon, “Makedonia hânân arim Yesugât den pat âlepne are makyengiwaen aregât Anutuñe maknengiâp.” dâyon. Hain dâm magañgim kinmâ Makedonia hânân haru hâtikom ariwerâm dâpgât hâumgom kilion.

¹¹ Kindenñe wañga siâñe togom menenkmâ Troa kepia hepunmâ haru tânâmne târârâk arim Samotrake kepia haru tânâmñân talep ain kat nenekto talion. Tatmâ yem kindenñe hañdo arewa menenkmâ arim Neapoli kepian kat nenegep. ¹² Kat nenekto arewa âgâm Pilipi kepian ariyion. Akto kepia are âmâ Roma luâkne ulikñân hân amboñe akmâ tali. Kepia are âmâ Makedonia hân aregât kepia kautne. Ain tatmâ mandenñe hilâm amon siâ bo agep. ¹³ Akto Sarereân kepia are ginñân tu siâ talep ain gewerâm hin dâyon, “Yuda luâkne Humonenñe ulilañmâ manmai yâk ain

togomai me bo? Gem ekne.” hain dâm gem âmbâle bikne siânba mendugum tatbiâ are mem miawakyekmâ gem enemyenân tatmâ makyengiñion. ¹⁴ Makyengiñne âmâ Tiatira kepian gâtne âmbâle siâ Anutu humo nângañmâ manminep, kotne Lidia arekne âmâ sângum parutmâ mâñot gilâm pulim âi are mem puli meminep. Akto Humoñe âmbâle aregât biwiñe mem agato ondopne katmâ Pauloñe den magep are nângâm ukenne akmâ den are mem biwiñân katmâ hengemgoep. ¹⁵ Akto âmbâle aregât lâulupne hârokne biwiyene Yesugâlân katbiâ tu puli yengiñion. Tu puli yengiñne âmbâle arekne hin magep, “Nâ mem Humogât pat kat nekbiâ nângañdân aregât nângâmbiâ ârândân akto âmâ nângât emelan âgâmbiâ nâ olop tatberen.” dâep. Hain dâmbo yâkgât emelan âgâyion.

Paulo akto Sila mem kala busi kâlegen kat yelegi.

¹⁶ Hilâm siân gem welam siâ Anutu ulilañmini ain gem mandenñe hoñ bawa âmbâle kâmbokne siâñe mem miawakne-negep. Akto sinduk baniara bâlenande kautñân mendo luâk yengâlân arim hâmbâi wan me wan miawakbiap aregât makyengiminep. Hain akto aregât puli wañbiâ are mem arim damunlupne yengim malep. ¹⁷ Akto âmbâle kâmbokne arekne Paulo ekmâ hami nenñânâk gam hin dâm kamboñep, “Luâk irekne Anutu Humogât hoñ bawa agañmâ manmai aregât Anutuñe hengem nenguwiapgât dâp maknengiwerâm togoâi.” dâep. ¹⁸ Hain dâm hilâmne hilâmne kamboñmâ haminenñân gam mando aregât Pauloñe hâkâñ akmâ purik katmâ sinduk baniara are hin dâm magañep, “Nâñe Yesu Humo Anutuñe huñgun añdo giep aregât den makgindere nângâ. Âmbâle are hepunmâ eke.” dâep. Hain dâmbo ainâk hepunmâ ariep.

¹⁹ Hapunmâ arimbo âmbâle aregât damunlupñande hin dâyi, “Sinduk baniara bâlenande hepunñe aregât gain gain hâmbâigât pat makmâ miawak yengiwiap? Hain bo akbiap are âmâ nengât puli bo akbiap.” dâm nângâm bâliyi. Hain nângâm Paulo akto Sila meyelekmâ kepia sombeim

humoân arim ²⁰ Roma luâk yengât kiap taliân meyelekmâ âgâm hâkyetne tunmâ hin dâm makyengiyi, “Yuda luâk lâuwâ irekne kepiannên togom bo agakne are aknet dâm maknengimbela den are nângâm biwinenre bâlimbo kepiannenre kukne agatâp. ²¹ Akto agak meme irakne siâ Roma luâk nenre bo akmaen are aknet dâm maknengim mandat.” dâyi. ²² Hain dâmbiâ luâk humo kili arekne kuk akmâ nângâ yetkimbiâ kiaplupyenande sângum yetne olojmâ hoj bawalupyene makyengimbiâ bugâne oreyelekmâ mem kala busi emet kâlegen kat yelekbiâ tatbela aregât damunne hin dâm maganji, ²³ “Luâk lâuwâ ire ariwandatgât kei bâtyetne mem kârikne ketugum hiko yelemâ damun kinben.” dâyi. ²⁴ Hain dâm maganjiâ emet kârikne aregât bânjângen kat yelemâ lâwin siâ hionmâ keiyetne kapijmâ hiko yelekto taliat.

²⁵ Akto hândâk tânâmjân Paulo akto Silane Anutu mepainre kep kenju akmâ tatbela luâk bikne kala busi kâlegen kat yekbiâ tali arekne nângâyi. ²⁶ Akto kep kenju are mem tatbela ainâk wâriñ humo mendo emet are duwuj akto emet aregât hânji hârok lewulagep. Lewulakmâ kindo luâk hârok kala busi kâlegen tali are yengât tâk kârikne kotne sein are hulan akmâ kinj pârândân âgâm metiep. ²⁷ Akto emet aregât damun kilep arekne asinjânba agatmâ ekto hânji are hârok lewulakmâ kindo ekmâ hin dâep, “Wei, luâk bâlene iren kat yektenre tatâi ina hârok arim meteâi.” dâep. Hain dâm aregât hamep akmâ tinjânba tâwât siâ mem olojmâ ikinre hanre hâreakberâm agep. ²⁸ Hain akto Paulone hin dâm konmâ maganep, “Nen hârogâk yu kinden aregât hange bo hâreak.” dâep. ²⁹ Hain dâmbo tembe loko arekne galalupne makyengimbo kemdâ wanjiâ kala busi kâlegen mem âgâm ongâne hogombo Paulo akto Sila yelemâ hânân kângom hin dâm makyetkiep, ³⁰ “Agatbela arine.” dâmbo agatbela kewugu yelemâ den hin makyetkiep, “Luâk lâuwâ nâ gain gain aktere Anutuñe bo hilip nugumbo yâkgât pat akbian?” dâm makyetkiep. ³¹ Hain dâmbo hin dâm maganjiat, “Biwige

Yesu Humogâlân katmenâ Anutuñe guge akto ginbailupge meyekbiap.” dâyi. ³² Hain dâm Humogât dengât keine yâk akto ginbailupne makyengimbela ³³ ainâk damun arekne meyelekmâ arim bugâ gewâkne diwi are puliyetkiep. Akto ikinre akto ginbailupne hârogâk tu puli yengiyiat. Hain akbela Paulo akto Sila kewugu yelemâ ariep. ³⁴ Arim ikinre emelan sot om yetkimbo neyiat. Ikinre akto ginbailupne hârok biwiyene Yesugâlân katmâ Anutugât pat agigât biwiyene âlepne agep.

³⁵ Yem kinbiâ haunjo Roma luâk yengât kiaplupyenande tembe loko hin dâm makyengim hungun yengiyi, “Ye arim luâk lâuwâ are tâk hulanmâ hungun yetkimbiâ ariet.” dâm tembe loko hungun yengiyi. ³⁶ Akto damunne den nângâm Paulo hin maganep, “Kiaplupnennde den katbiâ togoâp. Aregât hungun yetkienre biwiyetne sândugembo ariet.” dâep. ³⁷ Hain dâmbo Paulone tembe loko are yekmâ hin dâm makyengiep, “Net âmâ Roma luâk mandetgât yene gain gaingât net denân kat nelemâ bugâne orenelemâ mem kala busi kâlegen kat nelegi? Dâ unak âmâ yonâk hungun netkiwerâm akbiâ bo ârândân aktâp. Gârâmâ ye arim kiaplupyene makyengimbiâ yâk yeneak togom hungun netkimbiâ ariweret.” dâep. ³⁸ Paulone den hain dâmbo tembe lokoñe purik katmâ kiapyengâlân arim Paulone den makyengiep are makyengim Paulo akto Sila yâk Roma luâk mandat dâm makyengimbiâ nângâm sân sân meyi. ³⁹ Sân sân mem ongâyene hogombo arim den yeukne makyetkim kala busi kâlegenba kewugu yelemâ kepia ginjângen ge kinmâ hungun yetkimbiâ gem ariyiat. ⁴⁰ Akto kepia are hepunmâ gem Tiatira kepiannên arim Lidiagât emelan âgâm Yesugât kâmot ain tatbiâ yekmâ biwiyene Yesugâlânâk kilâkgât den makyengim gem ariyiat.

17

Paulo akto Sila Tesalonike kepiannên ariyiat.

¹ Paulo akto Sila kepia are hepunmâ Ampipoli akto Apolonia kepia ewangim

Tesalonike ke pian ariyiat. Ain âmâ Yuda yengât den emetje siâ tatâp. ² Ain arim Paulone Yuda luâk yengât den emetje ke pian ke pian talep ain âgâm den makyengiminep aregât akmâ den emetjân âgâm âmâ Anutugât den kulem esenje âlepne aregât kei ne makyengimbo sonda âlâwu bo agep. ³ Yesugât kei ne maganji goanji akbiâ aregât Paulone hin dâm makyengiep, “Beirâ Anutune hungun anjo gem hâk hilâlâm nângâm monjânba agatbiap aregât ulikjân propete luâk mali are makyengimbo kulemgoyi. Kulemgombiâ talep are Yesune watmâ hâk hilâlâm nângâep. Anutune Yesu hin dâm hungunaep, “Gâ arim luâk âmbâle damunye ne akmâ tânyenguwen.” hain dâep are Yesugât.” dâep. ⁴ Paulone hain dâm makyengimbo luâk âmbâle bikjande den are nângâm tatmâ biwiyene Yesugât katmâ Paulo akto Sila yâk yetgâlân dewatiyi. Akto Girik luâk Anutu ulilanmâ mali are dondâne hainâk biwiyene Yesugâlân katmâ yâk yengâlân dewatiyi. Akto luâk âmbâle kotdâ hainâk agi. ⁵ Hain akbiâ benje Yuda luâk bikjande are nângâm biwiyene bâlimbo dâwân arim luâk konam mem mendugu yekmâ kukgât hanyenân gembâ kuk akmâ ke pia are hanâk hanâk akbiâ ke pia ambolupne âkâ hainâk kuk akbiâ ke pia are kuk agalep. Ke pia are kuk agato Yuda luâk akto ke pia ambolupne bikjande Yasongât emelan Paulo akto Sila talialân ain mendugum tali. Mendugum tatmâ, “Paulo akto Sila meyelekmâ hutnennân kat yelektenje kilet.” dâyi. ⁶ Hain dâm undâgât yetkimbiâ bo akto aregât kuk dâm Yason akto Yesugât kâmolân gâtne bikne meyekmâ humomolupylene yengâlân arim denân katyekmâ hin dâyi, “Luâk lâuwâ siâ kotyetne Paulo akto Sila yâkne hânne hânne manmâ luâk âmbâle den makyengimbela han lâuwâ akmâ gulip manbiâ ârândân bo aktâp. Akto unak nengâlân togombela Yasonne gala akyetkimbo olowâk mandâi. ⁷ Akto humonenne Sisa aregât den kom luâk humo irakne kotne Yesu yâkgât den makbela nângâm luâk ire meyekmâ togoen.” dâyi. ⁸ Hain dâmbiâ ke pia ambolupne akto humomolupylene arekne

nângâm sân sân mem den humo akmâ maganji goanji agi. ⁹ Hain akbiâ humomolupylene Yason akto galalupne hin makyengiyi, “Puli katjet. Puli katmâ unak aktâi ire lâuwâne hainâk bo akbiâ âmâ puli ire purik katmâ yengiwaen. Dâ hainâk akbiâ âmâ puli ire bo yengiwaen.” dâyi. Hain dâmbiâ puli katmâ ariyi.

Paulo akto Silane Berea ke pia ambolupne Yesugât kei ne makyengiyiat.

¹⁰ Akto hândâk ainâk Yesugât kâmotne Paulo akto Sila yonâk hungun yetkimbiâ Berea ke pian ariyiat. Ain arim Yuda luâk yengât den emetjân âgâm Yesugât kei ne makyengiyiat. ¹¹ Akto ke pia ain luâk âmbâle bikjande emelâk biwiyene owâine akto mali arekne Tesalonike ke pia ambolupne ewangiye gi. Hain aregât Paulo akto Silane kinmâ Yesugât kei ne makyengimbela ondopyene dowâk katmâ den are nângâm hengemgoyi. Hain akmâ hilâmne hilâmne aregât maganji goanji akmâ Anutugât den kârikne ulikjân kulemgoyi are oyanmâ nângâyi, “Luâk Paulo yu kindâp irekne bunne me hianjim maktâp.” dâm Anutugât kulem oyanmâ nângâm hengemgom mali. ¹² Aregât yâk yengâlân gâtne dondâne Yesugâlân biwiyene kali. Akto Girik âmbâle humomolupylene bikjande hainâk agi. Akto Girik luâk bikjande hainâk agi. ¹³ Gârâmâ benje Paulone Berea ke pian arim Anutugât den makyengim malep aregât den pat arimbo Yuda luâk bikjande Tesalonike ke pian mali arekne nângâmbiâ bâliep. Nângâmbiâ bâlimbo Berea ke pian togom kinmâ ke pia ambolupne hanyenân gembâ ke pia areâkâ hainâk kuk agi. ¹⁴ Hain akbiâ Yesugât kâmotne Paulo hungun anbiâ dowâk hepunyekmâ haru dâtjân ariep. Dâ Sila akto Timoteo yâkne âmâ ke pia ainâk maliat. ¹⁵ Akto Yesugât kâmotne Paulo dâwân katberâm arim Atej ke pian katmâ purik katberâm akbiâ hin dâm makyengiep, “Ye purik katmâ arim âmâ Sila akto Timoteo makyetkimbiâ dowâk Berea ke pia hepunmâ togom penâniñbiandat.” dâep. Hain dâm makyengimbo hepunmâ purik katmâ ariyi. ¹⁶ Akto Paulo Atej ke pian manmâ Sila akto Timoteo yâk yetgât lâmyetkum

tatmâ hambo kotdâ keiņe keiņe hâwim katbiâ talep are ekmâ biwiņe kâlâp agep. ¹⁷ Haingât yâk yengât den emetņân âgâm Yuda luâk bikņe akto Girik luâk bikņe Anutugât keiņe nâņgâwerâm mali yâk olop tatmâ Yesugât keiņe maganņi goanņi agi. Akto hilâmņe hilâmņe kepia sombeimân arim kinmâ luâk âmbâle gam ariyi are hainâk makyenņiep. ¹⁸ Akto kepia ain luâk nâņgâ nâņgâyeņe siâ siâ mali kotyene Epikue luâk akto siâ Stoike luâk arekņe Pauloņe Yesu momoņânba agalep aregât den pat magep aregât kakņân maganņi goanņi agi. Akto bikņande hin dâyi, “Luâk ire nâņgâ nâņgâņe gulip akto den kotņe hanâk hanâk are gain gain dâwerâm aktâp.” dâyi. Dâ bikņande âmâ hin dâyi, “Luâk arekņe kepia bikņe bikņe yengât lâpio aregât den maktâp.” dâyi. ¹⁹ Hain dâm sombeim humo siâ kotņe Areo ain oloņmâ âgâm hin dâyi, “Gâņe den irakņe maktât are gain gaingât maktât? ²⁰ Den are uņgunân siâ bo nâņgâyion aregât keiņe maknengimenâ nâņgâne.” dâyi. ²¹ Amâ Ateņ kepia ambolupņe akto luâk bikņande kâlêwângenba togom mali yâkņe den irakņe miawagep dâm aregât maganņi goanņi akmâ nâņgâmbiâ humo akminep aregât akmâ Paulo oloņmâ hain aikoyi.

Pauloņe Areo sombeimân kinmâ Anutugât keiņe makyenņiep.

²² Hain dâmbiâ Pauloņe Areo sombeimân dewunyeņân agatmâ kinmâ hin dâm makyenņiep, “Ateņ kepia ambolupņe yengât keiyeņe hin nâņgân. Ye lâpio keiņe keiņe yengât hoņ bawa akmai. ²³ Nâ kepia yeņân togom kepia ândeanmâ arim togom âmâ yengât lâpiolupyeņe sambe are yekmâ âmâ lâpio siâgât welamņe ekmâ âmâ den kulemgombiâ tatâp are oyaņdân, “Humo yeņe siâgât nen bo nâņgâmaen yâkgât welamņe ire.” oyaņdân aregât ye nâņgâm hilipkom yâkgât hoņ bawa manberâm akmai aregât keiņe makyenņire nâņgâņet. ²⁴ Kotņe âmâ Anutu. Anutuņe âmâ hân himbim haru are mem miawakmâ aregât kâlegen wan me wan keiņe keiņe katmâ metiep. Yâkņe âmâ hân himbim akto haru amboņe aktâp aregât den emetņe ketugumai ain bo manmap. Bo. ²⁵ Akto

wan me wan hârok manmanyene me heakyene yengimap aregât luâk siâņe âi ketugu aņgimapgât dop bo talaņdâp. Amâ yâkņe âmâ siâ me siâgât umburuk bo manmap. ²⁶ Akto keiņe katmâ ulikņân yâkņe luâk konok siâ are ketugumbo yâkgâlânba luâk keiņe keiņe miawakmâ Anutugât den lokom sambelem potalakmâ ariyion. Akto arim tatberâm aktenņe sop aregât dop katmâ aregât hân horatņe makmâ nengiep. ²⁷ Akto biwinenņe kepik akto âmâ Anutuņe, “Nâņgâlân togom nâņgâ niņnet.” dâm aregât pat kat nenegep. Akto kâlêwân bo mandâp. Hut nennân ârândâņ akmâ mandâp. ²⁸ Aregât luâk siâņe hin dâep, “Anutuņe katip nengumbo manmaen.” Akto yengâlân gâtņe kep amboņe siâņe hin dâep, “Nen âmâ yâkgâlân gâtņe.” ²⁹ Anutuņe keiņe katmâ luâk ketugumbo ain gâtņande nen hârok sambelem manden aregât hin dâmaengât dopņe bo aktâp. Anutugât keiņe âmâ hin. Biwinenņânâk nâņgâm lâpio me kotņe siâ siâ mem miawakmâ kât, goli me siliwa arekņe mem ketuguen aregât dop. Hain bo nâņgâwaen. Nenņe Anutugât nâņgâenņe aregât dopņe bo agep. ³⁰ Anutugât keiņe pâpkom mandenņe âmâ Anutuņe nenekmâ bo hilip nenguep. Are âkâ sop bo aktâp. Uņak iregât âmâ luâk âmbâle hânņe hânņe manmâ arimaen yengât hanyene purik kato yâkgâlân ariņet dâm den dâpņe menengiâp. ³¹ Akto sop makmâ kalep are bo akto ain luâk kâmotņe kâmotņe denân katnenekto keinenņe miawakbiap aregât sopņe kalep. Akto keinenņe mem miawakmâ aregât purikņe ârândâņâk nengiwiap. Akto luâk siâ dosa âi meâkgât makmâ huņgun aņbiap. Akto luâk hârok nenņe keiņe nâņgâm heņgemgoņet dâm huņgun aņep are momoņânba mem agato mandâp.” dâep.

³² Pauloņe hain dâambo luâk bikņande momoņânba agatbaen are hiaņgiâp dâm den hembalik aganņi. Dâ bikņande âmâ hin dâm maganņi, “Den maktât ire sop siân siâkâ maknengimenâ nâņgâwaen.” dâyi. ³³ Hain dâmbiâ Pauloņe hepun yekmâ ariep. ³⁴ Akto luâk bikņande biwiyeņe Yesugâlân katmâ Paulogâlân dewatim Yesugât kâmot

agi. Are yengâlân gâtne siâ kotne Dionisio yâk âmâ Areo sombeimân mendugum den keine keine maganji goanji agi, are yengâlân gâtne. Akto âmbâle siâ kotne Damari yâkâ hainâk Yesugât kâmot agep.

18

Paulo Korinti kepan miti âi miep.

¹ Akto Paulo Ateñ kepia hepunmâ Korinti kepan ariep. ² Ain Yuda luâk siâ penianep kotne Akuila yâk âmâ Ponto hânân miawagep. Akto âmbenñe Pisisila yâk olop Italia hânân manbela luâk humo Klaudionje Yuda luâk Roma kepan manmini are watyegep. Watyekto ain Akuila âmbenñâi Roma kepia are hepunmâ Korinti kepan ariyat. Ain manbela ain Paulone penâyetkiep. ³ Akto Paulo mâron emetne mângiminep. Akto Akuila akto Pisisila âi areâk meminiatgât emetjân tatmâ manmâ tânyetkuep. ⁴ Manmâ Paulone Sarere ârândânj Yuda yengât den emetjân âgâm Yesugât keine Yuda luâk akto Girik luâk makyengim biwiyene Yesugâlân katnetgât makyengim malep.

⁵ Mando Sila akto Timoteo yâk Makedonia hânângenba togombela Paulone sângum parutmâ uligi ketugum malep âi are hepunmâ Anutune Yesugât damunye akben dâm hungun anjo giep aregât keine nângânet dâm hilâm ârândânj Yuda luâk makyengim malep. ⁶ Makyengimbo yâkne den are hâkânj akmâ agak meme bâleñaet den maganjimbiâ yekmâ aregât sângumne kâlep are hulanmâ mem pañ pañgombo gagap giep. Akto ya agep aregât keine hin dâm makyengiep, “Yeñe hilip aguwai âmâ nângât dosa bo. Dosa âmâ yeñaelân aregât arim Yuda luâk bo manmai are yengâlân arim Yesugât keine makyengiwan.” dâep. ⁷ Hain dâm hepun yekmâ kepia amboñe siâ kotne Titio kotne siâ Yusto are Girik luâk yâkne âmâ Anutugât den are lokeop yâkgât emet Yuda yengât den emetne siâ are hâlânj talep. Ain Paulone âgâmbo olop taliat. ⁸ Akto Paulone Yesugât keine makyengiep. Makyengimbo den emetne aregât damun siâ kotne Kirisipe yâk akto ginbailupne biwiyene Yesugâlân katmâ mali. Akto yâk yeñeak bo. Korinti luâk

âmbâle akto kepia ambolupne dondâne Yesugât den are nângâm yâkâ hainâk biwiyene Yesugât katbiâ tu puli yengiyi. ⁹ Akto Paulo manmâ hândâk siân biwiyene purik kato giwelân Humone hin dâm maganep, ¹⁰ “Nâñe tân gugure mandât gârâmâ nângât keine makberâm hamep bo akben. Akto kepia iregât luâkne dondâne nângâlân biwiyene katbai aregât akmâ luâk siâ me siâne bâleñe bo akginbai.” dâep. ¹¹ Hain dâm maganjo Paulone kepia ainâk manmâ Anutugât keine makyengim mando hombanj konok dewutâ nâmbulân konok bo agep.

Paulo kewugum den emetjân ariyi.

¹² Sop are bo akto Roma luâk siâ kotne Galio are Akaia yengât humoyene malep. Mando ainâk Yuda luâkne Paulo ekmâ gasa aganji. Gasa aganmâ kiapgâlân mem arim den âiân kali. ¹³ Kianggât metenân mem âgâm hin dâyi, “Luâk irekne nengât den kârikne tatmap are hâkânj akmâ konengim biwiyene siâgâlân katnetdâm maknengimap.” dâm hiangiyi. ¹⁴ Hain dâm hianjimbiâ Paulone den kakjân makberâm akto Galionje Yuda luâk hin dâm makyengiep, “O Yuda luâk. Luâk ire dosañe olop mandâp me wan umatne bâleñe siâ aktâp dâine âi humo mem yengât denyene nângâwom. ¹⁵ Gârâmâ ire yengât wan me wan luâk kotne me yengât denyene me den kârikne hain aregât makmâ tatâi aregât âmâ yeñeak makmâ hârewi. Den ire âmâ nângât pat bo.” dâep. ¹⁶ Hain dâm watyekto geyi. ¹⁷ Gem âmâ den emetjaet damun siâ kotne Sostene yâk mem miawakmâ lokom kiapgât metenân âgâm âmâ kom bâleñe siâ siâ aganji. Hain aganjiâ kiapne yekmâ uken yeñaet dâm hansumbu agep.

Paulone Yerusalem kepan purik katmâ ariep.

¹⁸ Paulo Yesugât kâmot Korinti kepan mali are olop manbiâ sop kâlep agep. Akto sop ain âmâ Kenkerei kepan âgâm âmâ hâmbâi wan me wan siâ akbian dâm aregât dop makyengiep sop are bo akto âmâ dumutne hâreañi. Hâreañbiâ purik katmâ Korinti kepan arim Yesugât kâmot are hepun yekmâ Siria hânângen ariwerâm

akto Pirisila akto Akuila yâk olop wanġan âġâyi. ¹⁹ Âġâmbiâ meyekmâ arim Epeso kepijan katyekto yâk ain luâk âmbâi lâuwâ are hepun yelegep. Hepun yelekmâ ikiye âmâ Yuda yengât den emetnân âġâmbô Yesugât keinjaet maganġi goanġi agi. ²⁰ Akto Yuda luâk bikne Paulo olowâk manne dâm mem gangerâwerâm akbiâ Paulone den koyengim hin dâm makyengiep, ²¹ “Anutune nângâ niġdo yengâlân lâuwâne purik katbian.” dâep. Hain dâm hepunyekmâ ariep. Arim wanġan âġâmbô mem togo Kaisarea kepijan kalep.

²² Kato âmâ Yesugât kâmotlupne Yerusalem kepijan mali yâk yengâlân arim getek manmâ hepun yekmâ arewa Antiokia kepijan purik katmâ arim ain malep. ²³ Manmâ Antiokia kepia are hepunmâ arim Yesugât kâmotlupne bikne Galatia akto Prigia hân tânâmġân mali are yengâlân arim biwiyene Yesugâlânâk arim kilâkgât den makyengim malep.

Apolone Epeso akto Korinti kepijan manmâ Yesugât keiġe makyengim malep.

²⁴ Akto Epeso kepijan Yuda luâk siâ malep kotne Apolo are Alesandria kepijan gâtne. Akto yâk nângâ nângâne humo aregât yâkne Anutugât den kulemgoyi are oyaġmâ nângâm metiepgât yâkgât denjaet ukenne akmini. ²⁵ Akto luâk bikne Humogât keiġe bâlensiâ nângâyi arekne maganġbiâ are nângâm metiep. Akto uliknân Yohanene luâk âmbâle tu puli yengiep aregât keiġe nângâm biwiġe owâiġe akto Yesugât keiġe bâlensiâ nângâm heġgemgoep aregât luâk âmbâle makyengim malep. ²⁶ Hain agepgât Yuda yengât den emetnân âġâm Yesugât keiġe makmâ hilip milip makyengimbo Pirisila akto Akuilane den are nângâm gala agaġmâ kewugum emetyetnân âġâm Anutugât den are maganġmâ heġgemgombela nângâep. ²⁷ Akto aregât hamiġân Apolo Akaia hânângen ariwerâm akto âmâ Yesugât kâmot Epeso kepijan gâtġande tângowerâm kulem esenne siâ kulemgom waġi. Aregât keiġe hin, “Luâk ire yengâlân togowerâm aktâp are gala âlepne agaġbi.” Kulem esenne hain dâm kulemgom waġbiâ meakmâ ariep. ²⁸ Mem

Korinti kepijan arim emelâk Anutugât den kulemgoyi are sombeimân oyaġmâ Anutune Yesu maganġmâ damunyeġe akben dâm huġgun aġdo giep aregât keiġe dâm kepikmâ makyengimbo nângâmbiâ bunne akto Yuda yengât den are nângâmbiâ giep. Hain akbiâ Anutune gala akyengimbo biwiyene Yesugâlân katmâ mali are Apolone yâkne tânyenguep. Tânyengumbo biwiyene Yesugâlânâk kârikne katmâ manmâ herone agi.

19

Paulone Epeso kepijan ariep.

¹ Apolo Korinti kepijan mando sop ain Paulone Epeso kepijan arim âmâ Yesugât kâmot siâ mem miawakyekmâ hin dâm makyengiep, ² “Ye uliknân biwiyene Yesugâlân katbiâ Anutugât Heakġande kautyenân meyegep me bo?” dâep. Hain dâmbo yâkne hin dâm maganġi, “Nen Anutugât Heak aregât keiġe bo nângâmaen.” dâyi. ³ Hain dâmbiâ hin makyengiep, “Ye tu puli yengiyi aregât keiġe makniġbiâ nângâwe.” dâep. Hain dâmbo yâkne hin maganġi, “Nen Yohanene tu puli nengiep keiġe areâk.” dâyi. ⁴ Dâmbiâ hin dâep, “Biwiyene purik kato bâleneyene makmâ miawakġetgât Yohanene makyengiep. Makyengim den siâ dewatim hin dâm makyengiep, “Haminângen luâk siâ togom mandâp, aregât nângâm yâkgâlân han biwi katġet.” Yohanene hain dâm Yesugât keiġe makyengiep.” ⁵ Paulo hain dâmbo nângâmbiâ Yesu Humo yâkgât kotne konmâ tu puli yengiep. ⁶ Puli yengimbo Paulone bânne kautyenân kato Anutugât Heakġande gem kautyenân mendo elewetyene purik âġâmbô den siâ siâ agi. Hain akmâ arim Anutugât den are makyengim mali. ⁷ Luâk keiân lâuwâ me hain arekne hain agi.

⁸ Akto Paulone Yuda yengât den emetnân hilâmne hilâmne âġâm gem hamep bâlâk manmâ, “Anutune damunyeġe akberâm agep aregât keiġe makyengire nângâmbiâ bunne agâk.” dâm makyengim hanyenân giep. Hain akmâ mando dewutâ âlâwu bo agep. ⁹ Akto luâk bikġande biwi kârik akmâ Yesugât den are nângâmbiâ bâlimbo kâmot humo yâk yengâlân arim

Yesugât pat sârek kom makyenjim agi. Hain akbiâ aregât Paulone hepun yekmâ ariep. Hepun yekmâ ariwerâm luâk âmbâle bikne Yesugât biwiyene kali are mem menduguyekmâ hilâmne hilâmne luâk siâ kotne Tirano yâkne luâk âmbâle mendugu yekmâ den kepikmâ makyenjiep, aregât emelan kewugu yekmâ âgâm Yesugât keine totokom makyenjiep. ¹⁰ Hain makyenjimbo manbiâ hombanj lâuwâ bo agep. Akto sop ain Yuda luâk âmbâle ain mali are akto kepia ambolupne Asia hânân mali yâk hârokne Humogât den are nângâm mali.

Yuda yengât luâk kâmbokne.

¹¹ Akto Anutune Paulo meme agandjo kulem keine keine ketuguep. ¹² Hain akto aregât luâk âmbâle arekne Paulogât âi sângum me puliak puliak sângum are mem manmâ kundat agi yâk yengâlân arim mem howaiyekbiâ âlepne agi. Akto sinduk baniara bâlenjande kautyenân meyegi are hepun yekmâ ariyi. ¹³ Akto Yuda luâk liunak gonak bikne hân are ândeanmâ mali yâkne âgâ âgâne akmâ Kembu Yesugât kotne liunak gonak yeje agakgât nângâm luâk sinduk baniara siâ hin makyenjiyi, “Yesugât kot patne Paulone makmap yâkgât laugât ariwen.” ¹⁴ Akto sumbe kat kat humo siâ kotne Sikeua yâkgât nanlupne 7 yâkne hain agi. ¹⁵ Hain akmâ sop siân sinduk baniara bâlene siâ watberâm âmâ Yesu kotne konbiâ sinduk baniara bâlene arekne hin dâm den hâune makyenjiep, “Yesu are nângân. Akto Paulo are nângân. Dâ ye âmâ niñaelân gâtne? Keiyene bo nângân.” dâep. ¹⁶ Hain dâmbo luâk kautne gulip agep arekne kârikne akmâ nanan are yengum watyekmâ sângumyene are mem duwatmâ panyengim yengum mem siâ siâ ketuguyekto gilâm kaujmâ emelanba sopanmâ hâk peke bâlâk gem ariyi. ¹⁷ Akto aregât den pat arekne sambelem arimbo Yuda luâk akto Yuda luâk bo manmai arekne nângâm hamap akmâ mali. Hain akmâ Yesugât kotne mem agali. ¹⁸ Akto Yesugât kâmolân gâtne dondâne Paulogâlân togom wan me wan bâlene mem mali are makmâ miawagi. ¹⁹ Akto emelâk kulem mem mali yâkne gulam sait kârik

aregât kulem esenje are hârogâk mem miawakmâ sombeimân katmâ mendugum oyanbiâ ten tausen kina arekne puligoyigât dop hainare agep. Hain akmâ kâlâp katmâ ombiâ om bo agep. ²⁰ Om bo akto ain Humogât den are maganji goanji akbiâ den arekne kârikne akto luâk âmbâle hârokne penâyengimbiâ sambelem ariyi, aregât luâk âmbâle dondânde den pat are nângâyi.

²¹ Hain akmâ metembiâ Paulone Make-donia akto Akaia hân are ewangim Yerusalem kepien ariwerâm hin dâep, “Nâ Yerusalem kepien âgâm âmâ arewa Roma kepien ariwian.” ²² Hain dâm ariwerâm akmâ luâk lâuwâ kotyetne Timoteo akto Erasto arekne tângoyiat are hunjun yetkimbo Makedonia hânângen ariyat. Dâ ikinje âmâ Asia hânân bâlensiân malep.

Epeso kepien gâtjande kot kambonmâk konli.

²³ Akto sop ain Epeso kepien gâtjande Yesu Humo yâkgât kâmot yengâlân umatne bâlene miawak yengiep aregât keine hin. ²⁴ Luâk siâ kotne Demetrio arekne anji goanji hin ketugum malep. Kât siâ kotne siliwa are mem lâpioyene kotne Atemesi yâkgât opmân kâmbokne humo aregât otnene bâlensiâ ketuguminep. Akto Demetronje otnene bâlensiâ ketugu yekto kepia ambolupne akto lombo togo togojande are puligombiâ puli humo are mem âi luâk akto galalupne oyanmâ yengim malep. ²⁵ Akto Demetronje âi luâk bikne mem menduguyekmâ hin dâm makyenjiep, “Galalupne, Atemesigât opmân otnene ketugum arewa puli humo mem miawakmaen are nângâi. ²⁶ Akto luâk siâ togo malep kotne Paulo yâkgât keine ekmâ nângâmai. Yâk âmâ Asia hânân gâtne akto Asia hân aregât kepia kautne Epeso aregât ambolupne biwiyenân gem hin dâm makyenjimap, “Luâkne hanyenân nângâm lâpio wan me wangât otnene ketugumai are bunje bo.” ²⁷ Hain dâmbo âinenje bunje bo akmap are nângâre umatne aktâp. Akto are konok bo. Asia hânân gâtne akto hân siân gâtne dondâne Atemesigât den lokom maliñe den are hepunmâ siâgâlân arimbiâ aregât yâkgât

opmân are gao gao dâgâmbô kotnje gembo nângâre bâliâp.” dâep.

²⁸ Demetrijone hain dâm makyengimbo biwiyene kâlâp akto kambonmâ hin dâyi, “Epeso luâk nengât Atemesi ire humo âlepne dondâ.” ²⁹ Kot kambon konmâ hain dâmbiâ kepia ambolupne hârogâk biwiyene kâlâp akto mendugum olowâk arim Makedoniagât luâk lâuwâ Paulo olop gayi are kotyetne Gaio akto Aristako yâk mem oloj yelemâ arim kepia sombeimân menduguyelegi. ³⁰ Akto Paulone aregât nângâm yâk yengâlân ariwerâm akto Yesugât kâmotne mem guguwâi dâm gangerâyi. ³¹ Akto luâk humomo Paulogât galalupne ain mali arekne yâk yengâlân bo ariâk dâm makmâ hârem den katbiâ Paulogâlân ariep. ³² Akto luâk arekne sombeim humoân mendugumbiâ ain gâtne biknande kejne wangât aktâi dâm nângâwerâmbiâ bo agep. Aregât den humo akbiâ gembo âgâmbô akmâ âmâ hanâk hanâk akmâ gulip milip agi. ³³ Luâk arekne hain akmâ manbiâ aregât Yuda luâkne galayene siâ kotne Alesande are maganbiâ kâmot humo are hutyenân kinmâ bâtnande koratyengum den aregât makmâ hâre yengiwêrâm agep. ³⁴ Makmâ hâre yengiwêrâm akto luâk are ekmâ nângâm, “Luâk ire âmâ Yuda yengâlân gâtne arekne agatmâ kindâp.” hain dâm âmâ emelâk magi are hainâk makmâ ge tatmâ nângâm hin dâm kambonji, “Epeso luâk nengât Atemesi are humo âlepne dondâ.” dâm kambonji. ³⁵ Hain dâmbiâ sop kâlep akto âmâ kaunsoligât âi meme yâkne denyene are hâkokom korat yengumbo den hepunbiâ hin dâm makyengiep, “Maktere nângânet. Epeso kepia ambolupne nenneak Atemesigât opmân are akto yâkgât kât kâmbokne humo himbimânba giep are damunne akmâ manmaen. Aregât kejne luâk âmbâle hânne hânne mandâi are hârokne nângâi. ³⁶ Luâk siâne aregât den mem ge katbiapgât dopne bo tatâp. Aregât wan me wan bâlene hanâk aktâi aregât biwiyene geâk. ³⁷ Luâk meyelemâ gai arekne lâpio yenaet opmânân âgâm kâmbu bo meyat. Akto Atemesigât bâlene bo dâm maganngiyiat. Hain bo akbela ina yene hanâk mem

olonyelemâ togoâi. ³⁸ Demetrio akto galalupnande luâk siâgât nângâmbiâ bâliâp. Akto den heנגemgoweren dâmbiâ aregât kaknân kiap den nângâ yengimapgât sopne ewumâk akto arim yâkgâlân makmâ miawakbai. ³⁹ Gârâmâ yengât den siâ tatâp. Akto âmâ kepia ire damunlupylene yâk yengâlân mem ariwai. ⁴⁰ Unjak iregât den makbiâ biwiyene bâliâp aregât bugâ ire miawakberâm aktâp. Aregât luâk humo tâmbâ arekne nângâm âmâ sân sân mendo wan me wan aganjenne nângâmbô âmâ ârândân akbiap aregât dop bo tatâp.” dâep. ⁴¹ Kaunsoligât âi meme yâkne hain dâmbô nângâmbiâ ârândân akto awam akmâ ariyi.

20

Paulo yâk Makedonia hânân arim arewa Akaia hânân ariep.

¹ Den humo miawagep are bo akto Paulone Yesugât kâmot mendugu yekmâ biwiyene Yesugâlânâk arim kilâk dâm makyengim hepunyekmâ Makedonia hânân togoep. ² Hân ain togom Yesugât kâmotne manmâ ariyi yâk yengâlân togom den kârikne makyengim hepun yekmâ kepia siân togo hainâk hainâk akmâ manmâ ainba Girik hânân togo penânijep. ³ Mando dewutâ âlâwu bo akto Siria hânân ariwerâm haru ginjân gem wangan âgâwerâm akto âmâ Yuda luâk biknande gasa aganmâ komberâm akbiâ yekmâ nângânâ purik katmâ Makedonia hânân ariwerâm agep. ⁴ Akto luâk yâk olop ariyi kotylene hin. Berea kepia ambone siâ kotne Sopate yâk Piro nanje, akto Tesalonike kepijan gâtne kotyetne Aristako akto Sekundo, akto Derebe kepia ambone kotne Gaio, akto Timoteo, akto Asia hânân gâtne siâ kotne Tikiko, akto Tropimo. ⁵ Yâkne soj hepun nelekmâ arim Troa kepijan arim ain Paulo net lâmnetkuyi. ⁶ Arim lâmnetkumbiâ sot bo kaulemap aregât sopne bo akto net Pilipi kepia are hepunmâ wangan âgâetne menelemâ arim mando hilâm momerâk bo akto arim katnelektro Troa kepijan âgâm penâyenngiyiot. Penâyenngietne olop mandenne hilâm nâmbulân lâuwâ bo agep.

Pauloŋe Troa kopian luâk sigan siâ moep are momoŋânba mem agalep.

⁷ Sot om munditmâ ligim nemberâm Sarere hândâkŋân menduguyion. Akto Pauloŋe emet haunċo ariwian dâm aregât Anutugât den makyenċim kindo hândâk tânâmŋe agep. ⁸ Akto emet kâleŋe siân âgâm menduguyegion. Akto emet are dewatim kakŋân kakŋân âlâwu ketuguyi ain kemdâ sagom katbiâ om kilep. ⁹ Akto Pauloŋe den makyenċim kindo sop kâlep akto nanaŋ siâ kotŋe Eutiko arekŋe Paulogât den are nâŋgâm tatmâ seru meme lapaŋân tatmâ dewunŋe asiŋ akto bam gutmâ taleine seru meme are kakŋânba ge kinmâ miwindik ageine ge kondo mom yiep. ¹⁰ Hain akto Pauloŋe gem nanaŋ are mem maŋganmâ kinmâ hin dâm maknengiep, “Bo indenċet. Biwiŋe golâk yendâp.” dâep. ¹¹ Hain dâmbo emet kâlegen âgâm sot ligim munditmâ nem Yesugât den dâm magaŋgi goaŋgi akbiâ emet haunċep. Emet haunċo hep- unyekmâ ariep. ¹² Arimbo nanaŋ momoŋânba agalep are kewugum emetŋân âgâmbiâ kambiamyene âlepŋe agep.

Pauloŋe Troa kipia hepunmâ Milete kopian ariep.

¹³ Akto Pauloŋe dâmbo nenŋe hep- unakmâ bikŋande waŋgan âgâm Aso kopian ariyion. Dâ ikinŋe âmâ kei hân haru hâlânŋmâ Aso kopian ariep. ¹⁴ Arim âgâmbo peniaŋgim olowâk Mitile kopian ariwerâm waŋgan âgâenŋe menenekmâ ariep. ¹⁵ Arim âmâ yem kindenŋe haunċo lâuwânŋe Kio hân haru tânâmŋân talep ain gem kindenŋe haunċo âlâwuŋân Samo hân haru tânâmŋân talep ain arim peniaŋgim yogan talion. Arewa arim imbâtŋân Milete kopian ariyion. ¹⁶ Akto ain Anutugât Heakŋande ulik gulik kakyenân giep, aregât hombaŋ ain tâlâguep. Aregât Paulo Yerusalem kopian dowâk ariwerâm agep. Aregât arewa arim Epeso kopian arim mandenŋe sop kâlep akbop dâm Epeso kipia ewangim Milete kopian tâŋâk ariyion.

Pauloŋe Epeso kipia ambolupŋe makyenċiep.

¹⁷ Pauloŋe Milete kopian arim waŋganba sopanmâ gem luâk siâ hunċun anċo

Epeso kopian arim Yesugât kâmotlupŋe are yenċgât damunlupyene kewugu yekto togoyi. ¹⁸ Togombiâ Pauloŋe den hin dâm makyenċiep, “Galama, nâ Asia hân humoân iren pup pup yenċgâlân manmâ âmâ âi keiŋe katmâ mem gan aregât keiŋânba nânċâi. ¹⁹ Akto nâŋe nune hâkne bo mem agalân. Yân indemâk manmâ Humogât hoŋ bawa malân. Akto Yuda luâkŋe gala bo akniŋmâ nuguwerâm mem siâ siâ ketugunekbiâ hâk hilâlâm kakŋân malân. ²⁰ Hain akmâ manmâ Yesugât keiŋe are bo tigire talep. Ye âlepŋe manċet dâm Yesugât keiŋe are makyenċiwerâm kipiane kipiane arim sombeimân me emetyenân âgâm makyenċim malân. ²¹ Haingât Yuda luâk akto Yuda luâk bo manmai are yenċgâlân arim den dâtâŋe hin makyenċim malân, agak memeyene bâleŋe Anutugâlân makmâ miawakmâ biwiyeŋe Humo Yesu Kristogâlân katŋet. ²² Akto unċak ire âmâ Anutugât Heakŋande hâwâtneko yâkċgât denŋe lokom Yerusalem kopian ariwerâm aktân. Indânân ariwerân âmâ wan me wan gain gain hinare are miawak niŋbiap are bo nâŋgâm henċgemgoân. ²³ Hain akto Anutugât Heakŋande damunne akmâ makniŋdo kipia ârândânŋ togore kala busi kâlegen kat nekberâm me bâleŋe siâ siâ akniŋberâm akbiâ are nâŋgân. ²⁴ Gârâmâ bâleŋe siâ siâ akniŋbiâ mombian aregât nâŋgâre owâiŋe aktâp. Aregât Yesuŋe âi ire dâm hârem niŋep ire konok mem manbaen. Akto iregât konok biwine humo yemap. Aregât dopŋe hin. Anutuŋe ukenċaet akmâ luâk hârok damun nenŋe akberâm aktâp aregât den pat âlepŋe are makyenċim manbian. Âi are konok mem henċgemgom kinbian, hain nâŋgâm aregât konok biwine humo yemap. ²⁵ Akto ire maktere nâŋgânċet. Anutuŋe damun nenŋe akberâm aktâp aregât nâŋe den pat âlepŋe are makyenċim hutyenân mandere nekmai. Gârâmâ arire kakŋân lâuwânŋe bo nekbai. ²⁶⁻²⁷ Nâ Anutuŋe nekto ârândânŋ akmapċgât yu makbe. Nâ Anutugât den hârok hamep bâlâk makyenċigire nâŋgâyi. Aregât unċak ondop pâronċgât makyenċigire nâŋgânċet. Siâ hilip agumbo dosaŋe nâŋgâlân bo tatbiap. ²⁸ Ye han biwi golâ manbi. Hain manmâ

Anutuņe luâk âmbâle bikņe gilâmņande puliyegep are damunyeņe akbi. Akto Anutugât Heakņande Yesugât kâmot are yeņgât pat dâm makyenġiep aregât damunyeņe akmâ manbi. ²⁹ Nâ hin nâņgân. Nâņe hepunyekmâ arire âmâ haminân luâk bikenba pugaiya hain arekņe yeņgâlân togom luâk âmbâle yoņâk bâleņe akņet dâm hâwât yekbai. ³⁰ Aregât dop akmâ yeņgâlân bikņande heyenġim biwiyeņe nengâlân katmâ Yesu hepunņet dâm olonyekmâ hilip yeņguwai. ³¹ Aregât han biwi golâ manbi. Akto den ire mem biwiyeņân katbiâ talâk. Nâņe hâk hilâlâm kakņân manmâ hândâk hilâm Anutugât keiņe dâm hârok mendugum makyenġiman. Akto siâ ikiņeâk ikiņeâk dewunņe tuņe olowâk makyenġim manmâ gare hombaņ âlâwu bo aktâp. ³² Akto uņak Anutuņe damunyeņe aktâpġât han kalemņe denân katyekmâ ariwerân. Anutuņe ikiņe ukenņaet akmâ damunyeņe akberâm aktâp aregât nâņgâmbiâ biwiyeņe bo umatņe akbiâp. Akto biwiyeņe Yesugât katmâ manbiâ yâkņe yeņgât nâņgâm meme akyenġimbo manman kârikņaet pat yeņġiep are manbai. ³³ Nâ puli sikumġât makmâ egâlian bo akyenġiân. ³⁴ Nâ nune akto luâklupne nenņaet wan me wan bâlensiâ bâte irekņe mâņgire miawaknengiep a nâņgâmai aten. ³⁵ Nâ wan me wan keiņe katyenġiân akmâ âi kârikņeâk mem umburuk mamburuk yâk kalemgom yeņġiwiangât aregât dâp gai tâlim hekatyenġiân. Aregât yeņe areâk tâlim Kembu Yesuņe den hin magep are nâņgâwi, galalupyenande yeņġimbiâ âlepņe aktâp gârâmâ yeņe yâk yeņġimbiâ âmâ âlepņe dondâ aktâp.” dâep.

³⁶ Pauloņe den hain dâmbo kâņgombiâ Humo konmâ ulilaņep. ³⁷ Ulilaņdo âi girâp akmâ indem lokom maņganli. Hain akbiâ den hin dâm makyenġiep, ³⁸ “Ariwian iregât kakņân lâuwâņe bo purik katbian.” dâmbo aregât nâņgâm biwiyeņe umatņe agep. Hain akbiâ hepun yekmâ waņgan âgâep.

21

Pauloņe Yerusalem kipian purik katmâ ariwerâm ariep.

¹ Akto nenņe hepunmâ hân siâ haru tânâmņân talep kotņe Ko ain tâņâk ariyion. Arim yem kindenņe haunġo arewa arim haru tânâmņân hân siâ talep kotņe Rodo ain arim waņga hepunmâ Patara kipian ariyion. ² Ain arim waņga Poinike hân ain ariwerâm akto are mem miawakmâ âmâ âgâenņe menenekmâ ariep. ³ Arimbo dewun nenņe indâgen panmâ hân siâ haru tânâmņân tato egion are kotņe Kipiro. Ekmâ yânâk kanegen tato ewanġim ariyion. Arim Siria hânân kipia siâ talep kotņe Tiro are haru ginņân talep ain ariyion. Arim waņga are hepunmâ arienņe kipia ambolupņande gam waņganba ito siâ siâ are lândem katbiâ ġiep. ⁴ Akto nenņe kipian âġâm Yesugât kâmotlupņe mem miawak yekmâ yâk olop mandenņe hilâm nâmbulân lâuwâ bo agep. Akto hilâm are hutņân sop siâ Anutugât Heakņande makyenġimbo aregât Paulo yâk Yerusalem kipian bo ariâk dâm maganġi. ⁵ Akto waņga are ariwerâm akto luâk âmbâle nananġ lepat hârogâk nen kat nenekberâm kewugu nenekbiâ olowâk haru ginņân geyion. Gem haru ginņân tatmâ kâņgom Anutu ulilaņion. ⁶ Ulilaņmâ waņgan bam âġâwerâm aktenņe maņgan aknengimbiâ hepun yegion. Akto yâk purik katmâ kipiayeņân ariyi.

Luâk siâ kotņe Agabo yâkņe Paulogât keiņe makyenġiep.

⁷ Waņgan âgâenņe menenekmâ Tiro kipia are hepunmâ arim Tolemai kipian kat nenekto waņga hepunmâ kipian âġâm ariyion. Arim âmâ Yesugât kâmot yektenņe maņgan nenekbiâ olowâk talion. ⁸ Tatmâ sot wan om nem yem kindenņe haunġo hepun yekmâ arewa arim Kaisarea kipian âġâm luâk siâ kotņe Pilipo Yesu bo nâņgâ aņmai areyeņgâlân arim Yesugât keiņe makyenġim malep are mem miawaktenņe olowâk malion. Pilipo are emelâk luâk nâmbulân lâuwâ meyekmâ âi dâm hârem yeņġiyi are yeņgât hutyeņân ġâtņe. ⁹ Akto baratlupņe imbât are âmbâi tat tatņeâk hârok yâkņe Anutugât den are oyaņmâ makyenġim mali.

¹⁰ Akto yâk olowâk mandenņe emelâk Yudaia ġâtņe siâņe Anutugât den dâm

miawagep kotje Agabo, are nengâlân togoep. ¹¹ Togom Paulogât pânânba sânġum tâkne mem hulanmâ ikinje keine bânje dâgâm mendugum hin dâep, “Anutugât Heaknande hin dâp, tâk ire amboje Yerusalem kipian arimbo Yuda gâtne kipia ambolupnande hin hikom Anutugât keine bo nânġâi are yengâlân katbai.” ¹² Agaboje den hain dâmbo nen akto kipia ambolupne nenje Paulo Yerusalem kipian bo âgâwen dâm maganjon. ¹³ Hain dâm maganjenje Paulone hin maknengiep, “Ye wangât indem tatbiâ biwine hiondâp? Hepunjet. Nâje Yesugât akmâ nânġâm Yerusalem kipian âgâre mem kala busi kâlegen katnekbai aregât hamep bo aktân. Akto are konok bo. Humo Yesugât nânġâm âmâ âgâre nuguwai aregât hanâk hamep bo aktân.” ¹⁴ Hain dâmbo lâuwâje hâwâtmâ maganjenje nengât den bo nânġâ nengimbo aregât hin dâyon, “Bâin. Humogât den are kârikne agâk are Humogât han.” hain dâyon.

Paulone Yerusalem kipian arim kipia bikne bikne den pat âlepne are makyengiep.

¹⁵ Hain dâenje manmâ manmâ Yerusalem kipian âgâwerâm aregât ito kârugut kom kilion. ¹⁶ Hain aktenje Kaisarea kipia ambolupne biwiyene Yesugât kali yâk yengâlânba biknande kewugu nenekbiâ ariyion. Arim luâk siâ Kipiro gâtne kotje Mason yâk uliknânâk biwine Yesugât kalepgât yâkgât emelan katnenegi. ¹⁷ Akto arewa arim Yerusalem kipian arienje âmâ Yesugât kâmot biknande penânengim herone aknengimbiâ ain manġan akmâ olowâk talion. ¹⁸ Tatmâ yem kindenje haunġo Paulone oloġ nenekto Yakopogât emelan âgâyion. Ain âgâenje Yesugât kâmot yâk yengât damunlupyene hârokne togom penânengi. ¹⁹ Togom penânengimbiâ Paulone manġanyekmâ Anutune meme aganġo Yuda bo manmai are yengâlân arim wan me wan akyengimbo bunje agep aregât keinânba den pat makyengiep.

Paulone Mosegât den kârikne are mem agato ekbiâ ârândân agep.

²⁰ Paulone den pat hain dâm makyengim metembo ain tali arekne Anutugât kotje

mem agatmâ Paulo hin dâm maganji, “Galanenje nânġât? Yuda luâk âmbâle dondâje biwiyene Yesugâlân katmâ mandâi. Yâk hârogâkne Mosegât den kârikne are kârikne akmâ mem agatmai. ²¹ Akto gânġât den hin katbiâ togombo nânġâmai. Yuda luâk âmbâle arekne hân siângen arim mandâi are makyengim Mosegât den kârikne are hepunjet dâm makyengimat. Akto nananlupyene yengât hâkyene bo gâiyenġet dâm koyengimat. Akto Yuda luâk nengât agak meme are hepunjet dâm makyengimat, hain dâm togo makyengi. ²² Are nânġâmbiâ bâlimbo âmâ gain gain akbaen? Gâ Yerusalem kipian togoât aregât den pat nânġâwai. ²³ Aregât den siâ yu makġinberen ire akben. Nengâlân gâtne luâk imbât mandâi arekne emelâk Anutugât den kârikne are akbaen dâm makmâ hâreyi. ²⁴ Akto gâje yâk yengâlân dewatim katmâ gala akyengim sumbegât sonġone puligom yengimenâ olowâk sumbe emetnân âgâmbiâ aregât bâin dâm dumutyene hârewi. Hain akbiâ nengâlân gâtne biknande gekmâ hin dâwai, “Iregât me niġaet den katbiâ togombo nânġâyion? Dâ luâk arekne âmâ Mosegât den kârikne are mem agatmâ manmap.” dâwai. Hain dâm gânġât keige bunje heġgemgowai. ²⁵ Hain gârâmâ Yuda luâk âmbâle bo manmai biwiyene Yesugâlân kali arekne lâpio yengât sot omai me sonġo gilâmdâk hanyene hâremai are bo nembidâm makmâ hâreyengim den katenje ariep. Akto âmbâle mem hepun hepun bo akbi dâm makmâ hâre yengi. ²⁶ Hain dâmbiâ Paulo denyene lokom luâk imbât are penâyengiep. Penâyengimbo yem kinbiâ emet haunġo, “Anutugât dewunġân salek salek manbaen.” dâm aregât purik katmâ sumbe emetnân âgâyi. Âgâmbiâ Paulone luâk imbâtne den kârikne aregât pat koyengi are bo akbiapgât sop akto sumbe ombaigât sumbe emetgât damunlupne makyengiep.

Paulone sumbe emetnân âgâmbiâ mem kemberâm agi.

²⁷ Hilâm âi meme 7 siâ me siâ manmâ manġetgât magi are bo akberâm akto Paulone sumbe opmânân âgâm mando

Asia hânân gâtje Yuda luâkne are ekmâ luâk hârok hanyenje mem gulip koyi. Akto hanân gege akyenjiyi. ²⁸ Hain akmâ Paulo mem konmâ magi, “Wei Israe luâkma, togo tânnengunjet. Luâk irekne hân ârândân manmâ Yuda luâk nen gasa aknengim den kârikne akto opmânnenje ire makmâ gâlikom manmap. Hain akmâ opmân nenjân Girik luâk oloj yekto gam opmân kâmbokne nenje ire gagap mângimai.” dâyi. ²⁹ Amâ keije hin. Paulo Epeso kipian gâtje luâk Tropimo yâk olop kipian bawa gaga akbela yelemâ nângâm hilipkom magi. Sumbe opmânjân olojmâ gaep dâm nângâm hilipkoyi. ³⁰ Paulogât hain dâmbiâ kipia ambolupne dondâje pârigim togo sumbe emetjân âgâm menduguyi. Mendugumbiâ luâk bikjande sumbe emetjânba Paulo mem olojmâ geyi. Mem olojmâ gembia sumbe emetje hângi are tigiyi. ³¹ Hângi tigimbâ Paulo mem moâkgât komberâm akbiâ hutyenânba siâje den kato Roma tembe loko yengât humoyenje aregât ariep. Akto den kalep are hin, “Yerusalem kipia ambolupne hârokne bugâ komberâm mendugumbiâ kuk humo miawaktâp.” ³² Den hain dâmbo tembe loko yengât humoyenje arekne nângâm tembe loko gegeje âgâ âgâje hârok meyekmâ sumbe emetjân togombiâ luâk kâmot humo arekne yekmâ hamep akmâ Paulo hepunbiâ talep. ³³ Hepunbiâ tato tembe loko humoyenje arekne Paulogâlân togom tembe lokolupyenje hin makyengiep, “Luâk ire mem tâk kârikne lâuwâ arekne bâteje bip bip hikom kala busi kâlegen katjet.” dâmbo are akberâm akbiâ hin dâep, “Luâk ire wânân gâtje. Akto gain gain akto biwiyenje bâliâp?” dâep. ³⁴ Hain dâmbo yenjeâk purik gurik akmâ maganjimbâ den gulip milip agep. Den hain akbiâ gulip humo akto den bo nângâm hejngemgom tembe loko makyengimbo mem kiap yengât emetyenân ariwerâm agi. ³⁵⁻³⁶ Mem olojmâ arim tireknânba âgâwerâm akbiâ luâk bikjande gulip milip akmâ dâp tigim kârikneâk konmâ hin dâyi, “Luâk are moâkgât kone.” dâyi. Hain dâmbiâ tembe lokoje Paulo kombâirâm mem agatmâ kambeyenân katmâ lokom

emet kâlegen âgâwerâm agi.

³⁷ Hain akbiâ tembe lokoje wârakmâ Paulo lokom âgâm dawalaunân katbiâ Paulone tembe lokoyengât humoyenje are Girik denân aikoep, “Den siâ makinjberâm aktân.” dâmbo tembe lokoyengât humoyenje arekne hin dâep, “Ai, gâ Girik den nângâmat mon?” ³⁸ Ulikjân Aigita gâtje siâ bugâ komberâm ikinje tembe lokolupne 4,000 meyekto hân kamitjângen ariyi aregât nâje gâ yâk dân. Akto gâ hinje Girik den makinjmenâ nângâm, “O luâk ire âmâ Aigita gâtje bo.” dân.” dâep. ³⁹ Hain dâmbo Paulone hin dâm maganep, “Nâmâ Yuda luâk, Kilikia hân Taso kipia humo aregât amboje. Nâ nângâ ninjmenâ luâk kâmot humo ire den siâ makyengiwe.” dâep. ⁴⁰ Hain dâmbo âlepne dâmbo Paulone tirek kakjânba kinmâ bâteje pando den nângâmbiâ Yuda yengât denân makyengiep.

22

Paulone ikinje keije makyengiep.

¹ Paulone Yuda yengât denân hin dâm makyengiep, “Galalupne akto humomolupne nune keine makyengire nângânet.” ² Hain dâm Yuda yengât denân makto luâk tali arekne nângâm nengât den nângâmap dâm yân tatmâ nângâm ariyi.

³ Hain akbiâ lâuwâje totokomâk hin dâm makyengiep, “Nâ Yuda luâk Kilikia hân Taso kipia tatâp ain miawagân. Akto nângâ nângâ emetje kipia in katnekbiâ malân. Akto Gamalie yâkne âmâ Anutugât den ligim makinjdo yâk olop maliot. Akto bâginenje Mosenje den kârikne katnengiep are hârok nângâm meteân. Akto unak ire yene aktâi nâje hainâk agân. ⁴ Hain akmâ biwine Anutugâlân katmâ ukenje kakjân manmâ âmâ kârikne agân. Hain akmâ Yesugât den pat ire bo agâk dâm nâje Yesugât kâmotlupne hârok mojet dâm bâlene siâ siâ akyengim manmâ luâk âmbâle dondâ yengum meyekmâ arim kala busi kâlegen katyektere tali. Nâje hain akyengim malân. ⁵ Akto sumbe kat kat luâk are yengât humomolupyenje akto areyengât luâk kautje yâkne nângâmbiâ bunje aktâp. Akto

yâkne âmâ Yuda luâk galalupne Damasko kipian mali are yengât kulem esenpe siâ niñmâ hin dâm makniñmâ hungun niñbiâ mem ariân, “Gâne luâk âmbâle biwiyene Yesugâlân katmâ mandâi are meyekberâm Damasko kipian arim mem miawakyekmâ galalupyene kulem esenpe ire yengimenâ ekbiâ bâtyenân hikom Yerusalem kipia iren meyekmâ togowen.” dâyi.

⁶ Hain dâm kulem esenpe are niñbiâ arire Damasko kipia are tâlâgumbo dewutâ kârikne pando himbimânba dewutâ pagalepe humo siliñ siliñ dâm erânegep. ⁷ Erânekto hânân ge kângom yendere himbimânba den hin dâm makniñep, “Saulo, Saulo, gâ wangât nugum watnekmâ mandât?” dâmbo ⁸ hin dân, “Humo, gâ niñe?” dâre hin makniñep, “Nâ nugum watnekmâ manmat. Nâ Yesu Nasarete kipian gâtne.” ⁹ Hain dâmbo luâk nâ olop mali arekne pagalepe are egi. Dâ den makniñep are âmâ bo nângâyi. ¹⁰ Akto nâ hin dâm aikoân, “Humo wan me wan akbian aregât makniñmenâ lokowian.” dâre hin makniñep, “Agatmâ Damasko kipian arimenâ siâne nâ wan makmâ hâregiñân are akmâ manben dâm makgiñbiap.” dâep. ¹¹ Hain dâmbo pagalepe siliñ dâm hâknânâk erâmbo agatmâ ekberâre dewunne hâwilip akto menekmâ Damasko kipian ariyi.

¹² Akto hilâm siân Yesugât kâmolân gâtne luâk siâ malep kotne Anania arekne Anutu mañganmâ manmâ Mosegât den kârikne are lokom mando Yuda luâk Damasko kipian mali arekne nângâmbiâ ârândân agep. ¹³ Akto Ananiañe nângâlân togom hin dâm makniñep, “Galane Saulo, dewunge pagalembo emet ek.” dâmbo ainâk dewunne pagalembo luâk are egân. ¹⁴ Ektere hin dâm makniñep, “Nengât bâgilupnenne yâk yengât Anutuñe keiñe makmâ hekatgiñmâ ârândân manman Amboñe ekmâ launânba den nângâwendâm mem kepilâ gegep. ¹⁵ Akto gâ siâ me siâ ekmâ nângâen aregât pat hân ârândân luâk makyengim ariwen. ¹⁶ Aregât wangât yân yem tatât? Agatmâ Yesugât kotne konmâ kinmenâ tu puli giñdere dosage bo akgiñâk.” dâm makniñep.

¹⁷ Hain akto Yerusalem kipian purik

katmâ arim sumbe emetñân âgâm Anutu maganmâ tatere âmâ biwine purik kato Yesu Humoñe miawak niñdo egân. ¹⁸ Ektere hin dâm makniñep, “Kipia ire ambolupñande nângât den makmat are hâkân akmaigât dowâk gem kipian inba yân gem ari.” ¹⁹ Hain dâmbo hin maganân, “Humo maktere nângâ. Nâne luâk âmbâle biwiyene gângâlânâk kali are den opmânne opmânne meyekmâ âgâm bugâne yengum malân. ²⁰ Akto Stepanoñe gângât keige makyengiwerâm akto ain konerâm sângum kâkâlep kâkâlep yene are hulanmâ mendugum katbiâ nâne damunne kindere âmâ kombiâ mondo nângâre ârândân agep, aregât patne nângâm meteyi.” ²¹ Hain dâre Yesu humoñe hin dâm makniñep, “Hungun giñdere Yuda bo manmai are yengâlân ari.” dâm makniñep.” dâep.

Paulo bugâne komberâm agi.

²² Paulo hain dâm mando luâk bikñande ondopyene katbiâ ainâk Pauloñe Yuda bo manmai are yengâlân ariwian dâm makyengimbo ainâk den humoâk akmâ kârikneâk kamboñmâ maganñim hin dâyi, “Luâk bâleñe arekne hain dâmbo nângâenñe bâliâp aregât moâkgât mem arim konet.” dâyi. ²³ Hain dâm den giliñgoñ galançoñ akbiâ gulip humo agep. Akto sângum kâkâlep yene are hulanmâ mendugum nukum pañ pañgombiâ nukum humo agalep. ²⁴ Hain akbiâ aregât tembe lokoyengât humoyenande makto tembe lokolupñande Paulo mem emet kâlegen âgâyi. Akto luâk humo arekne, “Gain gaingât akmâ biwiyenân tuk tuk ewuyektâp aregât keiñe makmâ miawakto nângâwegât handomne oreñet.” dâm makyengiep. ²⁵ Hain dâm makyengimbo keiñe bâtne hikom mendugum katbiâ Pauloñe tembe lokoyengât humoyene are hin dâm maganep, “Nâ Roma luâk hinare aregât keiñe bo ekmâ âmâ orenekbiâ ârândân bo aktâp.” ²⁶ dâmbo tembe lokoyengât humoyene arekne luâk humoyene dondâ aregâlân arim hin dâep, “Luâk are amâ Roma luâk bunne aregât gain gain akne?” dâmbo ²⁷ luâk kautne arekne Paulogâlân arim hin dâm aikoep, “Bunne, gâ Roma luâk?” dâmbo Pauloñe,

“Ao.” dâep. ²⁸ Hain dâmbo hin dâm magañep, “Nâ luâk yânñe, Roma yengât humomolupyene puli humo yengim âmâ Roma luâk hainare agân.” dâep. Luâk kautñe arekñe hain dâmbo Pauloñe hin dâep, “Nâmâ memenande menekto âmâ Roma luâk hainare agân.” dâep. ²⁹ Hain dâmbo ainâk tembe loko arekñe sân sân mem oloñ akmâ arim kili. Akto luâk kautñe arekñe den are nângâm sân sân mem hin dâep, “Luâk ire Roma luâk ina nâñe keiñe bo nângâm kala busi kâlegen mem katñet dâre katâi arekñe ârândân bo aktâp.” dâep.

³⁰ Hain dâm nângâmbo umatñe humo akto emet haunjo tembe loko yengât kautñe agep arekñe Yuda luâkñe wangât dâm Paulogât nângâm bâlianñi dâm aregât keiñe nângâwerâm sumbe kat kat luâk humomolupyene akto Yuda yengât luâk kautñe areyengât makto hârogâk menduguyi. Mendugumbiâ tâk hulanmâ Paulo kewugumbiâ âgâm dewunyenân kato kilep.

23

Pauloñe Yuda yengât humomolupyene yengâlân arim den makyengimbo potalagi.

¹ Pauloñe dewunyenân kinmâ Yuda humomolupyene tâñâk yekmâ hin dâm makyengiep, “Galalupne, nâñe Anutugât dewunñan biwi salek manmâ gare sop yu aktâp.” ² Hain dâmbo sumbe kat kat luâk areyengât damun humo siâ malep kotñe Anania arekñe Paulogât enemñan luâk kili are hin dâm makyengiep, “Yeñe ondopñe hogoñet.” dâmbo Pauloñe hin dâm magañep, ³ “Ai, kautge kârikñe. Anutuñe hâmbâi guguwiap. Gâ bia motmot hinare hâkge âlepñe tato biwige hambuep. Gâñe Mose akto bâgilupnennande den kulemgoyi are lokom aregât makmâ hâre niñberâm aktât. Are âmâ gâñe den kârikñe kulemgoyi are hâkân akmâ den are loñgaim ondopne hogoñetgât makyengiât.” dâep. ⁴ Hain dâmbo luâk enemñan kili arekñe hin dâyi, “Wei, Anutugât sumbe kat kat luâk are yengât damun humo are yâkgât wangât hain dâm maktât?” dâyi. ⁵ Hain dâmbiâ Pauloñe hin dâep, “Galalupne, Moseñe den

kulengoep are hin. Kâmot mandâi are yengât damunlupyene yengât den bâleñe bo makbei dâm kulemgoyi are nângâm manman. Aregât sumbe kat kat luâk are yengât humoyene yâkgât makniñbiâ nângân dâine are bo makbom.”

⁶ Hain dâm yekto luâk bikñe âmâ Sadukaio luâk momoñanba bo agatbaen dâmai. Dâ bikñe âmâ Parisaio luâk arekñe âmâ momoñanba agatbaen dâmai Paulo are nângâm hengemgoepgât agatmâ hin dâm kamboñmâ makyengiep, “Galalupne, nâmâ Parisaio yengât kâmolân gâtñe. Akto ewene bâgine âkâ hainâk Parisaio luâk mali. Akto nenñe momoñanba agatbaen are nângâmaen den pat are makyengim manman, keiñe aregât denân katnektâi.” dâep. ⁷ Pauloñe den hain dâmbo Parisaio akto Sadukaio mendugum yeyi arekñe den humo akmâ hutyenân potat potat miawagep. Hain akmâ biwiyeñe hiunep. ⁸ Akto Sadukaio luâkñe âmâ den âlâwu hin dâmai. Nen momoñanba agatbaengât dopñe bo tatâp dâmai. Akto añelo are akto sinduk baniara bâleñe aregât bunñe bo mandâi dâmai. Dâ parisaio amâ a hârok nângâmbiâ bunñe akmap. ⁹ Aregât akmâ potalakmâ den kakñan hogoañyiyi. Hain akmâ arimbiâ Parisaio luâk yengât kâmolân gâtñe Mosegât den kârikñe makmâ kepigi bikñande agatmâ kinmâ den umatñe hin dâyi, “Nenñe luâk iregât nângâenñe dosañe bo aktâp. Gârâmâ añelo me sinduk baniara siâñe den are magañep mon? Aregât siâ bo makberen.” ¹⁰ Hain dâmbiâ biwiyeñe kâlâp bâleñe akto Sadukaio akto Parisaio kâmot lâuwâ arekñe gasa agañgimbiâ tembe lokoyengât humoyene arekñe Paulo mem kom hâk hilâlâm wanbâi dâm aregât hamep akmâ hutyenânba gem Paulo mem kewugum emetyenân ariyi.

¹¹ Akto emet dâgâmbo Humoñe Paulo miawaganmâ hin dâm magañep, “Biwigande nângâmâk tatmâ manben. Akto nângât keiñe makmenâ Yerusalem kipia ambolupñande nângâi hainâk Roma kipian arim nângât keiñe makyengimenâ nângâwai.” dâep.

Yuda luâk bikñande Paulo komberâm

aregât den agi.

¹²⁻¹³ Emet haun̄do Yuda luâk bikn̄ande luâk lâuwâ yetgât kei bāt yetne hârok hain arekne biwi konok akmâ hin dâyi, “Tu sot bâlâk manmâ Paulo kondenne mondo aregât kakn̄ân âmâ tu sot nembâen.” hain dâm magan̄gi goan̄gi agi. ¹⁴ Akto luâk arekne sumbe kat kat luâk yengât damunyeje akto are yengât damun humomo mali are yengâlân arim makmâ miawakmâ hin dâm makyen̄giyi, “Nen tu sot bâlâk manmâ âgâm Paulo kondenne mondo aregât kakn̄ân âmâ tu sot nembâen aregât den kârikne magan̄gien. ¹⁵ Den hain hikoen gârâmâ aregât yeje den ire hin dâm katbiâ Roma yengât tembe loko humoyen̄aelân ariâk, “Gâne dâmenâ Paulo are mem nengâlân katbiâ togombo yâkgât den are lâuwâne hen̄gemgowaen.” hain dâm hian̄gimbiâ denyene nângâm Paulo kato kewugum togombiâ nen̄ne dâwân tengâ kindenne togombo kombâen.” dâyi.

Paulogât begâtnde bugâgât den makmâ miawagep.

¹⁶ Den hain dâm magan̄gimbiâ Paulogât begâtnde den are nângâep. Nângâm ainâk tembe loko yengât emelan âgâm an̄iye magan̄ep. ¹⁷ Magan̄do Paulone tembe loko yengât damun siâ hin dâm magan̄ep, “Nanan̄ ire mem humogaelân arimenâ yâkne den siâ mem togoâp are magan̄âk.” dâep. ¹⁸ Hain dâmbo humon̄aelân mem arim hin dâep, “Paulo kala busi emet kâlegen tatmap arekne nanan̄ irekne den siâ makgin̄berâpgât kewugum âgâ dâmbo gângâlân yu kewugum togoân.” ¹⁹ Hain dâmbo tembe lokoyengât humoyene arekne nanan̄ are yon̄âk mem ba emet kom hâre hâren̄ângen katmâ hin aikoep, “Wan den̄e maknin̄berâm aktât?” dâep. ²⁰ Hain dâmbo Paulogât begâtne arekne hin dâep, “Yuda luâk areyengât humomolupyen̄ande yon̄âk den katbiâ gângâlân togowiap. Amâ Paulo togombo konerâm aregât hen̄gin̄berâm akmâ hin dâwai, “Paulo hutnennân mem katbiâ kinmâ keiye makmâ hen̄gemgombo ekbaen.” dâm hen̄gin̄bai. ²¹ Makgin̄biâ âmâ denyene bo nângâwen. Luâk lâuwâ yetgât kei bāt yetne hârok me gain hain

arekne tengâ kinmâ Paulo kondenne moâk dâm den aktâi. Akto, “Sot bo nem yân manmâ âgâm Paulo kondenne mondo aregât kakn̄ân âmâ sot nembâen.” hain dâm magan̄gi goan̄gi aktâi. Hain akmâ hin̄ne âmâ gângât dengât lângom mandâi.” dâep. ²² Paulo begâtnde hain dâmbo tembe loko humoyene arekne hin dâep, “Gâne den yu nâ maknīndât ire luâk siâ me siâ bo makyen̄giwen.” dâm hun̄gunan̄do gem ariep.

Paulo kombiâ mombop dâm tembe lokoje kewugum Kaisarea kipian ariyi.

²³ Tembe lokoyengât kautnde tembe lokoyengât humomo lâuwâ mem olon̄jelekmâ hin dâm makyetkiep, “Makbela tembe loko tu hânderet akmâ kei hân ariwai akto luâk sewenti akmâ bau luâk soko kakn̄ân ariwai. Akto luâk tu hânderet siânbae âmâ soj soj mem keiyene hân ariwai. Yâkne Paulo kewugum damungom kinbai. Kinbiâ emet dâgâmbo hândâkgât 9 kilok akto sop ain kipia ire hepunmâ Kaisarea ain ariwai. ²⁴ Akto Paulogât bau luâk soko siâ kakn̄ân ariâk dâm are kalan̄biandat. Akto Paulo yeukn̄ân damungom kiap humo kotne Peliki yâkgâlân mem ariwai.” ²⁵ Hain dâm makyetkim kulem esenne siâ hin dâm kulengoep,

²⁶ “O galane Peliki, âlepne nan̄e gâ kiap humo den bâlensiâ hin makgin̄dere nângâ. Nâmâ Klaudio Lisia, gângât okot âlep nângâm kulem ire kulengoân. ²⁷ Tembe lokolupnande luâk ire gângâlân mem togowerâi are Yuda luâkne komberâm aktâi. Hain akbiâ nâne luâk are Roma luâk hainare are nângâm ²⁸ tembe lokolupne olop arim Yuda yengât hutyen̄ânba mem olon̄ion. Akto aregât keiye nângâwerâm aregât maktere sumbe kat kat luâk yengât damun humo akto Yuda yengât humomolupyene hârok mendugumbiâ mem arim denân kalân. ²⁹ Denân katere denyen̄ânâk den kârikne akbiâ âmâ hin nângân. Hain arekne mombiapgât dop bo me kala busi kâlegen katbaengât dop bo egân. ³⁰ Akto luâk bikn̄ande tengâ kinmâ Paulo komberâm akbiâ den are warapne nângâm aregât hun̄gunan̄dere gângâlân togoâp. Akto Yuda luâkne

yâkgât denne dâwerâm gângât enemgân togowai. Togombiâ âmâ wan me wan akmâ hilipkombo denne dâwerâm aktâi aregât aiyengumenâ keiñe makmâ heñgemombiâ nângâwen.” Kulem esenñe hain dâm kulemgom yetkiep.

³¹ Kulem esenñe are kulemgom yetkimbo denne lokom tembe loko olop hândâgân Paulo mem kewugum arim hândâgânâk Antipatri ariyi. ³² Emet hauñdo tembe loko kei hân ariyi are ainba hepunyekmâ purik katmâ kipiayenñan ariyi. Dâ bau luâk soko kakñan ariyi arekñeak Paulo kewugum Kaisarea kipian ariyi. ³³ Arim kiap kulem esenñe are wanmâ Paulo yâkgâlân kali. ³⁴ Katbiâ kiapñe kulem are oyañmâ ekmâ Paulo hin dâm magañep, “Gâ kipia wânân gâtñe?” dâmbô Paulone hin magañep, “Nâ Kilikia hânân gâtñe.” dâep. ³⁵ Hain dâmbô kiap humo arekñe hin dâep, ‘Denân kat gektâi are togombiâ âmâ gângât den ire nângâwian.” dâep. Hain dâm tembe lokolupñe makyenñimbo Paulo mem luâk humo siâ kotñe Herote yâkgât emelan ain katmâ damungom kili.

24

Yuda luâk arekñe Kaisarea kipian arim Paulogât hâkñe tunli agi.

¹ Hilâm momerâk bo akto damun siâ kotñe Anania are akto Yuda luâk yengât humomolupyeñe bikñe akto den tânyenguwiapgât luâk siâ kotñe Teatulo yâkñe Kaisarea kipian gem arim Paulogât hâkñe tunmâ katmâ magi. ² Magañbiâ kiapñe makto Paulo gembo Teatulone âgâm Paulogât denne dâm kinmâ den anğâ hin dâm kiap are magañep, “O luâk humonenñe Peliki, gâ âlepñe nanñe. Gâñe damun nenñe akmenâ nen gala konok manmaen. Akto luâk kâmot nengât nângâm damun nenñe akmenâ agak meme âlepñeak akmâ ³ manmaengât nen hârokñe nângâ giñdenñe âlepñe akmap. Akto aregât kotge mem agatmaen. ⁴ Akto den maktere kâlep akbopgât gâñe yeukñe akmâ nângâm yeugeninñenâ den tâlâwâk siâ makbe. ⁵ Luâk iregât nângâenñe dondâ bâlimap. Yâkñe âmâ emet kakñe amukñe manmâ

kipianje kipianje awam ketuguyekmâ Yuda luâk hutnenñan arim togom nengât biwi kambiam mem bâliakñet dâm aregât hanân gege akmâ mandâp. Akto Nasarete gâtñe siâ yâkgât kâmot areyengât humo amâ ire. ⁶ Akto nengât den kârikñe hin makmâ hârenengiep, “Luâk siâñe sumbe emetñe bâleñe agañdo âmâ kombiâ mombiap.” den are watmâ Paulo mem denñaet keiñe nângâne dâenñe âmâ ⁷ kiap humo Lisia yâkñe kârikñe akmâ nengât hutnenñanba mem oloñep. ⁸ Akto gângâlân togoñet dâm aregât makyenñiep. Akto nenñe den makgiñden ire gugak magañmenâ ikinje keiñe makgiñdo nângâm heñgemgo.” dâep. ⁹ Luâk arekñe den hain dâmbô Yuda luâk âkâ tângom den areâk makmâ bundâk maktâp dâm wâragi.

Paulone ikinjaet keiñe makmâ kiap Piliki magañep.

¹⁰ Akto kiapñe den hâuñe mak dâm agatmâ Paulogât hâmenñanâk ekto Paulone kiap are hin dâm magañep, “Gâ kiap kot mem kipia inâk manmenâ homban dondâ bo agep, aregât agak memenenñe are emelâk nângâm heñgemgomat aregât gâ den amboñe aregât herone aktângât nunaet makgiñdere nângâ. ¹¹ Nâ Yerusalem kipian âgâm Anutu magañmâ sumbe emetñan âgâm manmâ gare hilâm keiân lâuwâ bo aktâp. Akto gâñe aregât nângâm han lâuwâ akmâ âmâ luâk ire aiyengumenâ makgiñbiâ nângâ. ¹² Akto sumbe emetñan âgâm malân ain me sombeimân kinmâ den magân ain, me den emetñe siân âgâm manmâ ain luâk siâgât denne bo koañan. Akto luâk âmbâle potalakñet dâm hanyenñan bo geân. ¹³ Luâk irekñe hianñim den anğâ hogom togo hâknân katâi. Akto den golâ dondâ gagaiâi gârâmâ luâk irekñe den bunñe siâ makgiñbaigât dopñe bo tatâp. ¹⁴ Akto den siâ nângân ire makgiñdere nângâ. Yesugât dâp irakñe are bunñe bo dâm aregât aktâi. Dâ are nâñe nângâre amâ bunñe aktâp. Hain gârâmâ ulikñan Mose akto Anutugât propetelupñe den kârikñe kulemgoyi are nângâre bunñe agep dâm bâgilupnenñaet Anutu hoñ bawa agañman. ¹⁵ Dâ yâk âmâ luâk âmbâle âlepñe bâleñe are hârogâk momonñanba agatbaen, dâmai aregât nâkâ

hainâk nângâmâk manman. Akto Anutugât lângom han biwi golâk hikom manman. ¹⁶ Aregât nâ Anutugât dewunñân akto luâk âmbâle yengât dewunyenñân dosa bâlâk han biwi kau kau manberâm aregât biwine humo yemap. ¹⁷ Akto nâje Yerusalem kipia hepunmâ biken biken arim maktere homban dondâ bo akto hân aregenba togom galalupne yengât nângâyengim puli niñi are mem Yerusalem kipian âgâm galalupne umburuk mali are yengîân. Akto âmâ sumbe emetne humoân âgâm sumbe oân. ¹⁸ Hain akmâ Yuda nengât agak meme siâ tatâp are aktere ârândâñ agepgât Anutugât sumbe omberâm âmâ sumbe emetñân âgâm ondere âmâ mem miawak negi. Mem miawak nekbiâ nunagâk kilân. Luâk kâmot humo bo, akto mun humo bo akmâ manman. ¹⁹ Hain gârâmâ Yuda luâk bikñande Asia hân hepunmâ togom mali arekne nâ denân katnektâi ireyengât hutyenñân siâ kindâi dâine makbiâ nângâwât. ²⁰ Akto menekmâ Yuda nengât humomolupnenñande menduguakmâ denân katnegi âmâ nângât bâleñe gain hinare mem miawagi. Akto âmâ luâk kindâi irekne makñjet. ²¹ Akto hutyenñân kinmâ den konogâk are maktere nângâmbiâ bo bâliep. Den humoâk konmâ hin dâm makyengîân. Luâk nenje momonñanba agatbaengât pat are tatâp. Biwinande are nângâm manman aregât bikñande denân katnekbiâ dewunyenñân yu kindân. Hain dâre den aregât denân katnektâi.” dâep.

²² Paulone hain dâmbo aregât Pelikine Paulogât den are bo hârem yânâk ekmâ talep. Arekne âmâ Yesugât keinjaet pat are konok nângâm heñgemgoepgât hin dâm makyengiep, “Tembe loko yengât kautne kotne Lisia are gembo âmâ denge makmâ hârewaen.” ²³ Hain dâm tembe loko yengât humoyeñe arekne tembe loko are hin dâm magañep, “Paulo gasalupñande ekmâ bâleñe agañbâi gârâmâ gâñe hainâk damungom kinben. Hain akmenâ galalupñande togom gala agañberâm akbiâ âmâ den bo koyenjiwen.” dâep.

Paulo lope kâlegen mando homban lâuwâ bo agep.

²⁴ Akto aregât kakñân hilâm amon siâ bo akto Peliki akto âmbenñe kotne Drusila are âmâ Yuda gâtne, yâkne togom tembe loko makyengimbela bam Paulo mem gutbiâ Paulone âgâm luâk âmbâleñe biwiyene Anutuñe Yesu hungunanñdo giep aregâlân katñet dâm makyengiep. ²⁵ Akto aregât dâm den keñe keñe torokatmâ makyengiep. Are hin. Nen Anutugât dewunñân han biwi kau kau mannerâm are, akto yeukñân manmâ han biwi damun akmâ manberen are, akto sop humoân Anutuñe bân dâm makmâ hârenengiwiap aregât keñe makyetkiep. Are makyetkimbo aregât Pelikine hamep akmâ hin dâep, “Den iregât âmâ sop siân maktere gamenâ gekmâ tatere den ireâk makbiat gârâmâ sop bo akbopgât gem ari.” dâep. ²⁶ Hain dâmbo arimbo aregât kakñân Pelikine Paulo lope kâlegen kato talep, aregât puli niñdo hungunanñdere ariwiap dâm aregât hilâm ârândâñ Paulogât makto gembo den magañgi goañgi akminiat. ²⁷ Hain akmâ manbela Yuda kipia ambolupne biwiyene herone agâk dâm Paulo bo hulandâ âmâ kala busi emet kâlegenâk tatmâ malep. Akto hombanñe lâuwâ bo akto âmâ Peliki arimbo yâkgât dumñân kiap siâ kotne Porkio kotne humo Pesto katbiâ malep.

25

Paulone Roma yengât luâk humone den nânganñkgât magep.

¹ Akto Pesto are kiap katbiâ mando hilâm âlâwu bo akto âmâ Kaisarea kipia hepunmâ Yerusalem kipian âgâep. ² Âgâmbo sumbe kat kat luâk areyengât humomolupyene are akto Yuda yengât humomolupyene arekne mendugum magañgi goañgi akmâ, “Paulo arimbo dâwân tengâ kinmâ kombaen.” dâm aregât kiap hin dâm magañi, ³ “Âlepne den nângânengim hon bawalupge hungun yengimenâ arim Paulo kewugumbiâ Yerusalem kipian togombo denñe nângâ anbiat.” hianmâ hain dâyi. ⁴ Hain dâmbiâ Pestone hin dâm makyengiep, “Paulo âmâ Kaisarea kipian kala busi kâlegen mandâp. Gârâmâ iren bâlensiâ manmâ purik katmâ gewian. ⁵ Gârâmâ ye Paulogât den akberâm âmâ nâ

gewian sop ain humomolupyenje olowâk gem âmâ yâkne wan me wan akmâ hilip-koep aregât den akbi.” dâep.

⁶ Hain dâm tato hilâm bât bip bip hârok me gain bo akto Yerusalem kipia are hepunmâ Kaisarea kipian gem ariep. Arim yem kindo emet haunjo den emetjân âgâm Paulogât makto mem den emetjân âgâm katbiâ kilep. ⁷ Mem âgâm katbiâ kindo Yerusalem kipia ambolupjande gangerâm kârikne akmâ den anjâ anjâ hogom togo hâknân hâknân agi. Akto denyenje are bunje siâ bo miawagep. ⁸ Hain dâm kârikne akbiâ Paulone denyenje are mem gem hin dâep, “Nâne Yuda yengât den kârikne akto sumbe emetne, akto Roma yengât luâk humo, ya maktân âlâwu areyengât bâlene siâ bo nângâyengiman.” dâep. ⁹ Hain dâmbo Pestone Yuda luâk arekne okot âlep nângâniñjet dâm aregât Paulo aikom hin dâep, “Âlepne Yerusalem kipian kewugugekmâ âgâm âmâ denge dâm hâreginjere ârândân akbiap me bo?” dâep. ¹⁰ Hain dâmbo Paulone hin dâm maganep, “Roma luâk humogât den emetne iren katnekbiâ mandân. Aregât nângât den hin dâm hâreniñjet. Gugak âmâ nângât keine nângât. Nâ Yuda yengât nângâm bâli bâli me kuk hengân siâ bo akyengiân. ¹¹ Hain gârâmâ den kârikne siâ koân dâine âlepne nuguwâi. Akto yenje âmâ hianjim den anjâ hogom togo hâknân katâi. Gârâmâ luâk siâne Yuda luâk herone aknet dâmbo âmâ menekmâ arim bâlene akniñbai, aregât dâp bo tatâp. Bo kârikne. Haingât Roma yengât luâk humo konok Sisa arekne âmâ makmâ hâreniñbiapgât nângâm kindân.” ¹² Hain dâmbo Pestogât luâklupne nângâ nângâyene olowâk arekne tângombiâ Paulo hin dâm maganep, “Luâk humo nenje Sisa yâkgât maktât, aregât âlepne yâkgâlân arimenâ yâkne denge are dâm hâreginjbiap.” dâep.

Luâk humo siâ kotne Agripa yâkne Pestogâlân arimbo Paulogât den maganep.

¹³ Akto hilâm siân luâk humo siâ kotne Agripa akto ikinje garine kotne Beanike yâkne Kaisarea kipian arim âmâ Pesto gala aganbela yâk olop mali. ¹⁴ Manmâ manmâ hilâm siân âmâ Pestone Paulogât den pat

are luâk humo are hin dâm maganep, “Pelikinje luâk siâ kala busi kâlegen katmâ arimbo tatmâ manmâ gamap. ¹⁵ Akto nâ Yerusalem kipian âgâre âmâ sumbe kat kat luâk yengât damun humo akto Yuda luâk yengât humomolupyenande mendugum kinmâ denân katmâ hin dâm makniñi, “Luâk are komenâ moâk.” dâmbiâ nâne hin dâm makyengiân, ¹⁶ “Roma luâk nenje âmâ hin akmaen. Luâk siâgât hâknân den anjâ hogom togo katmai are mem bugâgât pat dâm dowâk bo katyekmaen. Nenje âmâ hin akmaen. Ulik gulik luâk are mem den amboñe are mem arim âmâ niñande niñæet denje dâp are soñ katenje ikinæet keine maganjo âmâ den amboñe are olop den akbiâ âmâ aregât hâne wanmaen.” Hain dâm makyengiân. ¹⁷ Akto aregât haminân yâkne nângâlân togombiâ lâuwâne makyengiân. Akto emet haunjo âmâ hainâk âgânet dâre den emetjân âgâm menduguyi. Mendugumbiâ âmâ âgâm tembe lokolupne makyengire luâk are mem ga katbiâ kilep. ¹⁸ Kindo hin makyengiân, “Luâk irekne bâlene agep are makmâ miawaknet.” dâre agatmâ den hâne makmâ hin dâyi, ¹⁹ “Paulo amâ miti siâ mem manmap aregât luâk siâ kotne Yesu are emelâk moep yâkgât kotne konmap.” dâyi. Hain dâmbiâ Paulone hin dâep, “Bo, luâk are golâk mandâp.” dâep. Hain akmâ papalakmâ kinbiâ nângâre siâ me siâ aganbiangât dop bo agep. ²⁰ Hain aregât nângâwerâm pâpkom kilân. Akto hin aikoân, “Yerusalem kipian âgâmenâ âmâ ain gângât den are makmâ hârewian me?” hain aikoân. ²¹ Hain dâre Paulone hin dâep, “Roma luâk humo konok Sisa arekne den makmâ hâreniñâk.” dâep. Hain dâmbo aregât tembe lokolupne makyengire mem kala busi kâlegen katmâ damungombiâ luâk humogâlân ariwerâm aregât lângom mandân.” dâep. ²² Pestone Agripa hain maganjo Agripañe hin dâep, “Luâk arekne den siâ makto nângâwerâm aktân.” dâep. Hain dâmbo Pestone hin dâep, “Âlepne agatmâ makto nângâwen.” dâep.

Paulone luâk humo Agripa yâkgât dewunjan kilep.

23 Yem kinbiâ hauŋdo Agripa akto Beanike hâk meakmâ heŋgemgom den emetnân mendugum tali ain âgâmbela tembe lokoyeŋgât humoyeŋe akto kipia aregât ambolupne luâk humomo arekne hamiyetnân kinbiâ âgâyi. Âgâmbiâ Pestone tembe loko makyenjimbo gem Paulo mem âgâyi. 24 Mem âgâmbiâ Pestone den hin dâm makyenjiep, “Luâk kotdâ Agripa akto galalupne ye makyenpire nâŋgânet. Yuda luâk hutyeŋân kindâi arekne akto Yerusalem kipia ambolupnande nâŋgâm bâlim biwi koko akmâ nâŋgâlân togom luâk yu kindâp iregât hin dâyi, “Luâk ire kondene moâk.” dâyi. 25 Hain dâmbiâ nâŋe dosane are ekmâ nâŋgâre momogât dopne bo agep. Akto aregât kaknân ikinjak âmâ Roma luâk humonenŋande nâŋgât den makmâ hârewiap dâm magepgât yâkgâlân huŋgunandere ariwiap. 26 Akto Paulogât denne bunne siâ ekbe dâm undâgâtere bo akto aregât luâk humonenŋaet kulem esenne gain gain kulemgowe dâm ewum hâumgom aregât hepulân. O humonenne Agripa, aregât makŋidere nâŋgâ. Pâpkom kilân aregât gâ akto yu kindâi ye dewunyeŋân luâk ire katere kindâp. Akto nenne den keiŋe are mem miawakbaen ain âmâ yâkgât den pat are kulemgore ariwiap. 27 Gârâmâ luâk siâ kala busi kâlegen mandâp yâkgât den pat bo kulemgore Roma kipian ariâk dâm yân huŋgunanbian âmâ bo ârândân akbiap.” dâep.

26

Paulone Pesto akto Agripa yetgât dewunyeŋân ikinjaet keiŋe makyetkiep.

1 Akto Pestone den hain dâmbo Agripa Paulo hin maganep, “Gâŋe guge keige makmenâ nâŋgâne.” dâep. Hain dâmbo Paulone agatmâ kinmâ koratyenjum ikinjaet keiŋe hin makyenjiep, 2 “Yuda luâkne hâkne tunmâ den makmâ manmai aregât unak âmâ luâk humo Agripa gâŋgât dewungân kinmâ den bikne makŋiberâm aregât biwine âlepne aktâp. 3 Gâŋe Yuda nengât keinenne nâŋgâm nengât den kârikne aregât dâm papalakmâ âmâ wan me wan owâiŋe aregât dâm maganji goanji akmaen aregât keiŋe nâŋgât. Aregât

nune keine makŋidere bo hâkân akmâ âmâ nâŋgâ. 4 Nâ nanaŋân manmâ nune kipian akto Yerusalem kipian bam gutmâ galalupne hutyeŋân manmâ kauleân Yuda luâkne emelâk negi arekne yu akmâ manmâ gan aregât keine nâŋgâi. 5 Akto nâmâ Parisaio luâkne nengât den kârikne aregât dâm memene akbiâ yâk yengât kâmolân malân. Hain mandere nekmâ keine nâŋgâmai arekne makberâm agi are magi dâine nâŋgât keine âlepne dâmbiâ nâŋgâwât. 6-7 Nâ kala busi kâlegen malân are keiŋe siâgât bo malân. Anutugât den pat âlepne are bâgilupnenne makyenjiep are bunne agâk dâm Israe yengât kâmot keiân lâuwâ manden nen hârokne hândâk me hilâm Anutugât kotne mem agatmâ manmâ den aregât biwinenŋande mem heŋgemgom manden. O luâk humone den ire maktere nâŋgâ. Nâŋe den pat maktân ire biwinân katmâ heŋgemgom manman aregât Yuda luâkne denân katnektâi. 8 Akto Anutuŋe momonânba mem agatnenekbiap aregât ye wangât nâŋgâmbiâ bunne bo akmap?

9 Akto uliknân biwinande hin nâŋgân. Nâŋe Yesu Nasarete kipian gâtne aregât pat âlepne are gulip agâk dâm aregât âi humo meân. 10 Akto hain nâŋgâm Yerusalem kipian manmâ âmâ keiŋe kalân. Keiŋe katmâ makmâ sumbe kat kat luâk yengât humomolupyene yengâlân arim maktere kulem esenne niŋbiâ are mem manmâ Yesugât kâmolân gâtne kuk akmâ kala busi kâlegen katyegân. Akto bugâ neŋet dâm makyenjimbiâ nâkâ denyeŋe areâk tânyenŋuân. 11 Akto Yuda nengât den emetne tatmâ ariep are ârândân âgâm luâk âmbâleŋe biwiyeŋe Yesugâlân kali are Yesugât kot makmâ hilipkoŋetgât hâk hilâlâm yengim malân. Akto aregât biwine kâlâp akto kârikne akmâ kipia kâlewângen arim âmâ yengum hâwâtyekmâ manmâ gan.

Paulone biwine Yesugâlân kalep aregât den pat makyenjiep.

12 Hain akmâ sumbe kat kat luâk yengât damun siâŋe kulem esenne niŋmâ huŋgun niŋdo Damasko kipian luâk bikne olowâk ariyion. 13 O luâk humone, ire makŋidere nâŋgâ. Dâp arienne hilâm kârikne akto âmâ

himbimânba pagalenje siâ miawakto egân. Ektere âmâ dewutâ kârikne kom kilewân mem belek akmâ are ewangiep. ¹⁴ Hain akmâ arekneak erâneko hânân gem parâ yendere ondopnân Hebraio nengât denân siâ hin dâambo nângân, “Saulo, Saulo, gâ wangât nugum watnekmâ mandât? Yeje dua yenguwerâm tâkne hanyenân hikom oloņyekmai. Hainâk nâne mem hiko gektere are oloņmâ hâk hilâlâm nângât.” hain dâep. ¹⁵ Hain dâm makniņdo hin maganân, “Humo gâ niņe?” dâre hin dâep, “Nâ gâne nugum watnekmâ manmat are nâ Yesu. ¹⁶ Nângât hoņ bawa akben dâm mengekberâm miawak giņdân aregât gâ ire wan me wan ektât aregât hâmbâi âmâ den makgiņdere hain akbiat aregât pat makyenjim manben. ¹⁷ Makyenjiwiatgât Yuda luâk akto Yuda luâk bo manmai areyengâlân huņgun giņdere ari-wiat. Aregât kipia ambolupņande bâlene akgiņberâm akbiâ are meyektere yeukne akbai. ¹⁸ Akto nângâ nângâyeņe hâre akto bâlene aregât keiņe nângâm hâkân akmâ hepunbaigât makyenjiwen. Akto Niambigât kârikne hepunmâ Anutugât kâriknân manmâ biwiyeņe Yesugâlân katbiâ Anutuņe dosayeņe hepundo Anutugât kâmolân manņetgât huņgun giņdere yâk yengâlân arim makyenjiwiat. Akto Anutuņe dosayeņe hepundo himbimân manman kârikne aregât pat akņetgât makyenjimenâ biwiyeņe nângâlân katmâ manbaigât huņgun giņbian. Aregât agatmâ arim makyenjiwen.” Yesuņe den hain dâm makniņep.

¹⁹ Akto luâk kotdâ Agripa gâne ire nângâ. Yesuņe himbimânba gem den makniņep ire nângâm lokom manmâ gan. Akto kulem aregât bo hâkân aktân. ²⁰ Akto Damaskogen âi keiņe katmâ kipia are ambolupņe agak meme bâlene yeņaet makmâ miawakyenjim are koyenjiân. Akto Anutugât den lokom biwi irakneâk manņet. Hain dâm Yesugât keiņe makyenjim malân. Akto kipia are hepunmâ Yerusalem arim makyenjim malân. Akto arewa arim Yuda luâk kipiane kipiane makyenjim arewa Yuda luâk bo manmai are yengâlân arim makyenjim malân. ²¹ Akto hain

akmâ Yuda nenne sumbe emetnân âgâre nuguwerâm menegi. ²² Menekbiâ âmâ uņak iregât Anutuņe hilâmne hilâmne tân nugumap aregât den pat luâk gegenje âgâ âgâne ye hârogâk makmâ miawakyenjim gaman. Akto den irakne bo are makmâ Anutuņe hâmbâi âmâ hin miawakbiap aregât den makyenjim gaman. Den ire propete luâklupņe akto Mosenje kulemgoyi aregât keiņe hin. ²³ Anutuņe huņgunanđo gem damun nenne akbiap arekne hâk hilâlâm nângâm mombiap. Mom âmâ moyi areyengât ulik gulik akyenjim momonânba agatbiap. Agatmâ Yuda gâtne akto Yuda gâtne bo are pagalenân manbaigât makyenjiwiap. Den kulemgoyi are keiņe hain dâm manman.” dâep.

²⁴ Paulone keiņe hain dâm makyenjim kindo Pestone agatmâ den kârikneâk makmâ hin dâep, “Paulo gâ biwige gulip aktâp. Kulem emetnân âgâm sop kâlep manmâ gaen aregât biwige gulip aktâp.” dâep. ²⁵ Hain dâambo Paulone den hâne hin dâm maganep, “O Pesto luâk humone, nâ biwine gulip bo aktâp. Nâ den bunne dondâ maktân. ²⁶ Dâ Agripaņe iregât keiņe nângâmap. Aregât maganđere nângâwerâp. Wan me wan dâm are tipnân bo miawagep. Aregât luâk kembuņe nângâm metemap. ²⁷ Luâk humone Agripa, Anutuņe uliknân den makyenjimbo kulemgoyi are nângâmenâ bunne aktâp me bo? Gâmâ nângâm heņgemgomat aten.” dâep. ²⁸ Hain dâambo Agripaņe Paulo hin dâm maganep, “Gâne den bâlensiâ makniņdât are nâne biwine Yesugâlân katbian me bo?” dâep. ²⁹ Hain dâambo hin dâep, “Biwige Yesugâlân yân hain katbiat me bo me sop kâlep hainâk manbiat are bo nângân. Hain gârâmâ uņak den ire maktere are nângâmbiâ Anutuņe tânyenjumbo kâlep bo akto nâne emelâk biwine Yesugâlân kalân hainâk yekâ yâkgâlân biwiyeņe katmâ nângât dop hainâk akņet dâm aregât makmâ kindân. Aregât âmâ tâkne hikonekmâ kala busi kâlegen katnekiâ manman aregât bo maktân.” dâep.

³⁰ Hain dâambo luâk kembu akto siâ akto Beanike akto luâk bikne agatmâ potalakmâ ariyi. ³¹ Hain akbiâ âmâ Agripa, akto Pesto,

akto Beanikenje den maganji goanji akmâ hin dâyi, “Luâk ire bugâ memegât akto kala busi kâlegen kat katgât dop bo aktâp.”
 32 Hain dâm maganji goanji akmâ Agripanje Pesto hin dâm maganjep, “Luâk irekne Roma luâk humogât dewunjan kindere makmâ hâreninjak, hain bo dâep dâine gâne âlepne hungun anmenâ arim âlepne manbop.” dâep.

27

Paulo Roma kipia humo ain ariâk dâmbiâ wanja mem ariep.

1 Kiapne Paulo Italia hânângen ariâk dâmbo Roma yengât tembe loko kâmot siâ kotyene Roma luâk humogât kâmot yengonbiâ areyengât humo siâ malep kotne Yulio yâkne Paulo akto luâk bikne siâ kala busi kâlegenba meyekto nâne Paulo tângowerâre haru ginjan ariyion. 2 Arim wanja siâ Adramitenj kipia aregenba togom kilep are Asia haru dâtnân kipia haru ginje ginje tatmâ ariep ain ariwerâm akto nâ akto luâk siâ kotne Aristako Tesalonike kipia are Makedonia hânân talep ain gâtne net olowâk âgâyion. 3 Âgâenne menenkmâ arimbo emet haundo wanja are Sidonj kipian arimbo ain Yulionje Paulo nângâ ando wanja are hepunmâ gem galalupne yengâlân âgâmbo sot wanbiâ niep. 4 Wanbiâ nem hepun yekto wanjan âgâenne menenkmâ arimbo seru humo wanja hâmeje kâlewângenba togoep. Togombo seru sândugembo arinerâm hân siâ haru tânâmnân talep kotne Kipiro akto Asia hân humo are hutyetjan ariyion. 5 Arim Kilikia akto Pampilia hân are hepunmâ haru hâtikom arim Mira kipia Likia hân talewân ariyion. 6 Arim ain katnenekto kindenne wanja siâ Alesandria kipiangenba togom Italia hânângen ariwerâm agep ain âgâenne tembe loko humoyene yâkne menenekto ain âgâyion. 7 Âgâenne seru humo pando âi humo mem titnan titnan âgâm Kinido kipian ariep. Akto ain serune wirâm wanja mem purikberâm akto kipia are ewangim haru tânâmnân hân siâ kotne Kreta hân humo kotne Salimone are ewumâk tatmap ain ariyion. 8 Lasaia kipia are okotjan haru

tunjunângen kipia siâ talep aregen haru tunjune âlepne dâm hâmeje nenjan ewum kârikne akto âi humo mem hâk hilâlâm nângâm wâraktenje ariyion.

Paulone wanja bâliwiap dâm makyengjep.

9 Haru tunjune ain sop kâlep tatmâ manmâ dewutâ siâgât seru humo pando ariwiapgât dop bo agep aregât sopne tâlâguep aregât Paulone den kârikne makyengim hin dâep, 10 “Maktere nângânet. Kipia ire hepunmâ ariwaengât dopne bo tatâp. Serune wanja ire mem kâimbo purik dâmbo âmâ ito siâ siâ ire bo akto nen hârokne haruân gewaen aregât nângâm hengemgoân.” dâep. 11 Hain dâmbo wanja amboje akto damun arekne den koanbela tembe loko damun arekne yâk yetgât den nângâep. 12 Akto haru tunjunân ain kindenne tânâk seru sopne akto wanjanje tatbiapgât dop bo agep. Hain akto aregât Kreta nupi biken haru tunjune âlepne siâ talep, kotne Poiniki ain arim mandenne seru sopne akbiap aregât maknengiyi. Poiniki haru tunjune aregât hân hâmejande seru tigjep.

Seru humo palep.

13 Akto haminângenba seru yeukne pando âmâ wanjanje menenekberâm akto tâk dewatim hikoyi are mem oloñbiâ gambo Kreta ginje hâlânjâm ariep. 14 Arimbo hân pumângen seru humo dondâ kotne kagu are hânânba togoep. 15 Arekne wanja mem kâiwerâm akto âi humo mem hâk hilâlâm nângâm hâkâj akmâ hepundenne âmâ wanja are hanâk hanâk ariep. 16 Arim hân bâlensiâ haru tânâmnân talep aregât kotne Kauda are biken arienne sânduk sânduk agep. Akto ain dîngi are haruân gewop dâm âi humo mem oloñdenne wanja kakjan âgâep. 17 Âgâmbo wanja hogoakbop dâm tâkne dâgâm hâkne hârok bigeyi. Akto nej kârikne siâ kotne Siriti ain âgâwop dâm mâron humo siâ oloñbiâ gembo serune mem hungun nengimbo hanâk hanâk ariyion. 18 Akto seru kârikne kom yiepgât emet haundo serune kârikne dondâ panmâ kindo wanja owâimbo arinerâm ito siâ siâ bikne haruân pandenne giej. 19 Akto emet

haun̄do serūje hain̄ak panm̄a kindo aregât bân̄je umat̄je siâ siâ talep are hârogâk panbiâ giep. ²⁰ Akto hândâk me hilâm seru arek̄je kârik̄je dondâ panm̄a yendo hilâm dewutâ akto diâ siâ bo miawakto hân bo ekmâ bâliweren dâm hamep agion.

Paulōje biwiyene bâliwopgât den makyen̄giep.

²¹ Seru humo kârik̄je are hain̄ak yendo sot bâlâk tatmâ manbiâ Paulōje hutyen̄ân agatmâ kinmâ hin dâm makyen̄giep, “Nâje den makyen̄giân are nân̄gâm lokoyi dâine Kretagen âlep̄je tatmâ manben. Akto ain manden̄je dâine ito me wan me wan dondâ ire bo gulip aguwop. ²² Un̄ak âmâ nen hârok bo hilipnenguwerâp aregât hamep bo ak̄jet. Wan̄gāje konok âmâ bâliwerâp. ²³ Are nâje nân̄gân iregât keīje âmâ hin. Hândâgân Humone Anutu kot̄je mem agatman arek̄je hoj bawaje an̄elo siâ hun̄gunādo gem miawaknīmâ hin dâm maknīdâp, ²⁴ “Paulo gâ bo hamep ak. Roma luâk humogâlân ariwiatgât dop̄je tatâp. Akto hin maktere nân̄gâ. Anutun̄je gâ akto luâk gâ olop mandâi are hilip aguwâigât gala akyen̄giâp.” ²⁵ Hain dâm maknīdâp aregât galalupne kambiamyene âlep̄je agâk. Nâje Anutugât han lâuwâ bo akman. Den maknīdâp are âmâ bun̄je akbiapgât nân̄gân. ²⁶ Akto den are bun̄je akbiap aregât hin nân̄gân. Serūje kârik̄jeâk panm̄a wan̄ga lokom pando arim hân siân kinbaen hain nân̄gân.” dâep.

²⁷ Paulōje hain dâmbo serūje wan̄ga mem bam purik gurik ketugumbo bam gutmâ manden̄je Kreta hepulion ainba sonda lâuwâ bo agep. Bo akto haru kot̄je Adria ain hâtikoyion. Hâtikoen̄je hândâk tânâm̄nân wan̄ga damunlup̄ande nân̄gâm, “Hân ewumâk aktâp.” dâyi. ²⁸ Hain nân̄gâm aregât dop̄je siâ panmâ ekberâm tâk geâk dâm panbiâ amuk̄nân gembo aregât dop̄je 40 mita hain agep. Akto ainba bâlensiâ bam siâkâ panbiâ gembo ain dop̄je 30 mita hain agep. ²⁹ Akto nēj kârik̄nân âgâwâen dâm hamewakmâ wan̄ga hamin̄ângen an̄ga imbât talep are panbiâ gembo âmâ tatmâ emet haun̄ak dâm lâmgom talion. ³⁰ Taten̄je wan̄ga damunlup̄ande dīngi siân âgâm hepun

nenekmâ ariwerâm akmâ wan̄ga bâlensiâ are panbiâ gembo den hian̄gim hin dâyi, “Nen̄je wan̄ga hâmen̄ângen âgâm wan̄gagât an̄ga siâ panden̄je gewerâp.” dâyi. ³¹ Hain dâm̄biâ Paulōje tembe loko humo are hin dâm magan̄ep, “Damunlupnen̄je yâk hepun nenekmâ arimbiâ âmâ nen haruân gem hilip aguwâen.” dâep. ³² Hain dâm magan̄do tâk̄je mem dīngi dâgâyi are hârem hepunbiâ gem haru kak̄je hanâk hanâk bam ariep.

³³ Akto hândâk pipīje tatoâk Paulōje luâk hârogâk hin dâm makyen̄giep, “Ye hamep humo nân̄gâyigât sot bo nem manbiâ sonda lâuwâ bo aktâp. ³⁴ Akto aregât wâtyene gewopgât sot nem kârik̄je ak̄jet. Hain akbai âmâ âlep̄je ariwaen. Kautyene dumut̄je siâ bo gem gulip akbiap.” dâep. ³⁵ Hain dâm sot siâ mem dewunyen̄ân Anutu mepaīje mem kinmâ ligim niep. ³⁶ Nendo ekmâ biwiyene hulan̄ akto yâkâ hain̄ak sot are mem neyi. ³⁷ Akto wan̄gan nen luâk 276 hain arek̄je sot are neyion. ³⁸ Nem metem âmâ wan̄ga are umalan̄do gewopgât sot bân̄je wan̄ga kâlegen yiep are lokom haruân panbiâ gembo wan̄gāje owâim agalep.

Wan̄ga hogoagep.

³⁹ Akto emet haun̄do hân are ekmâ, “Hân ire wânâno.” dâm pâpkoyi. Hain akmâ haru tun̄gun̄je siân nēj boân ekmâ, “Wan̄gāje gin̄nân nupiân âgâk.” dâm âi meyi. ⁴⁰ Hain akmâ wan̄gagât an̄ga aregât tâk hârembiâ gembo tâk siâ wan̄ga purik katmap are hulan̄biâ bam guto mâron siâ wan̄ga hâmen̄ân seru olōnmap are olōnbiâ âgâmbo serūje mem pando haru gin̄nân âgâwerâm agep. ⁴¹ Haru gin̄nân âgâwerâm akto ekbiâ bo ârândân̄ akto wan̄ga are nupi bâlensiâ talep ain âgâep. Âgâm hâmēje nēj kârik̄nân ewum tato haru humo panmâ wan̄ga hamin̄ângen kondo hogoagep. ⁴² Kondo hogoakto tembe loko arek̄je kala busi kâlegen luâk mali arek̄je haruân gem yolon̄ akmâ arim heambukbâirâm yen̄guwerâm agi. ⁴³ Hain akbiâ humo yen̄jande Paulo kombâi dâm den koyen̄giep. Den koyen̄gim yolon̄ akmai arek̄je sōj sopanmâ arin̄et dâmbo sopanmâ gem gin̄nângen âgâyi.

44 Dâ yolon bo akmai arekne âmâ wanğa hogoagep aregât papaņe humo siâ kakņân yem bâtyenande haru hâgâm maleine ginņângen âgâyi. Hain akmâ nen hârok âlepņeâk ginņângen âgâyion.

28

Melite gimbâņân arim mali.

1 Haru ginņângen âgâenne ainâk luâk siâ togombo kipia ire wânân dâenne Melite dâm maknengiep. 2 Akto hân aregât ambolupņande gala aknengimbiâ nângâenne dâtņe agep. Gala aknengimbiâ tânâk togombo hâknenņe bâlâpņe akto kâlâp hâwurum ombiâ nângâyion. 3 Kâlâp nângâm tatenņe Paulone kâlâp pitim om hewumdâk siâ mem om tato ululunņe kâlegenba hâme hewuk siâņe onekbop dâm gam Paulogât bâtnân igim bigeim kilep. 4 Hain akto hân aregât ambolupņande hâme hewuk arekne Paulogât bâtnân igim kilep are ekmâ hin dâm maganņi goanņi agi, “Luâk irekne luâk siâ kondo moep aregât hâuņe haruņe launân bo pikto mondâpgât haru ginņângen gambo yu keiņe hekalanđâp mon?” dâyi. 5 Hain dâmbiâ Paulone bâtnânba kom pando gembo kâlâpņe oep. Ondo Paulo hâme hewukņe bo igiep hainare akmâ âlepņe kilep. 6 Hain kindo yâkņe hin dâyi, “Hâme hewukņe igimbo gilâm bâleņe bo gam ariâp gârâmâ momberâp.” dâyi. Hain dâm aregât tâņâk ekmâ kili. Ekmâ kinbiâ hain bo akto ekmâ han lâuwâ akmâ hin dâyi, “Luâk ire âmâ luâk niambi me gain?” dâyi.

Paulone luâk siâ kundatdâ are heņgemgoep.

7 Akto luâk humoyeņe siâ kotņe Popilio kipia malion are ginņân malep. Akto luâk arekne gala aknengim oloņ nenekto emetņân âgâm olowâk mandenņe hilâm âlâwu bo agep. 8 Akto ain Popilio eweņe kundat akmâ hâkņe kâlâp akto tep patatak agep. Hain akmâ mando Paulone nângâm yâkgâlân arim kautņân mem Anutu ulilaņmâ mem heņgemgoep. 9 Heņgemgombo aregât pat kipia ambolupņande nângâm luâk âmbâle kundat agi are hârogâk meyekmâ togombiâ hainâk mem heņgemyenğum malep. 10 Heņgem

yenğumbo aregât hâuņe okot âlep nângâm gala aknengim sikum ito me wan me wan are nengiyi. Hain akmâ mandenņe dewutâ âlâwu bo akto ariwerâm aktenņe dâwân sot om nembraigât dâm lokom ba wanğa siân katnengiyi.

Melite are hepunmâ Roma kipia humoân ariyi.

11 Akto wanğa are âmâ ulikņân Alesandria kipianba togombo tânâk seru sopņe akto ain kilep are hâmenân lâpioyeņe lâuwâ danğândâ hâwim kepikmâ katmâ wanğa aregât kotņe “Lâpionenņe” dâm koli are egi. Ekmâ âmâ mandenņe dewutâ âlâwu bo akto tânâk sopņe tâlâgumbo âmâ 12 wanğa ain âgâenne menenekmâ Siraku kipian ariep. Ain arimbo hilâm âlâwu bo agep. 13 Arewa arim seru humo arekne mem pan nenekto Region kipian ariyion. Emet hauņdo haminenņangenba seru humo siâ puņ puņ pando arim hilâm lâuwâ bo akto Puteoli kipia Italia hân talewân ariep. 14 Arim wanğa hepundenņe kipia aregât ambolupņande biwiyene Yesugâlân katmâ maliņe togom mem kewugu nenekbiâ yâk olop mandenņe sonda konok bo agep. Akto arewa kei hân arim Roma kipian ariwerâm agion. 15 Hain akmâ arim mandenņe Yesugât kâmot Roma kipian maliņe nengât pat nângâyigât bikņande togom kipia kotņe Apio ain lombo yengât emet siâ kotņe “Emet Âlâwu” ain togom penânengiyi. Penânengim manğan nenekbiâ Paulone yekmâ biwiņe herone akto Anutugât mepaiņe miep.

Paulone Yuda yengât bâgilupyenjaet keiyene makyenğiep.

16 Roma kipian arienņe kiapņe dâmbo Paulo kala busi kâlegen bo katbiâ emet yânņân âgâm gem mando aregât tembe loko siâņe damungombo olowâk maliat. 17 Manmâ hilâm âlâwu bo akto Paulone gutņet dâmbo Yuda yengât humomolupyene togombiâ hin dâm makyenğiep, “Galalupne, keine maktere nângâņet. Nâne âmâ bâgilupnenņande den kârikņe dâyi are lokom âlepņeâk manmâ gan. Akto Yuda yengât gasa bo akyenğiman. Hain bo aktere hin ina yân hâkâņe akmâ heyenğimbiâ

Roma yengât tembe lokolupyenande menekmâ Yerusalemgen kala busi kâlegen katnekbiâ talân. ¹⁸ Katnekbiâ mandere Roma luâk arekne nângât keine nângâwerâm ainugumbiâ keine maktere nângâmbiâ dosane bo talep akto hulaj nekberâm agi. ¹⁹ Hain akbiâ âmâ Yerusalem yengât humomolupyenande kârikne akmâ koyengimbiâ aregen gâtjande Roma yengât humoyenande den makmâ hâreninbiap dâm magân. Akto galalupne yengât me bâgilupne yengât den mem ge katyengiwêrâm aregât bo togoân. ²⁰ Are âmâ Anutuje nengât damun nenje akbiap dâm hunjunaŋdo giep aregât Israe luâk nen biwinenŋande konmâ manmaen are emelâk hunjunaŋdo giep dâre aregât tâk kârikjande hikonegi. Hikonekbiâ arewa yânŋangen togom ye olop tatmâ yâkgât maganŋi goanŋi aknerâm aregât mem oloŋyektere togoâi.” dâep. ²¹ Hain dâmbo hin dâyi, “Indâgen Yuda hânân manmainje gâŋgât den bo kulemgom nengiyi. Akto luâk siâ bo hunjunaŋbiâ nengâlân togom gâŋe wan me wan bâleŋe akmat aregât keiŋe bo makto nângâyion. ²² Dâ Yesugât kâmot yengât mem ge katyekberâm siâ siâ akyengimai. Hain dâmbiâ âmâ nângâyion. Aregât âmâ gâŋgât biwige ekberâm togoen.” dâyi. ²³ Hain dâm maganŋiwaen dâm aregât sop kali.

Akto sop are tâlâgumbo emet haunŋo luâk dondâŋe Paulogât emelan âgâm menduguyi. Mendugumbiâ Anutuje damunyeŋe akberâm agep aregât keiŋe makyengim Paulone biwiyene Yesugât katŋetgât nângâm ulikŋân Anutuje Mose akto propetelupne den makyengimbo kulemgoyi are bunje akto Yesu miawagep aregât keiŋe oyanŋengimbo nângâyî. Hain akmâ tatbiâ emet dâgâep. ²⁴ Akto bikjande denje are nângâm lokoyi. Dâ bikjande âmâ hâkâŋ agi. ²⁵ Hain akmâ papalakbiâ aregât Paulone hin dâm makyengiep, “Anutugât Heakjande propete luâk siâ kotŋe Yesaia are nengât bâgilupnenje yengât den hin dâm maganŋo kulemgöep are unjak bunje miawaktâp,

²⁶ “Gâŋe arim luâk âmbâle kâmot humo are hin makyengiwên, “Ondopyene

katmâ nângâmai. Dâ keiŋe biwiyenân bo katmai. Akto dewunyenande amâ ekmai. Dâ keiŋe amâ bo ekmâ nângâmai. ²⁷ Luâk âmbâle kâmot humo are yengât biwiyene boâk hâreak dâpgât ondopyene tigim manmai. Akto dewunyeŋe tigim manmai. Aregât wan me wan ekmâ keiŋe bo nângâm heŋgemgömai. Akto siâ nângâmbiâ biwiyene umatŋe akmap. Akto keiŋânbak bo nângâm heŋgemgömai. Aregât biwiyene nângâlân katbiâ kindo heŋgemgöwom.” Anutuje hain dâep.” Yesaiane hain kulemgöep.

²⁸ Aregât hin makyengire nângâŋet. Anutuje damun nenje akberâm aktâp aregât patŋe Yuda luâk bo manmai yâkŋe nângâwaigât dopŋe aktâp. Yâkŋe âmâ nângâmbiâ ârândân akbiap.” dâep. ²⁹ Hain dâm makyengimbo Yuda yengât humomolupyenande maganŋi goanŋi akmâ lauŋjim ariyi.

Paulo Roma kipian mando homban lâuwâ bo agep.

³⁰ Akto Paulo Roma kipian lombo yengât emelan puli panmâ yem mando luâk âmbâle yâkgâlân togoyi are ekmâ maŋganyegep. ³¹ Togombiâ maŋganyekmâ âmâ Anutuje damunyeŋe akberâm Nanje Yesu hunjunaŋep, aregât biwiyene yâkgâlân katŋet dâm aregât keiŋe makyengiep. Makyengim mando siâŋe den are bo koanbiâ âmâ Yesugât keiŋe hamep bâlâk makyengim mando homban lâuwâ bo agep.

Roma

Paulo âin̄aet keīne.

¹ Galalupne, nâmâ Paulo Yesu Kristogât hoj bawa manman. Nâ âmâ Kristone menekmâ aposolo nogonmâ Anutugât pat âlep den maktere ârândâj akmâ ariâkgât mem kepilânegep. ² Akto Anutugât den pat âlep are âmâ Anutūne tâmbâne dondâ propetelupne makyengimbo kulemgoyi. ³ Kulemgoyi aregât keīne amâ Anutugât nan̄ne miawagep. Yâk âmâ hâk olop miawakmâ Dawidigât hakulupne yâk yengâlânba miawagep. ⁴ Gârâmâ Heak han kau kau akmap arekne kârikne akmâ yâk amâ Anutugât nan̄ne hain miawakmâ maknengiep. Aregât keīne momoñânba agalewân miawakmâ tek tekñân miawakto âmâ Yesu Kristo amâ Humonen̄ne dâm nângâyion. ⁵ Yâkne âmâ han kalem aknengim aposologât âi nengiep. Nengim âmâ yâkgât kotne patne ariâk gât akto hânne hânne arim hârok makyengienn̄e bikñande nângâm Yesu nângan̄mâ aregât laune lokowaigât âi nengiep. ⁶ Akto Anutūne Yesu Kristogât kâmot miawagâk dâm olojyegep yâk yengâlânba ye gai hainâk olojyegep.

⁷ Roma kepiân gâtne Anutūne han kalem akyengim nângât kâmot dâm yengonlep. Yengât âmâ hin ulilandân. Ewenen̄ne Anutū akto Humonen̄ne Yesu Kristo han kalem akmâ damun yengim akbela han kalem akto lumbe yengâlân hâtikom yendo biwiyene sândugewiâp. Hain.

Paulone Roma luâk âmbâle yekberâm magep.

⁸ Galalupne yene Yesu nângan̄mâ kepilâm manmai, aregât pat sambelembo nângâmbiâ ârândâj aktâpgât Yesu Kristogât akmâ nâ Anutū mepain̄e mem mandân. ⁹ Nâ Anutugât nan̄aet pat âlep den makmâ hannande Anutū manan̄dere keine nângâp gât yâkgât meten̄ân den ire makyengire nângânet. ¹⁰ Nâ hokboâk hokboâk yengât akmâ Anutū ulilan̄man. Akto Anutūne nângâmbo ârândâj akto dâp penenīndo yengâlân togowian a gai

ulilan̄man. ¹¹ Nâ togom ye yekbiangât nângâm mandân. Togom yekmâ han biwiyene yeuk agep aregât owâiwaigât meme akyengire kârikne kinmâ man̄jetgât makyengim tânyenguwian. ¹² Tânyengum âmâ nâ yengâlân manmâ tatere Yesu nângan̄mâ manmaengât magan̄gi goan̄gi akmâ tân agu agu akmâ manbaen.

¹³ Galama, nângât keine pâpkowâigât hin makyengiwe. Nâ luâk kâmotne kâmotne bikne bikne arim makyengim mandere bikñande nângâmbiâ âinaet bunne âlim yiepgât miawakñep. Are hainâgâk yengâlân togom makyengire âigât bunne miawakñepbiap gât nângân. Gârâmâ togowerâm akmâ malân ain siâ siâ bikñande hikonekto bo togoân. ¹⁴ Dâ nâne luâk hârok, Girik luâk akto Anutū bonângan̄mai akto nângâ nângâ luâk akto kopane hârok makyengiwan gât âi tatnīdâp aregâlâk nângân. ¹⁵ Aregât Roma luâk ye hainâgâk pat âlep makyengiwerâm hannande owâim manman. ¹⁶ Nâ den pat âlepgât akmâ anun̄ne olop bo akman. Akmâ nângâre anun̄ne olop bo akmap. Den pat âlepne amâ Anutugât kârikne olowâk arekne luâk âmbâle Yesu nângan̄biâ ârândâj mem menjâleyekbiap, Yuda luâk a soj akto Girik luâk hârok. ¹⁷ Den pat âlep arekne âmâ Anutugât ârândâj dâp mem miawakmâ tek tekñân miawakmâ katmap. Amâ hin. Yesu nângan̄biâ âmâ Anutūne yekto ârândâj akbiapgât keīne. Akto nângan̄biâ Anutugât ârândâj dâp yem âgâwiap. Aregât Anutūne makto kulemgoyi bikne hin tatâp, Anutūne yekto ârândâj akmap yâkne âmâ Anutugâlâk nângan̄mâ manmâ âgâwai.

Luâk hârokne Anutū hamian̄i.

¹⁸ Anutugât kuk miawakmap aregât keīne hin. Luâk âmbâlene âmâ Anutū hep-unmâ bâlene akmâ den bunne bo agâkgât kei dâpne gulip komai. Aregât Anutugât kukñande himbimân ba miawakyengimap. ¹⁹ Akto Anutūne ikīne keīne bikne tek-tekñân mem miawakyengimapgât ekmâ nângâmai. ²⁰ Amâ Anutūne hân liulewânbak Anutugât keīne luâkne bo ekmai are akto keīne kârikne manmâ âgâwiap are akto ikīne keīne pagalene are hârok miapñân tatmap. Are âmâ wan me wan Anutūne

mânġim ketuguep arekġe hekatnengimap. Aregât luâk âmbâle hârokġe nen Anutugât keiġe bo nânġâmaen dâwaigât dâp bo tatâp. ²¹ Luâk âmbâle hainare âmâ Anutu mandâp nânġâmai. Gârâmâ imâ Anutu Humo dâm bo kânġoaġmai akto mepaiġe bo meanġmai. Anutu hamiaġmaigât nânġâ nânġâ yeġe gulip akmap akto biwiyenġe hândâkġe katip yeġgumap. ²² Akto ainba hin dâmai, “Nen nânġâ nânġâ nenġe humo aktâp.” dâmai amâ nânġâm hilipkomai. Nânġâm hilipkom sinduk akmâ manmai. ²³ Hain akmâ manmâ Anutu manman kârikġe yâkgât pagalenġe hâkâġ akmâ âmâ aregât dumġân tukup siâ ketugum luâk momai yeġgât otneyenġe me lâut gât otneġe me sonġo gât otneġe me mulumgât otneġe mânġim âmâ are nânġâmbiâ humo akto pâwut ligiyenġimai. ²⁴ Hain akbiâ Anutuġe yekmâ hâkâġ akyenġimbo hanyenġe egâliaġ gulip bâleġe akmâ han hâkyenġe mem bâlimai. ²⁵ Yâkġe Anutu bundâk amboġe hamiaġmâ âmâ hianġimaigât nânġâmbiâ humo akmap. Hain akto Anutuġe wan me wan yân liulep are nânġâmbiâ bunġe akto honġ agaġmai gârâmâ wan me wan aregât Amboġe amâ hâkâġ akmâ hamiaġmai. Amâ Anutuġe egâliaġ olop manmâ âgâambo nânġanġenġe humo akmâ âgâwiapgât ârândânġ akmap. A bundâk. ²⁶ Gârâmâ luâk âmbâle are Anutuġe hepunyekto egâliaġ bâleġe dondâ peniaġmai. Hain akto âmbâleġe luâkdâ âmbendâ aregât agak meme âlepġe are hepunmâ âmbâleâk egâliaġmai. ²⁷ Akto luâk hainâk luâkdâ âmbendâ manman hâkâġ akmâ hanyenġe egâliaġgât kâlâp humo ondo luâgâk yekmâ egâliaġmâ agak meme bâleġe agaġgimai. Aregât han biwiyenġe hilip komapgât hâuġe Anutuġe hâkyenġân pando hâk hilâlâm nânġâmai. ²⁸ Hain akmâ manmâ âmâ Anutugât keiġe nânġâmai are hâkâġ akmâ manmaigât Anutuġe hanyenġe gisap kombo siâ me siâ bo agakġe are âmâ akmai. ²⁹ Hain akmâ siâ me siâ bâleġe keiġe keiġe membiâ âgâmap. Bâleġe akmâ egâliaġ bâleġe akmâ hanyenġân bâleġeâk nânġâm galagât nânġâmbiâ gembo kuk heġġân akmâ luâk bikġe yeġgumbiâ moyi dâ bikġe yeġgât kotyenġe mem bâlimai. Akto galagât hogo hogo akmâ hamiġânġen

makmai. ³⁰ Hain akmâ luâk siâgât agak meme âlepġe ekbiâ gembo hianġi den makbiâ kotġe gemap. Hain akmâ Anutu gasa agaġmai. Akto âgâ âgâġe akmâ yeġe hâk mem agatmâ bâleġaet dâp egâliaġmai. Hain akmâ ewe memelupyenġaet den komai. ³¹ Hain akmâ han nânġâ nânġâ bâlâk manmâ Anutu bo nânġanġmâ âmâ han kalem bâlâk manmai. ³² Hain akmâ âmâ Anutugât den ârândânġ kârikġe yendâp amâ luâk me âmbâle hain akbiâ âmâ momogât dâp miawakyeġgiwiap gât den are nânġâm metembiâ hanâk dâm bâleġeâk manmâ âgâmai. Akto areâk bo. Bikġande hainâk akbiâ nânġâmbiâ humo akto heronġe akyenġimai.

2

Bâleġaet hâuġe hamepġe.

¹ Aregât gâ yu kulemġoân are oyaġmâ nâ hain bo akman dât mon? Hain bo. Yeġe hain are akmâ siânba hâkyenġe tunbiâ âmâ bo ârândânġ akmap. Akto yeġe siânba hâkyenġe tunmâ agak meme bâleġe hainâk mem âmâ yeġe hâkyenġe tunanġiwai. ² Anutuġe luâk âmbâle bâleġe akmai denân katyekmâ hâuġe umatġe yeġgimbo âmâ ârândânġ akmap nânġâmaen. ³ Aregât gâ luâgâk aregât luâk bikġe yeġgât dosa makmâ hâkyenġe tunmâ areâk akmat gârâmâ agak meme bâleġe hainâk akmat. Aregât nâ Anutuġe gâunniġmâ âmâ umatġân bo katnekiap dâmat mon? Hain bo. ⁴ Anutuġe han kalem akmâ unsambe akġiġmâ bo hâkâġ ġiġmap aregât hâkâġ akmâ manmat mon? Anutuġe gâ hange purik kat dâm han kalem akġiġmap are bo nânġâm kotgâmat mon? ⁵ Gârâmâ gâ han kârik akmâ hange bo purikatmenâ âmâ Anutugât kuk metġe ârândânġ are miawakbiawân ain om bâligekbiap. ⁶ Aregât sopġân Anutuġe luâk âmbâle agak meme nenġaet dowân hâuġe nengiwiap. Hain. ⁷ Luâk âmbâle bikġande âmâ pagalenġaet pat akto Anutuġe nenekto huraguâkgât manman kârikġe egâliaġmai are Anutuġe manman kârikġe yeġgiwiap. ⁸ Dâ luâk âmbâle bikġe âmâ den kautġe bunġe hâkâġ akmâ âmâ bâleġe mem manne dâm yeġaet nânġâmbiâ humo akmap yeġġâlân âmâ kuk metġe

bâleŋe miawak yeŋgiwiap. ⁹ Bâleŋe meme luâk hârok Yuda luâk soŋ akto Yuda gâtŋe bo manmai gai yeŋgâlân sik sererek metŋe akto hamep humo miawakyeŋgiwiap. ¹⁰ Gârâmâ ârândânŋ akmâ manbai hârok Yuda luâk are akto Yuda luâk bo manmai yâk Anutuŋe pagaleŋe yeŋgimbo biwiyene sândugembo patyeŋe ârândânŋ akmâ âgâwiap. ¹¹ Are amâ Anutuŋe yeŋgiep. Anutuŋe amâ horat gorat bo akmâ potat yekmap.

¹² Akto luâk âmbâle bikŋe Anutuŋat den kârikŋe Moseŋe kulemgoep den are bâlâk manmâ amâ bâleŋe memai amâ yâk hârok den kârikŋe bâlâk bâlim metewai. Dâ den kârikŋe olop manmâ bâleŋe memai yâk hârok den kârikŋeŋe agak memeyeŋe mem miawakyeŋgim den âiân makmâ katyekmâ kotgâyeŋgiwiap. ¹³ Aregât keiŋe hin. Anutuŋat den kârikŋe yân ondop yeŋân nâŋgâwai yâk amâ Anutuŋe yekto ârândânŋ bo akmap. Gârâmâ nâŋgâm lokomai yâk amâ ye ârândânŋ dâm makyenŋgiwiap. ¹⁴ Akto Yuda luâk âmbâle bo manmai yâk den kârikŋe bâlâk manmai gârâmâ hanyenande den kârikŋe lokom amâ den kârikŋe bâlâk arekŋe den kârikŋe olop tirip hainare akmai. ¹⁵ Hain akbiâ amâ den kârikŋe han biwiyenân yoŋâk talep aregât keiŋe miawakmap. Akto hanyenân tuk tuk koyenŋim amâ nâŋgâ nâŋgâyeŋande purik gurik akmâ siân kotgâ akmap dâ siân makmâ mulunyekmap. ¹⁶ Are amâ sop humoân amâ Anutuŋe Yesu Kristo aganŋo han nenŋân siâ me siâ tiwân yendâp aregât keiŋe mem tektekŋân miap katbiap. Aregât keiŋe amâ nâ den pat makyenŋiman a hainâk tektekŋân miawakbiap. Hain.

Yuda luâk âmbâleŋe Mosegât denŋe bo lokoyi.

¹⁷ Akto Yuda luâk gâ hin dâmat mon? Nâmâ Anutuŋe menekmâ ikiŋe den kârikŋe are niŋep gât nâŋgâre humo aktâp dâmat aregât hin makŋiŋbe. ¹⁸ Gâ Anutuŋat lau den nâŋgâmat akto bikŋande den kârikŋe aregât keiŋe makŋiŋi aregât ire agakŋe ire bo agakŋe nâŋgâm potatmat. ¹⁹ Hain akmâ amâ gugaet hin dâmat, “Nâ dewun yeŋe bokbokŋe manmai are âlepŋe kewugu yekmâ dâwân kat yekman, akto hândâkŋân manmai are âlepŋe mem pagaleyekman,

²⁰ akto luâk han kopanŋe are âlepŋe manmâ miwindik yekman akto nananŋ siâ me siâ âlepŋe dâp hekat yeŋgiman, akto den kârikŋe aregât keiŋe amâ nâŋgâ nâŋgâ akto den bunŋe aregât keiŋe tatmap dâmat mon?” ²¹ Gâ hain makmat aregât luâk âmbâle bikŋe makyenŋim amâ guge biwige bo maganŋmat. Gâ kâmbu bo mem dâm makyenŋimat guge kâmbu akmat mon? ²² Luâkdâ âmbendâ bo hepun akŋet dâm makyenŋim benŋe gâ âmbenge hepunmat mon? Gâ lâpio sârekomatŋe lâpio opmânŋaet siâ me siâ kâmbu memaet mon? ²³ Gâ Anutuŋat den kârikŋe nâŋgâman dâmat amâ bo lokomat aregât bikŋande gekmâ Anutuŋat den nâŋgâmbiâ gemap. ²⁴ Aregât Anutuŋat den kulemgoyi bikŋe hin tatâp, “Ye Yuda luâk âmbâleŋe bâleŋe akbiâ aregât Yuda luâk âmbâle bo manmai arekŋe yekmâ Anutuŋat kotŋe makmâ sârek kombiâ gemap.”

²⁵ Gâ hâkgân Yudagât tirip tatŋinŋdâp are den kârikŋe lokomenâ bunŋe aktâp. Dâ den kârikŋe loŋgaimbiâ amâ hâkge gâiyi are yânŋe akbiap. ²⁶ Gârâmâ aregât Yuda tirip bâlâk manmai arekŋe Anutuŋat den lokom amâ tiripdâ hainare akbai. ²⁷ Hain akmâ tirip bâlâk manmapŋe den kârikŋe lokomap yâkŋe amâ keige gagaiwiap. Gagaim amâ gâ Anutuŋat den kârikŋe nâŋgâmat akto Yudagât tirip olop manmat gâ den kârikŋe loŋgaimat aregât hâkge tunmâ keige gagaiwiap. ²⁸ Aregât lâuwânŋe makbe. Luâk siâ yân hâkŋe Yuda luâk tirip akbiap amâ hâkŋeak manbiap. Hain arekŋe Yuda luâk bunŋe bo akbiap. ²⁹ Amâ hanŋe Yuda luâk arekŋe bunŋe akbiap. Amâ Yuda luâk arekŋe hanŋân tirip bunŋe akmap yâkgât amâ Yuda luâk bunŋe dâmaen. Dâ hâkŋân den kârikŋegât tirip areâk mem manmap are bunŋe bo. Gârâmâ han biwiŋân tirip mem manmap arekŋe amâ Yuda luâk bunŋe dâmaen. Yâk hain aregât heronŋe amâ luâkgât bo. Anutuŋe nâŋgâambo âlepŋe akbiapgât.

3

Agak meme bâleŋande Anutuŋat den bo kombiap.

1 Akto yu kulemgoân are oyanmâ âmâ Yuda luâk âmbâleñe âmâ Yuda gâtñe bo are bo ewangiyekbaen dâi mon? Me Yuda tirip are yânñe aktâp dâi mon? 2 Hain bo dâwei. Yuda luâk âmâ siâ me siâ biwirâ yeyengiep. Yâk âmâ Anutuñe den pat keiñe keiñe makyengimbo aregât amboñe agi. 3 Gârâmâ Yuda luâk âmbâle bikñande Anutu hanyenande bo nânğanbiâ aregât hin dâwaen mon? Bo nânğanbiâ aregât Anutuñe makto den kârikñe tatmâ gaep are mem bâliâi hain dâwaen mon? 4 Are bo dondâñe. Anutuñe makto siâñe hin kulemgoep,

Anutu, gâ makmenâ âmâ denge bunje ârândânâk akbiâp, are nânğâenñe huraguwiap. Akto gâ makmâ kotgâ akmâ potatmenâ âmâ siâñe denge bo mendo gewiâp. Den are bunje akto luâk âmbâle hârokñe hianğimai akto Anutuñe konok âmâ bundâk makmap keiñe are miawaktâp.

5 Are oyanmâ gain dâwaen? Bâleñe nenñande Anutu ârândân manmanjaet keiñe mem miap panmapgât bâleñe aktenñe Anutuñe aregât hâuñe nengimbo ârândân bo akbiap dâwaen mon? Den are amâ luâk nânğâ nânğâgât dowân maktân. 6 Hain bo dondâ. Anutuñe bâleñe nenjaet hâuñe bo nengimap dâine gain gain akmâ luâk âmbâle hârok nengât agak memenenñe bâleñe are mem kepilâwâi? 7 Aregât siâñe hin dâwiap mon? Hianği dennande Anutugât den bunje tângombo kotñe patñe are humo akmâ sambelewiap, aregât wangât Anutuñe nâ bâleñe agângât hâuñe niñmap? Amâ bo ârândân akmap. 8 Akto bâleñân mandenñe purik âgâm bunje âlepñe miawakbiap mon? Nen âmâ hain bo dâmaen gârâmâ luâk bikñande âmâ Paulomañe hain dâmai dâyi. Aregât hâuñe miawakyengimbo ârândân akbiap. 9 Aregât gain gain nânğâm heñgemgowaen? Yuda luâkñe luâk bikñe ewangiyekmaen mon? Bo dondâ. Emelâk maktân. Yuda luâk akto Yuda luâk bo nen hârok bâleñe hoñ manmaen. 10 Aregât Anutugât den hin tatâp,

“Luâk âmbâle siâ ârândân siâ bo mandâp. Bo dondâñe. 11 Hârokñe agak meme âlepñe keiñe bo nânğâmai. Akto

hârokñe Anutu konmâ kulâgâtâmâ bo akmai. 12 Luâk hârokñe Anutu hamianmâ bâleñe akmâ hâkñe hâkñe agi. Siâñe siâ me siâ âlepñe bo akmap. Bo dondâñe. 13 Hanyen are momoñe yengât dop. Elewe-tyen purik dâmbo hianği den gamap. Biwityenande âmâ hâme hewukgât kundat bâleñe mem miawâk panmap. 14 Lauyenân âmâ sait akto gasagât den pikmâ lugum lokom yemap. 15 Luâk yenguenñe moñet dâm aregât keiyenande owâiñeâk tâlimai. 16 Akto itin gulam meyekmâ welam yeñeâk mem miap panmai. 17 Akto han biwi konok manbiâ biwiyen sândugewiapgât pat bo nânğâmai. 18 Akto Anutu bo nânğanmâ yâkgât hamep bo akmai.” are amâ Anutugât denñe maktâp.

19 Aregât keiñe hin. Den kârikñe arekñe den kârikñe nânğâmaen nen damun nenñe akmap. Arekñeak keinennñe gagaim, lau nenñe gisapkomap. Akto luâk hârok dosanenñe Anutugâlân miawakmâ metemap. 20 Aregât den kârikñe lokone dâm âi humo mendenñe Anutuñe nenekto bo ârândân akmap. Hain gârâmâ benñe den kârikñe arekñe dosa nenñe mem miap panmap. Hain.

Anutuñe nenekto ârândân akmapgât den.

21 Dâ hinñe âmâ Anutuñe nenekmâ dosayen bo dâwiapgât dâp miawagân miawaktâp. I are âmâ den kârikñe lokowaengât dop bo. Gârâmâ den kârikñe akto propetenñe kulemgoyi den arekñe makmâ miawagep. 22 Anutuñe nenekto ârândân akbiapgât dâp amâ nen Yesu Kristo nânğanmaen nengât hârok. Siâñe me siâñe Yesu Kristo nânğanndo ainâk ârândânğât dâp miawaganmap. 23 Akto emelâk nen hârokñe bâleñe akmâ dosagât pat agion, aregât Anutugât egâlian pagalenân ariwaengât dop bo tatnengiep. 24 Aregât hainâk nen hârok Yesu Kristoñe bâleñe nenñe miepgât Anutuñe han kalemjaet akmâ dosa bâlâk dâm menenekmap. 25 Anutuñe dâmbo Yesuñe bâleñe nenjaet akmâ sumbe kato Anutuñe kuk aganndo bo agep. Aregât nenñe

nânğanbaenne sumbe are mendenne dosa nenne bo agep. Anutune hain agepgât ikinje agak meme ârândân are miapnân miawagep. Akto uliknân bâlene akmâ gayiongât dosa aregât hâune dowâk bo nengiep, a hainâk nânğâyion. ²⁶ Anutune hain akmap âmâ ârândân amboje manmap dâm nânğâyion. Dâ Yesu hannennande nânğanenne dosayene bo tatyenggiâp dâwiapgât keine hinneâk tek tegiâkgât hain are agep.

²⁷ Aregât nen nennaet akmâ nânğâenne humo akbiapgât dop yendâp mon? Bo. Hâk nânğâ nânğânenne are nânğâenne bâliâp. Are amâ den kârikne lokoyiongât bo miawaktâp, amâ Yesu nânğanenne hâknenne akto nânğâ nânğânenne yânne aktâp. ²⁸ Aregât den hin nânğâenne yembiâp. Den kârikne lokoenne dosayene bo dâwiapgât dop bo tatâp. Yesu nânğanmâ kepilâenne âmâ dosanenne bo dâwiâp. ²⁹ Dâ Anutu Yuda luâk nengâlâgâk damun mon? Bo. Yâk amâ Yuda gâtne bo yâk yengât damun gai. ³⁰ Anutunenne konok yâkne nen Yudagât tirip mem manmaen me tirip bâlâk manmai nen hârokne Yesu nânğanenne dosayene bo dâm menenekmap. ³¹ Aregât Yesu nânğanmâ âmâ den kârikne nânğâenne giep mon? Bo dondâne. Nenne Yesu nânğanmâ âmâ den kârikne tângomaen.

4

Anutune Abrahamgât luâk âlepne dâep.

¹ Akto Yuda nengât hakunenne Abraham âmâ wan penianep? dâwaen. ² Abrahamne Anutugât den kârikne lokombo Anutune ekmâ dosage bo tatgindâp dâep dâine benne Abrahamne ikinjaet nânğâmbo humo akbop. Amâ Anutugât metenân âmâ bo. ³ Akto Anutugât denân hin yendâp aregâten, “Abrahamne Anutu nânğanndo aregât dosage bo dâm makmâ miawagep.”

⁴ Dâ luâk siâne âi mendo âmâ benne hâune wanmaen are amâ han kalem nennaet pat bo. Amâ hâu kutigit anmaen. ⁵ Dâ luâk siâne âi bo mem âmâ Anutune bâlene meme nengât dosa hepunmap yâk nânğanbiap âmâ ainâk Anutune luâk aregât

nânğâm kepilâ kepilânaet akmâ nânğâm âmâ dosa bo tatgindâp dâm maganbiap. ⁶ Aregât keine Dawidine hainâgâk nânğâm âmâ luâk siâ âmâ âi bo mendo Anutune gâunañmâ dosage bo dâwiapgât yâkgât herone maronegât keine hin kulempoep.

⁷ “Dosa umatne mem manmai yâk Anutune dosayene bo tatyenggiâp dâwiapgât are nânğâmbiâ ukenne akbiap. ⁸ Akto luâk siâne bâlene akmâ gaep yâk Humone nânğanndo dosage olop bo aktât dâm maganbiap yâk nânğâmbo amâ ukenne humo akbiap.”

⁹ Akto ukenne humo are âmâ Yuda tirip olop nengâlâk pat aktâp mon? Me tirip bâlâk yâk yengât olop aktâp? Aregât Abrahamgât pat nânğâenne keine miawakberâp. Hin. Abrahamne Anutu nânğanndo Anutune ekto ârândân agep. Hain nânğâmaen. ¹⁰ Akto wan sowân dosage bo dâm maganep? Tirip olop malewân me tirip bâlâk malewân? Tirip olop malewân ain bo maganep. Uliknân Abraham tirip bâlâk mandoân Anutune dosane hepunaep. ¹¹ Yâk tirip bâlâk malewân Anutu nânğanndo dosane hepunaep aregât tirip kulem beirâ wanep. Anutune hain aganepgât benne Abrahamne hinne tirip bâlâk manmaine Anutu nânğanmaigât dosa bâlâk hinare akmai yâk yengât Eweyene uliknân meme agep. ¹² Abraham hain agepgât âmâ nen tirip olop manmaen nengât Ewenenne agep. Dâ tirip hâknennân miawagep aregât bo. Abrahamne hâknân tirip bo talewân âmâ Anutu nânğanminep, dâp areâk watmâ Anutu nânğanmaen âmâ benne Anutu amâ Humonenne dâenne ârândân akbiap.

¹³ Anutune Abrahamgât bâgilupne hân hârok yengiwian dâm hângât pat katyengiep amâ den kârikne loko lokogât akmâ bo. Abrahamne Anutu nânğanmâ kepilâmbo âmâ Anutune nânğâmbo ârândân agepgât Anutune hângât magep. ¹⁴ Amâ hingât. Anutune makmâ hâriep aregât pat amâ den kârikne lokomai yâk yengât makmâ hâriep dâine benne Anutu nânğanmaen are amâ yânne akbop. Akto Anutune makmâ hâriep akai yânne akbop. ¹⁵ Aregât keine hin. Den kârikne arekne amâ dosagât hâune kak-

nennân katmap. Dâ den kârikne bâlâgân âmâ den koko are bo miawakmap. ¹⁶ Are gârâmâ Anutu nânğanmâ kepilâmaen are nengât miawagep. Amâ wangât? Hingât. Anutu ukenjaet akmâ han kalem akmâ makmâ hârembo Abrahamgât kâmolân hârok yâk yengâlân miawagep. Dâ den kârikne lokomai gâlâk bo. Abraham amâ nengât hakunenje dâmaengât Abrahamne Anutu nânğanbo bunje agep amâ nen Anutu nânğanjenje bunje akmap aregât akmâ nengâlân miawagep. ¹⁷ Aregât keiñe Anutuñe makto kulengoep hin tatâp. “Nâñe luâk kâmotne kâmotne yâk yengât Eweyene akbiat dâm makmâ hâregindân.” dâep. Abrahamne Anutu nânğanmâ hin nânngâm kârigiep, “Anutu amâ momoñe mem golâ katyekmap. Akto siâ me siâ bo yendâp are dâambo miawakmai.” hain nânngâep.

Abrahamne Anutu nânngâm kepilâ anep.

¹⁸ Akto Anutuñe, “Gângât kâlelupje biwirâ miawakbai” dâm maganep, den are nânngâmbo humo agep. Akto den are biwinân mem kârikne mângim malepgât hânñe hânñe yâkgât bâgilupje miawakbaigât nânngâep. ¹⁹ Hain akmâ âmâ hombanje 100 malepgât ikinje hâkne serokne akto Saragât hâkne gai hainâgâk agep are ekmâ nânngâmbo umatje bo agep. Akto Anutuñe magep are nânngâm âmâ bo hanoko agep. ²⁰ Akto Anutuñe pat âlepgât magep are nânngâm âmâ han biwinje bo hogo agep. Amâ bunjerâm malep. Hain akmâ nânğanmâ kârigem Anutugât nânngâmbo âgâ anjo ikinje biwi kat katgât kârikne akmâ âgâep. ²¹ Amâ Anutuñe siâ me siâ makmâ hâriep are bunje agâk dâambo âlepñe miawakbiap nânngâep. ²² Hain nânngâepgât akto Anutu nânğanbo bunje agepgât Anutuñe yâkgât nânngâm âmâ “Dosage bo tatgindâp.” dâm makto miawaganep. ²³ Akto Anutuñe dosage bo tatgindâp den are Abraham gâlâk bo magep. ²⁴ Nengât gai aktâp. Kembunenje Yesu Kristo momoñân ba mem agalep Anutu yâk nânğanmaen nengât gai magep. Akto nengât akmâ miawaknengiwip. ²⁵ Are âmâ Anutuñe makto Yesu dosa nennjaet akmâ moep. Mondo dosa bâlâk

manbaengât âmâ Anutuñe momoñânba mem agalep.

5

Anutuñe nengât dosanenje bo agep aregât biwinenje mem sândugemap.

¹ Aregât nen Yesu nânğanjiongât Anutuñe nenekto dosa nenje bo agep. Aregât Anutuñe Humonenje Yesu Kristogât akmâ nânngâmbo kuk bo akto biwinenje sândugemap. ² Yesuñeak hânñi menengiepgât Anutuñe han kalem akmâ damunnenje akto yeukñân manmaen, akmâ maleine Anutugât kulem pagalene miawaknengimbo ekmâ egâlianbaen. ³ Akto areâk bo. Umatje miawaknengimbo arekne amâ han biwinenje kârikne ketugunengimap aregât bo hâkân akmaen. Aregât umatje miawaknengimboân âmâ herone akmaen. ⁴ Akto hâk hilâlâm nânngâm bo hâkân aktenje âmâ wât kârikne miawaknengimap. Akto wât kârikñande âmâ himbingât egâlianbaengât mem miawaknengimap. ⁵ Himbingât egâlianngât olop manbaen arekne amâ bo pâpkom anun anmaen. Amâ hingât. Anutuñe ikinje ukenjaet akmâ Heak owâineâk nengimapgât Anutugât han kalem are biwinenñân lugum totokombo gem tatmapgât bo pâpkomaen.

⁶ Akto Yesu bo nânğanjon sop ain tân agu agugât dâp bo tatnengiep, sop ain Kristone bâleñe meme nengât hâu mem moep. ⁷ Aregât hin nânngâen. Luâk siâñe luâk siâ ârândâñâk manmap are tângowerâm mombiap hainare bo tatâp. Dâ luâk âlepñe han kalem akmâ manmap are tângowerâm mombiap hainare konok konok tatmai mon? ⁸ Dâ Anutuñe nen bâleñe malionân ain han kalemjaet akmâ makto Kristone bâleñe nennjaet akmâ moep. Mondo ainâk Anutugât han kalemñe amâ miawakto egion.

⁹ Akto ire Kristogât hepnjaet akmâ dosa bâlâk agiongât Anutugât kuk sopñe miawakbiawân âlepñe tânnengumbo yâkgât akmâ kuk are bo miawaknengiwip. ¹⁰ Amâ hingât. Nen Anutu gasa aganmâ mandenñe nanñe moepgât akmâ han kalem aknengiep amâ âi humo. Are hinñe

Anutuņe han kalem aknengiewân amâ manmanjaet akmâ manman kârikjân katnenekbiapgât amâ ai owâine. ¹¹ Akto areâk bo. Kembunenņe Yesu Kristoņe Anutu olop mendunenegepgât aregât yâkgât akmâ Anutu yâk makmâ egâlian aganjmâ heronņe akmaen.

Adamņe bâleņe agepgât momogât dâp miawagep.

¹² Aregât hin nângâne. Luâk Adam konokņe bâleņe agepgât bâleņe keiņe keiņe hânân miawagep. Hain akto bâleņe momo miawaknengiep. Akto luâk hârok bâlim meteyiongât momogât patņe luâk hârok katip nenguep. ¹³ Akto den kârikņe bo miawaktoân bâleņande ulikjân miawakmâ yiep. Dâ den kârikņe bo talep amâ yân yem gaep. ¹⁴ Gârâmâ momoņe Adamgâlân keiņe katmâ luâk manmâ gayi yâk damun yengum gam mando amâ Mose miawagep. Amâ Adamņe den koko agepgât hainare bo agi yâk yengâlân miawagep. Akto Adam amâ luâk siâ beirâ miawakbiapgât tirip akmâ malep.

¹⁵ Dâ han kalemņe amâ den kokogât dop bo aktâp. Luâk konokgât den kokonjaet biwirâņe mom hilip aguyi. Hain akto Anutugât han kalemņe amâ luâk konok Yesu Kristo yâkgât âlepjaet akmâ Adamgât den koko ewangim luâk biwirâ nengâlân miawagep. ¹⁶ Aregât lâuwâņe makbe. Luâk konok Adam yâkņe bâleņe agepgât nen hârok den âiân miawaktenņe dosanenņe miawakbiap. Dâ bâleņe nenņe humo aktoân amâ Anutuņe han kalem nengiep arekņe nen dosanenņe boân manbaengât mem miawaknengiep. Aregât Anutuņe han kalem nengiep are akto luâk konokņe bâleņe akto miawaknengiep are amâ dop yetņe konok bo. ¹⁷ Amâ Adam luâk konokņe den koepgât momoņe damunnenņe akmâ gaep. Aregât Anutuņe han kalemņe yem âgâwiapgât akto dosa bâlâk manman are nengiwip. Aregât amâ nenņe luâk konok Yesu Kristo yâkgât akmâ manman kârikjân kembu akmâ manbaen. ¹⁸ Aregât hin. Luâk konokņe den kom malepgât luâk hârokņe hememgât pat agion. Aregât luâk konokņe ârândân mando dosa bâlâk manbaengât pat agion.

¹⁹ Luâk konokgât den kokogât Anutuņe nenekmâ dosa luâk dâm nengonlep. Hainagâk luâk konokgât den loko lokogât amâ Anutuņe nenekmâ dosa luâk bo dâm nengonlep.

²⁰ Akto den kârikņe amâ bâleņande sambeleâkgât tânâmjân miawakto ekbaengât. Dâ bâleņande sambelem miawakmâ âgâambo ainâk Anutugât han kalem arekņe sambelem ewangim âgâep. ²¹ Dâ aregât luâk âmbâle agak meme bâleņe akmâ manbiâ momo dondâ arekņe meyekto gayi. Gârâmâ luâk âmbâle bikjande Yesu Kristo Humonenņe yâkgât akmâ nânganjmâ manmaen nen Anutugât han kalemņe damunnenņe akmâ dosa bâlâk menenekmâ manman kârikjân katnenekbiap. Are amâ Kristo Kembunenņe yâkgât akmâ miawakbiap.

6

Yesugâlân dewatiyion.

¹ Aregât gain dâweren? Anutugât han kalemņe miawakmâ sambelem ariwiapgât bâleņe aktenņe ârândân akbiap. Hain dâweren mon? ² Hain bo. Bâleņe akmâ moyion nenņe gain gain gaetņe bâleņe lâuwâņe akmâ manmaen? ³ Aregât ye hin bo nângâi mon? Nen tu pulinengiyiân amâ Yesu Kristogâlân dewatiyion. Dewatim amâ yâkgât momoân dewatiyion. ⁴ Hain akmâ dewatienņe amâ Kristo olop han nenguep. Hain akto Eweņe Anutu yâkgât pagalenjande Kristo mem agato momoņânba agalep hain agâk nen golâ akmâ manman irakņe ain manbaen.

⁵ Aregât lâuwâņe makbe. Anutuņe nanņe moep aregât pat nengiep. Hain nengim amâ Yâkgâlân dewatinenegep. Aregât akmâ Yesuņe momoņânba agalep dop hainâk mem agatnenekbiap. ⁶ Aregât hin nângâmaen. Han tâmbâņe nenņe Yesu olop lâwinân moep dop hainâk bâleņenenņe bo agâkgât miawagep. Hain miawakto bâleņe nenjande bo damunnenņe akbiapgât dâp miawagep. ⁷ Amâ hingât luâk siâ mondo amâ bâleņande lâuwâņe bo damunņe akbiap.

⁸ Akto nen amâ Kristo olop moyion aregât yâk momoņânba agatmâ manmâ

âgâwiapgât nen âkâ yâk olop manmâ âgâwaen. Hain nângâmaen. ⁹ Akto Kristogât hin nângâmaen. Yâk momonân ba agalepgât lâuwâne bo mombiap. Akto momogât pat arekne lâuwâne bo damunne akbiap. Bo. ¹⁰ Yâk moep amâ bâleñaet sop konok mondo bo agep are. Akto hinne mandâp amâ Anutugât akmâ mandâp. ¹¹ Aregât ye hainâgâk bâleñeyeaet pat moyigât Yesu Kristo yâk olop Anutugât akmâ manmâ âgâniâm dâwei. ¹² Aregât bâleñande hâkyeñe damunne akbopgât nângâmâk manbei. Akto hâkyeñande egâlian bâleñaet hâwâtyekbopgât are gai nângâmâk biwiyene damunne akmâ manbei. ¹³ Hain akmâ hâkyeñande bâleñaet pat hoj bawa bo agañbiapgât hin akbei. Anutuñe momonânba oloñ yekmâ manman âlepñân katyegepgât hâk biwiyene Anutugât kotgâm wañbiâ âlepñaet hoj manbiâp. ¹⁴ Amâ hingât. Ye den kârikñande bo damunyeñe akmâ denân katyekmap. Bo. Anutugât han kalemñande damunyeñe akmapgât bâleñande luâk kembu bo akyeñgiwiâp.

Agak meme âlepñe aregât hoj bawa agañmaen.

¹⁵ Aregât ire gain akbaen? Anutugât han kalemân manmâ arienne den kârikñaet horat hulañ agepgât bâleñe mendenne ârândân akbiap mon? Amâ bo. ¹⁶ Luâk kembu siâ han biwiyenande hikom kinmâ lau lokoanbaine yâkgât hoj agañmâ âi meanbai. Bâleñande damunyeñe akto aregât hoj manañmâ ageine mom hilip aguwâi me lau loko lokoñe damunyeñe akto yâkgât hoj manmâ âgâmbiâ Anutuñe yekto huraguwiâp. Are nângâi mon? ¹⁷ Ye bâleñaet hoj manmâ gayi are bo agep. Dâ luâk bikñande Yesugât keiñe makyenjimbiâ amâ pânân mem han yeñande nângâm kepilâm lokomai aregât Anutu mepainne meanbaen. ¹⁸ Dosa yeñande wârakmâ mem ge katyekto aregât hoj bawa akmâ mali are Anutuñe kom mem oloñyekmâ agak meme âlepñân katyekto aregât hoj bawa agañi.

¹⁹ Han tâmbâne yeñe yeukne aregât luâgân siâ me siâ yendâp aregât dop katmâ makyenjiân. Ye ulikñân hâk

biwiyene egâlian bâleñe aregât hoj agañbiâ humo akto gulip mali. Aregât sop unak amâ hâk biwiyene ârândângât hoj bawa agañbiâ humo akto han ârândânâk akmâ manbei. ²⁰ Ulikñân bâleñaet hoj maliân ain ârândân manmangât horat are bo yeyengiep. ²¹ Akto sop ain wan bunne miawakyengiep? Bo. Aregât kakñân momo miawak yengiwipgât pat. Dâ hinne are nângâm amâ añunne olowâk mandâi. ²² Bâin. Sop hinne amâ bâleñaet tâk hulañdo Anutugât hoj manman agi mandâi. Hain akbiâ han irakne akto agak meme ârândân miawak yengiep. Dâ beirâ amâ manman kârikne mem manbai. ²³ Bâleñaet hâuñe amâ momo membaen. Dâ Anutuñe han kalemñaet akmâ Kembu nenñe Yesu Kristo yâkgât akmâ manman kârikne nengimbo mem manmaen.

7

Yesu moepgât den kârikñaet tâk hâreañep.

¹ Galama, den kârikñaet keiñe nângâmâi ye hin makyenjiwe. Ye hin bo nângâmâi mon? Nen mandenne den kârikne arekne damun nenñe akmap. Dâ mombaenân amâ den kârikne arekne bo damun nenñe akbiap. ² Aregât âmbâle siâne luâk siâ mendoân den kârikne hin kalañep, luâk hepunbiapgât dop bo yendâp. Dâ luâkne mondo den kârikne makmâ hâreañep are hepunbiapgât dâp talañbiap. ³ Aregât luâkne golâ mandoân ain amâ hepunmâ luâk siâ mendo amâ âmbâle bâleñe dâm konmaen. Dâ luâkne mondo amâ luâkdâ âmbendâ menduyelegep tâk are hâreañep. Aregât luâk siâ membiawân ain mem hepun hepungât dosa bo membiap.

⁴ Galama yeñgât keiyene hainâk yendâp. Kristogât hâkne mondo ain den kârikne aregât tâk hâriep. Hârembo den kârikñaet moyi. Are amâ ambo siâgât agi. Anutuñe nanñe momonânba agalep mandâp yâkgât kâmot agi. Aregât nen Anutu bunne peniañiongât. ⁵ Dâ ulikñân manman tâmbâne malion sop ain den kârikne arekne egâlian bâleñe kâlâpñe waito hâk biwinennân âiñe mem malep. Hain aknengimbo momogât bunne mem peniañion. ⁶ Dâ hinne amâ den kârikne arekne bo damun nenñe akmap

aregât tâkne hulanj nengiewân amâ den kulemgât dâp tâmbâne bo watmâ amâ Heakgât dâp irakne tâlim arimaen.

Bâleñande hilip nengumap.

⁷ Aregât gain dâweren? Den kârikne ire amâ bâleñe mon? Hain bo. Den kârikne bo tatâp dâine nâ bâleñaet keine bo nângâm kotgâwom. Den kârikne arekne hin makmâ miawakniñdâp, “Egâlianj bâleñe bo nângâm egâlianjen.” den are bo tatâp dâine egâlianj bâleñe bo nângâwom. ⁸ Gârâmâ bâleñe are amâ den kârikne arekne tân aganjo hanne hâwâto egâlianj bâleñe keine keine miawakniñep. Amâ den kârikne arekne bo yendâp dâine bâleñande yân limbâp agum yembop. ⁹ Nâ ulikñân den kârikñaet dâwân bo malân ain amâ manmanne miawaknengiep. Aregât haminân den kârikne arekne penâniñdo bâleñande biwinân ai mendo momogât dâwân ariân. ¹⁰ Den kârikne arekne manmangât dâp makmâ miawakmap arekne purik dâm momogât dâp miawakniñep. ¹¹ Amâ hingât. Bâleñe are amâ den kârikne arekne tângombo kârikne akmâ heniñmâ nugumbo momo hinare agân. ¹² Aregât hin nângân. Den kârikne amâ dosa bâlâk. Akto Anutuñe wan me wan makmâ hâriep den are hainâk amâ dosa bâlâk akto Anutuñe nângâmbo âlepne akto ârândânj akmap. ¹³ Aregât hin dâwe mon? Den kârikne amâ âlepne arekne konok nâ nugumbo momogât dâp miawakniñep mon? Hain bo. Bâleñenande den kârikne âlepne aregât akmâ momoñe naguep. Amâ hingât. Anutuñe wan makmâ hâriep den aregât akmâ bâleñenae keine nângâm hejgemgore bâleñaet hândâkne dondâ bâleñe miawakmâ kinbiapgât.

Bâleñande hikom katnenekmap.

¹⁴ Dâ nenâmâ hin nângâmaen. Den kârikne amâ Heakgât pat. Dâ nâmâ bâleñaet hoj aganmâ hângât pat manman. ¹⁵ Nâ agak memene nângâwerâm aktere purik gurik agep. Amâ hin. Nâ siâ me siâ akberâre umatne akto bo akman. Dâ siâ me siâ sârekoman are amâ akman. ¹⁶ Akto wan me wan sârikoman are akman amâ benje hin nângân, den kârikne are

nângâre âlepne akmap dâman. ¹⁷ Aregât wan akmâ bâliman are amâ nâ nune hangât bo akman. Bâleñande hanân yem hâwâtnekto akman aregât. ¹⁸ Nâ keine hin nângân. Agak meme âlepñaet egâlianman are amâ membiangât dâp bo tatniñdâp, aregât hâknân wan me wan siâ âlepne bo yendâp. Hain nângân. ¹⁹ Amâ hin. Nâ wan me wan siâ âlepne akbian dâm kinmâ amâ bo akman. Dâ siâ me siâ bâleñe bo akbian dâm kinmâ amâ akman. ²⁰ Bâleñe bo akbian dâm makmâ hanâk akman amâ nunak bo. Bâleñe biwinân tatmap arekne huñgunniñdo hanâk akman, hain nângân. ²¹ Aregât nângâlân hin miawakmap. Siâ me siâ âlepne akberâre amâ bâleñande mete katniñmap. ²² Nâ han biwinande Anutuñe den kârikne kalep are nângâre ârândânj akto herone akman. ²³ Dâ hâknande amâ nângâ nângâne are kondo gembo bâleñe hâknân manmap arekne hiko nekto umatnân mandân. ²⁴ Aregât mesak gosak akman. Gâuk niñande hâkne momogât pat agakne mem kotdâ nekbiap? Amâ hin. ²⁵ Nâmâ Yesu Kristo Humo nenñe yâkgât akmâ Anutu mepaiñe meman. Bâin. Nâ Anutugât den kârikne are nângâre ârândânj akto nângâ nângânande hoj aganman. Dâ hâknande amâ bâleñaet kârikne hoj aganman.

8

Yesuñe dosanenne puliepgât yâk nângâm kepilâ arjaen.

¹ Aregât Yesu Kristo olop manmaen nen amâ Anutuñe bâleñaet hâuñe bo makmâ kotdâ nengiwiap. ² Amâ hingât Anutugât Heak arekne Yesu Kristogât manman are nengiep pat arekne bâleñaet tâk akto momogât tâk hâriep. ³ Akto den kârikne are han tâmbâne nenñande kârikneñe kondo gembo nengâlân ai mem âsinenekto bo agep. Aregât Anutuñe nanñe luâk hainare ak dâmbo luâk akmâ gem mando bâleñaet akmâ nanñe kuk aganjo moep. ⁴ Mondo amâ den kârikne loko loko âlepne miawaknengiep. Nen han tâmbâñaet dâp bo watmaen. Bo. Amâ Heakgât dâp tâlimaen nengâlân den kârikne loko loko âlepne mendenñe huraguiwipgât

dâp miawaknengiep. ⁵ Hâkyenjaet dâp tâlimai yâkne âmâ hâkgât nângâmbiâ humo akmap. Dâ Heakgât dâp tâlimaen nenje âmâ Heakgât siâ me siâ aregâlâk nângâenne humo akmap. ⁶ Hâkgâlâk nângâm manbiâ âmâ momo miawaknyengimbo hilip aguwai. Dâ Heakgât nângâenne humo akbiap amâ manman âlepne akto biwi sânduk membaen. ⁷ Amâ hingât. Luâk siâne hângâlâk nângâmbo humo akmap yâkgât nângâ nângânde Anutu gasa aganmap. Nângâ nângânde Anutugât den kârikjaet amukjân tatbiapgât dop bo tatâpgât den kârikne are hâkâne akmâ panmap. ⁸ Amâ wangât? Hingât. Hâkgâlâk nângâmai yâk Anutuñe yekmâ hâkâñ akmap.

⁹ Dâ ye Romagâtne amâ Anutugât Heakne arekne hanyenân tatmâ manmapgât hâkgât patñande bo damun yeñe akmap. Amâ Heak olop menduguakmâ manmaigât. Dâ siâne Kristogât Heak bâlâk manbiapne yâkgât pat bo mem manbiap. ¹⁰ Dâ Kristone hanyenân manmawân hâkyenande bâlenjaet akmâ momone akyengimap gârâmâ han otne yeñande amâ dosa bâlâkgât golâ akmâ manmap. ¹¹ Akto Yesu momonânba mem agalep Anutugât Heakne hanyenân tatmap arekne Kristo Yesu momonânba mem agalep dop hainâk hanyenân Heakne mandâp yâkgât akmâ hâkyeñe momone are hainagâk mem golâ katbiap.

Heakne menenekto yâkgât agion.

¹² Galalupne, nengât hâu yendâp aregât hâknennaet bo nângâmâk manbaen. Akto hâkgât agak meme bo mem manbaen. ¹³ Amâ ye hâkgât agak meme watmâ manbai âmâ hilip aguwai. Dâ Heakgât kârikjân agak meme are kombiâ gembo âmâ manman âlepñân manmâ âgâwai. ¹⁴ Aregât keñe hin. Anutugât Heak arekne sokoyekto manmai yâk âmâ Anutuñe nan barat dâm yeñgonmap. ¹⁵ Anutugât Heak yeñgiep are âmâ hoñ manmanlupne manmâ hamep akñetgât bo. Nan barat bunje manñetgât Heak yeñgiep. Aregât akmâ Ewenenne âlepne dâm konmaen. ¹⁶ Amâ nen Anutugât nan barat manden den are âmâ Heakne biwinenñân makmâ

humolembo nângâmaen. ¹⁷ Nanñe baratne mandengât Anutuñe bânje bânje nengiwipgât dop miawaknengiep gât Kristo olop mendugum damun akbaen. Amâ in hânân yâk olop dâtne metne kakjân manbaen âmâ âlepne yâk olop egâlian pagalene âlepñân nen hârogâk manbaen.

Manman âlepne aregât lâmgom manmaen.

¹⁸ Galalupne. Nâ hin nângân. Himbimân Anutuñe egâlian âlepne nengiwip arekne hânân hâk hilâlâm umburuk yendâp are ewangiâp aregât hâk hilâlâmgât nângâenne yânñe akbiâp. ¹⁹ Anutugât nan barat manmaen nen pagalene miawaknengimbo tektekñân manbaengât siâ me siâ liulep arekne aregât imbianmâ lâmgom manmai. ²⁰ Amâ hingât. Anutuñe siâ me siâ liulep are mom bâle bâlegât kâlegen katyegep. Are amâ yeñgât hangât bo. Anutuñe siân wan âlepne miawakbiap aregât lâmgom manbaigât lope kâlegen katyegep. ²¹ Amâ hingât. Beirâ wan me wan liulep are gai mom hilipaguwaigât tâkne gunmâ panmâ kârikne akmâ Anutugât nanñe baratne nengâlân egâlian âlepñân dewatinenekbai. Haingât.

²² Nen aregât hin nângâmaen. Anutuñe kotne siâ siâ hârok ketuguep are hârokne âmbâlene nanan memberâm hâk hilâlâm nângâm kamboñmai dop hainâk akmâ lâmgom manmâ kamboñmai. ²³ Akto wan me wan liulep areâk bo akmap. Nenâkai, Heakne biwinenne bunje aknengimap Anutugât nan barat manden aregât keñe miawaknengiâkgât akto Anutuñe hâk nenñe mem hulanmâ hengemgom mem tek tekñân katnnekbiapgât sopne lâmgom manmâ han nenñande mesak gosak akmâ umburukne akmaen. ²⁴ Hain akmâ lâmgom manmaengât amâ Anutuñe heñgem nenguwipgât pat miawak nengiep. Dâ siâne siâ lâmgom manbiapne âmâ wan me wan ekbiawân lâuwâñe bo lâmgom âmâ biwi owâi bo akmap. ²⁵ Gârâmâ nenâmâ hinñe wan bo ekmaen are lâmgomaen âmâ biwinenne owâine akto bo hâkâñ akmaen.

Heakne tânnengumap.

²⁶ Akto dop hainâk Heakne gai nen yeuknaet akmâ tân nengumap. Nen hin me hain ulilanjenje ârândân akbiap are âmâ bonângâm kotgâmaengât Heakne han nenje mem owâimbo den luâkne bo nângâmaenje are maktenje miawakto Anutuje nângâmap. ²⁷ Akto Anutu biwinennân ekmapne âmâ Heakgât den nângâmap. Âmâ Heakne nen Anutugât kâmot nengât akmâ Anutuje wan me wan makmâ hâriep are nângâmap areâkgât ulilanmap. ²⁸ Akto areâk bo. Nen hin nângâmaen. Anutu han nenjande nânganmaen nengât akmâ wan me wan miawaknengimap are hârok mem tân nenguwiapgât mânginenekmap. Âmâ yâkne han kalemnaet akmâ oloj nenegep nengât. ²⁹ Uliknân Anutuje han kalemnaet akmâ potatnenegep gât Nanjaet tirip akbaengât makmâ hâriep. Akto emiñe gariñe biwirâ aktenje ikinje âmâ teunenje humo uliknân gâtne akmâ manbiapgât makmâ hâriep. ³⁰ Anutu luâk âmbâle uliknân nângâm hengemgom potat nenegepgât nengonmâ olojnenegep. Nengonmâ oloj nenegepgât dosa nenje bo aktâp dâep. Dosa nenje bo aktâp dâep gât egâlian âlepne nengiep.

Anutugât han kalemânba siâ me siâne bo hilipnenguwiap.

³¹ Den are keiñe gain gain yendâp dâweren? Anutuje gala bo aknengimap dâine gasalupnenjande dondâ yeukne aknengimbiâ hilip aguwâen. ³² Anutuje ikinje Nanje bo gangerâm dumnennân kilâkgât hunjun anjo giep are amâ âi humo. Dâ wan me wan yâkgât akmâ nengiwiap amâ owâiñe. ³³ Anutuje ikinjak dosa nenje bo aktâp dâmap aregât yâkgât kâmotlupne nen niñande denân katnenekbop? ³⁴ Akto Kristo Yesu ikinjak moep. Akmâ moewâk bo. Yâk momonânba agatmâ Anutugât bânje bungen âgâ talepgât nengât akmâ Anutu ulilanmap, aregât niñande denân katnenekto dosa nenje miawakbiap? ³⁵ Akto Kristogât han kalemânba wan areknaetne oloj nenekto yân manbaen? Âmâ hâk hilâlâmne me dâtne metjande me gasalupnenjande me mop manmanje me hanokoak manmanje me tembe bugâne arekne? Are hârokne Kristogât

han kalemânba olojnenekbiapgât dop bo. ³⁶ Âmâ Anutuje aregât magep hin tatâp, “Anutu gângât akmâ hâk hilâlâm nângâenje hokboâk hokboâk gasalupnenjande itinj gulam menenekmai. Akto bau kom gâimaen aregât dop hainâk aknengimai.”

³⁷ Hain arekne bo mem ge katnenekbiap. Bo. Yesuñe han kalem akmapgât kârigem kârikne humo penianmâ kinmaen. ³⁸ Aregât hin nângâm kârigeân. Momone me manmanje me anelone me luâk kembuñe me hinje miawakmapne me beirâ miawakbiapne me siâ me siâ kârikne arekne ³⁹ me siâ siâ âgâne me siâ siâ gegene me wan me wan Anutuje liulep arekne Anutugât han kalemjande Yesu Kristone katip nengumap ain ba bo olojnenekbiap.

9

Paulone Yuda luâk yengât yai nângâep.

¹ Nâ Kristogât akmâ den bunje maktere nângânet. Heakne hanne mem pagalembo nângâm hengemgom makyenjiwe. ² Nâñe nângât ginbailupne Yuda gâtne yâkgât akmâ nângâyengire biwine umatne dondâ akmap. ³ Aregât hin nângân mon? Anutuje Yuda luâk galalupne yâkgât akmâ hepun nekmâ âmâ meyekbiap are nângâm owâiân. ⁴ Yuda luâk nengât kotnenje siâ Israegât kâmotlupne are Anutuje nângât mândulupnerâm ikinjaet pagalene hekatyengiep. Hain akmâ âmâ Anutu olop dewatiwaigât pat akto den kârikne makmâ miawak yengiep. Akto sumbegât emetne aregât hin aknetgât dâpne keiñe hekatyengiep. Akto siân wan me wan hârok yengiwian dâm makmâ hâre yengiep. ⁵ Dâ Yuda nengât hakulupnenje amâ luâk kautne mali. Akto Anutuje nanje hunjunañdo giep are amâ nengât hutnennânba miawagep. Yâk âmâ wan me wan hârok nengât kautne malep, yâk âmâ Anutu aregât nenje nânganjenje humone humo kârikne talanbiap. A bundâk. ⁶ Dâ ya makyenjiân aregât hin bo dâwaen, “Yuda luâkne wan akmai aregât Anutugât den yeukne agep.” bo dâwaen. Israe gâlân ba miawagion âmâ Israe luâk bunje hârokne ârândân bo agi. ⁷ Dâ Abrahamgât

uliklupne miawagi are âmâ kâmotlupne bunne gai bo agi. Gârâmâ aregât Anutune makto Moseje hin kulengoep, “Abraham gângât nanje Isakagât kâlegenlupne amâ gângât pat akbai.”⁸ Den aregât keiñe hin tatâp. Abrahamgât kâlegen gâtne hârok âmâ Anutune mândulupnerâm bo yeñgonmap. Anutune makmâ hâriewân miawagi yâkneak Abrahamgât kâlelupne bunne agion.⁹ Aregât Anutugât denje hin talep a bunne agep, “Homban kaknân sop miawakto Sara nanan mem mandoân purikatbian.”

¹⁰ Akto areâk bo. Rebeka âmâ luâkne hakunenje Isaka yâk olop manmâ nanan lâuwâ megolak tepne agep.¹¹ Tepne akto nanan lâuwâ bo miawakmâ maliat ain bâleje me âlepne bo agialân Anutune yâk yetgât hin magep, “Teuñande emiñæet hon manbiâp.”¹² Amâ Anutu ikinje hanjaet den are kârikne agâk gât nângâm nanan manman yetjaet bo makmâ kârigiep. Ikinjaet hanjaet mem potat yelekmâ kinmâ hain magep.¹³ Aregât Anutugât den bikne hin tatâp, “Nâje Yakobo âmâ han kalem aganmâ okot âlep nângân. Dâ Esau âmâ hâkân agandân.”

¹⁴ Akto aregât gain dâweren? Anutune wan me wan mendo bo ârândân akmap? A borondâne.¹⁵ Uliknân Anutune Mose hin maganep,

“Luâk me âmbâle siâ are okot âlep agandere ârândân akmap. Akto luâk me âmbâle siâ han kalem agandere ârândân akmap.” dâep.

¹⁶ Aregât keiñe hin. Anutune luâk hanyenjaet me âiyenjaet bo nângâyengimap. Anutu ikinje han kalemnaelâk nângâm makmâ potat nenekmap.¹⁷ Aregât keiñe Anutugât denjande Parao hin maganep, “Nâ gângâlân kârikjene mem miap pandere hân ârândân ariâkgât dâm kat gegân.”¹⁸ Aregât Anutune âmâ luâk siâ han kalem aganberâm âmâ âlepne aganbiap. Dâ luâk siâ han biwinje gisapkoanberâm âmâ âlepne gisapkoanbiap. Amâ ârândân akmap.

Yuda luâkne Anutu hamianji.

¹⁹ Are oyanmâ yengâlân gâtne siâje hin makniñbiap mon? “Anutune wan me wan akberâm dâmbo luâkne bo miawagâk gât

horat kalanbiapgât dop bo tatâp aregât Anutune luâk nengât nângâmbo bâlimap are bo ârândân aktâp.” dâm makniñbiap mon?²⁰ Wei gâmâ luâgâk. Wangât Anutu den hâune maganbiat? Aregât den dopne hin makbe. Wangât umbâne luâk umbâ mângimap are hin maganbop, “Gâ wangât tiripne hain are mânginegen?”²¹ Aregât umbâ mângimap luâk arekne hân numje mem umbâ bikne luâk yâk yengât pat mângiwop. Dâ bikne dua bau yâk yengât mângimbo ârândân akbiap.²² Amâ Anutune kuk akto kârikneje tekteknân kato ekbaigât umbâ bikne hogom panyekbiapgât nângâyengim bo hâkân akyengiep.²³ Hain akyengim umbâ bikne han kalamjaet pat maleine beirâ egâlian pagalenân kâmot katnenegâk gât nângâmbo yendâp. Umbâ are nengâlân egâlian unsambe nengiepgât menenekmâ manmap.²⁴ Dâ aregât amâ Yuda luâk âmbâleâk bo. Hân siâ siâ Yuda luâk bo manmai aregât nen han kalemjaet pat aknegât oloñ nenegep.²⁵ Akto Anutune propete Hosea hin maganjo kulengoep,

“Luâk kâmot ambo bo akyengiân yâk nângât luâk âmbâlelupne yeñgonmâ makyengiwan. Akto âmbâle okot han kalemne bâlâk malep yâk nângât dâtâne dâm konbian.”

²⁶ Akto den siâ hin,

“Nâje ye nângât luâk âmbâlelupne bo dâm makyengiân ain kotyene Anutu manman ambonjaet nanne baratne yeñgonbian.” dâep.

²⁷⁻²⁸ Dâ areâk bo. Yesaianje Israegât hin magep,

Kembunje hânân denjaet bunne dowâgâk mem miap pando kârigewiap aregât Anutune hin dâep, “Israegât kâlelupne haruân nupi yendâp aregât dop miawakmâ manbai nâje hutnânba konok konok mem oloñyektere manman âlepñân manbai.” dâep.

²⁹ Akto Yesaianje beirâ miawakbiapgât hin magep,

“Humonenje kâmot kârikne Humo Amboyenande hutnenñânba konok konok bo oloñ nenekto dâine âmâ Sodom Gomora itinj gulam agiat hain are akbâen.”

Yuda luâkne âlepne aknegât ewum hâumgoyi.

³⁰ Aregât ire gain dâweren? Hin mon? Luâk Anutugât kotne bonângâmaiñe âlepne akñetgât bo nângâmâk watmâ manmai yâk âlepne manmaigât memai. Are amâ Kristo nânganmaigât memai. ³¹ Dâ Israe luâk den kârikne lokom kinbiâ Anutuñe yekto huraguâkgât kârikne agi. Kârikne akmâ den kârikne bo lokom âlepne bo akmâ amâ umale agi. ³² Amâ wangât? Hingât. Yuda luâk âmbâle arekne Kristo nângâ anbaigât pat bo wali. Yân agak memeyene aregât âlepne aknegât hain agi. Are amâ dâwân kât yiep ain keiyene kondo kâwâwân kârâyî. ³³ Aregât Anutuñe hin makto Yesaianje kulemgoep,

“Nângâi. Nâ Sion gimbânân kât siâ katere tatbiap. Arekne keiyene erâmbo peñ panyekbiap. Akto kât humo katberân ain kom hewewen panbai. Dâ siâne nânganbiap amâ bo pâpkom anjun angiwiap.”

10

Yuda luâkne Anutugât den hâkânje dâyi.

¹ Galama, nângât kâmot Yuda luâk âmbâle are Anutuñe meyekbiapgât hanande dondâ hâwât nekto Anutu aregât ulilanman. ² Amâ yâkne Anutugât ai mendenne huraguâk dâm kârikne akmâ manmai. Dâ amâ pâpkom kinmâ akmai. ³ Yâkne Anutugâlân ba dosa bâlâk aknegât dâp yendâp aregât pâpkomai gât yeñeak âlepne aknegât aiñe kârikne memai. Hain akmâ Anutuñe yekto huraguâk gât dâp hâkân akmai. ⁴ Aregât keiñe hin. Kristone den kârikne are lokombo bo agep. Aregât luâk âmbâle siânbañe Kristo nânganbiâ amâ Anutuñe dosayene bo dâm yeñgonmap.

⁵ Aregât Mosenje hin kulemgoep, “Luâk siâ den kârikne are hârok lokore Anutuñe nekto huraguâk gât manbiap yâkne den kârikne hârok lokombo amâ âlepne manmanân manbiap.” ⁶ Dâ Kristo nânganbiâ Anutuñe yekto huragumap gât den hin yendâp, “Niñande himbimân âgâm Kristo mem oloñdo gewiap? ⁷ Me niñande hememân gem Kristo momone yâk yeñgât hutyeñânba oloñdo gawiap?

Ye hain bo dâwai.” ⁸ Anutuñe magep hin tatâp, “Anutugât denñe kâlewângen bo tatâp. Enemân akto biwigân yendâp.” Are amâ biwi kat katgât den pat âlepne nânganetgât makyengimaen. ⁹ Amâ Yesu amâ Kembune dâwiat akto biwigân Anutuñe Yesu momonânba mem agalep dâm nângâm kepilâwiat benñe Anutuñe heñgem gugumbo manman âlepñân manbiat. ¹⁰ Aregât han nenñande Yesu nânganmâ amâ dosa bâlâk manmaen. Akto launenñande makmâ miap panmâ mandenñe Anutuñe heñgem nengumap. ¹¹ Aregât Anutugât denñande hin dâep, “Siâne nânganbiap amâ bo pâpkom anjun angiwiap.” ¹² Amâ Yuda me Girik luâk potat potat bo yendâp. Humo Kembu konokne amâ hârokgât Kembunenñe mandâp. Yâkne luâk me âmbâle bikñande yâkgât kotne konbiâ amâ ainâk han kalem akyengim wan me wan âlepne potatmâ yeñgiwiap. ¹³ Aregât Anutugât denñande hin dâep, “Niñe me niñe Kembu kondo amâ ainâk Anutuñe mem heñgemgo anbiap.” ¹⁴ Gârâmâ luâk âmbâleñe amâ Kristo bo nânganmai amâ gain gain kotne konbai? Akto siâne Kristogât keiñe bo makyengimbo amâ gain gain nânganbai? Akto den pat âlepne makmaen nengâlân gâtne konokne bo arim makyengimbo amâ gain gain den pat âlepne nângâwai? ¹⁵ Akto Anutuñe bo hungunanndo amâ gain gain arim makyengiwiap? Anutuñe makto siâne hin kulemgoep, “Pat âlep den makmak luâk togombiâ amâ, munñande han nângâ nângânenñe mem owâimap.”

Anutuñe Yuda luâk âmbâle yeñgondo bo nânganji.

¹⁶ Den pat âlepne ire amâ luâk hârokne bo nânganmâ bunñerâm kepilâyî aregât Yesaianje hin magep, “Kembu, den pat âlepne makmâ miawaktenñe siâne bo nânganmâ kârigiep.” dâep. ¹⁷ Aregât hin nângâweren. Siâne Kristogât pat makyengimbo den bunñe nângâmaen. Akto den bunñe nângâenñe amâ biwi kat katgât miawakmap. ¹⁸ Gârâmâ aregât hin aiyenñuân. Luâk âmbâle amâ den pat âlepne are bo nângâyî mon? Hain bo. Anutuñe makto siâne hin kulemgoep.

Denyenande hânje hânje sambelem ârândân agep. Akto den lauyenande hân tunğunângen ârândân agep.

¹⁹ Aregât gaetje hin aiyenğuân, Israe luâk bo nângâm heņgemgoyi mon? Hain bo. Uliknân Moseņe hin kulengoep,

“Anutuņe hin dâep, Nâņe luâk yânje meyektere ye ewangiyekbiâ nângâmbiâ bâliwiap. Akto luâk kâmot bo nângâ niņbai are oloņyektere yekmâ biwiyenje kâlâp akbiap.” dâm kulengoep.

²⁰ Akto beirâ Yesaianje den umatje mem gem makmâ âmâ bo anun anġim hin dâep,

“Anutuņe hin dâep, Bo kulâgât nekmâ maliņe penâniņi. Nângât bo makmâ mali yâk yenġât mete katyenġiân.” dâep.

²¹ Hain akmâ Yesaianje Israe luâk yâk yenġât hin makmâ kulengoep,

“Anutuņe hin dâep, Nâ luâk kâmot nângâm gulip agakņe akto den kokonje sop kâlêp ganet dâm yenġonmâ mandere bo togoyi dâep.” dâm kulengoep.

11

Anutuņe Yuda luâk bikņeâk ikinjaet pat meyegep.

¹ Aregât nâ hin aiyenğuân, Anutuņe Yuda luâk hârok hepunnenegep mon? Bo. Hain bo agep. Amâ nâkai Israe gâtņe manmâ gan. Akto hakune amâ Abraham. Akto nâmâ Bensamiņ kâmolân gâtņe mandân. ² Anutuņe Israe bo hepun nenegep amâ hingât. Uliknân luâk nângâyenġim potatyegep amâ bo hepun yekmap. Amâ ye Anutugât denje are bo oyaņmâ nângâmai mon? Elianje Israe luâk yâk yenġât akmâ Anutu hin dâm maganep, ³ “Kembu, Israe luâkņe propete yenġum âmâ sumbe kat katgât are patakom itin gulam meyi. Dâ nuneâk mandere gai nuguwerâm aktâi.” ⁴ Hain dâmbo den hâuņe gain purikalanep? Hin. “Nâ luâk 7,000 koratyenġure lâpio kotņe Baali yâkgât bo kânġoanġi.” ⁵ Anutuņe hain dâepgât hin nângâne. Anutuņe han kalem akmâ Yuda luâk bikņe mem kepilâ yegepgât mandâi. ⁶ Aregât Anutuņe han kalemņaet akyenġiep. Akyenġiep gât âmâ agak meme

yenjaet bo akyenġiep. Hain bo akto dâine âmâ han kalemņe bunņe bo akbop.

⁷ Akto gain gain nângâweren? Israe luâk yâkņe Anutuņe nenekto huraguâkgât kulâgâtmâ âi humo meyi, are bo mem miawagi. Dâ Anutuņe mem kepilâ yegep yâkņe âmâ meyi. Bikņe humo âmâ Anutuņe makto biwiyenje kârik agi. ⁸ Aregât Anutugât dennân hin tatâp,

“Anutuņe han yenje mem gâliskoep. Akto dewunyenje gai mem limbâpkoep. Akto ondopyenje mem gisapkoep. Gisapkombo gam gam maleine unjak hainâk yu mandâi.

⁹ Akto Dawidiņe hin dâep,

“Anutu, gâņe makmenâ sot nem tatbiân âmâ sot akto kat katyenande lâlâmbâlân dowâk peņ panmâ yenġuâk. Akto wan me wan agigât hâuņe hân dâpņân gewai hainare miawakyeņġiwiapgât makmenâ miawagâk. ¹⁰ Gâ dewunyenje mem limbâp komenâ dewun bok akbai. Dâ hamiyenje mem goņgoņgomenâ pâit pâitņe akmâ manmâ âgâwei.” kulengoep.

Anutuņe kâmot siân gâtņe ikinjaet pat meyegep.

¹¹ Akto hin aiyenğuân. Israe luâk yâkņe mokmok mem peņ panmâ mom bo akbaigât hain miawagep mon? Hain bo. Israe luâkņe bâleņe agigât Anutuņe Israe gâtņe bo manmai meyegep. Meyekto âmâ beirâ Israe gâtņande Israe gâtņe bo manmai manman âlepņân manmai are yekbiâ bâliwiapgât. ¹² Akto Israe luâk âmbâle bâleņe agi aregât den pat âlepņe hânje hânje ârândân arim metiep. Akto Israe luâk âmbâle yeukņe akbiâ Anutugât pat bo miawakyeņġiep gât Yuda luâk bo manmai yâk yenġâlân den bunņe peniyenġiep. Yei, maleine Anutuņe Yuda luâk hârok meyekbiawân âmâ hârok bunņe miawaknengiwiap.

¹³⁻¹⁴ Galalupne, hinņe Yuda luâk bo manmai ye den ire makyenġire nângâņet. Nângât kâmot hâwât yektere bikņande nâ watnekmâ âlepņe akņetgât Yuda luâk bo manmai yenġât Aposolo manman. Akto âine egâliah kakņân meman. ¹⁵ Akto Anutuņe Israe luâk hepunyegep gât âmâ

Anutuŋe hân ârândânŋan manmai yâk meyegep. Arekŋe Israe luâk meyekbiawân amâ momonân ba golâ manbaengât miawakbiap. ¹⁶ Akto sot ulikŋe Anutu wanŋenŋe mendâp benne sot hârok ârândânŋ akmap. Dâ lâwin kândârânŋande ârândânŋ yendo gai bât bâtŋe gai hainâgâk ârândânŋ yembiap. ¹⁷ Den ginŋe siâ hin makbe. Anutuŋe bât bâtŋe bikŋe hârem panmâ aregât welamŋân oliwa pâlonŋangen miawagep aregât bâtŋe gâ Yuda luâk bo manmat oliwagât tuŋe membiatgât katgekŋmâ dewatigegep. ¹⁸ Aregât gâŋe lâwin bât bâtŋe tâmbâŋe Yuda luâk yâk bo nângâyengimenâ gembo amâ agat agat bo akben. Hain akbâtgât hin nângâwen. Gâ lâwin kândârânŋe are bo damunŋe akmâ hengemgomat. Kândârânŋe Yuda luâk arekŋe ge tân gugumai. ¹⁹ Gârâmâ hin dâwerât mon? Anutuŋe nângât akmâ katmâ dewatinegâk gât bât bâtŋe tâmbâŋe are liŋgâtŋmâ palep. Panmâ nâ dâgâm dewatinegep. ²⁰ Gâ Yuda luâk bo manmat amâ bundâk maktât. Anutuŋe Yuda luâk manmai arekŋe bonânŋanŋi gât hârem panyegep. Dâ gâmâ Anutu nânŋanŋmatgât kindât aregât hâkge bo mem agatmâ amâ kânŋom manben. ²¹ Amâ Anutuŋe oliwa ikinŋe bât bâtŋe bo yaigoepgât gâ hainâgâk bo yaiguguwiap. ²² Aregât gâ han kalemgât akto Anutuŋe hâmbiŋ yekmapgât bo nelâmŋiŋbiap. Hâmbiŋ yegepgât den bunŋe hamianŋi yâk yengâlân hâuŋe miawagep. Dâ han kalemŋaet bunŋe are amâ gângâlân emelâk miawagep. Aregât gâ yâkgât han kalemŋaet akmâ nânŋanŋmâ manmenâ bunŋe âlepŋe miawakbiâp. Dâ hain bo akmenâ amâ gâ gai hârem pangekbiap. ²³ Akto bât bâtŋe tâmbâŋe yâkŋe biwi kârikyeŋaet hepunbaiân Anutuŋe lâuwâŋe dewatim katyekbiap gât kârikŋe talaŋdâpgât meyekmâ dewatim katyekto ârândânŋ akbiap. ²⁴ Akto Anutuŋe oliwa kâit mengekŋmâ oliwa emesa lâwinŋân dopyeŋe bo tatâp ain katmâ dewatim katgegepgât bo pâpkomap. Aregât oliwa emesa ikinŋe bât bâtŋe gaetŋe mem dewatiyekbiapgât amâ âiŋe owâiŋe akbiap.

*Anutuŋe Yuda luâk han kalem akyeŋgiwiapgât
keiŋe.*

²⁵ Galalupne, ye yeŋaet nângâ nângâyene nângâmbiâ humo akbopgât den iregât keiŋe makyeŋgiwe. Anutuŋe Israe luâk bikŋe han biwiyene gisapkoep. Gisapkombo amâ beirâ Yuda luâk âmbâle bo manmai dondâ Kristogâlân dewatimbiâ amâ ²⁶ âlepŋe Anutuŋe Israe luâk kâmot hârok meyekto âlepŋe akmâ metewai. Aregât den Anutuŋe makto Yesaianŋe hin kulemgoep,

“Sionŋ gimbânŋanba luâk siâŋe hengemgom nengiwiapŋe miawakmâ Yakobo gâlânba gagap higenŋe hambuŋe uruto ariwiap. ²⁷ Hain akto nâ bâleŋe yeŋe puliwianân ain nâ olop manbaigât makmâ hâreyeŋgiwian.”

²⁸ Israe luâkŋe amâ Yuda gâtŋe bo manmai yâk yengât akmâ pat âlep dengât gasa manmai. Dâ Anutuŋe ikinŋe han kalemŋaet akmâ kepilâ yekbiapgât akto hakulupnenŋe yâk yengât akmâ okot âlep dondâ akyeŋgimap. ²⁹ Amâ Anutuŋe wan me wan nengimap are akto oloŋ nenekmap aregât pat bo hilipkombo yeukŋe akmap. ³⁰ Ye ulikŋân den koko akmâ mali akto Israe luâk yâkŋe gai den koko akmâ mali aregât Anutuŋe ye han kalem akmâ meyegep. ³¹ Hainâgâk Yuda luâk yâkŋe han kârik akmâ den koko akmâ manmâ gayi Anutuŋe ye han kalem akyeŋgiep gât yâk gai hain kalem akyeŋgiwiap. ³² Anutuŋe luâk hârok den konogân manmai dâm nângâm hengemgoep aregât luâk hârok oloŋ nenekmâ han kalemŋân katnenegep.

Anutu humo yâk konok mepaiŋe membaen.

³³ Yei Anutugât han kalem unsambe akto nângâ nângâŋe humo agat agatŋe talaŋmap aregât bâtgumŋe pikmâ yeaŋmap. Yâkŋe makmâ kepilâ kepilâ akto makmâ kotgâ kotgâŋaet keiŋe luâkŋe bo nângâwâen. Dâ âi memenâet dâp are gai luâkŋe bo ekmâ hengemgomaen. ³⁴ Kembugât hannân den yendâp, are luâk niŋande nângâep? Dâ Kembuŋe den makmâ kindo ain niŋande dengât tângom magep? ³⁵ Dâ niŋande wan me wan Anutu wanŋo ârândânŋ agepgât hâu are kutigilanŋbiap? ³⁶ Amâ siâ me siâ hârok yâkgâlânba togomap. Akto yâkŋe

wan me wan ketugumbo ârândân akmap. Akto yâkņe hârok damunņe akmap. Aregât egâlian pagalenņe yâkgâlân dewatim dewatim yem âgâwiap. A bundâk.

12

Hâknennande Anutugât sumbe akbiâp.

¹ Aregât galalupne nâ Anutugât han kalemņaet akmâ den sami makyengire nângâņet. Ye hâkyeņe Anutugât sumbe golâ kotgâm waņbiâ nângâmbo âlepņe ârândân akto ekto huraguwiâp. Hain akbai âmâ Anutu hoņ manman bunņe manaņniâm. ² Akto agak memeyeņe hângâlâk nângâm manmai dop are bo akbiâp. Anutuņe hanyeņe nângâ nângâyeņe mem purikatberâmbo owâi akmâ nângâmbiâ humo agâkgât Anutugât han âlepņe ârândân are miawakyekto ekmâ egâlianņei.

³ Anutuņe han kalem niņep gât ye hârok makyengire nângâņet. Siâņe ikinņaet nângâmbo âgâ âgâņe bo akbiâp. Anutuņe den dâtâņe waņdo nângaņdo dop areâk akbiâp. Amâ ikinņaet nângâmbo humo bo akbiâp. ⁴ Amâ hin nângâņet. Hâk pânneņe amâ konok. Dâ kei bânneņe biwirâņe âi keiņe keiņe memai. ⁵ Aregât dop hainâk nen amâ dondâ dewatieneņe hâk pân neņe konok aktâp. Aregât kei bânņe tân agu agu akmaen. ⁶ Anutuņe wan me wan keiņe keiņe han kalemņaet akmâ nengiep are ârândân tatnengiep. Aregât dopņân âi meniâm. Aregât Anutuņe den lau makmâ miawakbiapgât Anutu nângaņmaengât dopņân makmâ miawakbaen. ⁷ Anutuņe hoņ manman âi nengiep amâ âi are kârikņe akmâ owâiņeâk akmâ membaen. Siâņe Anutugât den makmâ kepikmâ makyengimap amâ âi are membiâp. ⁸ Biwiyeņe gewop gât den sami makmap yâk aregât kârikņe yeandâpgât makbiâp. Dâ luâk siâņe âmâ galalupņe wan me wan yeņgiwerâm âmâ hâuņaet bo nângâm yân han kalem akmâ yeņgiwiâp. Dâ luâk siâņe Yesugât puligât damunņe akmâ luâk âmbâle umburuk yeņgiwerâm âmâ biwi owâiņeâk akmâ dowâk tânyeņguwiâp. Bikņe kundatdâņe umatņânâk manmai are siâņe okot nângaņmâ tângowerâm âmâ mâru guru kakņân tângowiâp.

Han kalemgât den.

⁹ Han kalem agak are hâkņeak bo akbei. Siâ me siâ bâleņaet hâkân yeķbiâp. Dâ siâ me siâ âlepņaet âmâ egâlianņei. ¹⁰ Ye gala agak bunņe akmâ han anņi goanņi akņetgât kârikņe akbei. ¹¹ Konam bâlâk kârikņeâk manbei. Biwi yeņande owâiâkgât damungom manbei. Kembunenņe hoņ bawa aganņei. ¹² Anutuņe wan me wan katyengiep aregât nângâm egâlianmâ manbei. Dâ hâk hilâlâm kakņân manmâ âmâ bo hâkân akmâ manbei. Akto hokboâk hokboâk Anutu ulilanmâ dewatim mem manbai. ¹³ Kristogât luâklupņe umburuk manbai âmâ dowâk wan me wan bo talanņbiap are waņbei. Akto lombo togombiâ âmâ dowâk owâiņeâk gala akyeņgiwei.

¹⁴ Bikņande yeņgum watyeķbiâ âmâ yâk yeņgât akmâ Anutu ulilanņei. Sait den bo makyeņgiwei. ¹⁵ Bikņande heroņe maroņe manbiâ âmâ yâk olop heroņe maroņe akmâ tân yeņguwai. Dâ bikņande indem tâgâiak akbiâ âmâ are tânyeņgum olop indewei. ¹⁶ Hanyeņe mendugum kinmâ siâ me siâ konokgât han kalem akmâ manbei. Yeņaet nângâmbiâ dondâ bo âgâwiâp. Nen gegeņe dâmai are dowâk tânyeņgum maņganyekbei.

¹⁷ Siâņe bâleņe akyeņgimbo âmâ bâleņe bo aganņei. Dâ luâk âmbâle hârokņe wan nângâmbiâ ârândân akbiap âmâ areâk nângâmâk manbei. ¹⁸ Ye han kau kau akmâ luâk âmbâle hârok gala akyeņgim manbei. Amâ bikņande hâkânņiņbiâ âmâ hanâk dosane bâlâk manbe dâm gala akyeņgiwei. ¹⁹ Galama, bikņande kuk heņgân akyeņgimbiâ âmâ dosayeņe yeņeak bo makmâ hâreaņgim manbei. Kembuņe kuk are hâuņe meâkgât lâmgom manbei. Aregât Anutugât denņande hin dâep, “Dosa kotgâ kotgâgât âi amâ nângât. Aregât dosayeņe mem hâuņe yeņgiwian.” dâep. ²⁰ Gârâmâ ye hin akbei. Gasagande sotgât momberân dâmbo sot waņben. Tugât nângâm dâmbo tu waņben. Gâ hain akmâ âmâ kâlâp kautņân katbiat dop hainare miawakyeņgiwiap. ²¹ Bâleņande gâ bo mem ge katbiâp. Aregât gâ siâ me siâ âlepņe akmâ bâleņe aregât kârikņe komenâ gewiâp.

13

Kiap gawaman yengât den.

¹ Humomolupnenne, kiap, gawaman akto kaunsoli âmâ Anutu konok arekne luâk nengât damunnenne manbeigât katyegep aregât nen hârok yâk yengât den lokoenne ârândân agâk. ² Aregât luâk siâne gawaman yâk yengât den kom âmâ Anutugât den gai kombiap. Hain akbai âmâ hâune membai. ³ Âmâ hingât. Humomolupnennde amâ agak meme âlepne bo mem ge katmai. Dâ agak meme bâlene aregât hâune yengimbiâ hamewakmâ manmai. Aregât gâne humomolupnenne yengât akmâ hamep bâlâk manberâm kinmâ siâ me siâ ârândân akben. Siâ me siâ ârândân akmenâ gângât nângâmbiâ ârândân akbiâp. ⁴ Gawaman nenne amâ Anutugât hoj bawa manmâ tân gugumbiâ âlepne manbiatgât âi memai. Gârâmâ gâ bâlene akmâ membiat âmâ hamewakben. Yâk bugâ hanâk bo konmai. Bo. Yâk âmâ Anutugât hoj bawa manmai aregât bâlene meme luâk yâk yengâlân Anutugât kuk miawakyengiâp dâm âi mem kinmâ hâune yengiwei. ⁵ Aregât den lauyene lokom hejngemgowe. Are âmâ Anutune hâune nengiwiapgât hamep gâlâk bo. Amâ guge hangande mokmok membopgât hangande kau kau akbiâp.

⁶ Anutune damun âi damunylene agep are memaigât yeje gawaman puli dâtâne are yengimai. ⁷ Aregât yeje yâk wan makmâ hâreyi are ârândân yengiwei. Puligât dâtâne magi are dopjân puli yengiwei. Dâ hoj manmangât dâtâne makmâ hâreyi âmâ hoj manyengiwei. Kângo nenginet dâm hâreyi âmâ hainakmâ akyengiwei. Lau nenne lokowe dâm hâreyi âmâ lau yeje lokowe.

Gala konok mannegât den.

⁸ Akto siâ me siâgât hâu are dowâk kotgâmbiâ bo akbiâp. Dâ hâu konok tatyengiwiâp amâ hin, han kalem akmâ okot anji goanji aknetgât membiâ bo bo akbiâp. Aregât han anji goanji olop manmapne âmâ den kârikne lokomapgât dop akmap. ⁹ Anutugât dennde hin maktâp, “Luâkdâ âmbendâgât pat bo

hârewen. Gâ bugâ bo komben. Gâ kâmbu bo memben. Gala siâgât siâ me siâ are nângât bo dâwen.” Den kârikne aregât bikne hârok mendugum kautne konok katmâ hin dâep, “Gâ guge tân agumat dop hainâk luâk siâ tângowen.” ¹⁰ Han anji goanji olop manbiapne âmâ galahe bâlene bo aganbiap. Aregât han kalem akmâ okot âlep akyengiwaen âmâ den kârikne hârok lokowaengât dop miawakbiap.

Pagalenjân manbaen.

¹¹ Akto hain aknetgât sop iregât keine nângâi. Nen ulikjân Kristo nângandenne hejngem nenguwiapgât dâp miawaktâp. Dâ hinne hejngem nengum metewiapgât sop ewumâk aktâp. Aregât asinânba golâ akmâ agatbei. ¹² Hândâk pipine akto emet haunberâmgât hândâkgât siâ me siâ gunmâ panmâ âmâ pagalenjaet tembe mâron meakmâ manbaen. ¹³ Yanep pagalenjân manmaenne ârândânâk manniâm. Are amâ sot songo nem munen bo akbaen. Akto tu kârikne nem gulip bo akbaen. Akto agak meme bâlene anun olowâk are bo mem manbaen. Me gasa akmâ bo potalakbaen. Me siâgât nângâenne bo bâliwiâp. ¹⁴ Gârâmâ Kembu Yesu Kristo yâk luguakmâ âmâ benne hâkyennde egâlian bâlene penianbopgât nângâmâk nângâmâk manbei.

14

Galagât nângâmbiâ bo gewiâp.

¹ Galalupne, luâk âmbâle bikjande Kristo getegâk nânganmai are dowâk gala akyengiwei. Amâ galagât heyengienne penânengimbiâ ain nângâ nângâylene gewiapgât papalakmâ manbaengât bo. ² Luâk siâ biwi kat kat kârikne talañmapne âmâ sot hârok hanâk nemap. Dâ siâ biwi kat kat yeukne talañmapne âmâ gârânâk nemap. ³ Aregât luâk siâne sot hârok nemapne amâ galahe songo bo nemap aregât bo nângando gewiâp. Akto luâk songo bo nemapne amâ galahe sot hârok nemap are den âiân bo katmâ kotgâ anbiâp. Amâ Anutune galahe gala aganepgât. ⁴ Aregât gâ wangât Anutugât lau lokomapne den âiân katbiat? Amâ bo ârândân akbiap. Yâk amâ Anutu

Humonjaet enemjan kinmâ kârikje akbiap me yeukje akbiap. Are âmâ Kembangat pat. Gârâmâ hin nângâne. Humone âlepje tângombo kârikje akmâ kinbiapgât bo yeukje akbiap. ⁵ Hainâk luâk siâ hilâmgât âi meme siâ nângâmbo gembo siâ nângâmbo humo akmap. Dâ luâk siâ âmâ âi meme hârok nângâmbo ârândâj akmap. Aregât siâ me siâne hin me hain akberâm nângâm hengemgom kârigem kinmâ akbiâp. ⁶ Hilâm âi meme oyanmâ potatmapne amâ Kembangat akmap. Dâ Anutu mepainje memapgât Kembangat pat akbiap. ⁷ Aregât keiñe hin. Nengâlânba siâne ikiñe kârikjan bo manbiap. Dâ ikiñe akmâ bo mombiap. ⁸ Manman nenñe amâ Kembangat akmâ manmaen. Dâ mombaen amâ hainâk yâkgât akmâ mombaen. Aregât manbaen me mombaen are amâ Kembangat pat.

⁹ Akto Kristone momone akto golâ yengât kautje akmâ damun nenñe akbiapgât mom âmâ golâ agep. ¹⁰ Akto gâ wangât gala den âiân katmâ hâkñe tunmâ akmat? Me wangât galagaet nângâmenâ gewiap? Nen hârok Anutune makmâ hârenengiwiapgât tat tatgât enemjan kinbaen aregât galagaet bo makmâ kotgâwiat. ¹¹ Anutugât denñande hin dâep.

Kembune hin dâep, “Nâ mandângât luâk âmbâle hârokñe nâ pâwut liginjbai. Akto hârokñe kotnaet nângâmbiâ humo akto makmâ mem owâiñe ketugunekbai.” dâep.

¹² Aregât nen hârok Anutugât metenjan kinmâ keinenne makmâ miawakbaen. ¹³ Aregât nen nenñeâk den âiân bo makmâ bo hâk nenñe tunmâ anji goanji akbaen. Dâ hin aktenne ârândâj agâk. Galalupnenne han gulip akbâigât wan me wan bâleñe dâpyenjan bo katenne keiyene bo penpanbei. ¹⁴ Nâ Kembu Yesu olop mandân aregât hin nângâm kârigeân. Sot siâ siâ nendere amâ bâleñe bo akniñmap. Gârâmâ siâne sot siâ me siâ ire nem bâleñe miawakniñbop dâm âmâ hanâk nembiap yâk âmâ bundâk bâleñe miawaganbiap. ¹⁵ Aregât gâne galagât sotgât bo nângâm hanoko agañmenâ hanñe mokmok membiâp amâ han kalemjaet pat bo akmat. Galage âlepñe agâkgât gai Kristone yâkgât akmâ

moep. Aregât nângâm galagande sotgât nângâmbo umatñe akmapgât nângâmâk akmâ nem manben. ¹⁶ Ye siâ me siâ membiâ ârândâj akmap are luâk bikñande nângâmbiâ gewopgât damunñe kârikñe akmâ manbei.

Sot songone manman kârikjaet tân bo akbiâp.

¹⁷ Akto luâk âmbâle bikñe Anutune damun nenñe akmap sot bikñe sapa aktenne ârândâj akbiap dâm âmâ Anutugât keiñe bo nângâmai. Anutune damun nenñe akmap aregât keiñe amâ hin. Anutune nenekmâ dosayene bo dâm ikiñe Heak nengimbo tân nengumbo Anutune denân bo katnenekbiap dâm herone aktenne biwinenne sândugemap. ¹⁸ Siâne dâp are tâlim Kristo hon manando are Anutune ekto âlepñe akbiap. Akto luâk bikñande gai nânganbiâ ârândâj akbiap. ¹⁹ Aregât nen gala tân agu agu akmâ kindenne biwinenne sândugeâkgât kârikñe akniâm. ²⁰ Gâ sotgât akmâ Anutugât âi are bo itin gulam memben. Amâ sot songo are âlepñe hârok. Gârâmâ gâ hanâk hanâk nem manmenâ galagande gekto bo ârândâj akto hanñe bâlimbo âmâ bâleñe miawakñiñbiap. ²¹ Gâ galagaet nângâ nângâne gâlikowâtgât yâkgât akmâ songo akto wain tujje hâkñe akmenâ ârândâj akbiâp. ²² Aregât siâ me siâ hain aregât nângâm âmâ hangân yendâp are Anutugât metenjan memmanmenâ gugaet biwigânâk yembiâp. Aregât siâne ikiñe nângâmbo ârândâj akto âmâ ikiñe den âiân bo kalakto biwiñe sândugembo herone akmap. ²³ Dâ siâne sot songo hanokoagân nendo bâliwiap. Amâ hingât. Yâk Kristo nânganjo huraguepgât bo nângâm nemap aregât. Akto siâ me siâ are biwi kat kat olop bo aktenne dosane olop akbiap.

15

Yesugât nângâ nângâ watmâ manbaen.

¹ Galama, kârikñe olop manmaen nenñe âmâ yeukñe manmai are sokom katyektenne ârândâj akbiâp. Sokom katyekmâ âmâ nenjaet nângâ nângâ nenñan bo maniâm. ² Nen galalupnenne yâk yengât nângâmâk âlepñe akrjet

akto Kristo nânğanbiâ humo agâkgât tânyenguniâm. ³ Aregât keiñe hin. Kristoñe âmâ hainâgâk ikiye ukenñe bo walep. Dâ Anutugât dennande hin maktâp, “Anutu, gâ hâkânge dâm dâyi yâk yengât den are nângât kaknân âgâep.” dâep aregât den walep. ⁴ Are tâmbâñe dondâ den makmâ kulemgoyi are Anutugât keiñe nângâm hengemgone gât kulemgoyi. Anutugât kulemñe hârokñe mem kârikñe mânginenekmâ mem owâinenekto siâ me siâ nengât pat dâtâñe nângâenñe biwinenñe owâiwiapgât kulemgoyi.

⁵ Anutuñe kârikñe aknengimapgât akto mem owâinenekbiap gât ambonñe akyengimbo Yesu Kristogât dopñân han nângâ nângâ konok akmâ manbaigât ulilandân. ⁶ Ulilandere akyengimbo han biwiyenñe mendugumbo Kembu Yesu Kristo yâkgât Ewenñe Anutu mepainñe mem manbai. ⁷ Aregât Anutugât kotñe humo agâkgât Kristoñe meyegep dop hain âgâk ye gala agangim manbei. ⁸ Aregât hin makyengiwe. Anutuñe hakulupnenñe den pat âlepñe makmâ hengemgom makyengiep are bunñe miawagâkgât Anutuñe amâ den bunñeâk makmap a hârok nângâñetgât Kristoñe Yuda nengât akmâ hon bawa aknengiep. ⁹ Hain aknengim âmâ Yuda luâk âmbâle bo manmai yâkñe Anutuñe han kalemñaet akyengiep gât mepainñe mem heronñe aganbiâ kotñe agatbiâp. Aregât Anutugât denñe bikñe hin tatâp,

“Nâñe Yuda luâk bo manmai yâk yengât hutyenñan kinmâ mepaige mem kinmâ kep kom kotge patñe makmâ egâlianbian.”

¹⁰ Akto den siâ hin tatâp,

“Yuda luâk bo manmai yenñe Anutugât kâmotlupñe olop makmâ heronñe maronñe akbei.”

¹¹ Akto siâ hin,

“Yuda luâk bo manmai ye hârokñe Kembu makmâ mepainñe membei. Dâ luâkñe luâkñe hârokñe yâkgât akmâ owâinñe aganbei.”

¹² Akto Yesaianñe hin kulemgoep,

“Lâwin penâñe Yesegât kâmñe siâ miawakmâ yâkñe Yuda luâk bo manmai

damunyenñe akto nânğanbiâ biwiyenñe owâinñe akbiap.”

¹³ Galama, Anutuñe biwi owâi aknengimapgât Ambonñe yenñe nânğanigât akmâ wâtñande totokoyekto heronñe maronñe nângâmbiâ biwiyenñe sândugembo Heakgât kârikñeñe yengimbo himbimgât nângâm owâinñe akmâ manmâ âgâwaigât ulilandân.

Paulonñe âi âlepñaet mârune agep.

¹⁴ Galalupne yenñe han kalemyenñe yendâp are akto Anutugât keiñe âlepñe nângâm hengemgomai aregât yenñak mem kârigeakbaigât bo pâpkowai. Are keiyenñe nângâm hengemgoân. ¹⁵ Hain nângân gârâmâ hanâk Anutuñe han kalemñaet niñepgât den bikñe meteâk kulemgom kinmâ Anutugât keiñe nângâyengian. ¹⁶ Yesu Kristoñe Yuda luâk bo manmai yâk yengât akmâ âi membiangât wâtñe niñep. Aregât akmâ Anutugât pat âlep dennâet sumbegât âi mendere Heakñe hanyenñan han kâmdâk katyengimbo Kembugât sumbe akbiâ Anutuñe ekto ârândân akbiap. Amâ Yuda luâk bo yâk yengât. ¹⁷ Aregât Anutugât âi meman are Yesu Kristogât akmâ nângâre agat agat akmap. ¹⁸ Âi are âmâ nunaet kârikñan wanñande membom. Bo. Yesu Kristoñe Yuda luâk bo manmainñe Anutugât lau lokowaigât wâtñe niñep aregât âi mem makyengiman. ¹⁹ Akto kulem bo egekñe keiñe keiñe kârikñe akto Heakgât kârikñe aregât akmâ Yerusalem kepianba Kristogât keiñe makmâ hân hârok ândeanmâ makmâ sambelem arire Ilurikonñ hânân ârândân agep. ²⁰ Hain akmâ luâk bikñe yengât âi kalamân gaetñe membomgât Kristogât keiñe bonângâmai ain kârikñe akmâ makyengiwerâm aktere humo akmap.

Paulonñe Roma kepia ewangim Sipen ariwiapgât magep.

²¹ Anutugât denñe bikñe hin tatâp. Aregât dopñan akman,

“Siâñe yâkgât pat bo makyengimbiâ manmâ gayi yâkñe yâk ekbai. Dâ yâkgât patñe bo nângâm gayi yâkñe yâk nânğanbai.”

²² Den aregât akmâ yengâlân togowerâm kindere sop ârândân wan me wan siâne dâp tiginîep. ²³ Dâ manmâ gan ain yengâlân togowerâm hannande nângâm malân aregât akto hân iregen âine bo tatniñdâpgât. ²⁴ Sipen hânân ariwerâm akmâ yengâlân togowerâm nângân. Togom ye olop makmâ kârikneâk tân agum akmâ dâp heñgemgom katnekbiâ hepunyekmâ owâineâk Sipen hânân ariwian. ²⁵ Gârâmâ hinne âmâ Yesugât kâmot Yerusalem manmai yengât akmâ puli mem arim yengiwerâm aktân. ²⁶ Amâ hingât. Makedonia hân akto Akaia hânân gâtne Yesu nânganmai, Yesugât kâmot Yerusalem kepien umburuk manmai yâk tânyenguwerâm owâim puli kali. ²⁷ Amâ han kalem yenjaet akmâ katbiâ ârândân agep. Yuda luâk bo manmai, amâ Yesugât den pat amâ Yuda luâk yâk yengâlânba nângâyigât hâuñe potatmâ yengimbiâ ârândân akbiâp. Hain dâm herone akmâ puli kali. ²⁸ Puli katbiâ huraguep are mem Yerusalem kepien arim yengire bo akto Sipen hânân ariwiangât yengâlân soñ togowian. ²⁹ Aregât hin nângân. Nâ yengâlân siâ me siâ bâlâk bo togowian. Kristone meme akniñmap are mem togom yengire nângâm âmâ herone marone manbai.

³⁰ Galalupne, Kembunenne Yesu Kristogât akmâ akto Heakgât han kalemgât akmâ ondop pâron den makyengiwe. Ye nângât akmâ nâ olop Anutuñe tânnuguâkgât wârakmâ Anutu ulilanbaen. ³¹ Ye nângât ulilanbiâ âmâ Yuda hânân gâtne Anutu bonânganmai arekne menekbâigât Anutuñe bâtyenânba mem oloñnekbiap. Akto Yesugât kâmot Yerusalem ain manmai yengât akmâ puli kali are mem yengire ukenne agâkgât ulilanbei. ³² Hain ulilanbiâ Anutuñe nângâyengim meme akniñdo herone akmâ yengâlân togom tatere biwi owâiâk akniñbai. ³³ Anutu lumbe Amboñe âmâ ye olop manbiâp. A bundâk.

16

Paulone Roma yengât nângâyengim malep.

¹ Galalupne, âmbâle siâ kotne Poibe yâkne Yesugât kâmot Kenkerei kepien manmai tânyengum manmap. Yâkne yengâlân togombo ye dowâk gala aganbai. ² Gala aganmâ Kembugât akmâ âmbâle arekne nâ akto bikne dondâ hoñ bawa nengiep aregât wan me wan bo talañbiap are dowâk mem wanmâ tângowei. ³ Akto luâk âmbâi lâuwâ Akuila akto Pisisila Yesu Kristogât âinjet tân nugumandat yâk mangan yelekñet. ⁴ Yâk lâuwâ âmâ nângât akmâ âi humo mem hâk hilâlâm nângâm bâsok moyiat. Aregât nâneak bo, Kristogât kâmot Yuda bo manmai kâmotnenne yâk yetgât okot âlep nângâyekim manden. ⁵ Yâk yetgât emelan Kristogât kâmot mendugumai are nângât akmâ mangan yekbei. Akto galane siâ kotne Epaineto Asia hân humo ain ulikñân akmâ Kristo nânganep yâk gai manganbei. ⁶ Akto âmbâle kotne Mariane yengât akmâ âi humo miep aregât yâk gai hainâk manganbei. ⁷ Akto nângât kâmolân gâtne lâuwâ Androniko akto Yunia ulikñân nâ Kristo bo nânganânân sop ain nânganjat. Akto beirâ tembe lokone hiko negi sop ain hainâk katyelekbiâ nâ olop talion. Hain akmâ manmâ gambela nen Aposolo manmaen nenne yâk yetgât herone akmaen aregât nângât makyetkiwei. ⁸ Akto nâ Humogât akmâ luâk siâ kotne Ampiliato yâkgât okotne nângân aregât manganbei. ⁹ Akto Urbanone Kristogât âi meyionân olop miep yâk akto galane Sitaki manganyelektân gât makyetkinjet. ¹⁰ Apelene Kristogât akmâ âi humo mem bo hâkân agep are nen hârok nângâenne ârândân agep yâk akto Aristobulo yâkgât kâmot gai mangan yekbei. ¹¹ Akto Yuda luâk galane Herodiongât akto Narikisogât kâmot bikne Humogât akmâ manmai yâk yengât nângâre âgâp aregât mangan yekbei. ¹² Akto âmbâi lâuwâ Tiripaina akto Tiripose Kembugât akmâ âi humo mem mandat, yâk akto âmbâle siâ Peasi arekne Humogât âi mem hâk hilâlâm nângâep yâk hârok mangan yekbei. ¹³ Kembuñe luâk siâ kotne Rupu oloñep yâk akto yâkgât memene dop akmâ tân naguep yâk lâuwâ lâuwâ mangan yelekñet. ¹⁴ Akto luâk kotyene Asinñkrito, Pilegon, Hereme,

Patoroba, Herema akto Anutugât kâmot bikņe olop manmai yâk maņganyekņet. ¹⁵ Akto luâk âmbâi lâuwâ Pilorogo akto Yulia akto luâk siâ Nereo akto gariņe akto luâk Olumpa akto Kristogât kâmot yâk olop manmai yâk hârok maņgan yekņet. ¹⁶ Yekai hainâk Kembugât akmâ bâtyeņe koaņģiņet. Akto hânņe hânņe Kristogât kâmot yâkņe yeņgât nânģâ yeņģim mandâi.

Miti luâk hianģim yeņgât sami magep.

¹⁷ Galalupne, yeņgât hutyeņân gâtņande ye umatņân manmâ potalakbaigât gâlikoyekberâm akmai luâk are yeņgât nânģâm heņģemgom damun akmâ hamep akbei. Yâkņe Kristogât keiņe ye nânģâ meteyi are mem gulip kowerâm manmai aregât hamiyenģim yâk bonânģâ yeņģiwei. ¹⁸ Luâk hain arekņe Kembu nenņe Kristo hoņ bawa bo agaņmai. Amâ yeņæet tep yeņæet nânģâmbiâ agato aregât hoņ agaņmai. Akto luâk âmbâle biwiyenņe bo damunņe akmai yâk makyenģim mulun yekmâ heyenģimbiâ biwiyenņe gulip akmap. ¹⁹ Dâ ye âmâ Kristogât den lokomai aregât patņe kepia ârândân sambelem arimbo nânģâm meteyi aregât yeņgât akmâ heroņe akman. Heroņe akmâ âmâ yeņgât han kau nânģâm hin akņetgât makyenģiwei. Siâ me siâ âlepņæet biwi owâi kakņân manbei. Dâ siâ me siâ bâleņande hâwât yekto âmâ bo nânģaņbei. ²⁰ Ye hain akmâ manbiâ âmâ sop kâlep bo aktoân Anutu biwiyenņe sândugeâkgât amboņande Niambi keiyenņe amukņân hâkokombo tâliwai. Kembunenņe Yesu Kristogât han kalemņe yeņģâlân yembiâp.

Gala den.

²¹ Galane Timoteo bāt tângone akto Yuda kâmotlupne yeņģâlân gâtņe Lukio, Yason, Sosipate yâkņe yeņgât nânģâyenģiâi.

²² Akto nâ Teatio, nâ kulem ire Pauloņe makniņdo kulemgoân nâņe Kembugât akmâ nânģâ yeņģiân.

²³ Gaioņe nâ Paulo akto kâmot hârok in tân nengumap hainâk yeņgât nânģâ yeņģiâp.

Akto luâk Erastoņe kepia iregât puli damunņe akmap akto gala nenņe Koato yâkņe hainagâk aktat.

Anutu akto Nanņe Yesu yetgât kot humo.

²⁴ Kembu nenņe Yesu Kristo yâkgât han kalemņe yeņģâlân yem âgâwiap. A bundâk. ²⁵ Anutugât pat âlep makman akto Yesu Kristogât kot makmâ sambeleman, aregât dowân Anutuņe tânyenģuwiapgât bo pâpkomap. Akto kârikņe meyekbi-apgât kârikņe talaņdâp. Anutu manman kârikņæet denņe amâ yoņâk yem gam malep âmâ hinņe miapņân miawagep. ²⁶ Anutugât propetelupņande Anutugât den keiņe kulemgoyi talep are hinņe Anutu manman kârikņe Amboņande makto hânņe hânņe sambelem ariep. Amâ hânņe hânņe manmainņe Kristo nânģaņmâ Anutugât lau lokowai gât Anutuņe makto miapņân sambelem ariep. ²⁷ Aregât Anutu ikeņe han nânģâ nânģâ humo talaņdâp konok are Yesu Kristogât akmâ egâlianņe humo makmâ agaņdenņe yem âgâwiâp kârikņe. A bundâk.

1 Korinti

Pauloŋe kulem ire kulemgoep.

¹ Nâmâ Paulo Yesu Kristo yâkgât Aposolo Anutuŋe emelâk Aposologât âiân makmâ katnegep. Nâ akto galanenŋe kotŋe Sostene olop ² Korinti kepiân gâtŋe Anutugât kâmot yengât kulem ire kulemgoet. Ulikŋân Anutuŋe ikiŋe hanŋe watmâ oloŋ yekmâ nângât dâtâŋe dâm yengonlep. Yengondo Anutuŋe ye akto luâk bikŋe bikŋe yâgâten manmai amâ Yesu Kristo amâ Humonenŋe dâm manmai ye akto nen hârok Humonenŋe dâm konmaen, arekŋe nen heŋgemgo nenekmap.

³ O galalupne, nâŋe Anutu Ewenenŋe akto Yesu Kristo Humonenŋe yengât hin ulityetkiman. Korinti gâtŋe yengât biwiyenŋe mem heŋgemgom damunyenŋe akmâ okot nângâyengim biwiyenŋe sândugeâkgât akyengimbela hainâk tatmâ âgâwai. A bundâk.

Pauloŋe Anutugât nângâmbo ârândân agep.

⁴ Akto Yesu Kristoŋe biwi âlep akyengim damunyenŋe akmap aregât Anutu âlepŋerâm aregât Anutu okot âlep nângâ aŋmâ mepaiŋe meman. ⁵ Akto Anutuŋe Yesu Kristogât akmâ wât yengimbo den bunŋe dâmbiâ nângâ nângâyenŋe akto denyenŋe âlepŋeâk miawak yengiep ⁶ aregât nen Kristogât keiŋe makyenŋiyion ain Anutuŋe nângâ nângâyenŋe hulaŋ yengim meme akyengimbo dennenŋe bunŋe agep. ⁷ Hain akto sop hinŋe amâ Yesu Kristo lâuwânŋe purik katbiap dâm lâmgomai amâ Anutuŋe wan me wangât laune lokowaigât umburuk akbâirâm tânyengumap. ⁸ Akto sop kâlep manmâ hâkâŋ akbâigât yâkŋe tân yengumap aregât Humonenŋe Yesu Kristo are lâuwânŋe purik katbiawân ainâk ye han biwiyenŋe âlepŋeâk okot âlewân kinbai. ⁹ Akto Anutuŋe emelâk nanŋe olop biwi konok manŋetgât makmâ hâriep are bunŋe bo akbopgât dop bo tatâp aregât Humonenŋe Yesu Kristo olop biwi konok manmai. Manbiâ amâ siân Yesu togowiwân yekto dosayenŋe bo akbiap.

Korinti gâtŋande potalagi.

¹⁰ Galalupne, ye Yesu Kristogât kotŋe mem agatmâ lau lokoanmai aregât agak meme hin akŋet. Ye hârok agak meme konogâk akbei. Akto bo potalakbei. Akto ye hârok nângâ nângâyenŋe konok akto han biwiyenŋe konok akmâ manbei. ¹¹ Aregât lâuwânŋe makbe. Âmbâle siâ kotŋe Kolowe yâkgât kâmolân gâtŋe bikŋe nângâlân togom hin makniŋi, “Galalupge Korinti hânân manmai areyengât hutyenân kuk humo yendâp.” dâyi. ¹² Akto yengâlân gâtŋe bikŋande hin dâmai, “Nen amâ Paulogât kâmolân gâtŋe.” dâmai. Dâ bikŋande amâ, “Nen amâ luâk siâ kotŋe Apolo yâkgât kâmolân gâtŋe.” dâmai. Dâ bikŋande amâ, “Nen Petorogât kâmot.” dâmai. Dâ bikŋande amâ, “Nen Yesu Kristogât kâmot.” dâmai. Ye hain dâmai aregât nângâre ârândân bo akmap. ¹³ Akto yengât pat nângâm amâ hin nângân. Kristo amâ potalakmâ bikŋe bikŋe bo agep. Akto nâŋe yengât dumyenân lâwinân bo kilân. Nângât kolân tuân bo kat yegi. ¹⁴ Yengât hutyenân luâk lâuwâ siâ kotŋe Kirisipe akto Gaio, yâk konok tu puli yelegân. Dâ luâk bikŋe tu bo puli yegân aregât nâ Anutugât okot âlep nângân. ¹⁵ Ageine yengâlân gâtŋe bikŋande, “Nen Paulo kotŋe kondenŋe tu puli nenegi.” dâwai aregât dâp bo tatâp. Gârâmâ nâ Anutuŋe wan me wan agep aregât okot âlep nângâ aŋman. ¹⁶ Woe, nelâm niŋdâp. Bundâk Stepana akto yâkgât kâmot amâ tu puli yengiân. Dâ yengât kâmot bikŋe amâ tu puli yengiân me bo amâ bo nângân. ¹⁷ Aregât hin makbe. Nâ Kristoŋe luâk âmbâle tu puli yekben dâm bo huŋgun niŋep. Nâmâ Anutuŋe hin dâm makniŋep, “Den pat âlepŋe are makyenŋiwen.” Amâ luâk nângâ nângâgât bo makyenŋiman. Hain akman dâine Kristoŋe lâwinân moepgât kârikŋenŋe yânŋe akbop.

Yesu amâ Anutugât kârikŋe akto Anutugât nângâ nângânŋe.

¹⁸⁻¹⁹ Akto Yesu lâwinân kombiâ moep aregât den pat âlepŋe aregât keiŋe makyenŋiwe. Anutuŋe makto Yesaiŋe kulemgoep aregât bikŋe hin tatâp, “Nâŋe

nângâ nângâ luâk yengât nângâ nângâyeje mem bâliwian. Akto nângâ nângâyeje olop yâk yengât den kondere gewiap.” Anutuje hain dâambo bunje akto luâk âmbâle bikne wan me wan akmâ hilipkowerâm Yesu lâwinân kilep aregât denje makmaen are amâ den yânje dâmai. Akto luâk âmbâle bikne Anutuje menenekmap nenje aregât nângâm amâ lâwingât denje hengem nengumap aregât den are amâ Anutugât kârikne mem miawakmap dâm nângâmaen. ²⁰ Aregât nângâ nângâ luâk amâ yâgâte? Dâ luâk biknande kulem siâ siâ oyanmâ nângâm hengemgomai amâ yâgâte? Dâ sop iregât keije nângâ nângâ luâk amâ yâgâte? Amâ Anutuje hângât nângâ nângâ mendo yânje akmap. ²¹ Aregât keije amâ hin. Anutu nângâ nângâne humo yendâp aregât nângâm ikinjaet hanje watmâ hin dâep, “Luâk âmbâle nângâ nângârâ arekne nângât keije nângâwaigât dop bo tatâp. Akto nângât hon bawa luâk den pat âlepne makbai aregât pat nângâ nângâ luâk are nângâm den gulip dâwai. Gârâmâ luâk âmbâle bikne den pat ire âlepne dâwai.” dâm aregât hungun nengimbo maktenje luâk âmbâle biknande biwiyenje Yesugâlân katbiâ Anutuje hengem yengumap. ²² Yuda luâk âmbâle kulem membiâ ekne dâm aregâlâk nângâmai akto Yuda luâk âmbâle bo manmaine nângâ nângâgât keije hekat nengimbiâ nângâne aregâlâk nângâmai. ²³ Gârâmâ nenje yengât ukenje bo watmâ Kristo lâwinân moep aregât makmaen den are Yuda luâk âmbâle arekne nângâm, “Den ire hianjimai.” dâm hâkâj akbiâ nângâ nângâyeje gulip akmap. Akto Yuda luâk âmbâle bo manmaine are nângâmbiâ yânje akmap. ²⁴ Dâ Anutuje nângât dâtâne dâm oloj nenegep nen Yuda luâk âmbâle me Yuda luâk âmbâle bo manmai nen hârok hin nângâmaen, Kristone amâ Anutugât kârikne miawagâkgât lâwinân kombiâ mondo Anutugât kârikne akto nângâ nângâne humo miawagep nângâmaen. ²⁵ Amâ hin. Anutuje makto nanje moep are biknande nângâmbiâ yânje akmap arekne luâkgât nângâ nângâyeje ewangimap. Akto Anutugât nanje moepgât nângâmbiâ gemap arekne luâk yengât kârikneyeje

ewangimap.

²⁶ Galama, hinje maktân aregât keije makyengire nângânet. Yeje agak memeyeje akmâ memini are nângâi me? Anutuje yengondo yâkgât kâmolân dewatiyi aregât nângâm hengemgowei. Yengâlân gâtne biknande nângâ nângâyeje aregât luâk âmbâle biknande nângâ yengimbiâ geminep. Dâ yengâlân bikne luâk kârikne bo miawakyejiminep. Akto bikne luâk kotdâ bo akmini. ²⁷ Gârâmâ Anutuje aregât luâk nângâ nângârâ are hanâk dâm luâk dewunyenân humomo akmâ âgâ âgâne akmai are amâ anjun meyenjiwiapgât luâk âmbâle yânje gegene dâm nengomai nen amâ oloj nenekto nângâ nângâ luâk âmbâle arekne nenekmâ anjun anjim pâpkomai. Akto luâk âmbâle bikne, “Kârikne akmaen.” dâmai are Anutuje anjun meyenjiwiapgât luâk âmbâle yânjerâm nengonmai nen amâ oloj nenekto luâk âmbâle kârikne arekne nenekmâ anjun anjim pâpkomai. ²⁸ Akto Anutuje luâk âmbâle âgâ âgâne kotdâ yengonmai are yânje akbaigât luâk âmbâle yânjerâm nengonmap. Nen amâ oloj nenekto luâk âmbâle kotdâ are amâ hâmbâi anjun anjim yânje akbai. ²⁹ Anutu wangât hain akmap? Hingât. Siân Anutugât enemjân kinbaenân siâne ikinje kotne mem agatbiapgât dop bo tatâp. ³⁰ Aregât Anutuje ikinjak konok hengem yenguep. Akto Anutuje ikinje konok Yesu Kristo olop dewati nenekto kindenne manman âlepjân kat nenegep. Akto areâk bo. “Yesu Kristone nângât kâmot wan me wan umburuk manbâi aregât bunje yengiâk.” dâm hungun anjep aregât nângâ nângânenje miawakmap. Akto Anutuje nenekmâ dosayene bo tatyengiâp dâmap are miawagâkgât hungun anjo giep. Akto aregâlâk nângâm yâkgât lau lokomaen aregât wan me wan Yesune âi mendo hain agep. Akto Yesune hin dâep, “Dosa akmai aregât Ewenande kuk bo akyenjiwiapgât nunaet kâmot yengât dumyenân kinbian.” dâep are bunje miawagâk dâm ikinje nengât dumnenjân kilep. ³¹ Aregât Anutuje makto Yeremiane hin kulemgoep, “Luâk âmbâle yenjaet kotyene bo mem

agatbei. Humo nenjaet kotje mem agatmâ heronje aganbei.” Hain yendâp aregât keije miawakto kotnenje mem agatbaengât dâp bo tatâp.

2

Paulonje lâwin parânjaet keije makmâ miawagep.

¹ Galama, aregât nâje yengâlân togom âmâ Anutugât pat makyengiwerân âmâ luâk koldâ are yengât pat bo makyengiân akto nângâ nângâ humo olop bo makyengiân. Bo. ² Yesu Kristo lâwinân moep aregâlâk makyengiân. ³ Akto yengâlân pup pup togoân sop ain âmâ kârikje bo miawak niñep. Akto hamep akmâ ongâ hogo hogo malân. ⁴ Akto den magân are amâ luâk nângâ nângârâje makmai hain bo magân. Amâ Anutugât Heakjande meme akyengimbo nângât den nângâmbiâ kârikje agep. ⁵ Akto luâk yengât nângâ nângâyejande tân yengumbo nângâwâi dâm makyengiân. Amâ Anutunje tânyengumbo han biwiyenje yâkgâlân katmâ manmâ nângâ anbei dâm makyengiân.

Anutugât nângâ nângâ kârikje.

⁶ Gârâmâ Yesugât luâk âmbâle bikje handâ are Anutugât keije nângâwerâm aktâi are nângâ nângârâje den makyengimaen. Akto nengât den ire amâ nângâ nângârâ luâk kembu manmai are hâmbâi yânje ak-bai aregât den hainare bo mak yengimaen. ⁷ Bo. Ulikjân Anutunje hân himbim bo liulewân ain den keije nângâm hengemgom hin dâep, “Nângât kâmot han kau akmâ manman âlepñân manbai.” dâm makmâ kalep. Anutunje hain nângâambo luâk âmbâle miawakbiâ den nângâ nângâ are heambugep. ⁸ Akto hângât luâk kembu humomo mali irekje den pat iregât keije bo nângâyi. Bo dondâ. Dâ nângâyi dâine amâ Pagalene Amboje Humonenje are lâwinân bo kombâi. ⁹ Aregât Anutunje makto kulemgoyi bikje hin tatâp,

“Anutunje yâk han kalem aganmai yâk yengât pat mem yengiwiap are amâ luâk âmbâleje bo ekmai akto bo nângâmai. Akto han nângâ nângâyejande bo nângâm hengemgoma.” hain tatâp.

¹⁰ Are bunje miawakto Anutugât Heak are hungun anjo biwinennân mendo kotje siâ siâ are nângâm hengemgoyion. Aregât keije amâ Anutugât Heak kârikje are konokje ekmap. Ain tatmapgât Anutugât wan me wan are hârok ekma metemap. ¹¹ Akto luâk siâje luâk siâgât biwiñe ekbiapgât dop bo tatâp. Dâ luâk are ikinjak biwiñe kâlegen tatmap arekje konok ikinje biwiñe kâlegen ekmap. Aregât luâk niñande Anutugât nângâ nângâje are ekmap? Aregât dâp bo tatâp. Anutugât Heak konok arekje Anutugât wan me wan ekma nângâmap. ¹² Anutunje hângât nângâ nângâ bo nengiep. Borondâ. Gârâmâ Anutunje, “Nângât kâmot wan me wan owâi akmâ yengiwiap are nângâjet.” dâm ikinjaet Heak kârikje hungun anjo kautnenjân miep. ¹³ Akto hângât nângâ nângâje bo watmâ âmâ Anutugât Heak kârikjande kautnenjân memap arekje den pat âlepje maknengimbo den keije hekat yengimaen. Akto nen Heakgât den bunje aregât makmâ den patje makyengimaen. ¹⁴ Dâ luâk âmbâle bikje Anutugât Heak arekje bo meyegep arekje Heak âlepje are wan me wan nengimap are bo memai. Aregât lâuwâje makbe. Hângât luâk âmbâle arekje, “Woe, Anutugât Heak âlepje arekje luâk âmbâle wan me wangât biwiyenje Anutugâlân katmai are yengimap are amâ yânje.” dâm hâkâje akmai. Hain dâmai aregât Anutugât Heak âlepje arekje okot âlepgât ikinjaet wan me wan luâk âmbâle hain akmai are bo yengimap. ¹⁵ Dâ nen biwinenje Yesugâlân kalion nengât keinenne amâ hin. Kristogât nângâ nângâje emelâk nengât biwinennân talep aregât wan me wan hâkgât siâ siâ are potat yengimaen aregât luâk siâje hâknenje tunmâ denân bo kat nenekbiap. ¹⁶ Aregât Anutunje makto Yesaianje hin kulemgoepp,

“Luâk âmbâleje Anutunje wan me wan nângâmap are nângâm hengemgowaigât dop bo tatâp. Akto siâje Anutu nângâ nângâ hekalanbiapgât dop bo tatâp.”

Gârâmâ nenâmâ Kristogât nângâ nângâje den mem manmaen.

3

Korinti gâtñande potalakmâ bikñe bikñe agi.

¹ Galalupne, nâ yengâlân togo tatmâ ye hângât nângâ nângâ nângâmai aregât nâñe ye nanan gurukñe yengât dop akmâ Kristogâlân biwiyenñe getek kali dâm yaiwâk den yeukñe makyengiminiân. ² Akto ye sot kârikñe nemberâigât dop bo aregât nanan gurukñe dop hainâk manmai dâm sot lâwindâk kârikñe bo yengim âmâ namâk hainâk yengîân. Akto hinñe hainâk biwiyenñe Yesugâlân kârikñe bo kali. ³ Yeñe galalupñe gasa akyengimai akto potalakmai aregât hin dân, Ye âmâ hân luâk yânñe akto Heak bâlâk akmai dân. ⁴ Ye bikñe, “Nen Paulogât kâmot.” dâmbiâ bikñande, “Nen Apologât kâmot.” dâmbiâ papalakmâ kotyenñe mem agatmâ galagât hogo hogo akmâ nângâ añgimbiâ gemap aregât hângât luâk âmbâle hainare akmai aten.

⁵ Apolo amâ wan akmap? Paulo nâmâ wan akman? Net amâ hoñ bawa Anutugât den makyengietñe nângâyi. Aregât Kembuñe âi makmâ hârenetkiep dop areâk meyiôt. ⁶ Nâmâ alekñe mem kâmelân. Dâ Apolo amâ âi hele aregât âiñe miép. Dâ Anutuñe âmâ memenñe wanño bunñe miawagep. ⁷ Aregât mem kâmetman nângât bo makbaen. Akto âi hele memap yâkgât gai bo makbaen. Meme aganño bunñe miawakmap Anutu yâkgât konok makbaen. ⁸ Akto mem kâmetman akto âi hele akmap net dopnetñe konogâk. Aregât hâu âmâ âi netjaet dopñân mem potatmâ memaet. ⁹ Net Anutugât bêt tângo, dâ ye âmâ Anutugât âi akto Anutugât emet. ¹⁰ Aregât Anutuñe han kalem akmâ meme akniñep dopñân nâ emet mângim bunñande hambo tetembeñe kârikñe kât are katere giep. Dâ nen hârok emet mângi mângigât âi damunñe akmâ manne. ¹¹ Akto hambo gem kindâpgât Yesu Kristo mem petâm panmâ siâ katenñe gewiap aregât dop bo. ¹² Akto den dopñe maktân are dewatim makbe. Luâk siânñe tetembeñe are kakñân âi âlepñe mem âmâ kât goli me siliwa me puli humo panmâ lâwin kârikñe âlep âlep are mem âmâ emet kârikñe ketuguwiap me dowâk metewerâm konam akmâ lâwin

yânñe me dakerâ mâpmâpñe hanâk hanâk mem togo ketuguwiap. ¹³ Benñe hilâm siân umatñe miawakmâ kâlâpñe ondo âmâ luâk âi miép aregât keinñe miawakbiap. Âlepñe me bâleñe miép aregât keinñe miawakbiap. Dop hainâk nen Yesugât âi mem manmaen amâ hâmbâi Anutuñe sop humoân nengât âi dop kom ekberâm âmâ kâlâp kato ondo nengât âi meme gain gain hinare miawakto ekbaen. ¹⁴ Akto luâk siânñe Yesu emelâk meyi are yengâlân arim ain âi âlepñeâk mendo kinbiâ Anutuñe dop kom ekmâ âlepñerâm hâuñe âlepñe wanñiap. ¹⁵ Dâ luâk siâ âi mendo kâlâpñe wan me wan oanño âiñe akto hâuñe bâlâk tatmâ manbiap. Dâ ikinñe âmâ kâlâp ululunñanba âlepñe tatmâ âgâwiap.

Nen amâ Anutugât opmân bunñe.

¹⁶ Galalupne ye âmâ Anutugât dengât opmân aregât Anutugât Heakñe biwiyenñân tatmap. Are bo nângâmai mon? ¹⁷ Akto Heak âlepñande emet ain tatmâ nen olop manmap. Aregât gasalupnenñande Yesugât kâmot gasa aknengiwêrâmbiâ Anutuñe, “Kâmot ire amâ nângât aregât nâ olop manmai.” dâm gasalupnenñe yengumbo mombai. Amâ ye Anutugât sumbe emetñe hainare aregât.

¹⁸⁻²⁰ Akto Anutuñe makto siânñe hin kulengoep, “Anutuñe nângâ nângâ luâk are yengât nângâ nângâyeñe are mem âmâ luâk are yengumbo gulip akbai.” Akto bikñe hin tatâp, “Humoñe âgâ âgâñe luâk yengât biwi nângâ nângâyeñe amâ ekto yânñe akmap.” hain tatâp. Aregât hângât nângâ nângâ amâ Anutuñe ekto bunñe bo akmap. Aregât ye biwiyenñe bo hianñei. Akto luâk hutyenñân gâtñe siânñe, “Nâ hân iregât agak meme watmâ manmâ nângâ nângâne humo aktâp.” dâmap âmâ yâkñe nângâ nângâne are hamianño hângât luâk âmbâle ekmâ ire âmâ luâk kopa dâmbiâ âmâ Anutuñe, “Luâk ire nângâ nângâne hinñe humo aktâp.” dâwiap. ²¹ Aregât yeñe luâk siâgât kotñe bo mem agatmâ yâkgât nângâ nângâne bo watbei. Akto siâ me siâ hârok yengât tatmap. ²² Nâ Paulo akto Apolo akto Petoro tânyengunerâm manden. Akto hângât wan me wan me manmaen me mombaen me wan me wan

hinje tatmap me beirâ miawakbiap are hârokje tânyenguwaengât manden. ²³ Akto ye amâ Kristogât mandâi. Akto Kristo amâ Anutugât manmap.

4

Aposolo yengât keiyenje.

¹ Yeje âmâ nenje makyengimaengât hin nângâwei, “Pauloma Kristogât keije maknengimai. Hoj bawa aganjmâ Anutuje ulikjân yonâk kalep are mem makmâ miawakmâ damunje akmai.” dâwei. ² Akto luâk siâne hoj bawa siâgât makto lauje lokom âi mendo ârândân akmap dop hainâk âi damunje akma hêngemgom mandenje ârândân akmap. ³ Akto nunaet keine makbe. Ye me luâk mendugu menduguân yâkne luâk nângâ nângâyenjân nângât denân hâknân hâknân makbai amâ nângâre bunje bo akbiap. Akto nunak âkâ nâ nunak den âiân bo kalakbian. ⁴ Bunje nunak âi bikje mesogân me bo amâ bo nângân gârâmâ Humo ikinjak âmâ nângât keine me agak memene ekmap. Akto denân kat nekbiap. ⁵ Aregât ye Humogât sop boâk miawaktoân luâk âmbâle hâkyenje tunmâ denân bo katyekbei. Akto sop are miawakto âmâ Humonenje ikinjak gem âmâ ainâk ikinjak wan me wan bo nângâmaen are mem miawakbiap. Akto hannenjân me biwinenjân wan me wan nângâmaen are hainâk mem miawakbiap. Akto sop ain âmâ Anutuje nen hârok âi nenjaet hâu nengiwiap.

⁶ Galama, wan me wan yu kulengoân ire amâ Apolo me nâ netjaelân katmâ maktân. Amâ hingât maktân. Ye nângâm hêngemgom Anutuje makto kulemgoyi are wan me wan yendâp aregât bo lonjaiwei. Hain akma yençaet nângâmbiâ bo agatbiâp. Akto gala yengât nângâmbiâ bo gewiâp. ⁷ Akto niñande potatyekto luâk âmbâle bikje ewangiyektâi? Akto wan me wan memai are Anutuje yengiep, aregât wangât hin dâmai, “Wan me wan ire siâne bo nengiep akto nângâ nângâ nenjaelânba miawagep.” hain dâmai? Amâ bo ârândân akmap.

⁸ Akto ye hin makbiâ nângân, “Emelâk nângâ nângânenje humo aktâp. Akto wan

me wan emelâk ârândân agion. Paulo akto Apolo bo tân nengumbelan nângâ nângârâ agion.” dâmai, amâ netje bo tânyenguetje luâk kumbu bo akmai. Wangât ye hain nângâmai? Ye agak meme yeje âlepje dâine ye olop heronje akbâen. ⁹ Aregât hin nângân. Anutuje aposololupne nen âmâ luâk yânje yâk yengât kâmolân katnenegep. Bugâgât pat agakne hainare, hârok dondâne anjelo me luâk nenekbiâ bâleje hainâk hinare akmaen. ¹⁰ Nen Kristogât akma luâk nângâ nângâ bâlâk akma gayion. Dâ ye âmâ Kristogâlân dewatim nângâ nângârâ humo akma gayi. Nen âmâ yeukne gegene akma gayion. Dâ ye âmâ kârikne olop akma gayi. Ye âmâ bikjande yekbiâ humo âgâ âgâne akmai. Dâ nenekbiâ gegene akmaen. ¹¹ Aregât nen âmâ tu sotgât mom bâlim manmâ gayionjeak manmâ gaen. Akto himbân hambunjeâk lalakmâ Yesugât keije bo nângâmai arekne kuk hêngânâk nenekbiâ emet kepia bâlâk manmâ gayionjeak manmâ gaen. ¹² Akto nenje bâtnenjande puligât âi humo memaen. Akto hâkgât luâk âmbâleje den hembalik makmâ girin nengimai. Hain akbiâ âmâ nen âmâ Humoje tân yenguâk dâm ulilanmaen. Akto yâkne âmâ kuk hêngân aknengimbiâ âmâ ainâk hâuje bo yengim âmâ nângâm hansumbu akmaen. ¹³ Yâkne den bâleje makmâ kotnenje mem gembâ nen âmâ benje ainâk lumbe den makyengimaen. Ulikjân akto hinje hainâk akmai. Nen âmâ luâk âmbâle yengât gagap panpanje hainare akma gayionjeak manmâ gaen.

Pauloje Korinti luâk âmbâle ewe akyengiep.

¹⁴ Galalupne, nâ den kulengoân ire ye anjun meyegâkgât bo kulengoân. Nâ ye nananjupne dop hainâk akmaigât okot âlep nângâ yengiman aregât den sami akyengim damun agangi goangi akjetgât den ire kulengoân. ¹⁵ Bunje ye damunyeje akma Kristogât agak memeân damunyeje akmai are unduwâk tatyengimai gârâmâ den pat âlepne pup pup makyengiminiân a undup akma bo. Nune konok yengâlân togom pup pup eweyenje dop hainâk akma den pat âlepne makyengire den pat are

âlepne nângâyi. ¹⁶ Aregât hin hâmbinmâ wârakyeke. Nâne agak meme akman are hainâk akbei. ¹⁷ Are miawagâkgât nângâm Timoteo biwine Humogâlân kalep yâk yengâlân hunḡunaḡdere togoâp yâk âmâ nanne hinare okot âlep nânḡanman yâk âmâ nâne kepia ârândân ari Yesu Kristogât mendugumai aregât emetne ain makyenḡiman aregât makyenḡiwen dâm hunḡun aḡdere togoâp. ¹⁸ Akto yengâlânba bikḡande Paulo bo togowiap dâm âgâ âgâne agi. ¹⁹ Dâ Humonenne yâkne âlepne dâmbo âmâ yengâlân dowâk togowian. Togom âmâ sop ain luâk âgâ âgâne yengât bo nângâm âmâ agak memeyene areâk ekbian dân. Togom yengât den bo potatmâ nângâwaen. Amâ agak memeyene areâk ekmâ potatbian. ²⁰ Akto Anutugât kâmot yengât kârikneyene amâ den makmai are bo. Bo kârikne. Patyenḡande amâ kârikneye mem miawakmap. ²¹ Aregât togowianân gain gain nângâwai? Orem miwindik yekbiangât kuk akmâ togowian me? Okot nângâ yengim yeukḡân togowian?

5

Luâk bâlene miep aregât den.

¹ Galalupne, yengât den are siânbaḡe makniḡbiâ nângâre ârândân bo aktâp. Agak meme bâlene hain arekne âmâ luâk âmbâle Yesu bo nânḡanmai are yengât hutyenân miawakto aḡun aḡiwâi. Dâ ye âmâ bo aḡun aḡiâi. Bâlene are amâ hin. Yengâlân gâtne luâk siâne ewenḡaet âmbenḡe miep. ² Hain akto bâlene dondâ miawagep. Aregât wangât yeḡe yeḡaet nângâmbiâ âgâmap? Hain bo. Bâleneyeḡe nângâm makmâ miawakmâ okot bâle nângâm mandâi dâine ârândân akbop. Aregât dowâk luâk are hepunmâ watbiâ yengâlânba ariwiap. ³ Dâ hâknande âmâ kâlewângen mandân dâ nângâ nângânande amâ hutyenân mandân aregât luâk bâlene miep yâkgât dosa miawagâkgât hin makmâ hâreân. ⁴ Yesu Humonenne yâkgât kolân konmâ luâk aregât den katmâ maktân. Ye mendugum kinmâ nângât den nângâm akto Humonenne Yesu Kristogât kârikne olop kinbai ⁵ âmâ ainâk Niambiḡe hâkne mem bâlimbo han biwiyene potalagâkgât luâk are watbiâ

ariwiap. Hain arim manmâ manmâ âgâambo âmâ hâmbâi Humo are togowiawân âmâ Anutune oloḡdo iḡiḡaet kâmolânâk dewatiwiap. Are miawagâk dâm luâk are watbei. ⁶ Ye âgâ âgâne akmai are nângâre bâliâp. Luâk bâlene agep aregât keḡe den dopne hin makbe. Nen âmâ bau wine bâlene siâ are bo mem panmâ are olop sot ondenḡe âmâ bâlimap. Amâ kalakne akmap. Dâ ye dop hainâk bâliwâigât luâk konok are watbiâ akḡângen ariwiap. ⁷ Nengât lama dosanenḡe bo agâkgât Kristo yâkne nengât sumbe akmâ moep aregât akmâ kalakne bâlene are potatmâ panbiâ arimbo bunḡe âlepne areâk akbei. Gârâmâ emelâk irakne maligât. ⁸ Hombaḡ irakne tatnerâm siâ me siâ kalakne âmâ hârok paniâm. Galalupnenḡe yengât nângâenḡe gemapgât akto bâlene malenḡgât kalakne panmâ âmâ han kau kau akto bunḡe den are mem manmâ herone marone manbaen.

⁹ Galalupne, nâ ulikḡân kulem esenḡe siâ hin kulengoân. Luâkne âmbenlupyene hepunyekmâ aḡgâ olop hanâk hanâk manmai are gala bo katbei. ¹⁰ Are bâlene akmâ, me sotgâlâk nângâmbiâ humo akmap me galagât wan me wan tatyenḡiâp aregât nângâmbiâ humo akto munen akmâ kâmbu meyenḡimai me lâpiogât nângâmbiâ humo akmap luâk are amâ hângât agak meme aregât egâlianmai yâk yengât bo magân. Luâk are hepunyekbei dân dâine amâ hân ire hepunmâ himbimân manbâi. ¹¹ Hain bo magân. Nâ hingât kulengoân. Luâk âmbâle biwinenḡe Yesugâlân kalion dâmai amâ luâk âmbenlupyene egâliangât me lâpio yengât yengonmâk me galagât hogo hogo akmai me tu kârikne nem biwi gulip akmâ bâlene akmai luâk âmbâle hainare amâ hepunyekmâ yâk olop sot bo nembei. ¹²⁻¹³ Akto luâk âmbâle Yesugât kâmolân bo manmai are amâ Anutune konok den âiân katyekbiap aregât nâne den âiân bo katyekman. Gârâmâ ye hutyenân Yesu nângâ aḡmai yengât dosa denyene makbiâ ârândân akbiâp. Aregât luâk bâlene akmâ ewenḡaet âmbenḡe miep are watbiâ hutyenân bo manbiap.

6

Korinti gâtñande kiapgâlân arimbiâ Paulonje nângâmbo bâliep.

¹ Akto den siâ togombo hin nângân. Yengât hutyenân gâtñe siâñe galañet dosa den mem makbiap are Yesugât kâmot yengâlân bo katmap are amâ keñe bo ekmâ nângâmai. Wangât Anutugât den koko luâk are yengâlân ariyi? Hain bo akbei. ² Yesugât kâmot nenñe sop humoân hângât luâk âmbâle Yesugât kâmolân bo manmai are den âiân katyekbaen aregât nângâi me? Wan me wan hânân yânñe are makmâ miawakmâ keñe miawagâkgât makmâ den âiân katyekbaigât kârikñe tatyengimap. Hain akto hângât luâk kotdâñe yengât pat mem miawagâkgât are yengâlân bo ariwei. ³ Akto areâk bo. Nenñe anelo yengât den dât owâñe potatbaen. Aregât nen âlepñe hângât wan me wan den are lâuwânñe potatbaen. ⁴ Akto den yânñet siâ siâ miawakto amâ luâk âmbâle nângâyengienñe amâ gegeñe akmap, luâk hainare yengâlân den ire potatnerâm arimbiâ bo ârândânñ akmap. ⁵ Aregât yengâlân gâtñe nângâ nângâ luâk bo tatâp me? Ye den are nângâmbiâ anun yenñet akñetdâm kulemgoân. Aregât yengâlân gâtñe luâk nângâ nângâyene olop siâ manmap yâkgâlân mem arimbiâ makyengiwiap. ⁶ Ye amâ hain bo akmai. Hângât kiap me kotdâ Yesugâlân gâtñe bo areyengâlai gala olop den dosayene mem miawagâkgât arimbiâ amâ bâliâp. Dâ areâk bo. Anutu bonânğanmai yâk yengâlân mem arimbiâ amâ dondâ bâliâp.

⁷ Galama, den dosayene Anutu bonânğanmai yâk yengât dewunyenân miawakmap arekñe biwi kat katyene mem gemap. Aregât hin akbei. Yengâlân gâtñe siâñe galañe bâleñe agañdo galañande hanâk dâm yâkñe âlepñeâk agañbiap. Akto yengâlân gâtñe siâñe galagât wan me wan hilip koanmâ gulip kombo galañande hanâk dâm hain bo agañbiâp. Ye hain akmai dâine âlepñeâk miawakbop. ⁸ Gârâmâ yenñeâk akmâ bâlimai akto yengâlân bikñande galalupyenñet hianñi den makyengimai. ⁹ O galama, agak meme hain akmai aregât keñe makyengire nângânñet. Luâk bâleñe

mem manmai are Anutuñe ikinñet kâmolân bo dewatim katyekmap, ye aregât bo nângâmai me? Ageine biwiyeñe hianñbâi gârâmâ luâk âmbâle hainare yengât keiyene hin makbe. Luâkñe âmbenlupyeñe hepun yekmai me dâp gulip manmai me lâpio yengât nângâmbiâ bunñe akto manmai me luâk siânba yengât nângâm egâlianñe bâleñe manmai me luâk siânba yengât dewunyenân anunñe olowâk akmai ¹⁰ me kuk akmâ yengum kâmbu akmai me wan me wan hârok ekmâ egâlianñmai me tu kârikñe nem biwi gulip akmai me den hembalik makmai me puligâlâk nângâm luâk bikñe heyengim umburuk akyengimai luâk hain arekñe amâ Anutugât manman are bo ekbai. ¹¹ Akto yengâlân bikñande ulikñân ye hain akmâ manmini. Dâ hinñe ire amâ Humonenñe Yesu Kristo are akto Anutunenñet Heakñande meyekmâ dosayene pulim panmâ Yesugât kâmolân katyekbela biwi âlepñân mandâi akto Yesuñe dosayene mem dumyenân kinmâ moep aregât Anutuñe yekmâ dosayene bo agep dâm yengonlep.

Bâleñe membâigât minao den.

¹² Galama, ye hin dâmbiâ nângân, “Wan me wan aktenñe Anutuñe nenekto âlepñe akmap.” dâyi. Aregât makyengiwe. Magi amâ âlepñe gârâmâ kotñe siâ siâ akmaen, arekñe amâ âlepñe bo tân nengumap. Akto wan me wan tat nengiâp aregâlâk egâlianmâ hoñ bawa aktenñe panâk menenekto bâliwâen. ¹³ Aregât hin nângân. Sot amâ âlepñe Anutuñe sotyene dâm nengimap. Akto nembangât dâm tep nenñe kalep aregât sot amâ âlepñe gârâmâ siân Anutuñe bâin dâm sot akto tepnenñe lâuwâ lâuwâ meteyelekto bo akbiandat. Dâ hâknennñe amâ wan me wan egâlianñgât dâtâñe bo. Are amâ Humonenñet damun akmap. ¹⁴ Akto Anutuñe kârikñe akmâ Humonenñe mem momonânba agalep hainâk kârikñe akmâ nen mem agatnenekto manmannenñe irakñe miawakbiap. ¹⁵ Akto hâkyenande amâ Kristogât hoñ bawa agañmai are bo nângâmai mon? Akto hâkyene âmbâle dâp gulip manmai are olop tatbiâ ârândânñ akmap mon? Bo dondâ. ¹⁶ Aregât lâuwânñe makbe.

Anutuņe makto Moseņe hin kulengoep, “Luâkņe âmbâle mendo lâuwâņe konok akmâ manbiandat.” hain kulengoep. Aregât luâk siâņe âmbâle bâleņe mendo lâuwâņe han biwi konok akmâ manmandat, are nâņgâm heņgemgowej. ¹⁷ Dâ luâk siâņe Humogâlân andâambo yâk olop han biwi konok akto nâņgâ nâņgâ konok akmandat. ¹⁸ Aregât luâkņe âmbenlupyene hepunyekmâ hanâk hanâk âmbâle aņgâ bo meyekbei. Akto luâk âmbâle bâleņe akmai amâ dosa memai gârâmâ hâkyeņe bo mem bâliakmai. Dâ âmbâle hanâk hanâk olop manmâ ikinje hâk mem bâliakmap. ¹⁹ Aregât den umatņe siâkâ makyenġire nâņgâņet. Anutuņe ikinjaet Heak Âlepņe huņgunanġo biwiyenân miep aregât ye amâ yâkgât emet akmai. Akto ye amâ yeņaet bo. ²⁰ Yesuņe Anutugât kugânba ikinjaet gilâmņe kâimbo puligoyegep, aregât ye agak memeyenġande Anutu kotņe konmâ mem agatbeigât hâkyeņe damunņe akbei.

7

Luâkdâ âmbendâ yengât den.

¹ Ye kulengom katniņbiâ togombo oyaņmâ meteân aregât wan me wangât ai nuguyi aregât hin makmâ miawaktere nâņgâņet. Luâk Yesugât kâmolân gâtņande âmbâle bâlâk manbian dâm amâ âlepņe hain akto ârândân akbiap. ² Gârâmâ egâliangât dâp dondâ yendâpgât luâk âmbâle hanâk hanâk dâp gulip manbâi dâm âmbâleņe luâk ambonân ambonân meyekbei. Akto luâk âkâ hainâk âmbenlupyene ikinjeâk ikinjeâk meyekbei. ³⁻⁴ Akto âmbâleņe ikinjaet hâkņe are bo damunņe aganġimap amâ luâkņande damunņe aganġmap aregât âmbenlupyenġande hâkyeņe luâklupyene bo gangerâ yeņgiwei amâ âlepņeâk yeņgiwei. Akto hainâk luâkņe ikinjaet hâkņe bo damunņe aganġimap amâ âmbenġande damunņe aganġmap, aregât luâklupyenġande hâkyeņe are âmbenlupyene bo gangerâyeneņgiwei amâ âlepņeâk yeņgiwei. ⁵ Aregât ye amâ luâkdâ âmbendâ hâkyeņe bo gangerâ aņgiwei. Gârâmâ luâk âmbâi lâuwâ siâņe Anutu kârikņe ulilanġbaet dâm âlepņe sop ainâk Anutu ulilanġbiandatgât tâlâwâk hâkyetņe gangerâ aņgim Anutu ulilanġbela nâņgâmbo âlepņe akbiap. Dâ

ulit sopņe bo akto haminġangen Niambiņe heyetkim bâleņe aget dâwopgât âlepņe luâkdâ âmbendâ meakbiandat. ⁶ Dâ ire makberân amâ bo makmâ hâreyenġiwerân. Bo. Maktere nâņgâmbiâ bâliwopgât makyenġiân. ⁷ Nune amâ hin maktân. Luâk hârok nâņe âmbâle siâ bo meân hainâk bo akmâ manbei gârâmâ are bo akmai. Dâ Anutuņe kârikņe ikinjeâk ikinjeâk menengimap siâņe siâņaet memap. Akto siâņe siâņaet memap aregât kârikņe a areâk yeņgiep aregâlâk nâņgâm manbei.

Luâk âmbâle sigan akto kambut yengât den.

⁸ Akto luâk âmbâle sigan akto âmbâle luâklupyene moyi are yengât amâ hin makbe. Ye nâņe âmbâle bo meân, ye hain luâk âmbâle bâlâk manbei amâ âlepņe akbiap. ⁹ Gârâmâ luâk âmbâle biwiyene kârikņe bo damunņe akmai arekņe âlepņe luâkdâ âmbendâ akmâ manbei. Akto egâliangât kâlâpņe mem bâli yekbopgât luâkdâ âmbendâ akmâ manbiâ huraguwiâp.

Luâkdâ âmbendâ yengât den.

¹⁰ Akto luâkdâ âmbendâ yengât den maktere nâņgâņet. Akto ire nâņgât den a konok bo ire Humonenġande tân nugumbo maktân, âmbâle luâkdâņe luâklupyene bo hepunyekbei. ¹¹ Dâ âmbâle siâ emelâk luâk hepulep aregât luâk siâ bo membiâp. Me luâkņe emelâk hepulep are olop maganġimbela âlepņe dâmbo penianġiwiandat. Akto luâk âmbendâ ye amâ âmbenlupyene bo hepunyekbei.

¹² Dâ ye bikņe luâkdâ âmbendâ agi yengât den ire Humonenġande bo magep amâ yân makbe. Yeņgâlân gâtņe luâk siâ hinņe Yesu nâņgâ aņep gârâmâ âmbenņe amâ Yesu bo nâņgâ aņep yâkgât hin makyenġiwei. Âmbenlupyenġande âlepņe dâmbiâ amâ âlepņe meyekbiâ manbei aregât bo hepunyekbei.

¹³ Akto âmbâle hinņe Yesu meyi amâ luâklupyene Yesu bo nâņganġmai yengât hin makyenġiwei. Luâklupyenġande âlepņe dâmbiâ amâ hanâk bo hepunyekbei.

¹⁴ Aregât keiņe hin. Nan baratlupyene emelâk Anutugât pat akmâ manmai aregât nan baratlupyene bâliwâi dâm Anutuņe âmbâle ekmâ nâņgât kâmot dâmap, aregât

luâkne bo nângâniņmap are nângât kâmolân katbian dâmap. Akto luâk Yesu nânganmap âmbâle Yesu bo nânganmai are yekmâ nângât kâmolân katyebian dâmap. ¹⁵ Akto Anutuņe yeuknân gala akmâ manņetgât nengonmap aregât luâk me âmbâle Yesu bo nânganmai arekne âmbenlupyene me luâklupyene hepunyekberâm âlepne hepun yekbai. ¹⁶ Gârâmâ âmbâle Yesugâlân gâtne arekne luâklupyene olop manmâ makyenġimbiâ luâklupyene Yesugâlân bi-wiyene âlepne katbai. Akto luâk yekâ hainâk âmbenlupyene olop manmâ yaiwâk akyenġimbiâ âmbenlupyene Yesugâlân bi-wiyene katbai, aregât bo nângâmai aregât luâkdâ âmbendâ dowâk bo hepun akbai.

Uliknân malion hainâk manniâm.

¹⁷ Galalupne, ye hârok hin makyenġiwe. Nâ mendugumai emet ain hârok âgâm hin makyenġiman. Anutuņe ye oloņ yekmâ ikinjaet kâmolân katyegep sop ain ye kin kin gain gain kili. Akto Humonenņande kin kinyene gain gain yenġiep aregâlâk nângâm manbei. ¹⁸ Aregât ye Yuda gâtne uliknân hâkyene gâiyi are Anutuņe oloņ yegep ye âmâ Anutugât pat hâkyene gâiyi aregât tiripne bo gulip goanġiwei. Dâ bikne Yudagât agak meme bo watmâ âmâ hâkyene bo gâiyenġiyi hain akbiâ ainâk Yesu oloņyegep, ye âmâ gâinenekbei hain bo nângâwei. ¹⁹ Are lâuwâne makbe. Hâkyene gâi gâigât me bo gâi gâigât are Anutuņe bo ekmâ nângâmap. Akto yâkne âmâ nen laune lokom manbaen are gâlâk nângâmap. Aregât hâkyene gâi gâigât bo nângâwei. ²⁰ Galama ye kin kinyene ain me ain kinbiâ Yesu ye yenġonlep kin kin ainâk kinbei. ²¹ Dâ hoņ bawa âi membiâ yenġonlep are nângâmâk bo akbiâ âmâ kambiamyene umatne bo akbiap. Gârâmâ damunlupyene âlepne arinjet dâmbiâ âmâ ainâk hoņ bawa ağanmai arewa sopanmâ yengât manmanyene yeâkgât damunne akbei. ²² Dâ aregât siâkâ makbe. Ye hoņ bawa âi manmai are Humonenņande yenġonlep aregât yeņe luâk me siâ siâ hoņ bawa bo akyenġimaen dâm herone akbei. Dâ yeņe siâ hoņ bawa bo ağanġimai are Humonenņe yenġonlep aregât Kristo hoņ bawa ağanmai. ²³ Yesuņe Anutugât kugânba

yengât dumyenân kinmâ puligoyegep aregât Humogâlâk nângâm luâk yeņaet bo nângâ anġiwei. Amâ Kristo konok nângâ anbei. ²⁴ Hain akmâ uliknân Humonenņe oloņ yegewân gain mali, a hainâk mem manmâ sop hinne âkâ kinmâ Anutugâlân dewatiwei.

Luâk âmbâle sigan yengât den.

²⁵ Akto ye sigan yengât hin makyenġire nângânet. Humonenņande bo makniņep âmâ nunak maktân aregât Anutu lumbe Amboņe arekne nângâ niņdo ârândân akmap aregât nângât den tângomap. ²⁶ Sop hinne dâtne metne dondâ miawaktâpgât ye luâkdâ âmbendâ manmai me sigan manmai hainâk manmâ âgâwei. ²⁷ Aregât yengâlân bikne luâk âmbendâ emelâk aģi ye âmbenlupyene bo hepunyekbei. Dâ luâk sigan manmai yeņe âmbâlegât bo makbei. ²⁸ Dâ âmbâle memberâm akmâ membiâ bo bâliwiap. Akto âmbâle sigan hainâk luâk mendo bo bâliwiap. Akto hain arekne hângât umatne miawakyeņgiwopgât hain kulengoân. ²⁹ Galalupne, umatne dondâ miawak yeņgiwopgât sop tâlâwâk aktâp aregât âmbenlupyene olop mandâine âmbenlupyene aregâlânâk bo nângâm manbei. ³⁰⁻³¹ Akto hânân âlepne manmai ire bo akbiap aregât indemaine inde bâlâk manmai hain are akbei. Herone marone akmaine manmâ hero maro bâlâk manmai hainare akbei. Akto siâ siâ mem anġim nene manmaine âmâ imâ nengât bunne borâm manbei. Akto hân iregât tiripne bo akbiapgât hângât wan me wan mem manmaine âmâ ire nângâenne humo akbop dâm aregât nângâmbiâ gewiâp.

³² O Galalupne, biwiyene umatne akbop dâm maktân. Akto luâk âmbâle bâlâkne Humonenņaet âiņaet nângâmâk akmai hain akmâ Humonenņande nenekto ârândân aģâk dâmai. ³³ Dâ luâk âmbendâyeņe âmâ hângât nângâm hanoko akmai. Akto âmbenlupyenande nângâyeņġimbiâ herone âlepne aģâkgât manmai. Hain akmâ Humonenņaet me âmbenlupnenne yengât ukenne akne dâm han lâuwâ akmâ manmai. ³⁴ Akto âmbâi sigan yâkâ hainâk Humonenņaet âiņaet nângâmâk akmai. Akto han biwiyene Yesugât dâtâne aģâkgât

nângâmai. Dâ âmbâle luâkdâne âmâ hângât nânğanmai. Akto luâklupyene yengât nânğâyengimbiâ herone ârândân agâkgât nânğâmai. ³⁵ Ye hârok âlepne manjetgât dâm den are makyengiân. Dâ ye hin me hain aknet dâm wârakmâ hâwâtyekbegât hain bo makyengiân. Ye hanâk hanâk bo manmâ âmâ biwi kambiamyene mendugumbiâ Humogâlân lâwindâk kilâkgât maktân.

³⁶ Akto ewe siâne baratne âmbâi sigan tat tatne akbop dâm âlepne luâk siâ wanjo mendo bo bâliwiap. ³⁷ Dâ luâk ewe siâne nânğâ nânğâ kârikne tatmap yâkne baratne yân tatbiap dâm nânğambo âmâ ârândân akbiâp. Akto owâim hain makmâ kârikne ketugumbo ârândân akbiâp. ³⁸ Haingât luâk siâ baratne luâgân kato âlepne akbiap. Dâ siâne baratne siganâk malâk dâm gangerâmbô âmâ ârândân akmâ hengemgowiap.

Kambut yengât den.

³⁹ Akto ye âmbâle luâkdâ hin makyengire nânğânet. Ye luâklupyene olop manmâ âgâm bo hepunakbei. Dâ luâklupyene mombiâ âmâ âlepne luâk siâ Humonennande meyegi aregâlân gâtne luâk siâ ukenne nânğâm memberâm âmâ âlepne membei. ⁴⁰ Dâ luâk bâlâk yân manbian dâm manbai aregât agak meme bikne âlepne ewangiyekbiap. Hain akto herone akbai, hain nânğân. Ire nune den. Dâ Anutugât Heakjande tân nugumbo maktân.

8

Lâpio yengât sotgât hanokoakmâ mali aregât den.

¹ Akto Korinti kepiyan manmâ Yesu bo nânğâmai yâkne sot sonjo lâpio yengât enemyenân katmâ om nem bikne angim neneân katmai ye are nânğâmbiâ han lâuwâ agep are nânğân. Aregât hin makbe. Yengât bikjande hin dâmai, “Nen keine nânğâ nânğârâ humo manden aregât hanâk wan me wan mendenne ârândân akmap.” Ye hain dâmbiâ are nânğare bunne akto gârâmâ nânğâ nânğâgât keine âmâ kotyene mem agat agat miawakmap. Dâ okot âlep akyengim manbiâ âmâ kambiamyene kârikne ketugumap. ² Aregât yengâlân

gâtne siâ nânğâ nânğâne emelâk humo aktâp dâmap âmâ yâkgât nânğâ nânğâne bunne bo yemap. ³ Dâ yengâlân gâtne siâ âmâ Anutu okot âlep aganbiap yâk âmâ Anutune nânğâm hengemgoanbiap. ⁴ Lâpiogât sot songogât âmâ hin nânğâmai. Lâpio âmâ siâ me siâ yânne bunne bo. Anutu konok âmâ bunne. ⁵ Kembulupne himbimân mandâi me hânân mandâi âmâ yem ariâi aktâp. ⁶ Dâ nen âmâ Anutu Ewenenne konok mannengimap. Yâkgâlânba siâ me siâ miawaknengimap. Akto nen yâkgâlân manden. Hain akmâ Kambu konok Yesu Kristo yâkgât bâtnânba siâ me siâ hârok miawagep akto nen manmâ metien. ⁷ Gârâmâ nengâlân gâtne bikne aregât keine hain âlepne bo nânğâm hengemgomai, akto hain arekne ulikjân lâpio bunne dâm mali, yâk hinne Yesu nânğanmân âmâ sot hain are nem âmâ biwiyene kârikne bo aregât lâpio arekne biwiyene mem helej ketugumbo umatne akmap. ⁸ Akto Anutune sotgât akmâ bo nânğâ nengimbo âlepne akbiap. Aregât sot lâpio yengâlânba are nendenne Anutune bo nânğâm mem agatnengiwiap. Me bo nendenne nânğâm bo mem ge kat nenekbiap. ⁹ Gârâmâ yengâlân gâtne, “Wei are emelâk nânğân hanâk hanâk nendenne ârândân akbiap.” dâmai ye âmâ hin akbei. Galalupyene biwi getegâk Yesugâlân kali areyengât biwiyene gulip akyengiwopgât nânğâm hengemgowei. Akto sot nemberâm âmâ galalupyene are yengât ukenne nânğâyengiwei. ¹⁰ Aregât bikne makbe. Ye biwiyene kârikne ya maktân hamianmâ panmâ hanâk lâpio emetjân âgâm sumbe nem tatbiâ galayene siâ biwine kârikne bo arekne yekto, “Wei, nâkai âgâm nendere âlepne akberâp.” dâm âgâm nem tato haminân biwine bâlimbo dosa akbiap âmâ hâune âmâ yengâlân miawakbiap. ¹¹ Amâ ye hanâk nânğâ nânğânenne kârikne aktâp dâmai, aregât galayene Kristone yâkgât dumjân kinmâ moep arekne yekmâ âgâm mem nendo bâliwiap. Dosa are âmâ yengâlân. ¹² Ye hain akbiâ bâlene dondâ akbiap. Amâ ye hain akmâ galayene biwine getegâk kalep are mem bâlimbiâ biwine gulip akbiap. Aregât dosa âmâ yengâlân. Dâ areâk bo. Ye hain

akbiâ âmâ Kristogât kotņe bâliwiap âmâ dosa amâ yengâlân miawakbiap. ¹³ Aregât nâ sumbe nendere galanande aregât nekto biwiņe bâliwopgât aregât nâņgâmâk akmâ lâpiogât sot bo nem manmâ mombian. Akto sumbe borâm yân manmâ mombian. Aregât ye hain akbei.

9

Aposolo yengât keiyeņe.

¹ Galalupne, yeņe nâ hâkne tunbaigât dop bo tatâp. Aregât keiņe hin. Nâ Aposolo Humonenņe Yesu are egân aregât wan me wan ektere bunņe akmap. Akto areâk bo. Niņande pup pup den pat âlepņe makyengimbo biwiyeņe Humonenņaelân katmâ manmâ ya miawaktâi? Amâ nâ. ² Akto siânba bikņande, “Paulo amâ luâk yânņe aposolo bo.” dâyi. Den are nâņgâm bo hanokoakman. Akto nâņgâm âmâ nâ Aposologât âi mem mandere ye Humonenņaelân dewatiyi are nâņgâm heņgemgom luâk aregât den bo nâņgâwei. ³ Luâk Paulogât keiņe ekne dâmbiâ kotne bâliwop dâm den hâuņe âmâ hin makyengire nâņgâņet. ⁴ Nâ Aposolo âi mem mandere hâuņe niņbiâ ârândâņ aktâp. Gârâmâ hain bo akman. ⁵ Akto Aposolo bikņe akto Yesugât emilupņe akto Petoro yâk âmbenlupyene olop âiân arimai. Akto âmbenne tatniņdâp dâine yâk olop arire ârândâņ akbop. ⁶ Akto areâk bo. Aposolo bikņande ulityengimai are ârândâņ akmap. Dâ nâ akto Banaba netkâ hain ulityengietņe dâine ârândâņ akbop. Gârâmâ netņe umat yeņgiwâet dâm bo ulityengim âmâ âi mendenņe net wan ketuguyiot are hâukombiâ netgât sot hâukoyiot. ⁷ Aregât den dopņe hin. Tembe loko âi mem arimai damunlupyenande hâuņe yeņgimai. Akto kalam amboņe âi mem mando sot âlimbo bikņe nemap. Akto makao damunņe âi mem manmâ bikņe nemap. Aregât Aposologât âi mem manman aregât hâuņet ulityengiman dâine ârândâņ akbop. ⁸ Are amâ luâkgât nâņgâ nâņgâņe bo tân nugumbo maktân. Anutugât den kulemgoyi arekņe hain dâmap are nâņgâm hain kulengoân. ⁹ Den kârikņe hainâk miawaktâp âmâ hin. Anutuņe

makto Mosenņe kulengoep bikņe hin tatâp, “Bulimakaone âi mem mando ainâk sot nembop dâm launņe bo dâgâm gisapkowei.” hain yendâp. Den are Anutuņe bulimakao yengât konok nâņgâm bo magep. ¹⁰ Anutuņe nengât hain magep. Luâk siânņe âi kâmet kâmet are yân bo akmap. Sop siân sot bunņe miawakbiap aregât ukenņe nâņgâm akmap. Akto luâk siâ sot pitim mendugum katmap are âkâ hainâk bunņe membian dâm akmap. Anutuņe aregât hain makto Mosenņe kulengoep. ¹¹ Aregât nen yengâlân biwigât âi siâ siâ mem heņgemgoyegiongât hâuņe yengâlânba hângât siâ siâ menegât nâņgâenņe ârândâņ akmap. ¹² Dâ nen âmâ hain bo nâņgâmaen. Akto yengâlân gâtņe makyengimai are yengât bikņande ulit yeņgimai. Dâ nen âmâ ewangi yekmaen aregât ulit yeņgienņe âmâ ârândâņ dondâ akbop. Dâ amâ hain bo akmaen. Dâ bo ulit yeņgimaen arekņe agak meme bikņe ewangimap. Aregât siâkâ makbe. Kristogât den pat âlepņe bâliwop dâm yengâlânba sot me puli me wan me wan menegât mak makņe are menegât nâņgâm dâm bo ulityengimaen.

¹³ Akto luâk sumbe opmânân âi memai yâk âmâ sumbe bikņe memai. Akto luâk siâ alatan sumbe ogo yâk âmâ alatagât siâ siâ bikņe memai, are emelâk nâņgâi. Aregât nâņgâm heņgemgowe. ¹⁴ Haingât Humonenņe nengât hin dâep, “Nâņgât den pat âlepņe makmai are bâlâk manbâigât âi mem manbiâ den nâņgâwerâm mendugum kinmai arekņe hâuņe yeņgiwei.” ¹⁵ Dâ nâmâ dâp are watman dâine ârândâņ akbop. Gârâmâ nâmâ dâp are bo watman. Amâ ye aregât âlepņe akniņetgât nâņgâm âmâ ire bo kulengoân. Bo dondâ. Nâņgât herone bo akbopgât luâk siânņe siâ me siânņe mopņe nugumbo mombian are âlepņe dân. ¹⁶⁻¹⁷ Akto den pat âlepņe makyengiman âi are nâņgât kakņân kali aten. Dâ âi aregâlâk nâņgâm manman dâine manmâ hâuņe membom. Akto Anutuņe âi ire niņmâ huņgun niņep are nune hangât bo meân. Hain akman dâine âi are bo mendere âmâ yei, umatņe bâleņe miawak niņbop. Aregât hâuņe bo ulit yeņgim sot wan bâlâk manman, aregât nâņgâm herone

akman. Mombian are âlepne dân. ¹⁸ Akto nâ hâuñe wan meman? Hin. Âi meman aregât hâuñe niñbiâ ârândân akmap gârâmâ hanâk hâuñe are bo niñnet dâm yân hâuñe bâlâk arim makyengiman. Aregât biwine herone akmap.

Paulo luâk keñe keñe are yengât hoñ malep.

¹⁹ Akto siânbañe nângât maganji niñbiâ nângâm hanâk dâre umatñe bo akmap. Nâ luâk hârok yengât hoñ bawa bo manman yengât hanâk hoñ bawayeñe agân. Are luâk âmbâle dondâ den pat âlepne nângâm Yesugâlân dewatim manñetgât nângâm agân. ²⁰ Aregât Yuda luâk âmbâle âlepne akñet dâm Yuda agak meme watmâ makyengiman. Akto den kârikñaet hoñ bawa manmai yengâlân manmâ luâk âmbâle ire âlepne akñet dâm hainâk den kârikñaet hoñ bawa agân. Dâ nunak den kârikñe lokore Anutuñe nekto huraguâkgât bo malân. ²¹ Luâk âmbâle den kârikñe bo nângâmai are yengâlân arim manmâ luâk âmbâle ire âlepne akñet dâm hainâk den kârikñe bo nângâmai are hainâk agân. Dâ nunak âmâ Anutuñe Kristogât den kârikñe katniñdo are mem mandân. ²² Akto luâk âmbâle yeukñe manmai yâk yengât bikñande Yesu nânganñetgât dâm hainâk yeukñe agân. Akto luâk âmbâle keñe keñe siâ siâ Anutuñe hengemgo yegâkgât dâp siâ siâ mem yâk hainâk akmâ âi mem manmâ yu gan. ²³ Siâ siâ hârok are yân bo. Yesugât kot patñe miawakmâ ariâkgât akman. Akto nunak âkâ aregât hâuñe memberâm akman.

Paulo kârikñe akmâ pârigiep.

²⁴ Akto aregât den ginñe makbe. Dop agakñân luâkñe wan me wan katbiâ tato memberâm pârigimai. Akto wan me wan amâ konokñe wârakmapñe togom memap. Akto ye dop hainâk hâuñe wan me wan memberâm âi humo membei. ²⁵ Akto luâk yâkñe âmâ kârikñe akberâm ukenñet bo nângâm hâkyeñe hengem agum hâuñe memberâm âi humo memai. Dâ hâuñe are amâ buluñe yânñet dowâk dipkomap aregâlâk nângâm pârigimai. Akto nen âmâ pârigim arimaen nângâ nângânene yeukñe

akbop dâm damunñe akmaen. Akto nenñe hâuñe kârikñe membaen. ²⁶ Aregât nâ nunak gai pirâman. Hain akmâ horat kat katñe a tiñ tiñâk ekmâ kinmâ pirâman. Nâ soñ soñ are dâp pânân gulip bo panman. ²⁷ Bo. Nune yânñe akbomgât hâk biwine mem geakmâ damunne akman. Amâ bikñe makyengiân aregât hâu bâlâk manbomgât.

10

Yuda yengât den pat.

¹ Galama, Yuda nengât hakulupnenñe siâ me siâ mem mali aregât keñe nelâmyengiwoptgât makyengire nângânjet. Anutuñe yâk yeñe hârokgât damunyene akto aregât hamandatñe dâp hekat yengimbo arim haru hâtikoyi. ² Akto areâk bo. Anutuñe makto Moseñe damunyene akto siâ siâ âlepne hamandatgât pat akto harugât pat miawakyengiep. ³ Akto Anutuñe sot akto tu yengimbo hârokñe neyi. ⁴ Akto tu aregât keñe hin, Anutuñe bâgilupnenñe kât siâ hekat yengimbo kât kâlegenba tu gembo neyi dop hainâk Anutuñe Kristo hungunanño hamiyenân arimbo yâkgâlânba kârikñe gembo meyi. ⁵ Akto Anutuñe bâgilupnenñe bikñe agak memeyenñet nângâm bâlimbo hân yânñan mom meteyi. ⁶ Yâk yengâlân are miawagep kulem arekñe nengât den minao aktâp. Akto nen yâk bâleñet okot tuk tuk agi hainâk akbâengât den are tatâp. ⁷ Anutugât denñande hin dâmap, “Luâk âmbâle lâpio yengât meteyenân sot om nem kep mem bâleñe agi.” aregât ye nângâm hengemgom hain bo akbei. ⁸ Akto yâk yengâlân gâtñe bikñe egâlian bâleñe akmâ luâk âmbâle hanâk hanâk mem hepun akmâ bâleñe agi aregât Anutuñe yengumbo kâmot humo 23 tausen moyi. Nen hain akbâengât den are oyanmâ hamewakmâ âmâ nen hain bo akbaen. ⁹ Akto yâk yengâlânba siânbañe Humonenñet dewunñan âgâ âgânje keñe keñe akberâmbiâ dop yenguep. Aregât mulumñe yengimbiâ moyi. Nen hainâk Anutuñe dop kom bâlewâengât den are oyanmâ hamep akmâ hain bo akbaen. ¹⁰ Wan me wan Anutuñe yengimbo ekbiâ giep. Akto yâk yengâlânba bikñande,

“Anutuŋe bo damun nenŋe akto âmâ lâpio kotŋe mem agatne.” dâmbiâ âmâ mem bâli bâli aŋeloŋe mem bâliyekmâ metiep. Aregât nen hain henengiwoŋe dâm den are oyaŋmâ hamep akmâ hain bo akbaen. ¹¹ Yâk yeŋgâlânba siâ siâ miawagep arekŋe ye hain akbâi dâm dop kalep. Akto hân purik âgâwiapgât sop ewumâk manden nengât Moseŋe den minao ire kulemgoep. ¹² Aregât yeŋgâlân gâtŋe bikŋe nen âlepŋe bâleŋe bo akbaen dâm âmâ bâleŋe akbâigât han biwiyenŋe damunŋe akmâ heŋgemgom manmâ âgâwei. ¹³ Akto yeŋgâlân dopko dopko miawakmâ togomap are luâk hârok nengâlân miawakmap. Gârâmâ Anutuŋe nengât akmâ manmap yâkŋe biwiyenŋe ekmâ biwi yeŋaet kârikŋe bo akbop dâm dopko dopko miawak yeŋgimboân ainâk biwiyenŋe kârikŋe ketugumap, âlepŋe manbaigât dâp tatyenŋiâp. ¹⁴ Aregât akmâ lâpio kotŋe mem agat agatgât are hepunbei.

Kembugât sot nem gaetŋe lâpiogât sot bo nembraen.

¹⁵ Galalupne, ye nâŋgâ nâŋgâ olop mandâi aregât den ire maktere yeŋak nâŋgâm ekŋet. ¹⁶ Hâpuân waiŋ kâim yeŋgimaen are Anutuŋe ekmâ âlepŋe dâmap. Aregât Anutu okot âlepgât mepainŋe mem maŋganmâ aŋgim nemaen. Aregât mendugum kinmâ Kristogât gilâmŋe nengât kâiep dâm nâŋgâm heŋgemgomaen. Akto okot âlepgât maŋganmâ aŋgim akmâ sot mem munditmâ nem Kristo olop kâmot konok akmaen aregât mindugum kinmaenân Kristo nengât dâm hâkŋe yeŋgimbo mem bâliyi are nâŋgâm heŋgemgomaen. ¹⁷ Sot koaŋe konok aŋgim akmaen aregât bunŋe nen luâk âmbâle dondâŋe gala kâmot konok akmaen. ¹⁸ Akto ye Yuda luâk agak meme memai are nâŋgâm heŋgemgoŋet. Sumbe katmâ ombiâ ondo nembiaâ âmâ ainâk Anutuŋe meme wâtŋe akyenŋimbo kâmot konok akmai. ¹⁹ Gârâmâ den yu kulemgoân aregât keiŋe hin. Luâk âmbâle lâpiogât sumbe omai arekŋe âlepŋe bo aktâp. Akto lâpio are âkâ bunŋe bo aktâp. ²⁰ Gârâmâ luâk âmbâle Anutugât bo nâŋganmaiŋe lâpiogât sumbe omai are amâ sinduk baniara bâleŋaet nâŋganmâ omai. Aregât nâ yeŋgât hin maktân. Ye

sinduk baniara bâleŋe are yeŋgât bonâŋgâ yeŋgiwei. Amâ sinduk baniara olop kâmot konok akbâigât. ²¹ Ye mendugum emet siân âgâm Humoŋe nengât moep nâŋgâm aregât sot tu nem metem âmâ ainba gain gain arim sinduk baniara bâleŋe olop menduguwai? Hain bo akŋet. Ye Humogât sot kat kat ainba sot nem manmâ âmâ ainba sinduk baniara yeŋgât kat kalânba sot nembiaâ âmâ bâleŋe dondâ akmap. ²² Ye sinduk baniara areyeŋgât nâŋgâmbiâ humo akto âmâ Humoŋe nâŋgâ yeŋgimbo bâleŋe akmap. Are miawagâkgât hain meyi mon? Nengât kârikŋenennande âmâ Anutugât kârikŋeŋe ewangimap dâmai mon?

Wan me wan hârokŋe amâ bo tân nengumap.

²³ Akto ye hin dâmbiâ nâŋgân. Kotŋe siâ siâ hârok tatnengimap are mem mandenŋe ârândâŋ akmap dâyi. Aregât makyenŋiwei. Bundâk magi. Gârâmâ kotŋe siâ siâ hârok tatyenŋimap arekŋe âmâ âlepŋe bo tânyenŋumap. Akto biwiyenŋe bo mem kârikŋe ketugumap. ²⁴ Aregât ye yeŋaet bo nâŋgâm âmâ galalupyenŋe yeŋgât nâŋgâ aŋgiwei. ²⁵ Han lâuwâ akbâigât ye kâmolân songo puligowerâm nâŋgâm hanâk puligom om nembei. Akto sot ire yânŋe me lâpio dewun yeŋânba togoâp hanâk om nembe dâm makmâ nâŋgâmâk bo akbei. Akto hanokoak bo akbei. ²⁶ Amâ hingât. Hân ire amâ Humonenŋaet aktâp. Akto wan me wan hânân yendâp akai Humonenŋaet aktâp. ²⁷ Dâ luâk âmbâle Anutu bo nâŋgâ aŋmaiŋe yeŋgâlân gâtŋe siâŋe yeŋgondo emetŋân âgâmbiâ sot songo om yeŋgimbo nâŋgâmâk bo akmâ hanâk nembei. Akto ai pei bo agaŋbei. ²⁸ Gârâmâ siâŋe songo ire lâpio yeŋgât sumbe dâmbo âmâ luâk aregât nâŋgâmâk akmâ borâwei. Are nembiaâ luâk makyenŋimbo aregât biwiŋe bâliwop dâm bo nembei. ²⁹ Luâk aregât biwiŋe bâlewop dâm hain akbei. Dâ biwige amâ âlepŋe agâk. Aregât hin makbei. Nâ wan me wan nendere biwine ârândâŋ akmap aregât luâk siâŋe nâŋgât nâŋgâniŋdo wangât bo bâlimap. ³⁰ Akto nâ Anutuŋe han kalemŋaet niŋepgât akmâ mepai mearŋmâ sot nendere wangât siâŋe

nângâm bâliniḍâp? ³¹ Gârâmâ hin akbei. Ye sot sonḡo nemberâm me wan me wan akberâm Anutu okot âlep aganmâ kotḡe mem agatmâ mepaiḡe membei. ³²⁻³³ Akto nâ luâk keiḡe keiḡe arekḡe nekbiâ âlepḡe agâkgât neman. Dâ nunaet siâ siâ âlepḡe akmangât bo nângâm luâk âmbâle dondâ den pat âlepḡe nângâmbiâ Anutuḡe heḡgemgoyekbiap dâm luâk âmbâle siâ siâgât ukenyeḡe meman. Akto ye hainâk Yuda luâk me Girik luâk bikḡe akto Anutugât luâk âmbâle yeḡgât dewunyeḡân dosa bâlâk manbiâ yekbiâ bo bâliwiapgât yâk yeḡgât nângâyeḡiwei.

11

Luâk âmbâle keineneḡe.

¹ Galalupne, nâ Kristo wan me wan miap are hainâk meman aregât ye hainâk nângât agak memene watbei. ² Ye nâ wan me wan agân are nângâm makmâ hâre hârenaet den are watmâ mali are nângâre âlepḡe aktâp. ³ Dâ ire siâ maktere nângâḡet. Anutu âmâ Kristogât Kautḡe akto Kristo âmâ luâk nengât Kautnenḡe akto luâk âmâ âmbâle yeḡgât kautlupyeḡe. ⁴ Aregât luâk siâ sâḡumḡe kautḡe tigim kinmâ Anutu ulilaḡbiap me Anutugât den dât makmâ miawakbiap âmâ kautḡe aḡun meanḡbiap. ⁵ Me âmbâle siâ sâḡumḡe kautḡe bo tigim kinmâ Anutu ulilaḡbiap me Anutugât den dât makmâ miawakbiap are âkâ hainâk kautḡe aḡun meanḡbiap. Akto âmbâle gulip manmai olop are dopyeḡe konogâk aktâp. ⁶ Aregât keiḡe âmâ hin. Âmbâle siâ Anutu ulilaḡberâm kautḡe bo tigim kinmâ hâkḡe mem agatmap aregât yeḡe âmbâle bâleḡe siâ kautḡe dumutḡe hârem anditmai aregât âmbâle are aḡun aḡgiâkgât kautḡe dumutḡe hârem anditbai. Dâ âmbâle hain arekḡe aḡun aḡim âmâ benḡe âlepḡe kautḡe tigim manbiap. ⁷ Luâk âmâ kautḡe bo tigim manbiap. Yâk Anutugât tirip akto Anutuḡe ikiḡe kârikḡe miawagâkgât mânginenegep. Dâ âmbâle âmâ luâkgât pagaleḡe ulikḡe. ⁸ Luâk âmâ âmbâle gâlânba ulikḡân bo miawagep. Âmâ âmbâleḡe luâk gâlânba miawagep. ⁹ Akto Anutuḡe luâk âmbâlegât akmâ manbiapgât bo mângieḡe. Bo. Âmâ âmbâleḡe luâk tâḡgom manbiapgât mângieḡe.

¹⁰ Aregât âmbâleḡe luâkgât amukḡân mandâpgât sâḡumḡe kautḡe tigiangim manbiap. Âmâ yân mando Aḡeloḡe ekbiâ bâliwopgât. ¹¹ Aregât hanâk luâk ikiḡeâk ikiḡeâk manmâ âgâwai me âmbâle ikiḡeâk ikiḡeâk manmâ âgâwai aregât Kembuḡe âmâ bo makmâ hâriep. ¹² Gârâmâ Anutuḡe luâk mem âmbâle ketuguep. Dâ hinḡe âmbâle memelupnenḡe yeḡgâlânba luâk miawakmaen. Akto siâ siâ are hârok Anutugâlânba miawagion. ¹³ Aregât ye yeḡeâk den are mem nângâm heḡgemgom potatbei. Âmbâleḡe kautḡe bo tigiakmâ Anutu ulilaḡbiap are âmâ agak meme âlepḡe me gain? Bo. ¹⁴ Aregât keiḡe hin. Luâk âmbâle nengât agak meme âmâ hekat yeḡgimap. Âmâ benḡe hin luâk siâ dumutḡe kâlep are âmâ bo huraguâp. ¹⁵ Dâ Anutuḡe tigiakḡet dâm âmbâle dumutyeḡe kâkâlep yeḡgieḡe are âmbâle dumutyeḡe kâkâlep are âmâ âlepḡe. ¹⁶ Akto luâk siâḡe iregât denḡe borâm hâkâḡ akmâ kuk akbiap âmâ yâk âkâ hin nângâm heḡgemgowiap. Anutugât kâmotlupḡe aposolo nen âmâ âmbâle kautyeḡe tigiangim manbei dâm manmaen.

Kembugât sot hilipkoyi.

¹⁷ Akto den siâ hin. Ye mendugum kinbiâ agak meme âlepḡe bikḡeâk miawakmap. Dâ agak meme bâleḡande dondâ miawakmap. Are nângâre bâliâp. ¹⁸ Akto yekâ agak meme hin akbei. Yeḡeâk miti emetḡân âgâm hârem potalakmai. Nâ den iregât bunḡe me gain dâm bikḡe nângân. ¹⁹ Akto ye hain akbiâ âmâ hâmbâi luâk âmbâle bikḡe agak meme âlepḡân manmai are tektekḡân miawakbiâ yekbai. Are miawagâk dâm hâreakmâ awam mewam akmai are yeḡgâlân miawaktâp. ²⁰⁻²¹ Akto yeḡgât agak meme hin nângân. Ye mendugum kinmâ konok konok hârogâk dowâk yeḡaet sot areâk nemai. Hain akbiâ bikḡe âmâ mop yeḡe aguep. Dâ bikḡe âmâ tu kârikḡe dondâ nem biwi gulip akmai. Aregât ye Humonenḡaet sot bo nembai. Bo. ²² Ye sotgât nângâm âmâ benḡe emetyeḡân tatmâ ain sot tu nembei. Agak memeyeḡe nângâm hin dân. Yeḡe âmâ Yesugât kâmot yeḡgât nângâmbiâ yânḡe akto galalupyene sot bo tatyengimap are bikḡe bo yeḡgimai

are âmâ yengimbiâ anjun meyenngimai. Nâ yengât gain gain makbe? Nâne hanâk yengât kotyene mem agatbian me bo? Bo, agak meme akmai are nângâre kambiamne bâliep.

Kembugât sotgât den.

²³ Akto Humonennde sot aregât keine hekat niñdo emelâk makyengiân are lâuwâne makbe. Hândâknân Yudasi Yesu gasalupnâelân katberâm agep sop ain Yesu Humonenne sot mem ²⁴ Anutu âlepne dâm mepainje mem maganmâ munditmâ hin dâep, “Nunaelân dop katmâ makyengire nângânet. Nângât pat nelâm yengiwopgât sot ire nem manbei.” ²⁵ Hain dâmbo nemiâ bo akto wain hâpurâ siâ mem hin makyengiep, “Wain irekne Anutugât dâp irakne miawakbiapgât nugumbiâ gilâmne gewerâp aregât dopne aktâp are nelâm yengiwopgât tu ire nem manmâ âgâwei.” dâep. ²⁶ Ainba âmâ Humo moep aregât den pat makmâ âgâwei ye sot tu nem akmâ âgâm manbiâ Humonenne togowiap. ²⁷ Hain gârâmâ luâk âmbâle siâne kotne hanâk hanâk akma tu sot are nemiap amâ Humonenjaet gilâmne kâim hâkne yengimbo kombiâ moep are hâkân akma mando dosa miawaganbiap. ²⁸ Aregât dosa Anutune kondo bâleje humo miawaganbiap aregât ye nem kinbaiân ainâk biwiyene ekbei. Biwiyene ekbiâ ârândân akto ainâk âgâm sot tu nembei. ²⁹ Luâk siâ Kembugât sot bunne bo ekmâ nânganmâ henggom nemiap yâk âmâ dosa nemiap. ³⁰ Dâ yengâlân gâtne hanâk hanâk agi aregât kundat mem miawakmâ bikne mom meteyi. ³¹ Gârâmâ nen biwinenne mem potatmâ hengemgoyion dâine Humonennde umatne ire bo nengimbo miawakbop. ³² Dâ Humonennde umatne ire nengiep aregât hin nângâmaen, “Humonennde biwinenne orem miwindik nengiepgât hain agep.” dâmaen aregât siân hângât luâk âmbâle denân hâkyene tunbiap ainâk nen tunbop. ³³ Hain gârâmâ Anutugât sot nenegât mindugum bikne yengât âkâ lâmyengumbiâ togom metemiâ nembei. ³⁴ Akto mindugumbiâ gulip akto Anutune hâune yengiwopgât hin akbei. Yengâlân gâtne biknande sotgât mopne

agumbo âmâ uliknân yene emelan nembai. Gârâmâ den bikne amâ nunak togomân âmâ makmâ hengemyenguwian.

12

Heakne âi memap.

¹ O Galalupne, Anutugât Heakne yâkne âigât wan me wan nengimap, aregât pâpkowâi dâm makyengiwe. ² Ye nângâi. Uliknân bâleje ambolupnande siâ me siâ lâpio den bo makmai yengâlân oloñ yekbiâ yekâ lâpio yengât nângâmbiâ bunne agep. ³ Akto siâne Yesu bâlende kondo bo akbiap dâmbo âmâ Anutugât Heaknande kautnân bo memap. Dâ luâk siâne Yesu amâ Humonenne dâmbo âmâ Anutugât Heaknande kautnân mendâp are nângâm hengemgowe.

⁴ Akto Anutugât Heakne konogâk tatâp gârâmâ kautnennân mem okot âlepgât nengimbo kulem kotne hârok miawak nengimap. ⁵ Dop hainâk âi wan me wan dondâ tatnengiâp gârâmâ Humonenne konogâk tato hon bawa aganmaen. ⁶ Hainâk Anutune konok âi kotne hârok nengimbo âi are âlepne kenuñmaen. ⁷ Aregât keine hin. Anutune Yesugât kâmot hârok âlepne manbai dâm ikinjaet Heakne hungunando nen tânaguwaengât konok konok meme aknengimbo âi siâ mem kârikne kenuñmaen. ⁸ Aregât nengâlân gâtne siâ Anutugât Heaknande meme agando den bunne makyengimap. Dâ nengâlân gâtne siâ âmâ memene agando nângâ nângâ âlepne nângâm manmap. Gârâmâ Heak konokgât. ⁹ Heak kârikne arekneak agando han biwiyene Yesu nânganmâ kârikneâk katmâ manbai. Dâ Heak Kârikne arekneak luâk siâ agando diwirâ kundatdâ makto âlepne akbai. ¹⁰ Dâ siâne âmâ kulem memap. Dâ siâne âmâ Anutu wan me wan akbiap aregât keine maknengimap. Dâ siâne âmâ sinduk baniara yâkgât keine nângâm potat yekmâ ire âlepne ire bâleje dâm aregât nângâmap. Dâ siâne âmâ den siâ siâ makmap. Dâ siâne âmâ den siâ siâ are nângâm nengât denân purikmâ keine maknengimap. ¹¹ Akto wan me wan ya maktân ire amâ Anutugât Heakne konok irekneak nângâ nângâ dondâ mem

ukenjaet akmâ kinmâ kinmâ nângâ nângâ are Yesugât kâmot konok konok siâ siâ ârândân nengimap.

Hâknenne amâ konogâk, dâ siâ me siâne amâ dondâ.

¹² Ya maktân aregât den dopne kulemgowe. Luâk amâ hâk nenne konogâk amâ siâ siâne hârok amâ dondâ. Akto siâ siâne hârok amâ hâk konogâk are dop hainâk Kristogât kâmot dop konogâk akmaen. ¹³ Akto Kristogât kâmot nen amâ siâ siâ Yuda luâk âmbâle akto Girik luâk âmbâle akto biken amâ hon bawa manmai dâ siâ amâ luâk kotdâ manmai gârâmâ Anutuje hanâk dâm ikinjaet Heakne hungun anjo meme wâtne aknengimbo hâk biwi konogân agion. ¹⁴ Hâk are amâ konok bo. Amâ siâ me siâne dondâ. ¹⁵ Aregât keinenne den hin dâwop, “Nâ bânne bo aregât nâ hâkgât bo tatman.” dâwop. Keinenne amâ hâknennaet bikne. ¹⁶ Akto ondopnenne hin dâwop, “Nâ hâkgât dewunne bo aregât nâ yân hâkgât bo agân.” dâwop. Âlepne ondop nenne amâ hâknennaet bikne tatâp. ¹⁷ Akto nengât hâknenne dewunnenne humo konok akmap dâine ondopnenne bo tato den bo nângâwâen. Akto hâknennaet ondopnenne humo konok akmap dâine hâme nenne bo tato higenne bo nângâwâen. ¹⁸ Dâ hâknenne hain bo. Anutuje ekmâ nângâm kinmâ nângâ nângân luâk dewatim konok konok hârok kalep. ¹⁹ Akto hâknenne ikinjeâk bikneâk konok dâine hâk bunne amâ bo tatnengiwo. ²⁰ Amâ hain bo. Hâkgât siâ siâne dondâ. Dâ amâ hâknenne konogân akmap. ²¹ Akto dewunnenne bânne den hin maganbop, “Gâ bo tatât dâine nâ nunak âlepne tatbom.” dâwop. Me kautnenne den keinenne hin dâm bo maganbop, “Gâ bo tatât dâine nâ nunak âlepne tatbom.” dâwop. ²² Hain bo hâknennaet biken amâ kârikne bo dâmai are bo tatâp dâine hâk ire âlepne bo tatbop. ²³ Akto nengât hâknenne bikne ekbâirâm are sângunne âlepne tigimaen. Akto hâknenne bikne âlepne dâmaen are amâ bo tigimaen. ²⁴ Gârâmâ Anutuje hain bo akmap yâk hâk keine hârok mem mendugum ketuguep. Aregât hâknenne bikne

bo dâmai are Anutuje kot dondâ yengonlep. ²⁵ Yâkne hain agepgât amâ hâknenne hogoakmâ biken biken akbop. Dâ biken biken tânagum kinbaigât Anutuje hâknennân kotne bo are dâmaen ikinjeâk ikinjeâk yengonlep. ²⁶ Aregât hâknennân konokne hâk hilâlâmne nângâmbo hainâk hâknenne hârok hilâlâm nângâmaen. Dâ hâk biknande âlepne kinbiâ hârok herone akmai. ²⁷ Den ginne yu kulengoân aregât keine hin. Ye Kristogât kâmot hâkyenjaet dop hainâk konogân agi. Akto ye konok konok Kristogât hâkne siâ siâne akmâ manmai. ²⁸ Akto Anutuje Yesugât kâmot are hutnennân hin katnenegep. Nengâlân ulik gulik bikne Aposolo aknet dâm katnenegep. Dâ haminân luâk bikne Anutuje wan me wan akbiap aregât keine makbiâ nângâmaen. Dâ haminân luâk bikne den kepikmâ makyengimaen. Dâ haminân kulem kotne siâ siâ memaen. Dâ haminân kundatdâ hengem yengumaen. Dâ haminân kârikne bo tatyengimap are tân yengumai. Dâ haminân puli me emet me âigât damunnenne akmai. Dâ bânne amâ den siâ siâ makmai. Luâk âmbâle ya yengondân are Anutuje âi aregât katyegep. ²⁹ Aregât Yesugât kâmot nen amâ Aposoloâk hârok bo akmaen. Akto Anutuje wan akbiap are nen hârok bo makmaen. Akto hârokne bo den kepikmâ makyengimaen. Akto kulem siâ siâ hârokne bo memaen. ³⁰ Akto hârokne bo kundatdâ hengem yengumaen. Akto hârokne den siâ siâ bo makmaen. Akto siâ siâ are nângâm bo purikmaen. ³¹ Akto Anutugât Heakne memene aknengimbo wan me wan âlepne bikne ewangiyekmai are egâlianmâ ninben dâm Anutu ulilanbei. Dâ okot âlep nengimap aregâtne siâ siâ hârok ewangi yekmap aregât keine makyengiwe.

13

Han kalemgât keine.

¹ Galalupne, nâne amâ luâk yengât kepia siâ siâyengât makmâ anelo yengât den hainâk makmâ amâ han kalem bo akyengim amâ makmakne amâ yân

munjeâk makman. Amâ guŋgâŋe in-demap hain makman. ² Me Anutugât nâŋgâ nâŋgâ katbiap are nâŋgâm makyenġiman me wan me wan yoŋâk tatmap are nâŋgâm meteman me biwine kârikŋe kat katgât tatniŋdo aregât gimbâŋe maganġdere biken arimap gârâmâ okot âlepġât dâp bo tatniŋdâp amâ yânŋe akman. ³ Me nâŋgât siâ siâ hârok luâk âmbâle umburuk yeŋgiwiap me gasa togombiâ hanâk manmanŋe bo gangerâm amâ hâkne hâkâŋe dâre kâlâwân katnekbiâ ombiap. Dâ amâ han kalem bâlâk manman amâ siân âi aregât hâuŋe bo miawakniŋbiap.

⁴ Akto luâk siâ han kalem akmâ okot âlep agakġât talaŋbiap arekŋe siâ siâ agaŋmâ dowâk bo kutigitmai. Akto luâk dondâ tân yeŋgumap. Akto luâk siâ me siâ undup miawagaŋdo are nâŋgâmbiâ bo bâliwiâp. Akto âġâ âġâŋe bo akmap. Akto yeŋaet nâŋgâmbiâ bo âġâmap. ⁵ Akto luâk âġâ âġâŋe kotŋe hanâk hanâk bo makyenġimap. Akto ikiŋaet ukenŋe bo watmâ amâ galalupŋe yeŋġât ukenyeŋe watmap. Akto kambiamŋe dowâk bo bâlimap me yâġġât akmâ bâli anġiâ are yeŋġât bo nâŋgâmap. ⁶ Yâk bâleŋande sambelem arimbo nâŋgâmbiâ âlepŋe bo akbiap. Dâ den pat âlepŋande sambelem arimbo nâŋgâmbiâ ârândâŋ akbiap. ⁷ Yâkŋe umatŋe siâ siâ hârok lokomap. Akto hilâm ârândâŋ Anutugâlân biwiŋe humo katmap. Hain akmâ Anutugât mârum lâmgomap. Akto umatŋe siâ siâġġât kârikŋe akmâ kinmap. ⁸ Akto okot âlep agak meme are amâ dowâk bo boakbiap. Are amâ manmâ manmâ âġâwiap. Dâ Anutugât den âlepŋe makmak arekŋe amâ âiŋe bo akbiap. Akto den siâ siâ keiŋe keiŋe are amâ bo akbiap. Akto nâŋgâ nâŋgâġġât âi meme arekŋe amâ âiŋe bo akbiap. Dâ okot âlep agakġât amâ bo boakbiap. ⁹ Akto hinŋe amâ nâŋgâ nâŋgânenŋe amâ bikŋeâk bikŋeâk nâŋgâmaen. Akto Anutugât den âlepŋe are hainâk bikŋeâk bikŋeâk makmaen. ¹⁰ Dâ hâmbâi amâ wan siâ âlepŋe dondâ arekŋe miawak nengimbo amâ sop ain siâ siâ bikŋeâk bo akbiap. ¹¹ Ulikŋân nâ nanaŋnân manminiân sop ain nanaŋ yeŋġât den hogoân. Akto nanaŋ gurukŋe han nâŋgâm

manminiân. Akto nanaŋyeŋġât nâŋgâ nâŋgâ hain nâŋgâminiân. Dâ hinŋe amâ luâk humo akmâ kinmâ nanaŋ agak meme are hepulân. ¹² Akto nen amâ tu bâtgumŋân enem dewunnenŋe egakmaen are amâ gulip milip akmap. Gârâmâ hâmbâi sop humoân ain amâ Anutugât enem dewunŋân miawâk ekbaen. Akto hinŋe amâ bikŋeâk bikŋeâk nâŋgâmaen. Dâ hâmbâi amâ Anutuŋe keiŋânbak nenekmâ nâŋgâm heŋgemgo nengiep dop hainâk wan me wan hekatnengimbo hârok ekmâ nâŋgâm heŋgemgowaen. ¹³ Aregât wan me wan amâ hilâmŋe hilâmŋe tatmâ âġâmap are amâ biwi Anutugâlân kat kat agak meme akto Anutugât lâmgô lâmgô are akto okot âlep kat kat are. Dâ ire konok amâ âlepŋe dondâ hârok ewangiyekmap, okot âlep agak meme are.

14

Den siâ siâ magi areġât den.

¹ Galalupne, ye okot âlep agakġât kârikŋe akbei. Akto okot âlep aknengimap areġât Heak âlepŋe siâ siâ nengimap are Anutu ulilanmâ membei. Dâ âi ulik gulik are amâ hâk hilâlâm akmâ membei amâ hin. Anutugât den âlepŋe makmak areġât Anutu ulilanbei. ² Aregât keiŋe makyenġiwe. Luâk siâŋe den siâ me siâ makberâm amâ Anutu konok maganġbiap. Dâ luâk olop kinbai arekŋe Heakŋe meme agaŋdo den siâ me siâ irakŋe tiktikŋe makto areġât yâġġât den bo nâŋgâmbiâ denŋe arekŋe bo tânyenġumap. ³ Dâ luâk siâŋe Anutugât den âlepŋe makbiap arekŋe amâ luâk âmbâle tânyenġum nâŋgâ nâŋgâyeŋe are mem kârikŋe ketugumap. Akto agak meme âlepŋe akŋetġât goaŋyekmap. Akto biwiyenŋe mem âlepŋe ketugum heŋgem yeŋgumap. ⁴ Dâ luâk siâŋe den siâ siâ makbiap amâ ikiŋe nâŋgâ nâŋgâ mem kârikŋe ketugu akmap. Siâ bo tânyenġumap. Dâ luâk siâŋe Anutugât den âlepŋe makmap are amâ Yesugât kâmot mem kârikŋe ketugu yekmap. ⁵ Ye hârok den siâ me siâ are makŋetġât amâ ewiâk. Dâ Anutugât den pat âlepŋe makyenġimbiâ nâŋgâmbiâ amâ ârândâŋ dondâ akmap. Luâk siâŋe Anutugât den pat âlepŋe makmap arekŋe luâk

den siâ me siâ makmap are ewangimap. Gârâmâ den are purikmâ yenjaet denân makyenjimbo ârândânj âlepne akmap.

⁶ Aregât siâkâ makbe. Nâne yengâlân aregen togom den siâ me siâ makyengire âmâ ye bo nângâm hejgemgomai. Akto togom Anutuñe den bikñe niñep me nângâ nângâyeñe kârikñe agâkgât den are me Anutuñe wan membiap aregât keñe makyengire âmâ ye den are dowâk nângâmbiâ den arekñe tân yenguiwip.
⁷ Aregât den dopñe siâ makbe. Siâ me siâ golâ bo akmai yânñe kamam me lâmun are âmâ konbiâ munñe âlepñe bo akto âmâ gain gain nângâwaen.
⁸ Me luâk siâñe kukgât kot pâpkom kondo båtânñe indembo âmâ tembe loko kuk akberâm bo hejgem aguwai.
⁹ Yu maktân are bâleñe indembo luâk bo nângâwai aregât yeñe dop hainâk luâk bikñande den bo nângâmai are makbiâ âmâ denyene are yânñe akmâ luâk âmbâle siâ bo tânyenguiwip. Amâ yân mesok gosok makbai.
¹⁰ Akto hânân den siâ siâ dondâ yendâp are âmâ luâk konok konok yenjaet den are nângâmai. Akto keñe nângâmai.
¹¹ Aregât luâk siâñe ikiñjaet den nâ bo nângâman are makniñdo nângâm, “Wei, luâk ire âmâ denyene siân gâtñe.” dâre yâkâ hainâk nekmâ, “Woe, luâk ire âmâ denyene siân gâtñe.” dâm makto nângâ anjiwaet.
¹² Akto ye amâ hainâk ye Anutugât Heak âlepñande memene akyengimbo wan me wan okot âlepgât miawak nengimap. Are memberâm kârikñe akmâ Anutu ulilañmai aregât Yesugât kâmot kârikñe yeâkgât aregâlâk nângâm ulilañbei.
¹³ Hain gârâmâ luâk siâñe den siâ me siâ makbiap âmâ ainâk Anutu hin ulilañbiap, “Den maktân ire mem purik katbiangât dop olowâk niñbiat.” dâm ulilañbiap.
¹⁴ Aregât hin makbe. Nâne den siâ me siâ makbian âmâ biwinânâk Anutu ulilañbian. Dâ nângâ nângâne are amâ yân tato bo ârândânj akbiap.
¹⁵ Aregât hin nângân, han biwine akto nângâ nângâne are hârok mem Anutu ulilañbian are âmâ ârândânj akbiap hain nângân. Aregât ye hain nângâwei. Akto biwinânâk Anutugât kotñe mem agat agatgât kep memberâm âmâ ainâk nângâ nângâne olop kep membian.
¹⁶⁻¹⁷ Aregât

benñe ye hain bo akmâ âmâ biwiyenânâk makmâ Anutu okot âlepgât den bunñe maganmâ den siâ me siâ maganbiâ denyene arekñe luâk âmbâle bikñe Yesugâlân gâtñe bo are bo tânyengumap. Bo tânyengumbo âmâ luâk âmbâle arekñe denyene bo nângâm hejgemgom gain gain, “A bundâk.” dâm makbiap? Denñande bo tângombo aregât bunñe bo makbiap. Aregât den âlepñeâk makbiâ denyene luâk âmbâle bikñe tânyenguiwip.
¹⁸ Akto nâne ye hârok den siâ me siâ makmai aregât den siâ siâ makmâ ewangiyekman aregât Anutugât mepaiñe meman.
¹⁹ Dâ luâk âmbâle hârok mendugum kinbiâ ainâk âgâm den getek den yenân maktere nângâmbiâ nângâ nângâyeñe kârikñe akbiap are nângân. Dâ den siâ siâ bonângâmai are âmâ dondâ makyengim manbian aregât nângâre yânñe aktâp.

Nananj gurukñande nângâmai han hainare bo akkaen.

²⁰ Galama, ye nananñe han nângâmai hainare bo nângâwei. Dâ agak meme bâleñe are âmâ nananñe bo nângâmai ye gai hainâk bo nângâwei. Dâ nângâ nângâyeñe nanan yengât hainâk bo akmâ âmâ luâk âmbâle nângâ nângârâ yengât hainâk akbei.
²¹ Anutuñe makto kulemgoyi biken hin tatâp,

“Humoñe hin dâep, “Luâk bikñe denyene siâ Yuda luâk are yengâlân hungun yengire arim denyene siâ makyengimbiâ Yudagâtñande hanâk dâm misik nângât laune bo lokowai.” Humoñe hain dâep.”

²² Aregât luâk siâñe kepia siâgât den makto âmâ den arekñe Yesugât kâmot are Anutu mandâp aregât keñe bo makyengiwop. Dâ den arekñe luâk âmbâle biwiyene Yesugâlân bo katmai are Anutu mandâp aregât keñe hekatyengimap. Akto Anutugât den âlepñe makmak are âmâ luâk âmbâle biwiyene Yesugâlân bo kali are yengât bo. Are amâ Yesugât kâmot are yengât.
²³ Aregât ye Yesugât kâmot mendugu akmâ den siâ siâ makbiâ luâk âmbâle nângâ nângâyeñe bo me biwiyene Yesugâlân bo kali arekñe âkâ âgâm âmâ yekmâ, “Woe, Yesugât kâmot sinduk

akmai.” dâwai. ²⁴ Gârâmâ ye hârok Anutugât den âlepņe makbiâ luâk siâņe nâņgâ nâņgâņe bo me biwiņe Yesugâlân bo kalep arekņe nâņgâmbo denyeņe arekņe biwiņe erâmbo ikinņet agak meme bâleņe nâņgâmbo ye are ekmâ yâkgât keiņe nâņgâm henġemgowai. ²⁵ Akto yâkgât bâleņe miawakto aregât hâkņe mendo gembo Anutugât kotņe mem agatmâ yekmâ hin dâwiap, “Bundâk, Anutu hutyeņân tatâp.” dâwiap.

Mitigât menduguwerâm âmâ han gâliwân bo menduguwaen.

²⁶ Hain gârâmâ gain akbai? Menduguwaiân siâ amâ kepgât. Dâ siâņe âmâ makyenġiwiapgât membiâp. Dâ siâ âmâ Anutuņe wan me wan akbiap aregât keiņe makyenġiwiap. Dâ siâ âmâ den siâ siâ makbiap. Dâ siâ âmâ den are purikmâ den yeņân makbiâp. Are amâ hârok luâk âmbâle mem kârikņe ketugu yekmapgât. ²⁷ Akto hanâk dâm den siâ siâ makberâm akbiâ ainâk luâk konok me lâuwâ areâk den siâ siâ makbai. Akto hârokņe olowâk den bo akbai. Siâņe soņ makto siâņe hamiņân makbiap hain akbai. Hain akbiâ âmâ siâņe âmâ den are purikmâ makyenġiwiâp. ²⁸ Dâ den purik purik luâk bo tato âmâ luâk den siâ me siâ makmai arekņe menduguwaiân ain yân kinmâ ikinņak Anutu olop den akbiandat. ²⁹ Akto Anutugât den âlepņe makmai arekņe lâuwâ me âlâwu akmâ konok konok makbei. Hain akbiâ luâk âmbâle bikņande den mem potatmâ nâņgâm henġemgowai. ³⁰⁻³¹ Akto Anutugât den âlepņe are konok konok makbiâ ye hârok nâņgâmbiâ nâņgâ nâņgâyeņe kârikņe akto biwiyeņe owâiņe agakgât hin akbei. Yâkgâlân gâtņe siâ tato Anutuņe den siâ kalaņdo âmâ benņe luâk emelâk kinmâ makyenġimâp are âmâ âlepņe makyenġim metemboân ainâk âlepņe agatmâ makyenġiwiap. ³²⁻³³ Akto Anutu amâ gulip melipgât amboņe bo. Yâk amâ biwinenņe sânduk gewiapgât amboņe akto lumbegât amboņe aregât Anutugât den makyenġiwerâm âmâ yeņet biwiyeņe damunņe akmâ kinmâ makyenġiwei.

Âmbâleņe mitigât mendugum tatmâ den bâlâk tatbei.

³⁴ Akto Yesugât kâmot hârok mindugum kinbiâ ainâk âmbenlupyeņande bo makyenġimai. Yeņgât âmbenlupyeņe menduguwaiân yân tatbei. Yâkņe den bo makbei. Yâkņe âmâ amukyeņân tatbai aregât keiņe Anutuņe makto Moseņe kulemgoep hain tatâp aregât âmbenlupyeņe menduguwaiân âgâm âmâ yân nâņgâmâk tatbei. ³⁵ Akto âmbâleņe mete kinmâ makyenġimbo âmâ bo ârândâņ akmap aregât yâkņe den siâ keiņe nâņgâwerâm akbai âmâ emetyeņân tatmâ luâklupyeņe aiyenġuwai. ³⁶ Akto yeņgât agak meme nâņgâre bâleņe aktâp. Ye hin dâmai, “Anutugât keiņe nengâlân soņ miawagep akto nenņeâk Anutugât keiņe nâņgâmaen.” ye hain nâņgâmai aten. ³⁷ Akto areâk bo. Yeņgâlân bikņe agatmâ hin dâmai, “Anutugât keiņe emelâk nâņgâm meteyion akto Anutugât Heak âlepņande kautnenņân mendo nâņgâ nâņgânenņe humo agep.” dâmai amâ hin nâņgâwei. Den yu nâņe kulemgoân ire âmâ Humonenņet den kârikņe oyaņbiâ bunņe akbiâp. ³⁸ Akto hain bo nâņgâmbiâ aregât nenņe luâk aregât bo nâņgâ aņmâ manmaen. ³⁹ Galalupne, den kâllep yu kulemgoân aregât keiņe bâlensiâ Anutugât den makyenġiwei aregâlâk nâņgâm Anutu ulilaņbai. Akto siâņe den siâ me siâ makberâmbiâ bo kom hârewei. ⁴⁰ Hain akmâ nâņgâm mem henġemgoweï akto menduguwaiân han biwi konok akmâ manbei.

15

Yesu momoņânba agalep.

¹ Galalupne, nâņe emelâk Anutugât den pat âlepņe makyenġiân. Makyenġire ainâk nâņgâm mem manmâ gayi. Akto ye hinņe den pat âlepņe aregât kârikņân kinmai aregât keiņe nelâmyeņgiwopgât yu kulemgoân aregât nâņgâ nâņgâyeņe hulaņagâkgât ire makbe. ² Akto ulikņân bo henengiât dâm den pat makyenġiân are kârikņe membiâ Anutuņe henġemyeņġuep. Dâ denņe hâkâņe akbiâ âmâ den henġemyeņġuep are yânņe akbiap. ³ Humonenņande den umatņe are soņ makniņep are mem makyenġiân are keiņe amâ hin. Ulikņân Anutuņe makto kulemgoyi bunņe akto

Kristone nengât dosanenŋe watberâm akmâ aregât mondo dosanenŋe bo agep. ⁴ Mondo sumân hangombiâ yem hilâm âlâwuŋân yem momoŋânba agalep aregât keiŋe amâ Anutuŋe makto kulemgoyi. ⁵ Akto momoŋânba agatmâ Petoro miawagaŋdo egep. Haminân hoŋ bawalupŋe keiân konok yengâlân miawakyenŋimbo egi. ⁶ Benŋe haminân luâk âmbâle hanyenŋe yâkgâlân kali dondâ are yengâlân miawakyenŋiep. Akto Yesugât kâmolân gâtŋe 500 hain are ain kinbiâ are yengâlân miawakyenŋimbo egi. Akto luâk âmbâle are amâ bikŋe hinŋe mandâi. Dâ amon siâ emelâk moyi. ⁷ Benŋe ainba Yakobo yâkgâlân miawagaŋep. Benŋe aregât haminân Aposolo hârok yengâlân miawakyenŋiep. ⁸ Akto bânŋe memenande nanaŋ mesokmâ panmap nâ dop hain akmâ miawakmâ malân nângâlân miawakniŋdo egân. ⁹ Aregât nângât keine hin. Yesugât Aposololupŋe bikŋande nâ ewangi nekbiâ yânŋe agân. Akto nânŋe Anutugât kâmot Yesugâlân biwiyenŋe kali are hilip yenguân aregât luâkŋe Aposolo dâm bo yengonmai nâ hain are agân. ¹⁰ Gârâmâ bâleŋe agân are hâuŋe Anutuŋe bo niŋmâ damunne akmâ han kalem akmâ meme akniŋep aregât agak meme hinŋe meman. Akto Anutuŋe okot âlep nângâ niŋep are yân bo tatâp. Nânŋe âi kârikŋe mem Aposolo bikŋe ewangi yegân. Are amâ nunak bo. Anutuŋe okot âlep niŋmâ memenŋe akniŋep arekŋe nângât agak meme are mem miawagep. ¹¹ Akto hanâk nânŋe me Aposolo bikŋe makyenŋienŋe nângâyî aregâlâk bo nângân. Biwiyenŋe Yesugâlân kali aregâlâk nângân.

Yesu golâ akmâ agalepgât nenâkâ golâ akbaen.

¹² Akto yengâlân gâtŋe bikŋe hin dâmai, “Luâk âmbâle moyi are amâ bo agatbai.” dâmai are nângâre dondâ bâliep. Akto nenŋe Yesu mondo Anutuŋe goaŋdo agalep aregât denŋe makmaen aregât wangât hutyenân gâtŋe bikŋande hin dâmai, “Luâk âmbâle moyi are amâ bo agatbai.” dâmai? ¹³ Dâ luâk âmbâle momoŋânba bo agatbai den are bunŋe dâine hin dâwâen Anutuŋe benŋe Yesu gai bo goaŋdo agalep

dâwâen. ¹⁴ Dâ Anutuŋe Yesu bo goaŋep dâine nenŋe den makmaen ire bunŋe bo akbop. Akto biwiyenŋe Yesugâlân kali are hainâk bunŋe bo akbop. ¹⁵ Dâ hain dâine nen Anutuŋe Kristo goaŋdo agalep dâmaen nen amâ Anutugât keiŋe makmaen den are hianŋim mem bâliwâen. Amâ momoŋande bo agatbâi. ¹⁶ Dâ Anutuŋe luâk momoŋânba bo oloŋ yekmap dâine Yesu gai hainâk bo oloŋbop. ¹⁷ Dâ Anutuŋe Yesu bo oloŋep dâine ye biwiyenŋe Yesugâlân kali are bâliwop akto dosayenŋe olowâk manbâi. ¹⁸ Akto luâk âmbâle biwiyenŋe Yesugâlân katmâ kinmâ moyi arekâ hainâk yân manmâ âgâwâi. ¹⁹ Akto nen hân iregât manman âlepŋe aregât han biwinenŋande Kristogâlân nângâm kepilâmaen nenâmâ manman âlepŋe are bo miawak nengimap are bunŋe bo dâine nengât umatŋe dondâ arekŋe luâk âmbâle siâgât umatŋe ewangimap arekŋe miawak nengiwoŋ. Aregât luâk âmbâle hârokŋe nengât okot nângâ nengiwoi.

²⁰ Gârâmâ hain bo. Kristo emelâk mondo Anutuŋe goaŋdo agatmâ luâk momoŋe yâk ulikŋân akyenŋim agalep. ²¹ Amâ hingât. Ulikŋân Anutuŋe luâk konok kotŋe Adam are ketugumbo malep yâk amâ nengât keinenŋe aregât yâk bâleŋe akto momogât pat miawakto luâk âmbâle hârok momaen. Dâ hainâk Yesu Kristo amâ luâk konok Humonenŋande gem mondo goaŋdo agalep. ²² Aregât Adam gâlân dewatim mom metemaen. Dâ Kristo olop dewatim akmaen nenŋe amâ mom amâ agatbaen. ²³ Hain akmâ amâ Anutuŋe magep dopŋân agatbaen. Hin. Moyi are yengâlân Kristone soŋ ulik gulik agalep. Akto hâmbâi purik katmâ miawakbiawân nen Yesugât kâmolân gâtŋe nen haminân amâ agatmâ manman golâk manbaen. ²⁴ Sop ain amâ siâ siâ hârok bo akbiap. Akto Anutugât Nanŋande Anutu wan me wan hârok are nengât kautŋe Humo akbiapgât dâm Ewenande siâ siâ amukŋân kalep. Sinduk baniara bâleŋe akto gawamangât âi are gai kondo bo akbiap. ²⁵ Akto âi luâk kautnenŋe akto luâk kotdâ akto luâk kârik kârikŋe are Nanŋaet keiŋaet amukŋân kato tâliyekbiap benŋe yâk kautnenŋe humo

akbiap ain hârok Eweŋe wanbiap. ²⁶ Tatmâ âgâm âgâm gasa are erâm hambu yekbiap. Dâ baine gasa konogâk tatbiap are amâ momogât dop akai bân dâm kondo bo akbiap. ²⁷ Aregât Anutuŋe Kristogât makto kulemgoyi bikŋe hin tatâp, “Anutuŋe ikinje hoŋ bawagât amukŋân siâ siâ katbiap hain tatâp.” Gârâmâ Anutuŋe hain akbiawân ikinje amukŋân bo kalakbiap. Akto sop humoân den are bunŋe akto aregât Kristoŋe amâ luâk âmbâle me wan me wan kotŋe hârok kautnenŋe tatbiap. ²⁸ Hain akmâ bân dâm Amboŋande wan me wan nanŋaet amukŋân kato talep yâkŋe hârok damunyeŋe agâkgât amukŋân tatmâ manmâ âgâwâp.

²⁹ Akto yengâlân gâtŋe bikŋande momoŋe tânyenŋuwerâm tu pulinenekŋet dâm manmai. Dâ Yesu agalep den are bunŋe bo daine momoŋe siâŋe bo agatbop amâ momogât akmâ bikŋande wangât tu puliyekmai? ³⁰ Dâ nen hainâk wangât umatŋân manmâ bâsok momaen? Den makyenŋimaen are bunŋe bo daine emelâk den are hepundenŋe bo hilip nenguwâi.

³¹ Yesu Kristo Humonenŋe nâ akto ye heŋgem nenguep aregât yengât ukenyeŋe akman aregât hin makyenŋire nâŋgâŋet. Hilâm ârândâŋ nâŋe âi meman amâ momogât pat meman. ³² Akto hângâlâk nâŋgâmai nâ hainâk akman daine wangât Epeso kepien sonŋo metŋe hainare olop aguagân. Aregât wan siâ bunŋe mi-awakniŋbiap? Akto hângâlâk nâŋgâmai arekŋe hin dâmai, “Hâmbâi mombaen aregât dowâk sot tu nemâk heroŋe akbaen.” dâmai. Akto Yesu bo agalep daine nenŋe hain dâwâen. Hângâlâk nâŋgâwâen. ³³ Aregât biwiyenŋe are bâliwopgât luâk âmbâle Yesu bo agalep dâmai are hepun yekbei. Nenŋe luâk bâleŋe olop bam gutbaen amâ yâkŋe agak memenenŋe âlepŋe nenŋe hilipko nengiwâi are nâŋgâm heŋgemgom amâ hanokoakbei. ³⁴ Akto bikŋe hutyenŋânba Anutugât boâk nâŋgâi den ire amâ ye aŋun meyenŋiân. Aregât momoŋânba agatbaengât nâŋgâm heŋgemgom amâ nâŋgâ nâŋgâ bâleŋe hepunbei.

Hâknenŋe towatŋe siâ mem agatbaen.

³⁵ Akto yengâlân gâtŋe siâŋe hin ain-uguwâp, “Luâk momoŋe amâ gain gain agatbai? Akto hâk gain hinare mem togowai?” dâwâp aregât den hâuŋe hin makbe. ³⁶⁻³⁷ Amâ den kopanŋe. Gâ senŋo urutmenâ hân kâlegen yem ŋasukŋe akmâ bim âgâm amâ pâtkom kâmŋe gamap. Aregât gâ wan siâ siâ ya kâmetmat are amâ yânŋe me momoŋe hain are kâmetmat. Dâ are pâtkom amâ hâkŋe golâ koanŋe hain are bo pâtkomap are nâŋgâm heŋgemgo. ³⁸ Anutuŋe koanŋe amâ ikinje konok konok hâkŋe siâŋaet yengimâp. Akto kâmetenŋe pâtkom amâ hainâk hâkŋe siâ siâ koanŋe hinare bo pâtkomap aregât keiŋe Anutuŋe ikinak nâŋgâm heŋgemgoep. ³⁹ Akto areâk bo. Anutuŋe luâk me sonŋo me duki kâwâluki are hâknenŋe konok bo katnengiep. Luâk nengât hâknenŋe siâŋaet. Akto sonŋo yengât are siâŋaet. Akto lâut yengât are siâŋaet. Akto inŋan yengât siâŋaet. ⁴⁰ Dâ himbimân tatmai hâkyeŋe siâ. Nen hânân manmaen nengât egeknenŋe amâ siâ. Akmâ himbimân tatmâ ariâi are kulemŋe siâ. Akto hânân tatmâ ariâi are kulemŋe siâ. ⁴¹ Dewutâ hilâmân gâtŋaet are siâ akto hândâgân gâtŋe are siâ akto diâ are siâ siâ hârok are. Akto diâ pagaleyenŋe konok bo. Keiŋe keiŋe tatâp. ⁴² Aregât luâk momoŋe agatbaen are akai hainâk tatâp. Amâ hâknenŋe hangomaen are amâ hambumâp. Dâ otnenenŋe akto hâknenŋe irakŋe Anutuŋe mem agatbiap are bo hambuwiap akto bo bâliwiap. ⁴³ Akto hâknenŋe amâ pagaleŋe olop bo aregât mombiap amâ yân kârikŋe bo tatbiap. Dâ agatbaenân amâ hâknenŋe irakŋe pagaleŋe olop Anutuŋe mem agatbiap are kârikŋe dondâ tatnengiwiap. ⁴⁴ Akto hâknenŋe tâmbâ ire amâ hângât aregât mondenŋe hâknenŋe hangombiâ hân akbiap. Dâ hâknenŋe irakŋe hâmbâi Anutuŋe mem agatmâ nengiwiap are amâ manman kârikŋaet.

⁴⁵ Akto Anutugât luâkŋe kulemgoyi bikŋe hin tatâp, “Luâk ulik gulik Adam yâk golâ akmâ agalep.” hain kulemgoep. Dâ beirâ Adam baine hinare Heakdâ manman nengiwiapgât amboŋe agep ⁴⁶ amâ Heakdâ yâkŋe ulikŋân bo agep. Hânân gâtŋe sonŋ

ulikhân miawagep gârâmâ Heakdâ beirâ giep. ⁴⁷ Akto hân luâk ulikne are amâ Anutune hân nukum mem mângiep. Dâ beirâ luâk yâk âmâ himbimânba giep. ⁴⁸ Aregât hânân gâtne malep hainâgâk hânân gâtne manmai. Dâ himbimân gâtne manmap dop hainâgâk himbimgât pat mem manmaen. ⁴⁹ Akto hinne âmâ ulik gulik luâk Adamgât hâkne hainâk akmâ manden aregât hângâlâk akmaen aregât hâmbâi himbimân gâtjaet dâwân manmap are amâ hainâk akmâ manbaen.

Yesu togombo âmâ himbim hâk membaen.

⁵⁰ Galalupne aregât siâkâ makbe. Hâknennande amâ Anutugât manman âlepne bo membiap. Akto siâ me siâ hambum torok akbiapne siâ me siâ tat tat kârikne are bo membiap. ⁵¹ Nângânet. Imâ den tipne siâ makmâ miawakyeŋgiwe. Nen bo mom metewaen. Amâ nen hârok purik âgâm hâk siâ akmâ metewaen. ⁵² Amâ lâmun humo mun akto sân sânak hain akbaen. Lâmun humo mun akto ainâk momoŋande agatmâ mom hambu bâlâk manbaen. Nen hârok tirip siâ akbaen. ⁵³ Hâknenne ire hambuwiap arekne manman kârikne are sângum hinare lugumbo gewiap. Akto momogât patjande manman kârikne lugumbo gewiap. ⁵⁴ Haingât hambum torok akbiap arekne manman kârikne lugumbo gewiap. Akto momogât patjande manman kârikne lugumbo gewiap sop ain Anutugât den kulemgoyi bikne kârigewiap amâ hin,

⁵⁵ “Wei momogât pat kârikneŋe yâgâte? Akto momogât pat agakne metne hamepne yâgâte? Amâ bo agep.”

⁵⁶ Amâ bâleŋaet patjande âmâ momogât metne hamepne aktâp. Akto den kârikneŋe amâ bâleŋaet metne hamepne mem miawaktâp. ⁵⁷ Dâ Anutune Kambu nenne Yesu Kristo agaŋdo manman gât kârikne mem miawaknengimapgât mepainje meniâm. ⁵⁸ Aregât, galalupne, âlepne yeŋe kârikne akmâ tâlim kârigem kinbei. Akmâ Kembangât âi sop ârândâŋ kârikne agaŋmâ membei. Amâ Kembangât akmâ bunne bo akbiap hain nângâm âi mem manbei.

16

Yerusalem yeŋgât puli mem arim yeŋgiwerâm magep.

¹ Akto Anutugât kâmot tânyenŋune dâm puli katnetgât yu makbe. Nâne emelâk Galatia hânân malân sop ain kepia siâ siâ arim Yesugât kâmot puligât keŋe makyenŋiân aregât hinne Yesugât kâmot yeŋgiwerâm menduguwai iregât den makyenŋire nângâm hainâk akbei. ² Sonda ârândâŋ siâkâ ikeŋeak ikeŋeak tâwât dewunne Sonda unŋunân meyi aregât dopnân nângâwei. Nângâm kinmâ bikne potatmâ heŋgemgom katbiâ emet yeŋân tatbiap. Hain gârâmâ hâmbâi nâ togowianân aregât bo undâgâtâmâ âmâ puli are dowâk mem miawakbai. ³ Akto hâmbâi nâ togore yeŋeak luâk bikne mem katyekbiâ luâk âlepne aregât kulem esenne yeŋgire Yerusalem luâk âmbâle umburuk manmai are yeŋgât okot âlepgât puli kali are yeŋgimbiâ ariwai. ⁴ Benne nâ olop arine dâre âmâ olop ariwaen.

Paulone yâk yeŋgâlân ariwerâm sop kalep.

⁵ Galalupne togowian aregât keŋe makyenŋiwe. Nâne Makedonia hânân arim kepiane kepiane âgâm bam gutmâ manmâ hân are hâtikowian aregâlâk nângân. Hain aktere bo akto âlepne yeŋgâlân togo miawakbian. ⁶⁻⁷ Akto hinne sop tâlâwâk olop tatmâ ye konok bo yekberâm dowâk ariwian hain borân. Dâ Humone âlepne makniŋbiap âmâ benne ye olop tatmâ manmâ âgâwian. Tatmâ mandere tânâk sopne bo akto benne are hamiŋân siângen ariwian. Ariwerâre yeŋe tân nugum maŋgan nekbiâ aregât kambiamne âlepne akto yâgâten me yâgâten dowâk âlepne ariwian. ⁸⁻⁹ Gârâmâ unak Epeso kepiân âi humo tatniŋdâp âi ire mem âmâ makyenŋim mandere bunne miawakbiap aregât dop tatâp. Aregât nângât gasa dondâ yendâp. Are nângâm in tatere Heak giep aregât hilâm bo akbiap. Bo akto Makedonia ain arim manmâ manmâ hepunmâ yeŋgâlân togowian. ¹⁰ Akto Timoteo âmâ hinne Humogât âi nunak meman yâk hainâk Humogât âi memap

aregât hâmbâi âmâ yâk yengâlân togowiap. Togombo tângombiâ hutyeñân biwi sânduk mem manbiap. ¹¹ Hain gârâmâ yengâlân gâtñe yâkgât nângâmbiâ yânñe akto hamep bo agañbei. Dâ Paulogâlân âlepñe ariwian dâambo âmâ yeukñe ketugum benñe hâmbâi dâp mem kalanbiâ yâk akto Yesugât kâmot bikñe nângâlân togowei. Are lângoân aregât laune lokom tângombiâ biwiñe sândugembo bikñe olop nângâlân togowei.

¹² Akto galanenñe Apolo yâkgât den pat amâ hin. Nâñe sop kâlep goañmâ hin magañân, “Yesugât kâmot bikñe Korinti kepian ariwerâm aktâi aregât gâ yâk olop ariwei.” dâre borâm kârikñe aktâp. Dâ hâmbâi yâkñe sop ekto âlepñe akto yengâlân togowiap.

Den bâiñe.

¹³ Galama, ye ekmâ heñgemgom Humogâlân biwiyeñe kârikñe katmâ manbei. Akto gasa yengât bo hamep akmâ âi mem kârikñe akmâ tatbei. ¹⁴ Wan me wan hârok memberâm âmâ are amâ galalupyene akto Anutu agak meme biwi wañ wañân okot âlepñe membei.

¹⁵ Akto yengâlân gâtñe siâ kotñe Stepana akto yâkgât kâmotñe Akaia hânân yâkñe soñ biwiyeñe Yesugâlân kali. Akto sop ainba ukenyeñe akmâ Yesugât kâmot tânyengum âgâyi. ¹⁶ Nâñe ye luâk hainare amukyeñân tatñet dâm goanyektân. Akto galalupne luâk dondâñe kârikñe akmâ âi memai yâk yengât amukñân manbei.

¹⁷⁻¹⁸ Akto ye nâ olop bo tatâi aregât kambiamne indeâp gârâmâ luâk âlâwu kotyeñe Stepana akto Potunato akto Akaiko biwiyeñe mem sândukñe ketugumai aregât biwine âlepñe akto herone dondâ nângân. Hain gârâmâ ye hanâk luâk hainare yengât amukyeñân manbei.

¹⁹ Akto Yesugât kâmolân gâtñe Asia in manmai arekñe yengât nângâmbiâ herone akmap akto luâk âmbâi lâuwâ kotyetñe Akuila akto Pisisila akto Yesugât kâmot emet yetñân âgâm mindugum kinmâ Anutugât pat makmai are Kembangât akmâ egâlian dondâ akyengiâi. ²⁰ Akto areâk bo. Nen ire hârok biwinenñe Yesugâlân kalion nenñe yengât herone marone akmaen. Akto ye Anutugât luâk âmbâle aregât manjan akbei.

²¹ Akto emelâk maktân are maktere luâk siâñe kulengoâp. Dâ den bikñe ire âmâ Paulo nunak okot nângâyengiân aregât bânñe kulengoân. ²² Akto luâk âmbâle siâñe Humonenñe okot âlep bo wañbiap Anutuñe yâk hilip kowiapgât ulilandân. O Humonenñe gâ dowâk togowen. ²³ Humonenñe Yesu Kristone damunyeñe akmâ okot âlep akyengim memeñe akyengiâkgât ulilandân. ²⁴ O Galalupne, ye Yesu Kristogât kâmot aregât yengât okot âlep dondâ nângân.

2 Korinti

Paulo Yesugât hoj manminep.

¹ O galalupne, nâ Paulo akto galanenne Timoteo kulem esenne ire Anutugât luâk âmbâle Korinti kepien mandâi yengât kulemgoet. Ye kulem esenne ire oyanmâ metem âmâ Anutugât luâk âmbâle Akaia hânân mandâi are yengimbiâ oyanbai. Akto nâmâ Yesu Kristogât hoj bawa aregât aposologât âi Anutuñe makmâ katnegep. ² Ewenenne Anutu akto Humonenne Yesu Kristo yâkñe biwiyene yâkgâlân kali are biwiyene sândugeâkgât wâtñe akyengim damunyenje agetgât ulilañdân. ³ Nen Anutu Humonenne Yesu Kristogât Eweñe yâkgât kotñe mem agatbaen. Yâkñe damunnenñe akto biwinenñe sândugemap. Akto okot nângâ nengimap. Akto biwinenñe mem sândukñe ketugumap. ⁴ Hain akmâ hâk hilâlâm keñe keñe mem limbâpnengumap. Akto Anutuñe mem limbâpnengumapgât limbâp arekñe nen hain agâk gala bikñe hâk hilâlâm keñe keñe kâlegen manbiâ âlepñe mem limbâpyenjuwaen. ⁵ Akto Kristo nengât hâk hilâlâm nângâep hainâk yâkgât âi memaen aregât hâk hilâlâm dondâ nângâmaen. Hain akmâ âmâ benñe Kristogât akmâ wâtñe miawaknengimbo biwinenñe sândugembo umatñe are lokomaen. ⁶ Galama, nengâlân umatñe miawakmap arekñe âmâ ye biwi sânduk miawagâkgât miawaknengimap. Dâ biwi sânduk miawaknengimap are gai yengât akmâ miawaknengimap. Aregât biwi sânduk nengâlân miawagep arekñe yengâlân hâtikom tânyengumbo benñe umatñe nengâlân miawakmap a hainâgâk yengâlân miawakto amâ hâk hilâlâmñe biwi sânduk nângâñetgât miawaknengimap akto ye gai miawaknyengimap. ⁷ Aregât nen yengât hanoko bo akmâ hin nângâmaen. Hâk hilâlâmñe umatñe nen manmaen ye gai manmai aregât Anutuñe biwinenñe mem yeugenengimbo biwinenñe sândugemap ye gai yeugeyengimbo biwiyene sândugemap a nângâm kârigemaen.

Kembuñe Pauloma umatñanba mem oloñyegep.

⁸ O galalupne, nen Asia hânân hâk hilâlâm kakñân manmâ gayion aregât pâpkowâigât makyengire nângâñet. Nen Asia hânân mandenñe umatñe dondâñande mem ge kat nenegep. Akto arekñe nengât kârikñe are ewangimbo wâtñenñe gembo nen âmâ mombaen me gain o dâm nângâyion. ⁹ Akto ire emelâk momogât pat akten dâm hannenjaet kârikñe are hulañep. Are âmâ yân bo miawaknengiep. Nen nenjaet kârikñe nângâenñe gembo Anutu momoñe mem golâ katyekmap yâk konok nângañmâ tânnenguwen dâm ulilañnegât are miawaknengiep. ¹⁰ Umatñe bâleñe miawak nengimbo momberâm aktenñe ainâk tân nengumbo bo agep. Aregât hâmbâi gai umatñe siâ miawakto tân nengumbo bo akbiap aregât keñe nângâenñe biwinenñe sândugewiâp. ¹¹ Akto yekâ hainâk nengât Anutu ulilañbei. Hain akbiâ âmâ Anutuñe den nenñe dondâ are nângâm wâtñe aknengimbo aregât ulit dondâgât den pat sambelembo Yesugât kâmot hânñe hânñe manmai arekñe den are nângâm Anutu mepainje mem agatbai. Are bunñe agâkgât Anutu nengât ulilañbei.

Pauloñe Korinti gâtñe bo heyengiep.

¹² O galalupne, nen wangât nângâm herone akmaen? Hin. Nenñe luâk âmbâle hânñe hânñe manmai akto Korinti yengât dewunyenñan agak meme âlepñeâk mem manmaen aregât herone akmaen. Dâ areâk bo. Anutuñe okot nângâ nengiepgât hâkgât nângâ nângâ are bo nângâm âmâ agak meme âlepñe akmâ Anutuñe damun nenñe akmap aregât biwinenñan ârândâñak mem manmâ okot âlep akmâ tân yengumaen. Aregât nângâm herone dondâ akmaen. ¹³ Akto den yengât kulemgoyion keñe amâ bo heambukmâ tatâp aregât hin nângâre humo aktâp. ¹⁴ Nengât keinenñe bikñeâk nângâi gârâmâ Humonenne Yesu are lâuwâñe purikato nen manman âlepñan manbaengât herone akmâ manbeigât nângâm hejgemgowe. Akto nenâkâ hainâk ye herone akmâ manbaigât nângâm herone akten.

15 Akto yeñe Anutugâlân biwiyenye kali akto siân biwiyenye hainâk kinbiapgât are nângâm aregât yekberâm agân. 16 Akto ulikñân Makedonia hânân ariwerâm ain hin nângân. Nâ Makedonia dâwân ariwerâm getek kepia Korinti ain âgâm Yesugât kâmot yekbian. Yekmâ arewa Makedonia hânân ariwian. Nâ ain âgâm Yesugâlân gâtñe yekmâ ainba purik katbian âmâ hainâk ulikñân nekmâ heronje agi hainâk nekmâ heronje akbaigât nângâm yektere Yudaia hângât dâp ain katnekbai hain nângân. 17 Akto hain nângâm benñe wangât bo togom yegân? Ye aregât hin dâyi, “Paulo amâ ikinjaet nângâ nângânje watmap. Akto den han lâuwân makmap.” hain dâyi. Amâ hiangiyi. 18 Dâ aregât keñje makyenñe nângânje. Anutuñe han lâuwâ bo akmap yâk den bunñe makmap. Aregât nen gai yengât han lâuwâ bo akmâ den bunñe makmaen aregât wan me wangât makmâ âmâ hainâk memaen. 19 Dâ areâk bo. Yesu Kristo Anutugât nanñe yâkgât den ulikñân nâ akto Sila akto Timoteo nenñe makyenñiyion. Hin me hain mon? dâm bo makyenñimaen. Bo. Kristogât akmâ bundâk dâmaen. 20 Akto hainâk Anutuñe wan me wan nengât kârikñe ketugu nengiwiapgât dâm heronje are wan me wan Yesuñe miepgât miawak nengiwiap. Aregât nen Yesugât kâmolân gâtñe Anutuñe magep are kârikñe agep aregât kotñe mem agatmaen. 21 Galalupne, Anutu konokñe ikinje âi nengiep ye akto nen hârok Kristogât akmâ nen Anutuñe menenekmâ kârikñe ketugu nenekmap. 22 Hain akmâ nângât kâmot nângâ niññet dâm ikinjaet Heakñe hunñun anño tirip kat nengimbo nen hin nângâmaen. Anutugât Heak âlepñe arekñe kautnenñân menenekto nângân aregât wan me wan nengât dâm hâriep are siân bunewâk miawak nengiwiap aregât nângân.

23 Galama, nâ wangât bo togom yegân aregât lâuwânje makbe. Ulikñân yekberâm akmâ hin nângân. Nâ hinñe arim âmâ Korinti gâtñe yekmâ bâleñe agi are den kom miwindik yekbiangât umatñe miawak yengiwip. Are miawakbopgât hinñe ain bo ariwiangât nângân. Yu maktân are

Anutuñe nângâm bunñe dâp. 24 Gârâmâ nenñe nângâ nângânje kom miwindik yekbaen âmâ ainâk hâknenñe bo mem agatbaen. Dâ yeñe biwiyenye Yesugâlân kali aregât heronje akbai dâm aregât mem kârikñe ketugu yekmaen.

2

Pauloñe Korinti kepien bo purikalep aregât keñje magep.

1 Akto biwinânâk âmâ hin nângân. Ulikñân Korinti kepien arim makyenñe umatñe miawakbopgât aregen hinñe bo ariwian. 2 Ariwian âmâ galalupne okot âlep niñmai are kambiamyene bâliwopgât hinñe bo ariwian. Ye bâlimbiâ âmâ nâ gain akbian? Hain nângâm aregât bo togom yegân. 3 Gârâmâ siân togowian dâm ain galalupne yeñe okot âlep akmâ agak meme âlepñe akmâ tân nugumai dâm kulem esenñe kulemgom katere togombo emelâk oyanji. Kulemgom ain âmâ yeñe nângât akmâ heronje akbaigât nângâm henñemgoân. 4 Akto kulem esenñe kulemgoân sop ain âmâ hin nângân. Ye biwiyenye umatñe akmâ bâliwopgât akto yengât okot nângânje iman are nângânje dâm yengât akmâ tepne bâlimbo hâk hilâlâm owânje bo nângâ yengim kinmâ dewunne tunje gembo indem kinmâ kulemgoân.

Galayenye yâk yengât dosa hepunbei dâm magep.

5 Hain kulemgoân gârâmâ dondâ maktere bâliwopgât getek makbe. Yengâlân gâtñe siânje bâleñe agep aregât nâ biwinân getek umatñe miawakniñep. Amâ ye âmâ biwiyenye umatñe agâkgât mângiyenñep. 6 Ye biwirâ mem miwindikmâ wan me wan aganji are nângânje bo aktâp. 7 Hinñe yâkgât dosa hepunmâ biwiñe mem sândukñe ketugunet. Hain akbiâ luâk aregât biwiñe umatñe arekñe mem ge katbop. 8 Aregât nâñe goanñektere luâk bâleñe agep are yâkgât okot âlep are akmâ manñanet. 9 Akto kulem esenñe ulikñân kulemgoân amâ ye dop yenguan. Ye âlepñe nângât lau watmai me bo dâm kulemgore oyanmâ lokom luâk bâleñe are henñemgoyi. 10-11 Dâ

hinje laune lokom luâk aregât dosa hepunanbiâ nâkâ hainâk Niambi gulip akjet dâm mem ge kat nenekto anjun anjiwâengât dosahe hepunanđân. Niambihe Yesugât kâmot gulip akjet dâmap aregât keiñe nângâmaen. Aregât yengât akmâ Kristoñe nângâmbo âlepñe agâkgât luâk aregât dosahe hepundân.

Paulo Troa kepiã biwi umat miawaganep.

¹² Galalupne, nâ hân siân siân ariãn aregât keiñe makyengire nângâñet. Nâ ulikñân Troa kepiã agân ain Humonenñe Kristo arekñe meme akniñmâ luâk âmbâle dondâ meme akyengimbo Kristo hengem nenguep aregât keiñe nângâwerâm nângâlân togoyi. ¹³ Hain akbiã makyengiwerâm âmâ galane Tito are bo mem miawaktere biwine umatñe akto bo makyengim âmâ hepun yekmâ Makedonia hânân ariãn. ¹⁴ Yoe, Anutuñe Kristogât âi luâklupñe nen buñam kom mem miap pannenekmap. Hain aknengimbo pat âlep denñaet higenñe âlepñe mem sambeliennje liwalakmâ hân ârândân arimap. Aregât mepai humo agañbaen. ¹⁵ Nen Kristogât higen suk suk akmaen aregât luâk Anutuñe hengemgo yekbiap are makyengiennje manman âlepñe miawakyengimap. Dâ luâk bikñe makyengiennje hilip agu agugât miawakyengimap. ¹⁶ Hilip agu agugât ambolupñe higenñenñande olonyekmâ momo higenñe akmâ yengimbo momai. Dâ manman âlepñe aregât ambolupñe olonyekmâ manman higenñe akmâ ewum goanyekto manmai. Âi are amâ niñande mendo ârândân akbop? ¹⁷ Luâk dondâ arim hanâk hanâk puligât ulityengim Anutugât den arim makyengimai nen dop hainâk bo akmaen. Nen âmâ biwinenñe irakñe akto Kristo olop biwinenñe konok akto Anutugât dewunnân kinmâ Anutugât den âlepñe are makyengimaen. Aregât kârikñe Anutuñe nengimap aregât Anutugât mepaiñe mem nângâmaen.

3

Anutugât hon bawa yâk yengât den pat.

¹ Akto ya kulengoân are âmâ nângât nângâ nengimbiã humo agâkgât kulengoân mon? Bo. Hinje luâk bikñande âiyenñe keiñe ekmâ nângâñetgât kulem esenñe kulemgoyi are mem hekat yengiyi are nen âmâ hain bo akmaen. Nen âmâ kulem esenñe siãñe me yenñe kulemgoyi are bo mem manmaen. Nengât âi siãnbañe ekmâ nângâñetgât amâ ye agak meme âlepñe memai are yengât ekmâ nângâmai. ²⁻³ Akto kulem esenñe aregât keiñe den dopñe siã makbe. Luâk den keiñe hekat nengimai arekñe âi nenñe âlepñe are oyañmâ nângâñet dâm humomolupyenñe kulem esenñe kulemgom yengimbiã are mem arim makyengimai. Akto ye kulem esenñe are oyañmai akto kulem esenñân gâwu kulemgomai amâ yân. Akto nen hain bo akmaen. Nengât kulem esenñe amâ yenñe dop akmai are akto gâwu bo akto kulem esenñe bo. Nen gâwu mem kulemgomaen dop hainâk Kristogât den makyengimaen akto kulem esenñe kulemgomaen dop hainâk den makyengiennje biwiyenñan miawakmap. Akto Anutu manman kârikñe ambonñe arekñe ikiñe Heak âlepñe hungun anđo han biwiyenñe mendo agak meme siã akmai aregât den pat luâk âmbâle dondâ yekmâ nengât âi keiñe nângâmai. Akto ulikñân Mose âmâ den kârikñe kâlân kulengoep amâ nen hain bo akmaen. Biwiyenñan den nenñande gembo agak memeyenñe âlepñe miawagep are amâ nengât kulem esenñe hinare.

⁴ Akto nen nângâ anjiennje humo aktâp amâ Kristogât akmâ Anutuñe nenekto âlepñe akmap. ⁵ Amâ nenñe nengât keinennje maktenñe bunñe miawakbiapgât kârikñe bo tatnengimap. Dâ siã me siã mendennje âlepñe akbiap amâ Anutuñe meme wâtñenñe nengimap hârok. ⁶ Akto nengât âi amâ den areâk bo. Anutugât Heak âlepñande memenñe aknengimbo den pat âlepñe makyengiennje manman âlepñe miawak yengimap. Dâ den kârikñe bunñe mem arekñe manman kârikñe bo miawak yengimap. Dâ den kârikñe nângâmbiã Anutugât Heak âlepñande meme akyengimbo ain manman âlepñan manmai.

⁷ Akto den kârikñe aregât keiñe

makyengire nângânet. Uliknân Anutuñe den kârikñe kâlân kulemgöep amâ momogât pat. Hain akto Moseñe ekto kulemgom metembo kât are lokom gem Israe luâk âmbâle mem oloñ yegep. Hain akto Anutuñe den kulemgombo egep aregât enem dewunñe pagaleñe akto Israe luâk âmbâleñe Mosegât enem dewunñe ekbiâ dewunyeñe hilâlâm yeñgimbo bo egi. Gârâmâ pagaleñe are sopñe sopñe tatbiapgât dop bo. ⁸ Aregât Anutugât Heak âlepñe arekñe wan me wan nengât miawaknengiwiap aregât pagaleñe kârikñe amâ humo dondâ yem amâ bo boakbiap arekñe amâ den kârikñe ewangimap. ⁹ Are lâuwâñe makbe. Den kârikñe miawagep ainâk lokowaengât dop bo tatnengiâp. Aregât Anutuñe den âiân katnenekbiapgât dâp miawagep. Dâ hinñe Yesuñe bâleñe agion aregât dosanenñe mendo Anutuñe ye dosa luâk bo dâm nengonlep aregât pagalenande den kârikñaet pagaleñe ewangimap. ¹⁰ Aregât uliknân den kârikñe amâ pagaleñe kârikñe kilep amâ Yesuñe miawakto den kârikñe aregât pagaleñe bo agep. ¹¹ Akto areâk bo. Moseñe den kârikñe pagaleñe yogan tatminep aregât kârikñe bo agep. Dâ Yesuñe nengât wan me wan miap amâ yogannep bo. Are pagaleñe bunñe akmâ yem âgâwiap aregât kârikñe humo akmâ tatmâ âgâwiap.

Anutuñe pagaleñe nengimap.

¹² Yu kulemgöân are nângâm biwinenñe herone humo akmaen. Hain akmâ Anutuñe denân bo katnenekbiapgât den pat âlepñe kepiãñe kepiãñe hârok hamep bo akmâ makyengimaen. ¹³ Dâ uliknân Mose ikinje enem dewunñe pagaleñe bo akberâm agep are Israe luâk âmbâleñe ekbâirâm ikinje enem dewunñe tigiep. Aregât dop nen hainâk bo akmaen. ¹⁴ Akto areâk bo. Uliknân Yuda nengât hakulupnenñe Moseñe makyengimbo Israe luâk âmbâle ainâk biwiyenñe kârikñe akmâ katipñe katipyenñe gâpât den are bo nângâm heñgemgoyi. Israe luâk âmbâle uliknân hainâk akmâ gam gam yu miawaktâi ire amâ hainâk Mosegât den oyanmâ katipñe hainare katipyenñe gâpât bo nângâmai. Aregât katip are yân bo hulan

akbiap. Kristo konokñe mem hulanbiap. ¹⁵ Israe luâk âmbâle Mosegât den keinjânbak oyanmâ bo nângâm amâ tatmâ gambiâ gambiâ yu miawaktâi yâk yeñgât hanyenñe katipñe olowâk akmaigât den bo nângâmai. ¹⁶ Hanyenñe purikatmâ kembu mete katbiâ arekñe katip are hulanyeñgiwiap. ¹⁷ Akto Humonenñe ikinje Heak Amboñe kautnennân mendo owâinjân mendenñe wan me wan âlepñe miawaknengimap. ¹⁸ Akto areâk bo. Nen amâ dewunnenñân katip bâlâk akmâ Humonenñaet pagaleñe Heak kârikñe are ekmâ kindenñe ketugu nenekto ikinje towat miawaknengimbo manmâ manmâ âgâenñe pagalenenñe humo akmâ sambelem âgâmap. Are amâ Heakgât kulem.

4

Anutugât pat âlepñe amâ geãñe bâlâk.

¹ Akto Yesugât den pat makyengimaen nen amâ Anutuñe okot nângâ nengim ai ire nengiep. Anutuñe okot nângâ nengim ai ire nengiep aregât biwinenñe bo bâliwiap. ² Hain nângâm wan me wan bâleñe are hami panmâ hâkãñ akmaen. Akto hianñigât agak meme are hepunmâ Anutugât den are mem siâ siâ bo akmaen. Bo. Nenñe den are oyanmâ keñe wan me wan miawakto are hanâk tek tekñân makyengimaen. Hain akmâ Anutugât dewunñân kindenñe huragumbo luâk âmbâle den pat bunñe are hanâk hanâk makyengimaen are nenekmâ biwiyenñân nângânengimbiâ ârândãñ akmap. ³ Akto luâk âmbâle bikñe are hememgât dopñân manmai arekñe amâ den nenñe bo nângâmai. ⁴ Luâk âmbâle are amâ hân iregât damunñe yogannep akmap arekñe, pagalenñân gâtñe yâkgât den pat are nângâwâi dâm nângâ nângâyene gisap kombo dennenñe bo nângâmai. Amâ den pat are amâ Kristo Anutugât dopñe akmâ pagalenñân gâtñe yâkgât den nângâwâi dâm nângâ nângâyene gisapkomap. ⁵ Akto nen amâ nenñaet keinennep bo makyengimaen. Bo. Nen hin makmaen. Yesu Kristo amâ Humonenñe dâmaen aregât nen amâ yeñgât ai luâk manmaen. ⁶ Akto Anutu uliknân, “Hândâk kãlegen pagaleñe

miawagâk.” dâmbô miawagep arekne han biwi nângâ nângânenne hulañe akto hândâk kâlegen malion nen Kristogât enem dewunne ekmâ âmâ Anutugât pagalene a egion.

Paulo umatne miawaganjo nângâmbo tâñât agep.

⁷ Nengât biwinennân den âlepne tatmap amâ umbâ hânne mângimai dop hainâk. Haingât nenne kâriknennân âi are bo mem manmaen. Anutugât kârikneñe kârikne siâ hârok ewangimap are mem manmaen.

⁸ Umatne miawak nengimap aregât keñe amâ hin. Umatne are bikenba bikenba miawak nengimbo gain gain akmâ manbaen dâenne âmâ umatne arekne nen bo hilip nengumap. Akto umatne arekne nângâ nângânenne tigimbo han undup akmaen amâ nângâ nângânenne are dondâ bo bo akbiap. ⁹ Luâkne wan me wan bâlene aknengimbiâ benne Anutuñe bo hepun nenekmap. Luâk bikñande nengumbiâ ge yemaen dâ amâ bo bâlimaen. ¹⁰ Hilâm ârândân Yesuñe hâk hilâlâm nângâm moepgât tirip are mem manmaen gârâmâ Yesuñe ikiye manman âlepne nengimbo hâknenne hutuk âgâmbo âmâ bikñande nenekmâ Yesugât manmanñe hâknenñân ekmai. ¹¹ Akto nen âmâ Yesugât âi memaen aregât Yesugât pat sambelem ariâk dâm aregât hâk hilâlâm nângâm bâsok momaen. Gârâmâ Yesuñe wâtñe aknengimbo manmaen are luâk âmbâlene hârok ekñet dâm âi humo mem manmaen.

¹² Aregât hin. Nengâlân âmâ momoñe âi menenekmap. Dâ yengâlân âmâ manman golâñe meyekmap. ¹³ Ulikñân Anutugât Heak âlepne arekne luâk siâ meme agañdo kep kenju siâ kulempoep aregât bikne hin, “Biwine Anutugâlân kalân arekne hâwât nekto dowâk owâineâk makyenjiwe.” hain kulempoep. Akto nen hainâk Anutugât Heak âlepne arekne meme aknengim arekne hâwât nenekto nângañmâ dowâk owâineâk makyenjiwamaen. ¹⁴ Akto nen âmâ wangât âi humo mem hâk hilâlâm nângâm hanâk dâm makyenjiwamaen? Hingât. Anutuñe Humo momoñânba mem oloñdo agalep yâkne âmâ nen akto ye hainâk oloñ nenekto agatenne Yesu

olop manmâ âgâwaen hain nângâmaen. ¹⁵ Anutugât han kalemne sambelembo Anutugât mepainne mem manmaigât kâmot arekai sambelemap. Arekne yengât akmâ miawakmap.

¹⁶ O galalupne, aregât siâkâ makbe. Umatne miawak nengimap aregât keñe yu kulempoep arekne hâknenne mem ge katmap. Hain akto âmâ hanâk biwinenñe âmâ hilâm ârândân kârikneâk kilâkgât Anutuñe tân nengumap. ¹⁷ Akto nengât umatñande amâ yogan owâine akto arekne egâlian umatne tatmâ kârikne akmâ âgâwiap are nengimbo ârândânâk tatnengimap. ¹⁸ Aregât nen âmâ siâ me siâ hânân miawakmap are bo ekmâ manmaen. Bo. Siâ me siâ tiwâk yemap aregât eknerâm manmaen. Amâ wan me wan ekmaen are amâ yogan. Dâ bo ekmaen are âmâ kârikne tatmâ yembiâp aregât aregâlâk ekmâ âsim kinmâ manmaen.

5

Iren hân yoganñân manmaen.

¹ Nen hin nângâmaen. Hâknenne amâ hân uliginenñe hainare tâmbâñe ire torokto Anutuñe himbimân emet kârikne siâ mem peniañmâ nengiwiap emet are luâk bâtyenande bo mângiyi aregât kinmâ kârigem kinmap. Akto kinmâ âgâwiap. ²⁻³ Akto nen hinñe hâknenne ire mem meanmaengât hâkâñe akmâ bâlâk kinbâengât indem manmâ âmâ hâknenne irakne aregât ukenne nângâm Anutugât dewunñân hâknenne irakne mem kinbaen aregât nângâenne biwinenñe herone akto lâmgom manmaen. ⁴ Hâknenñet uligiân manbaen ârândân tat tat urutenne ariâkgât manmaen yuyai olop manman are pandenne ariâkgât. Dâ hâk katipnenne tâmbâñe kotgânegât bo aknengimap. Are yendoâk irakne lugum nengimbo geâkgât aknengiwiap gât nângâenne humo akmap. Aregât momogât pat agak are manmangât patñande kawulâkgât manmaen. ⁵ Wan me wan âlepne miawaknengiâkgât mem umale aknengiep i are Anutuñe hain aknengim dowâk Heak katnengim lugu nengiep.

6 Hain nângâm nângâ nângânenne kârikneâk kinmâ âgâwaen. Akto nen hâknenne olop aregât hânân manmaen amâ himbimân Humonenne olop boâk manden. 7 Nen amâ Yesu nânganmaen dâ wan me wan dewun nenne ekmaen are amâ bo nânganmaen. 8 Benne nen nângâ nângânenne kârikneâk kinbaen. Akto hâk ire in hepunmâ âgâm amâ Humonenne olop manbaen dâenne biwinenne sândugemap. 9-10 Akto nen hârok wan me wan hânân ire mendenne aregât Kristone den makmâ kotgâ nenekbiapgât welam ginjân kinbaenân hâknenne olop hânân manmâ wan âlepne me bâlene meyongât hâuñe âlepne me bâlene nengiwiapgât manmaen amâ Kristogât kambiamñe herone agâkgât ikinje âi memaen. Akto mombaen sop ain amâ Yesugât kambiamñe herone agâkgât kotñe mem agatbaen.

Paulogât keñe amâ hârokñe nângarñi.

11 Akto Humonenñande hâuñe bâlene me âlepne nengiwiapgât aregât hamep akmâ hanâk luâk âmbâle makyengim hâwât yekmaen. Akto Anutuñe wan dâep are hârok mendenne nenekmâ âlepne dâmap. Akto ye hainâk biwiyenân nângâm bunñe dâi me? 12 Akto emelâk maktân are nângâm nengât kotnenne mem agatñetgât bo maktân. Amâ hingât maktân. Luâk bâlene bikñe wan me wan ekmai aregâlâk nângâmbiâ humo akmap arekñe wan me wan biwinennân tatmap are nângâmbiâ gemap. Hain akto yeñgâlân togomai arekñe yeñgumbiâ amâ nengât pat nângâm den hâuñe makyengim mem ge kat yekbai aregât yu kulengoân. 13 Akto nenñe ye herone akbaigât hain akmaen. Akto luâk âmbâle bâlenñande nengât den nângâm hin dâyi, “Woe, Pauloma amâ sinduk akmai.” hain dâyi. Are amâ hanâk Anutugât âi mem malion aregât nângâm hain dâyi. Are amâ ukenyenñet. Dâ nen amâ hanâk nângâ nângânenne hulan agep aregât tân yeñguwerâm Anutugât âiâk mem agatbaen. 14 Nen hain aktenñe Kristone okot nângâ nengim han kalemñe arekñe nen goanñenekto nen hin nângâm heñgemgomaen. Yesuñe ikinje hâkñet bo nângâm amâ nengât dosa mem moep sop

ainâk nenñe yâkgât akmâ hainâk moyion. 15 Yesuñe luâk âmbâle ukenyenñe watbâi dâm aregât moep. Mondo Anutuñe Yesu momonânba goanñdo agalep aregât nen hâknenñet bo nângâm manbaen. Amâ Yesuñe nengât akmâ moepgât nenñe yâkgât akmâ manbaengât moep.

16 Akto ulikñân nen hângât pat mem manminionân ain amâ hângât nângâ nângâ watmâ Kristo amâ luâk yânñe dâm nângâyion. Gârâmâ hinñe, hain bo nângâmaen. Luâk âmbâle amâ hângât nângâ nângâgât pat bo nângâyion. 17 Amâ hin. Anutuñe Kristogât akmâ amâ irakñe ketugunenegep. Agak meme tâmbânñande katip nenguep ainba oloñnenekmâ dâp irakñân katnenegep. 18 Are amâ Anutu konok yâkñe nângâm heñgem nengiep arekñe ulikñân nengât bâlene aregât kuk nengim nanñe huñgun anñdo gembo kuk are yâkgâlân kato moep aregât kuk are sândugembo nâ olop biwi konok akñet dâm oloñ nenegep. Dâ areâk bo. Anutu olop biwi konok akbaengât den pat makyengimaen aregât den pat nengiep. 19 Den pat aregât keñe hin. Anutuñe hin nângâep, “Luâk âmbâle nâ olop biwi konok akbaen.” dâm dosayene puliwiapgât Nanñe huñgun anñdo gembo dosanenñe yâkgâlân kato moep. Aregât Kristo dumnennân kilepgât den pat luâk âmbâle makyenginñet dâm maknengiep. 20 Hain gârâmâ Kristogât akmâ lau lokom kinmâ Yesu nengât moep aregât den makyengimaen amâ hin. Anutu ikinjak biwinennân kinmâ luâk âmbâle yeñgonmap aregât ye Korinti gâtñe kulem esenñe ire oyandâi ye den ire nângâm heñgemgom Kristo amâ nengât akmâ moepgât Anutu olop biwi konok akñet. 21 Akto Anutuñe dosanenñe bo akto luâk âmbâle âlepne nengonberâm Yesuñe agak meme bâlene me dosa bo akmap are mem amâ dosanenñe yâkgâlân kato dosa luâk hain are agep. Yâkñe hain akto benñe agak meme âlepne mem malep are nengâlân miawakto Anutuñe nenekto huragumap.

6

Aposolonje kembugât âi membiâ umatñe

siâ siâ miawakyeŋgiep.

1-2 Akto Anutuŋe makto Yesaianje kulempgoep bikŋe hin tatâp,

“Humonenŋe hin dêep, “Nâŋe han kalemnaet sopŋe miawaktâpgât ulitniŋbiâ nâŋgâyengian. Akto heŋgemgoyengian sopŋe miawaktâpgât tânyenguan.” dêep.”

are kulempgoep bunŋe akto Anutuŋe mem purik katnenekbiapgât sop akto nen Anutu olop den kârikŋe hin hâwâtyekne. Bâin. Uŋak amâ Anutuŋe heŋgem nengugerâpgât sopŋe are Anutuŋe heŋgem yeŋguwerâp are hâkâŋ akmâ bo panbai. Bo. ³ Nen luâkŋe âi meme nenŋe makmâ sârekowâigât akto âi mendenŋe nen ekmâ giriŋnengiwâigât âi ârândânâk mem amâ luâk âmbâle dop yeŋân kâwâwâŋ kârawâigât bo panmaen. ⁴ Bo. Nen Anutugât âi luâk manmaen nen hilâm ârândân nenŋaet agak meme âlepŋe are mendenŋe luâk âmbâle hârok nenekbiâ ârândân agâkgât âi bo memaen. Bo dondâ. Hin miawak nengimbo âi hanâk mendenŋe nenekbiâ ârândân akmap. Umatŋe bâleŋe dondâ akto âiŋe humo akto wan me wan hâkoko olowâk are amâ bo hâkâŋ akmaen. ⁵ Akto gasaŋe bugâŋe nengumai akto kala busiân kat nenekmai akto ândenengim kot bâleŋe nengonmai, akto âi humo mem me sot bâlâk manmâ asiŋ bo yemaen, ⁶ arekŋe miawak nengimbo hanâk dâm âiâk mem agak meme âlepŋeâk mem amâ nâŋgâ nâŋgâ âlepŋe are memaen. Akto kuk dowâk bo akmaen. Akto luâk âmbâle hârok agak meme âlepŋe akyengim heŋgemgomaen. Akto Anutugât Heak kârikŋe arekŋe meme aknengimbo biwi konok akmâ manmaen. ⁷ Den bunŋeâk lau elek bo maktenŋe Anutugât kârikŋe miawakmap. Hain aktenŋe luâk âmbâle yânŋe nenekbiâ ârândân akmap. Akto areâk bo. Tembe lokŋe yeŋguwerâm akmâ unam tâwât mem arimai nenŋe hainâk bâtnenŋe biken ain agak meme âlepŋe mem Anutugât kârikŋân kinmâ makyengimaen. ⁸ Akto luâk âmbâle bikŋe agak memenenŋe ekmâ ukenŋe nâŋgâm kotnenŋe mem agatmai. Dâ siânbaŋe nenekbiâ bâlimbo kotnenŋe mem ge katmâ den bâleŋe maganŋi

nengimai. Akto nengât den bunŋe are siânbaŋe nâŋgâm hianŋimai dâmai. ⁹ Akto hânân luâk âmbâleŋe bonâŋgâ nengimai. Dâ Anutuŋe amâ nâŋgâ nengimap. Akto umatŋe humo miawakto bâsok mondenŋe ainâk Anutuŋe meme aknengimbo âlepŋe manmaen. Akto gasalupnenŋande moŋet dâm tâk dâtâ dâtâŋe ore nenekbiâ Anutuŋe damunnenŋe akto bo moyion. ¹⁰ Nen okot umburuk aknenginŋande hanâk biwi kauân manmaen. Umburukŋe hanâk luâk biwirâ heŋgemyeŋgumaen. Siâ me siâ mesakmaen amâ hanâk unsambe humo olop manmaen.

¹¹ O galalupne Korinti gâtŋe, nenŋe tek tekŋân makmaen amâ ye okot dondâ akyengimaen. ¹² Akto biwinenŋe bo gangerâmaen. Dâ yeŋe amâ biwiyenŋe gangerâmai aregât nen olop agak memenenŋe konok bo aktâp. ¹³ Akto aponŋe nanlupyenŋe makyengimai dop hainâk hin makyengiwe. Nen agak meme wan me wan ire akyengimaen aregât yekâ hainâk nen okot âlep nâŋgâ nengyiwei.

Bâleŋe akto âlepŋe gala konok bo akbat.

¹⁴ O galalupne, ye amâ luâk âmbâle biwiyenŋe Yesugâlân bo kali are yeŋgât agak meme are amâ siânŋe ye yâk olop biwi konok bo akbei. Akto agak meme âlepŋe akto bâleŋe amâ dopyetŋe konok mon? Akto hilâm hândâk amâ dopyetŋe konok mon? ¹⁵ Haingât Kristogât gasa kautŋe olop gain gain han konok akbiandat? Me Anutu nâŋganŋe Anutu bo nâŋganŋe are gain gain ârândân akbat. Bo. ¹⁶ Akto nen amâ Anutugât emet âlepŋe hainare akmaen aregât nen me luâk siânŋe lâpiogât kotŋe mem agatmâ are olop biwi konok bo akmaen. Akto nen amâ Anutu manman Amboŋaet emet âlepŋe aregât keiŋe makbe. Ulikŋân Anutuŋe makto Propete bikŋande hin kulempgoyi,

“Nâŋgât kâmolân gâtŋe ye olop tatmâ hutyenân bam gutbaen. Akto nâ yeŋgât damunyenŋe akbian. Akto ye nâŋgât kâmolân manbai. ¹⁷ Aregât nâŋgât den bo nâŋganiŋmai are hepyunyekmâ yeŋeâk manbei. Akto siâ me siâ bâleŋe are mem bo howaiwai. Bo howaimbiâ amâ âlepŋe meyektere

nângâlân dewatim manbai. ¹⁸ Hain akbiâ nâne yengât Eweyeje akbian. Akto nâne ye nan baratlupnerâm yengonbian.” dâep. Humoje hain dâep.

7

Pauloje Korinti yengât pat nângâm biwiye herone agep.

¹ Galalupne, Anutuje makmâ kalep ire nângâm hengemgom hâknenne akto biwinenjaet helen are hepunmâ Anutugât hamep akmâ agak meme âlepne huragumap are membaen.

² Han nângâ nângâyeje bo gangerâwei. Nen uliknânbak luâk âmbâle bo akmâ bâliyion akto biwiyeje bo mem helen akyengiyion. Akto siâ me siâ bo kâmbu meyeŋgiyion aregât ye nengât nângâm biwiyenande nengât okot âlep nângâwei.

³ Akto nâ ye hâkyeje tunmâ bo maktân. Bo. Nâ emelâk hin maktân. Nen yengât okot âlep nângâmaen. Aregât umatne miawakto bäsok mombiâ âmâ âlepne nen gai hainâk bäsok mombaen. Akto wan me wan kârikne nângâm herone akbiâ nen âkâ hainâk herone akbaen. ⁴ Ye biwiyeje Yesugâlân kali hainâk manmâ âgâwai aregât agak memeyenjaet luâk âmbâle makyengim âmâ bo anun anġiman. Akto nâ umatne hinne miawak niŋdo yengât pat nângâm mâruje humo nângân aregât biwine sândugemap.

⁵ Galalupne, umatne âgâlân miawaknengiep aregât keje makyengire nângânet. Nen Makedonia hânân ain ari malion. Ain mandenne nengâlân umatne wan me wan dondâ nengâlân miawakto hâknenne bo hutuk âgâep. Akto hâknenjân kuk humo miawaknengimbo biwinenne hamep agep.

⁶ Hain aktenne Anutuje luâk âmbâle biwiyeje umatne are mem yeukne ketugumap arekne nengât biwinenne sândugeâk dâm Tito huŋgun anġo togom nengât biwinenne mem giep. ⁷ Akto Titone nengâlân togom yeje gala agani aregât den pat maknengimbo nângâenne biwinenne sândugiep. Akto Tito togom yengât den pat maknengiep amâ hin. Yeje nâ nekberâm kârikne akmâ tatâi akto bâlene agi aregât biwiyeje indiep, akto nângât den amâ

âlepnerâm nângât den pat are nângâne dâm magi aregât den pat maknengimbo nângâenne nune biwine sândugiep.

⁸ O galalupne, nâ âgâlân yengât kulem esenne kulemgom katere yengâlân togoep arekne biwiyeje mem bâlimbo nângâre âlepne agep. Âgâlân kulem esenne pup pup oyanġ ainâk kulem esenne arekne biwi umat ketuguyegep aregât nâkai biwine umatne agep. Dâ hinne bâlenejeje makmâ miawakmâ hepunmâ han biwiyeje purik kali aregât nângâm herone aktân. ⁹ Akto nâ yengât biwi umat aregât herone bo âgân. Bo. Nen amâ nângâ nângâyeje âlepne agâkgât Yesugât den pat makyengiyion amâ Anutu ikinak biwi umat ire mem agat yengimbo bâlene yeje makmâ miawakmâ hanyene purik kali are nângâm herone akmâ mâruân. Amâ dennenjande bo mem bâliyegepgât. ¹⁰ Akto agak meme iregâlâk Anutuje makto umatne miawakmap arekne biwi umat mem miawakto bâlene nenne makmâ miawaktenne Anutuje mem hengemgo nenekmap are nângâm biwi umat amâ âlepne dâm nângâmaen. Amâ siân nângâenne bo bâliwiâp. Dâ hângât luâk biwiyeje umatne akto bâlenejeje bo makmâ miawakbiâ amâ momogât dâp miawak yengimap. ¹¹ Eknet. Biwi bâle owâinjande yengâlân bunne dondâne umalâk mem miawagep arekne wan akyengiep? Arekneak hâwât yekto Anutugât hamep akbiâ biwiyeje indembo agatmâ, “Paulo nengâlân togom hengem nenguâk.” dâm den hengemgoyi. Akto arekneak goanġ yekto luâk bâlene agep are kukdâ anġi. Hain akbiâ agak memeyene amâ tekteknân hain miawakto ârândânġ agep. ¹² Akto kulem esenne kulemgore oyanġi are nâ luâk siâ akmâ bâlimbo aregât bo kulemgoân. Akto nâ luâk bâlene miep aregât bo kulemgoân. Bo. Anutugât dewunnân yengât hin kulemgoân, yeje nengât akmâ biwiyeje humo yemap are nângânetgât kulemgoân. ¹³ Aregât miawagâk dâm kulemgore oyanġmâ nengât biwinenjande herone dondâ akto nângâm herone dondâ agion. Herone akmâ biwinenne sândugiep.

Korinti gâtjande Tito biwi âlep aganji.

Akto areâk bo. Yeje Tito gala aganbiâ biwiye hutuk âgâep. Hain akto Titone hepun yekmâ nengâlân togom den are maknengimbo herone dondâ agion. ¹⁴ Ulikjân nâne Tito maganjmâ yengât agak meme âlepne aregât pat maganjân. Hain magandere hepun nekmâ yengâlân arimbo yengât agak memeyene maganjân are bunne hainâk akniñi dâm purik katmâ togom makniñep. Hain makto nâne Tito maganjân ina bunne agep aregât bo anjun anjiân. ¹⁵ Akto Titone yeje hârok yâkgât hamep akmâ dowâk laune lokoyi aregât nângâm yengât herone dondâ nângâmep. ¹⁶ Aregât yengât keiyene nângâre bunne akbiapgât pat nângâm herone aktân.

8

Makedonia gâtjande puli kali aregât den.

¹ Galalupne, hinne Anutuñe ikinje kâmot Makedonia hânân manmai are damunyeñe akto wan me wan miawakyengiep aregât den pat makyengire nângâñet. ²⁻³ Akto âgâlân Makedonia luâk âmbâle biwiyene Yesugâlân kali are umburuk dondâ mali. Hain akmâ herone humo agi. Hain akmâ Yesugât kâmot siâ umburuk dondâ mali are yengât den pat nângâm okotyene nângâyengim tâwât dewunne han owâineâk kârikne yengât dop are ewangim katmâ menduguyi. Hain akbiâ umburuk dondâ miawak yengiep. ⁴ Hain akto, “Hanâk kepia hârok hain agi aregât nen âkai âi are mem Anutugât kâmot umburuk dondâ mandâi are tân yenguenne ârândân akbiap.” dâm hâwât nenekbiâ yâk yengât wan me wan hârok mem arim yengiyion. ⁵ Akto nen ulikjân hin nângâyion, “Makedonia gâtne umburuk mandâi areyengât wan me wan are getegâk katbai.” dâm nângâyion. Dâ yâk Anutu Humonenne dâmai aregât launenñe lokom wan me wan hârok kali. ⁶ Hainare gârâmâ Tito han kalem âi ire keñe kalep are goandenne ye hutyenân wan me wan potatmâ kali aregât âi âlepne are mem metewiap. ⁷ Akto ye agak meme bikne emelâk âlepne dondâ akmai amâ hin. Biwiyene Anutugâlân katbiâ tato nângâ nângâ yeñe emelâk humo akto den pat

âlepne makyengimai. Akto Anutugât âi memberâm kârikne dondâ akmâ nen okot nângâ nengim akmai. Akto aregât hainâk agak meme âlepne dondâ akmâ âi ire mem amâ tâwât dewunne katmâ menduguwei.

Korinti gâtjande puli makmâ hâreyi are mem metenjetgât magep.

⁸ Akto yu maktân are den kârikne katmâ bo hâwâtyektân. Nâ yengât han kalem gain gain yendâp akto bikjande Anutugât pat akmâ âi mem manmai aregât keñe miawagâkgât maktân. ⁹ Akto areâk bo. Humonenne Yesu Kristo Eweñe olop manmâ kotne siâ siâne hârok dondâ mem malep arekne okot nângâ nengim hanâk dâm hânân gem luâk umburuk hainare akmâ malep. Hain akto amâ ye siâ siâ dondâ membaigât dâp miawakyengiep. ¹⁰ Ye hin akbiâ ârândân akbiapgât hin nângân. Ye homban amukjân tâwât dewunne nenñe katbaen dâyi aregât hinne âi are mem metewei. ¹¹ Ulikjân âi iregât ukenne nângâyî aregât ye dop yenânâk katmâ metembiâ tâwât dewunne huragumbo umburuk dondâ arekne membai ain amâ âiyene bo akbiap. ¹² Akto ye hain akmâ wan me wan tatyengiap aregât dopyenânâk katbiâ Anutuñe agak meme aregât ukenne nângâwîap. Dâ ye wan me wan bo tat yengiap aregât Anutuñe bo hâwât yekto katbai. Dopyenân katbiâ Anutuñe ekto huraguwiâp. ¹³ Akto ye wan me wan tatyengiap a hârok katmâ yengimbiâ siânbanje dondâ akbiâ umatne miawak yengiwiap aregât bo kulemgoân. Bo. Ye akto siânbanje hârok dop konok akbaigât kulemgoen. ¹⁴ Akto hinne ye Yesugât kâmot hârok ârândânâk tatengât nângâm unjak yeñe yâk yengimbiâ amâ benne siân yâkne wan me wan tân yenguwai are yengimbiâ ye membai. Agak meme ain amâ ârândânâk akbai. ¹⁵ Akto aregât Anutuñe makto Mosenne hin kulemgoep, “Luâk siâ sot dondâ miep are unsambene bo akto amâ ârândân agep. Dâ siâ getek miep are gai umburuk bo akmâ amâ ârândân agep.” Akto den bunne agâkgât ye yengât bikne are mem yenginet.

Tito akto galalogâtne okot âlep akyenjetgât magep.

¹⁶ Akto nâne yengât akmâ han kalem nângâyengiân. Anutuñe dop hainâk okot âlepgât gala tân agu agu aregât âi Titogât biwiñân totokombo biwiñe agalep aregât Anutu mepaiñe mendân. ¹⁷ Aregât gâ ari Korinti gâtñe yekben dâm maganñe ãi aregât ukenñe dondâ nângâep. Aregât Anutugât mepaiñe mene. ¹⁸ Akto nenñe galalogâtñenñe lâuwâ siâ huñgun yetkire olop ariwai. Siâ amâ Yesugât kâmot hârokñe, “Luâk ire den pat âlepñe maknengimbo ektenñe dâtñe akmap.” dâmai. ¹⁹ Anutugât kâmotñe luâk are yâk amâ okot kaugât puli mem ariwaigât âi tânnenguâkgât mem kali. Âi are Kembu nângañmâ biwi owâiâk memaen. ²⁰⁻²¹ Akto nen Humonenñe dewunñân âlepñe agâkgât konok âi ire bo memaen. Akto luâk âmbâle siâñe pei nenekbâigât Anutugât pat dâm puli katmai âi are luâk âmbâle yengât dewunyenñân mem manmaen. Aregât siâñe nenekmâ makmâ sârekowâigât puli humo are ârândânñak yenñiwaen. ²² Haingât galanenñe siâ yâk olop ariwai yâk amâ hilâm dondâ âi wan me wan dop koenñe âi miep are âlepñe akmap. Akto hinñe yâkñe amâ ye nengât launenñe dowâk lokomai are yekberâm aktâp. ²³ Akto galane Tito amâ tân naguep arekñe tân yengumap. Akto luâk lâuwâ olop ariwai are Yesugât kâmot yâkñe âi miet dâm huñgun yetkimbiâ âi membela luâk âmbâle dondâ yelekmâ Kristogât kotñe mem agatmai. ²⁴ Aregât yâkñe ye penâyengimbiân amâ okot âlepgât tân yenñuwei. Akto yenñe agak meme âlepñe memai aregât keiyenñe yâk makyenñenñe nângâyî den are bunñe agâkgât ye tân yenñumbiâ Yesugât kâmot hârokñe nângâmbiâ ârândânñ akbiâp.

9

Puli katmâ manñetgât makyenñiep.

¹⁻² Akto nâne Yesugât kâmot Makedonia hânân mandâi are hin makyenñiân. Korinti Akaia hânân gâtñe hombañ ulikñân tâwât dewunñe katberâm ukenñe nângâyî. Hain dâm makyenñire agak memeyenñe nângâm hainâk tâwât dewunñe katberâm

ukenñe nângâyî. Aregât yengât biwiyenñe âi iregât ukenñe agâkgât lâuwânñe bo kulemgowerân. ³ Gârâmâ nâne Yesugât kâmot Makedonia hânân manmai are hin makyenñiân, Korinti gâtñe emelâk wan me wan potatmâ katberâm agi dâm galalupne huñgun yenñire togom agak memeyenñe yekbai. Yekbiâ nângât den bunñe akto heronñe akbaen are miawagâkgât wan me wan nângâm hengemgoweî. ⁴ Dâ Makedonia gâtñe siâ nâ olop togom yekbiâ bo hengem aguwai amâ nâ gain gain akbaen? Nâ den magân are bunñe bo akbai aregât anñun anñiwaen. Akto yekâ hainâk anñun anñiwai. ⁵ Aregât hinñe galalupne bikñe soñ huñgun yenñire yengâlân togom okot âlepgât tâwât dewunñe katbaen dâm makmâ hâreyi are bunñe agâk dâm hâwât yekbai. Hain akmâ puliyenñe bikñe potatmâ katbiâ talep are haminñân nunak yengâlân togom tâwât dewunñe yenñe emelâk menduguyi are katñet dâre dowâk owâiñeâk katbai. Hain akbiâ mem arim yenñiwan. Are amâ bo hâwât yekbiangât.

⁶ Hin nângâyenyewegât maktân. Luâk siâ âigât hâkânñ akmâ siâ getegâk kâmetmâ amâ sot bunñe yendoân getek mem manbiap. Dâ luâk siâñe âi kalam umatñe manbiapñe bunñe sopñân umatñeâk mem nembiap. ⁷ Akto ye siâkâ siâkâ ikinñeâk ikinñeâk biwiyenñân nângâm hengemgoweî. Aregât yenñe yengâlân bikñe bo hâwât yekbai. Anutuñe luâk âmbâle yenñiwaigât ukenñe nângâmai are okot âlep akmâ tân yengumap. Aregât bo hâwât yekbiâ siâkâ ikinñak ikinñak ukenñe nângâm katbei. ⁸ Akto Anutuñe han kalemñe akmâ wan me wan yenñimbo mem sambelem manbai aregât hinñe hilâm ârândânñ wan me wan yengâlân tatâp are potatmâ bikñeâk âi âlepñe siâ yenñiwaigât âiyenñe âlepñe sambelewîap. Are miawagâkgât Anutuñe bo pâpkomap. ⁹ Aregât keiñe Anutuñe makto luâk siâñe hin kulemgoeñp,

“Luâk âmbâle bikñande sot me wan me wan yenñimbiâ amâ Anutuñe agak meme âlepñe meme akyenñimbo agak meme âlepñe akmâ âgâm manbai.” hain kulemgoeñp.

¹⁰ Anutuñe han kalem akmâ kalam

amboñe alekñe wanmap me sot bunñe me wan me wan aknengimap arekñe yekai âi kalam kâmetgât alekñe penianmâ yengim yengât agak meme âlepñe sambeleâk dâm meme akyengimbo ¹¹ hokboâk hokboâk han kalem akmâ wan me wan potatmâ katbiâ tato are nenñe mem Anutugât kâmot umburuk are yengienñe mem âlepñe manmâ Anutu okot âlep agañmâ mepai meanbai.

¹² Galama, yeñe Anutugât kâmot wan me wan bo tatyengiâp are yengimbiâ âiyenñe ârândân aktâp. Gârâmâ areâk bo. Yengiyiân ain bikñande agak memeyenñe ekmâ Anutu mepainñe mem manbiâ Anutu gâlân ârândân akmâ âgâwiap. ¹³ Hain akto ye Kristogât den pat âlep bo heambukmaigât launje lokomai. Aregât keñe han kalem yeñande mem miawakto Yerusalem kepia gâtñe akto Yesugât kâmot bikñe hârok yengât han kalam agak memeyenñe ekmâ Anutu mepainñe mem heronñe agañbai. ¹⁴ Hain akmâ Anutunñe yengât han kalem ewangimapñe damunyenñe akmapgât ekmâ han biwiyenñe hikoyekmâ kinmâ yengât akmâ Anutu ulilanbai. ¹⁵ Galama, Anutu han kalemñe are gain gain makmâ miawakbaen? Aregât hanâk yei dâm mepainñe mem magañmâ âgâwaen.

10

Anutugât tembe saut lokom yengumaen.

¹ O galalupne, Kristonñe amâ lumbe yeukñe akyengimbo yâkgât wâtñân kinmâ yeukñe akyengiman. Aregât yengât bikñande hin dâyi, “Woe, Paulo âmâ han lâuwâ akmâ togom benñe yeukñe aknengimap. Dâ kâlewângen manmâ âmâ peinenekmâ kulengoep.” ² Aregât siân togom peiyekbian. Dâ den are bo agâk dâm âmâ dowâk agak memeyenñe heñgemgowe. Hain bo akbiâ amâ luâk bikñande, “Pauloma âmâ hângât nângâ nângâ watmai.” dâyi aregât denyenñe kom miwindik yekbian. ³ Akto nenñe hânân bam gutmaen. Dâ amâ hângât luâkñe agumai hain bo agumaen. ⁴ Akto hângât luâk tembe saut lokom yengumai. Dâ nen âmâ hain bo akmaen. Nen âmâ Anutugât wâtñân kinmâ Bâleñe

Aamboñe akto yâkgât sinduk baniara are yenguwêrâm manmaen. ⁵ Aregât arim luâk bikñe Anutugât bo nângâ anberâm akmai are arim makyengienñe nângâm ukenñe bo akmai. Akto pâlâmñe akmai. Akto luâk bikñe Anutugât hâkân akmâ Anutugât den bo lokomai are agak meme âlepñe akñet dâm âi humo mem hâwât yekmâ makyengimaen. Amâ luâk âmbâle bikñande hângâlâk nângâmai are Kristonñe damunyenñe agâkgât makyengimaen. ⁶ Akto yengâlân gâtñe bikñande hinñe launenñe bo lokomai arekñe kulem esenñe ire oyanmâ agak meme âlepñe akbai. Dâ bikñande den nenñe hâkân akmâ hângâlâk nângâm manmâ âgâwai are nenñe togom den makyengim miwindik yekbaen.

Luâk bikñande Paulogât nângâmbiâ giep.

⁷ Wan me wan siâ yu miawaktâp are ekñet. Akto yengâlân gâtñe bikñande hin dâyi, “Kristonñe emelâk damunnenñe akmap.” dâyi. Luâk hain dâyi are hin makyengire nângâñet. Kristonñe ye damunyenñe akmap hainâk nen damun nenñe akmap. ⁸ Akto areâk bo. Humonñe hin maknengiep, “Korinti gâtñe nângât hârogâk nângâwai.” dâm damun akñetgât âi nengiep. Akto gulip akyengiwên dâm bo nengiep. Akto nângât âi aregât âi mendere Anutunñe ekto ârândân akmap aregât kotne bo mem ge katbei. Akto bo anjun anjiân. ⁹ Gârâmâ kulemgore ekmâ hamewakñetgât yu bo kulengoân. Bo. ¹⁰ Akto yengâlân gâtñe bikñande nângâ yâkgât hin dâyi, “Woe, Paulonñe den umatñe kulem esenñân kulemgom kato oyanñenñe dâtñe akmap. Dâ ikinjak togom maknengimbo âmâ den are nângâenñe âmâ yeukñe akmâ yânñe akmap.” nângât hain dâyi. ¹¹ Aregât siân yengâlân togowianân âmâ den umatñe kulem esenñân kulengoân are hainâk launân makyengire nângâmbiâ dâtñe akto hamep akbai. ¹² Akto yeñe hin akmai. Ye yeñe dopyenânâk manmai. Yengâlân gâtñe konokñe amâ siâgât nângâm agak meme are dop agumap. Hain akmâ kotyenñe mem agatmâ yeñet nângâ anjimbiâ humo akmap. Aregât ye sinduk akmai nângân. Dâ nen âmâ hain bo akmaen akto nen yengât dop bo memaen.

¹³ Akto nennaet dop horat aregenâk arim makyengimaen. Nen Anutuñe âi nengiep aregâlâk nânghâm ari makyengimaen. Anutuñe âi are âmâ hânñe hânñe hârok potatmâ nengiep. Ain horalân makyengimaen. Akto hainâk ye makyengiwaen aregât âi nengiep. Gârâmâ aregât kotnenñe bo mem agatmaen. ¹⁴ Ulikñân dowâk Anutugât launje lokom kâlewângenba dowâk yengâlân togom makyengiennje Yesugât keñje pup pup nânghâyî aregât âi memaengât hâk mem agat agatgât den bo makmâ sambelemaen. Dâ togom bo makyengiân dâine dennenne bunñe bo akbop. ¹⁵ Gârâmâ âi are bo mem meteyion aregât luâk bikñande âi mem meteyi yâk yengât âiân hanâk watmâ kinmâ aregât hâknenne bo mem agatmaen. Bo. Ye hanyenñande Yesu Kristo nânghamâ kepilâm âgâmbiâ âmâ benñe yengât akmâ âinenñe mendenñe humolem âgâkgât bundâk hannenne aregât kindo manmaen. ¹⁶ Aregât luâk âmbâle hamiyenângen manmai yâk yengâlân den pat âlep makmâ ariwaen. Dâ luâk siâgât âi bunñe mem kinmâ mem metiep aregât âgâ âgâñe bo akbaen. ¹⁷ Aregât keñje Anutugât kulemñe hin maktâp, “Luâk siâ egâlian den makmâ âgâ âgâñe akberâm âmâ benñe Kembangât akmâ âgâ âgâgât makbiâp.” ¹⁸ Akto areâk bo. Luâk âmbâle yenaet kotyene mem agatbai are amâ Anutuñe luâk âmbâle yânñe dâm yekto gemap. Dâ Humoñe luâk âmbâle bikñe meyekmap are âmâ Humoñe yekmâ luâk âmbâle âlepñe dâm yekto huragumap.

11

Pauloñe ikinje keñje makyengiep.

¹ O galalupne, luâk yengâlai togom kotyene mem agatmai are yengât makyengiwe. Yâkñe nânghât kotne mem ge katmai aregât nunaet keine makyengire yeñe nânghâm yâk yengât keiyene nânghâmbiâ yânñe akbiâp. Dâ keine maktere nânghâ yâkgât sinduk akmap dâwai amâ hanâk makbe. ² Anutuñe yengât okot akmâ nânghâ nânghâñe humo katmâ nânghâlân togoñet dâm yengonmap. Agak meme aregât dâm nânje yengât nânghâmâk akman aregât luâk

siânje ikinje âmbâle dâtânje âlepñe memberâm nânghamap dop hainâk ye Kristogât dâtânje aregât meyegâk dâm âi yengât hutyenân âi mem hâk hilâlâm kakñân malân. ³ Gârâmâ ulikñân niambi mulum humo arekñe yonâk togom Ewa hiangiep dop hainâk luâk hinñe yengâlân togoyi arekñe agak memeyene âlepñe are akto Kristo okot âlep aganmâ denñe lokom kinmai are gulip komberâm nânghâ nânghâyene akto han biwiyeñe heyengiwerâm akmai are nânghâre biwine dondâ bâliâp. ⁴ Akto luâk arekñe Yesugât keñje makyengimai aregât hâkân akmâ Yesu siâgât den makyengim âmâ Anutugât Heak kârikñande kautyenân miep aregât wâtñân bo kinmâ hiangi den makyengimbiâ dowâk nânghâyî. Den pat are nânghâre umatñe humo miawaktâp. ⁵ O galalupne, hiangi luâk arekñe hin dâmai, “Nen âmâ Aposolo hârok ewangi yekmaen.” dâmai aregât nâ Aposolo ire amukyengân bo manman aten. ⁶ Nâmâ den makmakgât keñje siânje bo hekatniñdo makman. Gârâmâ nânghâ nânghâñe âmâ âlepñe. Aregât keñje hin me hain makyengiennje nânghâm meteyi.

⁷ Dâ nânje yengâlân togom Anutugât keñje makyengiân ainâk ye wan me wangât bo ulit yengiân. Ye umatñân manbâi dâm yân togom makyengiân. Aregât yeñe nânghât nânghâniñbiâ geâp mon? ⁸ Bo. Nâmâ tânyenjuwerâm âmâ Yesugât kâmotñe siângen manmai yâk ulityengiennje niñbiâ are mem manmâ ye makyengiyion. ⁹ Akto hutyenân mandere ain siâ me siâgât umburukñe akniñdoân âmâ umatñe bo yengiân. Bo. Yesugât kâmot Makedonia hânân manmai arekñe togom wan me wan niñi. Aregât umat bo yengire âmâ owâinân mali. Nâ hain agân aregât nânghâre âlepñe aktâpgât hain akbian. ¹⁰ Aregât den pat yengâlân sambeleâk dâm akto Akaiâ hânân hainâk sambeleâk dâm Kristo dewunñân kinmâ Paulo bunñe maktâp dânjetgât ya kulengoân. ¹¹ Aregât keñje amâ nânje okot bo nânghâyengim kotne mem agatman me? Hain bo. Nânje Anutugât dewunñân kinmâ hain dâm okot dondâ nânghâ yengiman.

¹² Akto hiangi luâk arekñe yenaet nânghangimbiâ humo akto hin dâmai, “Anu-

tuŋe Pauloma wâtŋe akyeŋgimbo âi memai hainâk nen gai wâtŋe aknengimbo âi memaen.” hain dâmai arewa den hiangi miawakto nâŋgâŋet dâm nunaet keine kulemgom metewe. ¹³ Hiangi luâk are âmâ Aposolo nengâlân gâtŋe bo. Yâkŋe nen Aposolo âi memaen dâm hianjim âi hanâk hanâk mem hianjim Kristogât âi dâmai. ¹⁴ Akto Niambi hainâk akmâ henengiwerâm ikinjaet hâkŋe mem purik katmâ aŋelo pagaleŋe amboŋe hainare akmap. ¹⁵ Aregât Niambigât âi luâk hâkyeŋe mem purik dâm, “Nen agak meme âlepŋeâk akmaen.” dâm hianjim hainâk akmâ heyenjiwerâm akmai. Hain akmai aregât hâmbâi Anutuŋe wan me wan memai aregât agak memeyeŋe dopyeŋân akyeŋgiwiap.

Paulogât kakŋân umatŋe humo miawagep.

¹⁶ Maktân aregât gaetŋe maktere nâŋgât den are nâŋgâmbiâ nâ luâk kopa hin are bo akbian. Dâ hanâk makberâm âmâ keine mem miawaktere nâŋgâniŋbiâ hâknaet bâlensiâ makmâ mem agatbe. ¹⁷ Dâ den ire makberân âmâ Kembugât lau bo makberân. Nunaet hâknaet mem agat agat gât hanâk sinduk denŋe hainare makberân. ¹⁸ Luâk dondâŋe hângât nâŋgâ nâŋgâyeŋe watmâ hâk mem agat agat den makmaigât nâ hainâk yu makberân. ¹⁹ Yeŋe nâŋgâ nâŋgâyeŋe nâŋgâmbiâ humo akmapgât hiangi luâk yeŋgâlân togomai are dowâk nâŋgâ yeŋgim maŋgan yekmai. Aregât nâ hainâk den hembalik makyenjiŋe dowâk maŋgan nekbai me? ²⁰ Akto siâŋe togom âi yeŋgim hâkânyeŋe akmâ ondopyeŋe hogom yeŋgât nâŋgâmbiâ gembo bâleŋe akyeŋgimbiâ âmâ yeŋe âlepŋe dâm maŋgan yekmai. ²¹ Akto nâmâ yeukŋe akmâ maŋgan yekman aregât hâkâŋ akmâ heninmai. Âlepŋe nâ hainâk kotne mem agatmâ makyenjiŋe dowâk nâŋgâ niŋbai me? Hiangi luâk are wan me wan akmâ manmai. Nâkai hainâk akbom. ²² Yâk, “Nen âmâ Yuda gâtŋe kotnenŋe siâ Hebraioâk tiŋ tiŋ dâm makmaen.” dâmai. Akto nâkai hainâk Hebraio yeŋgâlân gâtŋe. Akto yâk, “Nen âmâ Israegât hakulupŋe.” dâmai nâkai hainâk makman. Akto yâk, “Nen

amâ Abrahamgât hakulupŋe manden.” dâmai nâkai hainâk manman. ²³ Yâk, “Nen âmâ Kristogât âi luâk akmaen.” dâmai. Benŋe aregât nâkai hain akmâ hin makman, “Kristogât âiân nâŋe hârok yâk ewangiyekman.” hain makman amâ nune ukennaet bo maktân. Yeŋe hâwât nekbîâ aregât sinduk akmai hain akmâ maktân. Akto areâk bo. Âi humo mem ewangiyekman. Akto âi iregât kala busi kâlegen katnekbîâ bo yeugeminiân aregât nâŋe ewangiyekman. Luâk dondâŋe bugâŋe nugumbiâ momberâm akman. ²⁴ Akto Yuda luâk yeŋgât humomolupyeŋande tâk dâtâ dâtâŋe haminân orem orem pan nekbîâ sop 39 agep a haminân hainâk hainâk akbiâ momerâk agep. ²⁵ Akto sop âlâwu bugâ meân. Akto siân kâtŋe panmâ nuguyi. Akto sop âlâwu arim arim makyenjiân sop ain haruân waŋga bâlimbo haruân geân. Akto aregât hutŋân hilâm konok akto hândâk konok haru kakŋân bam gutmâ malân. ²⁶ Akto hilâm dondâ dâp kâlewângen manmâ togoân. Akto tu humo hâtikoân ain âmâ bo akberâm agân akto dâwân mandere luâk kâmburâ bâleŋande nuguwerâm akbiâ nâŋgâyekmâ malân. Akto nâŋgât kâmolân Yuda luâk galalupnande mem bâli nekberâm agi. Akto Yuda luâk bo arekŋe mem bâli nekberâm agi. Akto kepia humoân âgâre hainâk kepia humoŋe mem bâli nekberâm agi. Akto kepia hepunmâ hân pumângen arire ainâk luâk bikŋande mem bâli nekberâm agi. Akto haru hâtikore ainâk bâleŋe miawakniŋep. Akto luâk bikŋande nen Yesugât kâmolân gâtŋe dâm heninbiâ mem maŋgan yektere ainâk mem bâli nekberâm agi. ²⁷ Akto areâk bo. Âi humo mem hâk hilâlâm dondâ nâŋgâm hândâk âi mem asiŋ âlepŋe bo yem sotgât mopne agu agu tatminiân. Akto tugât momberâm agân. Akto seru niŋdo hâk pekegât umburuk agân. ²⁸ Akto areâk bo. Hilâm ârândâŋ luâk âmbâle Yesugâlân biwiyenŋe kali are nâŋgâ nâŋgâyeŋe bâliwop dâm damunyeŋe akberâm hanokoakmâ nâŋgâmâk dondâ nâŋgân. Akto âi humo meân. ²⁹ Hain akmâ Yesugât kâmolân gâtŋe siâŋe yeukŋe akto nâkai yâkgât pat nâŋgâre biwine gemap. Me Niambiŋe siâ biwiŋe

olonjo dosa akto benne nâ biwine umatje dondâ akto nângân.

³⁰ Akto nâ aregât wan arekjaetne makmâ humolewian? Manmanne yeukje miawagâkgât âlepje maktere ârândân akbiap. ³¹ Akto Anutu Humonenje Yesu aregât Eweje kotje tatmâ âgâwiap yâkgât kotje mem agatne yâk âmâ nâ bo hiangiân nângâp. ³² Akto wan siâne nângât yeukje miawaknijep aregât makbe. Ire ulikjân Damasko kepia âgân. Âgâm kindere luâk kotdâ siâ kotje Areta yâkgât kiap akto tembe lokolupje dâp kautjân kinmâ mem nuguwerâm agi. ³³ Hain akbiâ nângâm Yesugât kâmolân gâtje bikjande hândâgân haka humoân lugunekmâ kâtje haot humo ketugumai are dâpjanba tâk ulikjân yaiwâk mem pan nekbiâ gem gem ge kinmâ haka kâlegenba agatmâ kinmâ âlepje pârigim arire kiapgât tembe lokolupjande bo menegi.

12

Anutuje ulikjân Paulo kulem hekalanjdo ekto dâtje agep aregât magep.

¹ O galalupne, ye wan den maganji niñmai are nângân. Aregât ye hinje nângât den pat bunje nângânetgât hin makbe. Maktere âmâ âlepje bo tân nuguwerâp. Akto aregât ukenje bo nângâman gârâmâ hanâk Humonenjande wan me wan heambukmâ kalep are hekat niñep are makyengire nângânet. ² Nâ unjak gemân hombanj 14 bo akto Anutugât himbim kâlegen ain âgân. Akto nâ hâkne olop âgân me otnenande âgân amâ bo nângân. Anutuje konok nângâp. ³ Nâ hâkne olop âgân me otnenande âgân amâ bo nângân. Anutuje konok nângâp. ⁴ Anutuje wan hekat niñdo me wan me wan nângân are âmâ kâmbokje dondâ luâkje bo makmai are nângân. ⁵ Ya maktân luâk are yâkgât akmâ maktere ârândân akmap. Gârâmâ nunaet bo maktere humo akmap. Bo. Yeukjene maktere sambelem ariâk dâm makman. ⁶ Dâ kotne mem agatman dâine ârândân akbop. Akto luâk kopaje bo akbom. Akmâ nângât nângâmbiâ âgâ âgâje dondâ akbopgât aregât bo akbian. Wan

me wan akmâ mendere ekmâ nângâm hengemgowai areâk yembiâp.

Paulogât hâknân dâtje metje siâ miawagep.

⁷ Akto Anutuje wan me wan hekat niñep are nune kotne mem agatbomgât makto Hiangi Ambonaet honj bawa siâne hâknân hâk hilâlâm niñmâ dop nugumbo nângâre umatje agep. ⁸ Umatje are miawak niñdo Humone hin ulilanjân. Hâknân ire watmenâ ariâk dâm ulilanjân. ⁹ Ulilanjere âlâwu akto hin makniñep, “Luâk âmbâle yengât kârikjeneje bo tatyengimap ainâk nângât kârikje âlepje miawak yengimbo ârândân akbiap. Aregât hinje han kalemje damunge akmangât nângâmenâ ârândân agâk.” dâm makniñep. Aregât kârikjene bo tatniñdâp aregât nângâre âlepje aktâp. Kristogât kârikjande tân nuguâkgât nângân. ¹⁰ Kârikjene bo tatniñdâp me luâk âmbâle nângât makmâ bâlimai me umatje miawaktâp me gasa siâne mem bâlinekmai me wan me wan arekje gulip nuguwerâmbo ainâk kârikjene bo are miawakbopgât Kristoje dowâk tân nugumap are nângâm heronje humo akman.

Pauloje Korinti luâk âmbâle yengât hanoko agep.

¹¹ Den yu maktân ire âmâ sinduk akmâ hinare maktân. Amâ yeje goanj nekbiâ makmâ hilipkoân. Hiangi luâk yengâlân togoyi are amâ yânje gârâmâ ewangiyekman. Akto nâne yâk yengât amuk yejân bo mandân aregât yeje nângât kotne mem agali dâine ârândân akbop. ¹² Akto Aposologât tirip kulem dondâ hutyejân mem manmâ bo hâkâje agân are negi. ¹³ Aregât wangât Yesugât kâmot bikje yekbiâ âgâambo yengât nângâmbiâ giep? Dâ ire konok bo akyengire nângâmbiâ bâliâp mon? Umatyengiwomgât bo ulityengian are nângâmbiâ âlepje agâk.

¹⁴ O galalupne, nâ hinje yengâlân âlâwuje togowian. Togom âmâ puli me sot me wan me wan niñjet dâm âmâ bo ulityengiwian. Akto nananj lepat arekje ewe memelupyeje bo damunyeje akmai. Dâ ewe memelupyejande âmâ nananjlupyeje damunyeje akmai aregât dopje watmâ

hain togom yengât tâwât dewunje me sot wan me wan aregât bo ulit yengiwian. Bo. Nâ okotyene nângâ ninjetgât egâlianbian. ¹⁵ Akto nâje tân yenguwiangât hanâk hanâk nângât wan me wan bo akbiapgât ukenne nângân. Me yengât nângâm âlepje manbaigât âi mem manmâ mombiangât aregât hamep bo akman. Hain akmâ nâje ye biwinande dondâ nângâ yengiman aregât wangât yekâ bâlensiâ nângât han kalem akmâ nângâniqdâi? ¹⁶ Akto yengâlân gâtje bikje nângâ yâkgât hin dâmai, “Pauloje amâ bundâk bo ulit nengimap gârâmâ Anutugât pat dâm puli katbiâ mem arim yengiwian dâm henengimbo wandenne ikinje miep.” dâm hiangimai. ¹⁷ Hain dâmai aregât hin nângâm hejgemgowe. Nâje luâk bikje hunjun yengire yengâlân togoyi arekne amâ Paulo siâ siâ wanjet dâm ulit yengimai me bo? Bo. ¹⁸ Amâ Tito yengâlân togoâkgât hâwâtmâ maganân. Maganmâ amâ galanenje siâ hunjunandere olop oloj akmâ togoyiat. Togom amâ Titone siâ me siâ ulityengim meyenjep mon? Net Heak konok akto dâp konok bo manmaet mon? ¹⁹ Me den makmaen are nângâm gambiâ amâ kotnenje gewopgât akmap mon? Aregât hain bo. Nen Kristogât akmâ Anutugât dewunjan den makmaen. Hain makmâ amâ galama yengât akmâ tânyengunegât akmâ den makmaen.

²⁰ Galalupne, nâ yengâlân togom wan me wan memai are mem miawakbiangât hamep akmâ anjun angiwian. Akto nâje togom wan me wan akmai are bo akjet dâre nângâmbiâ umatje akbiap. Nâ togo ye wan akbai are mem miawakbian me? Den kuk akmai me galagât egâlianmai me ye yejaelâk nângâmbiâ humo akmap me ye siâgât haminângen makmai me kotyene mem agatmai me agak meme gulip akmai. Nâ togore hain akbiâ nângâre umatje akbiap aregât yengâlân togowerâm hamep aktân. ²¹ Akto nâje yengâlân togom yengâlân gâtje bikjande agak meme bâleje akmâ egâlian bâleje akmâ dâp gulip akmini arekne agak memeyene bo makmâ miawakmâ amâ hanyene bo purik katmai are nângâm Anutune hâwât nekto indem manmâ âgâwian. Aregât anjun angiwom.

13

Pauloje bâliwâigât kârikje kenungu yejep.

¹ Galalupne, nâ unjak âlâwune yengâlân togowerâm aktân. Togowian ain amâ luâk siâ denân katberâm akbiâ amâ luâk lâuwâ me âlâwu arekne den are makniqbiâ amâ den potatbian. Dâ luâk konokgât bo. ² Akto yengâlân lâuwâje togoânân amâ luâk âmbâle bâleje agi akto âlepje akmai are hârok amâ den kârikje makyengiân. Akto hinje kulem esenne iren den kârikje hainâk makyengiân. Nâ togowianân amâ makmâ miwindik yektere anjun angiwai. ³ Akto ye amâ han lâuwâ akmâ hin dâmai, “Paulo amâ Kristogât den makmap me bo?” hain dâm nângâm hejgemgowerâm aktâi aregât makmâ miwindik yektere nângâm Kristogât kârikje nângâmbiâ dâtje akbiap. Akto aregât Kristo amâ yeukjeâk bo akniqmap. Aregât yengâlân togore ikinje kârikje miawak yengiwip. ⁴ Akto bundâk Yesune ulikjan amâ kârikje bo akto lâwinân kombiâ moep. Amâ benje Anutugât kârikjan golâ akmâ agatmâ manmap. Aregât nen yâkne agep hainâk nenâkai yâkgât honlupne kârikje nenje bo akto yengâlân togom Anutugât kârikjan kinmâ Kristo olop manmâ tânyenguwai are makmâ miwindikyektenje dondâ anjun angiwai.

⁵ Akto yekâ yejeak hilâm ârândân biwiyene dopkom nângâm hejgemgowe. Akto ye Humogâlân biwiyene kârikje katâi me bo? Yejeâk mem potalakbei. Akto siâje biwine Yesugâlân bo kali are Yesu Kristo olop bo manmap. ⁶ Nen amâ Anutu bo nânganmai dopyene konok bo nângânetgât egâlianman. ⁷ Anutune damunyeje akto bâleje bo akjetgât ulilanmâ manmaen. Nen nenekbiâ Anutugât kâmot bunje akbaen me bo? Aregât bo makmaen. Ye Anutugât den lokombiâ ârândân agâkgât makmaen. ⁸ Amâ nen den bunje gasa gain gain aganbaen? Gala aganbaengât dâp areâk tatâp. ⁹ Akto nen tân yengum yeukje aktenje kârikje akbai aregât nen herone akmaen. Akto ye Anutugât dewunjan salek salek kinmâ âgâwaigât Anutu ulilanmaen. ¹⁰ Nâ yengâlân togom metje akyengiwomgât kâlêwângen

manmâ sami den yu kulemgoyengiân.
Kembuñe kârikñe niñep arekñe itin gulam
yengiwiangât bo niñep. Amâ hingât. Ye
mem kârikñe ketugu akyengiwiangât niñep.

Den bâiñe.

¹¹ O galalupne, nâ bâiñe makbe. Ye
âi mem agak meme âlepñe dondâ are
menegât egâlianmâ kautyene orewei.
Ye nângât kulem esenñe ire oyanmâ
hengemgowe. Akto ye biwi konok manbei.
Akto kuk hengân bo akbei. Hain akbai
âmâ Anutu nângâ nângâ ambone akto
kambiamnenñe sându geâkgât meme
aknengimap arekñe damunyenñe akmâ ye
olop tatmâ âgâwiap. ¹² Akto nâ yengât
nângân aregât ye konok konok hârok
magañgi goañgi akmâ bâtyene koañgiwei.
¹³ Akto Yesugât kâmolân gâtñe kepiane
kepiane manmai arekñe yengât nângâm
herone akmai aregât den pat ire ye
nângâwai dâm hâwât nekbiâ yu kulengoân.

¹⁴ Kembu Yesu Kristo yâkgât han kalem
âlepñe akto Anutugât han kalem akto
Heakgât limbâp are yengâlân yem âgâwiâp.

Galatia

Anutuñeâk Paulo aposolo âigât wanjo meminep.

¹⁻² O galalupne, hân kotñe Galatia aregât ambolupne ye âmâ emelâk biwiyene Yesugâlân katmâ menduguyi aregât kulem esenne ire katyengire togoâp. Nâ Paulo, akto Yesugât kâmot nâ olop manmaen nenñe kulem ire katyengiennene togoâp. Akto nâñe Yesu Kristogât âi aposolo ire âmâ luâk siâñe bo katnegep. Yesu Kristo akto Eweñe Anutuñe Yesu momonânba goaño agalep yâkñe nâ âi ire niñiat. Aregâlâk lâuwânne maktere nâñgâñet. Luâk siâñe makniño âi ire bo meman. Bo. Anutu akto Yesu yâkñe tân nugumbela yâk yetgât hoñ bawa manman. Aregât den ire makyengiwerâm aktân. ³ Ewenenñe Anutu akto Humonenñe Yesu Kristo yâkñe han kalem akmâ damunyenene akbela han kalem akto lumbe yengâlân hâtikom yendo biwiyene sândugewiâp. ⁴ Akto Anutu Ewenenñande han nâñgâ nâñgâñeet bunñe makto Yesuñe lauñe lokom nengât akmâ hâu nenñe mem moep. Eweñeet lauñe lokom gembo kombiâ mondo dosanenñe bo agep. Akto Yesuñe nengât hin magep, “Nâñgât kâmot hâmbâi miawakbai are gasalupyenande bâleñe akyengiwiâi dâm Eweñeet lau lokom menekñet.” dâm kindo mem kombiâ moep aregât wan me wan bâleñande hilip nenguwiapgât dop bo tatâp. ⁵ Aregât nenñe sop ârândânñak kotñe mem agatmâ manmâ âgâwaen. A bundâk.

Den pat âlepñe konogâk tatâp.

⁶ Galalupne, yengât den pat nâñgâm biwine bâliâp aregât den metñe makyengire nâñgâñet. Anutuñe yengât okotñe nâñgâm makyengimbo biwiyene Yesugâlân kali are dowâk hâkân akmâ biwiyene siâgâlân katberâm aktâi me? Hain akberâmbiâ nâñgâre biwine dondâ bâliâp. ⁷ Ye gain gain akmâ biwiyene siâgâlân katberâm aktâi? Yesugât den pat âlepñe are konok yendâp aregât siâgâlân biwiyene katbai aregât dâp bo tatâp. Gârâmâ siâñe Yesugât den pat gulip agâk dâm akto luâk biwiyene Yesugâlân kali

areyengât biwiyene gulip agâk dâm den pat anğâ makyengimbo are bo nâñgâwei. ⁸ Akto aregât hin dân. Nengâlân gâtñe siâñe nengât den hainâk bo lokom âmâ den irakñe makyengiwiap aregât Anutuñe hilipkoâk dâwe. Akto Anutugât hoñ bawa dâp pânân manmai kotyene anelo areyengâlân gâtñe siâñe me luâk siâñe me nengâlânba luâk siâñe den emelâk nâñgâyi hainâk bo mem âmâ den irakñe makyengimbo âmâ aregât hin dâman. Anutuñe hilipkombo hemem kâlâwân geâk dâman. ⁹ Den ulikñân magion areâk gaetñe ire maktân. Niñande pat âlep den hekatyengiep a hilipkom anğâ siâ makyengiwiap yâk hememgât pat akbiap. ¹⁰ Galama, nâmâ luâkñeak nekñet hain dâman me Anutuñe nekto huraguâk dâm akman mon? Akto nâñe luâkñe kotne mem agatñet dâman dâine Yesugât den pat âlepñe makyengiman aregât âi emelâk hep-unbom.

Paulo ikinjaet akmâ miep aregât pat.

¹¹ O galalupne, nunaet pat are makyengire nâñgâñet. Ulikñân den pat âlepñe makyengire nâñgâyi are âmâ luâk siâñe ikinjaet nâñgâ nâñgâñân bo makniño makyengiân. Bo kârikñe. ¹² Amâ luâk siâñe siâ bo makmâ hekatniñep. Yesu Kristoñe ikinjak miawakto ektere ainâk den pat âlepñe aregât keñe makniñep. ¹³⁻¹⁴ Akto nâñgât pat ulikñân agân are emelâk nâñgâyi. Amâ hin agân. Nâñe Anutugât kotñe mem agatbe dâm Yuda nengât agak meme watmâ agân. Hain akmâ Yuda luâk hutyenânba luâk kâmñe hârok nâñe bâgilupnenñe yengât agak meme are hârok memberâm kârikñe dondâ akmâ ewangiyegân. Aregât luâk âmbâle biwiyene Yesugâlân kali bikñe mem hilipyenğân. Akto Anutugât kâmot Yesuñe damunyenene akmap are hârok bo akñet dâm âi humo meân. ¹⁵ Dâ nâmâ ulikñân memenande boâk menektoân Anutuñe, “Gâ nâñgât dâtânge.” dâm makmâ hâreniñep arekñe ikinjak okot âlepgât nâ humo aktere ain hanne mem purigep. ¹⁶ Hain akmâ ikinjaet nanñe Yesu are hekatniñmâ hin dâm makniñep, “Gâ nâñgât nanne iregât den pat âlepñe are Yuda luâk âmbâle bo are makyengiwiat.” dâep. Hain dâmbo aregât

sop ain âmâ nâne luâk bikne bo aiyenğuân. ¹⁷ Akto Yesugât aposolone son Yerusalem kipian mali are bo aiyenğuân. Anutuñe âi keñe hekatniñmâ aposologât âi niñep aregât yânâk Arabia hânân arim tatmâ benje arewa purik katmâ Damasko kipian ari malân.

¹⁸ Ain manmâ hombanj âlâwu bo akto âmâ Petoro ekberâm Yerusalem kipian arim Petoro olop tatmâ den dât maganji goanji akmâ tatetne hilâm 15 bo agep. ¹⁹ Sop ain Petoro akto Humo nenjaet emiñe Yakobo areâk yelegân. ²⁰ Amâ nâmâ bunneâk makman aregât Anutuñe nângâmap. ²¹ Akto aregât siâkâ makbe. Nâ Petoro hepunmâ ainâk hân kotne Siria akto hân kotne Kilikia ain arim malân. ²² Akto Yesugât kâmot Yudaiagen manmai yâkne bo nângâniñmini. ²³ Yâkne nângât den pat hin amâ nângâyi, “Nengum watnenekmâ den bunne gâlikoâkgât magepne hinje Yesugât keñe makyengim manmap.” ²⁴ Hain nângâm Anutugât kotne mem agali.

2

Paulone Yerusalem âgâmba Aposolo bikne olop biwi konok agi.

¹ Akto arewa nâ hân siân siân arim mandere hombanje 14 bo akto ainâk Anutuñe miawakniñmâ hin makniñep, “Yerusalem kipian ariwen.” dâmba Banaba akto Tito olop Yerusalem kipian ariyion. ² Ain arienje humomoâk mendugumbiâ yân manbomgât Yuda luâk âmbâle bo manmai are makyengiman are bundâk me bo dâm makyengire nângâmbiâ bunje agep. ³ Nângâmbiâ bunje akto Yuda luâk bo are hâkyene gâmbiâ Anutuñe yekto ârândân akbiap aregât keñe bo makniñi. Akto galane Tito yâk âmâ Girik hânân gâtne aregât hâkne gâi gâigât bo maganji. ⁴ Akto sop ainâk luâk bikne bâleñe aknengiwerâm Yerusalem kipian yonâk âgâm nengâlân yaiwâk penânengiyi arekne, “Yesu Kristogât kâmotne Mosegât den lokoene Anutuñe nenekmâ luâk âlepne dâwiap dâm hain bo makmai are makyengiñe Mosegât den lokom biwiyeñe aregâlâk nângâñet.” dâm penânengim umatne kaknenñân katberâm agi. ⁵ Luâk bâleñe arekne hain dâm hâwât

nenekbiâ nenâmâ bo dâm Yuda luâk bo are den pat âlepne nângâmbiâ biwiyeñe owâiâk dâm luâk bâleñe yeñgât den are bo nângâyion. ⁶ Akto Yesugât kâmot arekne Yakobo, Petoro akto Yohane yâkne nengât humomolupnenje dâm yeñgonli yâk Anutuñe biwiyeñân ekmap arekne nângât den bo koyi. Akto humomolupnenje dâm yekmai are yektere humo bo akmap. ⁷⁻⁸ Hain akmâ Anutuñe den pat âlepne Yuda luâk bo are makyengiwen dâm makniñep aregât pat makyengire nângâm, “Woe, Anutuñe Petoro Yuda luâk âmbâle are den pat âlepne makyengiwen dâm maganmâ tângomap yâkne hainâk Paulo Yuda luâk âmbâle bo manmai are makyengiwen dâm aregât tângomap.” dâm nângâmbiâ bunje akto den bikne siâ bo dewatiyi. ⁹ Akto Kembuñe âi niñep are Yakobo Petoro akto Yohane yâkne Yesugât kâmot yâk yeñgât tân maliñe nângâm kotgâm nâ akto Banaba gala menelekmâ bânnetne koyi. Akto net Anutu bonânğanmai yâk yeñgâlân âi mendetne yâk yeñak Yuda luâk tiripdâ yâk yeñgâlân arim makne dâm magi. ¹⁰ “Akto den konogâk tatâp are nângâet. Yuda luâk âmbâle umburuk aregât bo nelâm yetkiwiap.” dâm maknetkimbiâ Yuda luâk âmbâle umburuk mali areyeñgât okot âlep akyengimaet aregât âlepne dâyiôt.

Petoroñe âi mem hilipkoep a Paulone nângâmba bo huraguep.

¹¹ Akto hilâm siân Petoroñe Antiokia kipian togom manmâ âmâ agak meme bâleñe akmâ hilipkombo den metene maganân. Amâ hin. ¹² Ulikñân Yuda luâk âmbâle bo manmai are penâyengimbo olop mali. Ainba Jakobogât galalupñande âkâ hainâk Antiokia kipian togombiâ Petoro hâk gâi anjiñet dâmai are yeñgât hamep akmâ Yuda luâk âmbâle bo manmai are hepunyekmâ Jakobogât galalupne are penâyengiep. ¹³ Petoroñe hain akto aregât Yuda luâk âmbâle bikñande hainâk akmâ Yuda luâk âmbâle bo manmai are hepunyegi. Akto sop ain Banabañe galalupñande Yuda luâk âmbâle penâyengiyi are yekmâ hainâk Yuda luâk âmbâle bo manmai are hepunyegep. ¹⁴ Akto pat âlep dengât dâp ârândân bo tâlimbiâ yekmâ luâk bikne yâk

yengât dewunyenân Petoro hin magañân, “Gâ Yuda luâk nenjaet agak memeân bo akminen. Anutu bo nânğanmai yâk yengât agak memeân akmenâ ârândân agep. Dâ hinne Yuda gâtne bo are Yuda nengât agak memeân aknetgât makmenâ âmâ bo ârândân aktâp. ¹⁵ Nen Yuda hânân gâtne nenne âmâ ulikjân Mosegât den kârikne lokoenne Anutune luâk âlepne dâm nengolâk aregât Yuda luâk bo are yekmâ luâk bâleje dâm yengonminion. ¹⁶ Gârâmâ hinne nângâ nângâ irakne mem âmâ nen den kârikne lokoenne Anutune nenekmâ luâk âlepne dâm nengonbiap aregât dâp bo tatâp. Bo. Yesu Kristo nânğanenne amâ dosa bâlâkgât pat miawaknengiwiap, a nângâmaen. Aregât nen biwinenne Yesu Kristogâlân katenne Anutune nenekmâ, “Nannande dumyenân kinlep aregât dosayene bo agep.” dâep.”

Yesune moepgât Paulokâ hainâk manmanne hepunmâ momogât dâp agep.

¹⁷ Dâ Kristogâlân dewatim mandenne Anutune nenekto huraguâkgât mannegât bâleje nenne miawakmap. Aregât gain gain dâwaen? Are Kristone hâwât nenekto bâleje akmaen mon? Bo. Hain bo tatâp. ¹⁸ Wan me wan bâlejerâm hâkân akmâ hepulân are gaetne lâuwâne mem gangerâm manbian amâ bundâk nâ den koko luâk akbian. ¹⁹ Dâ den kârikne Moseje kulengoep arekne nugumbo mondere den kârikjande lâuwâne bo damunne agep. Are Anutu mananberâm agân. ²⁰ Hain akmâ Anutune nanne hunğunaņdo gem nângât dumnân kinmâ moep aregât nâ momogât dop agân a nunaet akmâ bo. Kristone biwinân manmap hâk olop manman. Hain akmâ Anutugât nanne nânğanmâ yâkgâlâk manman. Yâkne âmâ han kalem akniņmâ manmanne nângât akmâ hepunmâ moepgât. ²¹ Aregât hin nângân. Den kârikne lokoenne luâk âlepne dâm nengonbiapgât dop tatâp dâine Yesu Kristo moep aregât den are yânne akbop are nângân. Akto Anutune nanne damunnenne akbiap dâm hunğunaņep pat are nângâm hilipkowom.

3

Biwinenne Anutugâlân katenne Anutune nenekto huragumap.

¹ O galalupne, Galatia hânân gâtne ye ulikjân Yesu Kristo moep aregât pat makyengire nângâm meteyiân ainâk den pat are dowâk nângâmbiâ biwiyenân gem kârikne agep. Dâ hinne âmâ niņande biwiyene mem gulip milip mângiyegep? ² Aregât hin aiyenguwe. Yeņe den kârikne lokombiâ Anutune ikinjaet Heakne yengiep me den pat âlepne makyengire dowâk biwiyene Yesugâlân katbiâ ainâk Anutune ikinjaet Heakne yengiep mon? ³ Aregât wangât yeņe kârikneyene watmâ aregâlân biwiyene katâi? Dâ Anutugât Heakne yâkgât kârikjande ulikjân tânyengumbo mali aregât hinne manman tâmbâjaet dâwân ariwai me? ⁴ Wan me wan humo are yân hanâk miawakyengiep mon? Bo. ⁵ Are lâuwâne makbe. Luâk âmbâleje den kârikne lokombiâ Anutune ikinjaet Heakne hunğunaņdo meme akyengimbo kulem siâ siâ akmai me bo? Bo. Nenne biwinenne Yesugâlân katenne Anutune ikinjaet Heakne âlepne hunğun aņdo kârikne nengimbo kulem siâ siâ memaen.

Abraham Anutu nânğanđo kârikne agep.

⁶ Abrahamne Anutune den bunne maktâp dâm kambiamne âlepne akto biwine Humogâlân kato âmâ Anutune dosage bo aktâp dâm konlep. ⁷ Aregât hainâk nen âkâ biwinenne Anutugâlân katenne Anutune nenekmâ Abrahamgât kâmot dâm nengonbiap. ⁸ Akto aregât siâkâ makbe. Anutugât denņande siân Yuda luâk âmbâle bo manmai areyengâlân gâtne bikjande biwiyene nannaelân katbiâ dosayene bo tatyengiâp dâwian dâm aregât Abraham hin magañep, “Siân gângât kâmolân gâtne konok miawakbiap sop ain âmâ luâk âmbâle hân biken biken manbai are hârok tân yengumbo herone akbai.” ⁹ Aregât nen hin nângâmaen, “Biwinenne Anutugâlân katmaen nenne âmâ Abrahamne Anutu lau lokoanminep yâkgât kâmolân mandenne Anutune tân nenguwiap.” hain nângâmaen.

Yesu nengât akmâ sait den bâleje kakjân âgâep.

¹⁰ Akto Moseŋe kulemgoep bikŋe hin tatâp, “Luâk âmbâle den kârikŋe hârok bo lokowai yâk Anutuŋe kuk akyeŋgimbo bâliwai.” hain tatâp. Aregât den kârikŋaet âiŋande tânyeŋgumbo manbai yâk âmâ sait membai. ¹¹ Akto luâk âmbâle bikŋe biwiyene Anutugâlân katbiâ tânyeŋgumbo manman âlepŋân manbai a nâŋgâmaen aregât den kârikŋe kâlegen manmâ Anutugâlân dosa bâlâk akbaengât bo tatâp. ¹² Den kârikŋe denân amâ biwi kat katgât keiŋe bo. Amâ hin magep, “Luâk âmbâle bikŋe den kârikŋe lokowai yâk âmâ manman âlepŋân manbai.” ¹³ Anutugât denŋande hin dâep, “Luâk siâ lâwin parâŋân hokatbiâ kinbiap are Anutuŋe sait bâleŋe kakŋân katbiap.” Aregât Kristo nengât hain are akmâ sait bâleŋe miep. Mem âmâ den kârikŋaet sait are mem nengâlân togowopgât gulip koep. ¹⁴ Hain akmâ Anutuŋe Abrahamgât makmâ hâriep are Yuda luâk bo manmai yâk yeŋgâlân ari-wiapgât moep. Akto nen Yesu nâŋgaŋdenŋe Anutuŋe ikiŋe wâtgât meme Heak are makmâ hâriep are nengâlân togowiapgât moep.

Den kârikŋande amâ bât samulânba bo hâkokonenekbiap.

¹⁵ Galalupne, nengât agak meme âmâ hin. Luâk siâŋe den makmâ kalep aregât siâŋe den are dewatim katbiap me bikŋe hârewiapgât dop bo tatâp. Borondâ. ¹⁶ Akto Anutuŋe bât samut are Abraham akto hakuŋe siâgât magep. Akto Anutugât den kulemŋe amâ kâlelupŋe biwirâ yâk yeŋgât bo magep. Konokgât magep amâ Kristo are. ¹⁷ Akto Anutuŋe den makmâ kalewânbak hombaŋ 430 bo akto ainâk Anutuŋe den kârikŋe makto Moseŋe kulemgoep. Den kârikŋe arekŋe Anutuŋe Abraham maganŋo den makmâ kalep are mem ge katbiapgât dop bo tatâp. ¹⁸ Aregât lâuwâŋe makbe. Anutuŋe, “Gâ den kârikŋe lokowiat âmâ gâ akto gâŋgât kâmolân gâtŋe siâ wan me wan yetkiwian.” dâep dâine benŋe Anutuŋe den lumbe are bo makmâ katbop. Gârâmâ Anutuŋe Abraham yân âi bo miepgât den lumbe makmâ hâriep.

Anutugât den kârikŋande dosanenŋe tek-teknân kalep.

¹⁹ Wei, Mosegât den kârikŋande amâ wangât dâmap? Hingât. Anutuŋe luâk âmbâle nengât agak memenenŋe bâleŋe miawagâkgât den kârikŋe kalep. Gârâmâ den are tadmâ âgâwiapgât dop bo tatâp. Abrahamgât kâlegen den pat Amboŋe miawakto hulaŋ akmâ ariâkgât makmâ kalep. Akto den kârikŋe are amâ aŋelo lauŋe makmakgât miawagep. Akto yân bo. Luâk mendugunenekmapŋe bâtŋân mem katnenegep. ²⁰ Dâ mendugunenekmap luâk yâk amâ luâk konokgât bo akmâ manmap. Biwirâ nengât akmâ manmap. Dâ Anutu amâ konok. ²¹ Akto den kârikŋe arekŋe Anutugât pat âlep den mem ge katmâ hâlâŋmâ aŋgâ miawakbiap mon? Hain bo. Den kârikŋe arekŋe luâk biwi golâ mâŋginenekmap dâine âmâ bundâk den kârikŋe lokoŋe dosa bâlâk agak meme are miawaknengiwop. ²² Gârâmâ Anutugât denŋande luâk hârokŋe bâleŋaet tâgân dâgâm gisap konenekmap. Amâ hingât. Anutuŋe Yesu Kristogât akmâ luâk âmbâle bikŋe Yesu nâŋgaŋmai aregât makmâ hâriep den are bunŋe agâkgât. Amâ nen Yesu nâŋgaŋmaengât. ²³ Dâ Yesu bo nâŋgaŋmâ kepilâyionân âmâ nen Yuda luâk are den kârikŋande hikonenekto tâgân yem mandenŋe Yesu nâŋgaŋmâ manbaengât patŋande miawakmâ tek tegiep. ²⁴ Akto aregât den kârikŋande damunnenŋe akmâ Kristogâlân katnenegep. Arekŋe Yesu nâŋgaŋmâ dosa bâlâk manbaengât hain aknengiep. ²⁵ Dâ nen biwi kat katgât dâp miawakto are tâlienŋe miwindik nenekmapgât tâk togep. ²⁶ Amâ ye hârok Yesu Kristo nâŋgaŋmaigât hârok Anutugât nan baratlupŋe agi mandâi. ²⁷ Akto tu puliyegiân âmâ Kristogâlân dewatiyi. Ye hârokŋe Kristo luguakmâ lugumbiâ giep. ²⁸ Aregât Yuda luâk âmbâle me Yuda luâk âmbâle bo me luâk kotdâ, me luâk yânŋe, me luâk me âmbâle ye hârok Yesu Kristogât akmâ kâmot konok manbiâ Anutuŋe yekmâ âmâ dop konok dâm yeŋgonlep. ²⁹ Anutuŋe hain dâm yeŋgondo Kristogât kâmot agigât Anutuŋe Abrahamgât den lumbe makmâ kalep den bunŋe yeŋgâlân

miawaktâp.

4

Anutugât nan baratlupne agion.

¹ Nengât agak meme âmâ hin tatâp. Nan baratlupnenne nen mombaenân nengât wan me wan are membai. Gârâmâ nananyenânbak yân manmai. ² Akto nenne hoj bawalupnenne hin makyengimaen, “Nan baratlupnenne damun yeje akbei.” dâmaen. Hain makyengim nan baratlupnenne irawot humomo akbiâ ainâk bâin dâenne wan me wan are memai. ³ Nengât dop hainâk tatâp. Tâmbâne hannennde gurukne manmâ hângât wan me wan yânne hoj malañion. ⁴ Ye akto nen hain aktenne Anutune bâin dâmân Nanne huñgun aņdo âmbâle siâgât tepñân miawakto mendo Yudagât den kârikne aregât amukñân malep. ⁵ Manmâ luâk âmbâle den kârikñande damunyeje akmap are Anutugât kâmolân dewatiwai nengât dosa mem den kârikne damunyeje akmap a bo agâk dâm dumnennân kilep. ⁶ Anutugât Nannde hain agep aregât ye âmâ Anutugât nan baratlupne agi. Aregât Anutune Nanñet Heakne nengât huñgun aņdo gem meme aknengimbo ainâk, “Ewenenne Ewenenne.” dâenne kambiamnenne owâiep. ⁷ Aregât gâ hoj luâk bo manmat. Gâmâ Anutugât nanne manmat. Hain akmâ nanne manmâ Anutu biwi âlepñet akmâ bât samut aregât amboje gai manmat.

Kotne siâ bâlene hamiañion are lâuwâne bo membaen.

⁸ Akto ye ulikñân Anutu bo nângâmini sop ain hângei den nângâm siâ siâ yânne areyengât hoj bawa akmini. ⁹ Akto beirâ Anutune yekmâ nângâyeñgimbo âmâ ye gai hainâk yâk nângañi. Hain akmâ âmâ wangât hinne wan me wan bunne are hepunmâ âmâ wan me wan bunne bo akto kârikne bo are mete katmâ hoj manañmai? ¹⁰ Hain akmâ hombañ keñe keñe aregât nângâmbiâ bunne akto tatmai amâ bo ârândâñ akmap. ¹¹ Yeje hain agi aregât nâne âi yengât meân are bâliwiapgât dop miawakto kambiamne bâliâp.

Galatia gâtñande Paulo hâkâne dâm hamiañi.

¹² Galalupne, nâ ulityengim makbe. Nâne yengât akmâ wan akman aregât nângât dop hainâk akbei. Ye ire manmâ gam wan me wan bâlene siâ bo niñi. ¹³ Akto nâne kundat agân aregât den pat âlepne pup pup makyengiân are emelâk nângâyi. ¹⁴ Akto sop ain kundat nugumbo yeje tân nugum âi humo mem nângât hâkâñ bo agi. Akto ye aņelo me Yesu Kristo hoj bawa akyengimai dop hainâk hoj bawa akniñi aregât wangât hinne hepun negi? ¹⁵ Yei, sop ain makmâ egâliañ agi are wangât bo aktâp? Ye dewunyeje koaņe kâwutmâ nâ niñbaigât dâp tato dâine niñbâi. Are bunne nângâm hengemgom maktân. ¹⁶ Akto nâne yengât okotne nângâm aregât den bunne makyengiân, aregât wangât gasa akniñdâi? ¹⁷ Luâk bikñande yengât ukenne akmai, amâ bunne bo akyengimai. Akto yâk ukenne akyenginetgât ye yânñangen katyekmai. ¹⁸ Akto luâk are bunne tân yenguwêrâm akmâ togoyi dâine nâne tân yenguwiangât dop bo tato herone dondâ akbom. Gârâmâ nâ ye olop bo talân. Akto luâk are hilip yenguwêrâm togoyi. ¹⁹ Nan baratlupne, nâ yengât akmâ metñande nigimbo hâk hilâlâm nângân areâk totokom nângân. Aregât Kristogât towat yengâlân miawakmâ pagaleâk hâk hilâlâm are nângâm manbian. ²⁰ Nâ yengât hanokoak dondâ akmgât yengâlân dowâk togom den makmâ purik gurik akmâ makyengiwerâm akniñdâp.

Sara akto Haga yâk yetgât den ginne.

²¹ Galalupne, den kârikne lokowerâm aktâi aregât makyengire nângâñet. Mosenne den kârikne kulemgoep are hin tatâp. ²² Are amâ Anutugât dennde hin dâep, “Abrahamgât nanañ lâuwâ miawagiat. Siâ hoj manman âmbâle Haga arekne miep. Dâ siâ Isaka âmâ âmbenne bunne Sara arekne miep. ²³ Akto hoj manman âmbâle Haga arekne miep are âmâ yânñangen miawagep. Dâ âmbenne bunne Sarane miep Isaka âmâ Anutu makmâ hâriepgât dopñân miawagep. ²⁴ Akto den aregât bikne hin tatâp, Âmbâle lâuwâ amâ Anutune

den dewatiakbiandatgât agak meme lâuwâ aregât dopņe agiat. Siâ âmâ Sinai gimbâņe agakņe yâkgât kâmotņe amâ hoņ manman agi. Aregât dopņe amâ Hagaņe agep. ²⁵ Haga are Sinai gimbâņe Arabia hânân tatâp aregât dop. Dâ Yerusalem kipia are Sinai gimbâņe olop dopyetņe konok aktat. Yâkgât kâmotņe hoņ manmanâk gai akmai. ²⁶ Dâ Yerusalem kipia egon himbimân tatâp arekņe amâ Sara âmbenņe bunņe yâkgât dop kipia arekņe âmâ memenenņe bunņe aktâp. ²⁷ Anutugât denņande hin dâep,

“Âmbâle gupinņe nanaņ bo memmat gâ biwi kau nâņgâwen. Akto nanaņ bo memmatgât heronņe maronņe akben. Nanaņlupgande amâ âmbâle luâkdâ yâkgât nanaņlupņe ewangiwai.” dâep.

²⁸ Den are bunņe akto nen Anutuņe Abrahamgât nanņe Isaka yâkgât den makmâ kalep are nengâlân miawagep.

²⁹ Dâ ulikņân nanaņ yânņande nanaņ bunņe Anutugât Wâtgât meme arekņe tângombo miawagep are gasa agaņep. Dop hainâk hinņe aknengimai. ³⁰ Aregât Anutugât denņande gain gain maktâp? Hin. Hoņ manman âmbâle yâk nanņe olop watyelekmenâ ariet. Hoņ manman âmbâlegât nanņande âmbâle bunņaet nanņe olop bāt samut bo membiâp. ³¹ Aregât galalupne, nen hoņ manman âmbâlegât nanlupņe bo. Nen âmâ âmbâle bunņe yâkgât nanlupņe dop agion manden.

5

Yesuņe emelâk tâgânba oloņnenegep.

¹ Galama, tâk bâlâk mannegât Kristoņe hulaņ nenegep, aregât bikņande tâgân katyekberâm akbiâ âmâ hâkâņ akbei. ² Nâ Pauloņe makyenģire nâņgâņet. Ye hâkgât tirip membiâ âmâ Kristoņe yengâlân wan me wan yânņe hainare akbop. ³ Gaetņe totokom makyenģiwe. Siâ hâkņân tirip membiapņe den kârikņe hârok lokombo ârândâņ akbiap. ⁴ Den kârikņe lokom dosa bâlâk manberâm akbiâ âmâ ye Kristo olop dewatiyi are toktâp. Akto han kalem yengâlân bunņe bo akbop. ⁵⁻⁶ Akto nenņe biwinenņe Yesu Kristogâlân kalion nen hâknenņe gâi aņģiyion akto bo gâi aņģiyi

nen âmâ kâmot konok akmâ biwinenņe Yesugâlân hokboâk hokboâk katmâ hoņ bawa agaņmâ okot âlep agaņmaen. Aregât akto Anutugât Heakņande tân nengumbo Yesuņe âi miep aregât hâuņe âlepņe membaen aregâlâk nâņgâm miawagâk dâm kondenņe kambiamnenņe sândugem âlepņe akmap.

Luâk den hanâk makmai are yengât den bo nâņgâniâm.

⁷⁻⁸ Galalupne, ye ulikņân den pat âlepņe nâņgâm Yesu hoņ bawa agaņbiâ yektere ârândâņ agep. Gârâmâ hinņe Yuda luâk amon siâņe Humonennande ye oloņyekmâ manman âlepņaet dâwân katyegep arekņe bo huņgunyengiep arekņe yengâlân togombiâ âmâ denyenņe dowâk nâņgâyi aregât pat nâņgâre bo ârândâņ agep. ⁹ Amâ hin. Bau wiņe bâlensiâ solân gembo hârok bâlimap. ¹⁰ Akto nâ biwine Humogâlân katmâ manman aregât hin nâņgân. Ye hinâk nâņgâwai. Luâk bâleņe akyenģimap are âgâ âgâņe me gegene bikņe Anutuņe hâuņe wanđo umatņe membiap.

¹¹ Galalupne, nâ tiripdâ akņetgât luâk makyenģiman dâine wangât dâtņe metņe siâ akniņbâi? Hain akman dâine lâwin parâņaet nâņgâm bâli bâli are olop bo akbop. ¹² Yuda luâk arekņe hâkyenņe gâiaņģim hilip agum gâi aņģiņetgât nâņgân.

Yesuņe hulaņ nenegepgât unjak amâ kotņe siâ hanâk bo akbaen.

¹³⁻¹⁴ Galalupne, yeņe wan me wangât hoņ bawa akmini ainba Anutuņe oloņyekto âlepņân manmai aregât hâkgât siâ siâ aregât bo ukenņe akmâ watbei. Aregât den kârikņaet keiņande hin dâp. Ye yeņe agaņģimai hainâk luâk siâ agaņbei. Hain maktâp aregât den are lokom yeņe hoņ bawa agaņģim okot âlep agaņģim âmâ den kârikņe hârok lokowei. ¹⁵ Ye âmâ dâtyenņande igiakmâ agu agu dondâ akmâ bo akbâigât sami den makyenģiân.

Heakgât den akto manman tâmbâņaet den.

¹⁶⁻¹⁷ Galalupne, hâkyenņande oloņyekto aregâlâk nâņgâm watbiâ âmâ hâkyenņande Anutugât Heakņe are mem ge katberâm

akto ye wan me wan âlepne memberâm akbai aregât dop bo akbiâp. Aregât hâkyenjaet bo nângâmbiâ agato Anutugât Heakjande wan me wangât makyengimbo aregâlâk nângâmbiâ âmâ agak meme bâlenjande kambiamyenân heyengimbo are bo nângâm âlepñânâk manbai. ¹⁸ Anutugât Heakje olonyekmâ mem owâine akyengimbo amâ den kârikje arekne luâk kembu bo akyengiwiap.

¹⁹ Galalupne, hâkgât agak meme amâ miapñân tatmap. Amâ hin. Âmbâle mem hepun hepun akto nângâ nângâ bâleje, ukennaet kotje siâ siâ, akto bâlejaet kotje siâ siâ, ²⁰ akto tukup kotje mem agatmai akto kâmbokje kârikje me sait memai akto galagât hogo hogo, akto galayengât wan me wangât nângâmbiâ âgâmap akto kuk hejgân aganjimai akto yejalaek nângâmbiâ âgâmap, ²¹ ewangiak gowangiak kakñân manmai, tu kârikje nem gulip akmâ akto sot songo kâmdâk nene akmâ bâleje siâ siâ hârok akmai. Akmâ ire gaetne makyengiwe. Agak meme are luâk âmbâle hârokje hain akmai amâ Anutuje bo damunyeje akto Yesugât kâmolân bo dewatiwai. ²² Dâ luâk âmbâle bikje Anutugât Heakjande meme akyengimbo hin akmai. Anutu akto luâk bikje yengât okotyene akmai, akto Anutuje damun nenje akmap dâm aregât herone dondâ akbiâ biwiyene sândugemap, akto umatje me gasa me wan me wan akberâmbiâ umatje miawakyengimbo âmâ biwiyene kârikje tatyengimbo yaiwâk yaiyengum manmâ âgâwai. Akto agak meme âlepneâk akmâ manmai. Akto wan me wan makmâ katmai aregâlâk nângâm watmâ manbai. ²³ Akto yenaet nângâmbiâ gembo galalupyeje yengât nângâmbiâ âgâambo tân yengum manbai. Akto biwiyenande wan me wangât egâlianjo ainâk mem ge katmâ manbai. Luâk âmbâle hain akmai arekne den kârikjande mem ge katyekbiapgât dâp bo tatâp. ²⁴ Akto Kristogât pat manmai amâ agak meme tâmbâneyeje egâlian akto bâlejaet egâlian are lâwin parâñân kombiâ bo agep.

²⁵ Anutugât Heakjande meme aknengimap âmâ benje aregât dowâk biwinenne yâkgâlân katmâ lauje lokowaen.

²⁶ Akto galayengât siâ siâ are ekmâ egâlianmâ kotje gulip bo mem agatbaen. Akto hâknenne bo mem agatbaen akto galagât bo mem ge kalanjiwaen.

6

Gala siâne umatje lokombo tângowaen.

¹ Galalupne, luâk siâne yeugem dosa penianjo ye wât meme akmaine biwi sânduk akmâ hainare makmâ miwindik yekbei. Akto gâ gugak bâleje akbom dâm yeugewâtgât damunge akben. ² Wan me wan yengim mem umatje mângi yekmap are anji goangi akmâ tân agu aguân membei. Hain akmâ Kristogât den kârikje âlepne lokowai. ³ Luâk siâ wan me wan bo akmâ ikinjaet nângâambo âgâwapi hain arekne ikinjaet hanje mem agatâp dâwaen. ⁴ Aregât siâ ikinje agak memeje ekmâ nângânbiâp. Akto egâlian den are ikinjaet akmâ mem miawakbiâp. Luâk angâ siâgât akmâ bo. ⁵ Âigât umatje kâmot kat katje are ambonân ambonân lokowaen. ⁶ Akto yengât humomolupyejande Anutugât keine makyengiwei are wan me wan bo tatyengimbo âmâ dowâk tânyengum wan me wan bo tatyengiwiap are yengiwei.

Agak memenenjaet hâuje manmâ penianbaen.

⁷ Yeje guwuj anjiwâigât ire nângâwei. Anutuje siâ siâ hârok ekmâ nângâmap aregât luâk âmbâleje wan me wan akbiâ âmâ yâk hainâk akyengimap. ⁸ Dâ luâk âmbâleje hâkyeneâk mem agatbiâ âmâ siân Anutuje hâkyene kondo hambuwiap. Dâ luâk âmbâleje Anutugât Heakje aregâlâk nângâenne âmâ tân nengumbo ain manman âlepñân manbaen. ⁹ Galalupne aregâlâk nângâm âi âlepneâk mem luâk âmbâle tân yengum umatje miawak nengiwiap me hâknenne yeukje miawak nengiwiap are hanâk âiâk mem âgâwaen. Nen hain aktenje irawot Anutuje hâuje nengiwiap. ¹⁰ Are nângâm âmâ sop nenje tatoân hin akbaen. Luâk âmbâle yânje umatjân manbai are tânyenguwaen. Akto Yesugât kâmot umatjân manbiâ are âkâ hainâk hâk hilâlâm kakñân tânyenguwaen.

Pauloŋe Yesu lâwinân kombiâ moep aregât den makmâ heronje agep.

¹¹ Galatia hânân gâtŋe, kulem esenŋe ire luâk siâ maganđere kulemgoâp. Dâ biken ire âmâ nunak kulemgoân aregât bāt tiripne humo ekmâ hin dâwei. Bunŋe kulem ire âmâ Pauloŋe kulemgoep. ¹² Yuda luâk hâkyeŋe gâi anŋiŋet dâmai arekŋe luâk âmbâle hârokŋe nenekbiâ âgâk dâm hâkyeŋe gâiŋet dâmai. Akto areâk bo. Yuda siânbaŋe nenguwâirâm Yesu lâwinân moep aregât hamep akmâ Anutuŋe dosayeŋe bo akyeŋgiâp dâmap aregât den bo makyenŋim hâkyeŋe gâi gâigâlâk makyenŋimai. ¹³ Akto luâk are hâkyeŋe gâiyi gârâmâ den kârikŋe bo lokomai aregât Galatia hânân gâtŋe hâkyeŋe gâienŋe galalupnenŋande nenekmâ kotnenŋe mem agatbairâm aregât ye hâwâtyekmai. ¹⁴ Dâ nâmâ kotne mem agatbaigât bo nâŋgân aregât nâmâ hin nâŋgân. Humonenŋe Yesu Kristo lâwinân kombiâ moep aregâlâk nâŋgâre humo akmap. Yâkgât akmâ hânân gâtŋe wan me wanŋe mendere lâwin parâŋân moniŋep. Akto nâ hainagâk lâwin parâŋân hânân wan me wan are moaŋân. ¹⁵ Aregât lâuwâŋe makbe. Hâknenŋe gâi anŋiyion me Yuda luâk bo manmai arekŋe bo gâi anŋiyi are amâ yânŋe. Dâ Anutuŋe mem irakŋe ketugu nenekmap aregâlâk nâŋgâman. ¹⁶ Hewum horat ain kinmai dopŋân yengâlân biwi limbâp hâtikom yembiâp. Akto Anutuŋe ikiŋe kâmot Israe bunŋe nengâlân olowâk malâk.

¹⁷ Galalupne nâmâ Yesugât hoŋ bawa bunŋe agaŋmâ hâk hilâlâm humo nâŋgâm aregât hâknân panda tatâp aregât luâk siâŋe mem ge katnekbiapgât dop bo tatâp.

¹⁸ Galalupne, Kembunenŋe Yesu Kristogât han kalemŋe âlepŋande hanyenân yem âgâwiâp. A bundâk.

Epeso

Pauloŋe Epeso gâŋe yeŋgât Anutu ulilaŋep.

¹ Galalupne, nâ Paulo Anutuŋe makto Yesu Kristoŋe Aposologât âi niŋmâ huŋgun niŋdo âi memâk manman nâŋe Epeso kepian gâŋe yeŋgât kulem esenŋe ire kulemgom katyeŋgiân. Ye Yesu Kristo nâŋgâ aŋmâ launŋe lokomai ye kulem ire mem oyaŋbei.

² Ewenenŋe Anutu akto Humonenŋe Yesu Kristo yâk yetŋe damunyeŋe akmâ han kalem akmâ okot âlep akyeŋgimbela biwiyenŋe sândugeâkgât ulityetkiman.

Anutuŋe Yesugât akmâ dâp âlepŋân katnenegep.

³ Anutu amâ Humonenŋe Yesu Kristogât Eweŋe yâkŋe nengât kambiamnenŋe sândugeâk dâm nengât akmâ nanŋe huŋgun aŋdo giep. Gem mondo himbimân nengât agak meme âlepŋe are miawak nengiep aregât Anutugât kotŋe mem agatne. ⁴ Akto areâk bo. Anutuŋe hângeiŋe dondâ hânghât keiŋe boâk miawaktoân metenân dosa bâlâk kinbai dâm han kalem akmâ Kristo olop mem mendugu nenegep. ⁵⁻⁶ Hain akmâ Kristoŋe wan me wan akbiapgât ulikŋân nâŋgâm kinmâ okot nâŋgâ nengiwiapgât makmâ hâre aŋep. Akto nan baratlupeŋe nengonbiapgât ikinŋaet nâŋgâ nâŋgâ watmâ ikinŋe nanŋe okot dondâ nâŋgaŋmap are huŋgun aŋdo giep, yâk nâŋgaŋmâ mepaiŋe mem kotŋe mem agatmâ manmâ âgâwaen. ⁷ Yesugât hepŋe puli nenekto amâ Anutuŋe dosanenŋe kutigitnengiwiapgât dâp miawaknengiep. Amâ han kalemŋaet bâtgumŋe yendâp aregât dopŋân hain aknengiep. ⁸ Akto dopŋe hin. Anutuŋe nâŋgâ nâŋgâŋe kotgâm bunŋe umatdâk hain nengiep. ⁹ Akto aregât bikŋe hin. Anutuŋe ikinŋe biwiŋân den ulik gulik nâŋgâm tigiep are bunŋe miawakto hinŋe nen Kristogât keiŋe hekat nengiep. ¹⁰ Amâ hin. Anutuŋe Kristo huŋgun aŋdo giep are amâ siâ siâ hârok himbimân me hânân mendugum kautnenŋe akbiapgât huŋgun aŋdo giep.

Dâ Anutuŋe wan nâŋgâm makmâ kalep are bo akbiapgât dâp bo tatâp. Kristogât akmâ akbiawâk hârok.

¹¹ Yâkgât akmâ siâ me siâ hârok hannân nâŋgâm kârigem nâŋgâmapŋe tâmbâŋe dondâ nenekmâ kepilâ nenegep. ¹² Anutuŋe makmâ hâriepgât aregât nen Yuda manmaenŋe biwinenŋe Kristogâlân katenŋe kilep nenŋe amâ Anutugât kotŋe mem agatmâ agak meme âlepŋe mem âgâwaengât Anutuŋe nâŋgâm makmâ nengiep. ¹³ Dâ hinŋe Yuda bo manmai yeŋe hainâk den bunŋande heŋgem nengumap den pat âlepŋe are mem biwiyenân katmâ Kristo nâŋgaŋbiâ Anutuŋe ikinŋandeân Heak kârikŋe makmâ kalep arekŋe gem biwiyenŋe mem kepik yekto yâkgât tiripŋe agi. ¹⁴ Akto areâk bo. Anutugât Heak kârikŋande amâ nengât pat himbimân yeŋgât dâtâŋe aregât keiŋe nâŋgâŋet dâm biwinenŋe kepigep. Aregât ukenŋe nâŋgâm mandenŋe are bunŋe nengiwiap. Aregât kotŋe mem agatne.

Pauloŋe Heakŋe kârikŋe ketuyekbiapgât ulilaŋep.

¹⁵ Yu kulengoân iregât akto ye Humo Yesu nâŋgaŋmai akto Yesugât luâk gala akyeŋgimai aregât gai den pat nâŋgâm amâ ¹⁶ Humonenŋe âlepŋerâm mepaiŋe mem yeŋgât akmâ Anutu ulilaŋman. ¹⁷ Hin. Humonenŋe Yesu Kristogât Anutu Pagalenŋe Ambone yâkŋe Heak huŋgun aŋdo biwi nâŋgâ nâŋgâyeŋe mem kepikto kârikŋe nâŋgaŋbiâ ârândân akbiapgât ulilaŋman. ¹⁸ Akto biwiyenŋe mem kepikto amâ Humoŋe yeŋgonmâ meyekmâ himbimân manman âlepŋaet pat katyeŋgiep aregât nâŋgâmbiâ bunŋe akbiap. Akto wan me wan luâk âmbâle yâkgât nanŋe baratŋe yeŋgonbiapgât nâŋgâm makmâ hâriep arekai nâŋgâmbiâ bunŋe akbiap. Aregât yeŋgât ulilaŋman. ¹⁹ Akto areâk bo. Anutuŋe nen nâŋgaŋmaen nen tân nenguwiapgât bo pâpkomap. Amâ yâkgât kârikŋeŋe humo arekŋe dowâk tân nengumap. Akto wan me wanŋe mem ge kat nenekbiapgât dop bo tatâp a hainâk nâŋgâmbiâ bunŋe agâkgât Anutu ulilaŋman. ²⁰ Akto Anutugât kârikŋe are emelâk ektenŋe bunŋe agep amâ hin.

Anutuņe Kristo momoņânba goaņdo golâ akto ikinje bânþe bungen ain himbimân ain kalep. Aregât kârikņe. ²¹ Gawaman me luâk kotdâ kembu me luâk âgâ âgâņe yâk yengât luâk Kembu Humo kalep. Amâ sop hinņaelâk bo. Hainâk tatmâ âgâwiapgât Anutuņe Kristo kato tatmâ âgâwiap. ²² Âgâm siâ siâ hârok ikinje keiņân menduguyekmâ kembuņe agâkgât kautņe Humonenņe kato talep. Akto tatâp. ²³ Akto nenņe yâkgât hâkņe keiņe bânþe aktenņe mem kâriģenenekmâ bam gutmâ manmâ siâ me siâ hârok ewangim ârândâņ aknengim manmap.

2

Epesogâtņe ulikņân hanâk hanâk manmini.

¹ Galalupne, Epeso kepiã gâtņe ye ulikņân wan me wan agi are nâņgâi. Dâ yu Anutuņe wan akyengiep aregât maktere nâņgâ nâņgâņe hulãagâk. Ye ulikņân bâleņeņande katipyengumbo âmâ momogât dâp miawakyengiep. Dâ âlepņe akbiâ manman âlepņæet dâp miawak yengwiapgât dop bo tatyengiep. ² Ye ulikņân hãngât agak meme aregât ukenņe nâņgâm mali. Akto hãngât kembu hãn hârok damunņe akmap Bãleņe Amboņe akto kãmotlupņe arekņe luâk âmbãle bâleņe den koko akmai are hãwãtyekto bâleņe higenņe akmâ mali. ³ Akto nen hãrok hainâk luâk âmbãle are gala kalakmâ dâp hainâk akmâ manmâ biwi tãmbãņe akto hãknenņæet ukenņe walion. Aregât Anutuņe hãngât kuk bâleņe akyengwiapgât nengãlãn hainâk miawaknengiep.

Anutuņe mem agatmâ dâp âlepņân katneņeņep.

⁴ Hain ina Anutuņe okot âlep aknengim han kalemņe bãtgumņe pikmâ yemap hainare yeãdãpgât biwi nâņgã nâņgãnenņe hulãnengimbo Yesuņe âi wan miẽp aregât manman âlepņe katnengiep. ⁵ Dã imã nengât nãņgã nãņgãnenņe bo. Akto kãrikņenenņe bo tatnengiewãn Anutuņe goãņnenekmã hulãneneņep. Bo. Hin akmã hulãneneņep. Nen bãlenenņande katipnengumbo momo dãwãn malion ain han kalem akmã Kristogât akmã manman

dãpņân katneneņep. ⁶ Anutuņe Yesu Kristo olop goãņnenekmã ikinæet himbimgât manman katneneņep. ⁷ Amã siãn Anutuņe okot âlepņe agak meme âlepņe akto lumbe akmap akto yaiwãk aknengim dosa nenņe puliwiapgât pat miawagãkgât himbimgât pat katnengiep. Akto Yesu Kristoņe âi miẽp aregât nãņgãm Anutuņe okot âlepņæet ye meyekto biwiņe Yesugãlãn katbiã hengemgo hengemgogât pat miawak yengiep. ⁸ Dã yeņæet nãņgã nãņgãņeņande bo hengemyenguep. Anutuņe ikinje okot âlepņæet hain akyengiep. ⁹ Akto yeņe âi siã siã meyi arekņe bo hengem yenguep. Âi yeņande bo tãnyenguep. Bo dondã. Anutuņe ikinje han kalemgât tãn yenguep. Dã Anutuņe nengât âi oyaņmã hãu nengiep dãine kotnenņe mem agatbãengât dãp tatbop. Gãrãmã nenņæet nãņgãenņe humo akbop aregât Anutuņe ikinje ukenņe watmã nãņgã nengiep. ¹⁰ Aregât keiņe hin. Anutuņe agak meme âlepņe mem âgãwaengât Yesu Kristo dumnennãn kilep aregât dosa pulinengim irakņe ketugu neneņep. Akto dãp âlepņe watbaengât Anutuņe makmã kalep are hulãn aknengiep.

Yesuņe kãmot konogãn katneneņep.

¹¹ Galalupne, ye yeņæet keiņeņe nãņgãi. Hãņgeiņe ye Anutugât kãmolãn gâtņe olop bo mali. Akto sop ain âmã Yuda luâk nenņe yekmã luâk yãņņe Anutuņe damunyeņe bo akmap dãm yeņgonminion. Akto ye Yuda yengât pat bo wali aregât Yuda gãtņande yekmã hãkyeņe bo gãi aņģimai dãm dewunnennãn gemini. Dã agak meme are âmã umatņe bo. ¹² Dã sop ain Kristo bãlãk mali are âmã umatņe. Aregât Israe Anutugât kãmot are yeņgãlãn bo dewatiyi. Bo dewatimbiã Anutuņe den patņe âlepņe makmã kalep are yeņgãlãn bo miawagep. Aregât biwiņe sãndugeãkgât bo miawakto umatņãn manmã Anutu damun aknengimap are bãlãk mali. ¹³ Akto ye hãndãk kãlegen manbiã Anutuņe Yesu Kristo moep aregât âlepņæet oloņyekto manman âlepņæet dãp miawakyengiep. ¹⁴ Akto Kristogât akmã nengât biwi sãndugeãkgât hin makbe. Ulikņãn nen Israe kãmot akto ye siãģen gãtņe aregât

kâmot nen konok bo mandenje umatje bâleje miawaknengiep. Akto Kristoje nen kâmot konok aknegât dâp miawagâkgât âi miep. ¹⁵⁻¹⁶ Âi humo mem Yuda nengât den kârikje lokom metem âmâ lâwinân mondo aregât Anutuje den kârikje makmâ hâriep ina are bunje bo agep. Bo agep aregât nen Israe gâtje akto ye siân gâtje nen hârok kâmot konok aktenje Anutugât kuk bo agep aregât menenekbiap. Amâ yân bo. Kristoje miawagâkgât hânân manmâ mondo ainâk gasagât me kuk agak meme are bo agep. ¹⁷ Are bo akto Yesuje togom makto nen Israe gâtje nengâlân akto ye kâmot anjâ mali yengâlân den pat âlepje miawaknengimbo hândâk me hamepgât pat are bo akto biwinenje sândugiep. ¹⁸ Akto Anutugât Heak amâ nengât tân konok arekje miawakmâ Anutugâlân kewugunenekto yâkgâlân baenje Ewenenje aknengimap.

Yesugât kâmot nen amâ Anutugât emet bunje.

¹⁹ Maktân are sop hinje ye ambo bâlâk bo mandâi. Akto ye lombo hinare bo mandâi. Anutugât kâmolân dewatiyi aregât Anutuje nan baratlupne dâm yengonmap. ²⁰ Ye Aposolo akto propete hambo memene hain are agion nengât den kârikjande tân yengumbo Anutugât emet kârikje akmâ kinmai. Dâ Yesu Kristo ikinjak amâ emet tetembeje kârikje kinmâ tân yengumbo Anutugât emet kârikje akmâ kinmai. ²¹ Dâ nen miawagion aregât Israe gâtje akto ye kâmot siân gâtje nen dewati-akmâ Heakgât emetje kâmbokje akmaen. ²² Aregât ye hain agâk Anutuje mângiyekto nen olop Anutugât emet miawakto Heakje âlepjande ain manmap.

3

Pauloje Anutu bo nângaji yengât den pat âlepje makyengiep.

¹ Galalupne, nâmâ ye luâk âmbâle yânje manmini Paulo nâje yengât âi mem mandere bikjande hâkân aknijmâ kala busi kâlegen katnegi. Katnekiâ yu mandân. Aregât nâ hin makyengire nângâjet. ² Anutuje yengât han kalem

akmâ âi niñep a nângâmai aten. ³ Amâ hin. Ye yânje mali are den pat âlepje yengâlân miawakbiapgât pat Anutuje ulikjân bo makmâ miawagep. Den pat are ikinjak hekatniñep. Den are emelâk getek kulemgore nângâm meteâi. ⁴ Akto hinje kulemgore Kristogât keñje tiktik yiep are nângâman are yekâ hainâk nângâwerâi. ⁵ Amâ Kristogât keñje are hângeñje luâk manmâ gayi yâk yengâlân bo makmâ miawakto nângâyi. Dâ hinje makto ikinje Heak arekje propetelupje yâk akto aposololupje nen âlepje manmaen Kristogât keñje are hekatnengiep. ⁶ Kristogât keñje tiktikje yiep amâ hin. Anutuje Yuda luâk âmbâle nen nan baratlupje nengolep. Dâ hinje hainâk ye gai luâk âmbâle yânje den pat âlepje nângâmbiâ Anutuje mem oloñyekmâ nen olop kâmot konok mendugunenekto kâmot konok aktenje nan baratlupne nengonmap. Aregât nen hârok Yesu Kristogât akmâ makmâ hâriep are lâmgom manmaen.

⁷ Dâ hinje Anutuje pat âlepje are miapjân katmâ makyengiwiangât âi niñep. Akto Anutuje âi ire yân bo niñep. Anutuje okot nângâ niñmâ aregât kârikje olowâk niñmâ tân naguep. ⁸ Akto nâ luâk gegeje dondâ nâ Yesugât kâmolân âgâm manbiangât dâp bo tatniñep. Dâ amâ Anutuje hanâk dâm tân nugumbo Yuda bo manmai are yengâlân arim Kristo gâlânba sambu humo bo ekmâ hengemgomaen yemap aregât keñje makyengire nângâm metewaigât dâp bo tat niñdâp. Dâ amâ hanâk tân nugumbo makyengiman. ⁹ Akto areâk bo. Anutu hân himbim me wan me wan mem miawak yegep arekje luâk âmbâle hânje hânje manmai are hârok den pat âlepje tigimbo yonâk yem gaep are hinje nângâjet dâm tân nugumbo aregât manmâ makyengiman. ¹⁰ Akto Anutuje hânânâk bo ketuguep. Himbimân âgâ âgâje manmai akto kârikje akmâ manmai yâk hainâk Anutugât nângâ nângâje siâ siâ akto kulemje keñje keñje nângâjet dâm Yesugât kâmotlupje nennaelân Kristogât keñje mem miawagep. Mem miawakto nenekmâ nângâm hengemgoyi. ¹¹ Akto yu kulengoân ire âmâ Anutuje hângeñje

biwinjân makmâ kârikje ketuguep. Are hinje miapjân katberâm Humonenje Yesu Kristo hunjun anjâmâ mem miawagep. ¹² Akto Kristone dâp hekatnengimbo nânğanjâmâ biwinenje yâkgâlân katenje kindo hamep bâlâk Anutu enemjân kinmâ ulilanjmaen. ¹³ Aregât hin makyengire nânğanjet. Nâ yengât akmâ hâk hilâlâm nânğâm mandere aregât nânğâm biwiyenje bo umatje akbiâp. Bo. Anutuje âmâ ye âlepjân manmâ âgâwaigât dâm makto umatje miawaknijmap.

Paulone Epeso luâk âmbâle yengât akmâ Anutu ulilanjep.

¹⁴ Akto Anutuje wan nânğâm hengemgoep are miawagâkgât nânğâm âmâ dowâk hânân kânjom Ewenenje are ulilanjman. ¹⁵ Ewenenje hânje hânje manmaen akto himbimân manmai are nengât Ambonenje are ulilanjman. ¹⁶ Amâ yengât hin ulilanjman. Anutuje pagalene humo dondânjande Heak hunjun anjo biwiyenje mem kepikto hanyenande kaulem kârikje akbiap dâm ulilanjman. ¹⁷ Akto areâk bo. Kristo nânğanjâ biwiyenân tatmâ malâk. Akto ye lâwin kândârâje gem kârikje akmap ye dop hainâk okot âlep aganjimai ye kândârâyeje Kristo yâkgâlân okot âlep nânğanjâmâ manbei. ¹⁸ Hain manmâ âmâ Yesugât kâmot nen olop Kristone okot nânğâ nengimap aregât tâje parâje keije keije hârok nânğâm metewaengât. ¹⁹ Akto Kristogât biwi tângo tângo aregât keije hârok nânğâm metewaengât dop bo tatâp, are hârok nânğâwaigât ulilanjman. Akto Anutugâlân biwi sambe pikmâ yendâp arekne mem pikmâ meteyekbiap. A hainâk ulilanjman.

²⁰ Akto Anutu kârikjaet keije nengâlân wan me wan mem miawakmap yâk siâ siâ hârok ketugumap yâkne nengât ulitnenje akto nânğâ nânğânenje are hârok ewangimap. Nen yâkgât dop bo. ²¹ Aregât nen Yesu Kristogât kâmot nenje Anutuje nengât akmâ hunjunañdo giep aregât nânğânenje humo agâk. Akto humo akmâ âgâwiâp. A bundâk.

4

Heakne mendugu nenekto kâmot konok agion.

¹ Galalupne, nâ wan kulemgoân are siâkâ makbe. Nâ Humogât den makman aregât kala busi kâlegen katnegi. Katnekbiâ hâk hilâlâm nânğâm manmâ gan aregât nâ ire hâwâtyekmâ makyengire nânğanjet. Anutuje olonyegep are dopjânâk nânğâmbiâ humo akto manbei. ² Manmâ yenaet nânğâmbiâ gembo yeukne akmâ okot âlep aganjim biwiyenande tânagum kârigem kinmâ dosayenje hepun anjiwei. ³ Akmâ Anutugât Heakjande menduguyegep are hâre akbopgât yaiwâk damungom tân agumbiâ biwiyenje konok akto manbei. ⁴ Akto Yesugât kâmot amâ konok akto Anutugât Heak akai konok akto Anutuje olonyegep gârâmâ hâmbâi yâk olop himbimân manbaen aregât konok nânğâmbiâ humo akbiâp. ⁵ Akto Humonenje a konok akto biwinenje Yesugâlân sop konok katenje kilep arekne kârikje akmâ âgâwiâp. Akto sop konok tu pulinenegep are. ⁶ Akto Anutu Ewenenje konok yâkne konok âmâ Amboje akmâ wan me wan kotje hârok damunnenje akmap.

Kembunje âinjaet akmâ luâk unduwâk kepilâyegep.

⁷ Dâ nengât wan me wan Kristone nengiep amâ dondâ. Kristone okot âlep aknengimap aregât dop nennânâk wan me wan nengimap. ⁸ Aregât amâ Anutugât denjande hin dâep, “Humonenje egon dondâ âgâep. Âgâm emelâk gasalupne yengumbo yeukne akbiâ kewugu yegep. Sop ain wan me wan are ikiye kâmolân katyengiep.” hain kulemgoep. ⁹ Aregât keije amâ ingon soj malep arewa egon âgâep. ¹⁰ Humonenje ingon ingon dondâ gem malep arekne purik katmâ himbim kakjân âgâm siâ siâ hârok damun yeje akberâm agep are. ¹¹ Humonenje hain akmâ wan me wan ikiye kâmotlupne nengiep amâ hin. Luâk bikne Aposologât âi nengimbo meyion. Bikne Propete âi yengiep. Bikne Yesu bonânğanjmai are yengâlân arim

makyenjiwaigât kârikne yengimbo meyi. Bikne Yesugât kâmot damunyeje akbaigât âi yengiep. Bikne Yesugât kâmot are hengemgom makyenjiwaigât kârikne yengiep. ¹² Amâ Yesugât kâmot nen hârok ikinæet kâriknânâk manbaengât akto den sambelem arimbo luâk âmbâle Yesugât keiye bo nângâm manmai are biwinenye Yesugâlân katenye tato manmâ makyengiennye dewatimbiâ hainâk manmâ âgâwaengât kârikne nengiep. ¹³ Hain nengiep aregât âi memâk manmâ nen biwi konok akmâ mandenye kârikne are hainâk tatmâ âgâwai. Akto Kristone âlepne akmap nen dop hainâk Anutugât nanne nângâm hengemgom âlepneâk manbaengât Anutuje tân nengumap. ¹⁴ Nen gurukne hain are bo akmâ kârikne akmâ manbaen. Hain mandenye hiangi luâkne den bunje bo arekne henengimbiâ yâk yengât hiangi den akto lau elekgât serune mem waitnenekto bo hâkukniâm. ¹⁵ Bo. Yeukne han kalem akmâ amâ den bunje panâk mem mandenye biwi tânnenjande miawakmâ sambelembo kautnenye Kristo yâkgâlân dewatim kârikne akbaen. ¹⁶ Dewatim kârikne aktenye kautnenye Kristo arekne damunnenye akmâ mendugu nenekmâ katnenekto kâmot konok akmâ hâkne akmaen. Hain akmâ hârok ikinæak ikinæak âinenye mem biwinenye tân agum kaulem kârikne manbaen.

Yesugât kâmot dâp irakjân ariwaen.

¹⁷ Galalupne, nâ Humogât metenân makyengire nângâm hengemgojnet. Ye luâk âmbâle hângâlâk nângâmbiâ humo akmap are olop hero bo manbei. Luâk hangâlâk nângâmai arekne wan me wan âlepne nângâwerâmbiâ umatne akto pâpkomai. ¹⁸ Hain akmâ han biwiyene kârikne akto aregât biwi nângâ nângâyeje hândâk akto Anutugât manman hepunmâ akjângen manmai. Are olop gala bo akbei. ¹⁹ Gala okot bo nângâ anjim sot songogât nângâmbiâ ukenye akto nem gulip akmâ egâlian bâlene keiye keiye aregât ukenye humo nângâm gulip akmai.

²⁰ Dâ ye amâ manman bâlene hainare mannetgât nenye Kristogât keiye bo makyenjiyon. ²¹ Ye amâ Yesugât keiye

bunje are makyengimbiâ nângâm metem amâ nânganji. ²² Akto ye amâ agak memeyene ulikjân meyi arekne oloj yekmâ hilip yenguwopgât wan me wan are amâ mem petâm panbei. ²³ Hain akbiâ nângâ nângâyeje irakne miawakyenjiwiap. ²⁴ Hain akmâ manmanyene irakne luguakmâ manbei. Amâ Anutuje yengât katyengiep are mem manbiâ agak memeyene are Anutuje ekto huraguwiap. Akto hainâk manmâ âgâwai. Den ire hârok emelâk makyengiennye nângâyi.

Bâlene keiye keiye hâkokom manbaen.

²⁵ Aregât hiangi are hepunmâ den bunje konok makbei. Akto nen kâmot konok agion aregât den bunje konok magangi goangi aktenye ârândân akbiâp. ²⁶ Akto kuk akbai ain amâ bo bâlim metewei. Akto kuk hengân sop kâlep bo mem tatbei. ²⁷ Hain akbiâ Bâlene Ambojande yeukne ketugu yekbopgât biwiyene damunne akbei. ²⁸ Akto yengâlân gâtne yâk kâmbu agi arekne hinje kâmbu siâ bo akbei. Akto bâtejande âi mem sot me wan me wan miawakyenjiwiap. Hain manmâ amâ benje galalupyene siâ wan me wan umburuk akbai are bikne potatmâ yengimbiâ âlepne manbai.

²⁹ Akto ye hârok hin maktere nângâjnet. Den bâlene lauyenânba bo makbei. Den âlepneâk hârok amâ tân aguwei. Hain akbiâ amâ denyenande biwiyene tângombo amâ wan me wangât umburuk akmai are tân yengumbo âlepne manbiâ biwiyene sându gewiâp. Aregât den âlepneâk magangi goangi akbei.

³⁰ Galama, Anutuje ye nângât pat dâm ikinje Heak hungun anjo biwiyenân Anutuje meyekbiapgât nângâjnet dâm kepik yekto nângâ nângâyeje hulanagep. Aregât Heak âlepne are bo kom watmâ hâkân akbiâ bâliwiap. ³¹ Akto gasa den me kuk bo akbei. Akto galagât hogo hogo me wan me wan bâlene aregât kalakne urutmâ panbei. ³² Dâ hin akbei. Anutuje Kristogât akmâ dosayene hepulep, aregât ye hainâk Kristogât kâmot gala aganjim hengem agum dosa hepun anjiwei.

5

Pagalenjânâk manbaen.

¹ Galalupne, Anutuje Kristogât akmâ nan baratlupne dâm yengonmâ okot âlep akyengiepgât Anutuje wan me wangât akmap are akmâ manbei. Akto Anutugât tirip towat akmâ manbei. ² Akto Kristone okot âlep aknengim nengât akmâ Anutugât sumbe âlepne aganep aregât nângâmbiâ humo akto Kristone han kalem aknengimap a hainâk mem âmâ han kalemgât agak meme pañâk mem manmâ âgâwei.

³ Akto areâk bo. Ye amâ Anutugât kâmolân gâtne agi aregât dopñân dâp gulip bo manbei. Akto bâleje keje keje bo membei. Akto luâk âmbâle yengât wan me wangât bo egâlianbei. Akto hângât siâ siâ aregât nângâmbiâ humo bo akbiâp. ⁴ Akto den bâleje me metepirikgât den me girinet dâm den yânje makbiâ bo ârândâñ akmap are bo makbei. Dâ hin amâ makbei. Den âlepne makmâ Anutu akto galalupyene mepaiangiwai amâ âlepne. ⁵ Ye hin nângâm henggom kârigewei. Luâk âmbâle egâlian bâleje me galagât siâ me siâ ekbiâ humo akmap amâ lâpio tugupgât nângâmbiâ humo akmap hinare yâkne âmâ Kristogât akto Anutugât welam kulâgâtbiâ bo miawakyejgiwiap.

⁶ Galalupne, luâk âmbâle Anutugât lau bo lokomai are Anutuje kuk humo akyengiwiap. Aregât luâk âmbâle bikne heyengim den bunje bo makbiâ âmâ yeje yâk yengât den are nângâmbiâ biwiyene bo yeukne akbiâp. ⁷ Akto yâk yengât bâleñân bo tân yengumbiâ humo akbiâp. ⁸ Aregât lâuwâne makbe. Ye ulikñân hain manbiâ hândâkne katipyenguep. Dâ hinne Humonenñande oloñyekto pagalenjân mandâi. Aregât pagalenjân arim ain kârikne manbei. ⁹ Amâ biwi âlepne olop manmai akto den bunjeâk makmai akto agak meme ârândâñâk manmai amâ pagalenjân manmai dop hain. ¹⁰ Dâ siâ siâ akberâm âmâ Humone nângâmbo huraguwiap are ulik gulik nângâm henggom akbei. ¹¹⁻¹² Galama, luâk âmbâle den koko arekne nengât agak meme nângâwâi dâm wan me wan yonâk akmai are amâ makmâ nângâm

âmâ anjun anjimaen. Aregât bâleje akmai are bo tânyenguwei. Yeje agak meme bunje bo aregât hâkâñ akmâ agak memeyene makmâ miawakbiâ nângâwai. ¹³⁻¹⁴ Nen hin dâmaen. Asin yemai amâ momogât dâp hainânba agatbiâ Kristone mem pagalene ketugu yekbiap. Den are bunje akto pagalenjande mem miawakbiap.

¹⁵ Aregât ye agak meme yejaet damun akmâ manbei. Akto biwi nângâ nângâyene damun akmâ manbiâ âmâ bo gulip akbiâp. ¹⁶ Sop hutñân ire kâlegen bâleñande sambelemagât sop bikne bo hepunmâ âi kârikne membei. ¹⁷ Aregât nângâ nângâ bâlâk dop hain bo manbei. Humone âi makmâ yengiep are ekmâ henggomewei. ¹⁸ Akto tu kârikne nem gulip bo akbei. Arekne biwiyene hilip kombo hengem yenguwiapgât dâp bo tatbop. Aregât tu kâriknaet ukenne bo nângâm âmâ Anutugât Heakñande yengâlân tatmap aregât ukenne nângâwai. ¹⁹ Hain nângâm Heakne tânyenguwiapgât kep mem biwi owâi owâi akbei. Akto Humone ukenne agakgât kep kenju Dawidine kulempoep are hainâk biwiyenân katbei. Katmâ nângâm mangangi goangi akbei. ²⁰ Humonenne Yesu Kristogât akmâ mepaine mem Anutu Ewe nenne siâ siâ keje katmap aregât âlepnerâm makmâ herone akbei.

Luâkdâ âmbendâ yengât den.

²¹ Galalupne, ye hârok hin makyengiwe. Ye Kristogât hamep akmâ lau lokomai aregât lau loko anjim tân agum âgâwei. ²² Âmbâlema ye Humogât hon bawa mandâi ye hainâk luâklupyene yengât lau lokowei. ²³ Amâ Kristone ikinje kâmot hârok nengât kautne akmap hainâk luâklupyenande âmbenlupyene yengât kautyene akbai. Akto areâk bo. Kristone ikinje kâmot are hengem nengumap. ²⁴ Hengem nengumbo aregât Kristogât lau lokomaen. Aregât hainâk âmbenlupyenande luâklupyene yengât lau hârok lokoyengiwei.

²⁵ Galalupne, yengât hutyenân gâtne âmbendâ yengât hin makyengire nângânet. Kristo arekne ikinje kâmot nângât âmbâle dâtâne dâm biwi tân aganjim okot âlep aganjim moep. Aregât dop hainâk

luâklupyenande âmbenlupyene yengât okot âlep akyengiwei. ²⁶ Aregât lâuwâne makbe. Kristone ikiye âmbâle dâtâne are agak meme âlepneâk akmâ mem manmâ âgâwiap dâm Anutugât den bunjande akto tune gem agak meme helenj a puliep. ²⁷ Aregât ikinjâelân dewatiakmâ ikiye dâtâne helenj siâ me siâ hârok bâlâk manbiapgât hengem agum dosane a puliep. ²⁸ Aregât luâk yeje hâkyene aganğimai dop hainâk âmbenlupyene are okot âlep akyengiwei. ²⁹ Hain akmâ luâk siâne ikiye hâk gasa bo aganğmâ âmâ tângomâk manmap akto Kristone ikiye kâmot hainâk âlepne akyengimap aregât luâklupyenande âmbenlupyene tânyenğuwe. ³⁰ Amâ hin. Nenje Kristogât kâmolân manmaen amâ yâkgât hâkne hinare akmaen aregât âmbenlupyene olop okot âlep akmâ tân aguwei. ³¹ Aregât Anutuje makto Moseje hin kulengoep, “Luâkne ewe memelogâtne hepun yelekmâ âmbenjaelân dewatimbo biwi me hâk konok akmâ manbiandat.” ³² Moseje hain kulengoep tatâp aregât keije umatne amâ hin. Kristo amâ luâknene hainâk akmap. Dâ ikiye kâmot nenje amâ yâkgât âmbâi dop hainare akmaen hain nângân. ³³ Aregât hin makyengire nângânet. Luâk hârok yeje hâkyene tângomai dop hainâk âmbenlupyene tân yenğuwe. Dâ âmbâle yeje amâ luâklupyene yengât den nângâmbiâ bunje akbiap.

6

Nan barat akto ewe meme yengât den.

¹⁻³ Galama, yengât nan baratlupyene yengât hin makyengire nângânet. Anutuje makto Moseje den kârikne hin kulengoep, “Nan barat ye ewe memelupyene yengât lauyene lokoyengiwei. Lokombiâ amâ Anutuje makto hânân ire sop kâlewâk manmâ âgâwai.” Akto den are amâ den kârikne makmâ amâ bunje miawakbiapgât olowâk makmâ hâriep. Amâ den kârikne are lokombiâ Anutuje hâune âlepne yengimbo hânân sop kâlewâk manmâ âgâwai. Are miawagâkgât luâk âmbâi sisik ye meme ewelupyene yengât lau lokowei. Arekne amâ dâp âlepne. ⁴ Akto

ewelupyene hin makyengire nângânet. Nananlupyene orem miwindik yekbiâ ârândânâk manmâ âgâwei. Akto Humogât den are makyengimbiâ Humonenjande ekto ârândân akbiâp. Dâ kuk bâlene akbâigât hanâk hanâk amâ bo oreyekbai. Hain bo. Bâlene akmâ âgâwâigât yaiwâk akyengim koratyengum dopyenânâk orem miwindikyekbei.

Luâk kembu akto hoj luâk yengât den.

⁵ Akto hoj bawa yengât hin makbe. Yeje Kristo wan me wan aganğmai hainâk hân luâk kembulupyene tân yengum yâk yengât hamep akmâ nângâyengiwei. Akto âi membaigât amâ han lâuwâ bo akbai. ⁶ Akto ye Kristogât hoj akmai Anutu dâp magep are biwi owâineâk membiâ ârândân akmap aregât luâk kembulupyene yengât lau lokowei. Akto nenekbiâ âlepne agâkgât hain bo akbei. ⁷ Hanâk Kristone nângâmbo ârândân agâkgât imâ yâk yengât bo dâm han biwiŋaet âiyene mem manbei. ⁸ Akto ye emelâk hin nângâi. Nen hârok hoj bawa me luâk kembu me luâk yânne nenje amâ wan me wan âlepne aktenne amâ Humonenjande hâune hainâk nengiwiap.

⁹ Galama, ye luâk kembu akmai yengât hin makbe. Ye hoj bawalupyene hainâk akyengiwei. Akto himbimân Humonenje mandâp arekne ye konok bo damunyeje akmap. Bo. Hoj bawalupyene akto ye hainâk kembuyeje akto ye dop konogâk akmai aregât hojlupyene bo hâwâtyekbei. Akto Anutuje luâkgât han watmâ bo potatnenekmap aregât hojlupyene makmâ bo hâwât yekbai.

Yesugât kâmot nen Niambiye menenekbopgât tembe loko akmâ kinbaen.

¹⁰ Galama, ye hârok hin makyengiwei. Humogâlân dewatimbiâ Humone kârikne yengâlân potatmâ yengimbo kârikne akmâ manbei. ¹¹⁻¹² Akto nen hânân bugâ aguwerâm akmaen. Gârâmâ nengât gasa bunje amâ ire, hângât kembu tembe loko kârikjande hândâk damunje akmai akto sinduk baniara bâlene himbimân akto hânân manmai yâkne amâ gasa aknengimai aregât Anutugât mâron are lugu akbei. Akto Hiangi Amboje arekne bâlene akrjet

dâm heyengimbo kârikneâk kinbiâ hepun yekbiap. ¹³ Aregât Anutugâlânba tembe bisârân bugâ mâron are mem manmâ bugâ koko sopnân tâlim kârigem kinbiâ gasa togom âsiyekmâ hepunmâ ariwai. ¹⁴ Ye âmâ hin kinbei. Den bunne are tâk kârikne hinare pañâk lalakbei. Dosa bâlâk manmanne diñenyenæet pekenje luguakbei. ¹⁵ Lumbegât pat âlep den mem owâim kinmâ mem manbiâ biwiyenje sândugemap den are kei pekenje dop hain luguakbei. ¹⁶ Dâ aregât memene humo âmâ Kristo nânğanmâ kepilâm manmai aregât mâron dop hainâk mem kinbiâ amâ Bâleje Amboñande saut soñ soñ kâlâp mem arekne erâyekberâm pando pewewej katmâ bokbiap. ¹⁷ Akto kautyene gulip akbopgât Yesune heñgemyenguep are tâmbulum irimut kârikne dop hainâk kautyenân kaunbei. Akto Anutugât Heakñande bugâ yengumap are mem manbei. Amâ Anutugât den kulemgoyi are. ¹⁸ Akto areâk bo. Ye sop ârândân Heakgât kârikñân Humo hokboâk hokboâk ulilañmâ manbei. Akto konam bo akmâ âmâ hokboâk hokboâk biwiyenje damun agançim manbei. Akto Yesugât kâmot hânne hânne mandâi are yengât ulilañbei. ¹⁹ Hain akmâ nânğât gai ulilañmâ manbei. Hain ulilañmâ manbiâ âmâ Kembunenñande laune mem owâine ketugunekto pat âlep den tikñân yem gaep are miapñân hañañân makmâ miawakbiâm. ²⁰ Nâ aregât miawagâkgât maktere luâk bikñande nugum hikonekbiâ tâgân yem gam malân. Aregât hamep bâlâk Anutugât den makmâ maktere ârândân akbiapgât nânğât Anutu ulilañbei.

Den bâine.

²¹ Galama, nâ gain gain manmangât nânğât keinaet nânğâm pâpkowâigât Tikikone togowiap. Yâkne nânğât wan me wangât makyengimbo nânğâninbai. Tikikone âmâ gala âlepne akniñmap. Akto Humogât hoñ bawa akmâ den pat are tân nugumap. ²² Yâkne nengât pat makyengimbo biwiyenje sândugewiapgât huñgun andere togowiap.

²³ Galalupne nâ yengât hin ulilañman. Anutu Apo akto Humonenne Yesu Kristo yâkne tân yengumbela biwiyenje yâk

yetgâlân katbiâ sândugembo gala agançim biwije tân agum manbei. ²⁴ Akto luâk âmbâle arekne Humonenne Yesu Kristo han biwi hârok yâkgâlân nânğâm kârikne akmâ han kalem akmâ âgâwai are Anutune damunyenje agâkgât dâm ulilañdân.

Pilipi

Galagât den.

¹ Galalupnetje, net Paulo akto Timoteo net Yesu Kristogât hon bawa manmâ gaet. Netje Pilipi kepia Yesu Kristogât kâmot ye akto yengât damunlupyene yengât kulem ire kat yengiwêram kulengoet. Kulemgom katetje mem oyanmâ nângâm hengemgoweï.

² Ewenenne Anutu akto Humonenne Yesu Kristo yâkne damunyenje akmâ okot âlep akyengimbela biwiyene sândugeâkgât ulilanmaet.

Paulone Pilipi yengât akmâ Anutu ulilanep.

³ Nâ yengât Anutu ulilanberâm âmâ Anutune wan me wan akyengimbo manman âlepne akmâ manmai aregât Anutu âlepnerâm mepaimne meman. ⁴ Nâje ye hârokgât hokboâk hokboâk ulilanman âmâ ainâk yengât pat nângâm arekneak biwinân miawakto herone akman. ⁵ Akto yene nâ den pat âlepne makyengim manmangât hokboâk hokboâk tân nugum gambiâ huragumap aregât herone akman. Akto Anutune wan akyengiep aregât mepai anmâ herone akmâ ulilanman. ⁶ Akto areâk bo. Anutune yengâlân âi keine kalepgât mem metembo Yesu Kristone purik katmâ miawakbiapgât sopne miawakto ain ye huraguwaigât nângân. Amâ Anutune ye huragum kinbaigât dâp nângâmap.

⁷ Galalupne, nâ ye hain nângâ yengiman aregât nângâre huragumap. Akto Anutune nekto ârândân akmap. Amâ hingât. Nâ den pat âlepne makyengire siânbanje den aregât hâkân akmâ kala busi kâlegen katnegi. Akto den pat âlepne bunjerâm siânbanje makbiâ den pat âlepne are gewop dâm âi humo mem malân. Aregât Anutune nâ tân nugumap yâkne ye hainâk tân yengumap aregât nâ yengât okot âlep nângân.

⁸ Galalupne, ire maktere Anutune ekto bunje aktâp. Yesu Kristone okot âlep akyengimap dop hainâk nâkai ye okot âlep akyengiman. ⁹ Are hainâk humo akmâ

âgâwiapgât ulilandân. Hingât ulilandân. Wan me wan bâlene me âlepne are oyanmâ potatmâ âmâ okotyene dondâ nângâ angiwaigât ulilandân. ¹⁰ Ye hain akbai âmâ benje yene wan me wan bunje dondâ potatmâ hengemgowai âmâ Kristo miawakbiap sop ain ye biwi salek salek dosa bâlâk manbai. ¹¹ Akto Yesu Kristone tân yengumbo wan me wan bunje ârândân unsambe olowâk mem manbai. Hain akbiâ biknande yekmâ Anutugât kotje mem agatbiâ kot akto pagalene humo talanmâ âgâwiâp.

Biknande ewangi gowangiân den pat âlepne makyengi.

¹² Galalupne, pâpkowâigât nune keine makyengire nângânet. Nâ den pat âlepne maktere aregât kala busi kâlegen katnegi are nângâmbiâ biwiyene bo bâliwiâp. Bo. Iren nâ siâ siâ miawaknijep are âmâ pat âlepnaet dâp miawakmâ hengemgowiap dâm aregât miawagep. ¹³ Amâ hin. Nâ Kristogât âi mendere aregât kala busi kâlegen katnegi. Den pat are tembe loko in mandâi arekne hârokne nângâyi. Haminân kepia hârok nângâyi. ¹⁴ Akto kala busi kâlegen katnegi aregât galalupne biknande uliknân hamewâk mali arekne Humogât nângâm owâi anmâ Anutugât den pat hamep bâlâk makyengim mandâi.

¹⁵ Akto hinje kâmot lâuwâ miawaktâp amâ hin. Luâk biknande Kristogât pat makberâm âmâ nângât nângâmbiâ gemap akto ewangiak gowangiak kaknân makmai. ¹⁶⁻¹⁷ Hain akmâ nâ yu kala busi kâlegen mandân ire hâk hilâlâm kaknânâk niñberâm hiangim Kristogât kot makmâ sambelem yenaet nângâmbiâ humo akmap. Hain akmâ kotyene mem agatberâm akto Yesugât kâmot potalaknetgât Kristogât den makmai. Dâ biknande âmâ hain bo akmai. Arekne âmâ nâ den pat âlepne yaigoman aregât kala busi kâlegen katnegi are nângâm han okot âlep akniñmâ den pat âlepne makmai. ¹⁸ Are nângâm âmâ hanâk Yesugât keine biwiyenande bunje bo makyengimai, me biwiyene kau kau akmâ makmai amâ âlepne nângân. Kristogât pat makbiâ sambelem ariâkgât makmai aregât nângâm mandere biwine âlepne akmap.

Paulo manmangât me momogât ukenje konogâk nângâep.

¹⁹ Akto areâk bo. Pilipi ye âkâ nângât akmâ Anutu ulilanmâ manbiâ Yesu Kristogât Heakñande tân nugumbo siâ siâ miawakniņep arekñe kârikñe niņmap aregât bunje herone humo miawakniņmâ âgâwiap. ²⁰ Akto anun bo anġiwian are nângâre kârigembo hannande nânganmâ manbian. Akmâ gan hain âgâk akbian. Manmangât akto momogât hâkne owâiņe âgâk Kristo kotgâm wanġdere arekñe egâlian âlepñe akbiâp. ²¹ Aregât lâuwânje makbe. Hânân manman amâ Kristogât akmâ manman. Dâ hinje mombian amâ hainâk wan me wan âlepñe donġânje miawakniņbiap. ²² Dâ hânân dewatim manbianân amâ âigât bunje gaetñe mem miawakbian. Dâ aregât amâ wan arekñætgât owâiwe dâm makmâ han lâuwâ aktân. ²³ Nâ siâ me siâ miawakniņdo han lâuwâ akman aregât biwine umatñe aktâp. Hinje mom amâ Kristo olop manmâ âgâwian. Aregât nângâm ukenje aktân. ²⁴ Dâ ye mându akbâi gârâmâ yengât akmâ hânân gaetñe dewatim mandere ârândân akbiap. ²⁵ Aregât hin nângân. Anutuñe makto nâ ye olop manmâ tân yengure nângâ nângâyeñe humo akto biwiyeñe Yesugâlân katbiâ kindo herone akbai. ²⁶ Akto nâñe hinje togom tân yenguwian aregât Yesu Kristogât akmâ nângâniņmâ herone akbai.

Tân agu agu akmâ manbaen.

²⁷ Galalupne, den umatñe ire makyenġire nângânet. Nâ togom yekbian me kâlêwângen manmâ yengât pat âlepñe nângâwian aregât hin akbei. Ye Kristogât pat bâliwopgât agak meme âlepñe areâk mem manmâ âgâwei. Hain manmâ biwi konok akmâ tân agum den pat âlepñe makmâ hâk hilâlâm olowâk hanâk manmâ âgâwei. Akto gasalupyenande mem ge katyekberâmbiâ amâ hanâk hamep bâlâk âi mem manmâ âgâwai. ²⁸ Tân agu agu akbiâ gasalupyenande hamep meyeņgimbiâ kârikñeyeñe bo yeugewiâp. Hain akto Anutuñe yâk hepunyekbiap dâ ye meyekbiapgât keiñe mem miawaktâp. ²⁹ Aregât lâuwânje makbe. Anutuñe ye biwiyeñe Kristogâlân kali areâk bo nângâ

yengimap. Amâ Anutuñe ye biwiyeñe yâkgâlân kali akto yâkgât akmâ hâk hilâlâm kakñân mannetgât hârok Anutuñe nângâ yengimap. ³⁰ Nângâ yengimbo ye hainâk akmâ nâñe hâk hilâlâm kakñân âi meân are egi. Dâ hinje mandere aregât pat nângâi are amâ manman âi areâk yeñe hainâk mandâi. Anutuñe ye hain akbaigât magep gârâmâ gasalupyenye yengât hamep bo akbei.

2

Yesuñe ulikñân aknengiepgât nenâkâ areâk akbaen.

¹ Galalupne, Kristone tân yengumbo biwiyeñe sândugemap aregât akto Kristone okot akyenġimbo herone akmai aregât akto Anutugât Heakñande tân yengumbo okot âlep aganġim han kalemñe miawakyengimap ² aregât nângâ nângâ konok katbei. Akto hanyenande konok tânaguwei. Akto gala konok manbei. Hain akbiâ amâ okot âlep nângâm herone humo nângâwian. ³ Akto areâk bo. Yeñæet nângâ anġimbiâ bo agatbiâp. Bo. Hin akbei. Yeñæet nângâ anġimbiâ gembo amâ galalupyenye yengât nângâ yengimbiâ âgâwiap. ⁴ Akto siâñe ikinæelâk siâ siâ akmâ heņgemgowiap akto aregâlâk bo. Galalupyenye yengât nângâm wan me wan bâlim yendo heņgemgowe. Ye hârok hain akbei. ⁵ Yesu Kristo hânân manmâ gain gain agep? Ye han hainâk nângâwei. ⁶ Yâk amâ ikinæet nângâmbo bo âgâep. Yâk amâ Anutuñe manmap dop hainâk manmap. Akto Anutugât dop bo gangerâep. ⁷ Bo. Yâk ikinje manmanñe hepunmâ amâ Anutu olop dop konok malep are hepunmâ hoņ luâk hainare akmâ malep. ⁸ Yâkgât gegeñe akmâ manmâ Anutugât lau lokom amâ moep. Akto lâwinân momberâm aregât hamep bo akmâ moep. ⁹ Akto Yesuñe hain agepgât Anutuñe mem agatmâ kotñe humo kondo are nângâenñe humo akmâ kot patnenñe ewanġiâp. ¹⁰ Akto Anutuñe hânân manden me himbimân mandâi me hân amukñân mandâi nen hârok Yesugât kotñe mem agatbaengât kotñe konlep. Aregât nen hârok Yesugât kotñe mem agatmâ pâwut ligianbaen. ¹¹ Akto nen hârok Yesu Kristo

âmâ Humonenje Anutuje hunḡun anḡo giep dâenne Ewenenne Anutugât kotje âḡâwiap.

Henḡem agum manneḡât kârikje akniâm.

¹² Galalupne, Ye âkâ nâ uliknân ye olop malâḡât laune lokomini. Dâ hinje ye olop mandereânâk bo. Aknâḡen mandere patne nânḡâm laune hârok lokowei. Aregât akmâ henḡemgo yeḡaet bunje peneyenḡiâḡât hanokoagâk akmâ kaut orewei. ¹³ Imâ yeḡât dop bo. Anutuje yekto âlepje âḡâḡât ukenḡaet akmâ tân yeḡumap arekne yeje laune lokoḡetdâm kârikje yeḡimbo biwiyene owâine akmap.

¹⁴ Akto ye dosa me konam bâlâk manbiâ Anutuje yekto huraguwiapḡât siâ siâ akberâm den kaknân bo hogoanḡim hâkân akbei. ¹⁵ Hain akmâ âmâ dosa bâlâk akto han kau manbiâ Anutuje nanne baratne yektere huraguâp dâm yeḡondo luâk âmbâle bâlene gulip manbiâ bâlimap yâk yeḡât hândâk hutnân diâ hinare akmâ pagaleyekmai. ¹⁶ Pagalem kinmâ manmâḡât den are paḡâk mem manbei. Hain akmâ makbiâ âmâ Kristoje lâuwâje miawakmâ âmâ nâne tân yeḡuman areḡât nekto huraguwiap. Hain akto nâ herone akbian. Akto hinje hâk hilâlâm nânḡâm âmâ âi bo mem hâumgoân amâ Kristoje ekto huraguwiapḡât herone aktân. ¹⁷ Akto yeje Anutugât sumbe katberâm nânḡanmâ ulilanmai areḡât ye tân yeḡuwiapḡât Anutuje makto mombian amâ Anutugât sumbe akbian. Are amâ hanâk areḡât herone akmâ ye olop okot âlep nânḡâm han biwi konok akbaen. ¹⁸ Akto yeje hainâk herone akniḡbai âmâ nen hainâk herone nânḡâ anḡiwaen.

Timoteoḡât den.

¹⁹ Galalupne, den siâ amâ hin makbe. Humo Yesuḡe nânḡâm âlepje dâambo âmâ galane siâ Timoteo are hunḡun anḡdere yeḡâlân togowiap. Togom yeḡât pat ekmâ nânḡâm purik katmâ nânḡâlân togo makniḡdo nânḡâm biwine âlepje akbiap. Aregât dowâk hunḡun anḡbian. ²⁰ Akto Timoteoḡât hin makbe. Luâk siâne yeḡât nânḡâm han kau olowâk tân yeḡumap dop hinare siâ bo tatniḡdâp. ²¹ Amâ

luâk bikḡande yeḡaelâk nânḡâm âmâ Yesu Kristoḡât ukenḡe bo nânḡâmai. ²² Akto Timoteoḡât keine nânḡâmai are. Nanḡande ewene tâḡomap dop hainâk Timoteone nâ den pat âlepḡaet âi tân nugumap. ²³ Yâk âlepje akmap ḡârâmâ areḡât gain gain miawakniḡbiap âmâ are nânḡâm henḡemḡowianân âmâ hunḡun anḡdere togowiap. ²⁴ Akto areâk bo. Humone nânḡâ niḡdo nunak gai yeḡâlân dowâk togowian. Hain nânḡân.

Epapodito kundat ageḡḡât den.

²⁵ Akto den siâ hin. Yeje yeḡâlân ḡâtne Epapodito are hunḡun anḡbiâ togo tân nugep areḡât makbe. Aregât hanâk bât tâḡone akto tembe loko galane yâk dowâk hunḡun anḡdere yeḡâlân purik katmâ togowiapḡât nânḡare ârândân aktâp. ²⁶ Yâkne nâ umatnân mandere tân nugep yâkne yekbian dâm nânḡambo humo agep. ḡârâmâ kundat akto areḡât nânḡambiâ umatne akto areḡât Epapodito yâk okot bâle akmâ umalaḡdâp. ²⁷ Amâ kundat momone kondo momberâm agep. Hain akto Anutuje okot âlep akmâ tâḡom henḡemgoep. Akto yâk konok bo. Epapodito mondo nânḡâ yâkne âmâ kambiamne dondâ bâliwop dâm areḡât henḡemgoep. ²⁸ Akto hanâk yeje ekmâ biwiyene âlepje agâḡât akto nâ nânḡâm hanokoakmâ manbomḡât yâk bo gangerâm hinḡeâk hunḡun anḡdere yeḡâlân togowiap. ²⁹ Togombo areḡât okot âlep nânḡâ anḡmâ Humoḡât akmâ gala anḡbei. Akto yeje luâk hainare tâḡom nânḡanḡbiâ humo akbiâp. ³⁰ Amâ hingât. Yâkne yeḡât lau lokom âmâ ye tân nuguyigât dâp bo tatyenḡieḡḡât akmâ tân nugum Kristoḡât âi hâk hilâlâm olowâk mem âmâ momberâm agep.

3

Propete hianḡi luâkne Pilipi yeḡâlân ariyi.

¹ Galalupne, Bâin. Den siâ makbe. Humoḡât akmâ okot âlep olop herone marone manbei. Uliknân kuleḡoân are lâuwâje kuleḡom nânḡare amâ bo umatne aktâp. Dâ lâuwâje kuleḡoân irekne âmâ ye kârikje ketuguyektâp.

² Amâ hin, hiangi luâkne yengâlân to-goâi. Yâk amâ hâkyeje gâi gâigât ukenne nângâmai. Akto agak meme bâlene akmai. Luâk hainare amâ heyengimai. Akto pugaiyane bau me wan me wan kawutyekmai amâ luâk arekne dop hainare akmâ kâwutyekberâm togomai. Aregât yenaet damun agangim manbei. ³ Dâ nen amâ Anutugât kâmot. Nen Anutugât Heakjande tân nengumbo amâ Anutugât kotne mem agatenje huraguwiâp. Akto Yesu Kristone hengem nenguep aregât nângâm herone akmâ manbaen. Akto hâkgât wan me wan aregâlâk biwinenne bo katmâ amâ arekne tân nenguâkgât ukenne bo nângâwaen. ⁴ Akto hâkgât wan me wanne tân nengumbo huragumap dâine nâ hâkgât siâ siâ dondâ tatniņmap aregât nângâre humo akbop. Dâ hiangi luâk hâk gâi gâigât ukenne nângâmai are amâ hâkgât siâ siâ tatyengimap are nângât hâkgât hârok arekne ewangiyekbop. ⁵ Aregât nângât hâkgât amâ hin maktere nângânet. Nâ Israe gâtne, Bensamiņ yâkgât kâmolân gâtne miawakmâ yendere hilâm 8 akto hâknân kulem gâinegi. Hebraio nengât agak meme nângâre âgâminep. Akto den kâriknaet meme akmâ parisaio malân. ⁶ Kârikjenaet akmâ Yesugât kâmot yengât gasa agân. Akto den kârikne are lokore siâne nekto huraguminep.

Paulone Kembangât akmâ kotne siâ siâ hârok hamianjep.

⁷ Akto yu kulemgoân iregât amâ ulikjân nângâre humo agep. Dâ hinne amâ ektere yânne aktâp. Hinne amâ Kristogât akmâ nângâre wan me wan are hârok amâ yânne akmap. Akto aregât ukenne bonângân. ⁸ Nâ Humone Yesu Kristo yâkgât keiņe ekmâ nângâre humo akmap. Aregât hângât siâ siâgât nângâre humo akminep are hinne nângâre yânne aktâp. Akto nâ Kristogât akberâm yâkgât pat akmâ siâ siâ hârok ekmâ gagap dâm hepunmâ meteân. ⁹ Akto nâ Moseje kulemgoep are lokom dosa bâlâk manbiandân amâ hinne hepulân. Akto nâ Kristogâlân dewatim nângâ anđere aregât Anutuņe nekto ârândâņ akbiap aregât ukenne nângân. Akto nângâ

nângâne are Anutuņe ekto ârândâņ akbiapgât dop bo tatniņdâp aregât nângâ nângânaet nângâre giep. ¹⁰ Gârâmâ hingât nângâre humo aktâp. Momoņânba agatbiangât nâ Kristo biwinande nângâ anđere Kristo momoņânba agalep arekne wâtne niņdo yâk hâk hilâlâm nângâm moep ¹¹ are dop hainâk akmâ nângâm yâkgâlân dewatim momoņânba agatbiangât nângâm bo mesokbian are nângâre humo akbiap.

Paulone kârikne akmâ horalân pirâm ariep.

¹² Galama, yu kulemgoân imâ emelâk hârok mendere huraguâp dâm aregât bo maktân. Bo. Yesu Kristone menegepgât agak meme âlepne mem miawak niņâkdâm âi kârikne mem manmâ gan. ¹³ Akto agak meme âlepne are miawakniņbiap are pânân boâk meaktân. Aregât hin konok akman. Nâ nunaet nângâre hain bo aktâp. Dâ siâ me siâ hepulân are hamianman. Akto wan me wan meân are ektere yânne aktâp. Dâ agak memene âlepne huragumap are hârokgât ukenne nângâm are miawakniņâk dâm âi humo meman. ¹⁴ Akto Anutuņe Yesu Kristogât akmâ himbingât pat oloņ nekmâ hâuņe âlepne katniņep are mem miawakberâm dewunnande tâņâk ekmâ âi humo mem pirâm kaut oreman.

¹⁵ Nâ hain akman aregât kaulem humo agion nen hârokne aregâlâk kârigem nângâm maniâm. Dâ siâ me siâ siâgât nângâmbiâ dâpne siâ akbiawân amâ âlepne Anutuņe hanyeņe mem pagalembo âlepne nângâm kotgâwai. ¹⁶ Akto nen hârok hin aktenne huragumap. Nen keiņân agak meme âlepne are hârok emelâk mendenne ârândâņ agep are hârok miawagâkgât agak meme âlepne hainâk mem metewaen.

¹⁷ Galalupne, ulikjân akyengire nekmâ hainâk watnekbei. Akto luâk bikjande nen manmaen dop hainâk manmâ akyengimai are ekmâ nângâm hengemgowe. ¹⁸ Dâ luâk bikjande Kristo lâwinân moep aregât den mem ge katberâm akmai are hain bo akbei. Yâk yengât keiyeņe emelâk makyengim mandân. Imâ indem kambiamne bâliâpgât lâuwâne makyengiwe. Yâk amâ Yesu lâwinân moep aregât den pat âlepne gasa aganmai. ¹⁹ Akto luâk âmbâle hainare amâ hâmbâi

hâunje bâleŋje umatŋje miawakyeŋgimbo itin gulam akbai. Dâ hinŋe âmâ sotgât akmâ aregâlâk nâŋgâmbiâ humo akmap. Akto siâ me siâ anunŋe olowâk aregâlâk nâŋgâm heronje maronje manmai. Akto hângât kotŋe siâ siâ han nâŋgâ nâŋgâ yeŋande lâwindâk mem metemai. ²⁰ Dâ nen âmâ hain bo akbaen. Nengât kepia bunŋe amâ himbimân tatâp. Ainba Humonenŋe Yesu Kristonje heŋgem nenguwiap Humo arekŋe lâuwâŋe gewiap yâkgât lângom manmaen. ²¹ Hain mandenŋe miawakmâ luâk siâ me siâ hârok mem ge katyekmâ ikinje amukŋân hâwuruyekbiapgât kârikŋe yeandâp. Kârikŋe arekŋe hâknenŋe mem manmaen ire mem purik kato ikinje hâkŋe hainare pagalenje olowâk miawakbaen.

4

Paulonje galalupne biwi konok kinmâ heronje akŋetgât magep.

¹ Galalupne, biwinande yeŋgât dondâ nâŋgâmâk aktâp. Ye âmâ nâŋgât egâlianŋlupne aregât wan kulengoân are watmâ âmâ benŋe Kembu olop manmâ kârigem heŋgemgowai.

² Akto yeŋgâlân gâtŋe âmbâi lâuwâ ko-tyetŋe Euodia akto Sintike yet kuk akmandat are yetgât hin makyetkire nâŋgâet. Humogât akmâ biwi konok akmâ manbiandâ. ³ Akto yeŋgât damun siâ tânnugumat gâ hin makŋindere nâŋgâ. Gâŋe âmbâi lâuwâ yetkondân are tân yetkumenâ biwi konok akmâ âlepŋe manbiandâ. Akto areâk bo. Luâk siâ kotŋe Kelemento akto gala bikŋe yâkŋe pat âlepŋaet âi aregât tân nuguyi are yeŋgât kotyeŋe amâ manman kârikŋaet kulem esenŋân kulengoep aregât tân nenguyiat aregât tânyetkuwen.

⁴ Galalupne, ye hârok yeŋgât hin makbe. Ye Humogât akmâ biwi kambiamyeŋe heronje akmâ manbei. Aregât lâuwâŋe makbe. Humonenŋande wan me wan akmap aregât nâŋgâm âmâ biwi kambiamyeŋe heronje manbei. ⁵ Akto Humonenŋe ewumâk aknengiâpgât luâk hârok yeukŋe lumbe akyeŋgimbiâ nâŋgâwai. ⁶ Akto wan me wangât nâŋgâm âmâ horat gorat me hanokoak bo akbei. Bo. Hin akbei. Hokboâk hokboâk

hingât me haingât akmâ Anutu me-paimŋe mem ulilanmâ makmâ manbei. ⁷ Hain akbiâ aregât Anutonje memene akyeŋgimbo biwiyenŋe sândugewiap are luâk nen ewanginenekmapŋe han nâŋgâ nâŋgâyeŋe Kristo Yesugâlân mendugum kondangombo yem kârigewiâp.

⁸ Akto galama den bâiŋe ire makbe. Wan me wan bunŋe me wan me wan siâ âlepŋe agakŋe olop are nâŋgâmbiâ humo akto aregâlâk nâŋgâm manbei. Akto wan me wan siâ luâk âmbâleŋe nâŋgâmbiâ âlepŋe akmap me Anutonje ekto ârândân akmap me wan me wan bâleŋe bo aregâlâk nâŋgâm manbei. Akto wan me wan ekmâ Anutu mepai anmâ heronje akmai are hârok nâŋgâm manbei. ⁹ Akto nâ wan me wan akmâ meân a hainâk akmâ manbei. Akto siâ siâ makmâ ligim yeŋgire nâŋgâyi a hainâk akmâ manbei âmâ Anutu lumbe ambonande ye olop mando biwiyenŋe sândugewiâp.

Pilipi gâtŋande Paulo tângombiâ Paulonje Anutu mepaimŋe miep.

¹⁰ Galalupne, ulikŋân wan me wan akniŋberâm dâpgât kulâgâtmâ hâumgoyi. Hâumgombiâ umatŋe miawagep. Dâ hinŋe dâp miawak yeŋgimbo kambiam owâinân tân nugum puli katbiâ togoep. Togombo okot âlep humo nâŋgân. ¹¹ Akto puligât me siâ siâgât umburuk akmâ bo kulâgâtmâ manman, akto niŋŋetgât bo makyenŋiân. Akto siâ siâgât bo egâlianman. Nâ wan me wan siâ tatniŋdâp me umburuk mandân aregât kambiamne bo bâlimap. ¹² Nâ mesak gosak umburuk mandân me wan me wan undup yeninŋdâp amâ âlepŋe mandân. Nem tepne pikto manman me mop manman aregât keiŋe hârok nâŋgâm meteân aregât hin me hain siâ me siâ miawakniŋdo âmâ âlepŋe manman. ¹³ Aregât keiŋe hin. Kârikŋe niŋmapŋe yâkŋe tân nugumbo âmâ wan me wan hârok akmâ meteman.

¹⁴ Dâ yeŋe âmâ kambiam bâliân mandere tân nugum heŋgem nuguyi aregât nâŋgâre huraguâp. ¹⁵ Akto ye emelâk nâŋgâi. Nâ den pat âlepŋe mem yeŋgât hân humo kotŋe Makedonia ain togoân. Ain pup pup togom âmâ makyenŋire nâŋgâm

metembiâ âmâ hepunyegân. Hepunmâ hân siângen ain mandere Yesugât kâmot siâ siâ bo tân nuguyi. Pilipi gâtne yeje konok amâ tân nuguyi. ¹⁶ Akto ye hepun yekmâ Tesalonike kepian mandere hâkgât siâ siâne tân nuguâkgât katbiâ togoep. ¹⁷ Akto nâ ito me puligât bo egâlianân. Bo. Yeje tân nugumbiâ aregât Anutuje hâune âlepne akyengimbo manman âlepñân mannetgât nângâman. ¹⁸ Akto wan me wangât ulikñân undâgâtmâ mandere Epapoditone yengâlânba mem togo ninjo âlepne mandân. Akto yeje nâ wan me wan ninji aregât nângâre benne Anutuje âkâ nângâambo sumbe âlepne higenne olowâk herone akmâ âgâambo nângâmap dop hainâk aktâp. ¹⁹ Akto yeje tân nuguyi aregât hin nângân. Anutu damunne akmap yâkne Yesu Kristogât nângâm akyengiwiap. Akto wan me wan akyengiwiap amâ yânne bo. Pagalenânba Yesu Kristogât akmâ wan me wangât yeje umburukne akbai are ârândân akyengiwiap. ²⁰ Akto Anutu Ewenenne yâkgâlâk âmâ kotne mem agatmâ herone marone akmâ âgâwaen. A bundâk.

Den bâine.

²¹ Galalupne, nângât den bo aktâpgât nâne Yesu Kristogât kâmot yengâlân manmai are yengât nângân are makyengiwei. Akto galalupne Yesugât kâmot nâ olop mandâi yâkne hainâk yengât nângâ yengiâi. ²² Akto in âmâ Roma luâk Sisa yâkgât hon bawalupne yengâlân gâtne bikne biwiyene Yesugâlân kali yâkne gai nângâyenjiâi.

²³ Akto Humonnenne Yesu Kristone damunne akto biwiyene sândugeâkgât ulilanđân.

Kolosai

Pauloŋe Kolosai yengât akmâ Anutu ulilanep.

¹ Nâmâ Paulo Anutuŋe ikinjaet hanjaet akmâ meme akniŋdo Yesu Kristogât Aposologât âi mem manman. Nâ akto galanenŋe Timoteo yengât kulem ire kulemgoet. ² Netŋe Kolosai kepien gâtŋe han biwiyenande Yesu nânğanmâ kepilâmai yengât kulem ire katyengiet. Anutu Ewenenŋe yâkŋe han kalem akyengimbo biwiyenŋe sândugeâkgât nânğan.

³ Net Kembunenŋe Yesu Kristo yâkgât Eweŋe Anutu are yengât akmâ sopŋe ârândân mepai meanmâ ulilanmaet. ⁴ Yeŋe Yesu Kristo nânğanmâ kepilâmai akto yâkgât kâmot kepia bikŋe bikŋe manmai yâk han kalem akyengimai aregât Anutu mepaimŋe memaet. ⁵ Amâ Anutuŋe himbimân wan me wan katyengiep gât egâlianmâ manmai arekŋe tânyenŋumbo Yesu nânğanmâ luâk âmbâle okot âlep akyengimai. Aregât keiŋe amâ den bunŋe nânğanbiâ miawakyengiep. ⁶ Akto den pat âlepŋe are yengâlân togombo emelâk nânğâyi. Nânğâm biwiyenŋe Yesugât katbiâ kinmap aregât bunŋe are yeŋe bo ewum pâpkomai. Akto Anutuŋe okot âlep akyengim damunyeŋe akberâm akto aregât den yengâlân togombo bunŋânâk nânğâm agak meme hanâk hanâk hepunbaen dâmbiâ bunŋe yengâlân miawagep hainâk den pat âlepŋe are hânŋe hânŋe arimbo aregât nânğanbiâ bunŋe miawakbiâp. ⁷ Akto galanenŋe Eparanŋe Kristogât den lokomâk manmâ âi ire biwiŋande lokom tân nengumapŋe Kristogât keiŋe dâm makyengimbo nânğâyi. ⁸ Hain makyengimbo nânğâm lokombiâ purik katmâ netgâlân togom hainâk Anutugât Heak âlepŋande memenŋe akyengimbo gala konok aganŋimai aregât den pat dâm maknengiep.

⁹ Yengât den pat are nânğâm arekŋeak netŋe keiŋe katmâ yengât nânğâm Anutugât keiŋe nânğanetgât biwiyenân denŋe katbiap aregât ulilanjot. Akto ikeŋe Heak

âlepŋe are hunŋun anŋo yengâlân gem biwiyenŋe mem pâronŋ pando Anutugât keiŋe nânğanbiâ amâ nânğâ nânğayeŋe miawakyengiwiap. ¹⁰ Kembuŋe hain akyengimbo manmanyenande yâkgât keiŋe makmâ miawakto yekto âlepŋe akbiâp. Akto areâk bo. Manman âlepŋe bunŋe are miawakyengiâkgât âi membei. Hain akmâ Anutugât keiŋe nânğâm hengemgom manbei. ¹¹ Akto Kembuŋe Wâtŋe humo pagalenŋe olop are akyengimbo wâtŋân kinmâ bâleŋe siâ siâ akyengiwaiân biwi helenŋ bo nânğâm kârikŋeâk manmâ âgâmbiâ biwiyenŋe bo umalewiâp aregât heronŋe akmâ manbeigât ulilanmaet. ¹² Akmâ Ewenenŋe nen egon pagalenân wan me wan katnengiep are yâkgât kâmot olop membaengât ambonân ambonân aregât keiŋe aknengiep. Aregât okot owâiâk Ewenenŋe mepaimŋe memaet.

Yesuŋe amâ Humonenŋe.

¹³ Akto Anutuŋe Hândâk Ambonaet kârikŋânba mem kotgâ nenekmâ amâ nanŋe okot humo nânğanmap yâkgât amukŋân katnenegep. ¹⁴ Nanjaet keiŋe hin. Yâkŋe hengemgonenekmapgât dosa puli puligât mânŋinengimap. ¹⁵ Akto areâk bo. Nanjande Anutu bo ekmaen yâkgât tirip towat akmâ manmap. Akto hân bo miawagewân me kalewân ain Nanjande soŋ gem malep. ¹⁶ Manmâ amâ himbimân manmai are akto hânân manmai are akto luâk gegeŋe akto âgâ âgâŋe akto anelo, akto luâk niambi akto hat sinduk akto sinduk baniara egekŋe akto bo egekŋe akto hutyenân luâk keiŋe keiŋe wan me wan egekŋe akto bo egekŋe are hârogâk kalep. Hain akto Ewenande nanjaet pat dâm hâreanep. ¹⁷ Yâk siâ me siâ hârok aregât ulikŋân malep. Akto wan me wan emelâk inŋon me egon wan me wan keiŋe keiŋe bo kalewân kârikŋe manmâ gaepgât manmâ gap aregât kautŋe manmap. Aregât wan me wan keiŋe keiŋe nanjaet wâtŋân kinmap. ¹⁸ Akto nen yâkgât kâmotlupŋe manden nengât kautŋe manmap aregât wâtŋânâk kinmaen. Akto yâk wan me wan keiŋe aregât kautŋe humo malâk dâm aregât Anutu Ewenande momonânba yâk soŋ mem agalep. Akmâ siâ me siâ

hârok aregât lâwinje kalep. ¹⁹ Aregât keiñe hin. Anutugât wan me wan arekñe nanñaelân talep are Anutuñe nângâmbo ârândân akmap. ²⁰ Akto wan me wan keiñe keiñe himbimân hânân haru kâlegen manmap arekñe nen olowâk gala konok akmâ menduguakmâ Anutu ikinjaelân dewatiwaengât nanñe hunğunañdo hânân gembo lâwinân kombiâ gilâmñe gembo mondo arekñe nen Anutu olop gala konok mannegât dâp miawagep.

Yesugât momoñande golâ menenegep.

²¹ Akto ye emelâk Anutu gasa agañmâ hamianmâ hepun nenegâk dâmini agak meme arekñe bâleñe keiñe keiñe akmâ gam biwiyenân lugum gaep. ²² Hain agep gârâmâ Kristo hâk sunum olop luâk akmâ miawakmâ mando kombiâ mondo Anutugât kuk bo akto Anutu olop gala konok manmâ gayi. Amâ Anutuñe sop humoân biwi nângâ nângâyeñe âlep salek salek dosayeñe bo katyeñgiwiapgât magep. Anutuñe hain makto Yesuñe moepgât Anutuñe yekto ârândân akto gala akyeñgiep. ²³ Aregât akmâ Anutuñe Yesugât den pat âlepñe are nângâm lokomâk kinmâ amâ den pat âlepñe makmâ yeñgiyi are gulip akbop dâm biwiyenande hikom manbei. Akto ulikñân siâne Yesugât den pat âlepñe are dâm makyeñgiep. Den arekñe luâk kepiane kepiane hârok arimbo nângâñetgât den bunñe Paulo nâñe hoñ bawañe agañman.

Pauloñe Yesugât kâmot yâk yeñgât akmâ âi humo miep.

²⁴ Akto Kristoñe, ikinje kâmotlupñe yeñgât keiñe bâtñe aregât hâk hilâlâm manmâ gaep. Hâk hilâlâm aregât bikñe siâ tatâp aregât âi meman. Hain akmâ yeñgât dâm hâk hilâlâm nângâm manman aregât nângâre ârândân aktâp. ²⁵ Akto Kristogât kâmotlupñe ikinje hâkñe hainare yeñgât hoñ bawa akmâ Anutugât den keiñânbak dâm kepikmâ potatmâ yeñgire nângâñetgât Yesuñe âi aregât dâm hârem niñep. ²⁶ Akto den aregât keiñe yoñ yoñ talep aregât ulikñânbak luâk hârokñe nângâwerâm manmâ gambiâ gambiâ yâk hârokñe aregât ewum pâpkoyi, are amâ uñak ire gârâmâ Anutuñe dâm miawakmâ

kâmotlupñe maknengiep. ²⁷ Den yoñ yoñ talep are uñak Anutuñe mem miawakmâ kâmotlupñe maknengiep. Amâ hin. Kristo biwiyenân manmap aregât heroñe akmâ Kristo nengâlân miawakbiapgât nângâenñe kârikñe akto manden. Akto Anutuñe makto luâk âmbâle hânñe hânñe manmaine agak memeyeñe bâleñe hanâk hepunbiâ Kristo biwiyenân himbimgât manman kârikñe are Yuda luâk nengât dâm makmâ hâriep hainâk yeñgât pat dâm hâre yeñgiwiapgât dâpñe tatâp. ²⁸ Haingât nenñe amâ luâkñe luâkñe are yeñgât nângâ nângâyeñe gulip akto nângâm hilipkowâigât akto Kristogât kâmot akñetgât Yesugât keiñe dâm kepikmâ biwiyenân katmaen. Aregât nângâ nângâyeñe kepik akto konogâk akto nângâ nângâyeñe walakmâ humo akmâ amâ Anutugât dewunnân salek salek kinñetgât akmaen. ²⁹ Hain aktere Kristoñe kârikñe mem owâinekto âi aregâlâk mem metewiangât kaut orem meman.

2

Pauloñe Kolosaigât akmâ hanokoagep.

¹ Galama, nâñe keiñe nângâñetgât hin makyeñgiwe. Ye akto Laodikea kepian manmai arekñe bo nekmai Yesugât kâmot yeñgât nângâm kinmâ aregât âi ire biwinande kepeim kinmâ hâk hilâlâm owâiñe bo nângân. ²⁻³ Akto Yesu Kristogât keiñe yoñâk yoñâk talep aregât keiñe tek tekñân ekmaen are hin. Anutuñe ulikñân nângâ nângâ keiñe heambugep arekñe hinñe nângâ nângâ amboñe Kristo are hunğun añdo ikinjaet kâmot are miawakyengimap. Nâ aregât nângâm ye akto Laodikea gâtñe gala konok agañgim Anutugât keiñe Kristoñe mem miawagep are nângâm hengemgom bundâk dâm heroñe maroñe akbiâ biwiyene owâi akmâ manñet dâm aregâlâk nângâm nâñe âi ire biwinande kepeim ketugum hâk hilâlâm nângâman. ⁴ Akto luâk siâne hiangi den makto aregât ukenñe nângâmbiâ biwiyene hâreakto ariwopgât aregât hain kulengoân. ⁵ Haingât ye kâlewân manbiâ biwine yeñgâlân arimbo yeñgât nângâyeñgim manman. Akto biwiyene Yesugât kârikñe katmâ

kepeim manmâ damungom kindâigât biwine âlepne aktâp.

Luâk bikñande hângât nângâ nângâgât den makbiâ bo nângâwaen.

⁶ Akto ulikñân ye Yesu himbimânba giep are Kotdânenne dâyi aregât hainâk yâkgât amukñân manbei. ⁷ Akto lâwin bâlensiâ tinj tinj dâmba kândârâne panmâ kârikne akto miawakmâ âgâm humo akmap dop hainâk biwiyene ari kindo biwiyenande Yesu kepeim kârikne manbei. Akto ye olowâk biwinenne Yesugât katmâ Anutugât den lokom manmaen aregât denne emelâk dâm kepikmâ makyengiyion are watmâ arim kârikne akmâ Anutu âlepne dâm mepaimne humo mem manmâ âgâwai.

⁸ Dâ hinne wan me wan kâmbokne dâmai aregât keñe makyengire nângânet. Luâk bikñande yeñe hanyeneâk akmâ hiangi den makyengimbiâ nângâm biwiyene bâliwop dâm aregât biwi golâ manbei. Den are âmâ emelâk humomolupyenâet biwiyenân miawakto luâk kâmotne kâmotne dâm gambiâ den are âmâ hângât wan me wan kârikne akto lâuwâne makmâ manbai amâ Yesu Kristo yâkgât den bo. ⁹ Nângâi? Anutugât dâp are Kristo hâk biwinân sambelem pikmâ ârândân akmâ yendâp. ¹⁰ Aregât ye yâkgâlân wan me wan siâ bo mesakbai. Yâkne âmâ dâtne meme akto luâk kotdâ hârok yâk yengât kautne damunyeñe akmâ manmap. ¹¹ Yâkgâlân ba gai tirip yeñe gai meyi. Bâtne hâknennân tirip gâi gâigât aregât bo. Kristone meyekmâ ikinje tirip hâk biwiyenân kulemgom yengiep. ¹² Akto Kristo hâkgât agak meme mem mondo hangoyi dop hainâk akmâ hâkgât agak meme hepunbiâ tu puli yekbiâ yâkgâlân dewatiyi. Akto Anutune wâtne âlepne talañmapgât Yesu mem momonânba mem agalep dop hainâk biwiyene Yesugât katbiâ tu puliyegigât Anutune mem agatyekmâ manman kârikne aregât pat dâm hâreyengiep are mendâi. ¹³ Akto ye emelâk hâkyenân tirip bâlâk manmâ Anutugât dopñân bo akmâ bâlene maleñe keñe keñe mem maligât hememgât pat akbiâ momogât dâp miawakyengiep. Amâ unjak ire gârâmâ Anutune dosayene hepunmâ Yesu Kristo momonânba mem agato

mandâp hainâk golâ katmâ meyekto himbingât manman aregât pat emelâk aktâi. Dâ yengâlâk bo. Dosa nenne hârok hepunnengiep. ¹⁴ Aregât hin agep. Mosegât den kârikne den âiân katnenekto dosanenne miawagep nângâenne lokowaen dopne bo tatnengimbo umatne dondâ bâlene miawaktâp. Umatne are Anutune Yesugâlân kato aregât lâwinân kombiâ moep. Mondo ainâk den kârikne Moseñe kulemgoepp arekne damunnenne agepgât âi bo agep. ¹⁵ Hain akto âmâ Yesune sinduk baniara hewukne akto luâk niambi akto luâk emet amboñe keñe keñe areyengât wâtyene mem gem âmâ keiyene tângâk yânne are tek tekñân mem miawakto anjun humo yengimbo luâk âmbâle herone nângâyion. ¹⁶ Haingât luâk bikñande âmâ sot tu nem manbiâ bo ârândân akmap me homban keñe keñe tatmai me wan me wan akmâ manbai me âi bo meme sopne me delem dewunne aregât hilâm tatmâ nângâmai aregât dâm mem katyekberâm akbiâ âmâ den koyengiwai. Wangât? Hingât. ¹⁷ Makmâ wârakyengimai are âmâ bunne bo. Bunne âmâ titnan miawakbiap. Kristone mem miawakbiap. ¹⁸ Akto luâk bikñande yengâlân togom hin dâm makyengimai “Hâkyene mem ge katmâ anjelo kotyene mem agatbiâ ainâk Anutune yekto huraguwiâp.” dâm hiangimai. Luâk hain aregât keñe hin. Biwi nângâ nângâyene purik âgâmba kulem are ekmâ aregâlâk nângâm bunne dâm bâleneâk nângâm hanyenande nângâm âmâ hâkyenâet ukenne are memai. Hain arekne yengâlân togom hain dâmbiâ âmâ Anutune egâlian olop katyengiep are mesokbâen dâm bo nângâ yengiwai. ¹⁹ Dâ areâk bo. Yesu nengât kautnenne manmap dâm hiangimai arekne biwiyene Yesugâlân bo katmai yâk yengât denyene bo nângâwei. Yâk âmâ ye biwiyene âlepne kali are nângâenne bo ârândân aktâp dâmai aregât ye mem ge kat yekberâm akmai aregât denyene bo nângâwei. Akto Yesu nengât kautnenne manmap dâm kulemgôân aregât keñe hin. Nenñe yâkgât bâtne keñe ongâne me hagitne mandengât Anutune meme aknengimbo biwi konok akmâ Anutugât

wâtjân kinmâ humo akmaen.

Ire bo nemben, are bo nemben, are bo nângâwei.

²⁰ Akto Yesu Kristo moep dop hainâk akmâ luâk areyengât biwiyenân den are hamianjim Yesugâlân dewatiyigât yene luâk âmbâle dondâ arekne Yesugât hâkâne akmâ hami anmai are yengât denyene hanyeneâk akmâ hân luâk yengât den are dâm makyengimbiâ are hanâk lokombiâ bâliâp. ²¹ Hân luâk arekne hin makyengimai, “Are bo mem nejet.” dâm koyengimai. Akto, “Are bo mem ekjet” dâm makyengimai. ²² Dâ den hainare luâkneak hanyenande nângâm dâmai akto sot wan are nembîâ biwiyenân gem yânjân hin gem bo akmap. Aregât akmâ den hain are bo lokom manbei. ²³ Akto yâkne yengât nângâm biwiyene wan me wan aregât akto sot bâlâk manmâ aregât hâkyene mem agatmâ yenaelâk nângâm den hain dâm makyengimai, “Hain aktenne hâknenne egâlianmaen are bo akto Anutugât den kârikne âlepne lokoenne nenekmâ âlepne dâwiap.” Hain dâm nângâmai amâ nângâm gulip komai. Den hain arekne biwi nângâ nângâyeje bo tângomap. Akto han biwiyene egâlian gogâlean are bo mem ge kato yeukne akmap aregât bo nângâwei.

3

Anutuje Yesu olop nen golâ katnenegep.

¹ Anutuje Kristo momojânba mem agalep hainâk momo dopjânba meyekto agali aregât âuren himbimân Anutugât bât bungen ain Kristo tatmap aregât han biwiyenande nângâmâk manbiâ humo akbiâp. ² Amâ hânân siâ me siâ yendâp aregât bo nângâwei. Egon siâ me siâ yendâp aregâlâk han nângâ nângâyeje katbiâ tatbiâp. ³ Akto Kristone moep ye hainâk akbiâ aregât nângâ nângâyeje tâmbâne are bo agep. Aregât Anutuje Kristogât akmâ manmanyene damunne akmâ kindo manmanyene yem âgâwiap. Akto bo bâliwiap. ⁴ Aregât Kristo yengât manman kârikjaet ambonande lâuwâne miawakmâ gembo amâ ye hainâk miawakmâ agatbiâ pagalene âlepne dondâ ain olowâk manbai.

Agak meme irakjân kinmâ tâmbâne hamianbaen.

⁵ Hângât me hâkgât agak meme hamianmâ hâkyene damunne akmâ hengemgoweï. Amâ hin. Dâp gulip agak meme me biwi helen me nângâ nângâ bâlene me egâlian bâlene are lâpiogât nângâmbiâ humo akmap hainare are hârokne damunyeje akbopgât hâkyene damun akmâ manbai. ⁶ Wan me wan are hârokgât amâ Anutugât hâune kuk bâlene hain akmai yâk yengâlân miawakbiap. ⁷ Akto ye ulikjân hângeï agak meme are nângâmbiâ humo akto watmâ manmini. ⁸ Dâ hinne bâlene ire amâ hamianmâ manbei. Akto kuk bo aganjiwei. Biwiyenân kuk bo akbei. Akto bo bâlene nângâ yengim dâm mem ge katyekbei. Akto galagât hogo hogo bo akmâ manbei. ⁹ Akto den bâlene bo makyengiwei. Hiangi den bo makyengiwei. Bo heyengiwei. Emelâk hângât nângâ nângâne akto agak memene are hami pali. ¹⁰ Panmâ Yesugâlân dewatiji aregât Anutu manman irakne aregât ambone arekne biwi nângâ nângâyeje âlepne anjâ lugu yengim ikinjaet dopne akjetgât meme aknengimapgât aregât bâlene keine keine hamep panmâ manbei. ¹¹ Aregât Kristogâlân purik katmâ biwi konogâk katenne mem mendugu nenegep. Nen Yuda luâk me ye siân gâtne me Anutugât pat dâm hâk gâi nengiyi me bo gâiyengiye me niñaelân dewatim dop ketugu yengiep me haruân gâtne me halângen gâtne me luâk kâit yengâlân gâtne me hon bawa me hon bawa bo me mându me nanlupne okotne dâm yengim mendugu yektâp yâkne hanyeneâk akmâ âi ketugumai are Anutuje nen hârok nenekto dop konogâk akten. Akto Kristo Kembu konok yâkgâlân dewatim manmaen amâ nengât kautnenne mandâp.

¹² Akto Anutuje han kalemjaet akmâ yekmâ nângât dâtâne dosayene bo dâm han kalemjaet akmâ olonyekmâ ikinje nanne baratne yengonlep aregât biwiyenande konogâk akmâ manmâ amâ agak meme âlepne ire amâ akmâ manbei. Umburuk me gegeje manmai are yekmâ okotyene nângâ yengim tân yenguwei. Akto nângâm bâli yengimbiâ amâ biwi kau akmâ damun

akyenjiwai. Akto galalupyenjaet nângâm bo makmâ mem ge katyekmâ yenjaet hâkyeje bo mem agatbai. Akto denyeje kakñân dâmbiâ den hâuje bo makyenjiwei. Akto biwiyenân tuk tuk ewuyekbiâ âmâ bo biwi aguwai. A hârok lugu akmâ manbei. ¹³ Akto gala konok akmâ tân aguwai. Akto den umatje yengât hutyenân miawakto ain biwi kau akmâ, “Humonnenjande emelâk dosanenje pan nengiep.” dâm aregât nângâm dosayene hepunañgiwai. ¹⁴ Akto siâ me siâ aregât kakñân han kalem are mem luguakmâ manbiâ arekne siâ me siâ are mem mendugum kinmâ katip-kombo agak meme konok ârândân akbiâp. ¹⁵ Aregât Kristo lumbe amboje yâkgâlâk nângâmbiâ biwiyene sândugewiâp. Amâ ye kâmot konok akto han hâkyeje konogâk manjetgât Anutuje kepilâyegepgât Anutu makmâ mepaimje mem agatmâ manbei. ¹⁶ Akto biwi nângâ nângâyeje gulip akto hilip aguwaigât den dâm yengiep are nângâm lokomâk manmâ biwi nângâ nângâyeje umbuñânbak Kristogât den aregât keije kepikmâ maganji goanji akmâ âmâ aregât dâm kârikne agañgiwei. Akto ain âmâ mitigât kep are membai. Akto emelâk Dawidi hakunenje are akto luâklupje arekne Anutugât kep kulemgoyi are nângâm membei. Akto Anutugât Heakñande biwiyenân tatmap aregât Anutu âlepje dâm mepaimje mem herone akmâ aregât kep kenju membei. ¹⁷ Akto Yesuje ikinjaelân purik katmâ manjetgât Anutugât dâpne meyenje. Aregât Anutu mepaimje mem âlepje dâm biwi yenjande nângâmaiân akto bâtyenande mem ketugumaiân ain Yesu Kotdânenje yâkgât nângâm biwiyenande kepeim manbei.

Luâkdâ âmbendâ nanañdâ yengât den.

¹⁸ Âmbâlema, yeâmâ luâklupyene lau lokoyengim manbei. Agak meme hainare Humonnenjande ekto huragumap. ¹⁹ Dâ luâk yeje âmâ âmbenlupyene damunyeje akmâ han kalem akmâ biwiyene yâk yengâlân katbiâ ain kinbiâp. Akto den dâtne âmâ bo dâm makyenjiwei. ²⁰ Dâ nanañ lepat ye âmâ hainâk ewe memelupyenjaet wâtyenân kinmâ lau

lokoyenjiwai. Hain akbiâ Anutu Humonnenjande yekto ârândân akbiâp. ²¹ Ewe memelupyene yeje âmâ nanañ lepatlupyene biwiyene bâliwop dâm den sârek yengum âmâ dewun yenân bo gem biwiyenân bo ewuyekbei.

Hoñ bawa yengât den.

²² Hoñ bawa yeje humomolupyene yâk yengât lau hârok lokom metewei. Amâ humomolupnenjande nenekmâ kinbiâk âi mene hain bo nângâwei. Hanâk âi memâk manbei. Akto Kembu Humonnenje yâkgât hamep akmâ biwi kau kau akmâ âi memâk manbei. ²³ Akto âi are ketugum hin dâwei, “Âi ire luâk yengâlâk bo. Humogât ketugum manden.” hain dâm âi are hâk hilâlâm kakñân ketugum manbei. ²⁴ Hain akbai dâm aregât Humone pat dâm hâreyenje are hâuje hâmbâi himbimân membiâ Humonnenje Kristo are Kotdânenje humo manmapgât âi ketuguwaiân aregât nângâm biwiyenande kepeim hain akbai. ²⁵ Akto Anutuje luâk âmbâle âgâ âgâne me gegenje keiyene konok nângâmap aregât bâleje akmâ mandâine dosa mem aregât hâuje hâmbâi membai.

4

Luâk kotdâ yengât den.

¹ Luâk kotdâ yenjande hoñ bawalupyene siâ me siâ ârândânâk akyenjiwei. Anutu Kotdâ yeje agat agatje himbimân mandâpgât hoñ bawalupyenjaet damunyeje akmâ tâñ tâñâk akyenjiwei.

Kembu hokboâk hokboâk ulilañbaen.

² Akto Kolosai kepia ambolupje yeje kârikne manmâ Anutu manjanmâ ulilañmâ âmâ biwinenje golâ agâkdâm manmâ mepaimje manbei. ³ Hain akmâ nengât ulilañbai. Nenne luâk âmbâle yânñân manmai are Kristogât keije dâm makyenjetgât Anutuje dâp menengiâkgât dâm ulilañbei. Den are dâm miawakmâ makyengireân den are hâkân akmâ aregât lope kâlegen katnekbiâ tatman ⁴ aregât ulilañmâ tân nugumbiâ âmâ Kristogât den tikne are makmâ miawakyengire ârândân akto hârokne nângâwai.

⁵ Anutugât den bonângâmai yâk olop peniangim kinmâ siâ me siâ akberâm ekmâ nângâm hengemgowe. Hain akmâ âi meme sopne bo hilipkowi. ⁶ Akto denyene are kâtembe pulimbiâ ukenne akbiapgât hainare akbei. Aregât benne luâk bikjande den ire me are purik gurik makyengiwerâm akbiâ den hâune ainâk owâineâk makbei.

Tikiko akto Onesimo yâk yetgât den.

⁷ Nunaet den pat amâ Tikiko makyengiwap yâk âmâ gala akniņmap akto dengât tânnugumbo ârândân akmap akto Kembangât hoņ bawa manmap. ⁸ Yâkne âmâ manman nenņaet den pat makyengiâk akto biwiyeņe hionakbopgât tânyenguâkgât huņgunandere togoâp. Akto aregâlâk nângâre humo aktâp dâm huņgunandân. ⁹ Akto galanenne Onesimo yengât kepien gâtne arekne âi wan me wan mendo ektenne ârândân akmap yâk olop huņgunyektere togom iregen wan me wan miawaknengiep aregât den pat makyengiwiadat.

Den bâine.

¹⁰ Aristako yâk olowâk Roma yengât lope kâlegen katnelekbiâ mandet yâkne yengât akmâ gala akyengiâp. Akto Banabagât nepâne Mareko yâk gai gala akyengiâp. Dâ ye âmâ emelâk Marekogât keiņe makyengiân yâk togowiawân gala aganbei. ¹¹ Akto luâk siâ kotne Yosua, kotne siâ Yusto yâkne yengât nângâ yengiâp. Akto Anutuņe damunnenne akbiapgât âi tân nugumai yâk yengâlânba luâk ya yengondân are konok Yuda luâkne tân nugumai. Hain akmâ okot kauâk akniņmai. ¹² Akto yengâlân gâtne siâ kotne Eparara in togom mandâp. Manmâ Yesu Kristo hoņ bawa aganmap. Arekne nângâ yengim gala den katyengiâp. Yâkne yengât Anutu ulilandâp. Amâ Anutuņe keiyene nângâmap aregât keiņe amukjânbak nângâm lokom manmâ amâ aregât han lâuwâ bo akņet dâm aregât kârikne ulilanmâ mandâp. ¹³ Akto nâne Epararagât keiņe emelâk nângângât yâkgât den pat bâlensiâ makyengiwe. Yâk yengât akmâ Yesugât kâmot arekne Laodikea akto Hierapoli kepien mandâi are yengât nângâm tân yengum hâk hilâlâm kakjân

mandâp. ¹⁴ Galanenne Luka yâk âmâ dokta âlepne akto luâk siâ kotne Dema yâkne den gala katyengiwerâm aktat. ¹⁵ Akto nâne Yesugât kâmot arekne Laodikea kepien mandâi akto âmbâle siâ kotne Nimpasi yâk akto yâkgât emetjân menduguakmâ ain Yesugât akmâ mendugumai, yâk yengât nângâ yengim herone akyengiman are dâm makyengiwei. ¹⁶ Luâk âmbâle menduguakmâ kinbiâ âmâ kulem esenne ire mem dewunyenân kinmâ oyanbiâ nângâmbiâ aregât kakjân Yesugât kâmotne Laodikea kepien mandâi are oyanmâ nângâwaigât katbiâ ariwiap. Akto yâk yengât kulemgoân a hainâk are yengimbiâ oyanmâ nângâwai. ¹⁷ Akto luâk siâ kotne Arikipo amâ hin dâm maganbai, “Humonenņande âi makmâ giņep aregât biwigande kepeim lokom manmâ âgâmenâ bo agâk.” ¹⁸ Bâin luâk siâne kulem esenne ire kulemgom kindâpgât gâwu are niņdo mem kotne kulemgowe Paulo. Akto lope kâlegen mandângât nângât nângâ niņmâ Anutu ulilanbei. Anutuņe yengât okot akmâ damunyenne akmâ ye olop manbiâp.

1 Tesalonike

Pauloŋe Tesalonike yeŋgât akmâ Anutu mepaimŋe miep.

¹ Nâ Paulo akto galalogâtne Sila akto Timoteo nenŋe Tesalonike kepien gâtŋe Anutu Ewenenŋe akto Humonenŋe Yesu Kristo yâkgât kâmotyetŋe ye oloŋyegiat aregât kulem esenŋe ire kulemgoen. Yeŋgât hin nâŋgân. Anutuŋe yeŋgât okot âlep akyeŋgimbo biwiyenŋe sândugeâkgât nâŋgân.

² O galalupne, ye hârokgât hokboâk hokboâk Anutu mepaimŋe mem ulilaŋmaen. ³ Amâ hingât. Ye biwiyenŋe Yesugâlân katmâ okot âlep aganmai aregât agak meme âlepŋe mem âgâmai. Akto Humonenŋe Yesu Kristo are lâmgom han biwi golâk manmai aregât âiâk âlepŋe memâk manbiâ biwiyenŋe bo hionŋap. Aregât Anutu Ewenenŋe mepaimŋe memaen.

⁴ Galama nen hin nâŋgâmaen. Anutuŋe han kalem akyeŋgim mem kepilâyegep. ⁵ Hain akyeŋgiepgât pat âlep den mem arim makyenŋienŋe den yânŋe bo agep. Are kârikŋe olop akto Heakŋe olop akto okot owâiŋe olop agep. Akto yeŋgâlân malionân yeŋgât akmâ siâ me siâ akmâ meyion are nâŋgâi. ⁶ Aregât agak memenenŋe meyi. Dâ areâk bo. Sop ain luâk siâŋe bâleŋe akyeŋgimbiâ are hanâk dâm Anutugât den membiâ umatŋe kakyeŋân dondâ âgâmbo Anutugât Heakŋe tân yeŋgumbo okot âlep humo nâŋgâyi, aregât Humonenŋaet agak meme akto nengât agak meme meyi. ⁷ Ye hain akmâ hâk hilâlâm dondâ nâŋgâyi aregât benŋe hanâk dâm heronŋe agi. Aregât Yesugât kâmolân gâtŋe Makedonia hânân akto Akaia hânân manmai arekŋe yeŋgât pat nâŋgâm agak meme yeŋe hainâk meyi. ⁸ Akto Makedonia akto Akaia areâk bo. Biwiyenŋe Anutugâlân katmâ manmâ âgâyi aregât pat sambelem arimbo kepia bikŋe bikŋe hârok nâŋgâyi, aregât yeŋgât dengât âi lâuwâŋe bo memberen. ⁹ Akto nen pup pup yeŋgâlân togoyion amâ den pat âlepŋe nâŋgâm heronŋe akmâ okot âlep aknengim manŋan nenekmâ lâpio hepun

yekmâ Anutu konok manman âlepŋe akto den bunŋe damunŋe are hoŋ bawa aganŋi a hârok makmâ miawakbiâ sambelem arimap. ¹⁰ Dâ areâk bo. Anutuŋe nanŋe momonânba oloŋdo agalep yâkŋe kuk bâleŋe miawakbiap aregât nengât moep aregât nen Yesugât kâmolân gâtŋe kugân bo kinbaen. Aregât yeŋe himbimânba purik katbiapgât lâmgom manmai.

2

Paulomanŋe Tesalonike yeŋgât akmâ âi meyi.

¹ Galalupne, nen yeŋgâlân togom makyenŋienŋe bunŋe miawak yeŋgiep are emelâk nâŋgâyi. ² Akto ulik gulik Pilipi kepia ain ariyion ain umatŋe metŋe aknengiyi pat are emelâk nâŋgâyi. Ainba Anutugât den pat âlepŋe are ye makyenŋiwerâm togoenŋe sop ainâk Tesalonike gâtŋe bikŋande kuk bâleŋe humo aknengimbiâ hanâk dâm den pat âlepŋe makyenŋiyion aregât pat ye emelâk nâŋgâyi. ³⁻⁴ Akto aregât lâuwâŋe makbe. Anutuŋe nengât nâŋgât den pat âlepŋe arim makyenŋiwai dâm huŋgun nengiep aregât luâkŋe nenekbiâ huraguâk bo dâm âmâ Anutuŋe kambiam nenŋe ekmap yâkŋe nenekto huraguâk dâm aregât den pat bunŋe makmâ agak meme âlepŋeâk mem manmâ lau tu den bo makmaen. ⁵ Aregât ye lau tu den bo makyenŋiminiongât pat are nâŋgâyi. Akto hângât wan me wan bo egâlianŋminion are nengât Anutuŋe nâŋgâep. ⁶ Akto Kristogât âi luâk kotnenŋe Aposolo nenŋe âmâ Anutuŋe nâŋgâmbo huraguâkgât makyenŋimaen. Dâ nen âmâ hain akmâ âmâ luâk bikŋande akto yeŋe kotnenŋe mem agatbaigât âi bo mem makyenŋiminion. ⁷ Gârâmâ nen âmâ âmbâleŋe nanaŋlupyenŋe yaiwâk damunyeŋe akmai dop hainâk akmâ yaiguâk akyenŋiyion. ⁸ Akto okot âlep akyeŋgim aregât Anutugât den pat âlepŋe are makyenŋiyion. Dâ areâk bo. Yeŋgât okot âlep dondâ nâŋgâm aregât hâk biwinenŋe yeŋgiwaengât nâŋgâyion. ⁹ Akto nenŋaet hâk tângogât âi kârikŋe mem manmâ hândâk hilâm hârok âi mem, “Tesalonike gâtŋande

sot me wan me wan nengimbiâ yengât wan me wan bo akbop.” dâm aregât âinenjaet puliņe nenâkâ sot wan puligoyion. Akto sop ainâk âi are hutjân den pat âlepņe makyengim malion are nâņgâi.

¹⁰ O Galalupne, nenņe ye biwiyene Yesugâlân kali yengât wan me wan akyengienņe ârândâņ agep are ye akto Anutu nenekbiâ agak meme âlepņeâk akto wan siâ bâleņe bo agep. ¹¹ Akto luâk siâņe nananjupņe damunyeņe akmap dop hainâk nen âmâ yengâlân ikinjeâk ikinjeâk ¹² nâņgâ nâņgâyeņe mem owâiņe ketugum biwiyene herone agâk dâm makyengiyion. Akto Anutuņe damunyeņe akma ikinjaet manman âlepņân katyekbiapgât yengonmap are luâk yânņande nâņgâyeņgimbiâ bâliwopgât agak meme âlepņeâk mem manmâ âgâwei hain dâm makyengiyion.

Tesalonike gâtņande umatņe miawak yengimbo kârikņe akma kili.

¹³ Akto ulikņân Anutugât den makyengienņe ainâk den ire amâ den yânņe hain are bo dâyi amâ Anutugât den bunņe dâm meyi den irekņe ye biwiyene Yesugâlân kali yengât biwiyenân âi kârikņe memap. Aregât Anutu hokboâk hokboâk me-paimņe memaen. ¹⁴ O galama, Yuda luâk Yuda hânân manmâ Anutugât kâmolân gâtņe biwiyene Yesu Kristogâlân kali are yâk yengât kâmolân gâtņande bâleņe akyengimbiâ hâk hilâlâm mendâi ye aregât pat nâņgâm watbiâ yengât kepian gâtņande bâleņe akyengimbiâ hâk hilâlâm hainâk nâņgâm manmâ gayi. ¹⁵⁻¹⁶ Akto Yuda luâk biwiyene Yesugâlân bo kali yâk yengât pat makyengiwe. Yâk yengât hakulupyene ulikņân Anutugât Propete yengumbiâ moyi. Akto hinņe Yesu Humo gai kombiâ moep. Akto areâk bo. Hinņe Aposolone Yuda luâk bo manmai are makyengimbiâ biwiyene Yesugâlân katbiâ hengemgo yekbop dâm wat nenekmai. Hain akmai aregât luâk âmbâle hârok bâleņe akyengimai. Akto Anutuņe yekmâ bâin bâleņe akto dosayeņe humo aktâp dâm kuk bâleņe akyengimbo umatņân mandâi.

Paulone Tesalonike yekberâm ukenņe nâņgâep.

¹⁷ Gârâmâ galalupnenņe, umatņe arekņe yengâlânba watnenekto hepunyektenņe sop bâlensiâ yu aktâp. Are han biwinenņe bo. Hâknennandeâk bâlâk manmâ mesak gosak agiongât yekbaengât nâņgâenņe humo akto yengâlân togowerâm agion. ¹⁸ Aregât togom yekne dâm magion. Dâ nâmâ Paulo nune âmâ sop siân akto siân togowerâm dâre Niambiņe dâp tiginegep. ¹⁹ Gârâmâ nenņe yengât nâņgâm mâruyeņe akma kotnenņe âgâkgât akmaen aregât hâmbâi Humonenņe Yesu Kristo togomboân âmâ enemņân kinmâ âmâ yengât kambiam âlep akbaen. ²⁰ Ye amâ nengât egâlân gogâlean nenņe akto yekâ nâņgâm âmâ herone marone nâņgâmai.

3

Paulone Timoteo hunğunaņdo ariep.

¹ Galalupne, nen hain manmâ enem dewunyeņe ekne dâm malion aregât bâin lâuwâņe bo lâmgoworen dâm nâ akto Sila netņeak Ateņ kepian manmâ Timoteo yengâlân hunğun anjot. ² Akto galanetņe Timoteo net olop Kristogât den pat makyengim Anutu hoņ bawa aganmaengât hunğun anđetņe yengâlân togoep. Net Tesalonike kepian gâtņe biwiyene kârikņe kilâkgât Timoteo arim den sami makyengimenâ biwiyene sândugeâk dâm hunğun anđetņe yengâlân togoep. ³ Ye dâtņe metņe kakņân manmâ yeugewâigât Timoteo hunğunanjot. Ye hin nâņgâi. Nen hârok nengâlân umatņe hinare miawak-nengimbo ârândâņ akmap. ⁴ Aregât akma nen ulikņân yengâlân manmâ den hin makyengiyion. Luâk bikņande bugâņe nenguwai, dâyion den are emelâk kârigiep a nâņgâi. ⁵ Aregât, “Ye gain gain mandâi? Biwiyene Yesugâlân kârikņe kindâp me Hâwât Amboņe Bâleņe yâkņe hâwâtyekto den nenņe hepunbiâ yân gem bo agep me?” dâre kambiamne indembo bâin ageine umatņe iregât hirik dâm indânân bam bâliwâigât Timoteo hunğun anđere yengâlai togoep.

Timoteone purikatmâ Tesalonike yengât pat Paulo maganep.

⁶ Wei galalupne, Timoteone ye hepun yekmâ purik katmâ hinneâk netgâlân togo hin maknetkiep, “Yesugât kâmot Tesalonike kepien manmai arekne okot âlep aknengim biwiyene Yesugâlânâk katbiâ talep. Akto nengât nângâ nengimâk manmai. Akto nenne ye enem dewunye ekberâm agion ye hainâk nen nenekberâm aktâi.” dâm maknetkimbo herone dondâ nângâiyot. ⁷ Aregât ire amâ umatnân manden akto bugâne nengumaiân nen amâ biwiyene kali hainâk katmâ mandâi den are nângâenne biwinenne kârikne ketugu nenekto kambiamnenne sândugeâp. ⁸ Aregât amâ ye Humogâlân kârikne tatberâi amâ benne nen gai âlepneânâk manberen. Amâ nângâ nângânenne bo gulip akberâp. ⁹ Aregât nenne Anutunenneaet enemnân kinmâ amâ yengât dondâ mârumaen. Akto hain akmaigât gain gain Anutu okot âlep humo wanmâ mepaimne mendenne bunne akbiap? ¹⁰ Aregât hilâm hândâk ai humo dondâ mem hin ulilanmaen, “O Anutu, Tesalonike gâtne yâkne biwiyene kat katgât bâlensiâ yeukne akto amâ nenne âlepne ârândân ketuguwaen aregât dâp hekat nengimenâ arim tân yenguaen.” dâm ulilanmaen. ¹¹ Nen hain ulilanmaen aregât bikne amâ hin, Anutu Ewenenne akto Yesu Humonenne yâkne dâp hekat nengimbela âlepne dowâk yengâlân togowaen. ¹² Akto nenne okot âlep nângâ yengimaen dop hainâk Humonennde tânyengumbo okot âlep aganmâ akto luâk âmbâle yânne okot âlep akyengiwei. ¹³ Aregât miawagâkgât biwiyene mem kârikne ketugu yekbiâp. Hain akmâ benne hâmbâi Humonenne Yesu are akto ikinne kâmolân gâtne ârândân manbai are olop peniangim ye akto nen menenekbiap. Sop ain amâ Tesalonike gâtne yengât biwiyene Anutu Ewenenneaet dewunân katmai are bunne akbiapgât ulilanmaen.

4

Manman nenne ârândânâk yeâkgât damunne akbaen.

¹ Galama, den bânne ire makmâ kepikmâ Yesu Humonenne yâkgât akmâ

makyengiennne nângâm hengemgowe. Ulik gulik agak meme Anutune egâlianmap are mem manbiâ amâ herone akmap. Aregât keine makyengiennne nângâyi. Nângâm mem manmâ âgâmbiâ unak miawaktâp aregât dondâne mem âgâwei. ² Akto uliknân Humonenne Yesune wan me wan aknet dâmap yâkne wâtne aknengimbo keine makyengiyion are nângâi me? ³ Anutune agak meme âlepne mem mannet dâm yengonlep aregât luâkdâ âmbendâ bo hepun akmâ ba angâ hanâk hanâk bo meyekbei. Aregât Anutune nângâmbo bo huragumap. ⁴⁻⁵ Akto kambiamyene egâlian are âlepneâk kilâk dâm luâk âmbâle Anutu bo nângâmai are biwiyene hanâk hanâk egâlian akmâ manmai nen hain akbâen dâm kambiamyene damunne akmâ manbiâ luâk yânnde akto Anutu yâkne yekbiâ huraguwiapgât âmbâle membiâ huraguwiâp. ⁶ Akto Humonennde bâlene akmai areyengât umatne kutigitbiap aregât keine makyengiyion. Aregât galalupyene bâlene akyengiwiâgât galalupyenaet âmbâle olop bo manbei. ⁷ Aregât keine hin. Anutune agak meme âlepne mem mannet dâm nengonlep amâ agak meme are helen ketugunet dâm bo nengolep. ⁸ Aregât luâkne den ire hamianmai amâ luâk den bo hamianmai amâ Anutu ikinnaet Heak yengimap are hamianmai.

⁹ Galama, imâ den siâ. Emelâk galalupyene hârok kambiam âlep yengimai aregât keine Anutune makyengimbo nângâyi aregât gala okot âlep aganginet dâm siâkâ bo makyengiweren. ¹⁰ Akto yene Yesugât kâmolân gâtne Makedonia hânân manmai are hârok okot âlep akyengimai. Aregât nenne ye wan akmai are wârakmâ membiâ miawakmâ yembiapgât hain kulemgoen. ¹¹ Akto den siâ hin hâwâtyekmâ makyengiyion. Bam gutmâ ariwai me togowai me kepia siân siân manmâ amâ den kot kamboj agak bâlâk bo akbei. Akto bâtyennde ai mem manbei dâm makyengiyion. ¹² Hain akbiâ amâ Anutu bo nânganmai yâkne yekbiâ ârândân akbiâp. Akto mop miawakyengimbo biknande tân yengumbiâ bo dâweigât makyengiyion are

nângâm heŋgemgoweï.

Yesu togom mem agatnenekbiapgât den.

¹³ Galama, luâk âmbâle Anutu bo nângaŋmai yâk âmâ momo kârikŋe mombai aregât nângâm hamewakmâ biwiyenŋe umatŋe akto hanyenŋe bokto indem tâgâiak akmai. Manmâ indem kambiam bâle akmâ manmai. Dâ ye âmâ hain akbâigât siâkâ makyenŋienŋe nângâŋet. ¹⁴ Nen Yesu mondo hangombiâ sumânba agalep are nângâmaen aregât Anutuŋe Yesugât kâmot bikŋe mombiâ hanyenŋuyi are momoŋânba goaŋyekto agatbiâ Yesu olop huŋgun yenŋimbo purik katbai. Aregât okot bâle bo nângâyenŋiwei. ¹⁵⁻¹⁶ Amâ hin. Humonenŋe maknengiepgât makyenŋien. Anutuŋe bâin dâm kot kondo aŋelo yenŋât humo konokŋe Anutugât lâmun waito mun humo indembo âmâ sop ain amâ Humonenŋe denŋe kârikŋande ikinŋe himbim hepunmâ gewiap. Dâ nen bikŋe boâk mombaenân amâ Humonenŋe togowiap ain amâ luâk âmbâle Yesugât kâmolân gâtŋe emelâk moyi arekŋe soŋ agatbai. ¹⁷ Hain akbiâ amâ hamiyenân luâk âmbâle golâ bikŋe manbaen amâ yâk olop hamandat kâlegen ain mendu agum Humonenŋe togombo olowâk himbimân âgâm manbaen. Ain Humo olop dondâŋe manmâ âgâwaen. ¹⁸ Are âlepŋe. Bâin den irekŋe galalupyenŋe mem biwiyenŋe manmâ kârikŋe ketugu yekbei.

5

Yesu pututugâk togowiapgât biwi owâim kinbaen.

¹ Galama, Humonenŋe togowiap are lâuwâŋe makyenŋienŋe nângâŋet. Humonenŋe Yesu togowiapgât sopŋe aregât keiŋe emelâk nângâyi aregât den makyenŋim kulem esenŋe kulemgowaengât âi lâuwâŋe bo tatâp. ² Gârâmâ yenŋeak yu nângâi are Humogât sopŋe amâ luâk kâmburâŋe hândâkŋân boâk nângâmbiân togomai dop hainâk ³ luâk âmbâle hândâk kâlegen manmai are, “Nen âlepŋe tatenŋe kambiamnenŋe sândugem âgâwiap.” dâmbiâ amâ ainâk Humonenŋe purik kato hilip yenŋu yenŋugât dopŋe dowâk yâk yenŋâlân miawakbiap. Akto

âmbâlenŋe nanan memberâm hâk hilâlâm akmai dop hainâk umatŋe humo miawak yenŋimbo hepunakmâ bo ariwai. ⁴ Gârâmâ galalupne, ye hândâkŋân bo tatâi aregât luâk kâmburâŋe togomai dop hainâk Yesu purik katbiap sopŋe are yâk bo nângâmbiâ miawak yenŋimbo otneyenŋe ariwiap. Dâ ye âmâ hain bo akbai. ⁵ Ye âmâ hârok pagalenân akto dewutân manmai. Akto nen hârok omoŋ me hândâk kâlegen bo manmaen. ⁶⁻⁷ Haingât luâk âmbâle yânŋe asiŋ yeye amâ hândâkŋânâk yemai akto luâk âmbâle tu kârikŋe nem amâ hândâkŋân gulip akmai. Nen hain akbâengât kambiam nenŋe damunŋe aktenŋe pâlâmŋe bo akto amâ tu kârikŋe bo nendenŋe amâ nângâ nângânenŋe hulan akbiâp. ⁸ Akto nen hilâmngât luâk âmbâle nângâm heŋgemgoenŋe kambiamnenŋe âlepŋeâk talâk dâm biwinenŋe Humogâlânâk katenŋe kinbiâp. Akto Humo olop âlepŋe maniâm. Akto tembe lokoŋe, “Diŋennân erânekbâi.” dâm diŋenŋaet peke luguakmap nen dop hainâk kambiamnenŋe âlepŋeâk talâk dâm biwinenŋe Humogâlânâk katenŋe kinbiâp akto Humo okot âlep agaŋne. Akto tembe lokoŋe kautne kom hionbopgât dâm kautyenân irimut kârikŋe kauŋmai nen dop hainâk nângâ nângânenŋe gulip akbop dâm Anutuŋe bunewâk heŋgemgo nenekbiap are miawagâk dâm lâmgomaen. ⁹ Akto Anutuŋe nen amâ ikinŋe kâmot dâm oloŋnenekto Yesugât biwinenŋe kalion aregât kuk bo aknengiwiap. Hingât oloŋnenegep. Humonenŋe Yesu Kristo arekŋe heŋgemgonenekbiapgât oloŋnenegep. ¹⁰ Akto Humonenŋe Yesu Kristo arekŋe, nen yâk olop mannegât nengât akmâ moep aregât purik katmâ gewiawân mombaen me hânân manbaen nen hârok agatmâ yâk olop golâ manmâ âgâwaen. ¹¹ Haingât ye biwiyenŋe kârikŋeâk kinbiâp dâm magaŋgi goaŋgi akmai hainâk ye galalupyenŋe den âlepŋeâk makyenŋimbiâ biwiyenŋe kârikŋeâk kinmâ âgâwiâp.

Damunlupnenŋe yenŋât amukyenân manbaen.

¹² O galama, den siâ ire wârakmâ makyenŋienŋe nângâŋet. Humonenŋe

arekne damunlupyene katyekto kinmâ hutyenân manmâ âi mem Humogât keine makyengim biwiyene gulip akbop dâm den kârikne makyengimai yâk yengât yekbiâ bo gewiâp. Gârâmâ yâk yengât den nângâm amukyenân manbei. ¹³ Akto damunlupyene âi memai aregât okot âlep akyengim lau lokoyengim hanâk amukyenân manbei. Akto yengât hutyenân kuk hengân miawakbop dâm gala agangim biwi konok akmâ manbei.

Konam bo akbaen.

¹⁴ O Galalupne, yengât den kârikne hin ye makyengiengât yengât hutyenân luâk âmbâle siâ konam akbiâ makyengim kârikne ketugu yeknet. Akto luâk âmbâle wan me wan hârok hamep akmai are tân yengumbiâ biwiyene kârikneâk kinmâ âgâwiâp. Akto luâk âmbâle hâkyene yeukne aktâp are hainâk tân yengunet. Akto luâk âmbâle hain akmai are titnan titnan yaiwâk akyengiwei. ¹⁵ Akto luâk âmbâle bâlene akyengimbiâ âmâ hainâk bâlene bo akyengim âmâ âlepneâk akyengiñet. Dâ hin akbei. Sop ârândânâk agak meme âlepne akmâ gala akyengiwei. Akto bikne bo potatyekmâ âmâ luâk âmbâle hârok yengâlâk akbei. ¹⁶ Akto hokboâk hokboâk mâru humo akbei. ¹⁷ Akto hokboâk hokboâk Anutu ulilanbei. ¹⁸ Akto Anutune Yesu Kristogât akmâ nângât kâmot nâ mepaine membei dâm egâlianmap aregât wan me wan âlepne me umatne miawak yengimbo ainâk Anutu okot âlep aganmâ mepaimne membei. ¹⁹ Akto Anutugât Heakne kâlâp hinare are bo limbâpkowei. ²⁰ Akto luâk âmbâle agatmâ Anutune wan me wan akbiap aregât den makbiâ ye den are bo hâkân akbei. ²¹ Akto den are miawakto yeâmâ hârok dowâk bo membei. Dâ hin akbei. Den are nângâm hengemgom ire âmâ âlepne ire âmâ bâlene hain dâm den potatbei. Hain potatmâ den akto agak meme âlepne panâk mem manmâ ²² den bâlene akto agak meme bâlene hepunbei.

Den bâine.

²³ O Galalupne, nenne yengât Anutu hin ulilanden, Anutune kambiam nenne mem âlepne ketugumbo sândugemap yâkne meyekmâ ârândân hârok ketugu yekbiâp.

Hain akto benne Humonenne Yesu Kristo are purik katmâ lâuwâne togowiawân han biwiyene âlepneâk kindo ekto ârândân akbiapgât ulilanden. ²⁴ Akto Anutune oloñ yekmap arekne âmâ ârândânâk hârok akmap aregât wan me wan hain miawak yengiwiap.

²⁵ O Galama, yene hainâk nengât Anutu ulilanbei. ²⁶ Akto ye hârok gala konok akmâ lokom mangan akbei. ²⁷ Nâ Humogât kâriknân kinmâ hin maktân. Ye nâ yu kulengoân ire mem âmâ hainâk Yesugât kâmolân gâtne hârok oyanbiâ nângâwei. ²⁸ Akto Humonenne Yesu Kristo arekne damunyenne akmâ okot âlep akyengiâkgât ulilanmaen.

2 Tesalonike

Mepai den.

¹ O galalupne, ye amâ Tesalonike kepien gâtne Anutu Ewenenñande oloñ yekto biwiyenje Humonenñe Yesu Kristogât kali. Yengât kulem esenñe ire kulemgoân. Nâmâ Paulo akto galalogâtne Sila akto Timoteo tân nugumbela kulem esenñe ire kulemgoen. ² Akto yengât Anutu Ewenenñe akto nanñe Humonenñe are olop ye okot âlep akyengim damunyenñe akbela biwiyenje sândugeâk.

³ O Galalupne, nen amâ yengât nângâm Anutu âlepñe dâm hokboâk hokboâk mepainñe memaen. Akto nenñe ye biwiyenje Yesugâlânâk katbiâ kindo manbiâ sambelemap akto okot âlep agangim gambiâ dondâ miawaktâp. Aregât pat nângâm Anutunñe wan akyengiep aregât âlepñe dâm mepaimñe mendenñe ârândân akmap. ⁴ Aregât luâk âmbâle bikñe yânñande gasa akyengimai akto umatñe miawak yengimbo hanâk dâm Yesugât launñe lokom âlepñe manmai aregât den pat nângâm Anutugât kâmot kepienñe kepienñe manmai are yengât pat are makyengimaen.

Anutugât hâuñet den.

⁵ Akto umatñe ya miawak yengiep aregât keñe hin. Anutunñe agak meme âlepñet potat nenekmap aregât agak meme are ye hekat yengiwêrâm makto umatñe miawagep. Akto Anutunñe, “Nângât kâmot Tesalonike kepien manmai are siân manman âlepñân manbai.” dâm makto umatñe miawakto hâk hilâlâm nângâm hanâk lokom manbiâ aregât hâuñe Anutunñe yengim damunyenñe akbiâp. ⁶ Aregât Anutunñe wan me wan mendo ârândân akmap arekñe siân luâkñe umatñe yengimai are hainâk umatñe yâk yengimbo ârândân akbiâp. ⁷ Akto areâk bo. Ye umatñe lokomai nen olop biwinenñe sândugeâkgât Anutunñe siân menenekto manman âlepñân manbaen. Akto sop aregât keñe makyengire nângâñet. Sop bânñe Humonenñe Yesu are lâuwânñe hunñun anño himbimânba gem anño

kârikñe olop kâlâp panmâ gewai. ⁸ Luâk Anutu bo nânganñmai akto Humonenñe Yesugât den pat âlepñe are nângâm bo lokomai are amâ hâuñe umatñe hamepñe olowâk yengiwai. ⁹ Humonenñande ikinñe enemñânba akto ikinñe pagalenñe kârikñânba watyekto kâlâp bo bokbiap ain gem amâ hâk hilâlâm humo nângâm âgâmbiâ bâli bâli kârikñe miawakyengiwai. ¹⁰ Akto sop ain Humonenñet kâmotlupñe nengâlân pagalenñe akto egâlân gogâlân miawak nengiwai are bunñe miawagâkgât Yesunñe togowai ain nengâlân pagalenñe mem agat agatñe mem agatbiap. Akto nenñe den pat makyengienñe biwiyenje Yesugâlân kali aregât yâk togowianñe meyekbiap. Sop ain nen akto ye olop biwinenñe Yesugâlân kalion nenñe Humonenñe ektenñe dâtñe akto kotñe mem agatmâ manmâ âgâwaen. ¹¹ Are âlepñe akmâ kârikñe agâkgât Anutu hokboâk hokboâk ulilanñe. Anutunnenñe damunnenñe akmap yâkñe yengonlep are wan me wan makmâ hâreyi are bunñe agâkgât meme akyengimbo wan me wan magi are bunñe miawakto biwiyenje Yesugâlân kali are mem metem amâ ai humo membai. ¹² Hain akbiâ amâ Anutunnenñe akto Humonenñe Yesu Kristo yetñe damunyenñe akmâ okot âlep akyengimbela luâk âmbâle yânñande yekmâ Yesu Humonenñet kotñe mem agatmâ amâ agak meme âlepñe akbiâ ârândân agâk hain dâm ulilanñe.

2

Mitigât gasa kautñe miawakbiapñet den.

¹ O Galalupne, Yesu Kristo Humonenñe Anutunñe lâuwânñe hunñun anño gewai aregât akto nenñe menduguakmâ penianñbaengât keñe makyengire nângâñet. ² Luâk bikñande, “Bâin. Humonenñe togowai aregât sopñe tâlâguâp.” dâm yengât, “Paulomanñe kulem esenñe ire kulemgombiâ mem togoen.” dâm heyengimbiâ amâ den are dowâk bo nângâm biwiyenñe sân sân bo akto amâ den aregât bo nângâwai. ³ Akto luâk âmbâle hianñi den makmâ hain dâmbiâ bo nângâwei. Hin nângâwei. Humonenñe togowerâmboân amâ sop ainâk amâ ulik gulik

amâ luâk âmbâle dondâ Anutugât hâkân akmai hutyeñân gâtñe siâ miawakmâ luâk den koko den kârikñe hamianmâ panbiap are wan me wan âlepñe are gasa agañmâ hami aņmâ amâ Anutuñe bâleñân manbiap dêp yâkñe soñ miawakto sop humo tâlâguwiap. ⁴ Akto luâk âmbâle hânñe hânñe manmai arekñe wan me wan kotyeñe mem agatmai are yeñgât dumyeñân kinmâ âgâwiap. Hain akmâ wan me wan hârok nâñgâmbiâ gembo nâñgât nâñgâmbiâ âgâk dâm wârakbiap. Dâ areâk bo. Luâk âmbâle hârok humoyeñe akberâm nâñgât kotne mem agatñet dâm Anutugât sumbe emetñân kinmâ nâ Anutu dâm tâwâim kinmâ âgâwiap. ⁵ Dâ den ire amâ pup pup bo nâñgâi. Nâ yeñgâlân manmâ aregât keñe makyenñiân are nelâm yeñgiâp mon? ⁶ Dâ hinñe amâ wan me wan siâñe luâk are mendo bo miawagep aregât keñe nâñgâmai. Akto luâk bâleñe meme hinñe bo miawakto amâ sop bâiñe tâlâgumboân amâ miawakbiap. ⁷ Ire amâ emelâk den koko luâk bâleñande tigân aiñe memap. Akto horat kalanmap yâkñe tâgân hikom mendâp. Dâ irawot akto hulañ akto den koko luâk are tek-teknân miawakbiap. ⁸ Den koko luâk are tek-teknân miawakto amâ Humo Yesuñe lau biwiñæet heakñande den koko luâk are hâkokombo gewiap. Gembo ain amâ Humo Yesu togowiapgât pagalenñande erâm itiñ gulam mendo bo akbiap. ⁹ Den koko luâk are yâkgât togo togogât keñe hin. Yâk amâ Niambiñe meme agañdo kârikñe siâ me siâ keñe keñe olop miawaganmâ hianñimân kulem akto siâ me siâ dewunnennñande bo ekmaen are membiap. ¹⁰ Akto den koko luâk togowiawân amâ luâk bikñe den bunñaet keñe nâñgâm heñgemgom hâkânñe dâm heñgemgo nenekbiapgât dâp tâpâkom mesokmâ amâ bâleñæet pat akbai. Hain akbiâ amâ den koko luâkgât togo togogât keñe mem miawakbiap. ¹¹ Luâk bikñe hain akmaigât Anutuñe hianñigât memenñe akto kautyeñe gulip agâkgât kârikñe makto miawakto hianñi are nâñgâm bunñe dâm nâñgâm pâpkowai. Hain. ¹² Akto areâk bo. Den bunñaet kautñe amâ hâkânñe dâm siâ me siâ bâleñæet ukenñe akmai luâk are

yâk yeñgâlân aregât hâuñe togo yeñgiâkgât hain are akbiap.

¹³ Galalupne, ye amâ hain bo akbai. Anutuñe ulikñân dondâ okot âlep akyenñim kepilâm yekmâ ikinñe Heakñe huñgun aņdo kaut yeñân mendo den pat âlepñe nâñgâm agak meme âlepñe akbai are nâñgâm heñgemgoep. ¹⁴ Anutuñe hain nâñgâep aregât Tesalonike gâtñe bikñe Humonnenñe Yesu Kristogât pagalenñân manbai dâm huñgun nengimbo den pat âlepñe makyenñienñe dowâk nâñgâyi aregât Anutu mepaimñe mem okot âlep nâñgâm kotñe mem agatenñe ârândânñ akbiâp. ¹⁵ Aregât den pat âlepñe makyenñiyion me kulem esenñân kulemgoenñe nâñgâyi are kârikñe lokom manmâ âgâwei.

¹⁶ Kembunennñe Yesu Kristo akto Ewenennñe Anutu yâkñe han kalem ak-nengim damunnennñe akmandat arekñe biwinennñe bâliwopgât wât nengimbela tatmâ âgâwaen akto himbimân wan me wan âlepñe aknengiwiapgât keñe maknengimbela biwinennñe sândugemap. ¹⁷ Anutu hain arekñe hinñe gai meme akyenñimbo kambiamyene humo agâk. Akto ai kârikñe âlepñe ketugum den âlepñeâk makbiâ Anutuñe yekto huraguâk.

3

Pauloñe Anutuñe tânnenguâk dâm makyenñiep.

¹ O Galalupne, den bâiñe hin makyenñire nâñgânñet. Yeñe Anutu nengât ulilanñbiâ Humonnenñe tân nengumbo amâ benñe ulikñân den makyenñienñe ye nâñgâyi are hainâk kepiñe kepiñe arim makyenñienñe dondânñe nâñgâwai. Nâñgâm amâ dondânñe biwiyeñe Yesugâlân katbiâ Humonnenñæet den are dowâk sambelem humo akbiâp. ² Akto nen arienñe luâk âmbâle hânñe hânñe manmai dondânñe amâ biwiyeñe Yesugâlân bo kali aregât luâk bikñe han hionñ bauñ bâleñe malenñe akmai arekñe menekberâmbiân amâ Anutuñe bâtyenñanba mem kotgâ nenegâkgât Anutu ulilanñbei. ³ Akto Humonnenñande amâ wan me wan dâm hârem are miawakmap arekñe Bâleñe Amboñe arekñe meyekbop dâm kondo gembo tânyenñuwiapgât bo

pâp komap aregât Anutu hain akbiapgât nângâmaen. ⁴ Akto ye den makyenjiennje lokom manmâ ariwai aregât Kembugât akmâ yengât han lâuwâ bo akmaen. ⁵ Aregât galama yengât hin dâm Anutu ulilanbe. Amâ Humonnenjande Anutu ye okot âlep akyengimap are akto Kristone kârikne kinmâ umatne lokom tân nengumap are hekat yengimenâ nângâwai hain dâm ulilandân.

Konam bo manbaengât magep.

⁶ O Galalupne, Humonnenje Yesu Kristone makniņdo den dâtne umatne ire makyenjiennje nângânet. Yengâlân gâtne siâne konam manmâ âi bo memai. Are den makyenjiyion are bo lokomai luâk are olop bo manbei. ⁷ Akto nenje yengât hutyenân manmâ nenje dâp keiņe katmâ âiâk memâk memâk malion are ekmâ nângâyi. ⁸ Akto nenje sot hâu bâlâk yân bo mem neyion wan me wan nengimbiâ hâk hilâlâm yengiwâen dâm hândâk hilâm âi wan me wan ketugum yengienne siâne puli nengimbiâ are mem sot hâuņe aregât yengiminiyion. ⁹ Akto nen hain bo agion dâine ârândân akbop. Akto Anutuņe sot hâuņe bo yengiwei dâm bo makmâ hâre nengiep. Bo. Nen amâ yeņe nenekmâ hain akņetgât sot hâuņe yengiminiyion. ¹⁰ Akto yengâlai manmâ den hin dâm makyenjiyion, “Luâk âmbâle bikņe konam akbiâ amâ sot are bo yengiwei.” dâm makyenjiyion. ¹¹ Gârâmâ hinņe yengâlaiwa den hin togombo nângâyion. Luâk âmbâle bikņande konam akmâ siâgât âi bâlne mângim âiyeņe hepunmâ yân mandâi dâmbiâ nângâyion. ¹² Luâk âmbâle hainare yengât amâ Humonnenje Yesu Kristogât den sami hin dâm makyenjiennje nângâm hengemgowai, “Ye âlepne hengemgom âiyeņe yeņeak âi mem sot mem nembai. Dâ yân amâ bo tatbei.” ¹³ Akto ye hârok hin makyengire agak meme âlepne are hokboâk hokboâk akmâ manmâ âgâwei. Akto bo hâkân akbei. ¹⁴ Den kulem esenje ire kulemgoân ire luâk âmbâle siâne hâkân akmâ hepundo amâ yengâlânba watbiâ anun anjiâk. ¹⁵ Akto gasa agañnetgât bo maktân. Dâ amâ yaiwâk agañbiâ biwiņe

purik kato gala agañbiâ ye olop manbeigât maktân.

Den bâiņe.

¹⁶ O Galalupne, yengât Humonnenje ulilanbe. Humonnenje amâ Lumbe Ambone wâtne aknengim biwinenje mem sândugemapne biwiyeņe sândugeâkgât hokboâk hokboâk bikenba bikenba ikeņe sândukne totokoyekto ârândân huragum yem âgâwiâp. Akto Humonnenje ye olop manmâ âgâwei dâm ulilandân.

¹⁷ Galama, nâ Paulo, nâne luâk siâ magañdere yu kulemgoâp. Dâ den bikņe ire nunak kulemgoân. Nângât bāt tirip ire ekmâ nângâm hengemgowei. Ire amâ Paulogât bāt tiripne hain nângânet. ¹⁸ Humonnenje Yesu Kristone ye hârok okot âlep akyengim damunyeņe agâkgât ulilanman.

1 Timoteo

Den hiangi aregât keiŋe.

¹ O galane Timoteo nâmâ Paulo, Anutuŋe âi makmâ hâreniŋepgât Yesu Kristogât laugât Aposolo âi meman. Amâ Anutuŋe heŋgem nengumapŋe akto Yesu Kristoŋe dumnennân kilepgât nânŋaŋmâ manmaen yâk lâuwâ lâuwâ âi ire niŋiat. ² Timoteo nanne gâŋgât kulem ire kulemgogiŋdân. Anutu Ewenenŋe akto Kembunenŋe Yesu Kristo yâk yetŋe han kalem âlepŋe akŋiŋmâ damunge akbela biwige sândugeâk. ³ Nâ Makedonia hânân ariwerâm akmâ amâ makŋiŋân aregât hain akben. Amâ luâk bikŋande hutyeŋân kinmâ den aŋgâ siâ makyenŋiyi yâk makyenŋimenâ hepunbai. ⁴ Yâk bem patŋe kâmotŋe kâmotŋe makmâ gam mali yâk yeŋgât kotyeŋe makmâ maganŋi goanŋi akbiâ amâ den gulip milip bunŋe bo are miawakto Anutu nânŋaŋmâ hoŋ bawa manmaen are gembo bâlimap. ⁵ Gârâmâ Anutuŋe makmâ hârenenŋieŋep are hin akmaen. Han lâuwâ bo akmâ amâ biwi kau kau akmâ Yesu nânŋaŋmâ manmâ pânân mem kepilâmaengât biwi konok akmaen. ⁶ Dâ luâk bikŋande amâ den are hâkân akmâ yeŋaet den are makmâ mem maganŋi goanŋi akbiâ bunŋe bo miawakyeŋieŋep. ⁷ Yâk hain akmâ hin makmai, “Nen Mosegât den kârikŋe are makyenŋienŋe nânŋâwai.” dâm amâ wan me wan ire bunŋe dâmai den aregât keiŋe bo nânŋâm heŋgemgoyigât gulip makmâ manmai.

Den kârikŋe arekŋe dosanenŋe mem miawakmap.

⁸ Gârâmâ nenâmâ den kârikŋe aregât hin nânŋâmaen. Den kârikŋande agak meme âlepŋe are mem miawakmap aregât den kârikŋe nânŋâenŋe ârândânŋ akmap. ⁹ Den kârikŋe are luâk dosa bâlâk manmai yâk yeŋgât bo. Anutuŋe amâ den kârikŋe hingât kalep. Luâk Anutugât den hâkân akmâ komai me Anutu hamiaŋmâ agak meme bâleŋe akmai me biwi helenŋ olop manmai me ewe memelupyenŋe hilip yeŋgum bugâ yeŋgumai. ¹⁰ Me luâkdâ âmbendâ

yeŋgât pat hâremai me luâkŋeak egâlian bâleŋeâk akmâ bikŋe meyekmâ puligât kâmbu meyekmai me den hianŋimai me Kembugât kotŋe konmâ amâ hianŋimân makmâ kârigemai. Me siâ me siâ bikŋe den bunŋe gasa agaŋmai yâk yeŋgât amâ Anutuŋe makto den kârikŋe arekŋe bâleŋe yeŋe mem miawakyeŋimap. ¹¹ Akto den bunŋe gasa agaŋmai amâ den bunŋe are amâ Anutu manman âlepgât amboŋe yâkŋe den pagaleŋe olowâk niŋep arekŋe hain makmâ miawaktâp.

Yesuŋe Paulo dosanŋe hepunaŋmâ âi âlepŋe wanŋep.

¹² Kârikŋe niŋmâ mem kârikŋe ketugunep Kembu nenŋe Kristo Yesu yâk me-paimŋe meman. Yâkŋe nânŋâniŋdo ârândânŋ akto tân nugum âi ire niŋep. ¹³ Gârâmâ nâ ulikŋân Yesugât nânŋâre gembo yâk makmâ gasa agaŋmâ luâklupŋe gasa akyenŋire hanâk dâm nâ Kembugât keiŋe pâpkom manmâ bonânŋaŋmâ malângât han kalem akniŋmâ okot nânŋâniŋmâ yai naguep. ¹⁴ Yai nugum han kalemŋe nânŋâlân lugumbo pikto Kristo Yesu nânŋaŋmâ okot âlep agaŋbiangât kârikŋe niŋep. ¹⁵ Den ire bunŋe akmâ sambelem ariâk. Arimbo ârândânŋ akbiâp. Yesu Kristo amâ nen bâleŋe akmâ hâkŋe hâkŋe akmaen nen heŋgem nenguwiapgât gieŋep. Akto hâkŋe hâkŋe akmaen nengât âgâ âgâŋe amâ nâ ire. ¹⁶ Gârâmâ Yesu Kristoŋe yai nugum han kalem umatŋe niŋep, a yân bo. Nâ bâleŋe meme luâk yeŋgât kautyeŋe nâ han kalem niŋdo luâk beirâ are ekmâ nânŋâm amâ Yesu Kristo nânŋaŋmâ kepilâmbiâ manman kârikŋe yeŋgiwiapgât hain akniŋep. ¹⁷ Manman kârikŋaet Kembu humo bo mombiap akto bo ekmaen Anutu konok yâkgât kot pat egâlianŋ pagaleŋe are yem âgâwiâp kârikŋe. A bundâk.

Timoteo âigât bugâ mem kârikŋe akmâ manbiapgât magep.

¹⁸ Timoteo nanne gâ hain akniŋmat gâŋgât den umatŋe hin makmâ giŋân. Gâ den ire mem manmâ amâ luâk bikŋande gâ wan akbiatgât den guguyi den arekŋe kârikŋe giŋdo âigât bugâ mem kârikŋe akmâ manben. ¹⁹ Hain akmâ manmâ

Kristo nânğanjengât hainâk nânğanmenâ han biwige kau kau akmâ tatginmâ âgâwiâp. Dâ luâk bikñande han kau kau manman dâp are hamianjigât Yesu nânğanbiâ nânghâ nânghâ yeñe tatyengiep are hulañ akto bâliyi. ²⁰ Yâk yengâlân gâtñe luâk siâ Himenaio akto siâ Alesande yâk lâuwâ are Hiangi Amboñande hâk hilâlâm yetkimbo Anutugât kotñe hâkâñ akmandat aregât agak meme are hepuletgât yâkgâlân katyelegân.

2

Yesugât kâmotlupñande ulilanbaigât den.

¹ Galane, nâ den ire nânghâre umatñe akmapgât makginbe. Kâmotlupgande Anutu ulilanberâm âmâ hin akbei. Hokboâk hokboâk Anutugât nânğanbiâ ârândân akmapgât mepaimñe membei. Akto luâk âmbâle hârok yâk Anutuñe tânyengûâkgât ulilanbei. ² Luâk kembu, kiap, gawaman hârok tânyengûâkgât ulilanbei. Aregât luâk humomolupnennande damun nenñe akbiâ âmâ âlepñe lumbe kakñân manmâ Anutugât lau lokoennye biwinenñe sândugembo luâk bikñande nânghâ nengimbiâ âgâwiâp. ³ Are amâ âlepñe akbiap. Akto Anutu henngem nengumap yâkñe are nânghâmbo ârândân akmap. ⁴ Anutuñe amâ luâk hârokñe den bunñe nânghâmbiâ henngemgo yekbiapgât egâlianmap. ⁵ Anutu konok manmap. Akto Anutu akto luâk hut nenñân mendugu nenekbiapgât luâk konok kindâp, Yesu Kristo yâk luâk agep mannengiâp. ⁶ Yâkñe manmanñe bo gangerâm amâ nen hârokgât sumbe nenñe agep. Aregât patñe amâ sopñân miawagep. ⁷ Aregât Anutuñe nâ pat aregât keñe makmâ miawakyengiwiangât Aposologât âi niñep. Âi niñmâ Yuda luâk bo manmai den bunñe nânğanbaigât makmâ hâreniñep. Den are bo hianjim amâ bundâk maktân.

⁸ Galane, hingât nânghâre humo aktâp. Kepianñe kepiannye hânñe hânñe gasa bo aganjim amâ bâtyeñe mem agatmâ Anutu ulilanbei.

⁹ Dâ âmbâi yengât hin maktân. Yâkñe hâk peke egâlianñe olop bo luguakmâ amâ yeñe nânghâmbiâ gembo kângom manbei. Dâ kautyeñe dumutñe kulem melem

dondâ me donet me hâk peke puliñe âgâñe are bo mem manbai. ¹⁰ Gârâmâ hin mem manbei. Âmbâle nen Kristogât kâmot manmaen dâmaiñe âi âlepñe membiâ ârândân akbiap. ¹¹ Âmbâleñe luâk yengât amuk yeñân manmâ kângom ondop katmâ nânghâ nânghâ âi membei. ¹² Âmbâle siânñe Kristogât keñe hekat yengiwewerâm akbiap arekñe luâk ewangi yekmâ kinbiâp dâm aregât nânghâre bo ârândân aktâp. Aregât hain bo akbiap. Yâk yân kângom yonâk manbiâp. ¹³ Amâ Anutuñe Adam amâ ulikñân mem miawagep. Dâ âmbenñe Ewa amâ yâkgât hamiñân mem miawagep. ¹⁴ Akto Adamñe Hiangi Amboñat den bo nânghâep. Âmbenñande amâ Hiangi Amboñat den nânghâm Anutugât lau kondo lau koko are miawaganep. ¹⁵ Dâ âmbâle amâ Kristo nânğanmâ han kalem olop manmâ han kau kau manmâ yeñe nânghâmbiâ gembo amâ nanañ membai amâ Anutuñe henngemgo yekbiap.

3

Yesugât kâmot damunlupyeñe den.

¹ Luâk siânñe nâ Kristogât kâmot damunyeñe akbiangât âi membe dâwip amâ are nânghâenñe ârândân akmap. ² Gârâmâ Kristogât kâmotgât damunnenñe luâk are amâ hin akbiâp. Dosa bâlâk manmâ âmbâle konok olop manbiâp. Akto han biwiñe damunñe akbiâp. Akto akmâ hilipko hilipko bâlâk âlepñe manbiâp. Akto lombo togombiâ dowâk tânyengûwiâp. Akto luâk âmbâle Kristogât keñe makyengimbo nânghâmbiâ ârândân akbiâp. ³ Waiñ tuñe dondâ bo nembâp. Bugâ koko bo akmâ amâ lumbeñe akto yeukñe akbiâp. Akto kâmotlupñe potalakñetgât bo makbiâp. Akto puli sikungât bo makmâ tâgâi akbiâp. ⁴ Ikiñe ginbailupñe damunyeñe akto ârândân akbiâp. Akto nan baratlupñe makmâ miwindiyekto lau lokom nânğanbiâ ârândân akbiâp. ⁵ Dâ yâk ginbailupñe ârândân bo damunyeñe akbiap amâ yâkñe gain gain akmâ Anutugât kâmot damunyeñe akbop? ⁶ Akto siânñe hinñeâk Yesugâlân han biwi katmâ manbiapñe amâ dâtñe memegât âi bo membiâp.

Gârâmâ dâtne meme âi membiap âmâ âgâ âgâne akto Anutuņe makmâ Hiangi Amboņe sârekoep hainâk agaņbopgât. ⁷ Dâ yâkne wan me wan mendo luâk âmbâle Anutugât kâmolân bo dewatiyi yâkne nâņgâmbiâ ârândân akbiâp. Yâkne makmâ sârekombiâ Hiangi Amboņande biwiņe mem gâlikombo yâkgât hami komân âgâambo membomgât.

Biwigât âi meme luâk yengât den.

⁸ Bât tângo yâkne gai hainâk girin hem-balik bâlâk manbiâp. Ele omai olop bo manbei. Waiņ tu humoâk bo nembei. Puli sikumgât bo makmâ tâgâiakbei. ⁹ Akto Kristogât keiņe yoņâk manmâ gaep are pânân mem han kau kauân makyenģimbiâ miapņân miawakbiâp. ¹⁰ Gârâmâ ulikņân mem dop koyekbiâ agak memeyene ekbiâ huragumbo âmâ âlepne bât tângogât âi membei. ¹¹ Âmbenlupyeņe hainâgâk kânģom manbei. Ele omai bo akbei. Han biwiyeņe damunne akbiâ ârândân akbiâp. Akto wan me wan mem manbiâ âmâ bunne miawakbiâp.

¹² Dâ bât tângo luâk arekne âmâ âmbâi konok olop manbiandat. Nan baratlupne ginbailupne damunyeņe âlepne akto huraguwiâp. ¹³ Amâ hingât. Bât tângo are âiņe âlepne membiâ âlepne akto kin kin âlepne kin yeņģiwiâp. Akto Yesu Kristo gâlân dewatim kinmâ âi mem heņģemgowai.

Anutugât âi memenjaet keiņe.

¹⁴ Nâ gâņgâlân dowâk togowerâm nâņģân gârâmâ hanâk den ire kulemgogindân. ¹⁵ Siâ me siâne hiko nekto mandere kâlep akto Anutugât kâmot damun yeņe akbi-atgât keiņe pâpkowâtgât yu kulemģoân. Akto Anutu manman Amboņe yâkgât kâmot âmâ den bunne mem manmâ den bunņaet tân akto keiņe mandâi. ¹⁶ Humogât keiņe âmâ nâņģâ nâņģâgât dop bo. Hin. Yâk luâk akmâ nengât hâk mem miawagep. Akto Heakņande yâkgât keiņe mem miawakto ârândân agep. Aņeloņe eģi. Yuda luâk bo manmai yâk yeņģâlân arim makyenģienne nâņģâyi. Makyenģienne hânne hânne luâk âmbâle

manmaiņe nâņģaņi. Akto Anutuņe yâk mendo pagalenân âgâm mandâp.

4

Hiangi dengât keiņe.

¹ Anutugât Heakņande hin kârikneâk makmâ miawagep. Beirâ luâk bikņande Kristogât keiņe hepunmâ han gulipgât den sinduk baniaņe makmai are nâņģâmbiâ humo akto watmâ lokowai. ² Lokom âmâ hanyene hianģim manbaigât kâlâpne oepgât hin dâm makyenģimai. ³ Âmbâi bo mem luâk sigan manmâ sot bikne bo nem aregât sapa meanģim manbai. Sot are amâ luâk âmbâleņe Kristo nâņģaņmâ den bunne nâņģâmaenne mepaimne meanmâ nemaengât Anutuņe kat nengiep. ⁴ Are amâ Anutuņe wan me wan liulep are amâ âlepne dâmaen. Âlepne dâm mepaimne meanmâ bo hamiaņmâ panbaen. ⁵ Amâ Anutuņe ketuguep hârok amâ Anutugât denņande miapņân miawak yekto Anutu mepaimne mem meakmâ mandenne ârândân akbiâp. ⁶ Gâmâ Kristogât kâmot den are makyenģim âmâ Yesu Kristogât hoņ manman luâk den loko loko olop manbiat. Akto Yesu nâņģaņmaengât den pat akto Kristogât keiņe nâņģâm gaen. Arekne han biwigaet tân akģiņdo manben. ⁷ Dâ hânģe den yânne makbiâ Anutuņe nâņģambo bo ârândân akmap are bo nâņģayeņģiwen. Amâ hâkâņe dâwen. Dâ Anutu nâņģaņmâ manbengât hangande owâiwen. ⁸ Aregât hâk nenne owâiâkgât âi meme arekne bunne bo tân nengumap. Dâ han biwi mem owâim Kembu nâņģaņmâ egâlialaņ agaņmai amâ bunne. Arekne hânân iren manmaen akto manmâ himbimân manbaengât kârikne nengiâk gât tân nengumap. ⁹ Den are bunne dondâ. Aregât luâk âmbâleņe are nâņģâmbiâ humo agâkgât nâņģân. ¹⁰ Akto aregât bunne memegât âi humo memaen. Amâ Anutu manmanne yâkgât nâņģaņmâ mandenne biwinenne owâiņe akmap. Yâkne âmâ luâk âmbâle hânne hânne manmai yâk yeņģât heņģemģoyekbiapgât mandâp. Akto nenne nâņģaņmaen nen heņģemģo nenekmap. A Bundâk. ¹¹ Yu maktân ire hârok makmâ hekatyeņģiwen.

Timoteogât âi memenjaet den.

¹² Galane, gâ luâk sigan mandât aregât luâk bikñande gângât nângâmbiâ bo gewiâp. Gârâmâ han kalem olop Kristo nânganmâ den ârândânâk makmâ agak meme salek han kau olop memenâ agak meme âlepñe nângâm heñgemgoweï. ¹³ Nâ togowian aregât lâmgom manmâ âmâ Anutugât den kulemñe oyanmenâ nângâwei. Akto aregât keñe makmâ potatmâ yeñgim manben. ¹⁴ Ulikñân dâtñe meme luâkñe bâtyeñe gângâlân katmâ gâ wan akbiatgât makmâ hâregiñi are gulip akbopgât damunñe akben. ¹⁵ Gâ aregât nângâm hanoko akmâ âige mem manmenâ bunñe miawakto ekbiâ ârândân akbiâp. ¹⁶ Akto guge han biwige damunñe akmâ Kristogât keñe makyenñimat are ârândân târârâgâk damunñe kinben. Den are pañâk mem manben. Hain akbialân âmâ denge nângâmai yâk akto guge hârok manman âlepñân togowai.

5

Âmbâi kambut yeñgât den.

¹ Galane Timoteo, luâk sâmbâ siâñe wan me wan siâ mendo ârândân bo akto âmâ yeukñân maganmâ ewege agañmat hainâk agañmenâ agak meme âlepñeâk membiâp. Luâk sigan tân yeñguwerâm âmâ emige teuge akyenñimat hainâk akyenñiwen. ² Akto âmbâi sâmbâ tân yeñguwerâm memege agañmat hainâk akyenñiwen. Akto âmbâi sigan âkâ hainâk tâulupnerâm gugaet damun kinmâ luâk âmbâle dewunyeñân den siâ me siâ makyenñiwen. ³ Akto âmbâi kambut ginbailupyene bo manmai are nângâ yeñgimenâ humo akto tânyenñuwen. ⁴ Dâ âmbâi kambut siâñe âmâ nanñe baratñe bâgilupñe manbai are bo tânyenñuwen. Nan barat bâgilupñande âmâ Anutuñe makmâ hâreyenñiep den are lokom amâ luâk âmbâi sâmbâ damun yeñe akbei. Hain akmâ umbunân ewe meme yeñande tânyenñuyigât hâu kutigitbei. Are âmâ Anutuñe nângâmbo ârândân akbiâp. ⁵ Dâ âmbâle kambut ikinñeâk manmâ Anutu nânganndo biwiñe owâiñe akto hândâk hilâm Anutu tân nuguâk dâm ulilanñap. ⁶ Dâ âmbâi kambut siâ hâkñe

egâlianñap amâ hâkñe golâ mandâp dâ biwiñe emelâk moep. ⁷ Den are makmâ kârigem makyenñimenâ nângâm dosa bâlâk manbei. ⁸ Gârâmâ siâñe emi teu me meme ewe me ginbailupñe bo tânyenñumap arekñe Kristo nânganñep are hâkân akmâ amâ luâk bikñande Kristo bo nânganmai yâk yeñgât dosa ewangim akmap. ⁹ Âmbâi kambut siâñe hombanñe 60 akto amâ luâk konok olop malep hainareâk kepilâm kotñe kulemñowen. ¹⁰ Akto wan me wan miep aregât keñe miawagâkgât hin aikowen. Nanan meyekmâ âlepñe damun yeñe akmâ gaep me bo? Me lombo yâkgâlân togombiâ damun yeñe agep me bo? Kristogât kâmot me umburuk manmai tân yeñgüep me bo? Me han kalem âi keñe keñe miep me bo? Keiyene hain ekmâ nângâm amâ kotyene kulemñowen.

¹¹ Dâ âmbâi kambut sigan amâ kotyene amâ bo kulemñowen. Yâkñe makginñbiâ borâwen. Hain are yâkñe manmâ amâ Kristo nângâm hâkân agañmâ amâ luâk memberâm akmai. ¹² Hain akmâ amâ ulikñân den makmâ hâreyi are gulip kombiâ dosa yeñe miawakbop. ¹³ Akto areâk bo. Âmbâi kambut sigan âi bâlâk manmaigât gulip milip akmâ konam manmai. Konam akmâ emet hârok âgâm den kâmbu mem den bo makmakñe are makyenñimai. ¹⁴ Aregât nâ hin maktân. Gasa nenñande nengât makto gewâengât âmbâi kambut sigan yâkñe luâk mem nananñe damun yeñe akmâ emet yeñân lâmgom tatbei. ¹⁵ Dâ emelâk âmbâi kambut sigan bikñe amâ Hiangi Ambonaet dâp tâlim gulip agi.

¹⁶ Akto Kristogât kâmotlupñande puli yân panbâigât kambut gupin bunñe areâk tânyenñuwaigât lâulupyene Yesu nânganmaiñe tâuyene kambut are tângoweï.

Yesugât kâmot yeñgât damunlupyene yeñgât den.

¹⁷⁻¹⁸ Anutugât kâmot damunlupyene yâk yeñgât hin makginñdere nângâ. Anutugât denñande hin dâep, “Gângât bulimakaone senjo bunñe tâlim hâkñe gagaiâkgât âi mendo amâ gâñe bulimakaone sot nem-bop dâm launñe bo dâgâm gisapkowen.” Akto siâ hin, “Âi meñginñap luâk arekñe

âi hâuñe mendo âmâ ârândân akmap.” Aregât Kristogât kâmot yengât luâk kautlupyene âi mem manmâ Kristogât keiñe makyengimbiâ âmâ hâuñe yengim nâñgâ yengimbiâ humo akbiâp. ¹⁹ Luâk konokñe damun siâ den âiân katberâmbo bo nâñganben. Luâk lâuwâ me âlâwunje makbiâ âmâ nâñgâm hengemgowen. ²⁰ Dâ damunyeñe bikñande hanâk hanâk kautyeñe orem bâleñaet agak meme yeñe gangerâm mem manbiâ âmâ Kristogât kâmot yâk yengât dewunyenân makmâ miwindikmenâ bikñande are ekmâ hamewakbai.

²¹ Nâ Anutu akto Yesu Kristo yâk yetgât dewunyetñân akto anelo bikñe Anutunje potatyegep yâk yengât dewunyenân hin makmâ hâregindân. Den makgindân ire yaiwâk damun akmenâ bo gewiâp. Hain akmâ guge hangaet luâk âmbâle siâ me siâ ewangiak gowangiak bo akyengiwen.

²² Akto gâñe Kristogât kâmot damunlupyene yâk yengât âi yeñe dowâk bo yengim bâtege kautyenân bo katben. Hain akmenâ âmâ yâk yengât dosañe gâñgâlân âgâwopgât. Guge han biwige akto hâkge damun akmenâ kau kau yembiâp.

²³ Gâ tepgân gigimapgât akto hâk hilâlâm manmatgât tuâk bo nemben. Waiñ tu are getek nemben.

²⁴ Luâk bikñe yâk yengât bâleñe aregât keiñe nâñgâm dowâk hengemgomaen. Dâ bikñe âmâ yâk yengât bâleñe tigâk yemapgât beirâ miawakmap. ²⁵ Aregât dop hainâk agak meme âlepñande âmâ tektekñân miawakmap. Dâ hain bo akmapgât tiwâk yem âgâwiapgât dop bo tatâp. Beirâ miawakmâ kinbiâp.

6

Hoñ manman yengât den.

¹ Hoñ bawa hârokñe Anutugât kotñe akto den pat âlepñe bâliwopgât luâk kembulupyene yekmâ kângoyengiwei. ² Dâ luâk kembulupyene Kristo nâñganji âmâ yâk yengât hoñ bawalupyenande hin bo nâñgâwei, “Kembulupnenñe Yesu nâñganjiâ dop nenñe konok agep aregât lauyene bo lokowaen.” hain bo nâñgâwei. Bo. Luâk kembulupnenñe Kristogât

nâñganjiâ han kalem akyengimaengât hoñ bawa âi owâiâk akyengienñe ârândân akbiâp. Hain dâwaigât gâ den are makmâ makyengim mem kârikñe ketugu yekben. ³ Dâ luâk siâñe den are makmâ hilipkom den añgâ makmâ Kembu nenñe Yesu Kristo yâkgât pat âlep den hâkân akmâ denñande hengem nengumap are hamianmap yâkgât hin nâñgâwaen. ⁴ Yâk âmâ ikiñe nâñgâ nâñgâñe mem agatmâ han gulip akmâ kâmotnenñe potalakñet dâm hâre hâregât den are egâlianjo humo akmap. Akto den yânñe maganji goanji akñet dâm egâlianmap. Hain arekñe egâlian bâleñe miawakmap. Akto luâk âmbâle bikñande den are nâñgâm potalakmâ galagât hogo hogo hâk yeñe tunmâ nâñgâ añgimbiâ gemap. ⁵ Akto gai luâk bikñande han nâñgâ nâñgâ yeñe bâleñe higenñe akto den bunñe bâlâk manmâ nen Anutugât lau lokom mandenñe puli sikum miawak nengiwip dâm bembegât pat nâñgâmbiâ humo akto gulip manmai.

Hângât puli sikumgât den.

⁶ Akto puli sikumgât hin makbe. Anutugât nâñgâenñe humo akto launje lokomaen âmâ bundâk hâk tângo peni-nengimbo horat korat bâlâk mem maniâm. ⁷ Amâ hingât. Memelupnenñande menenegiân âmâ hâk hololok miawagion. Akto manmâ mombaenân âmâ hainâk hâk hololok Humogâlân ariwaen. ⁸ Aregât sot akto hâk pekenenñe ârândân tatnengimbo nâñgâenñe ârândân akto maniâm. ⁹ Dâ bikñande puli sikum humo mem mannerâm manbai yâkñe egâlian bâleñaet lâm kâli kâliân gembâ ewuyekbiâp. Ewuyekto siâ me siâ yânñaet keiñe egâlian bâleñe nâñgâmbiâ arekñe katipyengum mem bâliyekbiâp. ¹⁰ Puli sikumgât egâlian gogâlian arekñe bâleñe hârokgât tânñe miawakmap. Aregât luâk bikñande puli sikumgât egâlianjiâ humo akto Kristogât den pat hâkân akmâ hepunmâ puli memberâm akmâ manbiâ âmâ hâk hilâlâm humoñe penâyengimap. ¹¹ Dâ gâmâ Anutugât luâk manmat aregât siâ me siâ hainare hamianben. Manman âlepñe egâlianmâ Anutugât lau lokom Kristo nâñganmâ han kalem kârikñe olop manman akberâm

aregât kârikne akben. ¹² Akto Kristogât keiñe miawagâkgât bugâgât âi kârikne mem manben. Akto ulikñân Kristogât kâmotlupñande makmâ hâregiñbiâ nângâm luâk âmbâle dewunyenân magen den are lokom manman kârikne pañâk memben. ¹³ Anutuñe siâ me siâ manman golâ yengimap yâkgât metenân akto Yesu Kristo kiap Pilatogâlân den kârikne bunñe magep yâkgât metenân makmâ kârigegiñdân. ¹⁴ Hin. Den kârikne lokom manmenâ bikñande gekmâ gângât makbiâ gewopgât kârikneâk kinmenâ Kembunenne Yesu Kristo togowiâp. ¹⁵ Aregât sopñe Anutu pagalene Amboñe akto Kârikne Amboñande makto miawakbiâp. Yâk âmâ luâk kembu yâk yengât Kembu humo. Akto agat agatñe yâk yengât kautyene humo. ¹⁶ Yâk ikinjak ulikñân bak manmâ gaep akto momo bâlâk manmap. Akto pagalene humo nen bo arimaenân ain manmap. Yâk luâk siâne bo egep. Akto ekbaengât dâp bo tatâp. Yâk luâk hârokne kotñe konmâ mem agatmâ denñe lokombiâ yâkgât kot pat sambelem arimbo damunnenñe akmâ âgâwiâp. A bundâk.

Luâk puli sikumdâ yengât den.

¹⁷ Luâk hângât puli sikum humo umalâk yeyengimap yâk makyengimenâ hâkyene bo mem agatmâ siâ me siâ bâliwiap aregât nângâm imâ tân nengumbo manman nenñe miawak nengiwiap dâm bo nângâwei. Dâ Anutuñe unsambe humo nengimbo herone marone manmaen yâkgâlân nângañbiâ biwiyene humo akbiapgât makyengiwen. ¹⁸ Akto luâk sikumdâ hin makyengiwen. Han kalem akmâ agak meme âlepñe mem siâ me siâ hâu bâlâkgât yengiwei. ¹⁹ Hain akmâ âmâ manman kârikne siân miawak yengiwiapgât keiñe katmâ manbei. Katmâ manmâ âmâ beirâ manman bunñe membai.

Pauloñe Timoteo mem kârikne ketuguep.

²⁰ O galane Timoteo, gâ Kristogât keiñe makgiñion aregât pat damun akmâ mem manben. Akto luâk siâne Anutugât pat hâkâñ akmâ nângâ nângâgât den heñgemgone dâm magañgi goañgi akmâ hilip kombiâ bunñe bo miawakto den

are hâkâñe dâwen. ²¹ Luâk hainare akmaine âmâ Kristogât keiñe nângâwerâm ewum hâuñgomai. Anutugât han kalemñe yengâlân yembiâp.

2 Timoteo

Pauloñe Timoteogât akmâ Anutu ulilanep.

¹ O galane Timoteo, Paulo nâ Yesu Kristo yâkgât Aposolo. Anutuñe emelâk Yesu Kristogât manman âlepñe makmâ hâriepgât nâ Aposologât âi niñep. ² Timoteo nune nanne dâm gogondân gângât kulem ire kulemgogindân. Anutu Ewenenñe akto Kembu nenñe Yesu Kristo yâkñe damunge akmâ han kalem akmâ tân gugum okot nângâginbela biwige gembo sândukñe akbiâp.

Pauloñe Timoteo kârikñe kilepgât Anutu mepaimñe miep.

³ Bâgilupnande han kau akmâ Anutugât lau lokoyi yâk yengât Anutu nânganmâ han kau akmâ Anutugât lau lokoman. Yâk hokboâk hokboâk gângât akmâ mepaimñe aganjmâ ulilanman. ⁴ Amâ ulikñân indem tâgâiak humo agen aregât nângâm âmâ hilâm hândâk nângâ ginmâ gektere heronje maronje miawakniñâk dâm mandân. ⁵ Akto nângâginđân ainâk gai deige Rosi akto memege Eunike Kristo nânganbela yetgât biwi kat kat nângân are hâtikom gângâlân gai yendâp hain nângân. ⁶ Aregât nâ nângâginmâ makbe. Nâ bâte kautgân katere Anutuñe wâtñe ginjep are nelâmginbopgât utungomenâ utunñeâk miawakginbiâp. ⁷ Amâ Anutuñe wâtñe nengimap amâ hamewakmâ manbaengât bo nengiep. Kârikñe olop akto han kalem olop akto han biwi damun aknegât nengiep. ⁸ Aregât gâ Kembunenñe pat makmâ hulanđâm anjun bo anjiwen. Akto nâ yâkgât akmâ tâkñe hikonekbiâ lope kâlegen talân nângât akmâ anjun bo anjiwen. Gâ Anutuñe kârikñe ginbiap nâ hâk hilâlâm nângâman a hainâk akmâ pat âlepgât dengât akmâ hâk hilâlâm kakñân manben. ⁹ Yâkñe meñâlenenekmâ den patñe âlepñande oloñnenegep. Are âmâ ulikñân tâmbâñe dondâ Yesu Kristogât akmâ han kalem akyenjiwian dâm makmâ hâriep. Makmâ hârem manmâ gambo nen miawakmâ mandenñe âi nenñe me agak

meme nenñe bo akmâ ikinjaet han watmâ potat nenekmâ henngem nenguep. ¹⁰ Amâ ulikñân tâmbâñe nângâm henngemgombo yiep. Dâ bunñe sop ire Yesu Kristo henngem nengumapñe miawaktoân Anutugât han kalemñe miawaknengiep. Akto Yesu Kristonje momogât kârikñe kondo mondo den pat âlep arekñe mem manman kârikñe akto pagalenñân manbaengât miawaknengiep.

Pauloñe pat âlepgât âiân hâk hilâlâm humo nângâep.

¹¹ Akto Anutuñe den pat aregât akmâ nâñe makyenjiwiangât Aposolo âi membiangât akto Kristogât keiñe hekatyenjiwiangât âi niñep. ¹² Âi niñdo nâ aregât akmâ hâk hilâlâm kakñân manman. Nâ nânganmâ henngemgomangât yâkgât han lâuwâ bo manman. Bo. Nâ hin nângâm kârigeman. Yâk kârikñe olop manmâ gam âmâ agak memene âlepñe damun akniñdo sop humo are miawakbiap. ¹³ Den bunñe aregât dâpñe hekat ginñân areâk kendetben. Are âmâ Yesu Kristo nânganmâ hangande hikom kinmâ hain akben. ¹⁴ Akto Heak han biwi nenñân manmap yâkñe den bunñe keiñe ginjep are panñak mem yaiwâk damun akmâ manben.

Onesiporonje âmâ Paulo tângom malep.

¹⁵ Galane, galalupne hârok Asia hânân manmai yâkñe hepun nekmâ meteyi, are nângâen. Yâk yengât hutyenñân âmâ Pigero akto Hermogene hepun negiat. ¹⁶ Kembunje Onesiporogât ginbailupñe han kalem akyenjiwiapgât ulilanđân. Amâ hingât. Tembe lokoñe hiko negi ain Onesiporo arekñe bo hâkân akniñmâ kambiamne owâiâkgât tân nugum malep. ¹⁷ Hain akmâ âmâ Roma kepiân togom undâgât niñmâ kârikñe akmâ penâniñep. ¹⁸ Aregât Kembunje sop humoân han kalem aganjbiapgât ulilanđân. Onesiporo arekñe Epeso hânân gai hoñ bawa âi humo akniñep are gugak ekmâ nângâen.

2

Timoteonje Yesugât âiân bugâ koko kârikñe kilâkgât magep.

¹ O galane Timoteo, Yesu Kristonje han kalem akmâ okot nângâ ginmâ damunge

akmap aregât nângâm biwigân katmâ biwige kepeimbo hamep bâlâk âi memben. ² Akto luâk âmbâle biwirâ yâk yengât dewunyenân den dâtâne makginân are âkâ hainâk luâk bikne Humogât dâp tâlimai den are makyengiwen. Makyengimenâ arim yâkâ hainâk den are potatmâ luâk bikne bikne makyengim kepilâwai. ³⁻⁴ Gâne tembe loko yâk yengât agak meme ya nângât are. Yâkne humonande wan me wangât dâmba emetgât me kalamgât me ginbailupne are yengât bo nângâm ikinje ukenje hepunmâ hâk hilâlâm nângâm lauje lokomap. Aregât gâ dop hainâk Yesu Kristogât akmâ yâkgât tembe lokoje akberâm hâk hilâlâm nângâm bo hâkâñ akben. ⁵ Luâk siâ hilip agu agu âi mem âmâ luâk humone den makmâ hâriep den are bo lokomainje âmâ hâune bo membiap. ⁶ Âi kalamgât âi humo mem hâk hilâlâm nângâmapne sot bunne mem nendo ârândâñ akbiap. ⁷ Humone han biwige mem kepikto aregât den yu kulemgoân ire hokboâk hokboâk aregâlâk nângâm potatmâ kotgâm manben.

Yesu Kristo nângâm kârigeañmâ yâkgât âiân kârikne kinbaen.

⁸ Yesu Kristo nângañmâ manben. Yâk Dawidigât kâmolân gâtñande momonânba golâ akmâ agalep. Aregât dop hainâk yâkgât den pat âlep hain makman. ⁹ Pat âlep den aregât akmâ hâk hilâlâm umatne nângâman. Hâk hilâlâm nângâm âmâ luâk bikñande nâ bâlene meme luâk hainare hiko nekbiâ tatman. Dâ Anutugât den amâ bo hikombiâ kârikneâk miapñân tatmap. ¹⁰ Aregât nâ hâk hilâlâm âi hârok are Anutune yengonmâ makmâ katyegep yâk yengât akmâ akman. Yâk âmâ Yesu Kristone hejngemgoyekto pagalene manman kârikne manmâ âgâwaigât âi mem hâk hilâlâm nângâm âmâ bo hâkâñ akmâ hepunman. ¹¹ Den hin yendâp amâ bundâk. Yâkgât momoân dewatಿಯಂಗât manman âlepñân gai hainâk dewatiwaen. ¹² Yâkgât akmâ hâk hilâlâm nângâm âgâwaengât yâk olop hânne hânne luâk âmbâle damunyeje akbaen. Dâ munen agañbaen âmâ yâk gai hainâgâk munen aknengiwiap. ¹³ Gârâmâ yâkne ikinje den lau bo lokowiappât dop

bo yendâpgât nenje nângañdenje yeukne akbiawân yâkne nengât akmâ ikinje denje watmâ kârigeap.

Âi luâk bunne arekne amâ Kembangâlân kotne tatbiap.

¹⁴ Timoteo gâne den are nelâm yengiwopgât makyengim hejngemgowen. Hain akmâ Anutugât metenân den yânne bunne bo arekne luâk âmbâle gulip milip yengumap den are bo magañgi goañgi akbaigât makmâ hârem kârigem kinben. ¹⁵ Anutune nângâginjo ârândâñ agâkgât hanoko akmâ manben. Hain akmâ âi luâk siâne luâk humonâet den lokombo nângâmbo ârândâñ akto bo añun añgimap dop hainâk akmâ den bunne dopñân makmâ manben. ¹⁶ Dâ den yânñande luâk âmbâle kewuguyekmâ oloñyekto Anutugât nângâmbiâ yânne akmap den are bo nângâm âmâ hamianmâ panben. ¹⁷ Hiangi den yenande diwi metne hainare akmâ sambelewiap. Luâk hainare yâk yengât hutyenân âmâ siâ Heminaio akto siâ Pileto manmandat. ¹⁸ Lâuwâ arekne den bunne hamianmâ hin dâm mandat, “Nen momonânba agatbaen dâyi âmâ emelâk agalion.” hain dâm makyengimbela denyetñande luâk âmbâle bikne ulikñân Kristo nângañi yâk gulip koyengim mandat. ¹⁹ Gârâmâ Anutune kât hambo humo kârikne kato giep akto kârikne akmâ kindâp aregât tirip kulemne hin yendâp, “Kembune ikinje luâk âmbâle dâtâne hejngemgomap.” Akto siâ hin, “Kembangât kot konmâ manmai hârokne bâlene hamianbei.”

²⁰ Opmân humoân amâ kondo goli akto siliwa mângi mângiñe areâk bo lâwinne akto hânne mângi mângiñe are hârok tatâp. Kondo bikñân siâ me siâ âlepne gewiap. Dâ kondo bikne yânñân siâ me siâ yânñande gewiap. ²¹ Aregât dop hainâk siâne bâlene siâ me siâ are hâkâne dâmba biwi nângâ nângâne kau kau akto opmân ambonande makmâ imâ nângât dâtâne dâm mem mando arekne âi âlepne keñe keñe membiap.

²² Luâk âmbâle siganne egâlian bâlene akmai aregât hamewakben. Hamewakmâ âmâ hanyene âlepne akmainje Kambu

ulilaŋmai yâk olop agak meme âlepŋe membiâ Anutuŋe yekto huraguâkgât akto biwi kat kat humo yeyenġiâkgât akto han kalem aganġi goanġi akbiâ biwiyenġe sândugeâkgât kârikŋe akmâ manbei. ²³ Hanân gege den kopanġe akto yânġe are hâkokowen. Amâ luâk âmbâle hain makmâ papalakbiâ âmâ den bunġe bo miawakmap are nânġât. ²⁴ Kembuġât hoŋ manman luâkŋe makmâ den kakŋân maganġi goanġi bo akbiâp. Yâk luâk hârok gala akyenġim mitigât den owâiâk makmâ yenġiwiâp. Dâ anġânġe kuk aganġiâ âmâ dowâk kugân bo akyenġiwiâp. ²⁵ Hain akmâ luâk âmbâle bikŋande den gulip sambeleâk dâm makmai are yeukŋân makmâ miwindik yekto Anutuŋe ikinġak biwiyenġe mem gembo âmâ biwiyenġe purik kato den bunġe are nânġâwai. ²⁶ Akto hanyenġe pâroŋ âġâmbo Hianġi Amboŋande ikinġe den lokoŋetġât hami komân hâwâtyekto gembiâ meyeġep are hârem panbai.

3

Sop bo akbiapġât den.

¹ Galane Timoteo, ġâ hin nânġâwen. Sop humo ewumâk akmâ tâlâguwerâambo âmâ umatŋe hamepŋe olowâkŋe miawakmâ sambelewiap. ² Sop ain luâk hin arekŋe manbai. Yâkŋe yenġâlâk nânġâmbiâ âġâmbo puligât egâlianġmâ agat agatŋe akmâ hâk mem agatmâ luâk âmbâle sârekyenġum makmâ meme eweġât den kom hâkânġ yekmâ han kalem bâlâk wan me wan Anutuŋe ekto ârândânġ akmap are hâkânġe akmâ panbai. ³ Akto areâk bo. Yâkŋe okot bo akyenġim âmâ dosa mem manmâ ele omai. Akto han munenġ akmâ bugâ koko, siâ me siâ âlepŋe hâkânġe akmâ ⁴ hanân gege hanâk hanâk manmai. Akto âġâ âġânġe akmâ hâkgât egâlianġ humo mem manmâ âmâ Anutu bo mepaimŋe memai. ⁵ Akto hâkŋe miti luâk tirip mem manmâ miti kârikŋe bâlâk mem manmai yâk hamiyenġiwen. ⁶ Luâk ya maktân are yenġâlânba bikŋande tik panmâ yoŋâk yoŋâk manmai. Hain manbiâ âmâ âmbâle nânġâ nânġâyenġe gulip arekŋe dosayenġaet umatŋe are nânġâmbiâ umatŋe akto egâlianġ bâlenġe akmâ horat gorat akmâ ⁷ den bunġe bo penianġmai,

âmbâle hain arekŋe luâk yoŋâk manmai yâk yenġât den nânġâmbiâ mem yeukŋe mânġi yekmâ oloŋ yekmai. ⁸ Tâmbânġe dondâ Yane akto Yambere yâkŋe Moseġât den koyiat. Luâk ya maktân hainâk den bunġe mem bâliwerâm âmâ hanyenġe gulip akto biwi kat katġât pat hianġim mem manmai. ⁹ Yâk hain manmaigât sambelem humo akberâm âmâ pâpkombiâ hârokŋe ekbai. Yane akto Yambere yâk yetġât nânġâ nânġâyenġe gulip hârokŋe egi dop hainâk luâk ya maktân yâk yenġât nânġâ nânġâ yenġe gulip are hârokŋe ekbaen.

Paulo umatŋe keiŋe keiŋe miawaganġep.

¹⁰ Gala, ġâ olop manmaetġât âmâ nânġât pat ekmâ metien. Nânġât den dâtne akto manmannaet âi meman, Kristo nânġanġmangât han kalemnaet, kârikŋene a hârok ekmat. ¹¹ Akto gasalupnande nugum hâk hilâlâm niŋmâ gasa nekmâ are akto Antiokia kepien, Ikonioŋ kepien akto Listera kepien gasa nekmâ hâk hilâlâm akniŋbiâ umatŋân malân akai egen. Dâ Kembuŋe hanâk dâm umatŋe hârok ainba mem kotġâ neġep. ¹² Aregât luâk bikŋe gai Yesu Kristoġâlân dewatim kinmâ mandenġe Anutuŋe nenekto huraguâk dâmbiâ âmâ gasalupyenġande hâk hilâlâm yenġiwei. ¹³ Hâk hilâlâm yenġim âmâ hianġi âi are mem maine bâlim henġemgowai. ¹⁴ Dâ ġâmâ den makġinġmâ kepiâġeġion are lokom manben. Akto nen makġinġion gai nânġânġim henġemgowen.

Anutugât denġaet keiŋe.

¹⁵ ġâmâ nananġânba miti kulem are oyanġmâ nânġâm henġemgom manmâ gaen. Arekŋe hange mem pagalembo Yesu Kristo nânġanġmenâ menġaleak ġinġep. ¹⁶ Akto miti kulem hârok amâ Anutugât Heakŋande makto kulemgoyi are oyanġmâ nânġânġe mitigât keiŋe hekat nengimâp. Akto biwi nenġân tuk tuk ewumbo dosa nenġe miawakto makmâ miwindik nenekmap. Akto manman ârândânġât dâp hekat nengimâp. ¹⁷ Hain aknengim mem owâi nenekto nen Anutugât luâk bunġe akmâ henġemgo henġemgo âi keiŋe keiŋe are âlepŋe penianġbaen.

4

Paulo mombian dâm Timoteo den umatje maganjep.

¹ Nâ Anutugât metenân akto Yesu Kristo miawakbiap sop ain luâk golâ me momeje damun nenje akbiapgât den âiân katnekmâ potatnenekbiap yâkgât metenân makginjere nângâ. ² Hokboâk hokboâk mitigât den makyengimenâ bikjande denge hâkâj akbiâ âmâ âsiyekmâ hâwâtmâ makyengiwen. Hokboâk hokboâk bâleje yeje miawagâk dâm makyengimenâ den kârikjande biwiyenân ewuwiâp. Makmâ miwindik yekmâ aregât ânje yeukjân hâkâj bâlâk memben. ³ Maleine sop siâ miawakto âmâ luâk âmbâle bikjande mitigât den are nângâmbiâ yânje akto hâkâje dâwai. Hâkâje dâm âmâ luâk siâje den yânje makyengimbiâ nângâmbiâ humo akbiap areâk nângâmâk manmâ luâk hain areâk olonyekbiâ kâmot humo akbai. ⁴ Humo akmâ âmâ den pat âlep bunje are hamianmâ bem patje areâk mem manmâ nângâmbiâ humo akbiap. ⁵ Dâ gâmâ sopje ârândân hange kârigembo ârândânâk manben. Bo duwuŋ akben. Hâk hilâlâmje kakgân âgâambo kârikje akmâ bo hâkâj akben. Pat âlep den are makmâ sambelewen. Akto dengât âi ginjon are kârikje akmâ memenâ bunje miawakginbiâp. ⁶ Dâ nâmâ nângât manmanje emelâk manmanne sumbe hinare dâm kâiakberâmbo sumbegât akberâm aktân. Nâ mombiangât sopje ewumâk aktâp. ⁷ Akto bugâgât agak meme âlepje mem metere âlepje agep. Akto dâp pirâm tâlim gam malân aregât horat bâinjângen emelâk togoân. Akto Kristogât den pat bunje are paŋâk mem âmâ bo mesokmâ gan. ⁸ Aregât himbingât egâlian nângât pat dâtâje yendâp are maleine sop humoân Kembu makmâ kotgâ kotgâ yâkne ârândânâk ninbiap. Amâ nâ konok bo. Kembuŋe togowiap are lâmgom manmai luâk âmbâle are nen hârok nengwiap.

Luâk bikjande Paulo hepunbiâ ikinjek talep.

⁹ Gâ hâgân kâlâwân akmâ dowâk nângâlân togowen. ¹⁰ Amâ Demanje hângât siâ me siâgât nângâmbo humo akto hepun

nekmâ Tesalonike kepien ariep. Dâ Kereske Galatia hânân ariep. Dâ Tito âmâ Dalimatia hânân ariep. ¹¹ Ire in net Luka olop netjeâk mandet. Togowerâm âmâ Mareko nâ âigât âlepje tân nugumapgât kewugumenâ olop togowian-dat. ¹² Tikiko âmâ hunjunaŋdere Epeso kepien ariep. ¹³ Akto togowerâm âmâ dâpgât hâk pekeje Troa kepien Kapo yâkgât emelan katere talep are meniŋmâ togowen. Hain akmâ kulem esenje yânje akto sonjo hâkne kulem siâ tatâp are olowâk meniŋmâ togowen. Dâ sonjo hâkne aregât nelâmginbop.

¹⁴ Umbâ akto siâ siâ kârikje mângimâp luâk kotje Alesande bâleje dondâ ninjep. Aregât maleine Kembuŋe hâuŋe wanbiap. ¹⁵ Den nenje dondâ mem ge kalep aregât ekmâk hamep akben.

¹⁶ Den âiân ulik gulik katnegi sop ain galane siâje dengât bo tânnuguep. Bo dondâ. Hârok hepun nekmâ meteyi. Yâk yengât dosayeje bo tatmâ yembiapgât ulilanđân. ¹⁷ Dâ sop ain Kembuŋe nâje Yuda luâk bo manmai hârokje makyengire nângâm metenjetgât tânnugum mem kârikje mânginegep. Hain akmâ sonjo metje laiongât launânba mem kotgâm negep. ¹⁸ Kembuŋe bâleje ire me are akniŋi aregât tân nugum himbingât pagalenân katnekiap. Yâkgâlân kot humo yem âgâwiap. A bundâk.

Den bânje.

¹⁹ Nâ Pisisila akto Akuila akto Onesiporo ginbailupje hârok nângâ meteyenjiân are makyengiwen. ²⁰ Erasto Korinti kepien hepundere malep. Dâ Tropimo kundat akto Milete kepien hepulân. ²¹ Gâ tânâk sopje boâk miawaktoân dowâk togowen. Eubuloŋe nângâ ginđâp. Akto Pudeŋ, Lino akto Klaudia akto Kristogât kâmot hârokje hainâgâk nângâginđâi. ²² Kembuŋe otnege olop manbiap akto Anutugât han kalemje gâŋgâlân yem âgâwiâp. A ulilanđân.

Tito

Anutuŋe Paulo âi âlepŋe waŋep.

¹ Galane Tito, nâmâ Paulo, Anutugât hoŋ bawa âi meman. Akto Yesu Kristoŋe Aposolo âi niŋep are mem manman. Are âmâ Anutu mem kepilânenekmapŋe Kristo nânŋaŋmâ kârikŋe akmâ âgâwaengât akto den bunŋe nânŋâm kotgâm nânŋaŋbiâ agak meme ârândâŋ miawakyeŋgiwiapgât den pat are Anutu heŋgem nengumapŋe makmâ kârige niŋep. ² Den are amâ Anutu bo hianŋimapŋe tâmbâŋe dondâ malep ain nânŋâm manman kârikŋaet makmâ hâriep. ³ Hârem âmâ manmâ sopŋânâk miawakmâ ikinje denŋande akmâ makmakgât âi niŋep. Amâ Anutu heŋgemnengumapŋe makmâ hârem âmâ makyenŋiwiangât âi niŋep. ⁴ Tito gâ nânŋâlân ba den pat âlepŋe nânŋâen aregât nanne dâm gogonman. Anutu Ewenenŋe akto Yesu Kristo heŋgemnengumandatŋe han kalem akmâ damunge akbela biwige sândugeâkgât ulilanŋân.

Dâtŋe meme yeŋgât den.

⁵ Âi bikŋe boâk mem meteân are mem kotgâwengât Kreta haru tânâmŋân hepun gegân. Aregât makŋiŋân hain akmâ kepia ârândâŋ tânlupyenŋe kat yekmâ ariwen. ⁶ Luâk siâ dosa bâlâk akto âmbâle konok olop manmâ gaep akto nan baratlupŋande Kristo nânŋaŋmâ âmâ âgâ âgâŋe bâlâk akmâ eweyenŋaet lau dowâk lokomai luâk hainare katyekben. ⁷ Dâtŋe meme siâ Anutugât âi damun akmapŋe bâleŋe bâlâk manmap. Akto âgâ âgâŋe bâlâk akto bugâ kuk dowâk bo akmap. Akto tu kârikŋe umatŋeâk bo nemap. Akto bugâgât biwi owâi akto puli sikungât egâlianŋ bâlâk hain manmap. ⁸ Akto lombo togombiâ dowâk han kalem akmâ tân yeŋgumap. Akto siâ me siâ âlepŋe hârok egâlianŋmap. Akto han biwi damunŋe akmâ âlepŋe mando Anutuŋe ekto ârândâŋ akto siâ me siâgât sapaŋe olop manmap. Hainare damungât âi waŋben. ⁹ Akto Kristogât keiŋe maganŋi are paŋâk mem luâk âmbâle nânŋâ nânŋâyenŋe yeukŋe are makyenŋim âmâ bikŋande denŋe mem

ge katberâmbiâ makyenŋimbo yeukŋe akbi-
apgât bo pâpkomap. ¹⁰ Amâ luâk bikŋande
den bunŋe koko akmâ den yânŋe makmâ
hianŋim munenŋ olop manmai. Aregât
hutyenân âmâ Yuda luâkŋe dondâŋe Yuda
hâkgât tirip are nânŋâmbiâ humo aktâp
yâk owâiŋe manmai. ¹¹ Luâk hain arekŋe
puli sikum aregât akmâ den makmakŋe
are dop bo are kâmot siâ siâ makyenŋim
hilip yeŋgumai. Aregât luâk hainare yâk
yeŋgât den lauyenŋe bupkowen. ¹² Kreta
gâtŋe yâk yeŋgâlân gâtŋe propete siâŋe hin
dâep, “Kreta luâkŋe âmâ sopŋe sopŋe hârok
hianŋimai. Soŋo metŋe hinare siâ me siâ
umatâk nemai.” ¹³ Nâ den are nânŋâre
bunŋe aktâp. Aregât gâŋe makmâ mi-
windik yekmenâ Kristogât keiŋe bundâk
nânŋâ nânŋâ yeŋande nânŋâmbiâ mem golâ
katyekto golâ manbei. ¹⁴ Hain akmâ Yuda
luâk yâk yeŋgât hânŋe den are akto luâkŋe
den bunŋe hamianmâ hianŋigât makmai
den are bo nânŋâwei. ¹⁵ Han kau kau
olop manmaine âmâ siâ me siâ hârokgât
nânŋâmbiâ kau kau akmap. Dâ luâk bikŋe
bâleŋande biwiyenŋe bigeimbo Kristogât
hâkânŋ akmaine âmâ nânŋâ nânŋâ yeŋe
akto han biwi yeŋe hârok helenŋ agepgât
siâ me siâ nânŋâmbiâ kau kau bo akmap.
¹⁶ Yâkŋe Anutugât keiŋe nânŋâmaen dâm
lauyenŋande hain dâmai. Dâ agak meme
yeŋande Anutugât kot mem bâliwerâm
manmai. Luâk bâleŋe are amâ den koko
akmaigât nânŋâ yeŋienŋe gembo âi âlepŋe
membaliâ ârândâŋ akbiâpgât dop bo tatâp.

2

Luâk âmbâi sâmbâ yeŋgât den.

¹ Gâmâ Kristogât keiŋe den bunŋe tatâp
aregât dopŋân makmâ hekatyeŋgim kepik-
ben. ² Hain akmâ luâk sâmbâ yâk hin
makyenŋiwen. Tu kârikŋe me siâ me siâ
dondâ bo nembei. Metepirik bo akmâ âmâ
han biwi yeŋaet damunŋe akbei. Kristogât
pat âlepŋe are nânŋâm heŋgemgowe. Han
kalem akmâ anŋi goanŋi akmâ bo hâkânŋ
akbei.

³ Dâ âmbâi sâmbâ hin makyenŋiwen.
Anutuŋe yekmâ mandâp are nânŋâm
hamewakbei. Galagât den hogo hogo
akto den kakŋân bo makbei. Akto tu

kârikjaet nângâmbiâ humo bo akbiâp. Akto manman dâp âlepne aregât keiñe âmbâi sigan makyenjiwei. ⁴ Makyenjiambiâ luâklupyene nananjupyene han kalem âlepne akyenjiwei. ⁵ Hain akmâ yençaet anjun anjim egâlianj bâlenej bâlâk manmâ emetgât siâ me siâ yenej damunne akmâ mem henggom kinmâ luâklupyene tânyenjiwei. Amâ bikñande Anutugât den hâkâne dâwâigât hain akbei.

Luâk sigan yengât den.

⁶ Dâ luâk sigan hin makmâ hâwât yekben. Han biwiyenej damunne akmâ egâlianj bâlenej bâlâk manbei. ⁷ Akto gâmâ siâ me siâ âlepneâk hârok mem manmenâ luâk âmbâle bikñande gekmâ hainâk akbai. Akto den miti are umatâk mem kâmot katmâ makyenjiwen. ⁸ Hain akmâ dâp kârikne yendâp aregât dopñân makmâ henggomomenâ gasalupnenñande henengiwerâm kulâgâtbiâ bo akto anjun anjim hepunbai.

Hoñ bawa yengât den.

⁹ Dâ hoñ bawa hin makyenjiwen. Luâk kembulupyenej yâk yengât den lokom kinmâ hoñ akyenjiwei. Hain akmâ yâk yengât den kakñân bo makbei. ¹⁰ Hain akmâ kâmbu bâlâk manmâ siâ me siâ damunne akmâ henggomombiâ humomolupyenñande yekbiâ ârândânj akbiâp. Hain akmâ âmâ henggem nengumap Anutu yâkgât den bunne are loko loko akmâ tângombiâ bikñande ekbiâ ârândânj akbiâp.

Yesune pulim hengemnenguepgât ikinjaet lâmgom manbaen.

¹¹ Amâ hânne hânne luâk hârok âlepne akbaengât Anutugât han kalemñande miawagep. ¹² Hain arekne mem hulan nenekmâ henggem nengumbo Anutugât den bo nângâmai akto hângât siâ me siâ egâlianj are hepunmâ hân iren ârândânj mandenne Anutune nenekto huraguâkgât hanoko akmâ maniâm. ¹³ Hain manmâ Anutu Humo henggem nengumapne Yesu Kristo yâkgât pagalene miawakmâ tek tekñân manman kârikne togoâkgât owâim akmâ maniâm. ¹⁴ Anutu humo henggem nengumap yâkne Yesu Kristone nengât hâu mem bâlenñanba hulan nenegepgât

akto kâmotlupne bunne manmâ agak meme âlepne kârikne akmâ mannegât ikinjaet manmanne bo gangerâm moep. ¹⁵ Gâ kârikneâk akmâ den are makyenjim sami den makmâ orem miwindik yekmâ makmâ hengemyenjiwen. Luâk bikñande gâ gekbiâ gewopgât damunge manben.

3

Yesugât kâmot yengât agak meme âlepne.

¹ Galane, Yesugât kâmot Kreta kepien manmai are hin makmâ totokom makyenjiwen. Kiap gawaman akto luâk kotdâ den yenej lokowei. Akto âi keiñe keiñe âlepne yendâp aregât owâineâk membei. ² Hain akmâ makmâ hilip balit akto den kuk hengân bo akbei. Yeukne manmâ luâk hârok yeuge yengim metewei. Akto yençaet nângâmbiâ gewiâp. ³ Dâ nen ulikñân hainâgâk han gulip manminion. Sop ain den koko akmâ han biwi bo damunne aktenne siâ me siâne dowâk oloñnenekto awam akmâ manminion. Akto egâlianj bâlenñande hikonenekto manmâ ukennenñae akmâ sop ârândânj kuk aknengimbiâ kuk bugâ humo miawaknengiminep. ⁴ Dâ henggem nengumap Anutu han kalemñae akto okot âlepne miawak nengim tek tegembo ⁵ yâkne nen ârândânj manmâ âi siâ meyiongât bo han kalemñae akmâ meyion. Bo. Yâkne ikinje han kalemñae akmâ manman irakñae tuje akto Heakñanba miawak miawak irakñande mem henggem nenguep. ⁶ Amâ Yesu Kristo henggem nengumap yâkgât akmâ konam bo akmâ henggem nenguep. ⁷ Are amâ nen Kembugât han kalemñande dosanenne kutigito manman kârikjaet lâmgom mandenne biwinenne owâi akbiapgât aknengiep. ⁸ Den are amâ bunne dondâ aregât kârikne akmâ makmâ kepikmenâ Anutu nânganmaiñe âi âlepne memâk manbei. Den hain arekne amâ luâk tânyenjiwen agak meme âlepne miawaknyenjiwap. ⁹ Dâ luâk bikñande den bambo guto aknerâm bâgilupyenñae kotyene konmai are me kuk hengân den me Mosegât den nângâm hilipkom maganji goanji akmai den arekne bo tân yengumap. Aregât hepunben.

¹⁰ Akto luâkne kâmotne potalaknet dâm makyenġimap yâk den memene konok me lâuwâ maganmenâ denge bo nângâmbo amâ hepunmenâ ikiyeâk manbiâp. ¹¹ Luâk hainare amâ nângâ nângâne pait paitne aregât hanġande hâwâlanġo bâlenġan manmâ âgâwiap aregât hamianġmâ hepunben.

Den bâiġe.

¹² Akto hâmbâi galane Atema me galane Tikiko are huġgunyetkire gâġgâlân togombela tânâk sopġân Nikopoli kepian manbiangât ain nângâlân dowâk togom penâniġben. ¹³ Akto hinne luâk den dâtne tângo tângo siâ kotne Sena akto siâ Apolo wan me wan dâpġât yetkim huġgun yetkimenâ âi yetġân dowâk ariwiandat. ¹⁴ Akto luâk âmbâle kâmotlupnenne yâkne gai yân tatbâigât heġgemgo heġgemgogât âi mem amâ luâk umburuk manmai are tânyenġuwei, aregât keiġe makyenġiwen.

¹⁵ Akto galalupne luâk nâ olop mandâi hârokne gâ nângâ ġiġdâi. Akto gâne luâk âmbâleġe han kalemne aknengimai yâk ain manmai nenne nângâ yenġimaengât makyenġiwen. Kembuġât han kalemne yenġâlân yem âgâwiâp.

Pilemonj

Paulonje Pilemonj makmâ manjanlep.

¹ Galane, Pilemonj, nâmâ Paulo den ire yu kulemgoân. Nâ Yesu Kristogât âi mendere bikjande den aregât hâkân akmâ kala busiân katnegi. Nâ akto Timoteo netje nângâ giñmaet. Gâñe âigât tân netkumat aregât hin makginjetje nângâ. ² Gâñe âmbâle kotje Apia Yesugât kâmolân gâtje akto luâk kotje Akipo tembe loko dop hainare gala netje yâk akto niñema gâñgât emelan Mitigât mendugumai are yengât netje okot âlep nângâmaet aregât makyengiwen. ³ Ewenenje Anutu akto Humonenje Yesu Kristo yâkñe damunyenje akmâ okot âlep akbela biwiyenje sândukñe akmâ âlepñe akbiâp.

Paulonje Pilemonjgât akmâ Anutu ulilanjep.

⁴ Galane nâ Anutunje gâ tân guguâk dâm nângâm âmâ ain dowâk Anutu mepainje mem ulilanman. ⁵ Pilemonj gâñe Humo Yesu hangande nânganmâ kotgâm manmat akto Yesugât kâmotlupñe yâk yengât okot nângâ yengimat aregât pat nângâm Anutu âlepñerâm mepaimñe mem maganman. ⁶ Nâñe âmâ gâñe luâk âmbâle Yesu nânganmatgât keñe makyengimenâ nângâwaigât Anutu ulilandân. Hain akmâ Kristonje wan me wan âlepñe aknengiep are nângâm metewengât Anutu ulilandân. ⁷ Akto areâk bo. Gâñe Yesugât kâmotlupñe tânyengumenâ biwiyenande okot âlep dondâ nângâi aregât pat nângân akto okot nângâ niñmatgât nângân aregât nângâm heronje aktere biwine sândugeâp.

Pilemonje Onesimo honj bawa luâk are mem manjanlep gât den.

⁸ Galane, nâ Kristogât akmâ gâ hin me hain akben dâm makmâ hâwâtgektere ârândân akmap. ⁹ Gârâmâ nâ hin me hain akbomgât hin makginje. Nâ emelâk sâmbâ akmâ Yesu Kristogât âigât akmâ kala busi kâlegen katnekiâ mandân aregât akto han kalem agangimaetgât yân makmâ ewum hin den yeukñân ulitginje. ¹⁰ Ulikñân

gâñgât honj bawa luâk yânñe kotje Onesimo are nângât? Yâkñe bâleñe akginmâ âigât hâkân akmâ hepun gekmâ yân yonâk ariep. Yâkñe manmâ gambo nâ kala busiân malân ain Yesugât keñe maganñdere biwinje Yesugâlân kalep. Aregât nângât nanne hainare agep. Yâkgât makginñdere nângâ. ¹¹ Yâkñe hângeñe âi menjinjo bâliep. Dâ hinñe âmâ tân nugumap. Akto gâ tân guguwiapgât dâp miawaktâp. ¹² Aregât nâñe yâk biwine koañe ina hanâk hungun anñdere gâñgâlân togowiap. Akto yâkñe gâñgâlân togowiap are âmâ nângât ukenaet bo. Gârâmâ hanâk hungun anñdere togombo manjanben. ¹³ Yâkñe okot nângâ niñmâ tân nugumap, aregât yâk arimbo âmâ gain gain akbian? Kambiamne bâlimbo âmâ okot nângâ anñbian. Akto nâ pat âlepñet akmâ kala busi emetñân tatmâ âmâ gâñgât dumgân honj akniñâkgât gangerâwerâm nângân.

¹⁴ Hain akmâ âmâ gâ bo nângâmenân hâwâtgektere nângât nângâmenâ bâliwopgât Onesimo bo gangerân. Amâ biwigânâk nângâ niñmâ tân nuguwen aregât yu hungun anñdere gâñgâlân togowiap. ¹⁵ Galane honj bawa Onesimo yâk hepun gekto olop bo maliat amâ keñe hingât me gain? Purik katmâ togombo gâ olop sop kâlep manmâ âgâwiandatgât mon? ¹⁶ Dâ gâñgâlân purik katbiap âmâ honj bawa konok bo akginmâ manbiap. Onesimo âmâ Humogâlân gâtñe aregât gala aganben. Nâ hainâk Humogât akmâ gala akniñepgât nângâre humo aktâp. Aregât gâñe Humogât akmâ akto honj bawa akniñepgât manjanmâ nânganmenâ humo akbiâp.

¹⁷ Gâ nângât nângâmenâ galage aktân aregât hin makginje. Dâ dâp tat ginjo dâine togo manjan nekbât. Aregât yâk gâñgâlân togombo âmâ, “Imâ Paulo hinare.” dâm manjanben. ¹⁸ Akto honj bawa âi mem hilip koginjep me wan me wan siâ wanmenâ aregât hâuñe purikñe bo ginjep aregât makniñmenâ hâuñe âmâ nâñe ginbian. ¹⁹ Aregât lâuwâñe makginñdere nângâ. Nâ Paulo. Nâ gâwu mem yu kulemgoân. Nâñe hâuñe kutigit ginbian. Akto wan me wan siâ aregât nângâmenâ bo hâumgowiâp. Nâñe ulikñân den pat âlepñe

makginjere Yesugât kâmolân dewatien aregât gânġât nânġâ nânġâġe akto biwi kat katġât amâ nânġâlânba miawak ġinġep, aregât manġanbiatġât. ²⁰ Nâ Kristogât akmâ yu makġinġbe. Dosage tatġinġdâp aregât akto Humogât akmâ nânġâ niġmâ laune lokomenâ biwine heronġe akto manbian. ²¹ Akto ġâ laune lokomat are bunġerâm nânġâm den ire kulemgoginġdân. Akmâ nânġâm makġinġdân are konok bo akmâ biwigaet siânba dewatiwiat. ²² Akto Yesugât kâmot gânġât emelan mendugumai arekġe Anutu ulilanġbiâ nânġâm âmâ nâ kala busi emetġe kâlegenba nâ mem purik katnekto gânġâlân togowian. Aregât ġâ nânġât emet kom hâre hâreġe siâ heġgemgoninġben.

Den bâiġe.

²³ Akto Epapara Yesu Kristogât âi mendo kala busi kâlegen katbiâ tatâp yâkġe nânġâ ġinġdâp. ²⁴ Hain akto galalupne tân nugu-mai kotyġe Mareko, Aristako, Dema akto Luka, yâkġe hainâk nânġâ ġinġdâi. ²⁵ Humo Yesu Kristoġe damunġe akmâ okot âlep akġinġdo biwige sândugeâġġât ulilanġdân.

Hebraio

Anutugât Nanjande den pat âlepje makyen- nengiep.

¹ Ulikjân tâmbâje dondâ Anutuje hakulupnenje makyengiwerâm amâ propetelupje den tiripje keije keije makyengim hunjun yengimbo sop siân siân makyengi. ² Hain makyengim gambiâ gambiâ beirâ bânângen hinje sop miawakto maknengiwiapgât Nanje hunjun anjo miawakmâ maknengiep. Akto ulikjân Anutuje Nanje are amâ wan me wan hârok damunyeje akbiap dâm hin dâm maganep, “Hâmbâi hân himbim miawakbiap are gâje damunje akmâ amboje akbiat.” dâm maganep. Maganjo amâ Nanjande hân himbim ketuguep.

Anutugât Nanjande anjelo ewangiyektâp.

³ Akto Nanje arekne Anutugât pagalenân manmap, akto Eweje olop dopyetje konok manmandat. Akto Nanjande makto den kârikne arekne hân himbim me wan me wan hârok tângombo manmaen. Akto Anutugât Nanjande hânân gem manmâ dosanenje bo akbiapgât mondo dosanenje bo akto sumânba agato ekbiâ agatmâ himbimân âgâm himbingât Amboje Humo yâkgât bâteje bungen tatmap. ⁴ Âgâ tato Ewejande kot irakne wanep. Kot arekne anjelo yengât kotyeje ewangiâp. Dop hainâk Anutugât Nanjande anjelo are ewangiyekmap. ⁵ Aregât Anutuje anjelo siâ hin maganep me? “Gâmâ nângât Nanne gârâmâ nâje unjak menjektân.” me hin maganep mon? “Sop ain, nâ Nannaet nunak Eweje bunje akbian akto ekmâ Nanne dâwian.” ⁶ Akto Anutuje Nanje okotje akmap are hunjun anjo miawagep sop ain Anutuje hin magep, “Anutugât anjelolupjande luâk iregât kotje mem agatjet.” ⁷ Akto areâk bo. Anutuje anjelolupje yengât keiyeje hin magep, “Anjelolupje hunjun yengim hâkyeje mem purikato seru hinare akmai. Dâ honj bawalupje hâkyeje mem purikato kâlâp ululunje akmai.” ⁸ Gârâmâ Nanjaet keije hin dêep,

“Anutu gângât luâk Kembu tat tat are kârigem âgâm tatbiâp ain âgâ tatbiât. Akto gâje luâk âmbâle damunyeje manbiatgât huwangande amâ miwindik yekmenâ ârândân akbiapgât tirip towat hinare. ⁹ Akto agak meme âlepjeâk are egâlianmâ amâ agak meme bâleje are kuk hengân aganmat. Aregât Anutu amâ gângât Anutu yâkne herone marone akbiatgât kelujande puliginmâ towatje ginjo gângât kâmotlupge hârok ewangi yekmat.”

¹⁰ Akto den siâ hin,

“Humo, ulikjân hân korânje hârok ketuguen. Akto himbim amâ bâtegande liulien. ¹¹ Gârâmâ hân himbim ketuguyelejen are hâmbâi bo akbiandat. Dâ gâmâ tatmâ manmâ âgâwiat. Hâmbâi sângum tâmbâje akmâ tokmap dop hainâk hân himbim tâmbâje akmâ bo akbiandat. ¹² Akto gâje hân himbim mem ligim katmâ sângum ligimaen hainâk ligim katbiat. Me sângum siâ siâ lugum panmâ panmâ akmaen gâ hainâk panyelekbiat. Dâ gâmâ tatmâ manmâ hainâk hainâk âgâwiat. Akto sopge hombanje bo boakbiap.”

den are amâ Anutuje ikiye nanjaet magep.

¹³ Dâ Anutuje anjelo siâ hin dâm maganep me? “Gâ bâteje bunje ain togom tatmenâ gasalupge keigaet amukjân kâmot katere tâliyekbiat.” Den ya kulengoân are amâ anjelo yengât bo. ¹⁴ Dâ Anutuje anjelolupje hunjunyengiep kâmot potat yegep are hengem yenguwaigât hunjun yengimbo gem honj bawa aknengiwai aregât anjelolupje makyengim hunjunyengiep.

2

Anutugât Nanjande mem purikatne- negep are amâ bo hâkânje akbaen.

¹⁻² Dâ ulikjân Anutuje hakulupnenje makyengiwerâm anjelo hunjun yengimbo gem den bunje makyengi. Makyengimbiâ luâk âmbâleje den are hâkân akmâ hamianji are Anutuje dowâk kuk akyengiep aregât bikjande maknengi. Den are mesokmâ mandenje kuk humo metje miawak nengiwop dâm lauje lokom

manmâ âgâwaen. ³ Aregât henngemngumap are hâkân akmâ pandenne amâ kuk humo arekne miawak nengimbo gain gain akmâ âlepne arim manbaen? Akto den pat âlepne aregât keiñe Humonnenñe yâkñe soñ makmâ miawagep. A hamiñân den are nângâyeñe imâ bunñe dâm maknengiyi. ⁴ Hain maknengimbiâ amâ Anutuñe, “Nannaet den amâ bunñe.” dâm aregât kulem keiñe keiñe mem mângim ikiñe Heakñe yâkgât kâmolângen huñgun añdo hanñaet akmâ meme akyenngimbo wan me wan owâiñe akmâ meyi, are yekmâ Anutugât Nannaet den bunñe dâm nângâm henngemgoyion.

Yesuñe amâ sop tâlâwâk siâ añelo yenngât amukñân malep.

⁵ Kepia beirâ miawakbiapgât denñe makmaen are amâ Anutuñe añelolupñande aiñe meñetgât bo magep. ⁶ Aregât siâñe hin kulemgoep,

“O Anutu, gâ luâk are wan akmapgât nângañmat? Akto luâkgât nanañ wanñaet ekmâ nângañmat? ⁷ Gâ sop pân konok dondâñe añelo yâk yenngât amukyenñân manbiapgât magañen. Gâ pagalene kot patñande akmâ henngemgoañen. Akto wan me wan bâtnande mângiep are damunñe ak dâm kalañen. ⁸ Hain dâm magañmenâ hân himbim hârok damunyeñe akmâ manmap.”

dâm kulemgoep. Aregât Anutuñe wan me wan hârok amukñân kato tâliwiap amâ siâ siâ are akñângen bo tatmap. Gârâmâ den are boâk miawakto ekten. Irawot bunñe akbiap, aregât hinñe wan me wan siâ nanñaet amukñân boâk manden. ⁹ Dâ Yesu yâk amâ ekmaen. Yâk sop pân konok dondâñe añelo yenngât amukñân manmâ momogât hâk hilâlâm nângâm metembo amâ Anutuñe makto pagalene akto kot pat humo lokom mem mandâp. Yâk Anutuñe han kalem aknengiâkgât dâmbo momogât hâk hilâlâm kalakñe luâk hârok nengât akmâ nângâep.

Yesu amâ nengât teu mamananñe.

¹⁰ O Galalupne, Yesu Anutugât nanñe yâkgât siâkâ makbe. Wan me wan ketugum damun nenñe akmap are Anutuñe, “Nângât kâmot pagalenñân katyekbian.” dâm nanñe henngem nenguwiapgât keiñe kalep, are huñgun añdo hâk hilâlâm nângâmbo henngem nengu nengugât dâp miawagep, are amâ ârândân agep. ¹¹ Akto Anutugât nanñande henngem nengumap are akto nen henngem nengumap nen amâ Ewenenñe konok tatâp aregât dopnenñe konok akten. Aregât Yesuñe nen emi garilupne dâm nengonmâ amâ nengât bo añun añgiep. ¹² Aregât hin dâep, “O Anutu nângât emi garilupne gângât kotge makyenngiwian. Akto kâmot are yenngât hutyenñân kinmâ kotge mem agatbaen.” ¹³ Akto siâ hin dâep, “Nâñe biwine Anutugâlânâk katmâ manbian.” dâep. Akto siâ hin dâep, “Anutuñe yâkgât kâmot niñdo yâk olop yu kinmâ miawakten.” dâep.

¹⁴ Akto den arekñe keinenñe maknengimap. Nenâmâ Yesugât kâmot akmaen nen hâknenñe yu mem manmaen aregât Anutugât Nanñande Niambi momogât dop damunñe are kondere bo agâk dâm aregât luâk hainare akmâ moep. ¹⁵ Hain akmâ amâ nen momogât dâp hain aregât hamewakmâ manmâ hâk hilâlâm nângâm gayion nen oloñ nenekto hamep bo akto biwinenñe owâiñe agep. Are miawagâk dâm moep. ¹⁶ Aregât keiñe hin. Anutugât Nanñe arekñe añelo yenngât ai bo miep. Nen Abrahamgât kâmot nen henngem nenguwerâm giep. ¹⁷ Aregât kâmotlupñe nen manmaen are wan me wan hârok akmâ manmâ giep. Gem amâ Anutugât sumbe kat kat luâk areyenngât humo arekñe luâk âmbâle yenngât dosayeñe bo agâk dâm songo sumbe katminep, dop hainâk Anutugât nanñe luâk akmâ okot nângâ nengim Anutugât lañe hârok lokom Anutuñe kuk bo agâkgât sumbe aknengiep. ¹⁸ Hain akmâ amâ Niambi dop nengumap ain nen tân nenguwerâm amâ luâk akmâ mando Niambi yâkñe dop kombo hâk hilâlâm nângâep. Hâk hilâlâm nângâepgât nen Niambiñe oloñ nenekberâm akto sop ainâk tân nengumap.

3

Yesuñe Mose ewangimap.

¹ O Galalupne Anutuñe yekto huragumap ye olop Anutuñe oloñ nenekto kâmot konok agion ye Yesugât keñe are Yesu nengât sumbe kat kat luâk humo akto hoñ bawañe yâkgât den pat âlepñe makmaen are ekmâ nângâm heñgemgom âmâ hanyenande bigeimbiâ kârigiep. ² Moseñe Anutugât emetgât âi mem lañe lokom malep aregât Yesuñe hainâk âi ambonande makto lañe lokom malep. ³ Emet mângimap yâkgât kot patñe agatmap aregât emetgât kot pat ewangimap dop hainâgâk Yesu agak memenande Mosegât agak meme ewangimap. ⁴ Akto aregât den dopñe makbe. Nen âmâ emet ketugumaen. Dâ Anutuñe âmâ wan me wan hârok ketugu nenekmap. ⁵ Dop hainâk Mose Anutugât emelan damun akmâ siân den miawakbiap are hârok makyenjimbo Anutuñe ekto huraguminep.

Yuda gâtñande biwi kârik agi.

⁶ Dâ Kristo âmâ Anutugât Nannande emet ambonje akmap. Emet amâ nen ire. Akto are yân bo. Nenñe Anutugât metenân kârikñe kinbaengât akto pagaleñe miawaknengiwiapgât biwi owâi akmâ manmaengât panâk mem manmâ bo hâkâñ akbaen âmâ Anutugât emetñe akbaen. ⁷ Aregât keñe Anutugât Heakñande hin dêep,

“Anutuñe emelâk makto nângâyi aregât ⁸ unjak biwiyeñe kârikñe bo agangim denñe hâkâñ bo akbei. Akto hakulupyene ulikñân hân kamitñangen mali ainâk dop yengure hâkâññe akmâ lañe bo lokoyi. ⁹ Akto kulem keñe keñe hekat yengim tân yengure homban 40 akto hanâk dâm dop nugum manmini. ¹⁰ Aregât nângâre bâlimbo kuk akyengim hin magân, Yâkñe hanyenande sopñe sopñe gulip akmai akto nângât dâp bo ekmâ nângâm heñgemgoyi. ¹¹ Haingât kuk akyengim den kârikñe hin magân, Yâkñe nângât manmâ nângâmbiâ biwiyeñe sândugeâkgât kepia hân ain bo ariwai. Bo kârikñe.”

Yudañe agi are nângâm hamewakbaen.

¹² Galalupne aregât hin akbei. Yengâlân gâtñe bikñande hanyenande den pat âlepñe are bunñe borâm hâkâñe dâm Anutu Manman Ambone hamianbâigât damun agangim manbei. ¹³ Hain akmâ âmâ bâleñe hianñe yengâlân gâtñe siâ hiando han biwi kârikñe akbopgât hokboâk hokboâk unjak hole miawakmawân ârândân mem kârikñe mângim akmâ maganji goanji akmâ makbei. ¹⁴ Akto nen Kristo olop manmâ gayiongât han biwinenñe owâimap. Are kilâkgât pânân tinâk mem manmâ aregât horatñân togonegât akmâ âgâwaen. ¹⁵ Akto Heakñe magep yu kulemgoân,

“Anutuñe emelâk makto nângâyi aregât unjak biwiyeñande kârikñe bo agangim denñe hâkâñ bo akbei. Akto hakulupyene ulikñân hân kamitñân mali ainâk dop yengure hâkâññe akmâ lañe bo lokoyi.”

¹⁶ Akto niñema yengât magep? Akto niñande Anutuñe den makyenjimbo hâkâñ agi? Amâ Israe luâk âmbâle Moseñe oloñ yekto Aigita hân hepunmâ hân kamitñangen ariyi are. ¹⁷ Akto niñema homban 40 bo akto tân yengumbo hamianbiâ nângâmbo bâliep? Are âmâ hainâk bâleñe agi aregât hânñe hân kamitñangen mombiâ hâkyene ain hambuep. ¹⁸ Akto Anutuñe niñema hin makyenjiep, “Kuk akyengire biwiyeñe sândugeâkgât kepia hân ain bo ariwai.” dêep? Amâ hin. Anutugât lau bo lokoyi are. ¹⁹ Aregât hin nângâen. Luâk âmbâleñe biwiyeñe Anutugâlân bo katmâ mali aregât Anutuñe kuk akyenjiep. Hain akto biwiyeñe bo sândugiep. Aregât ye hainâk akbâen dâm biwiyeñe damunñe akbei.

4

Biwinenñe sândugewiapgât kepia.

¹ Akto Anutuñe biwinenñe sândugembo tatmâ hutuk âgâwaengât makmâ kalep aregât nelâm nengiwop dâm âi mem manne. Dâ hain bo akbaen amâ Anutuñe nenekto ârândân bo akto hânñe nengimbo biwinenñe umatñeâk tatmâ âgâwiap, are akbop dâm hamewakne.

2 Akto aregât keiņe lâuwâņe makbe. Ulikņân luâk âmbâle hân kamitņângen manminiân Anutuņe ikiņe keiņe makyenġiep. Hain makyenġimbo biwiyenġe yâkgâlân bo kali aregât Anutugât denņande bo tânyenġuep are nâņgâm hengenġone. Akto nenâkai ulikņân hainâk Anutugât keiņe bo nâņgâyion. Gârâmâ hamiņân maknengimbiâ nâņgâyion aregât âi humoâk mem manne. 3 Akto nen biwinenġe yâkgâlân kalion nen âmâ emelâk biwinenġe sândugembo tatmâ hutuk âgâen. Gârâmâ Yuda kâmot hân kamitņângen manmini arekņe hain bo agi. Aregât Anutuņe magep,

“Haingât kuk akyenġim den kârikņe hin magân, Yâkņe nâņgât manmâ nâņgâniņbiâ biwiyenġe sândugeâkgât kepia hân ain bo ariwai. Bo kârikņe.” Anutuņe hain dâep.

Dâ Anutuņe hân himbim katyelekmâ âi mem metem ain âmâ hâk sânduk geâk dâm makmâ kalep. 4 Aregât keiņe Anutuņe siân hin magep, “Anutuņe hilâm bât biken lâuwâ akto ain yân tatmâ hutuk âgâep.” 5 Gârâmâ emelâk kulengoân ain hin dâep, “Han biwiyenġe sândugeâkgât kepia hân ain bo ariwai. Bo kârikņe.” Anutuņe hain dâm makmâ kalep. 6 Akto âmâ hân kamitņângen manmini yâkņe den pat âlepņe are hâkâņ akmâ bo lokoyi aregât bo tatmâ hutuk âgâyi. Hain akbiâ benġe luâk âmbâle bikņe yâk yenġât dumyenġân âgâm Anutu olop tatmâ hutuk âgâwaigât dâp miawaktâp. 7 Aregât beirâ Anutuņe bândâm Dawidi maganmâ emelâk kulengoân are hin dâep, “Anutuņe emelâk makto nâņgâyi aregât unġak biwiyenġe kârikņe bo aganġim denġe nâņgâm hâkâņ bo akbei.” dâep a emelâk kulengoân. 8 Dâ ulikņân Yosuaņe malep sop ain manman sândukgât Anutuņe makmâ kalep are miawagep dâine aregât kakņân Anutuņe manman sânduk siâkâ bo makmâ katbop. 9 Aregât hin nâņgâmaen. Anutugât luâk âmbâlelupņe yâk yenġât nâņgâm manbiâ biwiyenġe sânduge akmâ âgâwiapgât kepia hân tatnengiep. 10 Anutuņe âi mem mando hilâm bât biken lâuwâ akto ainâk tatmâ hutuk âgâep aregât nen hainâk âi

memâk tatmâ mandenġe Anutuņe bân dâmbo manman sânduk âlepņe miawak nengiwiap. 11 Aregât Anutuņe manman sândukņe nengiwiapgât makmâ kalep are bunġe miawaknengiâk dâm âi humo mem hakulupnenņande launġe bo lokoyi aregât Anutuņe makto biwiyenġe bo sândugiep, are nen hainâk akbâen dâm Anutugât lau lokom manbaen. 12 Amâ wangât? Hingât. Hângât tembe loko âmâ tâwât metņe mem arimai. Dop hainâk Anutugât den amâ golâ manmanġe akto metņe dondâ. Tembe lokoyenġât tâwât âmâ metņe arekņe luâk siâgât okot kambiamņe ewum hionġap dop hainâk den metņe dondâ arekņe nâņgâ nâņgânenġaet biwinenġe akto hannenġe are potatmâ mem miawakmap. Mem miawakto agak memenenġe miawakto den âiân katnenekmap. 13 Akto siâ me siâ Anutugât dewunnân tigâk bo yemap. Akto Anutu enemņân kinmâ keinenġe makmâ miawakbaen yâkņe âmâ hârok ekto âmâ miapņân akto katip bâlâk miawaktenġe ekmap.

Yesuņe sumbe kat kat yâk yenġât luâk kautņe malep.

14 Galalupne, nengât sumbe kat kat luâk humo amâ Yesu Anutugât Nanġe yâk âmâ himbimân âgâep. Aregât Yesugât akmâ magion are kârikņe mem manmâ âgâne. 15 Nengât sumbe kat kat luâk amâ yânġe bo. Yesu sumbe kat kat Humonenġe yâkņe amâ Anutugât Nanġe yâk hânân malewân sop ain Hianġi Amboņande oloņ nenekto bâleņe akberâm akmâ malion ain Yesuņe nâņgâ nengimapgât dâp bo pâp komap gârâmâ bâleņe bo agep. 16 aregât Anutu ulilanberâm âmâ bo hamewakmâ dowâk yâk ulilanbaen. Akto lumbe tat tatņân tatmap yâkņe dowâk okot âlep aknengim damun nenġe akmap aregât umatņe miawaknengimboân ain dowâk ulilanbaen.

5

Yesuņe nengât akmâ sumbe âi miep aregât Anutuņe kot humo wanġep.

1 Galalupne, sumbe kat kat luâk areyenġât kautlupyeņe yâk yenġât keiyenġe makyenġire nâņgâņet. Anutuņe luâk areyenġât hutyenġânba mem miawakyeġto

Anutugât kambiamne sândugeâkgât luâk âmbâle yengât akmâ Anutugât enemñân kinmai. Kinmâ dosayene aregât sumbe omai. ² Hain akmai gârâmâ yeukneyejaet yengumbo aregât luâk âmbâle bikne Anutugât den lokowerâm pâpkomai yâk yengât okot nângâ yengim yeukne akyengimai. ³ Aregât luâk âmbâle yâk yengât dosayenjaet sumbe akmai. Akto areâk bo. Yenjaet dosayenjaet sumbe akmai. ⁴ Akto yâk ikinjaet hanne watmâ âi are bo miep. Bo. Ulikñân Anutune sumbe kat kat luâk Aroj yâk soj oloñmâ âi wañdo miep hainâk gam gam sumbe kat kat luâk hârok ikinjak oloj yekmâ âi yengimap. ⁵ Hainâk Kristone ikinjaet ukenne bo walep. Anutune âi iregât wañberâm den hin dâep,

“Gâmâ nângât Nanne gârâmâ nâne unjak menjektân.” dâep,

yâkne âi are wañmâ huñgun añep. ⁶ Akto Anutune Nanjaet den siâ hin dâep,

“Ulikñân sumbe kat kat luâk siâ kotne Melkisede are âi are wañdere mem âgâep hainâk sumbe kat katgât kat giñdere sumbegât âi mem âgâwiat.” dâep.

⁷ Akto Yesune luâk akmâ hânân manmâ indem konmâ momogât dâwânba oloñnekben dâm yâk ulilañdo biwiñe yâkgâlân kalep aregât Ewenande nângañep. Amâ Yesune Anutugât akmâ hamewakmâ malepgât Ewenande nângañep. ⁸ Yesu âmâ Anutugât Nanne gârâmâ hâk hilâlâm nângâep. Dâ Ewenjaet lau lokomap aregât agak memene miawagep. ⁹ Hain akmâ agak meme ârândâñâk akmâ nen biwinenne yâkgâlân katmâ laune lokomaen nen âmâ Yesune heñgem nenguwiapgât dâp miawagep. Amâ yogan bo. Heñgem nengumbo manman kârikñân manmâ âgâwaengât. ¹⁰ Akto areâk bo. Anutune sumbegât âi Melkisede wañdo mem âgâep. Hainâk Nanne wañdo mem âgâmap. Aregât heñgem nenguwiapgât bo pâpkom manmap.

Nen nananj gurukne yengât dop bo manbaen.

¹¹ O Galalupnenne, nenne Yesugât keñe hârok makyengiwaengât ukenne nângâmaen. Gârâmâ ondopyene kârikne

aktâi âmâ gain gain makyengiweren? ¹² Akto ye dennenne emelâk makyengiñion are nângâm heñgemgoyi dâine bâin hinne yene luâk âmbâle bikne den kepikmâ makyengiwañi. Yengât hin nângâm hilipkoân luâk âmbâle siâ emelâk makyengiwerâigât sop aktâp dâm makmâ hilipkoân. Gârâmâ hain bo aktâi. Aregât ye nananj gurukne dop hainâk manmai. Namâk nemai. Dâ sot bunne yengienne gain gain nembai? ¹³ Yengât agak memeyene aregât den dopne makyengire nângâñet. Nanan gurukñande namâk nem manmai akto gam gam sot bunne nemai. Ye dop hainâk hinne nananj gurukne akmai den keñeâk getek getek makyengiñenne nângâm heñgemgomai. Dâ Yesugât den patne hârok heñgem nengumbo agak meme âlepñeâk miawakmap are makyengiñenne bo nângâmai. ¹⁴ Akto nen sot bunne nananj gurukne bo wañmaen. Nanan emelâk nam hepunmâ handâ akto are sot bunne wañmaen. Dop hainâk luâk âmbâle agak meme âlepñe me bâlene potatmâ heñgemgom mali aregât nângâ nângâyene humo agep are âmâ den pat âlepñe hârok makyengimaen.

6

Anutu hamianmâ âmâ biwi purik kat katgât dopne bo tatâp.

¹ Akto Kristogât den keñânback lâuwâñe bo makyengiwerân. Dâ hin akne. Han biwi nângâ nângânenne kârikne kilâkgât agak meme âlepñe mem mandenne Anutune nenekto huraguwiap. Akto den keñe keñe dondâ agak meme momone aregât ye hanyene purik kato biwiñe Anutugâlân katbei aregât lâuwâñe bo makyengiwerân. ² Akto hâk biwi puli puli aregât keñe lâuwâñe bo makyengiwerân. Akto bâtnenne kautyenân kalion akto momoñânba agatbaen akto Anutune denân katyekto âgâwaigât keñe lâuwâñe bo makyengiwerân. ³ Gârâmâ Anutune âlepñe dâambo âlepñe agak memenne huraguâkgât mene. ⁴ Amâ luâk âmbâle bikñande den pat âlepñe nângâm himbimgât wan me wan ukenne nângâmbiâ Heakñande kautyenân miep

are makyenjiennje han biwiyenje lâuwâne purikatbaigât dop bo tatâp. ⁵ Akto Anutugât den aregât ukenne nângâm manman kârikne aregât ukenne nângâyi. ⁶ Hain nângâyi gârâmâ aregât haminân Anutugât hâkân akmai akto Anutu Nanjande moep aregât hainâk hâkân akmâ yâkgât âi amâ yânne dâm nângâmbiâ gembo aregât makyenjiennje han biwiyenje purikatbaigât dop bo tatâp. Amâ Anutugât nanje lâuwâne lâwinân moâkgât akbiâ bikjande ekbiâ gemap. ⁷ Aregât den dopne makbe. Hân siân amâ tânâk âlepne gembo hân ambolupjande sot alekne kâmet yekbiâ hân arekne tânyengumbo sot âlepne pâtkowiap. Pâtkombo Anutuje meme agaŋdo hân ambojande âlepne manbai. ⁸ Akto hân siâ sot âlepne bo pâtkomap ain hewukne bâleje arekneak pâtkomap aregât Anutuje sait den makto kâlâpne om metewiap.

Yuda gâtjande âi humo membiâ Anutuje nângâmbiâ huragumap.

⁹ Galalupne, ya kulemgoân amâ yeje agak meme are ewangimaigât kulemgoân. Amâ wan me wan hengemgo hengemgo keje are nângâenne humo akmâ tân nengumap. Amâ hin. ¹⁰ Ye âi humo mem Yesugât kâmolân gâtne okot nângâ yengim tân yenguyi are Anutuje nângâmap. Aregât hinje akmai. ¹¹ Akto ye agak meme âlepne keje keje mem mali aregât hainâk Anutuje wan me wan egâlijanmap aregâlâk ukenne ikiyeâk ikiyeâk nângâm manmâ âgâwei. Are miawagâk dâm manden. ¹² Aregât Anutuje makmâ katmâ hâriep are mem manmâ konam bo akmâ amâ Anutuje hinje wan me wan boâk yenggiâp aregât bo hâkân akbei. Akto ulikjân Anutugât kâmolân gâtne bikje Anutuje makmâ kato aregâlâk nângâm bo hâkân akmâ amâ kili. Hain kinmâ siâ me siâ miawak yengiep aregât nângâmbiâ biwiyenje humo agâk. Akto mesokbiâ gewopgât hainâk den are paŋâk mem manmâ âgâwei.

Manman nenjaet kândârâ kârikne tatâp.

¹³ Akto Anutuje Abraham aregâlân den dâm makmâ kalep aregât luâk âmbâle siânbanje Anutu bo ewangimai aregât ikiye kotne konmâ wâtjân kinmâ Abrahamgât

hindâm makmâ kalep, ¹⁴ “Hâmbâi amâ nunak memenje akginjere amâ hakulupge dondâ sambelem ariwai.” dâep. ¹⁵ Hain dâmbo Abrahamne den are nângâm bo hâkân agep. Aregât Anutuje den pat âlepne are yâkgât makmâ kalep.

¹⁶ Akto agak memenenne hin. Nen mendugum maganji goanji aktenne kâmot lâuwâ akto den bunje kârikne makberâm amâ ainâk Anutu ewanginenekmap yâkgât dewunjan kinden dâm makmâ katmaen. Hain makmâ katenne den bunje dâm nângâmbiâ den bo akmap. ¹⁷ Aregât Anutuje ikiye kâmolân gâtne nengât den makmâ kalep are Anutuje den bunje maktâp are bo bâliwiap dânet dâm ainâk den pat kat katne are ikiye kotne konmâ agonakmâ magep. ¹⁸ Are dâp lâuwâgât Anutuje henengiwiapgât dop bo tatâp aregât nen gulip nenguwop dâm Anutugâlân togom manmâ wan me wan hârok miawak nengiwiap aregât nângâenne biwinenne humo akbiâp. Are nângâm paŋâk mene. ¹⁹ Anutuje den pat kalep aregât nângâm biwinenne gulip akto aregât han lâuwâ bo akmaen. Amâ wangât anja hinare. Akto biwinenne sândukne amâ sumbe emetjaet sângum haminân ain ariep. ²⁰ Ain amâ nengât sumbe kat kat kautne Yesu arekne nengât Sumbe kat kat luâk humo bo mombiap yâkne nengât dumnennân kinmâ himbimân Ewenaelân nengât sumbe kato huraguep. Hain akmâ amâ Melkisede ulikjân sumbe kat kat luâk areyngât kautne malep yâkgât dopjân miawagep. Hainâk miawakmâ manmâ âgâwiapgât. Yesu hain agepgât nengât biwi sânduk amâ himbimân tatmâ âgâwiap.

7

Melkisedegât keje.

¹ Galalupne, luâk kotne Melkisede yâkgât keje makyengire nângânet. Melkisede amâ keplane kotne Salem aregât luâk kembu akminep. Akto Anutu Humonenne kârikne yâkgât sumbe kat kat luâk akminep. Akto Abraham ikiye tembe lokolupne olop hilâm siân arim kepia siâ siâ are yengât luâk kembulupyene yengum metem purik katbiâ Melkisede arekne Abraham are

dâwân ekmâ penianmâ manġanmâ gulam den maganep. ² Hain dâm manġando Abrahamne wan me wan talanep are bikne potatmâ Anutugât pat wanep. Akto Melkisede are âmâ kotne purikne amâ hin, “Agak meme âlepne aregât amboŋe.” Akto yâkgât kepia kotne Salem kot aregât purikne amâ, “Biwi sânduk aregât amboŋe.” ³ Akto Melkisedegât eweŋe memene me ginbailupne bo miawagi akto ikinje miawagepgât sopne me moepgât sopne bo miawaknengiep. Aregât Anutugât nanne sumbe kat kat hinare uliknânbak manmâ gaep, hainâk manmâ âgâwâp. Dop hainâk Melkisede amâ sumbe kat kat luâk uliknânbak manmâ gaep hainâk manmâ âgâwâp dâmaen.

⁴ Akto Melkisede amâ luâk yânne bo. Abraham amâ Israe nengât hakunenŋe yâkne wan me wan luâk kembu siânba yengât miep are potatmâ Anutugât pat wanep. Aregât Melkisede Abraham ewangiminep. ⁵ Akto aregât kaknân Abrahamgât hakune siâ kotne Lewi yâkgât kâmolân gâtnde sumbe kat kat luâk akmini. Akto Mosegât den kârikne are Lewi kâmot gâtne yengât galalupyene Israe luâk âmbâle biknde wan me wan tat yengiep are potatmâ Lewigât kâmot are yengiyi aregât magep. ⁶ Dâ Melkisede amâ Lewigât kâmolân gâtne bo are Abrahamne Anutugât pat wanġo Anutune Abraham makmâ kalep aregât gulam den maganep. ⁷ Akto aregât niġande ewangiminep? Luâk arekne âmâ luâk gegene den dâtâne makyenġimap. Aregât Melkisede Abraham ewangiminep. ⁸ Akto unġak nengât sumbe kat kat luâk wan me wan tatnengiep, are potatmâ bikne yengimaen are âmâ luâgâk aregât momogât dop miawak yengimbo momai. Dâ uliknân Melkisede amâ wan me wan biken meminep are momogât dop bo miawagep aregât amâ Melkisede sumbe luâk bikne ewangi yekminep. ⁹⁻¹⁰ Akto areâk bo. Lewigât kâmot are boâk miawagi ainâk Abraham Lewigât hakune arekne Melkisede wan me wan wanep. Aregât Lewi hainâk Abrahamgât kâlegen gâtne malep arekne dop hainâk wanep dâmaen.

Sumbe kat kat luâk tâmbâne mali amâ âiyene âlepne bo.

¹¹ Galalupne, Lewigât kâmolân gâtne sumbe kat kat luâk akmini arekne den kârikne luâk âmbâle bikne makyenġimini. Hain akmâ sumbe katbiâ Anutune nenekto huragumap dâine sumbe kat kat luâk siâ Melkisede hinare bo miawakbop. Akto Lewigât kâmot âi are membiâ ain agak meme âlepneâk membaen aregât dâp miawak nengiep dâine Aronġât kâmot âi hainâk mem âgâwâi. ¹² Aregât sumbe kat katgât âi tâmbâne are dâp tato irakne siâ miawakto âmâ tâmbânaet den kârikne hainâgâk dâp kalaŋdo irakne siâ miawakbiap. ¹³ Hain akbiapġât bunne âmâ Yesu Lewigât kâmolân gâtne bo. Yâk âmâ Yudagât kâmolân gâtne ġârâmâ Yudagât hakulupne amâ sumbe kat katgât âi bo meyi. ¹⁴ Akto Kembunenŋe Yudagât hakulupne yâk yengâlânba miawagep. Aregât hin nânġamaen. Yudagât kâmotlupnde sumbe kat katgât âi aregât Moseŋe bo magep. ¹⁵ Aregât keiŋe siâ gai miawakmâ heŋgemgoâp. Hingât. Sumbe kat kat anġa siâ Melkisede yâkgât dopnân miawagep aregât Yesune Sumbe kat katgât âi mendo ârândân agep. ¹⁶ Yâk âmâ hakuŋaet kotne aregât dopnân bo miawakmâ sumbe âi miep. Bo dondâ. Yâk âmâ manman kâriknaet bo boakbiapġât kârikneŋe akmâ manmâ sumbegât âi miep akto mem manmâ âgâwâp. ¹⁷ Aregât Anutune hin dâep,

“Uliknân sumbe kat kat luâk siâ kotne Melkisede are âi wanġdere mem âgâep hainâk sumbe kat katgât kat ġinġdere âi mem âgâwâp.” dâep.

Yesune Melkisedegât dop hainâk akmâ sumbe âi mem mandâp.

¹⁸⁻¹⁹ Akto Mosegât den kâriknde agak meme âlepne mem manmaengât kârikne bo nengiep. Akto bo tân nenguep, aregât Anutugât den iraknde Anutugâlân ariwaengât dâp miawak nengiep, are nânġaenŋe biwinenŋe humo akmap. Amâ uliknânġât ewangimap. ²⁰ Are amâ yân bo. Amâ Anutune ikinje kotne konmâ makmâ kalepġât. Uliknân Lewigât kâmolân gâtne

yâkne sumbegât âi membaigât amâ Anutuñe den yânñe makmâ kalep. ²¹ Dâ hinñe amâ Anutuñe Nanñe sumbegât âi wanberâm amâ ikinjaet wâtñân kinmâ makmâ kalep aregât hin magep,

“Humoñe wâtñân kinmâ han lâuwâ bo akbiapgât hin makmap. Sumbegât âi mem âgâwiat.”

²² Aregât Yesuñe âi âlepñe mendo den pat irakñande miawak nengimbo tatmâ âgâwiap arekñe Mosegât den kârikñe are ewangimap.

²³ Akto areâk bo. Lewigât kâmolân gâtñe sumbegât âi meyi are amâ luâk dondâ. Amâ moyi ainâk nanañlupyenñande dumyenñân kinmâ âi memân moyi hain akmâ gambiâ gambiâ yu miawagi. ²⁴ Dâ Yesu amâ bo mombiap aregât sumbegât âi memâk memâk manmâ âgâwiap. ²⁵ Aregât hokboâk hokboâk nenñe Yesu nengât dumnennñân kilep dâm Anutugâlân arienñe amâ Yesuñe nengât Anutu ulilañdo Anutuñe Yesugât âlepñe akmâ aregât dowâk henjem nengum âgâwiap.

Yesuñe sumbenenñe katmâ henjemgoep.

²⁶ Sumbe kat kat Humonenñe yâk amâ ârândân akto dosa bâlâk akto wan me wan mendo Anutuñe ekto ârândân akmap akto luâk âmbâle bâleñe akmai yâk yengât tiriwân bo manmap akto himbimân âgâm ewangim âgâepgât mandâp. Hain mannengimbo ârândân aktâp. ²⁷ Dâ sumbe kat kat luâk amâ hânân manmai arekñe hokboâk hokboâk yenjaet dosa are bo agâkgât sumbe ombiâ bo akto hamiñân luâk âmbâle yengât sumbe omai are amâ Yesuñe hain bo akmap. Yâkgât dosa bo talañmap aregât ikinjaet sumbe bo omap. Akto nengât dosa bo agâkgât hilâm konok nengât sumbe akmâ moep aregât hokboâk hokboâk bo akmap. Lâuwânñe âi bo talañdâp. ²⁸ Akto Mosegât den kârikñe arekñe luâk yeukñe mem sumbegât âi yengiep. Gârâmâ Anutuñe den kârikñe makmâ kato bo bo agepgât Nanñe sumbegât âi wanñdo bo mom amâ âiâk memâk memâk âlepñeâk manmâ âgâwiap.

8

Yesuñe egon sumbe opmân bunñe ain âiñe memap.

¹ Akto yu kulengoân aregât keiñe amâ hin. Nengât sumbe kat kat luâk amâ Humogât tat tatñe himbimân manmap aregât bungen manmap ² Yesu arekñe Sumbe kat kat uligi luâkñe ketuguyi ain âi bo mem manmap. Yâk amâ himbimân Anutuñe ketuguep ain âi mem manmap.

³ Akto sumbe kat kat luâk hârok Anutuñe meme akyenñimbo wâtñân kinmâ okot âlepgât akmâ sumbe kat katgât âi memai aregât Anutugât Nanñande hainâk wan me wan Anutu wanmapgât bâlâk bo manmap. ⁴ Dâ Yesu hânân mandâp dâine sumbe kat kat bo manbop. Hânân den kârikñegât dopñân sumbe ogogât luâkñe âlepñe manmâ sumbegât âi mendâi.

⁵ Âiyeñe amâ sumbe opmân yânñe ain âi memai. Dâ sumbe opmân bunñe amâ himbimân tatâp. Moseñe sumbe kat kat uligi mângiwêrâm akto Kembuñe hin magañep, “Nângât. Gimbânñan sumbe opmân himbimân tatmap aregât towatñe hekatgiñân aregât dopñân siâ me siâ hârok are hânân mângiwen.” ⁶ Dâ Yesuñe amâ dewatiak dewatiak âgâ âgâñe aet sumbegât âi humoâk memap. Amâ hingât. Anutuñe Yesugât akmâ den pat âlepñe makmâ hâriep arekñe Moseñe makmâ kalep are ewangimap.

Dewatiak dewatiak irakñe den.

⁷ Akto Mosegât den kârikñe arekñe wan me wan hârok âlepñeâk mem miawagep dâine Anutuñe den pat irakñe bo makmâ katbop. ⁸ Gârâmâ Anutuñe Mose magañdo den kârikñe kulengoep are ekmâ hârok âlepñe bo mem miawagep den pat are nânngâm irakñe âlepñe makmâ kalep aregât keiñe Anutuñe hin magep,

“Humoñe hin dêep, “Siân Israe kâmot akto Yuda kâmot are yengâlân den pat âlepñe irakñe makyenñiwian.

⁹ Ulikñân Israe luâk Aigitawa oloñ yegân are den pat âlepñe makyenñire den pat aregât hâkân akmâ lonñaiyi aregât nâkai yengât hâkân agân. Den kârikñe ain kalân amâ hainare

bo. ¹⁰ Imâ den âlepne irakne sop are bo aktoân Israe kâmot yengâlân makmâ hârewian. Siân den pat irakne âlepne ire han biwiyenân totokom katere kepikmâ bigeim kinbiap. Hain akmâ damunye akmâ tân yenguwian. Akto nâne amâ yengât Kambu akto ye amâ nângât kâmot akbai. ¹¹ Akto sop ain siâne siâ bo hâwâtbiâp, “Humo nânganben.” dâm maganbiâp. Hain bo. Sop ain amâ luâk âmbâle hârok âgâ âgâne gege ne nângâ ninbai. ¹² Hârok nângâ ninbiâ bâleneye aregât yaiwâk akyengim dosaye bo oyanmâ nângâm manmâ âgâwian.” Humone hain dâep.”

¹³ Aregât keine amâ hin. Anutune den pat irakne dâm magep aregât den pat tâmbâne are bo agâk dâm makmâ kalep. Aregât den pat tâmbâne amâ emelâk bâliep akto siâ me siâ torokmâ bâlimap hainâk arekne bo akberâm aktâp.

9

Sumbe kat kat uligi aregât keine.

¹ Akto den kârikne tâmbâne amâ siâ siâgât hârok Anutune keine makyengiep. Akto uligi kâlegen âgâm amâ ikiye kotne mem agatnetgât hekatyengiep. Akto hângât emetgât makmâ hâriep. ² Akto sumbe kat kat uligi aregât keine hin. Ulik gulik amâ mâron humo panmâ emet mângiyi. Aregât kâlegen amâ pagale ne kat kat siâ akto sot Anutugât enemnân katmai are me wan me wan Anutu kotne mem agatbaen dâm kali. ³ Akto emet kom hâre hâre ne siâ talep amâ sângum kâkâlep aregât haminân Anutune ekto ârândân agâkgât welamne. ⁴ Ain sumbe ogogât kat katne goline mângiyi are talep. Akto dewatiak dewatiak gât emetne goline mângiyi are akto Aro ngât huwan momone kâmne gam golâ agep are akto kât papa ne Anutune ain den kârikne kulengoep are hârok talep. ⁵ Akto Anutugât pagale ne miawakbiapgât anelo dopne lâuwâ kotne Kerubim ain kiliat. Arekne Anutune gem mangan nenekmap welam aregât damunne agiat. Akto wan me wan yu kulengoân amâ hinne keine hârok makyengiwerengât dop bo tatâp.

Sumbe kat kat luâk uliknân mali yengât âi amâ bunne bo.

⁶ Dâ kom hâre hâre ne siâ ain Lewigât kâmolân gâtne wan me wan are katbiâ kindo amâ hokboâk hokboâk sumbe kat kat luâk poŋ kâlegen âgâm bam gutmâ Anutu okot âlepgât wan me wan ulilanmini. ⁷ Gârâmâ uligi kâlegen are amâ sumbe kat kat luâk areyengât kautneye ne konok arekne homban konok kâlegen amâ hilâm konok ain âgâm ikiye dosane bo agâkgât akto Israe luâk âmbâle dosaye ne bo agâkgât soŋgo gilâmne mem âgâm Anutugâlân wanminep. ⁸⁻⁹ Aregât keine amâ Anutugât Heaknande maknengimbo hin nângâen. Uligi kilewân amâ luâk âmbâle Anutugâlân hanâk bo âgâmini nângâen. Akto sumbe kat kat luâk arekne sumbe me wan me wan Anutugât okot âlep aganmini are ek mâ luâk âmbâle hârokne hin dâyi, “Wei, ire amâ hângât me hâk puli puligât me sotgât aregâlâk tângomap. Dâ han biwinenne amâ bo tângomap.” dâm nângâmbiâ biwiyene bo sândugiep. ¹⁰ Amâ yogannaet pat. Yoganne aregât benne sotgât me tugât me hâkne puli puligât. Akto agak meme irakne miawakbiapgât miawagep.

Yesune ikiye gilâmjande hâukonenegep arekne bunne aktâp.

¹¹ Hainâk hainâk manmâ gambiâ Anutune bâin dâm Nanne Kristo are hungunaŋdo sumbe kat katgât âi luâk bunne miawagep. Hain akmâ manmâ hângât sumbe kat kat emetne ketuguyi ain bo âgâm sumbe kalep. Bo. Wan me wan âlepne miawakbiap aregât sumbe akmâ opmân bunne tiripne siâ ain âgâep. ¹² Ain âgâm amâ hilâm konogân Anutugât enemnân bam amâ nâniŋ akto makao nanne soŋgogât gilâmne bo miep. Amâ ikinjaet gilâmne wan do nen hengem nenguwiapgât dâp miawak nengiep. Are manmâ âgâwiap akto bo bo akbiap. Bo dondâ. ¹³ Dâ makao âmbengen kâmne aregât hâkne om derembiâ kau akto soŋgo makao nâniŋgât gilâmne olop hâk ye ne puliâkgât sumbe luâkne lapyuŋguminep. Lapyuŋgumbo sumbegât emetnân âgâmini. ¹⁴ Gârâmâ Kristone gembo Anutugât Heak âgâm yembiap arekne memene agan do ikinjaet

gilâmne are sumbe dâm kato Anutuñe ekto huraguep. Arekne han biwinenne pulimbo nen wan me wan mendenne bâlimap aregât umatne bo akto âmâ Anutu amâ manmangât amboñe yâkgât âi mem manmâ âgâwaen.

¹⁵ Aregât Kristone dewatiak dewatiak irakñaet miawagepgât Anutu akto nen hutnennân kilep. Kinmâ dewatiak dewatiak tâmbâñe hârienne dosanenñe miawaknengiep are bo agâkgât moep. Aregât akmâ Anutuñe kepilânenekto manden nen manman kârikñaet bât samut menegât welannennân kinmâ moep.

¹⁶ Bât samutgât amâ hin yendâp. Amboñande mondoâk âmâ memaen. ¹⁷ Dâ amboñande golâ manmawân âmâ bât samutñaet magep aregât den yân yembiap. Dâ mondoân âmâ den are bunne miawakmap. ¹⁸ Dop hainâk Mosegât den kârikne are Anutuñe makto miawakto ainâk sonjo gilâmne gembo mondo den kârikne are hamepne olowâk miawagep. ¹⁹ Akto Moseñe den kârikne are luâk âmbâle makyengimbo nângâmbiâ kârikne agâk dâm akto añe hewukne esenñe siâ akto yo hâkne siâ arekne mem tu akto sonjo gilâmne lapyungum luâk âmbâle hârok akto den kârikne kulengoep are lapkombo gilâm agi. ²⁰ Hain akto hin dâm makyengiep, “Anutuñe makmâ kalep are kârikne agâkgât gilâm yu lapkoân ire ekmâ nângâm henjengowei.” ²¹ Akto Moseñe hainâk lapkombo uligi are akto wan me wan kâlegen Anutugât akmâ katbiâ talep are gilâmâk hârok akmâ metiep. ²² Akto aregât den kârikne tâmbâñe arekne talewân ainâk yo kombiâ mondo gilâmne lapkombiâ dosayene bo agep. Dâ gilâmne bo lapkombiâ dâine âmâ dosayene tatmâ gawop.

Yesune dosanenñe bo agâkgât hâukonenegep.

²³ Akto yu kulengoân amâ himbimân tatmai aregât towat otneyene bunne bo are yengât bâleñe ariâk dâm Moseñe gilâm lapkombo ârândân agep. Dâ himbimân wan me wan bunne dondâ are ârândân agâkgât gilâm yânñe amâ lapkombiâ dâine ârândân bo akbop. ²⁴ Aregât Kristone uligât otneñe are akmâ âi luâkne uligi

ketuguyi ain bo âgâep. Akto himbimân uligi bunne ain âgâm nengât dumnennân kindo Anutuñe ekto âlepne dondâ akmap. ²⁵ Akto ain hokboâk hokboâk gilâmne bo wanmap. Hilâm konok kâlegen gilâmne kâimbo ârândân agep. Dâ sumbe kat kat luâk are yengât kautneyene arekne sonjo gilâmne kârikne bo aregât homban ârândânâk ikinne gilâmne bo mem âgâ kâiminep. ²⁶ Dâ Kristo âmâ hain bo agep. Hain akmâ dâine ulikñânbak hâk hilâlâm hokboâk hokboâk nângâm gawop. Dâ yâk âmâ hain bo agep. Yâkne âmâ hinne sop bâine tâlâgumbo ain miawakto dosa bunewâk bo agâk dâm ikinne hâkne arekne sumbe agâk dâm hilâm konogân kâinengiep. ²⁷ Akto Anutuñe hilâm konogân bâin dâmbo mondenne sop ain denân kat nenekbiap ²⁸ dop hainâk Anutuñe hilâm konogân luâk âmbâle dondâ are yengât dosa bo agâk dâm Kristo wâtne agando moep aregât Kristone lâuwâñe miawakmâ dosanenñe lokombo bo akbiapgât bo gewiap. Bo dondâ. Aregât nenñe togowen togowen dâm aregât ukenne nângâm etemgom konmâ oloñmâ mandenñe nen bunewâk henjem nenguwiapgât gewiap.

10

Den kârikñaet amukñân sumbe kali amâ bunne bo.

¹ Den kârikne amâ yân beirâ bunne miawakbiapgât patne yânñe aktâp. Dâ bunne dondâ bo. Aregât sumbe kat kat luâk yânñe den kârikne lokom hombanñe hombanñe sumbe katmai arekne Anutugât mepainne agañmai yâk âlepne biwi kau bo meyekmap. ² Akto dosayene bunewâk bo agep dâine sumbe kat kat luâk arekne âi are hepunmâ sumbe siâ bo katmâ âmâ yân manbâi. Akto dosayñaet nelâm yengimbo biwiyeñe sândugewop. ³ Gârâmâ homban ârândân sumbe kat kat luâk kautñande sumbe memberâm ⁴ nâniñ me bulimakaogât gilâmne are mem uligi kâlegen âgâm kato dosayene bo agepgât dâp bo talep aregât dosayñaet nângâmbiâ biwiyeñe umatne tatoâk mali.

⁵ Akto Kristo hânân miawagep ain hin dâep, “Gâ Anutu, gâ sonjogât gilâmne

aregât ukenne bo nângâmat. Dâ hâkne hengemgoninen. ⁶ Akto songo hâkne ombiâ aregât bunne bo dâmat. Akto sumbe katmâ ombiâ ukenne bo nângâmat. ⁷ Ain âmâ hin dân. O Anutu, wan me wan makmenâ kulemgoyi aregât denge lokom ukenge akmâ mem metewiangât togoân.” dâep. ⁸ Den aregât keiñe hin. Kristoñe âmâ hânân miawakmâ Ewenjaelân magañep, “Gâ songogât gilâmñe kâimai me hâkne omai aregât ukenne bo nângâmat. Songo hâkne ombiâ aregât bunne bo dâmat. Akto sumbe katmâ ombiâ ukenne bo nângâmat.” dâm magep. Âmâ den pat kârikñe tâmbâñe makto kali. ⁹ Kristoñe den siâ hin dâm dewatiep, “Denge lokom ukenne akmâ mem metewiangât togoân.” dâep. Hain dâm âmâ den tâmbâñe are urulep. Dâ den pat irakñe are mem kârigiep. ¹⁰ Areâk bo. Yesu Kristoñe ikiñe hâkne mem Anutugât sumbe dâm sop konogân wañdo ârândân agep aregât agak meme âlepñe mem manmâ âgâwaengât dâp miawak nengiep.

Dâ Yesu amâ sumbe bunne dondâ kalep.

¹¹ Galalupne, aregât lâuwâñe makbe. Sumbe kat kat luâkñe hokboâk hokboâk âiyeñe mem sumbe omâk akmâ manmai arekñe dosanenñe bo boagep. ¹² Hain agi aregât âmâ Kristo hilâm konogân sumbe konok kato Anutuñe ekto ârândân agep. Hain akto âiñe bo akto Anutugât bânñe bungen tatmâ mandâp. ¹³ Mandâp aregât siân Anutuñe nanñaet gasalupñe yengumbo yeukñe akbiâ Yesuñe damunyañe akmâ tâliyebiapgât lâmgom tatmap. ¹⁴ Akto ikiñe kâmot nengât huragunetgât ikiñe hâkne mem Anutugât sumbe dâm wañep. Wañdo Anutuñe nenekto huraguep. Huragumbo âmâ Kristoñe tân nengumbo agak meme âlepñe mem mandenñe sumbe kat katgât âi bo agep. ¹⁵ Akto aregât keiñe Anutugât Heak arekñe bunne agâkgât hekat nengiw-erâm hin magep,

¹⁶ “Humoñe hin dâep, Siân den pat irakñe âlepñe ire han biwiyeñân totokom katere kepikmâ bigeim kinbiap.”

¹⁷ Akto siâ hin,

“Dosayeñe bo oyañmâ nângâm manmâ âgâwian.”

¹⁸ Den aregât keiñe amâ dosanenñe bo oyañbiapgât dâp miawaknengimbo âmâ benñe sumbe kat katgât luâk âiyeñe bo agep. Lâuwâñe bo membiap.

Yesuñe sumbe âi miepgât nen Anutugât enemñân owâi akmâ bam ulilanbaen.

¹⁹ Galalupne, Yesugât hepnande hânçi menengiepgât yâkgât opmân kâmbokñân âgânegât owâiâp. ²⁰ Aregât dâp irakñe manmanñe mem owâinenegep. Aregât dâp miawagâk dâm hâkñande âgâwâigât pekeñe hârembo dâpñe miawaknengiep. ²¹ Aregât akmâ sumbe kat kat humo Anutugât opmân bunne kautñe akmâ mannengimap. ²² Aregât hamep bo akmâ dosanenñe bo agep dâm Anutugâlân arim biwinenñe Yesugâlân katenñe kindo nângâenñe biwinenñe sândugemapgât Anutugâlân arine. Hain manmaen aregât wan me wan umatñaet memene biwinenñân katberâm miawakto ain nen Yesugât kâmolân manmâ âgâwaen dâyon are nângâenñe biwinenñe humo agep. Akto sumbe kat kat luâk kautyeñe are galalupyeñande tu puli agañmini nen dop hainâk tu bunne puli nengiep. Aregât Anutugâlân arim den nângâenñe bunne akbiap. ²³ Humo Anutuñe wan makmâ hâriep arekñe den are bâliwiapgât dop bo tatâp aregât den maktenñe biwinenñe sândugiep are mem hâk hilâlâm nângâm âgâm manbaen. ²⁴ Hain akmâ manmâ mendugum kinmâ gain gain biwinenñe kârikñe ketuguenñe kilâkgât akto agak meme âlepñe mem okot âlep agañbaengât are nângâm hengemgom tân aguwaen. ²⁵ Dâ luâk âmbâle bikñe bo mendugum kinmai. Dâ nen âmâ hain bo akbaen. Mendugum kinmâ sop humo tâlâguwerâp dâm biwinenñe tân aguwaen.

Den pat âlepñe nângâm âmâ bâleñe aktenñe dosanenñe lâuwâñe miawakbopgât hamep akbaen.

²⁶ Gârâmâ den pat âlepñe nângâm hengemgoyion amâ beirâ agak meme bâleñe aregât ukenne nângâm agak meme bâleñe membaen aregât dosanenñe bo agâkgât sumbe bo tatbiap. Bo dondâ. ²⁷ Hain aktenñe âmâ Anutuñe denân

katnenekto kâlâwân manmâ âgâwaengât dop miawakbiap. Akto Anutugât gasa are kâlâpņe oyekbiap. ²⁸ Aregât hin makbe. Luâk âmbâle siâņe Mosegât den kârikņe lonġaimbo luâk âmbâle siânba lâuwâ me âlâwu arekņe ekmâ keiņe makmâ miawakbiâ humomolupyenande luâk âmbâle bâleņe agep are okot bo nânġanmâ kombiâ moep. ²⁹ Dâ hinņe luâk âmbâle siâņe Anutugât Nanņe yâkgât hâkâņ akmâ den pat âlepņe aregât keiņe amâ Yesu yâkgât ġilâmņande heņgem nenguep aregât hâkâņ akmâ Anutugât Heakņe damun nenņe akmâ okot âlep aknengimap are hepulep luâk âmbâleņe hain akto amâ Humonenņande kondo hâk hilâlâm humo dondâ nânġâm âgâwiap. ³⁰ Luâk âmbâle hain akbai aregât Anutuņe hin dâep, “Nâņe bâleņe yeņæet dosa aregât hâuņe yeņġire umatņân manmâ âgâmbiâ ârândâņ akbiap.” dâep. Akto den siâ hin dâep, “Humoņe ikiņe luâk âmbâle den âiân katyekbiap.” dâep. ³¹ Akto areâk bo. Anutu Manman Amboņande den âiân katyekto hâk hilâlâm hamepņe olowâk nânġâm manmâ âgâwai aregât yâkgâlâk hamewakmâ manbei.

Âi humo mem hâk hilâlâm nânġâm manbaengât bo hâkâņ akbaen.

³² O Galalupne, nânġâi? Ye ulikņân den pat âlepņe nânġâmbiâ biwiyeņe âgâambo âi humo mem hâk hilâlâm nânġâyi. Amâ bo hâkâņ agi. ³³ Akto gasalupyene togom luâk âmbâle dewunyeņân kat yekbiâ kinbiâ bugâņe yeņġum ġiriņeņġiyi. ³⁴ Akto miti gasaņande galalupyene bâleņe mânġiyekmâ kala busi kâlegen kat yekbiâ kili are yeņe okot nânġâ yeņġim tânyeņġuyi. Akto areâk bo. Miti gasa arekņe puli me wan me wan tatyeneġep are kâmbu meyi sop ain nen hâmbâi iregât hâuņe âlepņe kârikņe himbimân tatnengîap dâm heroņe agi.

³⁵ Aregât Anutu nânġanbiâ biwiyeņe sândugiep aregât bo hâkâņ akmâ panmâ amâ hâuņe âlepņe humo membai. ³⁶ Amâ siân hâuņe bâlâk manbâen dâm biwiyeņe Yesugâlânâk kilâkgât âi humo mem hâk hilâlâm nânġâm hanâk Anutugât lau lokom manbei. ³⁷ Aregât lâuwâņe makbe. Anutuņe hin magep,

“Hâmbâi sop getek manmâ nânġât hoņ bawa huņġun anġdere dowâk miawakbiap. ³⁸ Akto hinņe nânġât luâk ârândâņâk manmapņe amâ nânġâniņdo manmanņe miawaganbiap. Hain. Gârâmâ yâk âigât hâkâņ akmâ hepun nekto amâ ekmâ bo heroņe aganbian.”

³⁹ Akto nen amâ aregât kâmolân gâtņe bo. Yâk amâ hâk hilâlâm aregât hamep akmâ Anutugât âi hepunbiâ Anutuņe makto gulip akbai. Dâ nen amâ hain bo akbaen. Nen amâ biwinenņe Anutugâlân kilâk dâm nânġâm mandenņe Anutuņe otnenenņe membiap.

11

Biwi kat katġât keiņe.

¹ O Galalupne, nen biwinenņe Anutugâlân kilâk dâm nânġâm manbaen aregât keiņe makyeneġire nânġâņet. Biwi kat kat keiņe amâ hin. Wan me wan bo egekņe are bunņe miawak nengiwiap aregât nânġâm han konogâk manbaen. ²⁻³ Akto nenņe biwinenņe Anutugâlân kalion aregât Anutu bo egekņe arekņe wan me wan mendo hân himbim egekņe miawagep are bunņe dâm nânġâmaen. Akto Anutugât kâmot ulikņân biwiyeņe Anutugâlân kali are Anutuņe yekmâ âlepņe dâep.

Abe, Enoko akto Noa yeņġât den.

⁴ Aregât yâk yeņġâlân gâtņe siâ Abe yâkņe biwiņe Anutugâlân kalep aregât sumbe ondo Anutuņe âlepņe dâm nânġanep. Nânġanġo Abegât teuņe Kaiņ arekņe biwi kat katġât keiņe hâkâņ akmâ sumbe yân ondo Anutuņe ekto âlepņe bo agep. Aregât teuņande emiņe kondo moep. Amâ emiņande biwiņe Anutugâlân kalep aregât. Aregât pat nânġâm nen hin dâmaen. Abe moep gârâmâ yâkgât biwi kat katġât keiņe arekņe maknengimap.

⁵ Akto hamiņân luâk siâ kotņe Enoko yâkņe biwiņe kalep are Anutuņe ekto huragumbo aregât bo mombiap dâm oloņdo hâkdâk tiņ tiņâk âgâep. Aregât galalupņande Enoko yâtendâm undâgâtbiâ bo agep. ⁶ Akto luâk âmbâle bikņande

hanyenande Anutu bo nânğanmai âmâ Anutu ye kmâ herone bo akmap. Dâ Anutu mandâp bundâk nânğâm hengemgomaen akto hannenande kulâgâlanmaen nen hâuñe âlepñe nengiwiap dâm nenñeak yâkgâlân togone.

⁷ Akto hamiñân Noa hainâk biwiñe Anutugâlân kalep aregât Anutuñe wan me wan miawakbiap aregât maganđo dowâk sân sân mem kâmotlupne bâliwâen dâm wanğa ketuguep. Yâkñe hain akmâ luâk dosayenâet keiñe mem miap palepgât akmâ Anutu nânğanmâ dosa bâlâk agak aregât bunñe amboñe agep.

Abrahamgât den.

⁸ Akto hamiñân Anutuñe Abrahamgât makmâ kalepgât maganđo bunñerâm biwiñe katmâ âlepñe hân niñbiat dâm hân siângen bo ekminewângen ain ariep.

⁹ Akto hân are mem miawakmâ biwi kat katgât Anutuñe hakulupge in manbei dâep are bunñe dâm hân ain yogan manmâ emet bunñe bo mâron uligiâk panmâ yem malep. Akto nanñe Isaka akto bâgiñe Yakobo yâkñe hainâk uligi mâron uligiâk are panmâ maliat. Akto Abraham akto Isaka akto Yakobo Anutuñe makmâ kalep den konok are amâ nengâlân miawakbiap dâm nânğâm mali. ¹⁰ Akto Abrahamñe Anutu bunñeâk makmap dâm nânğâep aregât Anutuñe kepia âlepñe himbimân kalep ain amâ bunñe dondâ ain manbaen dâm nânğâep. ¹¹ Akto Abrahamgât âmbenñe kotñe Sara yâkai hainâk biwiñe Anutugâlân kalep. Aregât Anutuñe gâñe nanañ membiat dâm maganđep are nânğambo bunñe akto sâmbâ akmâ ain nanañ miep. Amâ makmâ kalep yâkñe amâ bunñe dâepgât. ¹² Akto luâk konok kâmotlupñe manmâ sambelem gam gam yu miawakten. Amâ diâ himbimân tatâi dop hainâk me nupi harugât ginñân tatâp dop hainâk. Gârâmâ Abrahamñe sâmbâ akmâ ain nanñe Isaka miep. Yâk âmâ emelâk momaen sopñe ewangiep ain Isaka miep.

¹³ Luâk yu yengondân arekñe Anutu nânğanmâ manmâ âmâ mom meteyi. Amâ siâ me siâ Anutuñe makmâ hâreyenñe are bunñerâm indâgen anğângen yendo ek mâ mepainñe mem herone mali. Dâ bo meyi.

Hain akmâ aregât keiñe hin nânğâyî, nen hânân lombo akto yogan manden dâyi. ¹⁴⁻¹⁵ Luâk âmbâle arekñe hân iregâlânâk nânğâyî dâine purik katmâ hân ulikñân gâtñe ain arim manbâi. Hain bo akmâ âmâ hângât kepia hain are bo amâ kepia bunñe himbimân tatmap are Anutuñe maknengim kalep ain manbaen dâm aregât lâmgom mali. ¹⁶ Lâmgom manbiâ Anutuñe kepia are yengât kalep are âlepñe ire amâ nânğât kâmot dâm damunyeñe akto hân are membiâ ârândân agep. Hân arekñe hân ire ewangimap are miawaknengiwiap dâm lâmgom mali. Aregât Anutuñe yâk yengât akmâ Anutuñe dâm agonakmapgât bo anjun akmap.

Isaka akto Yakobo yetgât den.

¹⁷ Akto Abraham den makmâ hâriepgât yâk Anutuñe dop koep. Hin. Nanñe Isaka Anutuñe wanñep are sumbe omberâm akmâ mem ariep. Aregât yâkgât biwi kat kat âlepñe miawagep are nânğâmaen. Akto nanñe Isaka are amâ luâk yânñe bo. ¹⁸ Anutuñe Abraham hin dâm maganđep, “Nâñe Isaka giñân are amâ gângât kâmot are yengât hakuyenñe akbiap.” dâep. ¹⁹ Akto Abraham Anutuñe luâk momoñe momoñânba mem agat yekto golâ manmai are nânğâm Isaka mem sumbe omberâm ariep. Aregât luâk momoñânba agatmai Isaka dop hainâk alatanba sopanmâ agalep dâmaen.

²⁰ Akto hamiñân Abrahamgât nanñe Isaka arekñe biwiñe Anutugâlân kalep aregât nanlogâtñe Yakobo akto Esau wan me wan beirâ miawakbiapgât den gulam makyetkiep. ²¹ Akto hamiñân Yakoboñe hainâk biwiñe Anutugâlân kalep, aregât momberâm akmâ huwanñe tânagum Anutugât kotñe mem agatmâ nanñe kotñe Yosepe yâkgât nanlogâtñe den gulam makyetkiep. ²² Akto hamiñân Yosepe hainâk momberâm akmâ Anutuñe Israe kâmot are Aigitawa oloñ yekbiap den are bunñe dâm ginbailupñe mombian dâm ikinñe hagitñe makyenñe.

Mosegât den.

²³ Akto hamiñân Mosegât ewenñe memenñe biwiyetñe Anutugâlân kaliat

aregât Aigita luâk humoņe Israe nanlupyene gurukņe yengumbiâ moņet dâep den are longaim nanyetņe Mose are ekbela huragumbo heambukbela yendo dewutâ âlâwu bo agep. ²⁴ Akto Mose amâ nanaņân Aigita luâk humogât baratņande Mose amâ nâņgât nanne dâep. Dâ Moseņe humo akmâ are nâņgâm âmâ bo dâep. ²⁵ Bo dâm, “Anutugât kâmot Israe nengât bikņe umatņân manmai are olop manbaen.” dâep. Akto Aigita yengât agak meme bâleņe aregât ukenņe bo nâņgâm ginbailupņe penâyengiep. ²⁶ Akto Moseņe Kristogât akmâ ukenņe akto Israe gasalupyenande Mosegât keiņe nâņgâm hâkâņe akmâ umatņe waņi. Hain akbiâ Moseņe hanâk dâm siân Anutuņe wan me wan waņbiapgât are amâ âlepņe dondâ, dâ Aigitagât sikum amâ yânņe dâminep. ²⁷ Hain dâm Aigitagât humoyeņe yâkgât kukgât bo hamep akmâ âmâ Aigita hepulep. Akto Anutu bo egekņe are nâņgâ aņminep aregât Aigita hân akto sikum are hepun yekmâ ariep. ²⁸ Anutuņe ikinęe aņelo huņgun aņdo gem Aigita yengât nanlupyene ulik gulik are yengumbo moyi aregât nenguwop dâm emetyeņe lamagât gilâm lapkoyi. Akto Moseņe biwiņe Anutugâlânâk kalep akto Anutuņe wan magep are bunņe dâm nâņgâm malep aregât hain agep. ²⁹ Akto sop ain Israe luâk Anutu bunņe dâm nâņgâyi aregât Aigita hepunmâ haru Gilâm are hutņânba hâtikom âlepņe arimbiâ âmâ Aigita gâtņe arekņe hainâk hâtikowerâm haru hutņân bam arimbiâ haruņe kawut yekto moyi.

Yeriko ikinęak hogoakmâ agum awam agep.

³⁰ Akto hamiņân Israe luâk âmbâle biwiyene Anutugâlân kali aregât kepia kotņe Yeriko haot kârikņe kâtņe ketuguyi are gam ândeanņiâ hilâm bāt biken lâuwâ bo agep. Bo akto ainâk biwiyene kali aregât bunņe haot humo tâmbâ are ikinęak patak agum awam agep. ³¹ Akto âmbâle dâp gulip malep kotņe Rahaba arekņe biwiņe Anutugâlân kalep aregât Israe luâk lâuwâ togoyiat are gasaņe meyelekbâi dâm mem heambuk yelegep. Rahaba hain agep aregât Israe luâk kepia âgâm Anutu hâkâņ agaņmini are yengum âmâ Rahaba bo koyi.

Anutugât luâk bikņe yengât den.

³² Wei, galama hakulupnenņe dondâ biwiyene Anutugâlân kali areyengâlân gâtņe bikņe hin Gideon akto Barak akto Simson akto Yepita akto Dawidi akto Samue akto Anutugât Propetelupņe are amâ gain gain keiyene kulemgowian sop bo aktâp. ³³ Luâk ya yengondân are amâ hân siâ siân âgâm ambolupņe yengum meteyi. Akto luâk âmbâle bâleņe denân katyekbiâ dosayene miawak yengimbo aregât hâuņe yengiyi. Akto Anutuņe makto bunņe dâm lâmgom kinbiâ yengimbo mem mali. Akto Anutugât gasalupņande Anutugât luâk siâ bau metņe kotņe laion are hutyeņân panbiâ âmâ Anutuņe maknengiep are bunņe dâm kinbiâ bo neyegi. ³⁴ Akto Anutugât gasalupņande Anutugât kâmot luâk kâlâwân panyekbiâ gembâi Anutuņe maknengiep are bunņe dâmbiâ bo oyegep. Akto gasalupyenande oreyekberâm agi ina âlepņe yân ariyi. Akto luâk bikņe yeukņe akbiâ Anutuņe makto kârikņe agi. Akto Gasalupyene togombiâ Anutuņe makto kârikņe akmâ gasalupyene yengum meteyi. ³⁵ Akto Anutugât kâmolân gâtņe âmbâle bikņe are yengât ginbailupyene biken mombiâ Anutuņe makto momoņânba agali. Akto Anutugât kâmolân gâtņe bikņe, “Siân Anutuņe momoņânba goaņnenekto manman âlepņe dondâ miawak nengi-wiap.” dâm aregât gasalupyenande togom Anutugât pat hepunņet dâm hâk hilâlâm yengimbiâ borâm âmâ kârikņe akmâ manmâ âgâyi. ³⁶ Are yengâlân gâtņe bikņe gasalupyenande giriņ yengim bugâņe yenguyi. Akto tâk kârikņe kotņe sein arekņe hiko yekbiâ kala busi kâlegen tali. ³⁷ Akto bikņe âmâ gasalupyenande kât panmâ yenguyi. Bikņe gasalupyenande segeņe tepyene hâreyekbiâ pânyene lâuwâ akto moyi. Me tâwâtņe yengumbiâ moyi. Dâ bikņande âmâ gasalupnenņande menenekbâi dâm bau hâkņe luguakmâ halângen heambukmâ bam gutmini. Akto bikņande mop mali akto sot me sâņgum me kotņe siâ siâ hârok bâlâk mop mali. Akto umatņe humo miawak yengiep. Akto luâk âmbâle yânņande yekmâ bâleņe aktyengimini. ³⁸ Akto Anutugât kâmolân

gâtne ain mali arekne hângât luâk âmbâle ewangi yegi. Akto areâk bo. Biknande âmâ hân kamitnângen manmâ gimbânân manmâ kât akto hân kâlegen mali.

³⁹ Luâk âmbâle arekne âmâ yân hain bo agi. Biwiyene Anutugâlân kali aregât kâriknân kinmâ hain agi. Anutuje biwi kat katyene are ekto ârândânâk agep. Aregât bunne hâmbâi membai. Dâ mali sopnân Anutuje makmâ kalep are bo egi. ⁴⁰ Gârâmâ Anutuje yâk yengât okot nângâm hin dêep, “Hâmbâi nângât kâmot biwiyene nannaelân katbiâ tato are olop luâk âmbâle umatnân mali are olop manman âlepñân manbai.” dêep. Aregât hakulupnenne luâk âmbâle umatnân mali arekne wan me wan aregât Anutuje makmâ kalep are hânân bo mem manmâ moyi. Amâ hâmbâi tat tatnenne miawakbiapgât dâm agi.

12

Yesu je âi miep are nângâm hejgemgom hainâk akbaen.

¹ Galalupne, nengât hakulupnenne biwiyene Anutugâlân kali aregât keine yu kulengoân. Yâk âmâ hâk hilâlâm nângâm Anutugât âi memâk mali. Aregât nenâkai yâk yengât pat nângâm hainâk aknerâm wan me wanne biwinenre mendo gemap are akto agak meme bâlene hikom andânenekmap a hârok hepunmâ Anutugât âi kârikneâk mem hâk hilâlâm nângâm âmâ bo hâkân akbaen. ² Hain akmâ Yesu yâkne nengât biwi kat katgât agat meme mem miawakmâ hekat nengim ikinjak mem metiep are ekmâ hainâk akbaen dâm nângâm hejgemgowaen. Akto Yesu hâmbâi, “Ewene olop himbimân tatetne biwine herone akbiap.” dâm nângâep aregât lâwinân kombiâ hâk hilâlâm nângâm aregât hâkân bo agep. Akto girin anji aregât bo hâkân agep. Are hârok lokom manmâ mondo Anutuje mem olojdo Anutugât tat tat bunngangen tatmâ manmap.

³ Galalupne, luâk bâlenande Yesu hain aganjgât pat nângâm hain akmâ umatne siâ siâ aregât bo hâkân akbei. Akto hinne umatne miawak yengimbo aregât Yesugât pat nângâm hejgemgom âmâ benje biwiyene bo bâlimbo manmâ âgâwei.

⁴ Ye bâlenande kawutyekberâm akto âmâ kârikne akmâ hâkyene membiâ kepilâ akto gilâmyene gembo moyi ye hainare boâk miawakyengiep.

Anutuje orem miwindiknenekmap.

⁵ Galalupne, Anutugât den bikne nanañlupne dâm makyengimap aregât nelâmyengiep mon?

“Nanne Humone gugum miwindik gekberâmbo âmâ aregât hâkân bo akben. Akto Anutuje hain bo akben dâm makginmâ guguwip âmâ hanâk âlepne dâmenâ biwige bo bâliwiâp. ⁶ Akto Humone okot nânganmap yâkgât ikinje kâmolân dewatiwiapgât hain akmâ hejgemgombo miwindik akmâ ikinjaet nanne konbiap.”

Hain tatâp are oyanmâ umatne miawak yengiwawân hanâk dâm âi membiâ biwiyene bo bâliwiâp.

⁷ Akto nengât agak meme hin. Nanañlupnenne bâlene akbâirâm bugâne yengum miwindik yekmaen. Dop hainâk Anutuje makto umatne miawak yengimbo hin nângâwei, “Wei, ire âmâ âlepne, Anutuje nan baratlupne dâm nengonmap aregât nengum miwindik nenektâp.” hain nângâm herone akbei. ⁸ Akto makmâ miwindik miwindik dop are luâk âmbâle hârok aknengimap aregât Anutuje bo yengum miwindik yekmap âmâ benje nanañ kâit hainare akbai. ⁹ Akto areâk bo. Ewelupnenne hânân manmai arekne nengum miwindik nenekbiâ are âlepne bo dâm hâkân agion aregât Ewenenre otne- nenre damunne akmâ manmap arekne hain aknengimbo dowâk âlepnerâm bo hâkân akmâ âmâ mandenre tân nengumbo herone akbaen. ¹⁰ Akto ewelupnenne âmâ ukenyenjaet akmâ yogan aknengiyi gârâmâ Anutuje âmâ nâ olop manmâ âgâwaigât âlepne aknet dâm hain aknengimap. ¹¹ Akto Anutuje nengum miwindik nenekmap aregât hâk hilâlâm nângâmaen gârâmâ Anutuje nengum miwindik nenekmap dâm nângâenre benre siân nengât agak memenenre âlepne miawakto biwinenre sândugewiap.

Nen kârikne tinjinâk kinmâ tân aguwaen.

¹² Aregât bâtyeje keiyenje momoje are hejngemgom kârikjeâk tâlim kinmâ ariwai.

¹³ Akto dâp bâleje watbâigât keiyenje damunje akbei. Akto bam gutbai ain keiyenje bâlimbo amâ dondâ bâliwopgât akmâ damun akbei.

¹⁴ Yeje luâk âmbâle hârok gala akyenjiwaigât akto agak memeyenje Anutuje ekto ârândân akmap aregât tân yengum hâwât aganjiwei. Dâ agak meme âlepje ârândân a bâlâk manmaiye amâ Anutu bo ekbai. ¹⁵ Akto yengâlân gâtje siâ Anutuje damunje akmap aregât kâmolân gâtje Anutuje okot akyengimap are mesokmâ tâpâkowopgât ikinje tân aguwiâp. Akto kuk hejngân miawak yengimbo kalakje kândârâje pâtkombo potalakbiâ kuk hejngân sambelewopgât yeje tân aguwei. ¹⁶ Akto yengâlân gâtje siâje bâleje maleje akbopgât damun aganjiwei. Me Anutu bâlâk manbai amâ Esaugât dop hainâk akbâi. Yâkne amâ ewenjaet bāt samut bāiye aregât hâkân agep. Hain akmâ sotgât nângâm emiye ulilaŋdo sot waŋdo ewenjaende wan me wan niŋbiap are amâ giŋbian dâm emiŋjaet makmâ kalep. ¹⁷ Esaugât keiye nângâi. Yâk beirâ bāt samut bāiye memberambo bo miawagep. Yâk han siâ akmâ ewum hâumgom indem umaliakmâ bo akto hepulep.

Nen Sion gimbânje mete kalion.

¹⁸ Galama, ye amâ gimbâje mambâje me kâlâpne omap ain bo togoyi. Me hândâk hamandat me tânâk kaunmâ kindâp ain bo togoyi. ¹⁹ Yudagât hakulupyene Aigita hânânba togom gimbâje siâ ain togom kili. Ain togom kinbiâ munje humo akto den siâ nângâwâen dâm ulit hanokoak agi. ²⁰ Hain agi aregât Anutuje hin dâep, “Luâk me âmbâle me bau me yo me wan me wan gimbâje iren tâlimbo kât mem panmâ kombiâ moâk.” dâep. Den kârikje are nângâmbiâ umatje agep. ²¹ Hain akto hamepne olowâk miawakmâ gambo Moseje hin magep, “Nâ hamewakmâ sân sân mendân.” dâep. ²² Gârâmâ ye Anutuje hain bo akyengiep. Ye amâ irakjaet pat gimbâje kotje Sion ain togoyi. Ain amâ Yerusalem kepia Anutu manman kârikjaet

Ambone yâkgât kepia ain togoyi. Akto anjelo dondâ himbimân manmâ herone akmâ manmai ye hârok yâk yengâlân togoyi. ²³ Akto ulikjân manmâ gaep yâkgât kâmot amâ kotyene himbimân kilep yâk yengâlân togoyi. Are akto luâk âmbâle Anutuje mem kepilâyekto huraguyi yâk yengât otneyene yâk yengâlân togoyi. Are akto Anutu hân himbim Ambojande denân katnenekbiap yâkgâlân gai togoyi. ²⁴ Akto areâk bo. Yeje Yesugât den pat âlepje kârikje agâkgât moep yâkgâlân togoyi. Dâ ulikjân Abe teunjaende kondo mondo yâkgât gilâmjande magep. Dâ Yesuje mondo yâkgât gilâmje âlepje arekne Abegât gilâmje ewangiep. ²⁵ Aregât Anutuje makyengimbo bo hâkân akbei. Akto Anutuje Mose maganjo hânân mali are den makyengimbo are hâkân akmâ hepuli aregât hâuje umatje miawak yengiep. Dâ Anutu himbimân gâtjande nen maknengimbo hâkân aktenje amâ hâuje hamepne bâleje olowâk miawak nengiwiap.

Anutuje nengât wan me wan kârikjeâk nengiwiap aregât kotje mem hamep akbaen.

²⁶ Akto Anutuje Sinai gimbânje Mose maganep ain amâ hân duwuj agep. Akto aregât kakjân hin dâep, “Magân a hâmbâi hainâk bân dâre hân akto himbim duwuj akmâ bo akbiandat.” dâep. ²⁷ Anutuje hain magep aregât keiye hin. Yâkne, “Ulikjân magân a hainâk bân dâwian.” dâm makto hân himbim bo akbela benje wan me wan kârikjeâk bo duwuj akbiap are miawakmâ tatmâ âgâwiap. ²⁸ Are amâ nengât Anutuje makmâ katnengiepgât magep. Galalupne, Anutuje nengât wan me wan kârikjeâk nengiwiap aregât kotje mem hamep akbaen. ²⁹ Akto kâlâpne siâ siâ hârok om metemap dop hainâk Anutunenjande hârok gulip nenguwiap aregât Anutugât hamep akbaen.

13

Sami den.

¹ Galalupne, ye ulikjân gala kalakmini are hainâk kalakmâ manmâ âgâwei. ² Akto ulikjân lombo togombiâ luâk siâje imâ

luâk yânne dâm tânyengum âmâ anjelo tânyenguep aregât nângâm lombo yengâlân togombiâ âmâ hanâk dowâk tân yenguwei. ³ Akto bikne kala busi kâlegen manmai areyengât nelâm yengiwopgât nen yâk olop kala busi kâlegen taten dâm nângâm tân yenguwei. Akto yengâlân gâtne bikne gasalupyenande bâlene akyengimbiâ hâk hilâlâm nângâmai nen olop hâk hilâlâm nângâmaen dâm dowâk tân aguwei.

⁴ Akto luâk âmbâle meakbaigât Anutuñe magep aregât âlepne luâkne âmbâi meyekbiâ ârândân akbiâp. Akto âmbâlene luâk meyekbiâ ârândân akbiâp. Gârâmâ Anutuñe luâk âmbâle hanâk hanâk mem hepun hepun akmai are den âiân katyekto dosayene miawakto aregât hâuñe umatne yengiwip aregât luâk âmâ âmbenlupyeñe areâk meyekmâ manbai. ⁵ Akto Anutuñe hin dêep,

“Nâ bo hepunyekbian akto bo hami yengire yân manbai. Bo dondâ.” dêep.

Aregât puligât nângâmbiâ humo bo akbiâp. Akto wan me wan tatyengiâp are amâ ârândân dâm siâ me siâ bo egâlianbei.

⁶ Akto Anutuñe yu magep aregât Anutuñe kep kenju siâ hin magep are memberen,

“Humonande tân nugumap aregât luâk bâlenande menekberâm pâpkomai are yengât bo hamep akbian.”

kep kenju are kulengoep nen hain dâm mendenne biwinenne bo hionakmap.

Ulikñân aknengim miti maknengiyi areâk mem Yesu watmâ manbaen.

⁷ Akto yengât humomolupyeñe Anutuñe den makyengimini areyengât biwi kat kat akto agak memeyeñe nângâm hain akbei. Akto manmanyene nângâm hengemgowe.

⁸ Akto Yesu Kristo are wan me wan ulikñân akminep are hinne hainâk akmap akto hilâmne hilâmne hainâk akmâ manmâ âgâwip. ⁹ Aregât luâk siânbañe yengâlân togom hin makyengiyi, “Sot are bo nemiâ âmâ Anutuñe meyekbiap me sot ire nemiâ ârândân akbiâp.” dâmbiâ âmâ bo nângâyengiyi. Aregât hin makyengire nângâñet. Sot siâ me siâne biwinenne bo tângomap aregât den bâlene are hepunmâ Anutuñe okot âlep nângâm damun nenñe akmap are nângâmbiâ biwiyene kârikne

agâk. Togoyi are amâ sotne biwiyene bo tânyenguep aregât denyenande nen oloñ nenekbop dâm bo nângâyi. ¹⁰ Nengât sumbe âmâ bunne. Dâ mâron uligi ain âi mem maliñe âmâ nengât sumbe kat katñanba wan me wan siâ membaigât dâp bo tatyengiâp. ¹¹ Aregât keñe hin. Sumbe kat kat luâk songo gilâmne katmai. Hain akbiâ âmâ songo hâkne luâk me âmbâle dosayene bo agâk dâm âmâ kepia hâkñangen ombiâ bo akminep. ¹² Dop hainâk luâk bikñande Yesu mem kepia hâkñangen lâwinân kombiâ moep. Akto Yesuñe are âlepne dâm nunaet kâmot gilâmñande hengem yenguwip dâm kepia hâkñangen arimbo kombiâ hâk hilâlâm nângâm moep. ¹³ Aregât Yesu kepia hâkñangen kilep ain girinajmâ sârek koyi nenâkai hainâgâk kepia hâkñangen kinmâ añun kakñân manbaengât bo hâkân akne. ¹⁴ Hain akmâ kinmâ kepienneñe kârikne in bo tatnengiâp dâm kepia âlepne siân miawaknengiwip aregât lâmgom manmâ hannenñande owâim manbaen.

¹⁵ Akto Yesuñe tân nengumbo Anutuñe sumbegât akmâ kotne mem agatbaen. Hain akbaen âmâ benne nen Yesu humonenne nen yâkgâlân gâtne dâmaen den are bunne akto ârândân akbiap. ¹⁶ Luâk me âmbâle siâ âlepne agañmâ wan me wan tân yengumap are potatmâ bikne wanbai aregât ukenne nângâwei. Hain akbai aregât agak meme are Anutuñe imâ sumbegât dopne dâm ekmâ âlepne dâwip.

¹⁷ Kâmotlupyeñe damunyeñe akmai yâk yengât lau lokom amukyengân manbei. Yâkne âmâ âi mesokmâ membriâ yengât biwiyene bâlimbo âmâ aregât keñe Anutuñe emñân makmâ miawakbai. Aregât yengât akmâ âigât ukenne nângâwai. Dâ âigât hâkân akbai amâ bo tânyenguwai.

¹⁸ Akto biwinenne owâine akmap aregât hokboâk hokboâk nenñe agak meme âlepneâk mem manne dâmaen are akbaengât yeñe nengât ulilanbei.

¹⁹ Ulityenande tân nugumbiâ Kembuñe mem purikatneko yengâlân togowiangât kârikñân makmâ kârigeân.

Anutu ulilanep.

²⁰ Akto galalupne, yengât Anutu ulilandere Anutugât kuk bo akto damunnenne akto biwinenne sândukne akmap, yâkne damun akto Humonenne Yesu are den pat âlepne kârikne akmâ âgâwiapgât gilâmne gembo moep are momonânba mem agalep. Mem agatmâ, “Nângât kâmot damunyenje akben.” dâm makmâ kalep. Aregât ye meme akyengim tânyengumbo launje lokom ²¹ wan me wan egâlianmap are mem manbiâ ârândân agâk. Akto wan me wan yenje aknet dâm egâlianmap are Yesu Kristogât akmâ meme akyengimbo membai. Aregât kotge sopne sopne mem agatbaen. A bundâk.

Den bâine.

²² Galalupne, okotyene akmâ biwiyene kârikne agâkgât kulem esenne ire kulemgoân imâ bo ekmâ hâkân akbei. Amâ kâlep bo. Ire oyanmâ nângâm henngemgowe.

²³ Akto tembe lokoje makto Timoteo kala busi kâlegenba sopanmâ âlepne mandâp. Akto yâkne togom penâniñbiap âmâ âlepne netne togom yekbaet. ²⁴ Akto humomolupyene akto luâk âmbâle hârok lokom mangan yekbei. Akto ire âmâ luâk âmbâle Italia hânânba togoyi arekne yengât okotyene nângâmai are nângânet dâm yu kulemgoân. ²⁵ Akto Anutune okotne akyengim damunyenje agâk dâm ulilandân. A bundâk.

Yakobo

Yakoboŋe den keiŋe kulemgoep.

¹ Nâ Yakobo, nâ Anutu akto Humonennje Yesu Kristo yâk yetgât âi luâk. Nâŋe Yuda luâk kâmot 12 kepiayenje tinj tinj hepunmâ arim hân anġân anġân manmai yengât ire kulemgom katere yengâlân togoâp.

Umatŋande biwi kat katgât kârikŋe kenunġuep.

² Galalupne yengâlân umatŋe keiŋe keiŋe siâ siâ miawak yengimap aregât heronje maronje akbei. ³ Wan me wan umatŋe miawak yengimap arekŋe âmâ biwiyenje Yesugâlân kali aregât dop yengumap. Aregât âmâ yenje kârikŋeâk kinmâ umatŋe lokowaigât wan me wan miawakmap aregât umatŋe miawak yengimap sop ain heronje maronje akbei. ⁴ Hain dâm heronje maronje akmâ kârikŋeâk kinmâ umatŋe lokowei. Umatŋe are bo hâkân akbai âmâ benje agak meme arekŋe âmâ yengâlân han biwiyenje kârikŋe ketugumbo âlepŋe manmâ Anutugât agak meme siâgât umburuk bo dondâ akbai. Hain akbiâ yengâlân ârândânâk yembiap.

Nâŋgâ nâŋgâgât kulâgâtmâ Kembu ulilanġbaen.

⁵ Akto luâk âmâbâle wan me wangât umburuk akbiâ Anutuŋe yengiwêrâm kuk bo akyengim âmâ owâiŋeâk nengimap aregât yengât hutyenân gâtŋe luâk siâŋe nâŋgâ nâŋgâ âlepŋaet umburuk akmâ âmâ yâk hanâk niŋâkdâm Anutu ulilanġo dowâk waŋbiap. ⁶ Akto luâk are Anutu ulilanġberâm âmâ yâkgâlân biwiŋe kârikŋe katmâ hanŋande nâŋganmâ ulilanġbiap aregât den ginŋe makyengire nâŋgâŋet. Seruŋe haru waito gulip agatmâ gem panmap. ⁷ Dop hainâk luâk siâŋe Anutugâlân biwiŋe bo katmâ heŋgemgom nâŋgâ nâŋgâŋe gulip akto kinmâ aregât Anutu ulilanġmâ ire niŋberâp me bo dâm han lâuwâ akmâ ulilanġo Anutuŋe bo waŋbiap. Amâ hingât. ⁸ Luâk siâ hainare âmâ nâŋgâ nâŋgâŋe lâuwâ akto han lâuwâ manmap.

Puli sikumŋe amâ bunje bo akmap.

⁹ Galalupne, yengâlân gâtŋe siâ umburuk manmâ âmâ Anutuŋe mem agatbiap aregât heronje akbiâp. ¹⁰ Dâ yengâlân gâtŋe siâ kotŋe siâ siâ dondâ talaŋmap are âmâ hin nâŋgâwiâp. Lâwin bulunġande gagai akmâ dowâk bererek âgâm gemap nâ dop hainâk akbian dâm ikinje puli me wan me wan are nâŋgâambo gembo ârândân akmap. ¹¹ Dewutâ kârikŋe pando emet kâlâp akto lâwin buluŋe pekmâ gem kulemŋe âlepŋe are bo akmap dop hainâk luâk siâ kotŋe siâ siâ dondâ talaŋmap arekŋe âi aregâlân nâŋgâambo humo akto âmâ ainâk Anutuŋe aganġo bo akbiap hain nâŋgâwiâp.

Umatŋande dop nengumap.

¹² Galalupne, Anutuŋe okot âlep niŋmai are âlepŋeâk manmâ âgâwaigât yengiwian dâm magep aregât dop keiŋe keiŋe to-gombo niŋande kârikŋe kinmâ umatŋe are hârok lokomap âmâ heronje akmap. Hârok lokom siân umatŋe ire bo aktoân nâŋe hanâk lokowerâm aktere âmâ Anutuŋe âlepŋeâk manmâ âgâwiapgât waŋbian dâm magep are bunje niŋbiap dâm heronje akbiap. ¹³ Akto wan me wan bâleŋande luâk siâgât biwiŋe dop kombo âmâ yâk hin bo dâwiâp, “Anutuŋe dosa kakŋân âgâk dâm heninġâp.” hain bo dâwiâp. Bo kârikŋe. Dosagât agak meme arekŋe Anutugât kârikŋe bo oloŋmâ ge katbiap. Akto Anutuŋe dosagât luâk heyengiwiaŋgât dop bo tatâp. ¹⁴ Luâk konok konok hârok ikinenŋaet ikinenŋaet biwinenŋande oloŋnenekmap. Akto yâkŋe egâlân bâlŋe arekŋe hianġim biwiŋe mem agato dosa akmap. ¹⁵ Akto biwi agat agatgât agak meme bâlŋe arekŋe dosa keiŋe keiŋe miawaganġmap. Akto dosa arekŋe sambelem humo akto momai.

¹⁶ Galalupne, den nâŋgâm âmâ bo gulip akbei. ¹⁷ Apo pagalenje Amboŋe han lâuwâ bo akmap akto purik gurik bo akmap yâkŋe âlepŋe akmâ kotŋe siâ siâ egonba nengiwêrâm okot âlepgât tân nengumap. ¹⁸ Akto ikinje nâŋgâ nâŋgâ watmâ kinmâ, “Siân nâŋgât kâmot humo akbai.” dâm nenŋe soŋ wan me wan liuleyegep are ewangiyeŋkbaengât den pat âlepŋande oloŋ

nenekmâ miap pan nenekto yâkgât kâmot agion.

Dowâk ondopnennjande nângâwaen. Dâ launennjande dowâk bo makbaen.

19-20 O galalupne, luâk siâne kuk hengân akmap kuk arekne agak meme Anutuñe egâlianjo ârândân akmap are bo mem miawakmap. Aregât ye den nângâwerâm âmâ dowâk owâiwei. Hain akmâ den dowâk bo makberâm âmâ nângâmâk manbei. Akto kuk hengân akmâ âmâ sop kâlep bo mem manbei. 21 Hain akmâ âmâ yeñæet nângâmbiâ gembo Anutu den pat âlepñande luâk hengemgoyekmap aregât nângâm agak meme bâleñe turuñnenekmap are akto han bâleñe are hepunbei. 22 Gârâmâ ye Anutugât den pat are yânâk bo nângâwei. Dâ nângâ nângâyene bâliwopgât den are nângâm lokombiâ agak meme âlepñe miawak yengjiwip. 23-24 Aregât den ginñe lâuwâñe makbe. Luâk siâne dunguân enem dewunñe egakmâ benñe hâknângen sopanmâ gem arim ikinñe enem dewunñe gain gain hinare egakmâ ariâp aregât dowâk nelâm anjmap dop hainâk yengâlân gâtñe siâne den pat âlepñe nângâm aregât ikinjæet agak meme ekmâ hengemgom âmâ den pat are bo lokombiâ âmâ agak meme are nelâm yengjiwip. 25 Gârâmâ yengâlân gâtñe bikñe Anutugât den pat âlepñe are nângâwei, “Den irekñe biwinenñe tângombo kambiamnenñe âlepñe akmap.” dâmbiâ aregât bo nelâm yengimbo lokom manmâ âgâwai yâk âmâ Anutuñe damunyenñe akmâ tânyengumbo heronñe akmâ âgâwai.

26 Akto yengâlân gâtñe siâne, “Nâmâ hokboâk hokboâk Anutugât kotñe mem agatman.” dâmap âmâ den hanâk hanâk dâm makmâ âmâ ikinñe han biwiñe hianjanjmap. Hain akmâ Anutugât den pat lokoman dâm yân hianjimip. 27 Dâ yeñe âmâ Anutugât kotñe mem agatbiâ Ewenennjande yekmâ dosa bo tatyengjiâp dâwiapgât hin akbei. Nananj mându manmai are tânyenguwerrâm yânâk yâk yengât umatñe are lokowei. Akto âmbâle kambut umburuk yekmâ hanâk tânyengum yâk yengât umatñe are lokowei. Akto bâleñe akmâ hângât pat akbâigât biwiyenñe damunñe akbei.

2

Umburuk akto siâ siârâ are han kalem akyengjiwaen.

1 O galalupne, ye Humonenñe Yesu Kristo himbim damunñe akmâ Ewenjæet agak meme hekat nengimip aregâlân biwiyenñe kali aregât akmâ luâk siâ me siâ yengâlân togombo hanâk manjan akbei. 2-3 Aregât siâkâ makbe. Luâk siâ sikumdâ me himbân mâron âlepñe me donet âlep âlepñe are mendugumaiân ain âgâambo âmâ ye luâk kotdâ dâm manjanmâ, “Nâ olop tate.” dâmenâ haminân luâk umburuk mâronñe hambunñe are hainâk den emetñân âgâambo hamianmâ, “Gâ yânñangen tat.” dâm âmâ biwigânâk galanñe galanñe mem potat yelekmenâ bo ârândân akmap. 4 Ye hain akmâ nângâ nângâyene bâleñe watmâ luâk nângâ anbiâ humo agep amâ bo ârândân akmap. 5 Galalupne, aregât keñe makyengire nângâñet. Anutuñe luâk nan baratlupñe yâk yengât dâm hin magep, “Okot nângâ niñmai are manman âlepñân katyekbian.” dâm magep, aregât luâk âmbâle umburuk manmai are tânyengumbo yâkgâlân biwiyenñe kat katgât âlepñe miawakto manman âlepñeâk manbai. 6 Gârâmâ ye âmâ umburuk manmai yâk dewun gingin yekmai. Akto niñemanñe kâlâp mângiyekmâ kiapgâlân katyekmai? Amâ sikumdânñe akmai. 7 Hain akmai âmâ menenekmap yâkgât kot humo nângâenñe humo akmap kot are makmâ pilâkomai.

8 Akto den umatñe kautñe Anutuñe makto Mosenñe kulemgöep are keñe hin. Yeñæet aganjimai hainâk luâk âmbâle anjâ are hainâk akyengjiwei. Hain akbiâ arekñe ârândân akbiap. 9 Dâ den are bo watmâ siâ âgâ âgâñerâm luâk siâ gegeñe dâmbiâ âmâ den kârikñe Mosenñe kulemgöep arekñe dosa luâk dâm yengonmap. 10 Aregât lâuwâñe makbe. Luâk âmbâle den umatñe lokowerâm akmâ bikñe lokom konok bo lokombiâ âmâ den kârikñe arekñe, “Ye luâk âmbâle den kârikñe hamianmai are hainâk akmâ den kârikñe are lonjaimai.” dâm makyengjimip. 11 Amâ aregât Anutuñe hin dâep, “Luâkñe âmbâle hepunmâ siâ bo membei.” dâep yâkñe hainâk hin dâep,

“Luâk siâ bo kombiâ mombiap.” dâep. Aregât gâne âmbenge bo hepunmâ manbiat gârâmâ luâk siâ konmenâ moep arekne amâ den koko luâk akbiat. ¹² Akto Anutuņe magep are Yesuņe lokombo aregât Anutuņe dosa luâk bo dâm yeņgonmap den arekne den âiân katyekbiap gât nângâm heņgemgowaenân amâ den makmâ wan me wan akberâm akbiâ ârândâņ akbiâp. ¹³ Aregât keiņe hin. Luâk siâņe luâk âmbâle yeņgât okotyene bo nângâm amâ hanâk hanâk akyeņgimbo amâ Anutuņe hainâk agaņbiap. Gârâmâ Anutuņe han kalem ak-nengimap arekne den âiân katnenegâkgât pat are ewangimap.

*Biwi kat kat akto âi membaen are dopy-
etņe konogâk.*

¹⁴ Galalupne, luâk siâņe hin makbiap, “Nâ Yesugâlân nângâ nângâne katman.” dâwiap. Dâ yâk agak meme âlepņe dondâ are bo akmap aregât yâkņe, “Humogâlân nângâ nângâne katman.” dâmap are amâ yânņe akmap. Akto nângâ nângâne hain katmâ agak meme âlepņe bo mem manmap yâkgât agak meme are dop âlepņân katmâ heņgemgowiap me bo? Bo kârikņe. ¹⁵ Aregât siâkâ makyeņgire nângâņet. Luâk me âmbâle Yesugâlân biwiņe kalep yâkgâlân gâtņe siâ mâron bo lalakmâ sot bâlâk mando ¹⁶ amâ yeņgâlân gâtņe siâņe ekmâ hin magaņbiap, “Gâ mâron luguakmâ sot nem tepge pikto aregât âlepņeâk tatmâ arimenâ kambiamge sândugeâk.” dâm amâ benņe mâron me sot bo waņbiap amâ denņe arekne bo tângowiap. Akto ye hain akbiâ amâ bo ârândâņ akbiap. ¹⁷ Dop hainâk Humogâlân nângâ nângâyene akai dop hainâk yendâp yekâ yân tatmâ agak meme âlepņe siâ bo mem miawakbai amâ momo bâlâpņe agakņe dâmaen.

*Anutuņe Abraham akto Rahaba yelekt
ârândâņ agepgât keiņe.*

¹⁸ Akto luâk siâņe are nângâm hin makniņbiap, “Gâmâ biwi kat katgât nângâmenâ humo akmap dâ nâmâ agak meme âlepņe nângâre humo akmap.” dâmbo nâņe hin magaņbian, “Nângâ nângâ kat katgât akto agak meme âlepņe are lâuwâ lâuwâ hekatniņmenâ benņe nâkâ

nângâ nângâ kat katgât akto agak meme âlepņe akman aregât lâuwâ lâuwâ hekat-
giņbian.” dâm magaņbian. ¹⁹ Aregât lâuwâne makbe. Gâņe, “Nâ hin nângâman, Anutu amâ Humonenņe konok.” dâmat are âlepņe gârâmâ sinduk baniara bâleņe hain dâmai Anutu humo konok manmap dâm yâkgât hamewakmai aregât gângât nângâ nângâge yânņe aktâp. ²⁰ Gâ sinduk akmat. Biwi katman dâmat amâ bunņe bo aregât keiņe hin makgiņbe. ²¹ Abrahamņe Isaka are alata kakņân katmâ Anutugât sumbe omberâm agep aregât sop ain Anutuņe agak meme âlepņe ekmâ aregât luâk âlepņe dâm kolep. ²² Aregât keiņe hin. Agak meme âlepņe arekne biwi kat katgât keiņe mem miawagep akto Abraham humogâlân biwiņe katmâ mando Anutuņe memeņe agaņdo agak meme âlepņeâk mendo biwi kat katgât kârikņe humo waņep. ²³ Anutugât kulem bikņe hin dâp, “Abrahamņe biwiņe humogâlân kato ain Humoņe, “Dosage bo aktâp.” dâm kolep.” aregât amâ hin dâmaen, Abraham amâ Anutugât galane. ²⁴ Aregât keiņe nângâm heņgemgome me? Biwi kat kat yânņe aregât amâ Anutuņe dosayene bo aktâp dâm bo nengonmap. Bo. Dâ âi âlepņe membaen aregât akmâ Anutuņe nângâ nengimbo dosanenņe bo aknengiwiap. ²⁵ Akto hainâk ulikņân Yosuaņe luâk lâuwâ huņgun yetkimbo kepia kârikņe are ekberâm yoņâk ariyat. Hain arimbela kepia aregât âmbâle dâp gulip malep kotņe Rahaba yâkņe damunyetņe akmâ heambukyelegep. Akto gasalupyetņande luâk lâuwâ are gembela yelekmâ amâ mem yetkuwâi dâm dâp siâ yoņâgângenba hekat yetkimbo ariyat. Rahaba hain agep aregât Anutuņe ekmâ hin magaņep, “Gâ dosage bo tatgiņdâp.” dâm kolep. ²⁶ Aregât amâ nen hin nângâmaen. Hâknenņe iregât kâlegen otnenenņe bo tatâp dâine emelâk mom bo akbâen. Akto dop hainâk luâk siâņe yân biwi kat kat akmâ amâ agak meme âlep bo miawakmap amâ luâk aregât biwi kat katņe amâ emelâk moep.

3

Nen elewetnenņe damunņe akbaen.

1 Galalupne, hâmbâi Anutuņe Yesugât kâmot are yengâlân âmâ âi titnan mem potat yekbiap. Dâ Yesugât kâmot are yengât makmakyene nen are nengâlân âi kârikņe mem potat nenekbiap. Aregât yengât hutyenânba luâk dondâņe bo makyenġiwai. Amâ konok konok arekņe agatmâ bikņeâk makyenġiwai. 2 Aregât keiņe hin. Hokboâk hokboâk nen hârokņe wan me wangât gisik bâsok akmaen akto luâk âmbâle denņande dosa bo akmap amâ luâk âlepņe dondâ haingât yâk hâkņe hârok âkâ âlepņe damunņe akbiap. 3 Akto nenņe nengât nâņgâ nâņgâ watņet dâm âmâ tâk kârikņande bau luâk soko yengât lauyenân hikom mem tatenņe dâp siâ siâ watmap aregât dop hainâk launenņe are âmâ hâknenņe humo agak meme wan me wan damunņe akto siâ me siâ watmaen. 4 Akto nen wangagât âkâ hainâk nâņgâne. Waņga amâ humo dondâ. Dâ âmâ seru kârikņe panmâ waitmâ pando haru tânâmņângen suguguk dâm arimap. Akto waņga aregât bāt meme are âmâ bâlensiâ dondâ gârâmâ waņga ambonņande yâgâten me yâgâten ariwerâm âmâ bātņe are mem puririk dâmbo âmâ waņga aregen arimap aregât 5 dop hainâk launenņe bâlensiâ arekņe âi humo âlepņe me bâleņe hanâk akmap. Akto kâlâp ululunņe bâleņ siâņe hewukņe kâlegen gem humo akmâ agatmâ siâ siâ hârok om metemap. 6 Akto elewetnenņe âmâ kâlâp ululunņe hainare arekņe âmâ hâknenņe akto kei bātnenņe bikņe ewangiyekmâ hâknenņe hârok bâleņe aknengimap. Hain aknengim manman-nenņaet tân ondo om bo akmap. Akto ikinņe âmâ hememgât kâlâpņe utunaņdo omap. 7 Akto aregât siâkâ makbe. Luâk nenņe lâut me niambi sâmbâ me kotņe siâ siâ haru kâlegen yemap me sonġo kâit me yânņe sonġo keiņe keiņe metņe are mem yeukņe ketuguenņe ukenyene hepunmâ âi nenņe mem âlepņeâk manmai. 8 Dâ nenņe launenņe âmâ damunņe bo akmaen. Bo dondâ. Launenņande hokboâk hokboâk purik gurik akmâ agatmâ den bâleņe makmâ hâme hewukgât launņe tunņe bâleņe hainare akmap. 9 Akto dennenņande âmâ Humonenņe akto Ewenenņe yâkgât

kotņe mem agatbaen akto Anutuņe luâk nen ketugu nenegep ire âmâ ikinņe hain are manbaengât ketugu nenegep ina launenņande âmâ den bâleņe makmâ luâk bikņe mem bâliyekmaen are bo ârândâņ akmap. 10 Hain akto Anutugât kotņe mem agatmaen akto galalupnenņe yengât den hogo hogo akmâ mem ge katyekmaen aregât galalupne nâņgâre bo ârândâņ akmap. Borondâ. 11 Galalupne aregât aiyenġuwe. Tu dewunņe konogân ainba tu limbâpņe akto tu kalakņe mendugu akmâ gem mandat mon? 12 Akto lowolân puka miawakbiap mon? Me hamân lowot miawakbiap mon? Bo. Aregât haruņe amâ tu ukenņe bo mem miap panmap.

Nâņgâ nâņgâ bunņe Kembugâlânba gemap.

13 Akto yengât hutyenân gâtņe, “Nâ nâņgâ nâņgâ luâk akman.” dâmap amâ benņe agak meme âlepņe mendo ekbiâ huraguâk. Akto ikinņaet nâņgâmbo gewiap. Hain akto âmâ nâņgâ nâņgâ bunņe miawaganmap. 14 Dâ ye luâk siâgât nâņgâmbiâ bâlímbo âmâ bâleņe akyenġimai aregât den âlepņe hamianmâ kotyene mem agatbiâ bâlímmap. 15 Ye hain akbiâ âmâ nâņgâ nâņgâ hainare âmâ Anutuņe bo hekat yengimap akto âmâ hânânba ire miawak yengimap akto hâkyenânba ukenņe miawakmap. Akto sinduk baniara bâleņande hekat yengimbiâ hain akmai. 16 Aregât keiņe amâ hin. Luâk bikņande luâk siânba yengât nâņgâm bâlİYenġim agak meme keiņe keiņe akmâ yeņe kotyene mem agatmai amâ agak meme âlepņe bo akmai akto kâmotyene gulip akbiâ bâleņe dondâ miawak yengimap. 17 Dâ Anutuņe luâk bikņe nâņgâ nâņgâ âlepņe totokom yengimbo âmâ luâk are agak meme âlepņeâk dowâk akmâ luâk bikņe olop han biwi konok akmâ luâk bikņe yengât lau lokom okot nâņgâ yengim agak meme âlepņe akyenġimai. Akto areâk bo. Luâk arekņe hain akmâ manmâ wan me wan akmâ biwiyenân nâņgâmbiâ ârândâņ akto bo hiangimai. 18 Akto lumbegât âiņe memai yâkņe lumbegât alekņe mem kâmet gomet akbiâ aregât bunņe ârândâņ manman miawakyenġimap.

4

Hângât egâlian arekne amâ Anutu gasa aganmap.

¹ O galalupne, yengât pat nângâre bo ârândân agep. Keiñe wanñe amâ yengât hutyeñân gem kuk hengân mem miawakmap? Nângâm bâli bâligât agak meme are amâ yengât biwiyeñân yendâp arekne amâ yengât hâkyeñe hutñân gem kuk akmap. ² Yeñe wan me wangât egâlian humo akmai amâ bo memai haingât yeñe luâk yenguenñe monet gâlâk nângâmai. Akto wan me wan ekmâ egâlian akbiâ aregât yeñe kuk bâleñe akmâ yengumai. Akto wangât wan me wan membaigât dâp bo tatyengimap? Hingât. Yeñe wan me wan menegât Anutu bo ulilanmai. ³ Dâ bikñe, “Nen ulilanñe bo miawak nengimap.” dâmai. Amâ wangât Anutuñe bo yengimap? Hingât. Hângât akto hâkgât ukenñe nângâm ulilanmai. ⁴ Yei, ye dâp gulip manmai hainare. Hânân wan me wan egâlianmai arekne Anutu hamianmai. Are bo nângâmai mon? Aregât luâk siâñe hânân siâ me siâ hanâk gala aganbiapñe amâ Anutu gasa aganbiap. ⁵ Akto Anutugât den makmap aregât keiñe siâ amâ hin, “Anutuñe Heakñe han biwinenñân kalep arekne nen yâkgât pat mannegât kârikñe humo akmap.” ⁶ Akto Anutugât han kalem arekne dondâ miawaknengiâkgât Anutugât denñande hin magep,

“Luâk âgâ âgâñe akmai amâ Anutuñe hâkoko yekmap. Dâ luâk bikñe yeñe nângâmbiâ gemap are amâ Anutuñe okot nângâyengimap.”

⁷ Aregât yeñe nângâmbiâ gembo Anutu hon bawa aganbei. Hain akmâ amâ hanâk Hiangi Amboñe are hâkokombiâ ainâk hepun yekmâ gem ariwiap. ⁸ Ye hain akmâ Anutugâlâk nângâm âgâmbiâ yâkâ hainâk yengât nângâm okot nângâyengiwiâp. Dâ dosa luâkñe bâtyeñe pulimbiâ salek salek akmap dop hainâk agak meme bâleñe hepunmâ Anutu hon bawa aganbei. Akto ye han biwiyeñânba nângâ nângâ lâuwâ bâleñe are makmâ miawakmâ panbiâ gem ariâk. ⁹ Bâleñe yeñe are biwiyeñe umatñe akto giringât agak meme are hepunmâ indewei. ¹⁰ Hain akmâ Anutugât dewunñan

yeñe nângâmbiâ gembo Humoñe mem agat yekbiâp.

Kembu ewangim gala hâkyeñe bo tunbaen.

¹¹ Galalupne, ye galalupyene den bâleñe bo makyengiwei. Are lâuwâñe makbe. Luâk siâñe galañe peim den angâ hogom togo hâkñân katâp aregât Anutu den kârikñe aregât dâm kalep ina peiâp akto den angâ hogom togo hâkñân katâp. Akto den kârikñe kat katñe aregât hâkñân den angâ hogom togo hâkñân katâi are amâ ye den kârikñe are bo watmai. Hain akmâ humomo yengât gewâk mem tatmâ den mem potatmai hain are akmai. ¹² Dâ Humoñe den kârikñe kalep akto nen hâk tunnengim denân katnenekbiap, are konok tatmap yâkñe amâ dâp âlepñân katnenekmâ benñe luâk bikñe mem bâliyekbiap. Aregât gâñe amâ wangât galage den hâuñân katbiat? Amâ bo ârândân aktâp.

Anutugât dewunñan agat agatñe bo akbaen.

¹³ Akto ye hutyeñânba bikñande hin makmai, “Uñak me agatmâ kepia humo ain arim puligât âi mem mandenñe hombañ konok bo akto puli dondâ membaen.” hain dâmai aregât nâñe ye hin makyengire nângâñet. ¹⁴ Yei, ye hole siâ me siâ hin me hain miawakbiap are bo nângâmai. Dâ manmanyene amâ gain gain? Amâ dâwokñe agatmâ sop getek bo akto bokmap, dop hainâk manmanyene amâ getek tatmâ bo akbiap. ¹⁵ Amâ hin makbiâ ârândân agâk, “Anutuñe ikinñe ukenñe akmâ âlepñe dâmba amâ nen âlepñeâk manmâ âi ire membaen.” dâwei. ¹⁶ Gârâmâ ye hain bo akmai. Yeñe amâ kotyeñe mem agatmai. Hain akmai amâ bâleñe akmai. ¹⁷ Aregât luâk siâñe agak meme âlepñe are nângâm hengemgom amâ hanâk dâm bo akmap are dosa memap.

5

Luâk puli sikumgât egâlianmai yengât den.

¹ Bâin. Sikum luâk âmbâle ye umatñe akto hâk hilâlâm miawakyengiwiap aregât keiñe makyengire indem tâgâiakmâ manbei. ² Sikum unsambe yeñe are torokmâ metiep. Akto hâk pekeyeñe dukine nem

hârembo togep. ³ Akto tâwât dewunje puliyene are âmâ motmot akmâ yânje akbiap. Gârâmâ motmot arekne yenjaet keiyene mem miap panmâ hâkyene are kâlâp pat kom om nem kirin panyekbiap. Amâ yeje âmâ sop humo ewumâk aktoân sikum siâ me siâ mem emetyenân katbiâ humo aktâp aregât. ⁴ Akto luâk sikumdâ yeje honj bawayene yengât âi membiâ are heyengim bo oyanmâ getegâk puli yengiyi. Yengât umatje Anutuje hânân siâ siâ akto himbimân siâ siâ mandâi are damunye arekne nângâmbo bo ârândân akmap. ⁵ Akto nen songonenje kom ombaen dâm sot yengimaen dop hainâk luâk sikumdâ sot unsambe mem manmai benje siân Anutuje kâlâwân katyekbiap. ⁶ Akto yeje luâk agak meme âlepne memai are hiangim mem ge katbiâ ainâk luâk âlepne are yân kinmâ hâuje bo yengim bikne umatjân manmai dâm bikne umatjân manmâ moyi.

Yesu Humonenje purikatbiapgât lâmgom manbaen.

⁷ Galalupne, ye biwiyene Yesugâlân kali yengât hin makyengire nângânet. Wan me wan umatje miawak yengimbo ainâk hanâk dâm Yesu Humonenje lâuwâje togowiap aregât umatje yân lokone dâm lokom kinmâ âgâwei. Aregât den ginje makbe. Âi kalam amboje yâkne âmâ hânânba sot âlepne miawakbiap aregâlâk nângâmbiâ kambiamyene owâine akto siân tânâk gemboân sot âlepne miawakbiap dâm manmâ âgâmap. ⁸ Ye dop hainâk sop tâlâguâp aingât Yesu Humonenje lâuwâje togowiap aregât biwinenje bâliwop dâm hokboâk hokboâk biwiyene damunje akbei.

Galalupnenje hâkyene bo tunbaen.

⁹ Galalupne Anutuje hâknenje tunbop dâm galalupyene hâkyene bo tunbei. Akto Anutu luâk âmbâle hâkyene tunbiap yâkne gewerâm akto aregât galalupnenje bâleje akmai dâm bo makbei. ¹⁰ Akto ulikjân Anutuje makto propetelupne kulemgoyi areyengât den pat nângâm hengemgowe. Anutugât propetelupne luâk are luâk bikjande mojet dâm yengumbiâ hanâk dâm Anutugât den makmâ manmâ hâuje bo mem yânâk manmâ âgâyi, aregât ye hain

akbei. ¹¹ Nen âmâ hin dâmaen. Luâk siâne umatje hanâk lokom yânâk lokom manmâ âgâmap are âmâ herone marone akmap dâmaen. Aregât ye hain akbei. Amâ umatje lokom yânâk kinbei. Akto ulikjân Anutugât luâk kotje Hiobe yâk hâk hilâlâm kakjân manmâ kârikne akmâ malep are nângâmai. Akto haminjân Kembune wan agaŋdo âlepne agep are gai nângâmai. Amâ Kembu lumbe akto han kalem akmâ manmap.

Kembugât dewunjân makmâ âmâ hanâk hanâk bo makbaen.

¹² Galalupne, den umatje siâkâ makyengiwe. Ye hin akbei. Den makmâ katberâi are siân bo lokombiâ Anutuje den âiân katyekto bâliwâigât bo makmâ katbai. Hain akmâ himbimângât me hângât siâ siâ are bo konmâ makbe. Hain biwiyenjan den kinbiap areâk makbiâ ârândân akbiap.

Kundat akmâ ulit âlepneâk makmâ tatbaen.

¹³ Galalupne, yengâlân gâtne bikne hâk hilâlâm nângâm âmâ ainâk aregât Anutu ulilanbei. Akto yengâlân gâtne bikne herone akmâ ainâk Anutugât kep kom kotje mem agatbei. ¹⁴ Akto yengâlân gâtne siâ kundat kondo yem âmâ ainâk Yesugât kâmot are yengât humomolupyene yengondo nângâm yâkgâlân togom gamândianmâ tatmâ Yesu kotje konmâ lâwin keluje howaim âmâ Anutu ulilanbai. ¹⁵ Hain ulilanbiâ biwiyene Anutugâlânâk kârikneâk kindo âmâ Humone tângombo kundat are âlepne akto wan me wan bâleje miep are Anutuje dosa are pulianbiap. ¹⁶ Aregât bâleneyene maganji goanji akmâ miawakmâ galagât Anutu ulilanbei. Akto galalupyene yâkne hainâk akmâ Anutu ulilanbei. Ye hain akbiâ umatneyene bo akbiap. Akto Anutu ulilanmaen aregât siâkâ makbe. Luâk âmbâle bikne dosayene bo akyengiep arekne Anutu ulilanbiâ ainâk siâ siâ âlepne miawakbiap. ¹⁷ Akto ye Anutugât propete siâ kotje Elia yâkgât keine emelâk nângâi. Yâk âmâ ulikjân nen yeukne akmaen hainâk akminep gârâmâ kârikneâk tânâk bo togowiap dâm Anutu ulilanjo bo togom kindo hombanj âlâwu akto dewutâ

nâmbulân konok kindo sot hârok bo agep.
¹⁸ Sop ain bo akto Eliaņe Anutu ulilaņdo
tânâk gembo sot pâtkom sambeliep.

*Galanenņe siâ dâp mesokto mem
purikatbaen.*

¹⁹ Galalupņe yengâlân gâtņe siâ den
pat âlepņe are hamiaņmâ arimbo âmâ
ye dowâk arim magañmâ kewugumbiâ
lâuwâņe penâyengiwiap. ²⁰ Aregât hin
nâņgâwei. Yeņe Yesugât kâmolân gâtņe
siâ hepunyegep are magañbiâ bâleņeņe
makmâ miawakmâ hanņe purik kato
luâk aregât dosa dondâ bo akto manman
âlepņân manbiap.

1 Petoro

Petoroŋe kepia siân siân manmini yâk yengât akmâ kulemgoep.

¹ Galalupne, nâmâ Petoro, Yesu Kristogât hoŋ bawa akto Aposolo nâŋe kulem esenŋe ire Anutuŋe mem kepiâyegep yengât kulemgoân. Ye amâ hânân ire yogan mandâi, akto hânyenâet kotyene hin, Ponto, Galatia, Kapadokia, Asia akto Bitinia ain yogan tatmâ mandâi. ² Anutu Ewenenŋe nen bo miawagionân bak ekmâ nâŋgâepgât yendâp. Imâ nâŋgât kâmotlupne dâm magep. Makto miawaktenŋe Anutugât Heakŋande Yesu Kristo ire yengât akmâ mondo dosayene bo akto Yesu Kristogât lau lokom agak memeyene huraguâk dâm biwiyenân âi miep. Âi mem owâiŋe ketuguyenŋep yengât kulem ire kulemgoân. Anutuŋe han kalem akmâ damun yengum akto biwiyene sândugem âgâwiâp.

Manman kârikŋande lâm nengimap.

³ Nen Yesu Kristo Humonenŋe yâkgât Eweŋe akto Anutuŋe kotŋe mem agatne. Amâ hingât. Anutuŋe nengât okotŋe dondâ nâŋgâmap arekŋe Yesu Kristo momonânba mem agalep. Mem agatmâ amâ wâtŋe aknengim mem miawak nenekto nâŋgâ nâŋgânenŋe irakŋe miawagep. Are nâŋgâm herone akmâ lâmgom manbaen. ⁴ Akto Anutuŋe nen himbimân manmâ pagaleŋe membaengât ikinâet pat kat nenegep. Are irakŋe dondâ akto bo bâliwiap. Are Anutuŋe himbimân yengât kato talep are tatmâ âgâwiap. Anutuŋe kalep are bâliwiapgât dop bo tatâp. ⁵ Yeŋe hanyenânde Anutu nâŋgâm kepiânmai aregât Anutugât kârikŋenânde han biwiyene bâliwopgât manmâ maleine sop humoân miawakbiawân ain Anutuŋe bunewâk heŋemyenŋuwiap. ⁶ Yeŋe aregât nâŋgâm herone dondâ akmai. Dâ unak amâ umatŋe siâ siâ arekŋe miawakyeŋim agak memeyene dop yengumbo sop getek bo akbiap. ⁷ Are amâ yeŋe biwiyene Anutugâlân katbiâ talep aregât agak memeyene dop komap. Den ginŋe hin. Âi luâk goligât dop komberâm amâ kâlâwân

kato aregât keŋe miawakmap. Dop hainâk Anutuŋe nâŋgâmbo wan me wanŋe biwi kat katyene dop yenguiap. Akto biwi kat katyene arekŋe goli ewangiâp aregât biwi kat katyene dop komap are amâ biwi kat katyene kârikŋe ketuguwerâm aregât dop yengumap. Kârikŋe ketugumbo amâ hâmbâi Yesu Kristo togowiap sop ain amâ biwi kat katgât agak meme aregât kot humo membiap. ⁸ Dâ ulikŋân amâ Yesu Kristo amâ bo egi. Dâ amâ okot âlep aganmai. Akto hinŋe amâ boâk ektâi gârâmâ biwiyene yâkgâlân katbiâ talep aregât biwiyene owâimbo herone dondâ akmai. Herone ire siâŋe bo mem gewiap. Akto herone ire amâ wanân dop katmâ makbe? ⁹ Akto yeŋe biwiyene yâkgâlân katbiâ kilep arekŋe kârikŋe akto ain amâ Anutuŋe meyekmâ bunewâk heŋem yenguiap. Aregât lâmgom manmai herone are hârok ewangim meteâp.

Propeteŋe âi miawakbiapgât magi a bunŋe miawagep.

¹⁰ Galalupne, Anutuŋe bunewâk meyekmâ heŋem yenguep aregât lâuwâŋe makbe. Ulikŋân propetelupŋe Anutugât okot âlep iregât magi are unak yengâlân miawaktâp aregât keŋe propetelupŋande nâŋgâm heŋemgowerâm âi umatŋe meyi. ¹¹ Hain akbiâ Kristogât Heakŋande biwiyenân tatmâ Kristone hâmbâi hâk hilâlâm keŋe keŋe nâŋgâmbo bo akto kot humo membiapgât makyenŋimbo kulemgoyi. Anutugât propetelupŋe Anutuŋe huŋgun ando gewiap a sop amuten amâ togowiap aregât keŋe nâŋgâm heŋemgone dâm ulilâŋi. ¹² Aregât Yesugât keŋe unak yu yengâlân miawaktâp aregât yâk hekatyeŋimbo kulemgoyi amâ unak yu miawaktâp. Amâ yâk yengât bo, ye hinŋe mandâi yengât den are bunŋe akto Anutuŋe Heakŋe himbimânba huŋgun ando gem luâk bikŋe huŋgun yengimbo yengâlân togom Yesugât keŋe makyenŋiyi. Makyenŋimbiâ ye nâŋgâm meteyi. Akto anelo gai den ire nâŋgâwerâm egâlânmai.

Anutuŋe âlepŋe manmapgât nen âkai salek salek manbaen.

¹³ Hain gârâmâ ye nângâ nângâyene mem kârikne ketugum hengemgoyei. Yesu Kristone miawakmâ ambo akyenjiwiapgât lâmgombiâ biwi kambiamyene owâiwiapgât agak memeyene damunne akbei. Akto damunne akmâ kârikne akbei. ¹⁴ Akto nanan biknande ewelupyene yengât lauyene lokomai ye dop hainâk Anutugât lau lokowei. Akto hângeine yenjaet hâkyenjaet nângâmbiâ âgâminep aregât nângâ nângâ gulip aregât bo egâlianbei. ¹⁵⁻¹⁶ Anutugât denne hin dâmap, “Anutune hin dâp, Nâ âlepne tatmâ wan me wan hârok mendere huragumap aregât ye hainâk akbei.” hain dâep. Aregât Anutune emelâk yengonlep yâk âmâ âlepne dondâ gârâmâ yekâ hainâk manbei. ¹⁷ Akto yene Anutu konmâ Apo dâmai. Amâ yâkgât keine hin. Yâk âmâ kot nenjaet akmâ bo potat nenekmap. Bo. Yâkne âmâ agak meme konok akmaen aregât dopnennânâk potat nenekmap. Aregât ye hânân ire amâ amboje borâm manbiâ Anutune yekto bâliwopgât agat meme âlepneak akmâ mem hamewakmâ manbei. ¹⁸ Akto ye uliknân agak meme bunne bo aregât nângâmbiâ kârikne akminep are bâgilupyenande hekatyengimbiâ meyi. Amâ bo tânyennguminep. Dâ amâ Anutune emelâk puligoyegep. Yâk âmâ hângât siâ siâ puli siliwa me goli bo akmap arekne bo puligoyegep. ¹⁹ Bo. Yuda gâtne âmâ dosanenpe bo agâk gât lama kombiâ gilâmne geminep. Gârâmâ Anutune dosanenpe hârok pulinengiwerâm nanpe lama âlepne hainare kondo gilâmne gembo agak meme meyi arekne bunne bo agep ainba olonyegep. ²⁰ Akto Anutu yâkgât nanpe aregât keine hin bâlensiâ makbe. Anutune hân boâk liunlewân Kristone âi ire membiapgât bunewâk magep. Magep amâ emelâk sop humoân yengât akmâ miawagep. ²¹ Miawakmâ mando Anutune momonânba olondo agato kot humo wanep. Are nângâm Anutune kârikne ketugu nenekbiapgât dâp tatâp dâm biwiyene yâkgâlân katmai.

Pat âlep denjande mem hulanenegep.

²² Galalupne, ye den bunne are nângâm aregât kambiamyene biwiyene nângâ

nângâyene hengemgoyi. Are hengemgombiâ galalupyene okot âlep akyengimaigât dâp miawaktâp aregât galalupyene kambiam âlep dondâ akyenjiwei. ²³ Akto ye emelâk Anutune nan baratlupne dâm yengondo irakne lâuwâne miawagi. Anutugât den pat arekne amâ kârikne akmâ âgâwiapgât. Akto ye den ire nângâm âmâ irakne lâuwâne pâtkom miawaktâi. ²⁴ Amâ Anutugât denne hin dâmap,

“Luâk âmbâle hârok âmâ dakerâ akto bulune dop hainare akmai. Sopnân huragum kinmâ benpe pekmâ gemap. Umilin bulunande kunjun kârâmap akto bererek âgâm gemap. ²⁵ Dâ Humogât den âmâ dondâne kârikne tatmâ âgâwiap.”

Den are amâ hinne luâk biknande den pat âlepne mem togom makyengimbiâ nângâm irakne miawakbiâ biwi nângâ nângâyene hengemgoep.

2

Yesune amâ nengât hambo kârikne manman olop kindâp.

¹ Galalupne, den kulengoân are oyanmâ âmâ hin akbei. Agak meme bâlene hep-unmâ den bâlene are bo makbei. Akto galagât hogo hogo are bo akbei. Akto kândâlângen den bo maganjiwei. Akto nângâ nângâyênân siâ tato launepak den bo hogoanjiwei. Akto galagât kotne siâ siâ talaŋdo aregât nângâmbiâ bo bâliwiap aregât bo nângâm egâlianbei. ² Akto nanan guruknande namgâlâk dondâ akmai ye âkâ dop hainâk den âlepne Anutune makto kulemgoyi areak egâlianmâ nângâm âgâwei. Den arekne âmâ tânyenngum nângâ nângâyene hengemgombo humo akmâ Anutu olop âlepne tatmâ âgâwaigât. ³ Akto ye emelâk Anutugât herone akmâ okot nânganmâ ukenne dondâ nângâmai areak dewatim Anutugât den aregât ukenne hainâk nângâm manbei.

⁴ Kristo kunkun manmanpe are luâkne ekmâ sârekombiâ âmâ Anutune nânganjo agat agatne akto mem kepilâep aregât yene yâkgâlân togom kârigewei. ⁵ Hain akbiâ Anutune ye kât manmanpe hainare

meyekmâ mângiyekto Heakgât opmân akbai. Hain akmâ Anutugât sumbe kat kat kâmot akmâ hanyenande Anutugât sumbe bunje aganbiâ Anutuje Yesu Kristogât akmâ nângâmbo âlepne akbiap. ⁶ Aregât Anutugât den bikñande hin maktâp,

“Nâ Sion gimbânân ain kât siâ katân. Kât kunkun are emelâk ekmâ kepilâm âmâ nângâre humo dondâ akmap. Aregât luâk siâne han biwiñe yâkgâlân bigei-wiap âmâ âlepne bo hilip aguwiap.

⁷ Akto yeñe yâk nânğanmai âmâ siâ me siâ hârok nângâmbiâ gemap. Akto yâk nânğanbiâ humo akmap. Dâ bo nânğanmai âmâ yâk yengât keiyene âmâ Anutugât kulemne hin makmâ miawagep,

“Emet mângimainje kât kunkun are sârekne dâm pali. Arekne âmâ kât kunkun kârikne kindâp. ⁸ Akto kât kunkun ain keiyene erâwai. Akto kât ain kâwâwânj âgâwai.”

Den are bunje akto Anutugât den hâkân akmâ âmâ tâlim kâwâwânj âgâwai. Are âmâ Anutuñe hain nângâm heñgemgombo miawagepât.

Anutuñe potatnenekto nen Anutugât kâmot agion.

⁹ Galalupne, ye hain bo akmai. Anutuñe emelâk ikinje pat katyekto yâkgât luâk âmbâle akmâ tatmai. Ye âmâ kembu akmâ sumbe kat kat luâk hain are akmai. Ye âmâ luâk âmbâle kâmot âlepne akbiâ Anutuñe yekto huragumap. Akto Anutuñe emelâk yengondo hândâk hepunmâ âmâ pagalenjân mandâi aregât kotne mem agatmâ agak meme âlepne akyengimap are makñetgât olonyegep. ¹⁰ Akto hângeine ye âmâ luâk âmbâle yânne mali. Dâ hinne âmâ Anutugât luâk âmbâle bunje akmâ mandâi. Akto ulikñân âmâ Anutugât okot âlep are âmâ bo nângâmini. Dâ hinne âmâ okot âlep akyengimbo nângâm meteâi.

Egâlianj bâleñe hâkokom manbaen.

¹¹ Galalupne, ye âmâ kepia siângen gâtne akto hânân ire âmâ yogan manmai aregât hin makyengiwe. Ye âmâ egâlianj bâleñe are hârok mem hami panbei. Egâlianj bâleñe are âmâ nengât gasa arekne nengât biwinenñe hilipkomap aregât mem hami panbei. ¹² Akto ye âmâ luâk âmbâle Anutu

bo nânğanmai are yengât hutyenân manmai. Aregât yâkne hinne yengât den bâleñe makbai âmâ are bo nângâm agak meme âlepne membiâ yekmâ sop humoân Anutuñe menenekberâm miawakbiap sop ain âmâ kotne mem agatbai.

Humomolupnenñe yengât lau lokom heñgemgowaen.

¹³ Galalupne, ye gain gain akbai aregât hin makbe. Ye Humogât lau lokomai aregât hainâk luâk nengât kembu akto kotdâlupnenñe yâk yengât lau lokowei. Akto luâk kembu humo yâk âmâ luâk kembu bikñe damunyene akmap yâkgât amukyenân manbei. ¹⁴ Akto yâkgât hoñ bawalupne amâ nengât humomolupnenñande luâk bâleñe akbiâ are yengât hâuñe kutigit yengimai akto luâk âlepne akmai are yengât kotyene mem agatmai are âmâ luâk kembu konok arekne huñgun yengimbo togom damunnenñe akmai. Aregât yâk yengât amukyenân manbei. ¹⁵ Aregât hin nângâwei. Anutuñe yeñe hain akñetgât egâlianjmap. Ye agak meme âlepne akbiâ luâk nângâ nângâyene gulip yâkne yekmâ yengât makmai denyene are gewiap. ¹⁶ Akto yengât damunyene âmâ Anutu konok yâkne ye owâineâk manbei dâm makto biwiyene owâimbo manmai. Dâ aregât nângâm hin bo dâwei, “Mandenñe huragumap aregât hanâk hanâk bâleñe mem mandenñe ârândân akbiap.” hain bo dâwei. Bo. Ye âmâ Anutugât âi luâk tatbei. Aregât Anutu hoñ bawa aganbei. ¹⁷ Ye luâk hârok yengât kambiamyene bâliwopgât yaiwâk akyengiwei. Akto Yesugât kâmot are okot âlep akyengiwei. Akto Anutugât hamep akbai. Akto luâk kembunenñe yâkgât laune lokowei.

Hoñ bawa yengât den.

¹⁸ Akto ire âmâ hoñ bawa yengât hin maktere nângâñet. Ye hanâk damunlupyene are yengât hamep akmâ amukyenân tatbei. Damun âlepne yengâlâk bo me yeukne akyengimai are yengâlâk bo. Metne hârok gai lauyene lokowei. ¹⁹ Yeñe Anutugât nângâm manbiâ yâkne hâk hilâlâm keine bâlâk akyengimbiâ hâk hilâlâm are hanâk lokowei. Are âmâ

âlepne Anutuŋe agak meme hainare akmai are yengât egâlianmap. Aregât humomolupyene âlepne me bâlene are yengât lau hanâk lokowei. ²⁰ Akto humomolupyene âi yengimbiâ lau bo lokom bâlene akbai âmâ orem miwindikyekbiâ âmâ niŋande nâŋgâmbô ârândân akbiap? Amâ bo. Dâ âi âlepne akyengimbiâ dosa boân kuk akyengimbiâ bo nâŋgâm bâlim âgâm manbiâ âmâ Anutuŋe nâŋgâmbô ârândân akbiâp. ²¹ Agak meme hainare akŋet dâm Anutuŋe ye oloŋyegep. Aregât keiŋe hin. Kristoŋe yengât hâk hilâlâm nâŋgâep. Yeŋe hainâk akmâ watbei dâm agak meme iŋandeân are hekatyengim âmâ hâk hilâlâm kakŋân malep. ²² Hain manmâ bâlene siâ bo agep. Akto den bâlene bo magep. ²³ Akto luâk âmbâle bikŋande den bâlene akto den hembalik maganbiâ aregât hâuŋe siâ bo makyengiep. Akto hâk hilâlâm aganbiâ âmâ aregât kuk me den hâuŋe siâ bo makyengiep. Bo. Humoŋe den potatmâ makmap yâkgâlâk nâŋganep. ²⁴ Nen dosagât agak meme are hârok hepunmâ agak meme âlepne akbaengât Yesuŋe iŋe hâkŋe arekŋe nengât dosa are lokom lâwinân âgâmbô dosa nenŋe bo agep. Akto yâkgât diwi pandane humo arekŋe hengem yenguep. ²⁵ Akto ye amâ ulikŋân âmâ lamaan akmini. Dop hain akmâ dâp hepuli. Dâ hinŋe purik katmâ damunyeŋe aregâlân dewatimbiâ biwi nâŋgâ nâŋgayeŋe damunŋe akyengimap.

3

Âmbâle yengât den.

¹ Hinŋe amâ âmbâle luâkdâ yengât hin makyengire nâŋgâŋet. Ye hanâk luâklupyene yengât amukyeŋân manbei. Akto luâk bikŋe Anutugât den bo lokomai gârâmâ âmbâilupyene yekbiâ den undup bo akmâ âmâ yân ârândân ² manmâ hamep akmâ yaiwâk akyengim manbiâ Yesugât kâmolân dewatiwai. ³ Tâulupne, kulemyene amâ wan me wan buluŋe me sâŋgum kulemŋe donet bata butu goliŋe ketugumai are me sâŋgum âlepne are luguakbiâ kulemyene bo miawakmap. Borondâ. ⁴ Kulemyene amâ dop hin. Biwiyene hengemgowe. Akto okot âlepne me lumbe

are akbei. Are âmâ Anutuŋe ekto dondâ huragumap. Huragumbo kulemyene miawakmâ yem âgâwiâp. ⁵ Aregât hin makbe. Ulikŋân Anutugât nâŋgâm tali arekŋe biwi nâŋgâ nâŋgayeŋaet kulem aganmini âmbâle arekŋe luâklupyene yâk yengât amukyeŋân tatbiâ hâkyene âlepne hainare miawakminep. ⁶ Are yengâlân gâtŋe Sara arekŋe agak meme hainare agep. Hain akmâ Abrahamgât den lokoanminep. Akto luâk humo dâm konminep. Dâ yeŋe agak meme hainare akmâ âmâ wan me wangât hamep bo akbai amâ Saragât kâmolân gâtŋe hainare akbai.

Luâk yengât den.

⁷ Galalupne, luâk âmbendâ ye hainâk âmbenlupyene nâŋgayeŋimbiâ âlepneâk akbiâp. Akto âmbâle yengât hâkyene amâ kârikŋe bo, gârâmâ hengem yengue. Akto Anutuŋe ye me âmbenlupyene dop konok manbiâ manman âlepne yengiwâp, aregât Anutu ulilanŋe den bâliwop dâm âmbenlupyene yaiyengue.

Gala konok akmâ manbaen.

⁸ Bâin. Hinŋe âmâ ye hârok yengât hin makmâ metewerân. Ye hârok nâŋgâ nâŋgâ konok tatbei. Ye galalupyene yâk yengât nâŋgâmbiâ âgâmbô âmâ yeŋaet nâŋgâmbiâ gewiâp. Akto gala konok akmâ mangan akmâk manbei. ⁹ Akto luâk âmbâle bikŋande nâŋgâm bâliyengimbiâ me den bâlene peiyekbiâ âmâ hâuŋe bo akyengim âmâ Anutuŋe tân yengum hengem yengûâkgât ulilanbei. Are amâ Anutuŋe ye hain akŋet dâm yengondo âlepneâk mem manbiâ Anutuŋe tân yengum hengemyenguiap. ¹⁰ Luâk siâŋe manmangât egâlianmap me sop âlep are penianberâm nâŋgâmap âmâ yâkŋe lau biwiŋe damun akto bâlene bo membiâp. Akto lau biwitŋe tigimbo hianŋi dengât bo akbiâp. ¹¹ Akto bâlene hârok hamianmâ siâ me siâ âlepne akbiâp. Akto lumbe akmâ aregât âiŋe kaut orem membiâp. ¹² Haingât Kembuŋe luâk âmbâle ârândân manmai yâk yengâlân dewunŋe katmâ âmâ indem tâgâiakmaiân ainâk ondopŋe katmap. Dâ bâlene meme luâk âmbâle amâ Kembuŋe yekmâ hâkŋeŋe dâmap.

Umatne siâ siâ miawaknengiwiaep aregât den.

13 Akto ye siâ me siâ âlepnaet han owâim katmâ manbiâ âmâ niñande bâlene akyenngiwiaep? 14 Dâ yeñe agak meme ârândân akbiâ âmâ bikñande hâk hilâlâm yengimbiâ are Anutuñe yekmâ damunyeñe akmâ okot âlep nângâyengiwiaep. Gârâmâ luâk bikñande bâlene akyengimai are yengât hamep bo akbei. Akto aregât kambiamyeñe bo bâliwiâp. 15 Bo. Biwiyenân amâ Kristo konok Humonenñe dâm nângâwei. Aregât luâk âmbâle bikñande yekmâ hanyenande wan me wan nângâm mem manbiâ biwiyene sândugemap aregât keñe aiyengumbiâ âmâ owâineâk keñe makmâ miawakbei. 16 Dâ Anutuñe nenekto huraguâkgât den yeukñân makyenngiwei. Den hâñe makyenngiwierâm âmâ biwiyene salek salek agâkgât agak memeyeñe damunñe akbei. Damunñe akmâ ye den âlepñe makbiâ âmâ bikñande gain gain akmâ heyenngienñe geñet dâm hâkyene tunmâ sârikyengumbiâ âmâ ye Kristogât akmâ agak meme âlepñe memai arekñe yâk yengât hiangiyenjaet keñe mem miawakto anun anjim hepunyekbai. 17 Nenñe agak meme âlepñe aktenñe Anutuñe makto umatne bâlene miawak nengimbo hâk hilâlâm nângâm âmâ hanâk dâm âi mendenñe Anutuñe ekto ârândân akmap. Dâ bâlene aktenñe umatne miawaknyengimbo âmâ bo ârândân akmap. 18 Akto Kristone gai umatñân malep. Yâk âlepñân malep yâkñe luâk bâlene nengât agep, amâ Anutuñe nenekto ârândân akto menenekbiapgât nângâmbo kombiâ moep. Dâ lâuwâne mombiapgât dop bo tatâp. Akto nengât hâk miep are âmâ kombiâ moep. Dâ biwiñe me otneñe are âmâ bo moep. Anutuñe Heakñe biwiñe tângoep. 19 Aregât kârikñân arim ulikñân luâk âmbâle tuñe kawutyekto mom meteyi are yengât otneñe kala busi kâlegen tali are Yesugât otneñande makyenngiep. 20 Akto luâk âmbâle ire hângeñe Noagât sowân Anutuñe den koyi. Dâ amâ Anutuñe aregât hâñe dowâk bo yengimbo mali. Bo. Yânâk lâmyennguep. Lâmyengum tato Noane wanğa ketugum metembo bân

dâmbo tânâk humo giep. Tânâk humo gem âmâ luâk âmbâle kawutyegep. Dâ luâk âmbâle bân biken âlâwu areâk wanğan âgâyi. Akto wanğa kâlegen tali are âmâ tuñe gâunyengiep. 21 Akto tu arekñe Noama hikâyekto âlepñe agi dop hainâk ye biwiyene Yesugâlân katbiâ tato tu puli yengiyi aregât ye âlepñe aktâi. Akto tu puli yengiyi are âmâ hâk yeñeâk gagap puliâkgât bo puli yegi. Amâ Yesu Kristo momonânba agato dosanenñe bo akto biwinenñe irakñe agep dâm nângâmbiâ Anutuñe dewunñân ârândân akmapgât tu puli yegi. 22 Akto Yesu Kristo momonânba agalep are amâ emelâk himbimân âgâep. Âgâm Anutuñe bân bungen tatmâ anjelo hârok yengât kot keñe keñe akto kârikñe hârok tatyengimap are hârok yâkgât amukñân mandâi.

4

Yesune hâk hilâlâm nângâepgât bâlene hâkokowaen.

1 Galalupne, Kristone emelâk nengât akmâ hâk hilâlâm nângâep. Aregât nângâm nenâkâ hainâk hâk hilâlâm nângâm manbaen. Amâ hâk hilâlâm nângâm mandenñe dosagât agak meme arekñe bo menenekmap. 2 Hain akmâ hinñe âmâ hânân manmâ Anutuñe wan egâlianmap are konok nângâm hâkgât are âmâ bo egâlianbei. 3 Akto hângeñe âmâ Yesugât keñe bo nângâminiân amâ galalupyene bâlene akmini. Bâlene âmâ luâkñe âmbâle hanâk mem hepunmâ dâp gulip manmini. Akto wan me wan hanâk egâlianmini. Akto tu kârikñe nem bâlene hanâk akmini. Akto Anutuñe den kom bâleñaet hoñ aganmâ tukup lâpio aregât ukenne nângâmini. Dâ aregât sop emelâk bo aktâp dâm hepuli. 4 Akto unak âmâ agak meme bâlene are luâk âmbâle bâlene memai are olop bo akmâ hepunyekbei. Hepunyekbiâ yâkñe, “Ulikñân nen olop bâlene agion. Dâ hinñe wangât hepun nenektâi?” dâm nângâmbiâ bâlimbo yâkñe yengât den bâlene makyengimai. 5 Aregât hâmbâi Humonenñe yâkgâlân luâk emelâk moyi me golâ taten me hâmbâi manbai nengât agak memenenñe potatberâm aktâp yâkgâlân siâkâ ikinjaet ikinjaet keineneñe maktenñe

hâunje aknengiwiap. ⁶ Momoŋe yengât keiŋe hin makbe. Luâk âmbâleŋe âmâ hâkdâk manmini ain hâkgât hâugât âi memai. Dâ Anutuŋe amâ otneyeŋe ekmâ nâŋgâ yengimbo manmai aregât hinŋe moyi are bikŋande den pat âlepŋe makyengimbiâ nâŋgâyi.

Sop ewumâk aktâpŋât gala tân aguwaen.

⁷ Galalupne, kotŋe siâ siâ bo akbi-
apŋât sop tâlâguâp. Hain gârâmâ ye han
biwiyenŋe damunŋe akmâ hengemgom
manmâ hokboâk hokboâk ulilanŋbei. ⁸ Hain
akmâ âmâ yeŋe luâk âmbâle okot âlep are
nâŋgâm bâliyenŋimbiâ âmâ dosayeŋe hep-
unyengimai aregât ye gala tân agum okot
âlep aganŋim manmâ âgâwei. ⁹ Akto areâk
bo. Ye hanâk galalupyenŋe togo ye olop tat-
bai are damunyeŋe akmâ hengemyenŋuwei.
Gala tân yenŋuwerâm âmâ biwiyenân
hengân bo nâŋgâwei. ¹⁰ Galalupne, ye
Anutuŋe emelâk konok konok memene
akyenŋiep aregât gala tân yenŋuwerâm
âi âlepŋe membei. Hain akbiâ âmâ
Anutuŋe aregât wan me wan unduwâk
akyenŋimbo yeŋe hainâk luâk âmbâle dop
yenân potatmâ yenŋiwei. ¹¹ Aregât lâuwâŋe
makbe. Anutuŋe dengât kârikŋe luâk siâ
wanŋo âmâ âlepŋe Anutugât den aregât
hanokoagân makyenŋiwiap. Dâ Anutuŋe
tânyenŋuâkgât meme aganŋo âmâ âlepŋe
Anutuŋe kârikŋe aganŋap aregât wâtŋân
kinmâ âi mem tân yenŋuwiap. Nen hârok
âlepŋe aktenŋe luâk âmbâle bikŋande
nenekmâ Yesu Kristogât akmâ Anutugât
kotŋe mem agatbai. Akto Anutugât kot
humo akto kârikŋe dondâ akto pagalenŋe
humo hokboâk talaŋmâ âgâmap. A bundâk.

Yesu olop kinmâ umatŋe lokowaen.

¹² Galalupne, hinŋe yengâlân dâp siâ
togowiap amâ yengât nâŋgâ nâŋgâ yeŋe
dop yenŋuwerâm hâk hilâlâm umatŋe siâ
yengâlân togombo biwiyenŋe bo hionŋbiap.
Akto yeŋe hin bo nâŋgâwei. Imâ siâŋaet
pup pup ektenŋe ârândânŋ bo aktâp. Hain
bo nâŋgâm sân sân membei. ¹³ Bo. Dâp
are âmâ hâk hilâlâm Kristoŋe lokeop are
hainâk lokom heronŋe nâŋgâm manbai.
Hain akmâ âmâ miawakmâ pagalenân

kinbiawân nen hârok damun nenŋe akbi-
apdâm heronŋe humo akbei. ¹⁴ Akto yeŋe
Kristogât kotŋe mem agatbiâ aregât dâm
den bâleŋe peiyekbiâ âmâ ye Anutugât
Heakŋe pagalenŋaet tirip towat yengâlân
yem manbiap aregât nâŋgâmbiâ ârândânŋ
akto heronŋe akbei. ¹⁵ Hain akmâ Yesugât
akmâ hâk hilâlâm nâŋgâwei. Dâ bâleŋe
siâ siâ mem manbiâ hâk hilâlâm mi-
awakyenŋiwopŋât are bo akbei. Amâ hin.
Siâ konbiâ mombiap me kâmbu akbai me
agak meme bâleŋe akbai me siâgât wan me
wan mendenŋe âlepŋe agâk dâm hilipkom
akbai amâ bo ârândânŋ akbiap. ¹⁶ Dâ ye Kris-
togât kâmot akmâ manbiâ aregât bâleŋe
akyenŋimbiâ aregât hâk hilâlâm nâŋgâmbiâ
biwiyenŋe yeukŋe bo akto âmâ bo anŋun
anŋiwei. Bo. Ye âmâ kotyeŋe Kristogât
kâmot aregât Anutugât kotŋe mem agatbei.
¹⁷ Akto hinŋe Anutuŋe ikiŋe kâmotlupŋe
nen soŋ den âiân katnenekmâ mandâp.
Akto sop emelâk miawakto hâk hilâlâm
nâŋgâm manden. Aregât luâk âmbâle bikŋe
yâkgât den pat âlepŋe lâmgomai are amâ
gain gain Anutuŋe den âiân kat yekto
yâkŋe âmâ hâk hilâlâm dondâ nâŋgâm
âgâwai? ¹⁸ Aregât luâk âmbâle bikŋe
âmâ Anutuŋe menenegâk dâm manmâ
âmâ hâk hilâlâm olop manmai âi humo
membiâ ârândânŋ akmap. Aregât luâk
âmbâle bikŋande âmâ Anutu hamianŋmâ
agak meme bâleŋe akbiâ Anutuŋe hâunŋe
bâleŋe akyenŋimbo âmâ gain gain akbai?
¹⁹ Hain gârâmâ benŋe Anutuŋe makto hâk
hilâlâm kakŋân manmaen nen hin akne.
Anutuŋe nen liunnenegep akto hokboâk
hokboâk damun nenŋe akmap aregâlâk
nâŋgâm âi âlepŋeâk mem manmâ âgâwaen.
Hâk hilâlâm aregât hamep bo akbaen.

5

Dâtŋe meme yengât den.

¹ Galalupne, hinŋe damunlupyenŋe
yengât hin makbe. Nâ gai âmâ yâk olop
Yesugât kâmot damunyeŋe akmaen. Dâ
nune Yesu Kristo hâk hilâlâm nâŋgâm
moep are ekmâ malân. Aregât sowân
Anutuŋe miawakmâ meme akyenŋimbo
pagalenân manmâ âgâwai amâ nâ hainâk
yengât akmâ hutyenân tatmâ pagalenân

manmâ âgâwian. Nâ hain akbiangât hin makyenjiwe. ² Anutuñe ikinje kâmot potatyegepgât damunyañe akñetdâm âi yenjep aregât ye damungât âi meñet. Ye amâ hanâk dowâk Anutugât luâk âmbâle damunyañe akmâ hen gem yenguwei. Dâ imâ luâkñeak âi ire meñet dâm kârikñe me hâkâñ akmâ yân akbai amâ bo. Dâ âi ire puli memberâm aregâlâk bo membei. Bo. Anutuñe ye âigât owâinân meñet dâmbo are biwiyenân nângâm kârikñeak membei. ³ Akto ye amâ luâk kembu akmâ Anutu ikinje kâmot damunyañe akbaigât bo makyenjiep. Gârâmâ luâk âmbâle bo mem ge katyekbei. Bo. Hin akbei. Ye, “Nen wan akmaen are ye hain akmâ wat nenekbei.” dâm agak meme âlepñeak dewunyañan mem manbei. ⁴ Hain akmâ kâmotlupyene damunyañe akmai aregât damun nenñe Humo konok are miawakbiap sop ain amâ hâuñe pagalenje olowâk bo bâlimap are yengimbo mem manmâ âgâwai.

⁵ Galalupne, luâk sigan yekâ luâk damunlupyene yengât amuk yenân manbei. Dâ yeñe hârok yenjaet nângâmbiâ gewiâp. Dâ galalupyenjaet nângâmbiâ âgâwiâp. Aregât Anutuñe hin makto siâñe kulemgoep, “Luâk âmbâle bikñande kotyene mem agatmâ yenjaet nângâmbiâ âgâwiap amâ Anutuñe mem ge katyekbiap. Dâ bikñande yenjaet nângâmbiâ gemap amâ Anutuñe okot âlep akyengim damunyañe akmap.” hain kulemgoep. ⁶ Aregât hâmbâi Anutuñe ikinje sowân amâ mem agat nenekbiapgât Anutu ikinjaet amukñan tatmâ manbei. ⁷ Akto ikinjak okot âlep akyengim damunyañe akmap aregât umatyene are hârok magañbiâ mendo biwiyene sândugewiâp.

Biwinenñe damunñe akbaen.

⁸ Akto ye han biwiyene damunñe akbei. Akto gasanenñe Niambi are amâ dop hin akmap. Songo metñe kotñe laion mopñe agumbo amâ luâk âmbâle neyekberâm are yengât kulâgâtmâ kamborñmâ munñe humo akmâ bam gutmap. Dop hainâk Niambi menenekberâm manmap aregât ⁹ ye Yesu hanyenñande nângañmâ bigeim kârikñe manbei. Akto bo hanoko akbei. Akto galalupyene hân hârok tatâi yâk gai

hâk hilâlâm hainâk nângâmai are nângâm hen gemgom amâ biwiyene Anutugâlân katbiâ talâk. Aregât Niambi hâkokom panbei. ¹⁰ Akto ye hain akbiâ amâ Anutuñe damun akmâ bo hâkâñ nenekmap arekñe Kristogât akmâ yâkgât pagalenje meñetgât yengonlep. Arekñe hâmbâi ye hâk hilâlâm sop tâlâwâgân manmâ gambiâ ainâk meyekto âlepñe kârikñe lâuwâñe akbiâ hâk sândugembo manbaigât tân yenguwiap. ¹¹ Aregât yâkgâlân kârikñe dondâñe tato damunñe akmap. Akto tatmâ âgâwiap. A bundâk.

Den bâñe.

¹² Galalupne, imâ den bâñe. Silane tânnugumbo kulem esenñe ire kulemgom tânyenguân. Anutuñe bundâk damun nenñe akmâ bo hâkâñ akmap aregât kulem esenñe pân konok kulemgoân. Ye aregât kulem ire oyanmâ kârikñe kinbei. ¹³ Akto Yesugât kâmot iren kepia Babilon konmaen ain tatmai amâ emelâk Anutuñe ye olop yengonlep yâkñe yengât okot nângâ yengiâi. Akto galane Marekñe gai yengât nângâm maktâp. ¹⁴ Akto ye hârok nengât akmâ galalupyene yengât okot âlep akmâ bâtyene koangim manjan anjiwei. Akto Kristogât kâmot yengât ulilanñere biwiyene sândugeâk.

2 Petoro

Petoroŋe kepia siân siân manmâ ariyi yâk yengât akmâ kulengoep.

¹ Galalupne, nâ Petoro kotne siâ Simon. Nâmâ Yesu Kristogât Aposolo akto hoŋ bawa luâk manman. Nâŋe kulem ire yengât katere oyaŋmâ nâŋgâm heŋgemgowe. Yesu Kristo Anutunenŋe damunnenŋe akmap akto heŋgem nengumap arekŋe nâŋgâ nâŋgâ kepilâ kepilâ egâlianŋe olowâk are nengiep biwinenŋe yâkgâlân katmâ hannenŋande nâŋganŋion hain âgâk yengiep.

² Galalupne, yeŋe Anutu akto Yesu Humonenŋe nâŋgâ yetkimbiâ damunyeŋe akmâ okot âlep nâŋgâyeŋgimbela biwiyeŋe sândugeâk aregât han kalem amâ yengâlân yem âgâwiâp. Hain.

Anutuŋe ikiŋaet pat katnenegep.

³ Galalupne, nen wan me wan mem mandenŋe Anutuŋe ekto huraguwiapgât amâ emelâk Anutu kârikŋe arekŋe nengiep. Wan me wan manmangât umburuk akbâengât Anutuŋe ikiŋe pagalenâet dâp hekat nengimbo ekmâ nâŋgâenŋe manman âlepŋaet dâp miawaknengiep. ⁴ Hain akmâ Anutuŋe nâŋgât kâmot hilip aguwâi dâm den pat humo agat agatŋe makmâ hâriep. Hârembo den pat âlepŋe arekŋe tân nengumbo Anutu Humonenŋe olowâk manman âlepŋân manbaengât nâŋgâm heŋgemgoenŋe are bunŋe miawaktâp. Miawakto amâ hânân bâleŋe hilip agu agugât egâlianŋ gogâleanŋ arekŋe ye bo hilip yeŋguwiapgât akto Anutugât manman âlepŋaet pat akbaigât makmâ den dâtâŋe katnengiep. ⁵ Aregât ye biwi kat katgât pat are olop mandâigât kârikŋe akmâ manbaigât dâp miawakyenŋiâp. Are kârikŋe agâkgât nâŋgâ nâŋgâyeŋe totokom wârakbei. ⁶ Akto nâŋgâ nâŋgâyeŋe aregât meteyenŋân katbiâ bunŋe biwiyeŋân miawakbiapgât biwiyeŋe damunŋe akmâ kârikŋe kin kingât totokom wârakbei. Akto biwiyeŋe damunŋe akmâ kârikŋe kin kingât agak meme mem kinmâ umatŋe lokoweigât totokom wârakbei.

Akto hain akmâ kinbaigât Anutuŋe yekto huraguwiapgât pat are totokom wârakbei. ⁷ Aregât haminŋân kârikŋe akbiâ amâ âlepŋe gala agâkgât totokom wârakbei. Akto haminŋân gala okot âlep aganŋim manbai. ⁸ Siâ siâ hârok yem miawakmâ amâ humo akmâ manmâ âgâwiap amâ âlepŋe Yesu Kristo Humo nâŋganŋiâ bunŋe akbiap. Akto manman âlepŋe aregât wan me wan bâlâk manbâigât tânyenŋuwiâp. ⁹ Dâ bikŋande wan me wan yu kulengoân are bâlâk manmâ amâ biwiyeŋe gulip akto hângeiŋe dâp bâleŋân mali dewunyeŋe bokbokŋe dop hainâk akto Anutuŋe dosayeŋe puliep a nelâm yenŋiâp.

¹⁰ Galama, ye amâ emelâk Anutuŋe ulikŋân, “Nâŋgât pat akbei.” dâm kepilâyegep. Akto haminŋân yenŋonlep. Are kârikŋe agâk dâm mem gange dâwei. Ye hain akmâ amâ biwiyeŋe bo gewiâp. ¹¹ Hain manmâ Humonenŋe Yesu Kristoŋe heŋgem nenguep yâkŋe hâmbâi bunewâk hârok damunyeŋe akbiâp are miawagâkgât Anutuŋe maŋganyekto heronŋe humo kakŋân manmâ âgâwai.

Petoroŋe mombiapgât sopŋe nâŋgâep.

¹² Galalupne, Yesugât keiŋe emelâk makyenŋiyion are nâŋgâm kârikŋe akmâ heŋgemgoyi are nâŋgân. Dâ hanâk nelâm yenŋiwopgât lâuwâŋe dewatim makyenŋiwe. ¹³ Akto hâkne ire mem manman amâ den ire makyenŋim goanŋyektare ârândânŋ akbiap. ¹⁴ Aregât amâ Humonenŋe Yesu Kristo hâkne tâmbâŋe ire hepunbian gât makniŋepgât ewumâk aktâp ¹⁵ aregât akmâ amâ nâ mondere nâŋgâ nâŋgâyeŋe hulanŋ agâkgât yu kulengoân ire hokboâk hokboâk oyaŋmâ nâŋgâm manmâ âgâwai.

Petoroma Yesu pagaleŋe akto egigât magep.

¹⁶ Nenŋe nenŋaet nâŋgâ nâŋgâ humo watmâ bo makyenŋimaen. Akto luâk bikŋande den yânŋe nâŋgâm heŋgemgombiâ yekbiâ humo akmap den are hainâk bo makyenŋimaen. Bo. Humonenŋe Yesu Kristo Kârikŋe Ambonŋe yâk miawakbiapgât pat makyenŋiyion. Amâ dewunnenŋande nâŋgâk egion. ¹⁷ Dewunnenŋande nâŋgâk ektenŋe Anutu Ewenŋande ikiŋe

pagalenje kulem egâlian âlepne olop wanmâ himbim pagalenânba hin magep, "Imâ nanne âlepne ekmâ egâlianman." dâmba yâkgât keiñe humo nângâm heñgemgoyion. ¹⁸ Amâ nen Yesu olowâk borânân mandenje den are himbimânba gembo nângâyion. Akto borâne are amâ kâmbokñe are nângâmaen. Aregât nenñe Kristogât pat are bo hiangimaen. Bo. Dewun nenñande are egiongât are makyenngimaen.

¹⁹ Akto areâk bo. Anutune makto propetelupñande kulemgoyi den are bunñe wan egion are tângombo bunñe dondâ akmap areâk nângâwei. Arekñe kemdâ pagalenje hainare akmâ hândâknân dâp hekatyenngimbo pagalenje âlepne biwiyenân emet haunbiap akto hanyenân diâ kâmñe humo gawiap. Den are pañâk mem biwiyenân katbei. ²⁰ Akto ulik gulik siâ hin nângâm heñgemgoyi. Anutune makto propeteñe kulemgoyi aregât keiñe yâk yene nângâ nângâyenân bo kulemgoyi. ²¹ Amâ Anutugât den are luâk bikñande yene nângâ nângâyene watmâ bo makmini. Bo. Luâk amâ Anutugât Heakñe biwiyene mem owâiñe ketugumbo Anutugâlânba den ire makmâ kulemgom mali.

2

Propete hiangi yengât keiñe.

¹ Galalupne, imâ hiangi luâk areyengât keiyene makbe. Ulikñân Israe yengâlân propete hiangi miawakmâ hutyenân mali. Akto yengâlân gai hainâk hiangi luâk miawakmâ den bunñe bo are makyenngiwêrâm manbai. Yâkñe hilipko hilipkogât den mem miawakbiâ yengâlân galagât gasa miawakbiap. Akto Humone dosanenñe miap aregât hâkân akmâ hâkñe tunbai. Hain akbiâ hilip agu agu are sân sânak miawakwenngiwiap. ² Luâk arekñe bâlenjaet âiñe membiâ luâk âmbâle dondâne are yekmâ hainâk akbai. Bâleñe hainâk membiâ amâ bikñande yekmâ den bunñe aregât dâp nângâmbiâ gewiap. ³ Akto luâk den makyenngiwêrâm togowai arekñe puli siâ siâ aregâlâk ukennje nângâwai. Aregât heyenngim amâ siâ siâ yenaet ukennje humo akmâ ai bâleñe mem amâ yengât wan me wan kâmbu membai. Luâk hainare

amâ Anutune dowâk den âiân katyekto bâliwai. Akto hilip yenguwiapgât makmâ kalep are amâ pâlâmñe bo akbiap. Bo. Amâ lâmyengum tatâp.

⁴ Akto aregât keiñe hin. Anutune anelo bâleñe akbiâ bo yayiennguep. Bo. Are amâ hemem kâlâwân hikom menduguyekmâ hândâk kâlegen panyekto geyi. Aregen hâuñe yenaet sop miawakbiapgât lâmgom tatmai. ⁵ Akto hângeiñe hainâk Anutune luâk âmbâle me wan me wan bo yayiennguep. Bo. Anutune makto tu ugurupñe kawutyegep. Akto Noa amâ manman âlepnaet pat makyenngiminep are akto yâkgât kâmot bât biken lâuwâ yâk yayienngumbo golâ mali. Dâ bâleñe mem mali are amâ tu ugurupñe kawutyegep. Aregât hin nângâen. Anutu ikiñe kâmot umatñân manmaen nen tân nengumap. Dâ luâk âmbâle bo nângâ anmai are amâ hâk hilâlâmân kat yekbiapgât nângâ yengimbo mandâi. ⁶ Akto hainâk Sodom akto Gomora kepia hainâk bâliep. Amâ luâk âmbâle bâleñe akmai me hâmbâi akmâ âgâwai are hârok hainâk oyekbiapgât nângânetgât oyegep. ⁷⁻⁸ Akto sop ain Loti amâ Sodom kepia are ambolupñe are yengât hutyenân malep. Ain manmâ amâ hanñe ârândân akmâ manminepgât bâleñe higenñe hokboâk hokboâk akmini are ekmâ nângâambo gembo hâkân agep. Ain mando Anutune kâlâp pando amâ Loti are siâ me siâ âlepñe akminep are kepia ainba are oloñdo arimbo bâleñe agi are amâ kâlâpñe om meteyegep. ⁹ Aregât hin nângânet. Anutune luâk âmbâle agak meme âlepñe akbiâ ekto ârândân akmap are amâ umatñân manbiâ tân yenguwiapgât bo pâpkomap. Dâ luâk âmbâle bâleñe akmai are amâ hâuñe sowân hâk hilâlâm makmâ yengiwipngât kala busi kâlegen katyekto hâk hilâlâm nângâm tatbaigât hainâk bo pâpkomap. ¹⁰ Akto luâk âmbâle bâleñe akberâm kambiamyene agato egâlianmâ bâleñe akmâ kembu akto humomolupyenaet nângâmbiâ gembo hâkân akmai. Are amâ Anutune kala busi kâlegen dowâk katyekto ain dondâne yem âgâwai. Luâk agat agatñe arekñe hamep bâlâk galagât hogo hogo akmâ himbimân pagalenje olop manmai

are yengât hogoyengim pilâyengumai. ¹¹ Dâ hain akbiâ benne anelone âmâ hain bo akmai. Anelo âmâ luâk nengât kârikne ewangimai. Gârâmâ Humogât enemjân hâkye tunmâ bo makmai. ¹² Luâk are âmâ nângâ nângâyene bo. Songo wan om neyekmaen yâk âmâ hainare. Yâk siâ me siâ aregât keiye pâpkomaigât are hanâk makmâ pilân konmai. Aregât songo hilip yengumai hainâk hilip aguwai. ¹³ Akto luâk âmbâle ire siâ bâlene akyengimbiâ âmâ Anutune bâlene yenjaet hâune yengimbo membai. Yâk âmâ dewutâ kârikjân tu kârikne nem akto sot nene arekne herone yeje akmap. Akto aregâlâk nângâmai are yengât hutyenân manbiâ âmâ areyengât helen bâlene arekne yengâlân dewatimap. ¹⁴ Akto hokboâk hokboâk luâk âmbâlene bâlene meme areyengâlân nângâk ekmâ dâp gulip agak meme bâlene are bo hepunmai. Akto luâk âmbâle bikne han lâuwâ akmai are hâwât yekbiâ bâlene hainâk dowâk akmai. Akto yâk âmâ puli me wan me wan siâ siâgât egâlianbiâ hanyene agep. Luâk hainare amâ kâlâpgât pat manmai. ¹⁵ Yâkne dâp nângâk are hepunmâ gulip akmâ Bileam Beoro nanne yâkgât dop hainâk akmai. Bileamne âmâ hângeine bâlene akmâ aregât hâune puli mem aregât egâlian humo nângâminep. ¹⁶ Hain akto ikinje dongi denne bo arekne kuk akmâ luâk den akmâ maganep. Kuk aganepgât Bileam sinduk akberâm agep aregât agak meme ain dâp tiganep. Bileam puligâlâk nângâminep dop hainâk luâk âmbâle ire hain akmâ puligâlâk nângâmai.

¹⁷ Luâk hain arekne tu dewunne hainare akmâ serune haru waitmâ pando geko gako akmap hainare. I are âmâ yâkne hândâk pañ pañ dâgâm yemap are watbaigât dâtâne. ¹⁸ Luâk hain arekne âmâ den bunne bo are makmai. Akto luâk âmbâle bikne dâp âlepnaet den pat âlepne nângâm dâp âlepnaet keiye katberâm âmâ galalupyenjaet agak meme bâlene akto nângâ nângâ gulip mali are âi humo mem hepuli. Are lâuwâne dâp bâlenân manjet dâm hâkgât agak meme bâlene egâlianmai aregât keiye makyengimbiâ are akberâm dâp âlepne hepunmâ dâp gulip akmai.

¹⁹ Akto areâk bo. Luâk âmbâle biken han lâuwâ akmai are hin makyengimai, “Nen watnenekmâ âmâ hanâk hanâk ukenyenjaet akmâ manbiâ ârandân akbiâp.” dâm hiangimai. Dâ agak meme wan me wangât egâlianmai arekne hâwâtyekto aregât hon bawa aganmai. ²⁰ Akto luâk areyengât keiye lâuwâne makbe. Hain akmini are amâ ulikjân Humonenne Yesu Kristo hegem nenguep are nânganji. Hain akbiâ hângât bâlene arekne biwiyenân bo giep. Dâ aregât haminân âmâ hângât bâlene lâuwâne nângâm ukenne nângâ anbiâ âmâ bâlene humo miawak yengiep. ²¹ Luâk hainare dâp âlepnaet pat bo nângâyi dâine bâlene owâine nângâwâi. Dâ agak meme âlepne aregât pat nângâm hegemgom âmâ benne haminân den pat âlepne aregât hâkân agi. Aregât âmâ hâune bâlene dondâ miawak yengiwiap. ²² Luâk hainare yengât den ginne hin makmaen. Duanne sot nem mugatmâ areâk lâuwâne nemap. Akto baune tu puli akmâ âmâ benne ainâk hamanân lânakmai. Dop hainâk luâk irekne agak meme bâlene ulikjân hepuli are lâuwâne ukenne nângâm memai.

3

Kembunje magep are yem bo boakbiap.

¹ Galalupne, yengât den kulem esenne lâuwâne yu kulemgore sop lâuwâ aktâp. Nâne biwiyene are goandere den âlepne are nângâm hegemgonetgât kulemgoyengiân amâ ulikjân kulemgore oyanmâ meteyi. Akto lâuwâne ire. ² Akto Anutugât propete âlepnaende hângeine den makmâ kulemgoyi are akto Aposololupyene nenne Humonenne hegem nengumap yâkgât den makyengiyion are hârok nângâm manbei. ³ Akto ulik gulik hin nângâm kârikne akbei. Sop tâlâguwerâm akto hiangi luâk miawakmâ den hembalik makmâ yepak egâlian bâleneyene areâk watbai. ⁴ Akto yâk hin makbai, “Humo purik katbiapgât mak makne are amuten miawakbiap? Bâgilupnenne moyi akto siâ siâ hân miawagewânbak yem gaep. Are hainâk yem âgâwiap.” hain dâwai. ⁵ Hain dâm makmâ munen akbai. Dâ hângeine Anutugât dennde himbim mem liulep. Akto hân

tuâk yiep ain makto tu potalakto hân miawagep. Are nângâm den bunje are kombiâ bo akto hami panbai. ⁶ Akto areâk bo. Haminân tujeak luâk akto kotje siâ siâ are hilip yeŋgumbo mom meteyi. ⁷ Amâ Anutuŋe, “Hân himbim ire sop humo luâk âmbâle bâleŋe den âiân katyektere gulip akbai.” dâep ain bâin makto hân himbim kâlâwân yem âgâwiandat. Anutuŋe den magep arekŋe hân himbim tân yetkumbo yem gayiat.

⁸ Galalupne, aregât hin maktere nângâmbiâ bo nelâm yeŋgiwiâp. Humoŋe âmâ âi meme sopŋe konokgât nângâmbo âmâ kâlep akto bo boakmap. Dâ sop kâlep aregât nângâmbo pân konok akmap. ⁹ Aregât Humoŋe den makmâ hâriep are bunje mem miawakbiapgât luâk bikŋande nângâmbiâ kâlep akto nângâm hilipkomai. Hainare bo akmap. Borondâ. Anutuŋe nângâmbo den kârikŋe magep are dowâk miawakyeŋgiwiap. Titnan bo. Gârâmâ Anutuŋe luâk âmbâle hârok bâliwâigât hanyeŋe purikatŋetgât dâm lâm yeŋgumbo den magep are bunje akbiap.

Hân himbim lâuwâk bo akbiandat.

¹⁰ Akto Humogât sop âmâ sânsânâk miawakbiap. Miawakto hân akto himbim akto wan me wan kârikŋe are hârok âmâ mun humo akmâ bâliwiap. Akto kâlâp humoŋe wan me wan hârok om metewiap. ¹¹ Wan me wan hârok bâlim metewiap aregât ye gain gain akmâ manbai? Hin. Anutuŋe agak meme ekto ârândân akmap are mem manbei. ¹² Hain akmâ Anutuŋe sopgât magep are dowâk miawagâk dâm aregât lâmgom manbei. Manbiâ sop miawaktoân âmâ himbim âure âmâ kâlâpŋe om derewiap. Akto kotje siâ siâ ire kâlâp ululunŋande olalaŋdo tu akmâ kirin âgâm bo akbiap. ¹³ Dâ nen âmâ Anutuŋe hân himbim irakŋe mem miawaknengiwiapgât magep aregât etemŋe manden. Akto kepia ain âlepŋe manmâ âgâwaen.

Humonenŋande sop makmâ kalep are titnan lâmgomap.

¹⁴ Galalupne, den yu maktân iregât etemŋe mandâi aregât biwiyenŋande bâleŋe bâlâk manmâ Yesu olop han biwi

konok manbaigât âi kârikŋe membei. ¹⁵ Akto Humonenŋande sop makmâ kalep aregât titnan lâmgomap. Amâ mem menjâlenenekbiapgât dâm lâmnengumap. Aregât bo nelâmyeŋgiwiâp. Akto luâk âmbâle lâmnengumap aregât galanenŋe Paulo yâk Anutuŋe nângâ nângâ âlepŋe wanŋo yâkŋe den ire hainâk kulemgomap. ¹⁶ Yâk kulem esenŋe are kulemgom den ire dopŋânâk makmâ miawakmâ ariep. Akto den kulemân are bikŋe bo miawakmâ hulan agep. Are nângâwerâm âi humo memaen. Akto den hainare âmâ luâk âmbâle bikŋande Anutu bo nângâ aŋmâ han undup akmai. Hain akmâ Anutuŋe makto Pauloŋe kulemgoep are hârok mem hilipkomai. Akto yâkgât kulem are konok bo. Anutugât den kulemŋe hârokŋe are hainâk hilipkomai. Nângâ nângâyeŋe arekŋe hilip yeŋguwiap.

¹⁷ Galalupne, den yu maktân are emelâk nângâyigât biwi nângâ nângâyeŋe emelâk kârikŋe akmap. Are gulip akbopgât hin akbei. Luâk gulip manmaine hiangi den makyenŋimbiâ âmâ bo nângâyeŋgiwei. Hain akbai aregât ye hamep akmâ manbei. Akto han biwiyenŋe damunŋe akmâ manbei. ¹⁸ Hain akmâ Humonenŋe Yesu Kristo heŋgem nengumap arekŋe damunnenŋe akmâ kambiam âlep nângâ nengimap yâkgât keiŋe nângâmbiâ humo akto kârikŋe akmâ manbei. Yâkgât kulem pagaleŋe are akto kârikŋe are hainâk dondânŋe yem âgâwiap. A bundâk.

1 Yohane

Manmangât den.

¹ Manmangât den amâ keinjânbak manmâ gam malep. Akto ondop-nennjandeak nângâyion. Dewun nennjande egion. Ekmâ nângâm amâ bâtnennjande mem howaiyion. ² Are amâ manman bunne miawagep. Miawakto yâkgât manman kârikne aregât keine makyengimaen. Yâk Apo olop malep ainba nengâlân togombo egion. ³ Aregât akmâ siâ me siâ ekmâ nângâyion areâk makyengimaen. Makyengiennje nângâm amâ nen olop mendugumai. Akto nenâk bo. Ye nen akto Apo akto Nanje Yesu Kristo olop mendugum manjanangim herone marone akmaen. ⁴ Hain akmâ amâ herone marone humo aktenne ârândân akbiapgât yu kulemgoen.

Anutu amâ pagalene bunne.

⁵ Akto den pat Yesugâlânba hin nângâyiongât makyengien. Anutu amâ pagalene dondâ akto yâkgâlân hândâk pipine wan siâ bo tatâp. ⁶ Aregât nenne amâ hândâknân manmâ Anutugâlân dewatimaen dâm maktenne bunne bo akmap. Akto den bunne bo mem manbaen. ⁷ Gârâmâ Anutu pagalenaet keine aregât nângâm lokom manmap nen âkai pagalenân manbaen amâ âlepne nenâkâ gala olop biwi konok katmâ âlepne tatbaen. Akto nen bâlene aktenne aregât dosa Anutugât nanje Yesu Kristo nengât akmâ gilâmne gembo mondo dosanenne bo akto salek salek agion. ⁸ Dâ nen bâlene bo akmaen dâweren amâ hiangiweren. Akto den bunne biwinennân bo yemberâp. ⁹ Dâ bâlene nenne makmâ miawakbaen amâ Anutu âlepne ambone akto den bunne ambone arekne bâlene nenne pulim dosanenne mem metembo bo akbiap. ¹⁰ Aregât lâuwâne makbe. Nen bâlene bo akmaen dâmaen amâ benne Anutu hiangi hinare aktâp dâm hiangimaen. Akto Anutugât den biwinennân bo yembiap.

2

Yesune dumnennân kilep.

¹ Nan baratlupne, yeje ageine bâlene mem manbâi aregât hanokoak akmâ den ire kulemgoyengiân. Dâ siâ bâlene membiap amâ âlepne Yesu dosane bâlâk manmap amâ nen tân nengum manmap Yesu Kristo agak meme ârândânâk memap ² arekne nengât dumnennân kindo Anutu nengât kuk agardo mondo dosanenne bo agep aregât Yesune Ewene ulilando dosa nenne pulinengimap. Akto areâk bo. Yesune amâ luâk âmbâle hânne hânne manmai areyengât dumyennân kilep. ³ Akto nenne Anutugât den lokomaen amâ âlepne Anutu nângandenne bunne akmap. ⁴ Dâ luâk âmbâle siâne nâ Anutu nânganman dâm amâ denne bo lokomap amâ hiangimap akto den bunnaet keine bo nângâmap. ⁵ Dâ siâne Anutugât den lokomap amâ Anutu okot âlep nângâ anmap are miawaganmâ sambelem humo akmâ kârikne akmap. ⁶ Akto yâk amâ Anutugâlân dewatiwerâm amâ Yesu malep a hainâk manbian amâ âlepne Anutugâlân emelâk dewatiep dâwaen.

Han kalem akmâ tân aguwaen.

⁷ Galalupne, nâ den dopne angâ siâ bo kulemgoân. Amâ tâmbâne miawagewân bak nângâm gam manmai are lâuwâne yu kulemgoyengiân. ⁸ Dâ den kulemgoân ire amâ irakne aktâp hainare. Amâ Yesune den are lokombo emelâk hândâk hulan akto pagalene bunjande miawagep akto yekai hainâk lokombiâ miawakmap aregât.

⁹ Akto luâk siâ amâ galane siâ mem ge katmâ, "Nâ pagalenân tatân." dâmap amâ hândâknân malep hainâk manmap. ¹⁰ Dâ siâne galane biwinande tângowiap amâ pagalenân âlepne manmâ âgâwiap. Akto pagalenân mando wan me wanne bo mem ge katbiap. ¹¹ Dâ siâne galane mem ge katbiap amâ yâk hândâknân manbiap. Akto hândâkgât dâwân ariwiap. Arim dewunne pando hâumgombo gain gain dâp are ekmâ watbiap? ¹² Nanan lepat ye Anutu Yesugât kotgât akmâ bâlene yeje puliyengiengât akmâ kulem ire kulemgoyengiân. ¹³ Dâ ewelupyene

ye amâ Yesuñe keinjânbak manmâ gaep are nânğanmai aregât ire kulemgoyengiân. Dâ ye luâk sigan mandâi ye amâ Bâleñe Ambone are hâkokoyi aregât ire kulemgoyengiân. Dâ nananjupyene Eweyene bunne yâk nânğanmai aregât ire kulemgoyengiân. ¹⁴ Dâ ewelupyene ye amâ yâkñe keinjânbak manmâ gaep are nânğanmai aregât ire kulemgoyengiân. Dâ ye luâk sigan mandâi amâ kârikñe akmâ amâ Anutugât den biwiyenân tato Bâleñe Ambone are hâkokoyi aregât ire kulemgoyengiân.

Nen hângât kot siâ siâgât bo egâlianbaen.

¹⁵ Akto ye hârok hin makyengire nânğanet. Ye hângât me hângât siâ siâ aregât ukene bo nânğanet. Amâ siânbañe biwiyene hângâlâk katbiâ yemap, yâk amâ Anutugâlân biwi âlep bo aganmai. ¹⁶ Akto luâk âmbâle bikñande hângât egâlianmâ me dewunyenande wan me wan ekmâ ainâk egâlianmai me kotyene mem agatmai me wan me wan tatyengiâp aregâlâk nânğambiâ humo akmap amâ yâk amâ hânân gâtñe, Anutugâlân gâtñe bo. Haingât ye hângât wan me wan biwiyenân bo katbiâ yemiâp. ¹⁷ Aregât siâkâ makbe. Hângât wan me wan hânân egâlianñe olop amâ bâliwiap. Dâ siâne Anutugât den lau lokowiap amâ manman kârikñân manmâ âgâwiap. Aregât hângât wan me wan bo egâlianbei.

Yesugât gasa miawakbiapgât den.

¹⁸ Nananjupne, sop bânne tâlâguwiap. Akto ye Kristogât gasa kautñe miawakbiap gât makmakñe are nânğai. Are luâk âmbâle dondâ Kristogât gasa akmâ manmai dop hainâk emelâk miawagi aregât emelâk sop humo are tâlâwâk dondâ aktâp. Are nânğâen. ¹⁹ Akto ulikñân nengâlân gâtñe bikñande keiyene bo nânğayengiyanân amâ nen olop mali. Haminân amâ hepun nenekmâ Kristogât gasa akmâ mandâi. Dâ yâkñe nen olop gala bunne akmai dâine bo hepun nenekbâi. Akto hepun nenegi amâ keiyene ekmâ nen olop bo manmai dâm nânğâyion.

²⁰ Galalupne, ye amâ Âlepñe Ambone arekñe biwiyenân giep aregât nânğâ nânğârâ olowâk hârok manmâ den bunne

keiñe nânğâmai. ²¹ Aregât ye den bunne bo nânğâmai dâm kulem ire bo kulemgoyengiân. Bo. Den bunne nânğambiâ amâ hiangi hârok biwiyenân bo miawakmap aregât kulemgoyengiân. ²² Akto hiangi luâk are niñæet dâwaen? Luâk siâne, “Yesu amâ Anutuñe bo hunğunañdo giep.” dâmap yâk amâ hiangi luâk dâwaen. Yâk amâ Apo akto Nanñe munen akmâ keiyetñe tigimap. Yâk amâ Kristogât gasa kautñe akmap. ²³ Yâk amâ Anutu Yesugât Eweñe bo dâmap aregât Anutuñe bo membiap. Dâ nenâmâ Anutugât Nanñe nânğanmâ makmâ miawakmaen amâ Anutu Ewenenñe yâkñe nanñe olowâk tân nengumandat.

²⁴ Akto ye ulikñânbak den pat âlepñe nânğâm gam mali are nânğâm biwiyenân katmâ nânğâm manmâ âgâwei. Hain akmâ manbiâ amâ Anutu akto Nanñe yâkâ hainâk nânğayengim manmâ âgâwiandat. ²⁵ Siâ me siâ ire Yesuñe makmâ hârenengiep amâ manman kârik are.

²⁶ Galalupne, yu kulemgoân imâ biwi gulip akyengimai yâk yengât keiyene makyengiwerâm yu kulemgoyengiân. ²⁷ Dâ yengât amâ hin maktân. Heakñe puli yegep are yengâlân tatbiâp. Aregât luâk siâne makmâ hekatyengiwiapgât dâpñe bo. Heakñe meyi yâkñe den hârok makmâ hekatyengim akmap. Dâ bo heyengimap. Yâkgât den keiñe amâ bundâk. Emelâk Heak arekñe dâp hekatyengiep aregât kâlegen kulukmâ manbei. ²⁸ Nan baratlupne yeñe Kristogât nânğâ nânğân manbei. Akto maleine nen olop yâk miawaktoân kârikñe akmâ hulan akmâ anjun anjim bo kinmâ amâ kârigewaen. ²⁹ Akto yâk wan me wan mendo ârândân akmap aregât nânğambiâ amâ benñe siâne wan me wan mendo ârândân akmap yâk ekmâ hin nânğâmai, Imâ memelupnenñande menenegi dop hainâk Anutuñe mendo miawagep.

3

Anutugât nan baratñe mandengât keiñe.

¹ Galama, nânğai. Anutu Ewenenñe amâ biwi kalem humo aknengimap are siâ siâ hârok ewangimap. Anutuñe nan baratlupne dâm nengolep arekñe hârok

ewangimap. Nen yu manden ire nan baratlupne dâm nengolep amâ bunje makto miawagion. Dâ luâk âmbâle Anutu bo nânğanmai arekne nengât keinenne bo nânğâmai. Amâ Anutu ikinje bo nânğanmai aregât. ² Galama, nen hinje Anutugât nan baratlupne manden are nânğâen. Dâ siân manbaen aregât dopne gain hin are manbaen amâ hinje bo nânğâen. Hin amâ nânğâmaen. Humonnenje miawakto egekne bunje ekmâ nânğâm hejgemgom amâ dop hainâk akbaen. ³ Aregât niñande Anutu nânğanjo humo akto yâkgât mârûm lâmgomap amâ Humonnenje kau kau manmap hainare manbiapgât biwinje hejgemgoakbiap.

⁴ Galalupne, dosagât pat hin makbe. Siâ bâleje memap amâ den kârikne komap. Den kârikne koko arekne amâ bâleje dondâ. ⁵ Akto Yesugât amâ nânğâmai. Yâk amâ dosa puliwerâm miawagep. Dâ ikinje amâ bâleje bo akmâ yân malep. ⁶ Akto siâne han biwinje Yesugâlân katmâ manmap amâ bâleje bo akmap. Aregât luâk âmbâle bikñande bâleje akmai amâ Yesu bo ekmâ nânğanji.

⁷ Nananlupne luâk bikñande ye biwi gulip akberâm makyenğimbiâ biwiyene gulip akbopgât hin makbe. Kristo are amâ wan me wan mendo ârândân akmap aregât siâ amâ Kristogât dâp wato ârândân akmap. ⁸ Dâ luâk bikñande bâleje akmâ manmai are amâ Bâleje Amboñæet kâmolân gâtne. Amâ Bâleje Amboñæde miawagewânbak bâleje akmâ manmâ gaep aregât. Akto Anutugât Nanñande amâ Bâleje Amboñæet âi koanberâm miawagep. ⁹ Aregât siâkâ makbe. Memelupnenñande menenegi dop hainâk Anutune menenekto gurukne manmaen nenje bâleje maleje bo mem manmâ âgâwaen. Anutu gâlânba manmangât kârikne yenengimbo aregât bâleje maleje bo mem âgâwaen. Anutune menenekto dâp irakñân manbaenne bâleje gain gain mem âgâwâen? Amâ bo. ¹⁰ Akto Anutugât nan baratlupne nengât akto Niambigât nan baratlupne are yengât keiyene amâ hin miawakto ekbaen. Siâ amâ manman âlepne bo memap akto galañe bo tângomap aregât amâ Anutugâlân

gâtne bo dâwei.

Han kalem akmâ tân aguwaen.

¹¹ Galalupne, ye Yesugât keine pup pup nânğâyianbak hin makyenğimbiâ nânğâm gamai. Nen biwinenne tân aguwaen. ¹² Dâ Kaiñgât dâp bo watbaen. Yâk amâ Bâleje Amboñæet nanne ikinje agak meme bâleje akmâ emiñæet agak meme âlepne are ekto gembo emine kondo moep. ¹³ Aregât hinje luâk âmbâle bikñande hângât agak meme aregâlâk nânğâmai, arekne hainâk yekbiâ gembo peiyekmai aregât sâñ sâñ bo membei. ¹⁴ Nenne amâ Yesugât kâmot areyengât biwiyene tângomaen aregât hin nânğâm hejgemgone. Emelâk momogât dâp hepunmâ manman âlepñân manmâ gaen. Akto siâ bikne biwi tângo tângo bâlâk manmai amâ momoñæak manbiap. ¹⁵ Akto siâne galañe peim kuk agaño amâ bugâ koko luâk dâwei. Akto ye bugâ koko luâk yâk yengât nânğâi. Yâk yengât biwiyenân manman kârikne bo miawakmâ yembiap.

¹⁶ Akto Yesune nengât akmâ manmanne hepunmâ moep aregât biwi tângo tângogât keine egion. Aregât nenje hainâk galalupnenne yengât akmâ manmannenne hepunmâ mombaen amâ ârândân akbiap. ¹⁷ Aregât hin makbe. Luâk siâ sot songo me sikum siâ siâ dondâ yeaño galañe wan me wangât umburuk mando ekmâ biwinje hâkân akto aregât biwinân Anutugât pat âlepne yendâp me? Bo. ¹⁸ Nananlupne, gala tânyenğuerâm amâ lau biwitnenñandeak bo tânyenğuaen. Bo. Nen amâ han biwi nânğâ nânğânenñande tânyenğuerâm wan me wan yengim gala akyenğiwaen.

Anutu nânğâmaenne yâkgât hamep bâlâk manbaen.

¹⁹ Hain akbaen amâ benje den bunñæet kâmot manmaen are nânğâenne bunje akbiap. Akto agak meme âlepne are nânğâenne amâ Anutune nenekto biwinenne owâine akmap. ²⁰ Dâ sopne sopne biwinenñande den âiân kat nenekberâmbo amâ hin nânğâwaen. Anutu amâ biwinenñæet dopne bo. Yâk dop siâ manmâ siâ me siâ nânğâm metemap aregât biwinenñande umatne akbiapgât dâp bo. ²¹ Galama, okot akyenğimangât hin makbe.

Biwinenñande denân bo kat nenekto amâ Anutugât enemñân âlepñe kindenñe biwinenñe bo gemap. ²² Akto den launje lokoanmâ kinmâ wan me wan akmâ mandenñe Anutuñe nenekto huragumapgât wan me wangât ulilanñenñe nengimap. ²³ Akto Anutuñe den kârikñe hin kato talep. Nanñe Yesu Kristogâlân biwinenñe katmâ hannenñande nânğanmâ âmâ benñe galalupnenñe han kalem aganñi goanñi akmâ tân agu agu akbaen. Hain akbaengât maknengiep. ²⁴ Akto luâk bikñande Anutugât den kârikñe lokowerâm akmai âmâ Anutu olop biwi konok akmai. Aregât ikinñe Heak nengimbo âmâ Anutu ikinñe biwinenñân manmap dâm nânğamaen.

4

Heak bâleñe akto âlepñe yetgât den.

¹ Galalupne, luâk âmbâle propete hianñi dondâne heyenñiwerrâm akmâ Anutugât Heakñe tân nengumbo makyenñigimaen dâm hianñimai aregât imâ Anutugâlân gâtñe me borâm âmâ nânğâm heñgemgowerâm damun akbei. ² Akto nânğâm heñgemgowaigât hin makbe. Luâk siâ Yesu amâ Anutuñe hunñun anño luâk akmâ miawagep dâmap amâ Anutugât Heakñe tângomap. ³ Dâ hianñi heak arekñe Anutuñe Yesu bo hunñunanño miawagep dâmap amâ Anutugâlân gâtñe bo. Amâ Kristogât gasa kautñe yâkgât sinduk baniara arekñe hain dâmap. Yâk miawakbiapgât dâtânñe are ye nânğai amâ emelâk hânân miawaktâp. ⁴ Nananñupne, Anutuñe amâ hânân gâtñe are ewangimap aregât Anutuñe ye olop manmap arekñe propete hianñi yâk yenñgât amboñe ewangimap. ⁵ Akto propete hianñi yâk âmâ hânân gâtñe aregât hânğât nânğâ nânğâ are makmai. Makbiâ hânân gâtñande ondop katmai. ⁶ Dâ nenâmâ Anutugâlân gâtñe. Gârâmâ siânñe Anutu nânğanmâ âmâ den nenñe nânğamap. Dâ Anutugâlân gâtñe bo arekñe âmâ bo nânğâ nengimai. Amâ dennenñe komai. Aregât den bunñaet Heak akto den hilipkomapgât sinduk baniara yâk yetgât keiyetñe hainânge ekmâ potatmâ nânğâm heñgemgomaen.

Anutuñe han kalem aknengimap.

⁷ Galalupne okotne nânğâ anñigimaen, biwi tângo tângo aregât keinñe makbe. Biwi tângo tângo bunñe amâ Anutugâlânba miawakmap. Miawakto Anutuñe menenekto Anutu nânğanmâ manmaen aregât biwinenñande tân agum manne. ⁸ Akto areâk bo. Anutu amâ biwi tângo tângo aregât Amboñe aregât luâk siâ biwi okot âlep bo akmâ manmapñe amâ Anutugât keinñe bo nânğamap. ⁹ Akto Anutuñe nanñaet manman âlepñe nengâlân miawagâkgât Nanñe konok hunñunanño hânân giep aregât Anutugât okot âlep are nengâlân miawagep. ¹⁰ Akto biwi okot tângo tângo aregât keinñe hin yendâp. Nenñe Anutugât biwi bo tângoyion. Bo. Ikinñak sonñ okot nânğânengim Nanñe hunñunanño gem bâleñe nenñaet akmâ kindo Ewenñande nengât kuk anño hâk hilâlâm nânğâm mondo dosanenñe bo agep. ¹¹ Anutuñe biwi okot âlep hainare humo aknengiep gât nenâkâ hainâk biwinenñande tân agu agu akmâ manbaen. ¹² Akto luâk siânñe Anutu bo ekmap. Gârâmâ nenñe biwi okot âlep aganñiwaenân âmâ Anutuñe biwinenñe tângombo Anutugât okot âlep are biwinenñân sambelem humo akmâ kârikñe akmap.

¹³ Akto Anutuñe ikinñe Heakñe nengiep aregât hin nânğane. Yâk âmâ nen nânğâ nengimap akto nenñe yâk nânğanmâ yâk olop manmaen. Akto hainâk manmâ âgâwaen. ¹⁴ Akto Ewenñande Nanñe hân ânândânñ luâk âmbâle heñgem nenguâkgât hunñunanño giep. Akto nenñe dewun nenñande ekmâ bunñerâm den ire makmâ miawakmaen. ¹⁵ Akto luâk siânñe Yesu âmâ Anutugât Nanñe bunñe dondâ dâm den are makmâ miawakmap âmâ Anutuñe biwinân manmap. Akto yâkñe Anutu nânğanbiap. ¹⁶ Aregât Anutugât biwi tângo nengâlân miawagep are nânğâm heñgemgoyion. Anutu âmâ biwi tângogât kautñe akto siânñe biwi tângo olowâk manbiap yâk âmâ Anutuñe nânğanmap. Akto yâkñe gai Anutu nânğanmap. Akto hainâk manmâ âgâwiap. ¹⁷ Haingât nengâlân biwi tângo tângo miawakmâ sambelem arekñe tân nengumbo Yesu manmap hainâk nenâkâ hânân manmaen aregât siân

hâunjaet sowân kambiamnenne umatne bo akto hamep bâlâk kinbaen. ¹⁸ Aregât lâuwâne makbe. Nenne okot âlepne akmâ manmaen aregât siâ siâgât hamep bo akmaen. Akto biwi tângo tângo bunjande hamep are wato bo akmap. Akto siâne kârikne akmâ siâ denân katberâmbo âmâ hamep akmap aregât okot âlepgât pat bo akmap. Hain akto âmâ luâk âmbâle hamep akmaï arekne âmâ okot âlepgât pat bo akmâ manmaï. ¹⁹ Dâ nen âmâ hain bo akmaen. Anutune sonj okot âlep aknengiepgât biwi tângo tângo olop manmaen. ²⁰ Akto luâk siâne Anutugât okot âlep agañman dâm âmâ galane mem ge katbiap yâk hiangi luâk hain are dâwei. Nângâi. Siâne galane ekmap are mem ge katmâ âmâ gain gain akmâ Anutu bo ekmap are biwine tângowiap? Amâ bo. Dâp bo tatâp. ²¹ Akto Yesugât den hin yenengiâp. Anutu biwi okot âlep agañberâm âmâ âlepne galalupnenne hainâk okot âlep akyenjiwaen.

5

Anutugâlân dewatಿಯಂಗât hângât kotne siâ siâne bo mem ge katnenekbiap.

¹ Akto siâne âmâ Yesu âmâ Anutune hunjunaŋdo luâk akmâ giep dâwiap aregât keiŋe amâ Anutune ulikjân meañepgât gurukne miawakmâ gaep. Hain akmâ Ewenenne Anutu are okot âlep agañmapgât Anutugât nan baratlupne hârok hainâk okot âlep akyenjimbo ârândâŋ akbiap. ² Hain akto Anutu okot âlep agañmâ denne kârikne laune lokom âmâ benne âlepne Anutugât nan baratlupne bikne okot âlep akmâ tânyenjuwaen. ³ Aregât keiŋe hin. Anutugât biwi tângo tângo amâ yân bo akmâ den kârikne lokom âmâ biwi tângo agañbaen. Akto Anutugât den kârikne amâ den umatne bo. ⁴ Amâ Anutune menenemâ tân nenguepgât hângât siâ siâ are hârok kondenne gemap. Akto aregât kârikne amâ biwinenne Anutugâlân katenne talep aregât hângât siâ siâ kondenne gemap. ⁵ Aregât lâuwâne makbe. Niŋande hânân kârikne akmâ siâ siâ hârok ewangiyekbiap? Luâk siâne Yesu amâ Anutugât Nanne hain dâm nângâm hengemgowiap arekne âmâ hain akbiap.

⁶ Yesu Kristo amâ tu akto gilâm akmâ togoep. Tu areâk bo. Aregât tu olop akto gilâmne olop hârok togoep. ⁷ Akto Anutugât Heakne den bunne kautne are amâ Yesugât keiŋe makmâ miawakmap. ⁸ Aregât âlâwu akmâ arekne tân agum âi memai Heak akto tu akto ikiŋe gilâmne. Akto âlâwu are âmâ keiyenŋe konok miawakmap. ⁹ Luâk bikne den tân agum makbiâ nângâenne bunne akmap. Dâ Anutune den siâ tângombo den arekne amâ bunne dondâ akmap. Hain akto Anutune Yesu amâ nângât Nanne dâmbo imâ bunne dâm nângâyion. ¹⁰ Akto areâk bo. Siâne Anutu Nanjaet nângâ anbiap yâk Anutugât den bunne biwinân kinbiap. Dâ siâ Anutugât den bo nângâm hengemgowiap amâ Anutu hiangiep dâm nângâm hilipkowiap. Luâk hain arekñande Anutune Nanjaet den magep aregât nângâmbo bunne bo akbiap aregât Anutu amâ hiangiep dâm nângâm hilipkowiap. ¹¹ Akto den bunne amâ hin yendâp. Anutune manman kârikne nengiwerâm Nanne hunjun aŋdo giep. Aregât manman kârikne amâ Nanjaelânba miawaknengiep. ¹² Aregât biwinenne Nanjaelân katenne manman kârik miawaknengiep. Dâ luâk âmbâle bikñande Anutugât Nanne bo nângañbiâ âmâ manman kârik bo miawak yenjimap.

Anutu ulilanbaengât keiŋe.

¹³ Galalupne, nâ den ire hin nângânetgât kulemgoyenjiân. Anutu Nanne nângañmai ye âmâ manman kârikne miawak yenjimap. ¹⁴ Akto nen wan me wan Anutu ikinjak nângâmbo yendâp aregât biwinenne humo katmâ ulit aktenne nângâ nengiwiap aregât akmâ Anutugâlân hamep bâlâk ulilanmaen. ¹⁵ Aregât lâuwâne makbe. Wan me wan ulilandenne ainâk dowâk nângânengimap dâm nângâmaen amâ âlepne emelâk ulitnenne aregât nengiep dâm nângâwaen. ¹⁶ Aregât luâk siâne galane siâ bâlene siâ momo bâlene bo are mendo ekma ainâk aregât akmâ yâkgât ulilaŋdo Anutune galane manman dâwân katbiap. Amâ momo bâlene aregât bo maktân. Akto bâlene siâ amâ hememgât bâlene yendâp. Hain aregât ulit âiŋe meâkgât bo maktân. ¹⁷ Bâlene siâ siâ amâ dosagât pat. Dâ

bâleje konok amâ momogât dosa mem miawakmap.

Anutu Bunje Amboje amâ biwinenjan tatmap.

¹⁸ Akto nen hin nângâmaen. Anutuje ikiye luâk me âmbâle siâ mendo bâleje hâkne hâkne bo akmâ manmap. Amâ Anutugât Nanjande memapgât horat korat agando aregât Bâleje Ambojande bo memap. ¹⁹ Aregât nen Anutuje menenkmâ korat nengumap dâmaen. Dâ luâk âmbâle dondâ Yesu bâlâk hârokne amâ Bâleje Amboje yâkgât amukjan yemai. Hain nângâmaen. ²⁰ Akto hin gai nângâmaen. Anutugât Nanje yâkne gem nângâ nângâ mem miawaknengimbo Anutu Bunje Amboje are nângâm biwinenjan katmaen. Akto Bunje Amboje amâ Anutugât Nanje Yesu Kristo yâk biwinenjan yendâp yâkgât akmâ Anutu Bunje akto Manman Kârik Amboje. ²¹ Galalupne, den baine ire. Lâpio me hiangi humo arekne heyengiwâigât damun agangim hepunmâ manbei.

2 Yohane

Yohanenye yu kulemgoep.

¹⁻² Tâune, nâmâ sop kâlep Yesugât kâmot damunye akmâ gan. Kulem ire Anutuñe mengekma potatmâ giñep gâ akto nananjupge yengât kulemgoân. Akto nen Yesugât den bunje lokoenne biwinenne tângomap, akto tângom âgâwîap, aregât gâ okotne dondâ nângâginđân. Nâ konok bo. Nen den bunje aregât ukenne nângâmaen nen hârokñe gâ okotnenne dondâ nângâginđen. ³ Anutu Ewenenne are akto Nanje Yesu Kristo are yâkñe damun nenñe akmandat. Akto okotyetñe nângâ nengimandat. Akto tânnengum mandat aregât biwinenne sândugembo herone humo nângâmaen.

Han kalemñæet keiñe.

⁴ Wei, tâune, nananjupge bikñe Ewenenne Anutu arekñe den kârikñe ikinandeân makyenñep are lokom den ire bunje dâm lokom manmai areyengât keiyene hain nângâm biwine dondâ âlepñe agep. ⁵ Akto den kârikñe siâ makginđere nângâ. Den añgâ bo. Miawagewânbak nângâm gam manmaen areâk makginbe. Biwiñe tân agum manbaen aregât miawagâkgât yu kulemgoân. ⁶ Dâ den ire amâ nângâlâk bo. Gâmâ keiñânbak nângâm gaen amâ hin. Anutuñe hin dâm makmâ hârenenñep, “Nângât den kârikñe hârok lokowei. Dâ den konok amâ umatñe dondâ amâ biwi tân agu agu akmâ okot âlep añañgiwei.” dâm maknengiep, den are keiñânbak nângâen. ⁷ Akto hinñe hiangi luâk âmbâle dondâ miawagi. Akto kepiannje kepiannje arim hin makyenñimai, “Anutuñe Nanje hunñunando gewiap amâ Yesu bo. Yesu amâ Anutugâlânba bo gem luâk agep.” dâm hiangiñimai. Are yengât damun amâ Yesugât gasa kautñe are. ⁸ Aregât biwiyeñe damunñe akbei. Akto âi humo meyi aregât hâu yânñe akbopgât biwiyeñe damunñe akmâ yâk yengât den bo nângâwei. ⁹ Akto luâk âmbâle bikñe yeñe nângâ nângâyeñe watmâ Yesu amâ Anutugât Nanje bo dâmai amâ Anutugât kâmolân gâtñe bo.

Dâ luâk âmbâle bikñe Yesu amâ Anutuñe Nanje hunñunando gem luâk akmâ malep dâmai amâ Anutu akto Nanje yâk lâuwâ arekñe damunyeñe akbela manmai. ¹⁰ Aregât luâk bikñande Yesu amâ Anutugât Nanje den are bo dâmai arekñe gângâlân togombiâ emetgân bo olonyekmâ katyekmâ tânyenñuwen. ¹¹ Amâ niñande gala akyenñimap amâ agak memeyene bâleñe tânyenñumap bâleñe arekñe makmâ miawaganñiap.

Den bâñe.

¹² Tâune, nâñe den bikñe dondâ makginberâm aktân. Aregât gâwuñe kulem esenne kulemgom katere gângâlân togowiap are bo nângân. Amâ hin nângân. Nâ gângâlân dowâk togore egakmâ denân mañangi goañgi akbaet. Hain akmâ okot âlep humo mem miawakbaet aregât ukenne nângân. ¹³ Akto gângât garige Anutuñe nângâm kepilâ añep are in manmap yâkgât nananjupñe gângât okotyene dondâ nângâ giñmai hain nângâwen.

3 Yohane

Yohanenye Gaiogât den kulemgoep.

¹ Galane Gaio, nâmâ luâk sâmbâ sop kâlep manmâ gan. Nâne kulem esenne ire gângât kulemgoân. Gala gâmâ Yesugât kâmolân gâtne aregât den bunne aregât akmâ gângât okotne dondâ nângân.

² O Gala, nâ gângât akmâ Anutu ulilandere wan me wan hârokgât gai umburuk akmenâ are hârok âlepne miawak ginbiap aregât ulilandman. Akto Anutune tân gugumbo biwige âlepne akmap aregât nângâm âmâ hinne hâkgaet ulilandman. ³ Akto ulikjân Yesugâlân gâtne bikjande gângâlânba nângâlân togoyi akto togom gângât makniñi. Amâ den bunne nângâm watmenâ agak memege âlepneâk miawakmap. Are amâ bundâk. Gâmâ den bunne watmat. ⁴ Galane, nâne ulikjân luâk me âmbâle makyengire biwiyene Yesugâlân kali are yengâlân gâtjande den bunne lokom manmâ gayi a nângâm herone humo nângâman. Akto herone irekne herone siâ ewangiâp.

Gaio amâ âi âlepne miep.

⁵ Galane, gâne Yesugâlân gâtne tân yenguen âi are amâ âlepne. Akto Yesugât kâmolân gâtne tirip bo nângâmat amâ hanâk dâm tânyenguen are âi âlepne dondâ mien. ⁶ Akto are yengâlân gâtne bikjande hepun gekmâ nângâlân togom gângât keige âlepne are Yesugât kâmot hutyenân kinmâ maknengiyi. Gala, gâne okot âlep akyengim dâpgât siâ siâ tân yengumat den are nângâm herone humo nângân. Gâ wan akmat amâ Anutugât âi dâm nângâm âmâ hainâk akmâ âgâwen. ⁷ Akto Yesugâlân gâtne yu maktân arekne Yesugât keine makyengiwerâm kepiâne kepiâne arim Yesugât kâmolân gâtne bo manmai are yengâlân puli me wan me wan bo ulit yengimai. ⁸ Hain akmâ nengâlân togombiâ âmâ âiyene amâ nengât âi hainâk dâm dowâk tân yenguenne ârândân akmap.

Diotrepegât den.

⁹ Nâne âgâlân Yesugât kâmot yengât kulem siâ kulemgom katere ariep. Dâ luâk siâ kotne Diotrepe yâkne ikinjet nângâmbo âgâmap are nângât den bo nângâm âmâ kondo gemap. ¹⁰ Akto areâk bo. Yesugât kâmot siânbañe togombiâ bo tân yengumat. Dâ luâk âmbâle bikjande tân yenguwêrâm akbiâ Diotrepenye tân yenguwâigât nengât kâmolân bo togoñet dâm wat yekto yânñangen manmai. Hain gârâmâ nâne hâmbâi yengâlân togowianân âmâ yâkgât den kom âmâ dennenne kom agak meme bâleñe akmap are mem miawaktere ekbai.

Demetriogât den.

¹¹ O Galane, gâ agak meme bâleñe bo watben. Gâ agak meme âlepne watben. Akto luâk âmbâle agak meme âlepne akmai amâ Anutune memene akyengimbo hain akmai. Dâ luâk âmbâle bikne agak meme bâleñe akmai amâ Anutugât keine bo nângâmai. ¹² Akto luâk agak memene âlepne Demetrio are luâk âmbâle dondâñe yâkgât agak meme nângâmbiâ ârândân akmap. Akto bunñande hainâk keine miawakto ârândân akmap. Akto nenâkai yâkgât nângâenne ârândân akmap. Akto gâ nengât den amâ bundâk dâm nângâmat.

Den bâñe.

¹³ Nâne den bikne dondâ makginberâm aktân. Aregât gâwune kulem esenñan kulemgom katere gângâlân togowiap are bo nângân. ¹⁴ Gârâmâ nâ dowâk togom gâ gektere egakmâ maganji goanji akbaetgât ukenne nângân.

¹⁵ Galane, Anutune damunge akto kambiamge yeukne talâkgât ulilandân. Akto Yesugât kâmolân gâtne nâ olop tatâi amâ gângât nângâm herone aktâi. Akto gângâlân Yesugât kâmolân gâtne tatâi are konok konok nengât makyengimenâ herone akbei. Areâk.

Yuda

Yudaŋe yu kulemgoep.

¹ Galalupne, nâ Yuda Yesu Kristogât hon bawa akto Yakobogât emiŋe nâ yengât kulem esenŋe ire kulemgoân. Ye âmâ Ewenenŋe Anutuŋe okot âlep akyengim potatmâ olonyekmâ Yesu Kristogât akmâ damunyeŋe akmâ âgâambo âlepŋân manmai. ² Yengât ulilanŋere Anutuŋe okot âlep dondâ akyengim damunyeŋe akto biwiyenŋe sândugem âgâwiâp.

Mitigât gasa yâk yengât keiŋe.

³ Galalupne, Yesuŋe heŋgem nenguepgât keiŋe kulemgowerangât nâŋgare humo aktâp. Gârâmâ umatŋe siâ hinŋe miawakyengimbo aregât Yesu Kristogât keiŋe nâŋgâm biwinenŋe yâkgâlân katenŋe kilep aregât pat amâ emelâk miawaknengiep are nâŋganmâ âmâ nâŋgâ nâŋgayeŋe yeukŋe akbopgât yu kulemgoân. ⁴ Luâk bikŋande nâŋgâ nâŋgayeŋe yeukŋe agâkgât yonâk yengâlân togom mali. Luâk are amâ Anutuŋe ulikŋân makto hâuŋe bâleŋe miawakyengiwiapgât siâŋe kulemgoep yengât hâuŋe amâ yâk yengâlân miawakbiap. Akto yâk hin akmai. Anutugât bo hamep akmai. Akto Anutuŋe hanâk tân nengumap aregât nâŋgâm gulip akmâ hanâk hanâk mandenŋe âlepŋe Anutuŋe dosanenŋe kutigitnengiwiap dâm bâleŋe olowâk manmai. Akto areâk bo. Humo kautnenŋe konok Yesu Kristo yâk are hâkokomai. Akto Yesu âmâ hânân gâtŋerâm luâk yânŋe dâm nâŋgâmbiâ gemap. Luâk hain akmai are âmâ hâuŋe bâleŋe miawakyengiwiap.

⁵ Galalupne, hâuŋe aregât keiŋe makbe. Den imâ emelâk nâŋgâm meteyi areâk makyengim nâŋgayeŋgiwe. Ulikŋân Humo Anutuŋe amâ Israe luâk âmbâle kâmot humo Aigita hânânba kewuguyekto umatŋe hepunmâ ariyi. Akto are haminân are yengâlân gâtŋe bikŋande Anutugât nâŋgâmbiâ giep are Anutuŋe hâuŋe bâleŋe kakyeŋân kato hilip aguyi. ⁶ Akto areâk bo. Aŋelo bâleŋe arekŋe damun âiyeŋe gagaim panmâ welamyenŋe hepuli yâk âmâ Anutuŋe hâmbâi sop humoân hâuŋe bâleŋe

akyengiwiapgât lope kârikŋe aregât kâlegen katyekto hândâkŋe katip yenguep. ⁷ Akto siâ hin. Kepia lâuwâ Sodom akto Gomora akto kepia ginŋe ginŋe tatmâ ariep aregât ambolupŋande hanâk hanâk manmini. Hain akmâ luâk âmbâle egâlianŋât dâp gulip bâleŋe dondâ akmâ keiŋe aŋgâ dondâ mem miawakbiâ Anutugât luâk âmbâle nenŋe ire ekmâ hamep akbaen dâm kâlâp pando om meteyegep. Amâ siân bikŋande kâlâp kârikŋân manmâ âgâwai yâkŋe nâŋgâm heŋgemgowaigât.

⁸ Akto hâuŋe bâleŋe yu maktân imâ hainâk luâk hinŋe yonâk yengâlân togom hutyenân miawagi areyengâlân miawakbiap. Luâk ire yâkŋe gai hainâk hianŋi den aregât ukenŋe nâŋgâm dâp gulip manmâ Anutu akto damunlupyenŋe yeŋaet hâkân akmâ aŋelogât nâŋgâmbiâ gemap. ⁹ Dâ aŋelo yengât humoyenŋe kotŋe Mikae yâkŋe Mose moep aregât hâkŋaet Niambi olop makmâ papalakmâ mendo gembo âgâambo akmâ are kuk den bo maganep. Bo. Yâk ikinŋaet nâŋgâambo bo âgâepgât den yân hinâk maganep, “Humoŋe hâuŋe bâleŋe ginbiâp.” dâambo aregât nâŋgâambo hâuŋgoep. ¹⁰ Dâ luâk irekŋe âmâ wan me wan pâpkomai aregât makbiâ gemap. Akto nâŋgâ nâŋgayeŋe bo watmâ âmâ hâkgâlâk nâŋgâm bau dua hinare akmâ egâlianbiâ ain âmâ hâuŋe bâleŋe miawakto hilip agumai.

¹¹ Woe, yâk arekŋe âmâ manmâ wan akmai? Amâ Kaiŋe emiŋe kondo moep yâkgât dâp watmai. Akto puli me sikumgât ukenŋe akmâ luâk kotŋe Bileamŋe puli egâlianŋepgât Anutu hepulep hain akmai. Akto luâk kotŋe Kora yâkŋe Mosenŋe damunyeŋe akminep yâkgât hâkân akmâ âgâ âgânŋaet hilip aguep hainâk âgâ âgânŋe yeŋaet hilip agumai. ¹² Galama, luâk are âmâ yeŋaet okot nâŋgâ aŋgim mendugum kinmâ sot om nembiân âmâ hutyenân kinmâ aŋun bâlâk sot sonŋo aregâlâk nâŋgâmai. Amâ aregât dop wanân katmâ maktere nâŋgâwerâi? Hin. Damunlupyenŋe âmâ yeŋaet tepyenaelâk nâŋgâmai. Tânâk bo togombo hamandatŋe yân dâgâm yemap. Akto seruŋe togom âmâ waitmâ pando bo akto tânâk bo gemap. Gârâmâ luâk ire âmâ

dop hain yâkne bo tân nengumai. Akto dop siâ hin. Lâwin yânne tune bo kândârâne momone akto pâit pâitne bunne sopnân âmâ bo yemap dop hainâk luâk irekne akmai. ¹³ Akto serune haru waitmâ pando bam guto barak barak akmap, dop hainâk luâk irekne bam gutmâ den dondâ makbiâ agak meme bâlene miawakto ektenne gemap. Yâkne bâlene anunne olowâk pagalene bo diâ bokmâ gulip agu agu akmai dop hainâk akmai. Akto Anutu hândâk welamne humo yengât makmâ hârembo yem âgâwîap are âmâ luâk hainare yengât pat.

Enokone hâune membaigât keine magep.

¹⁴ Akto luâk ire Enokone uliknân yâk yengât keiyene makmâ miawagep. Enoko amâ Adamgât haminân miawakmâ gambiâ gambiâ kâmot 7 akto Enoko miawakmâ hin dâep, “Siân Humo akto anelo âlepne kâmot hamepne olowâk miawakbai. ¹⁵ Arekne gem âmâ luâk bâlene yâk bâlene yenæet keine mem miawakbiap. Akto Anutu bâlâk manmâ agak meme bâlene akto den bâlene Anutu mem ge katberâm makmai are hainâk mem miawakyekebiap, aregât hâune yengiwîap.” dâep. Enokone hain dâep ina luâk hainare miawaktâi. ¹⁶ Miawakmâ galagât hogo hogo luâk akto siâ siâ hârokgât kambiam bâle akmai. Akto ukenyene bâlene watmâ den agat agatne makmai me luâk puli me sikumgât makmâ lau keluâk ulit agak hain are manmai. Luâk hainare manbiâ Anutu makto hâune bâlene emelâk kulemgoân are yengâlân miawakbiap. Hain.

Tân agum kârikne manbaengât den.

¹⁷ Galalupne, Humonenne Yesu Kristo yâkgât Aposololupnande makyengiyi aregât nângâmâk manbei. ¹⁸ Hin magi, “Sop tâlâgumbo luâk bâlene miawakmâ ukenyene bâlene watmâ Anutu mem ge katberâm makbai.” dâyi. Aregât nângâmâk manbei. ¹⁹ Luâk hain arekne Anutugât Heakne bâlâk manmâ hângâlâk nângâm âmâ Yesugât kâmot potatyekberâm âi humo membiâ potatmai. ²⁰ Galalupne, yene âmâ den pat âlepne kulemgoyi are oyanbiâ âmâ nângâ nângâylene bunne kârikne akto

biwiyene Yesugâlân kârikneâk kinbiapgât tân agum kârigem manbei. Akto Anutu ulilanberâm âmâ Heak kâriknande tân nenguâk dâm ulilanmâ manbei. ²¹ Hain akmâ Anutu okot âlep yengimap aregât nângâm manbei. Akto Humonenne Yesu Kristone okot dondâ nângâ nengimap aregâlâk nângâm lâmgom manbei. Hain akbiâ manman kârikne yengiwîap.

²² Akto yenæelâk bo nângâwei. Luâk âmbâle Anutugât akmâ han lâuwâ akmai are nângâ nângâylene kârikne agâkgât olop den magangi goangi akmâ yaiwâk yaiyenguwe. ²³ Akto bikne kâlâpne oyekbopgât bâlenânba oloj yekbei. Dâ bikne âmâ hain akbâen dâm aregât yenæak okot nângâ anjim biwiyene damunne akmâ manbei. Hain akmâ âmâ biwinenne bâlenande ewum gulipkowop dâm hamep akmâ hanokoakbei.

Anutugât kot yem âgâwîap.

²⁴ Galalupne, den bânne hin makbe. Anutu kotne mem agatmâ makbe. Anutu damunylene akmâ tân yenguwîap gârâmâ aregât yeukne bo manmâ yâkgât pagalenân dosa bâlâk akto herone olop katyekto anun bâlâk manmâ âgâwaigât kârikne yeandâp. ²⁵ Anutu yâkne konok âmâ hengem nengumap aregât nenne Humonenne Yesu Kristogât akmâ kotne mem agatne. Yâk âmâ pagalene damun akmap. Kotdâ Humo tâmbâ konok manmap. Akto kârikne wâtne hângeine sop boân yeanep hainâk yu yeandâp akto yeandâp âgâwîap kârikne. A bundâk.

Yesu je Yohane wan me wan miawakbiapgât makmâ hulanj anjep.

Yohane je egep aregât den.

¹ Nâmâ Yohane ire kulemgôân. Anutu je den ire heambukmâ kalep arekne Yesu Kristo hin maganep, “Nângât kâmot uliknân den heambukmâ kalân hinne makyengimenâ nângânet.” dâm maganjo Yesu je ikinje anelone siâ hungun anjo den ire makni je. ² Makni jo Anutugât den akto Yesu Kristogât den pat hârok egân are yu kulemgowerân. ³ Sop humo are tâlâguap aregât luâk siâne wan me wan miawakbiapgât den ire oyanmâ Yesugât kâmot makyengi wai are akto luâk âmbâle bikne den ire nângâm lokom manbai are âmâ Anutu je memene akyengimbo herone akmâ manbai.

Yohane je kepia 7 yengât yu kulemgoe p.

⁴ Agon aktere nângânet. Nâmâ Yohane nâ Asia hânân Yesugât kâmot kepiane kepiane bân biken lâuwâ mandâi areyengât kulem yu kulemgowerân. Ire oyanmâ nângânet.

O Galalupne, yengât akmâ Anutu ulilanman, Anutu manmâ gaep akto manmâ âgâwiap, yâk akto yâkgât Heakne âlepne nâmbulân lâuwâ akmâ Anutugât tat tat enemân manmai arekne ye biwiyene Yesugâlân kali are damunye je akbiâ biwiyene sândugeâk. ⁵ Akto Anutu je Nanje hungun anjo gem Anutugât pat miawagâk dâm hânân mando kombiâ moep arekne hâmbâi momonânba agatbai dâm aregât dâp hekatnengim momonânba agalep. Akto Yesu arekne hângât luâk kembu akto kotdâ akto humomolupnenne hârok damunye je akto amuknân manmai. Akto nâne Yesu are hainâk ulilan dere damunye je akto biwiyene sândugeâk.

Akto Yesugât keine amâ hin. Yâkne âmâ okot nângâ nengimap. Akto dosanen nande damunnenne akbopgât akto Anutu je dosa nenjaet kuk aknengimbo bo akbâengât nengât dumnennân kindo Anutu je makto kombiâ gilâmne gembo moep. ⁶ Aregât

hinne han kalemjaet mânginenekmâ âmâ damunnenne akto yâkgât kâmolân manmâ âgâwaen. Hain aktenne Yesu je memene aknengimbo Ewe je Anutu aregât sumbe kat kat hainare akmâ manmâ Anutu okot âlepgât wanmaen. Aregât Yesu kotne mem agatne. Akto hain akmâ âgâne. A bundâk.

⁷ O Galalupne, makyengire nângânet. Yesu hamandat kaknân togowiap. Hain togombo âmâ luâk bugâne kom lâwinân koyi arekne ekmâ indemiâ kambiamye je bâliwiap. Akto luâk âmbâle hânne hânne manmai arekne ekmâ hainâk indem bâliwai. Are miawagâkgât ukenne nângâmaen. A bundâk.

⁸ Anutu je hin dâp, “Nâ Anutu Humone manmâ gan. Akto mandân. Akto manmâ âgâwian akto kârikne hârok tatni dâp. Nunak uliknân bak manmâ gan. Akto manmâ âgâm bo boakbian.” dâp.

Yohane je Patimo gimbânân mando biwije hulanj akto Yesu egep.

⁹ O Galalupne, ye Asia hânân manmâ Yesugât kâmolân dewatiyi ye amâ den iregât keine makyengire nângânet. Nâ Yohane, nâ ye olop Yesugât âi mendenne Yesugât gasalupnande nen bâlene aknengimai. Hain aknengimbiâ âi humo mem hâk hilâlâm nângâm hanâk dâm Yesugât lau lokoenne Yesu je damunnenne akto manmaen. Akto nâne Anutugât den pat makyengiman aregât akto Yesugât keine makyengiman aregât Yesugât gasalupnande menekmâ haru tânâmân gimbâne bâlensiâ kotne Patimo in katnekiâ talân.

¹⁰ Tatmâ Anutugât hilâm tat talân ain tatere Anutugât Heakne âlep nande hutgombo biwine purik kato den humo tâmbâ lâmun hinare haminân miawakto ¹¹ hin nângân, “Yohane, gâne wan me wan ekberât ire kulemgom nângât kâmot bân biken lâuwâ ireyengâlai katmenâ arimbo oyanbei. Epeso kepian akto Simirna kepian akto Peagamon kepian akto Tiatira kepian akto Sarde kepian akto Piladepia kepian akto Laodikea kepian Asia hânân manmai ain ire kulemgom katmenâ arimbo oyanbei.” dâep.

¹² Akto nâ ni nande makni dâp dâm purik katmâ egeine pagalene emetne 7 goline

ketugu ketugunje egân. ¹³ Akto areyengât hutnân amâ luâk hinare egân. Luâk hinare are amâ sângum kâlep luguagep. Dâ imbenân amâ tâk goliñe ketugu ketugunje kilep. ¹⁴ Akto kautne akto kautne dumutne kau kau dondâ hamandat kaunje hinare. Akto dewunje kâlâp ululunje hinare. ¹⁵ Dâ keiñe amâ melu kâlâp ombiâ om yemap dop hainare. Akto denje amâ tu panpan munje hainare. ¹⁶ Akto diâ 7 bânne bungen mem kilep. Akto tâwât okotne hamiñe dâtneâk hain arekne lauñanba ge kilep. Dâ enem dewunje amâ dewutâ erâmap dop hainâk pagalem kilep.

¹⁷ Hain miawakmâ kindo ekmâ hamewakmâ keiñân momoñe hainare kângom yeân. Dâ amâ bânne bungen menekmâ hin makniñep, “Gâ hamep bo ak. Nâ ulik gulik dondâ ain malân akto hinje manman akto hâmbâi manmâ âgâwian aregât gâ hamep bo ak. ¹⁸ Dâ nâmâ Manman Amboñe aregât nâ moân, dâ benje momoñanba agatmâ manmâ gan akto manmâ âgâwian. Akto momogât dâp akto hemengât dâp are nâñe konok damunyetne akmâ manman. ¹⁹ Nâñe siâ siâ hekat giñdere ektât akto hinñeâk miawaktâp akto hâmbâi miawakbiap are hârok kulemgom metewen. ²⁰ Gâ bânne bungen diâ 7 yektât ire akto pagalene emetne goliñe ketugu ketugunje hârok yu yektât iregât keiñe makgiñdere nâñgâ. Diâ 7 amâ kepiñe kepiñe kâmot yengondân areyengât nâñgât kâmot kepiñe kepiñe manmai areyengât anelolupyene. Akto pagalene emetne 7 ire amâ kâmot 7 are yengât tirip hainare.” dâep. Yesunje hain dâm makniñep.

2

Epeso yengât den.

¹ Yesunje amâ hin dâm makniñep, “Yohane, gâñe Epeso kepiñe gâtne yengât hoñ bawayene hin kulemgomenâ oyañdo nâñgâwai. Nâ Yesu. Nâñe bânne bungen diâ 7 meyekmâ pagalene emetne 7 goliñe ketugu ketugunje are hutyenân bam gutman.

² Nâ agak memeyene hârok nâñgâre âlepne aktâp. Akto ai humo mem hâk hilâlâm nâñgâm hanâk dâm aiâk memâk kârikne kinmâ bo hâkân akmâi aregât

den pat nâñgân. Akto areâk bo. Ye luâk bânne yengât hâkân dondâ aktâi. Luâk are hin makyengiñi, “Nen âkai Aposolo.” dâyi. Hain dâmbiâ ye yâk yengât denje dop yengumbiâ bo ârândân agep aregât watyegi. Den pat are nâñgâre âlepne aktâp. ³ Akto luâk bânne ye kotnaet akmâ nâñgât kâmolân gâtne bânne akyengimbiâ hanâk dâm nâñgât laune lokom amâ ai humo iregât bo hâkân agi, are nâñgâre âlepne aktâp. ⁴ Dâ agak memeyene konok ire nâñgâre bo ârândân aktâp. Amâ hin. Uliñân Anutugât den pat âlepne pup pup yengâlân togombo ain okot nâñgâ niñmâ herone agi. Dâ hinje amâ okot âlepne agak meme are hepuli. ⁵ Aregât uliñân agak meme âlepne agi are nâñgâm hengemgom hainâk mem manbiâ sambelewiâp. Akto han biwiñe purik katmâ bânne yene makmâ miawakbei. Ye hain bo akbiâ amâ benje yengât pagalene gewâkne goliñe ketugu ketugunje yu kindâp ire pandere gulip aguwiap. ⁶ Dâ agak memeyene ire nâñgâre âlepne aktâp. Kâmot siâ kotyene Nikolao hâwât yekbiâ borâm kuk akyengim watyegi. Nâñe hainâk kâmot ire kuk akyengiman. Yene Nikolaogât kâmot are hâkân akmâ watyekbiâ nâñgâre ârândân aktâp. ⁷ Nâñgât kâmot ye Anutugât Heakne yu makyengiñi ire nâñgâm hengemgowe. Akto yengâlân gâtne kuk humo miawak yengiwiawân ai humo mem hâk hilâlâm nâñgâm nâñgât ai bo hâkân akmâ mombai amâ benje nâñe âlepne dâre lâwin manman âlepne mem miawakmap aregât koñe nemiâ arekne tânyengumbo manman kârikñân manmâ âgâwai. Akto lâwin are Anutugât kalamân kindâp.

Simirna yengât den.

⁸ Gâ luâk âmbâle Simirna kepiñe manmâ biwiñe nâñgâlân kali areyengât den hin dâm kulemgom katmenâ yâk yengât hoñ bawayenande oyañdo nâñgâwai. Nâmâ Yesu uliñân bak manmâ gan akto hainâk manmâ âgâwian. Akto mondere kât kâlegen katnekbiâ agatmâ golâ manman. Nâñe hin dâm makyengire nâñgânet.

⁹ Gasalupyenande mem miawakyekebiâ hâk hilâlâm nâñgâm umburuk dondâ manmai are nâñgân. Gârâmâ memene

akyengire biwiyene hutuk âgâmap. Akto aregât hâu yengiwiangât emelâk hengemgoyengiân. Akto Yuda luâk bikñande den bâlene makyengi yi arekai nângân. Akto luâk ire Yuda yengât kâmolân gâtne bunne gârâmâ Anutugât kotne bo mem agatmai aregât amâ Niambigât kâmolân gâtne yengonman. ¹⁰ Akto siâ me siâ bâlene lâuwâne miawakyengiwiap aregât bo hamep akbei. Aregât hin makyengire nângânet. Niambigâlân gâtñande dop yengune dâm yengâlân bikñe kala busi emetñân katyekbai. Hain katyekbiâ hâk hilâlâm nângâmbiâ hilâm âi meme ¹⁰ dop hainare manbiâ bo akbiap. Akto ye hâk hilâlâm aregât bo hâkân akmâ amâ kotne mem agatmâ manbai aregât gasalupyenande yengumbiâ momberâm akbai amâ aregât âlepñe manman kârikñaet kulem yengiwian. ¹¹ Akto nângât kâmotne ye Anutugât Heak âlepñande makyengimbo nângâm hengemgowe. Akto yengâlân gâtne âi mem metembiâ amâ momogât kârikñande bo yengum ge katyekbiap.

Peagamonj yengât den.

¹² Gâ luâk âmbâle Peagamonj kepiân manmâ biwiyene nângâlân kali are yengât hin dâm kulemgom katmenâ yâk yengât hoñ bawayenande oyanço nângâwai. Nâmâ Yesu tâwât dâtne metne okotne hamiñe dâtne metne meman nâ yengât hin maktere nângânet.

¹³ Kepia mandâi aregât keiñe nângân. Kepia ain amâ Hiangi Amboñe yâkgât tat tatne tatmap. Hain akmâ nângât kâmolân gâtne kotne Antipasi laune lokom nângât den makyengiminep are mem Hiangi Amboñe manmawân ain bâlene agañbiâ moep. Hain akbiâ mondo ye are ekmâ bo hamep akmâ nângât laune lokom manmai are nângâre ârândân akmap. ¹⁴ Gârâmâ yengât agak meme hin konok nângâre bâliâp. Yengâlân gâtne bikñande luâk kotne Bileam yâkgât agak memene watmai. Bileamñe amâ ulikñân luâk siâ kotne Balak hekalando Israe gâtne lâpio kotne mem agatñet akto agak meme bâlene meñetgât hâwât yegep, aregât Bileam dosa agep. Akto yengâlân gâtne bikñande hainâk dâm bikñe hâwât yekmai. ¹⁵ Akto areâk

bo. Yengâlân gâtne bikñande Nikolaogât kâmot are yengât agak meme memai. Are nângâre bo ârândân aktâp. ¹⁶ Haingât han biwiyene purik katmâ bâlene yene makmâ miawakbei. Akto yu maktân ire hâkân akmâ biwiyene bo purik katbai amâ nâñe sop bâlensiâ manmâ yengâlân togowian. Ain ye Nikolaogât kâmot hainare akmai akto Bileamgât agak meme hain akmai yâk kuk akyengim tâwât launân tatâp irekñe orem yenguwian. ¹⁷ Akto are Anutugât Heak âlepñande kâmotlupne makyengimbo nângâm hengemgowe. Dâ luâk âmbâle bikñande kârikñe akmâ manbai amâ nâñe sot kâmbokñe heambugân are yengire nembai. Akto kât kau yengiwian ain kotyene irakñe yeñeak nângâwai are kulemgowian.

Tiatira yengât den.

¹⁸ Yohane, gâ Tiatiragât kâmot yengât hoñ bawa manmai are yengât hin kulemgo. Nâ Anutugât Nanñe. Dâ dewunne amâ kâlâp ululunñe hainare akto keine melu kâlâp omai hainare aregât den ire nângâm hengemgowe.

¹⁹ Agak memeyene emelâk hârok nângâm meteân. Âi humo mem manmai. Akto okot nângâ niñmâ biwiyene nângâlân kali hainâk katmâ manmai. Akto luâk âmbâle okot nângâ yengim âi humo mem tânyengumai. Akto hinñe miti gasañe bâlene akyengimbiâ hanâk dâm nângât kotne bo hepunmai. Akto areâk bo. Ulikñân agak meme âlepñe meyi amâ âlepñe. Gârâmâ hinñe âi humo memai arekñe agak meme tâmbâne are ewangimap are amâ âlepñe dondâ miawaktâp are nângâre biwine herone aktâp. ²⁰ Gârâmâ yengât agak meme konok ire bâlene akmai. Hiangi âmbâle siâne yengâlân miawakmâ, “Nâmâ Anutugât Propete âmbâle.” dâmap. Gârâmâ yâk amâ hiangimap. Ulikñân âmbâle siâ kotne Isebe bâlene akminep akto nângât kâmot Israe luâk âmbâle bâlene akñet dâm hâwât yekminep. Akto âmbâle hinñe miawaktâp yâkñe Isebe hainare akmâ hoñ bawalupne ye bâlene akmâ manmâ sot lâpio yengât enemyenân katmai are neñet dâm hâwât yekmap. Akto hanyenân gemap. ²¹ Galama âmbâle arekñe han biwi purik kalâkgât lâmgom talân. Hain

tatere borâm kârikne akmâ gaep. Kârikne akmâ gam âmâ bâleje agep are bo makmâ miawakmâ hepulep. ²² Aregât hâmbâi kundat humo hâk hilâlâmne olop wanjere hâk hilâlâm bâleje humo nângâm manmâ âgâwiap. Akto luâk âmbâle yâkgât lau lokoyi are bâlejeje bo makmâ miawakmâ han biwiyene bo purik katbai âmâ âlepne nâje umatne humo yengiwian. ²³ Dâ nan baratlupne yâk yengure mom metewai. Hain aktere nângât kâmot hânje hânje manmai arekne are nângâm hin dâwei, “Wei, Humonenje amâ nângâ nângânenje akto biwinenje potatmâ hengemgomap. Akto yâkne wan me wan akmaen aregât hâuje nengiwian.” dâm hamep akbai. ²⁴ Dâ Tiatira manmai yengât bikjande âmbâle bâleje iregât bo nângâ anjai akto den pat bâleje ire Hiangi Ambojaet yonâk katmap dâmai ire bo memai ye âmâ hin konok makyengire nângâjet. ²⁵ Laune âlepne lokom ulikjân mem mali hainâk mem manmâ âgâwei. Âgâmbiâ gem meyekbian. Aregât konok hâwât yektân. ²⁶ Akto yengâlân gâtne kârikne akmâ manmâ laune lokom âgâwiap âmâ nâje memene aganjere âlepne luâk âmbâle hânje hânje manmai are damunene akbiap. ²⁷ Aregât yâk ain huwan mem manmâ damunene akbiap. Hain akmâ umbâ hânân pandenne hogoakmap hain akyengiwiap. Dâ Ewennande memene aknijep nâ hainâk meme aganjian. ²⁸ Akto diâ kâmne humo wanjian. ²⁹ Akto Anutugât Heak âlepjande nângât kâmot akmâ manmai ye wan me wan makyengimbo ainâk nângâm hengemgowe.

3

Sarde yengât den.

¹ Yohane gâ hin kulemgom katmenâ Sarde gâtne yengât honj bawa yâkne oyanjo nângâm hengemgowe. Nâ Yesu, nâje Anutugât Heak nâmbulân lâuwâ akto diâ bân biken lâuwâ meyekmâ kinman.

Nâ yene agak meme akmai are hârok nângâre bo ârândân akmap. Yene wan me wan akmai aregât luâk âmbâle dondâje yekmâ yengât hin dâmai, “Woe, luâk âmbâle ire âmâ han biwiyenjaet damunne akbiâ pâlâmne bo tatmap.” dâmai. Hain dâmai

amâ makmâ hilipkomai. Dâ nâje âmâ biwiyene ekmâ emelâk moep nângân. ² Aregât goanjakmâ agatjet. Nângât Anutu arekne yengât agak memeyene ekto bo huraguâp akto nâkai hainâk agak memeyene ektere bo huraguâp. Aregât agak meme yene ulikjân meyi arekne emelâk bo akberâm aktâp are ye kârikne ketugumbiâ huraguwiâp. ³ Ye ulikjân nângât den âlepne are nângâm emelâk meyi are âlepne lâuwâje nângâm mem bâlejeje makmâ miawakmâ han biwiyene purik katjet. Dâ bo goanjakbiâ âmâ benje luâk kâmburâ yonâk togomap dop hainâk nâje yengâlân togowian. Aregât sop are bo nângâwai. ⁴ Dâ Sarde kepia yengâlân gâtne siânbaje sângumyene hamanân bo pali are yektere huragumap aregât hâmbâi nâ olop manmâ sângum kau kau luguakmâ âgâwaen. ⁵ Akto yengâlân gâtne bikjande âi kârikne mem manbiâ âmâ nâje siân sângum kau kau dondâ yengire luguakbai. Akto manman âlepne aregât kulem esenne ain luâk âmbâle kotyene kulengoân tatâp are ainba bo hârem watyekbian. Bo. Nâje âmâ Ewene akto anjelolupne yâk yengât dewunyenân yengât kotyene yengondere âlepjân manbai. ⁶ Akto Anutugât Heak âlepjande nângât kâmot ye wan me wan yu makyengiep ire nângâm hengemgowe.

Piladepia yengât den.

⁷ Nângât kâmot Piladepia manmai yengât honj bawa yâkgât hin kulengo. Nâmâ Yesu agak meme âlepjeâk akmâ mem manman akto den bunjeâk makman. Akto Anutunje ulikjân hin dâm makmâ kalep, “Siân Dawidigât kâmolân gâtne yâkne manman âlepne aregât hângeje mem katbiap amâ luâk siâje bo mem tigiwiap. Akto hângeje are mem tigiwiap amâ siâje bo mem katbiap.” hain dâm maknijep. Akto den are hinje bunje miawaktâp are Dawidigât kâmolân gâtne nâ. Hângeje are damunne akman.

⁸ Agak memeyene nângâre âlepne akmap. Nâ emelâk hângeje mem katere egi. Akto siâje tigiwiapgât dopne bo. Akto ye kârikneyene amâ bâlensiâ tatyengiâp. Gârâmâ nângât kotne bo munen akmâ denne bo hâkân agi are nângâre âlepne aktâp. ⁹ Akto Yuda luâk bikjande yengâlân

togom hin dâmai, “Nen âmâ Yuda luâk are yengâlân gâtne tinj tinjâk.” dâmai arekne Anutugât kotne bo mem agatmai aregât luâk hiangi akto Niambigât kâmolân gâtne dâman. Akto luâk ire nâne oloj yekmâ kewugu yektere yengât keiyenân hâwuruwai amâ tâliyebiâ hiangi luâk arekne hin dâwai, “Woe, Yesune yâkgât kâmot in manmai are okot âlep akyengimap.” dâwai. ¹⁰ Akto hinne umatne miawak yengimbo kârikne akmâ manbaigât magân are lokom mali. Aregât nâne damunyeje akbian, aregât hâmbâi umatne bâlenjande hânne hânne luâk âmbâle dop yenguwiap are hamepne olowâkne hân hârogân miawakbiap are âmâ yengâlân bo togowiap. ¹¹ Gârâmâ nâne sân sânâk pirâm togowian. Siâne yengât hâu membâigât aregât hamep akmâ kârikneâk manbei. ¹² Akto yengâlân gâtne bikne gasalupyenande bikne mem ge katyekbiâ kârikne akmâ manbai are âmâ nâne kun kun hinare nângât Anutugât emetjaet ain anunyektere Anutugât emet hinare kinbai. Aregât luâk âmbâle are âmâ Anutugât kâmolânâk manmâ âgâwai. Akto Anutugât kotne yâk yengâlân kulemgowian akto yâkgât kepia humo aregât kotne hainâk kulemgowian amâ Yerusalem irakne Anutu gâlânba akto himbimânba gewiap aregât kotne hainâk kulemgowian. Akto nunaet kotne irakne akai hainâk yâkgâlân kulemgore kulem wan me wan are hâkyenân miawakbiap. ¹³ Akto are Anutugât Heak âlepne arekne nângât kâmot ye makyengimbo nângâm hengemgowei.

Laodikea yengât den.

¹⁴ Yohane nângât kâmot Laodikea manmai are yengât honj bawa aregât hin kulemgo. Nâ Anutune wan me wan makmâ kalep are bunne miawakto nâ bunne miawagewânba nâ miawagân. Akto nâne Anutugât den bunne dondâ ârândânâk makman. Akto Anutugât keine bunne hekat yengiman. Akto Anutune wan me wan boâk ketugu yegep ain âmâ nâ uliknânâk miawakmâ manmâ gan.

¹⁵ Nâne yengât agak meme akmai are nângâre pâlâmne aktâp. Akto ye kâlâp bo aktâi me bâlâpne bo aktâi. Akto ye kâlâp

aktâi me bâlâpne aktâi dâine nângâre humo akbop. ¹⁶ Gârâmâ ye kâlâp bo aktâi me bâlâpne bo aktâi aregât nem lâliyebian. ¹⁷ Areâk lâuwâne makbe. Ye amâ yenaet hin dâmai, “Nen âmâ sikum ambone akto siâ siâ dondâ tatnengimap. Akto siâ siâgât umburuk bo akmaen. Nen wan me wan owâine meyion aregât wan me wangât bo kulâgâtbaen.” dâmai. Hain dâm âmâ pâpkom kinmâ mesak gosak akto umburuk akto dewunyeje bokbokne hain are mulân sângum bâlâk manmai. Are bo nângâm ekmâ hengemgomai. ¹⁸ Haingât nâne ire aknet dâm makyengire membiâ huraguwiap. Nângâlân gutmâ goli kâlâpne ondo âlepne dondâ akmap aregât ulitniñbei. Ulitniñmâ hâukombiâ yengiwian. Akto sângum kau kau nen hâk bâlâk manmaen are anun anjawiân dâm ulitniñmâ hâukwai. Akto dewunyeje âlepne akbiapgât tune ulitniñmâ hâukwai. Akto wan me wan hârok ulitniñbiâ yengiwian. ¹⁹ Dâ nâ luâk âmbâle yengât okot âlep akyengim egâlianj yekman are nâne yengum miwindik yekmâ agak memeyeje hengemgo yengiwian. Yengâlân togom oreyekbomgât ye bâlenejeje makmâ miawakmâ hepunmâ agak meme âlepjaet nângâm hengemgowei. ²⁰ Akto nâne yengât hânghiân kinmâ yengonman. Akto luâk âmbâle denne nângâm hânghi mem katbiâ kindo âmâ âlepne nâ ye olop tatmâ sot nembâen. ²¹ Akto nâne uliknân âi humo mem manmâ kotgâm gan aregât Ewene olop tatmâ hârok damunyeje akmaet aregât yengâlân gâtne laune lokom âi humo aregât bo hâkân akmâ âmâ memâk âgâwai âmâ nâ olop wan me wan damunyeje akbaen. ²² Akto Anutugât Heak âlepjande nângât kâmot ye hain makyengiâp are nângâm hengemgowai.” Yesune hain dâep.

4

Yohaneje himbimân kep kenju membiâ yegep.

¹ Akto are bo aktoân himbimân hânghi siâ lewulakmâ kindo egân. Akto den humo tâmbâ uruwaku hinare emelâk nângân ina lâuwâne makniñdo hin nângân, “Wan me wan hâmbâi miawakbiap aregât pat in

gamenâ hekat ginbe.” dâep. ² Hain dâmbô ainâk dowâk Anutugât Heak âlepne arekne kautnân mendo biwine purik kato hin egân. Himbimân wansiâ humo ikinje tat talân tato egân. ³ Dâ egâlian tatalân talep yâk tiripne âmâ golâ golâ akto gilâm gilâm. Arekne ârândân agakne. Akto tat tat aregât uliknân âmâ kulem egâlianje âlepne arekne katipkom kilep tiripne amâ mulumugat hinare. ⁴ Akto yâkgât tat tat humo ain tat tatne siâ siâ 24 ândeanmâ tali. Akto luâk kautne 24 are âmâ sânjum kau kau akto luâk kotdâ yengât irimut goline ke-tuguyi are kautyenân kaunmâ tali. Akto luâk kautne 24 arekne tat tatyenân tatmâ tat tatyene humo are ândeanmâ tali. ⁵ Akto tat tatne humo hutyenân talep ainba belek dâm gutmâ erâm kilep. Akto denje himbim munje kundundun dâmap mun humo hainare agep. Akto tat tatne humo aregât enemnân amâ kâlâp ululunje 7 om kilep. Pagalene are amâ Anutugât Heak bân biken lâuwâ âlepne dop hainâk agep. ⁶ Akto tat tatne humo aregât enemnân âmâ wansiâ areknaet talep amâ haru humo hainare akto dunju hainare akmâ miawakmâ yiep.

Akto tat tatne humo imbât aregât ginje bainje amâ songo humomo manmanje imbât are amâ dewunyeje dondâ arekne enemyeje akto hamiyene tigiep. ⁷ Ulik gulik amâ dopne Laion hinare. Dâ lâuwâne amâ bulimakao luâkgen hinare. Dâ âlâwunje amâ enem dewunje luâk dop hainare. Dâ imbâtne amâ puñdâk hinare. ⁸ Hârogâk konok konok amâ pikyeje bân biken konok. Akto dewun yejeâk biwirâ hârogâk arekne hâkyene kakne amukne tigim yiep. Are hâknângen akto kâlegen gai. Akto hândâk hilâm yâkne hin makmai, “Anutu Humo nenje gâ kârikne amboje, gâmâ wan me wan akmat amâ ârândân akmâ manmat. Wan me wan akmenâ ârândân akmap. Gâmâ siâ me siâ ârândânâk akmat. Gâ uliknânbak tatmâ gaen akto hinje tatmâ gat akto hainâk tatmâ âgâwiat.” dâmai. ⁹ Akto songo manmanje humo tâmbâ imbât arekne Anutu tat tat humo ain kaknân tatmâ manmâ âgâmap aregât okot âlepgât kotne mem agatbiâ âmâ ainâk ¹⁰ luâk kautne 24 arekne

âmâ hainâk kotne mem agatmâ manman Amboje enemnân kângom kotdâgât irimut goliyeje are panbiâ humo tat tatgât enemnân gembo hin dâmai, ¹¹ “Kembunenje Anutu egâlian gogâlean kot pat akto kârikne are gâje Ambo akmenâ ârândân akmâ hurugumap. Gâje âmâ siâ me siâ hârok mem miawagen akto gângât laugât wan me wan are miawakmâ gam tatâp.” dâmai.

5

Yohanene kulem esenje tigim kat katne egep.

¹ Akto Anutu Humo tat tatnân talep aregât bânje bungen are kulem esenje humo siâ tato egân. Are kulemje talep hâkne akto kâlegen gai kulemje hârok. Akto kulem esenje are tâkne 7 dâgâm gisap koyi arekne ekbâirâm dâgâm korat koyi. ² Akto nâje anelo kârikne siâ egân arekne kârikneâk hin dâep, “Ninje luâk ewiâk arekne esenje ire âlepne melalakombo ârândân akbop? Akto tâk are hârewop?” dâep. ³ Dâ himbimân tatmai akto hânân gai tatmaen akto hân amuknân tatmai are nengâlân gâtne siâne esenje are melalakombo âmâ bo ârândân akmap. Akto siâne esenje are melalakom ekbiapgât dâp bo talanep. ⁴ Nâ ektân yâkne luâk siâ bo mem miawakbâi arekne âlepne esenje ire melalakowop. Akto luâk bikne kârikne bo tatyengiep aregât nâ dondâ indeân. ⁵ Hain indere luâk kautne 24 are yengâlân gâtne konokne hin dâm makniñep, “Âlepne, Yuda kâmolân gâtne songo metne siâ kotne Laion hainare akmap akto Dawidigât hakune arekne gasalupne hârok gulip yenguep aregât tâkne hârem mem miawakberâp gât kârikne talañdâp aregât bo inde. Hepun.” dâm makniñep.

Yohanene Anutugât Nanje Lama hinare egep.

⁶ Akto Anutugât tat tatne hutnân akto songo humomo manmanje imbât are yengât hutyenân akto luâk kautne 24 hutyenân ain âmâ lama nanje siâ kindo egân. Lama are emelâk kombiâ mom âmâ golâ akmâ agalep hainare arekne kilep. Akto lama are amâ sâlinje 7, akto

dewunje 7 are amâ Anutugât Heak bêt biken lâuwâ âlepje dop hainâk agi are amâ Anutuje emelâk hungun yengimbo hânje hânje bam guli. ⁷ Lama nanje arekne bam tat talân talep yâkgâlân âgâm bêtje bungen ainba kulem esenje are mem olojep. ⁸ Emelâk kulem esenje are mendo bâin songo humomo manmanje imbât tali akto luâk kautje 24 are lama nanje ginjân tali yâk hârogâk yâk bêtâ konok konok meyi akto kondo goli akto kau higenje âlepje hârogâk kondo are pikmâ yiep. Are amâ Anutugât luâk âmbâle are yengât ulit aregât dopje a hârok mem Lama enemjân kângom yeyi. ⁹ Hain akmâ kep irakne siâ hin meyi, “Gâje kulem ire mem andâmap are mem hâremenâ ârândân akberâp. Gâ gem hânân manmenâ Anutu ikinje kâmolân yengât dosagât gugumbiâ momenâ gilâmgande giep aregât Anutugât kâmot yâk dosa bâlâk manmâ âgâwai. Akto gâje luâk âmbâle kâmotje kâmotje akto denje denje akto hâk kulem keije hârok ainba bikje hâukoyekmenâ Anutugât kâmot agi. ¹⁰ Anutugât kâmot akbiâ meme akyengimenâ Anutugât sumbe kat kat hainare akmâ ulit ginmai. Hain akmâ hânje hânje damunyeje akmai aregât gâ âlepje kulem esenje mem tâk are hârewerât aregât kârikne tatginjâp.” hain dâm kep meyi.

Himbimân Anutugât Nanjaet kot mem agatbiâ yejep.

¹¹ Hain mem metembiâ ajele dondâ oyan oyangât dop bo are Humogât tat tatje are akto songo humomo imbât manmanje tali are akto luâk kautje 24 are ândeanjekmâ kinmâ konbiâ nângân. ¹² Arekne kârikneâk konmâ hin dâyi, “Lama kombiâ moep aregât kotje mem agatne. Akto wan me wan kârikne humo akto siâ siâ hârok akto nângâ nângâ hârok akto pagalene humo akto kot humo talaño ârândân agepgât kotje mem agatne.” dâyi. ¹³ Ajele dondâne hain dâmbiâ nâje siâ siâ himbimân akto hânân manmai akto hân amukjân manmai akto haruân manmai a hârok hin makbiâ nângân, “Kembugât tat talân tatâp akto lama nanje lâuwâ lâuwâ arekne âlepje okot âlep akto kot humo

akto pagalene humo akto kârikne âlepje tatyetkimbo manmâ akmâ âgâwiandat aregât kotyetje mem agatne.” dâyi. ¹⁴ Wan me wan hârok hain dâmbiâ songo humomo imbât manmanje tali arekne hin dâyi, “A bundâk.” dâmbiâ luâk kotdâ 24 yâkne pâwut ligim kângom Anutugât kotje akto Lamagât kotyetje konmâ meyelekmâ agali.

6

Lama arekne tâk hâriep.

¹ Nâje egân amâ Lama arekne kulem esenje are mem kindo egân. Tâk 7 are yengât hutyenân gâtje yâkne tâk konok hâriep. Akto songo humomo manmanje are yengât ulik gulikyene arekne den agep. Dâ hanje munje nângân amâ himbim kundunduj dâmap dop hainâk yâkne, “Gam auj.” dâep. ² Akto nâ lâuwâne ekmâ hin egân. Bau luâk soko kau kau are kakjân luâk hinare arekne tembe meakmâ tato egân. Bau luâk soko are kakjân tato luâk kotdâ yengât irimut bau dâtje imbenân siâ wanbiâ kautjân kaujmâ bâin dâm kuk humo akyengim gasalupje hârok watyekberâm agep. ³ Arimbo amâ Lama arekne tâk lâuwâne are hârembo ainâk songo humomo manmanje areyengâlân gâtje lâuwâne arekne hin dâmbo nângân, “Gam auj.” dâep. ⁴ Hain dâmbo ainâk bau luâk soko lâuwâne gilâm gilâm miawagep. Are miawakto luâk hinare siâje ain tato tâwât humo tâmbâ wanbiâ miep. Wanbiâ mendo Anutuje memeneje agando, “Bâin. Luâk âmbâle hânân âlepje tatbiâ kambiamyeje huraguâkgât sop bo agâk.” dâm kuk agangim agunjetgât tâwât are mem ariep.

⁵ Hain arimbo amâ lama arekne tâk âlâwuje hârembo songo humo manmanje are yengât âlâwuje arekne hin dâep, “Gam auj.” dâmbo nângân. Hain dâmbo nângâm hin egân. Bau luâk soko helen miawakto luâk hinare siâje kakjân tatmâ amâ siâ siâ potat potatgât bânjân miep. ⁶ Den lauje wan siâ hinare arekne songo humomo manmanje imbât tali areyengât hutyenânba arekne den hin magep, “Gâ umbâ bâlensiâ potatmenâ hâmbâi siâ siâ

hâunje âgâwiâp. Akto sot ito itik matik âlâwu potatmenâ puli âgâwiâp. Dâ tu akto kelunje amâ bo maganmenâ amâ âlepneâk puli gegejeâk talâk.” dâep.

⁷ Akto lama arekne tâk imbâtne hâriep. Hârembo sonjo humomo manmanje areyengât imbâtyene arekne hin magep, “Gam aunj.” dâambo nângân. ⁸ Hain dâambo ainâk bau luâk soko gimban miawakto luâk hinare siâne kaknân talep aregât kotne amâ momogât dâp. Akto momogât dâp aregât haminân amâ hemengât pat arekne watmâ togoep. Lâuwâ arekne amâ luâk âmbâle potat yekbela kâmot imbât akbai. Hain akto lâuwâ arekne amâ kâmot konok yengumbela mombaigât kârikne tatyetkiep. Akto makbela mop humo miawakto bikne mombaigât akto kundat humo miawakto bikne mombaigât. Akto sonjo metne miawakmâ bikne yengumbiâ mombaigât kârikne tatyetkiep. Akto are miawaknetgât ariyat.

Tâk 5 hârembo luâk otneyene yegep.

⁹ Arimbela Lama arekne tâk 5 are hâriep. Hârembo hin miawakto egân. Alata siâ miawakto aregât amuknân luâk âmbâle golâ manmai are yengât otneyene golâ tatbiâ yegân. Yâk yengât keiyene amâ hin. Uliknân hânân maliân miti gasanande Anutugât den akto luâk âmbâle Yesugât kotne konmini are mojet dâm yengumbiâ moyi areyengât otneyene yegân. ¹⁰ Akto otneyene arekne Anutu hin dâm konmâ ulilani, “O Humonenne, siâ siâ hârokgât damun nenne gâ âlepne agak meme âlepneâk hârok akmat aregât hin ulit ginjenne nângâ. Sop amuten makmenâ wan me wan hârok ârândân akbiap? Akto sop amuten luâk âmbâle hânân mandâi arekne nengumbiâ moyion aregât hâunje humo gâne yengimenâ umatnân kinbiâ ârândân akbiap?” dâyi. ¹¹ Hain dâmbiâ siâne sângum kau kau siâ konok konok yengimbo membiâ hin makyengiep, “Hâlik, ye getek tatmâ nângâwei. Akto ye yengumbiâ moyi hainâk galalupyene hain yengumbiâ mom metembiâ amâ hâmbâi Anutune oyanjekto ârândân akto âlepne Anutune gilâm yenjaet hâuyene membiap.” dâep.

Tâk 6 hârembo hân himbim akto wan me wan hârok duwun agep.

¹² Akto lama arekne tâk 6, are hâriep. Hârembo hin miawakto egân. Hânân wâriņ humo miep. Akto hilâmgât dewutâne arekne helenj agep. Akto hândâkgât dewutâne bim âgâm gilâm gilâm agep. ¹³ Akto himbimân diâ hârok hânân geyi. Lâwin esenne momone yendo serune waito bererek dâm gemap dop hainâk akmâ diâ hârok dowâk hânân geyi. ¹⁴ Akto nen sângum bigeimaen dop hainâk himbim biken ba biken bigei agep. Akto gimbâne hârok akto haru tânâmņân gimbâne arekne gewâkyene hepunmâ duwun akmâ indân purik âgâm geyi. ¹⁵ Akto hângât luâk kembu akto kotdâ akto bugâ luâk akto luâk sikumdâ akto luâk kârikne akto luâk âmbâle honj bawa akto yâk yengât ambolupyene are hârogâk hamep akmâ hân dâpnângen akto kât dâpnângen akto gimbân gem heambukmâ mali. ¹⁶ Heambukmâ manmâ hin dâyi, “Wâuk, sop humo miawaktâp aregât nen hârok bo akberen. Haingât kât me gimbâne hârokne Lamagât kuk akto Anutu Humogât tat talân tatmap aregât enem dewunjande kârikne nenekbopgât tigi neneknet. ¹⁷ Anutu akto Lamagât kuk bâlene miawaknengiwerâpgât sop miawaktâp aregât niņande kinmâ âlepne akbiapgât.” hain dâyi.

7

Luâk metenân kulem siâ miawakto egep.

¹ Akto are bo akto aregât haminân Anjelo imbât kinbiâ yegân. Anjelo imbât arekne hân biken biken kinmâ serune hân akto haru akto lâwin waityekbop dâm seru pekenje akmâ kinbiâ yegân. ² Akto anjelo siâ miawakto egân. Yâkne dewutâ gamap ain miawakmâ Anutu Manman Ambone yâkgât tirip miep. Hain akmâ den kârikne anjelo imbât seru hepunbiâ haru akto hân bâliwiap aregât hin makyengiep, ³ “Ye hinje seru are bo panbiâ hân haru lâwin wailâk. Nenne sonj Anutugât honj bawa yengât meteyenân Anutugât tirip ire ketugenne kindo âlepne seru are panbei.” dâep. ⁴ Akto

luâk âmbâle oyanje nângân arekne Anutugât pat agi yâk 144,000. Israe luâk âmbâle yengât kâmolân gâtne hârok. ⁵ Yudagât kâmolân luâk âmbâle 12,000 arekne dop meyi. Akto Rubengât kâmolânba 12,000. Akto Gadagât kâmolân 12,000. ⁶ Akto Asagât kâmolân 12,000. Akto Naptaligât kâmolân 12,000. Akto Manasegât kâmolân 12,000. ⁷ Akto Simeongât kâmolân 12,000. Akto Lewigât kâmolân 12,000. Akto Isasagât kâmolân 12,000. ⁸ Akto Sebulongât kâmolân 12,000. Akto Yosepegât kâmolân 12,000. Akto Bensamingât kâmolân 12,000.

Luâk âmbâle dondâne Anutugât kotje mem agatmâ kinbiâ yegep.

⁹ Are hârok bo akto âmbâle dondâ mendugum kinbiâ yegân. Akto luâk âmbâle are luâkne bo oyanjekbai. Dâ luâk kâmot humo âmâ kâmotne kâmotne denje denje hâk kulem keiñe hârok ainba Kambu tat tatjaet ginjân kili. Akto Lama yâkgât enemjân kili are hârok sângum kau kau kâkâlewâk hârok luguakmâ matuk esenje mem ¹⁰ kârikneâk konmâ hin dâyi, “Anutu damunnene, gâ amâ tat tat humo ain tatmat. Gâ bâlenjânba menenegen. Akto nange Lama are nengât dosa mem âmâ mondo aregât unjak âlepne manmâ taten.” dâyi. ¹¹ Akto anjelo hârok kinmâ humogât tat tat ândeaji. Akto luâk kotdâ are akto songo humomo manmanje imbât tali ain ândeanyekmâ kângom tatmâ Anutugât kotje mem agatmâ hin dâyi, ¹² “A bundâk. Akto nen Anutunene okot âlep dondâ nânganden. Akto pagalene kârikne talanmap. Akto lumbe aknengimap. Aregât kotje mem agatne. Yâk nângâ nângâne âlepneâk hârok. Haingât mepaimne manjanmâ herone kalanmâ kotje mem agatne. Yâk kârikne bundâk. Kârikne hârok yâkgâlânâk hârok tatâp. Siâ siâ imâ hârok yâkgâlânâk hârok hilâmne hilâmne tatmâ gamap. A bundâk.” dâyi.

¹³ Hain dâmbiâ luâk kotdâ yengâlân gâtne siâne hin ai naguep, “Luâk âmbâle ire emelâk sângum kau kau kali amâ niñe hinare? Akto wânân gâtjande togoâi? Nângât me bo?” dâmbi ¹⁴ nâñe hin maganân, “Apo, gâ gugagâk nângât.” dâre hin makniñep, “Luâk âmbâle ire âmâ

emelâk umatne humo mem nângâm hâk hilâlâm nângâm gasalupyenande bâlene akyengimbiâ momogât dâwân mali. Akto emelâk Lama gilâmne sângumyene pulimbiâ kau kau agep. ¹⁵ Haingât Anutugât enemjân kinmâ hilâmne hândâkne ârândâñâk yâkgât sumbe emetjân hon bawa agañmai. Akto Kambu tat talân tatmap arekne korat yengum damunene akmap. ¹⁶⁻¹⁷ Akto Lama are tat tatne kâlegen tatmap arekne hainâk damunene akmâ kewugu yekmâ manmangât tu dewunne aregen ariwiap. Akto Anutune dewunene tujene are puliwiap. Aregât lâuwâne mopyene bo aguwiap. Akto tugât lâuwâne bo mombai. Akto dewutâne lâuwâne bo kâunjo yekbiap. Akto kâlâpne lâuwâne bo oyekbiap.” dâep.

8

Tâk bâiñe hâriep.

¹ Akto Lama arekne tâk 7 bâiñe are hâriep. Hârembo ainâk himbimân nâñ nâñ dâm ariep. Nâñ nâñ dâm arimbo sop getek bo agep. ² Sop getek bo akto Anjelo 7 Anutugât enemjân kili are yegân. Akto siâne lâmun 7 yengimbo meyi. ³ Akto Anjelo siâne kondo goliñe mângi mângiñe are mem togom sumbe kat katgât ginjân mem kindo siâne siâ me siâ higenne âlepne dondâ katbiâ giep. Gembo egâlian tat tat metenjân sumbe kat katgât goliñe mângi mângiñe talep aregât kakjân katmâ Anutugât kâmotne ulilanmai ulit are olop dewatim oep. ⁴ Wanjo ondo higen suk suk akto dâwokne akto Anutugât luâk âmbâle yengât ulit are olop Anutugât enemjân âgâep. ⁵ Âgâambo bo akto anjelo arekne kâlâp alatanba mem kondo kâlegen lugumbo om kilep. Om kindo anjelo arekne kâlâp pando hânân giep. Hânân gembo hamandat hogoakto mun humo miawagep. Hain akto denje denje humo akto hamandat pagalene arekne belek belek dâm erâm arimbo wâriñ humo miep.

Anjelo 7 arekne lâmunene waitberâm kili.

⁶ Akto anjelo bân biken lâuwâ arekne lâmunene mem waitberâm akbiâ yegân.

⁷ Akto bân anjelo ulik gulik arekne lâmunne kolep. Lâmunne kondo bân

tânâk kât akmâ giep akto kâlâp akto gilâm miawakmâ mendugu akmâ hânân giep. Hânân gembo lâwin dop koyi akto hân koyi are âmâ dopne âlâwu ârândân akto kâlâpne bikne oep. Akto hewukne golâ golâ hârok ondo bo agep.

⁸ Hain akto anjelo lâuwâne arekne lâmun kolep. Kondo bâin wan siâ panbiâ giep amâ borâne hinare kâlâp humo arekne sopanmâ haruân giep. Haruân gembo haru dopkoyi amâ bikne âlâwu ârândân agep. Dâ bikne amâ purik âgâm gilâm agep. ⁹ Akto wan me wan haruân manmai hârembiâ hewum âlâwu miawagep. Âlâwu miawakto bikne moyi. Akto haru wanjaet oyanje gai hainâk dopkoyi are dopne âmâ kâmot âlâwu akto haru wanjae kâmot siâ amâ bikneâk bâliyi.

¹⁰⁻¹¹ Akto anjelo âlâwuyene arekâ lâmunne kolep. Kondo bâin diâ humo siâ kotne Kalak kâlâp ululunne hinare oep. Arekne himbimânba gem tu hâgâm neyi are amâ hewum dopne âlâwu hainare akto tu kâmot siâne purik âgâm tu kalakne miawagep. Hain miawakto luâk biknande tu are nembiâ kalak yengumbo mom meteyi.

¹² Akto anjelo imbâtne arekne lâmunne konlep. Akto bâin dewutâ akto diâ akto dewutâ golahe are hârok pâne âlâwu ârândân agep. Akto dewutâgât bikne konok hilip koyi. Akto dewutâ golahe aregât bikne akto diâ bikne hârok. Dâ pagalenjaet sowân amâ hogoakmâ hewum âlâwu bo agep. Dâ pagalene biknande âmâ hândâk miawagep. Hândâkgât dewutâ pagalene bikne amâ bâliep. Akto hândâk bikne gai hainâk bâliep. ¹³ Akto puñdâk humo siâ pukukuk katmâ lapanângen himbim tânâmângen arimbo egân. Ektere kârikneâk konmâ magep, “Wâuk, wâuk, luâk âmbâle hânân tatâi. Anjelo âlâwu lâmun konberâm aktâi umatne humo luâk yengâlai miawakbiap aregât kambiamne bâliap.” dêep.

9

Anjelo momerâknande lâmun kondo dikon keine ondop miawagi.

¹ Akto anjelo momerâk arekne lâmunne wailep. Waito bâin diâ siâ himbimânba

gembo egân. Akto siâne lâm ingon kâlep timopne bo aregât ki wanjo diâ arekne ki are miep. ² Mem lâm timopne bo aregât hângehe mem kato arewa dâwok humo gaep. Akto arekne gam himbimân âgâm dewutâ akto himbim tigiep. ³ Akto dâwok hutnânba kendemuñ dondâ hân hârok ârândân miawagi. Arekne dâwok hepunmâ hânân geyi. Gembiâ Amboñande hundumdâ kândârânân kârikne yengimbo meyi. ⁴ Aregât kârikne membiâ Amboñande hin dâm makyengiep, “Ye âmâ sot me hewukne me lâwin bo hilipkowi. Akto luâk âmbâle Anutugât tirip yengât mete yenân bo yekmâ âmâ are âlepne hâk hilâlâm yengiwei. ⁵ Hâk hilâlâm yengim âmâ momogât dopne bo yengiwei. Hain akbiâ dewutâ momerâk bo akbiap.” dâm makyengiep. Akto duki arekne luâk âmbâle bâlene yengiwei. Haingât hâme hewuk yâkne âmâ luâk hâk hilâlâmne yengiwiapgât wanbai. ⁶ Sop ain âmâ luâk âmbâle yengimbiâ momogât dâp kulâgâtbai. Kulâgâtbiâ âmâ bo mem miawakyekbiap. Hain akmâ gain gain mondenne hâk hilâlâm ire bo agâk dâm aregât dâp âsim kinbiâ bo miawak yengiwiap.

Kendemuñ towat yengât den.

⁷ Akto kendemuñ arekne kuk akberâm bau luâk soko arekne tâlâgum kinmai dop hainâk kinbiâ yegân. Dâ kautyene amâ kotdâ yengât irimut goli hainare aligit akmâ kinbiâ yegân. Dâ enem dewunene âmâ luâk nengât enem dewunnenne hainare. ⁸ Dâ dumutyene amâ kâkâlep dondâ. Dâ dâtyene amâ kâkâlep metne dondâ pugaiyagât dâtnne hainare. ⁹ Akto diñenyenjaet pekeyene amâ kapa hainare. Dâ pikyene munne amâ bugâgât wanja munne bau luâk soko oloñmâ pirâm arimai munne hainare. ¹⁰ Akto dâtyene amâ hâme hewukgât dâtnne hainare. Akto luâk âmbâle hâk hilâlâm yengiwaigât kârikneyene amâ dakeyenân are tato luâk âmbâle yengumbiâ hâk hilâlâm nângâm manmâ âgâmbiâ dewutâ momerâk bo akbiap. ¹¹ Akto kembuyene siâ talep. Kembu are âmâ anjelo siâ dâp timopne bo aregât damunne. Dâ anjelo aregât kotne amâ Yuda yengât denân amâ Ambondoñ. Dâ Girik yengât denân

âmâ Apolionj. Dâ den purikne amâ hilipko hilipko amboņe.

¹² Bâin, umatņe ulik gulik amâ bo aktâp. Akto umatņe lâuwâņe akto âlâwuņe tâlâguwerâp ire.

Aņelo bāt biken konok arekņe kondo bugâ humo miawagep.

¹³ Akto aņelo bāt biken konok arekņe lâmunņe kolep. Kondo den siâ alata goli Anutugât enemņân talep tunguņe imbât arewa kune ain hin miawagep.

¹⁴ Miawakmâ Aņelo bāt biken konok are hin makmâ miawagaņep, “Gâņe aņelo imbât yâk tu humo yiep kotņe Euparat ain kala busi kâlegen katyekbiâ tali are hepun yekmenâ arinjet.” dâep. ¹⁵ Hain dâmbo aņelo bāt biken konok arekņe aņelo imbât tu humo kotņe Euparat ain tali are hepun yekto luâk âmbâle hârok potatmâ hewum âlâwu kali aregât hewum konok yeņguenņe moņet dâm ariyi. Akto aņelo imbât are yeņgât keiyeņe are hin. Emelâk Anutuņe sop makmâ kalep are tâlâgumbo owâiņe akmâ arim yeņguwaigât sop lâmgom wan me wan emelâk heņgemgoyi.

¹⁶ Akto are yeņgât tembe lokolupyene bau luâk soko kakņân tali are yeņgât oyaņeņe amâ oyaņ oyaņgât dopņe bo arekņe makbiâ nâņgân. ¹⁷ Akto biwine purik kato giwelân hin egân. Luâk bau luâk soko kakņân aregât bugâgât hâk peke kapa luguakbiâ kapa kulemyeņe amâ gilâm gimbaņ gâme akto kau gâwu agep. Akto bau luâk soko areyeņgât towatyene amâ hin. Kautyene amâ Laion hainare akto lauyeņânba amâ kâlâp ululunņe akto bugâgât dâwok higenņe bâleņe puņgum puņgum erâep. ¹⁸ Akto yâkņe luâk âmbâle potalakmâ hewum âlâwu akto hewum konok are kâlâp lauyeņgânba arekņe oyekmâ yeņgum om meteyegep. ¹⁹ Akto bau luâk soko areyeņgât kârikņe amâ lauyeņân akto dakeyeņân talep. Akto dakeyeņe amâ niambi sâmbâ hinare akto niambi sâmbâ arekņe luâk âmbâle hilip yeņgumbiâ hâk hilâlâm nâņgâmai.

²⁰ Akto luâk âmbâle bikņe wan siâ me siâ bâleņe iregât boâk moyi areyeņgât bâleņeņe bo makmâ miawakmâ hanyeņe purik kali. Are yeņgât bâleņe hin. Hat

sinduk me sinduk baniara yâk yeņgât nâņgâmbiâ humo akmap. Lâpio me wan me wangât nâņgâmbiâ humo agâkgât goli me siliwa me kapa me kât me lâwin arekņe mem ketuguyi. Ketugumbiâ bo ekmai. Akto bo nâņgâmai akto bo bam gutmai areyeņgât kotyeņe mem agatmâ ulilaņmâ mali. ²¹ Hain akmâ amâ luâk âmbâle yeņgumbiâ moyi akto sait bâleņe mâņgi yegi. Akto dâp gulip mali. Akto kâmbu konda akmini. Agak meme bâleņe aregât bo makmâ miawakmâ hanyeņe bo purik kali.

10

Aņelo siâņe kulem esenņe siâ Yohane wanđo niep.

¹ Akto Aņelo humo kârik siâ himbimânba gembo egân. Himbimânba gem amâ hâkņe hamandatņe tigimbo kautņân mulumugat gam talep. Akto aņelo aregât enem dewunņe amâ dewutâgât pagaleņe hainare. Akto kei pâwutņe amâ kâlâpņe ululunņe om kinmap hainare. ² Akto bātņân kulem esenņe melalakom yendo miep. Akto keiņe bungen amâ haru kakņân tâlim kilep. Dâ keiņe kanegen amâ hân kakņân tâlim kilep. ³ Hain akmâ bâin kot kârikņeâk kolep amâ laionņe kamboņmap hinare. Hain kondo bâin hamandat bāt biken lâuwâ ainâk hogoakto den humo tâmbâ miawagep. ⁴ Den humo tâmbâ miawakmâ makmâ metembo amâ nâņe den are kulemgowerâm aktere den siâ himbimânba hin miawakto nâņgân, “Yohane, hamandat bāt biken lâuwâ mun aktâi are yeņgât den amâ biwigânâk kat. Bo kulengo.” dâmbo nâņgân. ⁵ Akto aņelo humo haruân akto hânân kilep arekņe bātņe bungenņe melalakom himbimângen panmâ kinmâ ⁶ Anutu Manman Kârikņe Amboņe himbim akto hân akto haru akto wan me wan ain tatmai are ketuguyegep aregât kotņe konmâ hin dâep, “Bâin, sop tâlâguâp aregât Anutuņe lâuwâņe bo lâmgowerâp. ⁷ Dâ titnan aņelo bāt biken lâuwâ yeņgâlânba bâiņe arekņe lâmunņe konberâm akto ainâk Anutuņe den yoņâk are hoņ bawa propetelupņe makyenņiep are bunņe miawakbiap.” dâep.

⁸ Akto kot humo himbimânba miawakto emelâk nângân are lâuwânje makniņdo hin nângân, “Gâ ari aņelo haru akto hânân kindâp aregât bâtnân âmâ kulem esenņe melalakom tatâp are me.” dâep. ⁹ Hain dâmbo arim Aņelo are hin maganân, “Gâņe kulem esenņe bâlensiâ are niņ.” dâre hin makniņep, “Âlepņe mem ne. Arekņe âmâ laugân âmâ hâlâmġât ukenņe hainare akberâp. Dâ gem tepġân âmâ tatmâ kalak ġiņberâp.” dâep. ¹⁰ Hain dâm niņdo bâtnânba mem neân. Mem nendere launân âmâ ukenņe agep. Dâ nem metere gem âmâ tepnân tatmâ kalak niņep. ¹¹ Hain akto hin makniņep, “Gâ hanâk luâk âmbâle âġâ âġâņe gegeņe denņe denņe kepia kepiāņe manmai are yeņġâlân wan me wan miawak yeņġiwiap are makmâ miawakyeņġiwen.” dâm makniņep.

11

Luâk lâuwâ Anutugât den dâtâņe yetġât den.

¹ Akto lau himbimânba konlep yâkņe huwan siâ dopko dopkogât niņep. Huwan niņmâ hin dâm makniņep, “Gâ agatmâ Anutugât Sumbe kat katġât emetņe alata dopņe me. Akto luâk âmbâle âġâm Anutugât kotņe mem agatmai areyeņġât oyanyeņe oyanyek. ² Dâ lope hâkņângen are amâ dop bo me. Hepun. Lope ire luâk âmbâle Anutu bo nâņġâ aņmai arekņe tâlim bâleņe aganġiâ dewutâ 42 ain bo akbiap. Aregât lope are dop bo me. ³ Akto nâņe hoņ bawalogâtne lâuwâ siâ hainare me kemdâ lâuwâ siâ meme akyetkire sâņġum tok tokņe luguġiat. Hain akmâ nâņġât den makmâ miawakbela hilâm 1,260 bo akbiap.” hain dâep. ⁴ Hoņ bawa logâtņe areyetġât keiyetņe hin. Yâk amâ lâwin lâuwâ kotņe oliwa hainare me kemdâ lâuwâ hainare hân hârok aregât Damunņe Anutu yâġġât enemņân kinmandat hainare. ⁵ Dâ luâk bikņande bâleņe akyetkiwerâmbiâ âmâ kâlâp lauyetņânba waitbela kâlâp arekņe punduņ katmâ oyekto mombai. Moņetġât dâp are Anutuņe makmâ kalep. ⁶ Akto Anutuņe wâtyetņe akyetkimbo tânâk bo ġewiapgât nâņġâm makbela ainâk âlepņe tânâk bo ġewiap. Akto tu hârok mem

purik katbela ġilâm akbiap areġât nâņġâm makbela âlepņe hainâk akbiap. Akto kundat humo miawagâk dâm makbela ainâk kundat humo miawakbiap. Aregât ukenyetņe miawagâġġât kârikņe tatyetkiwiap. ⁷ Akto lâuwâ arekņe Anutugât âi den mak mak are makmâ metewiandat amâ soņgo humo tâmbâ metņe lâm timopņe boângenba arekņe gam gasa yetkimbo mombiandat. ⁸ Yetkumbo mombela âmâ hâkyetņe amâ kepia siâ kotņe den dopņân Sodom akto kotņe siâ Aigita ain Humoyetņe lâwinân kom hikombiâ moep kepia areġât sombeimân ain yembian-dat. ⁹ Ain yembela luâk âmbâle mitigât gasaņe hârok hânņe hânņe akto denņe denņe togom hâkyetņe yelekmâ mem han yetkuwâi dâm damunyetņe kinbiâ bo han yetkuwai. Amâ hilâm âlâwu akto bikņeâk bo akbiapgât. ¹⁰ Hain akmâ hânân manbai hârokņe, “Wei, hoņ bawa lâuwâ arekņe nen hâk hilâlâm nengiwerâm togoyiat ina emelâk moyiat.” dâm areġât heroņe humo akbai. Akto okot âlepġât wan me wan galalupyene yeņġiwei. ¹¹ Hain akbiâ hilâm âlâwu akto bikņeâk bo akto Anutugât Heak âlepņande mom yembian-dat areyetġât kautyetņân mendo ġolâ akmâ kinbela luâk âmbâle kinbai arekņe yelekmâ hamep humo aġi. ¹² Hain akbiâ ainâk lau siâ himbimânba kot kârikņe siâ hin kondo nâņġayiat, “Yet iren gaet.” dâmbo haman-dat kakņân âġâmbela gasalupyetņande yelegi. ¹³ Âġâmbela yelekbiâ ainâk wâriņ humo miep. Mendo kepia humo are bikņe bâliep. Wâriņ humo mendo kepia bikņe hogoakto luâk âmbâle 7,000 yeņġumbo mom meteyi. Akto luâk âmbâle bikņe bo moyi arekņe areġât hamep dondâ akmâ Anutuņe himbimân mandâp are nâņġâm kotņe mem aġali.

¹⁴ Bâin umatņe humo lâuwânje areġât keiņe hain. Dâ wâuk sop bâlensiâ tatâp umatņe âlâwuņe miawakbiap.

Aņelo 7 bâiņe arekņe lâmunņe wailep.

¹⁵ Akto aņelo 7 galayeņe bâiņe arekņe lâmunņe wailep. Waito bâin himbimânba kot kârikņe siânbaņe konmâ hin dâyi, “Humonnenņe akto huņġun aņdo ġiep arekņe hân hârok damunņe akbiandatġât dâp

miawaktâp. Akto himbimân damunnenje akmâ manmâ âgâwîap.” dâyi. ¹⁶ Akto luâk kembu 24 tat tatyenân Anutugât dewunjan tatmai arekne kângom yem âmâ Anutugât nângâmbiâ humo agep. Humo akto Anutu hin maganji, ¹⁷ “O Anutu gâ Kârikne Amboje manmâ gat akto manmâ âgâwîat. Gâje âmâ kârikne miawagâk dâm hânje hânje damunyeje akbiatgât keije katât aregât mepaige mem herone katgekma mem agatgekne. ¹⁸ Akto luâk âmbâle bo nângâ giñmai arekne kuk akgiñbiâ ainâk kuk akyengien aregât bâin dâm luâk âmbâle momone den âiân katyekberâtgât sop miawakto aregât kotge mem agatne. Akto unak honj bawage Propete akto luâk âmbâlelupge kotgaet kângomgiñmai are hâuje âlepne yeñgiwerâtgât sopne miawaktâp. Akto luâk âmbâle âgâ âgâje gegeje gângât hamep akmai are hâuje âlepne yeñgiwerâtgât sopne miawaktâp aregât kotge mem agatne. Akto luâk âmbâle bikñande wan me wan hânân âlepne tatmap are bâleje akyengiep are hilip yeñguwerâtgât sop miawaktâp aregât kotge mem agatne.” dâyi.

¹⁹ Akto luâk kembu 24 arekne hain dâm maganbiâ ainâk Anutugât Sumbe kat kat emetne bunje himbimân tatmap aregât hânji humo lewulakto den kârikne kâlân kulengoep aregât emetne miawakmâ kilep. Ain kindo belek belek akto himbim kundundun dâambo denje denje humo miawakto wâriñ humo mendo hân hârok ârik tânâk kârikne giep. Are hârok miawakto egân.

12

Âmbâle siâ akto pugaiya yetgât den.

¹ Akto kulem siâ himbimân miawakto egân amâ hin. Âmbâle siâ talep are hâk pekeje amâ dewutâ hâwâ liliñe hainare luguagep. Akto dewutâ golañe keije amukñan talep. Dâ kautñan âmâ kotdâgât irimut diâ 12 kilep. ² Akto âmbâle amâ tepdâk akto nanan miawakberambo hâkne hilâlâm aganjo kambonj kârikne kambonep. ³ Hain akto kulem siâ himbimân miawakto egân amâ hin. Pugaiya hinare gilâm siâ miawakto egân yâk âmâ kautne bât biken

lâuwâ. Akto kautne siâ siâ ain kembu yeñgât irimut konok konok kauñep. Akto sâliñe bât biken lâuwâ. ⁴ Akto pugaiya hinare arekne dakenande diâ kâmot siâ ñârân orem urutmâ pan yekto hânân gembiâ yegân. Akto diâ kâmot lâuwâñeak himbimân âlepne tali. Akto Pugaiya arekne âmbâle are nanan memberâm akto aregât enemjan kilep. Kinmâ nanan miawakto ainâk nemberâm akmâ lângom kilep. ⁵ Hain kindo âmbâle arekne nanan luâk miep. Nanan irekne hâmbâi luâk âmbâle hârok huwan kârikneje damunyeje kârikne akbiap. Akto nanan are mendo Pugaiyañe nanan are nemberâm akto ainâk siâñe nanan are mem oloñdo himbimân âgâambo Anutu ikinjaet tat talân katbiâ talep. ⁶ Akto âmbâle are hamep akmâ pârigim arim hân kamitñangen luâk âmbâle bo manmai aregen ariep. Ain arimbo Anutune emet emelâk heñgemgom hin dâep, “Âmbâle ire in mando tângowian âmâ hilâm 1,260 bo akbiap.” dâep. Emet ain ari malep.

Himbimân kuk humo miawakto Niambi hâkokombiâ hânân giep.

⁷ Akto ainâk kuk humo himbimân miawagep. Anjelo humoyeje kotne Mikae akto anelolupñande Pugaiya are akto anelolupne kuk akyengi. Akto Pugaiya akto yâkgât anelolupne yâkâ hainâk kuk humo akyengi. ⁸ Kuk humo agangim Mikae yâkgât kâmotlupñande Pugaiyagât kâmot are ewangi yekbiâ yeukne akmâ himbimân welamyene bo talep. ⁹ Yeukne akmâ himbimân welamyene bo tato aregât Anutugât kâmotlupñande Pugaiya are hâkokom pananbiâ ingon ge yiep. Akto Pugaiya aregât kotne hin, Niambi yâkgât agak meme amâ hin akmap. Luâk âmbâle hârok heyengim den âiân katyekmap. Niambi are akto anelolupne olop yâkne hânân geyi. ¹⁰ Akto himbimânba kot kârikne siâ kondo hin nângân, “Hâkyeje tunmap Amboje arekne Anutu dewunjan kinmâ Anutugât kâmotlupne are hokboâk hokboâk hilâm hândâk hâkyeje tunmap gârâmâ unak Anutune makto anelolupñande Niambi hâkokom watmâ panbiâ geap aregât Anutu nengât Humonenje yâkgât kârikne akto

luâk âmbâle heŋgem yeŋguwiapgât dâp kârikŋe miawaktâp. Are miawakto yâkgât kâmot ikinjak damunyeŋe akto manman âlepŋân manbai. Akto areâk bo. Niambi geâp aregât unjak Anutugât Kristo yâkgât memene akto wâtŋe miapŋân miawakto ekten. ¹¹ Akto Anutugât kâmotlupŋe areyeŋgât manman aregât ukenŋe bo nâŋgâm amâ Anutugât gasalupŋe togombiâ hanâk dâm Anutugât kotŋe bo heambukbiâ amâ yeŋgumbiâ moyi aregât Anutugât nanŋe Lama moep aregât gilâmŋande akto denyeŋande Niambi are mem hâkokom ge kali. ¹² Haingât ye hârok himbimân mandâi ye okot âlep nâŋgâm herone akbei. Dâ hânân mandâi amâ yeŋgâlân umatŋe humo miawakberâp aregât okotne bâliâp. Amâ Niambi hin nâŋgâp, “Nâŋgât sop tâlâgu akniŋberâp.” dâm nâŋgâp aregât kuk humo akmâ yeŋguwerâm aktâp akto umatŋe humo miawakberâp aregât okotne bâliâp.” kot kârikŋe hain dâm kolep.

Pugaiyaŋe âmbâle gasa aganeŋe.

¹³ Akto pugaiya hânân panbiâ giep amâ ainâk âmbâle nanaj miep are gasa aganeŋe. ¹⁴ Hain dâm wato amâ Anutuŋe makto puŋdâkgât pikŋe lâuwâ âmbâle are waŋbiâ mem âlepŋe pukukuk katmâ agatmâ hân kamitŋangen ikinŋe emetŋe ain ariep. Akto emet ain amâ Anutuŋe emelâk heŋgemgom, “Âmbâle are pugaiyaŋe membopgât in mando tângore sop siâ siâ akto sop bikŋeâk bo akbiap.” dâm ketuguep. ¹⁵ Âmbâle arekŋe lalakmâ arimbo Pugaiya humo gilâm arekŋe tujene âmbâle are hilip koâk dâm aregât launânba tu humo mugalep. ¹⁶ Tu mugato tu arekŋe âmbâle are wato ainâk hânŋe âmbâle are tângom hogoakmâ dâp humo miawakto tu ainâk pugaiya arekŋe mugalep are hân kâlegen yân gembo âmbâle are âlepŋe kilep. ¹⁷⁻¹⁸ Âlepŋe kindo Pugaiya humo arekŋe âmbâle are âlepŋe kilep are ekmâ nâŋgâmbo bâliep. Akto kuk humo aganeŋe. Kuk humo aganeŋmâ âmbâle aregât nan baratlupŋe bikŋe yeŋguwerâm agep. Akto âmbâle aregât nan baratlupŋande Anutugât den kârikŋe lokomai. Akto Yesugât keiŋe makyenŋimai aregât pugaiyaŋe kuk humo

nâŋgâm yeŋguwerâm ariep. Arim haru dâtŋân teŋgâ kilep.

13

Sonjo dâtŋe metŋe miawakbela yelegep.

¹ Arim haru dâtŋân teŋgâ kindo sonjo metŋe siâ haruânba gambo egân. Sonjo metŋe are amâ sâliŋe bât bip bip hârok. Akto sâliŋân amâ kembu yeŋgât irimut konok konok aligilakmâ talep. Akto kautŋe amâ bât biken lâuwâ ain den bâleŋe Anutugât kotŋe mem ge kat katgât den ain talep. ² Akto sonjo metŋe amâ dowâk keiŋe kârikŋe hainare miep. Akto kei bâtŋe pikŋe amâ kâkâlep. Akto dâtŋe amâ Pugaiyagât dâtŋe hainare. Akto Pugaiya emelâk egân arekŋe ikinŋe kârikŋe akto wâtŋe tat tatŋe amâ sonjo metŋe waŋep. ³ Akto sonjo metŋe amâ aregât kautŋe amâ siâŋe emelâk koep. Kondo diwi agep amâ emelâk pandagep. Akto luâk âmbâle hânŋe hânŋe mali arekŋe sonjo metŋe are olop manberâm ekbiâ dâtŋe akto kotŋe mem agali. ⁴ Akmâ pugaiyaŋe sonjo kârikŋeŋe waŋepgât makmâ egâlian aganeŋe. Hain akmâ songogât hain âgâk konmâ mem agatmâ hin dâyi, “Sonjo hainare niŋande mandâwo? Akto niŋande bugâne kondo gewiawo?” dâyi.

⁵ Akto amâ sonjo metŋe arekŋe Anutugât kotŋe mem ge katbiapgât kârikŋe miawaganep. Mem ge katmâ kot humo kamboŋmâ indiep. Hain akmâ manmâ kârikŋe akmâ âgâmbo dewutâ 42 bo akbiap. ⁶ Akto sonjo metŋe arekŋe Anutugât kotŋe patŋe akto manmanŋaet welamŋe mem bâleŋe ketugum amâ himbimân manmai are hainâk bâleŋe akyenŋiep. ⁷ Akto Anutugât kâmot are kuk kârikŋe akyenŋiâkgât kârikŋe miawaganep arekŋe yeŋgumbo yeukŋe agi. Akto areâk bo. Sonjo metŋe arekŋe Pugaiyagât kârikŋe miep aregât luâk âmbâle kâmotŋe kâmotŋe akto denŋe denŋe akto hâk kulem keiŋe hârok yeŋgât kembu agep. ⁸ Akto luâk âmbâle hârok kotyeŋe manmangât kulem esenŋân bo tatâp arekŋe sonjo metŋe aregât kotŋe mem agali. Akto manman kârikŋaet kulem esenŋe aregât keiŋe hin. Lama moep arekŋe hân bo miawagewân

ikiŋe kâmot areyengât kotyeŋe kulempoep. Aregât luâk âmbâle bikŋe kotyeŋe ain bo kulempoep. Arekŋe soŋgo metŋe aregât kotŋe mem agali. ⁹ Akto ye den ire oyanbai yeŋe den ire oyanmâ nâŋgâm hengemgoweï. ¹⁰ “Âlepŋe, luâk âmbâle bikŋe kala busi emetŋân katyekbiâ aregât agak meme miawak yeŋgimbo âmâ ainâk ain arim kala busi kâlegen manbai. Akto luâk siâŋe siâ tâwâtŋe kondo mombiapgât pat miawakbiap amâ âlepŋe luâk siâŋe luâk are kondo mombiap.” den hain tatâp aregât Anutugât luâk âmbâle âmâ kârikŋe tatmâ manmâ âgâmbiâ biwiyenŋe Anutugâlânâk kinmâ âgâwiâp. Akto umatŋe bâlenŋe aregât hamep bo akbei.

Hân kâlegenba soŋgo dâtŋe metŋe siâ gambo egep.

¹¹ Akto soŋgo metŋe siâ egân amâ hân amukŋânba petakmâ hân kakŋân gaep. Soŋgo metŋe ire amâ sâliŋe lâuwâ lama luâkgen hainare. Dâ denŋe amâ Pugaiya hainare. ¹² Dâ soŋgo metŋe lâuwâŋe amâ soŋgo metŋe siâ ulik gulik egân aregât kârikŋe miép. Akto yâkgât enemŋân âi miép. Akto soŋgo metŋe lâuwâŋe arekŋe kârikŋe akmâ hân akto luâk âmbâle hânân manmai are hâwât yekmâ soŋgo metŋe ulik gulik egân are kautŋe hârembo pandakto malep aregât kotŋe mem agatŋetgât hâwât yekto hain agi. ¹³ Akto soŋgo metŋe lâuwâŋe arekŋe kulem keiŋe keiŋe hârok humo mendo ekmini. Akto luâk âmbâle dewunyenân kâlâp humogât makto himbim hepunmâ hânân gembo egi. ¹⁴ Akto soŋgo ulik gulik aregât enemŋân kinmâ kulem siâ membiapgât kârikŋe miawaganepgât luâk âmbâle hârok heyenŋiep. Heyenŋim hin makyenŋiep, “Ye soŋgo metŋe tâwâtŋe kautŋe hârembo pandagep aregât otnenŋe lâwin wan hâwim ketugunet.” dâep. ¹⁵ Hain dâm hâwâtyekto ketugumbiâ soŋgo metŋe lâuwâŋe arekŋe heakŋe are otnenân are waito otnenŋe arekŋe den makmâ kilep. Hain ageine luâk âmbâle bikŋande otnenŋe aregât kotŋe bo mem agali are yeŋgumbo moyi. ¹⁶ Akto areâk bo. Otnenŋe arekŋe hoŋ bawalupŋe makyenŋimbo luâk âmbâle hârok âgâ âgâŋe geŋenŋe me kotdâ me

kotyeŋe bo me sikumdâ me umburuk me luâk kembu me hoŋ bawa hârok are yeŋgât bâtyenŋe bungen akto enem yeŋân tirip kali. ¹⁷ Amâ luâk âmbâle bikŋe are borâm âmâ tirip are bo miawakto are sot me wan me wan hâukowaigât dâp bo miawagep. Akto puli memegât âi bo miawagep. Akto tirip amâ soŋgo metŋe aregât kotŋe. ¹⁸ Imâ tirip towat in yendâp luâk siâ nâŋgâ nâŋgâ humo yeandâwân âmâ soŋgogât kot kulem aregât keiŋe mem miawakbiap. Kot kulem are luâk siâgât kot amâ 666.

14

Yesu akto kâmotlupŋe Sioŋ gimbiân kinbiâ yegep.

¹ Nâ Yohane nâ giwelân hin egân. Lama moep arekŋe gimbiân kotŋe Sioŋ aregât kautŋân kilep. Ain kindo luâk âmbâle 144,000 areyengât enem dewunyenân âmâ Lamagât kotŋe akto Ewenjaet kotŋe kulemgombo miawakto olop kili. ² Akto ainâk mun âlepŋe humo tu humogât munŋe hinare me hamandat kundundun dâmap hinare me luâk dondâŋe bâtâ kombiâ miawakmap hinare himbimânba gembo nâŋgân. ³ Akto luâk âmbâle arekŋe kep keŋgu irakŋe siâ kembu tat tat akto soŋgo humomo manmanŋe imbât are akto luâk kembu 24 are yeŋgât enemyenân meyi. Dâ luâk âmbâle 144,000 are Anutu ikiŋe pat oloŋ yegep arekŋeâk kep keŋgu irakŋe are meyi. Dâ luâk âmbâle bikŋe âmâ kep keŋgu are bo nâŋgâmai. ⁴ Akto luâk âmbâle âlepŋe ire âmâ hânân maliân dâp gulip bo mali. Akto agak meme âlepŋeâk memâk mali akto lama arekŋe luâk âmbâle ireson Anutugât kâmolân dewatiwai dâm dumyenân kinmâ moep. Aregât bâlenjaet dâwânba oloŋyegep. Lama arekŋe hain agep aregât Lamaŋe wan me wan makto lauŋe dowâk lokom manmai. ⁵ Akto den hianŋi siâ bo magi. Akto den âlepŋeâk makmâ han kau kau akmâ mali.

Anŋelo âlâwuŋe den akbiâ yegep.

⁶ Akto anŋelo siâ miawakto egân. Are âmâ den pat âlepŋe tatmâ âgâwiap are luâk âmbâle denŋe denŋe hânŋe hânŋe manmai are hârok makyenŋiwian dâm lapanân pâp pâp katmâ dâp pânân tânâmŋân ariep.

⁷ Hain arim kârikjeâk konmâ hin dâep, “Anutuñe den âiân katyekbiapgât emelâk sop tâlâguâp. Haingât ye hamep akmâ kotñe mem agatñet. Akto Anutu hân himbim haru akto tu dewunñe ketuguyegep aregât kotñe mem agatmâ âgâwei. Hain akmâ âgâmbiâ ârândân akbiâp.” dâep.

⁸ Akto aregât haminân añelo lâuwânje siânje miawakmâ hin dâep, “Kepia humo kotñe Babilonj aregât ambolupñande luâk âmbâle hânñe hânñe manmai are hâwât yekmâ nenñe bâleñe akmaen yekâ hainâk akñet dâm makyenñimbiâ hainâk akmâ meyi. Aregât kepia Babilonj are emelâk gulip agep.” dâep.

⁹ Akto aregât haminân añelo âlâwuyenñe siânje miawakmâ kârikjeâk konmâ hin dâep, “Luâk âmbâle bikñande sonjo metñe akto otneñe kotyetñe mem agatbiâ kotyetñe enem meteyenân me bâtyenân kulemgombo memai are ¹⁰ Anutuñe kukñaet wainj tu dâtñe metñe dondâ are kondoânba wanjo Añelone kâmbokñe akto Lama yâk yengât meteyenân bugâ kâlâp ululunñân gem hâk hilâlâm metñe manmâ âgâwiap. ¹¹ Oyekmâ âgâambo hâk hilâlâm dondâ nânğambiâ dâwokyeñe hokboâk hokboâk egon âgâm yembiap. Akto luâk âmbâle sonjo metñe aregât kotñe mem agatmai akto otneñe hainâk mem agatmai are sonjo metñe yâkgât kotñe enemyenân me bâtyenân kulemgombo memai are Anutuñe kuk bâleñe akyenñimbo hâk hilâlâm hândâk akto hilâm nânğâm manmâ âgâwai akto hâkyenñe mem bo tatmâ hutuk âgâwai.” dâep.

¹² Akto ye biwiyenñe Yesugâlân kali arekñe biwiyenñe hainâk kilâkgât akto Anutuğâlân den lokom âgâwaigât ire oyanñmâ nânğâm henğemgowei. Akto biwiyenñe damunñe akbei.

Luâk akmâ giep arekñe âi bunñe orem mem menduguep.

¹³ Akto nânje himbimânba kot siâ gembo nânğân. Arekñe hin dâep, “Yohane gâ den ire kulemgo. Humogât kâmot are gasalupyeñande yengumbiâ mombai arekñe siân heronje humo akmâ manmâ âgâwai.” dâep. Hain dâambo Anutuğât Heakñe âlepñande gai hin magep, “Bundâk.

Yâk âi âlepñe meyi aregât hâuñe Anutuñe mombaiân ain manman âlepñe yengimbo biwiyenñe sândugembo tatmâ hutuk âgâwai.” dâep.

¹⁴ Akto ainâk dewunne panmâ hin egân. Luâk akmâ gem manmap hainare miawakmâ hamandat kau kau kakñân tatmâ irimut goli kauñmâ tâwât metñe bâtñân miep. ¹⁵ Akto añelo siâ âmâ himbimân sumbe kat kat emetñe talep ainba giep. Arekñe hamandalân talep are hin dâm konmâ magañep, “Bâin. Gâ tâwâtgande âi bunñe orem mem menduguak. Hânân âi bunñe akmâ metiepgât orem mem mendugu mendugu agâkgât sopñe miawaktâp.” dâambo ¹⁶ hamandalân talep arekñe tâwâtñe are mem hânân oriep.

¹⁷ Orem mando añelo siâ sumbe emetñânba miawagep arekñe tâwâtñe metñe miep. ¹⁸ Aregât haminân añelo siâ alata hepunmâ giep. Añelo are amâ kâlâp damunñe akmap. Arekñe kârikjeâk añelo tâwât metñe miep are konmâ hin magañep, “Woe, hânân tâk kotñe wainj aregât koañe âlim yendâp aregât tâwât mendât arekñe hânân arim sot wainj are orem me.” dâep. ¹⁹ Hain dâambo añelo arekñe tâwât mem arim orem wainj koañe hârem meyegep. Meyekmâ wainj tâli tâligât kondo humo Anutuğât kuk miawakbiapgât ain panyekto geyi. ²⁰ Ain gembiâ kulgât kepia betgen ain wainj tâli tâligât kondo humo aregât kâlegen tâlimbiâ kondo kâlegenba hep humo gem yiep. Gem yiep amâ bêtgum miawakmâ âmâ bau luâk soko bâtyenñe titiwutñe hainare agep. Dâ kâlepñeet dopñe âmâ 300 kilomita hainare agep.

15

Luâk âmbâleñe kep membiâ yegep.

¹ Akto kulem siâ miawakto ektere dâtñe agep. Amâ hin. Añelo 7 arekñe siâ siâ bâleñe 7 meyi. Akto bâleñe are amâ bo akbiawân ain Anutuğât kambiam bâle amâ bo akbiap.

² Akto ain âmâ nânje hin egân. Haru humo hinare dunjo akto kâlâp mendugum kinmâ haru humo hinare akto egân. Akto luâk âmbâleñe wârakmâ sonjo

metje akto otnenje akto kotje hainâk ewangiyegi arekne Anutuje bôtâ yengimbo mem haru dunju hinâk aregât ginjân kili. ³⁻⁴ Akto Mose Anutugât hoj bawa yâkgât kep meyi akto Lamagât kep meyi. Kep amâ hin, “O Anutu Humonenje, gâ kârikne hârok tatginjâp. Akto âi agat agatne akto ekmâ hulilije olop memenâ ektenje dâtne akmap. Akto agak meme ârândânâk memmat. Akto luâk âmbâle yengât Humoyenje akmâ manmâ gaen akto hainâk akmâ manmâ âgâwiat. Aregât niñande gekmâ amâ bo hamep akbiap? Dâ niñande kotge bo makmâ egâlianbiap? Akto gâ konok âlepne akmat aregât kotge mem agatne. Akto gâje luâk âmbâle den âiân katyegen are luâk âmbâle hânje hânje manmai arekne ekmâ gângâlân togom kotge mem agatbiâ ârândân akbiap.” dâyi.

Anelone 7 arekne kundat siâ siâ 7 mem kâimbiâ yegep.

⁵ Hain dâmbiâ dewunne pandere hin miawakto egân. Sumbe kat kat emet are mâron emet kâlegen himbimân talep aregât hânje lewulakmâ kindo ⁶ arewa anelo 7 kundat bâlene siâ siâ mem kili are sopali. Anelo are amâ sângum pagalene lalagi. Akto himbân diñenyenân tâkne goli. Akto bâlene 7 meyi are amâ kundat keñje bum bum miawakmap dop hainare. ⁷ Akto sonjo humomo imbât manmanje areyengâlân gâtne konokne anelo 7 goli kondo 7 konok konok yengiep. Akto kondo are amâ Anutuje manmâ âgâm manbiap yâkgât kuk akmâ peimai aregât kâlegen pikmâ yemap. ⁸ Akto Anutugât pagalene humo aregât akto kâriknaet dâwok âgâmbo dâp gisap kombo siâne sumbe kat kat emetjân âgâwiapgât dopne bo. Hain akto Anelo 7 arekne kondo siâ siâ bâlene kâimbiâ miawakmâ metembiân amâ âlepne âgâwaigât dopne miawakbiap.

16

Anelo 7 arekne Anutugât kuk are lokom kâimbiâ gembo egep.

¹ Akto sumbe kat kat emetjânba den kârikne humo siâ gembo nângân. Amâ anelo 7 areyengât kârikneâk yengonmâ

magep, “Ye arim kondo 7 are kâimbiâ Anutugât kuk akto hengân hânân miawakberâp.” dâep.

² Hain dâmbo anelo ulik gulik arekne arim kondone are hânân kâimbo kâlegen Anutugât kuk arekne giep. Gembo diwi kârikne keñje hârok hârok arekne luâk âmbâle sonjo metje yâkgât tiripne hâkyenân miawagep akto iñje otnenje kotyene mem agatmai areyengât hâkyenân miawagep.

³ Akto anelo lâuwâne arekne amâ kondone are haruân kâiep. Akto haru arekne purik âgâm gilâmâk hârok miawakmâ punjum âgâm luâk momone yengât gilâm hainare agep. Akto haruân siâ siâ tali are hârok mom meteyi.

⁴ Dâ anelo âlâwuje arekne amâ tu humoân kondone kâiep. Kâimbo tu dewunñangen kâiep. Akto tu are hârokne purik âgâm gilâm agep. ⁵⁻⁶ Hain akto tugât anelo arekne Anutu hin maganep, “Luâk âmbâle bikñande gângât kâmotlupge akto propetelupge bikne yengumbiâ gilâmyene gembo moyi. Aregât gâje gilâm siâ luâk bâlene ire yengimenâ nemiâ ârândân aktâp. Aregât gâ ulikñân tatmâ gaen akto manmâ âgâwiat gâ âlepne den âige bundâk âlepne miawakbiap. Den âige bundâk miawakto luâk âmbâle potatyekmâ den âiân katyekmenâ ârândân akbiap.” dâep. ⁷ Dâm metembo amâ ainâk sumbe kat kat welamne arekne Anutu hin kondo nângân, “Bundâk Anutu Humogât kârikne hârok tatginjâp luâk den âiân katyekmat are bundâk akto ârândânâk hârok.” dâep.

⁸ Dâ anelo imbâtne arekne amâ kondone dewutân kâiep. Kâimbo Anutuje dewutâ hepundo kâlâpne luâk âmbâle kâunjoyegep. ⁹ Dewutâgât kâlâp humo are utunje dondâ arekne luâk âmbâle are dondâ om kâunjoyegep kârikne humo talañdâp siâ siâ bâlene mem agatbiapgât Anutugât kotje are mem bâliyi. Dâ han biwi bo purik katmâ kotje bo makmâ egâlianji.

¹⁰ Dâ anelo 5 yene arekne amâ sonjo metje yâkgât humo tat talân kondone are kâiep. Kâimbo hândâk humo sonjo metje yâkgât luâk âmbâle kâmot humo tatmai areyengâlân hândâk humo dâgâep. Hândâk

humo dâgâambo yâk hâk hilâlâm humo meyi hain akmâ elewetyeņe neyi. ¹¹ Yâk diwigât hâk hilâlâmyeņe are nâņgâyi aregât Anutu himbimân gâtņe aregât sait den makmâ den bâleņe magañi. Dâ yâk han biwi bo purik katmâ bâleņe agi aregât hain akmâ bâleņeyeņe bo makmâ miawakmâ âmâ mem hami bo pali.

¹² Akto aņelo 6 yeņe arekņe kondo are tu humo kotņe Euparat ain kâiep. Kâimbo tu are hârok bo agep. Amâ luâk kembu dewutâ gaganângenba togowai areyeņgât dâp heņgemgo yeņgiep.

¹³ Akto nâ ain ekmâ kinmâ sinduk baniara metņe sâkok tiripņe hinare âlâwu yegân. Pugaiya lauņânba akto soņgo metņeet lauņânba akto propete hiaņgiņe yâkgât lauņânba gambiâ yegân. Akto Pugaiya aregât lauņânba sinduk baniara bâleņe siâ sâkok hinare sopando egân. Akto siâ âmâ soņgo kâit lauņânba sopando egân. Dâ siâ âmâ Propete hiaņgi luâk yâkgât lauņânba sopando egân. ¹⁴ Sinduk baniara bâleņe sâkok hinare âlâwuņe amâ bâleņe dondâ arekņe kulem keiņe hârok hârok memai. Arekņe âmâ hângât luâk kembu are yeņgâlân hârok arimai, amâ kuk akņetgât mendugu yekberâm arimai. Amâ Anutugât kârikņe hârok talaņdâp aregât sopņân kuk humo miawakbiapgât kembu hârok areyeņgâlân arim menduguyekberâm ariwai. ¹⁵ Akto sop aregât Yesuņe hin dâep, “Nâmâ hâmbâi yeņgâlân luâk kâmburâņe togomai dop hainâk yoņâk togowian. Haingât luâk âmbâle bikņe bo yembai akto himbânyeņe latmâk yembiâ dowâk togore mulâņ bo ariwai. Akto luâk âmbâle yekmâ aņunyeņeet bo akbai. Aregât biwiyeņe damunņe akbei. Hain akmâ luâk âmâ okot âlep humo akmâ heroņe akbai.” dâep. ¹⁶ Akto sinduk baniara bâleņe âlâwu arekņe kembu luâk dondâ are iregen menduguyegi. Dâ kepia aregât kotņe amâ Hebraio yeņgât denân âmâ Hemageroņ.

¹⁷ Dâ Aņelo 7 yeņe arekņe âmâ kondone are lapaņânba kâiep. Kâimbo sumbe kat kat aregât emetņe kâlegen Anutugât tat tat arewa kot kârikņeâk kolep. Kot arekņe gam hâkņângen giep arekņe hin magep, “Bâin, emelâk bo aktâp.” dâep.

¹⁸ Dâambo hamandat pagaleņe iņgon belek belek erâambo mun humo miawagep. Mun humo miawakto hamandat hogoagep akto wâriņ humo miep. Wâriņ hinare amâ luâk manmâ gayi ainbak siâ bo miawagep. ¹⁹ Wâriņ mendo kepia humo Babiloņ are bâleņe humo miep aregât Anutuņe kuk heņgân bâleņe nâņgâm Babiloņ nâņgâ aņdo hogoakmâ hewum âlâwu agep. Kepiaņe kepiaņe hânņe hogoakmâ gulip agi. ²⁰ Akto haru tânâmnân gimbâņe tali are hârok purik kali. Akto gimbâņe hârok hogoakmâ bo agi. ²¹ Akto tânâk kârikņe bâleņe humo giep. Tânâk kârikņe humo aregât koaņe kât humo hinare arekņe gem luâk âmbâle yeņgum meteyegep. Himbimânba gembo luâk âmbâle hâk hilâlâm bâleņe nâņgâm aregât Anutugât den bâleņe magañi.

17

Âmbâle bâleņe dondâ mem dâp gulip malep are egep.

¹ Akto aņelo 7 kondo 7 meyi are yeņgâlân gâtņe siâņe hin dâm makņiep, “Gawot. Gamenâ hin hekat giņbe. Âmbâle bâleņe meme dâp gulip malep are tu humo kakņân tatâp. Akto hinņe âmbâle ire Anutuņe den âiân kato dosaņe miawakto hâk hilâlâm humo miawak aņberâm aktâp are hekatgiņdere ek. ² Amâ hingât. Hângât luâk kembu humo irekņe âmbâle ire olop bâleņe sop dondâ akmâ gayi. Hain agi aregât luâk âmbâle hânân mali arekai hainâk bâleņe sop dondâ agi. Hain akbiâ bâleņeyeņe arekņe mem biwiyeņe gulip ketugumbo sinduk agi. Aregât gamenâ hekat giņdere ek.” dâep. ³ Akto Aņelo are hekatņiep arekņe menekto Anutugât Heak âlepņande kautnân mendo biwine purik kato hân pumângen ain miawagân. Ain kinmâ hin egân. Âmbâle siâ soņgo metņe gilâm siâ kakņân talep. Soņgo metņe are amâ kautņe 7 akto sâliņe 10. Akto hâkņân den bâleņe Anutugât kotņe mem ge katmap den are yiep. ⁴ Akto âmbâle are amâ sâņgum gâwu akto gilâm hutbit luguagep. Akto wan me wan humo goli akto kât puliņe humo akto donet luguagep. Akto bânņân amâ tu hâpuņe goliņe ketugu ketuguņe miep. Hâpu ain âmâ kâmbu konda bâleņe arekņe

ain pikmâ yiep. ⁵ Akto âmbâle aregât metenân ikinje kotnje talep kot are âmâ mem heambugi. Dâ kotnjeâk âmâ hin, “Babilon kepia humo aregât hân ârândân egâlian bâleje aregât memene akto dâp gulip akto agak meme bâleje. Akto lâpio kotnje mem agat agat gât amboje.” den are metenân hain talep. ⁶ Akto âmbâle irekne emelâk Anutugât luâk âmbâle hârok Yesugât pat makmâ miawakmâ âmâ bo heambugi are yengumbiâ moyi. Akto âmbâle are gilâmyeje nem sinduk dondâ agep. Hain akto ekmâ sân sân mem hamewakmâ nângâ nângâne undup nângâm âmâ dâtne igim kilân.

⁷ Hain akmâ kindere ajele arekne hin maknijep, “Wangât dâtge igim kindât? Âmbâle iregât akto songo metje iregât kautje 7 akto sâlije 10 akto songo metje sokoân tatmap areyetgât keiyetje makgiñbe. ⁸ Songo metje ektât aregât keije hin. Hângeije âmâ tatmâ manmâ gaep. Dâ hinje âmâ bo tatâp. Dâ hâmbâi âmâ hân dâpne timopne bo are hepunmâ gawiap. Gam tatmâ manmâ âmâ kâlâwân ariwiap. Akto luâk âmbâle kotyeje hân miawagewânbak manman âlepne aregât kulem esenjan bo talep arekne songo metje ekmâ hin dâwai, “Woe, ire âmâ ulikjan malep. Hinje bo mandâp. Dâ hâmbâi lâuwâje miawakbiap.” hain dâm nângâ nângâ undup nângâm dâtyeje bâtyenân igim kinbai. ⁹ Akto luâk âmbâle bikne nângâ nângâyeje âlepne arekne âmâ siâ siâ iregât nângâm hengemgowai. Kautje 7 amâ gimbâje 7 akto âmbâle aregât dopne amâ kepia gimbâje 7 aregât hutjan talep are. Akto areâk bo. ¹⁰ Kautje 7 areyengât dop amâ luâk kembu 7. Akto kembu 5 moyi. Akto siâ hinje damunyeje aktâp. Dâ bânje amâ hâmbâi miawakbiap. Miawakmâ sop bâlensiâ damunyeje akmâ bo akbiap. ¹¹ Akto songo metje ire ulikjan talep keije hin. Ujak amâ bo tatâp. Dâ hâmbâi kembu 7 are miawakmâ metembâi âmâ 8 arekne hainâk miawakbiap. Hainâk miawakmâ luâk kembu sop getek manmâ kâlâwân ariwiap. Keije hain. ¹² Akto sâlije 10 ektât are âmâ luâk kembu 10 boâk miawaktâi yâk yengât dop. Dâ songo metje

are olop kârikne membai. Amâ hinje Anutuje boâk makto mendâi. Gârâmâ makbiap âmâ mem damunyeje akmâ sop tâlâwâk manmâ bo akbai. ¹³ Akto luâk kembu are nângâ nângâyeje akto hanyeje konok manbai. Akto kârikneyeje songo metje wanbai. ¹⁴ Kârikneyeje wanmâ Lama olop aguwerâm akbai. Aguwerâm akbiâ Lama arekne kârikne akmâ ewangiyekbiap. Akto Lama arekne humomo yengât humoyeje akto kotdâ hârok yengât kotdâyeje akmap aregât kârikne akmâ gasalupne ewangiyekbiap. Akto luâk âmbâle Lama olop manbai âmâ hin. Anutuje ukennaet akmâ potatyekmâ yengonmâ olonyekto Anutugât den pat bo hepunmai.”

¹⁵ Akto ajele arekne den dewatim hin dâm maknijep, “Âmbâle kondarâ arekne tu humo are kakjan tatâp. Tu are amâ luâk âmbâle kâmotne kâmotne akto denje denje hânje hânje manmai dop hainâk aktâp. ¹⁶ Gâ sâlije 10 ektât are âmâ luâk kembu siâ songo metje olop âmbâle kondarâ aregât gasa akbai. Akto âmbâle aregât kina tâkne mem hârembiâ bâlâk kindo sunumne hârok nembai. Akto kâlâwân ombai. ¹⁷ Akto Anutuje ikinje nângâ nângâje biwiyenân katmâ totokombo han biwiyene konok akmâ kârikneyeje songo metje wanmâ âmbâle are bâleje aganjbai. Hain aganjmâ manmâ âgâmbiâ âgâmbiâ sop Anutuje siâ siâ akbiapgât sop ulikjan magep are bânje miawakto bo akbai. ¹⁸ Akto âmbâle kondarâ are âmâ kepia humogât dop kepia humo hângât kembu are hârok yengât kautyeje tatâp.

18

Babilon itij gulam agep.

¹ Akto aregât haminân ajele siâ himbim hepunmâ gembo egân. Are kârikne humo talaneje. Akto pagaleje humo arekne hân ire kulemgombo hânân pagaleje humo miawagep. Pagalende hân ire katipkom yendo egân. ² Yâk kârikneâk konmâ hin dâep, “Kepia kotnje Babilon humo are emelâk hilip agum meteâp. Ujak âmâ sinduk baniara bâleje ain manmai akto niambi kotnje hârok akto lâut bâleje maleje

are hârok ain tatmai. ³ Amâ hingât. Kom metiepgât. Akto luâk âmbâle kâmot hârok yâk emelâk yâk olop bâleje akbiâ bâleje arekne biwiyene mem oloŋdo gulip milip mali. Akto hângât kembu yâk gai hainâk emelâk yâk âmbâle are olop bâleje agi. Akto hângât luâk âmbâle yâk gai hângât bâleje aregât âi mem puli dondâ memai aregât kautyene gulip akto kagawu akbai.” dâep.

⁴ Akto himbimân kot humo siâ kondo hin nângân, “Nângât luâk âmbâle ye hârok kepia bâleje are hepunmâ gam hâkŋângen manŋet. Ageine bâleje arekne howaiyekto bâleje akmâ amâ kundat bum bum humo membâi. ⁵ Kepia iregât ambolupŋande bâleje humo akmai yâk yeŋgât bâleje kakŋân kakŋân âgâm himbim ewangiâp dop hainâk manmai aregât Anutuŋe bâleje iregât gewâkne nângâp aregât hâuŋe yu yeŋgiâp. ⁶ Anutuŋe âmbâle iregât agak meme âmbâi konda akmap aregât den âiân katmâ hâuŋe bâleje waŋbiap. Âmbâle are emelâk agak meme bâleje mendugumbo unduwâk miawaktâp aregât hainâk kuk kârikne yâkgât are mendugum waŋbiâ neâk. ⁷ Akto âmbâle irekne emelâk ikinje kotne mem agalep. Akto âgâ âgâne keine hârok aktâp haingât hâk hilâlâm dondâ agaŋŋet. Âgâ âgâne aregât dopŋânâk agaŋŋet. Akto hain akbiâ amâ inde dondâ indewiâp. Dâ kambiamŋân hinŋe amâ hin nângâmap, “Woe, nâ kârikneâk mandân. Akto luâk âmbâle damunyeŋe akman. Akto âmbâle kambut hainare mandân aregât umatŋande nângâlân togowiap aregât dopŋe bo. Akto nâ inde dondâ bo indewian.” dâmap. ⁸ Hain dâmap aregât siâ siâ bâleje keine hârok are yâkgâlân togowiap. Amâ hilâm konok kâlegen kundat dondâ mem miawakbai aregât indewiâp. Akto mop humo miawakbiap. Akto kâlâpŋe ombiap Humo Anutuŋe hâuŋe humo potatmâ yeŋgim umatŋe kutigit yeŋguwiap aregât umatŋe dondâ yeŋgiwiap.

Hângât kembu arekne Babilon ondo dâwok gambo ekmâ indem kambonbiâ biwiyene bâliep.

⁹ Akto hângât kembu are ulik gulik agak meme bâleje Babilon olop agi. Akto yâk olop âgâ âgâne keine hârok agi. Haingât hângât kembu arekai ekbiâ kepia aregât dâwok gambo kâlâpŋe ombiap. Hain akto yâk amâ indem kambonbiâ biwiyene bâliwiap. ¹⁰ Hain akmâ hâuŋe hâk hilâlâm bâleje nângâwiap aregât hamep humo akbai aregât Babilon ginŋân bo tatbai. Amâ akŋângen kinmâ hin dâwai, “Yei, Babilon kepia amboŋe gâ kepia kârikne ain malen. Dâ sop konok kâlegen bâlejege aregât hâuŋe hâk hilâlâmne are emelâk gâŋgâlân togoâp.” dâwai. ¹¹ Akto anŋim nene amboŋe Babilon âgâm âi mem gem gem akmai arekne âi nenŋe bo aktâp dâm nângâm aregât indewai. ¹² Sikum are amâ hin agaŋgi goaŋgi agi. Goli akto siliwa donet puli humo kât âlepŋe aregât kulemne âlepŋe dondâ akto sâŋgum gilâm gâwu keine hârok hârok akto sâŋgum bawalap akto sâŋgum gilâm akto lâwin kotne hârok higenŋe ukenŋe akto bau sâliŋande hâwi hâwiŋe kotne siâ siâ hârok amâ lâwin puliŋe humomone ketugumini. Akto siâ siâ mângimini ain akto kapaŋe kât kulem melem ketuguyi. ¹³ Akto himi lâwin hâkne akto kârik metâ akto pâwu tuŋe higenŋe akto kau higenŋe akto kelu keine keine higenŋe âlepŋe akto kau higenŋe âlepŋe akto keine keine are higenŋe âlepŋe akto waiŋ akto kelu kau akto bulimakao kâmŋe akto nâniŋ akto bau luâk soko akto hân waŋga bau luâk soko hikombiâ bau luâk soko arekne oloŋmiŋep akto âi luâk puligoyekmini are hârokne hin dâwai, ¹⁴ “Woe, wan me wan egâliŋminen are hârok hepun gekmâ ariâp. Akto luâklupŋande wan me wan egâliŋmai are hârok bo agep. Akto lâuwâne bo miawakbiap.” ¹⁵ Akto sikum amboŋe akto anŋim nene amboŋe luâkne hâkgât âi ain manmâ puli dondâ meyi arekne, kâlâp arekne ondo hamewakmâ kâlêwângen kinmâ indem tâgâiak akmâ kinbai. ¹⁶ Hain kinmâ hin dâwai, “Wâuk, wâuk. Kepia ire bâliâp aregât kambiamnenŋe bâliâp. Ulikŋân sâŋgum âlep âlep gâwu akto gilâm luguakminep. Akto hâkne âlepŋe agâkgât goli akto kât âlep âlepŋe akto donet akto delem puliŋe

humo are itik matik lugu akminep. ¹⁷ Dâ hinje amâ sop getek kâlegen puli me keije hârok are njaran bâliap.” dâwai. Akto wanja amboje akto luâkne wanja puligom kepia siângen âigât ariyi akto haruân hâkgât âi memini are hârok Babilongât kâlepnângen kinbai. ¹⁸ Hain kinbiâ Babilon oep aregât dâwok âgâambo ekmâ konmâ hin dâwai, “Woe, kepia ire kepia siâ siâ hârok ewangiyekminep ina, wâuk hinje amâ bo aktâp.” dâwai. ¹⁹ Hain dâm kinmâ biwiyenje bâliwiap aregât nukum kendâm kautyenân panakbai. Panakmâ indem indem kambiamyene umatne akto hin dâwai, “Wâuk, kepia humo indâre sop getek kâlegen njaran bâliap. Akto wanja ambolupne yene ain arim âi mendenje sikum dondâ miawak yengiep. Dâ hinje amâ bâliap aregât umburuk aktâi. ²⁰ Dâ himbim are akto ye Anutugât luâk âmbâle akto Aposolo akto propete ye hinje okot âlep humo nângâwei. Anutugât kepia iregât ambolupnande ye bâlene agi aregât hâuje yengimbo umatnân mandâi aregât nângâm okot âlep humo nângâwei.” dâwai.” dâep.

Ajelo siâ kârikne arekne Babilon pum akbiapgât makmâ hâriep.

²¹ Hain dâambo ajelo siâ kârikne arekne kât humo siâ mem agatmâ ingon haruân pando gembo hin magep, “Nâ yu kât pandere geap dop hainâk Anutuje kepia humo Babilon ire amâ mem kârikneâk hâkokom pando ingon gembo lâuwâne bo miawakbiap. ²² Uliknân luâk uruwaku waitmini a hainâk Babilon kâlegen bo waitbai. Akto lâmun me bātâ me wan me wan lâuwâne munje bo nângâwai. Akto luâkne nângâ nângâyene âgâambo âi keije keije hârok akmini arekne amâ hain bo akbai. Akto lâuwâne bo miawakbiâ ekbai. Akto âi membiâ mun miawakminep are bâlâk hâlik nâj nâj dâm yembiap. Akto lâuwâne bo miawakto nângâwai. ²³ Akto uliknân kemdâ pagalenjande amâ dâpyene mem pagalene akminep are bo akbiap. Akto lâuwâne bo miawakto ekbai. Dâ Babilongât ambolupnande âmbenlupyene meyegi amâ herone marone aregât munje humo akmini mun are bo akbiap. Lâuwâne bo miawakbiap. Akto uliknân Babilongâtne

luâk hâkgât âi meyi arekne hângât luâk âmbâle tali. Hain tâtâmâ târâ sait keije keije membiâ luâk âmbâle dondâne are ekmâ nângâ nângâyene gulip akto denyene hiangi are bunje dâm nângâm hilip koyi. ²⁴ Aregât ambolupnande propetelupne akto luâk âmbâle Anutuje yekto huragumap are akto hânje hânje mali are yengumbiâ moyi aregât hâuje miawakbiap.” dâep.

19

Yohaneje himbimân herone humo akbiâ yegep.

¹ Akto aregât haminân mun siâ hin nângân. Kot humo dondâ konmâ himbimân luâk âmbâle humo tatmai arekne hin dâyi, “Anutunenne hengemgo hengemgo amboje, pagalene akto kârikne talandâp aregât kotne nângâenne humo agâk. ² Akto âmbâle kondarâ irekne agak meme bâlene mem luâk âmbâle hânân manmai are hainâk aknet dâm hâwât yegep. Aregât hâuje Anutuje wanjo gulip agep. Haingât Anutugât kotne mem agatne. Akto âmbâle ire Anutugât kâmot bikne hilip yengumbo mom meteyi aregât Anutuje agak meme bâlene are kutigit anep. Aregât kotne mem agatne.” dâyi. ³ Hain dâm kinmâ lâuwâne hin dâyi, “Kepia are ondo dâwokne yem manmâ âgâwiap aregât Anutugât kotne mem agatne.” dâyi.

⁴ Akto luâk kembu 24 akto songo humomo imbât manmanje arekne kângom Anutu ulilaji yâk kembu tat talân talep yâkgât makmâ hin dâyi, “A bundâk. Âlepne dondâ nen Anutugât kotne mem agatbaen.” dâyi. ⁵ Anutuje Humo tat talânba kot siâ hin kondo gembo nângân, “Ye amâ Anutugât hoj bawalupne yene amâ Anutunennaet hamep akmai ye luâk gegene akto âgâ âgâne ye hârok Anutugât kotne mem agatnet.” dâep. ⁶ Akto ainâk nâ mun siâ hin nângân. Den hinare luâk âmbâle dondâ mendugum tatmai hainare me tu dondâne mun humo akmap hainare me hamandat hogoakmap dop hainagâk konmâ hin dâyi, “Nen Anutugât kotne mem agatne. Humonenne Anutu arekne kârikne akmâ hârok damun nenje akmap. ⁷ Aregât okot âlep akmâ ukenje humo

dondâ akne. Akto makmâ egâlian agañne. Amâ Lamañe âbenñe dâtâñe membiapgât sop aktâp sângum kau âlepñe bata butu luguaktâp. ⁸ Anutuñe sângum kau egâlian olop wañep amâ Anutugât kâmot agak memeyenñe membiâ Anutuñe ekto ârândân akmap.” Arekñe hâk pekeyenñe aktâp.

⁹ Akto aņelone arekñe hin dâm makniñep, “Gâ den ire kulengo. Lama ikinje âmbâi dâtâñe membiapgât sop tâlâguâp. Akto Anutuñe herone akñet dâm luâk âmbâle yengonlep are Lama olop herone akbai aregât okot âlep nângâwai.” dâep. Benñe den dewatim hin makniñep, “Den imâ Anutugât den launje bunñe.” dâep. ¹⁰ Hain dâm makniñdo nâ kângom kotñe mem agatberâm agân. Hain akberâre hin dâm makniñep, “Woe, hepun. Nâmâ gâ akto galalupge Yesugât kot hamep bâlâk makmâ miawakmai ye olop dop konok akmâ Anutu hon bawa agañmaen. Aregât Anutu ikinjeâk mepainje mem ulilan. Yesugât kot hamep bâlâk makmâ miawakbai amâ propeteyengât kârikñe hainâk.” dâep.

Yohanenje Yesugât tembe lokolupñe yegep.

¹¹ Nâñe himbim dâpñe pâron âgâambo egân. Akto bau luâk soko kau kau siâ tato egân. Luâkñe kakñân talep aregât kotñe hin, “Luâk siâñe âiñe heñgemgom damunñe akmap. Akto luâkñe agak meme bundâk akmap. Gârâmâ yâkñe luâk âmbâle den âiân katyekmâ potat yekmap. Akto yâkñe kuk keñe katmap. Âlepñe yâkñe amâ agak meme âlepñeâk watmâ are akmap.” kotñe amâ hain. ¹² Dewunñe amâ kâlâp ululunñe hainare. Akto yâk amâ kembu yengât irimut kautñân dondâ tatbiâ yegân. Akto kakñân kulem siâ talep amâ kotñe yâkñe konok amâ kot aregât keñe nângâmap. Dâ luâk siânba amâ bo nângâmai. ¹³ Sângum kâlep kâlep kalep arekñe gilâmân puliep. Akto yâkgât kotñe hin konmai, Anutugât den dâm konmai. ¹⁴ Akto himbingât tembe loko arekñe bau luâk sokolupñe are yengât kakyeñân tali amâ kau kauâk hârok. Hain tatmâ sângum kau kau dondâ lalakmâ bau luâk sokoyenñe kau kau areyengât kakyeñân tatmâ damunñe are watmâ ariyi. ¹⁵ Akto damunñe

luâk aregât kotñe Anutugât den are bau luâk soko kakñân tato tâwât metñe launñan talep. Akto tâwât arekñe amâ luâk âmbâle kâmot hârok yenguiap. Akto luâk arekñe luâk âmbâle hârok huwan kârikñe akmâ damunñe akbiap. Akto Anutu humo dondâ arekñe kuk akyenñiwian dâm wainñe tâli tâligât kondo hinare ketuguep. ¹⁶ Akto yâkgât sângumân akto keiñân kot amâ hin tatâp, “Kembu hârok yâk yengât Kembu. Akto kotdâ hârogâk yengât Luâk Kotdâ.”

Yesunje gasalupñe yengum metembo egep.

¹⁷ Akto aņelo siâ dewutâ dewunñân kindo egân. Arekñe lâut hârokñe pâp pâp katmâ dâpñân arimai are hin yengonlep, “Ye hârok togo mendugunjet. Anutuñe sop humo kalep aregât okot âlep sot humo omberâp aregât geñet. ¹⁸ Gem luâk kembu hârok hânân manmai areyengât sunumyene neñet. Akto kembu yengât tembe lokolupñe are yengât sunumyene akto luâk kârikñe areyengât akto bau luâk soko areyengât sunumyene akto luâk âmbâle hârok âgâ âgâñe gegene kotdâ me hon bawa are hârok yengât sunumyene neñet.” dâm makyenñep. ¹⁹ Akto sonjo metñe akto hângât luâk kembu akto bugâ luâklupñe olop yâk emelâk menduguyi. Arekñe amâ luâk bau luâk sokoân talep kotñe Anutugât den are akto yâk yengât bugâ luâk olop aguwerâm agi. ²⁰ Dâ amâ sonjo metñe akto Propete hiangi are kala busiân katyelelep. Propete arekñe ulikñân kulem keñe hârok dondâ sonjo metñe yâkgât kârikñân miiep. Hain akmâ luâk âmbâle bikñe sonjo metñe kot kulem mem mali akto otneñe pâwut ligianji are han gulip akyenñep. Aregât luâk kembu akto bugâ luâk olop arekñe sonjo metñe akto Propete hiangi lâuwâ are golâk meyekmâ pan yelekbiâ lâm humo ain kâlâp humo om pan pan dâm yemap ain geyiat. ²¹ Akto luâk bau luâk soko kakñân talep arekñe launñanba tâwât kâlep kâlep ge kilep arekñe luâk bikñe yengumbo moyi. Akto lâut hârokñe luâk aregât hâk sunumyene nemiâ tepyene pipip.

20

Niambi kala busi emetjân katbiâ egep.

¹ Akto ainâk aŋelo siâne himbim hep-unmâ gembo egân. Aŋelo arekne bâtnjân âmâ lâm timopne bo aregât hânŋi tâkne akto tâk kârikne meyeleŋep. ² Akto yâkne niambi pugaiya hinare hânŋeŋe gâtne are kotne Hâk tun Amboŋe are mem tâk kâriknande hikom bigeim homban 1,000 tâk are olop yeâkgât magep. ³ Makmâ âmâ lâm timopne bo ain hâkokombo giep. Gembo luâk âmbâle heyenŋiwopgât lâm dâpne homban 1,000 gât mem tigimbo sop are bo akto âmâ âlepne lâmânba gam sop tâlâwâk heyenŋim manbiap.

⁴ Akto kembu tat tat bikjân tatbiâ yegân. Akto Anutune âi makmâ hâreyenŋimbo memai luâk arekne tat tat ain âgâ tatbiâ yegân. Akto aregât haminjân luâk âmbâle otneyeŋe dondâ momoŋânba agatbiâ yegân. Yâkne ulikjân hânân maliân Anutugât den paŋâk mem mali. Akto Yesugât kot patne makmâ miawakmâ âmâ bo heambugi. Akto soŋgo metne akto ikinŋe otneŋe yetgât kotyetne bo mem agali. Akto enemyenjân me bâtyenjân soŋgo metne aregât tirip bo talep. Aregât gasalupyenande hanyene hârem panbiâ moyi. Akto areyengât otneyeŋe momoŋânba agatmâ Kristo olop luâk kembu tatmâ âgâmbiâ homban dopne 1,000 akbiap. ⁵ Hain akto âmâ luâk âmbâle ulik gulik sumânba agatbai. ⁶ Luâk âmbâle sop ire ulik gulik agatbai yâkne âmâ okot âlep akmâ hâlik hâlik tatbai. Akto momo dâp lâuwâne arekne luâk âmbâle ire lâuwâne damunyeŋe bo akbiap. Bo. Yâk âmâ Anutugât akto Kristogât Sumbe kat kat luâk akbai. Akto Kristo olop homban 1,000 luâk kembu tatbai.

Niambiŋe lâuwâne agatmâ luâk mem bâliyekiap.

⁷ Akto homban 1,000 bo akto âmâ bâin siâne lâm timopne bo aregât gisapne mem kato âmâ Hâk Tun Amboŋe gam manbiap. ⁸ Gam manmâ luâk âmbâle hânne ginne ginne manmai are heyenŋiwiapgât arim manbiap. Hain akmâ hân kotne Gogo akto hân siâ kotne Magago areyetgât ambolupyene âmâ Anutugât gasane akmâ

manmai are mem miawak yekmâ kukgât bugâgât hunŋun yeŋgiwiap. Akto Anutugât gasa areyengât oyanŋeŋe amâ haru ginjân nupi ekmaen dop hainare. ⁹ Akto arekne Anutugât kâmot bo aknetgât hân hârok manmâ togowai. Togom togom bâin Anutugât luâk âmbâle akto kepia Anutune egâlianmap are ândeapbai. Hain ândeapbiâ Anutune makto kâlâp bâleŋe himbimânba gem gasa are om mete yekbiap. ¹⁰ Om mete yekto Hianŋi Amboŋe han gulip akyenŋim malep aregât kâlâp bângumne om yemap ain panmâ hâkokombiâ giep. Amâ soŋgo metne akto propete hianŋimne ain manmandat ain hâkokoyekbiâ gem olop manmâ âgâwai. Manmâ hândâk hilâm hâk hilâlâm nânŋâm manmâ âgâwai.

Luâk âmbâle momoŋe hârok momoŋânba agatmâ kinbiâ yegep.

¹¹ Akto nâ Yohane kembu tat tat kau kau humo siâ miawakto egân. Akto tat tat ain siâne âgâ talep yâkne ain tato hân himbim yâkgât hamep akmâ potalakmâ lâuwâ lâuwâ agiat. Hain akmâ gewâkyetne lâuwâne bo miawakbiap. ¹² Ain luâk âmbâle moyi are hârok âgâ âgâne me gegenŋe hârok momoŋânba agatmâ tat tat enemjân kinbiâ yegân. Akto tat talân talep arekne kulem esenŋe siâ siâ melalakoyeŋep. Akto manman kâriknaet kulem esenŋe arekai melalakoep. Akto luâk âmbâle momoŋe hârok hânân mali sop ain wan me wan meyi aregât kulem esenŋe ain kulem-gombo talep. Aregât tat tat kau kau ain talepne kulem esenŋe are oyanmâ luâk âmbâle hârok den âiân katyeŋep. ¹³ Akto are miawagâkgât haruŋe purik katmâ luâk momoŋe tali ain hârok miapjân panyekto miawagi. Akto momogât dâp akto hememgât dâp hainâk purik katmâ luâk âmbâle momoŋe tali are hârok mem miapjân panyekto miawagi. Hain akto miawakmâ Humo enemjân kinbiâ tat tatjân talep arekne den âiân katyekmâ agak memeyeŋe agi aregât hâuŋe yeŋgiep. ¹⁴ Hain akmâ momo akto hememgât dâp pan yeŋeŋep. Pan yelekto inŋon kâlâp bângum ain geyiat. Akto kâlâp ire âmâ momogât dâp lâuwâne. ¹⁵ Dâ Humoŋe luâk âmbâle bikne kotyene manmangât kulemjân ain bo tatbiap âmâ

benje pan yekto hemem kâlâp om yemap ain gewai.

21

Hân himbim irakje miawakbiandat.

¹ Akto aregât hamiñan hân himbim ulikñan gâtje bo agiat akto haru hainâk bo agep aregât hân irakje akto himbim irakje tatbela yelegân. ² Akto kepia kâmbokje Yerusalem irakje Anutuje ketugum kato himbimâmba gembo egân. Amâ âmbâle luâk patje dâtâje hâkne hejgemgombiâ egâlianmâ membiapgât owâim tatmap dop hainâk Anutuje kepia are hejgemgoep. ³ Akto kot siâ kembu tat talânba gembo nângân arekne kârikneâk konmâ hin dêep, “Nângânet. Anutu amâ luâk âmbâle olop manmap. Amâ hutyeñan tatbiap. Akto damunyeje akbiap. Akto luâk âmbâle Anutugât kâmot akmâ manbai. ⁴ Akto tâmbâje bo agep aregât dewunyeje tuje ikinjak pulimbo kamilembo biwiyenje sândugewiap. Momogât dâp amâ bo akbiap. Akto kambiamyeje lâuwâje bo umatje akbiap. Anutuje manganyekto biwiyenje sândugembo girâpgât âi lâuwâje indem hâk hilâlâmân bo manbai.” dêep.

⁵ Akto tat tat humoân talep arekne hin magep, “Nângânet. Nâje kotje siâ siâ ire ketugure irakje aktâp.” hain dêep. Hain dâm hin maknijep, “Yohane den ire kulemgo. Den ire amâ bunjeâk hârok âlepje luâk hârok den ire âlepje nângâwaigât dâp tatâp. ⁶ Bâin. Nâje kotje siâ siâ hârok ketugum meteân. Nâjeak ulikñan nâjeak hami. Nâ kotje siâ siâ hârokgât keije akto nâ âi keije keije ketuguân are hârok meteân. Dâ luâk âmbâle bikne tugât nângâwai amâ âlepje nâje okot âlepgât manman âlepje aregât tu yengire nembiâ han biwiyenje âlepje akbiap. Amâ hâu bâlâk. ⁷ Akto nângât kâmot kârikne akmâ biwiyenje damunje akbai amâ âlepje kotje siâ siâ irakje membai. Akto nâje yâk yengât damunyeje akto amboyenje akmâ nan baratlupne dâm yengonbian. ⁸ Dâ luâk âmbâle bikne mitigât gasa hamep akmâ kotne mem heambukmai are akto biwiyenje nângâlân bo katmai are akto dâp gulip manmai are akto kuk akmâ

yengumbiâ momai are akto sim sait memai are akto lâpiogât kotje mem agatmai are akto den hianjim makmai are hârok amâ kâlâp humo om yemap ain gem hâk hilâlâm nângâm manmâ âgâwai. Ire amâ momo dâp lâuwâje.” dêep.

Yerusalem irakje.

⁹ Akto anelo siâje nângâlân togoep. Amâ anelo 7 kundat bâlinande luâk âmbâle hâmbâi hilip yenguwai aregât kondo 7 are meyi are yengâlân gâtje konok arekne hin dâm maknijep, “Gamenâ Lamagât dâtâje Lamañe memberâp are hekat giñdere ek.” dêep. ¹⁰ Hain dâmbo Heak âlepñande kautnân mendo anelo arekne lokonekmâ borâje humo kâkâlep ain kat negep. Ain kat nekto kindere Yerusalem kepia himbim hepunmâ giep are hekat niñdo egân. Kepia ire amâ Anutuje ketugum kato âlepje akmâ giep. ¹¹ Akto Anutugât pagaleje amâ kepia ain pagalemap. Pagaleje amâ goli puliñe humo hainare akto dunju pagaleje hainare. ¹² Kepia aregât pekeje amâ kâlep ain amâ hâñgi 12 talep akto anelo 12 arekne hâñgi damunje kinmai. Akto Israe luâk âmbâle kâmot 12 are yengât kotyeje amâ hâñgi ârândâj tatmap. ¹³ Akto hâñgi amâ hin kinmai. Dewutâ gaganângen amâ hâñgi âlâwu. Akto dewutâ gemawângen hâñgi âlâwu akto biken siâ âlâwu akto biken bânje âlâwu. ¹⁴ Dâ kepia aregât pekeje amâ kât 12 amukne are mem kârikne ketuguâkgât tatmai. Akto kât ain Lamagât Aposololupje are yengât kotyeje amâ ain tatmap.

Yerusalem irakje aregât towatje egep.

¹⁵ Anelone wan me wan are makniñdo ektere arekne kâli siâ goli are amâ kepia are dop memegât akto hâñgi akto pekejaet dop memegât miep. ¹⁶ Anelo arekne ikinje kâli arekne Yerusalem irakje are dop koep. Dop kondo tungune akto parâje akto bin binje amâ dopje konokgât amâ 12,000. ¹⁷ Akto pekeje aregât dopje amâ 144 dopje amâ luâkne dop siâ siâ memai hainare anelo arekne peke are dop miep. ¹⁸ Akto peke amâ kât kotje Yasipa golâ golâ dondâje arekne ketuguep. Akto kepia dâpje amâ goliñe ketuguep. Akto are amâ

dunġuġe hin pagalem yemap. ¹⁹ Kepia areġât kât hambu âmâ Anutuġe kât puliġe humo arekġe ketuguep. Hambo ulik gulik âlepġe kepia areġât amukġe pekeġe amâ kât kau kau. Dâ lâuwâġe amâ kât gâme gâme. Dâ âlâwuġe amâ golâ golâ. Dâ imbâtġe amâ golâ kâtok metok. ²⁰ Dâ momerâkġe amâ gilâm akto kau kau hutbit. Akto areġât hamiġân âmâ gilâm gilâm. Akto hamiġân amâ gilâm hâmokġande. Akto hamiġân gâwu hain arekġe, hamiġân bâik bâikġe, hamiġân gilâm akto golâ hutbit, hamiġân hep hinare. Dâ bânġe amâ hâmokġe. ²¹ Akto hânġi 12 amâ kau kau amâ donet kotdâ humo delem hinare pagaleġe âlepġe arekġe kulemgoep. Dâ hânġi siâ âmâ delem humo konok arekġe kulemgoep. Akto kepia areġât dâp amâ goliâk hârok irakġeâk âlep âlepġe dunġu hinare. ²² Akto areġât kepia ain Anutu humo kârikġe talaġmap are akto Lama arekġe sumbe kat kat emet akyeġimâp areġât Sumbe emet bo tatmap akto bo egân. ²³ Akto Anutugât pagaleġandeak pagalem yemap. Akto dâpġât kemdâ amâ lama arekġe pagaleġe akmap. Areġât kepia ain amâ dewutâ hilâmġât akto hândâkġât lâuwâ are pagaleġaet âi bo memandat. ²⁴ Akto kepia are pagalembo areġât pagaleġân luâk âmbâle hânġe hânġe manmai are ekbai. Akto hânġât kembuġe âmâ puliyeġe mem ain tatbai. ²⁵ Dâ hânġi âmâ bo tigiwai. Akto hândâkġe âmâ kepia are bo tigiwiap. ²⁶ Akto luâk âmbâle hânġe hânġe manmai arekġe puliyeġe me kotġe siâ siâyeġe are mem miawakmâ kâlegen âġâm katbai. ²⁷ Dâ kotġe siâ siâ bâleġe me luâk âmbâle bâleġe akmai me den hianġi makmai are âmâ ain bo âġâwai. Ulikġân lama arekġe manman âlepġaet kulem esenġân luâk âmbâle bikġe kotyeġe kulemgoep arekġeâk amâ âlepġe kepia are kâlegen âġâm manmâ âġâwai.

22

Manmangât tu akto manmangât lâwin yetġât den.

¹ Akto aġelo arekġe manman âlepġaet tu humo hekat niġdo egân. Tu amâ dunġu pagaleġe hinare. Amâ Anutugât tat

tatġânba akto Lamagât tat tatġânba togom yemap. ² Ainba togom kepia humo areġât tânâmġânba togom gem yemap. Akto tu areġât ġinġânġen bikġe bikġe amâ manman âlepġaet lâwin kinmâ arimap. Arekġe bunġe yemap amâ dewutâ 12 hârogâkġât, dewutâ siâġât bunġe siâ akto dewutâ siâġât bunġe siâ hainare yemap. Dâ lâwin esenġe amâ luâk âmbâle kâmotġe kâmotġe hânġe hânġe manmai are heġgem yeġguwiapġât yemap. ³ Dâ kotġe siâ siâ Anutuġe hâkân akmap are âmâ hârok bo akbiap. Akto lâuwâġe bo miawakbiap. Akto Anutugât tat tatġân akto Lamagât tat tatġân tatbiandat ain âmâ hoġ bawalupġande hoġ aġaġbai. ⁴ Akto luâk âmbâle ain kinbai amâ Humoyeġaet enem dewunġe ekbai. Akto areġât yâkġe âmâ iġiġe kotġe meteyeġân kulemġowiap. ⁵ Akto kepia ain âmâ hândâk lâuwâġe bo miawakbiap. Akto Anutu Humoyeġe yâkġe iġiġaet pagaleġe yeġgiwiap areġât dewutâ pagaleġe are lâuwâġe bo miawakbiap. Akto kemdâġe sagombiâ bo ombiap. Akto luâk âmbâle arekġe âmâ bikġe damunġe akmâ mem tatmâ âġâwai.

Yesu togowiapġât den.

⁶ Akto Aġelo arekġe hin dâm makniġep, “Den ire âmâ bunġeâk hârok. Akto imâ âlepġe Anutu humoġe Propetelupġe tân yeġgumâp arekġe hoġ bawane Yohane are nânġât dâm huġgun niġdo wan me wan miawakbiap are hekat ġinġdere ektât.” dâep.

⁷ Akto Yesu arekġe hin dâep, “Nânġât. Nâmâ dowâk togowian. Akto ye kulem ire oyaġmâ nânġâm lokom manbai âmâ âlepġe Anutuġe tân yeġgumbo heroġe akmâ manbai.” dâep.

⁸ Akto nâmâ Yohane. Nâmâ den ire nânġâm âmâ kotġe siâ siâ ire ekmâ meteân. Ekmâ nânġâm metere aġeloġe wan me wan hekat niġep areġât kotġe mem agatberâm pâwutne ligim keiġân kânġoân. ⁹ Hain aktere hin dâm makniġep, “Woe, hepun. Nâmâ gâ hinare. Net Anutu hoġ bawa aġaġmaet. Gâ akto galalupġe âi yeġe amâ Propete akto kulem esenġe ireġât den loko- mai nen hârok amâ dop konok akmâ Anutu hoġ bawa aġaġmaen. Areġât Anutu iġiġeâk mepai mem ulilaġ.”

¹⁰ Akto sop humo tâlâguâp aregât gâ Anutugât den ire âmâ kulemân iren tato bo heambukbiat akto bo gangerâwiat.

¹¹ Aregât bâleje meme siâ bâleje memberâm âmâ âlepje meâk. Dâ helenj hengân olop manberâm âmâ âlepje malâk. Dâ agak meme âlepje mendo Anutuje ekto ârândânj akmapje âlepje agak meme âlepjeâk meâk. Dâ han kau manmapje âlepje hainâgâk membiâp.

¹² Akto hain dâm makniņdo Yesuje hin dâm makniņep, “Nâmâ dowâk togowian. Nâje wan me wan luâk âmbâle hânân meyi aregât hâuje yenjiwian.

¹³ Nâ nunagâk ulikjân akto nâ nunagâk hami. Akto nâ ulikjânbak manmâ gan. Akto manmâ âgâwian. Nâmâ siâ siâgât keiņe akto kautje. Akto wan me wan ketugu yegân are hârok mem metewian.

¹⁴ Akto luâk âmbâle sângumyeje pulim manmâ âgâmbiâ âmâ âlepje meme akyengire kepia humogât hânjiân âlepje âgâm manman âlepjaet lâwin koaņe nem ârândânj manmâ heronje akmâ âgâwai.

¹⁵ Dâ kepia hâkņângen manbai âmâ luâk âmbâle dua hainare akbai, yâkņe sait me wan me wan membai akto dâp gulip akmâ manmai, akto lâpio yengât nânġâmbiâ âgâ âgâņe akmap akto agak meme bâleje aregât egâlianmâ watmai are hârok âmâ Anutugât kepia are hâkņângen tatmâ manbai.

¹⁶ Nâ Yesu, nâje Anelone huņgun anđere togom den ire hekat yenjiâp. Amâ nânġât kâmot are yenjiwengât. Nâmâ Dawidigât hakuņe. Akto nâ diâ kâmņe gamap hainare.” dâep.

¹⁷ Yesuje hain dâm makniņdo Anutugât Heakņe akto Lamagât dâtâņe arekņe hokboâk hokboâk hin dâmandat, “Yesu dowâk miawakmâ geâk.” Aregât luâk âmbâle bikņe den ire nânġâwai âmâ hainâk makbai, “Yesu miawakmâ geâk.” Akto siânbaņe tugât nânġâm âmâ âlepje arim âmâ manman âlepjaet tu egâlianmap aregât âlepje hâu bâlâk yân mem nem manmâ âgâwai.

Yohanenje minao den magep.

¹⁸ Akto nâje hin dâwe, Luâk siâņe den iregât dewatim den siâ makbiap âmâ wâuk, Anutuje siâ siâ bâleje akto kundat Anutuje magep kulem esenje iren yu kulemgoân are amâ Anutuje luâk me âmbâle

aregâlân mendugum waņdo mem bâliwiâp.

¹⁹ Dâ luâk siâ kulem esenje ire potatmâ hârewiap amâ bâin Anutuje makto manman âlepjaet lâwinânba sot bikņe bo mem nemiap. Akto yâk âmâ kepia âlepjân ire bo tatbiap. Kulem esenje irekņe aregât maktâp.

²⁰ Akto den ire ekmâ, Amâ bunje dâmap yâkņe hin dâmap, “Nâ makyengire nânġâņet. Nâ dowâk togowian.” dâmap. A bundâk. Aregât âlepje Yesu Humo gâ togo.

²¹ Akto Yesu Humo aregât kambiam âlep arekņe nen okot âlep nânġâ nengim damunnenje agâk. Bâin.

Read the New Testament daily

January

date	Scripture
1	Mataio 1:1-2:12
2	Mataio 2:13-3:6
3	Mataio 3:7-4:11
4	Mataio 4:12-25
5	Mataio 5:1-26
6	Mataio 5:27-48
7	Mataio 6:1-24
8	Mataio 6:25-7:14
9	Mataio 7:15-29
10	Mataio 8:1-17
11	Mataio 8:18-34
12	Mataio 9:1-17
13	Mataio 9:18-38
14	Mataio 10:1-23
15	Mataio 10:24-11:6
16	Mataio 11:7-30
17	Mataio 12:1-21
18	Mataio 12:22-45
19	Mataio 12:46-13:23
20	Mataio 13:24-46
21	Mataio 13:47-14:12
22	Mataio 14:13-36
23	Mataio 15:1-28
24	Mataio 15:29-16:12
25	Mataio 16:13-17:9
26	Mataio 17:10-27
27	Mataio 18:1-22
28	Mataio 18:23-19:12
29	Mataio 19:13-30
30	Mataio 20:1-28
31	Mataio 20:29-21:22

date	Scripture
1	Mataio 21:23-46
2	Mataio 22:1-33
3	Mataio 22:34-23:12
4	Mataio 23:13-39
5	Mataio 24:1-28
6	Mataio 24:29-51
7	Mataio 25:1-30
8	Mataio 25:31-26:13
9	Mataio 26:14-46
10	Mataio 26:47-68
11	Mataio 26:69-27:14
12	Mataio 27:15-31
13	Mataio 27:32-66
14	Mataio 28:1-20
15	Mareko 1:1-28
16	Mareko 1:29-2:12
17	Mareko 2:13-3:6
18	Mareko 3:7-30
19	Mareko 3:31-4:25
20	Mareko 4:26-5:20
21	Mareko 5:21-43
22	Mareko 6:1-29
23	Mareko 6:30-56
24	Mareko 7:1-23
25	Mareko 7:24-8:10
26	Mareko 8:11-9:1
27	Mareko 9:2-29
28	Mareko 9:30-10:12

February

March

date	Scripture
1	Mareko 10:13-31
2	Mareko 10:32-52
3	Mareko 11:1-26
4	Mareko 11:27-12:17
5	Mareko 12:18-37
6	Mareko 12:38-13:13
7	Mareko 13:14-37
8	Mareko 14:1-21
9	Mareko 14:22-52
10	Mareko 14:53-72
11	Mareko 15:1-47
12	Mareko 16:1-20
13	Luka 1:1-25
14	Luka 1:26-56
15	Luka 1:57-80
16	Luka 2:1-35
17	Luka 2:36-52
18	Luka 3:1-22
19	Luka 3:23-38
20	Luka 4:1-30
21	Luka 4:31-5:11
22	Luka 5:12-28
23	Luka 5:29-6:11
24	Luka 6:12-38
25	Luka 6:39-7:10
26	Luka 7:11-35
27	Luka 7:36-8:3
28	Luka 8:4-21
29	Luka 8:22-39
30	Luka 8:40-9:6
31	Luka 9:7-27

date	Scripture
1	Luka 9:28-50
2	Luka 9:51-10:12
3	Luka 10:13-37
4	Luka 10:38-11:13
5	Luka 11:14-36
6	Luka 11:37-12:7
7	Luka 12:8-34
8	Luka 12:35-59
9	Luka 13:1-21
10	Luka 13:22-14:6
11	Luka 14:7-35
12	Luka 15:1-32
13	Luka 16:1-18
14	Luka 16:19-17:10
15	Luka 17:11-37
16	Luka 18:1-17
17	Luka 18:18-43
18	Luka 19:1-27
19	Luka 19:28-48
20	Luka 20:1-26
21	Luka 20:27-47
22	Luka 21:1-28
23	Luka 21:29-22:13
24	Luka 22:14-34
25	Luka 22:35-53
26	Luka 22:54-23:12
27	Luka 23:13-43
28	Luka 23:44-24:12
29	Luka 24:13-53
30	Yohane 1:1-28

date	Scripture
1	Yohane 1:29-51
2	Yohane 2:1-25
3	Yohane 3:1-21
4	Yohane 3:22-4:3
5	Yohane 4:4-42
6	Yohane 4:43-54
7	Yohane 5:1-23
8	Yohane 5:24-47
9	Yohane 6:1-21
10	Yohane 6:22-40
11	Yohane 6:41-71
12	Yohane 7:1-29
13	Yohane 7:30-52
14	Yohane 7:53-8:20
15	Yohane 8:21-30
16	Yohane 8:31-59
17	Yohane 9:1-41
18	Yohane 10:1-21
19	Yohane 10:22-42
20	Yohane 11:1-53
21	Yohane 11:54-12:19
22	Yohane 12:20-50
23	Yohane 13:1-30
24	Yohane 13:31-14:14
25	Yohane 14:15-31
26	Yohane 15:1-27
27	Yohane 16:1-33
28	Yohane 17:1-26
29	Yohane 18:1-24
30	Yohane 18:25-19:22
31	Yohane 19:23-42

date	Scripture
1	Yohane 20:1-31
2	Yohane 21:1-25
3	Aposolo 1:1-26
4	Aposolo 2:1-47
5	Aposolo 3:1-26
6	Aposolo 4:1-37
7	Aposolo 5:1-42
8	Aposolo 6:1-15
9	Aposolo 7:1-29
10	Aposolo 7:30-50
11	Aposolo 7:51-8:13
12	Aposolo 8:14-40
13	Aposolo 9:1-25
14	Aposolo 9:26-43
15	Aposolo 10:1-33
16	Aposolo 10:34-48
17	Aposolo 11:1-30
18	Aposolo 12:1-23
19	Aposolo 12:24-13:12
20	Aposolo 13:13-41
21	Aposolo 13:42-14:7
22	Aposolo 14:8-28
23	Aposolo 15:1-35
24	Aposolo 15:36-16:15
25	Aposolo 16:16-40
26	Aposolo 17:1-34
27	Aposolo 18:1-21
28	Aposolo 18:22-19:12
29	Aposolo 19:13-41
30	Aposolo 20:1-38

date	Scripture
1	Aposolo 21:1-16
2	Aposolo 21:17-36
3	Aposolo 21:37-22:16
4	Aposolo 22:17-23:10
5	Aposolo 23:11-35
6	Aposolo 24:1-27
7	Aposolo 25:1-27
8	Aposolo 26:1-32
9	Aposolo 27:1-20
10	Aposolo 27:21-44
11	Aposolo 28:1-31
12	Roma 1:1-17
13	Roma 1:18-32
14	Roma 2:1-24
15	Roma 2:25-3:8
16	Roma 3:9-31
17	Roma 4:1-12
18	Roma 4:13-5:5
19	Roma 5:6-21
20	Roma 6:1-23
21	Roma 7:1-14
22	Roma 7:15-8:6
23	Roma 8:7-21
24	Roma 8:22-39
25	Roma 9:1-21
26	Roma 9:22-10:13
27	Roma 10:14-11:12
28	Roma 11:13-36
29	Roma 12:1-21
30	Roma 13:1-14
31	Roma 14:1-23

date	Scripture
1	Roma 15:1-21
2	Roma 15:22-16:7
3	Roma 16:8-27
4	1 Korinti 1:1-17
5	1 Korinti 1:18-2:5
6	1 Korinti 2:6-3:4
7	1 Korinti 3:5-23
8	1 Korinti 4:1-21
9	1 Korinti 5:1-13
10	1 Korinti 6:1-20
11	1 Korinti 7:1-24
12	1 Korinti 7:25-40
13	1 Korinti 8:1-13
14	1 Korinti 9:1-18
15	1 Korinti 9:19-10:13
16	1 Korinti 10:14-11:1
17	1 Korinti 11:2-16
18	1 Korinti 11:17-34
19	1 Korinti 12:1-26
20	1 Korinti 12:27-13:13
21	1 Korinti 14:1-17
22	1 Korinti 14:18-40
23	1 Korinti 15:1-28
24	1 Korinti 15:29-58
25	1 Korinti 16:1-24
26	2 Korinti 1:1-11
27	2 Korinti 1:12-2:11
28	2 Korinti 2:12-17
29	2 Korinti 3:1-18
30	2 Korinti 4:1-12
31	2 Korinti 4:13-5:10

date	Scripture
1	2 Korinti 5:11-21
2	2 Korinti 6:1-13
3	2 Korinti 6:14-7:7
4	2 Korinti 7:8-16
5	2 Korinti 8:1-15
6	2 Korinti 8:16-24
7	2 Korinti 9:1-15
8	2 Korinti 10:1-18
9	2 Korinti 11:1-15
10	2 Korinti 11:16-33
11	2 Korinti 12:1-10
12	2 Korinti 12:11-21
13	2 Korinti 13:1-14
14	Galatia 1:1-24
15	Galatia 2:1-16
16	Galatia 2:17-3:9
17	Galatia 3:10-22
18	Galatia 3:23-4:20
19	Galatia 4:21-5:12
20	Galatia 5:13-26
21	Galatia 6:1-18
22	Epeso 1:1-23
23	Epeso 2:1-22
24	Epeso 3:1-21
25	Epeso 4:1-16
26	Epeso 4:17-5:2
27	Epeso 5:3-33
28	Epeso 6:1-24
29	Pilipi 1:1-26
30	Pilipi 1:27-2:18

date	Scripture
1	Pilipi 2:19-3:6
2	Pilipi 3:7-4:1
3	Pilipi 4:2-23
4	Kolosai 1:1-20
5	Kolosai 1:21-2:7
6	Kolosai 2:8-23
7	Kolosai 3:1-17
8	Kolosai 3:18-4:18
9	1 Tesalonike 1:1-2:9
10	1 Tesalonike 2:10-3:13
11	1 Tesalonike 4:1-5:3
12	1 Tesalonike 5:4-28
13	2 Tesalonike 1:1-12
14	2 Tesalonike 2:1-17
15	2 Tesalonike 3:1-18
16	1 Timoteo 1:1-20
17	1 Timoteo 2:1-15
18	1 Timoteo 3:1-16
19	1 Timoteo 4:1-16
20	1 Timoteo 5:1-25
21	1 Timoteo 6:1-21
22	2 Timoteo 1:1-18
23	2 Timoteo 2:1-21
24	2 Timoteo 2:22-3:17
25	2 Timoteo 4:1-22
26	Tito 1:1-16
27	Tito 2:1-14
28	Tito 2:15-3:15
29	Pilemonj 1:1-25
30	Hebraio 1:1-14
31	Hebraio 2:1-18

date	Scripture
1	Hebraio 3:1-19
2	Hebraio 4:1-13
3	Hebraio 4:14-5:14
4	Hebraio 6:1-20
5	Hebraio 7:1-19
6	Hebraio 7:20-28
7	Hebraio 8:1-13
8	Hebraio 9:1-10
9	Hebraio 9:11-28
10	Hebraio 10:1-18
11	Hebraio 10:19-39
12	Hebraio 11:1-16
13	Hebraio 11:17-31
14	Hebraio 11:32-12:13
15	Hebraio 12:14-29
16	Hebraio 13:1-25
17	Yakobo 1:1-18
18	Yakobo 1:19-2:17
19	Yakobo 2:18-3:18
20	Yakobo 4:1-17
21	Yakobo 5:1-20
22	1 Petoro 1:1-12
23	1 Petoro 1:13-2:10
24	1 Petoro 2:11-3:7
25	1 Petoro 3:8-4:6
26	1 Petoro 4:7-5:14
27	2 Petoro 1:1-21
28	2 Petoro 2:1-22
29	2 Petoro 3:1-18
30	1 Yohane 1:1-10

date	Scripture
1	1 Yohane 2:1-17
2	1 Yohane 2:18-3:2
3	1 Yohane 3:3-24
4	1 Yohane 4:1-21
5	1 Yohane 5:1-21
6	2 Yohane 1:1-13
7	3 Yohane 1:1-14
8	Yuda 1:1-25
9	Den hulanj agep 1:1-20
10	Den hulanj agep 2:1-17
11	Den hulanj agep 2:18-3:6
12	Den hulanj agep 3:7-22
13	Den hulanj agep 4:1-11
14	Den hulanj agep 5:1-14
15	Den hulanj agep 6:1-17
16	Den hulanj agep 7:1-17
17	Den hulanj agep 8:1-13
18	Den hulanj agep 9:1-21
19	Den hulanj agep 10:1-11
20	Den hulanj agep 11:1-19
21	Den hulanj agep 12:1-18
22	Den hulanj agep 13:1-18
23	Den hulanj agep 14:1-20
24	Den hulanj agep 15:1-8
25	Den hulanj agep 16:1-21
26	Den hulanj agep 17:1-18
27	Den hulanj agep 18:1-24
28	Den hulanj agep 19:1-21
29	Den hulanj agep 20:1-15
30	Den hulanj agep 21:1-27
31	Den hulanj agep 22:1-21

December